

*image  
not  
available*









IVSTI HENNINGII BOEHMERI Icti

POTENTISSIMI BORVSSORVM REGIS QVONDAM A CONSILIIS  
SANCTIORIBVS, REGIMINIS DVCATVS MAGDEBVRGICI  
CANCELLARII, ACADEMIAE FRIDERICIANAE DIRECTORIS,  
ORDINIS ICTORVM PRAESIDIS ET PROFESSORIS IVRIS  
PRIMARI

# EXERCITATIONES AD PANDECTAS

*in quibus praecipua Digestorum capita explicantur,  
antea sigillatim edita, nunc coniunctim secundum  
ordinem Pandectarum digesta,*

CVRA FILII

GEORGII LVDOVICI BOEHMERI D.

POTENTISSIMI MAGNAE BRITANNIAE REGIS AB AVLAE  
CONSILIIS ET ANTECESSORIS IN ACADEMIA GEORGIA  
AVGVSTA.



---

TOMVS IV.

GOTTINGAE,

APVD IO. WILH. SCHMID, ACAD. BIBLIOPOL.

c l o c c c l l

18



BENEVOLO LECTORI  
SALVTEM  
GEORGIUS LVDOVICVS BOEHMER.

§. I.

**Q**uarti exercitationum ad Pandectas Voluminis,  
quod iam prodit, prima dissertatio *Pacti de  
non præstanda euictione vindicias*, a B. Parente a-  
cto 1000xxxv. susceptas, complectitur. Cum ple-  
rique Icti in ea fuerint opinione, ita pactum illud  
esse accipiendum, vt eius tantum, *quod interest*, præ-  
statio, non vero *pretii petitio* remissa sit habenda; hæc  
ipsa sententia sub censuram reuocata est in dicta  
dissertatione, pluribusque euictum, interpretes ne-  
glecta curatori *Legis* II. §. 18. *D. de act. emt. vend.*

a 2

confi.



consideratione lapsos esse, ex eiusque veriori interpretatione statuendum, per conuentionem, *ne quid euictionis nomine praestetur, emtionem spei* reuera contrahi, et tum *pretii rei euictae*, tum, *eius quod emtoris interest*, refusionem remitti. Aduersarium nactus est B. Parens FRANCISCVM ALEF, Academiae Heidelbergensis Professorem, qui explosi communis erroris defensionem a. c101000xxxvi. acerbo calamo suscepit in dissertatione, cui titulus: *Veritas communis opinionis circa pactum de non praestanda euictione contra notissimos Böhmerti errores vindicata.* Dubia ab eodem proposita excussi tum iuuenis in REPETITIS VINDICIIS PACTI DE NON PRAESTANDA EVICTIONE, a. c101000xxxvii. Halæ editis. Fecit argumenti vicinitas, vt quod nec Lectori beneuolo ingratum fore existimaui, potiora huius commentationis momenta hoc loco repeterem. Scribenti in manus incidit HERMANNI ZOLLII, Antecessoris quondam Rintelensis, dissertatio ad L. ex emto II. §. ult. D. de Act. Emt. Vend. hoc thema, *quod simpliciter remissa euictione ne quidem ad pretii restitutionem agi possit contra communem sententiam propugnans*, habita Rintelii a. d. I. Sept. c101000ciii. aliquot tantum plagellis constans, quæ nec tum mihi neque B. Parenti ad manus fuit, ex qua eandem sententiam iam tum a Doctissimo

ZOLLIO

ZOLLIO breuiter et docte expositam defensionemque esse, intelligere iucundum fuit; quemadmodum et eadem a literatissimo ICto HENRICO A SVERIN *in repetitis lectionibus iuris ciuilibus cap. XLIII.* eleganter et erudite proposita est.

## §. II.

Ad ipsam controuersia disquisitionem me conuerto, quæ potissimum in pacti, *de non præstanda euictione*, interpretatione versatur. Obseruandum vero, hoc pactum duplici ratione iniri; dum (I) *generaliter et indefinite, nihil euictionis nomine præstitum iri*, conuenitur, vel (II) *specialiter et definite* exprimitur, re euicta, nec eius *pretium*, nec id, *quod interest*, deberi. De pacto, in *posteriori* sensu sumto, non intercedit dissensio: huic enim conuentioni standum, nec quidquam, re euicta, euictionis nomine repeti posse, omnes largiuntur. Omnis controuersia in pacto generali, *nihil euictionis nomine præstitum iri*, et in ea quæstione versatur, quid per illud pro remisso sit habendum? Plerique in ea sunt sententia, non obstante isto *pacto remissorio generali*, actione emti repeti adhuc *pretium* posse, quam opinionem etiam aduersarius tuetur. Contrarium tuitus est B. PARENS in *citata dissertatione*, *pretii* videlicet et eius, quod *interest*, petitionem ex mente VLPIANI hoc pacto esse remissam.

remissam. Sententiæ fundamentum primo in euidentissimo illo iuris naturæ et ciuilis principio collocauit, ea, quæ pactis conuenerunt, sanctissime esse seruanda. Quandoquidem vero pactum, *nihil euictionis nomine præstitum iri*, omnis illius, quidquid ad euictionis præstationem pertinet, petitionem excludit: omnis omnino euictionis præstatio remissa est censenda, nec, salua pacti fide, rei euictæ pretium repeti potest. Principem deinde huius *argumenti* decisionem ex *l. II. §. 18. de actione emti venditi* repetiit, in qua *VLPIANVS*, legis auctor, iurisconsulti *IVLIANI* sententiam refert; prout ex vtriusque *ICTI* verbis, diuersis typis distinctis, manifesto apparet.

Qui habere licere vendidit, videamus quid debeat præstare? et multum interesse arbitror, vtrum hoc polliceatur, *PER SE VENIENTESQVE A SE PERSONAS NON FIERI, QVO MINVS HABERE LICEAT, AN VERO PER OMNES?* Nam si per se, non videtur præstare, ne alius euincat. Proinde si euicta res erit, siue stipulatio interposita est, ex stipulatu non tenebitur, siue non est interposita, ex emto non tenebitur. Sed *IVLIANVS* lib. *XV. Digestorum* scribit: *etiamsi aperte venditor pronunciet, PER SE HEREDEMQVE SVVM NON FIERI, QVO MINVS HABERE LICEAT, posse defendi,*



*defendi, ex emto eum quidem in hoc non teneri, quod emtoris interest; verum, ut pretium reddat, teneri. Ibidem ait, idem esse dicendum, etsi aperte in venditione comprehendatur, NIHIL EVICTIONIS NOMINE PRAESTATUM IRI, pretium quidem deberi re evicta, utilitatem non dari. Neque enim bonae fidei contractus hanc patitur conventionem, ut emtor rem amitteret, et pretium venditor retineret: nisi forte (inquit) sic quis OMNES ISTAS SUPRA SCRIPTAS CONVENTIONES recipiet, quemadmodum recipitur, ut venditor nummos accipiat, quamvis merx ad emptorem non pertineat, veluti cum futurum iactum retis a piscatore emimus, aut indaginem plagis positus a venatore, aut panthera ab aucupe; nam etiamsi nihil capit, nihilominus emtor pretium praestare necesse habebit. Sed in SUPRA SCRIPTIS CONVENTIONIBUS contra erit dicendum, nisi forte sciens alienum vendit; tunc enim, secundum supra a nobis relatam Iuliam sententiam, dicendum est, ex emto eum teneri, quia dolo facit.*

*Vtriusque iurisconsulti sententiam eadem, qua hoc loco diverso caractere distincta est, ratione discernit FRANCISCUS ALEF; ideoque in hoc convenimus.*

## §. III.

Cum omne controuersiae momentum in accurata *huius legis* interpretatione positum sit: ad eius mentem, eo penitus eruendam, illustrationis ergo, quaedam praemittenda sunt. *Principio* emtoribus olim familiare ac solenne fuit, venditorem, ad promittendum, *rem habere licere*, vel *pacto* adiecto constringere, vel speciali interposita *stipulatione*; id quod illustant conuentionum formulae a BARNABA BRISSONIO a) diligenter collectae. Vtriusque casus mentionem IVRISCONSULTVS in *cit. l. II. §. 18.* iniicit, qui, *siue stipulatio, inquit, est interposita, ex stipulatu non tenebitur; siue non est interposita, ex emto non tenebitur.* Eandem deinde vim et potestatem habent formulae *promittere, rem habere licere, et euictionis praestationem spondere.* Nam ex quo res vendita euincitur, illam habere amplius non licet; idque promittens venditor, emtori, cui rem habere non licet, ad praestandam *euictionem* obligatur. Quamuis autem generaliori sensu et is, rem habere non licere, dicatur, cui res emta quacunque ratione veluti casu fortuito abest, vtpote

a) *De formulis et solennibus populi Rom. verbis lib. VI. n. LI. p. 483. conf. L. 38. D. de verb. obligat.*

utpote si servus aufugit *b*): istius tamen formulae *primarius significatus* est, ubi rem emptori habere non licet propter *evictionem*, ab alio factam. Perspicue eam in rem POMPONIVS, *nihil interest*, inquit, *quo genere iudicii evincatur, ut mihi habere non liceat c*). Vnde Iulianus Lib. XLIII. *eleganter definit, duplae stipulationem tunc committi, quotiens res ita amittitur, ut eam emptori habere non liceat propter ipsam evictionem d*). Id ipsum IVRISCONSULTVS in *l. cit. II.* indigitat, pactum, rem habere licere, emptioni adiectum, ita explicans: *multum interesse arbitror, utrum hoc polliceatur; per se venientesque a se personas non fieri quo minus habere liceat: an vero per omnes?* Mox vero addit: *nam si per se, non videtur prestare, ne alius evincat.* Qui ergo promittit, *per se non fieri, quo minus rem habere liceat, prestare debet evictionem tantum de suo vel heredis facto, non de alterius. Denique illud quoque observandum, emptionem vel rei vel spei esse.* In illa res certa ita in contractum deducitur, ut emptoris intentio ad rem praestandam *abscisse* restricta sit; unde obligatio venditoris, ut rem habere licere praestet, descendit. In hac vero de re incerta, cuius *acquisitio ab incerto eventu*

pen-

*b*) L. 21. §. 3. D. de evictionibus. *c*) L. 34. §. 1. cod. *d*) Verba sunt ULPIANI in cit. L. 21. §. 1.

pendet, contrahitur, ac proinde non id agitur, ut rem præcise habere liceat, sed emtio est, etiamsi eventu merx defecerit *e*), cum emtor spei in pretium soluendum consentiat, siue res emta ei acquiratur, siue deficiente euentu non acquiratur. Falsum itaque est *τὰ rem habere licere* ad emtionis *essentiam* pertinere.

## §. IV.

Iam ad sententiam VLPIANI. In vna emtionis formula explicanda occupatus sic rationes init: *Qui habere licere vendidit, videamus, quid debeat præstare? Et multum interesse arbitror, utrum hoc polliceatur: PER SE VENIENTESQVE A SE PERSONAS NON FIERI, QVO MINVS HABERE LICEAT: AN VERO PER OMNES? Nam si per se, non videtur præstare, ne alius euincat. Inde vero hunc consequentiæ nexum ducit: Proinde si cuius res erit, siue stipulatio interposita est, EX STIPVLATV NON TENEBITVR; siue non est interposita, EX EMTO NON TENEBITVR.* Generaliter decidit, omnem cum ex *emto* tum ex *stipulatu* actionem deficere, ideoque simul docet, ne *pretium* quidem repeti posse, quod non aliter peti, quam ex alterutra, potuisset. *f*) Haec est de-

*e*) L. 8. §. 1. D. de contrab. emt. vend.

*f*) Vim huius argumenti quoque obseruauit HERMANNVS ZOLLIVS in diff.

decisio **VLPIANI**, haec eius vera sententia, qua probat, si alius euicerit, venditorem ab omni actione esse tutum, ut ne *ex emto* quidem conueniri possit, quod tamen admittendum esset, si *pretii refusionis petitio* adhuc superesset. Quod si postea **EX IULIANI**, sententia contrarium decidisset **VLPIANVS**: sibi met ipsi contradixisset. Sunt omnino contradictoria: *teneri venditorem ex emto ad pretium refundendum, eumque non teneri*. In adductis autem verbis, venditorem *ex emto teneri*, absolute negat; idque positue decidit: *non tenebitur*. Haec sententia **VLPIANI**. Sequitur *ratio dubitandi*, ab eodem adducta; id quod integer contextus, ex **IULIANO** desumptus, docet, cuius sententia fuerat: ad pretium refundendum *ex emto actionem* omnino superesse, quod *in totum* negauerat **VLPIANVS**. **IULIANI** orationem ipsam, seu orationis saltem eius sententiam, prout opinatur **HENRICVS A SVERIN g)**, sic recenset **VLPIANVS**: *Etiam si aperte*

*ven-*

*diff. ad L. ii. §. ult. D. de act. emt. vend. qui, Vlpianus inquit, hoc casu, quo emptor euictionem remisit exceptis certis personis, et res ab alio non excepto euincitur, omnem actionem siue ex stipulatu siue ex emto ei contra venditorem denegat. Idem etiam docet Scauola in l. 69. pr. D. de euict. ubi dicit, si quis hominem vendat et in venditio-*

*ne dicat, se ob libertatis causam nolle teneri de euictione, et ille homo vel tempore traditionis liber fuerit, vel postea liber factus sit, cum ulterius euictionis nomine non teneri.*

*g) In repetitis lectionibus iuris civilis cap. XLIII., quae exstant in thesaur. iur. Rom. T. IV. p. 89.*

*venditor pronunciet: PER SE, HEREDEMQUE SVVM NON FERI, QVO MINVS HABERE LICEAT, posse defendi, ex emto eum quidem in hoc non teneri, quod emtoris interest; verum ut pretium reddat, teneri, Ibidem ait: idem esse dicendum, cisi aperte in venditione comprehendatur: NIHIL EVICTIONIS NOMINE PRAESTATVM IRI, pretium quidem deberi re euicta; utilitatem non deberi. Neque enim bonæ fidei contractus hanc patitur conventionem, ut emtor rem amitteret, et venditor pretium retineret: nisi forte, inquit, sic quis OMNES ISTAS SVpra SCRIPTAS CONVENTIONES recipiet, quemadmodum recipitur, ut venditor nummos accipiat; quamvis merx ad emtorem non pertineat: Velut cum futurum iaculum retis a piscatore emimus, aut indagine, plagis positus, a venatore, aut panthera ab aucupe: nam etiamsi nihil capit, nihilominus emtor pretium præstare necesse habebit. Nemo non videt, aduersas et secum pugnantes esse sententias VLPiani et IULIANI. Ille actioni ex emto locum esse negat, quod IULIANVS affirmat. In hoc enim status controuersiae et totius quaestionis cardo mouebatur. Actionis ex stipulatu nullam mentionem iniicit IULIANVS, nec de eadem contendebatur. Cum enim stricti iuris esset, nec vltra ea, quam quæ in stipulationis formula expressis verbis conuenta erant, compete-*

peteret: neganda vel ideo esse videbatur, quoniam in generali euictionis præstationis remissione, *actio ad pretium rei euictæ repetendum*, nominatim haud erat excepta, *b*). De sola *actione ex emto*, si eiusmodi *pactum* emtioni esset adiectum, contendebatur, quam competere, VLPPIANVS negat, IVLIANVS affirmat. Quodsi ergo in ultimis *cit. leg.* mox referendis verbis IVLIANI sententiam amplexus fuisset VLPPIANVS; eodem loco duas contradictorias statuisset sententias, quarum prima est: *ex emto non tenebitur*; altera vero: *ex emto tenebitur ad pretii refusionem*. Si ad pretium repetendum superesset *emti actio*, falsa fuisset decisio VLPPIANI, generaliter eam excludentis: si prior sententia in tuto collocanda loco; falsa omnino censenda IVLIANI sententia. *Iurisconsulto*, quem *Coryphaeum legum prudentum* appellat MODESTINVS *i*) nemo facile contradictoriâ in eadem oratione imputauerit.

## §. V.

In vna duntaxat conuentionis formula explicanda versatur VLPPIANVS, hac videlicet: *per se venientesque a se personas non fieri, quo minus habere liceat; an vero per omnes?* duas in medium profert IVLIANVS,

B 3

qua-

*b*) l. 99. D. de verb. oblig.*i*) l. 13. §. 2. D. de excus. tut.



quarum altera est: *per se heredemque suum non fieri, quo minus habere liceat*; quæ est vnica VLPIANI; altera: *nihil euictionis nomine præstitum iri*. Posterior etsi IVLIANO ob particulam *nihil* latior priori videretur: in eadem tamen superesse *actionem ex emto* censet, id quod generaliter negauerat VLPIANVS, postea addens; vtriusque conuentionis vnã eandemque esse potestatem. Idem recte obseruat HENRICVS A SVERIN<sup>k)</sup> cuius singulares, quæ ad præsens argumentum ornandum illustrandumque faciunt, obseruationes hic passim inferere, nec iniucundum, nec a re alienum esse puto. *Est ergo, inquit, hæc vera Vlpiani sententia: venditorem, siue pollicitus fuerit, per se venientesque a se personas non fieri, quo minus habere liceat; siue sibi per omnia cauerit conuentione, ne quidquam ratione euictionis præstaret, non teneri, nisi quatenus conuentum sit; nempe in hoc casu ad nullam, in illo autem solummodo ad eam, quæ sese venientesque a se personas contingat, euictionem præstandam*. Vltimo loco vix prætereundum esse videtur, VLPIANVM in hoc quoque a IVLIANI sententia discrepare, quod ille sine hæsitatione <sup>ἐπιστάτης</sup> decidat: *ex emto non tenebitur*: IVLIANVS vero addubitet, quid potius aut quomodo dicat, et ab initio quidem

k) l. c. cap. XLIII. p. 89.



dem mentem vtriusque formulæ hanc actionem admittere, et *defendi posse* asserat, ex emto actionem superesse: mox tamen ostendat, se non sine omni oppositi formidine hoc asseruisse, adeoque addat: *nisi forte* SIC quis OMNES ISTAS SVpra SCRIPTAS CONVENTIONES (h. e. conventionum formulas ad ductas) *recipiet, quemadmodum recipitur, vt venditor nummos accipiat; quamuis merx ad emtorem non pertineat. Veluti cum futurum iactum retis a piscatore emimus, aut indaginem, plagis positis, a venatore, aut panthera ab aucupe: nam etiamsi nihil capit, nihilominus emtor, pretium præstare necesse habebit.* Quibus verbis tantum abest, vt nouam conuentionis formulam designasse IULIANVS videatur; vt potius omnes istas conuentiones *supra scriptas*, seu earum formulas intellexisse sit censendus; prout eius verba expresse declarant, vt sensus sit: *nisi* QVIS FORTE SIC, hoc est, eo sensu, omnes istas *supra scriptas conuentiones recipiet*, hoc est, admittet, accipiet, intelliget *quemadmodum recipitur*, hoc est admittitur conuentio, vt *venditor nummos accipiat, quamuis merx ad emtorem non pertineat.* Appellatio *recipitur* aptissima et in iure vsitatissima est, vt conuentiones *recipi* dicantur, quæ admittuntur et accipiuntur 1) *Re-*  
*ci-*

1) *conf. L. 23. in f. de v. s. et usucap. ibi: neque enim recipi potest, h. e. admitti tolerari, L. 115. §. 2. de*

*Verb. obligat. ibi potest Sabini sententia recipi.*

*cipere ergo omnes supra scriptas conuentiones, est intelligere et accipere has duas conuentiones supra scriptas de emtione spei, primam nimirum, per se heredemque suum non fieri, quo minus habere liceat; alteram vero: nihil euictionis nomine praestitum iri. Hæ solæ fuerant supra scriptæ conuentionum formulæ, de quarum mente quærebatur. IULIANVS cespitabat, easdem de spei emtione intelligendas esse non absolute negans, ideoque in his verbis non facit exceptionem, nec formulam nouam substituit, sed in supra dictis duabus formulis subsistit. Eandem interpretationem sequitur HENRICVS A SVERIN m,) et Tandem, inquit, subiungit dubitationem eiusdem, (Iuliani) qua non improbabiler a priori sententia ut recedatur, moueri quis posset, videlicet quia et alii casus sunt, in quibus venditor nummos accipit, nec tamen venditor mercem consequitur; veluti cum iactus futurus retis emitur a piscatore, aut indago, plagis positus, a venatore, etc. Ex quibus apparet, non penitus aut omnino sensisse Iulianum, veram esse primum a se positam sententiam, sed disputari tamen non improbabiler pro ea posse; idque ex ratione hac, quod bonæ fidei contractus emtio venditio non videatur pati inæqualitatem conuentionis, ut videlicet emtor rem amittat, et vendi-*

m) l. c. cap. XLIII. p. 89.

*ditor pretium retineat: adferi etiam pro vera posse, nisi obflaret sequens ratio, videlicet, quod nouum non sit in iure ciuili, vt emtor rem amittat, nec reddat tamen pretium venditor, veluti in exemplo de iactu futuro retis, indagini, panthera.*

## §. VI.

Tandem VLPPIANVS, sic exposita Iuliani sententia, suum, vt solet, vtque fecit in hac lege aliquoties, adhibet iudicium, priorisque a se datae decisionis memor, qua actionem ex emto repudiavit, eandem repetit his verbis: *sed in SUPRA SCRIPTIS CONVENTIONIBVS contra erit dicendum*, hoc est, contra IVLIANVM asserendum; n) actioni ex emto locum non esse ad pretium refundendum. *Nam manifestum est*, inquit HENRICVS ASVERIN o) *id quod dicitur*, contra dicendum esse, ita necessario accipi debere, quasi contra Iuliani primam sententiam sentiendum sit, nempe qua putauit, dici posse, supra dictas conuentiones, quod ad pretium emtori restituendum,

non

n) Idem iam notauit MERM. ZOLLIVS in cit. diss. §. V. Vlpianus, qui huius L. II. D. de act. emt. vend. conditor est, Iulianum tantum pro ratione dubitandi refert, non autem eius decisionem aut rationem decidendi

approbat, sed potius reprobat et reuocit, eamque non aliter admittit, nisi eo casu, quo venditor sciens rem alienam vendit.

o) l. c. cap. XLIII. in iur. thes. Rom. Tom. IV. p. 89.

C

*non valere; si autem contra eam Iuliani sententiam statuendum est ex sententia Vlpiani, sequetur, etiam necessario hoc statuendum esse, supra dictas conventiones etiam, quod ad pretium attinet, ne id restituatur, valere. Etenim qui refutat alicuius decisionem; eius primariam profecto sententiam, quam prae posteriori elegisse videtur, reiicit, quæ hæc erat: ex emto tenetur ad pretium refundendum; non vero, quam ultimo loco obiter et subdubitans sistebat in verbis: nisi forte quis sic etc. quia IULIANVS hæc non tam de sua, quam de aliorum interpretatione exposuerat. IULLANO itaque aut contradixit VLPIANVS, aut non. Priori casu certum ac manifestum est, ex emto non superesse ad pretium restituendum actionem, quippe quod IULIANVS adfirmaverat. Si vero non contradixit, si eandem cum IULLANO sententiam fouit: sibi ipsi contradixit, cum initio *ὁρισινῶς* et definite asseruerit: ex emto non tenebitur. Quis illud vero de ICTO acutissimo temere affirmauerit? Verum itaque est, contradixisse VLPIANVM IULLANO, eumque in hoc contradixisse, de quo quæstio erat; videlicet; vtrum actio ex emto superesset? in quo discors est vtriusque ICTI sententia. Denique VLPIANVM aperte docere, actioni ex emto locum non esse, limitatio adiecta palam euincit: nisi forsitan sciens alienum vendidit: tunc enim, hoc est, eodem*

demum casu, non alio, *secundum supra a nobis relatam Iuliani sententiam dicendum est*, EX EMTO EVM TENERI, (de quo vnice contendeatur) *quia dolo facit*. Ex quo loco hæc eleganter concludit HENRICVS A SUERIN p): *Nam ex his omnino colligitur in proxime præcedentibus contrarium dici, videlicet non Iuliani sequendam sententiam, nec dicendum esse, ex emto venditorem ad pretium teneri, ut ille voluerat*. Itaque actionem ex emto superesse prorsus negat, præterquam in *unico casu: si venditor dolo fecit*. Quemadmodum huic actioni, pactis adductis non obstantibus, locum *secundum regulam* dederat IULIANVS: ita eandem VLPIANVS *secundum regulam* negat; *actione ex emto in casu tantum excepto* admissa. Ad quid vero actio emti in hoc casu detur, *relatiue* definit, ut paulo post specialius exponemus.

## §. VII.

Tandem si quis cum *Censore* verba: *contra erit dicendum*; ad proxime præcedentia referre malit, ut sensus sit, *non posse in his conuentionum formulis emtionem spei recipi*, id quod sibi IULIANVS obiecerat: VLPIANVS sibi rursus non constaret, quod tunc sensus eius esset:  
*immo*

*immo in supra scriptis conuentionibus non continetur emptio spei, sed secundum decisionem priorem simpliciter actio empti datur.* Qua interpretatione admissa, VLPIANO discors et priori a se propositæ decisioni repugnans sententia inepte tribuitur. Et moueor, quod exceptio, a ICto mox subiecta, tum non quadraret ad regulam. Haec videlicet tum foret: *in supra dictis conuentionibus non continetur emptio spei.* Itaque exceptio inde facienda casum referre deberet, quo emptio spei continetur. Sed huius rei nihil apud VLPIANVM occurrit, in exceptione sua eam potius speciem exponentem, in qua *actio ex empto* competit; certo indicio, regulam in contrarium esse faciendam: *in utraque conuentione actionem ex empto deficere.* Decisionem enim ad casum *exceptum* referens, in *regula* illam negat. Et verba vltima aperte indicant, IULIANI *de actione empti* decisionem pro *exceptione* tantum, non vero pro regula, habitam ab VLPIANO fuisse. Quam ab initio regulam posuit VLPIANVS: *ex empto non tenebitur:* in hac in vltimis verbis subsistit: *sed in supra scriptis conuentionibus contra est dicendum,* et asserendum, *actioni ex empto* locum prorsus non esse. De hac vnice contende-batur, et status controuersiae erat. Hunc non mutauit VLPIANVS, sed in eo substitit, atque in vni-  
co

co tantum casu IULIANI sententiam recepit. Sicuti itaque hic casus exceptus de *actione emti* intelligitur: ita regula quoque negatiua de *actione emti* accipienda: quæ in casu excepto admittitur, in regula negatur. Vt breuibus me expediam: admittit IULIANI de *actione ex emto* sententiam in *exceptione*, eamque in *regula* reiicit, ac sententiam suam priorem: *ex emto non tenebitur*; veram esse asserit, defendit ac tuetur. Ita sibi constat, VLPIANVS, eaque iusta est interpretandi ratio, qua ita explicatur scriptoris mens, ne sibi ipse contrarius, neue a se ipse discessisse videatur.

## §. VIII.

Ita vero VLPIANVS cum illis reuera sentire videtur, qui *spei emtionem* latere in istis conuentionum formulis existimauerunt, adeoque venditorem, re ab alio euicta, prorsus non teneri; quod hæc sit *natura emtionis spei*, vt licet rem emtam habere et retinere non possit emtor, nulla tamen detur actio, sed venditor nummos lucretur, quamuis merx ad emtorem non veniat. Idem suboratus erat IULIANVS; quamuis non satis expresse mentem suam exposuerit, id tantum arguens; posse etiam istas conuentionum formulas probabiliter pro *emtionem spei* recipi.



Hicce obiter adiungo tertiam et huic similem emtionis formulam, *ut emtor suo periculo fundum emat*, olim non minus vsitatam. Memorat eandem PLAVTVS q):

*Ipse qui tabulas affert, adduxit simul  
Forma expetenda liberalem mulierem,  
Furtiuam, aduectam ex Arabia penitissima,  
Eam te volo accurare, ut islic veneat,*

AC SVO PERICVLO IS EMAT, QVI EAM MERCABITVR:  
MANCIPIO NEQVE PROMITTET, NEQVE QVISQVAM DABIT;

*Probum et numeratum argentum ut accipiat, face.*  
Verba ex epistola, quam in scena recitabat leno, desumpta sunt, ex quibus liquet, *mancipio promittere et dare*, opponi emtioni *suo periculo factæ*. Mancipatio actus legitimus erat, adeoque, qui mancipio dabat, auctor erat, et de euictione tenebatur auctoritatis nomine. Rursus PLAVTVS r) ita ad propositionem Cappadocis lenonis: *mancipio tibi dabo*, sub Curculionis persona respondet:

*Egon' ab lenone quicquam  
Mancipio accipiam? quibus sui nihil est, nisi una lingua,*

*Qui*

q) In *Persa* act. IV. sc. 3. v. 57.

r) In *Curculione* act. IV. sc. 2. vers. 9. sqq.



*Qui abiurant, si quid creditum est. Alienos mancu-  
patis,*

*Alienos manumittitis, alienisque imperatis.*

*Nec vobis auctor ullus est, nec vosmet estis ulli.*

Hoc est: nemo vobis præstat euictionem, quia vos, lenones, eam nemini præstatis. Cum lenone contrahens, sciebat, se insidiis exponi, easque ipsemet huic struebat: id quod his mox subiectis declarat verbis:

*Odio et malo et molestiæ; bono vsui estis nulli.*

*Nec vobiscum quisquam in foro frugi consistere audet.*

*Qui constitit, culpant eum, conspuitur, vituperatur:*

*Eum rem fidemque perdere, tametsi nihil fecit, aiunt*  
Mancipatio itaque deerat, quando suo periculo quis em-  
tionem celebrauerat, id quod apparet in virginis ven-  
ditione, quam Sagaristio lenoni apud PLAVTVM  
s) vendit:

*Prius dico: hanc mancupio nemo tibi dabit. Iam scis?*

Hoc est: hanc ea tibi lege nemo dabit, ut pericu-  
lum euictionis subeat; adeoque ancillam suo peri-  
culo emens, pretium, illa euicta, repeti non posse,  
sciebat.

§. IX.

i) In Persa act. IV. sc. 4. vers 40.

## §. IX.

Alia emtionum emtoris periculo initarum exempla apud veteres occurrunt. Seruos *pileatos* vendens, eorum nomine nihil præstabat, vt ex Cælii Sabini scriptis docet AVLVVS GELLIVS *1*). *Cuius rei*, inquit, *caussum esse ait Sabinus, quod huiusmodi conditionis mancipia insignia*, hoc est, signo quodam conspicua, *esse in vendendo deberent, vt emtores errare et capi non possent, neque lex vendundi, hoc est, pactum expressum, opperienda esset, sed oculis iam perciperent, quodnam esset mancipiorum genus.* Obseruat porro, *pileum impositum demonstrasse eiusmodi seruos venum dari, quorum nomine venditor nihil præstaret*, et sic ne pretium quidem, actione emti conuentus, redderet: qui enim *nihil* euictionis præstat nomine, ne pretium quidem reddere obligatur, cum *nihil* omnem omnino præstationem excludat. Aliam speciem proponit iurisconsultus POMPONIUS *2*): *Si vir uxori, vel contra, quid vendiderit vero pretio*, hoc est, iusto et proportionato, quanti communi pretio res constaret, *et donationis caussum paciscantur, ne quid venditor ob eam rem præstet*; quæsitum esse refert, vtrum tale pactum valeret?

*1) In noctibus Atticis lib. VII. cap. IV.    2) In L. 31. §. 4. de donat. inter vir. et uxor.*

ret? *Iurisconsultus* ait, emtioni quidem robur non deesse, *sed pactum esse irritum*, quod donationem inter coniuges contineret, cum venditor pretium lucraretur. *Idem dicemus*, pergit *iurisconsultus*, x) *si donationis causa pacti sunt, ne fugitium aut errorem praestent: id est, integras esse actiones adilitias et ex emto.* Ipsum pactum in se irritum haud erat, et operabatur, ut pretium lucraretur venditor; sed irritum omnino erat ratione coniugum, quod *donationis causa* illos interesset initum. De hoc autem inde facile constabat, quod *iusto et aequali* pretio res esset vendita. Qui suo periculo, vel hoc pacto, *ne quid venditor ob eam rem praestaret*, rem emit, viliori pretio rem comparat sciens, ad praestandum, rem habere licere, non obligari venditorem, sed tanquam spem vendere. Hunc emtorum animum depingit PLAVTVS, y) sistens seruum Toxilum, inducentem lenonem, ut virginem suo periculo emeret, quod lucrum ingens ex hoc commercio facere et sperare posset, utut periculi pleno. Venditor tandem pretium vilius constituit, in-  
quiens:

*Tuo periculo sexaginta haec datur argenti minis*  
Lenoni seruum sciscitanti quid agendum esset, hic

D

verum

x) L. cit. §. 5.

y) In *Persa act.* IV. sc. 4. vers. 110. sq.

*verum pretium* indicat, auctor sua forque est, ut emeret, dicens :

*Non ædepol minis trecentis cara' st: fecisti lucri.*

Idem repetit Toxilus, aitque 2)

*Næ hic tibi dies illuxit lucrificabilis!*

*Nam non emisisti banc, verum fecisti lucri.*

Hoc est: tam paruo pretio comparasti, ut pro pretio haberi non debeat, sed magis pro mero lucro et quæstu.

### §. X.

Cum vero nihilominus emptio spei bonam fidem, cui dolus repugnat, desideret, et sæpissime contingat, ut venditor, sciens alienum esse, vendat: recte VLPIANVS in *cit. l. II. §. 18. in f. ex emto actionem* hoc casu competere arbitratus est, quia dolo fecit. Si quæritur, ad quid eo casu actio empti competat? Iurisconsultus providere respondet, secundum *supra datam* IULIANI *sententiam* ad pretium duntaxat petendum competere; cum id, quod interest, ob evictionis præstandæ remissionem peti non posset, sed *suo periculo* rem emisset, adeoque satis esset, si pretium reciperet. Est enim quod sibi imputet emptor, tam  
peri-

2) *Ibid. act. IV. sc. 7. v. 1. sq.*

periculosum negotium contrahens, in quo se posse facile lædi, non poterat non animadvertere; cuius consequens erat, ut id petere *plene* non posset, quod alias, pacto hoc remissorio non adiecto, petere omnino potuisset. Quae de causa in verbis, *secundum supra relatam Iuliani sententiam*, ad §. 15. et 16. cit. l. haud respexit VLPIANVS, sed potius ad sententiam, quam in *supra allatis conuentionibus* æquam esse credit. Namque VLPIANVS et conuentionum a IULIANO adlatas formulas et IULIANI decisionem per verba *relatiua coniungens*, ait: *Sed in SVpra SCRIPTIS CONVENTIONIBVS contra erit dicendum; nisi forte sciens alienum vendit: tunc enim, SECvNDVM SVpra A NOBIS RELATAM IULIANI SENTENTIAM* (videlicet eam, quam *supra*, in *conuentionibus adlatis*, dederat, quæ ad has vnice se refert,) *dicendum est, ex emto eum teneri ad pretium reddendum, quia dolo facit*. Parum congrua est assertio, Iurisconsultum respexisse ad §. 15. et 16. cit. l. siquidem cum casibus, ibi adductis, iurisconsulto nulla amplius res est in §. 18, in quo vnice de casu *pacti remissorii* eiusque efficacia agit. Præterea cit. §. 16. de casu doli quidem, non vero de PACTO REMISSORIO agit. Et quamuis §. *precedens* secundum quid de pacto remissorio agat, atque IULIANVS actionem ex em-

to ob dolum admittat: minime tamen asserit, ad pretium simul et id, quod interest, eam in eo casu, quod rem suo periculo comparauit emtor, competere; sed postea demum VLPIANVS ostendit, quo modo IULIANI sententia in casu *admissi doli* sit accipienda, ut ob pactum remissorium minus praestet venditor, quam quod, eo deficiente, praestare deberet.

## §. XI.

Exposui summa verioris interpretationis capita: nunc videamus, an quæ FRANCISCVS ALEF vrisit, eidem obsint. VLPIANVM, omni remota probabilitate, eandem cum IULIANO sententiam tueri, arbitratur. Ait §. XIV. *Nam postquam ( Vlpianus ) ex IULIANO et postremo quidem loco retulerat, quod is qui emit iactum retis a piscatore, nummos solutos, etiamsi nihil captum fuerit, non recipiat, vel nondum solutos adhuc praestare teneatur; addit: sed in supra scriptis conuentionibus, contra erit dicendum; id est: in iis vero conuentionibus, quando RES CERTA est emta, licet euiclio generaliter sit remissa, pretium saltem re euicta, emtori est restituendum.* Opinatur nimirum, VLPIANVM quidem in emtionibus spei, velut in iactu retis, cum IULIANO prorsus conuenire, ut pretium repeti non possit; in supra scriptis vero con-

ven-

ventionibus, quibus *res certa* in venditionem deducta, venditorem, licet vel maxime generalem de non præstanda euictione inierit pactiōem, ad pretium refundendum perpetuo esse obligatum, nec *spei emtionem* in illis contineri, atque in hoc VLPIANVM IVLIANO, cespitanti, vnice contradixisse. Ex qua noua interpretatione priorem expositam euerti ac plane destrui, et si diuersa VLPIANO a IVLIANI sententia mens stetisset, illum scribere potius debuisse existimat: *sed in supra scriptis conuentionibus idem erit dicendum*, quod in *emtionem spei* asseruerat IVLIANVS; nequaquam vero: *sed in supra scriptis conuentionibus contrarium erit dicendum*. Lubrica hæc est interpretatio, et menti Iurisconsulti aperte aduersa. V L P I A N V S in *cit. l. 11. §. 18.* venditoris in præstanda euictione obligationem, *et an et quatenus eo nomine ex emto teneatur*, expositurus, ad hanc descendit conuentionem, si venditor polliceatur: *per se venientesque a se personas non fieri, quo minus habere liceat*: quo casu si ab alio res sit euicta, nullam prorsus euictionis nomine *ex emto actionem* competere statuit, ac proinde nec ad pretium, nec ad id, quod interest, repetendum. Qua decisione, vt supra ostensum est, præmissa, *dubitandi rationem* ex IVLIANI doctrina sibi format,



mat, quippe qui relata[m] conuentionis formulam similesque aliter explicandas putauerat, defendi posse statuens, venditorem ex *emto* quidem in hoc non teneri, quod emtoris interest, verum, vt pretium reddat, teneri. Hæc erat *dubitandi ratio*, quam sæpe iurisconsulti posteriori loco, præmissa decisione, adferunt, eamque, prout in omnibus iuris quæstionibus fieri solet, reiiciunt. *Rationem enim dubitandi* aliorumque sententiam, suæ contrariam, recensens eam non probat, sed potius improbat, vel *absolute* vel *secundum quid*. Ita et VLPIANVS propositam IULIANI sententiam generali formula improbat: *sed in superscriptis conuentionibus contra erit dicendum*. Vnum tantum excipit casum, quo sententiam IULIANI, in *superscriptis conuentionibus* adlatam, probat, si venditor dolo fecerit. Ita paucis cohæret, et quidem naturaliter, non coacte, non contorte, series argumenti Vlpinianei. Ita simul (I) aperte liquet, VLPIANVM a IULIANO dissensisse, et actionem ex emto competere negasse, a IULIANO admissam. In hoc primo labitur Censor, dum neglecta VLPIANI, primo loco posita, decisione, qua decisive asserit, *ex emto non tenebitur*, contradictoriam eidem attribuit sententiam. Porro (II). ne IULIANI quidem sententiam recte explicat, eius verba men-



mentemque sic immutans §. XIII.: *nisi forte QV ISSIC CONVENERIT, ut venditor nummos accipiat vel acceptos retineat, quamvis merx ad emptorem non pertineat.* IVLIANVS enim non de noua et a prioribus diuersa *conuentione* agit, nec verbo, *conuenerit*, utitur: sed antea expositas *conventionum formulas* SIC RECIPIT, hoc est, *eo sensu* probabiliter explicari posse docet, ut *emptio spei* contracta et omnis euictionis præstatio sic remissa esse videatur. (III.) Rei certae emtionem, quæ in adductis *conventionum* formulis deprehenditur, nouo fucio emtioni *spei* opponit; cum etiam *certa res*, si eius acquisitio ab incerto euentu pendet, tanquam *spes* vendi queat; quemadmodum IVLIANVS supra dictas *conventionum* formulas accipi probabiliter posse iudicat, non tamen *ἀριστὸς* determinat, sed ut magis in priorem, a se adductam, sententiam inclinare videatur. (IV.) Verba VLPIANI: *sed in superscriptis conventionibus contra erit dicendum*, ita contorquet, ac si cum IVLIANI sententia conuenirent, ut in re certa emta, non obstante generali, non præstandæ euictionis, remissione, *actio ex emto* ad pretium repetendum superesset, quod VLPIANVS ipsemet ab initio negauerat in verbis: *ex emto non tenebitur*. Si enim in IVLIANI castra recessisse VLPIANVM fingere par esset, hunc  
sibi

sibimet contradixisse, dicendum esset contra boni interpretis officium. Cum Vlpianus in casu excepto tantum *actionem ex emto* admittat: eam necessario; in decisione, quam pro regula ponit, excludere debuit. (V) Excusationem vix habet assertio, VLPIANVM in casu excepto, *nisi forte* etc. sententiam suam *ampliare*. Qui ampliat sententiam, eam extendit, latioreque ei ambitum attribuit; id quod per particulam *nisi* fieri posse, nulli vnquam in mentem venit. Qui dicit: *NISI forte sciens alienum vendit; tunc enim secundum supra a nobis relatum Iuliani sententiam dicendum est, ex emto eum teneri, quia dolo facit*, non ampliat, non extendit; sed restringit et limitat sententiam, eumque casum excipit, quo dolo facit, atque admittit, TVNC demum, et non alio casu, eum ex emto teneri, de quo vnice quærebatur. Itaque nemo non videt, VLPIANVM extra hunc casum in prima decisione: *ex emto non tenebitur*, subsistere, et, reiecta ratione dubitandi, ex IVLIANO adlata, actionem ex emto prorsus negare. (VI) Quæ qui pensitatus ponderauerit, facile contrariae, quam censor format, explicationis errorem animaduertet, qui decisione in VLPIANI *sed in supra scriptis conuentionibus contra erit dicendum*, cum ultimis IVLIANI verbis, in quibus *dubitationis* profert in-

*indiciū*, connectit, ac si ille sensisset; contrarium eius, quod IULIANVS de *spei emtione* dubitanter statuit, in supra scriptis conuentionibus esse statuendum. Nemo non videt, de *primario argumento*, de quo inter vtrumque ICtum dissensus erat, de ea videlicet quaestione, quid per antea adlatas conuentionis, de non praestanda euictione, formulas sit remissum, et vtrum actio ex emto adhuc superesset? iudiciū VLPiani accipiendum esse, quo primam decisionem: *ex emto non tenebitur*, euidenter confirmat. Sentit ergo, nec ad pretium rei euictae refundendum venditorem *ex emto* obligari: ita, inquam, sentit, *motus videlicet*, vt inquit HENRICVS A SVERIN a) *ea, quam in principio legis proposuit, regula, nihil in bonae fidei iudiciis magis bonae fidei congruere, quam id praestare, quod inter contrabentes actum conuentumque est.* Ad ea, quae obiter et dubitanter de emtione spei exposuit Iulianus, cum ne ad statum controuersiae quidem pertineant, haud referenda est Vlpiani decisio. Et quis quaeso verborum, quae sequuntur, sensus existeret, si ex aduersarii opinione procederet interpretatio. Verba

a) *In repet. lect. iur. ciu. insertis thes. Iur. Rom. tom. IV. cap. XLIII. p. 89.*

ba sunt: *Sed in supra scriptis conuentionibus contra erit dicendum; nisi forte sciens alienum vendit: tunc enim secundum supra a nobis relata Iuliani sententiam dicendum est, ex emto eum teneri, quia dolo facit.* Quod si priora verba ex sententia aduersarii, in §. XIV. dissertationis suæ exposita, ita explico: *sed in supra scriptis conuentionibus, quando res certa est emta, licet euictio generaliter sit remissa, pretium saltem, re euicta, emtori est restituendum: vi oppositi VLPIANI, quæ sequuntur, verba hunc sensum haberent: nisi forte sciens alienum vendit; tunc enim dicendum est, pretium rei euictæ haud esse restituendum.* In interpretatione adeo inepta, prior quoque menti VLPIANI aperte refragatur. Quo periculo, quod præuiderat, ut se expediret aduersarius, (VII) vltima verba *exceptiua*, quæ in *ampliatiua* detorquet, aliter intelligenda, et sic capienda putat: *nisi forte quis alienum vendidit; siquidem hoc casu rursus aliud statuendum: tunc enim secundum supra (intellige in §. phis præcedentibus nempe 15. et 16. eiusdem legis) ab VLPIANO relata IULIANI sententiam dicendum est, ex emto simpliciter eum teneri.* Sic vero beneficio insertæ formulæ, *siquidem hoc casu rursus aliud statuendum*, mentem ICI non explicat, sed in suam hypothesein conuertit. Ex clausula

la enim, *nisi forte*, patet, VLPIANVM prioris doctrinae oppositum in sequentibus exponere, ideoque vi oppositi statuere debuisse, in ultimo casu ad pretium repetendum actionem deficere; quod, uti antea observatum, legi aperte aduersatur: id quod non minus de omni ista interpretatione dicendum. Censet praeterea (VIII) aduersarius, VLPIANVM in verbis: *secundum supra a nobis relatum Iuliani sententiam*, ad §. 15. et 16. cit. l. 11. respicere, ubi IULIANI sententiam, in causa doli occupatam, retulit, et in casu doli *actioni ex emto* locum esse docuit. Quodsi admittam, nihilominus tamen falsum erit, VLPIANVM *ampliasse* suam sententiam; cum etiam in cit. l. 11. §. 15. et 16. casus doli, ut *exceptus*, adferatur, et pariter in verbis ultimis VLPIANVS casum doli *excipiat*, certo indicio, decisionem in contrarium faciendam, ut ex emto non teneatur venditor, si *dolo careat*. Tandem (IX.) VLPIANVS *actionem ex emto* hoc casu admittit, et generaliter ait: *tunc enim dicendum est, ex emto eum teneri, quia dolo facit*. Quodsi ergo VLPIANVS in sententiam IULIANI transiisset, haec inepta prodiret sententia: *sed in supra scriptis conventionibus contra erit dicendum et statuendum, actionem ex emto competere ad pretium refun-*

*dendum; nisi sciens alienum vendidit: tunc enim dicendum, ex emto eum teneri, quia dolo fecit. Ita in exceptione idem dixisset, quod in regula; id quod absurdum. Sane si VLPIANVS ad optata IULIANI sententia a priori sua resiliisset, omnino dicere debuisset: tunc enim dicendum est, ex emto eum ETIAM PRAETEREA ad id, quod interest, teneri. Nec particula NISI, sed verbis ampliatiuis uti debuisset: Quin etiam si forte sciens vendidit, tunc PRAETEREA quoque ad id, quod interest, tenetur. At VLPIANVS excipit casum, exceptionis ratione per particulam enim adiuncta: eoque deum casu actionem ex emto, de qua quærebatur, secundum IULIANI sententiam, in supra dictis conventionibus expositam, admittit. Quod vero Ictus (X) in casu doli tantum actionem ex emto admiserit ad pretium refundendum, non vero ad id, quod interest eius rei ratio in promptu est. Obseruandum enim discrimen inter venditionem simplicem, quæ, nullo pacto remissorio adiecto, fit: et inter eam, qua suo periculo rem emit emtor; qua remittit euictionis præstationem sub formula: nihil euictionis nomine prælitum iri. Priori casu, ob dolum admissum, ad utrumque tenetur, adeo ut iuramento in litem, omne lucrum cessans, et damnum emergens, æstimari queat. At, prout*

prout supra §. VIII. ostendi, in casu *remissæ præstationis euictionis*, sufficere arbitratus est, si iuxta IULIANI, antea relatum sententiam, pretium restitueret venditor, idque propter *euictionis periculum*, temere atque imprudenter ab emtore in se susceptum, et propter *propriam culpam*, ex qua damnum aliquod incurrit. In hoc stultitiæ suæ pœnas dat, qui tam periculosum init contractum, sibi optime conscius, *spem* in eo vendi non *rem*, atque adeo ad minimum rem extra aleam non esse positam. Ipse venditor, hac lege vendens, rem euictionis periculo subesse, hoc ipso non dissimulat, eoque nomine et viliori pretio vendit, ut alterius prorsus periculo sit, quemcunque euentum contractus sit habiturus. Quod tamen non eo usque extendendum esse videbatur ICto, ut si venditor *certo* sciret, se rem alienam vendere, ab omni præstatione immunis esset; quin hoc potius ita temperandum, ut ad minimum venditor pretium restitueret, iuxta IULIANI sententiam, reliquum damnum emtor imprudentiæ suæ ac stultitiæ acceptum ferret. Hoc temperamento venditoris dolus, pretio restituto, emendatur; emtoris vero stultitia simul coercetur, ut cautius mercari discat.



## §. XII.

Quæ pro vera atque accurata *L. II. §. 18. de actione emti venditi* interpretatione eruenda, pariter ac pro vindiciis *pacti de non præstanda euictione* asserendis disputata sunt, in his illustrandis nonnihil præsidii ex libris *Βασιλικῶν* repetere iuuabit. Quæ eam in rem cauta in illis sunt, ex latina *CAROLIHANNIBALIS FABROTTI* versione hic sistam, eadem ipso græco idiomate in infima margine daturus *b*). Distinguunt vtrumque casum *Basilica*, quem *VLPIANVS* et *IVLIANVS* eiusdem efficaciz et virtutis esse existimauerant. *Item si hac lege vendidero tibi, NEQVE PER ME NEQVE PER HEREDEM MEVM VEL VENIENTES A ME PERSONAS FUTVRVM, QVO MINVS HABERE TIBI LICEAT; et alius rem venditam euicerit: non teneor actione ex sti-*  
*pu-*

*b*) *Lib. XIX. Basilicorum tit. VIII. de actione emti et venditi, leg. V. Tom. II. p. 388.* Καὶ ὅτι εἰάν πωλήσω σοι ἐφ' ᾧ μήτε ἐμὲ μήτε τὸν κληρονόμον μὲ ἢ τὰ φερόμενα εἰς ἐμὲ πρὸς ὥσα ἐμποδίσαι σοι ἔχειν, καὶ ἄλλος ἐκνικήσῃ τὸ πρᾶξέν. ἐκ ἐνέχομαι τῇ ἀγωγῇ τῇ περὶ τῆς μελλούσης ζημίας, ὅτε τῇ ἀγωγῇ τῇ τὸ πρᾶγμα ἀπαιτούσῃ εἰς τὸ διαφέρειν, ἀλλ' εἰς τὴν ἀνάδοσιν τῆς τιμῆματος. Εἰ μὴ ἄρα συνεφώνησα, μη-

δὲν πασαχεῖν ἐκνικωμένῃ τῇ πράγματι, ἐν ἀγνοίᾳ τῆς πιπράσκειν ἀλλότριον. Ὁ γὰρ εἰδὼς καὶ τῆς συμφώνῃ ὄντος, ἐνέχεται τῇ ἀγωγῇ τῇ ἀπαιτούσῃ τὸ πρᾶγμα ἐν μὴν ὁ ἀγνοήσας. Ἐνδέχεται γὰρ τὸν πράτην κερδάναι τὸ τίμημα, καὶ τὴν ἀγοραστὴν μὴ χεῖν τὸ πρᾶγμα. ὡς ἐπὶ ἀλείας καὶ θήρας. Καὶ γὰρ μηδὲν κρατηθῇ, δίδωσιν ὁ ἀγοραστής τὸ τίμημα.



*pulatu, nec actione in rem ad id, quod interest, sed ad restitutionem pretii, nisi pactus fuerim, NIHIL PRAESTITVMI, SI RES EVINCATVR, dum ignorans rem alienam vendo: quippe qui scit, quamvis ita sit conuentum, in rem actione tenetur, non is, qui ignorauit. Nam fieri potest, vt venditor pretium lucretur, et emtor mercem non consequatur: velut in piscatione ac venatione. Nam tametsi nihil captum fuerit, tamen emtor pretium praestat. Quamvis vero Basilicorum libri vi, controuersas iuris ciuilis causas authenticè decidendi, non polleant: in explicandis tamen dubiis iuris digestorum et Iustiniani legibus non minimum ferunt momentum, cum ex græca digestorum et codicis Iustiniani a THALELAEO c), Iustiniani coæuo iurisconsulto, composita versione, quoad maximam partem sint concinnati. Licet autem a iure Iustiniano in nonnullis recedant: cum eodem tamen in plerisque conspirant, vt si ideo leges iuris ciuilis lucem desiderant, eam sæpissime et abundanter ex Basilicis recipiant d). Inexcitato loco exponitur*

VL

c) Vt patet ex IOSEPHI MARIAE SVARESII *notitia Basilicorum, tomo I. Basilicorum a. c. a FABROTTO promissa. conf. CHRISTOPH. GODOFREDI HOFFMANNI historia iuris L. II, c. III. p. 339.*

d) Vtilitatem Basilicorum, in interpretandis iuris Romani legibus perspicuam, eleganter delineat IACOBVS GODOFREDVS in *appendice ad Philostorgii Cappadocis historiam ecclesiasticam diff. iposter. ad L. 8. C. de*

VLPIANI in L. 11. §. 18. *de actione emti venditi* prolata sententia, eaque VLPIANO vindicatur. Ab ea vero partim *recedit* compilator, partim eandem *confirmat*; ex ea procul dubio ratione, quod VLPIANVM a IVLIANO dissentire, animaduertit. IVLIANI sententiam in priori conuentionum formula, VLPIANI vero in posteriori veram esse censet. Methodum ICTorum, quos *herciscundos* appellant, secutus est, mediam viam securius amplecti posse censens. Videlicet in formula conuentionis: *neque per me neque per beredem meum vel venientes a me personas fieri, quo minus habere tibi liceat*, omnem prorsus cum ex stipulatu tum ex emto VLPIANVS denegat actionem, si alius rem euicerit. *Basilica* aliud constituunt, et emtori adhuc actionem ad pretium petendum cum IVLIANO largiuntur. Hoc loco ergo *Basilicorum* auctoritas nulla, quoniam iure ciuili recedunt, illud vero non referunt aut explicant. In altera conuentione, *μηδὲν παραχεῖν, ἐννικωμένῃ τῇ πράγματι*, seu, *nihil praestitum iri, si res euincatur*, eandem

*de testament. p. 44.* Illud studiosos iuris monere, operae pretium puto, haud vilem equidem Graecorum interpretum auctoritatem esse, et inter alia quidem ad stabiliendam sac-

pe veram legis lectionem, atque in componendis inter se iuris textibus. sui que seculi iurisprudentia indicanda. cons. IDEM in *manuali iuris cap. VI. p. 88.*

eandem sententiam, quam Vlpianus aduersus Iulianum disputauerat, tuentur Basilica, videlicet ad pretium refundendum nullam prorsus competere actionem. Idque cum ex integro legis nexu tum praesertim ex verbis, *nisi pactus fuerim, nihil praestitum iri*, elucet; quibus contrarium eius, quod in praecedentibus assertum, cauetur, vbi pretii restitutionem adhuc saluam esse, defensum fuerat, quam ideo vi oppositi plane excludi, intelligitur. Idem in sequentibus verbis innuitur, quibus venditor, qui, realiena in emtionis contractum scienter deducta, de *non praestanda euictione* cum emtore conuenerat, actione ad pretium scilicet, de quo ibi sermo est, reddendum obstringi arguitur, illud ipsum autem de eo, qui, eiusmodi pactione inita, ignorans rem alienam vendidit, negatur.

## §. XIII.

Rationem eorum, quæ ita sanciant Basilica, hanc tradunt. *Nam fieri potest, ut venditor pretium lucretur, et emtor mercem non consequatur: veluti in piscatione ac venatione. Nam tametsi nihil captum fuerit, tamen emtor pretium praestat. Vti in his negotiis emtio spei continetur: ita Basilica innuunt, in venditione, cui pactum indefinitum, de non praestanda euictione est adiectum, spei emtionem latere,*  
F
quod

quod emtor, ita paciscens, rei emtæ periculum in se suscipiat, seu *suo emat periculo*. Quibus ipsis dubio occurrunt, quasi merx per huiusmodi pactum in emtione ex postfacto deficere videretur. Nam contingere sæpius respondent, ut emtor, pretio licet soluto, mercem non consequatur; id quod in *emtionibus spei* accidere, nemo inficiabitur. In *Basilicis* ergo, *emtio* cui *pactum indefinitum, ne euictio præstetur*, adiectum, *emtionis spei* instar habetur, in qua venditoris nulla est ad euictionis præstationem obligatio *e*). Et recte omnino, et ex sententia Iuliani, qui eiusmodi emtionem sic *recipi* posse existimauerat. Namque non modo emtio spei initur, si ipsa merx est incerta, sed et si *ius*, in merce competens, tamquam *dubium* et *incertum* in emtionem venit. Ita de hereditate emtionem spei contrahi legimus sub formula conuentionis, *si quid iuris esset venditoris, venire, nec postea quidquam præstitum iri f*). Eadem fere conuentio latitat in emtione, cui *euictionis præstandæ remissio* est adiecta, cum venditor quantum iuris habuit, se vendere, de cetero vero, ipso emtore annuente, nihil se præstare declaret, si cui forsân potius ius esset in re vendita. Quod enim bonæ fidei vendi-

e) L. 8. §. 1. D. de contrahenda emt.

f) L. 10. et 11. D. de hereditate vel aff. vendita.

ditor non nisi sub pacto euictionis remissorio vendere cupiat, ratio vix alia intercedit, quam quod dominium in re vendita competens, extra controuersiam positum haud esse, intelligat. Emtor itaque, in pactum remissorium consentiens, periculum incerti domini suscipit, et *suo periculo* emit; et carius saepe emit, vt futurae litis periculum quodammodo compensetur. Ipse censor in pacto speciali, *ne pretium rei euictae, nec id, quod interest, praestetur*, spei emtionem inesse tuetur g): cur vero idem in pacto generali, *nihil euictionis nomine praestitum iri*, negetur, ratio deest, cum vox *nihil* omne, quod ad *euictionis praestationem* alias pertinet, excludat?

## §. XIV.

Progredimur ad excutienda ea, quæ pertinent ad *exceptionem* ab Vlpiano propositam, qua in casu remissæ quidem euictionis praestationis, sed doli in venditione simul admissi actionem ex emto ad pretium tantum, non vero ad id, quod interest, restituendum, secundum Iuliani sententiam admiserat. Ad *utrumque* actionem competere existimat Franciscus Alef. Principio nihil moror, contradictionem, B. Parenti præter rem obiectam, quod in *introductione*  
in

g) in *dissert.* §. XXII.

*in ius digestorum tit. de euictionibus n. 3. doceat, donatorem, si in dolo est, ad id, quod interest, præstandum obligari, ideoque idem multo magis de dolo venditore sentiendum. Diuersa sunt donatorem dolum ad id, quod interest, teneri; et venditorem in dolo versantem, simul vero pactum de non præstanda euictione ineuntem, ad pretium tantum, non vero ad id, quod interest, teneri? Hoc loco conuentio, ne aliquid euictionis nomine præstetur, emtioni adiecta est, quæ ibi plane deficit. Vtraque ergo propositio, de diuerso prorsus, non de eodem casu loquitur. Non neglegendum, quod supra propositum est, discrimen, inter simplex negotium, ex quo euictio præstanda; et inter illud, cui conuentio: *nihil euictionis nomine præstitum iri*, est adiecta. In illo, ob fraudem admissam, tum ad pretium, tum ad id, quod interest, emti iudicium competit: ideoque venditor, perinde ac donator dolosus, ad omne, quod emtoris interest, soluendum obligatur. In hoc autem quamuis dolus concurrat: tamen cum emtor, remissa euictionis præstatione, rei emtæ reuera in se suscipiat periculum; deinde in eiusmodi casu vilius rei pretium statui solet: VLPIANVS iurisdictionem temperandam esse censet, vt, non obstante quidem pacto remissorio, actio ex emto ad pretium rei euictæ restituendum, propter*

pter dolum commissum salva atque integra sit: illud tamen, *quod interest*, ob susceptum euictionis periculum, pro remisso sit habendum. Denique in euictione rei donatae id tantum, quod interest, petitur, quia pretium nullum a donatario datum, quod repeti posset. At in *emtione* pretium datum, quod ubi emtor recipit, in casu, quo *suo periculo* rem emit, satis securus est, et reliquum damnum stultitiae suae atque temeritati imputare debet, qui temere se huic subiecit periculo. Deinde L. 6. §. 8. D. de act. emt. vend. urget Censor, cuius verba haec sunt: *Si dolo malo aliquid fecit venditor in re vendita, ex emto, eo nomine, actio emtori competit: nam et dolum malum eo iudicio aestimari oportet, ut id, quod praestaturum se esse, pollicitus sit venditor, emtori praestari oporteat.* Damus, emtori ob *dolum malum* venditoris actionem competere, idque ipsum defendimus, quando ad pretium petendum actionem dari sentimus. De eo quaeritur, utrum ad utrumque, ad pretium et ad id, quod interest, actio detur, si sciens rem alienam vendens de non praestanda euictione pactus est: de quo casu in §. 8. cit. L. non agitur. Quamvis vero §. ultimus eiusdem legis pacti, *ne quid euictionis nomine praestetur*, mentionem iniiceat: generaliter tamen ibi tantum cauetur, dolum in emti iudicio aestimari, hoc est, pon-



*derari et obseruari*, non obstante pacto remissorio. Idem vero obseruatum est, dolum venditoris, scienter rem alienam videntis, in actionem ex emto venire, vt, non obstante pacto remissorio, rei euictæ pretium is reddere teneatur. Idem habet VLPIANVS in supra cit. l. 11. §. ult., *ex emto eum teneri, quia dolo facit*. Sed in hoc controuersiae cardo vertitur, *ad quid actio ex emto hoc loco competat?* Vtrum ad rei euictæ pretium simulque ad id, quod emtoris interest, restituendum detur, an vero ad pretium solum? Quod vltimum VLPIANVM EX IULIANI sententia statuisset, supra satis superque ostensum est. Neque quicquam eius rei contrarium in l. 11. §. 15. et 16. D. de actione emti venditi, ad quam porro prouocat censor, sancitur, cum in §. 16. quidem de dolo venditoris, non vero de eo casu, quo euictionis præstandæ obligatio remissa est, sermo sit; et §. 15. cit. l., licet de pacto remissorio loquatur, generaliter tamen tantummodo disponat, venditorem *emti iudicio* teneri, non vero sigillatim caueat, ad quid emti iudicium competat, in quo tamen status controuersiae versatur vnice. Nec Censori prodest L. 30. §. 1. eod. tit. cuius verba hæc sunt: *Si sciens alienam rem, ignoranti mihi, vendideris: etiam prius, quam euincatur, utiliter me ex emto acturum putauit, in id, quanti mea*  
*inter sit,*



*interfit, meam esse factam: quamvis enim alioquin verum sit, venditorem hactenus teneri, ut rem emtori habere liceat, non etiam ut eius faciat, quia tamen dolum malum abesse præstare debeat, teneri eum, qui sciens (alienam) non suam ignorantem vendidit.* AFRICANVS in hac lege quidem de venditore, qui sciens alienam rem vendidit, loquitur, non vero de eo, qui simul cum emtore de non præstanda euictione pactus est, de quo nobis sermo est. Deinde in *citata lege* non de eo quaeritur, quid venditor, sciens rem alienam vendens, re euicta, præstare debeat? de quo vnice tamen controuertitur; sed de eo agitur, vtrum venditor, qui in dolo est, *prius, quam res vendita euincatur*, vtili ex emto actione ad id, quanti ipsius interest, rem suam esse factam, conueniri queat? quæ mirum in modum inter se differunt. Aliud est, venditorem teneri, prius, quam res vendita euincatur: aliud, eum re euicta, ad euictionis præstationem obligari. Alia quoque est ratio, si emtioni pactum, *de non præstanda euictione*, est adiectum, in quo alias non præstare debet, *rem habere licere*: alia, si eiusmodi pactum deest. De illo tantum disputatur, non de hoc. Vtramque quaestionem semper confundit censor ac perturbat. Vltimo tandem loco *expositam* interpretationem hoc argumento petit censor: *nam quemadmodum,*

*modum, inquit, talis venditor emtorem bis decipit, cum et alienam rem sciens ei vendat, et pacto interposito id agat, ut se ab euictionis damno et periculo liberet: ita rectae rationi contrarium est, non hunc sed innocentem emtorem doli pœnam ferre.* Neque vero hæc obiectio aliquius momenti est, cum a præsentī quæstione rursus sit aliena. Falsum enim est, hoc casu semper dolo se emtorem induci, ut remitteret euictionis præstationem. Quamvis enim doli vitium venditioni adhæreat; pactum tamen adiectum *citra fraudem* iniri potest, si emtor ad contrahendum ruit: si emtionem ambit, exemplo eius, cuius mentionem facit CICE-RO *b*); denique si sponte, et minori rei venditæ pretio constituto, euictionis remittit præstationem. Quemadmodum vero venditor, sciens rem alienam vendens, in dolo versatur; ita emtor, euictionem remittens, non extra culpam positus, quod rei venditæ *periculo* hoc modo in se suscepto, quandam velut *spei emtionem* contrahat. Sicuti vero doli pœnam fert venditor, quod non obstante euictionis præstationis remissione, ad rei pretium reddendum sit obligatus: ita emtor habet, quod stultitiæ suæ, qua rem *suo periculo* emit, imputet, quod id, quod interest, repetere nequeat. Deinde tantum de mente VLPIANI  
sum

(b) lib. III. offic. cap. 14.

sum sollicitus, qui dolum vnice in eo quærit, *quod sciens rem alienam vendiderit*; de altero vero casu, quo *dolose* emtorem ad remissorium *pactum inducit*, nihil addit, sed intactum relinquit, de quo aliud ferendum iudicium, eo quod *pactum remissorium* tunc vitio *doli* laboraret. Fac denique, venditorem dolo induxisse emtorem, vt *suo periculo* emeret virginem, quod in casu, a PLAVTO supra adducto, factum fuisse videbatur, nihil aliud inde sequitur, quam vt venditio et hoc casu, et priori, quo sciens rem alienam vendit sponte ad emtionem spei prouolanti, nulla, et vtroque casu, resoluta emtione, pretium restituendum sit, non vero, vt etiam *id, quod interest*, peti queat. Pretio enim restituto, venditor doli commissi, et emtor simul stultitiae suae atque audaciae poenam fert, qui nunquam culpa et temeritate caret. Sicuti itaque iniquum foret, si venditor hoc casu pretium lucraretur: ita pariter non iniquum censendum, si is, qui tam periculosum contractum init, et se periculo exponit euictionis, aliquid damni sentiat, quod tali emtione spei ingens lucrum captare destinauerat, quo hoc casu merito suo excidit, nec id aestimare potest. Ponamus itaque in casu, a PLAVTO adducto, lenonem virginem *sexaginta nummis* mercatum esse, quae *trecentis* potuisset vendi, si iusto pretio vendita, et in statu seruili posita fuisset, quis assereret, hoc casu uno

G

ad

ad sexaginta, sed potius ad trecentos nummos, quibus vendi potuisset, si serena fuisset, superesse actionem, quod in hoc consisteret lucrum cessans. Captauerat lucrum stultus leno : et eius similes, qui suo periculo emunt, idem intendunt, nec pro *iusto pretio*, sed longe viliori rem comparant. Quis itaque assereret, hoc, quod deest iusto pretio, et quod cum remissa euictionis praestatione compensatum est, pro *lucro cessante* esse habendum, id quod tamen venditor emptori volenti et consentienti nec debuit nec voluit praestare, quia *spem* emit, adeoque sciuit, venditorem, ad nihil praestandum, obligatum esse, praeter pretium, si sciens alienum vendidit.

## §. XV.

In causa satis profligata suppetias novas opinionis suae requisiturus alio significato, quam vulgo fit, euictionis praestationem in *cit. L.* accipi vult aduersarius, distinguens *largiorem* inter & *rigorosem* euictionis praestationis significationem (i). Per illam omnem omnino, quae per *pretii* & eius, quod *interest*, refusionem contingit, indemnitas praestationem intelligit. Per hanc eius duntaxat, quod *emptoris interest*, rem non euictam esse, restitutionem accipit. Nam *audacter*, inquit, *asserto*, euictionis praestationi, *rigorose acceptae*,

non

(i) §. XVII. *cit. differt*,

*non subesse rei pretium.* Figmentum et fabula est *rigorosus* ille euictionis praestationis significatus, legibus prorsus incognitus; ac proinde ex eo leges interpretari perinde est, ac leges inuertere easque pro arbitrio in suas hypotheses reuocare. *Pretii restitutio* primario ad *euictionis praestationem* pertinet (*k*), adeo ut illius *primario*, eius vero, quod praeterea interest, *secundario* duntaxat leges mentionem iniiciant. Id ipsum ex natura rei intelligitur, siquidem praecipuum ex euictione emergens damnum, in *rei emtae iactura*, huiusque damni primaria reparatio in pretii restitutione consistit, quo res euicta venit. Eius vero, quod praeterea emtoris interest, rem non euictam esse, hoc est, quod emtori praeter rei iacturam propter euictionem abest, quantumque alias forte per rem euictam lucratus fuisset, tantum *secundario* et *accidentaliter*, nec *semper* praestationi inest, quod tale damnum non semper adsit, adeoque eius restitutio ab euictionis praestatione abesse possit. Saepissime emtor, praeter *rei amissionem*, ex euictione nullum damnum sentit, quo casu *pretii* tantum *solutione* euictionis praestatio absoluitur; ex quo liquet, re euicta, *iacturam pretii* emtioni semper adesse, non vero aliud praeterea damnum, quod ex *accidente* eidem accedit, et sic *secundario*. Id agnoscunt Icti Romani in

*k) l. 48. l. 53. D. de euictionibus.*

*stipulatione simple*: *simplum* enim rei pretium, euictionis nomine, nonnunquam promitti solebat /), quo casu, re euicta, nihil vtra *simplum* rei pretium praestabat venditor: si vel maxime emtoris praeterea adhuc interesset. Si ergo euictionis praestatio ex latiori et strictiori significato explicanda est, sic accipienda est, ut in largiori significato utriusque, et *pretii* et *eius, quod interest*; in strictiori, *pretii* restitutio tantum comprehendatur; hoc saltem in praestatione euictionis ob rem emtam euictam nunquam abest. Ad utrumque regulariter et primario quidem ad *pretium*, secundario vero ad *id, quod interest*, actio datur iure Romano. Perspicue PAVLVS m), *euicta re*, inquit, *ex emto actio non ad pretium duntaxat* ( id quod minus dubii habet, ) *accipiendum, sed* ( praeterea aliquando ) *ad id, quod interest, competit*. IDEM n), *non enim*, ( emti iudicium ) inquit, *pretium continet tantum* ( utpote quod primario et semper continet ) *sed* ( etiam secundario ) *omne quod interest emtoris, servum non euinci*. Hoc modo usu loquendi

l) L. 56. pr. D. eod.

m) L. 70. D. de euict. Eadem PAULI lex inter Basilica habetur lib. XIX. tit. XI. de re emta et euicta leg. 13. tom. II. p. 408. Εκνικημένῃ τῇ πράγματι ἐν μόνον εἰς ἀνάληψιν τῆς τιμῆς ἀρμόζει ἢ ἐπὶ τῇ πράξει ἀγαγῇ, ἀλλὰ καὶ εἰς τὸ

διαφέρει. Haec ita interpretatur FABROTTVS. *Euicta re, non ad pretium duntaxat ex emto actio competit, verum etiam ad id, quod interest*.

n) L. 43. in f. D. de act. emt. vend.



quendi designare solemus id, quod *principaliter* et *primario*, et quod *præterea secundario* rei inest, veluti quando dicimus: *audaces non tantum temerarii sunt, sed etiam ut plurimum ineptiunt.* In eandem sententiam ab it IAVOLENVS, et quid præsertim, si euictio per speciale pactum non fuerit promissa, præstandum sit, manifeste docet, aitque o): *si in venditione dictum non sit, quantum venditorem pro euictione præstare oporteat: nihil venditor præstabit, præter simplam euictionis nomine, (h.e. pretii refusionem) et ex natura ex emto actionis hoc, quod interest.* Vnde quoque in *dupla*, quam euictionis nomine stipulari, Romanis solenne erat, cum *simpla*, seu *pretium rei*, tum eius, quod *interest*, æstimatio continebatur, ut infra ostendam. Vtrumque alibi generali formula eius, quod *interest*, designatur. PAPINIANVS, p) *diuisione*, inquit, *inter cohæredes facta si procurator absentis interfuit, et dominus ratam habuit, euictis prædiis, in dominum actio dabitur, quæ daretur in eum, qui negotium absentis gessit, ut, quanti sua interest, actor consequatur: scilicet, ut melioris aut deterioris agri facti causa finem (seu quantitatem) pretii, quo fuerat tempore diuisionis*

G 3

æsti-

o) L. 60. D. de euict. Eadem docet CONSTANTINVS HARMENOPVLVS in promptuario iuris lib. III. tit. III. de euictione rei venditæ n. 89. Ὅτι τὸ πρᾶγματος ἐννικηθέντος τὸ ἀπλὸν μόνον τίμημα δίδωσιν ὁ πρᾶτης τῷ ἀγοραστῇ εἰμὴ τὶ καὶ ἕτερον

συνεφανήθη, καὶ τὸ διαφέρειν. Euicta re simplex duntaxat eius pretium emptori præstat venditor, nisi aliud conuenerit, in super et id, quod interest.

p) L. 66. D. de euict.

*æstimatus, diminuat vel excedat.* Unde in legibus brevitas causâ, quandoque dicitur q) *agi ad id, quod interest*, quæ formula generalis est, denotatque, quidquid omnino emtori abest. Praecipuum eius, quod emtoris interest, momentum in *emtae iactura* positum est; eiusque pretium recipere, ipsius plurimum interest; qua propter sub illa formula generali utique *pretii repetitio primario et principaliter* comprehenditur. Perspicue eam in rem ANTONIVS DAVIDVS ALTESERRA r), *re euicta*, inquit, *venditor tenetur de euictione actione ex emto in id, quod emtoris interest, rem euictam non esse; id est tenetur non modo ad pretium restituendum, sed in id, quod interest emtoris.* Idem observat IACOBVS CVLIACIVS s), quod actio emti in legibus quandoque generaliter in id, quod *interest*, competere dicatur, *quod tamen*, inquit, *ita debet intelligi, ut in eo, quod interest, insit pretium rei, quod emtor venditori adnumeravit.*

## §. XVI.

Sic demum efformato riguroso, cui eius tantum, quod interest, non pretii restitutionem inesse putat, euictionis præstationis significatu, hanc quidem ad naturam emtionis pertinere, contra vero obligationem venditoris ad præstandum, ut rem *habere emtori liceat*, essentialem emtionis partem esse existimat censor.

Per-

q) *Vt in L. 17. 21. 25. 29. 67. D. conf. IDEM ad l. 60. D. c. l. et ad l. cit. l. L. 3. L. 9. L. 39. C. de euict.* 30. C. c. l. p. 661. et p. 702.

r) *In recitationibus quotidianis ad L. 70. D. de euict. tom. I. p. 680.*

s) *In paratit. in libr. VIII. Cod. cap. XLIV.*



Pergit denique, ac ita §. XX. concludit: *quod sicut praestatio euictionis, rigorose accepta, est tantum proprietas, adeoque a contractu abesse potest; ita partem essentialem in suo conceptu formali, utpote, quae nunquam abesse potest, et consequenter etiam id, quod est, rem habere licere, non includat; cum hoc ipsum pars sit essentialis emtionis.* Quemadmodum vero τὸ rem habere licere, ex eius mente, pars euictionis praestandae non est: ita nec pretii restitutionem ad hanc referendam esse opinatur: eoque argumento, in omnibus fere fallente, colorem induere contendit suae pacti remissorii interpretationi. Sed quocunque demum sensu (I) accipiatur euictionis praestatio, ad emtionis venditionis naturalia pertinet. 1) Ab Vlpiano inter ea refertur, v) *quae emtioni insunt naturaliter, huius iudicii potestate, et praeterea ex ceteris venditionis dicitur x)* in eo significato, quo, ut olim primario, et pretii et eius quod interest praestationem complectitur. *Naturalia* dicuntur, quae negotiis regulariter insunt, per pactum tamen mutari possunt. Quamuis vero euictionis praestatio venditioni semper inesse soleat, adeo, ut si vel nihil de ea sit conuentum, actio ex emto nihilo-

1) Nic. Burgundus in comment. de euictionib. c. 87. n. 1.

v) L. 11. §. 1. et 2. D. de act. emt. vmd.

x) L. 13. §. 3. D. de iurciurando. conf. EDMUNDVS MERILLIVS *Observ. libr. III, cap. XXIII. p. 101.*

hilominus tum ad pretium tum ad id, quod interest, recipiendum competat: eadem tamen, salua venditione, per conuentionem remittitur: id quod nec ipse censor negat, sed §. XXII. euictionis praestationem in largiori, quo *pretii restitutionem* comprehendit, sensu acceptam remitti per *expressum* et *speciale pactum* (§. V.) posse concedit. Deinceps (II) in eo errat censor, quod venditoris obligationem ad praestandum, *rem emtam emtori habere licere*, ad venditionis *essentiam* referat. Cum *emtio* et *venditio* contractus sit consensualis, de merce pro certo pretio tradenda; omnis eius *substantia* vniue in *consensu* in *mercem* et *pretium* consistit y). Id ipsum illustrat solennis apud Romanos formula, a BARNABA BRISSONIO z) restituta: *est mihi res illa illo pretio emta*. Simul ac itaque de re et pretio conuentum; *emtio perfecta* est a), omniaque statim effecta consequitur, vt commodum et rei emtae periculum mox ad emtorem pertineat b). Ex hoc vero consensu, de re pro certo pretio tradenda, ceu ex venditionis essentia, proficiscitur *obligatio* venditoris, de merce tradenda, et nisi

y) Qua de re vid. VLRICI HVBERI *Prælectiones iur. ciu. ad Institut. lib. III. tit. XXIV. n. 2.*

z) *De formulis populis Rom. lib. VI. n. 1.*

a) *pr. I. de emtione et vendit. l. 1. §. ult. l. 2. §. 1. D. de contrah. emt. vendit.*

b) *l. 11. C. de act. emt. vend. §. 3. I. de emtione et vend.*

nisi aliud per *modum emtionis spei* actum, ad praestandum, vt rem venditam emtori habere liceat *c)*. His ipsis emtionis contractus *impletur d)*, non vero demum *perficitur*, vt egregie tradit PAVLVS *e)*, *non autem pretii*, inquit, *numeratio sed conuentio PERFICIT sine scriptis habitam emtionem*. Quaecunque vero per essentialia determinantur, non ipsa *essentialia* sunt, sed *naturalia*, quorsum omnes obligationes emtoris ac venditoris, quae ex contractu emtionis et venditionis proficiſcuntur, pertinent *f)*. Cum vero, vti IVLIANVS inquit, *obligatus sit venditor, vt praestet habere licere hominem, quem vendidit g)*: palam est, hanc quoque obligationem ad *naturalia* emtionis et venditionis esse referendam. Eadem omnium elegantissime illustrat VLPIANVS *b)*. Postquam enim generaliter dixerat, ea in emti iudicium deduci, quae praestari inter contrahentes conuenit; pergit: *quodsi nihil*

*c)* Hac obligatione nihil aliud intelligitur, quam vt venditor praestet, ne quis ex iustiori titulo rei venditae controuersiam faciat. Aperte id probat VLPIANVS *l. 38. §. 2. D. de verb. obligat.* vbi quaestionem format. *Sed quatenus habere licere videbitur?* Respondet IVRISCONSULTVS. *Si nemo controuersiam faciat.*

*d)* *l. 4. C. de act. emt. vend.*

*e)* *l. 2. §. 1. D. de contrahenda emt.*

*f)* conf. HEINECCIUS *in elementis iur. ciuil. secundum ordin. Instit. lib. III. tit. XXIX. §. DCCCCXIV.*

*g)* *l. 8. D. de cuiſtionibus*

*b)* *l. 11. §. 1. et 2. D. de act. emt. vend.*

H

*bil conuenit, tunc ea praestabuntur, quae NATURALITER insunt huius iudicii potestate. Quatenam vero ex natura emtionis praestanda sint in his, quae sequuntur, explanat, statimque addit: Et imprimis ipsam rem praestare venditorem oportet, id est, tradere: quae res, siquidem dominus fuit venditor, facit et emtorem dominum: si non fuit, tantum euictionis nomine venditorem obligat: seu ut rem habere licere praestet, et si emtori rem habere non liceat, euictionis nomine obligetur. Naturaliter ergo venditioni inest euictionis praestatio, nisi aliud conuenerit. i) Obligationem quoque ad rem*

*i) Alio argumento in impugnando pacto de non praestanda euictione usus est Consultissimus D. IO. TOB. RICHTER de pacto euictionis non praestandae inutili §. II. et V. euictionis praestacionem ad naturalia interna emtionis seu ad ea referens, quae ex essentialibus dimanant principiis, qualia mutari posse negat. Sed vix est ut iure defendatur et usum praestet illa inter naturalia interna et externa distinctio. Eandem vim habent, quae negotio vel ex eius indole vel ex legis autoritate insunt. Et salua est negotii essentia, etiamsi id, quod ex essentialibus eius requisitis per consequentiam deducitur, contrahentium consensu immutetur. Valent pacta conuenta, quae detrabunt emtioni, L. 36. D. de con-*

*trah. emt. et bonae fidei nihil magis congruit, quam id praestari, quod inter contrahentes actum est: quod si nihil conuenit, tunc ea praestabuntur quae naturaliter insunt huius iudicii potestate. L. II. §. I. D. de act. emt. vend. Euictionis praestanda obligatio ex eo descendit, quod contrahens indemnus sit praestandus intuitu damni, ex rei euictione perpassi. Quis damni reparationem iure remitti posse negauerit, si dolus abest? Quis igitur inutile et inualidum dixerit pactum non praestandae euictionis? Salua est emtionis essentia, etiamsi sic conuentum, et hoc pacto detractum si emtioni. Sic videlicet suo periculo rem emit emtor, ut in spei emtione.*

rem tradendam inprimis inter ea, quae *naturaliter* emtioni venditioni insunt, refert iureconsultus. In re tradenda vero, ut cum NERATIO obseruat VLPIANVS *k*), venditor emtori praestare debet, ut *in lite de possessione potior sit*: immo prout IDEM ex IVLIANO probat *l*), *traditum non videtur si superior in possessione emtor futurus non sit*; quibus ipsis significat, ita rem tradendam esse, ut emtori eandem habere liceat, et si ipsi eius rei controuersia moueatur, in lite semper potior, et in possessione sit superior. Quemadmodum itaque obligatio *de re vendita tradenda* de emtionis *natura* est: ita idem quoque de obligatione ad praestandum, *rem habere licere*, iudicium est ferendum. Porro (III), sicut supra obseruatum, emtio vel *rei* vel *spei* est. In *spei* emtione cum *spes*, in incerto euentu posita, *mercis* loco sit; facile liquet, venditorem non ultra, quam ut spem venditam non interuertat, obligari, id vero neutiquam agi, ut, qui adhuc speratur euentus, praecise eueniat, et venditor emtori, *rem habere licere*, praestet. Itaque datur etiam emtio, in qua remittitur praestatio, *rem habere licere*, ut etiamsi nulla ad emtorem merx perueniat, emtio nihilominus valeat, quia *suo*  
pe-

*k*) l. ii. §. 13. D. de act. emt. vend.

*l*) ibidem.

*periculo* emtor rem emit, quod fieri non posset, si *rem habere licere* essentialiter emtioni inesset. Vnde POMPONIVS *m*): aliquando tamen et sine re venditio intelligitur, veluti cum quasi alea emitur: quod fit, cum captus piscium, vel auium, vel missilium emitur: emtio enim contrahitur, etiamsi nihil interciderit: quia *spei* emtio est: et quod missilium nomine eo casu captum est, si euentum fuerit, nulla eo nomine ex emto obligatio contrahitur: quia id actum intelligitur. Idem quoque designat IULIANVS in *l. cit.* I I. §. 18. admittens, posse recipi emtionem, ut venditor nummos accipiat, quamvis merx ad emtorem non pertineat. Quae quidem abundanter declarant, praestationem, rem emtori habere licere, ab emtione abesse posse. Id praeterea (IV) aperte fatetur aduersarius *n*), aitque: Haec autem species emtionis (emtio *spei*) non id vult, quod venditor praestare teneatur, rem habere licere. Cum vero emtio *spei* vera emtio sit, et, ut ipse ait, species emtionis; quae causa est, quod idem, *rem habere licere*, emtionis partem essentialem esse, tanto ardore defendat, cum tamen hoc in certa emtionis specie, in emtione scilicet *spei*, plane deficiat.

## §. XVII.

*m*) l. 8. §. 1. D. de contrahenda emtione.

*n*) §. XXII. differt. cit.

## §. XVII.

Supereſt ( V ), vt, quae pro colorando errore profert argumenta, parum idonea eſſe oſtendam. Aſſerit primo, illud eſſe de *contractus eſſentia*, quo praeciſe ſublato, tollitur ipſe contractus; iam vero, quod praeciſe ſublata facultate rem emtam habendi, tollatur emtio, haud difficulter exemplis *liberi hominis* et *rei ſacrae* euinci, quod huiusmodi venditiones nullae ſint, cum nec liberum hominem nec rem ſacram emtori habere liceat. *Maiores* propoſitio admitteri poteſt, ſi ita ſeſe habeat: *illud eſſe de contractus eſſentia, ſine quo ille iniuri nequit*. Hoc modo conſenſus, de merce pro certo pretio tradenda, ad venditionis *eſſentialia* pertinet; cum illo deficiente, haec iniuri nequeat. At illud, quo *ſublato* ex poſtfacto, contractus tollitur, non ſemper eſt de contractus eſſentia. Nam contractus, etiamſi ad eum perficiendum nihil deſit, tolli tamen ex poſtfacto poteſt. Quodſi emtio et venditio per traditionem, vel ex venditoris extrema contumacia, vel ex mutua partium voluntate non impletur; ipſa tollitur, quamvis per conſenſum in rem et pretium iam fuerit perfecta. Pari ratione *perfecta* ſemel *emtio* per laeſionem ultra dimidium reſcinditur, quamvis aequalitatis in emtione ſeruandae ratio ad *naturalia* eius tantum pertineat. Deinde quod ad *aſſumptum* attinet, nego ac per-



negotio, sublata rem habendi facultate, tolli semper emtionem. Emtio spei nihilominus valet, licet ad emptorem merx non pertineat, eidemque rem speratam habere non liceat. Quaedam itaque venditionis species occurrit, quae, sublata rem habendi facultate, non tollitur. Eo ipso autem; quo obligatio ad praestandum, *rem habere licere*, venditori remittitur, emtionem spei contrahi palam est, quod emptor rem et quidquid iuris venditori in ea fuerit, *suo periculo* comparet. Quod vero *liberi hominis* et *rei sacrae* emtio nulla sit, eius haec ratio est, quod et *libertas* extra commercium posita, et *res sacra* nullius, diuinique iuris esse credita sit, ideoque pariter commercio humano exempta; per consequentiam *merx omnis* deficiat, qua deficiente nulla emtio contrahitur. Quod vero censor asserat, *rem exemptam esse commercio humano*, nihil aliud esse, quam eandem *habere non licere*, omnino fallit. Rem emptam habere non licet, ubi res in commercio quidem est, sed iuxta eius emptori controuersia sit, et ab eo, qui sibi potius in illa ius vindicat, euincitur, adeoque emptor eam habere potuisset, si alteri ius potius in ea non fuisset. Transit ergo res empta, quam emptori habere non licuit, in alterius dominium, ideoque extra commercium humanum non est posita. Non minus dicendum est, quod addit censor, rem euictam *ratione emptoris* ex com-

commercio humano exemptam esse. Quidenim, si alter non euincat usucapionis tempora labi patiatur, vtrum ne *usucapiendi conditionem* interim habuit, et tandem *usucepit*? In omnium ore est, τὸ *habere licere* inuoluere nihil aliud, quam *conditionem usucapiendi*, quae in re tradita emtori praestatur, adeoque eius commercio exempta haud est, cum eam usucapere queat. Tandem (VI) scrupulum sibi ipse censor mouet, quod *res aliena* valide vendi possit, hanc vero per vindicationem veri domini emtori habere non liceat, ideoque τὸ *habere licere* ad venditionis essentiam non pertineat. Iustae dubitationi non satisfacit, dum rem alienam emtori tamdiu habere licere asserit, donec vere euincitur; et haec duo, *me rem habere*, et *alium eam vindicare posse*, se mutuo haud expugnare. Enimvero hoc ipso tempore, quo a vero domino res aliena euincitur, eam emtori habere non licet, et nihilominus tamen rei alienae venditio ab initio valida ac perfecta fuit. Et quamuis *me habere rem*, et *alium eam posse vindicare*, se mutuo haud tollant: hoc tamen eatenus tantum verum est, quoad res non euincitur, cum ab ipso vindicationis momento rem, ex perfecta emtione quaesitam, habere non liceat. Rei alienae emtio igitur vera emtio est, ob translata *usucapiendi conditionem*, quamuis rem emtori, propter euictionem secutam, postea retinere non liceat: ideoque

que hoc ad eius substantiam non pertinet. Novum argumentum (VII) a contractu *locationis* et *conductionis* deducit o), asseritque, de huius essentia esse, ut locator conductori rei locatae usum praestet, seu quod idem est, ut conductori re locata libere et quiete uti liceat; adeo ut si cesset id praestare locator, eo ipso conductor a contractu resilire, et quantum est de se, eum rescindere ac annullare possit: eodem vero modo in emtionis venditionisque contractu ratiocinandum esse, ideoque eius definitioni recte adiaci formulam, *ut res ita tradatur, ut eam accipienti habere liceat*. Sed non minus erroneum est, obligationem locatoris, ut conductori, *re locata quiete et libere uti licere*, praestet, ad contractus locationis et conductionis *essentiam* pertinere cum huius substantia eadem, qua in venditione, ratione in *CONSENSU de rei usu vel operæ pro certa mercede præstanda* consistat, ipsoque momento *perficiatur*, ex quo contrahentis consensus declaratur; ex hoc vero, *impleto* contractu, demum locatoris obligatio, ut liberum ac quietum rei locatae usum praestet, determinatur. Quæ vero ex *essentiâ* rei proficiscuntur, non sunt ipsa essentialia. Quid? quod nec sibi ipse constat censor. Cum enim asserat, conductorem, si huic obligationi locator non satisfaciat, a contractu resilire, eum rescin-

•) §. XVIII. cit. differt.

scindere ac annullare posse: eo ipso concedit, contractum locationis *perfectum* adfuisse, quippe a quo recedendum fuerat, si quietum rei locatæ usum non præstitit locator. Videlicet per huius usus præstationem locationis et conductionis contractus *impletur*, qui iam antea solo *consensu*, de *usu* certæ rei pro *mercede* exhibendo, *perfectus* fuerat. Eadem prorsus ratione omnia sese habent in emtionis et venditionis contractu; nec eum accurate definiunt, qui eius definitioni addunt: *ut res ita tradatur, ut accipienti eam habere liceat*. Hæc notio *abundans* est, quoniam ex iis, quæ ad venditionis *substantiam* pertinent, determinatur, nec omni emtioni inest: abundantes vero notiones ex accurata et logica definitione, quæ rei definiendæ tantum substantiam tradit, exulant. Denique (VIII.) ab *absurdo* ratiocinatur, quod venditio sub formula: *vendo tibi villam Tusculanam, sed ita, ut eam habere nunquam liceat*, inita prorsus inualida sit. Quis vero, quæso, tam ineptam et absanam inierit venditionem? In hac enim deficit *consensus de merce tradenda*, adeoque venditio plane non contrahitur. Alia foret venditionis formula: *vendo tibi fundum tuo periculo ita, ne eundem tibi habere licere præstlem*. In hac enim venditione id agitur, ut res quidem tradatur, sed si forsan ob rei euictionem rem emtori habere non liceat, venditor ab *euictionis*

*nis præstatione fit liberatus. Ultimo loco ( IX. ) ita argumentatur p ) : de essentia emtionis venditionis est consensus de re tradenda. Iam vero res tradi non videtur, nisi ita tradatur, ut emtor sit superior in possessione, id est, ut emtori præ quovis alio rem habere liceat: ergo consensus in id, quod est, habere licere, est ita de conceptu essentiali emtionis, sicut est consensus de re tradenda. Enimvero a consensu in rem tradendam, ad obligationem ad præstandum, rem habere licere, tamquam a diuersis ad diuersa male ducit argumentum, et inter utrumque ingens discrimen intercedit. Vti §. ant. probatum, ex isto consensu, tamquam ex venditionis essentia, hæc obligatio naturaliter demum determinatur, ideoque ad eius duntaxat naturam est referenda, et mutua paciscentium voluntate, salua emtione, remitti potest.*

## §. XVIII.

Pergit censor, et generalem atque indefinitam conuentionem, *nihil euictionis nomine præstitum iri, stricte atque ita esse interpretandam sentit, ut tantum ei, quod interest, renunciatum esse, credendum sit, salua adhuc essentiali, quam vocat, venditoris obligatione, ad præstandum, rem emtori habere licere, ( vtut remissum sit ) adeo, ut si illud effectui dare, ob factam euictionem, non possit, restituendo pretium se ab illa obligatione eximere debeat. Nam*  
*id*

*p ) §. XIX. cit, differt.*

*id ipsum est, inquit q), quod siue IVLIANVS siue VLPIANVS in sapissime cit. l. II. §. 18. de act. emt. vend. innuit, dum dicit: neque enim bonæ fidei contractus hanc patitur conventionem, ut emtor rem amitteret, et venditor pretium retineret. Renunciationes hoc sensu stricte interpretandæ esse dicuntur, quod in illis explicandis renunciantium inprimis voluntas respiciatur, ne ultra illorum mentem extendantur. Quid vero actum censetur in generali pacto: per se heredemque suum non fieri quo minus habere liceat, de extranei facto autem se teneri nolle, vel: nihil euictionis nomine præstitum iri? Huiusne conventionis aperta est sententia: quidquid euictionis nomine alias præstari solet, in præsentī venditione haud præstitum iri? Etenim vox nihil omnem omnino euictionis præstationem excludit. Nulla ergo iusta ratione formula posterior sic explicatur: id, quod, saluo pretio, emptoris interest, rem venditam euictam non esse, a venditore haud præstitum iri: cum contrahentium conventio hoc modo sophisticè explicetur. Præter rem obiicitur, euictionis præstationis vocabulum in isto pacto remissorio sensu rigoroso esse accipiendum, quo id, quod interest, tantummodo denotat. Usus loquendi contra docet, in euictionis præstandæ significatu pretii potissimum*

*q) §. XXII. cit. dissert.*



munum restitutionem contineri; ceu §. XV. euictum est. Deinde quis negauerit, remissa obligatione ad praestandum *emtori rem habere licere, incertum quid in contractum deduci, et spei emtionem iniri, in qua mnis praestanda euictionis necessitas exulat, quia, IVLIANO iudice, id in ea agitur, ut venditor nummos accipiat, quamuis merx ad emtorem non pertineat. Hoc ipsum censor concedit, et cit. §. XXII. docet, quod in emtione spei emtori, rem habere licere, venditor praestare non teneatur. Admittit, in pacto speciali: ut nec pretium, nec id, quod interest, euictionis nomine praestetur, pretii restitutionem recte remitti. Cum vero generale pactum, nihil euictionis nomine praestitum iri, idem plane, ac pactum speciale, contineat, siquidem vox nihil, quidquid euictionis praestanda notione comprehenditur, excludit; deinde in hac quoque formula *emtio spei* latitet: consequens est, idem, quod censor in pacto speciali statuit, in generali quoque esse statuendum. r) Quod quidem ad fucatam aequi-*

r) Vim huius argumenti agnovit HERM. ZOLLIVS in diss. cit. ad L. II. §. ult. D. de A. E. V. §. VIII. Falsam esse rationem Iuliani, quasi bona fidei contractus eiusmodi conventionem non admittat, ipsi DD. agnoscunt, dum conventionem hanc ratione certa causa vel persona admit-

tunt, et ulterius etiam pro exceptione tradunt, si nominatim conveniant contrahentes, ut ne quidem ad pretii restitutionem teneatur venditor. Bartol. Salycetus in L. I. q. 5. C. de periculo et com. rei vend. Caballin tr. de euict. §. 2. n. 27. Carpzov lib. 5. resp.



æquitatis rationem, a IULIANO prolatam, attinet, illa primo nihil probat, nihilque decidit: cum ad illustrandam IULIANI sententiam ab ULPIANO, *citatae legis* auctore, sit adducta, à qua tamen ipse discessit. Deinde ipse IULIANVS vers. *nisi forte*, non diffitetur, venditionem ex iusta et probabili causa, qualis in *emtionem spei* occurrit, omnino hanc conventionem pati, ut, etsi emtor rem amittat, pretium tamen venditor retineat. Eiusmodi vero spei emtionem per illud pactum remissorium contrahi, sæpius iam est observatum; cum, qui *omnia* remittit, sine *sophismate* et *contradictione* quædam tantum remisisse dici nequit.

## §. XIX.

Venio ad cetera, quæ pro pacto de non præstanda euictione, et pro sententia Ulpiani militant,

I 3

ar-

resp. 43. et P. 2. Const. 34. def. 22. Si enim bona fidei contractus eiusmodi conventionem, qua re emtori per euictionem ablata venditor pretium retineret, non patitur: sane nihil etiam operabitur, etsi nominatim adiectum sit, ut venditor pretium retineret. Et paradoxum est, unam conventionem simul validam et invalidam esse, uti Iulianus hanc conventionem ratione utilitatis valere, ratione pretii

autem non valere existimavit. Recte igitur hæc sententia ab Ulpiano est reiecta manetque regula: quod remissa euictione ne quidem pretium sit restituendum. Ad utrumque enim competit actio ex stipulatu vel ex emto; L. euicta 70. D. de euict. utrumque igitur, euictioni indefinite et simpliciter remissa, remissum censi debet.

argumenta, ab obiectis officiis liberanda. Prouocauit B. Parens ad L. II. §. 15. D. de act. emt. vend. eiusque vberiore explicationem dedit §. XVII. cit. diff. Verba legis sunt: *si quis seruum ea conditione vendiderit, ut intra triginta dies duplum promitteret, poslea NE QUID PRAESTARETUR, et emtor hoc intra diem non desiderauit: ita demum non teneri venditorem, si ignorans alienum vendidit; tunc enim in hoc fieri, ut per ipsum et heredem eius emtorem habere liceat: qui autem alienum sciens vendidit, dolo non caret et ideo emti iudicio tenebitur.* Quæ hunc in modum explicat censor: s) quod quamuis post lapsos triginta dies bonæ fidei venditor ad euictionis præstationem non obstringatur amplius; teneatur tamen vel ipse vel heres eius emtori hoc continuo præstare, ut rem habere liceat. Verum enim vero nisi quis iurisconsulti sententiam plane ineptam dicere velit, hanc explicationem admittere nequit. In hac simul negat, bonæ fidei possessorem post triginta dies ad euictionis præstationem teneri, eundemque simul obligari adfirmat, ut rem emtori habere licere præstet perpetuo. Vltimum si verum esset, consequens est, ut si venditor efficere nequeat, ut rem emtori habere liceat, sed ista euincatur, euictionis nomine adhuc obligetur: quod ipsum in momento ne-

s) §. XXIV, cit. diff.

negavit. Refugium frustra quærit censor in efficto riguroso euictionis præstandæ significatu, qui ipsius est, non Vlpiani, citatæ legis auctoris. Non ex interpretis hypothese, leges explicandæ sunt, sed ex mente legis. Urget porro in *cit. l. bonæ fidei* venditorem illi, qui *mala fide* vendidit, opponi; de *hoc* imprimis asseri, quod licet duplæ stipulatio ad XXX. dies fuerit restricta, cum tamen tum ad pretii tum ad eius, quod interest, restitutionem simpliciter obligari, adeoque de *illo* dicendum esse, quod, ad rei euictæ pretium refundendum duntaxat obstringatur. Sed α) quod ex ipsa legis sententia intelligitur, ICtus, dolosum venditorem ibi non adstringit tum ad *pretium*, tum ad id, *quod interest*, cum asserat, eum tantum teneri ex emto, quæ etiam sententia *l. 11. §. 18. de A. E. V. in fin.* sæpius explicata est. β) Expresse asserit, ignorantem venditorem tantum teneri, ne per se vel per heredem suum fiat, quo minus habere liceat: si per tertium ergo fit, quo minus habere liceat, non tenetur, de quo vnice quæstio erat. De suo enim et heredis facto semper tenetur. γ) Porro si iusto consecutionis nexu ab oppositis argumentum ducere voluisset; ita fuisset concludendum, bonæ fidei venditorem ex emti iudicio *non teneri*: hæc enim propositio demum priori, qua malæ fidei possessorem hoc iudicio, *teneri* ICtus adfir-

firmauerát, opponitur. Ipsa legis sententia neque difficilis est neque obscura: bonæ fidei venditorem, die præfinito elapso, ad id tantum, *ne ipsemet vel heres eius euincat*, teneri: sin alius euincat, euictionis nomine eundem haud obligari; cum hoc inter partes fuerit actum, eique ideo merito standum. Obseruat porro B. PARENS, ne pretii quidem repetitionem a ICTo admitti, cum eum duntaxat casum excipiat, *ne ipsemet venditor vel heres eius rem venditam euincat*; et si pretii refusionem excipiendam esse censuisset, id sine dubio expressisset, cum generaliter, *venditorem emti iudicio*, quo pretium repetendum erat, *non teneri*, ICTus loquatur. Non est, quod obiiciat Censor, *neminem ignorare, venditorem ipsum euincere non posse*. Contingere potest, rem alienam a venditore bona fide in contractum esse deductam, eundem vero istam postea a vero domino testamento acquisuisse, vel ipsi domino successisse *t*). Quod si igitur rem venditam ab emtore vindicare conetur, addita prætexta causa, quod heres domini sit, a quo viuo res euinci potuisset: liti quidem sese immittere huic licet; quo facto, potiori iure a venditore probato, res per sententiam ei adiudicanda;

*t*) NIC. BURGUNDVS de euictionibus cap. XXXIX. n. 1. VLR. HVBERS in prælectionibus ad tit. de exceptione rei vendita et tradita, et VOETIVS in commentario ad cit. tit. n. 2.

da; sed, re hoc modo euicta, venditor nihilominus euictionis nomine emtori est obligatus. Quamvis enim emtor *exceptione rei venditæ et traditæ* venditorem a limine iudicii repellere queat: eius tamen arbitrium est *v*), vtrum hac exceptione uti, an vero lite cum venditore contestata, euictionem pati, et, re ablata, deinceps victorem actione ex stipulatu ad duplum vel ex emto ad pretium et id, quod interest, conuenire malit. Quid quod fieri potest, quod emtor, exceptione ista non opposita, vel non legitimo tempore prolata, imprudens litem cum venditore sit contestatus, et hic ex potiori iure, postea acquisito, rem euicerit. Potest igitur venditor vel eius heres rem venditam euincere; quamuis id ipsi nulla plane ratione profit, cum rem quidem venditam recipiat, sed ad euictionem emtori præstandam obligetur. Venditores sæpissime apud Romanos ita improbe egiſſe, vt ipsi rem venditam vindicare non reformidarint *x*), vel ex eo liquet, quod eius rei caussa non singularis solum *exceptio rei venditæ et traditæ* sit introducta, sed emtores

*v*) l. 17. 12. l. 73. D. de euictionibus l. 3. C. de rebus alienis non alienandis.

*x*) conf. l. 14. C. de rei vind. l. 4. §. 32. D. de doli mali & met. except.

res sibi quoque stipulatione, *ne ipse vel heres eius faciat, quo minus habere liceat*, prospexerint, quam formulam VLPPIANVS recte hoc modo explicat y): *sed quatenus, inquit, habere licere videbitur? si nemo controuersiam faciat, hoc est, neque IPSE REVS, neque HEREDES eius heredumue successores.* Manifestum ergo est, verborum *cit. l. §. 15.*, tunc enim in hoc fieri, *ut per ipsum & heredem eius habere liceat*, hunc esse sensum, ne scilicet ipse venditor vel heres eius rei venditæ controuersiam faciat, eandemque euincat. Quod vero censor addit, quod, quamuis venditor non teneri dicatur, nihilominus tamen *ad pretii restitutionem obstringatur*, ideo quod renunciationes ad non expressa haud sint extendenda, ita ut licet quis euictionis præstationem remiserit, per hoc tamen pretii refusionem, utpote ab illa diuersam, remisisse non censeatur; ad id redit, quod sæpius confutatum est. Formula pacti generalis fuerat, *ne quid præstaretur.* Quæ cum omnem euictionis præstationem, tum eius quoque principalem partem, quæ in *pretii refusione* consistit excludit: ideoque falsum est, quod per huiusmodi interpretationem ad non expressa trahatur. Inde ICTUS in *cit. l.* generaliter decedit, *venditorem emti*

y) *l. 38. §. 2. D. de verb. obligat.*

*emti iudicio (quo vnice pretium repeti poterat) non teneri.*

## §. XX.

Progreditur Censor ad explicanda Verba **VLPIANI** in cit. L. II. *Multum interesse arbitror, utrum polliceatur, per se venientesque a se personas non fieri, quo minus habere liceat, seu ut res euincatur z), an vero per omnes. Nam si per se, non videtur id praestare, ne alius euincat. Proinde, si res euicta erit, siue stipulatio interposita est, EX STIPVLATV NON TENEBITVR; siue non est interposita, EX EMTO NON TENEBITVR.* Quibus verbis quamquam **ICTUS** omnem, quæ vel ex stipulatu vel ex emto euictionis nomine compete-  
bat, actionem emptori esse denegandam eamque ideo ne ad pretium quidem repetendum, quippe quod alterutra actione peti debuisset, superesse censuerit, a)  
eadem

z) Verba ista hoc loco male inserta esse, praeter rem existimat **Dn. ALFF.** Vtraque enim formula in effectu conuenit. Nam rem emptori habere non licet, si illa euincitur. Unde **POMPONIVS** in l. 34. de euictionibus, non interest, inquit, quo genere iudicii euincatur, ut mihi habere non

liceat. Itaque per euictionem contingit, ut rem habere non liceat. Vid. supra §. V.

a) Aliud aduersus istorum verborum **VLPIANI** explicationem dubium mouet **V. consult. IO. TOB. RICHTER** in cit. diss. §. XVIII. existimans, **ICTUM** iis verbis, quæ initio paragraphi leguntur,



eadem tamen in rem sententiamque suam con-  
verfu-

guntur, non de pacto remissorio sed de euictionis praestatione promissa sermocinari dum dicit: *Qui habere licere vendidit, videamus, quid debeat prestare?* Sed vel hunc scrupulum tollunt mox insequentia verba, quibus Vlpianus descendit ad eam conventionis formulam, de qua sermo est, dum scribit: *Et multum interesse arbitror, utrum hoc polliceatur, PER SE VENIENTESQUE A SE PERSONAS NON FIERI QVO MINVS HABERE LICEAT, AN VERO PER OMNES? Nam si per se, non videtur prestare, ne alius euincat.* In pactione qua venditor duntaxat promiserat, per se heredesque suos non fore, quo minus habere liceret, id tacite actum videbatur ICto, ne de euictione ab alio facta teneretur. Itaque in illa conventionione pactum de non prestanda euictione, ab alio facta, contineri, VLPIANVS decernit, eoque nomine actionem tam ex empto quam ex stipulatu ad petendam euictionem denegat. Verissimum igitur est, ICto non tam de promissa euictionis praestatione, quam de vi pacti remissorii sermonem esse. Sed noua coniectura vitur RICHTERVS, et etiamsi illud admitteretur, existimat tamen, verba

VLPIANI, NON VIDETVR prestare ne alius euincat, certam eius decisionem non exprimere, eumque potius in dubitatione versatum esse, et a priori opinione recessisse videri, dum contrariam IULIANI sententiam referens scribit; sed Iulianus scribit: vocemque sed adhiberi non minus a ICtis, vbi aliorum sententias approbant. Verum I) din obseruauit IAC. CVIACIVS lib. II. Obs. cap. XXV. et in Comment. ad L. 4. §. 1. D. de Verb. Obligat. formulam videri, videtur, esse quidem subinde notam diffidentis in id tamen se magis inclinare demonstrantis, subinde vero solere ICtos tantum modestiae causa his vocibus uti. Eadem modesta formula sententiam de vi pacti remissorii dicit ICtus noster, et ita dicit, vt nullum de certa et constanti decisione eius superesse possit dubium. Addit sententiae suae consequens: *proinde, si euicta res erit, siue stipulatio interposita est, ex stipulatu non tenebitur, siue non est interposita, ex empto non tenebitur.* Quando ergo II) ICtus Iuliani opinionem, sententiae suae aduersam, recenset; neminem fore arbitror, qui vel vocem, Sed, ex ipsius argumenti ratione non existimauerit aduersa-  
tiam

versurus sic explicat censor: *Obserua rursus, inquit b) quod euictio, etiam rigoroſe talis, et quatenus a refuſione pretii contradistinguitur, ex duplici cauſſa deberi poſſit: ac primo quidem ex natura emtionis: ſecundo ex ſtipulatione, emtioni adiecta; et hinc inſcribitur tit. digeſt. de euictionibus et duplæ ſtipulatione. Atque ut in hoc conueniunt omnes: ita nullo modo ſequitur, quod etſi euictio neque ex emto, neque ex ſtipulatione ſit præſtanda, quia remiſſa eſt, etiam pretium non ſit refundendum: hæc enim (ut ſæpius audiuiſti,) toto cælo differunt. Sinifſtre itaque Böhmerus interpretatur illa verba: ex emto non tenebitur; quia hic loquendi modus cum priori: ex ſtipulatione non tenebitur; in eo conuenit, quod ſicut vel omiſſio vel adiectio ſtipulationis circa duplam nihil mutat quoad refuſionem pretii, ita pariformiter ſe habeat præſtatio euictionis ex emto. Omnis interpretatio hoc errore innititur, euictionis præſtationem, per duplæ ſtipulationem promiſſam, in effiçto ſenſu rigoroſo, eſſe accipiendam*

tinam, vel Ictum crediderit de ſua deſtitiffe ſententia, quam adeo abſciſſe propoſuit, ut et omnem omnino actionem ad euictionis præſtationem petendam negauerit. Atque

ſic omnia conſpirant cum fine legis cit. ubi contra Iuliani ſententiam pronunciandum eſſe decernit Ulpianus.

b) cit. diſſert. §. XXV.

accipiendam, quo *pretii repetitionem* non comprehendit: ideoque omissionem vel adiectionem *duplae stipulationis* quoad pretii refusionem nihil mutare, sed præter *duplum* adhuc *pretium* deberi, licet illud in stipulationem tantum deductum fuerit. Euictionis præstatio, per *simples* et *duplae stipulationem* promissa, semper *pretii restitutionem* complectitur. *Simpla* euictionis nomine promittitur, cum, quanti res est, seu simplum rei euictæ pretium se restitutum esse, venditor spondet. Inde, IAVOLENVS c) *simplam*, euictionis nomine debitam, ab eo, *quod interest*, distincte separat. In eandem rem facit illud VARRONIS d), qui *cauere debet*, inquit, *de euictione simplici, quanti ea res sit*. Solennior Romanis est *dupla* stipulatio, quam ideo *assiduam* vocat VLPIANVS e). In hac pretii duplum, seu *pretium*, quo res venit, et *alterum tantum*, in casu euictionis venditor promittit f): ut vel hac

ra-

c) l. 60. D. de euict.

d) de re rustica l. II, c. X.

e) L. 31. §. 20. D. de adilit. Ed.

f) V. BARNABAS BRISSONIVS de verborum significatione lib. IV. voce *dupla* p. 508. conf. l. 45. D. de adilit. edictio. Eodem modo HARMENOPVLVS in prompt. iur. civil. l. III. tit. III.

de emtione vendit. n. 3. duplam describit: *πράτης τὸ διπλὸν παρ᾽ αὐτὸν ἀναγκάζειν, τοῦτέστιν αὐτὸ τὸ δοθὲν, καὶ ἕτερον τοσοῦτον*. Venditor duplum prestare compellitur, hoc est, et id, quod datum ei fuerat, et tantundem insuper.

ratione id, quod interest, quod incertæ admodum æstimationis et difficilis probationis esse solet, per alterum tantum pretii definiretur. *Dupla* igitur *rei pretium* comprehendit, indeque τμήμα εἰς τὸ διπλὸν sic-  
vti *simpla* ἀπλὸν τμήμα a CONSTANTINO HARMENOPV-  
LO g) eleganter vocatur. MICHAEL ATTALIATA b)  
*illam* τὸ διπλὸν τῆ τιμῆματος, *hanc* vero ἀπλὸν τὸ τμήμα ap-  
pellat. Vnde in *duplæ* æstimatione *pretium*, quo res  
venit, *fundamenti* loco, ex quo illud definiendum  
est, constituitur et duplatur, vt fusius probat *vir*  
*clarissimus* GERARDVS NOODT i) et egregie  
declarat CONSTANTINVS HARMENOPVLVS k)  
λέγει ὁ νόμος ὅτι ἐπὶ τῆς πράξεως, ἀναγκάως ἐπελαί ἡ δοῦπλα, του-  
τίς, τὸ ἐπερωτᾶσθαι τὸν πωλοῦντα ὅτι, εἰάν ἐκκηθῇ τὸ πράγμα, ἵνα  
δῶσο τὸ τμήμα εἰς τὸ διπλοῦν; quæ ex IOANNIS MERCERI  
interpretatione ita sese habent; *Dicit lex in venditio-  
ne duplam necessario consequi, hoc est, illud per stipulatio-  
nem a venditore impetrari, vt si res euicta fuerit, in du-  
plum rei pretium soluat.* Res ipsa ex L. 18. 19. 20.  
D.

g) cit. lib. I. tit. IX. de pacto nudo  
n. 21. et l. III. tit. III. de euiction. rei  
vend. n. 89.

b) In opere de iure seu pragma-  
tica tit. XII. de contractu vendi-  
tionis, apud IOAN. LEVNCLAVIVM

in iure Græco Romano tom. II. p. 13.

i) In Commentario ad tit. de euic-  
tionibus tom. II. oper. p. 470.

k) cit. l. lib. I. tit. IX. de pacto nu-  
do n. 21.

*D. de liberali caussa* plenissime instruitur. Quid *duplæ* nomine præstandum sit, sic definit ICtus: *Vtrum pretium tantum, inquit, an etiam id, quod pretio accessit, duplicetur, videamus?* Et putem omne omnino, quod propter emtionem vel dedit, vel permutavit, vel compensavit eo nomine, (nam et is dedisse intelligendus est) vel obligatus est, *duplari debere.* Itaque evictæ veritatis est in *duplæ* vel *simplæ* stipulatione semper pretii restitutionem contineri, nihilque inconcinnius esse, quam evictionis præstationem, ex stipulatione promissam, in effecto isto, qui *pretii repetitionem* haud continet, *rigoroso* significato accipere. Destructo eo, quo omnis eius interpretatio innititur, cetera omnia corruunt. Falsum est, deficiente actione ex *stipulatu* et *ex emto*, ad rei evictæ pretium petendum superesse actionem, quam per *nouum edictum* indicare debuisset censor, si in promptu fuisset. Instantia, quam a speciali pacto repetit, qua eius tantum, quod ob evictionem interest, præstatio remissa, et pretii repetitio excepta est, ad rem non facit. Omnis quæstio in eo vertitur, quid in *generali evictionis præstandæ remissione* pro remisso sit habendum? in qua *VLPIANVS* omnem emptori tam ex *stipulatu* quam ex *emto* denegat actionem.

## §. XXI.

Obferuat porro B. *Parens* in *cit. differt.* §. XXII. in *tacito pacto remifforio*, veluti fi emtor *sciens alienum* quid emit, idem intelligi, vt ne ad *pretium* quidem repetendum vlla actio fuperfit 1), cum eiusmodi emtor *euictionis periculo* fe fe fubieciffe videatur. Sed obiicit cenfor, aliam hoc loco fubefle rationem, prorfus fingularem, quod emtor, qui *sciens rem alienam* vel alteri obligatam comparat, *in dolo* verfetur; ideoque fraudem eius puniri oporteat. Verum enim vero quod *venditor* ab obligatione *euictionis* praeflandæ, ad quam praefertim ob *rem alienam*, *fcienter* venditam, obftrictus eft, *liberetur*, eius ratio fruftra in *dolo emtoris* quaeritur. Quodfi enim vel maxime afferam, emtorem, *fcienter* rem alienam ementem, in dolo verfari; hic tamen tantum refpectu *tertii*, ad quem res aliena fpectat, neutiquam vero in *venditorem* committitur. Ratio ergo aliunde arceffenda, quæ ex ipfa huius venditionis emtionisque natura omnium facillime eruitur. Emtor enim *sciens rem*  
alie-

1) l. 27. C. de euictionibus.

alienam, vel alteri obligatam, comparans, *incertum quid* intuitu *euictionis imminentis* (quæ tamen etiam ex negligentia veri domini deficere potest) reuera emit, cum res semper euictionis periculo subiaceat, ideoque ille in ea causa sit, vt quasi *iactum retis* a piscatore emisse videatur. In spei emtionibus vero cum euictionis præstatio exulet *m*); non mirum est, in hoc quoque casu nullam, ad euictionem præstandam, competere actionem, præsertim cum res euictioni obnoxia vtplurimum minori et levissimo pretio comparetur, ob susceptum euictionis imminentis periculum *n*).

## §. XXII.

Leuia sunt, quibus ultimi *in cit. dissert. §. fin.* traditi argumenti vim atque robur debilitare, molitur censor. Explicata est *L. 69. D. de euict.* in qua casus proponitur, quo venditor in venditione serui *libertatis causam* excepit, seu in specie cauit, *ne teneretur de euictione hominis, si liber esset*: quo facto et SCAEVOLA,

*m*) *l. 8. §. 1. D. de contrabenda em-  
tione.*

*n*) Hoc indicat iuriconsultus in

*l. 39. D. de actione emti venditi. ibi:  
vel minoris emturus esset.*



VOLA, seruo ad libertatem perueniente, venditorem euictionis nomine non teneri, perspicue decidit. Si ergo venditor euictionis nomine haud obligatur: idem quoque ex SCAEVOLAE mente, nec ratione *pretii* tenetur; cum pretium euictionis praestandae nomine petatur. Regerit ille; in hac interpretatione errorem latere, quasi inter *euictionis praestationem* et *rem emtam habere licere* nullum sit discrimen: ideoque in hac opinione versatur, quod etiamsi conuenit, ne de *euictione* hominis teneretur, tamen adhuc obligatus sit, ut hominem *habere licere* praestet, seu ut *pretium hominis* soluat. Verum hac antiquum errorem sapiunt, quo commentitiam illam euictionis praestationis, in *latiori* et *rigoroso* significato acceptae, distinctionem in leges infert, et quae de euictionis praestandae remissione agunt, ita interpretatur, ac si illa, in *rigoroso* tantum sensu sumpta, pro remissa sit habenda; in *latiori* autem significatione accepta, salua semper atque integra sit, *pretiumque* omnino repeti queat. Quo ipso clara et generalia legum verba, contra iustae interpretationis regulas, ita restringit, ac si ipsi *iurisconsulti* ita distinxerint; quod nulla plane probari potest ratione. Exemplo *cit.* L. 69. ergo euincitur, venditorem de euictione pra-

standa non teneri, vbi quædam euictionis causa excepta, eoque nomine *tacitum pactum remissorium* initum est. Exempli vim non euertit coniectura Consult. RICHTERI, o) qua ex specie in *cit. L.* proposita id tantum intelligi putat, venditorem serui plus, *quam ipse habuit*, non vendidisse nec vendere voluisse, eaque propter *causam libertatis* excepisse, ne de ea euictionis nomine teneretur: aliud autem esse, rem alienare, *vt propriam*, simulque, se nolle teneri de euictione, verbis prodere; aliud e contrario, rem, tamquam *non omni modo suam*, alienare, eoque nomine ab euictionis præstatione pacto se liberare, Namque id in omni venditione, sub pacto remissorio *bona fide* inita, actum esse censetur, vt, quantum habuit venditor, vendere, nec quidquam præstare velit, si forte res a tertio iure potiori euincatur: idque intelligere oportet emtorem, euictionis periculum suscipientem. Aliud est, si quis *sciens* rem alienam, vt propriam, alienat, simulque se nolle teneri de euictione paciscitur: is enim in *dolo* est, de quo §. IV. actum.

§. XXIII.

o) in *cit. diff. §. XVI.*

## §. XXIII.

Non infrequens Germanis fuit de non præstanda euictione conuentio, non minus apud illos valida et efficax, ac ceteræ conuentiones. Vsum in causis feudalibus non minimum præstat ad liberandum dominum a rei in clientelam datæ euictione. Nec desunt eius pacti vetustiora exempla. *LVDOVICVS Bauarus*, nomine filii æquiuoci Marchionis Brandenburgici, ratione feudorum ab Episcopatu Halberstadiensi susceptorum euictionis præstationem remisit in literis reuersalibus de a. *CIƆCCCCXXIII. p)* *Si forsitan aliqua de præactis sepe dicto filio nostro vel heredibus suis curta (diminuta) fuerint, ad euictionem seu recompensam eorundem (seu ad aliud feudum eiusdem æstimationis præstandum) ipsam ecclesiam Halberstadiensem seu Episcopum, qui pro tempore fuerit, nec teneri volumus aut quolibet obligari. In conuentione inter Fridericum Vlricum Ducem Brunswico Lune-*

p) vid. IO. PETR., de LVDEWIG reliq. med. aui tom. VII. n. 33. p. 480.

Luneburgensem, et *Wilhelmum Leopoldum* Comitem in Tettenbach, de Feudis Reinsteinensibus a. 1644. inita, actum est de non præstanda euictione feudorum Reinsteinensium : q) *Es will auch das Fürstliche Haus Braunschweig Luneburg ihre hochgräfl. Excell. und deren Mitbelehnten zu keiner præstatione euictionis deren hierin und in den vorigen articulen ihre verliehenen Lehn Stuck verbunden seyn.* Et solet subinde hoc pactum remissorium *tacite* iniri, quando dominus, quantum habuit, inuestitura se largiri declarat, quod fit formula, *was wir daran zu leihen haben.* Ceterum cum huius conuentionis vis et obligatio cum generalibus iuris Germanici de fide pactorum principiis innititur, tum eidem vim faceret, qui ex præiudicio opinionis hætenus confutatae eius tantum, quod vasalli ob euictionem feudi interest, non vero pretii restitutionem remissam, dominumque de pretio feudi adhuc teneri, existimauerit, cum euictione omni remissa, pretii quæ

q) Tabulae insertæ sunt *Deductioni pro colorando possess. in Sachen Preussen und Braunschweig die Graff-*


*schaft Reinstein betreffend.* in app. n. XII. p. 42.

quæ primas partes fert in feudi euictione, restitutio, vel alterius feudi eiusdem æstimationis præstatio, quæ in excitatis tabulis Ludouici Bauari *recompensa feudi* vocatur, remissa esse censetur.

## §. XXIV.

Supereſt, vt noui paternarum ad Digesta exercitationum Voluminis rationem paucis explicem. Complectitur differtationes, varia Pandectarum argumenta inde a libro XXI. vsque ad librum XXVII. illustrantes. Singularum argumenta recensere superſedeo, cum index argumentorum volumini præmiſſus ſuccincte exhibeat, quid quoue ordine ſit dictum in cuiuslibet argumenti tractatione. Prætermittendas eſſe exiſtimaui differtationes de vſu practico doctrinæ de ſponſalibus de futuro et de præſenti, de matrimonio coactō, de iure circa ſolennia matrimonii eccleſiaſtica, de probatis repudiorum cauſis, prætermiſi etiam differtationem de iure principis Euangelici circa diuortia; illas vel ideo, quod *iuri proteſtantium eccleſiaſtico* ad tit. de Sponſalibus

*libus et matrim. et ad tit. de clandestina desponsatione* integræ sint insertæ, hanc vero, quod tota sit Celeberr. Icti Gissensis IO. FRIDERICI KAYSERI. Succedet quintum volumen, quo, quæ supersunt iuris ciuilis dissertationes complecti animus est. Te vero, Lector beneuole, valere iubeo. Scripsi in Academia Georgia Augusta a. d. V. Calend.  
Oët. clb lccc li.



INDEX

# INDEX EXERCITATIONVM

EXERCITATIO LXI.

Ad Lib. XXI. Pand. Tit. II.

VINDICIAE IVRIDICAE PACTI DE NON PRAESTANDA EVICTIONE  
CONTRA COMMUNES ERRORES.

Respondente IOANNE BARTHOLDO LEX *Meschedensi Gueſtphalo.*

Habita anno c181ccxxxv. pag. 1.

§. I. Communis opinionis nulla vis contra Leges. II. Communis opinio in hoc argumento. III. Euincere quid? Pactum remissorium euictionis praestanda duplex, generale et speciale. IV. Argumenti usus in emptione non minus quam in aliis contractibus onerosis. V. Vlpiani et Iuliani sententia discernitur in L. 11. §. 18. D. de act. emt. vend. VI. et VII. Notatur Ant. Fabri sententia, qui speciale de non praestanda euictione pactum impugnat. VIII. Sententia interpretum, pactum generale ex mente Iuliani explicantium, Mangili, IX. Hertii X. Nic. Burgundi. XI. Ger. Noodtii XII. Frantzkii, XIII. Donelli, XIV.

Contraria sententia iam a Duareno, Tuldeno, Henrico a Suerin et Titio defensa. XV. Vlpiani cit. L. dissensus a Iuliano euincitur 1) ex verbis cit. L. XVI. 2) ex indole pacti generalis remissorii XVII. 3) ex exemplo pacti de praestanda euictione ad tempus adstricta. XVIII. 4) ex decisione Vlpiani, opposita sententiae Iuliani. XIX. 5) ex epistola Vlpiani de Iuliani sententia XX. 6) ex ipsius Iuliani sententia dubitanter et timide proposita. XXI. et 7) contradictoria. XXII. Qui rem alienam sciens acquirit, euictionis nomine nihil repetit. XXIII. Consensus aliarum Legum.

EXERCITATIO LXII.

Ad Lib. XXI. Pand. Tit. II.

DE VSV ET COMMODIS PACTI DE PRAESTANDA EVICTIONE  
IN CAUSIS PRIVATIS ET PUBLICIS.

Respondente LEONHARDO A CANNGIESER *Equite Berol. March.*

Habita anno c181ccxxxvi. p. 34.

CAPVT. I.

*De pacto praestanda euictionis in genere.*

§. I. Cautela Iuris Romani in Germania applicatio, II. praesertim in doctrina pactorum. III. Principia Iuris nat. de pactis non repudiata prorsus a Romanis, agnita Germanis.

IV. Ex iisdem hodie iudicandum de pactis. V. Generalis euictionis praestanda significatus. Pactum de ea praestanda quid? VI. VII. VIII. Generalia huius pacti requisita, tum ratione consensus, tum ratione negotii antecedentis, intuitu cuius promittitur euictio.

) (

CA.



## INDEX EXERCITATIONVM.

### CAPVT. II.

*De usu et commodis pacti de praestanda euictione in causis primatis iuxta Ius Romanum et Germanicum;*

§. I. De usu huius pacti in genere. II. Speciatim 1.) in venditione hereditatis, vniuersitatis, nomium, III. 2.) ratione praestationum personalium IV. 3.) et casus fortuiti. Explicatur L. II. D. de Euct. Proponitur species de re emta facto principis ablata, odio venditoris. V. 4.) ratione cautionis qua pactum confirmatur. VI. 5.) ratione euictionis ab alio, quam iudice competente, procedentis. VII. 6.) in venditione secundum quid nulla VIII. 7. ratione venditorum, ad euictionem praestandam non obligatorum IX. vel vi privilegii ab ea immunium, veluti ecclesiarum. X. Judaeorum. XI. commodum huius pacti ratione litis denunciationis, et litis a venditore, procuratorio nomine emtoris, suis sumptibus suscipiendae XII. Vfus pacti in omnibus negotiis, in quibus interest ratione promissi securum esse. XIII. In locatione conductione, deposito commodato, XIV. ratione mandantis suo periculo, vel persuadentis, XV. In negotiis lucrativis XVI. in donatione, dotis aduentitiae promissione et legatorum praestatione XVII. in transactione XVIII. in hereditatis diuisione XIX. Euictio Iure Germ. per annum et diem praestata. Bri-

ga, exbrigare disbrigare. XX. Eius promissio subiinde munita execrationibus XXI. Subinde generaliter facta XXII. vel oblagii clausula firmata XXIII. Vis huius pacti ex Legibus Germ. XXIV. et XXV. Eius exempla ex diplomatibus XXVI. Vfus hodiernus.

### CAPVT III.

§. I. In causis publicis vocatur pactum Guarantiae. II. Eius definitio. III. Quinam illud ineant? IV. Ius statuum imperii in eodem ineundo. De Guarantia Sanctionis pragmatice Austriacae ab imperio susceptae. V. Duplex est vel expressum vel tacitum. An pactum successorium renuantiarum tacitam guarantiam in se contineat? VI. Generale est vel speciale VII. Exempla pacti generalis. VIII. Rationes pacti specialis. Principes alienae conuentionis Guarantiam in se suscipientes dicuntur fideiussores, affecuratores. IX. Guara dorum differens a fideiussoribus, mediatoribus, sponсорibus et obfidibus. X. Guarantia iniuri solet in vim Sanctionis pragmatice, firmari iureiurando, XI. et muniri hypotheca terrarum vel bonis in pignus datis. XII. Si pluribus Guarantia promissa, quis potior? XIII. An ad omnia conuentionis momenta pertineat clausula guarantiae? XIV. Pacti effectus. Remedia si pacto non statur, XV. Modi finiendi eius obligationem.

### EXERCITATIO LXIII.

#### Ad Libr. XXII. Pand. Tit. I.

#### DE FVNDAMENTO VSVRARVM PECVNIAE MUTVATICIAE.

Respondente HERM. BERNH. WOLFFRADT *Sundensi Pomerano.*

Habita anno c1810 cccxviii. pag. 87.

§. I. Fata Vsurarum in Germania introductarum. II. Pecunia mutuaticia et vsurae quid? Examen definitionis a Canonistis pro-

positae. III. In mutuo vsurae Iura Rom. ex stipulatione, non ex pacto IV. in negotiis b. f. officio iudicis debentur ex mora vel ob

## INDEX EXERCITATIONVM.

ob usum. V. Sententia interpretum, qui mutuum habent pro contractu stricti iuris. VI. Eius confutatio. VII. Differentia contractuum b. f. et stricti iuris. VIII. Mutuum est contractus iurium gentium: ex æquo et bono æstimatur: compensationem ipso iure admittit. Explicatur sententia Neratii in L. 4. de compens. Argumentum a conditione indebiti IX. Soluitur dubium abusu actionis de eo quod certo loco in mutuo foenebri, X. et ab usuris in mutuo non nisi ex stipulatu debitis. Huius ratio ex natura contractus gratuiti. XI. Inde pactum usurarum inefficax. Rationes Noodtii expensæ. XII. Diuersa ratio contractus depositi, respectu deponentis, gratuiti. XIII. Ex stipulatione, tanquam ex speciali causa, usuræ debentur in mutuo. XIV. Cur ex mora non debeantur? XV. Cur debeantur in antichresi? XVI. Iure singulari debentur ea pacto ciuitatum, ex mutuo frumentari, ex traiectione pecunie et fenore argentariorum. Usuræ improbatæ nonnullis gen-

tilibus Philosophis, XVIII. deinde sec. III. patribus et canonibus, præsertim quoad Clericos. XIX-XXII. Fata huius doctrinæ a seculo IV. usque ad sec. XVI. XXIII. Seruatæ in commercio sunt usuræ aduersus Canonum prohibitionem XXIV. sed inuolucro aliorum negotiorum testæ. Inde annui redditus, excogitata societas commercii inter debitorem et creditorem, montes pietatis, et id quod interest. Sententia Casprouii de usuris ecclesiæ. XXV. Rationes prohibitionis canonice examinantur. XXVI. et XXVII. Fata usurarum in Germania sec. XIII. et XIV. XXVIII. Antichreses in Germania frequentes et approbatæ. XXIX. V. usuræ vario colore probatæ, quamuis inodus earum Legibus Imperii non sit definitus. XXX. Tandem quincunces definitæ in casu moræ, vel si conventionem, id, quod interest, promissum. XXXI. Conventionalis probatæ in Recessu nouiss. XXXII. Dispositio Iuris Lubecensis de usuris.

### EXERCITATIO LXIV.

#### Ad Libr. XXII. Pand. Tit. II.

#### DE PROBATIONE IN CRIMINALIBVS SPVRIA.

Respondente ARNOLDO ENGELBERTO BVSCHMANN *Rugiano.*

Habita anno 1815 ccxxxii. pag. 145.

§. I. Legitima probatio in criminalibus. II. Certitudo facti est vel absoluta vel moralis. III. Gradus certitudinis moralis IV. Spuria probatio quid? V. Origines superstitionis VI. Hoffmanni sententia VII. Ortrum duxit 1) ex reliquiis paganismi VIII. 2) ex superstitione monastica, imprimis ex opinione iudicii diuini. IX. 3) ex superstitione opinatorum miraculorum. X. Modus sollemnis spuriarum pro-

bationum. Iudicium aquæ frigidæ. XI. Eius sollemnitas Eugenio II. vulgo adscripta. XII. An ei recte tribuitur? XIII. Spuriæ probationes generalium reprobata Pontificibus. XIV. Exorcismorum superstitione et abusus in eisdem. XV. Eius occasio ex supersticioso more res inanimatas exorcizandi. XVI. Vfus iudicii aquæ frigidæ in magia. XVII. Iudicium per lancem et stateram, XVIII. per aquam feruentem XIX. ):( 2 per

## INDEX EXERCITATIONVM.

per ferrum candens, per rogam accensum, XX. per crucem, XXI. per panem execratum, per eucharistiam, per soates, XXII. per duellum. XXIII. Huius solennitas.

XXIV. Iudicium per iuramentum. XXV. Recensio Legum et canonum, quibus probata spuria probationes XXVI. Tandem damnatae sunt et reprobatae.

### EXERCITATIO LXV.

#### Ad Lib. XXII. Pand. Tit. II.

#### DE COLLISIONE PROBATIONVM.

Respondente CHRISTOPHORO FRIEDERICO KOCH *Sangerb. Thuring.*

Habita Anno clb lxxxvii. p. 196.

#### CAPVT I.

*De collisione testium inter se in probando.*

§. I. Argumenti ratio. II. Collisio probationum quid? III. Quot modis oriatur? IV. Collisio testium inter se. V. VI. et VII. Examen sententiae de fide testimoniorum ex numero testium aestimanda, VIII. IX. X. nec non de eorum fide ex dignitate testium. XI. XII. An affirmantibus plus credendum sit quam negantibus? XIII. Vis testimonii aestimanda est ex eius verisimilitudine. XIV. ex rationibus depositionum. XV. Ei pondus accedit ex praesumptione Iuris. XVI. In dubio pro reo pronuntiandum. XVII. et pro causa fauorebili.

Maiores vis probandi instrumentorum in fide antiquis V. in negotiis scripturarum desiderantibus VI. ex natura processus executiui, VII. in rebus quarum fluxa est recordatio. VIII. Confessio in instrumento facta per testes impugnari nequit. IX. In antiquis instrumenta praevalet testibus. X. An scripturae ex archiuo desumptae, vel litterae inuestiturae praevalet? XI. Praevalet in causis antiquis. XII. Examen sententiae Treutleri de testium praerogativa in probando: XIII. Vfus testium in probanda instrumenti falsitate XIV. XV. in impugnando tenore instrumenti. Quod testes desiderantur. XVI. XVII. de fide testium instrumentariorum contra instrumentum.

#### CAPVT II.

*De Collisione testium et documentorum inter se.*

§. I. Regula Iuris de vi probationis per instrumenta et per testes. II. De variis speciebus instrumentorum et testium inuicem collidentium. III. Aequalis modus probandi per instrumenta et per testes. Explicatur L. 25. C. de fide instr. IV.

#### CAPVT III.

*De Collisione Documentorum inter se.*

§. I. Collisio instrumentorum duplex, vel ab eodem vel a diuersis productorum. II. III. Instrumenta vere contradictoria ab eodem producta, irrita omnino; IV. modo ab eodem sint producta, V. nec a tali, qui restitutione iuuatur, VI. et contradictio in diuersis instrumentis interueniat. In una scriptura instrumentis, interpretationis auxi-

## INDEX EXERCITATIONVM.

auxilio indiget VII. Publicum instrumen-  
tum præualet priuato. VIII. An protesta-  
tio in iisdem producendis interposita profit?  
IX. Cura in discernenda vera contradic-  
tione & apparente X. In conflictu instrumen-  
torum a diuersis productorum quatenus vel

ad Notarii fidem, XI. vel ad qualitatem in-  
strumenti publici vel priuati, XII. vel ad  
causam fauorabilem sit respiciendum? XIII.  
Maior fides instrumenti, quod verifimilio-  
re continet. XIV. In dubio aduersus eum  
iudicandum qui probare debuit.

### EXERCITATIO LXVI.

#### Ad Lib. XXII. Pand. Tit. II.

#### DE COLLISIONE PRAESUMTIONVM.

Resp. et auctore FRIED. GVILIELMO HEROLD, *Halenf. Mag. lib.*

Habita anno c1811. pag. 241.

#### CAPVT I.

*De sensu rubricæ genuinæ.*

§. I. Argumenti ratio. II. Collisio quid?  
III. Præsumptionis ratio. IV. Formulæ, qui-  
bus in iure indicatur. V. VI. Præsumtio  
Iuris et de Iure male huc refertur. VII.  
Præsumtio violenta quid? VIII. Requisita  
præsumptionis iuris. IX. An sola approba-  
tione Legis innitatur? X. Distinctio inter  
præsumtionem Iuris simplicem et qualifi-  
catam. XI. XVIII. Differentiæ inter præ-  
sumtionem iuris et interpretationem. XIX.  
XX. Collisio præsumtionum quid? XXI.  
Eius effectus.

#### CAPVT II.

*De genuinis fundamentis in collisione præsum-  
tionum obseruandis.*

§. I. Origo collisionis præsumtionum ex  
generaliori legis dispositione, multis excep-  
tionibus obnoxia II. ex diuersis præsum-  
tionum gradibus, III. ex circumstantiarum  
varietate. IV. V. Imbecillior præsumtio

cedere debet fortiori VI. Vnde fortior sit  
æstimanda? VII. Generalis debet cedere  
specialiori. VIII. Generales præsumptiones,  
quod facta non præsumantur, IX. quod  
quilibet præsumatur bonus, X. quod natu-  
ralia inesse præsumantur XI. quod mutatio  
non præsumatur, XII. quod semel malus  
semper præsumatur talis in eodem delicti  
genere. XIII. Quando generalis præsum-  
tio speciali non cedat? XIV. In confli-  
ctu specialium præsumtionum inter se vio-  
lenta præualet. XV. XVI. Violenta æsti-  
matur ex maiori probabilitate et ex Legis  
determinatione. XVII. De legis dispositio-  
ne in rebus dubiis. XVIII. De collisione  
præsumtionum hominis inter se.

#### CAPVT III.

*De falsis et inadæquatis fundamentis collisionis  
præsumtionum.*

§. I. Examinantur regulæ Menochii  
quod præsumtio sit fortior, vi cuius actus  
subsistit. II. Quod præualeat, quæ ex  
substantia negotii quam quæ ex eius solen-  
nitate

## INDEX EXERCITATIONVM.

nitate ducitur, III. vel quæ benignior est IV. quod fortior sit quæ iure communi quam quæ iure speciali innitur. V. Quod specialis generali, et magis specialior præterenda speciali. VI. nec non naturalis accidentali, VII. vel verifimilior, quodque fortior sit pro actore, quam pro reo, VIII. quod fortior sit pro quasi possessione serui-

tutis quam pro libertate prædii, IX. quod negatiua præsumptio vincat affirmatiuam, X. nec non a naturali ratione repetita, alteram a ciuili ratione desumptam XI. vel a facto desumpta alteram a non facto deductam, XII. quodque præualeat, quæ animæ et salutis æternæ fauet.

### EXERCITATIO LXVII.

#### Ad Lib. XXII. Pand. Tit. IV.

#### DE IVRE ET AVCTORITATE SIGILLI

#### AVTHENTICI.

Respondente IACOBO GISEBERTO NAGELIO

*Erlinga-Sienæ.*

Habita die 16. CCXLII. pag. 291.

#### CAPVT I.

*De natura et historia Sigilli  
authentici.*

§. I. Instituti ratio. II. Sigilla quid? III. Eorum vsus inter Romanos. IV. Discrimen illorum ab hodiernis. V. Sigillum authenticum quid? VI. Eius species, maiestaticum, Secretum. VII. Bulla. VIII. Sigilla ceræ eorumque colores. IX. Sigilli autentici forma, X. caracteres, XI. Modus illud adnectendi. XII. Illius affinitas, Monogrammata et cruces. XIII. Cautiones in sigillis conseruandis et renouandis.

#### CAPVT II.

*De his qui authentico gaudent  
sigillo.*

§. I. Quinam ius sigilli autentici con-

cedant? II. Quinam illud inter seculares et ecclesiasticos exerceant? III. Quibus non competat? IV. Obseruanda in definiendo caractere sigilli autentici, V. in sigillo imprimendo, VI. eodemque custodiendo.

#### CAPVT III.

*De auctoritate Sigilli autentici et potius  
falsarij.*

§. I. Auctoritas sigilli autentici. Vfus Maiestatici et publici. II. Vtriusque fides præsertim ratione probationis. III. Vfus sigilli, chartæ vacuæ imprelli. IV. Privatis Principum instrumentis sigillum authenticum non subicitur. V. in his negotiis adhibendum, ad quæ est publice destinatum. VI. Recognitione non indiget. Quæ obseruanda in eiusdem examine?  
VII.

## INDEX EXERCITATIONVM.

VII. Ex usu sigilli authentici quoniam pen- illud commissi. IX. Varii modi falsorum deant effectus? VIII. Exempla falsi circa circa Sigilla. X. Horum poenae.

### EXERCITATIO LXVIII.

Ad Lib. XXII. Pand. Tit. IV.

#### DE SCRIPTVRIS NON LEGIBILIBVS.

Respondente IO. MELCHIORE VON DEM BVSCH

*Eg. Westph.*

Habita anno cdo Lccc. pag. 344.

#### CAPVT I.

*De causis scripturam non legibilem reddentibus.*

§. I. De imperitiis: Graecae linguae in studio Iuris. II. De usu eius in Iurisprudencia. III. De imperitiis Glossatorum et Accursiano dicto: Haec graeca sunt, quae legi non possunt. IV. De studiis criticis utilitate in genere. V. Probatur et declaratur exemplis. VI. Quatenus criticum studium in Iurisprudencia locum inueniat. VII. Iudicium de studio critico subiungitur. VIII. Progressus fit ad propositum: thema et quid per scripturam non legibilem intelligatur; exponitur. IX. Quatenus scripturam non legibilem hic consideremus. X. Methodus dicendorum. XI. Prima causa scripturam non legibilem reddens adducitur. XII. Secunda: per notas incognitas scriptura redditur non legibilis. XIII. De veteri more scribendi per notas et sigla. XIV. Tertia: ex descriptione male efformata. XV. Quarta: Omisio interpunctionum. XVI. Quinta:

ex modo scribendi obsoleto. XVII. Plures combinantur causae. XVIII. Steganographia quoque scripturam non legibilem reddit. XIX. Adduntur vitia extrinseca ex quibus scriptura fieri potest non legibilis.

#### CAPVT. II.

*De legibus non legibilibus.*

§. I. Rebus non verbis Leges esse positae. II. Obiectiones criticorum reconferuntur. III. Magis respiciendum esse in Legibus ad mentem quam ad verba. IV. Explicatur L. 6. de V. §. V. Num ad antinomias conciliandas criticorum labores quid conferant? VI. Quatenus criticorum labores utilitatem in Iure praebeant? VII. Num Leges desperatae lucem accipiant per manus criticorum. VIII. Exemplo res illustratur. IX. Criticorum studium incertam saepe reddit Iurium decisionem. X. Subsidia vulgata ad variantes lectiones enucleandas recensentur. XI. Num pro e-

vol-

## INDEX EXERCITATIONVM.

voluenda veriori lectione legis alicuius recurrendum sit ad Florentinam editionem. XII. Natus Iurisprudentiæ nostræ ex tot variis et difficilibus lectionibus. XIII. In lege plane non legibili cessat interpretatio doctrinalis. XIV. In legibus difficulter legibilibus quænam adhiberi possint subsidia. XV. Emendatio verborum in Legibus admittenda, ubi absque corruptione sensus fieri potest XVI. Si de ratione Legis constat frustra laboramus de verbis. XVII. Num in praxi recurrendum ad veriorelem lectionem, an vero vulgata erroribus insistentum. XVIII. Leges ita scribendæ, ut quilibet eas legere possit. XIX. An obseruantia iudicialis hic interpretationem facere possit. XX. Respondetur contradictioni apparenti. XXI. An Ictus debeat legere et intelligere priscam linguam.

### CAPUT III.

#### *De Testamento non legibili.*

§. I. Iurisprudentia integritati testamentorum studet. II. Testamentum integris scribendum literis et legibilibus. III. Non omnes notæ sunt prohibita in testamentis, sed tantum non legibiles. IV. Quatenus testamentum militis valeat notis conscriptum. V. Subiicitur testamentum militis notis conscriptum. VI. An in testamento parentum inter liberos notas adhibere liceat. VII. Limitationes DD. hic examinantur. VIII. Num heredis institutio per sigla facta sit valida? IX. Quid si ita facta sit in testamento parentum in-

ter liberos. X. An subscriptiones testium possint fieri per sigla. XI. De testamento non legibili propter deletionem. XII. Fundamenta decisionum demonstrantur. XIII. Quid in dubio præsumatur, num deletio ante an post testamentum consummatum facta? XIV. Refusa facit testamentum non legibile. XV. Quid Iuris, si testamentum non sit legibile ob literas male exaratas XVI. adducuntur textus ex Ordin. Notar. XVII. Decisio subiungitur. XVIII. Quid si mures vel glires testamentum corruerint. XIX. Quid si vetustate corruptum sit. XX. An ex testamento non legibili possit decerni immissio ex L. f. C. de Edict. D. Hadr. toll. §. XX.

### CAPUT IV.

#### *De Instrumentis et aliis scripturis non legibilibus.*

§. I. Notarii debent instrumenta scribere literis legibilibus II. Illustratur et explicatur hoc vltius. III. An excusentur eruditi, quod male scribant, ubi etiam exemplum de Medico. IV. Notarii in charta pura non rasa aut lacera scribere debent. V. Protocollum quoque Notarii ita debent conficere, ne impedimentum lectioni creetur. VI. De exemplificandis instrumentis vetustate corruptis. VII. Quid operetur instrumentum vetustate ita corruptum, ut legi non possit VIII. quid si a muribus corruptum sit. IX. Quid si rasa lectioni impedimento sit. X. Conclusio.



# INDEX EXERCITATIONVM.

## EXERCITATIO LXIX.

Ad Lib. XXIII. Pand. Tit. I.

### DE DIVERSO SPONSALIVM ET MATRIMONII

#### IVRE.

Resp. et auctore HENRICO BENDELEBEN *Brema-Saxone.*

Habita anno c1818ccxviii. pag. 411.

#### PROLEGOMENA

*De praeiudiciis quibusdam circa matrimonii et sponsalium conveniuntiam.*

§. I. Error quorundam sponsalia et matrimonium eodem centu habentium. Eius causa 1) ex male intellecta regula: consensum facere nuptias. II, III. Discrimina consensus sponsalitii et matrimonialis. IV. Causa 2) ex promiscua desponsatorum et coniugum appellatione in iure divino et civili. V. Quo sensu id fiat. VI. Causa 3) ex dogmate de sponsalibus de praesenti. VII. Indoles sponsalium de futuro, VIII. et sponsalium de praesenti IX. de his Protestantium sententia. X. Argumenti ratio.

#### CAPUT I.

*De diverso sponsalium et matrimonii Iure in Iure Romano.*

§. I. Discrimina sponsalium et matrimonii ratione diversae appellationis, II. et definitionis III. ratione diversae utriusque originis, IV. diversi finis V. et causae efficientis VI. ratione aetatis VII. modi ea in absentia contrahendi VIII. ratione pro-

hibitionis, magistratibus provincialibus factae IX. anni luctus X. valoris XI. affinitatis ex matrimonio tantum contractae XII. potestatis maritalis, XIII. ratione obligationis ad operas XIV. ad copulam carnalem, XV. et ad domicilium mariti agnoscendum XVI. ratione iurium uxoris circa statum et dignitatem mariti, XVII. ratione luctus, XVIII. dotis et bonorum uxoris, XIX. alimentorum XX. donationis sponsalitiae, XXI. successionis, XXII. iuris praetensionis in pignore XXIII. ratione obligationis XXIV. et modi ea vel sub conditione vel sine ea ineundi XXV. ratione solemnitatum, XXVI. poenae binorum sponsalium et matrimonii duplicis XXVII. secundarum nuptiarum XXVIII. vindictae in adulterum exercendae XXIX. adulterii XXX. donationis inter coniuges, XXXI. et tutela.

#### CAPUT II.

*De diverso Iure sponsaliorum ac matrimonii canonico.*

§. I. Principia I. Can. in doctrina sponsalium et matrimonii. II. Utriusque discrimina ratione constitutionis, III. transactionis IV. delationis iuramenti, V. consentus

## INDEX EXERCITATIONVM.

sensus paterni, VI. probandi impedimenti  
 sponsalium et matrimonii VII. ratione vin-  
 culi VIII. et modi ea dissoluendi mutuo  
 dissensu IX. vel etiam vnus dissensu X.  
 XI. ratione causarum repudii et diuortii.  
 XII. sponsalia in gradu prohibito contra-  
 cta facilius dissoluuntur, quam matrimoni-  
 um XIII. nec non ob causas superuenien-  
 tes XIV. vel ob mutatam religionem XV.  
 vel ob ingressum in monasterium. XVI.  
 Maior vis posterioris matrimonii in solu-  
 endis prioribus sponsalibus quam postero-  
 rum sponsalium. XVII. Sola sponsalia  
 soluuntur deficiente conditione XVIII. vel  
 ob absentiam sponsi XIX. vel ob ingens  
 infortunium XX. vel propter desponsato-  
 rum crimina XXI. ob superuenientem affi-  
 nitatem XXII. ob stuprum violentum spon-  
 sa illarum XXIII. ob inimicitias capitales  
 XXIV. ob morbum contagiosum XXV. ob  
 superuenientem impotentiam XXVI. ob  
 superuenientem furorem XXVII. ob nota-  
 bilem deformitatem. XXVIII. Per nuptias  
 amittitur beneficium non per sponsalia.  
 XXIX. An sponsalia et matrimonium per  
 vim iniustam fiant nulla? XXX. Discrimen  
 sponsalium de presenti a matrimo-  
 nio.

### CAPUT III.

*De diuerso iure sponsalium et matrimonii  
 germanico et hodierno prote-  
 stantium.*

§. I. Distincta et hodiernum sponsalia et  
 matrimonium. II. Licita sponsalia impu-  
 berum III. et inter absentes, non nuptiae.  
 IV. Utraque tamen permixta magistratui  
 prouinciali. V. Viduae intra annum lu-  
 ctus tantum indulgentur sponsalia. VI.

Utriusque discrimina intuitu transactionis,  
 iuramenti, VII. neglecti consensus pater-  
 ni VIII. et probationis. IX. et X. Quate-  
 nus mutuo vel vnus consensu, XI. ob  
 stuprum antecedens XII. ob nimiam propi-  
 nquitatem XIII. ob mutatam religionem  
 XIV. vel ob votum castitatis soluantur?  
 XV. Ius praeceptum priorum sponsalium.  
 XVI. Conditiones adici possunt sponsali-  
 bus, non matrimonio. XVII. Diuersae  
 causae utraque dissoluendi. XVIII. Iura v-  
 triusque diuersa in soluenda patria potesta-  
 te, XIX. in acquæstu coniugali, XX. et  
 ratione concubitus. XXI. Uxor sequi tene-  
 tur maritum non sponsa. XXII. Meritis  
 sunt fructus dotis, non sponsis. XXIII. An  
 donationes inter desponsatos reuocentur al-  
 terutro mortuo. XXIV. Successio est tan-  
 tum coniugum, XXV. et uxoris tantum  
 ius hypothecae tacitae. XXVI. Clerici in-  
 ter protestantes per nuptias non amittunt  
 beneficia. XXVII. de diuersis actionibus ex  
 sponsalibus et matrimonio. XXVIII. XXIX.  
 de diuerso modo utraque ineundi. XXX.  
 De diuersis poenis binorum sponsalium et  
 nuptiarum. XXXI. nec non secundarum  
 nuptiarum. XXXII. Usus hodiernus vin-  
 dictae priuatae mariti. XXXIII. Donationes  
 inter coniuges inuvalidae, non inter despon-  
 satos. XXXIV. Consensio thalami perti-  
 net ad consummandum matrimonium  
 XXXV. Huius vis in communione bono-  
 rum, XXXVI. et tutela maritali, XXXVII.  
 in iure circa dispositionem de bonis uxoris  
 XXXVIII. in re alieno soluendo. XXXIX.  
 in usufructu mariti, XL. in acquisitione  
 Morgengabae XLI. in successione statuta-  
 ria. XLII. Lucrum dotis est tantum con-  
 iugum. XLIII. Status liberorum ex spon-  
 sa natorum.

EXER-

# INDEX EXERCITATIONVM.

EXERCITATIO LXX.

Ad Lib. XXIII. Pand. Tit. II.

DE COMMVNIONE AERIS ALIENI INTER CONIUGES HAMBURGENSES OCCASIONE INPRIMIS STATVTI  
HAMB. P. II. TIT. V. ART. X. ET XI.

Respondente CONRADO DIETERICO VOLCKMANNO

*Hamburgensi.*

Habita anno cdo 1825 pag. 590.

§. I. Statuta de aere alieno pro coniuge soluendo improbare Doctoribus. II. Communio bonorum inter coniuges aduersa statui connubiorum apud Romanos, III. sed congrua connubiis Germanorum. IV. V. Eius probationes et reliquiae in iuribus particularibus Germaniae. VI. Eius rationes ex moribus Germaniae repetitae. VII. Aduersa moribus Romanorum, nec ideo ex his explicanda. VIII. Sententia DD. de interpretatione statutorum ex Iure Rom. IX. Principia doctrinae de communione bonorum connubiali X. argumenti ratio XI. Communio bonorum inter coniuges vel absoluta vel secundum quid talis. XII. Haec subinde ad acquasum coniugalem adstricta. XIII. Statuta eo pertinentia. XIV. XV. Notatur Lauterbachius eandem ex principiis societatis quatuor explicans. Ius plicatae manus. XVI. XVII. Speciales Lauterbachii rationes excussae XVIII. communio omnimoda ex rationibus Iuris Hamb. euicta. XIX. Ex ea descendens communio aeris alieni inter coniuges Hamburgenses. XX. Differentia inter communionem absolutam et restrictam ratione aeris alieni agnoscendi. XXI. XXII. Jus

Hamburgense antiquum et nouius in hoc argumento. XXIII. Diuisione facta an maritus ex aere alieno uxoris in solidum tenetur? XXIV. an vxor ex debito mariti? XXV. Quid secundum Ius Hamburgense statuendum? XXVI. An coniugi omne aer alienum soluendi regressus competat aduersus eos cum quibus bona communia diuisa sunt? XXVII. de communione aeris alieni moto concursu. XXVIII-XXXII. Explicatur Ius Hamburgense. XXXIII. Consummato demum matrimonio per thalami consensionem oritur communio aeris alieni. XXXIV. Variis inde deductae conclusiones. XXXV. Aer alienum ante matrimonio contractum supponitur: quorsum et multa pertinet. XXXVI. Diuersa ratio constitutionis bonorum. XXXVII. Quae sint debita matrimonialia? XXXVIII. Ad ea non pertinent debita quorum dies vel conditio existit secutis nuptiis. XXXIX. An discrimen faciendum inter debitum sociale et non sociale? XL. Moto concursu ob debita ante matrimonium contracta, vxor illata petat. XLI. Jus coniugum patris dotalibus et communione recedendi.

)(X) 2

EXER-

## INDEX EXERCITATIONVM.

### EXERCITATIO LXXI.

#### Ad Pand. Lib. XXIII. Tit. IV.

#### DE SVCCESIONE HEREDITARIA CONIVGVN EX PACTIS DOTALIBVS.

Respondente CAESARE SCHEVNER *Oberleutnant-Solmensf.*

Habita anno c1815ccxxxiv. pag. 667.

##### CAPUT I.

*De diversa Iuris Romani et Germ. sententia  
circa successionem coniugum ex pactis  
dotalibus.*

§. I. II. Argumenti ratio. III. Discrimen pactorum dotalium secundum Jus Rom. et Germ. IV. Pacta successoria iure Rom. nulla et inualida, V. non minus ac pacta coniugum successoria. VI. Sententia iuris Germ. de vi pactorum successiorum, VII. inprimis inter coniuges. VIII. Recensus legum Germanicarum. IX. X. Sententia Ictorum de eorum efficacia hodierna. XI. Dissidentium confutatio. XII. Exempla pactorum successiorum illustrium. XIII.

Exemplum a successione feudali pactitis XIV. et a simultanea inuestitura petitum.

##### CAPUT II.

*De pactorum successiorum inter coniuges indole et efficacia.*

§. I. Distinctio inter pacta dotalia mixta et simplicia a Doctoribus efformata. II. III. IV. Utriusque discrimina ex mente Doctorum. V. Pacta dotalia successoria non ex Iure Rom. sed Germ. explicanda. VI. Reuocari nequeunt nec ex doctrina in c. donationum sunt aestimanda. VII. Consensus Doctorum VIII. et legum Germanicarum. X. X. Exempla.

### EXERCITATIO LXXII.

#### Ad Pand. Libr. XXIV. Tit. I.

#### DE STATV DONATIONVM INTER VIRVM ET VXOREM ANTIQVO ET HODIERNO.

Respondente IOAN. FRIEDERICO STOCKMAIER *Stuttgart. Wurtemberg.*

Habita anno c1815ccxxvii. pag. 717.

§. I. II. Moribus Rom. donationes inter coniuges inualidae. III. An iure Germanico? IV. Status donationum quid? V.

Donationis inter coniuges ratio. VI. Iure antiquo inualida. VII. Quod moribus servatum. VIII. Ratio prohibitionis in statu anti-

## INDEX EXERCITATIONVM.

antiquo connubiorum. IX. Triplex connubii ineundi ratio 1) per confarreationem X. per quam in manum conueniebat vxor. XI. 2) per coemptionem XII. 3) per vsum. XIII. Intra annum vxor nondum conueni- rat in manum mariti; XIV. post annum vero quasi per vfucapionem. XV. Huius interruptio per trinoctium. XVI. Nuptiæ ex solo consensu. XVII. In statu antiqui connubii ratio continetur inualida inter coniuges donationis. XVIII. Nouior con- nubii ratio post permiffa diuortia. XIX. XX. In connubiis consensu solo initis cur ius antiquum circa donationes feruatum fit? XXI. Iudicia veterum de iuris nouioris rationibus. XXII - XXIV. Iudicia nouiorum Ictorum. XXV. Rationes accessoria, qui- bus ius antiquum confirmatum. XXVI. Prohibitio donationum Jure nouiori Rom. adstrictior. XXVII. Status donationum in- ter coniuges hodiernus ex diuerso matrimo- nii statu. XXVIII. Iure Canonico irritæ

habentur, XXIX. nisi iuramento sint fir- mata. XXX. De vfu Juris Rom. in hoc argumento. XXXI. Principia Juris Germ. circa donationes. Communio bonorum in- ter coniuges. XXXII. Inde donatio bono- rum communium consensu vxoris facta. XXXIII. Distinctio inter bona hereditaria et acquisita. Hereditaria non nisi here- dum consensu alienata, XXXIV. nec in comunionem connubialem vocata, nisi quoad redditus. XXXV. Acquisita bona in- ter coniuges communia. XXXVI. De he- reditariis non valet donatio inter coniuges nec de Gerada. Acquisita inter coniuges sunt communia. XXXVII. Unde et valida est inter coniuges de acquisitis donatio. XXXVIII. de iure hodierno. Rationes pro Iure Rom. XXXIX. Quoad Ius Germani- cum feruatum fit? Vestigium Iuris Germ. in Morgengaba. XL. Eius vfus in nonnul- lis iuribus provincialibus et statutariis XLI. in Saxonia et iure Württembergensi.

### EXERCITATIO LXXIII.

#### Ad Pand. Libr. XXIV. Tit. III.

#### DE PRIVATIONE DOTIS ET SVCCSSIONIS STATVTARIAE EX CAPITE ADVLTERII.

Respondente PETRO THEODORO WIESE *Hamburgensi.*

Habita anno cdo 18ccxxiv.

#### CAPUT I.

*De poena discedis secundum Jus  
romanum.*

§. I. Diuortiorum ratio præcipue apud

Romanos. II. Cura pro conseruanda do- te mulieris diuertentis. Inde fauor doti- um. III. Nuptiæ sine dote non legitimæ, nec mulier facile priuatione dotis punita. IV.

)(:)( 3

## INDEX EXERCITATIONVM.

IV. In poenam discedii tamen priuatio dotis statuta. V. Ante Legem Iuliam actio de moribus recapta. VI. Diuortio culpa vxoris facto, dote mulcatur, VII. non vero integra, sed parte. VIII. Sententia Legis Iuliz. IX. Uxore diuertente, maritus partem dotis propter liberos retinebat. X. Diuortio propter mores vxoris facto, pars dotis lucro mariti cedebat, XI. veluti ob adulterium et religionem peregrinam. XII. Vestigia huius Iuris in Digestis. XIII. Aduersus hanc poenam nulla restitutio in integrum. Quando cessauerit poena? XIV. Quid Iuris diuortio culpa mariti facto? XV. Poena omnis cessat, diuortio ex vtriusque culpa eueniente. XVI. Diuortiorum libertas lege Constantini restricta. XVII. Iustiniani variz de ea sanctiones. XVIII. Iuris Canonici dispositiones.

### CAPUT II.

*De priuatione hodierna dotis et statutarie portionis ex capite adulterii.*

§. I. Ordo dicendorum. II. Poena priuationis hodiernum obtinet. Eius ratio Iure Rom. in calposo diuortio, Iure Can. in adulterio collocatur. III. Inde Iure Rom. heredibus mariti nec actio nec ex-

ceptio datur. IV. Sed datur Iure Can. V. Et agere possunt de dote non soluta VI. siue legitimi sint heredes siue extranei. VII. Et maritus inde mortuus vxore Iure Can. habet actionem et exceptionem. VIII. Priuatio dotis non obtinet ob stuprum viduz intra annum luctus. Num ob stuprum sponsa? IX. Donatio propter nuptias committitur ob adulterium mariti. X. Adulterium vel verum est vel prætium. XI. Præsumti violenta sint indicia. XII. Et in præsumto locus est priuationi dotis, et in eo, cuius mulier ob contumaciam conuicta decernitur. XIII. Poena priuationis quid comprehendat? XIV. Obtinet a tempore committi adulterii. XV. Quibus modis cesset? XVI. Iuris Rom. et Germ. diuersa principia circa bona coniugum. XVII. Communionis bonorum inter coniuges reliquit XVIII. præsertim in Iure Hamburgensi XIX. ab ea coniuges recedunt per pacta dotalia. XX. Coniux adultera successione statutarie priuatur. XXI. Eadem poena mariti, XXII. Ponit adulterium viuo coniuge admissum, XXIII. et coniuges inuicem haud reconciliatos. XXIV. Sufficit adulterium præsumtum. XXV. Huius poenæ effectus. XXVI. Pactis dotalibus iniitis, ius commune sequendum est.

## EXERCITATIO LXXIV.

Ad Lib. XXVIII. Pand. Tit. I.

DE TESTAMENTIS MULIERVM.

Respondente EBERHARDO SCHREBER Oldenburgico.

Habita anno clbcccxli. pag. 843.

### CAPUT I.

*De Testamentis mulierum ex Iure civili.*

§. I. Natales et progressus testamento-

rum. II. Quibus olim permixtum facere testamentum. III. Testamenti factio quid? IV. Mulieri ius testandi olim negatum. V.

## INDEX EXERCITATIONVM.

V. Quatenus indultum sit. VI. Tutela mulierum. VII. Patroni legitima tutela in liberos. VIII. Foeminae sui iuris, et in tutela muliebri constituta, ius testandi datum. IX. Vtrum in scriptis testari potuerint? X. Ius nouius circa testamentum mulierum. XI. De quarta donorum coniugi inopi relinquenda. XII. De ea coniux premoriens testari nequit.

### CAPVT II.

*De Testamentis Mulierum in pectus Iure Germanico.*

§. I. Apud Germanos nulla testamentum. II. E Latio migrarunt ad Germanos III. Et feminis data testamenti factio. IV. Negata iisdem de Gerada, V. nec non de portione statutaria; VI. nisi maritus consenserit. VII. An de dotalitio testari possint? VIII. An de feudo femineo? IX. de dote testari nequit mulier, qua in penam priuatur. X. De testamento ruri condito. XI. Ius Hamburgense et Brementse circa testamentum mulierum. XII. Ius Oldenburgicum.

## EXERCITATIO LXXV.

### Ad Lib. XXVIII. Pand. Tit. I.

#### DE TESTAMENTO NON PRAELECTO.

##### Respondente

LAURENTIO TINNE *Haga-Schaumburgico.*

Habita anno c1810xcix.

§. I. Cura Romanorum pro seruandis secretis testamenti II. de capratoriis institutionibus, et poena recitantium alienas voluntates. III. Transitus ad materiam de praedictione testamenti. IV. Explicatur rubrica et quid sit praedictio? V. Quatenus in testamento coeci sit necessaria VI. ratio plenius excutitur. VII. An testamentum coeci sit nuncupatorium nec ne? VIII. Correctio Nouell. Leon. 69. improbat. IX. Praedictio etiam in testamentis coecorum privilegiata est necessaria. X. Et in testamento imperiti litem.


rum. XI. Dissidentis Cothmanni ratio adducitur. XII. Secunda ratio dissidentium XIII. tertia XIV. quarta XV. quinta XVI. sexta XVII. septima XVIII. octaua XIX. nona XX. sententia vera et status controuersiae proponitur. XXI. Probatur 1) ex Iuris Naturae Principiis XXII. separanda Iuris naturae requisita a solennibus Iuris ciu. XXIII. Applicatio ad quaestionem propositam. XXIV. 2) Ex principiis Iuris ciuilibus et regulis bonae interpretationis. XXV. Ictus deficientibus Legum verbis ad legitimam procedunt interpret.




## INDEX EXERCITATIONVM.

interpretationem. XXVI. Ratio Legis pro Lege accipitur. XXVII. Applicatio deducitur 1) a rationis generalitate in L. 8. C. qui test. fac. poss. XXVIII. 2) a rationis identitate XXIX. Resolvitur prima obiectio a diversitate rationis desumpta. XXX. Altera a casibus expressis XXXI. Saepè in iure quid exprimitur, in simili casu autem omittitur. XXXII. Leges etiam in aliis argumentis prospiciunt imperitis ne decipiantur. XXXIII. 3) a necessitate causae finalis. XXXIV. Conclusio ex argumentis formatur. XXXV. Auctoritas DD. adducitur. XXXVI. Respondetur ad rationes dubitandi et quidem ad

primam. XXXVII. ad secundam XXXVIII. ad tertiam XXXIX. ad quartam XL. ad quintam XLI. ad sextam XLII. ad septimam XLIII. ad octavam XLIV. ad ultimam XLV. Formatur nova quaestio: an etiam hæc prælectio in testamento iudicialiter ab imperito literarum condito sit necessaria? XLVI. Respondetur obiectionibus. XLVII. XLVIII. adducuntur quaedam responsa hanc rem illustrantia. XLIX. Quatenus prælectio sit necessaria in testamento eorum, qui linguam, in qua testamentum est conceptum, non intelligunt. L. Conclusio.





EXERCITATIO LXI.  
AD LIB. XXI. PAND. TIT. II.  
VINDICIAE IVRIDICAE  
P A C T I  
DE  
NON PRAESTANDA EVICTIONE  
CONTRA  
COMMVNES ERRORES.

ARGVMENTVM.

1. *Communis opinionis nulla vis contra leges.* II. *Communis opinio in hoc argumento.* III. *Euincere quid?* Pactum remissorium evictionis praestandae duplex, generale & speciale. IV. *Argumenti usus in evictione non minus quam in aliis contractibus onerosis.* V. *Vlpiani & Iuliani sententia discernitur in L. 11. §. 18. D. de act. emt. vend.* VI. & VII. *Notatur Ant. Fabri sententia, qui speciale de non praestanda evictione pactum impugnat.* VIII. *Sententiae interpretum, pactum generale ex mente Iuliani explicantium, Mangili, IX. Hertii, X. Tom. IV. A. Nic.*

Nic. Burgundi, XI. Ger. Noodtii, XII. Frantzii, XIII. Donelli, XIV. Contraria sententia iam a Duarenno, Tuldeno, Henrico a Suerin, et Titio defensa. XV. Vlpiani auctoris cit. L. dissensus a Iuliano euincitur 1.) ex verbis cit. L. XVI. 2.) ex indole pacti generalis remissorii, XVII. 3.) ex exemplo pacti de præstanda euictione ad tempus adstricta, XIII. 4.) ex decisione Vlpiani, opposita sententiæ Iuliani, XIX. 5.) ex epicrisi Vlpiani de Iuliani sententia XX. 6.) ex ipsius Iuliani sententia dubitanter et timide proposita, XXI. et 7.) contradictoria. XXII. Qui rem alienam sciens acquirit, euictionis nomine nihil repetit. XXIII. Consensus aliarum legum.

§. I.

*Communis opinio  
sententiarum  
superflua  
in foro assen-  
so.*

**E**statum Icti in l. 39. D. de LL. et notabile et decantatum est: *Quod non ratione introductum, sed errore prius, deinde consuetudine obtentum est, in aliis similibus non obtineat.* Quo euidentior sententia huius legis est; eo magis ut plurimum ab interpretibus negligitur, qui communibus opinionibus adeo se duci et capi patiuntur, ut magis id, quod suffragiis maioris partis pro veritate assumptum est, cæco impetu sequi, quam veritati, euidentissima etiam, assensum præbere ament, quod autoritas communis sententiæ eos deterreat a sedula indagatione errorum, eorumque suppressione. *Præconceptæ* in scholis opiniones plerisque in deliciis sunt: his trahimur quotidie: dedecori nobis ducimus; inueteratos errores agnoscere, deponere, sententiamque mutare. Inprimis vero ubi e scholis ad forum transitus fit, late dominantes opiniones communes offendimus, ut

veritatis

veritatis penitior perscrutatio et offensio scholis relicta, ab usu fori autem aliena et remota esse credatur, in quo iuri recepto vnice insistitur. Ius autem receptum esse aiunt, quod usu approbatur, etiamsi error manifestus cum produxerit, qua doctrina nihil perniciosius excogitari potuit. Nzuum hunc eleganter notauit taxauitque HENNINGIVS RENNEMAN-<sup>notata a</sup> NVS membr. IV. disp. 3. in append. p. 4. §. 24. censuitque, IUSTINIANVM duobus tantum *cruribus* iurisprudentiam et il-<sup>RENNEMAN</sup> lius studiosos iudices insistere voluisse, praeциendo, vt non <sup>NO.</sup> aliter iudicarent, quam LEGIBVS et MORIBVS proditum est. pr. I. d. offic. iud. Addit vero peropportune, praecedentia duo secula h. e. XV. et XVI, mali cuiusdam & inauspicati genii suggestu tertium subiecisse, bellum scilicet illud, si Diis placet, communis opinionis crusculum, cui si iudex in iudicando non insulat (etiamsi verior et equior opponatur ratio) litem fecisse suam (quo dicto nihil nec insulsius nec absurdus!) dici debeat. Quo crusculo, pergit, duobus prioribus adiecto, hoc progressu temporis effectum est, vt iurisprudentia et cum hac iudices, qui ante bipedes in caelum erecto et vultu et corpore stabant et gradiebantur, paulatim tripedes acti deformiter claudicare coeperint. Sicuti vero praestantissimi ICTi in Gallia pariter et Germania, EODEM obseruante, Herculeo labore hoc monstrum horrendum, informe, ingens, cui lumen ademtum, oppugnarunt, et tandem ex scholis et curiis suis exterminarunt; ita id merito curae cordique nobis esse debet, vt quacunque occasione, memores effati, quod in cit. l. 39. proditum erroribusque oppositum est, veras legum sententias eruamus, casque ad calius propositos applicemus, quod omne ius usus, non speculationis gratia datum praecriptumque sit.

Et ad praesentem  
argumentum  
applicata.

§. II. Hoc ubi sedula mente peruoluo, satis mirari non possum, qui factum fuerit, ut interpretes, etiam acutissimi, circa pactum de non praestanda euictione in communem errorem inciderint, et uno fere ore et unanimi assensu tradiderint, pacto hoc quidem praestationem eius, quod interest, remissum censei, non vero pretii refusionem. Atque hanc sententiam iuxta IULIANI doctrinam suam fecisse ULPIANVM in l. 11. §. ult. D. de act. emt. vend. adeo firmiter persuasissimum habent, ut nequidem ullus dubitandi locus relictus fuerit. Quotquot euoluere licuit, omnes fere in eo sunt, ut persuasissimum habeant, hunc sensum ULPIANO attribuendum esse, qui tamen potius eundem respuit, et IULIANI doctrinam deferendam esse iudicauit. Cum itaque iussu eorum, a quorum nutu pendeo, factum sit, ut specimine quodam academico, tentare in meum induxerim animum, quid valeant humeri, quid ferre recusent? non inopportunitatem et iniucundum esse credidi, vires ingenii mei in hoc argumento enucleando periclitari, et ex perspicuis rationibus probatum dare, nequidem, pacto hoc adiecto, pretium refundendum esse. Noui quidem, iam olim B. HERTIVM dissertationem de pacto, ne euictio praestetur, concinnasse, atque hoc thema explicuisse; ast nil nisi communes flosculos, ubi vis obuios, tradit, ut vix credere possim, eam in schola Hertiana natam productamque fuisse. Licebit ergo idem argumentum denuo sub incudem reuocare, et non, quid ab interpretibus dictum sit, intueri, sed quid dici debuerit.

Statim contraria  
uerba.

§. III. Notum est, euincere nihil aliud denotare, quam rem per sententiam iudicis a possessore, ex iusto titulo possidente, auocare iustiori eius petitione, qui eam vel ius in ea vindicat. Quoniam vero possessor ex hac euictione detrimentum

tum insigne capit, si titulo oneroso eam acquisiuit, ad indemnitate[m] contra autorem, a quo rem acquisiuit, ipsi patet regressus, quippe qui illi ad praestandam euictionem obligatur, nisi haec obligatio pacto speciali fuerit remissa. Haec tritissima sunt, adeoque vel binis tangenda verbis fuerunt, vt circa statum controuersiae omne exulet dubium, qui in hoc consistit: quid eo pacto remissum sit, si, vt verba ex l. 11. §. 18. de act. emt. vend. huc traham, aperte in venditione comprehendatur, nihil euictionis nomine praestatum iri? Liquet vero ex cit. l. pactum modis duobus concipi posse: α) genera- in quo duo ca-  
liter et indefinite, si simpliciter dictum sit: Es soll dem Ver- sus occurrunt,  
käufer die Gewehrs-Leistung erlassen seyn: vel der Verkäufer soll die Gewehr zu leisten, nicht schuldig seyn: vel β) specialiter et definite, vt venditor nummos etiam retineat, quamvis merx ad emptorem non pertineat, sed ab eo euincatur: Es soll dem Verkäufer die Gewehrs Leistung dergestalt gänzlich erlassen seyn, daß er auch wegen des empfangenen Kaufs Schillings nicht einst in Anspruch genommen werden, sondern die gekaufte Wiese lediglich auf die Gefahr des Käufers stehen soll. In hac conuentione mera latitare videtur emptio spei; interim de utroque casu status controuersia, quem hic executio, formandus, videndumque, quid hoc pacto re-  
missio actum, vtrum duntaxat praestatio eius, quod inter-  
est, an vero etiam refusio pretii remissa intelligatur. Notum enim est, pacto hoc non adiecto, euictionis praestationem, si ab omni stipulatione certae quantitatis, veluti duplex, abstrahas, in duobus consistere: 1) in petitione pretii soluti, et 2) empti, quod praeterea emptoris interest, rem emptam haud esse euictam l. 43. in fin. de act. emt. vend. l. 60. D. l. 9. 23. l. 29. C. de euict. Perspicue PAVLVS in l. 70. de euict. id docet, et euicta re, ait, ex empto actio non ad pretium duntaxat re-

*Et ad praesens  
applicata.*

§. II. Hoc ubi sedula mente peruoluo, satis mirari non possum, qui factum fuerit, ut interpretes, etiam acutissimi, circa pactum de non prestanda euictione in communem errorem inciderint, et vno fere ore et vnanimi assensu tradiderint, pacto hoc quidem praestationem eius, quod interest, remissum censeri, non vero pretii refusionem. Atque hanc sententiam iuxta IULIANI doctrinam suam fecisse ULPIANVM in l. ii. §. ult. D. de act. emt. vend. adeo firmiter persuasissimum habent, ut nequidem ullus dubitandi locus relictus fuerit. Quotquot euoluere licuit, omnes fere in eo sunt, ut persuasissimum habeant, hunc sensum ULPIANO attributendum esse, qui tamen potius eundem respuit, et IULIANI doctrinam deferendam esse iudicauit. Cum itaque iussu eorum, a quorum nutu pendeo, factum sit, ut specimine quodam academico, tentare in meum induxerim animum, quid valeant humeri, quid ferre recusent? non inopportunitum et iniucundum esse credidi, vires ingenii mei in hoc argumento enucleando periclitari, et ex perspicuis rationibus probatum dare, nequidem, pacto hoc adiecto, pretium refundendum esse. Noui quidem, iam olim A. HERTIVM dissertationem de pacto, ne euictio praestetur, concinnasse, atque hoc thema explicuisse; ast nil nisi communes flosculos, ubi vis obuios, tradit, ut vix credere possim, eam in schola Hertiana natam productamque fuisse. Licebit ergo idem argumentum denuo sub incudem reuocare, et non, quid ab interpretibus dictum sit, intueri, sed quid dici debuerit.

*Statim contraria.*

§. III. Notum est, euincere nihil aliud denotare, quam rem per sententiam iudicis a possessore, ex iusto titulo possidente, auocare iustiori eius petitione, qui eam vel ius in ea vindicet. Quoniam vero possessor ex hac euictione detrimentum



tum insigne capit, si titulo *bueroso* eam acquisiuit, ad *indemnitatem* contra autorem, a quo rem acquisiuit, ipsi patet regressus, quippe qui illi ad praestandam euictionem obligatur, nisi haec obligatio pacto speciali fuerit remissa. Haec tritissima sunt, adeoque vel binis tangenda verbis fuerunt, ut circa statum controuersiae omne exulet dubium, qui in hoc consistit: *quid eo pacto remissum sit, si, ut verba ex l. 11. §. 18. de act. emt. vend. huc traham, aperte in venditione comprehendatur, nihil euictionis nomine praestatum iri?* Liqueat vero ex *cit. l. pactum* modis duobus concipi posse: α) *genera-* <sup>in quo duo ca</sup>  
*liter et indefinite, si simpliciter dictum sit: Es soll dem Ver-* <sup>sus occurrunt,</sup>  
*käufer die Gewehr-Leistung erlassen seyn: vel der Verkäufer soll die Gewehr zu leisten, nicht schuldig seyn: vel β) spe-*  
*cialiter et definite, ut venditor nummos etiam retineat, quam-*  
*vis merx ad emptorem non pertineat, sed ab eo euincatur:*  
*Es soll dem Verkäufer die Gewehr-Leistung dergestalt gänge-*  
*lich erlassen seyn, daß er auch wegen des empfangenen Kaufs-*  
*Schillings nicht einst in Anspruch genommen werden, son-*  
*dern die gekaufte Wiese lediglich auf die Gefahr des Käufer-*  
*sers stehen soll.* In hac conuentione mera latitare videtur  
*emptio spei;* interim de utroque casu status controuersia, quem <sup>specialius il-</sup>  
*hic executio, formandus, videndumque, quid hoc pacto re-* <sup>instrari.</sup>  
*missorio actum, utrum duntaxat praestatio eius, quod inter-*  
*est, an vero etiam refusio pretii remissa intelligatur.* Notum  
*enim est, pacto hoc non adiecto, euictionis praestacionem, si*  
*ab omni stipulatione certae quantitatis, veluti duplex, ab-*  
*strahas, in duobus consistere: 1) in petitione pretii soluti,*  
*et 2) empti, quod praeterea emptoris interest, rem emptam haud*  
*esse euictam l. 43. in fin. de act. emt. vend. l. 60. D. l. 9. §. 23. l.*  
*29. C. de euict. Perspicue PAULVS in l. 70. de euict. id docet,*  
*et euicta re, ait, ex empto actio non ad pretium duntaxat re-*

ripiendum, sed ad id, quod interest, competit, ergo etsi minor esse cœpit, damnum emptoris erit. Illud, quod interest, plenam et omnimodam designat indemnitatem, emptori merito eo nomine, quod res sit euicta, faciendam, et ita necessario comprehendit omne *lucrum cessans* et *damnum emergens*. h. e. α) *sumtus litis*, quos emptor ob litem de proprietate institutam fecit, utpote quos necessario facere debuit, quod alioquin, absque lite plene peracta, ad euictionis præstationem agere non potuisset: *l. 102. de verb. obl.* β) *persecutionem eorum*, quæ in rem emptam ab emptore, ut melior fieret, erogata sunt, quæque reus a vindicante servare non potuit; *l. I. C. de euict.* neque enim etiam b. f. possessor omnes sumtus utiles indistincte recipit ab euiciente, sed habita ratione et euicentis et sumtuum: *L. 38. L. 48. de R. V.* γ) *usuras* post euictionem realem intuitu pretii præstandas: *l. 18. D. de euict.* δ) *accessiones*, quarum dispendium fecit: *l. 8. l. 16. pr. de euict.* ε) *lucrum*, quod facta euictione amisit, atque in re ipsa radicatam fuit, utpote si pretium rei euictæ interim insigne incrementum cepit, ut emptor, ea non euicta, illam longe pluris, quam emerat, vendere potuisset. *l. 33. in f. loc.* Ponamus, fundum esse euictum, pro 20000 thaleris comparatum, præstatio euictionis ad hæc reducenda capita:

1) ad ipsum pretium	=	=	=	20000 thal.
2) usuras a tempore euictionis per quinquennium, quo actio empti duravit, præstandas	=	=	=	5000 thal.
3) pretii augmentum, quod interim crevit	=	=	=	6000
				4) ex-

4) expensas litis	-	-	-	-	280
5) fructus utiles, quos amisit	-	-	-	-	1500

---

32780 thal.

In dato exemplo itaque, si remissa fuisset praestatio euictionis, huc redit quaestio: vtrum tantum praestatio eius quod interest, quod in casu adlato ad 12780 thaleros ascendit, saluo pretio, remissa censeri debeat, an vero etiam ipsa refusio pretii 20000 thalerorum?

§. IV. Quamvis in cit. l. 11. §. 18. D. de acq. emt. vend. tantum emtionis venditionis mentio facta sit, status controversiae tamen de omnibus aliis negotiis intelligi debet, in quibus praestanda est euictio. Quamquam enim in illis nulum determinatum fuerit pretium, id tamen sine dubio ei, cui res euicta est, debetur, vtpote in cuius refusione primario indemnitas praestanda est. Atque hoc ipsum per peritos rerum aestimatores determinandum non secundum tempus, quo res in eum ab autore est translata, sed secundum tempus euictionis, adeoque etiam continet incrementum aucti pretii, l. 76. D. de euict. cum omni eo, quod praeterea eius interest. Sic itaque 1) eius ratio habenda in diuisione, in qua, quod finem pretii, quo fuerat fundus tempore diuisionis, aestimatus, excedit, etiam venit: l. 66. in f. de euict. 2) in permutatione, l. 1. §. 1. D. de rer. permut. l. 5. §. 2. dep. quae proxime ad emtionem accedit, l. 2. de rer. permut. et sic itidem ea euicta tum ad pretium eiusdem, tum ad id, quod interest, agitur: l. 29. C. de euict. 3) in datione in solutum: l. 4. de euict. 4) in adiudicatione iudiciali: l. 25. §. 21. famil. herc. l. 10. §. f. comm. diuid. 5) in infundatione seu fendi collatione: 2. f. 8. et 25. 6) in dotis datione iuxta discrimen,

*Argumenti  
vbi in em-  
bus negotiis,  
in quibus eu-  
ctio praestanda.*

men, quod traditur in *l. 1. G. de iur. dot. 7)* in *transazione*, vel in genere in contractu innominato *de ut facias vel facio ut des l. 5. §. 2. de præscr. V. l. 7. §. 2. de eui&. cum similibus.*

*Deciso causa  
in l. 11. §. 18.  
D. de act. emt.  
vend. funda-  
ta.*

§. V. Decisionem huius argumenti in utraque specie: §. III. adducta, suppeditat *VLPIANVS* in *l. 11. §. 18. D. de act. emt. vend.* cuius veram mentem eruere et illustrare animus est. Quocirca e re esse duxi, ante omnia verba eiusdem integra referre:

Qui habere licere vendidit, videamus quid debeat præstare? et multum interesse arbitror, utrum hoc polliceatur, per se venientesque a se personas non fieri, quo minus habere liceat, an vero per omnes? nam si per se, non videtur præstare, ne alius euincat. Proinde si euicta res erit, siue stipulatio interposita est, ex stipulatu non tenebitur, siue non est interposita, ex emto non tenebitur. Sed *IULIANVS* lib. XV. Digestorum scribit: *etiamsi aperte venditor pronunciet, per se beredemque suum non fieri, quo minus habere liceat, posse, defendi, ex emto eum quidem in hoc non teneri, quod emtoris interest, verum, ut pretium reddat, teneri.* Ibidem ait, *idem dicendum esse, etsi aperte in venditione comprehendatur, nihil euictionis nomine præstatum iri, pretium quidem deberi re euicta, utilitatem non deberi. Neque enim bonæ fidei contractus hanc patitur conventionem, ut emtor rem amitteret et venditor pretium retineret: nisi forte (inquit) sic quis OMNES ISTAS SUPRA SCRIPTAS CONVENTIONES recipiet, quemadmodum recipitur, ut venditor nummos accipiat quamvis merx ad emtorem non pertineat, veluti cum futurum ia-*  
*sum*

*Hum retis a piscatore enimus, aut indaginem plagis positus a venatore, aut panthera ab aucupe; nam etiamsi nihil capit, nihilominus emtor pretium prestare necesse habebit.* Sed in supra scriptis conuentionibus contra erit dicendum, nisi forte sciens alienum vendidit; tunc enim secundum supra a nobis relatum Iuliani sententiam dicendum est, ex emto eum teneri, quia dolo facit.

In hac lege sententia et IULIANI ET VLPIANI refertur, adeoque, ut hanc eo rectius distinguere possimus, diuersis typis IULIANI opinionem ab VLPIANI decisione conscribendam curauit. Hoc si editores in hoc et aliis textibus accuratius obseruassent, in tot laqueos non incidissent interpretes. Placuit enim atque perspicuum ex ipso textu et eius connexionne atque serie est, verba hæc: *neque enim bonæ fidei contractus hanc patitur conuentionem, ut emtor rem amitteret, et pretium venditor retineret, esse IULIANI, non VLPIANI, qui simpliciter IULIANI sententiam refert, eiusque rationem decidendi necessario adducere debuit.*

§. VI. Sed recensenda ante omnia erit interpretum plerorumque sententia, ut deinceps, in quo erratum fuerit, eo rectius intelligi queat. In altera specie, si *definite et speciatim* in pacto actum, ut nequidem pretium, re euicta, refundi debeat, omnes fere ad vnum consentiunt docentque, nequidem pretium refundendum esse. Diuortium tamen ab omnibus interpretibus fecit ANTONIVS FABER in *rational. ad cit. l. 11. §. 18. de act. emt. vend.* atque in hanc iuit sententiam, nulla conuentione effici posse, ut emtor pretium et mercem amittat, quod bonæ fidei contractus ex mente IULIANI hanc legem non patiatur. Hoc ipso tangit casum alterum, in quo *speciatim* etiam intuitu pretii remissa est evictio,

*Ant. Fabri  
sententia in  
casu, si spe-  
ciatim actum,  
ut pretium  
non refunda-  
tur.*

viſtio, atque interpretes de eo communiter intelligunt verba finalia IVLIANI, *nifi forte* &c. quae indicant, hoc modo *emtionem ſpei* reuera contractam fuiſſe. Enimuero ANTONIO FABRO ſtat diuerſa ſententia, cenſetque, nequidem in hoc caſu *exceptionem* feciſſe IVLIANVM, ſed indiſtincte cenſuiſſe, pretium reſtutendum eſſe, nec pactum tale valere, ex ratione adiecta, *quod bona fides non patiatur hanc conuentionem valere, per quam fiat, vt emtor rem amittat, et pretium venditor retineat.* Addit ea demum pacta valere, quae contra bonam fidem non ſunt, cui pactum adductum e diametro repugnare videtur. Inde porro inferit: *Ergo dicendum eſt, etiamſi aperte in venditione comprehenſum ſit, nihil euictionis nomine praſtitum iri, i. e. nec pretium quidem; nihilominus dicendum erit, re euicta, pretium deberi, quamvis utilitas i. e. id quod intereſt, ultra pretium non debeatur. Quod enim textus ait, APERTE, non ad generalem conuentionem (de qua in primo caſu actum) referendum eſt, vt male AZO credit, ſed ad ſpecialem (ſeu alterum §. III. relatum.) Nec enim vnquam generalia tam aperta ſunt, quam ſpecialia; ſed vtplurimum ſua generalitate ſunt obſcura.*

*Sed oſtenditur, Iulianum de pacto generali loqui.*

*omnino interpretatio.*

§. VII. Ita quidem FABER cenſuit, ſed admodum laeſus eſt, nec IVLIANVM recte explicuit. Diſerte loquitur IVLIANVS de pacto generali et indefinito: *nihil euictionis nomine praſtitum iri*: de reſuſione pretii nihil additur, adeoque ICTUS hoc pactum nude interpretatur, cenſetque, id ex equo et bono ita in dubio accipiendum eſſe, ne emtor mercedem et pretium ſimul amittat. Enimuero FABER plane pervertit ſtatum controuerſiae, IVLIANOQUE aſſagit ſententiam, cum eius deciſione pugnantem. De ſola interpretatione pacti indefiniti et generalis differebat IVLIANVS, non vero quaſtionem

tionem mouebat: vtrum valeret pactum, de non praestanda  
 euictione nequidem refuso pretio? Nec enim villo constat in-  
 dicio, de validitate huius pacti disceptatum fuisse, quippo  
 quod IULIANVS in dubium non vocat in verbis finalibus: nisi  
 quod h. e. si id actum praeterea probabiliter fuerit, vt nequi-  
 dem pretium refundatur, sed simpliciter res vendita emto-  
 ris periculo sit, qualis conuentio nec iniqua est, nec a iure  
 reprobata. Non posterius, quod alioquin omnis emtio spei <sup>consuetque in</sup>  
 eliminanda foret, quam adstruit IULIANVS in cit. l. 11. §. 18. <sup>emtionis spei</sup>  
 l. 12. pr. de act. emt. vend. l. 8. de contrah. emt. vend. non <sup>nequidem pre-</sup>  
 prius, quia in emtione spei id actum censetur, nemoque im- <sup>itium repeti.</sup>  
 peditur periculum in se suscipere, praesertim, si, quod fie-  
 ri solet, pretio viliori soluto haec susceptio periculi com-  
 pensata est. l. 5. D. de naut. faenor. Quocirca quoque POM-  
 PONIVS in l. 8. D. de contrah. emt. vend. agnoscit, omnem e-  
 uictionis praestationem exulare in emtione spei. Ait enim:  
 Cum iactus missilium &c. emitur, emtio contrahitur, etiamsi  
 nihil inciderit, quia emtio spei est, et quod missilium nomine  
 eo casu captum est, si euictum fuerit, nulla eo nomine obliga-  
 tio contrahitur, quia id actum intelligitur. Quidni ergo in  
 pacto de non praestanda euictione id agi quoque expresse pos-  
 sit, vt res quasi alea censatur emta, et nequidem pretii re-  
 peritio supersit. Tale pactum admittit IAVOLENVS in l. 10. D.  
 de hered. vel act. vend. in hereditate vendita: Quodsi, ait, in  
 venditione hereditatis id actum est, si quid iuris esset vendito-  
 ris, venire nec quicquam postea praestitum iri, quamuis ad  
 venditorem hereditas non pertinuerit, nihil eo nomine presta-  
 bitur, et sic nequidem pretium refunditur, quia id actum  
 esse manifestum est, vt, quemadmodum emolumentum negotia-  
 tionis, ita et periculum ad emtorem pertineret. Hoc etiam  
 VLPIANVS in l. 11. eod. admittit, et CAIVS in l. 12. eod. decla-



rat simili ratione, quam ULPIANVS in cit. l. ii. §. 18. in f. secutus est: *nisi sciens, ad se non pertinere, ita vendiderit; nam tunc ex dolo tenebitur.* Manifestum ex his redditur, tale pactum non esse iniquum, nec a iure improbari, l. i. C. de pact. quod nec ratio a IULIANO adducta euincit, quæ duntaxat decernit, quo sensu accipi debeat pactum generale et indefinitum, quod ipse adduxerat: *nihil emptionis nomine praestitum iri.* Hoc quidem aperte disertisque verbis in venditione comprehendi poterat, non tamen iustam interpretationem subterfugiebat, sed ex bona fide h. e. ex æquitate naturali declarandum erat, cum constet bonæ fidei conceptum illam designare. l. 31. D. de pos. l. 24. in f. eod. l. 57. de R. I. l. 7. §. f. de rescind. vendit. Inde vero minime colligendum, pactum, quo etiam expresse vel tacite refusio pretii excepta est, esse contra bonam fidem, quæ hic non dolo opponitur, (alioquin enim inefficax foret) sed striкто iuri, cui tamen quilibet contrahentium se scienter subiicere potest, prout in pacto adducto contingit. Denique sophisma apertum prodit ANTONIVS FABER ad cit. l. ii. allegando in verbis ultimis cit. l. ii. *sed in supra scriptis conuentionibus &c.* IULIANVM respondere obiectioni ab emptione spei desumptæ. Etenim (1) certum quidem est, IULIANVM in verbis: *nisi forte &c.* declarationem adduxisse; simul tamen planum est, eam non fuisse remotam, sed IULIANVM credidisse, pro re nata talem conuentionem vim emptionis spei habere posse, et ita nec pretium deberi, si vel maxime id ne quidem speciatim actum est. (2) Falsum præterea est, verba, *sed in supra scriptis conuentionibus*, esse IULIANI, quæ potius decisionem ULPIANI continent, quod sequentia manifeste produnt: *sed in supra scriptis conuentionibus contra erit dicendum, nisi forte sciens alienum vendiderit; tunc enim SECUNDVM SVPRÀ A NOBIS RELATAM*

Sophismata  
Fabri.

LATAM IULIANI SENTENTIAM dicendum est, ex emso eum teneri, quia dolo facit. Iam vero ULPIANVS retulerat sententiam IULIANI, et ad illam se refert; quis autem, quando suae obiectioni responderet, ita vnquam loquitur, vt de se tanquam *tertia persona* loquatur, praesertim cum ULPIANVS discrete asserat, a se hanc sententiam relata[m] fuisse. (3) Falsum est, verba haec: *in supra scriptis conuentionibus*, trahenda esse ad immediate praecedentem vericulum: *nisi forte*: et ULPIANVM indicare, has conuentiones de *iac[u] retis* similesque non posse comparari cum conuentionum speciebus, antea a IULIANO adlatis, quod in illis certum sit id, quod venditur et emitur, ideoque rei certae certum pretium dicatur. Ast cum *iac[u] retis* emitur aut indago, aut panthera, incertum sit, quod emitur, nec fere aliud quicquam nisi spes futuri euentus. Nam etiam circa rem certam v. c. Cui hereditatem, potest emptio spei contrahi, vt docet l. 8. de hered. vend. paulo ante adlata, si nimirum circa rem certam occurrit incertitudo iuris vel domini, vtpote si quis fundum certum certisque limitibus circumscriptum vendiderit sub hac formula in cir. l. 8. designata: *si quid mihi iuris esset*, addito pacto de non praestanda euictione nequidem intuitu pretii, nemo sanus dubitabit, incertum esse venditum, licet certa res in venditionem fuerit deducta. Non tam iciuni et inepti ULPIANVS et IULIANVS fuerunt, vt arbitrarentur, conuentiones de *iac[u] retis* esse dissimiles ab illis conuentionibus, in quibus mera emptio spei contracta, et sic id actum, vt in casu euictionis nequidem supersit actio venditi ad pretium repetendum, quia tunc ob incertitudinem iuris, circa rem venditam occurrentem, dubius litis euentus in contractum deductus est. Concludo itaque, valere pactum spei, vt, euictione facta, nequidem ad pretium repetendum emptori supersit actio, quin potius

pretio non soluto, is obligetur ad illud soluendum, nisi forsitan venditor in dolo fuerit.

In pacto generali plerique interpretes Iulianum sequuntur.

ut 1) Mangilius.

variae tamen exceptiones enumerantur.

§. VIII. Sicuti vero quoad pactum *speciale et definitum* facile omnes interpretes, quos frustra oppugnauit ANTONIVS FABER, mecum conspirant; ita pariter plerique circa pactum *generale et indefinitum* in castris IULIANI militant, et ex eius doctrina decisionem petunt, concluduntque, tali pacto tantum remissionem esse petitionem eius, *quod interest*; pretium autem nihilominus repeti posse. Hanc sententiam ut indubiam et in iure decisam suam facit IO. ANTON. MANGILIUS de euiſt. qu. 63. pro more suo *ampliationibus et limitationibus* permultis eandem exornans, quæ insigne chaos constituunt, atque semet inuicem destruunt, quod non *rationibus*, quas prorsus negligit, sed *opinionibus* *dd.* certandum esse crediderit. Etenim *pretium refundendum* esse censet, α) si vel maxime venditor dixerit, *se de euictione nolle teneri aliquo modo, et a quocunque illa emanauerit*, vel β) si dixerit, *se nolle teneri nisi pro se et heredibus*; vel γ) *se euictionem non praestitutum quibuscunque casibus &c.* Fallere tamen censet hanc conclusionem, 1) si venditor fuit in mala fide, quod tunc etiam *interesse* peti queat, ex mente l. 11. §. 18. in f. de act. emt. vend. 2) Si venditor vel illius heres *pro iure suo* rem vindicauerint, non excipiente reo, qui eum potuisset repellere exceptione *rei venditæ et traditæ*, atque hoc casu etiam *totum interesse* peti posse credit. 3) Si pactum fuit limitatum ad certum casum, h. e. si *certum casum* tantum expressit, ultra quem *se de euictione tenere nolle* cauuit, l. 69. pr. de euiſt. quod tunc venditor etiam a *pretii refusione* liberetur, cum tamen æque verba huius pacti *remissorii* sint *generalia et indefinita*. 4) Si pactum in *diuisionibus* de non

prz-

praestanda euictione sit reciprocum per l. 14. C. famil. hercisf. ubi additur: si nihil super euictione rerum singulis adiudicatarum specialiter inter vos conuenit i. e. ut unusquisque rei euentum suscipiat; hoc enim si expresse conuentum fuit, nequidem ad pretii petitionem datur actio, quod per modum spei diuisio facta. Hic rursus adest casus certarum rerum, circa quas tamen pactum spei recte initur contra FABRI sophismata.

5) Si tradita sunt instrumenta cum protestatione, quod teneatur pro dato et facto suo tantum, et non aliter nec alio modo. Sed hzc limitatio aperte pugnat cum limitatione secunda. 6) Si dictum fuerit, quod re euicta ad nihilum teneri velit. Sed hzc limitatio pugnat cum doctrina IULIANI, ex qua tamen MANGILIUS vna cum communi interpretum schola decisionem principalem petiit, adeoque eidem contradicere haud debuit. 7) Si dixerit venditor, se nullo modo euictionis nomine in nexu mansurum. Verum hzc putatiua limitatio pugnat cum ampliatione prima. Denique 8) si expresse pactum fiat, ne venditor teneatur ad pretii restitutionem, in qua limitatione omnes merito abeunt ab ANTONII FABRI male coherente doctrina, qua tamen occasione obseruat MANGILIUS cit. l. n. 20. non defuisse, qui iam olim docuerunt, tale pactum haud valere. Plures adhuc intermiscet limitationes, a quarum recensione studio abstinui, quod vel regulam ab initio positam haud concernant, vel ab adductis non adeo distinguantur. Facile autem se laqueos, ab ALEXANDRO lib. IV. consil. 235. prorsus a communi opinione abeunte, et pretii etiam repetitionem ex l. 68. D. de euict. negante, positos effugere posse arbitratur, si constituimus, Ictum loqui de creditore, pignus vendente, qui etiam, deficiente omni pacto, ab omni praestatione euictionis immunis est, et ita multo minus pretium ab emtore peti nequit, si pactum adiectum,

et circa l. 68.  
de euict. sim-  
bani.

adiectum, *ne quid euictione secuta creditor praestet*. Nam etiam hanc sententiam IULIANVS in *l. 11. §. 16. de action. emt. vend.* recepit, probauitque ULPIANVS, cum, qui iure creditoris pignora vendiderit, deinde hae euicta fuerint, non teneri ad pretium restituendum ex emto actione.

a) *Hertius.*

§. IX. Hanc interpretationem communem non deserit HERTIVS *differtatione de pacto ne praestetur euictio*, sed etiam variis rationibus in crustat. Ait, probabile non esse, emptorem donare voluisse, quod donatio non praesumatur, ubi non de hac, sed de *causa onerosa* agitur: pactum tale generale esse *ambiguum*; in obscuro autem illud, quod minimum est, sequendum esse, ut tantum id, *quod interest*, remissum censcatur, non repetitio pretii: repugnare *bonae fidei* ex mente IULIANI, pretii et mercis iacturam facere: tale pactum ne quidem valere posse ex mente ICtorum *praeceptorum*: proinde regulam hanc, *de pretio nihilominus refundendo*, recipiendam esse, etiamsi pactum esset *generalissimum*, atque actionis omnis, quae euictionis nomine competere potest, exclusiuium: imo eandem decisionem locum habere, si vel maxime ambo contrahentes haud ignorauerint, rem venditam esse *alienam*, additumque pactum sit, ne euictio praestari debeat a venditore: contrarium haud colligendum esse ex *l. 27. C. de euict.* quod non loquatur de *pretio*, quam pro vendita dedit emptor, sed de *litis aestimatione*, quam domino vindicanti soluit: pariter *l. 7. C. commun. utriusque iudic.* accipiendam ex mente IULIANI de praestatione eius, quod interest, salua repetitione pretii iuxta decisionem IUSTINIANI in *l. f. in f. C. commun. de leg.* ubi disertis dicitur verbis: *emptor autem sciens rei grauamen* (qualitatem rei fideicommissio affectu) *aduersus venditorem actionem habeat tantum ad restitutionem pretii,*

pretii, neque duplæ stipulatione neque melioratione locum habente: cum sufficiat ei saltem pro pretio, quod sciens dedit pro aliena re, sibi satisfieri: cum, qui sciens rem alienam vel fideicommissio affectam emit, tacite remittere evictionis præstandæ necessitatem, et tamen per *cit. l. f.* refusionem pretii ei integram esse, adeoque expressam conventionem plus operari non posse, quam tacitam: hac de causa emptorem, lite de re mota, non obstante tali pacto, litem venditori denunciare posse, ut assisteret: denique superciliosum admodum fore, si quis asserere vellet, IULIANUM in applicatione iuris constituti lapsum fuisse. Hac asserta decisione, *sect. II.* HERTIVS limitationes octo regulæ addit, atque ex MANGILIO, CABALLINO aliisque reguflat, quas referre nolo.

§. X. Pergo ad NICOLAVM BURGUNDVM, sublimioris philosophiæ Ictum, qui tamen in *tr. de evict. c. 41.* a communi interpretatione non abit, sed presso pede eam sequitur. Præmittit optime, pactum de non præstanda evictione nihil differre ab illa conventionione, quam etiam VLPPIANVS cum IULIANO in scenam producit, qua quis de facto suo tantum promissit evictionem. Etenim prius pactum etiam virtualiter in se continet alterum, per se heredemque suum non fieri, quominus habere liceat. Quocirca, si venditor vel heres eius vindicauerit rem venditam, exceptione repellitur, vel re evicta condemnandus erit in id, quod interest *l. 2. de except. rei vend. et trad. improbe enim rem a se distractam evincere conatur*, si vel maxime pactum de non præstanda evictione accesserit, utpote quod respectu aliorum, non respectu ipsius venditoris, intelligendum, qui suum factum præstare debet. *l. 17. 73. de evict.* Tangit hanc observationem VLPPIANVS in *l. 11. §. 15. de act. emt. vend.* in casu, quo quis servum ea vendiderat

Tom. IV.

C

diderat

diderat conditione, ut intra 30. dies duplam promitteret, POSTEA NE QUID PRAESTARETUR: post 30. dies tantum praestare debet, ut per ipsum et per heredem eius emitorem habere liceret, adeoque si alius euincit, de euictionis praestatione prorsus cessat actio. His praelibatis, BVRGVNDVS cit. l. n. 2. ad pactum de non praestanda euictione explicandum se accingit, et ex l. 11. §. 18. cit. concludit, eo repetitionem pretii haud excludi, quod b. f. contractus talem interpretationem non patiatur, ut emitior et rem et pretium amittat. Addit n. 4. sunt, qui existimant, si dictum sit, ut secuta euictione AD NIHIL TENEATUR venditor, repetitionem pretii exclusam esse. SVRDVS conf. 36. n. 22. Sed mihi videntur errare. Nam haec verba: nihil praestitum iri, ex Iuliani sententia non excludunt pretii conditionem d. l. 11. §. 18. de act. emt. et vend. Quid ergo interest, utrum quis dicat: secuta euictione ad nihil volo teneri, an: nihil volo praestare? ego certe non video. Recte ita rationes subducit BVRGVNDVS EX IULIANI sententia; verum utrum etiam, ex VLPIANI mente, qui auctor cit. l. 11. §. 18. est, idem in utroque casu asserendum sit, paulo post inquirendum erit.

- 4) *Notandus.* §. XI. Miratus sum, nec acutissimum GERARDVM NOODTIVM in comm. ad tit. de euict. rem acu tetigisse, sed, licet aliquam obscuritatem in cit. l. se deprehendisse fateatur, existimasse, VLPIANVM IULIANI sententiam recepisse, a qua tamen, me iudice, in verbis finalibus recedit. Hoc euidentius est, IULIANI sententiam primam carere obscuritate, nec lumine aliquo indigere, adeoque si secutus est VLPIANVS doctrinam IULIANI, res plana, perspicua et ab omni dubitatione remota est, ut mirer, hac assumpta hypothesi, quod VLPIANVS secutus fuerit IULIANVM, constituisse NOODTIVM, VLP-

PIA-



PIANVM eam quæstionem *obscurius* tractasse. Forsan obscuritatem deprehendit in verbis ultimis: *nisi forte*. ceu hisce declarat: *Aliquis dicat (hanc obiectionem ipse sibi fecit Iulianus et ex eo Ulpianus) tali conventionione agi, ut venditor nummos accipiat, quamvis merx ad emtorem non pertineat: velut fit, cum iactum retis a piscatore emimus, aut indaginem plagis positis a venatore, vel pantheram ab aucupe: nam etsi nihil capitur, nihilominus emtor, pretium prestare necessum habet. Sed ea obiectio Ulpiano displicet: existimanti, a diuersis non recte fieri illationem, ideoque in supra dictis conventionibus contra dicendum esse, cessare præstationem utilitatis, i. e. eius, quod interest, pretii non cessare. Si tamen sciens alienum vendidit, tunc placet Ulpiano secundum relatum Iuliani sententiam, eum, quia dolo malo facit, ex emto teneri ad id, quod interest. Palam est, præstantissimum virum constituisse, in verbis: nisi forte, adesse obiectionem, quod hoc sensu admitti potest, quem supra iam ipsemet admisi, ut inde liqueat, nequidem IULIANVM sententiæ antea a se allatz firmiter inhæsisse, sed credidisse, probabiliter istas conventiones ita etiam recipi posse, ut iactus retis venditus videatur, quo casu ex interpretatione communi ad pretium repetendum denegatur actio, maxime si præterea dictum sit: Si quid mihi iuris in re vendita competierit. Magis ergo hæc verba docent, IULIANVM in hac decisione cespitalle, nec in totum a contraria sententia alienum fuisse. Deinde mirandum est, NOODTIVM non observasse, ICTum in casu, si venditor sciens alienum vendidit, secundum relatum IULIANI sententiam tantum dedisse actionem ad pretium repetendum, non etiam ad petendum id, quod interest, eam extendisse, cum IULIANI sententia antea ab ULPIANO relata huc redierit: pretium quidem deberi, re evicta, utilitatem non deberi. Hæc*

erat *supra relata Iuliani sententia*, quam duntaxat in casu *doli admissi* recepit *ULPIANVS*, et petitionem eius, quod *inter est*, exclusit.

§) *FRANZKIVS*.

§. XII. Huic iungo subtilissimum *FRANZKIVM*, qui in *comm. ad tit. de euict.* argumentum de *euictionis praestatione* accuratius inter omnes ab omnibus scopulis liberasse videtur. Verum *n. 262. sqq.* nihil solidi de praesenti themate adfert, sed se maiori parti *ICTorum* iungit. Idem argumentum paulo plenius *ad tit. de act. emt. vend. n. 298. sqq.* sub incudem reuocat, et rationem, quae tamen *IULIANI* est, assignat *ULPIANO*, quod *exuberantia bonae fidei non admittat in contractu hoc*, ut venditor pretium retineat, et emtor re emta careat. Ceterum grauitur sibi ob stare *l. 69. pr. de euict. animaduertit*, ubi venditor, qui *casum libertatis* in venditione serui excepit, seruo postea libero effecto forsan ex testamento, ab euictionis praestatione absoluitur. Etenim censet *FRANZKIVS*, vel verba haec: *non tenebitur euictionis nomine*, non excludere *repetitionem pretii*: vel venditorem in *cit. l. 69.* ideo non teneri, quia aperte praedixit, *illi seruo sub certa conditione in testamento datam fuisse libertatem*, et ita emtor huius conditionis et incerti euentus non fuit ignarus. Sed vtrumque erroneum est. Etenim *ICTus in genere* format casum de eo, qui seruum vendidit, et *libertatis causam* ab euictionis praestatione excepit, nulla speciali certioratione adiecta, quod indicat *SCAEVOLA cit. l.* adiuciendo haec verba: *siue iam tunc, cum traderetur, liber homo fuerit: siue in conditione, quae testamento proposita vel apposita fuerit, impleta ad libertatem peruenerit*. Haec indicant, euictionis praestationem cessare, quocunque modo liber factus fuerit, adeoque corrui id, quod supposuit *FRANZKIVS* in decisione posteriori.

steriori. Neque vero recipiendum est, quod in priori censuit, cum verba: *non tenebitur euictionis nomine*, hanc non admittant interpretationem, ut nihilominus *pretium* repeti possit, quippe quod non aliter quam *euictionis* nomine repeti potest. Contradictionem autem apertam inuoluunt, venditorem plane non teneri *euictionis nomine*, et eum *euictionis nomine teneri ad refusionem pretii*.

§. XIII. Etiam DONELLVS lib. XIII. c. 2. in f. prorsus cum his, quos recensui, facit, hac vsus ratione, quod in generali oratione semper excipiat, quod est iniquius, et naturae contractus minus conueniat. Nec hanc sententiam verbis vltimis cit. l. II. §. 18. corrigi existimauit, quem in finem prouocauit ad commentarios suos de *euict.* et de *edilic. edict.* qui tamen vix hanc materiam tangunt. Sed etiam HENRICVS ZOESIVS ad tit. de *euict.* n. 17. in f. sine vlla hæsitatione recepit sententiam IULIANI, eamque *decisuiam* esse iudicauit. PEREZIVS quoque ad tit. C. de *euict.* n. 22. non obstante tali pactione, se non dubitare ait, venditorem, re euicta, posse ad hoc conueniri, ut pretium restituat. Verum tædet plures referre, cum pauciores in contrariam sententiam iuerint, de qua nunc agendum.

§. XIV. Videlicet quia supra §. V. vbi verba *legis cit.* in sua integritate retuli, sententiam IULIANI ab epicrisi VLPIANI, quæ *decisua* est, diuersis exarandam curauit typis, vnice quæstio huc redit: vtrum VLPIANVS sententiam IULIANI secutus, an vero ab eo recesserit? Etenim hoc concludendum est, verba IULIANI esse tantum *relatiua*, adeoque per se ad decisionem nihil facere, nisi ab VLPIANO, autore legis, in qua hæc quæstio excutitur, approbata et assumpta fuerint, quia verba VLPIANI demum *decisua* sunt.

Contraria  
sententia  
vtrius.

quia verba  
Vlpiani deci-

*sua sunt,  
contrarium  
sententiam.*

*ex sententia  
Duarreni;*

*Tuldeni;*

*Henrici a Sner-  
ring;*

Vnde ex his vnice decisio petenda, non ex illis, nisi ante  
questio præiudicialis fuerit confecta: vtrum VLPIANVS dese-  
ruerit IULIANVM, an vero secutus fuerit? Prius iam olim  
suboluisset FRANCISCVM DVARRENVN ad tit. de act. emt. vend.  
in f. ex his eiusdem verbis liquet: Sed cum SIMPLICITER  
conuenit, vt venditor non teneatur de euictione, sic vulgo in-  
terpretantur, vt non teneatur ad id, quod interest, sed te-  
neatur ad pretium. Hæc fuit sententia IULIANI, quam vul-  
go sequuntur; sed AB HAC SENTENTIA IULIANI recessum. Ob-  
seruauit quoque idem DIODORVS TVLDENVS comm. in lib.  
VIII. Cod. tit. 45. n. 8. et de cit. l. 11. sententiā ita indicat: Hæc  
tamen lex perplexa est, et recte inspecta distinguit. Nam post-  
quam VLPIANVS recensuit disputationem IULIANI, primo affir-  
mantis, ad reddendum pretium nihilominus teneri venditorem;  
deinde ex aduerso ambigentis, an talis pactio non sit comparan-  
da emtioni iactus resis? tandem concludit, sed in supra scri-  
ptis conuentionibus contra erit dicendum; contra senten-  
tiam scilicet IULIANI, non etiam contra ambigentis exempla.  
Nam ad ea male referre Dd. verba ista VLPIANI, ostendunt  
hæc proxima: nisi forte sciens alienum vendidit; tunc enim  
secundum supra a nobis relatam IULIANI sententiam dicen-  
dum est, ex emto eum teneri. Sed, vt dixi, communis opi-  
nio etiam ignorantem vult teneri nempe ad pretium, sicut scien-  
tem ad id, quod interest; solo Duarreno recte dissentiente,  
quampis hic paulo concisius dissentium suum edat, eumque  
haud explicet. Opus ergo fuit diffusiori legis illustratione.  
Hanc suscepit HENRICVS a SVERIN in repetit. lect. iuris ciu.  
c. 43. relatus tom. IV. thes. iur. Rom. p. 88. sqq. et præmissa  
sententia IULIANI ex verbis eiusdem ultimis concludit: ex  
quibus apparet, non penitus aut omnimodo sensisse Iulianum,  
veram esse primum a se positam sententiam, sed disputari ta-  
men

*men non improbabiler pro ea posse.* Hoc etiam olim censuit TITIVS *obseru. 685. ad Lauterb.* adeoque verba IULIANI *Titii.* fundamentum decisionis certum praestare nequeunt, tum quod nunc ab ULPIANO referantur, ut passim eius mentem adducit; tum quod sine *epicrisi* eiusdem non dimittantur, atque in hac ipsius argumenti *decisio* quaerenda sit, quae nunc euoluenda.

§. XV. Decisio huius quaestionis ex solis verbis ULPIANI desumenda est, utpote quae demum *decisiva* sunt. Ex illis autem liquido apparet, discessisse ULPIANVM a IULIANO, quod ostendunt verba ultima *cit. l. 11. §. 18. de act. emt. vend. sed in supra scriptis conventionibus contra erit dicendum.* Haec locutio Ictis familiaris fuit, quando dissensum declarare voluerunt, ut docet *l. 21. §. 1. ad L. aquil. ibi: licet Celsus contra scribat. l. 54. de condit. et demonstr. ibi: contra ego sentio l. 41. de usurp. l. 79. de contrah. emt. vend. ibi: ego contra puto. l. 1. §. 2. de peric. et comm. rei vend. ibi: Labeo contra, quod et verum est. l. 100. §. 1. de leg. 3. ibi: Offilius, Trebatius, contra l. 19. in f. de acquir. rer. dom. l. 22. §. 3. quod vi aut clam. ibi: Labeo contra etc.* Censet vero, in supra scriptis conventionibus contra esse dicendum, quae a IULIANO antea allatae erant, quarum prima haec fuit: *si aperte venditor pronunciet, per se heredemque suum non fieri, quo minus habere liceat; altera vero: si aperte in venditione comprehendatur, nihil evictionis nomine praestatum iri.* Priorem sub posteriori quoque comprehendendi, iam supra §. XI. ex *l. 11. §. 15. eod.* ostendi atque declaravi, quod factum non proprium sed alienum exclusum videatur. Imo et posterior priorem indigitasse videtur, quoniam ubi res euincitur, em-

*Remera Ulpianus a Iuliano dissentit.*

torem

torem habere non licet. Quocirca in utroque eandem decisionem formandam esse censet uterque; in qua IULIANVS quidem *dubitanter* versatur, nec prorsus reprobatur eorum sententiam, qui illas conuentiones de *emtionibus spei* acceperunt, ut ostendunt verba: *Nisi forte &c.* quæ non tam *rationem dubitandi* continent, quam *declarationem Icti*, pro re nata probabiliter utramque conuentionem cum *iactu re-  
tis* comparari posse; VLPPIANVS vero præcisè et *certius* eam decisionem determinat. Ille enim censet, in priori specie *POSSE DEFENDI*, ex *emto* venditorem in hoc quidem non teneri, quod *emtoris* interest, veruntamen, ut pretium reddat, teneri. In altera specie idem dicendum esse arbitratur, ut pretium quidem re euicta debeatur, utilitas non debeatur. Non negat tamen, posse etiam has conuentiones ita intelligi, ut magis *spes* quam *res* vendita censetur, qua explicatione admissa, nequidem pretium peti possit. VLPPIANVS *indistincte* contra in iis dicendum esse, arbitratur, et ita non aliter a IULIANO diuortium facere potuit, quam asserendo, nequidem pretium hoc casu, re euicta, repeti posse, semperque id actum fuisset, credi oportere, *emtionem spei* in contractum deductam fuisse.

Declarat hoc  
et regula ab  
Vlpiano pos-  
ita.

§. XVI. Hanc fuisse VLPPIANI sententiam, et huc eius verba decisiva redire, multa suadent atque euincunt. Etenim (1) VLPPIANVS in cit. l. 11. §. 1. de act. emt. vend. ex lib. XXXII. ad edictum desumpta, loco fundamenti hanc generalem regulam præmittit, ex qua conclusiones plures seu casus varios deducit atque decidit. Ait: *In primis sciendum est, in hoc iudicio (emti) id demum deduci, quod præstare conuenit. Cum enim sit bonæ fidei iudicium, nihil magis bonæ fidei congruit, quam id præstari, quod inter contrahen-*

tes

res actum est: quod si nihil conuenit, tunc ea praestabuntur, quae NATURALITER insunt huius iudicii potestate. Ad duo ergo respiciendum in casibus emergentibus: α) ad id, quod actum: β) ad ea, quae naturaliter insunt. Praestatio euictionis sine dubio ad naturalia emtionis spectat, quae, licet omne pactum desit, praestanda, ita ut pactum de praestanda euictione, ut plurimum inter superfluas huius contractus clausulas referendum sit, exceptis quibusdam casibus, de quibus in compendio agit HERTIVS *diff. de pacto ne praestetur euictio in f.* Quia tamen naturalia mutari, et per pactum in totum remitti possunt, non dubium est, etiam euictionis praestationem pacto remitti posse, adeo, ut posthac adeo magis, et venditor ad assistendum citari nequeat, cum ad assistendum haud sit obstrictus; nihil enim magis bonae fidei congruit, quam id praestare, quod inter contrahentes hac de re actum est. Quod si ergo id actum, ne euictio praestetur, quid equius est, quam ut huic pacto stetur, et omnis actio euictionis nomine denegetur?

§. XVII. Ex hoc principio varias necit conclusiones, 1) si ad certum tempus duplam promitteret, postea ne quid praestaretur, ita decernit: ut, si emtor hoc fieri intra diem non desiderauit, ita demum venditor non teneatur, si ignorans alieum vendidit: tunc enim in hoc fieri censet, ut per ipsum et per heredem eius emtorem habere liceret. Qui autem alienum sciens vendidit, dolo non caret, et ita emti iudicio tenebitur. Si ergo venditor in bona fide est, elapso die praefinito, ad id tantum tenetur, ne ipsemet vel heres eius euincat: si alius euincit, non tenebitur, quia id actum est inter partes, et bonae fidei congruit, id seruare, quod inter contrahentes actum est. Nequidem repetitionem pretii hoc casu admit-

2) si ad certum tempus euictio praestanda, elapso eo, nihil debetur.



tit, quia duntaxat eum excipit casum, ne ipsemet venditor vel heres eius rem venditam euineat. Quodsi pretii restitutionem quoque excipiendam esse censuisset, id sine dubio quoque expressisset. Hoc in casu quodam illustri, nuper admodum ordini Ictorum inclyto huius Academiz proposito, obseruatum fuit, in quo hoc pactum adiectum erat: *Das S. Hochgräffl. Excell. nicht länger als 14. Tage gebunden seyn wollen, und nach 14. Tagen der Kauff durgehends bindig seyn solle.* Quia enim post hoc tempus demum periculum euictionis imminebat, censuit, ne quidem pretium repeti posse, quod, eo restituto, venditio robur suum obtinere non potuisset, quod tamen cautum erat.

3) in cit. l. 11.  
§. 18. de all.  
emt. vend.  
doctrina VI.  
piani decisum  
est.

§. XIX. Ex eodem principio (III.) decedit illam controuersiam in cit. l. 11. §. 18. de qua hic agitur, et cuius sententiam supra §. V. tradidi. Totus vero contextus ostendit, α) VLPIANVM suam sententiam præmittere his verbis: *multum interesse arbitror, utrum hoc polliceatur, per se venientesque a se non fieri, quo minus habere liceat, seu ut res euincatur; an vero per omnes. Nam si per se, non videtur id præstare, ne alius euincat.* Reuera ergo ex sententia VLPIANI euictionis nomine omnis deneganda actio, quod in sequentibus aperte prodit: *Proinde si euicta res erit, siue stipulatio interposita, ex stipulatu non tenebitur: siue non est interposita, ex emto non tenebitur.* Omnem denegat emtori actionem: etiam ex emto, et ita pretium ne quidem repeti posse censet, quod necessario actione emti alias repetendum fuisset. Hæc decisio ICTI plana et perspicua est, comprehenditque eam quoque clausulam, si dictum sit, *euictionis nomine nihil præstitum iri*, quæ cum priori pacto coincidit, ut supra §. 10. ex mente BVRGVNDI obseruauim.

PIA-

PIANVS in hanc iuit sententiam, quia nihil magis bonæ fidei congruit, quam id seruare, quod inter contrahentes actum est. Si ad pretium petendum emptori concedenda actio, haud satisfaceret conventioni, qua omnis euictionis præstatio remissa est, si ab alio quam venditore heredeue eius res euicta. Hac *decisione* præmissa, VLPPIANVS  $\beta$ ) *rationem dubitandi* petit adducitque ex IULIANI doctrina, eamque plene recentiet. In hoc fallacia querenda, quod interpretes haud obseruauerint, ea, quæ ex IULIANO adferuntur, pro *ratione dubitandi* ab VLPPIANO allata fuisse, quæ tamen in *decisionem* haud influunt. In hoc etiam hodie non pauci peccant, dum ad consensum aliorum ICTORUM prouocant, non tamen accurate attendunt, sæpe, quæ pro *ratione decidendi* ex aliorum scriptis in suas partes trahunt, ab his pro *rationibus dubitandi* adlata fuisse, quæ tamen eorum assensum non indicant, sed potius contrarium euincunt. Reuera autem IULIANI sententiam fuisse *rationem dubitandi*, duo ostendunt: 1) quod VLPPIANVS contra dicendum esse arbitretur in antea adductis a IULIANO conventionibus, suæque decisioni ab initio §. 28. *cit. l. II.* adductæ simpliciter insistat, arguendo, emptori omnem denegandam esse actionem ex emto: 2) quod IULIANI sententiam *secundum quid* tantum admittat in casu, *si sciens alienum vendidit venditor; tunc enim*, ait, *secundum supra a nobis relatam IULIANI sententiam dicendum est*, ex emto eum teneri, quia dolo facit. Quia vero IULIANVS ex emto duntaxat agi censuit, ut *pretium* reddatur, non ut *utilitas* præstetur, palam est, ex mente VLPPIANI in casu remissæ quidem *euictionis præstationis*, sed admissi *doli* ex emto agi posse tantum ad *pretium* repetendum, non etiam ad id quod interest. Qui autem senten-

Iuliani do-  
ctrina ut ra-  
tio dubitandi  
adducta.

tiam

tiam cuiusdam ICTi duntaxat *secundum quid* et in *determinato casu* probat, in reliquis reprobatur, et ab ea diuortium facit. Hoc etiam optime obseruauit HENRICVS a SVERIN in repetit. lect. iur. c. 43. et ex verbis finalibus cit. l. 11. tunc enim secundum supra a nobis relatum Iuliani sententiam dicendum est, ex emto eum teneri, quia dolo facit, hoc modo rationes subducit: Ex his omnino colligitur, in proxime praecedentibus contrarium dici, videlicet non Iuliani sequendam sententiam, nec dicendum esse, ex emto venditorem ad pretium teneri, uti ille voluerat.

4) Vlpianus  
epicrisin facit  
in sententiam  
Iuliani.

§. XIX. Praeterea (IV) idem euincit epicrisis, postrelatam IULIANI sententiam ab VLPIANO subiecta: *sed in supra scriptis conventionibus contra erit dicendum.* Verba haec sunt relatiua, et ad supra scriptas conventiones sese referunt, adeoque α) vel intelligenda de immediate antecedentibus: cum futurum iactum retis a piscatore emimus, aut indaginem plagis positis, aut panthera ab aucupe (prout legendum esse recte censet BUDAEVUS ad cit. l. 11. §. 18. non pantheram) Nam, ait IULIANVS, etiamsi nihil capit, nihilominus emtor pretium prestare necessum habebit: vel β) de illis conventionibus, quas ante haec verba adduxerat IULIANVS h. e. de pacto, quo cautum, per se heredemque suum non fieri, quo minus habere liceat; item, de hoc quoque: nihil euictionis nomine praestatum iri. De prioribus conventionibus, quae apertam emtionem spei continent, quarumque sensum grammaticum optime enucleat GVILIELMVS BUDAEVUS, non intelligendum esse VLPIANVM, vel inde constat, quod alioquin hic constituisset, in emtione spei pretium semper refundendum esse, quod insulsum est, et ab omni ICTorum doctrina et a recta ratione abit, l. 8. de contrah. emt. vendit. l. 10. de hered.

*red. vel act. vend.* imo ipsemet quoque VLPPIANVS alibi hoc negat. *l. ii. de hered. vel act. vend.* Restat ergo, VLPPIANVM contra dicendum esse iudicasse in posterioribus a me relatis speciebus, in quibus IULIANVS consuevit, *pretium quidem deberi, utilitatem non deberi.* Si ergo in his contra erit dicendum, statuendum est, ne quidem *pretium* in his casibus deberi, nisi venditor *in dolo* sit; hunc enim duntaxat IULIANI sententiam de pretio restituendo admisit, ut verba ultima euidenter euincunt. Neque denique cum ANTONIO FABRO, cuius doctrinam supra §. VII. sub incudem reuocaui, asserendum est, VLPPIANVM in contradictione sua tantum voluisse remouere dubium a IULIANO allatum de *emtionem spei*, eique contradicere atque ostendere, ab his speciebus, quae *apertam emtionem spei* referunt, non posse argumentum necesse ad supra relatas conuentiones: etenim iam §. VII. hoc sophisma tetigi atque resolui, cui addendum, VLPPIANVM neutiquam id agere, ut hoc argumentum ceu *dubium* remoueat, sed ut supra a se relatum IULIANI sententiam reiiciat reprobetque, eamque duntaxat in hoc unico casu recipiendam esse credat, *si forte venditor sciens alienum vendidit; tunc enim h. e.* eo solo casu, *secundum supra*, ait, *a nobis relatum Iuliani sententiam dicendum est, ex emto eum teneri.* Quodsi contradictionem suam retulisset ad retundendum argumentum IULIANI a *iacchu resis* pretium, mens eius haec fuisset, in supra dictis conuentionibus non esse *emtionem spei* nec *iacchu resis* venditum, adeoque pretium semper exigi posse. Enimuero cum hac sententia non cohaeret limitatio ab VLPPIANO adiecta: *nisi forte sciens alienum vendidit*, quia in hoc solo casu relatum IULIANI sententiam de *pretio restituendo* recepit approbavitque. Superest ergo, ut asseramus, VLPPIANVM deseruisse IULIANI sententiam, et constituisse, in illis conuentionibus ab hoc relatis semper adesse *emtionem spei*.

§) *emptio spei*  
*in hoc pacto*  
*remissorio ad-*  
*est.*

*etiam ex mon-*  
*to Iuliani ti-*  
*vide decisio-*  
*nem facientis*

§. XX. Atque hoc (V) eo maiori cum fiducia facere potuit VLPIANVS, quod animaduverteret, IULIANVM cespitare in sua decisione, nec certum quid constituere. Etenim supra iam aliquoties obseruaui, IULIANVM ab initio dubitative asserere, POSSE DEFENDI, *ex emto quidem in hoc non teneri, quod emtoris interest, verumtamen ut pretium reddat, teneri.* Posse autem probabiliter hoc defendi, euincit ex ratione a se adducta, quæ colorem æquitatis sapit: quod bonæ fidei contractus non patiatur conuentionem, ut emtor rem amitteret et venditor pretium retineret. Parum autem fidit huic rationi colorata, et addit: nisi forte sic quis omnes istas supra scriptas conuentiones recipiet, quemadmodum recipitur, ut venditor nummos accipiat, quamuis merx ad emtorem non pertineat, veluti cum futurum iactum retis a piscatore emimus. Ita rationes subducere solent, qui formidine oppositi suæ non adeo confidunt sententiæ, et contrariam æque probabilem esse declarant. Non reprobatur enim IULIANVS hanc interpretationem supra dictarum conuentionum, quin potius ostendit, si ut *emtionem spei* recipi et defendi possunt, nequidem pretium deberi. Atqui hoc semper in pacto, *ne euictio præstetur*, agi credendum est, ut non *res* sed *spes* emta intelligatur, incertumque in contractum deductum, ut VLPIANVS in l. ii. D. de hered. vel act. vend. ait. Is enim, qui hoc sub pacto remissorio vendit, aperte et palam ostendit, se de iure non satis certum esse, adeoque pactum prædictum hoc modo, ut l. io. eod. declarat, intelligendum esse: *si quid iuris venditoris esset venire, nec postea quicquam præstitum iri.* Qui de iure suo certus, vel ad minimum in ea persuasione est, se ius indubium habere, rationem nullam habet, declinandi præstationem euictionis. Ceterum si agitur de non præstanda euictione, emtor animad-

aduertit, venditorem rem *litigiosam* vel de qua lis imminet, vendere, seque *euentum litis dubium* comparare; hac de causa quoque venditor de pretio aliquid remittere tenetur, quo *litis futurae periculum*, quod emtor reuera suscipit, compensetur. Quis enim tam stolidus insipidusque foret, *vt sine ratione*, et nulla pretii remissione facta, venditori *praestationem euictionis* remitteret, quæ vnice in hoc quaerenda, quod non *præcile rem*, sed *meram spem* vendere velit, quo facto nequidem *pretium* refundendum.

§. XXI. Vltorius (VI) IULIANI *decisio* anceps de *pretio refundendo*, non videbatur carere *contradictione aperta*. In pacto proposito hoc aperte comprehendebatur, *NIHIL euictionis nomine praestitum iri*, et sic emtori denegandam esse omnem actionem ad *praestandam euictionem*. Ast IULIANVS defendi posse censebat, superesse ex emto actionem ad *pretium repetendum*, in quo *euictionis praestatio* latitabat; id quod cum pacto *adiecto* pugnabat, adeoque ab VLPIANO probari non poterat. Nec asseri potest cum HERTIO, in §. XI. relato, pacta remissoria esse *stricti iuris*; nihilominus enim ita sunt accipienda, *vt plenum effectum*, quem contrahentes intenderunt, habeant, quem non sortiuntur aliter, quam si emtori omnis denegatur actio ad *euictionem praestandam*. Id intenditur in hoc pacto, in quo id agitur, *vt nihil euictionis nomine praestandum sit*; nihil autem omnes species in *praestatione euictionis* latitantes, prorsus excludit. Denique *cerebrina equitas* est, ad quam prouocat IULIANVS, quod *bonae fidei contractus non patiatur hanc conuentionem*, *vt emtor rem amitteret, et pretium venditor retineret*; cum omnino ex iusta et probabili causa hanc patiatur conuentionem, *vt vel emtio spei euidenter monstat*. Quid? quod  
*æque*

6) Iuliani  
*sententia con-*  
*tradictoria*  
*est.*

*aeque nihil magis equitati naturali congruat, quam id praestari, quod inter contrahentes actum est. Quod principium equitatis recte ULPIANVS opponere poterat fucatae equitatis rationi, a IULIANO adlatæ, quæ mentem et intentionem pacti remissorii plane peruertit.*

7) Idem dicendum de tacito pacto remissorio, ut pretium non debeatur.

§. XXII. Addo hoc, (VII) etiam in tacito pacto remissorio idem intelligi, ut nequidem ad pretium repetendum vlla supersit actio, veluti si emtor sciens alienam rem emit. Id euidenter DIOCLETIANVS ET MAXIMINVS decernunt in l. 27, C. de euict. si fundum sciens alienum vel obligatum comparauit Ashenocles, neque quicquam de euictione conuenit: quod eo nomine dedit, contra iuris poscit rationem. Pretium hoc casu ergo repeti nequit, quoniam scienter rem alienam emens vel comparans periculo euictionis simpliciter sese subiecisse videtur. Neque vero HERTII cit. l. Sect. 1. §. 6. responsio huic assertioni contradicit, quod imperatores de litis estimatione non repetenda egerint, cum in hac pretium rei reuera consistat l. 1. C. commun. utr. iudic. l. 10. D. de iur. dot. Pariter in l. 7. C. commun. utr. iudic. eadem confirmatur sententia: nam si fundi, scientes obligationem, dominium suscepistis, tantum euictionis promissionem solennitate verborum vel pacto promissam probantes, eos conueniendi facultatem habetis. Tunc ergo demum euictionis nomine hoc casu agi et pretium repeti potest, si hoc expresse pacto, quod hic desideratur, actum est. Hoc prætermisso, nequidem ad pretium petendum vlla superest actio, ut recte obseruat BVRGONDVS de euict. c. XXIII. n. 2. quia ab emtione alienæ rei abstinere debuisset, quam illicito more emit. Ceterum si iure permissio et licito res onerata vel obligata emitur, veluti si res, tertio per fideicommissum relicta sub conditione: si  
sine



*sine liberis*, pendente conditione, seu liberis adhuc viu-  
entibus, a tertio emitur, euentu vero existente, vindicatur,  
eo casu demum pretium refundendum, quia sub conditione  
venditio facta, si venditor sine liberis non decesserit. l. 7.  
§. 4. C. comm. de legat.

§. XXIII. Denique (VIII) illustrat hanc decisionem<sup>8)</sup> *Lux deci-*  
etiam l. 69. pr. de eui<sup>8)</sup> quam supra iam §. XII. tetigi, et *fioni allata ex*  
contra FRANZKIVM ostendi, non hic agi de casu, quo aper-<sup>l. 69. pr. de</sup>  
te venditor emtori dixit, quid iuris sibi in seruo vendito  
competeret, sed potius de *generali* indefinitoque pacto, ne  
libertatis nomine euictio praestaretur. Solebant enim, qui  
seruos venales habebant, sibi prospicere, quod conditionis  
et natalium serui iustam ignorantiam haberent, adeoque  
hunc casum paucissimi praestare possent. Recte vero SCAE-  
VOLA cit. l. docet, venditorem *euictionis* nomine non teneri.  
FRANZKIVS quidem cit. l. pretii repetitionem hoc ipso non ex-  
cludi arbitratur; sed ex praeiudicio erroris, quod ex l. 11.  
§. 18, de contr. emt. vend. traxit. Si enim non tenetur eui-  
ctionis nomine, non etiam ratione pretii tenetur, quod eui-  
ctionis nomine petitur. Pariter ex l. 6. §. ult. de act. emt. <sup>l. 6. §. de act.</sup>  
vend. liquet, venditorem, adiecto pacto tali remissorio, non <sup>emt. vend.</sup>  
aliter teneri, quam si in dolo est. Ceterum si inter virum  
et uxorem bona fide pro pretio vero olim venditio facta erat,  
pacto donationis causa adiecto, ne ob eam rem venditor quid  
praestaret, venditio quidem valebat, pactum autem irritum  
erat, quia degenerare videbatur in donationem, l. 31. §. 4. <sup>l. 31. §. 4. de</sup>  
de donat. inter vir. et vxor. et petitio pretii hoc pacto, si <sup>donat. inter</sup>  
valuisset, exclusa fuisset. Denique solebant credito- <sup>vir. et vx.</sup>  
res in venditione pignorum sibi pacto hoc prospicere maio-  
ris securitatis gratia, quo casu tam ex pacto quam ex lege <sup>l. 68. pr. de</sup>  
euict.

liberati erant a refusione pretii, quod etiam, re evicta, petere iis integrum erat, si nondum solutio eius facta. l. 68. pr. de evict.



## EXERCITATIO LXII.

AD LIB. XXI. PAND. TIT. II.

DE

VSV ET COMMODIS

P A C T I

DE

PRAESTANDA EVICTIONE

IN CAUSIS PRIVATIS ET PUBLICIS.

CAPVT I.

DE PACTO PRAESTANDAE  
EVICTIONIS IN GENERE.

A R G V M E N T V M.

I. *Quanta iuris Romani in Germania applicatio, II. praesertim in doctrina pactorum. III. Principia iuris nat. de pactis non repudiata prorsus a Romanis, agnita Germanis. IV. Ex iisdem hodie iudicandum de pactis. V. Generalis evictionis praestandae significatus. Pactum de*  
ea

*ea praestanda quid? VI. VII. VIII. Generalia huius pacti requisita, tum ratione consensus, tum ratione negotii antecedentis, intuitu cuius promittitur evictio.*

## §. I.

**S**ecundum genuina *hodierni iuris* principia nihil esse rationabilius nihilque convenientius, quam ut, explosis antiquis carminibus et veteris iurisprudentiae Romanae apicibus iudicia primario iuxta *naturalem equitatem*, dein vero secundum *scita civilia* iuris Romani et Germanici instruamus, neminem credo fore, qui non satis evictum putet. Cum enim cessent apud nos in plurimis singulares illae atque politicae rationes, quae ex diuersa illius reipublicae structura eiusque peculiari indole fluxerunt, *Germaniae* vero rationes ab his sint diuersae, moresque alii inter nos vigeant, magna praecautio opus est, ne absque iudicio sequamur instituta peregrina, sed potius illa cum reipublicae nostrae principiis conferamus, et hoc modo in applicatione inoffenso progrediamur pede.

*Præfatio generalis.*

§. II. Aequissima hoc ipsum lance recentioris atque sanioris iurisprudentiae cultores ponderarunt, atque hinc in id enixe incubuerunt, ut fora nostra a peregrinis dogmatibus a patriae rationibus alienis, repurgarentur. In quo ipso labore non potuerunt non statim animaduvertere, nullam inter alias materiam huiusmodi tricis magis laborare quam frequentissimam illam de *pactis nudis* atque eorundem *obligatione doctrinam*. Quare, reiectis *ictorum antiquiorum* litigiis, qui maiorem in scrupulosis quibusdam iuris antiqui observationibus, quam intentione paciscentium obligandi vim

*Principia antiquae iurisprudentiae de pactis.*

quærebant, vera iuris naturæ et gentium principia, a Germanis iam olim assumpta, laudata, et approbata, in hoc iuris passu restaurarunt.

*Fundamen-  
tum pactorum  
ex iure natu-  
rali et gen-  
tium.*

§. III. Constat de iure *naturali et gentium*, ad inducendam efficacem obligationem sufficere quemcunque verbis et mente deliberata expressum consensum, præsupposita habilitate personæ, quæ se obstringere queat, quod docet GROTIUS de iure belli et pacis lib. II. cap. II. §. 3. seq. Quam æquum vero istud sit, agnouerunt aliqua ex parte olim Icti Romani, æquitatem *edicti prætorii de pactis* inde æstimantes, quod *nihil tam congruum fidei humanæ sit, quam ea, quæ inter partes placuerunt, seruire. l. 1. pr. de pactis.* Idem suboluit Ictis GAIUS ET PAVLO in l. 2. et 3. de obl. et act. et in l. 84. ff. de reg. iur. Ipse PAVLUS, paulo subtilior alias Ictus, adserit, *eum natura debere, quem iure gentium dare oportet, id est, cuius fidem secuti sumus.* Ita vero hæc ipso prætoris edicto olim introducta, atque omnium tunc temporis mentem occupantia principia admodum conculcata et imminuta sunt; non tamen antiqua differentia, ratione *obligationis* inter *contractus* stricte dictos et *pacta*, tum qua talia seu *nuda*, tum ea, quibus solemnis quædam stipulatio accesserat, conseruata est, quæ in infinitis adhuc huius iuris decisionibus omne fert punctum. Merito vero ab ea secessum fecerunt Germani Icti, recte existimantes, asserta hæcenus discrimina fidei Germanicæ e diametro obflare, nec ea sequenda, sed potius sanissimum illud iuris naturalis assertum, quod nimirum, ex quouis deliberato consensu, consentiens ad implendum promissum firmiter obstringatur, pro norma ac regula in diiudicanda pactorum obligatione assumerunt.

Vid.

Vid. LEYSER ad ff. *specim.* 519. med. 4. et 5. STRYK in *vs. mod.* ad tit. de pact. §. 12. *aliique.*

§. IV. Quod si igitur hodie quæstio subnaſcitur: vtrum pactum aliquod pleno effectu gaudere debeat nec ne? eius decisio non vnice ex iure Romano repetenda, sed potius ei standum erit, quod conceptui, supra §. III. adducto, conveniens reperitur. Quare cum singularem quandam in contractibus vsitatam pactorum speciem, scil. de præstanda eviſione, et eius peculiarem vsum dilucidare, apud me præſenti diſquiſitione conſtituerim, eidem quoque principio firmiter inſiſtam, atque demonſtrabo, pactum ſupra memoratum, tam ratione ſue naturæ quam effectu, æquitati naturali eſſe convenientiſſimum, atque eiſdem utilitatem in diuerſis iuris articulis deprehendi, non vero inter otioſas et inanes clauſulas contractuum ſemper referendum eſſe.

*Pactorum  
principium ge-  
nerale de iu-  
re hodierno.*

§. V. Vt vero genuinam notionem pacti huius ab omni obſcuritate liberemus, præmonendum erit, nos hic eviſio- nis præſtationem, quæ primario in contractu emtionis ven- ditionis ſeſe exſerit, paulo latius ſumere, pro cuiuſcunque rei promiſſæ ſecuritatiſ præſtatione, cum firmiſſima obliga- tione, pollicentem effecturum, ne a quoquam vel extra vel in iudicio in litem vocari debeat. Ratio, cur generalem hunc ſignificatum hoc loco aſſumere placuit, eſt, quod prin- cipes et ipſi Icti in reſcriptis eviſionem latius etiam ad quos- cunque contractus et caſus ſæpe, imo ad negotia extra con- tractus, extenderint, per l. 13. de act. E. V. L. 11. 24. ff. l. 2. 4. et 29. C. de eviſt. et l. 2. §. 5. de veteri iure enu- cleand. Ex dato vero eviſionis ſignificatu, prono aluco

*Quid hic ſi-  
gnificet evi-  
ſionem præ-  
ſtare.*

*Definitio pacti* hęc pacti de præstanda euictione fuit definitio, quod sit  
*præstanda cui-* conuentio de præstanda qualicunque eius, quod antecedenter  
*tionis.* sine in contractu sine alio modo actum, securitate atque indemnitate, ne a quoquam vel de iure vel de facto auferatur. Sup-  
 peditat vero hęc definitio generaliora quædam principia, quæ  
 necessario erunt præmittenda, vt deinceps in declaranda hu-  
 ius conuentionis utilitate eo felicius progredi liceat.

*Requisita ge-*  
*neralia huius*  
*pacti.*

§. VI. Cum hic adsit *conuentio specialis*, eiusdem tan-  
 quam commune omnium conuentionum principium quæren-  
 dum est in 1) *consensu*, qui quemadmodum semper  $\alpha$ ) mu-  
 tuus, specificus, certus et indubius esse debet, ita et in hac  
 qualitate hic desideratur.  $\beta$ ) Omnes eiusmodi pactum va-  
 lide ineunt, quibus securitatem quandam præstare liberum  
 est.  $\gamma$ ) Obiectum huius pacti sunt in genere res, de qui-  
 bus consensus interponi solet atque potest.  $\delta$ ) Ad id potis-  
 simum hic spectandum est, de cuius securitate præstanda par-  
 tes inter se consenserunt, adeoque non præcise de *facto pro-*  
*prio*, sed etiam *tertiis*, imo vario modo securitas ratione rei,  
 promitti poterit, quod contra iuris stricti dispositionem sta-  
 tuendum. Vid. PRAESID. dissert. de iure ex pacto ter-  
 tii *quæsito*.

§. VII. II) Quando dicitur, iniri hoc pactum super eo,  
 quod quomodocunque *antecedenter* actum,  $\alpha$ ) hoc ipso in-  
 digitatur, pactum hoc semper supponere *negotium* aliquod  
*antecedens*, si quidem euictio non potest præstari sine *causa*  
*præcedente*; qui enim ex euictione, cuius hoc pactum spe-  
 cies aliqua est, agit, quæ nullam causam habet, hic repel-  
 litur exceptione *doli mali* per l. 2. §. 3. de *doli mali except.*  
 Et quamuis nemo pro se proprie intercedere, sui que pro-  
 prius

prius sponsor esse possit, per *l. 19. in f. ad Scutum Vellei. l. 11. ff. de fideiussor. l. 95. §. 3. ff. de solut.* id tamen ad minimum promittere potest, per se venientesque a se personas non fieri, quo minus habere liceat. *l. 11. §. 18. de act. E. V. 6)* In omnibus, praecipue vero istis hoc pactum prodesse casibus, in quibus ex natura rei nulla praestatur evictio, modo talia sint, in quibus, partes securitatem aliquam intendisse appareat; alias enim, ut in *emtionē spei*, contradictorium foret, istiusmodi inire pactum. *l. 8. §. 1. de contr. E. V. l. 10. de hered. vel act. vend. cit. l. 11. §. 18. de act. E. V.* Denique non adeo magnum usum habebit pactum, si ex natura negotii, quod titulum onerosum habet, evictionis praestatio debeatur, quamvis non dubium sit, illud specialius determinari, et loco eius, quod interest, duplum promitti posse. *l. 1. de evict. et dupla stipulat.*

§. VIII. Hisce igitur modis qualificata conventio, quam late sese diffundere possit, ex generalioribus hic recensitis eiusdem requisitis patebit. Cum ergo is sit dissertationis huius finis, ut *utilitas* eiusdem, quae peculiarem meditationem desiderat, aliquo modo evincatur, ita ordinatissime procedi posse arbitror, ut eiusdem usus duobus capitibus tam in causis *privatorum* quam *publicis* distinctius explane-  
tur.

## CAPVT II.

DE

VSV ET COMMODIS PACTI  
DE PRAESTANDA EVICTIONE, IN  
CAVSIS PRIVATIS IVXTA IVS RO-  
MANVM ET GERMANICVM.

## ARGVMENTVM.

- I. De Vsu huius pacti in genere. II. speciatim 1) in ven-  
ditione hereditatis, vniuersitatis, nominum, III. 2)  
ratione praestationum personalium IV. 3) et casus for-  
tuiti. Explicatur L. II. D. de euict. Proponitur spe-  
cies de re emta, facto principis ablata, odio venditoris.  
V. 4) ratione cautionis, qua pactum confirmatur;  
VI. 5) ratione euictionis ab alio, quam iudice competen-  
te, procedentis; VII. 6) in venditione secundum quid  
nulla; VIII. 7) ratione venditorum, ad euictionem prae-  
standam non obligatorum, IX. vel vi privilegii ab ea  
immunum, veluti ecclesiarum, X. Iudaeorum, XI. Con-  
modum huius pacti ratione litis denunciationis, et litis  
a venditore, procuratorio nomine emitoris, suis sumti-  
bus suscipiendae. XII. Vsus pacti in omnibus negotiis,  
in quibus interest ratione promissi securum esse, XIII.  
in locatione conductione, deposito, commodato, XIV. ra-  
tione mandantis suo periculo, vel persuadentis, XV. in  
negotiis lucratiuis, XVI. in donatione, dotis aduenti-  
tiae



tiae promissione, et legatorum præstatione, XVII. in transactione, XVIII. in hereditatis divisione. XIX. Evictio iure Germ. per annum et diem præstita. Briga, exbrigare disbrigare. XX. Eius promissio subinde munita, execrationibus, XXI. subinde generaliter facta, XXII. vel obstagii c'ausula firmata. XXIII. Vis huius pacti ex Legibus Germ. XXIV. XXV. Eius exempla ex diplomatibus. XXVI. Vfus hodiernus.

## §. I.

Quamquam evictionis præstatio in l. 6. et 37. D. de evict. l. <sup>Utilitas huius pacti.</sup> 31. §. 10. de edil. edicto alibique contractui emtionis venditionis naturaliter inesse dicatur, minime tamen inde inferendum, pactum de præstanda evictione in eodem esse prorsus superuacuum. Cum enim recta ratio doceat, *naturalia* entis mutationi esse obnoxia, atque in hoc ipso ab eiusdem *substantialibus* differre, quis dubitaret, quo minus evictionis præstatio, tanquam emtionis naturale, vel plane a contractu emti abesse, vel etiam pro diuersitate circumstantiarum et contrahentium arbitrio varie determinari possit. Prius testatur pactum, *ne præstetur evictio*, quod illustrat Ictus in l. 11. §. 18. de act. E. V. quodque nuper admodum PRÆSES peculiari dissertatione explicuit; posterius vero, quod non immutari solum *evictionis præstatio* in hoc contractu queat, verum etiam adiectione ipsius varia interdum commoda huic negotio adiiciantur, loquuntur insignia quædam documenta, tam *iuris Romani* quam *Germanici*, quæ eum in finem in medium sunt proferenda.

*In venditione* §. II. (I) In hereditatis venditione secundum regulam  
*(1) hereditatis:* nihil præstat venditor, quam se heredem esse, atque omnia,  
 quæ ad eum tanquam heredem peruenierint, tradidisse, ne-  
 que dolo malo aliquid, quod ad hereditatem de iure perti-  
 nebat, neglexisse, per l. 13. et 14. §. 1. de hered. vel act. vendit.  
 Singularum vero rerum, in inventario licet designatarum, e-  
 uictionem non præstat, per l. 2. §. 2. de hered. vel act. vend.  
 sed liberatur cedendo earum rerum actiones emptori, per l.  
 1. §. 3. eod. Singulariter tamen is casus per l. 1. C. de euict.  
 excipitur, si etiam euictionem rerum singularum atque præ-  
 stationem promiserit; tunc enim vi promissi, non tanquam  
 heres, ad earundem euictionem obligabitur. Idem quoque  
*2) universi-* ob paritatem rationis dicendum erit, si qualibet alia *uniuer-*  
*tit:* *sitas,* rerum et iurium, commodorum et incommodorum  
 complexum continens, venundetur, veluti *peculium* quod  
 ad instar hereditatis se habet, et ex sua natura tam proprias  
 quam alienas res sub se continet; ut de his non aliter, quam  
 promissâ rerum singularum euictione, teneatur. Sed etiam  
*3) nominum.* *venditio nominum* magnam ex hoc pacto trahit utilitatem; ven-  
 ditor enim præstare duntaxat tenetur, ut sit nomen, non et-  
 iam, ut exinde aliqua utilitas ad emptorem perueniat; l. 74.  
 §. f. de euict. et l. 4. ff. de hered. vendit. nisi iterum nomi-  
 natim conuenerit, quid, quale, quantumue exinde obtine-  
 ri debeat, tunc enim iterum ex pacto euictionem præstabit, ad  
 quam extra pacti casum haud obstringebatur. per l. eand. I.  
 C. de euict. et l. 15. ff. de hered. vend. l. 5. et 47. pr. de euict.

*Invenit diver-*  
*sarum præsta-*  
*tionum, extra*  
*ordinem pro-*  
*missarum.*

§. III. (II) De natura contractus emtionis id tantum  
 venditor præstabit, ut emptor *usucapiendi conditionem* rei ven-  
 ditæ nanciscatur, qua de causa ante perfectam traditionem  
 quidem ad defensionem et tuitionem rei venditæ tenebitur;  
 l. 31.

*l. 31. D. de act. E. V. ibi: quamvis eam custodire debuerim, post perfectam traditionem vero venditor non praestat, ne de facto aliquid a tertio fiat l. 11. de D. euict. adeo, ut, si vel maxime in possessione vi illata ab eo turbetur, vel etiam plane eadem priuatur, non pateat ipsi regressus aduersus venditorem, sed contra vim inferentem ei agendum sit, per l. f. C. de act. E. V. et l. 31. ff. eod. nisi forte possessio auocetur ex causa, quae ante traditionem iam exstiterat. Excipitur tamen merito casus, si venditor promiserit, euictionem atque defensionem praestare, contra quaecunque iuris et facti molestiam, modo contrahentes de eiusmodi molestiis cogitarint, quas actor obtendit. arg. l. 12. C. de euict. Tenetur praeterea emtor possessionem, in qua ab alio turbatur, vel quae ipsi erepta est, quantum fieri potest, defendere; l. f. C. de act. E. V. et l. 1. §. 4. ff. uti possidetis, alias sua culpa ius suum neglexisse, atque non vtendo amisisse videtur, aequae ut in seruitutibus, per l. 19. quemadm. seruitutes etc.*

§. IV. (III) Idem ob rationis paritatem dicendum, si *si res per vim maiorem, v. g. principis, fuerit euicta.* per vim maiorem, v. g. principis, res euicta fuerit. Illustrat hoc egregie *l. 11. D. de euict.* cuius verba haec sunt: “*Lucius Titius praedia in Germania trans Rhenum emit, et partem pretii intulit: cum in residuam quantitatem heres emtoris conueniretur, quaestionem retulit dicens: has possessiones ex praeepto principali partim distractas, partim veteranis in praemia assignatas: quaero, an huius rei periculum ad venditorem pertinere possit? Paulus respondit, FVTVROS CASVS euictionis post contractam emtionem ad venditorem non pertinere, et ideo secundum ea, quae proponuntur, pretium praediorum peti posse.*” Observandum

*intra l. 11. de  
emol. que va-  
rui et emen-  
tionibus de-  
claratur.*

dum ante omnia est: 1) hic agi de vendita re emtori iam tra-  
dita, quod emtor, a quo pretium petebatur, exciperet de  
prædiis sibi ex rescripto principali ablati, ut recte observat  
OSIVS AVRELIVS *disponet. 26. de variant. Cuiacii interpret.*  
relatus tom. III. thes. iur. rom. pag. 761. quamvis eadem de-  
cisio obtinuisset, si vel maxime ante traditionem hic casus in-  
teruenisset, quod emtione perfecta statim periculum emto-  
ris sit. §. 3. *inst. de emt. vend.* 2) Palam est, hic tradi exem-  
plum casus fortuiti post venditionem contractam superuenien-  
tis, adeoque non FVTVROS, sed FORTVITOS CASVS  
rectius legendum esse, cum *Basilicis tom. II. lib. XIX. tit.*  
*II. p. 407.* quod etiam ipsa circumstantia, in *cir. leg. adducta*,  
præclare indigitat, quam *BVRGVNDVS de emol. cap. 75. n. 2.*  
et *STRYK. de princip. euincente c. II. §. 95.* illustrant. Etenim  
3) ad casus fortuitos sine dubio refertur, quidquid de facto a  
potentiore vel alias vi maiori sit, cui venditor resistere non  
potest. Id optime observauit *NERATIVS in l. 31. de act. emt.*  
*vend.* "Si ea res, quam ex emto præstare debebam, vi mi-  
hi adempta fuerit, quamvis eam custodire debuerim, tamen  
propius est, ut nihil amplius quam actiones persequendæ  
eius præstari a me emtori oporteat, quia custodia aduer-  
sus vim parum proficit." Videlicet quamdiu res non est  
tradita, venditor adhuc possidet, ei vis infertur, isque deiici-  
tur, adeoque remedia possessoria comparata sunt, quæ em-  
tori præstare debet, et quidem arbitrio et periculo eius, ut  
omne periculum et dispendium eum sequatur. Ceterum si post  
traditionem emtor per violentiam de fundo vendito expulsus  
est, qui nullum ius in eo sibi asserere potest, nulla contra  
venditorem eo nomine emtori competit actio. *l. ult. C. de*  
*act. E. V.* Extra ordinem tamen hoc casu etiam præstatio e-  
victionis venditori incumbit, si via facti seu vis maior tem-  
pore

*usui patii de  
præstanda em-  
tione in hoc  
casu.*

pore factæ venditionis imminet, et emtor huius circumstan-  
 tiæ conficius *speciali pacto* sibi prospexit de euictione ad cer-  
 tum tempus præstanda, quod hoc casu insignem præstat uti-  
 litatem, si intra illud tempus per *vim maiorem* factum, quo  
 minus emtori rem emtam habere liceat; ceterum si post il-  
 lud *via facti* emergit; venditor securus est, nec regressum ex  
 pacto emtor habet, quin potius eo casu obtinet effatum Icti  
*in l. 67. de fideiussor. Iniuriam, quæ tibi facta est, penes te manere,*  
*quam ad alium transferri æquius est.* Declarare hoc liceat casu,  
 an. 1735. ordini Ictorum inclyto huius Academix oblato. Ven-  
 ditæ erant anno 1733. vina ludæo cuidam, sed quia periculum  
 erat, ne per *vim maiorem* vel *viam facti* in odium venditoris  
 a potentiori fieret, quo minus venditio fortiretur effectum,  
 inter alia hæc lex contractui erat adiecta: Da Ihro Hoch-  
 fürstl. Durchl. der Herzog von N. die Abfuhr der Weine samt  
 dem, was in den Kauf geschlagen worden, gegen Verhoffen  
*via facti* verhindern solte, auf solchem Fall soll der Contract,  
 es möge die Behinderung in toto oder in parte sich zutragen,  
 wieder erloschen seyn, und keinem Theil einige actio ad inter-  
 esse gegen einander zu statten kommen. Hoc pacto *præsta-*  
*tionem euictionis* certo modo in se receperat illustrissima ven-  
 ditrix, hac tamen adiecta limitatione: Doch daß Er.  
 Hoch-Gräffl. Excellenz nicht länger als 14. Tagen ge-  
 bunden seyn wollen, und nach 14. Tage der Kauff durch-  
 gehends bündig bleiben solle. Obstricta ergo erat contra  
*vim maiorem* imminetentem ad euictionem præstandam  
*intra quatuordecim dies* a tempore initi contractus, et  
 ideo ad instantiam emtoris, alia lege emere nolentis, sese  
 huic legi subdiderat, quod sciret perspectumque em-  
 tor haberet, ex documentis publice cognitis venditricem

gratia principis excidisse, & tum eius tum successoris futuri odio, imo aliorum quoque infidiis expositam esse. Contractus initus erat *d. 17. Iul. 1733.*: vina tradita emtori: pretium solutum: insignis pars iam ab emtore aliis distracta, sed plena abductio vinorum ab ipso emtore dilata erat vsque ad *30. Oct. 1733.* quo, scena mutata, & principe regente decedente, agnatus successerat, qui vinorum, quæ supererant, abductionem intuitu venditricis, cuius patrimonio tamen illa iam exierant, impediēbat. Iudex emtor *d. 20. Maii 1734.* in Palatinatu, quo mobilibus illustrissimæ venditricis arrestum impositum, agebat *euictionis* nomine ad repetendum ad minimum pretium ex *l. 11. §. 18. de act. emt. vend.*, sed inanem fuisse conatum, docuit non ita pridem PRAESES in *vindicitiis pacti de non præstanda euictione.* Verum contra pactum, quo præstatio euictionis contra viam facti ad *quatuordecim* duntaxat dies promissa erat, inter alia hoc utebantur, pro euictione præstanda, argumento, quod postea vinorum abductio impedita fuerit odio et intuitu venditricis; ex iure autem constare: *α)* quidquid propter inimicitias venditoris per vim factum, ab hoc præstandum esse *arg. l. 25. §. 4. locati*: *β)* etiam maritum rerum dotalium periculum, quæ in seditione perierant, præstare debere, si culpa eius ea coortaret: *l. 66. pr. soluto matrim.* Inde *γ)* DIONYSIVM GOTHOFREDVM in *not. ad l. 31. de act. E. V. lit. ff.* in hanc ire sententiam, aientem: *Re per vim ablata venditor liberatur, nisi vis ei sit illata ob eius inimicitias; tunc enim res videtur amissa aut interiisse culpa venditoris*: *δ)* constare ex cit. *l. 31.* venditorem obligari ad custodiam præstandam, cui vis a tertio infertur, ergo multo magis ad id præstandum, ne ex eius odio a tertio quid fiat; *ε)* MEVIUM *part. 6. decis. 34. n. 6.* inde recte hanc sententiam elicuisse: *cum venditoris vel alterius causa*

Quid si odio  
venditoris  
per vim facti  
quid iurce  
prium?

*causa et odio iniuriam patitur accipiens, actioni potest esse locus.* Sed hæc argumenta a specie proposita prorsus aliena erant, in qua emtor *sciuit præviditque*, omne periculum, quod emtionem *per vim* turbare poterat, vnice ex *inimicitia* et auersio a venditrice animo principis & successoris petendum esse, atque ita a *sciente et volente* hoc quoque periculum susceptum fuisse. Nemo autem videtur fraudare eos, qui sciunt & consentiunt, iudice VLPIANO in l. 145. de R. I. nec *sciens* lxxdatur aut decipitur ab alio sed a semetipso; l. 1. in f. quod fals. tut. l. 34. C. de transact. l. 11. si quid in fraud. patron. fact. quin potius qui tam periculosam iniit venditionem *scienter*, dolo facit, dum postea obiicit, rem venditam euictam esse *inimicitia et odio venditoris*, vnde tamen omne periculum emtioni imminabat. Id clare euincebant verba pacti, vnice ad *viam facti* directa, si per eam a *principe* aliquid factum fuisset: intelligebat Iudæus emtor, exportationem vini facile impediri posse a principe; & sic hoc ipsum infortunium, quod dudum post lapsum terminum eueniebat, in se susceperat, adeoque nullam inde exceptionem exsculpere poterat. Neque enim *scienti et consensienti* dolus aut iniuria inferitur cap. 27 de R. I. in 6to. Licet ergo contemplatione illustrissimæ venditricis, tradito iam vino & dudum elapso termino, exportatio vini a successore principe impedita fuerit, emtor tamen nullum regressum ad indemnitatem habere eo nomine potuit, quia huic periculo tanquam præuiso sese subiecerat; vnde merito, actis transmissis, absoluta est ab actione illustrissima venditrix: quin crederem, ob euidentem calumniam emtorem præterea teneri ad *omne interesse* præstandum ob *arrestum* iniuste impositum.

*Necessarium  
quandoque  
hoc pactum  
est.*

§. V. (IV) Denique si in obligatione, quæ contractui emti *naturaliter* inest ad præstandam euictionem, emtori semper foret acquiescendum, maximæ nonnunquam læsionis periculum incurreret, siquidem venditor absque pacto ad nullam euictionis nomine peculiariter *cautionem* obligatus est; quo tamen non semper satis consultum erit emtori, quando cum *inope* ipsi est negotium, quin potius optime sibi consulat, si pactum cum venditore inest de præstanda cautione *per fideiussores*; hoc enim si fecerit, præstabit omnino venditor illam satisfactionem dicto atque conuento modo, per *l. 37. et 56. D. de euict.* Immo si satisfacere ex pacto noluerit, optimo iure ad istud poterit cogi, per *l. 11. §. 9. de act. emt. vend.* unde rursus huius pacti insignis utilitas emergit.

*In euictione  
per senten-  
tiam iudicis  
incompetentis  
facta.*

§. VI. (V) Vi porro definitionis, quæ in iure ordinariæ euictioni tribuitur, ea tantum solet præstari, quoties *iure* et a *vero iudice* res vendita euincitur; unde si errore, imprudentia vel etiam malitia iudicis aut ab incompetente v. g. per sententiam arbitri euictio procedat, venditor ad eam præstandam nullo iuris vinculo adstringitur. Aliud dicendum fore iudico, si per pactum ad eius præstationem se obligauerit, *quomodocunque* demum & *qualitercumque* res euincatur; patebit enim tunc omnino recursus aduersus venditorem, per *l. 12. C. de euict. & l. 12. D. de recept. qui arbitr. l. 71. §. de legat. 1. BVRGUNDVS in comment. de euict. cap. 80. et 81. seqq.* Merito tamen præsupponendum, emtorem appellationis interpositionem legitimo tempore a sua parte non intermisisse: quoniam alias, æque ut in casu, supra §. III. adducto, negligentia iure suo cecidisse videbitur.

§. VII.



§. VII. (VI) Illud praeterea quidem certum est, in ven- <sup>In venditione</sup>  
 ditione, absolute nulla, non posse praestari evictionem, quo- <sup>responsum nul-</sup>  
 nam prohibitorum praestationem ex pacto petere non possu- <sup>la.</sup>  
 mus. Quodsi tamen actus non absolute, sed *respective* tan-  
 tum, id est, intuitu *cuiusdam subiecti* vel sub certis tan-  
 tum circumstantiis nullus est, pacto de praestanda evictione  
 non deest effectus. Sic v. g. minore praedium alienante, et de-  
 super evictionem promittente sine decreto magistratus, res-  
 ctu eius quidem tota alienatio nulla erit, vid. *tot. tit. D. de*  
*rebus eorum, qui sub tutor. et tit. C. de praed. minor.* adeo-  
 que et promissio evictionis, tanquam accessorium obligatio-  
 nis principalis nulla erit. Quid si autem tertius intuitu mi-  
 noris emtorem praedii pacto de evictione securiorem reddi-  
 derit? omnino ad eum praestandum obligabitur per *l. 9. C. de*  
*praed. minor.* Proinde si curator ob evictionis periculum ex  
 rebus propriis pignora obligavit, emtor non prohibetur illa  
 persequi, licet curator non habeat regressum contra mino-  
 rem. *l. 25. de fideiussor.*

§. VIII. (VII) Ex iuris analogia patet, nec magistra- <sup>In pignori</sup>  
 tum, qui sub hasta vendit, nec creditorem, qui pignus post <sup>venditione.</sup>  
 moram distraxit, evictionis nomine teneri; *l. 10. l. 12. §. 1.*  
*D. de distract. pign.* nisi expresso pacto se huic obligationi sub-  
 iecit; adeoque rursus emtor ex hoc pacto lucratur. Nam  
 (VIII) etiam procurator, qui alieno nomine vendidit, ad  
 evictionis praestationem, si se speciatim ad hanc pacto adstrin-  
 xit, tenetur, *l. 67. de procurator.* quod illustratum est respon-  
 so Facult. iuridicæ a PRAESIDE *tom. II. consult. et decis. p. 1.*  
*arg. 335. n. 32. seqq.*

In venditori-  
bus specialiter  
de non prestan-  
da euictione  
privilegiatis.  
1) Ecclesiis.

§. IX. Vtilitas etiam (IX) pacti de eo, ut *praestetur euic-  
tio*, sese exserit, quando emtoribus negotium est cum per-  
sonis, quæ alias per privilegium ab euictione immunes sunt.  
Etenim 1) singulare de iure canonico est privilegium eccle-  
siarum, ut, si quid ab iis emptum fuerit, de euictione non  
obligentur, per *cap. i. X. depositi*. nisi emtor demonstraverit,  
pretium, ex contractu redactum, in earundem utilitatem  
fuisse conuersum, ut ait INNOCENTIUS *cit. loc.*: *Ille, qui  
contrahit cum ecclesia in mutuo vel deposito, vel in emptione rei,  
quæ venditur, ad soluendum aliquod debitum ecclesie debet es-  
se sollicitus, quoniam alias non erit securus; quam constitu-  
tionem, non sine ratione, desumptam puto ex auth. hoc ius  
porrectum. C. de SS. eccles.* Nulla tamen superest dubitandi  
causa, quin, si administratores de euictione prestanda expre-  
se cauerunt, de eius prestatione sint obstricti, quoniam hoc  
pacto sibi quidem præiudicare poterunt, non ecclesie. Quid  
ergo, si ecclesie immediate contraxerunt, vel per eos, qui  
eam repræsentarunt? ad hoc privilegium prouocare non pos-  
sunt, tum quod ei renunciarint: tum etiam, quod exceptio  
non factæ personis merito cessare debeat, ubi ecclesia imme-  
diate contrahit. Ad minimum tamen securius est, ut pacto  
speciatim huic exceptioni renunciatur. Exornabo hanc cau-  
sam exemplo idoneo, quod enarrat NICOLAUS SCHATEN in  
*annal. Paderborn. ad ann. 1286.* OTTO episcopus, dicto anno  
fratribus prædicatorum, ordinis conuentus Wartbergenis,  
vendiderat feudum cuiusdam ecclesie pro marcis quinquaginta  
vſualis monetæ, hac adiecta clausula: per præſentes  
„et obligamus et adstringimus nos pro vobis de victione et  
„euictione, et ut vulgo dicitur, WARANDIA, quo-  
„ties, quando et ubi requisieritis præstitutos, et literas hoc  
„negotium quocunque modo contingentes, quoties petieri-  
„tis,

„tis, daturos et innouaturos, et prout vnquam poterimus ci-  
 „tius, capituli nostri Paderbornensis literas et sigillum,  
 „horum plenarie robur et consensum continentem, ob-  
 „tenturos. Prior clausula necessaria erat, quia a *solo epi-*  
*scopo* facta alienatio non subsistebat, adeoque fundus vendi-  
 tus reuocationi erat obnoxius. Posterior clausula robur illi  
 addebat, vt ipsa ecclesia *immediate* fundum vendidisse videre-  
 tur, quam episcopus cum capitulo repræsentat, vt hoc casu  
 dubium de *versione non facta* moueri nequeat.

§. X. Vltius 2) FRANZKIVS in *comment. ad Dige.* 2) *Iudæi.*  
*sta titulo de euictionibus n. 324. seqq.* adfert casum specialis-  
 simum ex *lib. 3. LandR. art. 7. et Weicbbild. art. f. vi* cuius  
 de iure Saxonico antiquo Iudæis euictionis præstatio, si quid  
 ab ipsis emtum fuerit, est remissa, ex ratione, vt eo magis  
 deterreantur Christiani a commercio cum Iudæis. Quanquam  
 vero hæc ratio non satis adæquata, et de huius constitutionis  
 vigore ipse dubitet FRANZKIVS; sine dubio tamen iis in *locis*,  
 vbi Iudæi adhuc *hæc lege* viuunt, optime sibi consulere em-  
 torem, arbitror, si præ cæteris Iudæum peculiari euictionis  
 promissione sibi obliget, quoniam sic, non obstante priuile-  
 gio, ad eam præstandam obstringi poterit.

§. XI. Denique 3) venditor non prius emptori ad assi-  
 stendum in euictione obligatur, quam si lis ipsi capropter de-  
 bito modo fuerit denunciata. *l. 8. Cod. de euictionibus.* Mul-  
 tum tamen interest, præsertim de iure Saxonico, quid super  
*euictionis præstatione* hoc in casu ab vtraque parte conuen-  
 tum sit; regulariter enim venditor tantum in *petitorio*  
 et *possessorio ordinario* ad assistentiam obstringitur; ce-  
 terum si promiserit: *die Sache nicht allein in petitorio, son-*  
*In lris denun-*  
*ciatione ven-*  
*ditori facta.*  
G 2 dern

bern auch in possessorio tam summario quam summarissimo *in* gewehren x. venditoris erit, emtorem, facta litis denuncia-  
tione, in *præsentanea* seu summarissima possessione contra tur-  
bantem defendere, quod singularis sine dubio est utilitatis,  
cum absque hoc pacto ad euictionem ratione *turbationis* pla-  
ne non teneatur, l. 31. D. de act. emt. vend. vid. Ord. elect. Sa-  
xon. ref. tit. XIV. §. 1. et BERGER elect. process. possess. thes.  
57. Pertinet huc quoque casus, si venditor in se ita recepit  
defensionem emtoris, ut litem *suis expensis et laboribus* sus-  
cipere velit, quo ipso ad plus quam ad nudam assistentiam  
se se obstringit, et emtorem hoc modo ab omni litium mo-  
lestia liberat, quoniam si quid a parte eius in lite prosequen-  
da peccatum est, eius proprio cedit periculo, et venditor in  
lite succumbens tenetur simpliciter ad præstandam euictio-  
nem. Enimvero si emtor ipsemet litem peragere cogitur:  
ubi venditor, cui litis denunciatio facta, non comparet, nec  
emtorei adstipit, (*absolute* enim ad assistentiam non cogitur)  
emtore non tantum molestias litis æquo animo deuorare co-  
gitur, sed, quod magis est, interim *expensas litis* soluere, et  
si quid in lite ab eo minus recte gestum est, ut ex hoc defo-  
ctu victus sit, facile contingere potest, ut postea regressus  
ei denegetur contra venditorem, qui ei opponit, quod *pro-*  
*pria culpa* victus fuerit. E contrario, pacto eo modo for-  
mato, prout in clausula adducta factum est, directo per man-  
data adstringi potest a iudice venditor, ad litem in se susci-  
piendam, et emtorem *suis expensis et laboribus* defenden-  
dum, cuius exemplum *infra* §. XXII. adductum.

*Progressus ad  
alia negotia.*

§. XII. Atque ex allatis hisce exemplis satis probaf-  
se mihi videor, haud parum utilitatis pactum, de quo hic  
agimus, contractui emtionis addere, tantumque abesse, ut  
su-

superfluum dici queat, ut potius nonnunquam haud absque summo detrimento in eodem negligatur. Liceat vero nunc quoque ostendere, praeter hunc contractum in aliis pactum hoc non sine effectu iniri. Cum enim per *l. 1. §. 6. depositi: omnes contractus ex conventionem legem accipiant*, nihil certe impedit, quo minus et haec ad alios contractus sese extendat, cum *evictionis praestandae* ratio ad plura alia negotia porrigatur.

§. XIII. Explorati videlicet iuris est, per *l. 4. ff. commod.* *In locatione conductione.* et *l. 1. §. 4. de obl. et act. §. 2. l. quibus modis re contrahitur etc.* nullo in iudicio aliquem de casu aut vi maiori praestanda, nisi *dolus* vel *culpa* interuenerit, obligari. Verum et in eo aliud consensu partium definiri posse, vel *locationis conductionis* exemplum docet. Ex natura enim huius contractus per *l. 4. pr. et l. 8. C. locat. cond.* usum quidem rei locatae praestare conductori tenetur, non vero *casum* et *vim maiorem*, nihilominus tamen *l. 9. §. 2. ff. locati* docet, locatorem, si etiam praestationem casus et vis maioris in se suscepit, ex pacto teneri, quod etiam ad *casus insolitissimos* omnino extendendum esse puto, modo constet, de iisdem etiam *expresse* inter partes fuisse cogitatum, licet alias inter *insolitissimos casus* et *insolitos* ratione effectus non sine ratione distinguat B. STRYK. *de cautel. contr. sect. 2. cap. 8. §. 20.* Eadem quoque principia erunt retinenda, ubi locator conductori promiserit, se rem durante locatione haud alienaturum sub poena certa, atque promissione plenariae indemnitis in casu contrauentionis; hoc ergo existente, siquidem emtor conductorem expellere intenderit, ad indemnitate[m] ei vi pacti locator erit obligatus per *l. 7. §. 2. de distract. pignor.* quamuis, (quod obiter notandum) lex citata admodum contorta

fit, dum id, quod de *creditore* in eadem prædicatur, merito de *debitore* est intelligendum, quoniam alias ratio concludendi minime cohæret. Quæ hætenus vero dicta de locatione, ob identitatem rationum ad *depositum* et *commodatum* per l. 5. §. 2. D. commod. et l. 1. §. 6. *depositi* poterunt applicari.

*In persuasionibus ad contractum ineundum.*

§. XIV. Persuasio nuda atque consensus tertii seu introductio ad contractum ineundum per se nihil periculi in eum transfert per l. 160. de R. I. quoniam aliud est vendere, aliud vendenti consentire, atque adeo nec *evictionis* nomine obstringitur. Haud immerito tamen etiam persuadens eapropter obligatur, si persuasionibus *promissio de securitate* acceleret. Nihil enim impedit, quo minus etiam tertius, quem contractus primario non tangit, *evictionis periculum* in se suscipere, et eius præstationem *principaliter*, etiam non excusso *autore*, si id quoque cautum, promittere queat. Huc in genere spectat clausula: *periculo meo*, l. 12. §. 12. *mandat.* unde simul constat, hoc accedente pacto, non subsistere amplius negotium in nuda *persuasione*, sed in *mandatum* magis degenerare.

*In causis lucratius præstatæ evictio ex pacto.*

§. XV. Pari ratione utilitas huius pacti inprimis sese exserit in negotiis, quæ *contractuum* nomine plane non veniunt, sed causas mere *lucrativas* habent, a quibus tamen regulariter aliqua evictionis præstatio aliena esse dicitur in l. 17. §. 1. D. de legat. 1. et l. 17. §. 8. de legat. 2.

*1) In mera donatione.*

§. XVI. Ante omnia huc refero *donationem*, in qua donans donatario per l. 62. D. de edilit. edict. l. 18. in f. D. de donat. l. 131. de verbor. obl. evictionem non præstat, ne aliquin

quin liberalitatis suae poenam ferat. Attamen l. 2. C. de evict. cum excipit casum, si nominatim donator de eadem donatio cauerit, quod quilibet ultra limites suae obligationis se obstringere queat, in quo rursus singularis huius pacti usus cernitur. Ob similitudinem huc etiam pertinet casus ex l. ult. C. de iure dot. l. vn. C. de rei vxor. act. et l. 19. in f. de 2) in dotis  
pact. supr. dote. quando nimirum extraneus dotem, vltro et promissione  
ex sola liberalitate promittit; is enim, quemadmodum ab extraneo  
facta,  
nanti aequiparatur, ita nec obligatus ad euictionis periculum censetur, nisi pariter pactum desuper antecesserit per l. 1. cod. de iure dot. Idem quoque per l. 71. §. 1. ff. D. de legat. 1. et 3) in legatio-  
l. 48. §. 1. et 2. de legat. 3. in praestatione legatorum erit statuendum, si vel heres a testatore periculo euictionis praestanda fuerit subiectus: vel sponte heres fidem legatario desuper dederit, in quo rursus utilitatis huius pacti specimen singulareprehenditur.

§. XVII. In transactione, si v. g. quis fundum vindica- 4) in transac-  
cauerit, deinde vero ita cum possessore transegerit, ut is, tione.  
dato aliquo vel accepto, fundum ante vindicatum traderet; postea vero fundus euincatur, prior possessor praestare non cogitur euictionem, per l. 35. pr. de rei vind. et l. 24. famil. herescisc. l. 14. §. 1. in f. condic. furtiua, cogi tamen eundem posse, nullus dubito, quoties transactioni pactum de eo, ut euictio praestaretur, fuerit adiectum.

§. XVIII. Ex diuisione qua tali, quae inter heredes in- 5) in heredita-  
tercessit, si postea euenerit casus euictionis, in re, quae vni tis diuisione.  
alteriue per diuisionem assignata est, ad euictionem praestandam superesse actionem, eo certius est, quod iuxta l. 20. §. 3. famil. herescisc. magnam similitudinem habere dicatur cum per-

*permutatione*, cui itidem euictionis *præstatio* naturaliter inest *l. 66. §. f. de euict.* Nihilominus tamen suadet *ICtus* in *l. 25. §. 21. famil. herciscund.* iudicem *familie herciscundæ* curare debere, ut de euictione caueatur his, quibus adiudicatur res diuissas, quod talis cautio ut plurimum *pœnam adiectam* habeat, et maior *utilitas ex stipulatione præmissa* speranda sit. *l. 5. §. 4. de verb. obl.* Ceterum nihil si cautum erat de *præstanda euictione*, non quidem actio deficiebat, sed *incertior præstatio* erat, quod quasi ex *permutato præscriptis verbis* agendum esset, *l. 14. Cod. famil. hercisc.* et quanti interesset, antea docendum, quod non sine difficili probatione poterat fieri. §. 7. *I. de verb. obl.*

*usus huius  
pacti de iure  
Germanico*

§. XIX. Vidimus, quatenus pactum, de quo agimus, iuris Romani principiis conueniat; restat, ut ius nostrum patrium perlustremus, quantaque huius pacti, etiam secundum eiusdem principia, sit utilitas, legibus et quibusdam exemplis illustremus. Agnouerunt *leges Germanorum* et in iis maiores nostri conuentionis huius usum, perinde ut supra de iure ciuili ostensum, tam in *uenditionibus*, quam aliis *contractibus*, nec minus iam olim sese huic obligationi vel in *genere* vel in *specie* subiecerunt contrahentes. Etenim post alienationem & traditionem rerum venditarum *euictio* secundum *ius Germanicum* plerorumque locorum tam in mobilibus quam immobilibus restricta fuit ad *annum et diem*, maxime intuitu heredum in *bonis agnaticis* et *hereditariis*, qui intra hoc tempus ea reuocare poterant. Atque hoc ipsum adhuc in plurimis locis, facta resignatione iudiciali, obseruatur, imo ea de causa quoque factum, ut præsta-



praestatio euictionis ad annum et diem olim etiam promissa fuerit. In *spicil. eccl. P. II. LÜNIGII p. 337.* inter Lubecensia documenta n. 83. occurrunt literæ permutationis inter comitem Holsatiæ et episcopum Lubecensem, HENRICVM II. de anno 1329. in quibus hæc notabilis clausula deprehenditur: „Insuper permittimus (vel promittimus) quod, si quis vel „qui INTRA ANNUM ET DIEM a dato praesentium, praefatum „dominum episcopum in dicta villa impedierit seu impedi- „rint, quod debeamus ipsum ab huiusmodi impeditoribus „et impedimentis penitus disbrigare,” h. e. extra litem con- „stituere seu ab omni lite liberare. *Briga* enim Italis *conten-* „*ratio* et *iurgium* vocatur, obseruante CANGIO in *glossar. voc.* „*briga*; adeoque *exbrigare* et *disbrigare* nihil aliud denota- „vit, quam contra molestiam litis aliquem securum reddere, „eumque ab ea liberare. Imo *briga* quoque passim pro *euic-* „*tionis* in antiquis diplomatibus accipitur, vt apud GEWOL- „DVM ad HUNDII metropol. Salisburg. tom. II. p. 237. nou. edit. „Et si BRIGA vel EVICTIO processerit dictæ curiæ pro interes- „se vtriusque probatione simplici non testium strepitu proban- „do, praedicti fideles nostri firmiter promiserunt, scilicet „quod ad interesse BRIGARVM et EVICTIONIS spontance tenean- „tur.” Ipsum diploma est de anno 1279. Aliud instrumen- „tum venditionis de anno 1350. in quo vsus euictionis per an- „num et diem adhuc designatur, adfert Dn. de LVDEWIG in *re-* „*liq. MS&f. tom. VI. pag. 412. seqq. diplom. 23.* in quo hanc clau- „sulam offendo: „Quam venditionem ratam et gratam et inua- „riabilem tenere spondemus bona fide absque dolo, vna „cum patruo meo dilecto compromittent, et domino Alber- „to eadem bona exbrigando ab omni petitione, vsque AD „FINEM ANNI ET DIEI more consueto et obseruato.” Si- „milis tenoris diploma de anno 1289. adducit GEWOLDVS in *me-* „*tom. IV.* H *tropol.*

*tropol. Salisburg. tom. II. p. 28. nou. edit.* "Erit etiam defensor  
 „praelatus dominus Menigotus contra quoslibet suos constan-  
 „guineos dictam hubam quocumque impugnare volentes da-  
 „mna et interesse, si qua emerſerint ab hoc dicto monaste-  
 „rio soluturos. Eodem modo damna & expensas, quæ per  
 „extraneos occasione ante dictæ hubæ eidem euenirent mo-  
 „nasterio, compensabit. Ad quæ scilicet ad liberum con-  
 „sensum huic venditioni et ad defensionem per ANNVM  
 „ET DIEM faciendum et ad solutionem damnorum per si-  
 „gillum suum huic appensum literæ de sua voluntate se ob-  
 „ligat et astringit., Aliud diploma eiusdem tenoris de anno  
 1301. apud. EVND. cit. l. p. 29. idem quoque illustrat: "Ob-  
 „ligantes nos presentibus iuxta TERRÆ MOREM ET  
 „CONSVETVDINEM videlicet PER ANNVM ET  
 „DIEM ad omnem actionem seu petitionem, quæ supra di-  
 „cta curia ipsis seu ipsorum monasterio mouere poterit, pe-  
 „nitus abolendam sub propriarum dispendio expensarum.,  
 Aliud documentum insigne habet SCHILTER. in thes. anti-  
 quit. Teutonic. tom. III. voce Waere, ubi literas emtionis ven-  
 ditionis inter RUPERTVM electorem Palatinum et dominos de  
 Eberstein de anno 1345. exhibet huius tenoris: und derselben  
 eigen: Stat Bretheim mit alle irre Zugehorde al davon ge-  
 schrieben stat, sullen wir und unser Erben in und sien Erben we-  
 ren Jahr und Tag nach des Landes Recht und Gewon-  
 heit. Wer es aber, das die vorgehen. Stat B. Ausspres-  
 chung werd in Jahr und Tag, von wem das geschehe, das  
 sullen wie versprechen und usrichten in dem mehrsten Munde  
 darnach, wann wirs ermannt werdin von den vorgehen. Für-  
 sten oder von seinen Erben oder von iren Boten oder mit iren  
 Bissen, Munt wider Munt, oder zu Huß oder zu Hofe.  
 Facit huc quoque exemplum cautionis, quod exhibet MEI-  
 CHEL-

CHELBECK *tom. II. histor. Frisingens. instrum. p. 78. n. 128.* venditione sub *Conrado II. episcopo Frisingensi* facta, vbi: „Promiserunt fideiussores fide data, quod easdem possessiones defenderent dicto domino episcopo et suis successoribus contra quemlibet impugnantem praedictum contractum emtionis, coram quocunque iudice competente vsque ad tempus iure definitum”; id quod de iure Germanico intelligendum *ad annum et diem*, quo vsque etiam adhuc hodie retractus gentilitius durat. Denique in *formulis Bignonianis* apud *BALVZ. tom. II. capitul. p. 497. sq.* etiam in venditione seruorum haec formula vsitata fuit: *Sed in omni corpore scimus eum sanum VSQVE AD ANNUM ET DIEM.* Vnde non mirandum est, adhuc hodie *iure Lubecensi* hanc obtinere praescriptionem, quam peculiari dissertatione illustrauit *REINECCIUS de praescript. annali iuris Lubecensis.*

§. XX. Potissimum hac cautela contra heredes opus esse, iura Germanorum iudicarunt, ne illi ex qualitate bonorum haec vindicarent, praesertim si titulo *donationis* in ecclesias vel monasteria translata fuerunt. Ad deterrendos enim euincentes variis vsi sunt etiam *execrationibus*, eos subiecerunt *paenis pecuniariis*, monasteriis vel fisco inferendis, et alia ratione euictionem impediuerunt. In *traditionibus Fuldensibus* sub *n. 150. 152. 154. 156. 157. 158. 160.* etc. haec clausula donationis instrumentis adiecta: “Si quis vero, quod fieri non credo, si ego ipse aut aliquis de heredibus meis vel proheredibus vel quilibet vlla opposita persona, qui contra hanc Kartam traditionis venire temptauerit et in eam frangere voluerit, iram caelestis incurrat, et S. Bonifacii et ab omni loco sanctorum excommunicatus, insuper adscripto monasterio inferat auri uncias II. argenti pondus IV. coactus exsoluat, et tamen quod repetit euindicare non

*Munitum est interdum excommunicationibus et sanctione poenali.*

„valeat, sed praesens donatio hae omni tempore firma stabili-  
 „lis permaneat, stipulatione subnixi.” Aucta est poena in  
 diplomate 160. ad *uncias auri VII. et argenti pondera X.* quibus vindicantes subiicere voluerunt, quae tamen eos duntaxat obstringere potuit, qui consensum suum in tales dederunt traditiones, aliis autem a iure suo detertere vix potuerunt, quamvis interim hae formula antiquissima fuerit. In antiquis formulis ea ipsa tanquam insignis cautela praescripta est, ut (1) in *formulis Marculfi* apud BALVZ. tom. II. p. 408. lib. 2. n. 6. 7. 10. 11. 14. 17. 20. 22. 23. (2) in *appendice Marculfi* p. 445. n. 14. 16. 17. 37. 39. 47. (3) in *formul. Sirmond.* n. 5. 6. 14. 23. (4) in *formul. Bignon.* n. 2. (5) in *formul. Lindenbrog.* p. 514. *ibid.* n. 17. 20. 50. 55. 58. 59. 72. 75. 81. 127.

*Interdum in-  
 definire cui-  
 titio promissa.*

§. XXI. Verum in aliis pluribus documentis longe evidentius pactum de praestanda euictione, et quidem *indefinite*, sine vlla temporis determinatione, deprehenditur, cuius quasdam placet adducere formulas. Inter documenta Lubecensia apud LVNIGIVM P. II. *spicileg. eccl. sub n. 21. p. 300.* instrumentum de anno 1242. occurrit, in quo duo vasalli certam partem iurisdictionis vendiderant Lubecensi episcopo, promiserantque, sese effecturos, ut dominus feudi in hanc alienationem consentiret: “Quod si, pergunt, forte aliquo  
 „casu interueniente obtineri non poterit, vel aliqua difficul-  
 „tas seu quaestio a domino comite et suis iudicibus mota fue-  
 „rit, nos dominum episcopum et suos nuncios a tali grauamine EXPENSIS PROPRIIS atque LABORIBVS eximemus. Super hoc facto nostro nihilominus WARANDIAM  
 „praestituri, super qua praestanda, si forte fuerimus impoten-  
 „tes, et hinc fide data et manu coniuncta, quod vulgo SAM-  
 „MENDER HAND dicitur, nos obligauimus ecclesiae Lu-  
 becensi,

„becensi, quod domino episcopo, qui tunc tempore fuit,  
 „denarios nobis exhibitos integraliter refundemus.” Pari  
 ratione MEICHELBECK *tom. II. bistor. Frisingens. instrum. pag.*  
*46. n. 73.* exhibet instrumentum, quod eandem ferme con-  
 tinet obligationis formulam.

§. XXII. Nonnunquam vinculum *obstagii* pro more il- *Passu huic ob-*  
 lius xui huic pacto addiderunt, vt in *instrument. de anno 1308.* *stagii clausu-*  
*apud eund. LVNIG. n. 72. p. 328.* “Ad abundantem autem *la addita.*  
 „cautelam dictus frater meus Adolphus Comes de Schowen-  
 „borgh ac filii mei prænominati vna nobiscum fide data pro-  
 „miserunt; quod si defectum aut impedimentum prælati  
 „Mag. Henrici passus in promissis fuerit, ciuitatem Ham-  
 „borgh adiacentem intrare tenebimur, nullatenus exituri,  
 „quin seruata sint singula superscripta.” Euidetior vero  
 atque expressior sequens clausula, quæ sæpius occurrit in  
*document. Lubecens. cit. l. n. 89. 96. 99. 100. 103. 106. 107. 110.*  
*111. 113.* hæc est: “Promisitque idem Ioannes dicto emtori  
 „stipulanti litem, seu controuersiam sibi de dictis bonis vel  
 „aliqua eius parte vllomodo non inferre, nec inferenti con-  
 „sentire, sed ea cum omnibus suis pertinentiis, tam in PRO-  
 „PRIETATE, quam in POSSESSIONE, ab omni homine  
 „seu vniuersitate ipsi legitime defendere, auctorizare, dis-  
 „brigare, ac expedire suis laboribus et expensis;” quæ pa-  
 ctio conuenit cum ea, de qua supra §. XI. egimus, vbi se  
 ad euictionem in *petitorio* et *possessorio* adstrinxit venditor.  
 In diplomate de anno 1259. apud GEWOLDVM *ad Hundii me-*  
*tropol. Salisb. tom. III. p. 221.* episcopus Bambergensis cum  
 nobili quodam iniit compositionem amicabilem, atque in-  
 ter alia promisit: “item nullus de suis castellanis seruis aut  
 „ho-

„hominibus ipsum pignora-  
 „bis nostris, sed si factum fuerit, continuo sine dispendio  
 „faciet emendari. Curabit etiam bona fide, quod nullus  
 „extraneus ipsum in bonis nostris debeat. Pro quibus omni-  
 „bus firmiter obseruandis dedit nobis fideiussores viros di-  
 „cretos Henricum de Polingen, Alberonem Wallerium,  
 „Suickerum de Vorst et Albertum de Fuert, vt si prædicta  
 „fuerint in aliquo violata, ipsi infra sex septimanas id faciant  
 „emendari. Alioquin si non fuerit emendatum, hi iidem fi-  
 „deiussores Vilshoven intrabunt, inde non exituri, donec  
 „ducentos lib. Ratispon. nobis soluant, ipsam totius pœnam  
 „solutionis, quoties infra duos annos præscriptos prædicto-  
 „rum aliquod fuerit violatum.

*Approbatum  
 est hoc pactum  
 ab omnibus  
 fœderis Germani-  
 nis nationi-  
 bus carnis-  
 demque legi-  
 bus.*

§. XXIII. *Leges Normannicæ*, a Dn. de LVDEWIG tom.  
 VII. reliq. *MS. Ct. pag. 358.* relatæ, cum pacto adducto appri-  
 me conspirant, vt ex his patet: „Si enim quis terram sibi in-  
 „vadium traditam alii tradiderit, in feodum tenens super  
 „hoc ad GVARANTVM vocare poterit traditorem, qui eam  
 „sibi tenetur GARANTIZARE vel excambiare. Qui si ter-  
 „ra ipsa garantizare voluerit, super se eius defensionem su-  
 „scipiet, et si succubuerit ad valorem excambiabit garantiza-  
 „to, h. e. ad indemnitate tenebitur emtori, qui item ven-  
 „ditori denunciauit. In *LL. Longobardicis lib. II. tit. 36. in*  
*l. 3.* de rebus venditis vel permutatis hæc cauta leguntur: „Si  
 „quis commutauerit terram, agrum vel pratium aut syluam,  
 „et ibi laborauerit et ædificium fecerit aut clausuram aut vi-  
 „neas posuerit, et postea surrexit certus homo, qui ipsum  
 „locum suum faciat, et ille, qui dedit, minime potuerit  
 „eum defendere, recipiat res suas, quas dedit, et insuper  
 „ipsum damnum restituat ei, quantum apprehensum fuerit,  
 „quod

„quod ibi postea laboravit et ædificavit. Sed et de com-  
 „paratione ita statuimus, sicuti et de commutatione.” At-  
 que hoc iuris erat, si certo pacto de *evictionis præstatione*  
 nihil cautum. Accedente pacto illa inuicem inde æstimanda  
 erat: “Hoc autem de his causis diximus, vnde chartas  
 „commutationis aut venditionis homines inter se non fa-  
 „ciunt: nam vnde chartulas faciunt et ostendunt, sic debet  
 „esse, sicut in ipsis chartulis legitur.” In *LL. Wisigoth.*  
*lib. V. lit. 4.* apud LINDENBROG. in *cod. LL. antiquar. p. 102.*  
 sequens prouilio de *evictione* facta: “Quoties de vendita  
 „vel DONATA re contentio commouetur, -i. e. si alienam  
 „fortasse rem vendere vel donare quemeunque constiterit,  
 „nullum emtori præiudicium fieri poterit: sed ille, qui alienam  
 „fortasse rem vendere aut donare præsumserit, duplum do-  
 „mino rei exsoluere cogatur, emtori tamen pretii, quod  
 „accepit, redditurus, et poenam, quam scriptura conti-  
 „net, impleturus: et quid in profectum comparatæ rei em-  
 „tor, vel qui donatum accepit, studio utilitatis suæ acce-  
 „perat, a locorum iudicibus æstimetur: atque ei, qui la-  
 „borasse dignoscitur, a venditore vel donatore iuris alieni,  
 „satisfactio iusta reddatur.” Solebat ergo in casu *evictionis*  
 venditor *certain* promittere emtori vel donatario *pœnam*, ad  
 quam præstandam obligabatur; ex pacto, in quo utilitas hu-  
 ius conuentionis consulebat, vt inde planum perspectumque  
 sit, gentes Germanicas in hoc pacto magnum collocasse mo-  
 mentum et pondus, quod eo euidentius *evictioni* consulatur.  
 In *LL. Baiuuar. lit. 15. c. 4.* fere iisdem verbis lex Wisigo-  
 thorum repetitur, nisi quod de pacto *super præstanda evictio-  
 ne*, nihil speciatim cautum legatur, cuius obligatio tamen  
 exinde in dubium vocari nequit.

*Præstatio cui-  
usvis pacto  
manui potest;*

*vel generali-  
ter promitti-*

§. XXIV. Sicuti vero pacto præstatio euictionis ampliari; ita etiam hoc iure minui imo plane remitti potuit. Posterioris pacti speciem sistit. Dn. de LVDEWIG *tom. VII. reliq. MSCr. dipl. pag. 480. in diplomate de anno 1323.* huius tenoris: "Præterea si forsitan aliqua de prædictis sæpe dicto „filio nostro vel heredibus suis cauta fuerunt, ad euictionem seu recompensam (indemnitate) earundem ipsam „ecclesiam Halberstadiensem seu episcopum, qui pro tempore fuerit, nec teneri volumus, aut quolibet obligari." Rariora vero hæc pacta sunt, emtionem spei in se continentia; longe frequentiora illa, quæ *generaliter* venditorem ad præstandam euictionem obligant. Colligam adhuc quædam ex LVDEWIGII reliquiis *MSCr. diplom. quæ confirmabunt, talia pacta et olim fuisse vltatissima, nec absque vtilitate. In tom. I. pag. 483. instrumentum venditionis de anno 1454. hanc habet clausulam: Wir wollen auch solcher guter ihre rechte gewere sien, alsz weher recht ist, alsz dicke als on dies noidt sien wirdt, ane geverde. In alio de anno 1502. p. 490. Wir haben auch obgenante Abt, Prior und Conuent des gemelten Closters in eine nützliche genießende und habende gewehre der vorgeschriebenen zinsgesas, und sien sie dorinn gegenwerz lich mit diesen brieff, und wollen die obgerürten zins und kauffs ihre rechte gewehr sien, So oft in des noht thut gang ungeverlich. In tom. IV. pag. 116. in venditionis instrumento de anno 1289. de præstanda euictione ita placuit: "Hos „ergo redditus sic distinctos cum omni iuris plenitudine, quo „ritu proprietarius ipsos hætenus habui possessiue, per legiti- „timæ venditionis traductionem prædictorum dominorum „libere tradidi potestati, promittens fideliter, scriptorum „bonorum me velle pronum esse ac continuum in omni lo- „co ac tempore defensorem." In alio instrumento venditionis*



nis de anno 1312. pag. 125. simul fideiussor euictionis praestanda nomine datus fuit his verbis: Dazu setz ich ihm auch meinen Bruder Engelbrechten zu Pürgen, also swaz im an mir und an meinen vorgenanten Erben abget, daz er daz auß im haben scholl, und demnach zu einer bessern Erttrichung han ich im zu ubente wer gefazzet mein Hoff, daz Pfaffenschlag und drittehalb Pfund geldes daz Stegraispach, also swaz er schadens nem an der egeschriben gult daz Paumgarten mit rechten richtig, so scholl er sich der zwair guet underweisen, und die so lang in haben alz daz im das gut, daz Paumgarten ledig werd gemacht, das lob ich im auch bey meinen trewen one alle arglist. Tom. V. pag. 96. formula venditionis de anno 1315. traditur cum hoc pacto: "Et si memorati „fratres impugnationem aliqualem seu impetitionem super „præscripta curia paterentur, nos et nostri heredes præsentet et futuri obligati sumus, eos indemnes facere penitus et solutos." Maior huius pacti necessitas aderat in causa donationis in dipl. 79. p. 304. memoratæ, quam Hermannus Burggravius Magdeb. qui prouisor seu tutor puerorum de Querfordt fuerat, et de illorum bonis domui Teutonicæ in ciuitate Hallensi quid donauerat. Hæc donatio prorsus inualida erat, quod cum Hermannus iuste reformidaret, se hoc modo obstrinxit: "Si autem hanc „donationem pueri, cum adolefcerent, suadentibus stultis „hominibus, nollent habere ratam, fideliter promitto, quod „alia bona siue de hereditate mea siue de bonis imperii, vbi „ipsis pueris vtile et commodum fuerit, in compensationem „istorum libenter conferam." Indirecta hæc erat promissio de securitate respectu horum bonorum domui Teutonicæ præstanda, dum se obligat ad satisfaciendum pueris de Querfordt, ita vt nullam querelam contra domum Teutonicam

mouere queant. Porro directa indemnitate promissio deprehenditur in *diplom.* 83. p. 108. de anno 1322: "promittentes cum nostris heredibus presentibus et futuris predictis, dominis, fraude et dolo malo penitus exclusis, in his scriptis, quod ab omni impetitione, molestatione, quacunque satis dominis a quoque homine humili vel sublimi in posterum suboriri poterit, indemnes penitus eripiemus et illatos." Recentior est formula de anno 1511. in *dipl.* CXI. p. 145. Wir gereden und geloben auch vor uns und alle unsere Nachkommen, solcher Güther und Gerechtigkeit samt und insunderheit dem Probst und Capitul obgedacht auch allen ihren Nachkommen also frey, wie wir die gehabt zu haben und zu besitzen, rechte gewehren zu sein, wie wehre rechte, und wie len recht, und wie wir von rechte zu thun schuldig. Similis tenoris formula est in *dipl.* 184. de anno 1391. pag. 272. und wollen der guter geweren sin, wur und wanne des not ist oder wan sie das von uns heischen.

*Praxis huius  
pacti unicum  
receptionis in-  
vis Romani  
frequentior  
facta.*

§. XXV. Tandem praxis huius pacti seculo XIV. eo fecundius prorupit, quod iuris Romani semina hoc ævo inprimis per vniuersam Germaniam sparsa ab his, qui negotiis expediendis præficiebantur. In *diplomat. Quedlinburg.* a KETTERO publicatis primum hoc pactum occurrit in instrumento de anno 1311. pag. 438. in quo hæc formula sistitur: "Volentes eandem ecclesiam Quedlinburgensem et personas ipsius de predictis bonis ac proprietate eorundem cum omnibus suis pertinentiis, ubicunque, quodocunque quocunque iure debebimus plenarie WARENDARE. Rursum p. 445. in *diplom. de anno 1317.* sequens formula deprehenditur: "volentes ipsam et ecclesiam Quedlinburgensem predictam defendere efficaciter ab impetitione qualibet, quoties

„ties et quodocunque contra ipsas etiam eadem cuiuscun-  
„que fuerit intentæ.

§. XXVI. Possent adhuc innumera, vtilitatem pacti nostri illustrantia, instrumenta proferri, nisi hæc sufficere videretur pro iuris *Romani* et *Germanici* illustratione. Generatim obseruo, non dubium esse, quin in omnibus negotiis, in quibus securitas reciproca plenior necessaria videtur, hæc conuentio iniri possit: „semet inuicem in iure  
„vndeque quæsito, se propugnatos, mutuisque viri-  
„bus contra turbationes quoruncunque defensuros.” Ob-  
stare quidem videtur ius Romanum antiquum, quod conuen-  
tionem de *facto tertii*, quale hoc esse videtur, non adeo tol-  
leret, per §. 3. *I. de inutil. stipulat. et l. 38. pr. et §. 9. seq. de verb. obl.* Verum non amplius secundum hæc principia hodie in pactis conuentis datam fidem æstimandam esse, iam supra *Cap. I. §. VII.* fuit monitum, præterea vero sciendum est, ista promissione non de *facto alieno* sed potius *proprio* caueri, quod hanc in se contineat promissionem: *se curaturum et effecturum, ne fiat vis*; atque adeo non de *alieno*, sed *proprio facto* pactum hoc reciprocum conceptum est, quod utique iuxta *l. 82. pr. et l. 83. pr. de verb. obl. et tot. tit. rem ratam haberi*, etiam de stricto iure Romano valebit. Quo rariori exemplo vero pactum hoc adeo generale, intuitu securitatis bonorum inter priuatos ob difficultatem in exequendo iniri solet, tanto frequentiore illud vsum habet inter eos, qui imperii habenas tenent, et rebus publicis præsunt, variis expositis bellis, molestiis, inuasionibus, quarum eui-  
ctionis præstationem gentes passim suscipere solent, ut iam dicendum erit.

## CAPVT III.

DE VSV ET COMMODIS PACTI  
PRAESTANDAE EVICTIONIS, IN  
CAVSIS PVBLICIS.

## A R G V M E N T V M.

- I. In causis publicis vocatur pactum *Guarantiae*. II. Eius definitio. III. Quinam illud ineant? IV. Ius statuum Imperii in eodem ineundo. De *guarantia* sanctionis *pragmaticae Austriacae* ab Imperio suscepta. V. Duplex est vel expressum vel tacitum. An pactum *successorium* *renunciatiuum* tacitam *guarantiam* in se contineat? VI. Generale est vel speciale. VII. Exempla pacti generalis. VIII. Rationes pacti specialis. Principes alienae conventionis *guarantiam* in se suscipientes dicuntur *fideiussores*, *asscuratores*. IX. *Guarandorum* differentia a *fideiussoribus*, *mediatoribus*, *sponsoribus*, et *obsidibus*. X. *Guarantia* iniuri solet in vim sanctionis *pragmaticae*, firmari *iureiurando*, XI. et *nuiri* *hypotheca* *terrarum* vel *bonis* in *pignus* *datis*. XII. Si pluribus *guarantia* *promissa*, quis *potior*? XIII. An ad omnia conventionis *momenta* *pertineat* *clausula* *guarantiae*? XIV. Pacti effectus. *Remedia*, si pacto non *stetur*. XV. *Modi* *finiendi* eius *obligationem*.

## §. I.

*Peculiare hu-*  
*ius pacti no-*  
*men.*

Pactum de *evictionis praestatione*, si inter eos, qui iure quodam, singulariter sibi proprio atque eminentiori, causam publicam agunt, et quietem rerum publicarum atque provinciarum procurant, incatur, in peculiare quoddam

dam moribus gentium transire solet nomen, siquidem id, quod in causis priuatorum *euictio* dicitur, communiter GVARANTIA nuncupatur, ipsaque conuentio, quæ primario in hoc negotio occupata est, vocatur *Guarantie tractatus* vel *recessus*, vt docet *Tractat van Garantie* inter regem Daniz FRIDERICVM III. et confœderati Belgii Ordines de d. 16. Aug. 1650. apud LONDORPVM tom. VII. act. publ. p. 1170. et DVMONTIVM in corp. iur. gent. diplom. tom. VI. p. 2. p. 145. item *Kaysers LEOPOLDI Garantie über den Altonaischen Tractat* etc. Denominatio hæc origine Germanica, et in specie Gothica est, quod ipsum maxima vocis cum Germanica *Bewehr* similitudo iudicat. Olim dicebatur WARENDA, in *specul. Saxon. lib. 1. art. 46. §. 2.* et *Guarandus*, *Warendator* seu *Guarendator* euictionis promissor. *ibid. lib. 1. art. IX. §. 6. art. 47. §. 2.* Vid. etiam instrumenta et leges antiquas *cap. præted. §. 23. et 25.* adducta. Vltiorem huius etymologiz disquisitionem vid. apud HOTTOMANNVM de verb. feudal. voce *guarentare*; et CANGIVM in glossar. voce *Warantus*, *Warantizare*, *Warandia*. OLIVARIUS VREDIVS in *hisor. comit. Flandr. tom. I. p. 320.* SCHILTER in *thes. antiqu. German. voce We- re*. Quocirca in sensu apud gentes hodie vsitato vulgatissimum atque vsitatum est, hoc nomine præstationem euictionis vulgo: *die Wehrschafft und Handhabungs Versicherung*, in specie inter superiores, ratione commerciorum, successionis, terrarum, prouinciarum, de quibus lites, iurgia et bella imminet, significari. vid. PUFFENDORFF exvers. *Barbeyrac. de iure nat. et gent. lib. V. cap. 5. §. 5. in fine et cap. 12. §. 7. in f. vnde formula antiqua vulgata, quam sistit VREDIVS cit. l. Et ego et heredes mei prædictas terras, prædicto N. contra omnes gentes et contra omnes homines et feminas warentizabimus, et in perpetuum defendemus per præsentem.*

*Ratio pacis in  
causis publi-  
cis.*

§. II. Enimuero cum nulla frequentius inter superiores occurrant negotia, in quibus plenior securitatis præstatio desideratur atque necessaria censetur, quam *confœderationes, compositiones pacis*, atque alia publica transactiones, vix crebrior docet, pactum, quod vocant *præstanda Guarantie*, hisce singulariter ad maiorem affecurationem et firmitatem adiaci, et scœdera hoc quasi munimento *vallari*. Neque enim facile confœderatio seu pacificatio inuenitur, quæ eiusmodi cautione non fuerit instructa. Quanquam vero, ut inferius patebit, in generalibus principiis, ex iure gentium desumptis, pactum hoc cum eo, quod inter priuatos de *emendatione præstanda* iniri solet, cõueniat; pro ratione tamen diuersorum subiectorum et obiectorum singulares obseruationes habet, adeoque ante omnia hanc præmitto definitionem, quod sit *conuentio publica et mutua inter gentes inita de præstanda pleniori securitate intuitu eius, quod in pacificationibus, confœderationibus aliisque compositionibus determinatum, constitutum atque promissum*.

*Præsumptum  
requisitum  
ipsius conuen-  
tionis.*

§. III. Ex definitione apparet, præsupponi in hoc negotio, tanquam *conuentione*, consensum, et quidem talem, qui de iure gentium effectum habet, id est, deliberatum, et a tali subiecto profectum, quod efficaciter consentire valet per §. 7. cap. I. Ecquis vero non videt, ex hoc ipso immediate consequi, neminem pactum hoc valide inire posse, quam qui *iure belli et pacis* non tantum in actu primo, sed etiam secundo gaudet, quoniam alias promissio foret inanis, absque effectu viribusque, ob deficientem potestatem alterum ad eiusdem satisfactionem armis et milite instructissimo cogendi.

§. IV.

§. IV. Simul vero ex dictis apparet, quod, cum sta-  
tus imperii, fatente ipso *instrument. p. cis Osnabrug. art. VIII.* Statut imperii  
valide illud  
ineunt pa-  
cium.

§. 2. iure belli et pacis polleant, valide etiam atque efficaci-  
ter ab iisdem hoc modo pactum ineatur, quod etiam eos  
exercuisse, illustria docent exempla. Sic enim FRIDERICVS  
WILHELMVS, Elector Brandenburgicus *guarantiam* suscepit  
*armistitii vicennalis*, de quo imperatorem inter et Romanum  
imperium ex vna, regem vero Galliae ex altera parte anno  
1684. Ratisbonae est transactum. vid. *art. XVI. instrumenti*  
*desuper confecti apud LVNIG in Reichs-Archivs Fortsetzung*  
*continuat. II. pag. 117.* Itidem in transactione provisiona-  
li, inter electorem Coloniensem et consules ac magistratus  
ciuitatis Colonienfis de d. 2. Ian. anno 1672. inita, guaran-  
tia electoribus Moguntino, Treuirensi et Brandenburgico  
*art. IX. demandata apud DVMONTIVM cit. tr. tom. VII. P. I.*  
*p. 156.* Eodem quoque modo iam ante electores Mogunti-  
nus, Colonienfis, et Brandenburgicus pacis, inter ordines

fœderatæ Belgiae atque episcopum Monasteriensem d.  $\frac{1}{11}$  April  
anno 1666. Cluiae initæ, facti sunt *guarentatores* seu publici  
fideiussores de obseruantia promissorum, apud EVNDEM *tom.*  
*VI. P. 3. p. 105. sq.* In tractatu pacis Drauendablenfi inter re-  
gem Daniæ et ducem Holstiae Hottorpiensem de anno 1700.  
§. 14. cautum, vt præter Cæsarem, regemque Galliae, et-  
iam *electores* et *principes*, quos inter duos menses contra-  
herentes nominauerint, und zu welchen ein oder ander Theil  
ein Vertrauen haben möchte, vt verba se habent, ad garantiam  
suscipiendam inuitandi essent. Recentius exemplum pariter  
memorabile ac illustre est susceptio assecurationis et propu-  
gnationis notissimæ illius *saëctionis pragmaticæ*, qua suc-  
cessionis ordo in domum Austriacam augustissimam d. 6. Dec.  
1724. Viennæ determinatus et secundum iura domus consti-  
tutus

tutus est, a statibus imperii in comitiis anno 1732. facta, cuius acta exhibet IO. MELCH. DE LYDOLF, in *tr. de introduct. iur. primogeniturae in append. fascic. 1. p. 1. seqq.* Præcesserat anno 1731. d. 16. Martii inter inuictissimum imperatorem et potentissimum Magnæ Britanniae regem sollemnis conuentio de EVICTIONE huius successionis præstanda, contra quoscunque, huius tenoris: "Quandoquidem nomine sacræ Cæsareæ Maiestatis sæpius expositum fuit, haud diu publicam tranquillitatem vigere ac constare, nec securam pro conseruandis duraturo in Europa æquilibrio rationem excogitari posse, nisi sibi generalis TVITIO, SPONSIO ET EVICTIONIO, seu, uti vulgo vocant, GARANTIA, illius succedendi ordinis præstetur, quod iuxta declarationem anno 1713. emanatam in serenissima domo Austriaca obtinet, sacræ regia Maiestas Britannica et celsi et potentes ordines generales vntarum federati Belgii prouinciarum tam eo studio ducti, quo in tranquillitatem publicam tuendam et quilibrium in Europa conseruandum seruntur, quam intuitu conditionum, quæ vtrique huic scopo maxime inseruientes in subsequētibz articulis dispositæ reperiuntur, vigore præsentis articuli garantiam modo dicti succedendi ordinis generalem in se suscipiunt, ac quoties opus fuerit, contra quoscunque præstandam spondent, promittentes proinde, quo fieri potest, meliore ac firmiore modo, quod omnibus viribus suis tueri, manutenere, ac, uti vocant, garantigiare velint ac debeant contra quoscunque, quoties opus fuerit, illum succedendi ordinem, quem sua Cæsareæ Maiestas in forma perpetui, indiuisibilis, ac inseparabilis fideicommissi primogenitura affecti pro vniuersis suæ Maiestatis vtriusque heredibus instrumento sollemni die 19. April. anno 1713. prouti huius instrumenti copia ad finem tracta-



„tractatus adiuncta reperitur, declarauit et stabiliiuit, quique  
 „subinde ab ordinibus et statibus vniuersorum, regnorum Ar-  
 „chiducatum, ducatum, principatum, prouinciarum ac di-  
 „tionum, ad serenissimam domum Austriacam iure heredita-  
 „rio spectantium, communi omnium voto susceptus ac gra-  
 „to submissoque animo agnitus, atque in vim legis sanctio-  
 „nisque pragmatice perpetuo valitur in publica monumen-  
 „ta relatus fuit; et quemadmodum iuxta hanc succedendi  
 „normam et ordinem eum in casum, vbi annuente diuina  
 „misericordia mascula proles a S. Cæs. Maieft. Cathol. de-  
 „scendens exstabit, primogenitus, filiorum suorum, aut  
 „hoc przmortuo huius primogeniti primogenitus, nulla au-  
 „tem de sua S. Cæs. Maieft. prole masculina exstante, pri-  
 „mogenitura filiarum suarum serenissimarum Austriæ Archi-  
 „Ducum ac ordine iure primogenituræ indiuisibilis nunquam  
 „non obseruato succedere iisdem debet in omnibus regnis,  
 „prouinciis ac ditionibus, quas actu sua Cæs. Maieftas possidet,  
 „absque eo, quod vnquam seu fauore illorum aut illarum, qui  
 „vel quæ de secunda, tertia vel vltiore linea aut gradu sint,  
 „aut alias quacunque demum de causa diuisioni vlli aut se-  
 „parationi locus sit, hoc ipso quoque ordine ac iure primo-  
 „genituræ indiuisibilis in omnibus reliquis casibus pariter  
 „obtinente ac perpetuo in omni æuo temporibus obseruan-  
 „do, qui vel in linea masculina suæ Cæsareæ Maieftatis, si  
 „diuinum numen mascula prole eandem bearet, vel extin-  
 „cta linea masculina in linea eiusdem fæminina euenire, vel  
 „denique alias, quoties de successione in regna, prouincias  
 „ac ditiones hereditarias serenissimæ domus Austriacæ quæ-  
 „sio nasceretur, obtingere possent, ita serenissima sacra  
 „Regia Britannica Maieftas ac celsi et præpotentes domini  
 „Status Generales fœderati Belgii promittunt, ac sese ob-  
 „

„stringunt, quod illum vel illam, qui vel quæ iuxta nor-  
 „mam et ordinem hactenus recensitum in regna, provincias  
 „ac ditiones, quas sua Maiestas Cæsarea actu possidet, suc-  
 „cedere debet, in iisdem manutenere, ac contra quoscun-  
 „que, qui forsitan turbare hanc possessionem vllatenus præ-  
 „sumerent, perpetuo velint ac teneantur.” Facta est ac-  
 „cessio *ordinum Generalium* eodem die, quo et *modum garan-  
 tie* plenius determinarunt, apud *EVNDEM cit. l. p. 70.* Nec de-  
 fuit voto augustissimi Cæsaris euentus exoptatus, sed *per ma-  
 iora* conclusum imperii de hoc successionis ordine, quouis  
 modo et contra quoscunque defendendo et propugnando, fa-  
 ctum, et ab imperatore *d. 4. Febr. 1732.* approbatum, vt  
 cæsareum commissionis decretum docet huius tenoris:  
 Von der Röm. Kays. Maj. unsers allergnädigsten Herrn  
 Herrn wegen, lassen Seine Hochfürstl. Gnaden, Herr  
 Frobeni Ferdinand, Gefürsteter Landgraf zu Fürstenberg,  
 Graf zu Heiligenberg und Wartenberg etc. des Heil. Röm-  
 schen Reichs Fürsten, Ritter des guldnen Vlieses, der Röm-  
 isch. Kayserl. Majest. wirklicher Geheimer Rath, und zu  
 gegenwärtiger allgemeinen Reichs-Versammlung bevollmäch-  
 tigtet höchstansehnlicher Kayserl. Principal Commissarius &c.  
 des Heil. Römischen Reichs Churfürsten, Fürsten und Stän-  
 den allhier versammelten fürtrefflichen Rätthen, Bothschaff-  
 ten und Gesandten hiemit ohnverhalten: Ihro Römisch-Kay-  
 serl. Majest. hätten sich das von gesamtten Reichs wegen uns-  
 tern 11. kurz verstrichenen Monaths Januarii erstattete Reichs-  
 Gutachten, die von allerhöchst Denenselben neulich an die ge-  
 samten Churfürsten, Fürsten und Stände des Reichs gnä-  
 digst gesonnene Gewährung oder Garantie über die in Ihrem  
 Durchlauchtigsten Erb-Hause eingeführte und von Kayserl.  
 Majest. unterm 19ten April 1713. erklärte Erb-Folg-Ord-  
 nung

nung betreffend, gebührend vortragen lassen, und daraus zu Ihrem gnädigsten Wohlgefallen und besonderer Danknehmigkeit wahrgenommen, mit was tiefer Einsicht, zeitigem Rath, teutschgemuthetem Eifer, getreulicher Sorgfalt und Wohlmeinung Churfürsten, Fürsten und Stände des Reichs und deren vortreffliche Räte, Botschaften und Gesandten die Wichtigkeit dieses gemein angelegenen Besinnens haben erwogen, und zu obbemeldten der hierunter, wie jederzeit, und in allen kundbar an Tag gelegten Kaysrl. Reichs-Väterlichen Vorsorge und heilsamen Absichten ganz gleichförmigen allgemeinen Reichs-Schluß nunmehr befördern wollen.

Gleichwie nun ein so Ruhm-würdiger teutsch-patriotischer Schluß, als die wahre Grund-Beste des künftig beständigen Ruhe-Standes von innen, und steter Sicherheit gegen alle auswärtige feindselige Ausfälle; nicht weniger als das kräftigste Mittel zu unverbrüchlicher Handhabung der alten Verfassung, Freyheit und gemeinen Wohlfahrt des teutschen werthen Vaterlandes billig anzusehen und zu achten seyn; Also wolten auch Kaysrl. Majest. der teutschen Nachwelt zu immerwährender heilsamer Auferbauung und tapferer Nachfolge, obangezogenes stättliches Reichs-Gutachten vom 17ten vorigen Monats, hiemit nach allem seinen Inhalt gnädigst gut geheissen, genehmet, und ratificiret haben. Seheten auch zu deren Chur-Fürsten, Fürsten und Ständen patriotischen Gemüths-Standhaftigkeit das ungezweifelte Kaysrl. gnädigste Vertrauen, daß, gleichwie Ihro Kaysrl. Maj. dem Römischen Reich, auf alle unverhoffte widrige feindliche Gefahr und Angriffe, die nöthig mit verbundene Hülffe angedehen zu lassen, niemals entstehen würden, also auch dieselben samt und sonders dasjenige, was hierauf als dem gemei-

nen teutschen Wesen zum besten, mit zeitig und höchst-rühmlichen Rath nunmehr zu gemein kündiger Obliegenheit, mithin zu ordentlicher Reichs-Satzung erwachsen ist, vord künftige mit gleicher Liebe, Treu und Eifer vor das werthe Vaterland, dessen Ruhestand, Frey-Sicherheit und Wohlfarth unter zuversichtigen allmächtigsten Beystand Gottes, mittels unzertrennlicher näherer Zusammensetzung (als wovon mit dem allgemeinen Heil auch die Sicherheit eines jeden insbesondere mit abstammet,) allezeit mehr und mehr zu handhaben, gänglich wurden entschlossen seyn: Wo anben Ihre Kaysersl. Majest. für die Allerhöchst Denenselfen und Dero Durchlauchtigen Erz-Haus hierunter zugleich mit wiederfahrne, willfährige Bezeigung Ihre besondere Kaysersliche Danksnehmigkeit und Erkänntniß gegen Chur-Fürsten, Fürsten und Stände des Reichs auch Dero anwesende fürtreffliche Rätthe, Botschaften und Gesandte mit gnädigster Versicherung wiederholet, womit höchstermeldete Ihre Hochfürstl. Gnaden des Heil. Römischen Reichs Chur-Fürsten, Fürsten und Ständen vortrefflichen Rätthen, Botschaften und Gesandten mit Freund-geneigt und gnädigen Willen, wohlgethan verbleiben.

*Necessaria fuit statuum imperii comitialis approbatio, ut prædictum Cæsareum decretum de anno 1724. vim pragmaticæ sanctionis in imperio haberet, et per modum legis publicæ imperii valeret, adeoque simul inde liquet, an et quatenus per maiora et votorum pluralitatem hoc negotium perfici potuerit? de quo apud EVNDEM cit. l. p. 165. deductio solida occurrit, excussa hac quaestione: Ob in materia garantæ die maioritas votorum einen förmlichen festen Reichs-Eschluß machen, und auch diejenigen status, so entweder anderer Meinung desfalls gewesen, oder aber sich wegen ihrer votorum gar nicht positiv herausgelassen, aus-*

186

ihm und in das künftige, *existente casu in vlm constitutionis publicae* verbinden könne? Cum vero praesenti tempore omnium vota et expectatio ad pacem solidam incundam directa sint, et latior spes eius iam affulserit, indubium est, etiam has *de pragmatica sanctione* subortas lites inter belligerantes exoptatum sortituras euentum, et eandem tandem a gentibus Europaeis generatim approbatum, et per solidam *garantiae* clauulam munitum iri.

§. V. Est autem pactum de garantia publica praestanda duplex, vel *expressum* vel *tacitum*. Illud est, quod expressis et disertis est determinatum verbis, expressaque obligatione firmatum. *Tacitum* est, quod ex natura negotii fluit, et ita ad naturalia eiusdem spectat, quale etiam in negotiis priuatorum locum habet. Notari hac occasione meretur quaestio illustris suborta intuitu renunciationis, a domo Saxonica et Bauarica ratione sanctionis pragmaticae factae, quam refert saepe iam memoratus Dn. DE IVDOLFF *cit. l. p. 8. seqq.* Ob die *renunciation auf die Succession bey Vermählung Kdnigl. Chur- und Fürstl. Personen eine garantiam tacitam* in sich hatte, vbi simul pag. 75. fascic. IX. rationes admodum praegnantibus pro affirmatiua adducuntur, quas hic in compendio adponere liceat. Recte videlicet, meo iudicio, principii loco adductum, (α) successioni lineali factam renunciationem semper continere *conventionem successoriam*, quae non immerito pro *negotio oneroso* habenda, cui euictionis praestatio naturaliter inest: (β) grauitati eiusmodi causarum, quae successionem vniuersarum regionum atque prouinciarum concernunt, nec non personarum dignitati esse conuenientissimum, vt de *garantia praestanda* cogitatum inter ipsos fuisse praesumatur: (γ) relatiuam quandam obligationem hic

*Garantis  
promissio est  
vel expressa  
vel tacita.*

enasci, siquidem prior ex linea hereditaria succedens proxime subsequenti lineæ de euictione cauere debet, adeoque ex paritate rationis atque conditionis eadem obligatio pro successione ex renunciatione resultet: (d) rationem atque naturam ipsius renunciationis postulare, vt hæc clausula subintelligatur, quoniam alias inanis eadem atque nullius foret effectus: non obstat (e) quod princeps absolute cogi non possit ad alienarum terrarum euictionem suscipiendam, quoniam hic ex *conuentione tacita* ad id obligatur: (f) ipsa conuentionis verba indicare istud, quibus in hac renunciatione de defensione contra quoscunque turbantes siue contrauenientes, adeoque aliqua ex parte expresse de garantia cautum est: nihil quoque impedire, (g) quod eiusmodi garantiz promissio species *foederis* seu *conuentionis publicæ* sit, quæ semper paciscentium voluntatem supponat; dum ad præstandam hanc euictionem ex natura negotii maxime momentosi et iuridica et politica adsit obligatio; accedere (h) quod eiusmodi conuentiones successoriz tam renunciatiuz quam reseruatiz eo firmiores esse debeant ratione euictionis, cum per iurata acceptionis atque adhesionis instrumenta fuerint corroboratz.

*Generalis vel  
specialis.*

§. VI. Varie etiam hæc *garantie præstatio* pro ratione circumstantiarum determinari potest et solet. Aut enim ad *omnia* antecedentis negotii *capita* extenditur atque *omnes* eiusdem *personas*: aut vero ad *certas* tantum *causas* vel *personas* restringitur. Priori casu dicitur *generalis*, posteriori vero *specialis*. De vtraque in specie videamus.

*Exempla  
generalis.*

§. VII. *Generalis* garantiz promissionis specimen habemus in pace *Monasteriensi*, vi cuius ita sese *generaliter* im-

pera-

perator et rex Galliarum obligarunt: "Omnes et singuli huius  
 „transactionis consortes vniuersas et singulas huius pacis le-  
 „ges contra quemcunque sine religionis distinctione tueri et  
 „protegere volunt"; quae etiam clausula iisdem verbis paci  
 Osnabrug. *art. XVII. §. 5.* adiecta est. Nec minus pacem  
 Olinae anno 1660. inter regem Sueciae et Poloniae conclusam  
 apud DUMONTIUM *tom. VI. P. II. corp. iur. gent. diplom. p. 309.*  
*generali eiusmodi guarantia corroboratam fuisse, vel art. e-*  
*iisd. XXXV. docet, cuius haec sunt verba:* "Promittunt su-  
 „pra memoratae partes paciscentes, omnes tam principales  
 „quam foederatae, se hanc transactionem et pacem, omnes  
 „eius articulos, capita et clausulas inuiolabiliter seruare vel-  
 „le et debere, et ne in posterum violari queat, se inuicem  
 „ad GENERALEM GVARANTIAM et EVICTIONEM  
 „mutuam ac defensionem reciprocam obstringunt." Pari-  
 ter in triplici illa inter Franciam, Magnae Britanniae Regnum  
 et Bataviae prouincias anno 1717. Hagae Comitum firmata con-  
 foederatione generaliter *art. V.* ita pactum est: "Que les dits  
 „Serenissimes Rois et les dits Seigneurs Etats generals pro-  
 „mettent leur garantie reciproque pour l'execution de tou-  
 „tes les conuentions contenues dans les dits articles." In  
 armistitio supra memorato vicennali eodem modo *art. XVI.*  
*securitas generalis est promissa.*

§. VIII. Specialis guarantiae determinatio iterum vari-  
 at. Aut enim (1) *extraneo*, id est, ad quem principalis  
 conuentio primario non spectat, committitur, atque tunc  
 assécuratores in specie *fideiussores* dicuntur, quod factum in  
 pace Velaviensi de anno 1657. *art. 22.* et in instr. pacis Nonio-  
 magens. quod anno 1679. Caesarem inter et Sueciae regem,  
 uti et eo, quod eodem tempore inter Caesarem et regem  
 Galliae

*Specialis gua-  
 rantia varia  
 determinatio-  
 nes.*

Gallix initum, *art. eiusd. VIII.* ubi rex magnæ Britannix pro *guarando* assumptus est. Idem contigit in *pace Ultraiectina* anno 1713. inter Gallix et Borussia regem celebrata, in cuius *art. XI.* Annæ, reginx tunc temporis Magnæ Britannix, *guarandæ* vices sunt oblata. (II) Aut vero *uni tantum* ex iis, quorum principaliter res agitur, *guarantie* præstatio suscipienda datur. Sic in pacificatione, quæ in vico *Saint Germain d. 29. Iul.* anno 1679. inter reges Gallix et Suecix ex una, electorem vero Brandenburgicum ex altera parte conclusa, *guarantiam* vi *art. XVII.* rex Gallix suscepit. In confederatione anno 1713. Ultraiecti inter reginam Magnæ Britannix et regem Gallix inita, cautum est super euictione a regina Britannix vi *art. XXIV.* Denique anno 1720. d. 21. Ian. in fœdere inter Vtricam Eleonoram, Suecorum reginam et Georgium magnæ Britannix regem apud *NYMONTIVM* in *corp. iur. gent. diplomat. tom. VIII. P. II. p. 20.* successio in magnam Britanniam mediante *guarantia* stabilitur hoc modo: "Porro se obligat dicta sacra maiestas Suecix pro se, suis heredibus et successoribus ad *MAINTENENDAM* et *GARANTIGIANDAM* successionem in regno magnæ Britannix; quemadmodum ea per leges regni stabilita est in domo suæ maiestatis Britannicæ modo regnantis, prout etiam ad defendendas vniuersas ditjones et prouincias a sua maiestate possessas etc.

*Guarantia  
personalis  
quædam sit?*

§. IX. Atque hæc quidem *specialis guarantia* dici solet *personalis*, quod nimirum paciscentes se ipsos conuentionis suæ defensores fore promittant, atque hinc etiam *Guarandi* dicantur. Hi distinguuntur (I) a *fideiussoribus*, quales dicuntur *extranei*, qui spondent securitatem, et alias *sponsorum pacis* nomine veniunt, de quibus speciali dissertatione egit



egit VLEICVS OBRECHT: (II) a *mediatoribus*; hi enim tantum negotii pararii sunt, atque ex ipso negotio neutiquam in illos redundat obligatio; consilii publici enim causa tantum interuenisse censentur, totumque negotium non obstantē mediatore in voluntate partium est situm, prout etiam accurate discernuntur in pace anno 1660. Hafniz conclusa inter Sueciae et Daniae reges *art. 24. n. 2.* Nec minus (III) diuersi sunt *guarandi a sponsoribus*, qui priuata auctoritate ac iussu superioris pacem vel foedus cum hoste feriunt, non tamen *guarandi* dici possunt, cum nullo belli et pacis iure gaudeant per §. 3. de qua specie agit B. THOMASIVS de *sponsione Numantina* it. de *sponsione Caudina*. Denique quomodo differant (IV) ab *obsidibus*, vulgo *geißeln*, per se patet, cum loco *pignoris* dentur, veruntamen tales asscuratores haud dicendi, de quibus hic agimus.

§. X. Pro ratione atque voluntate paciscentium solet *specialiores* nonnunquam *specialius* hoc pactum circumscribi. Ita enim pro maiore pacificationis securitate clausula praequantissima *guarantiam praestandi modi.* interdum additur, quae addita est paci Osnabrugensi *art. XVII. §. 5. ut sit perpetua lex atque PRAGMATICA SANCTIO in posterum, aequae ac aliae leges et constitutiones fundamentales imperii etc.*; et formulae renunciationis Imperatoris inuictissimi CAROLI VI. in regna Hispaniarum et Indiarum de anno 1718. apud DVMONTIVM in *corp. iur. gent. diplom. tom. VIII. P. I. p. 542.* in qua haec verba leguntur: „Confirmamus approbamusque eam a nobis factam renunciationem regnorum Hispaniarum et Indiarum, volentes „ac statuentes eam habere vim LEGIS PVBLICAE et SAN- „CTIONIS PRAGMATICAE etc.” quae clausula operatur, ut, cum pactum alias regulariter nonnisi paciscentes obliget, hoc

Tom. IV. L

*Iurata quæ  
vancit speciat.*

hoc tamen in vim legis uniuersalis transiisse omnesque obligare, adeoque eum, qui hanc conventionem violauerit, legem publicam violasse censeatur. Eundem in finem, ut nimirum eo sanctior sit huius pacti observatio, interdum etiam *clausula iurata* pactum istiusmodi munitur, quod factum in pace Gallos inter et Hispanos in urbe *Aquisgranensi* anno 1668. corroborata, cuius articulus finalis ita sese habet: *En autres ont promis et promettent les dits plenipotentiaires, que le dit seigneur Roi très chrétien, le plus tôt qu'il se peut iurera solennellement sur la croix, l'évangile, canon de la messe et sur son honneur d'observer et accomplir pleinement, réellement et de bonne foi tout le contenu ou articles du présent traité.* Eadem iurisiurandi formula continetur in pacificatione, quæ anno 1659. in insula a *Phasiensis* dicta super flumine *Vidasso* in confiniis montium *Pyrenæorum* inter eosdem reges confirmata *art. CXXIV. §. 2.* Pari modo in confæderatione Belgica inter Angliæ protectorem *OLIVARIVM CROMVEL* et Belgas anno 1654. *Westmonasterii* conclusa *art. XXXII.* partes promiserunt, *Sancte etiam cum iuramento, quantum possint, se religiose observaturos et executioni, quod ad eos spectat, mandaturos et curaturos, ut ab aliis observentur et executioni mandentur.*

*Assicurata  
iurantis  
promissio.*

§. XI. Interdum etiam ordinariæ garantiæ præstationi accedit promissio de bonis quibusdam certis imò omnibus *hypotheca* loco supponendis, atque tunc illa per eminentiam dicitur *Assicurata*, de qua vid. *recess. imper. de anno 1654. item recess. execut. §. 16. 18. 20. 38. 39.* Exemplum eius habemus in supra memorata pace *Pyrenæa* eiusdemque *art. XXIV. §. 2.* in quo hæc verba: „Nos plenipotentarii promissimus sub obligatione omnium et singulorum bonorum et statuum præ-  
senti-

„sentium et futurorum, regum, dominorum nostrorum,  
 „quod per suas maiestates inuiolabiliter obseruabuntur et  
 „implebuntur omnia.” Ita quoque cum in *pace Osnabrug.*  
*art. XVI.* conuenisset, vt regi Suecorum pro militum ex-  
 auctoratione a circulis imperii soluerentur quinque myriades  
 thalerorum imperialium, status guarantiam huius pacti *art.*  
*cit. XVI. §. 12.* sequenti modo promiserunt: “Vt autem re-  
 „gia maiestas Sueciae eo securior certiorque sit de infallibili  
 „singulorum terminorum praestatione, singuli septem dicto-  
 „rum circulorum electores et principes et status vigore hu-  
 „ius conuentionis se, ad suam quisque quotam, condicto  
 „tempore locoque soluendam, sponte atque SVB HYPO-  
 „THECA OMNIUM BONORVM obligant.” Accedit  
 etiam non raro huic promissioni *traditio* quaedam *realis in-*  
*terimistica* certorum bonorum, quod factum esse docet *hi-*  
*storia pacis Osnabrugensis*, vbi, cum Hispani moras nece-  
 rent in euacuando principi serenissimo electori Palatino op-  
 pido Franckenthal, interim in securitatem ipsi data est vrbs  
 Hailbronna, cum pertinentibus, munimento, tormentis  
 bellicis, munitionibus et prouisione, donec in alterius  
 possessionem mitteretur. vid. *conuent. principal. pacis.*  
*§. 45. seqq.*

§. XII. Cum in hoc pacto, tanquam inter superiores, <sup>Quis potior in</sup>  
 vnice *iuris gentium principia* obseruentur, facile inde qua- <sup>hoc promissio</sup>  
 stio decidi potest, quis praefendus, si pluribus diuerso tem-  
 pore guarantia promissa fuerit? facilis enim erit responsio,  
 perinde vt in causis priuatorum, *tempore priorem* etiam iure  
 esse potiore, quod priori ius potius sit quaesitum praeter  
 steri, in cuius praedictum nihil fieri potuit.

*An extendi  
possit pro lu-  
bitu hoc pa-  
ctum?*

§. XIII. Vi principii generalis quod supra cap. 1. §. 7. lit. d. præmissum, constat, in huius quoque pacti obligatione diiudicanda, *determinationi partium* vnice esse inhærendum. Ex quo iterum concludo, clausulam *guarantie*, conventioni cuidam specialiter adiectam, ad eius *additamenta* et *accessiones* indistincte extendendam non esse; verum distinguendum, vtrum in *continenti*, an vero post aliquod demum *temporis intervallum* sit adiecta? Priori casu omnino *clausula guarantee*, ad ea tanquam accessoria immediata principalis obligationis, trahi poterit, minime tamen posteriori, nisi expresse extensio desuper facta inveniatur. Quare studio eiusmodi *clausula extensiva* adiecta est transactioni prouisionali electoris cum ciuitate Coloniensi an. 1672. initæ, et expresse idem in sæpe allegato *recess. pacis execut. §. 10.* prouitum: „In instrumento contenta generalis guarantee conti-  
„nue, cum omnibus suis dispositionibus, assecurationibus,  
„clausulis et cautelis etiam ad hunc præliminarem et princi-  
„palem recessum extenditur, et cum pari operatione de eo  
„intelligitur.

*Effectus huius  
pacti est obli-  
gatio, qua in-  
de resultat.*

§. XIV. Quod si igitur hac ratione guarantee promissa sit, obligantur ii, quibus eius præstatio demandata, siue sint ipsæ partes siue alii, ne patiantur aliquid fieri contra conventionem et casus in fœdere expressos. Verum si aliquo modo contrauentum sit conventioni, non statim violentia, bello, aut vi armata contrauentientem cogendum esse, ipsa æquitas suadet; sed quemadmodum inter priuatos ante omnem rixam *amicabilem compositionem* tentare, officio iudicis incumbit: ita et hic eodem tramite erit ingrediendum, vt morationum gentium recentiora exempla demonstrant. Solent enim hoc ipsum partes expresse conventioni addere,  
proui

prout istud factum in pace Osnabrug. *art. XIV. §. 5.* hac formula: "Si quid eorum a quocunque violari contigerit, læsus lædentem, inprimis quidem dehortetur, caula ipsa vel amicabili compositioni vel iuris dilceptioni submissa"; imo §. proxime subsequenti, spatium certum, *trium* nimirum annorum, præstitutum, intra quod terminetur controuersia, quo non factò cautum est, ut tunc omnes et singuli huius transactionis consortes, iunctis cum parte læsa consiliis viribusque arma sumere teneantur ad repellendam iniuriam, quod nec amicitia nec iuris via locum inuenerit, et nulli liceat ius suum vi vel armis prosequi. Distinctius adhuc in pace Oliuensi *art. XXXV. §. 2.* in fine conclusum, ut omnium guarandorum nomine commissio generalis constituatur ad læsi confinia intra spatium quatuor mensium, qua intra deputatos vtrinque commissarios negotium discutiatur, et, si possibile erit, intra quatuor alios menses terminetur. Quod si vero guarentatores debitam securitatem siue hoc siue alio modo non præstiterint, illi ex sua parte ad indemnitatem læsò erunt obstricti; alias etiam contra hos iusta belli causa cooritur, modo manifestum atque in propatulo sit, casum, de cuius guarantia præstanda agitur, in fœdere contineri. Idem quoque in *considerationibus* caueri solet, ut ante hostilitatem consœderatus quæuis efficacia officia interponere obstrictus sit ad satisfactionem læsò impetrandam. Hoc ipsum prouisum est in fœdere anno 1686. d. 10. Febr. inito inter regem Sueciæ CAROLUM XI. et FRIDERICUM WILHELMUM, electorem Brandenburgicum, apud LVNIGIVM im teutschen Reichs-Archiv *part. spec. contin. II. Absatz III. p. 189.* Verba huc pertinentia hæc sunt: "Tenebitur tamen requisitus EFFICACIA quæuis interponere OFFICIA, ad obtinendam parti læsæ aquam satisfactionem. Et siue officia illa futura sint frugifera, si-

„ve irrita, nihilominus „requisitus adstrictus erit ad auxilia  
 „ex pactorum formula submittenda, et ad eadem eousque  
 „continuanda, donec pars læta priori statui, in quo ante tur-  
 „bationem vel inuasionem fuerat, plenarie restituatur, da-  
 „mnumque larcitum atque iniuria illata debite reparata sit, „

*Modi finiendi  
 obligationem  
 ex hoc pacto.*

§. XV. Restat, vt ultimo loco adhuc de modis obliga-  
 tionem, quæ ex hoc pacto resultat, finiendi agamus. Quod  
 igitur (1) ad mortem *guarentatoris* attinet, non indistincte  
 dici poterit, eadem tolli obligationem intuitu heredum, sed  
 distinguendum, vtrum heres sit *patrimonii* an vero  
 regni, quod defunctus habuit? Priori casu non te-  
 netur heres hoc pactum suscipere, bene tamen posteriori,  
 quoniam defunctus, qua possessor regni, *guarandus* factus  
 censetur ex ratione §. 3. adducta. Cauere etiam de hoc pas-  
 su solent sibi partes, cuius exemplum exstat in *pacte Oliuensi*  
*art. XXXVI.* vbi rex Galliarum *pro se et successoribus suis regi-*  
*bus Galliarum* guarantiam esse stipulatus. Deinde (2) generalis  
 modus finiendi obligationem istam indubitato, prout in o-  
 mnibus conuentionibus, partium erit *dissensus* et mutua ho-  
 stilitatis susceptio, qua quævis vincula soluantur; aut si (3)  
 pars vna alteraue ob incogitatam quandam *mutationem*, v. g.  
 ob aduersam belli fortunam, inhabilis plane ad guarantiam  
 præstandam aut subsidia mittenda redditur. Hoc speciatim  
 prouisum in *foedere §. XIV. in f.* adducto de anno 1636. „Si  
 „vero requisitus vel auxiliator ipse inuasionem vel violentiam a-  
 „liqua obruat, adeoque auxiliaribus copiis ad propriam  
 „suam defensionem atque incolumitatem tuendam, siue in  
 „totum siue ad partem eguerit, ad mittendas suppetias haud  
 „obligabitur.” Denique (4) si certa *lex vel conditio* ab  
 initio

initio contentioni fuerit dicta, sub qua obligatio inde nata resoluta est.

§. XVI. Sufficiat vero ex hisce prolatis, tam in publi- *Conclusio.*  
cis quam priuatis negotiis, exemplis demonstrasse, quis sit  
huius pacti de *praestanda evictione* vsus, quibusque coniun-  
ctum sit emolumentis. Plura hinc inde addenda fore, ego  
quidem nullus dubito, sed quoniam prolixior amplissimæ  
huius materiz pertractatio iustam pro ratione dissertationis  
compaginem excederet, hic potius labori imponam coro-  
nidem.

---

## EXERCITATIO LXIII.

AD LIBR. XXII. PAND. TIT. I.

DE

## FVNDAMENTO VSVRARVM PECVNIAE MUTVATICIAE.

### ARGVMENTVM.

- I. Fata *Vsurarum* in Germania introductarum. II. *Pecunia mutuatitia* et *Vsurae* quid? Examen definitionis a  
canonistis propositæ. III. In mutuo *usurae* iure Rom.  
ex stipulatione, non ex pacto, IV. in negotiis bonæ fi-  
dei officio iudicis debentur ex mora vel ob *usum*. V. Sen-  
tentia interpretum, qui mutuum habent pro contractu  
stricti iuris. VI. Eius consutatio. Differentia contra-  
ctuum bonæ fidei et stricti iuris. VII. Contractus iu-  
ris gentium non sunt stricti iuris. VIII. Mutuum est  
contractus iurium gentium: ex æquo et bono æstimatur:  
com-

compensationem ipso iure admittit. Explicatur sententia Neratii in L. 4. de compens. Argumentum a conditione indebiti. IX. Solvitur dubium ab usu actionis de eo quod certo loco in mutuo foenebri, X. et ab usuris in mutuo non nisi ex stipulatu debitis. Huius ratio ex natura contractus gratuiti. XI. Inde pactum usurarium inefficax. Rationes Noodtii expensæ. XII. Diversa ratio contractus depositi, respectu deponentis, gratuiti. XIII. Ex stipulatione, tamquam ex speciali causa, usuræ debentur in mutuo. XIV. Cur ex mora non debeantur? XV. Cur debeantur in antichresi? XVI. Iure singulari debentur ex pacto civitatum, ex mutuo frumenti, ex traiectione pecunia et foenore argentariorum. XVII. Usuræ improbatæ nonnullis gentilibus Philosophis, XVIII. deinde sec. III. patribus et canonibus, præsertim quoad clericos. XIX-XXII. Fata huius doctrine a seculo IV. usque ad sec. XVI. XXIII. Servatæ in commercio sunt usuræ adversus Canonum prohibitionem, XXIV. sed involucro aliorum negotiorum tectæ. Inde annui redditus, excogitata societas commercii inter debitorem et creditorem, montes pietatis, et id quod interest. Sententia Carpzovii de usuris ecclesiæ. XXV. Rationes prohibitionis canonicæ examinantur. XXVI. et XXVII. Fata usurarum in Germania sec. XIII. et XIV. XXVIII. Antichreses in Germania frequentes et approbatæ, XXIX. Usuræ vario colore probatæ, quamvis modus earum legibus imp. non sit definitus. XXX. Tandem quincunces definitæ in casu moræ, vel si conventionione, id, quod interest, promissum. XXXI. Conventionales probatæ in Recessu Nouiss. XXXII. Dispositio iuris Lubecensis de usuris.

§. I.



## §. I.

**T**ACITVS *de moribus German.* antiquos Germanos in hoc a Romanis inter alia distinguit, quod Romani *Germanis antiquitus usura ignota.* *foenus* exercere, vsurasque ex pecuniis aliisque rebus fungibilibus exigere et stipulari, in more positum; Germanis autem tale commercium vsurarium prorsus ignotum, imo odio habitum fuerit. Ait: "Foenus agitare et in vsu-  
 ras extendere ignotum, ideoque magis aueriantur, (vulg. lectio habet erronee *seruatur*) „quam si vetitum esset." Nummorum studio et cupiditate non ardebant, quorum vsu plerique abstinebant, *simplicius et antiquius permutatione v-*  
*tentes, nisi quod Romanis proximi ob usum commerciorum au-*  
*rum et argentum in pretio habere, et formas quasdam pecu-*  
*niae Romanae agnoscere atque eligere coeperint, EODEM teste;*  
 qui et haec subiungit: *pecuniam probant veterem et olim no-*  
*tam, ferratos bigatosque, quorum nummorum meminit PLI-*  
*NIVS lib. XXXIII. c. 14. n. 4. et illustrationem subiungit IO.*  
*HARDVINVS in not. ibidem.* In hac simplicitate non diu sub-  
 stituerunt, postquam Rhenum Danubiumque accolentes quo-  
 tidiano vsu moribus Romanorum infecti sunt, qui pedeten-  
 tim etiam reliquos Germaniae populos a prisco vsu viuendi  
 deduxerunt, adeo vt de illis HERODIANVS *lib. VI.* iam suo x-  
 vo scripserit: *Sunt Germani pecuniae admodum auidi, semper-*  
*que Romanis pacem venalem habent.* His moribus iam ab *ex commercio*  
 antiquo vixerunt Romani, et eisdem imbuerunt viciniore *cum Romanis*  
 Germanos, vt cupiditas habendorum nummorum atque au- *vsuras tan-*  
 gendorum tandem quoque *vsuras et foenus* admiserit. Sed *dem receperunt.*  
 ecce, noua rursus metamorphosis vilâ et audita. Quod ve-  
 teres Romani gentiles in pretio habuerunt, id damnatum ab *a clero paulo*  
*ordine sacro, in priuatis pontifice Romano, qui omnem usu-*  
*post interdi-*

*usus in con-  
tratum om-  
nium Germa-  
nia.*

*transiens ad  
propositum  
thema.*

*rarum* usum per edicta, decreta et fulmina ecclesiastica eliminare atque proscribere studuit, ipsis decretalibus testibus. Germani rursus hæc Romanorum scita parcius admisserunt, et odorem usurarum, quo diu imbuti erant, ut plurimum conseruarunt, ut tot fulmina ex Vaticano emissa eas tollere atque abolere haud potuerint. Denique legibus tum *particularibus* tum *uniuersalibus* quoque praxis hæc confirmata, præsertim postquam ius Romanum per totam Germaniam in obseruantiam deduci, et in *ius* quoddam *commune* abire cepit. Atque hoc iure adhuc viuimus; et quamuis *usurarum* latissimus sit ambitus, ut per omnes contractus sese diffundat, primario tamen illæ in *pecunia mutuaticia* sese exferunt, et quotidianum usum habent. Hæc ratione ductus de *usuris pecunie mutuaticie* agere constitui, præsertim cum deprehenderim, in hoc themate *ius Romanum* variis difficultatibus expositum, *ius canonicum* præiudiciis erroneis infectum, *legesque Germaniæ uniuersales* et *particulares* nouis additamentis auctas fuisse, inter quas præcipue *iuris Lubecensis* scita enarrabo.

*Primarius u-  
surarum usus  
in pecunia  
mutuaticia,*

*cuius denomi-  
natio tradi-  
tur.*

§. II. Facile autem datur intelligi, me de *usuris pecunie mutuaticie* vel ideo hic tantum sollicitum esse, quod commercio usurarum in ea primario locus sit. Dicitur autem *pecunia mutuaticia*, quæ a debitore ex mutuo debetur, sicuti *mutuatica* illa ipsa est, quam creditor mutuo dedit. Ait GELLIVS lib. XX. c. 1. p. m. 669. hanc autem fidem maiores nostri non modo in officiorum vicibus, sed in negotiorum quoque contractibus sanxerunt, maxime in *PECUNIAE MUTVATICIAE* usu atque commercio. adimi enim putarunt subsidium hoc inopiae temporariae, quo communis omnium vita indiget, si perfidia debitorum sine graui pœna eluderet. Sicuti vero passim  
*usura*

*usurae* quoque *fœnoris* nomine veniunt in iure; (quamvis  
 strictius ab eis differant, docente SALMASIO de *usur.* c. II. p.  
 23. seqq.) ita eodem sensu *fœneraticæ cautionis* fit mentio in  
 l. 25. C. de administ. tut. et l. 11. §. 2. C. de non numerat. pecun.  
 secundum codices probatos, quemadmodum etiam *fœnera-*  
*ticiæ cautiones* et *instrumenta fœneraticia* memorantur in l.  
 f. C. de pact. conuent. l. f. C. de non numerat. pecun. l. 14. C. de  
 contr. et committ. stipul. l. 14. §. 2. C. de non numerat. pecun. ex  
 quibus vel creditor *vluras* petit, vel debitor soluit. Porro  
 mutuum quidem non tantum in *pecunia* contrahitur, sed ad  
 quascunque res *fungibiles* porrigitur, & ita quoque ex his  
*vluræ* peti possunt iuxta l. 12. l. 23. l. 25. C. de *usur.* Nou. 84. conf.  
 ANTON. CONTIVS lib. II. lection. *subseciuar.* c. 2. Sed  
 cum *vsurarum* commercium parcius in his sese exserat, soli-  
 us *pecuniæ mutuaticiæ* rationem habebo. Est itaque *usura* definitio us-  
urarum pecu-  
niæ mutua-  
ticiæ,  
*pecuniæ mutuaticiæ* nihil aliud, quam *accessio* (vt vocatur  
 in l. 12. C. de *usur.*) vel *merces pro vsu pecuniæ mutuo datae*  
*ex iusta causa debita.* Equidem *merces* proprie loquendo  
 pro rerum non fungibilium vsu præstatur; nihil tamen im-  
 pedit, quo minus id, quod pro vsu pecuniæ creditur datur,  
 et quæ in genere restituitur, *merces* dici queat, quia id agi-  
 tur in *vsurarum* præstatione, ne vsus pecuniæ sit *gratuitus*,  
 sed *præstatione* quadam *pecuniaria*, in qua proprie dicta *mer-*  
*ces* consistit, compensetur, adeoque in l. 58. §. 6. ad f. Tre-  
 bell. *fructus usuræ et mercedes prædiorum* æquiparantur, et  
 in §. 6. cit. l. additur, *sortium vsuras propter usum earum*  
 percipi. Qui cum canonistis faciunt, illas tradunt esse lu-  
 crum *supra sortem exactum tantum propter officium mutuat-*  
*onis*, in qua definitione duplex error est, tum ratione *gene-*  
*ris*, tum ratione *finis.* Equidem adlatum genus vel ideo  
 eligunt, vt causæ suæ, quam defendunt, seruiant, de quo

*usura non  
sunt lucrum.*

infra, quod recte reprobatur SALMASIVS *cit. l. c. 5. p. 95.* *Lucrum* proprie loquendo in eo non est, quod ob *compensationem usus* vel *rei* soluitur, adeoque *mercedem* qui capit, *lucrum* facere non dicitur, cum potius *equipollens* pro *usu* rei accipiat, qui *æque* compensari potest per *æquipollens*, ut cetera res quaecunque. Quemadmodum vero illi, qui res suas permutant, qui *pretium iustum* pro re accipiunt, *lucrum* non accipiunt, sed rem suam cum re alterius commutant, nisi ultra *ustum* *valorem rei* quid forsitan ceperint; ita pariter qui *usuras* pro *usu* pecuniae probatas accipit, *lucrum* non percipit; sed id quod pro *compensatione usus* debetur, nisi modum legitimarum *usurarum* exceßerit, quippe quod mero lucro accensendum, quia modum compensandi lege determinatum excedit. Recte omnino SALMASIVS *cit. l. p. 96.* *Locatur pecunia, quæ fœnore datur, non alio modo quam ædes aut ager aut opera, pro quibus merces exigitur ab his, qui ea conduxerunt.* In sensu grammatico non iuridico hæc accipienda esse palam est, cum constet, in sensu iuris proprie res fungibiles non locari. Analogia tamen et paritas quædam adest inter *usum rei non-fungibilis* locatum, et *usum pecuniae* concessum pro *usura*, quæ eam denominationem sensu forensi obtinuit, quod pro *usu pecuniae* solui debeat. Conf. NOODT *de usur. et fœnor. lib. l. c. 2.* Praeterea etiam in fine errant. "Quis enim unquam, ait CAROLVS MOLINAEVS *de commerc. et usur. q. 2. n. 75.* „propter ipsum mutationis officium duntaxat *usuram* stipulatus est? et non in compensationem vel damni incurrendi „vel utilitatis cessaturae, vel participationem lucri, quod „facturus est debitor?" Eadem absurditate dicere posses, *mercedem* in locatione accipi propter *officium concessionis usus rei*, et non in compensationem *usur*.

*usura non datur  
pro officio  
mutationis.*

§. III. Hisce pralibatis, fundamentum soluendarum *vsurarum pecunie mutuaticiae ex iure civili* tradendum atque eruendum. Vulgatum est, vsuras pecuniae mutuaticiae non deberi, nisi *stipulatione* peculiariter promissa fuerint. Id loquuntur leges Romanae: idem pariter reguntur ICI interpretes. PAPINIANVS in l. 21. de V. S. ita iuris civilis sensum exprimit: "vsura pecuniae, quam percipimus in fructu non est: quia non ex ipso corpore, sed ex alia causa est, i. e. noua obligatione. Fructus quidem ex terra nascuntur, et hoc intuitu *naturales* dicuntur; non item *vsurae*, quae ex pecunia non nascuntur, sed deberi dicuntur ex *peculiari et noua obligatione*. Erat haec obligatio vel *stipulatio* vel *pactum*. Huius nulla iure Romano efficacia, ad petendum id, quod promissum erat; proderat tamen ad exceptionem producendam, adeoque vsurae solo pacto debita peti non poterant. *Stipulatio* interposita efficax producebat ius ad petendas vsuras, cuius in hac materia ut plurimum iniicitur mentio. In l. 1. C. de vsur. ANTONINVS PIVS edixit: Si interrogatione praecedente promissio vsurarum recte facta probetur, optimo iure debentur. Quod optimo iure debetur, efficaciter peti potest. SEVERVS ET ANTONINVS in l. 3. C. eod. plenius vniuersam exhauriunt causam, aientes: "Quamuis vsurae foenebris pecuniae citra vinculum stipulationis peti non possint (non ex pacto debita) tamen ex pacti conuentione soluta neque ut indebita repetuntur, neque in sortem accepta ferenda sunt. Possunt ergo ex pacto retineri, et per *exceptionem* seruari vsurae, quod condicenti obstat receptio *retentionis*, ideo concessa, quod *naturale debitum* ad *indebita* referri nequeat: quo posito, nec in sortem imputari queant. Hac de causa iidem imperatores hanc doctrinam in l. 4. C. de vsur. nouo illustrent exemplo: "per retentionem pignoris vsuras seruari posse, de-

*Fundamen-*  
*tum harum*  
*vsurarum de*  
*iure Romano*  
*in stipulatione*  
*quaerendum,*

*non in pacto.*

*nisi quod solu-*  
*ta condici*  
*haud potue-*  
*rint,*

*et pignus ca-*  
*pitum monens*  
*retineri*

*Ad pactum  
de usuris nu-  
merationi ad-  
iectum ineffi-  
cax erat.*

„quibus prstandis conuenit, licet stipulatio interposita non sit, merito constitutum est, et rationem habet: cum pignora conuentione pacti etiam usuris obstricta sint.” Duplex decidendi ratio in hac decisione occurrere videtur: 1) quod per *exceptionem retentionis* seruari queant, ad quam producendam iure pratorio efficax pactum erat: 2) quod conuentio de usuris in continenti pignori eiusque traditioni adiecta insit *contractui pignoratitio*, opereturque, vt pignora quoque usuris obstricta sint l. 48. de pact. An ergo etiam numerationi *pecunie mutuatice* in continenti adiecta conuentio de usuris idem prstat? Negandum hoc videtur, quod AFRICANVS in l. 24. de præs. verb. generaliter hanc tradat regulam: *pecunie creditæ usuras, nisi in stipulationem deductas, non deberi.* Id præterea ihde liquet, quod tantum certi casus paulo post tradendi excepti fuerint iure singulari, in quibus etiam ex pacto debite fuerunt *usuræ pecunie mutuatice*, quæ exceptio firmat regulam in casibus non exceptis. Huc denique redire videtur sensus l. 7. C. de usur. *Creditor instrumentis suis probare debet, quæ intendit, et usuras se stipulatum, si potest; Non enim si aliquando* (h. e. per tractum quendam temporis) *ex consensu* (scu nuda conuentione numerationi adiecta) *prestite sunt, obligationem constituunt*, talem scilicet, vt in futurum quoque peti queant. Dicebantur ea de causa *indebite*, sicuti stipulatione promissæ *debite*, ex sententia VLPIANI in l. 5. §. 2. de solut. docentis: “id quod soluitur in usuras, ad vtramque causam usurarum tam debitarum quam indebitarum pertinet, puta: quædam ex stipulatione, quædam ex pacto naturaliter debebantur.” Quæ ergo ex pacto debeantur, *naturaliter* tantum deberi dicuntur: quæ ex stipulatu, *ciuilitur*, et maiorem habent efficaciam. Eiusdem sententiæ quoque PAVLVS lib. II. sent. tit.

14. §. 1. fuit: "Si pactum nudum de præstandis vsuris interpositum sit, nullius est momenti; ex nudo enim pacto inter ciues Romanos actio non nascitur."

§. IV. Satis, ni fallor, liquet, pecunie mutuaticiae v-  
*juras* non aliter iure Romano fuisse debitas, quam *stipulatio-*  
*ne* promissas, adeo ut pactum haud iufficeret. Nec aliud vi-  
 detur admissum fundamentum. In negotiis bonæ fidei alias  
 citra stipulationem etiam ex mora sola debentur vsuræ, officio  
 iudicis. l. 17. §. 4. de vsur. l. 32. §. 2. l. 34. eod. l. 54. locat.  
 Notum enim est, in bonæ fidei iudiciis tantundem valere offi-  
 cium, quantum in stipulatione nominatim eius rei facta inter-  
 rogatio. l. 7. de negot. gest. Vnde in his duplex constituen-  
 dum fundamentum: 1) expressa conuentio de vsuris, 2) offi-  
 cium iudicis, quo æquitate suadente, vsuræ etiam non pro-  
 missæ adiudicari possunt. Aequitas vero rursus ad duo capi-  
 ta reduci potest: α) si debitor in mora est: l. 49. §. 1. de act. *vel ob moram*  
*emt. vendit.* β) si extra moram alias mea pecunia alter vsus *vel ob vsu;*  
 est, quem gratis ei concedere non teneor, sed in eius  
 compensationem vsuras exigo. Vsuræ enim ait VLPIANVS  
 l. 34. de vsur. vicem fructuum obtinent, et merito non debent  
 a fructibus separari, et ita in legatis et fideicommissis et in  
 tutela actione et in cæteris bonæ fidei iudiciis seruatur; quo  
 ex fundamento debite sunt vsuræ pretii, fide etiam de eo  
 habita l. 13. §. 20. de act. emt. vendit. Atque hoc dentum  
 constitutionibus principum inductum videtur, si credimus  
 PAPINIANO in l. 24. depof. est quidem constitutum, in bonæ fi-  
 dei iudiciis, quod ad vsuras attinet, ut tantundem possit offi-  
 cium arbitri, quantum stipulatio. Quid vero est, quod in *non in mutuo,*  
 vsuris pecunie mutuaticiae non idem præstet officium iudicis,  
 ac quidem stipulatio?

§. V.

Quod sit stri-  
cti iuris.

f. V. Qui rationem diuersitatis ostendere conantur, vt plurimum docent, mutuum esse contractum *stricti iuris*, non *bonae fidei iudicis* accensendum, adeoque quicquid in his admissum, ad mutuum seu pecuniam mutuaticiam trahi non potest, in negotiis *stricti iuris* autem nihil deberi, nisi quod expresse verbis et ore nuncupatum; ideo autem *stricti iuris* esse quod *unilateralem* habeat *praestationem*, et nunquam auditum in iure ciuili fuerit, vt talia negotia b. f. dici queant. Ita censet ROONT *ad tit. de reb. credit.* aitque, mutuum ideo esse contractum *stricti iuris*, quod ab uno latere sit *obligatorius*, qualis nusquam, vt addit, vocatur *bonae fidei*. Inde vero duo colligit: primum est, ne quidem pactum de *usuris* soluendis mutuo inesse, idque SEVERVM ET ANTONINVM in l. 3. C. de *usur.* indigitare, quia pacta, ait, etiam in continenti adiecta contractui *stricti iuris*, cum eum auget, ei non insunt, neque actionem formant: licet si detrahunt, fere hoc iure utamur aduersus iuris regulas, vt ex parte rei insint, et ideo actionem ipso iure tollunt, prout ex l. 40. de *rebus credit.* declarat. vid. tract. de *foenor. et usur.* lib. III. c. 1. Alterum est, quod ne quidem ex mora debeantur *usuræ* officio iudicis, quod tradit, *ad tit. de reb. cred. in f.* aitque: "Sed quid si mora accusetur? adhuc idem ius est: angusta iudicis potestate, utique, si nihil de *usuris* pactum. Imo, et si sit: nam ne sic quidem debentur, quia pactum, quamvis in continenti adiectum contractui *stricti iuris*, cum eum auget, ei non inest. Quid ergo est? solum debentur ex mutuo *usuræ*; si sint stipulatione praemissæ; nec iam mutuum, sed *foenus* appellatur." Eandem cantilenam ingeminant DOMINICVS AVLSIVS *ad tit. de verb. oblig. pag. 277.* vbi prouocat ad AFRICANI sententiam supra relatam in l. Titius 24. D. de *praescript. verb.* additque: "cur ita: nempe quia



„quia sumus in pecunia credita, i. e. in mutuo, qui est con-  
 „tractus stricti iuris, et pactum de viuris nequit creditori  
 „tribuere actionem, vt ipsæ tibi præstentur, quare pactum  
 „illud, licet in continenti adiectum, nihil operatur, non  
 „ineff.” Ita censent docentque alii plerique iuris interpre-  
 tes, qui pro indubitato principio assunt, mutuum esse  
 contractum *stricti iuris*, præsertim cum eius non faciat men-  
 tionem IUSTINIANVS in §. 28. *inst. de action. inter negotia*  
*bonæ fidei*, quæ tamen ~~etiam~~ ibidem relata fuisse videntur.  
 Accedit, quod vbi mutua pecunia sic data fuerit, vt certo  
 loco redderetur; *arbitraria actio de eo quod certo loco* mo-  
 veri debeat, si alibi pecunia petitur; *l. 6. de eo quod certo lo-*  
*co*, quod necesse haud fuisset, si mutuum *bonæ fidei* nego-  
 tiis accenseri deberet, vt PAVLVS obseruat in *l. 7. eodem*.

§. VI. Atque hanc quidem diuersitatis rationem suppe- <sup>*Hæc sententia*</sup>  
 ditant traduntque iuris Romani interpretes: non item ipsi <sup>*tamen non*</sup>  
 ICI Romani, a quibus mutuum inter negotia *stricti iuris* est, <sup>*adeo expedita*</sup>  
 nullibi disertis verbis relatum est. Illi autem vel ideo hoc  
 statuendum esse docuerunt, vt difficultatibus adductis satis-  
 facerent, scopulosque superarent. Enimuero haud est ne-  
 cesse, in has se conferre angustias, et contra naturam rei  
 quid assumere, quod maioribus adhuc nodis inuolutum est.  
 Ideo etiam antequam ad alia progrediar, duo euincam: pri- <sup>*cum potius*</sup>  
 mum est, mutuum re vera esse *bonæ fidei* negotiis annume- <sup>*bonæ fidei sit.*</sup>  
 randum: secundum, nihilominus tamen decisiones de *usuris*  
*pecuniæ mutuaticiæ* aliaque, hac thesi salua, de iure Roma-  
 no tutas verasque aliunde tamen rationes petendas esse. Pri- <sup>*quid negotia*</sup>  
 mum membrum quod concernit, conclamatum est, illa ne- <sup>*b. f. dicenda?*</sup>  
 gotia dici bonæ fidei, in quibus non tantum obligamur ad  
 id, quod *disertis verbis* expressum atque ore inter partes nun-

quid stricti  
iuris

ciuiles contra-  
ctus erant stri-  
cti iuris,

quod illustra-  
mus.

cupatum, sed quod præterea æquum et bonum est, cum *bonæ fidei* appellatio summam æquitatem denotet, l. 31. *deposit.* et iuri stricto opponatur. Sicuti autem ius strictum, durum, et asperum, potissimum inde nascitur, si tantum verbis inhæremus, parum de eo solliciti, quid recta suadeat ratio; ita negotia *stricti iuris* dicta fuerunt, in quibus, quod nec verbis expressum, nec litteris consignatum, minime attenditur, nec in obligationem deductum censetur, sed potius pro omisso habendum. l. 99. de V. oblig. Obseruauit autem PRAESES tr. de action. sect. I. c. 3. §. 20. seqq. contractus et obligationes fuisse vel *naturales* seu *iuris gentium*, uti vocantur in l. 7. pr. de pact. quod omnibus gentibus essent communes et in commerciorum usu quotidiano positi: vel *ciuiles*, Romanis proprii, et solennitate verborum aut scripturae concepti, iuxta l. 5. de I. et I. eodem fere modo, quo quædam *naturaliter*, quædam *ciuilitè* acquiri dicuntur in l. 53. de acquir. rer. dom. quæ res satis decantata est, ut nulla declaratione indigeat. De eo non dubium est, quin *ciuiles contractus stricti iuris* sint, ut stipulationes, contractusque litterarum, quod omnes concedunt, et quidem non alia de causa, quam quod in stipulatione, ex *verborum conceptione* nasceretur obligatio immediate et proxime, et ita huius solius ratio habenda esset l. 99. de V. oblig. quod aperte fatetur PAVLVS in l. 126. §. 2. in f. de V. O. in stipulationibus VERBA, EX QUIBUS OBLIGATIO oritur, inspicienda sunt. Eodem modo rationes ducebant Romani in *litterarum obligatione*, in qua fundamentum proximum obligandi quærebant in *litteris*, ut quod scriptum non esset partem obligationis haud constitueret, utut vel maxime, id quod omissum, bonum æquumue esset. Dolo deceptus in his negotiis, nihilominus in nexu erat, si de dolo haud committendo nihil actum fuisset, utut

vtut recta ratio doceat, neminem obligari, qui *dolo* deceptus fuerit, vel *metu* inductus, vel *errore* lapsus; quæ de causa ex æquitate in stipulationibus prætor postea dedit exceptionem *doli*, *metus* vel *erroris* seu in factum, quæ naturæ ipsius obligationis, a Romanis specialiter efformatæ, non ine-  
rat. Id clare demonstrat IMPERATOR in §. 1. *inst. de except.* Si metu coactus, aut dolo inductus, aut errore lapsus, stipulanti Titio promissisti, quod non debueras promittere, (nec tamen aliquid de dolo, metu, aut errore, in ea stipulatione cautum) palam est, iure civili te obligatum esse, et actio qua intenditur, dare te oportere, efficax est. De stipulatione hic agitur, quæ stricti iuris est, quæ ne quidem iure civili, seu ex sententia ICIORUM antiqua et forensi, vñ approbata, in se comprehendebat, quod summa æquitas postulabat. Si interpretationi ex æquitate hic locus fuisset, sine dubio verba stipulationis ita declaranda et accipienda fuissent, vt deceptus, coactus et errore lapsus, haud obligari deberet, æque vt in bonæ fidei iudiciis. At verborum conceptio id non permittebat in stipulatione; permittebat vero in emtione venditione, quæ consensu solo, etiam inter absentes, contrahebatur, non formula quadam; licet quandoque ICTI in scriptis formulam quandam (nullis tamen adstrictam verborum solennitatibus,) huius contractus conciperent, quod erat indifferens, vt tamen ipsa obligatio haud alteraretur. Aliud enim erat ex certa verborum conceptione semet obligare, quod fiebat in stipulatione: aliud ex solo consensu, quod in emtione, in qua nulla desiderabatur verborum conceptio, §. vn. *inst. de oblig. ex consens.* contingit, et si quid in ea scriptum est, solius probationis non obligationis inducendæ causa factum, adeoque inde non æstimanda vis obligandi.

*Contractus  
naturales non  
possunt esse  
stricti iuris.*

§. VII. Id ergo tantum in quaestione est, an dentur obligationes *iuris gentium* seu *naturales* stricti iuris, seu quae non admittunt praestationes ex *aequitate*, vel ex *equo et bono*, quatenus id natura eius admittit, si haec verbis haud sint determinatae? Id vero puto, admodum contradictorium esse, et naturae negotiorum, quae secundum *ius gentium* vni-  
ce aestimantur, prorsus aduersari. Hanc assumerunt Romani ex *usu gentium* communi, eamque iuxta *ius naturae* et *re-*  
*ctam rationem* vni-  
ce aestimarunt. Constat vero ex recta ratione, in omnibus negotiis quaedam *expresse* determinari: quaedam *tacite* subintelligi, quatenus natura contractus non repugnat, quia contrahentes sese in omne id obstrinxisse videntur, quod *bonum*, *aequum*, atque *rationabile* est. Hac de causa contractus iuris gentium *naturalem praestationem* habere, et ex *bona fide* descendere dicuntur in l. 7. de cap. mi-  
nuta. l. 57. in f. de cont. emt. vend. Itaque de dote actio in bo-  
num et *aequum* concepta fuisse dicitur, quod de *rei uxoriae* actione capiendum. Haec erat *bonae fidei*, quia ex ipso ma-  
trimonio fluebat, et in eo fundata, quod eius intuitu data es-  
set, et quia matrimonium negotium *naturale* et *iuris gentium* erat, non poterat non actio in *bonum et aequum* con-  
cipi. Idque indigitare videtur Ictus in l. 31. D. de pos. vbi ita:  
*bona fides, quae in contractibus exigitur, aequitatem summam desiderat*, id quod de contractibus iuris gentium ex *substrata materia*, de qua agit Ictus, accipiendum, quia haec regula in negotiis *stricti iuris* palam exulat. Quod si enim eius in his usus fuisset, qui fieri potuisset, ut *dolo* deceptus et *me-  
tu* coactus obligatus dicendus esset, cum *summa aequitas* his aduersetur? l. 116. de R. I. Atque ita planum est, ideo haec negotia dici *bonae fidei*, quod ex solo *iure gentium* et *natura-*  
*li* aestimanda sint. Quocirca rem minime exhauriunt, qui ad

*quod in cit. l.  
7. cit. infra-  
tur.*

ad obligationem bilateralem vnice confugiunt, et inde fundamentum huius qualitatis petunt, quod facile ex conditionibus strui potest, vt paulo post ostendam.

§. VIII. Ad mutuum speciatim progredior, cuius gratia adducta praemissa sunt, quod iuxta propriam suam indolem bonae fidei existimandum est. Etenim 1) palam est, hunc contractum esse iuris gentium, et sic quoque ex eo assumendum. Id indigitat IMPERATOR in §. 2. I. de I. N. G. et ciuil. aitque: ex hoc iure gentium omnes pene contractus introducti sunt, vt emptio et venditio, locatio et conductio, societas, depositum, MUTVVM, et alii innumerabiles. Id pariter obieruat PAVLVS in l. 126. §. 2. de V. obl., vbi obligationem mutui vocat naturalem in oppositione stipulationis, quae ibidem occurrit, quae est ciuilis ratione causae efficientis, et stricti iuris. 2) In mutuo non praecise ad verba et quod scriptura expressum, respiciendum, sed quod recta ratio, seu bonum et equum postulat. Id declarat POMPONIVS in l. 3. de rebus creditum quid mutuum dederimus, etsi non CAVIMVS, vt aequum nobis redderetur, non licet debitori deteriores res, quae ex eodem genere sit, reddere: veluti vinum novum pro veteri; nam in contrahendo, quod agitur, pro CAVTO habendum est: id autem agi intelligitur, vt eiusdem generis et eadem bonitate solvatur, qua datum est. Cur vero id tacite actum intelligitur? quia contra bonum et equum ageret debitor, si rem deteriores redderet, quod recta ratio non permittit. Pariter in negotiis b. f. id actum in genere intelligitur, ne alter alterum decipiat, sed bona fide agat, adeoque etiam cautum intelligi debet, qua philosophia tamen non utimur in negotiis stricti iuris. 3) Hac de causa quoque compensatio ipso iure locum habebat in mutuo ex eo tempore, ex quo ab utraque

Applicantur  
dicta ad mu-  
tuum,  
et per rationes  
ostenditur, il-  
lud b. f. esse.

atque compen-  
sationem ad-  
misi ipso iure,

que parte debetur, quoad concurrentes quantitates; l. 4. et 21. D. et l. 4. C. de compens. quod iudiciis bonæ fidei proprium erat, non item *stricti iuris*, ut obseruat IUSTINIANVS in §. 30. l. de action. Diuus MARCVS enim in his compensationem induxisse, h. e. nouiter admisisse dicitur, *opposita doli mali exceptione*, quo ius nouum indigitat, iuris veteris correctorium.

*focus in stricti  
iuris negotiis,*

*Nec Neratius  
olim in diuer-  
sa fuit senten-  
tia.*

Neque vero ex vlllo indicio apparet, ante D. MARCVM in negotiis *stricti iuris* compensationem ipso iure admissam fuisse, quod ratio negotiorum horum non patiebatur. Nec qui hanc sententiam NERATIO PRISCO, qui sub TRAIANO vixit, tribuunt, aliquod præsidium habent in l. 4. de compens. Non agit NERATIVS in cit. l. 4. de ea quæstione: an in omni contractu, etiam *stricti iuris*, compensatio ipso iure tollat debitum? sed potius de *fideiussore* format quæstionem: vtrum hic quoque in omnibus contractibus, in quibus ipso iure debitor liberatur, ipso iure liberatus dicendus sit? Ita enim PAVLVS: "Verum est, quod et Neratio placebat, et Pomponius ait, ipso iure eo minus fideiussorem ex omni contractu debere, quod ex compensatione reus retinere potest; sicut enim cum totum a reo peto, male peto, ita et fideiussor non tenetur ipso iure in maiorem quantitatem, quam reus condemnari potest." Palam est et extra omnem controuersiam, Ictum hic non designare et determinare contractus, in quibus ipso iure debitum per compensationem tollitur, sed id vnice intendere, compensationem debitoris quoque prodesse fideiussori, ut ex omni contractu, in quo ipso iure a parte debitoris sublatum est debitum, ipso iure quoque fideiussor censeri debeat liberatus; id quod rationem habet, quia fideiussio erat obligatio accessoria, quæ subsistere non poterat sublato principali. Equidem etiam fideiussio, stipulatione concepta, *stricti iuris* erat, in qua tamen ex sententia

tentia *Neratii* admissa compensatio. Verum *proprie* et *principaliter* compensatio id debitum, quo reus obstrictus erat, ipso iure tollit; quia inter eos, *proprie* est *compensatio*, inter quos mutuum est debitum et creditum, *l. 1. de compens.* hoc est, inter *creditorem* et *debitorem principalem*: huius debitum *proprie ipso iure* et per *iuris civilis* dispositionem sublatum, extinctumque erat: quo facto, non poterat non quoque per consequentiam extinguere fideiussio, sicuti cum *solutum* erat debitum, *solutio* proderat fideiussori. Vnde satis notanter *compensatio* tribuitur debitori in his verbis: *ipso iure eo minus fideiussorem ex omni contractu debere, quod ex compensatione REVS retinere potest.* In *stricti iuris* negotiis, ex quibus *principaliter* reus quid debebat, compensatio vel ideo locum non habebat, quod de ea nihil actum cautumque esset, quod tamen correxit MARCVS ANTONINVS, novumque ius introduxit, ut compensatio non quidem *ipso iure* tolleretur debitum *stricti iuris*, sed demum *ope exceptionis*. Quod si *NERATIO* diuersa placuisset sententia, *PAVLVS* assentientem non habuisset, qui rescripti D. MARCI memor, quo ius *certum* et *liquidum* iam constitutum erat, in sententiam reprobata et *rescripto imperiali* aliter decisam, non transire, aut statuere potuisset, in *contractibus stricti iuris ipso iure* debitum sublatum censi. Neque credendum est, *ALEXANDRVM*, cuius *ævo* *PAVLVS* vixit, huius sententiae assertorem fuisse, in *l. 4 et 6. C. de compens.*, qui in *mutuo* compensationem *ipso iure* fieri recte censuit, quod hoc negotium b. f. esset, quamvis *SCHVLTING.* ad *sent. Pauli lib. 2. tit. 5. §. 3.* qui mutuum *stricti iuris* fuisse statuit, id ideo factum fuisse asserat, quod eo tempore in negotiis *stricti iuris* compensatio ipso iure facta sit, quod præconceptæ eius opinioni, de *qualitate mutui*, attribuendum. *IUSTINIANVS* demum  
nouum

rorum hunc effectum compensationibus in *negotiis stricti iuris* dedit, non vero ius iam in foro *usitatum* tantum declaravit, ut scilicet *ipso iure* tollerent, vel minuerent debita, quod eius verba indicant in *cir. §. 30. Sed nostra constitutio easdem compensationes, quæ iure aperto nituntur, latius introduxit* &c. *conf. l. fin. C. de compens.* Vnde facile liquet, quæ ratione PAVLVS *cir. l. in mutuo* simpliciter admittere potuerit compensationem, ut *ipso iure* tolleretur debitum, hac adiecta clausula: *Si totum petas, plus petendo causa cadis.* In *negotiis stricti iuris* id fieri non poterat, in quibus tantum, exceptione *doli* opposita, compensatio inducebatur, adeoque *stricto iure* plus non petebat, licet per modum *exceptionis* compensatio admitteretur, adeoque eo tempore, pœna plus petitionis cessare debuit. 4) Neque ab hac sententia alienus videtur CICERO *lib. III. offic. c. 17.* *aiens: "Scaevola fidei, bonæ nomen existimabat manare LATISSIME, idque versari, in tutelis, societatibus, fiduciis, mandatis, rebus emtis, venditis, conductis, locatis, quibus vitæ societas continetur."* Non omnes SCAEVOLA recensuit species contractuum *b. f.*, sed quasdam tantum adduxit; indigitavit tamen, eos huc referendos esse, qui sunt *iuris gentium*, quippe in quibus *vita societas* continetur, quæ imprimis ad *æquum* et *bonum* debet esse composita. Eorum numero quoque est *mutuum*, quo *communis omnium vita* indiget, ut ait GELLIVS *lib. XX. c. 1. pag. 669.* et quod nulla ratione a ceteris *iuris gentium* contractibus secerni potest, adeoque in eo quoque *bonæ fidei* nomen versari debet. 5) Addo et hoc, *condictionem indebiti* instar *mutui* censeri, quatenus res fungibilis indebitè soluta, ut docet IMPERATOR in *§. 1. l. quibus mod. re cont. oblig.* Hæc vero *condictio ex bono et æquo* introducta esse dicitur in *l. 66. de condict. indeb.* et æque *naturalis* est iuxta *l. 15.*

Declaratur  
ex sententia  
Ciceronis,

et ex condi-  
ctione indebi-  
ti.



*l. 15. eod.* vti mutuum iuxta *l. 126. in f. de V. obl.* Vnde quodque easdem qualitates vtrumque negotium habere debet. Quod si species indebite soluta, instar *commodati* censetur, et cum hoc omnium confessione b. f. sit. *condictio indebiti* etiam in casu adducto debet b. f. esse. Equidem *vsurarius in condictioem indebiti* non veniunt, *l. 1. C. cond. indeb.* non tamen ideo, quod sit *stricti iuris*, quia nequidem in eo tale negotium adest, in quo aliquid expresse inter partes actum; sed quod *ex bono et equo* id tantum restituat debitor, quod accepit, quia in eo demum locupletior factus intelligitur, quod secundum *l. 14. de cond. indeb.* vnice in hac actione considerandum ponderandumque est.

§. IX. Duo vero omnino sunt, quae interpretes iuris ad propagationem communis sententiae induxerunt, quorum alterum ab *vsuris* non aliter, quam ex *stipulatu* in mutuo debitis, alterum a natura actionis *de eo quod certo loco* petitur. A posteriori incipiam, ostensurus non de omni mutuo, sed de *stipulatu* id potissimum intelligendum. Constat videlicet ex *l. 6. de eo quod certo loco*, etiam *arbitrarie* actioni locum esse posse in mutuo, quae alias in bonae fidei iudiciis exulabat iuxta *l. 7. de eo quod certo loco*. Apertum vero est, mutuum fuisse duplex vel *vsurarium* vel *non-usurarium*: hoc quidem *rarius* in commerciis Romanorum, illud *frequentius* obtinebat, et quidem maxime tunc, si pecunia mutuo sic data, ut *certo loco redderetur*, quale mutuum in *cit. l. 6.* desideratur. Hoc enim inprimis negotiationibus convenientissimum erat, ut alibi pecunia redderetur, quam quo data erat, prout etiam hodie inter mercatores usitatum est. Tale mutuum autem vix concipi poterat sine *vsuris*, adeo, ut quia apud Romanos mutuum regulari-

*Actio de eo quod certo loco datur in stipulatu*

*non in omni mutuo,*

ter *usurarium* erat, fere vbique, vbi mutui fit mentio, *foenebre* intelligatur, cum vox absolute posita intelligatur in eo significato, qui vltatissimus et frequentissimus in commerciis hominum est, prout etiam obseruat SALMASIVS de *usuris* c. 5. p. 100. seqq. Quia vero si certo loco, si cum *usuris* pecunia mutuaticia reddenda, conuentione opus erat speciali, eueniebat, vt vel *stipulatione* vel *litterarum obligatione*, totum negotium perficeretur, vt l. 40. de reb. cred. l. 126. §. 2. de *V. obl.* docent, tum vt *usura* recte peti possent, quæ deum ex *stipulatione* debebantur; tum vt de loco euidentissime constaret, vnde creditor non nunquam captabat commodum. Hoc quoque obseruat SALMASIVS cit. l. p. 115. aitque: “vbi stipulatio erat necessaria ad *usuras* petendas, tum quæque mutuum dantes idem stipulari solebant cum *usuris*, vna quidem stipulatione, in qua tamen dux essent, quia dux summa in stipulatum deductæ,” cuius duplicis stipulationis fit mentio in l. 8. de eo quod certo loco, quæ tamen, ratione modi, vna obligatio dici potest, iuxta l. 126. §. 2. d. *V. obl.* Denique exemplum ab AFRICANO in cit. l. 8. propositum docet, secundum communem forensem vsum, vbi mutuum certo loco soluendum erat, stipulatione opus fuisse, quæ nihilominus ex causa sua, cui accedebat, mutui vel pecunie creditæ appellationem retinebat, vt ipse AFRICANVS cit. l. indigitat. Facile ergo liquet, ita ex accidente factum fuisse, vt mutuum *stricti iuris* naturam indueret, quod in contractum nominis vel stipulationis deductum, et ita *arbitraria actione* opus esset. Equidem non diffiteor, potuisse etiam citra stipulationem, locum adiici numerationi, vt indigitat l. 7. de reb. cred. id vero, quia periculosum, minus vltatum erat, imo vbi stipulatio interueniebat, adhuc cautio accedere solebat, ob difficultatem probandi, vt tot iurium Romano-

mano-

manorum loca indigitabant. Par ergo est credere, non de omni, sed de tali *mutuo*, certo loco soluendo, POMPONIVM locutum fuisse, prout ex more Romanorum iniri solebat, h. e. si ob *stipulationem* vel contractum *nominis* stricti iuris esset factum.

§. X. Ad alterum progredior, quod primario huius loci et nostrae considerationis est. Obseruauerunt videlicet ICI solidioris doctrinae, *mutuum* cum *commodato* in hoc conuenire, quod sua natura *gratuitum* fuerit, indeque factum, ut *vsurae* non aliter, quam ex *nova obligatione* peti potuerint. Id plurimis argumentis exornat SALMASIVS de *vsur. c. 1. et 5.* simulque indigitat, *mutuum* in hoc accipi et dici, ut *mutuum* in restituendo fiat a voce *ficula* *μῶτεν*, quod *gratis* denotat, unde latini antiqui suum *mutare* sumpserunt, pedetentim in *mutare* et *mutuare* transmutatum. Aequae enim est officium amicitiae *mutuum*, ac quidem *commodatum*, et sic utrumque *gratuitum*. Id indigitat NONIVS, antiquus grammaticus: “*mutuum* a *foenore* in hoc distat, quod *mutuum* sine *vsuris* sumitur, et est accepti *foetus*: unde et *foenus* dictum est, ut graece *τόκος*, quasi *partus mutui sumti*.” PLAVTVS *Asinar.* nam si *mutuo* non potero, certum est, *sumam foenore*. Vnde honestius *mutuum* est, quod sub amico affectu fiat, tamen *vsu temporis necessarii foenore* sumere decet. Vnde liquet, 1) ad officia amicitiae ab antiquis relata *mutui* ab amico *dationem*, et sic sua natura *gratuitam* fuisse, adeo, ut *vsuris* a quocunque alio promissis praestitisque magis nomen *foenoris* induerit. Huc PAVLVS collineat in *l. 8. in quibus caus. pign. vel hypot. tac. contr.* ubi *pecuniam* dicit esse *gratuitam*, si de *vsuris* nihil fuit actum, prout natura *mutui* postulabat. 2) Ex hoc principio colligebant Romani, de-

*Vsura in mutuum non usuriabant, quod esset negotium gratuitum.*

cem datis, non posse conueniri, vt viginti mihi debeantur, adeoque vltra decem non nãlei actionem: *re enim*, ait ICTVS in l. 17. pr. *non potest obligatio contrahi, nisi quatenus datum sit.* Idem repetitum lego in l. 11. §. 1. de reb. cred. quæ ne quidem leuissimum in mutuo qua tali admittit augmentum: "Si tibi decem dederò sic, vt nouem debeas, Proculus ait, „et recte, non amplius te ipso iure debere, quam nouem. „Sed si dederò, vt vndecim debeas, putat Proculus, amplius, quam decem, condici non posse." Ratio diuersitatis erat, quod primo casu *mutui* naturam haud mutaret pactum, vt *minus redderetur*, sed augebat, et magis gratuitum negotium efficiebat; altero vero substantiam eius prorsus mutaret, et ex negotio gratuito efficeret onerosum atque non-gratuitum, quod iura haud permittunt. Sicuti enim essentia rerum *naturalium*, ita et *moralium* instar numeri sunt, cui si aliquid addas aut demas, non manet idem numerus, sed alius fit. Pariter et *contractus* inter gentes determinatam suam naturam atque substantiam acceperunt, quam pactis immutare non licuit, vt idem negotium maneret, sed vel aliud inducebatur, vel pacto vis omnis deerat. Cape exemplum ex eo quod *mutuo* affine est. Si tibi commodauero ardes, vt post annum easdem mihi reddas cum centum aureis, asseri nequit, me commodatum iniisse cum pacto *adieccto* centum aureorum, quippe quod naturam commodati prorsus destruit, efficitque, vt *commodatum*, quod aliter concipi nequit, nisi gratuitum fuerit; esse nequeat. Ista conuentio vero indigitat, falso contractus nomine negotium designatum, et non *commodatum*, sed *locationem iutam* fuisse, quæ *onerosam causam* constituit.

§. XI. De *mutuo*, quod pariter *gratuitam* acceperat *naturam*, idem iudicium ferendum, licet diuerso cum effectu. Si enim in *numeratione pecuniae* hoc actum erat, vt plus redderetur, quam acceptum erat, pactum hoc inutile erat, quamvis alias in *traditionibus rerum*, quodcunque pactum sit, valuerit iuxta *l. 48. de pact.* quippe quod de iis intelligendum, quæ naturam negotii non destruunt, vt si *tempus*, *locus*, vel conditio numerationi addatur. *l. 7. D. de reb. cred.* Inutile vero prorsus erat, quia illud, quod *pacto* adiectum erat, ex natura *mutui* peti non poterat, quod non admittebat augmentum; nec in alium contractum incidebat, qui deerat, cum *locatio* rebus fungibilibus minime conueniret, adeoque tale pactum *nudum* manebat, vnde non dabatur actio. Inde nata regula forensis: ex *pacto nudo* non deberi *pecuniae mutuatricie* vsuras. Aliam, et quidem hanc suppeditat rationem *NOODTIVS de pact. et transact. c. 12.* quod mutuum sit negotium *stricti iuris*, cui a parte actoris pactum haud inesse creditur ad effectum, vt inde agi queat. Ait: "pactum mutuo in continenti adiectum, si quid addat obligationi, non valet ex parte actoris, itaque nudum manet, et nullius momenti est." Ita quoque *AVLISIVS cit. l.* et cum eo plerique interpretum. Neque tamen hæc ratio inconcussa et sine omni contradictione est. Generaliter *PAVLVS in l. 40. de reb. cred.* ait: *pacta in continenti facta stipulationi inesse creduntur*, quæ verba quidem restringere conantur ad *pacta detrahentia*, exemplo *ex cit. l. §. f. de pacto* adducto, vt reus inde excipere queat, non vero *augmentia* sub illis comprehendendi censent, vt etiam inde agi queat. Præuidit doctissimus *NOODT cit. l.* nodos, qui huic distinctioni resistunt, quod verba illa laxiora sint, quam vt patiantur se restringi ad *pacta detrahentia*. Quid enim si *modus*, si *locus*, si *tempus*

*pactum, ut  
usura in mu-  
tuo præstaren-  
tur, inefficax  
erat.*

*Ratio Noodtii  
resistit.*

adiecta stipulationi, annon inest tale pactum stipulationi? stipulatus creditor est, sibi dari centum aureos, et statim pacto placuit, ut Caput soluerentur; sine dubio ex hoc pacto Caput agi potest, æque ac si locus stipulationi insertus esset. In *mutuo* id multo magis obtinere debuit, quod ne quidem stricti iuris dicendum, adeoque pactum, ut *certo loco* redderetur, mutuo vel ideo inerat, quod naturam eius haud destrueret. *l. 4. de eo quod certo loco. l. 7. de reb. cred.* E contrario si pactum destruebat stipulationem præcedentem, inesse ei non poterat, utpote si decem aureis in stipulationem deductis, in continenti placuit pacto, ut vel *viginti*, vel *sedecim* deberentur, quia tali pacto prior stipulatio in decem concepta prorsus corrui, et alia prorsus sit conuentio, quæ tamen cum *nuda* sit, nihil operatur. Id indigitat *ULPIANVS* in *l. 1. §. 3. de verb. obl.* Cum adiicit aliquid vel detrabit obligationi, probandum est, *vitiatam esse obligationem: nisi stipulatori diuersitas responsionis illico placuerit*, quod inde liquet, si de noua illa quantitate interrogauerit debitorem, tunc enim alia stipulatio contracta esse videtur.

*Ratio dubi-  
tandi remouetur,  
quod in  
deposito usura  
ex pacto debe-  
antur, non  
tam in de mu-  
tuo.*

§. XII. Enimuero ne sic quidem omnes scopuli supera-  
ti sunt. Depositum sua natura *gratuitum* est, et tamen usu-  
ræ in eo, per pactum adiectum promissæ, debentur, quod  
non tantum *ICTUS* in *l. 24. D. depositi*, sed adhuc euidentius  
in *l. 26. §. 1. eod.* confirmat adstruitque. Præmittit *cit. l. con-*  
*ventionem de usuris* ex pecunia deposita promissis, et addit:  
„Paulus respondit, eum contractum, de quo quæritur, de-  
positæ pecuniæ modum excedere, et ideo secundum con-  
ventionem, usuræ quoque actione depositi peti possunt.”  
Quid ergo? annon etiam *usuræ pecuniæ mutuatitiæ* peti pos-  
sunt, si hæc lex numerationi data est? Id negarunt *ICTI Ro-*  
*mani,*

mani, et quidem meo iudicio rectissime negarunt. Ratio diuersitatis est, quod vtrumque negotium sit quidem *gratuitum*, sed *diuerso respectu*. *Mutuum gratuitum* est, intuitu *accipientis*, *depositum* respectu *dantis*. Cuius gratia ergo *gratuitum* est, eius intuitu contractus immutari nequit. Fac, me deposuisse apud Caium cistam hac conuentione inita, vt pro custodia acciperet decem aureos: non amplius est *depositum*, cum conuentio hæc aliud prorsus negotium inducat, locationem scilicet et conductionem *l. 1. §. 8. et 9. depos.* licet vel maxime contrahentes per abulum vtantur appellatione *depositi*, qua *depositi* natura, quæ respectu *dantis* debet esse *gratuita*, prorsus destruitur. Ceterum si accipiens vsuras promittit in deposita *pecunia*, facilius hæc conuentio sustinebitur, vt maneat depositum, cum, respectu *dantis*, negotium nihilominus manet *gratuitum*, licet respectu *accipientis*, ultra naturam depositi quid præstandum sit, qua non æque natura *depositi* prorsus destruitur. Longe diuersum iudicium ferendum de *mutuo*, quod respectu *accipientis* esse debet *gratuitum*, vtpote cui *gratia* et *beneficium* præstatur. Vnde si placuit, vt *minus* reddatur, valet conuentio, quia respectu *accipientis* adhuc manet beneficium et negotium plusquam *gratuitum*, licet intuitu *dantis* quid mutatum fuerit: si vero conuentum est, vt *plus* redderetur, non subsistit ea conuentio, quatenus plus reddi debeat, quia ea ipsa substantiæ mutui vis infertur, quam rationem diuersitatis haud obseruauit *NOODT. cit. l.* vbi hoc dubium mouit, sed non remouit, quin potius in rem suam, ex præconcepta opinione, traxit. Ita vero satis liquet, quam ob causam pactum de *vsuris*, aliis negotiis inesse queat non æque *mutuo*, cuius naturæ repugnat, adeoque ei inesse nequit. Si non inest, *seorsum* et *extra mutuum* considerandum est, quo respectu

specū *nudum* semper manet, vnde iure Romano inter ciues Romanos non data fuit actio.

*Inde necesse  
erat, ut usura-  
rum nomine,  
specialis obli-  
gatio contra-  
beretur.*

§. XIII. Hac iuris ciuilis philosophia supposita, palam erat, vsuris non aliter in *mutuo* locum fuisse, quam si stipulatio de vsuris soluendis adiecta *mutuo*, vel stipulatio de vtroque negotio h. e. *mutuo* et *vsuris* concepta fuisset. Et hoc est, quod POMPONIVS in l. 121. de V. S. ait, *vsuras ex alia causa* deberi, id est, *ex noua obligatione*, quæ est ipsa stipulatio. Defuit enim aliud *speciale negotium*, ad quod *mutuum* *vsurarium* referri potuit, postquam rei Romanæ haud conueniens visum fuit, *fœnus*, quatenus *mutuum cum vsuris* designat, in peculiarem contractum trahere, et nouum aliquod negotium inde conflare, quippe quod *odiosum* et minus *populare* fuit. Si in commodato et deposito merces præstabatur, aliud in promptu erat negotium, in quod non-gratuitus *usus* et *custodia* incideret. Ergo *mutuum* per se subsistere poterat, et *vsurarium debitum* itidem suum peculiarem nexum habebat. Distinguebant tamen Romani, vtrum super *mutuo* et *vsuris* simul interponeretur stipulatio, subsecuta numeratione, quo casu intuitu *cause debendi* vna erat obligatio, *verborum scilicet*; l. 126. §. 2. de V. O. licet duæ essent stipulationes. l. 8. de eo quod cert. loco. Si præcedebat *numeratio*, sequebatur stipulatio de vsuris soluendis, non recedebatur a *naturali obligatione*, sed fors debebatur ex *mutuo*, *vsuræ ex stipulatu*, cit. l. 126. Ratio diuersitatis in aprico erat, quod priori casu numeratio præcedentis stipulationis *implementum* esset, quæ posteriori negotium mutui ipso numerationis actu perficiebat. conf. l. 23. de except. rei iudic.

*vel mutuum  
vsurarium in  
stipulationem  
conuinceretur.*

§. XIV.



§. XIV. Vnicum adhuc superest telum, quo grauissime peti et impugnari solet doctrina haecenus expolita, qua euictum, mutuum esse *contractum b. f.* In contractibus b. f. vsuræ ex *mora*, citra vllum debentur pactum, officio iudicis; l. 17. §. 4. de vsur. l. 32. §. 2. l. 34. eod. l. 2. C. depos. non item in mutuo, certissimo, vt volunt, indicio, illud est *stricti iuris*. Equidem doctrina adducta satis vera, sed consequentia fallit, vt statim indicabo. Ante omnia hic commendari meretur solida obseruatio NOOTII de vsur. c. 6. vbi obseruat, constitutionibus imperatorum id demum effectum fuisse, vt ex *mora* etiam deberentur vsuræ in negotiis b. f., vt vel l. 24. D. depos. demonstrat, quamuis LABEO forsan primus fuerit, qui hanc *innoationem* introduxerit, non tamen ab omnibus approbatam. l. 60. pro soc. Hæc tamen doctrina non potuit trahi ad mutuum, quod cum ne quidem ex pacto, quod alias bonæ fidei negotiis inest, reciperet vsuras, multo minus easdem recipere ex *mora* potuit, quia natura mutui hoc modo prorsus destructa fuisset. In cæteris negotiis b. f. vsuræ ex *mora* præstari et adiudicari poterant, salvo negotio, vt in deposito et mandato, quod nihilominus vtrumque respectu deponentis et mandantis maneret gratuitum. Ast mutuum non mansisset gratuitum, si debitor ex *mora* vsuras præstare debuisset, et sic substantiam suam æque amisset, ac quidem depositum et mandatum, si deponens et mandans se adstrinxit ad mercedem soluendam, quacum conueniunt prorsus vsuræ, quæ sunt *merces pecuniæ*. Nec muto sententiam, si quis obiiciat, quod mandans etiam teneatur ad vsuras, ex *mora* ob impendia in expeditionem mandati facta, cum tamen mandatum, respectu mandantis, sit gratuitum. l. 12. §. 9. mandat. Nam in mandato duplex est obligatio, vnde etiam due emergunt actiones. Principaliter obligatio concernit

Ex mora non  
debentur vsu-  
ra in mutuo.

huius ratio de-  
cidendi tradi-  
tur.

*mandatarium*, qui si accipit *mercedem* a mandante, non amplius est *mandatum*, sed aliud negotium. Secundaria obligatio concernit *mandantem*, qui generatim ad *indemnitatē* tenetur; ne alioquin officium mandatario damnosum sit. Id vero evidentissime fieret, si nummos suos in administrationem domini verteret mandatarius, nec tamen, vel ob *moram*, vel ob *usum* ei deberentur *usuræ*. Non ergo desinit *mandatum* esse *gratuitum*, quia *pro officio*, quod præstat, nihil recipit, interim tamen, æquitate suadente, indemnitas seruandus. Ast in mutuo duntaxat *una* est *obligatio*, quo totum absoluitur *negotium gratuitum*, quæ si *usuræ* ex *mora*, vel propter *usum* reciperet, proflus desineret esse *gratuitum*, et aliam induceret naturam, quod admittere noluerunt Romani, admodum in finibus contractuum seruandis solliciti. Neque vero ideo *stricti iuris* dici potest, quod stricte natura huius contractus custodita fuerit; id enim stricte quoque in *commodato* factum est, et *deposito*, cautumque, ne ex pacto quidem reciperent *mercedem*, quæ tamen sunt *bonæ fidei*. Qui stricte fines negotiorum obseruandos constituit, propterea haud adstruit negotium *stricti iuris* esse.

Ex mora debentur usurae in antichresi,

§. XV. Ex *accidenti* tamen contingere poterat, ut ex *mora* deberentur *usuræ*, quemadmodum in certis quoque casibus exceptis, ex pacto præstandæ erant. Vtrumque paucis declarabo. Prius eueniebat in *antichresi*, vel *expressa* vel *tacita*, quatenus pactum vel *expressum* vel *tacitum* pignori accessit, de fructibus ex *pignore* percipiendis, in vicem *usurarum*. Hoc pactum pignori inesse supra dixi, adeo, ut si pignus non sit frugiferum, nihilominus tamen, per modum *retentionis*, *usuræ* pacto promissæ, seruari queant. l. 4. C. de *usur*. Quid ergo, si fundus pignori traditus, et debitor

tor in mora soluendi debiti fuerit? Fac, debitorem fundum, postquam satus et rastro subactus, h. e., mense Octobris, ad quatuor tantum menses pignori dedisse atque promississe, elapso horum mensium spatio, se mutuaticiam pecuniam restitutum esse. Ast, debitor in mora est; ultra sex annos differt solutionem: fundum interim pignorum creditor retinet, fructusque, de quibus nihil *expresse* actum, percipit: interim vsuræ nullæ promissæ, adeoque vrget debitor, vt fructus quoscunque perceptos restituat creditor; quaeritur: quid de *fructibus* censendum? Respondet PAVLVS in l. 8. D. in quibus causis pign. vel hypot. tac. cum debitor gratuita pecunia utatur, potest creditor de fructibus rei sibi pignorate ad modum legitimum vsuras retinere. Postquam enim debitor in moram consentit, consentire videtur in fructuum ex pignore perceptionem, quamvis ab initio pecunia gratuita data fuerit, et ad id tempus fundus pignorum, intra quod nulli ex eo percipi poterant fructus. Multo magis ergo hoc dicendum, si *expresse* conuentum, vt fructus in vicem vsurarum creditor perciperet. l. 14. l. 17. C. de vsur. Vtroque casu pactum inest contractui pignoratitio, et operatur exceptionem retentionis, quamvis quodammodo indoles pignoris eo ipso alteretur. Debentur vero hoc casu rursus vsuræ ex noua obligatione, h. e. non ex mutuo, quod gratuitum est, sed ex pacto, contractui pignoratitio adiecto, quod eius naturam et substantiam non destruit.

§. XVI. Alterum superest membrum, de vsuris ex pacto valide debitis. Huc pertinent 1) ciuitates, iuxta PAVLI <sup>Præterea ex pacto in mutuo debentur vsuræ.</sup> sententiam in l. 30. de vsur. Etiam ex nudo pacto debentur ciuitatibus vsuræ creditarum ab eis pecuniarum. Pactum hoc non tam adiectum censi poterat, quam nudum, quia obli-

gatio usurarum extra mutuum erat, ipsa autem mutuo inesse non poterat, adeoque manebat nudum, lege tamen specialiter confirmatum. 2) *Mutuum frumenti et tritici*, ALEXANDRO teste in l. 12. C. de usur. frumenti vel bordei mutuo dati accessio etiam ex nudo pacto prestanda; quod in agricultura usum extra ordinem receptum est. 3) *Nauticum fœnus* iuxta l. 7. de naut. fœnor. ubi SCAEVOLA ita: in quibusdam contractibus etiam (ex pacto) usurae debentur, quemadmodum per stipulationem. Nam si dedero decem traiectitia, ut salua naue sortem cum certis usuris recipiam, dicendum est, posse me sortem cum usuris recipere. Hoc casu usurae magis periculi pretium sunt, quod pereunte naue, fors amissa sit, cuius periculum creditor in se recipit. l. 3. et 5. D. eod. Unde in aliis speciebus idem obtinet, ubi creditor periculum pecuniae mutuaticiae suscipit, ut rursus SCAEVOLA observat in cit. l. 5. 4) *Fœnus argentariorum*, quod iuxta non. 136. c. 4. sine stipulatione ex pacto debetur.

*Diversa est  
iuris canonici  
doctrina, usuras  
prorsus im-  
probans.*

§. XVII. Atque hæc quidem fuit doctrina iuris civilis, de usuris pecuniae mutuaticiae. Ad ius canonicum transitum facio, quo usurae in mutuo non tantum prorsus damnatae, sed severissimis censuris prohibitae sunt. Nec defuerunt inter gentiles philosophos, qui eas atro carbone notarunt, aliis tamen eas probantibus, inter quos fuit CICERO, teste LACTANTIO lib. 1. de fals. relig. ubi ita: Nam de legibus, quo in opere Platonem secutus est, leges ponere voluit, quibus putaret, usuram esse iustam. Hac probatione atque demonstratione hæud opus fuisset, si omnium philosophorum eadem mens fuisset. CATONEM; ARISTOTELEM SENECAMQUE usuras reprobasse, certum est, quorum loca adduxit NOODT de usur. et fœn. lib. I. c. 4. CICERO quoque lib. II. offic. c. 25. CATONIS sententiam enarrat atque: "Ex quo genere  
„com-

*quod etiam a  
quibusdam  
philosophis sa-  
ctum,*

„comparationis illud est Catonis senis : a quo cum quæ-  
 „retur, quid maxime in re familiari expediret, respondit,  
 „bene pascere. Quid secundum? satis bene pascere. Quid  
 „tertium? male pascere. Quid quartum? arare. Et cum  
 „ille, qui quæsierat, dixisset, quid scenerari? tum Cato,  
 „quid hominem, inquit, occidere.” Ita censuit CATO, so-  
 „nori admodum deditus et avaritia sordida æstuans, adeoque  
 ipsa praxi a sua doctrina alienissimus, more plurimorum,  
 qui aliter viuunt, aliter docent. Interim leges ipsas, cir-  
 ca vsuras latas in *foro ciuili*, non impugnabant, sed eas tan-  
 tum *officio boni viri* haud conuenire credebant.

§. XVIII. Patres vero, postquam in *comitiis sacris* le-  
 ges condere, censurasque prohibitis negotiis imponere coe-  
 perunt, in sola *doctrina*, qua vsuras improbarunt, non  
 subsisterunt, sed *vim externam* ei in foro suo addiderunt,  
 primo quidem intuitu *clericorum*, mox etiam *laicorum*. Iam  
 sæculo III. CYPRIANVS de lapsis, hoc vitio dedit sacerdotibus,  
 quod argentum largiter habere, fundos insidiosis fraudibus ra-  
 pere, *vsurisque multiplicantibus fœnus augere* studerent, et  
 hoc ipso publica avaritiæ suæ argumenta ederent. Quocir-  
 ca passim clericis sub pœna depositionis interdictæ. In Ca-  
 non. Apost. c. 36. ita cautum: “Episcopus, aut presbyter, aut  
 „diaconus, qui vsuras exigit, ab iis, qui mutuo accipiunt,  
 „vel cesset, vel deponatur,” vnde antiquioris disciplinæ  
 praxis colligi potest, licet certum sit, hos canones post *con-*  
*cilium Nicaenum* collectos fuisse. conf. c. 1. D. 47. Enim-  
 vero in *concil. Eliberitano* anno 313. in Bxtica habito c. 20.  
 apud HARDVINVM tom. 1. *concil. p. 232.* et GRATIANVM c. 5.  
 D. 47. latius, etiam ad *laicos*, extensa prohibitio de vsu-  
 ris non accipiendis: “Si quis CLERICORVM detectus fuerit

*Patres prorsus  
 damnarunt  
 vsuras sub  
 pœnis,*

*imprimis qua-  
 ad clericos,*

*in concil. El-  
 berit. et quoad  
 laicos,*

*Sed reliqua  
concilia in  
prohibitione,  
quoad cleri-  
cos subsiste-  
runt,  
ut Nicænum.*

„*vsuras accipere, placuit eum degradari et abstinere. Si*  
 „*quis etiam LAICVS accepisse probatur vsuras et promiserit,*  
 „*correctus iam se cessaturum, nec vltius exacturum; pla-*  
 „*cuit ei veniam tribui. Si vero in ea iniquitate durauerit,*  
 „*ab ecclesia esse proiciendum.*” Ita generatim *vsurarum ex-*  
 „*actio et promissio* delictis ecclesiasticis annumerata, quamuis  
 tantum intuitu *Beticae*: generalis lex ecclesiastica defuit,  
 adeo, vt ne quidem in *concil. Nicæno c. 17.* anno 325. vltra  
 clericos prohibitio fuerit extensa. v. c. 2. *D. 47. c. 8. c. 14.*  
*q. 4.* Aiunt patres, *quoniam multi sub regula constituti aua-*  
 „*ritiam et turpia lucra sectantur, oblique diuine scripture*  
 „*dicentis: qui pecuniam suam non dedit ad vsuram; “mu-*  
 „*tuum dantes centesimas exigunt; iuste censuit sancta et ma-*  
 „*gna synodus, vt si quis inuentus fuerit, post hanc definitio-*  
 „*nem vsuras accipiens, aut ex adinventionem aliqua, vel quo-*  
 „*libet modo negotium transigens, aut hemiola, id est, se-*  
 „*scupla exigens, vel aliquid tale prorsus excogitans turpis*  
 „*lucri gratia, deiiciatur a clero et alienus existat a regula.*  
 De specie *vsurarum, Hemiola* dicta, pluribus agit *SALMASIVS*  
*de modo vsur. p. 313. seqq.* Quamuis vero aperte liqueat,  
 „*clericis duntaxat vsuras fuisse interdictas, faciles tamen sunt*  
 „*iniquissimi vsurarum censes, vt legem vniuersalem inde*  
 „*eruant. In hac sententia fuisse videtur ANTONIVS CONTIVS,*  
 „*lib. 11. lect. subsecuar. c. 2. vbi mouet quaestionem an vsurae*  
 „*sint iustae?* redarguitque eos, qui eas defendunt hisce verbis:  
 „*qui sane dum in mutuo secundum modum Iustiniana lege*  
 „*datum eam permittunt, et eo locos omnes sacrosanctae le-*  
 „*gis, quibus id disertissime inhibetur, detorquent, veren-*  
 „*dum est, ne non satis cum Nicæna synodo et vetere tota*  
 „*ecclesia consentiant.*” Qui autem cum ecclesia non con-  
 „*sentiunt, haeretici dicendi, quorum in numerum CONTIVS*  
 re-

retulisse videtur, qui vsuras probant. Ad minimum tamen ex *Nicæna synodo* exsculpere haud potuit generalem prohibitionem, patribus Nicænis adhuc abstinentibus ab eo, quod *meri iuris ciuilis* erat, et *ad forum spectabat*. Etiam in *concil. Arelat.* anno 314. et sic ante Nicænum celebrato *cap. 12.* apud HARDVIN. *tom. I. p. 265.* tantum clericis interdictæ fuerunt vsuræ. De ministris qui *facnerant*, placuit eos iuxta formam diuinitus datam, a *communione abstineri*. Idem repetitum in *concil. Carthag. III.* anno 397. celebrato apud HARDVIN. *tom. I. pag. 369.* & GRATIANVM *c. 6. C. 14. q. 1. ut nullus clericorum amplius recipiat, quam cuiquam quod accommodauerit: si pecuniam, pecuniam accipiat: si speciem, eandem speciem quantam dederit, accipiat; et quicquid aliud tantum quantum dederit.* Ita vero locatio quoque prohibita censeri debet, quia in specie non plus accipere licet, quam quantum datum, quod a rigore non est alienum, quamuis clericos tantum concernat.

§. XIX. Patres vero huius seculi, qui per modum doctrinæ de vsuris scripserunt, in genere vsuras damnarunt sine personarum discrimine, eiusmodi argumentis vsi, quæ vitio insanabili vsuras infectas repræsentant, vtut patres in communiis sacris censuram tantum clericis vsuram exercentibus, dictauerint, si *Eliberimum* exceperis. TERTVLLIANVM iam ante CYPRIANVM eas improbasse, liquet ex *lib. IV. adu. Marcian. c. 17.* AMEROSIVS vero in *c. 10. C. 14. q. 4.* Si quis, ait, vsuram acceperit, rapinam facit, vita non viuit. IDEM in *c. 3. q. 3. ex Deut. XXIII.* vsurarum illicitam exactionem trahit, ostenditque, quomodo per indirectum vsuræ accipiantur, quod etiam *lib. de Tobia c. 3. et in c. 8. D. 47.* vltcrius illustrat; at in *c. 12. C. 14. q. 4.* ab hoste, quem occidere licet,

Arelatense,

Carthagin.  
III.Patres tamen  
in suis priuatis  
scriptis vsuras  
in genere damna-  
runt;

cet, usuras licite accipi posse censet. Eandem doctrinam ecclesiae regustavit CHRYSOSTOMVS in *Matth. c. 17. homil. 56.* cuius sententiam retulit NOODT de *usur. lib. 1. c. 4.* Pariter <sup>quod seculo V. quoque propagatum,</sup> seculo V. eadem doctrina a patribus inculcata est, ut liquet ex AVGVSTINI locis a GRATIANO excerptis in *c. 2. q. 1. C. 14. c. 1. C. 14. q. 3. c. 11. C. 14. q. 4.* et HIERONYMI doctrina tradita in *c. 2. C. 14. q. 3.* LEO papa vero in *c. 7. C. 14. q. 4.* et apud HARDVIN. *tom. I. concil. p. 1753.* expressius prohibitionem usurarum designat, et, nec hoc quoque, ait, „prætereundum „esse duximus, quosdam turpis lucri cupiditate captos, usurariam exercere pecuniam et scœnore ditescere velle. Quod „nos, non dicam in eos, qui sunt in clericali officio constituti, sed et in LAICOS cadere, qui Christianos se dici cupiunt, condolemus. Quod vindicari acrius in eos, qui „fuerint confutati, decernimus, ut omnis peccandi oportunitas adimatur.” Ita pedetentim usura adeo improbatæ sunt, ut etiam laici illos accipientes *cenfuræ* subiecti fuerint. Interim patres eodem modo, ut *ad rit. de divor. §. 7. p. 333. tom. IV. iur. eccles.* in materia *divortii* PRAESES docuit, *leges civiles*, usuras permittentes, non impugnarunt directo, quod orbis Romanus gentilium copia adhuc abundaret, et *fori civilis* ratio haud permetteret, ut usura eliminarentur. Enimvero in *foro ecclesiastico* usuras accipientes sub censuram revocarunt, modestia sua longe superantes pontifices sequentium seculorum, qui ipsis *legibus civilibus* directo vim intulerunt, eisque dicam scripserunt, ut paulo post explanabitur.

*Doctrina seculi VI.*

§. XX. Sexto seculo ulterius hæc doctrina propagata passim; tamen in conciliis intuitu clericorum tantum inculcata,



cata, vt docent *concil. Terraconensis* scita in c. 3. et 5. C. 14. q. 4. Neque sequentibus seculis aliquid in ea laxatum, sed prohibitio ipsa magis quotidie creuit, vt tot conciliorum canones euincunt, ex quibus præcipuos referam. In *concilio Constant. de an. 814. c. 17.* apud HARDVIN. tom. IV. p. 1054. ca-<sup>seculi 12.</sup> vetur, ne *vsuram accipientibus sacramenta elargiantur, nec cum perseuerantibus in iniquitate communiter cibis sumatur.* In *AHYTONIS* episcopi Basileensis capitulis cit. l. p. 1243. c. 17. sacerdotibus iniunctum, vt prædicarent, ne quis vsuras accipiat, quia, pergit, “valde infidelis et rebellis DEI iustionibus est, qui hoc agit: quod omnibus Christianis æque, interdictum esse dignoscitur, maxime tamen sacerdotibus, qui forma et exemplum fidei omnibus esse debent. In *concil. Paris. 17. de anno 829. c. 53. cit. l. p. 1328.* magno verborum et argumentorum apparatu hæc ecclesiæ doctrina denuo inculcatur, et exactio vsurarum execrabile DEOque detestabile auaritiæ genus vocatur, argumentis deductis ex *Exod. XXII. Levit. XXV. Deut. XV. Ezechiel. XVIII. XXII. Amos. II. Ps. XIV.* Constitutio vero *RICULFI* episcopi de anno 889. apud HARDVIN. tom. VI. p. 418. c. 17. argumentum inde petit, quod in *Christo simus fratres.* Sanctus *EDVAR-*<sup>seculi 10.</sup> *DVS* in LL. eccles. c. 22. ibid. p. 990. sub poena confiscationis vsuras prohibuit, voluitque, vt qui scenus exigeret, pro ex lege haberetur. Neque tantum directo vsuras exigere vetitum, sed præterea ipsa *antichresis* quoque damnata in *concil. Turonens. de anno 1163. c. 2.* apud EVND. cit. l. p. 1597. sub <sup>I. quod antichresis illicita</sup> *ALEXANDRO III.*, quem textum etiam recensuit *RAYMVNDVS* in c. 1. X. de *vsur.* quo posito fructus in sortem imputari debuerunt iuxta c. 8. X. de *vsur.* Pariter in *concil. Lateran. III. de anno 1179. c. 25.* relato ab HARDVINO cit. l. p. 1683. et a *RAY-*

MVNDQ

MVNDO in c. 2. X. d. *usur.* auctore eodem pontifice, cautum,  
 2) *usurarii ecclesiastici non sepeliendi.* 1) ne usurarii ad communionem admittantur, nec 2) eccle-  
 siasticam accipiant sepulturam, nec 3) oblationes facere pos-  
 sint. Huic concilio adiecta est *appendix*, nouam collectio-  
 nem scitorum ecclesiasticorum habens, in qua pars XVI. de  
*usuris* agit, et plures ALEXANDRI III. epistolae refert, quarum  
 nonnullas etiam refert RAYMUNDVS in c. 4. seqq. X. de *usur.* Et-  
 enim in c. 4. cit. l. pontifex censet, cum *usurarum crimen v-*  
*triusque testamenti pagina detestetur*, dispensationem aliquam  
 super eo fieri non posse. Idem in c. 5. X. de *usur.* constituit a)  
 3) *nec dispensationem ad-* usuras his, a quibus creditores eas extorserunt, vel eorum  
 mittant, 4) *sed simpli-* heredibus, vel his deficientibus, pauperibus erogandas: 5)  
 ciser restitu- eos tamen qui non habent in facultatibus, unde viuras resti-  
 denda, tuere valeant, nulla mulctandos esse poena, cum eos nota pau-  
 5) *dimenditis etiam rebus u-* pertatis euidenter excuset: 7) possessiones de viuris compa-  
 surn compara- ratas, esse vendendas, et ipsarum pretia his restituenda, a  
 ris, quibus *usur* extortæ. Ne quidem hoc permissum, ut ob  
 fidem habitam de pretio res carius vendi queat, prout IDEM  
 decernit in c. 6. X. *cod.* et VRBANVS III. repetit in c. 10. X. *cod.*  
 Ceterum viurario defuncto, heredes, etiam extranei, *usu-*  
 6) *heredes quoque obli-* ras reddere coguntur, iuxta c. 9. X. h. t. quod noua iuris ra-  
 gantur, tione sanxit ALEXANDER III. cum alias obligatio *ex delicto* sit  
 7) *si vel ma-* personalissima, nec heredes stringat, nisi in quantum ex de-  
 xime sponte licto locupletiores reddituri fuerint. Ne quidem ipse solutas  
 soluta, viuras, etiam omni conuentione cessante, retineri posse cen-  
 suit VRBANVS in c. 10. X. de *usur.* si eo proposito mutuam de-  
 dit pecuniam, ut plus sorte reciperet, cum CHRISTVS dixe-  
 rit: *mutuum date, nihil inde sperantes.*

§. XXI. Seculum XIII. plures fuit prohibitiones, <sup>Doctrina se-</sup>  
certo indicio, eo tempore vsuras fere vbique in-vsu fuisse. <sup>culi XIII.</sup>  
In concilio Auenionensi anno 1209. c. 3. apud HARDVIN. tom. III.  
concil. p. 1987. denuo excommunicatio in creditores vsuras  
accipientes decernitur, et c. 4. iudæi vsurarii ab vsurarum  
exactionibus hoc modo compescuntur, vt Christiani per <sup>1) quod nec</sup>  
communicationem prohibeantur, eis in commerciis vel alio <sup>ex-indais permittenda usura,</sup>  
modo participare, donec ab vsuris abstinerint, quod INNO-  
centius III. in c. 12. X. de vsur. etiam sanxit. Hic enim in-  
primis sollicitus fuit in eradicandis vsuris, ceu c. 11. 12. 13. 14.  
15. 16. 17. 18. X. de vsur. testantur, et quia in morem abierat,  
vt creditores, vsuras sibi stipulantes, iuramentum exigerent  
de vsuris soluendis, ac de solutis non condicendis, in cit. <sup>2) nec ex iuramento de-</sup>  
c. 13. constituit, vt per excommunicationis censuram com-  
pellerentur creditores, ab earum exactione desistere, et so-  
lutas refundere, ne de dolo et fraude contingat eos commodum  
reportare, quo ipso per indirectum vis iuramento subtracta  
est. Præterea creditores sortem repetentes antea haud sunt  
audiendi, quam restitutis vsuris iuxta cap. 14. et 17. cit. vii- <sup>3) ad instar</sup>  
de liquet, instar cuiusdam spoli censi exactionem vsura- <sup>spolii exactionem haberi</sup>  
rum. Neque tantum per viam accusationis, sed etiam inqui- <sup>debeat,</sup>  
sitionis contra manifestos vsurarios procedi posse decernit IN- <sup>4) in vsura-</sup>  
NOCENTIUS III. in c. 15. cit. si clamor publicus contra eos ad- <sup>rius inquiri</sup>  
fit, quo ex fundamento inquisitiones hic denum primus in- <sup>posse,</sup>  
stituit. Nequidem nauticum fœnus ob susceptionem periculi <sup>5) nauticum</sup>  
probandum esse censuit GREGORIUS IX. in c. f. X. de vsur. <sup>fœnus etiam</sup>  
quod nulla ratione defendi potest. Concilium Lugdunense  
I. de anno 1243. c. 13. apud HARDVIN. tom. VII. p. 388. circa  
debita ecclesiastica plenius disponit, ordinatque, ne vnquam  
debita vsuraria contrahantur, præsertim in mundinis et mer-  
catibus publicis. Nec Germania hoc æuo ab vsuris abstinuit,

ceu docet concil. Viennense de anno 1267. c. 8. cit. l. p. 583. vbi refertur, per *Salzburgensem* *prouinciam*, rigorose vluras exactas fuisse; quem in finem cautum, vt *laici* excommunicarentur, *clerici* vero suis beneficiis spoliarentur. Addam adhuc alia huius seculi monumenta. Anno 1274. concilium

6) quod laici  
vjurari ex-  
communican-  
di, clerici de-  
ponendi.

*Lugdunense* II. c. 26. apud Eundem cit. l. p. 717. *vsurarum* *corraginem*, quæ animas deuorat, et facultates exhaurit, compescuit, statuendo, vt si vniuersitas quædam, h. est, respublica vel ciuitas vluras permiserit, *interdicti* pœnam mox subeat, *vsurarii* vero manifesti *testamenti factionem* non habeant. Pariter concil. *Auenionense* anno 1282. c. 1. ibid. p. 879.

7) nec ciuita-  
tes eas permis-  
tere possint,  
sub pœna in-  
terdicti,

8) vsurarii  
testamenti fa-  
ctione desinen-  
ti,

*infelice commercium vsurariæ prauitatis*, quæ quasi passim colitur a nonnullis diuitibus et aliis, qui se solo nomine afferunt *mercatores*, atro carbone notatum, et sub grauissima censura prohibitum. Idem etiam eodem anno *Turonense* concilium cit. l. p. 887. c. 6. fecit. In *visitatione* *prouinciæ Burdegalenfis* anno 1282. instituta, hi qui vluras accepisse conuicti erant, eas abiurare coacti sunt, vt plenius docet *HARDVIN. tom. VII. p. 1018. seqq. conf. MABILLON. Analect. p. 346. nouiss. edit.*

9) quod vsura  
abiuranda.

Doctrina se-  
culi XIV.

§. XXII. Pariter seculo XIV. concilium *Rauennatense* IV. rubr. 15. ibid. p. 1443. anno 1317. pœnas ecclesiasticas renouauit contra vluras, voluitque, vt cautio reciperetur ab *vsurariis*, de *vsuris* in posterum non recipiendis, id quod plena manu cit. l. determinatur. Anno 1355. *constitutiones Nicosienses* c. 29. ibid. p. 1795. plures palliatas conuentiones, quæ vluras tegere videntur, recentient, easque compescunt, manifesto indicio, sitim *vsurarum* non potuisse extinguere, sed plerosque variis artibus constitutiones ecclesiasticas eludere sœuuisse. Sic etiam in concilio *Vaurenfi* de anno 1368. c. 120. apud

1) quod cau-  
tio ab vsura-  
riis prestan-  
da.

2) palliata  
iura non tole-  
randa,

apud EVNDEM *cit. l. p. 1853.* iudices vinculo excommunicationis subiiciuntur, qui ad soluendum vsuras debitores adstringunt, vel easdem repetere prohibent, quod rursus argumentum præbet, *iudices civiles* de vsuris ius dixisse, nec *rationem constitutionum ecclesiasticarum* habuisse. Idem antea anno 1312. in *concilio Viennensi* edixerat CLEMENS V. vt liquet *ex clem. vn. de vsur.* innuitque, statuta passim a ciuitatibus de vsuris soluendis fuisse condita, quorum applicatio sub pœna excommunicationis his prohibetur verbis:

„Statuimus, vt quicumque communitatum ipsarum potestates, capitanei, rectores, consules, iudices, consiliarii et alii quiuis officiales statuta huiusmodi de cetero facere, scribere vel dictare, aut quod soluantur vsuræ, vel quod solutæ, cum repetuntur, non restituantur plene ac libere, scienter iudicare præsumserint, sententiam excommunicationis incurrant.”

Infra tamen demonstrabo, magistratus seculares, non obstante hac prohibitione, talia statuta edidisse, et secundum illa ius dixisse. Præterea quoque duo addidit singularia scita: 1) quod creditores codices suos rationum contra se reis edere teneantur, cum tamen, supposito, quod vsuras accipere, *crimen* sit, actor reo documenta edere non teneatur, BRVNNEM. *ad l. 1. D. de edendo n. 8.* BERLICH. *P. I. concl. 45. n. 17.* 2) quod pertinaciter affirmans, *exercere vsuras, non esse peccatum*, velut *hæreticus* puniendus sit, quo ipso doctrina iuris ecclesiastici inter *articulos fidei* relata est, vt papa eo promptius executionem legum ecclesiasticarum promouere posset, quamuis ne quidem hæc cautela cursum vsurarum sistere potuerit. Nam subsequenter in conciliis passim repetitæ sunt leges ecclesiasticæ contra creditores, vsuras accipientes quod arguit, vsuras in foro ciuili vinculum suum non amisisse, vt liquet

3) iudices sub excommunicationis metu ad vsuras soluendas debitores cogere nequeant.

4) creditorem codices rationum edere teneatur debitoribus,

5) negans vsuras accipere, esse peccatum, hæreticus dici debeat

*doctrina secu-* ex concil. *Prising.* de anno 1440. apud HARDVIN. tom. IX. p.  
*li XV. seculi* 1289. *Cameracensi* de anno 1586. *ibid.* p. 2168. et p. 2180. *Me-*  
*XVI.* *diolanensi* de anno 1565. apud EVNDEM tom. X. p. 720. vbi o-  
 mnes species, quibus *vsura* inducitur, referuntur, et p. 738.  
*seqq.* vbi GREGORII X. constitutio occurrit: *Mechlinensi* de  
 anno 1570. *ibid.* p. 1204. *Remensi* de anno 1583. *ibid.* p. 1301.  
 vbi *Simonie* æquiparatur: *Burdegalensi* eodem anno celebra-  
 to, *ibid.* p. 1370. *seqq.* vbi æquiparatur *vsurarum exactio ho-*  
*micidio*, et fundamentum in eo ponitur, quod ex præcepto  
 diuino mutuuum debeat esse gratuitum: *Mexicano* de anno  
 1585. *ibid.* p. 1716. etc. Edidit etiam LEO X. anno 1517. con-  
 stitutionem contra iudæos *vsurarios* apud HUNDIVM in *metrop.*  
*Salisb. P. I. p. 183. nouissima edit.* vt alias ordinationes eccle-  
 siasticas non referam.

*Leges ecclesia-*  
*slicas tamen v-*  
*juræ tollere*  
*non posuere.*

*nec debuerunt*

*ab defectum*  
*fundamenti*  
*prohibitionis,*

§. XXIII. Retuli in compendio prohibitiones ecclesia-  
 sticas, earumque fata, quæ docent, *vsuras* ex commercio  
 publico eliminari non potuisse, simulque pontificem cum epi-  
 scopis sibi eo ipso asseruisse potestatem, iura gentium, quæ  
 maxime in publico commercio continentur, dirigendi atque  
 determinandi. Sicuti vero *commerciorum iura ecclesiastica*  
 non sunt, sed magistratui seculari subiecta; ita vitio ei ver-  
 ti non potuit, quod huiusmodi attentatis masculæ restiterit,  
 et, quantum fieri potuit, ius suum conseruauerit. Id quod  
 eo iustius fuit, quod imperantes facile perspexerint, præ-  
 conceptam opinionem de *illicita vsurarum exactione*, omni  
 destitui fundamento, ac antiquiora concilia *clericos* dunta-  
 xat vel ideo ab hoc commercio exclusisse, quod illis in ge-  
 nere *commerciorum vsus* cum *negotiationibus* cæteris inter-  
 dictus, atque in illos ex imperantium indultu conciliorum  
 potestas fundata fuerit, prout ostendit PRAESES tom. III. iur.  
*eccles.*

*eccles. tit. ne clerici vel monach. secul. negot. se immisc.* Postquam vero episcopi cum pontifice in *communione imperii* assumpti sunt, in id vnice incubuerunt, vt principatum suum magis magisque extenderent, iura imperii legitima minuerent, ac eo prae-textu vterentur, quod iudicium ecclesiasticorum esset, prae-cauere, ne peccatum in negotiis secularibus committeretur, quem abusum grauiter taxarunt status imperii 1523. in *comitiis Noricis*, oblati oratori pontificio centum grauinibus, in quibus *art. 9. et 10.* hoc attentatum notatum est. Inde vero facile colligebant imperantes, pontificem episcoposque id vnice agere, vt prohibendo sub severissimis poenis vsuras, secularibus negotiis sese immiscerent, et callido consilio sese in possessione vel quasi *imperii vniuersalis*, quam tamen *vi clam*, vel *precario* obtinuerant, sese defenderent, licet facile praeuiderent, fulmina sua frustranea fore. Sicuti enim *commerciorum vsus* iuris gentium est, nec inter homines eliminari debet; ita vsurarum praxis, sine quibus commercia concipi nequeunt, per fulmina ecclesiastica tolli haud potuit, quia commercia huc non tendunt, vt quis *gratis*, et ex legibus *amoris* suum in alterum transferat, sed potius vt *mutuis praestationibus* alter alterius indigentiae succurrat, id quod etiam fit per vsuras debita pecuniae praestandas.

§. XXIV. Euentus etiam docuit, ipsos clericos varia subterfugia atque vias monstrasse, quibus quilibet, stante etiam vsurarum prohibitione, fructum pecuniae suae quærere queat, quorum quaedam difficultate non carent, quaedam *meram cauillationem* habent, et vsuras palliata continent. Posterius apparet 1) in emtione *annuorum reddituum*, qui inspecta rei veritate nihil aliud sunt, quam vsurae ex pecunia per-

et pontificis  
attentata con-  
tra status co-  
vile,

denique ob  
commercio-  
rum necessita-  
tem.

Id tamen ef-  
fecerunt iura  
canonica, ne  
palliatu vsu-  
ra reperta,

in annuis re-  
ditibus,

2) in *scilicet* fo  
*licitate*,

percepta. Nomina tantum in hoc negotio mutata sunt, non res. Quia enim crediderunt, *mutuum* tantum, et quod eius rationem sapit, ab *usuris* liberum esse debere, in locum illius substituerunt *venditionem*, in horum vero appellationem *annuorum reddituum*, quod negotium tamen, quatenus *onus reale* continet, plus nocuit commercio, quam exactio *usurarum*, ut PRAESES *disp. de praescript. ann. reddituum*, observauit, conf. SCHILTER *de bonis laudemial. §. 28. sqq.* Hoc tamen non obstante MARTINVS V. in c. 1. *extr. comm. de emt. vend.* huiusmodi contractum licitum et iuri communi conformem esse docuit. Praeterea quoque 2) idem liquet ex magica et subtili ingenio excogitata verborum structura, quibus omne scelus ab *usuris* deleri et abstergi posse, censet ESCOBARIUS iesuita, cuius sententia relata est a PASCALIO sub nomine ficto MONTALTI *in literis prouinc. ep. 8. p. m. 186. de quo autore BAYLIUS in diction. crit. et histor. sub artic. Pascal. lit. k.* commendandus est. Praemittit ESCOBAR: „non „paruam gratiam a secularibus inierit, qui quod in scenore „noxium, illud refecans, rationem tamen aliquam excogitarit pecuniae quadam collocatione, non minus augenda, „quam augetur scenore.” Hanc gratiam se iniisse patet a secularibus, hac cautela illis praescripta: „is, a quo mutuo „petitur, pecunia, sic respondebit: non est mihi pecunia, „quam mutuo dem: est tamen, quam licita ratione collocem, ut ex ea legitimum mihi redeat lucrum: quamobrem „si pecunia ea conditione velis accipere, ut ex ea in commune negotieris, fortasse adduci possum, ut isto pacto „dem: verumtamen quia de lucro faciendo difficile conueni- „tur, si tu mihi certum aliquid assignare volueris, facilius „inter nos contrahemus, ac tibi statim pecuniam numerabo. Ita verbis lex scripta, non rebus. Nauseant *lucrum* aliquod, vel



vel *augmentum* in *mutuo*: non nauseant in reliquis contractibus, modo *situlo* vel nomine *vsurarum* non designetur. Nam ne quidem in aliis contractibus *vsuras* admittunt ex iusta causa, veluti ob *fidem* habitam de pretio, vel ob *moram* in solvenda mercede vel pretio commissam, c. 10. c. f. X. de *vsur.* quod ita *quasi mutuum* contractum videatur, ad quod omnes contractus reducunt, in quibus *vsurae pecuniae* aliunde debite petuntur, ut eo felicius CHRISTI dogma, *mutuum dare, nihil inde sperantes*, extendere possint. c. 4. d. *vsur.* c. 5. X. de *emt. vend.* Denique 3) *vsuras* tegunt in *montibus pietatis*, <sup>3) in montibus pietatis,</sup> mensis *trapeziticis* analogis, qui in multis Italicae civitatibus ad pauperes subleuandos constituti esse dicuntur, ab ipso pontifice SIXTO IV. approbati. Reuera tamen in his *montibus* id agitur, ut debitores, pecunia sub *vsuris* sumpta, ab inopia temporaria subleventur. conf. SALMASIVS de *trapezit. foen.* p. 586. DOROTHEVS ASCIANVS de *montibus pietatis*. NICOLAVS BARRIANVS de *montibus impietatis*, et MICHAEL PAPAVA in *decis. contra montes pietatis*, quos duos postremos tractatus ASCIANVS suo operi subiunxit. Accedo ad alteram methodum, quae difficultate non caret, quae deprehenditur in exactione eius, quod *interest*, quod probant pontifices in <sup>4) in eo quod interest.</sup> c. 9. X. de *arbitr.* c. vn. X. de *plus petit.* c. 48. de *sent. excomm.* Inde factum, ut creditores *vsuras* sibi promissas, sub nomine eius, quod *interest*, petierint, quod facile allegare possent, se tantum hoc modo aestimare *lucrum cessans* et *damnum emergens*. Qui enim pecuniae suae usu priuatur, id quod in *mutuo* contingit, caret lucro, quod pecunia sua facere poterat, et ita *interesse* recte petere dicitur. Cape exemplum ab ipso CARPZOVIO lib. II. in *iurisp. consistor. def.* 319. ex sententia canonistarum approbatum. Mutuo dat ecclesia pecuniam sub *vsuris*. Quæritur, an licite? affirmat hoc CARPZOV. <sup>quo fuso vitur Carpz. in ist. mutuo ecclesiae,</sup> *iurisp.*

*iurisp. conf. cit. l. n. 15. et ait: Nec quicquam iniquitatis tandem imputari potest ecclesie usuras petenti, quippe quod eas non ut usuras, sed tanquam interesse exigere presumatur, pro cuius probatione prouocat ad PANORMIT. ad c. 8. X. de usur. Mirandum est, CARPZOVIVM hoc fucō vsum fuisse, cum ipsemet usuras, qua tales, probauerit cit. l. n. 7. quibus probatis, nil iniqui ecclesia committit in exigendis vlturis, qua talibus, reiecta larua, qua eas in adductis verbis inuoluit. Vnde non potuit non in Scyllam incidere volens vitare charybdin. Etenim lib. IV. resp. 46. contendit, in Saxonia ecclesiis aliisque piis locis in concursu creditorum, praelationem prae aliis creditoribus deberi, tum ratione sortis, tum usurarum, addita hac ratione, n. 8. quod hospitalia et ecclesie nunquam proprie usuras, sed interesse petere presumantur, quæ ratio admodum infirma est, cum apertum sit, ipso fatente CARPZOVIO dicta def. 319. n. 18. et 19. et lib. IV. resp. 50. inultum differre usuras et interesse. Nec ratio adferri potest, cur laicis prohibitum esse debeat eadem vti larua, si ecclesiis hæc indulta est, qui tamen in Saxonia vlturas simul cum sorte petere nequeunt. Hac eadem larua vtitur rursus lib. IV. resp. 49. quo probat, ecclesiis deberi vlturas ultra alterum tantum, addita hac n. 7. ratione, quod pia causa usuras, quamquam de iis conuenerit, non ut usuras, sed ut interesse petere videatur. Ita quod piis causis licitum est, aliis nefas ex erronea hypotheli esse iudicatur. Interim quia plerique vlturas stipulantes hoc fundamento vti sunt, inde in morem abiit, qui adhuc hodie in iudiciis seruatur, vlturas nomine eius, quod interest insignire, et ita pronunciare: Daß Bess. daß Capital cum interesse moræ zu bezahlen schuldig. Rationem huius styli infra ex R. I. de anno 1600. declarabo.*

*Inde ecclesia  
sortem cum vlturis  
simul in Saxonia debere  
vi, contendit,*

*imo vltura alterum tantum.*

§. XXV.

§. XXV. Sicuti vero grauem eladem commerciis intulerunt pontifices et concilia, vsuras sub poena *excommunicationis* prohibendo; ita hoc factum eo iniquius censendum, quod rationes, quæ pro *turpitudine vsurarum* allegantur, partim friuolæ et inanes sint, partim etiam sapiant rationem politicam hierarchiæ, quæ etiam sub hac hypothesi nouum munimentum accipit. Notum est, iudæis, in vna *republica ciuili* coadunatis, interdictum fuisse, ne *inter se* vsuras exercerent; quamuis ab *extraneis* iure gentium, eas petere potuerint, ob commerciorum cum gentibus vsum. Hoc in vsus suos traxit curia Romana, constituitque, ecclesiam etiam esse rempublicam, ex omnibus Christianis coadunatam et conflatam, cuius *caput supremum* pontifex esse censetur. Quod ergo nefas iudicatum fuit in *republica iudaica*, illud etiam nefas habitum est in *republica ecclesiastica*, quæ sub illa, tanquam typo, adumbrata fuit. Vt ergo etiam hoc argumento sententiam de *republica ecclesiastica* stabiliret, e re illius fuit, seueris poenis vsuras prohibere, nec ab hac doctrina vilo recedere modo, quæ facile linqui potuisset, si ratio status ecclesiastici defuisset. Ceteras rationes non referam, nec examini subiiciam, quod ab aliis iam plena manu factum est, inprimis a SALMASIO de *vsur. c. 8. seqq.* NOODTIO de *vsur. lib. I. c. 6. seqq.* et CAROLO MOLINAEIO *tr. de commerc. et vsur.* qui dubiis quibusuis satisfecerunt, idque eo facilius præstare potuerunt, quia nonnulla adduci solent, quæ ne quidem responsione indigent. Lepida sane et ridicula sunt argumenta, quibus vtitur VACONIUS a VACVNA *lib. I. nou. declar. ius ciu. c. 14.* et his ostendere conatur, vsuras *contra naturam* exigì, et furti instar esse. Ait: "Sola animantia sibi similia, natura ipsa, generant: artificiosa vero, minime. At homo pecuniarum cupidus efficit, ut num-

*Inecrimationes iuriscapones, vsuras damnantes, partim politica sunt,*

*partim inanes.*

„mus, qui animam non habet, nec vegetationem quidem,  
 „foenus, i. e. foetum procreet: foenus autem se ipsum maius  
 „facit. in foenore enim nutritus contra naturam nummum  
 „parit, merito igitur reprobatur -- usura est contra naturam,  
 „et hæc est ratio, quamobrem est reprobata.” Huic ridicu-  
 „læ rationi hæc quoque subiicitur: “quod pecunia mutuo da-  
 „ta, non amplius eius, qui dedit, sed facta accipientis fue-  
 „rit. Qui igitur, ait, ex illa pecunia fructum, veluti num-  
 „mos, seu aliquid aliud accipit, ex re non sua accipit, et  
 „est perinde ac si furaretur.” Plures alias huius fursuris ra-  
 tiones quoque habet HONORATVS LEOTARDVS in *tr. de usur.*  
*qu. 2. quas non tangam.*

*Nec eliminari  
 potuerunt po-  
 nitus usuræ.*

§. XXVI. Quamvis vero ita evidens ac manifestum sit,  
*usuris* omne fundamentum deesse secundum ius canonicum,  
 non item *palliatis*; fieri tamen non potuit, ut usuræ prorsus ex  
 usu hominum eliminarentur, postquam commercia, hominum  
 saluti maxime inferuentia, deleri funditus atque euerti haud  
 potuerunt, quæ usuris carere haud possunt. De fati usurarum  
 in Germania nunc quidem duntaxat sollicitus ero, ostens-  
*quorum usus* *uræ seculo XIII. et XIV.*, quibus concilia imprimis usuras  
*seculo XIII. et* *damnarunt*; earum usum supersuiffe, et passim legibus sta-  
*XIV. docetur* *tutariis probatum*; præterea vero, quod ius canonicum usu-  
*in Germania.* *ras quascunque reprobasset*, ius Romanum autem *uniuersa-*  
*liter* haud receptum esset, inde factum fuisse, ut modus usu-  
 rarum plerumque incertus fuerit, nisi statuta particularia pe-  
 culiariter eundem determinassent. Equidem in *iure provinc.*  
*Saenic. c. 342.* apud GOLDASTVM in *Reichs-Satzungen P. I.*  
*p. 109.*, in *Meißneriana editione* vero *c. 340.* apud Dn. de  
*non obstante* *BERGER in cod. iuris Alemannici p. 89.* iuris canonici doctri-  
*iure Aleman-* *na fere ad vnguem repetita, unde usus iuris canonici colligi*  
*nico ruteri,* *posse*

posse videtur; Quis vero nescit, quam imperite et sine iudicio saepe huius speculi collector quiduis ex quouis consarcinauerit, adeo vt etiam in materia fideiussionis prouocauerit ad rescriptum D. HADRIANI, eumque ex summa ignorantia vocauerit: *Einen Meister, der Hadrian heisset*, quasi litera D. non *diuum*, sed *doctorem* vel *magistrum* designaret, vnde non quouis ineptiae in hoc speculo relatae vsum forensem arguunt. In materia *vsurarum* idem euenisse, persuasissimum ex tot publicis documentis habeo, quae *vsum forensem* illius temporis monstrant. Equidem in capitul. KAROLI M. <sup>capitularia</sup> de anno 789. repetuntur canones conciliorum, <sup>sanctum clero-</sup> clericis <sup>cis vsuras pro-</sup> vsuras interdicens apud BALVZ. tom. I. concil. p. 215. 531. 705. <sup>hibuerunt.</sup> 893. 958. 1125. Porro lib. 2. capitul. c. 38. *ibid.* p. 749. sacerdotes vsuris abstinere iubentur, simulque admonentur, vt *plebes sibi subditas ab eis abstinere instruant*, quod res doctrinae non legis erat. Sic etiam lib. IV. capitul. c. 17. *ibid.* p. 796. duntaxat *excessus in vsuris*, ne scilicet *duplum* vel *tripulum* recipiatur (quod ex formulis MARCVLI infra §. sq. declarari potest), prohibetur, quanquam generalius vsurae damnentur lib. V. c. 38. *ibid.* p. 833. lib. VI. c. 50. p. 931. lib. VII. c. 53. p. 1038. item in capitul. LOTHARII c. 19. apud EVD. tom. II. p. 325. *seqq.* quod non adeo mirandum, cum libri *capitularium*, quoad maximam partem collecti sint ex scitis ecclesiasticis. Enimuero in legibus Salicis, Ripuariis, Alemannorum, Boicariorum, Saxonum, Anglorum, Frisionum, Burgundiorum, Longobardorum et Normannorum vestigia vsurarum prohibitarum non adeo deprehendi, vt probabile sit, his populis vsuras accipere permissum fuisse.

*Praxis usura-  
rum seculi  
XIII. et XIV.*

§. XXVII. Verum propius accedo ad tempora seculi XIII. et XIV. ostensurus, iuris canonici placita in foris ciuilibus parum fuisse admittenda. Prohibitum hoc tempore fuit, ne iudæis usurarum exactio lege publica permitteretur. c. 12. 18. X. de usur. Hoc tamen non obstante Argentoratenses in ordinat. iudæor. de anno 1375. hæc edixerunt: Item sie mögen auch von allen unsern Bürgern und Bürgerinnen, die unter unsere Stabe sitzen, wöchentlich zu Bucher nehmen, von jealichen Pfunde zweene Pfennig, von 10. Schilling einen Pfennig, und von 5. Schilling einen Halbeling und nicht mehr. It. Sie sullent auch niemanne versagen, der unter unsere Stabe geseßen ist, Pfennige auf Pfande zu lehende, umb so viel Buchers ane Geuerbe, als dafür ist. Ad manus est charta obligationis sub obstagii clausula, Argentorati conscripta IX. Kal. Martii 1382. cui in fine hæc adiecta clausula: "Et licebit etiam ipsis creditoribus vel eorum heredibus, statim post lapsum dicti mensis huiusmodi, summam pecuniarum apud iudæos seu cawertschinos (h. e. creditores usurarios vid. CANGIUS in gloss. voc. Caorcini) super ipsorum debitorum vel eorum heredum ac successorum suorum prædictorum dampnis, vsuris et interesse, iuxta IVS ET CONSVETVDINEM ciuitatis Argentoratensis ac commodare et mutuo recipere. Huiusmodi dampna vsuras et interesse per ipsos debitores et eorum heredes ac successores prædictos, in solidum vna cum sorte principali soluendas et refundendas etc." Anno 1376. ciuitates maxime Sueuiz in fædus illud magnum, quod vocarunt den grossen Bund, conuerunt, cui etiam paulo post Eslinga certis conditionibus accessit, inter quas hæc memoratur: Daß die Statte den von Eslingen sullent aufbringen und entlehen 5000. Guldin, daß si die habin nuz uff unser Frowen tag

tag Kerschwehen, der nun nechst kumpt, und was man schaw  
bens oder verzinses von denselben 5000 Gulden gebent  
wirdt, von demselben unser Krowen tag, der nu negst kumpt  
aim gantes Jahr, denselben schaden sullent alle Stette, die  
in diesem Bunde seyndt, gemeinlich haben. DATT de pac. publ.  
lib. 1. c. 6. Vt plurimum *usuras* appellatione *damnorum* de-  
signarunt, vt ostenderent, se *iuste* et *ex causa optima* *usuras*  
soluisse. Hac de causa pignorationes, hoc seculo adhuc per-  
missa et licita, non tantum ex causa *fortis*, sed etiam *usu-*  
*rarium*, licite fieri potuerunt, quod multis testimoniis char-  
tisque huius seculi h. e. de anno 1301. probatum dedit DAT-  
TIVS de pac. publ. lib. 1. c. 16. n. 97. seqq.

6. XXVIII. Evidentiora vestigia occurrunt in contractu <sup>Antichreses</sup>  
*antichretico*, etiam Germanis ante ius Romanum <sup>hoc tempore</sup> *usitato*, vi  
cuius creditori pignus frugiferum datum, cum facultate tam- <sup>maxime usi-</sup>  
diu fructus omnes ex illo percipiendi, donec solutum fuerit  
debitum. Iure canonico hoc negotium etiam reprobatur,  
quod fructus loco *usurarum* percipiantur c. 4. et 6. X. de pi-  
gnor. c. 32. X. de iurei. c. 1. 2. 8. 16. X. de *usur.* quo non ob-  
stante, ab antiquis temporibus hoc negotium *usitatum* et ap-  
probaturum fuit. Id docet formula MARCVLPi apud BALVZ.  
rom. II. capitul. form. 50. p. 463. vbi agitur 1) de *pignore rei*  
*frugiferae*, quod designat hanc formula: *propterea oppignoro*  
*tibi vineam proprietatis meae in pago illo* et 2) de *fructuum*  
*perceptione*, donec debitum fuerit redditum, his verbis si-  
gnificata: *et quomodo ipso fructus tantos annos transactos ha-*  
*bueris et debito tuo tibi reddidero, cautionem meam per ma-*  
*nibus recipiam; stipulatione subnixa.* Similis fere tenoris  
occurrit inter formulas *Sirmondicas* num. 13. *ibid.* p. 475. Et  
pro huius merito beneficii *oppignoro tibi locellum rem proprie-*  
*tatis*

ratu mea, nuncupantem illum, situm in pago illo cum omni sua integritate vel soliditate. Ea vero ratione, ut quomodo tam dicti anni adimpleti fuerint, et tu fructus ipsius terræ per quinque annos tantos exinde collegeris, ego supra dictum debitum tuum tibi desoluam, et rebus meis una cum cautione mea, de manibus tuis recipiam. Quandoque loca usurarum operas promittebant, per certos dies in singulis hebdomadibus præstandas, ut monstrat formula MARCVLI lib. II. form. 27. *ibid.* p. 421. quandoque etiam in casu moræ sese adstringebant debitores ad duplum reddendum, quo nimium modus usurarum excedebatur per form. 25. et 26. cit. l. Atque hæc oppignorationum literæ, vulgo Pfandbrieffe, seculis maxime illis, quibus pontifices pro eradicando hoc contractu laborarunt, in viridi obseruantia fuerunt, tum a cæsare et statibus frequenti usu approbatæ, ut indicant STRAVCH. de oppignor. imper. et GVDLING de iure territ. oppign. tum etiam in priuatorum causis adhibitæ. Ne quidem ciuitates imperii ab hoc nexu liberæ erant, nisi speciali priuilegio munitæ. Tali rebus suis prospexit Francofurtum ad MOENVM per litteras CAROLI IV. de anno 1360. apud LIMNÆVM lib. VII. iur. publ. c. 16. n. 14. Daß sie vor uns und des Reichs niemand pfandbahr seyn sollen um einerley Sache, und wollen und sollen auch wir und das Reich keine Pfandbrieffe über sie geben, und ob wir Pfandbrieffe über sie geben, so sollen sie keine Krafft haben. CAROLVM IV. enim non tantum vectigalia, sed etiam ciuitates imperii oppignorasse, docent ALCERTVS ARGENTIN. apud VRSTISIVM tom. II. p. 161. et MUTIVS lib. XXI. chron. p. 155. Ante hæc tempora marchio ni Iuliacensi ab imperatoribus oppida nonnulla oppignorata fuisse, docet AVBERTVS MIRÆVS in diplom. Belgic. lib. 1. p. 104. nouiss. ediz. in fol. tom. I. p. 220. videlicet 1) oppidum Durense

Imo in casu  
moræ penna  
dupli.

Exemplum an  
tischroijum se-  
culi XIII. et  
XIV.



Durense pro 50000. florenis, 2) castrum Werden, vulgo Rånserwerth, et telonium ibidem pro 39000. florenis. 3) Scultetia ciuitatis Aquensis pro 12000. flor. 4) oppidum Sintzeghe pro 15000. floren. cum omnibus et singulis eorum iuribus, honoribus et pertinentiis. Confirmavit has oppignorationes prædecessorum suorum CAROLVS IV. anno 1348. tit. I. his verbis: "Spondentes et firmiter promittentes pro  
 „nobis nostrisque in regno et imperio successoribus; quod  
 „præscripta pignora præfato marchioni Iuliacensi ac suis he-  
 „redibus non auferemus, nec ea cuicunque alii personæ ob-  
 „ligabimus vel absoluendum vllatenus committimus, imo  
 „ea nos vel nostri successores, cum poterimus, debebimus  
 „absoluere, et pro nostra et imperii propria pecunia liberare.  
 Posterior clausula ideo adiecta, ne imperatores aliis facultatem reluendi dare possent. Idem quoque prospectum in CAROLI IV. literis oppignorationum de anno 1356. apud TOLNER. in *hisor. palat. in append. diplom. p. 110.* quæ simul indicant, possessores horum pignorum ab omni rationum de fructibus redditione liberatos fuisse. Alia oppignorationum exempla circa tempora indicata sistunt STRAVCH. de *oppign. imper. §. 28.* AVCTOR *act. Lindau. p. 485. 491. seqq.* BROVWER in *annal. TREVIR. ad ann. 1321.* ANTON. MATTHAEI de *nobilit. lib. 2. c. 12.* SCHATEN in *ann. Paderborn. ad ann. 1350. 1355. 1366. 1377. 1391.* Priuatos etiam idem ius exercuisse, multis documentis de ann. 1385. seqq. probat AVCTOR *act. Lindau. p. 694.* quod eo minus in dubium vocari poterat, quia praxis publica imperii id permittebat. Præterea etiam hoc vsitatum fuit, vt creditori, qui sortem mutuo dederat, præstarentur vsuræ, etiam dextantes, iure *feudi*, quo creditor inuestiebatur a debitore tamdiu, donec sors reddita fuerit, quod SCHILTERVS ad *ius feud. Alemann. p. 135. seqq.* duobus docu-

mentis illustrat. Denique quandoque fructus fundi oppignorati tantum quoad certam quantitatem concedebantur creditori, quo ipso rationibus reddendis obnoxius erat. Sic comites Helfensteinenses ciuitati Ulmæ dynastiam suam oppignorarunt anno 1382. hac formula: **versehen auch mit diesen Brieff mit rechter nühlicher Pfandsgewehr unsere Herrschafft etc.** Eodem anno aliis literis restricta est fructuum perceptio ad 12. pro 100, vt hæc formula indicat: **Das aber wir und unsere Erben desto förderlich wieder zu der vorgenannten unserer Erbschafft kommen, und die desto baß gelidigen mögen, sie haben uns die vorgeannten Bürgermeister, Racht und Bürger gemeinlich der Stadt zu Ulm mit guten Willen und mit wohlbedachten Synen und Mueth für uns sie und ihre Nachkommen, solche besondere theure Freundschaft und Liebe erzeigt und gethan, also daß Ihn und ihren Nachkommen von den ehe geschriebenen 37000. fl. guter Ungar und Bohem aller jährlich nicht mehr zu bedingter Münz werden und gefallen soll den ie von 100. fl. besondere der vorgeschriebenen Summen alle jahr 12. fl. guter Ungar und Bohem und dieselben Guldten des jähr. Zinses und Nutzses sollen auch eines jeden Jahres besonder gefallen und verfallen seyn.** Hæc conuentio eo tempore eo magis iustificari poterat, tum quod limites vsuris non essent præscripti, iure canonico in totum reprobante vsuras, iure civili autem nondum vbique recepto: tum quod creditori antichretico omnes redditus deberentur, multo magis ergo ad certum modum restricti; id quod debitores instar *beneficii* habuerunt, vt prædicta formula indicat.

*Fundata ergo  
et in usura fu-  
erunt in con-  
uentione*

§. XXIX. Hæc vsurarum fata per Germaniam effecerunt 1) vt vsuræ non aliter exigi potuerint, quam *promissæ*,  
huc

siue *palam* siue *occulte* id fieret, veluti per *antichresin*, *annuos redditus*, *feudum*, vel *id quod interest*. In quo quidem praxis Germaniæ antiqua cum iure Romano quoad *fundamentum* conuenire videtur, vt tamen eius longe diuersæ causæ statuendæ sint. Iuris canonici dispositio contra *vsuras*, quod eas penitus per Germaniam eliminare non potuit, id præstitit, vt denuum *fide data* exigenterentur, maxime iureiurando corroboratæ, id quod olim vt plurimum fieri solebat, vt eo arctius debitor constringeretur. Neque enim concilia desinebant, metu fulminis ecclesiastici laicos detertere ab hoc commercio, in Germania admodum vsitato, adeo vt in *concilio Vlmensi de anno 1267*. inprimis prouinciæ *Saltzburgensi* hoc vitio datum fuerit, quod tam clerici, quam laici *vsuras* acciperent. Conf. *statuta Salzburg. de anno prædicto apud LVNICH. in cont. 3. spicil. eccles. p. 769. c. 4. item de anno 1490. ibid. p. 774.* vbi adhuc *antichresis*, verum sine effectu, prohibita est. II) Inde quoque factum, vt *vsuræ ad certam quantitatem* publice haud potuerint restringi, si exceperis quædam statuta particularia, temporibus designatis condita. Maluerunt enim magistratus ab huiusmodi legibus abstinere, ne crabrones irritarent, interim tamen *ex commerciorum necessitate* *vsuras* permittere, et secundum illas iudicare. III) Quia vero graues abusus eo ipso committebantur, quod *vsuræ* essent indefinitæ, et tamen e re Germaniæ esse, deprehensum fuit, publicis imperii legibus eas potius permittere, quam inani conatu eradicare, vtrique remedio publico prospectum est.

§. XXX. Etenim 1) *in rec. imp. de anno 1530. tit. 26. §. Tandem annui redditus ad 5. pro 100. restricti,*  
*8. de anno 1577. tit. 17.* annui redditus, qui sunt palliatæ *vsuræ*, ad quincunces restricti sunt, contra *iuris canonici* dispositionem,

et in mutuo  
quincunces  
permissa in  
casu mora,

sitionem, quo illi maiori libertate gaudebant. 2) Præterea in R. I. de anno 1600a §. So viel nun 152. cautum, vt in mutuo ob moram vsuræ quincunces peti possint sub colore eius quod interest, daß nemlich in den vorgefallenen Streit, ob nicht in contractibus mutui, damit die Partheyen in puncto liquidationis an unsere Kaysersl. Cammergerichte des langweiligen Processus enthalten seyn möchten, auch jetztgemeldet Cammergericht, damit nicht überladen, ein gewisses loco interesse a tempore moræ zu statuiren und zu setzen, für billig erachtet, wenn der Schuldner in mora restituendi pecuniam mutuam ist, daß er seinen Gläubiger von derselben zeit hero (der Vermuthung halber, daß der Creditor sein Geld von solcher Zeit anlegen, und zugelassener Weise zum wenigsten von hundert fünff wohl haben möge) das interesse zu entrichten und guth zu machen schuldig, welches wir uns auch also gnädigst gefallen lassen; so ordnen und wollen wir nochmals, daß solch interesse a tempore moræ erstattet, und bereutwegen dem creditori 5. fl. von hundert bezahlet werden, oder aber dem creditori solche 5. fl. nicht annehmlich, sondern er vermeinen wolte, tam ex lucro cessante, quam damno emergente, ein mehrers zu fordern, daß ihm alsdenn sein gangges interesse zu deduciren, gebührlich zu liquidiren und zu bescheinen, und der richterlichen Bekantnuß darüber zu gewarten unbenommen seyn soll. Hæc constitutio vsuræ pecuniæ mutuatice in casu moræ permittit contra iuris Romani dispositionem. Rationem huius nouæ legis in eo collocarunt procures, quod verum interesse in quincuncibus deprehendi censetur et præsumtio sit, creditorem post moram potuisse quincunces ex pecunia sua lucrari, annuos redditus, tunc ad quincunces restrictos, emendo. Hoc modo fundamentum vsurarum pecuniæ mutuatice vnice collocatum in mora

vs fundamen-  
tum vsura-  
rum primario

*mora* videtur, quod *ius ciuile* non admittebat; eius funda-  
 menti vero, quod *ius ciuile* assumsit, nulla fit mentio in con-  
 stitutione prædicta. Vnde denuo lis orta fuit: Vtrum vsu-  
 ra etiam ex pacto seu *promissione* peti possint? Equidem BLV-  
 MIVS *in process. Cameral. tit. 34. n. 105.* censet, nunquam v-  
 suras aliter in camera creditoribus adiudicari, nisi a tempo-  
 re *moræ*, non etiam si expresse promissæ sint; id quod ta-  
 men vix probabile est. Eadem enim ratio, ob quam in ca-  
 su *moræ* vsuræ permissæ sunt, sub titulo eius *quod interest*,  
 easdem etiam admittit, si pacto expresse promissæ. Aequè  
 creditor hoc in casu, vt in *mora*, allegare potest, receptis  
 approbatisque annuis redditibus, se potuisse *quincunces* quot-  
 annis lucrari ex quantitate centum thalerorum, si eam mu-  
 tuo non dedisset, adeoque eodem titulo, h. e. eius quod  
*interest*, sibi illas deberi. conf. RVLAND. *de commiss. P. IV.*  
*lib. 6. c. 6. n. 14.* Imo iam ante R. I. de anno 1600. sub titulo  
 eius *quod interest*, maxime a temporibus MARTINI V., an-  
 nuos redditus probantis, vsuras promiserunt debitores, et  
 inde iustificarunt creditores, quod, mutuo non dato, po-  
 tuissent nummos suos sub annuis redditibus elocare, et inde  
 quincunces quotannis lucrari, quamuis de eo in iudiciis ex  
 diuersis principiis litigatum fuerit, adeoque hoc vsurarum  
 fundamentum demum extra controuersiam in dicto recessu  
 constitui debuerit.

*in mora col-  
 locatum fue-  
 rit, legibus  
 imperii.*

*Imo etiam in  
 conuentione.*

§. XXXI. Ad minimum inde liquet, primum funda-  
 mentum vsurarum ex pecunia mutuaticia debitarum legibus  
 imperii in *mora* constitutum fuisse. Alterum fundamentum,  
 quod in conuentione constitui, æque per interpretationem ex-  
 cit. Rec. I. deduci posse censui, cum eadem ratio, ex qua  
 in casu *moræ* debentur, etiam obtineat in conuentione super  
 S 3 vsuris

*Posterior illu-  
 stratur ex R.  
 I. de anno  
 1654.*

vsuris inita, adeoque eadem dispositio etiam hic locum habere debeat. Atque secundum hanc sententiam passim iam approbatam disposuerunt imperator et status imperii in R. I. de anno 1654. §. 174. vbi etiam *conuentionales vsuræ* recensentur. Anreichend die künftige Zins und interesse, sollen von nun an dieselbige, sie seyn aus wiederkaufflichen Zinsen, oder vorgestreckten Anlehn herrührig und versprochen 2c. Movit tamen circa hunc textum dubia TEXTOR. in diff. XIV. ad dict. rec. §. ult. cenluitque, non simpliciter *vsuras conuentionales* in verbis adductis probatas fuisse, quod textus loquatur, *de mutuo non aliter, quam quatenus ex conuentione contrahentium certus statutus est solutioni terminus*, quo lapsa, quia debitor in mora est, mirum videri non debeat, si hinc obligetur ad *vsuras*, cum id quadret constitutioni de anno 1600. Addit præterea: quod si promissæ quidem sint *vsuræ*, non tamen certo aliquo solutionis termino, ibi putamus inspiciendo ius constitutionum imperii non currere *vsuras*, nisi a tempore moræ personalis, siue ex quo debitor congrue admonitus est de solutione. Idque inde erui posse censet, quod dictus §. 174. necessitatem soluendarum *vsurarum conuentionalium* expresse restringat ad tenorem constitutionum imperii per verba: *ies* doch nach Außweisung der Reichs-Constitutionum etc. Enim vero I) cit. §. 174. generatim loquitur de *vsuris conuentionalibus*, quæ *vsuris ex mora* opponuntur, in qua nulla conuentione opus est. II) Ex nullo indicio apparet, cit. textum disponere tantum de mutuo, cuius solutioni certus terminus præfixus est, quia huius circumstantiæ nulla iniicitur mentio. III) Quia in *conuentionalibus* eadem ratio militat, quæ in eis, quæ ex mora debentur, expresse approbata est, probabile admodum est, procures imperii duplex fundamentum *vsurarum* agnouisse in verbis herrührig (ex mora) und versprochen,

Dubia a Textor  
circa R. I.  
de anno 1654.  
soluta tempo-  
rariè.

sprochen, quæ verba recte in *sensu diuiso* accipi queunt. IV) Prouocatur quidem in *cit. tex.* ad *constitutiones imperii*, sed tantum quoad *quantitatem vsurarum*, vt verba ipsa declarant; Jedoch nach Anweisung der Reichs-Constitutionen und weiter nichts als 5. pro cent, alle und jede Jahren in verglichenen terminen, unfehlbahr bezahlet etc. Hac de causâ quoque factum est, vt iuxta plerasque constitutiones prouinciales vsuræ æque *ex conuentione*, ac quidem *ex mora* in pecunia *mutuaticia* peti queant, adeo vt ipse *TEXTOR. cit. l.* fateatur, moribus nostris vsuræ deberi a tempore *conuentionis*, non tantum a tempore *moræ*. Alia fundamenta petendarum vsurarum hodie deficere videntur, æque ac iure Romano, adeo vt cessante *mora* et *conuentione*, illæ ne quidem ob *compensationem vsus pecuniæ mutuaticia* peti queant, quod *mutuum* sua natura gratuitum sit a parte *accipientis*; quamuis in aliis bonæ f. contractibus, ex hoc fundamento vsuræ debeantur, vt in mandato societate etc.

§. XXXII. Superest, vt de fundamento vsurarum ex *iure Lubecensi*, paucis agam. Hoc iure tantum ex *mora* vsuræ debita esse videntur, iuxta *P. III. tit. 1. art. 2.* et quidem hoc modo: Ist einer dem andern schuldig, es sey vom gelehnten Gelde, oder sonst richtig liquidirter Schuld, auf eine gewisse Zeit zu bezahlen, hält er den termin nicht, sondern behält das Geld nach dem Tage bey sich, freventlicher muthwilliger Weise, wird er darum gerichtlich besprochen, so soll er wiederum seinem creditori so viel Geld so lange leihen, als er nach dem Tage gehabt, oder er muß ihm den beweislichen Schaden ausrichten. Secundum hanc legem debitor alteratiue obligatur. 1) Quæritur ergo, cui electio competat? MEYVS ad *cit. tex.* illam tribuit debitori; fatetur tamen in praxi

De funda-  
mento usura-  
rum ex iure  
Lubecensi.

praxi aliud obtinere, quod etiam iuri conuenire sentio, quia hæc alternatiua præstatio in *fauorem creditoris*, contra morosum debitorem introducta, eidemque ideo electio tribui debet. 2) In præstatione eius quod *interest*, ius hoc se accommodauit ad ius canonicum, sed non in altera præstatione. Censuerunt enim canonistæ ex doctrina GLOSSÆ *ad elem. 1. de usur. ad verb. onera* tale pactum esse usurarium, cum ciuitas vel iudex vel potestas statuit, *ut* usuras repetentes cogantur, usurario pecuniam tanto tempore mutuare, quanto pecuniam usurarii tenuerunt. *Conf. CORVINVS in aphor. iur. can. lib. IV. tit. 27. §. 7.* 3) Profluxit hæc dispositio ex principiis iuris canonici, usuras simpliciter damnantis, quod eo magis in ciuitate, quæ commerciis ab antiquo inclaruit, mirandum, cum tamen hæc sine *usura* vix subsistere queant. 4) Quoniam præstatio eius quod *interest* rectius commodis creditoris inseruit, et tamen eius probatio difficillima, quincunces hodie petere potest, quod iuxta *R. I. de anno 1600. in his præsumtum interesse* latitare videatur, ut probationem non desideret, quod etiam MEVIUS asserit. Denique 5) quia hodie ubique usuræ etiam ex sola *conuentione* debentur, quid impedit, quo minus etiam in locis, ubi *ius Lubecense* receptum, illæ peti queant, ut in Pomerania, in qua *hic articulus* ne quidem receptus, teste MEVIO *cir. l. n. 4.* utut in ceteris *iure Lubecensi* utantur. Imo crederem, hodie ne quidem Lubecenses ab *usuris conuentionalibus*, in vniuersum probatis, alienos fore, licet his textus adductus resistere videatur.

EXER-





## EXERCITATIO LXIIII.

AD LIB. XXII. PAND. TIT. II.

DE

PROBATIONE IN CRIMINALI-  
BUS SPURIA.

## A R G V M E N T V M.

*I. Legitima probatio in criminalibus. II. Certitudo facti est vel absoluta vel moralis. III. Gradus certitudinis moralis. IV. Spuria probatio quid? V. Origines superstitiosæ probationis. VI. Hoffmanni sententia. VII. Ortum duxit 1) ex reliquiis paganismi. VIII. 2) ex superstitione monastica, imprimis ex opinione iudicii diuini. IX. 3) ex superstitione opinatorum miraculorum. X. Modus sollemnis spuriarum probationum. Iudicium aquæ frigidæ. XI. Eius sollemnitates Eugenio II. vulgo adscripta. XII. An ei recte tribuatur? XIII. Spuriæ probationes generatim reprobatae pontificibus. XIV. Exorcismorum superstitio et abusus in eisdem. XV. Eius occasio ex superstitioso more res inanimatas exorcizandi. XVI. V-sus iudicii aquæ frigidæ in magia. XVII. Iudicium per lancem et stateram, XVIII. per aquam feruentem, XIX. per ferrum candens, per rogi accensum, XX. per crucem, XXI. per panem execratum, per eucharistiam, per sortes, XXII. per duellum. XXIII. Huius sollemnitates. XXIV. Iudicium per iuramentum. XXV. Recensio legum et canonum, quibus probatae spuriae probationes XXVI. Tandem damnatae sunt et reprobatae.*

## §. I.

Probatio legi-  
tima in crimi-  
nalibus.

per probatio-  
nes dilucidas.

qua talis sit?

**O**mne in criminalibus fert punctum *legitima probatio* vel *criminis* vel *innocentiae*, quæ proinde recte ad *substantiam iudicii* refertur. Si accusator prorsus deficit in probando, reus absolvendus, quem secundum iura condemnare non licet, nisi *confessum* aut *legitime conuictum*. *l. f. C. de custod. reor.* Ita recte rationes subduxit CONSTANTINVS M. in *l. 1. C. Theod. quorum appell. non recip.* constituendo, prouocationes eorum non esse suscipiendas, quos *confessio propria vel dilucida et probatissima veritatis questio probationibus atque argumentis detexerit*. His idem imperator principiis instruxit iudicem, questionibus præpositum, atque in *l. 16. C. de penis* ita cauit: „qui sententiam laturus „est, temperamentum hoc teneat, ut non prius capitalem „in quempiam promat seueramque sententiam, quam in a- „dulterii, vel homicidii, vel maleficii crimine aut sua con- „fessione, aut certe omnium qui tormentis vel interroga- „tionibus fuerint dediti, in vnum conspirante concordante- „que rei finem, conuictus sit.” Testes olim quandoque torturis subiecti, ut sub tormentis veritatem dicerent *l. 21. §. 2. D. de testib.*, ut nequidem clerici exciperentur, exceptis presbyteris *l. 8. C. de episc.* quorum collineat CONSTANTINVS in *cit. l. 16.*, de qua materia plenius agit GVAZZINVS de *defens. reor.* Verum hoc iam non ago, ut quæ huc pertinent, enucleem: sufficit ostendisse, *argumenta dilucida, manifesta et probatissima* in criminibus desiderari, ut quis condemnari queat, præsertim si capitale supplicium condemnato imminet. *Dilucida* vero atque *manifesta* argumenta dicuntur, quæ *huc meridiana* clariora, et ita comparata sunt, ut instar luminis cuiusvis animum de *veritate rei* informant,

formant, eumque conuincant, adeoque nulla obscuritate laborent, h. e. per rectam rationem facultatemque illam, qua rationes subducimus, et verum a falso separamus, *clare et distincte* cognosci et intelligi possint. *Probatissima* denique vel ideo appellantur, quod nullum dubitationibus locum relinquant, sed plene concludant, vt *certitudo facti* seu assensio firma intellectus nostri orta ex sententibus euidentibus et rationibus adductis, inde nascatur, aduersus quas nullas amplius dubitandi rationes adferre queamus.

§. II. Illa vero argumenta, quibus animus iudicis de *Certitudo fa-*  
*veritate facti* conuincitur, pariunt vel *certitudinem absolu-*  
*tam*, quæ fallere nequit; vel *moralem*, quæ in tali *verosimi-*  
*litudine* consistit, quæ quidem fallere potest, sed rarissime  
fallit, atque operatur, vt homines recta ratione vtentes ei  
tamdiu assensum præbeant, donec probetur contrarium. *Ab-*  
*soluta certitudo facti* vel rei operatur *scientiam*, qua instru-  
ctus, *certam* habet rei *cognitionem*, quam demonstrare et  
deducere potest ex principiis indubitatis, imo etiam ex *sen-*  
*sibus*, quod vel *inspectio oculuris* demonstrat. Si ergo ex il-  
la constat, virginem esse grauidam et ex grauiditate partum  
edidisse, stuprum plene probatur. *Moralis certitudo opera-*  
*tur opinionem* vel *fidem* eiusmodi, qua instructi non possunt  
non assertioni affirmatiuæ vel negatiuæ assentire, vt vel ex  
depositione testium duorum, omni exceptione maiorum, li-  
quet. Rarissime hæc fallit, fallere tamen potest, si *menda-*  
*cii* testes conuinci queunt, quod contigit in testibus, hono-  
ratis admodum quidem, sed de falso conuictis in iudicio  
contra Susannam edito. Interim ex decreto diuino duobus  
testibus tamdiu *fidem* habere decet in factis controuersis, do-  
nec fuerit contrarium euictum. Talis fides admitti debet in  
*rebus*

*rebus facti*, quæ logice demonstrari regulariter nequeunt, adeoque assensum meretur propositio tum propter *fidem* et *autoritatem asserentis*, tum propter *rationem*, qua dicti sui certitudinem firmat. Non aliter enim certa nostro animo ingenerari potest opinio et fides, quam si constat, tum quod *possit* veritatem facti referre, tum etiam quod vera dicere *velit*, ex quibus duobus principiis fides testibus conciliatur, ut plene in iudiciis quibuscunque probare queant.

Gradus certi-  
tudinis sum-  
mus,

infimus,

medius,

in collatio-  
ne fundati.

§. III. Sicuti vero probabilitatis varii sunt gradus, prout argumenta, quibus efficitur, id suadent; ita recte asseri potest, hunc esse summum eius gradum, qui *certitudinem moralem* operatur, ut homines recta ratione utentes ei assensum præbere queant, prout de *duobus testibus* dictum, et de *documentorum* indubitatorum fide constat. Infimus fidei gradus ex eiusmodi argumentis trahitur, quæ ut plurimum fallunt, aliquid dubii tamen relinquunt, et *leuem suspicionem* operantur, quorum *fama* plerumque pertinet, quæ fallax et homines facile decipit, interim suspicioni locum apud plerosque relinquit. Qui interrogatus pallet, suspectus creditur, naturalis tamen timor in causâ esse potest, cur paleat. Canonistæ illud exemplo clerici, in amplexibus mulieris deprehensi, illustrare solent quod non ex libidine sed *animo benedicendi* id facere credendus sit, quamvis non desit suspicio sinistra. *conf. c. 14. C. 11. q. 3. c. 8. D. 96.* Inter summum et infimum collocandus est *medius* probabilitatis gradus, qui veritati propius accedit, non tamen omni caret dubio, quod non raro fallere queat, quorum illa argumenta in iure criminali pertinent, ex quibus tortura dictari potest. Interim omnes hi gradus ita comparati sunt, ut fundamentum in *recta ratione*, unde quid colligimus, habeant,

beant, et per eam vel certo vel probabiliter cognosci queant, vel ad minimum aliquid *suspicionis* operentur, adeoque ad *artem cogitandi* seu *logicam* proprie spectant, vnde illa ICtus assumit, et legistatores atque iudices trahunt. Ex eiusmodi naturalibus principiis fluebat iudicium SALOMONIS, quod etiam in c. 2. X. de *præsumt.* memoratur, ex quibus colligebat, quæ esset legitima infantis mater; facile enim coniectura assequi poterat rex sapientissimus, affectum naturalem non posse non matrem legitimam prolis manifestare. Si solus cum sola: nudus cum nuda in eodem lecto iacentes deprehensi fuerint, matrimonio inter se non iuncti, probabiliter adulterium commisisse creduntur, quod rursus naturalem habet rationem ex hominum indole deductam. c. 12. X. de *præsumt.* Quæ magnopere a vero absunt, vt fidem non mereantur, ea rursus per *rectæ rationis* regulas habentur et ostenduntur, vt pontifex in c. 15. X. de *præsumt.* rationes subducit, et pro episcopi Hungarici de adulterio accusati, innocentia demonstranda has rationes adfert: "quis de facili crederet, quod vir præditus scientia literarum, propriæ salutis oblitus, ad eam passionis ignauiam se conuerteret, vt cum propria nepte abominabilem perpetraret incestum? cum etiam secundum sententias ethnicorum naturale scædus inter tales personas nihil permittat scæui criminis suspicari." Denique loci, qui vulgo vocantur *topici*, nihil aliud sunt, quam *sedes argumentorum a recta ratione suppeditatorum*, ex quibus aliquid vel probabiliter vel certo colligi ab homine sanæ mentis potest, de quibus QVINCTILIANVS lib. V. c. 10. in compendio agit. IDEM postquam lib. V. c. 10. recte asseruit, ex præteritis æstimari solere præsentia, ex recta ratione hoc lib. VII. c. 2. illustrat: ducitur coniectura a præteritis. In his sunt personæ, causæ, consilia.

*lia. Nam is ordo est, ut facere voluerit, potuerit, fecerit. Ideoque intuendum ante omnia, qualis sit, de quo agitur.*

*Spuria probatio a recta ratione aberrans.*

§. IV. Quemadmodum vero meditatio mea haud directa est ad *modos legitimos*, factum probandi, eruendos, sed, quæ adduxi, huc vnice redeunt, ut doceant ostendantque, quæ sit *spuria* in criminalibus *probatio*, cum oppositorum opposita sit ratio; ita nunc propius me accingo ad spurios hocce modos, quibus in grauissimis criminibus, ipsis legibus et antiquis formulis suffragantibus, vti sunt maiores, quique nonnunquam adhuc hodie quibusdam in locis adhibentur. *Spurios* autem illos *modos* voco, quos nulla ratio recta vel in principio quodam naturali fundata assequitur, nec in sede quadam argumentorum logicorum ordinaria offendit, sed vel superstitiosa credulitas ab omni tamen ratione aliena vnice produxit, vel gentiliū instituta idololatrica post se reliquerunt, ut sunt probationes *per ignem et aquam*, *per duellum* et similes modos spurios. Tales probandi *modi spurii* penes illos duntaxat assensum merentur, qui vsum rationis abiiciunt, sola superstitione ducti. Hæc enim *temerariam et irrationabilem credulitatem* operatur, quod eius genuina et certa ratio dari non possit, adeoque merito ab his repudiatur, quos ab omni superstitione et vulgi opinione inepta liberauit cultior intellectus saniorque philologia.

*Origo ex idololatrica reliquiis et superstitione*

§. V. Quod si *originem* huius *spuriæ probationis* intuemur, ad illa tempora eius initia referenda, quibus tot barbaræ gentes, gentilismo idololatrico relicto, CHRISTO nomen dederunt, sed simul eo tempore ad Christianam religionem accesserunt, quo iam *superstitionum* omnia plena et tenebrarum caligo lumen cœlestē ita obscurauerat, ut nubem  
pro

pro Iunone facile acceperint. Hæc corrupta rei ecclesiasticæ ratio facile permisit, vt ex institutis et moribus antiquis plura retinerentur ipsius CHRISTI doctrinæ aduersâ, adeoque admodum probabile est, plerosque spurios probandi modos

*gentilium* deberi institutis, et eo facilius, gentilibus ad fidem conuersis, retentos, quod superstitio illis iam principiis eam instruxerat, quæ hos irrationabiles modos propugnare et facilius legitimare possent. Triplex fundamentum hos spurios probandi modos, de quibus hic agendum, per plura secula inter christianos probauit, videlicet:

1) *paganismus* in christianismo a gentibus barbaris seculo V. recepto propagatus, parum reformatus: 2) *dominatus monastice superstitionis*, regni tenebrarum verum initium, quod hoc seculo in clericatum cooptarentur inprimis monachi, et *superstitione*, speciem sanctioris vitæ præ se ferente, omnia implerent. SIRICIVS papa *epist. 1.* desiderium cooptandi monachos in clerum his prodit verbis: *monachos quoque, quos tamen morum grauitas et vitæ ac fidei institutio sancta commendat, clericorum officiis aggregari et optamus et volumus.* Laudauit more suo hoc institutum THOMASSINVS tom. I. de *vet. et noua eccl. discipl. lib. 3. c. 14. §. 5.* et, *nec tantum, ait, vt aptetur quis sacerdotio, opportunissima est monastica institutio: sed etiam vt sacerdotii sanctissima ministeria ea, qua par est, sanctimonia impleantur.* Ex communi præiudicio edisserit THOMASSINVS, quo creditum fuit, sanctitatem vitæ per affectatos quosdam et secundum regulas compositos mores effici, et pietatem in simplici et irrationabili credulitate consistere, qua tot falsa pro veris assumpta sunt. Accedebat quoque 3) *nimum miracula expetendi* imo quacunque occasione a Deo extorquendi studium, quorum frequentiam in hoc vel illo monasterio aut ecclesia alius laudabat, alius

*a gentilibus deducenda,*

*primum fundamentum, paganismus: secundum est superstitio monastica*

*terrium est miraculorum appetitus.*

confir-

confirmabat, rursus alius nouis augebat fabulis, vt simpliciores, parum in rudimentis fidei exercitati, lubenter narrationibus assensum præberent, et in eo, quod Deus *extra ordinem* facere solet, ordinariam omnipotentis DEI viam et modum operandi quærerent, vt hi ipsi modi spurii testantur.

*Confirmatio  
horum funda-  
mentorum.*

§. VI. Veritatem huius assertionis quodammodo suspectam reddere voluit HOFFMANNVS professor in Viadrina celeberrimus in tr. *de orig. et natura legum Germanic. sect. 2. §. 2. p. 39. sq.* censuitque, vnicum duntaxat fundamentum horum spuriorum modorum constituendum esse, scilicet in *superstitione*, nec a *gentilibus* aut ritibus paganis eos, maxime vero duella, repetenda, quod demum eorum vsus inter gentes barbaras referatur, postquam Christo nomen dederunt, adeoque corruptis christianismi principiis in effectu natales adsignat. Quemadmodum vero facile admitti potest, *superstitionem* credulam et pronam in miracula ambienda voluntatem admodum promouisse illegitimos probandi modos, ita negari nequit, ritus paganicos, vulgo *religiosos* creditos, haud plane a gentilibus depositos, postquam vtpurimum peruersa methodo ab his ad fidem christianam tracti, qui vulgo *sancti* dicti et crediti, quorum tamen vita, mores, gesta, aliud quid indigant, et ab integritate apostolica longe recedunt. Hi mores gentilium inveteratos cum prorsus abolere non possent, nouis quibusdam sacris eos muniendos et condecorandos censuerunt, vt etiam accedentibus ad fidem christianam relinqui possent. Neque enim credibile est, modos hos vnice inter ipsos christianos nasci potuisse, qui principiis regulisque christianismi aduersantur, quamuis semel in paganismo nati inter christianos peruersæ conuersos facile propagari atque augeri potuerunt.



tuere. Speciatim id ipsum demonstrat B. THOMAS. *de occas. concept. et intent. constit. crimin. carol. §. 19. in not. lit. z.* exemplo duellorum, apud plerosque septentrionales populos, antequam ad fidem christianam accederent, vſitatorum, quibus vel innocentiam vel crimen imputatum vel aliud quid probare intenderunt. Mores horum populorum bellicosi, priuatis certaminibus assueti, tali iudicio omnino conueniebant; adeoque minus probabile est, ex sententia HOFFMANNI hoc demum post assumptam fidem christianam ab his populis natum fuisse. Quamuis enim variis postea sacris ritibus id ipsum condecoratum fuerit, vt pietatis quandam umbram spiraret, hæc tamen prima eius initia haud demonstrant. Idem iudicium quoque ferendum de probatione per ignem, aquam frigidam et per sortes, quorum modorum semina iam apud gentiles obuiasunt, quibus pedetentim noui quidam adiecti veluti per crucem, eucharistiam, casum exsecratum, imo etiam per iuramentum.

§. VII. Primum ergo horum modorum fundamentum secure constitui potest in *profanis paganismi principijs*, quibus hi admodum conformes erant. Miraculosas probationes huiusmodi, vt sacris suis ritibusque fidem facerent, excogitarunt. *mystæ gentiles*, penes quos fuit sacra et mysteria populo proponere et explicare. Variis præterea *diuinationibus idololatricis, oraculorum responsis*, aliisque profanis ritibus deceperunt populum credulum, vt non mirandum sit, eos etiam spurios huiusmodi modos, quos sacris annumerarunt, admisisse et inculcasse, vt ANTON. VON DALE *de oracul. vet. ethnicor. item de idololatr. superstit. et diuinat. orig. et progressu* plena manu docet. Variis id ipsum testimoniis illustrat probatque BECMANNVS *de iudic. Dei §. IV.*, quæ ostendunt,

Primum fundamentum ex reliquijs paganismi.

stendunt, miraculosam quandam et diuinam his modis spiri-  
tibus virtutem a gentilibus adscriptam fuisse, occultissima et-  
iam eruendi. Testis est EVSTATIUS (quem alii EVMAMHIUM  
vocant) *de amoribus Ismenia et Ismenes lib. VIII. et XI.*  
Artycomide et Daphnopoly fontes fuisse, quibus pudicitia  
in virginibus probata est. *Hi fontes, ait, virginem ere-*  
*ptamque virginitatem indicant,* quod in sequentibus plenius  
enucleat. Hoc miraculoso modo Tucciam virginem vesta-  
lem incesti criminis ream castitatem suam probasse refert VA-  
LERIUS MAXIMUS *lib. VIII. c. 1. §. 5.* additque, eam conscientia  
terre sinceritatis sue spem salutis anticipi argumento petere  
ausam fuisse. Arrepto enim cribro, *Vesta, inquit, si sacris tuis*  
*castas semper admoui manus, effice, ut hoc hauriam e Tiberi*  
*aquam, et in eadem tuam perferam. Audaciter et temere ia-*  
*ctis votis sacerdotis rerum ipsa natura cessit.* Neque ignis  
iudicium ignotum fuisse gentilibus, liquet ex iis, quæ enar-  
rat SOPHOCLES in *Antigone* de Creonte rege, qui cum publi-  
co decreto mortisque poena indicta corpus Polynicis sepeliri  
vetasset, et Antigone clam fratrem sepulcro tradidisset, cu-  
stodes regii semet ipsos grauiter incusare coeperunt, quod  
culpa vnius foret, non omnium, custodia per noctis partes  
cuilibet distributa. Cumque de ea re solertissime inquire-  
rent, remque ad regem Creontem referrent, is hoc modo  
dixisse legitur:

*Nemo deprehensus est, nosque latuit  
Summus vero parati et candens ferrum manibus tollere  
Et per ignem serpere, Deosque iurare nec fecisse nos,  
nec fuisse conscios.  
Eius, qui hac de re consilium habuerit, nec eius qui eam  
fecerit.*

Ita

Ita vero liquet, etiam iusiurandum ad probandum fuisse admissum, sed adhibito quodam *iudicio diuino*, vnde iuramento fides conciliari posset. *ACHILLES TATIVS de amor. Clitoph. et Leucippes lib. IX.* hoc ipsum nouo probat argumento. "Cum violata pudicitia aliqua arguitur, eum in fontem (stygis nomine prope Ephesum) compellitur, cuius vnda vix medias tibias attingit. Iudicium autem fieri hoc pacto consuevit. Quæ delata est, falso se infimulari iurat, iusiurandumque in tabella descriptum collo suo alligatum sustinens, in fontem descendit. Ac si verum iusiurandum iurauerit, aqua omnino immota manet; sin minus, intumescit, atque ad collum vsque se attollens tabellam contegit." Aquæ iudicium Celtis olim vsitatum fuisse variis testimoniis probatum dedit *FRIDERICVS HEINIVS de probatione, quæ olim fieri solebat per ignem et aquam p. 26.* Alludit huc sine dubio *CLAVDIANVS lib. II. in Rufinum vers. 110.*

*Inde truces flauo comitantur vertice Galli,  
Quos Rhodanus velox, Araris quos tardior ambit,  
Et quos nascentes explorat gurgite Rhenus  
Quosque rigat retro perniciosior vnda Garumina.*

Etenim Germanicarum et Gallicarum nationum accolæ Rhenensis tractus in more habuisse dicuntur, infantes recens natos fluuiio imponere, vt si natare scirent, vel enataissent alveum, legitimi haberentur; illegitimi vero, si cederent flumini, vt obseruat *BARTHIVS in not. ad cit. l.* Denique Germanos lites *armis discernere*, non *iure terminare*, autor est *VELLEIVS lib. II. c. 118.* vnde aperte constat, monomachia iudicium iam populis his bellicosis vsitatum fuisse, antequam albo christianorum inscriberentur.

*Fundamen-  
tum alterum  
in monastica  
superstitione.*

§. VIII. Alterum momentum constitui potest in *monastica superstitione*, quæ mores gentiles, ad quos recens conversi admodum proni erant, approbavit, novis tamen palliavit coloribus, præceptisque illis instruxit, quæ speciem quandam devotionis habere possent, haud memores illius dicti prophetici; *Ierem. X. 2. Sic dicit Dominus: viam gentium ne discatis.* Asseruerunt enim, in rebus occultis ambiguisque deficere *humanum*, quærendum vñce *divinum iudicium*: explorandam voluntatem supremi Numinis per *signa*, et veritatem facti *extraordinaria ratione* ab eo expetendam, qui fallere nescit: Deum, qui corda singulorum rimatur, innocentiam vel veritatem criminis signo quodam indicaturum esse, sicut olim beneficio *aquæ amaræ* manifestabatur vxoris vel innocentia vel reatus, *Num. V. 15. sqq.* atque remedio *fortis* extraordinario furtum Achani: *Ios. VII.* ecclesiam hæc diuina virtute præditam esse, vt naturam elementorum immutare, et pro manifestanda veritate extraordinarium momentum ab eis extorquere possit. Hanc ob rem *DEI iudicium* in his probandi modis quærebant, eoque encomio eosdem ab impietate vel superstitione purgare studebant. Optime id obseruat GERARDVS DV BOIS in *hisor. Paris. eccl. tom. II. lib. 12. c. 3.* "erat scilicet ea exstimatione, vt ex DEI iudicio  
„liber criminis videretur, qui sine adustione ferrum candens  
„tangeret immotus et inoffensus in aqua frigida, aut feruen-  
„ti aliquo tempore consisteret, aut partem corporis illæsus  
„mergeret: is quidem mos peruersus a barbaris gentibus di-  
„manauit. Germanis in vñu fuisse TACITVS tradit, et Lon-  
„gobardos eo quoque vsos, leges, quæ eorum nomine ex-  
„tant, fidem faciunt. Gundobadus rex Burgundionum de  
„hoc iudiciorum genere legem tulit. Postquam barbaræ  
„gentes inuasérunt imperium Romanum, facile hanc con-  
fuctu-

*quasi DEI iu-  
dicium his  
modis mira-  
culoso adesse.*

„suetudinem in christianos mores induxerunt; in eam  
 „scilicet eo proclivius christiani iuerunt, quod saepius pri-  
 „mis temporibus DEVS innocentiam fidelium signis manife-  
 „stis ostenderet.” Ad hoc *iudicium diuinum* prouocauit CA- *Exemplis ad-*  
 ROLI crassi coniux RICHARDIS, cum ex zelotypia mariti *ductis Richar-*  
 adulterii insinularetur. Illa enim non solum ab eius (mariti), *dis Regina.*  
 sed etiam ab omni virili commixtione se immunem esse profitetur,  
 et de virginitatis integritate gloriatur, idque se approbare  
 DEI OMNIPOTENTIS IUDICIO, si marito placeret aut singulari  
 certamine aut ignitorum vomerum examine, fiducialiter affir-  
 mat, vt ait REGINO lib. II. *chron.* 887. apud PISTOR. tom. I.  
 ex edit. Seruu. p. 78. Pariter veritatem religionis christiana *Poppo*  
 hoc testimonio diuino olim probatum fuisse refert STIRNHOECK  
 lib. I. iur. Sueo-Gothici c. 8. aitque: “Poppo, qui primus in  
 „Boream ad verbi diuini plantationem venit, in praesentia  
 „Erici Sueciae regis iniecta manui chiroteca ferrea ignita du-  
 „biam populo doctrinae veritatem sic approbavit. Inde fa-  
 „ctum est, vt deinceps in omni re dubia ad eiusmodi DEI  
 „TESTIMONIUM prouocaretur, et mos iste in legem abiret.”  
 Hoc testimonium co maiorem fidem operari inter homines cre-  
 debatur, quod diuino signo et miraculo esset munitum, adeo-  
 que iudicium in re dubia falli nescium. Nec minus duellis inef-  
 se iudicium diuinum credebant. Hoc praedictio imbutus fuit  
 dux BOZO apud GREGORIUM Turonensem lib. 7. *hystor. Franc.* *Ducis Bosonis.*  
 14. regi GVNTHRAMNUM ita alloquens: “At si aliquis est fi-  
 „nilis mihi, qui hoc crimen impingat occulte, veniat nunc  
 „palam, et loquatur. Tu, o rex piissime, ponens hoc in  
 „DEI IUDICIO, vt ille discernat, cum nos in vnus campi pla-  
 „nitie viderit dimicare.” In *legibus Burgundionum tit. 45.*  
 apud LINDENBROGIUM in *cod. LL. antiq. p. 284. sq.* et COIN-

TIVM

*TYM* in *annal. Francorum ad ann. 534. tom. I. n. 56.* hoc testimonium exequatum fuit ipsi iuramento, quod de rebus incertis plerumque sacramentum offerre non dubitent, et de cognitis iugiter periurare, ut si is, cui iuramentum delatum, iurare nolit, possit prouocare ad hoc testimonium, ita ut unus de iisdem testibus, qui ad danda conuenerant sacramenta, DEO IUDICANTE, configat. Expressius mentem hoc testimonio utentium declarauit AIMONIVS lib. V. c. 34. his verbis:

*Ludouici.*

“Ludouicus, Ludouici regis filius decem homines cum aqua „calida, et X. cum ferro calido, et X. cum aqua frigida ad „iudicium misit coram eis, qui cum illo erant, petenti- „bus omnibus, ut DEVS ILLO IUDICIO DECLARARET, si per „ius et æquum ille habere deberet portionem de regno.”

*Petri episcopi.*

PETRVS episcopus Verdunensis, coniurationis in CAROLVM M. inculatus, hoc iudicio probasse legitur innocentiam suam. Ita enim in *capitul. Francofordens. d. anno 794. c. 7. apud BALVZIVM tom. I. capitular. p. 265.* “Definitum est etiam ab eo- „dem Domino rege siue a sancta synodo, ut Petrus episcopus „contestans coram DEO et angelis eius iuraret cum duobus „vel tribus, sicut sacrationem suscepit aut certe cum archi- „episcopo, quod ille in mortem regis siue in regnum eius „non consiliaffet, nec ei infidelis fuisset.” Hæc erat sententia Synodi. Sed quia testes deficiebant, ad iudicium aliud DEI prouocauit. “Qui episcopus dum cum quibus iuraret, „non inuenisset, elegit sibi ipse, ut suus homo ad DEI IUDICIUM iret, et ille testaretur absque reliquiis et absque „sanctis euangelis, solummodo coram DEO quod ille innocens exinde esset, et secundum eius innocentiam DEUS adiuvaret illum hominem, qui ad illud iudicium exiturus „erat. Et exiuit tamen eius homo ad IUDICIUM DEI, neque „per regis ordinationem neque per sanctæ synodi censuram sed

„sed spontanea voluntate. Qui etiam a domino liberatus „idoneus exiuit.” Denique hi probandi modi dicti sunt *Inde hoc iudicium Ordaliū dictum.* *Gades Ordel*, vel simpliciter *Ordel*, *sententia*, *iudicium*, quod ipse Deus in re dubia et occulta sententiam ferat, non tantum vbi de *criminibus* sed etiam si de rebus proprietatis et *patrimonialibus* ageretur, vt illustrat Dn. GAERTNER in not. ad LL. Saxon. p. 104. Inde *Ordaliū*, et *Vrtellum*, *Wasser Ordel*, *Feuer Ordel*, qua voce olim hæc *iudicia* vel *testimonia* designantur. vid. SCHILTER in glossar. Teuton. voce *Ordel*.

§. IX. Denique vt etiam de *tertio* horum spuriorum modorum *fundamento* aliquid addam, palam est ex ecclesiasticis annalibus, fabulas ex monasteriis tanquam ex equo Troiano prodiisse de *miraculorum* cumulo, quo sanctitatis opinionem plerique captabant, et in quouis casu singulare quid quærebant. Accedebat, homines, vitæ monasticæ adfuetos, melancholico fuisse præditos temperamento, ad *figna* et alia *extraordinaria prodigia* credenda aptissimos et pronos, et inde in eam iuerunt sententiam, a DEO signa extorqueri posse, imo miraculis edendis ecclesiam noui foederis esse speciatim destinata, præsertim si accederent ecclesiastici ritus, preces, exorcismi, cetera quibus carminibus insignis imo *diuina vis* inesse credebatur. Hoc credulis propositum: a monachis infinitis monumentis fabulosis confirmatum et per plura secula propagatum. Fata monachi PETRI, *ignei* dicti, *Exemplo Petri monachi.* quod *probationi per ignem* se subiecisset, hunc pruritum, ad miracula prouocandi, et per ea *voluntatem DEI* explorandi, satis superque indicant, si vera sunt. Insimulatus erat PETRVS episcopus a monachis, quod per simoniam in vrbe Florentina episcopatum obtinuisset. Hic iuramento innocentiam suam

suam ostendere paratus erat; verum aliud placuit IOANNI ab-  
 bati vallis umbrosæ, qui monastico more, aduocato populo,  
 dixisse fertur: "quoniam verba non profunt, VENIAMVS AD  
 „SIGNA. Construatur rogos, et igne supposito accendatur,  
 „per quem vnus e nostris (*monachis*) ingrediatur, et vtrum  
 „vera an falsâ sint, quæ de episcopo dicimus, DOMINO DISCER-  
 „NENTE, probetur. Placet vtrique parti sententia. Rogus  
 „mox duodecim pedum mentura construitur intra quem par-  
 „ua temita, qua vnus tantum hominis persona transire pos-  
 „set, relinquitur: quæ etiam ex accensis lignis, ne ibi ali-  
 „quis locus a flamma vacaret, consernitur. Interim dum  
 „hæc præparantur, præfatus Abbas Iohannes, Petro suo di-  
 „scipulo, reuerendissimo scilicet viro, qui postmodum in  
 „Albanensi vrbe episcopus ordinatus est, quique etiam ad-  
 „huc superest, eandem ecclesiam regens, præcepit, vt in-  
 „dutus sacris vestibus omnipotentî Deo sacrificium offerret,  
 „et sic demum confusus de misericordia Dei per accensi rogi  
 „flammas indubitanter intraret. Qui iussis patris obtempe-  
 „rans, (*hoc votum obedientiæ cæcum postulabat*) postquam sa-  
 „crificium Deo obtulit, casulam se expolians ad ignem ve-  
 „nit, et magna voce: oro, inquit, Deus omnipotens, si  
 „Petrus, qui episcopus dicitur, simoniaca est peste scædatus,  
 „ne ecclesia tua amplius polluat, IUDICIO SPIRITVS SAN-  
 „CTI TVI OSTENDE virtutem, illasum me per hunc ignem  
 „transire concede. Quod si nos fallacia pleni, causâ inui-  
 „diæ ducti, hanc contra eum tulimus quæstionem, ardor  
 „istius ignis me tua gratia derelictum consumat. Hæc di-  
 „cens et sanctæ crucis se signaculo muniens, per medias  
 „flammas constanter ingressus est. Cum itaque vndique es-  
 „set flammis circumdatus, ita vt a nemine prorsus videre-  
 „tur, et omnes eum iam consumtum putarent, subito ex alia  
 „parte



„parte, Christi comitante gratia egrediens, profiliuit: ita  
 „vt non modo vestimenta eius, sed ne capillus quidem læ-  
 „sus ab igne in aliquo videretur.” Recitavi verbis VICTO-  
 RIS in *miraculis S. P. Benedicti lib. 3. apud MABILLONIVM in*  
*actis Benedicti. seculo IV. P. II. p. 456.* historiam huius mo-  
 nachi, quam veram esse sine hæsitatione asseruit MABILLON  
*in not. ibid. lit. e.* quod hoc ipsum *præsentibus omnibus cleri-*  
*cis et laicis fere ad octo millia* contigerit d. 26. Febr. anno 1063.  
 quamvis forsan populus, vnice miraculo intentus et euentu  
 eius incerto hærens attonitus, haud obseruauerit artes, qui-  
 bus monachus ad fallendam plebem incautam vsus fuerit. Si  
 homines stupent, si consternati tanquam exsensi et attonitis  
 similes stant, facile decipiuntur, quod verum sensuum vsum  
 amiserint. Audiamus itidem MABILLONIVM in *actis Bened.*  
*sec. IV. P. 2. ad ann. 863. in vita S. Swinthoni episcopi Wint-*  
*thon. p. 71.* referentem, EMMAM reginam, matrem Edwardi  
 regis a Godwino Comite violatæ pudicitie accusatam, et in cœ-  
 nobium detrusam, filii iussu candentis ferri examen Wintonie  
 in ecclesia S. Swinthoni subiisse, ad probandam suam et Alwini  
 Wintoniensis episcopi innocentiam. Emma, pergit, tota nocte  
 proxima peruigilauit ad sepulchrum S. Swinthoni, (vt hu-  
 ius sancti intercessione et miraculosa virtute munita hoc ex-  
 amen maiori cum fiducia subire posset) die facta in pauimen-  
 to ecclesiæ scopato nouem vomeres igne candentes ponuntur in  
 ordine, quibus breuiter benedictis, (vt virtutem lædendi in  
 casu innocentie suspenderent) detrahuntur reginæ calcei, tum  
 posito peplo, succincta a duobus hinc inde episcopis nouem vome-  
 res illesa percurrit, STVPENTE REGE ET OMNIBVS, QVI AD-  
 ERANT, ATTONITIS. Circumstantiæ adductæ insignem su-  
 perstitionem, et simul mentis hebetudinem in adstantibus  
 designant. Nam 1) nocte proxima ad sepulchrum S. Swin-  
 thoni

thoni peruigilauit, eiusque opem implorauit, vt huic sancto nouum miraculum attribui posset: 2) consuetis ritibus vomeres ardentes et exorcismis adhibitis ad sucum populo faciendum præparati dicuntur, vt his quoque sua autoritas staret: 3) a duobus cincta episcopis, quorum latera spectaculi veritatem facile adstantibus subtrahere potuerunt, per nouem vomeres transit: 4) cursu præcipiti vltima: 5) stupente rege et populo attonito, inter metum atque spem incertam posito, et ita sensuum vlti deficiente: denique 6) quia e re sancti prædicti erat, edidit miraculum quoddam, quis, præiudiciis omnibus sepositis crederet, sine artibus adhibitis tale quid contigisse? Addam aliud spectaculum ad fidem sanctis faciendam. Simili miraculo monastico sibi fidem conciliauit in translatione S. Helenæ monachus, cuius meminit NOTCHERVS abbas de *translat. S. Sindulfi et S. Helenæ* p. 154. apud MABILLON. in *act. Benedict. sec. IV. P. 2.* circa annum 866. his vltis verbis: *iudicauerunt itaque, non aliter esse credendum, nisi monachus ille, qui eam (S. Helenam) ad nos transportauerat manifestum iudicium (per miraculum) fecisset, et in calidam aquam toto corpore nudatus intraret. Sed vt Deus rei veritatem manifestius panderet, ita hunc intra feruidas aquas conseruauit illesum, sicut et ab ipso mendacio, quod dicebatur, fecerat alienum.* Quis ignorat, reliquias dubias sanctorum, quorum multitudine monasteria laborant, et celebriores ecclesiarum, olim igne probatas fuisse, vt interueniente miraculo et signo indubitato (refragante licet doctrina Christi, Matth. XII. 38. 39. XVI, 1. 4. Ioh. II, 18. IV, 48.) Deus præcaueret, ne falsæ pro veris assumerentur. Id cautum anno 592. in concil. Cæsar-Augustano c. 2. Statuit S. Synodus, vt reliquie in quibuscunque locis de ariana heresi inuentæ fuerint, prolatae a sacerdotibus, in quorum ecclesiis reperiuntur,

item cuius-  
dam monachi.

reliquiarum  
igne probata-  
rum.

*periuntur, pontificibus presentata igne probentur.* Exempla miraculorum in probatione reliquiarum effectorum refert EDMUNDVS MARTENIVS *tom. III. de antiq. eccl. discipl. lib. 3. c. 8. §. 2. p. 495.* quæ prouocantur per solennes preces, in monasteriis sedulo obseruatas, vt IDEM *p. 496.* obseruat. Solennis oratio hæc fuit: "Domine Deus Iesù Christe, qui es  
 „rex regum et dominus dominantium et amator omnium in  
 „te credentium, qui es iustus iudex, fortis, et potens, qui  
 „sacerdotibus tuis tua sancta mysteria reuelasti, et qui tribus  
 „pueris flammam ignium mitigasti: concede nobis indignis  
 „famulis tuis, et exaudi preces nostras, vt pannus iste, vel  
 „filum istud, quibus inuoluta sunt ista corpora sanctorum,  
 „si vera non sint, cumentur ab hoc igne; et si vera sint, e-  
 „vadere valeant, vt iustitiæ non dominetur iniquitas,  
 „sed subdatur fallitas veritati, quatenus veritas tua tibi de-  
 „claretur, et nobis omnibus in te credentibus manifestetur,  
 „vt cognoscamus, quia tu es Deus benedictus in secula se-  
 „culorum. Amen.

*adhibitis so-  
lennibus pre-  
cibus.*

§. X. Erant hæc *examina et iudicia* non vulgi imperiti  
 methodi, sed spectacula ab ecclesiis plurimis probata, et  
 certis sacris precibus exornata, vt eo maiorem veritatis ha-  
 berent speciem. *Exorcismi* imprimis vsitati, quibus in his  
 tenebris magna vis tribuebatur ex *potestate ecclesie*, a qua  
 præscripti, determinati, et hac præditi virtute, ex illorum  
 temporum credula opinione, vt *miraculosos effectus* edere  
 crederentur. Tales formulæ cum omni apparatu ex antiqua  
 disciplina erutæ sunt atque publicatæ a BALVZIO, MARTENIO,  
 GOLDASTO, aliisque, quarum quasdam duntaxat sistam. BALV-  
 ZIVS *tom. II. capitular. p. 641.* in iudicio aquæ calidæ hanc  
 exhibet: "exorcizo te creatura aquæ in nomine Dei patris

*Adhibebantur  
in his proban-  
di modis sacri  
ritus, et exor-  
cismus præce-  
dente missa*

*ut in iudicio  
aqua calida*

„omnipotentis et in nomine Iesu Christi filii eius domini no-  
 „stri, vt fias aqua exorcizata ad effugandam omnem potesta-  
 „tem inimici, et omne phantasma diaboli; vt si hic homo,  
 „qui manum suam in te missurus est, innocens extiterit, de  
 „hac culpa, vnde reputatur, pietas Dei omnipotentis libe-  
 „ret eum, et si, quod absit, culpabilis est, et praesumptuo-  
 „se in te manum mittere ausus fuerit, eiusdem omnipoten-  
 „tis virtus super eum hoc declarare dignetur, vt omnis ho-  
 „mo timeat et contremiscat nomen sanctum gloriæ Domini  
 „nostri, qui viuit et regnat Deus per omnia secula.” Ple-  
 „nior est illa, quæ p. 642. *ibid.* occurrit, vnde liquet, quam  
 insignes effectus vulgo *adiurationibus ecclesiæ* adscripti fue-  
 rint pro *imperio sacro*, quod in *creaturas inanimatas* quoque  
 sacerdotes exercere intendebant. Te autem, dicere iussi sunt,  
*creatura aquæ, adiuro te per Deum sanctum, adiuro te per*  
*Deum viuum, vt efficiaris fons exorcizatus ad effugandum et*  
*euacuandum et comprobandum omne mendacium, et inuestigan-*  
*dam et comprobandam omnem veritatem etc.* Quemadmodum  
 autem 1) *aquæ frigide iudicium* huc potissimum directum  
 fuit, vt innocens ab aquis susceperetur, et inodo naturali  
 submergeretur, nocens vero super aqua nataret, ita specia-  
 tim in plerisque formulis, *virtute ecclesiæ putatiua*, iussa est  
 aqua, hanc vel illam edere operationem, prout in eam mis-  
 sus nocens vel innocens repertus credebatur. Ordo III. a-  
 pud MARTENIUM de antiq. eccl. ritib. tom. III. lib. 3. c. 7. p.  
 461. notabilem habet apparatus sacrum, quo hoc iudicium  
 olim peractum fuit. Formula *adiurationis* inter alia hoc præ-  
 ceptum continebat: *adiuro te -- vt nullo modo suscipias ho-*  
*minem istum, si culpabilis est, -- sed fac eum natare super a-*  
*qua -- adiuro te per nomen Christi, et PRÆCIPIO tibi, vt no-*  
*bis per nomen eius OBEDIAS etc.* Tam efficax creditum fuit  
 impe-

et frigida.

*imperium ecclesie*, vt etiam sese exfereret in *res inanimatas*, et earum motum ordinarium miraculoso modo sistere vel mutare posset. Plenior est *ordo V.* quo totus apparatus misfaticus, qui præcedebat iudicium aquæ frigidæ, refertur, et similis *imperiosus iussus* ad aquam frigidam dirigitur: *adiurata autem præcipimus tibi, vt per nomen eius obedias, cui omnis creatura seruit.*

§. XI. Præ ceteris notari meretur ritus *probationis per aquam frigidam*, qui EVGENIO II. vulgo adscribitur, quem refert MABILLON. in *veter. analect. p. 161. nouiss. edit. in fol.* in cuius calce hæc reperiuntur: "hoc autem iudicium cre-  
 „vit omnipotens Deus, et verum est, et per dominum EV-  
 „GENIVM Apostolicum inuentum est, vt omnes episcopi et  
 „abbates, comites, seu omnes christiani per vniuersum or-  
 „bem eum obseruare studeant, quia a multis probatum est,  
 „et verum inuentum est. Ideo enim ab illis inuentum est  
 „et institutum, vt nulli liceat super sanctum altare manum  
 „ponere, neque super reliquias vel sanctorum corpora iu-  
 „rare." Eundem ritum exhibet BALVZIVS *cit. l. p. 644* in cuius fine refertur, *hoc iudicium, petente domino HVLDOVI-  
 co imperatore constituisse beatum EVGENIVM, et misisse in Franciam, vt addit MABILLON. in annot. cit. l. p. 162.* Ad petitionem LVDOVICI hunc ritum conditum fuisse, vix probabile est, quod post obitum EVGENII idem imperator anno 828. in concilio Aquisgranensi examen aquæ frigide interdix-  
 rit, id minime facturus, si ad ipsius instantiam papa hunc ritum constituisset. Ex vetusto codice MSCto primus sub hac formula hunc ritum edidit FR. IVRETVS in *not. ad epist. Iuonis p. 91.* vnde sine dubio BALVZIVS eum repetiit. Sed inuat, ipsum modum a pontifice præscriptum hic adicere:

Ritus ab Eu-  
genio II. præ-  
scriptus huic  
iudicio.

Ritus proban-  
di per aquam  
frigidam Eu-  
genianus



„cum homines vis mittere ad probationem, ita facere de-  
 „bes : accipe illos, quos voluntatem habes mittere in a-  
 „qua; duc eos in ecclesia, et coram omnibus illis cantet  
 „presbyter missam, et faciat eos ad ipsam missam offerre.  
 „Cum autem ad communionem venerint, antequam  
 „communicent, interroget eos sacerdos cum coniura-  
 „tione ita dicens : adiuro vos homines per patrem et fili-  
 „um et spiritum sanctum, et per vestram christianitatem,  
 „quam suscepistis, et vnigenitum filium dei, et per sanctam  
 „trinitatem et per sanctum euangelium, et per istas reliquias,  
 „quæ in ista sunt ecclesia, vt non præsumatis vlllo modo com-  
 „municare, neque accedere ad altare; si vos hoc fecistis, aut  
 „consensistis, aut scitis quis hoc egerit. Si autem omnes  
 „tacuerint, et nullus hoc dixerit, accedat sacerdos ad alta-  
 „re, et communicet eos. Postea vero dicat ad illos, quos  
 „communicat : corpus hoc et sanguis domini nostri Iesu  
 „Christi sit vobis ad probationem hodie. Expleta missa, fa-  
 „ciat aquam benedictam, et accipiat sacerdos ipsam aquam,  
 „ibitque ad illum locum, vbi homines probabuntur. Cum  
 „autem venerint ad ipsum locum, det illis bibere de aqua  
 „benedicta, dicens ad vnumquemque : hæc aqua fiat tibi ad  
 „probationem. Postea vero coniuret aquam, vbi illos mit-  
 „tit. Post coniurationem aquæ, exuat illos vestimentis eo-  
 „rum, et faciat eos per singulos osculare sanctum euangeli-  
 „um et crucem Christi. Et postea super vnumquemque ad-  
 „spergat de aqua benedicta, et proficiat singulos in aqua.  
 „Hæc omnia facere debes ieiunus; neque illi ante mandu-  
 „cent, qui ipsos mittunt in aqua.” Ipsa coniuratio homi-  
 „nis hac formula continetur : “adiuro te homo N. per inuo-  
 „cationem domini nostri Iesu Christi et per iudicium aquæ  
 „frigidæ. Adiuro te per patrem et filium et spiritum san-  
 „ctum,

formula con-  
 iurationis

„ctum, et per trinitatem inseparabilem, et per domihum  
 „nostrum Iesum Christum, et per omnes angelos et archan-  
 „gelos et per diem tremendi iudicii, et per quatuor euange-  
 „listas, Matthæum, Marcum, Lucam et Ioannem, et per  
 „duodecim apostolos, et per duodecim prophetas, et per  
 „omnes sanctos Dei, et per principatus et potestates, per  
 „dominationes et virtutes et per thronos Cherubin et Sera-  
 „phin, et per tres pueros Sadrac Mesach et Abdenago, et  
 „per centum quadraginta quatuor millia, qui pro Christi no-  
 „mine passi sunt, et per illum baptismum, quo sacerdos te  
 „regeneravit: vt si de hoc furto scisti, aut vidisti, aut ba-  
 „iulasti, aut in domum tuam recepisti, aut consentiens aut  
 „consentaneus exinde fuisti, aut si habes cor incrassatum  
 „vel induratum, euanescat cor tuum, et non suscipiat te a-  
 „qua, neque vllum maleficium contra hoc præualeat, sed  
 „manifestetur. Propterea obnixè te deprecamur, domine  
 „Iesu Christe, fac SIGNVM tale, vt si culpabilis est hic ho-  
 „mo, nullatenus recipiatur ab aqua. Hoc autem domine Ie-  
 „su Christe, fac ad laudem et gloriam per inuocationem no-  
 „minis tui, vt omnes cognoscant, quia tu es Dominus no-  
 „ster, qui cum patre et spiritu sancto viuis et regnas Deus  
 „in sæcula seculorum Amen.” Rursus ex hac formula li-  
 „quet, id hac coniuratione actum fuisse, vt signo quodam mi-  
 „raculoso Deus manifestaret crimen, de quo quis insimulatus  
 „erat. Hoc pariter omnes intenderunt, qui crimine magiæ  
 „probationem per aquam frigidam necessariam vtilemque cre-  
 „diderunt, in quo merito protestantes hunc quondam adhibentes  
 „probandi modum, culpandi, qui nec exorcismis aut adiuratio-  
 „nibus vtuntur, nec se salua conscientia vtì posse credunt; nec  
 „signa miraculosa more superstitionis monastice a DEO extor-  
 „quere debent, qui signis non tentandus; nec denique iudi-  
 „ciorum

qua miracu-  
 lum pronoca-  
 unt

ciorum Westphalicorum rudera, ex quibus in *magia* hæc probatio diu retenta fuit, aliquem amplius locum relinquere possunt, postquam *Carolina constitutione* sanior processus substitutus. Sed superest, ut *orationem ad aquam benedictam* ex ritu EVGENIO adscripto addam: "suppliciter te, domine, Iesu Christe, deprecamur, tale præsentialiter facere dignare signum, ut si iste, quod ei obicitur, est in aliquo culpabilis, non suscipiat eum hæc aqua, sed evanescat ipse, et nullatenus modo intro recipiat. Hoc autem, domine, Iesu Christe, fac ad laudem et gloriam, ad inuocationem nominis tui, ut omnes cognoscant, quia tu es Deus verus, et præter te non est alius, qui viuit et regnat cum Deo patre in unitate spiritus sancti per infinita secula seculorum. Amen." Rursum hæc preces indicant, ritum hunc eo directum fuisse, ut miraculo quodam Deus veritatem facti manifestaret.

*Ritus tamen  
iste per fabu-  
lam adscribi-  
tur Eugenio  
II.*

§. XII. Sicuti vero iam obseruaui, LVDOVICI instinctu ab EVGENIO II. hunc ritum vniuersis ecclesiis non esse præscriptum, ita merito in dubium vocat quoque NATALIS ALEXANDER in *histor. eccl. seculi IX. et X. cap. 1. art. 4. tom. VI. p. 6.* vtrum EVGENIVS II. autor huius ritus habendus sit? Afferere id non dubitauit MABILLON *cit. loc.* et cum eo HERTIVS de *inspect. ocul. §. 18.* fide membranæ Remigianæ peruetustæ *seculo IX.* exarata. Verum facile concedo, hanc membranam superstizioso hoc seculo exaratam fuisse, eius tamen autor non EVGENIVS II. papa, sed *monachus* quidam ineptus in Gallia fuit, qui sub nomine EVGENII II. hunc modum, per *aquam frigidam* probandi delinquentes, determinauit, ut eo maiorem autoritatem in Gallia et Germania, quæ huic probationi nimis adhæserunt, ei acquireret. Ipsa  
formula



formula adiurationis magis ad monasteriorum sordes, quam EVGENII II. doctrinam est composita, nec credendum pontificem praxin iuramentorum, in ecclesia huc vsque vſitate, posposuisse huic spurio probandi modo, et prohibuisse vſum iuramentorum super altare vel reliquias martyrum. Nec denique LVDOVICVS pius, EVGENIO II. admodum deditus, hunc abrogasset ritum in concilio Aquisgranensi, si a pontifice hoc approbatus fuisset. Verba canonis 12. sunt: *ut examen aque frigidae, quod haſtenus faciebant, a missis nostris interdicator, ne ulterius fiat.* Anno 829. hic canon conditus, vix mortuo EVGENIO II, cuius memoriam hoc ipſo perſtrinxisset imperator, si pontifex eundem fanciuiſſet. Sed fabricator pseudo-Eugenianae formulæ sine dubio id vnice egit, vt huic canonis apponeret auctoritatem EVGENII II. ad minimum post lapſum temporis, quo quævis fabulæ olim facilius fidem merebantur. Neque enim hæc formula ſeculo IX, quo exarata est, innotuit, aut eius mentio facta est, quod paucis demonstrandum. Eodem ſeculo adhuc floruit

*Hincmarus  
hæc fabula  
ignota.*

HINC MARVS Remensis, qui tom. II. epist. 39. p. 676. ad Hildegarium episcopum Meldensem de iudicio aque frigidae epistolam scripsit, illudque qualibuscunque argumentis propugnare annititur. Argumenta pro iudicii huius defensionem adlata parum stringunt, et mysticum vnice redolent spiritum. Nullum solidius vero pro eius patrocinio adſerre potuiſſet fulcrum, quam ex EVGENII II. ritu, si hunc ipſum determinasset, si omnibus episcopis atque comitibus eum iniunxiſſet. Formatur sibi grauem dubitandi rationem p. 684. inquit: *nec prætereundum, quia legimus in capitulis Augustorum, fuisse veritum frigidae aque iudicium.* Facile vero hunc potuiſſet ſoluere nodum, si EVGENII II. in promptu fuisset præceptum, cuius auctoritate præceptum LVDOVICI sine

Tom. IV.

Y

nego-

negotio diluere potuisset. De illo vero altum silentium: id vnice regerit; id non fuisse vetitum in illis capitulis *synodalibus*, quæ de certis accepimus *synodis*, vt eius verba reseramus. Nam opinatus est, hanc causam vtrum verbo diuino et doctrinæ ecclesiæ repugnet nec ne? prius examinandam in synodo patrum, quod *ecclesiastica*, iudicium Dei concernens, non *secularis* sit. Si ergo iam ab *EVGENIO II.* fuisset hæc lis composita, frustra et sine ratione prouocasset ad synodum. Cetera argumenta *HINC MARI* lusum magis ingenii mystici quam veritatis demonstrationem spirant. Inapte petit a baptisate ratiocinium hoc: "Nam et quando qui putatur et qui est noxius in aquam examinandus dimittitur a dimittentibus, secundum quendam modum formæ baptismatis, dominus inuocatur, quatenus veritas, vnde requiritur, demonstretur, et tenebras ignorantix nostris illuminare dignetur, ne aut innocens iniuste a nobis damnetur, aut nocens sua negatione aut diabolica fraude aliquo modo impunitus euadat etc." Absurde prouocat ad apostoli verba. *1. Cor. V, 7. expurgate vetus fermentum*: quæ paraphrasi sequente circumscribit, vt causæ suæ seruiant: *reputatum de crimine atque negantem, quem idoneis testibus iudiciario ordine comprobare nequitis, aut sacramento aut Dei iudicio expurgate.* Ineptior interpretatio excogitari non potuit, cuius occasio inde capta est, quod hi modi probandi *purgationes* appellati fuerint, adeoque censuerit, *PAVLUM* iam digito in verbo: *expurgate*, monstrasse hos spurios probandi modos. *IDEM* de diuortio *Lotarii et Teutbergæ* anno 860. opusculum tom. I. edidit, in quo rursus *aquæ feruentis et frigide iudicii* p. 604. sqq. causam agit, ad *EVGENII II.* præceptum tamen minime prouocat, certo indicio, illud adhuc latuisse, quod tamen ad *episcopos Galliæ* misisse dicitur.

Rur-

licet insulsis  
argumentis  
ritum ipse ab  
eo probetur.

Rurfus vero argumentis mysticis hanc causam instruit, sed admodum futilibus. Putat, sicuti mare baptismi designans nihil in se mortuum retinet, sed elicit, ita criminibus infectum et spiritualiter mortuum aquis non mergi, sed ab eis eiici: "conligari eum fune, qui examinandus in aquam dimittitur, quia funibus peccatorum suorum unusquisque constringitur. *Addit p. 609., baptismi esse iudicium, unde et Iordanis baptismi designans interpretatur riuus iudicii, quo princeps mundi mendax et pater eius foras eiicitur, et baptismus Dei est consilium, DIVINI VIRI ad ignota inuestiganda inueniunt iudicium aquæ frigida, in quo aquæ frigida iudicio, ad inuocationem veritatis, quæ Deus est, qui veritatem mendacio cupit obtegere, in aquis, super quas vox Dei maiestatis intonuit, non potest mergi, quia pura natura aquæ naturam humanam per aquam baptismatis ab omni mendacii figmento purgatam, iterum mendacio infectam, non recognoscit puram, et ideo eam non recipit, sed reiecit ut alienam etc."* A diuinis viris hoc iudicium aquæ frigida inuentum somniat HINC MARVS, nisi forsitan intelligat monachos superstitione stupidissima infectos, quorum superstio fucata huiusmodi stupidis fulcris erat munienda.

§. XIII. Denique nullo idoneo argumento demonstrari <sup>Nunquam</sup> potest, has spurias probationes vnquam papas approbasse. <sup>pontifices hos spurios modos</sup> quas potius magis damnarunt, et iuriurando omnem <sup>probant.</sup> iudicii diuini autoritatem dederunt. ALEXANDRI II. sententia, quæ in c. 7. C. 2. qu. 5. refertur et cum c. 11. *ibid.* coniungenda est, id aperte docet: "vulgarem denique ac nulla canonica sanctione fultam legem, seruientis scilicet siue frigida aquæ, ignitque ferri contactum, aut cuiuslibet popularis inuentionis (quia fabricante hæc sunt omnino ficta



„inuidia: ) nec ipsum exhibere, nec aliquo modo te volumus  
 „postulare, imo apostolica autoritate prohibemus firmissime.  
 Idem censuit STEPHANVS V. in c. 20. C. 2. qu. 5. „nam ferri  
 „candentis vel aquæ feruentis examinatione confessionem  
 „extorqueri a quolibet sacri non censent canones, et quod  
 „sanctorum patrum documento sancitum non est, supersti-  
 „tiosa adinventione non est præsumendum.” Vix probabi-  
 le est, pontifices tam absoluta prohibitionem reprobasse has  
*spurias probationes*, si ab EVGENIO II. iudicium *aquæ frigi-  
 dæ* receptum, ipsique iuramento prælatum fuisset. Qua de  
 causa IVO Carnotensis episcopus *epist. 91.* tanta fiducia ad has  
 sanctiones prouocat, et spurias probationes ab omni *canoni-  
 ca doctrina* alienas pronunciat. Nec minus LVCIVS III., cuius  
 sententia refertur in *concil. Lateran. III. de anno 1179. cap.  
 50.* apud HARDVIN. tom. VI. P. 2. p. 1870. placita prædecesso-  
 rum secutus aquæ frigidæ iudicium reprobauit. Relatum  
 ipsi erat, presbyterum quendam, de homicidio infamatum,  
*iudicio aque frigidæ innocentiam suam purgauisse, et episco-  
 pum suis illum literis absoluisse.* Quia vero, pergit, cum  
*peregrina iudicia a sacris canonibus sunt inhibita, purgatio-  
 nem quam præstitit, non sufficere putamus.* Mandat itaque  
 vt cum septima vel quinta manu per *canonicam purgationem*  
*suam innocentiam ostendat.* Modum posteriorem *canonicam*  
 esse censuit, quod canonibus antiquis et doctrinæ curiæ Ro-  
 manæ conformis, prior autem *peregrinus*, antiquatus, seu  
 populis peregrinis et barbaris proprius sit. Rectius forsan  
 diceret, cum *quisquiliis monasticis* accensendum. Cum e-  
 nim tot formulas in his iudiciis vsitatas offendamus, a qui-  
 bus abhorruerunt saniores, vix probabile est, extra claustrum  
 monachorum, in quibus superstitio sedem habuit, eas procultas  
 et fabricatas fuisse, in quorum conditoriis et bibliothecis etiam  
 diligenter asseruata sunt.

§. XIV.

§. XIV. Neutiquam vero prætereundum, abusum *ex-* <sup>*Exorcismo-*</sup>  
*orcismorum* his probationibus accessisse non ex instituto quod- <sup>*rum abusus*</sup>  
 dam patrum ecclesiæ, qui illos his vñbus non destinauerant,  
 vt rerum inanimatorum naturam immutarent, et imperium  
 quoddam miraculosum in eas exercerent, sed sine dubio *ex*  
*superstitiosis monachorum inuentionibus*, vt his incantationi-  
 bus miraculum quoddam prouocarent. Hæc doctrina cum  
 institutis ecclesiæ et patrum minime conspirabat, ad supersti-  
 tionem vero monachorum propius accedebat, quo *autori-*  
*tatem diuinam* his ritibus acquirerent. *Exorcizare* olim ni- <sup>*quid olim fue-*</sup>  
 hil aliud erat, quam diabolum ex corporibus, quæ obse- <sup>*riant*</sup>  
 derat, exigere, addita per DEI nomen obtestatione, quam  
 vulgo *coniurationem* vel *adiurationem* vocabant. Dono hoc  
 miraculoso quosdam in primitiua ecclesia, etiam laicos in-  
 structos fuisse, plus quam notum est, teste TERTULLIANO *de*  
*corona milit. c. XI. et de idololatr. c. XI.* Nescio vero, quo  
 consilio factum fuerit, vt ea, quæ *extraordinario* dono vni-  
 ce accepta serenda, ad *munus ordinarium* in ecclesia Latina  
 fuerint relata, exorcistis in vñum hunc institutis. Horum <sup>*vñus anti-*</sup>  
 officium tamen vnice versabatur circa *energumenos* et *ba-* <sup>*quos*</sup>  
*ptizandos*. Hunc in finem formulæ *exorcismorum* præscri-  
 ptæ, ab exorcistis recitandæ. Nam ex ISIDORI Hispalensis  
*epist. ad Landefredum* constat, ad exorcistam pertinere, *ex-*  
*orcismos memoriter retinere, manus super energumenos et ca-*  
*techumenos exorcizandos imponere.* Tempore MARTINI epi-  
 scopi, monasticis præceptis instituti, iam *turbo verborum*  
 adhibebatur, a quibus tamen ipse abstinebat. Ait SVLPICIUS  
 SEVERVS *dial. III. c. 6.* “Si quando autem exorcizandorum  
 „dæmonum Martinus operam recepisset, neminem manibus  
 „attrectabat, neminem sermonibus increpabat, sicut plerum-  
 „que per clericos rotatur turbo verborum; sed, admotis

„energumenis, ceteros iubeat abscedere, et foribus obse-  
 „ratis, in medio ecclesiae cilicio circumtectus, cinere resper-  
 „sus, solo stratus orabat.” His verbis iam notauit clericos  
 sui temporis *SULPICIVS*, carminibus exorcismorum vnice o-  
 mnem virtutem eiciendi daemones adscribentes; et maior  
 abusus accessit, postquam virtus eorum etiam extensa ad re-  
 rum inanimatarum naturam transformandam, eisque singu-  
 larem et nouam virtutem assignandam.

*Abusus recen-  
 tior in exor-  
 cizandis re-  
 bus inanima-  
 tis*

*ut aqua,*

*salis,*

§. XV. Occasionem huic abusui dederunt tot noui ri-  
 tus, in coniurationibus Daemonum adhibiti veluti per adsper-  
 sionem *aquae benedictae*, et *salis* adhibitionem. His rebus  
 inanimatis, peruerso plane more, adhibiti exorcismi, hac  
 intentione, vt singulares operationes, eiectionis daemones,  
 ederent. Hinc formula in *benedictione aquae* adhibita apud  
*MARTENIVM tom. III. de antiq. eccl. ritibus lib. III. c. 9. p.*  
*499. adiuro te CREATVRA AQVAE in nomine Iesu Chri-*  
*sti Nazareni, filii DEI viui regis et iudicis nostri, vt sis*  
*purgata in sanctificationem omnibus, et ne communices vlllo*  
*spiritui immundo, sed dabis honorem viuenti atque regnanti*  
*patri et filio et spiritui sancto in seculo seculorum. Pariter in*  
*benedictione salis apud EYNDEN cit. l. p. 507. Exorcizo te*  
*CREATVRA SALIS per Deum creatorem et creaturarum*  
*omnium creatorem; et qui inter reliqua sua opera adiungere*  
*dignatus est virtutem salis et ignis, vt armata per spiritum*  
*sanctum virtute coelesti grauissimum persequaris inimicum. Vn-*  
*de TV CREATVRA salis in praesenti opere implicata, in vir-*  
*tute sancta domini nostri Iesu Christi persequere diabolum et*  
*omnes insidias eius, et ab hominum, ubicunque perfusa fue-*  
*ris, visceribus absque vlla molestia omnes infirmitates expelle,*  
*et omni accipienti animae profutura ad salutem perpetuam fias,*  
*et*

et perniciem perpetuæ ultionis excludas. Per eum, qui venturus. Hunc morem constanter retinuit ecclesia Romana, ut quoties sal benedictum cum aqua adhiberi solet, ut in consecratione ecclesiarum etc. per formulam exorcismi ad creaturam salis et aquæ directam hoc expediatur, ut docet formula in pontific. Romano p. 282. sq. Simili formula vitur in benedictione olei infirmorum iuxta pontificale Rom. olei; p. 572. in qua tamen magis dirigitur ad Dæmonem seu immundissimum spiritum, ut recedat ab hoc oleo, quasi illi incumberet. Huiusmodi ritus facile opinionem monachis aliisque clericis ingenerare potuere, per exorcismos a creaturis inanimatis expelli Dæmones, atque his ciectis, illis miraculosam diuinamque virtutem attribui, ut etiam occultissima per illas manifestari possent. Id indicant tot exorcismi, tot preces, tot præcepta autoritate imperatiua ad creaturas directa, quæ in credulis persuasione cæcam et irrationabilem, in sanioribus vero iustum dolorem et indignationem operantur, quod superstitio his carminibus quotidie promota fuerit. Non ergo mirandum, hos exorcismos HINC MARVM aliosque induxisse, ut probationes has spurias propugnarent, sibi ac aliis persuaderent, exorcismis aquæ frigide, calide, ferro candenti, pani imo ipsi rogo aqua frigida, accenso imperari posse, ut motum ordinarium vel in casu calida, ferro, innocentia, vel criminis commissi sisterent, et motum ex- rogo, pane. traordinarium, suæ naturæ contrarium, ederent. Quodsi allegas, hoc superstitiosum et ideo prohibitum esse; recte regeri potest, exorcismos hos tamen adhuc hodie ex eadem intentione in benedictione salis, aquæ, olei etc. adhiberi, vel, hoc negato, inanes et æque superstitiosas esse. Hoc quodammodo admittit DANDINVS de hæres. c. II. sect. II. subsect. 3. §. 3. n. 6. p. 174. asserens, exorcismos licet mi- de quibus Dandini iudicium adfer- nistren-

nistrentur a viris sanctissimis, non obtinere certo effectum. „Non est enim conforme, *ait*, ordini diuinæ providentiæ, „vt exorcismi nostris temporibus, quibus non indigemus „fidei nostræ testimoniis, scilicet miraculis, vt dæmonum „expulsionem operentur; nec ecclesia instituit exorcismos, „qui ex opere operato instar sacramentorum agerent; siqui- „dem solo imperio in primitiua ecclesia pellebantur Dæmo- „nes; sed tantum instituit quasdam orationes imprecatorias; „quibus prohibuit aliquid addi ob vanitatis periculum.” Si ergo ex sententia DANDINI Dæmonum expulsionem non cō- rantur exorcismi: si non possunt miraculum edere, frustra et in vanum tot apparatus sacri fiunt: frustra diabolo *vi im- peratiua* iniungitur, vt recedat a *creaturis inanimatis*: imo frustra intenditur, vt nouam hæ virtutem, expulsio diabolo, accipiant. Videlicet omnis in hoc est DANDINVS *cit. l. p. 153.* vt Dæmoni magnam virtutem in quouis elementa adscribat, vt in aquam, terram, ventos, aliaque operari queat, adeoque, quod tamen dissimulat, inde inferre debuit, prius expellendum esse diabolum a creaturis salis, aquæ, olei, ceterarum, vt *virtutem diuinam* accipere queant, id quod infigne *superstitionis* argumentum est.

*Superest ad-  
huc hodie in  
quibusdam la-  
cis iudicium  
aqua frigida.*

§. XVI. Denique, vt reuertar, vnde abii, postquam hic ritus cum similibus decretis tum pontificum tum imperantium damnatus est, clericorum officium prorsus tandem in his cessauit, imo plerique penitus abrogati sunt, si *iudicium per aquam frigidam* exceperis. Hoc enim in *crimine magiæ* ex antiqua iudiciorum Westphalicorum praxi adhuc circa finem sæculi præcedentis in vñ fuit, vt ex actis obseruauit PRAESES, imo in Hungaria adhuc regnat, vt in *Lexico vniuersali Historico Lipsiæ edito sub articulo Siebenbürgen*  
tom.



tom. IV. p. 343. refertur. Quia vero clericis iniunctum est, <sup>sine exorcis-</sup> ne exorcismos et reliquum apparatus sacrum probationi per <sup>mis</sup> aquam frigidam adhiberent, his omis-  
 sis (quod stultius est) fiduciam vnice in aqua collocarunt omnem, et ab ea per  
 summam stultitiam iudicium veri petere cœperunt. Id etiam  
 obseruauit DELRIO, notante CANGIO in gloss. voce aqua frigi-  
 da, docetque examen per aquam hâsisse postmodum in solo cri-  
 mine maleficii seu magiæ, ita tamen, vt sine vlla DE I inuo-  
 catione, sine vllò ritu pietatis aliquid præferente, quasi per  
 ludum iudices abutantur in quibusdam Germaniæ regionibus.  
 Quas enim, pergit, fama vel aliarum depositione suspectas ha-  
 bent, eas statim absque vltiori inquisitione capiunt, captas-  
 que extra urbem deducunt, et in aquam frigidam ita coniici-  
 unt, vt dextra manus sinistro pedi sit alligata, et si superna-  
 rant, veneficas vehementius suspicantur, et idcirco duxiori  
 subiiciunt questioni: sin submergantur, innocentes esse putant:  
 magicis prestigiis, vt par est credere, adscribentes, si super-  
 natent. Hæc methodus noua, a prisco modo probandi reos  
 delicti cuiusdam prorsus discrepans propius accedit ad anti-  
 quorum populorum Germaniæ credulitatem et persuasionem  
 idololatricam, qua simpliciter virtutem explorandi ignota Rhe-  
 no adscribebant, postea, prohibitis ritibus sacris quibusuis  
 aquis adscriptam.

§. XVII. Sed etiam aliæ et nouæ rationes adsumtz, cre-  
 ditumque, sagas, a diabolo possessas, pondus naturale amit-  
 tere, et ita mergi non posse. Quæ ratio forsân II) nouæ il-  
 li probationi, per pondus seu lancem et stateram explorandi  
 sagas, originem dedit, quæ est recentioris instituti etiam o-  
 lim in Germania vsitata, si credendum MARTINO DELRIO in  
 disq. mag. lib. IV. c. 4. qu. 6. Hanc in eo consistere volunt,  
 Tom. IV. Z li

*Probatio spu-  
 ria secunda  
 per lancem et  
 stateram.*

si sagæ vltra certum pondus veluti librarum 14. vel 15. stateram deprimere non possunt, quantumvis sint obesa et proceræ. Huius diaria ante aliquot annos mentionem fecere, prout in *nota subiecta* (a) circumstantias enarratas repetii.

## §. XVIII.

(a) Segedin von 26. Iulii Anno 1728. Da ohnlängst alhier unterschiedliche Personen benderley Geschlechts in gefängliche Verhaft eingezoget worden, weil selbige einiger Hererenen beschuldiget worden, als ist mit denselben nicht allein ein scharfes Examen vorgenommen, sondern auch nach Befindung derer Sachen, über sie das Urtheil verbrannt zu werden, gesprochen worden. Ehe und bevor aber solches an ihnen vollzogen worden, hat man die verurtheilten, nach hiesigen Gebrauch zur Probe gebracht, nemlich mit zusammen gebundenen Händen und Füßen, und einen langen Strick um Leib ins Wasser gelassen, welche aber nach Heren-Art, gleich einen Pantoffel Holz auf dem Wasser geschwommen: nach diesem wurden sie so gleich zur andern Probe gebracht, nemlich auf die Wage gelegt, um zu sehen, wie schwer einer oder der andere sey, dabey dann höchst zu bewundern gewesen, daß ein grosses und

dickes Weib nicht mehr als 1 und ein halbes Quent. ihr Mann, welcher auch nicht von den kleinsten war, nur 5 Quentlein, die übrigen aber durchgehends entweder 1 Loth, 3 Quintlein und noch weniger gewogen haben. Den 30. dieses Monats, als am vergangenen Freytag, wurde darauf das Urtheil an 13. Personen, nemlich 6 Heren-Weistern und 7 Heren vollzogen, und sie sämlich lebendig verbrennet, worunter auch der vorigen Jahres gewesene, und von jederman sonst geachtete Stadt-Richter, seines Alters 82 Jahr, den Scheiter-Hausen gezieret. Es ist fast nicht zu beschreiben, wie entsetzlich dieses Spectacul anzusehen war; es wurden drey Scheiter-Hauffen eine Stunde vor der Stadt aufgerichtet, also in der Mitte eines jeden ein grosser Pfahl eingegraben stunde; an diesen Pfahl nun wurden auf einen jeden Hauffen vier Maleficanten mit Stricken angebunden, alsdann eine Weibes-Per-

§. XVIII. Pari ritu sacro olim peragebatur, III) *iudicium aquae ferventis siue calidae*, vti vocatur apud LEIBNITI-<sup>Probationis spuria/species</sup>  
VM tom. I. script. Brunswic. p. 564. cuius ratio in eo confi-<sup>III. per aquam ferventem.</sup>  
stebat, vt probandus manum nudam in aquam ferventem et vche-

Person, welche nur vier Jahr unter ihrer Rotte gewesen, und den Brand noch nicht gehabt, decollirte: und auf dem müßlern Haufen zu denen angebundenen vieren, welche nach ihrer Charge oder Würde Ober-Capitain, Lieutenant, Fähndrich und Trompeter, genannt wurden, geworffen, darauf wurden alle drey Haufen, zugleich angezündet, und in volle Flammen gesetzt; und ob schon die Moleficanten eine gute viertel Stunde in denen umgebenden Flammen gelebet, so hat man dennoch nicht das geringste Geschrey von ihnen gehört, und ohngeachtet, daß sie auch alle äußerliche gute Zeichen gegen die ihnen zusprechende Geistlichen haben spühren lassen, so wollen doch viele an deren Seeligkeit zweifeln. Den dieser Compagnie wurde auch eine Hunzarische Hebamme zu Asche verbrannt, welche über 2000 Kinder ins Teufels Nahmen getauft. Mit nächsten soll das Urtheil überschickt werden. Es sitzen noch acht in Verhaft selbige sind auch schon

geschwenmet und gewogen worden, und halten die Heren Probe: eine ist darunter, welche grosses Leibes ist, und soll der Satan, nach Aussage obiger verbrannten Personen mit derselben umgegangen seyn. Gestern sind abermahl 20. Personen eingezogen worden. Man erzehlet unter andern, daß diese Heren-Rotte durch Veranlassung eines Schusters Sohn entdeckt worden sey. Dieser spielte eines Tages mit einen andern Knaben auf der Gasse, und sagte unter andern dieses zu demselben: Heute will ich denen Segedimern einen Spass machen, denn sie werden vermeinen einen Regen zu bekommen, sie werden sich aber betrogen finden, ich will ihnen ein grosses Wetter machen, wußt du auch mit halten? jener antwortete: er könne es nicht; dieser versetzte aber; ich will dir es schon lernen, es ist ganz leicht, und hat ihm, was er zu Machung der Wetter gebraucht, erzehlet; der andre aber

Z 2 sagte;

vehementia caloris bullientem immitteret, ita vt cocta manus nocentem, illata vero per *miraculum* innocentem ostenderet. Laudat hunc ritum pariter HINC MARVS *cit. l.* et variis mysticis rationibus more suo munit. Vt vero miraculo divino certitudo, credulis vero maior fiducia accederet, sacri ritus itidem cum *missa* et *exorcismis* huic probandi modo praescripti erant, quos recitat MARTENIVS *tom. III. de antiq. eccl. ritib. lib. III. c. 7. p. 473. 479. 490. in primis vero p. 492. sqq.* Exemplum litis iudicio candentis ferri, vt praefertur, commissa suppeditat *charta* anni 1208. „Vniuersis sancte matris ecclesie filiis, huius pagine lectoribus, Bartholdus Dei „gracia Prepositus maioris ecclesie in Hildensheim et Northun. \*Capituli iudex delegatus. B. Decanus omnisque „Conuentus Northunensis perpetuam in vero salutari salutem. Notum fieri cupimus omnibus, tributo mortalitatis obnoxiiis, tam in praesens tam in posterum, ne, quod se-

„pe

sagte; nein, ich verlange es nicht zu lernen; und gehen darauf von einander. Als es nun Mittag worden, und dieser Knabe bey seinen Eltern zum Essen war, erhob sich ein grausam starkes mit Hagel vermishtes Wetter, welches die dasigen Weingärten in Grund zu Boden zerschlugen. Indessen sagte des Knabens Vater bey dem Tisch: dieses Wetter kan unmöglich von sich selber also seyn, es muß etwas gemachtes darunter stecken.

Worauf sein Sohn ihm erzählte, was sich denselben Morgen zwischen ihm und des Schusters Sohn zugegetragen: der Vater zeigte es so gleich der Obrigkeit an, da wurde des Schusters Sohn ohne Verzug dahin gebracht, welcher gleich alles gestanden und zugleich auch unterschiedene Personen angefaßt, diese wurden so denn in Verhaft gezogen, worunter auch obbemeldeter Stadtrichter samt seinem Weibe begriffen waren.

„pe fit, res obliuione tenuetur, sed ad memoriam scripta  
 „cautione.reuocetur, quo iuris ordine, qua rationis firmi-  
 „tate, predium, quod dicitur Huserberg, vnde diu lis ver-  
 „tebatur inter Paterbornensem Ecclesiam et Northeimensem,  
 „*dei iudicio*, qui non nouit fallere, tandem Northheimensi  
 „cessit Cenobio. Venerabili viro, pie memorie Domino  
 „*Hermann*o, predicti Cenobii Abbate, viam vniuerse car-  
 „nis ingresso, successor ipsius eiusdem nominis, vna cum  
 „fratribus supra commissis querimoniam mouit super Inua-  
 „sionem eorundem bonorum, sicut a prememorato prede-  
 „cessore suo didicerat, qui sepe numero id ipsum conquestus  
 „fuerat. Et auxilio Aduocatorum, Comitum videlicet de  
 „Daisle, multis colloquiis proinde habitis, tandem secun-  
 „dum consilium multorum prudentium ac discretorum viro-  
 „rum, tam clericorum, quam laicorum; adhuc vsque de-  
 „uentum est, vt in locum, vbi eadem bona sita sunt, simul  
 „partes aduersę conuenientes, demonstratis terris agrorum  
 „ac silue, de quibus erat litigium, vnanimi partis vtriusque  
 „consensu, quia nequaquam alio modo poterat, negotium  
 „diuino iudicio committeretur. Datis ergo et acceptis vtri-  
 „usque fideiussoribus de ratihabitione pro parte Episcopi et  
 „Abbatis et Aduocatorum, nec non et ciuium, de iam dicta  
 „possessione litigantium, pena interposita, ne qua partium  
 „contra tale pactum resiliret, Domino Bernhardo Plebano  
 „in Hammenstede vicem Episcopi, vt ipse asserbat, tunc  
 „gerente, firmaque fide manu ad manum spondente, simul-  
 „que Domino Rodolfo de Moringen, officiali Domini Pa-  
 „terbornensis compromittente, quod hoc pactum firmum et  
 „inconuulsũ tam ab Episcopo quam ab omnibus ad ipsum  
 „pertinentibus teneretur. Iam pridem licentia Northunen-  
 „sis Capituli super hoc impetrata; *diuinum iudicium*, iuxta

„consuetudinem patrie diu obseruatum et approbatum, ce-  
 „lebratum est, Deo, qui personam hominis non accipit, ve-  
 „ritatem declarante, sicque prefata possessio Northeimensi  
 „cessit Ecclesie, qua iam multis annis indebite fuerat spo-  
 „liata. Vnde et inuasores eiusdem predii, manifesto dei  
 „conuicti iudicio, exhortante ac monente illos prenomi-  
 „nato B. sacerdote, compuncti, Dominum Abbatem et fra-  
 „tres, qui secum aderant, suppliciter postularunt, vt tam i-  
 „ptos quam predecessores eorum, qui in tali rapina de hac  
 „vita migrauerant, vinculo anathematis siue excommunica-  
 „tionis absoluerent, et dampna sibi et Ecclesie siue tanto tem-  
 „pore illata relaxerent. Quo facto, Dominus Abbas in con-  
 „tinenti possessionem sepedictam, in dei omnipotentis no-  
 „mine et auctoritate beatorum Apostolorum, Petri et Pauli,  
 „summiq[ue] pontificis, nec non et venerabilis Domini Sis-  
 „tridi, sancte Maguntine sedis Archiepiscopi, ac sua, Coe-  
 „nobio suo confirmauit. Quam scilicet confirmationem,  
 „ipso petente, in pleno Capitulo Northunensi, in virtute  
 „sancte trinitatis, auctoritate, qua fungimur, sub vinculo  
 „Anathematis roborauimus, nullo penitus reclamante: quod  
 „constat omnibus, qui hoc presentes viderunt, et audie-  
 „runt. Testes huius rei sunt: Dominus Bernhardus in Rin-  
 „gelin Abbas Dominus Alexander Abbas in Cella. Eck-  
 „bertus de Hagehusen, Canonicus Northunensis. Eppo Ar-  
 „chidiaconus. Albero Diaconus. Wedekindus Parochianus  
 „in Northeim et Holthusen. Henricus sacerdos in Hockelem.  
 „Stephanus plebanus in Hildesse. Hartungus parochianus  
 „in Honstedt. Iohannes presbiter in Edisse. Helmwicus sa-  
 „cerdos in Aleshusen. Basilius plebanus in Nienstede. Helm-  
 „wicus presbiter in Eluerdischusen. Henricus sacerdos in Mo-  
 „ringen. Insuper ipse Dominus Northeimensis Abbas, Da-  
 „niel

„niel Prior, Conradus prepositus et omnis congregatio eius-  
 „dem Cœnobii. Laici: Iohannes de Roringen. Henricus de  
 „Berckenuelde. Iohannes de Northheim. Ecbertus de  
 „Holthusen. Alexander et Wicelinus de Dorstat. Fridericus  
 „in Eluerdischusen. Rotholfus de Moringen. Tetmarus  
 „de Suthrode. Preterea omnes ciues de Northheim, aliique  
 „quam plures. Actum in loco campestri, qui dicitur Hu-  
 „serberg, die nonarum Iulii Anno Domini M.CC.VIII. In-  
 „dictione nona. Regnante serenissimo Domino Ottone hu-  
 „ius nominis quarto, Romanorum rege semper Augusto.  
 „Itaque propter eos, qui dicunt bonum malum, et verita-  
 „tem mutant in mendacium, ne libera eis relinquatur facul-  
 „tas malignandi, presentem scribi fecimus actionem, et hu-  
 „ius facti memoriam nostro testimonio per appensionem si-  
 „gillorum nostrorum roboramus.” Litem fallaci iudicio  
 „sic decisam anno sequenti confirmavit Archiepiscopus Mo-  
 „guntinus. “Sifridus dei gracia sancte Maguntine sedis Ar-  
 „chiepiscopus. Vniuersis fidelibus, presentem paginam in-  
 „specturis, salutem in Domino. Cum dilectus in Christo  
 „filius N. Abbas Northheimensis nobis conquestus fuisset,  
 „quod Bernhardus, sacerdos de Hammenstede, ipsum in  
 „quibusdam prediis et Huserbergk, ad Ecclesiam suam spe-  
 „ctantibus, contra iusticiam molestaret, ad presentiam no-  
 „stram partes ipsas citauimus, iustam a nobis, auctore deo,  
 „cause sue sententiam recepturas. Quibus termino consti-  
 „tuto comparentibus coram nobis, dilectos nostros, Con-  
 „radum, maioris Ecclesie Maguntine et Simpertum de Hil-  
 „ligenstadt prepositos, et Magistrum Andream, maioris Ec-  
 „clesie Spirensis Scholasticum, dedimus auditores: in quo-  
 „rum presentia dictus Abbas proposuit, quod, cum memo-  
 „ratus sacerdos ipsum nomine Padebornensis Ecclesie super  
 „pre-

„prediis antedictis impeteret, constitutus de eadem Ecclesia  
 „Procurator, post diuersas allegationes, tandem et ipsi Ab-  
 „bati et eidem procuratori complacuit, causam ipsam *can-*  
 „*dentis ferri* iudicio trutinare, fide data vtrisque firmanti-  
 „bus, quod quicquid eodem iudicio contingeret declarari,  
 „firmum ab eis haberetur et ratum. Quod cum habuisset  
 „processum, et Abbas predictus per huiusmodi iudicium  
 „obtinuisset predia supradicta; idem tamen sacerdos ipsum  
 „super eisdem non est veritus contra iusticiam post modum  
 „aggrauare. Nominato autem sacerdote econtrario respon-  
 „dente, quod, licet se tunc pro Paterbornensis Ecclesie pro-  
 „curatore gessisset, non fuisse tamen constitutus pro-  
 „curator ab ea; supradictus Abbas paratus erat per testes fi-  
 „de dignos in continenti probare, et quod dictus sacerdos  
 „verus fuerat procurator, et quod aliis suffragaretur veri-  
 „tas, que proposuerat coram auditoribus nominatis. Qui  
 „recipientes testes ab eodem Abbate productos, per depo-  
 „sitiones eorum, nec non et per scripta authentica liquido  
 „didicerunt, intencionem Abbatis esse luce veritatis per o-  
 „mnia roboratam. Nos itaque, diligenter auditis, que  
 „nobis auditores ipsi super hoc negotio recitarunt, secun-  
 „dum quod proposita fuerant coram eis, Abbatem predi-  
 „ctum ab impetitione clerici memorati duximus absolu-  
 „dum, eidem clerico super hac causa silentium perpetuum  
 „imponentes. Datum *Rusteberg* dominice incarnationis  
 „Anno M. CC. IX. X. Calend. Octobris.” Iudicii in eadem  
 „causa adhibiti mentionem repetit charta de a. 1219. “B. dei  
 „gracia Hildensheimensis Ecclesie prepositus et Ecclesie  
 „Northunensis Iudex delegatus. Vniuersis Christi fidelibus,  
 „ad quos presens scriptum peruenerit, salutem in vero salu-  
 „tari. Notum sit omnibus, quod Dominus Abbas et Ec-  
 „clesia



„Ecclesia Northeimensis bona quedam, in Huserberge sita,  
 „iudicio diuino, scilicet candenti ferro, sicut asseruit, ob-  
 „tinuit. Et hec coram nobis in Capitulo Northunensi ex  
 „parte ipsius Abbatis et iam dicte Ecclesie sunt proposita.  
 „Vnde nos, ordine iuris inducti, eadem bona iam sepius  
 „dicta Abbati et Ecclesie Northeimensis, vt tenebamur, ban-  
 „no nostro in presentia Northunensis, Capituli confirmaui-  
 „mus, et sigilli nostri appensione communiuimus. Datum  
 „Anno Domini Millesimo ducentesimo decimo nono. ter-  
 „tio Kaled. Octobris.

§. XIX. Huic simile fuit (IV) iudicium per *ferrum* Quarta per  
*candens* vel per *vomeres ignitos*, aut denique per (V) *rogum* ferrum can-  
*accensum*, quem probaturus innocentiam suam pertransire co- dens et vom-  
 gebatur. Vtriusque exempla iam supra §. VIII. et IX. ad- res ignitos.  
 ducta sunt. Alia addit LEIBNITIVS *tom. I. script. Brunswic.* Quinta per  
*p. 563. tom. II. p. 608. et tom. III. p. 309. et HEINIVS de pro-* rogum.  
*bat. quæ olim fiebat per ignem et aq. p. 3. sqq. inter quæ emi-*  
 net RVNIGVNDÆ HENRICI S. vxoris probatio per *vomeres i-*  
*gnitos*, quam refert AVTOR *vite S. Henrici* apud CANISIVM  
*in lect. antiq. tom. III. P. 2. p. 29. edit. Basnag. Conf. PISTOR.*  
*tom. II. p. 329. edit. Struu.*

§. XX. (VI.) Per *crucis iudicium* probatio facta sine 6) *crucis iu-*  
 dubio eandem originem cum iudicio per *iuramentum ad re-* dicium,  
*liquias* vel *sepulera SS.* habuit. Obseruauit PRAESES *diff.*  
*de vsu iuramenti purgat. in criminal. §. XII. sqq.* iuramenti  
 huius originem deducendam esse ex virtute miraculosa *reli-*  
*quiarum* vel *sepulcrorum martyrum*, in quorum presentia iu-  
 ramenta hæc præstabantur, et credulis terror hoc modo in-  
 cutiebatur, ne fidem temere fallerent, persuasissimumque  
 Tom. IV. Aa habe-

cuius magna  
olim autori-  
tas.

haberent, Deum hoc iudicio veritatem miraculoso modo revelaturum esse. Pari ratione *impositio* vel *praesentia crucis*, cuius magna olim veneratio, obſervante LIPſIO *de cruce c. XVI.* atque miraculoſa virtus, eandem ingeneravit credulis perſuaſionem, hoc ſigno Deum occulta in lucem protrahiturum eſſe. DAMASCENVS *lib. IV. de orig. fid.* magnam cruci adſignat virtutem: eſt, ait, *clypeus et armatura, et tropaeum contra diabolum, ſignaculum, ne tangat nos euerſor, iacentium erectio, ſtantium fulcrum, infirmorum ſcizio, paſſorum virga, reuertentium manuſcizio, proſcientium perfectio, animae conſervatio et corporis, omnium malorum auerſio, omnium bonorum conciliatio, peccati pernicies, ſtirps reſurrectionis, lignum vitae aeternae.* Inde aſylum conſugientibus ad crucem in via poſitam praestatur in *concilio Claromont. d. a. 1093. c. 29. ſq.* Miraculoſae virtutes crucis paſſim in actis ſanctorum traduntur, vt ſine haſitatione ſuperſtitioſa probatio per crucem inde naſci potuerit, quae tamen admodum variat ſe legitur, vnde tot interpretum ſententiae relatae a CANGIO in *gloſſ. voc. crux* et ab HOFFMANNO *de orig. et nat. legum German. p. 35.* Communior haec ratio huius probationis fuiſſe videtur, vt contententes vel crucem ſibi imponerent, vt cenſet MARTENE *cir. l. vel ad crucem ire et ſtare iuberentur, miſſa interim celebrata, ad cuius euangelii lectionem vel alium terminum iudicii euentus apparere credebatur; innocens enim immotus ſtare, nocens vero ad terram cadere dicebatur, quod indicant teſtimonia apud CANGIVM *cir. l. Improbaturum tamen merito hoc crucis iudicium a CAROLO M. lib. I. capitul. 102. apud BALVZ. tom. I. capitul. p. 724. Sancitum eſt, vt nullus deinceps quamlibet examinationem crucis facere praesumat, ne Chriſti paſſio, quae glorificata eſt, cuiuslibet temeritate contemptui habeatur.**

§. XXI.

§. XXI. Nouus probandi modus (VII) superest æque <sup>8) Probatio</sup> supersticiosus per *caseum* vel *panem coniuratum* seu *execra-* <sup>per panem ex-</sup>  
*tum*, quem reus comedere iubebatur, cumque vomitu eie- <sup>cratum.</sup>  
 cturus credebatur, si delicto imputato sese maculasset. Rur-  
 sus in missa, adhibitis exorcismis, quibus panis execratus  
 ad hunc actum præparabatur, huic ritum peregerunt super-  
 stitiosi, cuius formulas recitat MARTENIVS *cit. l. p. 479. et*  
*482.* Frequens etiam (VIII) fuit *modus probandi innocentiam* <sup>8) per eucha-</sup>  
*per eucharistiam*, quem peculiari dissertat. explicuit B. <sup>stiam.</sup>  
 SCHMIDIVS Theologus Helmstadiensis. Eius rudera ex *con-*  
*cilio Wormatiensi*, anno 868. celebrato, quo supersticiosi mo-  
 di probationum admodum vsitati fuisse leguntur, ipso HINC-  
 MARO teste, repetiit GRATIANVS *in c. 23. C. 2. q. 5.* vnde  
 constat, hanc subeuntes probationem in hæc verba iurasse:  
*corpus Domini sit mihi ad probationem bodie.* Exemplis illu-  
 stribus hanc probationem illustrat SCHMIDIVS, quæ rursus in-  
 dicant, hoc iudicium electum fuisse, vt prouocarent extra  
 ordinem quoddam miraculum, qua de causa non raro *ter-*  
*ribiles adiurationes et execrationes* ante sumtam eucharistiam  
 factæ, *cit. l. §. 12.* adductæ. Atque ita rursus apertum est,  
 in summum abusum tractam fuisse eucharistiæ perceptionem,  
 a cuius fine prorsus hic modus probandi abhorret. Vterius  
 (IX) probatio peracta est per *sortes*, quibus tum *diuinationes* <sup>9) per sortes</sup>  
 tum *explorationes* rerum occultarum fieri posse credebant  
 gentiles vel TACITO teste; imo id quoque *sortes Virgilianæ*  
 et *Homerice* monstrant, mox a Christianis in vsum sub titu-  
 lo *sortium SS. Apostolorum* tractæ. De modo peragendi hoc  
*sortium iudicium* agit *lex Frisonum tit. XIV.* apud LINDEN-  
 BROGIUM *in cod. leg. antiq. p. 496.* Vnde liquet, in re du-  
 bia ex iis *diuinationem* magis sumtam, quam miraculum pro-  
 voca-

vocatum, quod exigebant in iudicio ignis, ferri candentis, aque frigidae, ossa execrata atque crucis.

10) per duel-  
lum

§. XXII. Sed etiam (X) iudicium putatium Dei per duellum seu pugnam, probatum est, quod *καὶ ἐξ ὧν* ita dictum fuit, ut loca non tantum §. VIII. adducta, sed etiam AVTOR vetus de *benefic.* §. 100. denuo a B. THOMAS. in *se-lect. feud.* editus, docet his verbis: *tamen IUDICIUM DEI non est licitum adhiberi per ullam causam, nisi cuius veritas per iustitiam non potest aliter reperiri, hoc terminabitur IUDICIO DEI.* Legibus antiquis Boioaricis vocatur das *Wehadine* teste *synodo Dingolfingana* sub *Thassilone* §. 16. repetita a LVDEWIGIO de princip. pot. in sacris ante pac. relig. c. 4. p. 96. DING enim est iudicium, et *Web* seu *Weba* vel potius *Webr*, uti VELSERS lib. V. rerum Boic. legendum credit, denotat bellum, unde Gallorum *Guerre* ortum traxit. Ita autem in *synodo* cautum erat: de eo quod et si quis de quocunque reatu accusatus ab aliquo, potestatem accipiat cum accusatore suo pacificare h. e. transigere, antiquam pugnam, quae *Wehadine* vocatur, permittat. Alibi LL. Boioarice tit. XI. c. 5. idem designant. Si alia probatio non est, spondeant inuicem *WEHADING*. Et cui Deus dederit fortiam et victoriam, ad ipsum pertineat. Ipsa iudicii duellica prolixiori apparatu explicata sunt a MAVRITIO de duellis, EPHRAIMO GERHARDO de iudicio duellico BASNAGIO in tr. *historico de duellis* gallice conscripto, aliisque, quae adeo altas radices egerunt, ut diuturno tempore eradicari haud potuerint. Id produnt *leges Longobardicae* lib. I. tit. 9. c. 32. incerti sumus de IUDICIO DEI, et multos audiimus per pugnam, sine iusta causa, suam perdere; sed propter consuetudinem gentis nostrae Longobardorum LEGEM IMPIAM vetare non possumus. Speciatim impietatem

tatem huius iudicii suo xuo ex sacris, adductis multis Tententiis, denudauit AGOBARDVS *in libro contra damnabilem opinionem, putantium, diuini iudicii veritatem igne vel aquis vel conflictu armorum fieri.*

§. XXIII. Non regustabo modum huius iudicii, ab aliis satis superque explicatum, sed spicilegium tantum quoddam paucis adiiciam. Videlicet 1) nec hoc iudicium sine sacris peractum. Diserte AVTOR *mirac. S. Bertini lib. 2. c. 15.* apud MABILLON. *in act. Bened. Sec. III. P. I. p. 142. n. 709.* veniente igitur statuto die se duello preparabat ramen iuxta promissum, aliquos suo venturos auxilio, hoc ipsum abbate expectabat. Itaque post celebratam a presbytero missam, deuota finita prece, eucharistia digne percepta, quod extra ecclesiam forte iacebat, super saxum magnum adsedit. 2) Si testes aderant, sed discrepantes, iudicio duellico, litem terminabant. ADREVALDVS *in mirac. S. Benedicti in Gallia apud MABILLON. in act. Benedicti sect. II. p. 381. circa ann. 653.* testis est: "Enimuero longiuscule litem iudicibus, protrahentibus, eo quod nec hi cedere illis, nec illi assensum aliis præbere vellent, tandem adiudicatum est, ut ab utraque parte testes exirent, qui post sacramenti fidem scutis ac baculis decertantes finem controuersie imponerent." 3) Etiam seruis monasteriorum per priuilegium, quod regulariter ius armorum non haberent, indultum, ut quascunque causas hoc modo decidere possent, maxime ecclesiarum et monasteriorum alia probatione destitutorum. Diplomate memorabili LVDOVICI VI. Francorum regis Theobaldo abbati Fossalensi anno 1118. concessio id declarat MABILLON *in act. Bened. sec. IV. P. 2. p. 394.* ut serui eius monasterii aduersus omnes homines tam liberos quam seruos in omnibus ne-

*Eucharistia  
promissa.*

*a testibus  
discrepantibus  
quoque suscep-  
tum*

*imo a seruis  
ecclesia ex pri-  
uilegio.*

in comitiis  
imperii immu-  
dum

gotiis liberam haberent testificandi et bellandi licentiam. Sed hoc iudicium literis ad abbatem et monachos Fossalenses datis postea prohibuit pontifex. 4) Etiam in ipsis comitiis imperii, in quibus lites statuum imperii decisa, huic iudicio locus fuit. Anno 979. coram imperatore accusatus Gero comes de Alesleue a Waldone, atque captus. „Deinde „conuocatis in Magdeburg cunctis regni principibus, ingressi sunt hi duo iudicio in insula quadam singulari certamine. Vulneratus Waldo bis in certamine ardentius insequitur hostem, percutiensque ictu valido in caput prostravit eum. Interrogatus autem Gero si plus posset pugnare, coactus est confiteri, quod iam defecisset. Waldo egressus aqua refocillatus armis depositis et post tergum mortuus cecidit. Tunc Gero iussus est decreto iudicum et voce imperatoris a carnifice quodam decollari III. id. aug. Hunc lugubrem et lubricum habuit euentum hoc iudicium descriptum in *act. Bened. MABILLONII ad sec. V. p. 591.* Plura alia memoratu digna de *iudicialibus duellis* IDEM *ad seculum XI. pertinentia tradit in præfat. ad sec. VI. P. I. §. 43. sq.* His addo, 5) eius magnum quoque usum fuisse olim in *causis feudalibus*, legesque peculiare passim duellis feudalibus datas, ut testantur *leges antiquæ Flandriæ feudales* relatae ab OLIVARIO VREDIO in *histor. comit. Flandriæ tom. I. in addit. p. 76.* quarum seriem ipsemet in compendio refert in *ipso tractatu p. 474. seq.* Ipsum *processum duellum*, in causis feudalibus vltatum eleganter et solide exposuit vir immortalis memorie B. Dn. a COCCEII *de probat. feudali c. 2.*

11) per iuramentum.

§. XXIV. Tandem (XI) quoque his probandi modis certa ratione adiungendum ipsum *iuramentum purgatorium*, non quod *per se medium* veritatem exquirendi *spurium* dicendum,

dum, sed quod intuitu *modi* ex iisdem fluxerit principiis, ex quibus ceteræ probationes *spuriæ*. Nunquam soli iuramento fidem præbuerunt: semper aliud accedere debuit medium, unde fides ei haberi posset. Pariter *iudicium diuinum* quæsi-  
 verunt in iuramento: æque persuasum est contendentibus, Deum miraculo quoque veritatem manifestaturum esse, quod  
 prouocarunt, et superstitionis mediis ambierunt, ceu variis  
 testimoniis probatum dedit PRAES. *diff. de usu iuram. pur-*  
*gator. in criminal. §. XII. sqq.* Hac de causâ *soli iuramen-*  
*to*, prout hodie fit, nunquam causâ innocentiz commissa,  
 sed *medium miraculosum* simul adhibendum censuere. Quo-  
 circa α) post *iusiurandum*, quo innocentiam suam reus de-  
 clarauerat, accedebat quandoque iudicium *aquæ feruentis*  
 vel *ferri candentis*, ceu docent monumenta apud MARTENI-  
 VM tom. III. *de antiq. eccl. ritibus lib. III. p. 460.* et CANGI-  
 VM in *glossar. voce aquæ feruentis iudicium. p. 282.* vbi lex  
 antiqua: *quicquid iurent, per examen caldarie* (aquæ feruen-  
 tis) *demonstrent.* β) Quandoque *aquæ frigide* examen ad-  
 debatur iuramento, ex formula apud EVNDEM *cit. l. p. 483.*  
 γ) Nonnunquam, præstito iuramento de *innocentia*, duello  
 prouocabatur *iudicium diuinum*, obseruante GERHARDO *de*  
*iudic. duell. cit. l. §. 5.* δ) *Sortis iudicium* etiam post iuramen-  
 tum præstitum vsurparunt, quod *leges Frisonum tit. 14.* de-  
 signant. ε) Quia vero plurimi ecclesiarum doctores his iudi-  
 ciis dicam scripserant, excogitatum est aliud *medium mira-*  
*culosum*, æque tamen supersticiosum, vt iuramenta ad *tumu-*  
*lum martyrum* vel *reliquias SS.* fierent, quo virtute mira-  
 culosa martyrum vel reliquiarum Deus manifestaret verita-  
 tem. Hoc *iudicium diuinum* ab omnibus approbatum, lau-  
 datum, *iustumque* et *verum* dictum, oppositum illis, quæ a  
 plurimis damnata erant. Ita vero probatio per *iuramentum*  
 æque

æque *spuria* fuit ac reliqui modi, ideo damnati, quod *Dei iudicium* per *miraculum* quoddam prouocatum fuerit. Idem tamen intenditur in iuramento ad *reliquias* SS. præstando: æque *superstitiosum* est, reliquiis eam attribuire virtutem, vt *signo extraordinario* veritatem manifestent, id quod tamen, qui huius iuramenti autores et promotores fuerunt, inculcarunt iuraturis. Denique omnibus his probandi modis vitium hoc commune adhæret, quod iis tentetur Deus, provocentur miracula, signa postulentur, et *iudicium diuinum* iis inesse credatur.

Legibus tam-  
men olim hæ  
probationes  
*spuria probata*  
1) per duellum

§. XXV. His tamen non obstantibus per leges varias gentium, et conciliorum decreta hæ *spuriæ probationes* olim admixtæ, et potissimum in *criminalibus* approbatæ atque specialius determinatæ fuerunt. Nam vt I) a *duellis* incipiam, ipse FRIDERICVS I. in constitutione, quæ 2. f. 27. refertur, sanciuir, occisorem capite plectendum esse, *nisi per DVELLVM probare possit, quod vitam suam defendendo illum occidit.* Pariter 2. f. 39. §. 2. prouocatur ad legem *Longobardorum*; qua cautum, *vt de infidelitate PVGNA fiat.* Nec minus imperator HENRICVS 5. f. 2. edixit, vt felonix accusatus per pugnam se defendat. In LL. *Baiuiar. lib. 2. c. 1. §. 2.* cauetur itidem: *si vnus fuerit testis, et alter negauerit, tunc DEI accipiant iudicium: exeant in campo, et cui Deus dederit victoriam, illi credatur.* Passim alibi idem medium probandi his legibus probatur, de quo etiam plura habet *Suevicum speculum* a B. a COCCEII *cit. l. §. 2. sqq.* adducta. Conf. LL. *Alemannicæ tit. 56. tit. 84. LL. Normannicæ lib. 2. c. 46. §. 5. in reliq. MSCt. LVDEWIGII LL. Longobardicæ lib. 1. tit. 7. l. 1. item lib. 1. tit. 10. l. 4. lib. 2. tit. 55. l. 11. 40. ius prou. Sax. lib. 1. art. 63. lib. 2. art. 12. etc.*

II) lu-



II) Iudicium per *ferrum candens* vel *aquam feruentem* <sup>2) per ferrum candens vel aquam feruentem</sup> *synodus Triburiensis c. 13.* approbavit: *Si quis fidelis libertate notabilis tanto talique crimine publicatur, ut criminosus a populo publicetur, per ignem candenti ferro caute examinetur.* Nec minus *concil. Remens. c. 11.* et *leges Frisonum tit. III. §. 6. 8. et tit. XIV. §. 3.* idem probant cum *LL. Ripuar. tit. 30. §. 1. LL. Longobard. lib. I. tit. 9. l. 29. 34. 39. LL. Wisigothor. lib. VI. tit. 1. c. 3.* ex edit. P. PITHOEI p. 128. III) Iudicium <sup>3) per aquam frigida</sup> *aquae frigidae* magnopere laudavit HINCMARVS, receperunt *iudicia occulta Westphalica* eiusque leges, et prout ritus sacri in hoc examine olim vsitati demonstrant, etiam plures clerici et monachi, ab eo sine dubio alienissimi, si eius vsum haud approbassent. Quia tamen olim legum approbatio expressa huic probationi defuit, eam per mendacium EVGENIO II. obtrudere voluerunt, ut supra iam indicatum. Quoniam vero vsus eius in Germania communis erat, cum ADELHEIDIS abbatissa Quedlinburgensis anno 1068. in diplomate a KETTNERO in *antiq. Quedlinburg. p. 169.* relato approbavit his verbis: *cum autem aliquis illorum ob aliquam insolentiam incusatus fuerit, siue querimonia villici accusatus, ferro ignito examinetur, aut FRIGIDA AQUA vel iuramento simpliciter sola manu expurgetur.* IV) Probationem per *eucharistiam* <sup>4) per eucharistiam</sup> in concilio Wormatiensi admissam et stabilitam supra exposui, nec ab ea recessit *concilium Triburiense c. 21.* V) Iudicio *crucis* fauent *capitula synodalia PIPINI d. anno 752.* <sup>5) per crucem</sup> *c. 17. apud BALVZ. tom. I. capit. p. 164. capitul. Caroli M. d. anno 779. c. 10. ibid. p. 197. item d. anno 803. c. 35. ibid. p. 397. item d. anno 806. c. 14. ibid. p. 444. item lib. IV. capitular. c. 34. LL. Longobard. lib. II. tit. 55. l. 24.* VI) IUDICIUM sortis per <sup>6) per sortem</sup> *leges Frisonum* vim iuris accepisse, supra iam observatum est.

7) *per panem execratum.* est. VII) In legibus KANVTI c. 6. *panem execratum* probari obseruat CANGIVS voce *Cornfred.*

*Damnata  
tandem plera-  
que hac indi-  
cta*

§. XXVI. Enimuero damnarunt hæc iudicia Dei vulgo dicta pontifices, vt passim ostendimus et tit. *de vulgari purgat.* plenius docet; imo quædam *leges antiquæ Francorum*, vt *aque frigida* et *crucis*. Ex iis rationibus vero, quæ ab initio attulimus, et fontibus, ex quibus deriuata, facile fundamenta peti possunt, ex quibus vt *spuriæ probationes* reiici debent. Non repperi autem, probationi *per eucharistiam* dicam scripsisse pontifices, quamuis vitio non careat, vt fusi probatum dedit SCHMIDIVS *de probat. per eucharist. in f.* Non alia, vt auguror, huius exceptionis ratio est, quam quod obseruauerint curiæ Romanæ proceres, GREGORIUM VII. se hoc medio a criminibus obiectis purgasse teste LAMBERTO SCHAFFNABVRG. *ad ann. 1077.* cuius auctoritati vulnus graue inflixissent, si æque hanc probationem damnassent, eum parum absit, quin inter *sanctos* referatur, quod tam masculè pro imperio sacro extendendo et ampliando pugnas se legatur. Denique constat, *iuriurando* etiam vim probandi innocentiam relictam, vt vitio superstitionis non careat. Non repetam argumenta *theologica* et *moralia*, quæ ab aliis, inprimis a BECMANNO *de iudic. Dei c. 6.* allata sunt contra has *probationes spurias*, sed generatim duntaxat assero illas æque fallaces fuisse, ac quidem quorundam theologorum vaticinium, qui ex voce IUDICIUM, cuius *literæ omnes numerales* sunt, hoc tulerunt fallacissimum iudicium, extremum iudicium anno 1613. aduenturum esse. Memorat hoc vaticinium ANDREAS CAROLVS *in memorab. sec. XVII. lib. 2. c. 11. p. 321.* "Nostro hoc seculo ex vocula IUDICIUM in quo omnes literæ sunt numerales, non pauci collegerunt

*ut fallacissima*

„runt, anno 1613. iudicium vltimum et vniuersale futurum,  
 „coque videtur D. Menzerus etiam theologus Gieffenſis ce-  
 „leberrimus, et ab omni quidem fanaticismo prorsus alie-  
 „nus, collimasse in dedicatione exegeteos Augustanæ con-  
 „fessionis, quam hisce claudere voluit verbis: anno a nato  
 „Christi 1613, quem enumerat vox iam olim ominosa IVDI-  
 „CIVM.” Non raro etiam male ceſſerunt hæ probationes *et inſue/a.*  
 illis, qui hisce se commiserunt, quod patuit exemplo eius,  
 qui, capta Antiochia in expeditione sacra, per ignem pro-  
 bare volebat, lanceam per reuelationem fictam effossam il-  
 lam ipsam esse, qua Christi latus perforatum erat. Reuela-  
 tionis et effossionis historiam tradit RAIMONDVS *de Agiles in*  
*hisor. Hierosol. relatus in gest. Dei per Francos p. 150. sqq.* qui  
 et transitum PETRI BARTHOLOMEI, hominis simplicis, in  
 manu tenentis lanceam, per ignem *p. 168.* refert, qui adeo  
 infelicitè ei cessit, vt post paucos dies obiret. Neque enim  
 dissimulat *cit. AVTOR p. 168,* aliquam *adustionem in cruribus*  
*eius fuisse.* Planius et apertius euentum sinistrum huius pro-  
 bationis FVLCHERIVS CARNOTENSIS in *gest. Dei per Francos*  
*p. 392.* enarrat, quamvis WILHELMVS TYRENSIS *ibid. p. 739.*  
 addat, a plurimis causam veram mortis eius dissimulatam, et  
 suggestionibus monachorum creditum fuisse, eum illasum  
 per ignem transiisse, de quo sine dubio longe rectius con-  
 trarium retulit MAINBOVRG *dans l'histoire des croisades lib.*  
*II. tom. I. p. 177.*

EXERCITATIO LXV.  
AD LIB. XXII. PAND. TIT. II.  
DE  
COLLISIONE PROBATIONVM  
CAPVT I.  
DE  
COLLISIONE TESTIVM INTER SE  
IN PROBANDO.

ARGVMENTVM.

- I. *Argumenti ratio.* II. *Collisio probationum quid?* III. *Quot modis oriatur?* IV. *Collisio testium inter se.* V. VI. VII. *Examen sententiæ de fide testimoniorum ex numero testium æstimanda,* VIII. IX. X. *nec non de eorum fide ex dignitate testium.* XI. XII. *An affirmantibus plus credendum sit, quam negantibus?* XIII. *Vis testimonii æstimanda est ex eius verisimilitudine,* XIV. *ex rationibus depositionum.* XV. *Ei pondus accedit ex præsumptione iuris.* XVI. *In dubio pro reo pronunciandum,* XVII. *et pro causa fauorabiliori.*

§. I.

*Probatio in li-  
te omne fert  
punctum.*

**I**ta res nostræ comparatæ sunt, vt non sufficiat ius perfectum, nisi etiam legitimis probationibus debito modo extra omnem controuersiam et dubitationem constitutum; cum alioquin obtineat elegans assertum Iurisconsulti in *L. 30. ff. de testam. tutel. aientis: tibi non deficit ius sed probatio.*

*bario.* Cum itaque omnis ratio ius suum aduersus alios defendendi et asserendi in probatione consistat, modus vero et media probandi non ita semper aperta sint, sed qualiscunque demum probatio adferatur, per reprobationem aduersarii dubia fieri possit, hinc non raro difficultates in praxi existunt, an et quis inter litigantes probauerit, cum vterque probasse suam intentionem videatur, actor quidem affirmatiuam, reus negatiuam, vnde *Collisiones probationum* oriuntur. Et tamen nihilominus iudicis est, pronunciare vel pro actore, vel pro reo, prout ius et iustitia id postulat, non alteri gratificari aut casum pro amico in re dubia admittere, quod a regulis iuris alienum est. Quid autem iudex in tali probationum collisione sequi debeat, hinc inde a Doctoribus quidem tradi solet, sed, quod ingenue fateor, tradita Dd. non semper coherere vel satisfacere videntur, si vel maxime patres practantium Mascardum et Menochium in consilium vocaueris, qui plerumque infinitas conclusiones coaceruant, sed in fundamentis genuinis fluctuant. Inde iudicaui me non inutilem suscepturum esse laborem, si, quid in Collisione probationum sequendum sit, disquirerem et presenti disquisitione enuclearem.

*Difficultates  
in Collisione  
probationum.*

§. II. Quid per collisionem proprie in iure denotetur in *Disp. de collis. presumt. c. 1. §. 2.* iam satis ostensum est, vnde vel binis verbis illud tantum tangendum. Scilicet collisio vi vocis denotat, duorum corporum solidorum adeo grauem concursum, vt necessario vnum alteri cedere et locum relinquere debeat, vbi naturale est, vt quod pondere et virtute alteri praeponet, alterum a se repellat et quasi supprimat, quod tanta virtute non pollet et resistere nequit. Vtut itaque vtrique corpori virtus quaedam satis magna insit, tamen dum

*Quid per Collisionem probationum intelligatur?*

altera per alteram supprimitur, illa, quæ supprimitur, virtutem suam amittit. Et talis collisio eo grauior esse solet, quo magis illa corpora sibi contrariantur et opposita esse videntur. Postea ad res morales hic terminus applicari cœpit, vbi itidem significat concursum rerum moralium in vno eodemque casu, quæ simul applicari et subsistere nequeunt, sed necessario vnum alteri cedere debet. Talis Collisio est inter duas præsumptiones in vno eodemque facto concurrentes sibi-que quasi contradicentes, quarum exempla adducta sunt in *Disp. cit. c. 3.* Talis quoque collisio est inter leges, de quo themate HERTIVS *de collisione legum* egit, et sic quoque talis collisio existere potest in probationibus, quando uterque litigantium probauit, siue quod vtrique probatio iniuncta sit, vt in iudiciis mixtis contingere potest, siue quod actori probatio iniuncta, a reo vero reprobatio sponte suscepta sit.

Quot modis  
Collisio proba-  
tionum oriri  
possit.

§. III. Quemadmodum autem varii sunt modi probandi, veluti per testes, documenta, confessionem, iuramenta et præsumptiones vrgentissimas, ita non dubium est, quin variis modis collisio probationum contingere queat, quos omnes excutere nimis longum foret. Cum enim quæ de collisionis præsumptione dici possint, iam in *cit. Disput.* explicata sunt, quæ autem de collisione iuramentorum et confessionum dici possent, peculiarem requirant laborem, superest vt in præsentî Disputatione tantum *de Collisione Testium et Instrumentorum* in probando edisseram, præsertim cum thema diffusissimum per se sit, nec admixtionem aliarum doctrinarum facile admittat, et præterea casus harum collisionum frequentiores in praxi existant de quibus disputari possit. Atque talis collisio potissimum tribus modis sese exferere potest: (1) Quando vtrinque testes producuntur et depositiones eorum

rum inter se collidunt, de quo agam *Cap. presenti*: (II) Quando hinc *testes*, illinc *instrumenta* adducuntur, vt ita inter hanc diuersam probationis speciem collisio oriatur, de quo themate agendum capite secundo: (III) Quando inter *instrumenta* hinc inde ab actore et reo producta collisio oritur, quod thema capite tertio explicandum erit.

§. IV. Vt itaque de *collisione testium* inter se eo rectius *Status contro-* constet, præmitto sermonem hic nobis esse de eiusmodi ca- *versa in casu* su, quando vterque, et actor et reus plene per testes proba- *quando sa-* vit, ita vt testes directo contrarium inter se asserant. Non *stium collisio* itaque primario huc pertinet (I) quando testes alterutrius *adeft.* non sunt *omni exceptione maiores*, vel alias inhabiles, ita vt fides illis haberi non possit, sic enim facilis ratio est, decisionem pro alterutro faciendi, de quo nunc non ero sollicitus. (II) quando *alter plene* probauit, *alter semiplene*, nam tunc itidem concursus eiusmodi adest, vbi non adeo grauis collisio oritur, sed mox apparebit pro quo pronunciandum. Ille vero concursus est grauissimus, si uterque sufficientem numerum testium pro se adduxerit, quorum personis non adeo quid opponi possit, de quo nunc videndum.

§. V. FARINACIVS *Lib. 3. tit. 7. q. 65.* plures et quidem nouendecim hic regulas congeffit, inter quas regulas tamen rursus tanta collisio reperitur, vt non satis constet, quomodo applicari recte possint, vbique enim et limitationes et sublimitationes occurrunt, quæ faciunt, vt regulis præmissis parum fidendum sit. Primam enim regulam hanc constituit n. *An in collisio-* 107. quod *testibus hinc inde contrariis plures numero vincant* *ne testium ad* *numerum te-* *spiciendum* *pauciores, magisque standum sit depositionibus plurium testium* *quam pauciorum, quam regulam pluribus Dd. allegatis confir-* *mat.*



mat. conf. CARPZOV. in *Process. tit. 13. art. 3. n. 71.* MYNS. cent. 4. obs. 38. n. 6. RICHTER. ad C. 32. X. de testib. VVLTEI. Vol. 2. Conf. Marp. 30. n. 14. Probant communiter hanc regulam ex C. 32. X. de testib. vbi pontifex pro ratione decidendi sequentia adducit: cum igitur plures inde sint testes numero pauciores producti, quos non solum diuersa, sed aduersa penitus in quibusdam constat testimonia reddidisse etc. Porro in c. 9. X. de Probat. vers. ex præmissis itidem huc videtur prouocasse Pontifex asserens, testibus numero pluribus potius lucem veritatis assistere, vbi enim est maior numerus, ibi maior præsumitur veritas, vti colligunt ex c. 37. X. de elect.

*Reiicitur sententia, quod ex numero testium fides ponderanda sit.*

§. VI. Vereor tamen, ne hæc regula parum vel nihil proffit. Videtur hoc ipsum agnouisse Arcadius in *L. ob carmen 21. §. 3. de testibus*, vbi disertis verbis ait: *Non enim ad multitudinem respici oportet*, quod ipsum quoque repetit Pontifex in c. 32. X. de testibus aiens: *quin etiam ad multitudinem tantum respici non oportet*, quo ipso indigitat, posse quidem numerum testium tanquam *adminiculum* aliquod probationi per testes accedere, si aliunde pondus suum iam habeat, per se autem reuera ad præponderationem testium inter se nihil operari, quo etiam respexit in c. 9. X. de probat. Si itaque multitudini testium in tali collisione aliud pondus deest, quomodo potest vincere in probando? Accedit quoque hæc ratio naturalis, quod ad plenam probationem sufficiant duo testes, si itaque vtrunque plures, quam duo testes, producti fuerint, vterque secundum iura plene probauit, licet alter quinque alter octo pro se habeat, vbi vtrunque reuera hoc intuitu probatio æqualis redditur, non itaque ex multitudine testium, sed aliunde multitudini pondus conciliandum est. Præiudicant hoc dubium CARPZ. et MYNSING. cit. l. et ita hanc



hanc regulam ad illum casum restringendam esse, voluerunt, si nulla succurrat ratio, ut iudex in quorundam depositiones magis inclinet. Verum accidere non potest casus, ut non aliunde ex regulis mox dicendis probationi pondus accedere possit, quo ipso sit, ut non ad numerum testium, sed ad aliud respiciendum sit.

§. VII. Cognoscitur id ulterius ex *limitationibus a* ulterius id il-  
*Farinacio huic regulæ subiectis, inter quas hæc quoque oc-* lustratur.  
*currit, si pauciores pro reo deposuerint, quod tunc potius hu-*  
*ius probationi standum sit. Hæc limitatio semper in omni*  
*casu occurrit, cum necessario alter actoris alter rei partes*  
*in omni lite sustinere debeat, si itaque in dubio pro reo sem-*  
*per pronunciandum est, nec minor numerus testium ei noce-*  
*bit, nec maior proderit. Nec excipio actiones duplices,*  
*vbi quandoque dubium esse potest, quis actoris vel rei par-*  
*tes tueri debeat, cum certum sit, tali casu vel per sortem*  
*decidendum esse, quis rei vices sustinere debeat, et sic iterum*  
*non attento numero testium pro eo, quem fors reum fecit,*  
*pronunciabitur. Deinde eandem regulam prædictus Farina-*  
*cius n. 201. limitat in casu quando pauciores testes pro affir-*  
*mativa stant. Duobus enim testibus affirmantibus magis vult*  
*credendum esse, quam mille negantibus. Quæ assertio, si*  
*vera est, de quo infra dispiciendum erit, itidem non ex nu-*  
*mero testium, sed ex eorum affirmatione vel negatione, quæ*  
*in hac collisione semper occurrunt, pondus deduci debet.*

§. VIII. Secundam regulam Farinacius n. 112. hanc facit: *testibus dignioribus magis creditur quam minus dignis; quam*  
*regulam colligit ex c. 32. X. de testibus, vbi Pontifex ait: ad*  
*qualitatem testium quoque respiciendum esse, quod etiam quo-*

*An in collisio-*  
*ne testium ad*  
*dignitatem*  
*testium respi-*  
*ciendum sit?*

Conclusiones  
variae refe-  
rentur.

dammodo constare videtur ex *l. 21. §. 3. de testibus*. Hæc assertio, si de illo casu intelligitur, ubi concurrunt testes omni exceptione maiores, cum illis, qui tales non sunt, admitti potest, prout etiam Ictus in *cit. l. 21.* huc collimasse videtur. Sed si de illis testibus sermo est, quibus nihil ulterius obiici potest, quam quod inæqualis conditionis sint, maior ratio dubitandi oritur, an quibusdam præ aliis nonnullis ex sola conditionis diversitate maior fides habenda sit in collisione testium huiusmodi inter se? et quidem huc collineant FARINACIUS *cit. l. n. 11.* MYNS. *Cent. 4. obs. 38. n. 5. et 4.* MORNACIUS in *l. 2. de testib.* variasque inde nectunt conclusiones (1) quod magis credendum sit nobilibus quam ignobilibus HAHN. *de iure fing. Nobil. 1b. 32.* cum semper pro Nobilibus præsumendum sit, ut pluribus euicit ANDREAS TIRAQUELLUS *de Nobilit. c. 20. n. 20.* et hinc eis plus credi debere euincit. Id. *cit. l. n. 36.* (2) quod testibus ditioribus magis credendum sit, quam pauperioribus FARIN. *cit. l. n. 117.* (3) quod magis credendum sit testi Doctori quam non Doctori Id. *n. 119.* (4) quod digniores plus probent quam humiliores STRVV. *Ex. 28. 1b. 40.* quamvis digniores sint numero pauciores Id. in *c. in nostra 32. X. de testib.* (5) quod masculis magis credendum sit quam foeminis STRVV. *cit. l. FARIN. cit. l. n. 179.* MYNSING. *cit. l. nisi forsan foemina sit nobilis STRVV. cit. l.* (6) si testes sint omnes foeminae, magis credendum esse volunt virgini quam viduae FARIN. *cit. l. n. 180.* (7). quod testibus clericis maior fides habenda, quam non clericis FARINAC. *cit. l. n. 177.* (8) quod testibus mortuis magis credendum sit quam vivis, FARINAC. *cit. l. n. 190.* et quæ sunt aliz huius generis collisiones, quas omnes referre piget.

§. IX. Enimvero hæ conclusiones ita comparatz sunt, <sup>Contrarium ostenditur.</sup> vt parum veritatis in se habere videantur. Vtique Pontifex in c. 32. *X. de testib.* vult ad qualitatem testium esse respiciendum et Ictus in l. 21. §. 3. *ff. de testib.* in collisione huiusmodi rationem honestatis et existimationis habendam esse arbitratur, quorsum etiam collineare videtur Callistratus in l. 3. *pr. §. 1. et 2. ff. de testib.* Verum per conditionem et existimationem testium Ictum magis ad mores testium & vitæ integritatem respexisse credibile est, cum hæ qualitates demum existimationem hominum vel augeant vel minuant. Sola dignitas et alia aduentitia qualitas fidem per se non conciliat, nisi boni mores simul concurrant, vt sic vita ante acta et inculpati mores deinum fidem testibus conciliare debeant. Ad quod etiam Callistratus satis respexit, huncque in finem re-scriptum Principis adduxit in hæc verba; *quæ argumenta ad quem modum probandæ cuique rei sufficiant, nullo recto modo satis definiri potest: sicut non semper ita sepe sine publicis monumentis cuiusque rei veritas deprehenditur, alias numerus testium, alias dignitas et autoritas, alias velut consentiens fama confirmat rei, de qua quæritur, fidem.* Et denique concludit, iudicem ex aliis circumstantiis æstimare debere, quid credendum sit.

§. X. Nam quoad *primam*, Nobilitas per se fidem non tribuit, nisi mores nobilitati respondeant, quod ipse FARINAC. cit. l. n. 119. agnoscit, asserens, nobilioribus non esse credendum, si ignobiliores magis bonis moribus essent imbuti, atque sic vnice ad mores respiciendum. Si quoad mores æquales sint, ne sic quidem nobiliores præferendos esse crederem, sed alia mox tradenda argumenta consideranda sunt. Quoad *secundam*, itidem FARINAC. cit. l. concedit, *ditioribus* non

<sup>Reiiciuntur  
speciales exim-  
de deducta  
conclusiones.</sup>

esse plus credendum, si pauperiores illis morum gravitate præponderent, et sic rursus non ad diuitias sed ad morum præstantiam respiciendum erit. Et sane nulla apparet ratio, cur solæ diuitiæ testi plus fidei tribuere possint. Equidem Ictus in *l. 3. ff. de testibus* ait, examinandum esse, *an testis egens sit*; sed statim addet: *ut lucri causa quid facile admittat*, tales ergo testes reprobant, qui male morati sunt, ut facile corrumpi possint. Sed quid si diues extreme avarus sit, annon sic quoque corruptio in eo metuenda erit? Diuites non semper virtutibus dediti sunt, imo cum diuitiæ plerumque adiunctam habeant omnium malorum radicem avaritiam, fides diuitum sæpe vacillat. Eiusdem farinae est *tertia* conclusio. *Doctor* qua talis fidem maiorem non recipiat quam alius, qui non est *Doctor*, cum gradus honoris mores haud mutet. Idem quoad *quartam* asserendum. *Humiliores* possunt esse maioribus virtutibus conspicui quam digniores. Si dicis: hoc non præsumitur, rehero, me huius præsumptionis nullum deprehendere posse fundamentum, cum boni mores non sint alligati ad honores et diuitias, sed in vnumquemque cadere possint; Sed facile animadvertere licet, unde hæc sententia promanauerit. *Ethnici* ambitionem in virtutis classem collocabant, humilitatem vero tanquam studio inclarescendi contrariam in vitio ponebant, quid ergo mirum, quod dignioribus magis credendum iudicaretur quam humilioribus. Si autem per humiliores vilissimos homines, h. e. vitiis deditos intelligas, rursus ratio decidendi non ex dignitate, sed ex morum gravitate petenda erit. In *quinta* conclusione grauior ratio dubitandi adest. Noui ex iure canonico hanc pessimam contra *feminas* propullulasse præsumptionem, quasi varium et mutabile semper sit *foemina* arg. *c. forus X. de V. S.* Laborant vitiis *femi-*

minz sicuti viri, nec sexus differentia mores format. Constat, patres in sexum sequiorem sæpe iniquiores, quam par erat, fuisse, et inde tantummodo præsumptio contra eos promanauit. Cum vero hi ipsi singularem affectarent castitatem et cœlibatũ præoptarent, sexum sequiorem contemptui habuerunt, vt eo magis cœlibatũ suis commendarent. Ast iniquum foret, ex eiusmodi inanibus fundamentis plus fidei tribuere masculis quam fœminis. *Sexta* conclusio tam absurda est, vt vix mereatur responsionem. Vnde enim quæso, *virgo* plus fidei habebit quam *vidua*? an quia hæc maritum agnouit, illa non? Scilicet quia a patribus virginitas tantis est elata laudibus, hinc existimarunt ineptiores, solum statum virginitatis quoad fidem iuridicam aliquod momentum asserre debere. *Septima* conclusio ex superstitione sæculi fuit. *Clerici* enim sibi priuatiue omnem pietatem vindicarunt in papatu, quasi tantum spirituales essent, laici vero carnales et sæculares. Sed sæpe inuersa facies rerum est, cum historiarũ ecclesiasticarũ doceant, Clericorum pessimam viuendi rationem laicorum mores deprauasse. Dantur ubique pii Clerici, sed dantur etiam laici, et sic status hic nihil quoad fidem iuridicam operatur. *Vltima* denique conclusio se vnice in eo fundat, quod *mors* sit iuramenti loco FARINAC. cit. l. n. 109. Sed non omnes moriuntur Ioannes Euangelizæ. Et quid si viui testes etiam iuramentum præstiterunt? Certe non apparet ratio cur mortuis magis credendum sit! Et deinde quod mors sit loco iuramenti, est quidem vulgatum assertum Dd. sed non ita comparatum vt huic asserto tuto fides haberi possit. vid. Strykii Diss. de morte loco iuramenti.

*An testibus  
affirmantibus  
magis creden-  
dum sit,  
quam negan-  
tibus?*

§. XI. Pergo ad aliam regulam: Ait FARINACIUS *tit. l. num. 200. testibus affirmantibus magis credendum esse quam negantibus*, quam regulam etiam sequitur MYNS. *cent. 4. obseru. 38. num. 7.* Rationem harum suggerit FVLV. PACIAN. *de probat. lib. 1. c. 6. num. 6.* quod affirmatiua sit dignior et prastantior negatiua, quia tamen etiam hzc ratio obscura, nouam superaddit, quod scilicet ens dignius et nobilius sit non ente, iam autem vult, affirmatiuam esse ens, negatiuam autem non ens, Id. *cit. l. num. 8.* Ast hzc ratio tam abiurda est vt vix mereatur responzionem, quasi propositiones negatiuæ ad non entia referri debeant. Alii itaque hanc rationem adferunt, quod melius et certius is aliquid nouerit, qui, quod actum sit, asserit, quam qui negat, quod negatiua non ita sensui se offerat GILHAUS. *in arb. iud. cap. 6. p. 1. §. 19. num. 2.* Sed etiam hzc ratio communi sensui repugnat. Ponamus Titium conueniri actione iniuriarum, quod Meuius alapam certo inflixerit tempore: duo testes aiunt, duo negant, et quidem specificæ, Titium alapam non inflixisse illo tempore, annon hoc incurrit in sensus, annon etiam testes hi negatiuæ suæ rationem reddere æque bonam possunt, se liti præsentes fuisse, et omnia animaduertisse, rem autem non ita actam fuisse, vt testes referunt. Aliud forsitan dicendum esset, si deponerent testes, se id non vidisse, et ita nescire, sic enim non actum negant, sed suam tantum ignorantiam profitentur.

*Contrarium  
ostenditur.*

§. XII. Quantum ego quidem coniicio, videntur Dd. in hanc incidisse opinionem ex male intellecta regula vulgata, quod negatiuæ per rerum naturam non sit directa probatio, quam vulgo deducunt ex *l. 23. C. de probat. et l. 11. C. de non num. pec. c. 5. X. de renunc. c. 6. qu. 5. c. 23. X. de elect. c. 11.*

c. II. X. de probat. quorum textuum tamen sensus magis huc redit, difficiliorem esse negatiuam probationem quam affirmatiuam, non ex natura sua, quasi non posset probari, sed ob defectum instrumenti et testium. Sed si testes non deficiunt, nihil obstat, quo minus possit æque commode probari, vti quidem negatiua, vti solide et pererudite ostendit COCCEIVS de directa probat. negatiue. Hoc quidem concedi potest, negatiuam indefinitam probari non posse, non quia *negatiua* est, sed quia *indefinita* est, sicuti idem dicendum, de affirmatiua indefinita. Ast quando testes pro negatiua producuntur, qui rationem negationis suæ euidenter dare possunt, id quod semper in probatione supponi debet, iam negatiua non amplius est indefinita, sed satis definita. Ponamus testamentum casu fortuito incendio periisse. Titius exinde petit legatum et producit testes, qui asserunt in eo legatum Titio relictum esse, heres hoc negat et pro sua negatiua alios producit testes, qui directo negant, Titio nihil fuisse relictum: Vtriusque tam actoris quam rei testes se fundant in eo, quod testamentum legerint, et sic eandem suæ negationis rationem suggerunt, certe non apparet ratio, quare eadem ratio fortius probare debeat pro affirmantibus quam negantibus, cum eadem ratione affirmantes mentiri possint quam negantes. Quemadmodum itaque regula vulgata, quod negatiua directo non possit probari, falsissima est, ita quoque hæc conclusio exinde deducta. Si dicis: supponendum esse casum, vbi testes negant, sed rationem suæ negationis reddere nequeunt, tunc regeo, idem quoque dicendum esse de affirmantibus testibus, ast vero in collisione hac testes cum ratione deponentes præsupponuntur, alioquin nihil probant, et sic non oritur inde collisio. Sic nec casus huc pertinet, quando simpliciter ignorantiam suam profitentur, cum sic directo  
non



non negent. Vnde etiam huius regulæ tot limitationes coarctuant, quæ videri possunt apud MULLERVM *ad Serru.* ex. 28. *thes.* 49. lit. 2. et FARINACIVM *cit. loc. num.* 215. *sqq.* quæ ipsam regulam plane tollunt et euertunt.

*Respicendum  
eris ad depo-  
sitiones testi-  
um, quam  
sini verosimi-  
liores.*

§. XIII. Reiectis itaque his fundamentis spuriiis, ex fontibus ipsis veras subiiciamus regulas. ARCADIVS in *l. 21. in f. de testib.* hac de re ita loquitur: *Confirmabit iudex motum animi sui ex argumentis et testimoniis, et quæ rei aptiora et vero proximiora esse comperit.* Idem repetit Pontifex in *c. 32. X. de testibus* asserens: *respicendum esse ad testium deposita, quibus potius lux veritatis assistit, ex quibus motum animi sui conuenit iudicem informare.* Idem vrget PAVLVS in *l. 114. ff. de R. I. aien:* *in obscuris inspicere solet quod verosimilius est, conf. c. inspiciamus 45. de R. I. in sexto.* Hoc fundamentum naturali ratione nititur, cum omnis probatio huc tendat, vt iudici fides fiat, hæc autem consistit in summo probabilitatis gradu, cui sana ratione credi potest. Atque inde in iudice iudicium requiritur limatum et exasciatum, quo depositiones testium recte possit inter se conferre, et ex natura negotii, vel etiam humani generis desuper statuere, qui enim expers rerum et naturæ humanæ minus peritus est, diiudicare nequit, quænam depositiones testium magis veritati accedant. Atque inde recte Imperator Valerio Vero in *l. 3. ff. de testibus in f.* in hæc verba rescripsit: *ex sententia animi tui æstimare oportet, quid aut credas aut parum probatum tibi opinaris.* Obseruauit hoc fundamentum Pontifex in *c. 9. X. de probat.* vbi Ecclesiæ Rauennatensis testes ideo præferendos esse iudicauit, *quod aptiora negotia et vero proximiora in suis testimoniis expresserint.*

§. XIV.



§. XIV. Vtut vero quznam depositio sit vero prox- Dicta testium  
et rationes di-  
ligentes pon-  
derari debent  
in collisione.  
mior, magis ex circumstantiis causæ controuersæ iudicari  
possit, tamen quzdam generales obseruationes hic non ne-  
gligendæ sunt. Primo itaque iudex diligenter excutiet et  
ponderabit *dicta testium*, et inprimis eorum *rationes*, qui-  
bus scientiam suam confirmant, ex quibus facile apparebit,  
quznam rationes magis specificæ sint. Nam qui plures et  
minutissimas etiam rei, de qua quæritur, circumstantias opti-  
me connectentes adferre potest, huius sine dubio depositio  
præferenda erit contradicentium depositioni, quæ non ita  
qualificata est. Sic vbi disputatur de finibus, communiter  
ab vtraque parte testes produci solent ad fines designandos,  
quibus itaque fides habenda erit, si ab vtraque parte produ-  
cti fuerint? Ponamus testes quosdam deponere, fines quo-  
que se extendere trans flumen, quod ipsi ita perpetuo obser-  
uauerint, et ab antiquis non aliter audiuerint, cum etiam  
testes de auditu et fama ad probandos antiquos fines admit-  
tantur *c. 13. X. de probat.* Alii testes e contrario deponunt,  
fines tantum sese extendere vsque ad flumen, huiusque de-  
positionis hanc causam adferunt, quod quidem antiquitus fi-  
nes actoris sese latius extenderint, sed per alluionem sen-  
sim fundo ipso aliquod detractum et rei agris adiectum fue-  
rit, et cum iniuria belli multi agri a possessoribus essent de-  
serti, hinc factum sit, vt actor partem aliquam agri, quasi  
suo detractam, occupauerit, ex quo deinceps, ad sua rede-  
vntibus possessoribus, variæ contentiones ortæ fuerint. Ho-  
rum depositiones sunt admodum probabiles, quia 1) *natu-  
ræ negotii* magis conueniunt, cum flumina soleant esse com-  
muniter termini naturales, et rarissime contingere soleat, vt  
quis particulam ad agrum pertinentem trans flumen possi-  
deat: prout autem natura rei se vt plurimum habere solet,

hoc probabilius est. 2) Accedit specifica omnium *circumstantiarum* demonstratio, qua testes contrarii destituuntur, quæ omnia 3) per ipsam *ocularem inspectionem* planiora fieri possunt, unde in R. I. *de anno 1654. §. 51.* cautum, ut litigantes finium *ichnographiam* ad acta reponant, ex qua iudex eo rectius informari possit.

*Videndum  
annon testes  
adiunctam  
habeant præ-  
sumtionem in-  
vis*

§. XV. Deinde considerandum, annon testium quorundam depositiones adiunctam habeant *præsumtionem iuris*, quæ validius pondus eorum depositionibus tribuere possit, prout recte obieruat FARINACIUS *de testibus lib. 3. tit. 7. qu. 65. n. 129.* Tollitur enim quidem præsumptio iuris per contrarii probationem a duobus vel pluribus testibus peractam, sed quando is, pro quo est præsumptio, in reprobatione itidem pro se duos testes habeat, eo ipso præsumtionem pro se militantem conseruat illibatam. MASCARDUS *de probat. vol. 3. Concl. 1219. n. 7. seqq.* ex quo prælaudatus Autor recte infert, in dubio magis credendum esse testibus deponentibus de bonitate alicuius, quam contrarium asserentibus. Sic cum ulterius res quælibet præsumatur esse libera, nec seruitutibus obnoxia, magis credendum erit testibus de libertate attestantibus quam de seruitute, MASCARD. *cit. l. n. 21.* FARINAC. *cit. l. n. 139.* Revera enim testes contrarii deponunt, quod minus verosimile est, ceteri autem, quod probabilius est, cum non sint verosimilia ea, quæ deuiant a naturali rei cursu, ÆGID. BOSSIUS *de testibus tit. de opposit. contr. testes n. 96.* Quodsi pro utraque litigantium parte præsumptiones militent, standum esset fortiori præsumptioni, quæ in collisione præsumptionum prævalet, prout declaratum in *Diff. de collis. præsumt. c. 3.*

*In dubio testi-  
bus rei cre-  
dendum.*

§. XVI. Quodsi non satis apparet quænam testium depositiones sint vero proximiores, sed utriusque probatio æqualis

qualis roboris esse videatur, tunc magis inclinandum erit ad absoluendum *reum*, quam ad condemnandum, CARPZ. in *Proc. tit. 13. art. 3. n. 75.* IVSTVS REYBERVS *de testibus p. 3. n. 155.* In dubio enim partes rei sunt fauorabiliores *l. 125. ff. de R. I.* et ita facilius iudex esse debet ad absoluendum quam ad condemnandum. Facit huc elegans decisio Pontificis in *c. 3. X. de probat.* ubi ait: *quod si ambarum partium testes sunt æque idonei, possessoris testes præferuntur, cum promptiora sint iura ad absoluendum quam ad condemnandum. l. inter partes 38. ff. de re iudic. l. si pars 10. ff. de inoffic. testam. l. 47. ff. de Obl. et A.* Accedit quoque et hæc ratio, quod ubi actor vincere intendit, validioribus instructus debeat esse rationibus, quæ deficiunt in supposito casu Vid. *Præf. introd. ad Digest. tit. de re iudic. §. 13.* Potissimum vero in criminalibus hoc ipsum attendi debet, ubi testibus pro defensionibus reorum adductis, etiam quadantenus inhabilibus maior fides habenda quam contra eum deponentibus, FARINAC. *cit. l. n. 153. seqq.*

§. XVII. Denique quoque ad ipsam causam respicere debet, de qua disputatur, cum nonnullæ singularem in iure acceperint *fauorem*, ac in dubio pro eis pronunciari debeat. Quando itaque ab utraque parte testes producti sunt, non potest non cæteris paribus causa esse dubia, et ita in tali dubio pro *causa fauorabili* pronunciandum est, uti ex pluribus textibus iuris hoc perspicuum redditur *l. inter pares 38. ff. de re iudic. l. 24. ff. de manumiss. l. 1. pr. ff. solut. matrim. l. 4. ff. de inoffic. testam. cap. 3. X. de probat.* Atque si actor causam huiusmodi fauorabilem tuetur, etiam pro ipso erit pronunciandum, ex quo prior regula in §. *antec.* adducta limitanda RICHTER *ad c. 32. X. de probat. num. 19.* CARP-

zov. *cit. l. n. 77.* Quænam autem causæ fauorabiles dicenda, non aliter quam ex determinatione legis iudicari potest, quorsum vulgo referri solent 1) causæ matrimoniales PACIANVS *de probat. lib. 1. c. 63. n. 48.* 2) libertas *l. 24. de manumiss.* 3) ecclesiæ *c. 1. X. de probat. MEVIVS P. 5. Decij. 317. n. 4.* 4) causa dotis MEVIVS *P. 5. D. 317.* 5) alimentorum CARPZOV. *lib. 4. R. 57. n. 5.* 6) in genere causæ piæ, pauperum et miserabilium personarum, Studiosorum etc. In hisce itaque causis fauorabilibus magis illis testibus fides habenda qui pro dote, testamento, alimentis, matrimonio, libertate etc. deponunt, cum illis iura speciali ratione assistant. Atque ita ex his tribus obseruationibus facile constabit, quibusnam testibus in collisione magis fides habenda sit.

## CAPVT. II.

## DE

## COLLISIONE TESTIVM ET DOCVMENTORVM INTER SE.

## A R G V M E N T V M.

*I. Regulæ iuris de vi probationis per instrumenta et per testes. II. De variis speciebus instrumentorum et testium inuicem collidentium. III. Aequus modus probandi per instrumenta et per testes. Explicatur L. 25. C. de fide instr. IV. Maior vis probandi instrumentorum in factis antiquis, V. in negotiis scripturam desiderantibus, VI. ex natura processus executiui, VII. in rebus, quarum fluxa est recordatio. VIII. Confessio in instrumento facta per testes impugnari nequit. IX. In antiquis Instru-*

*strumenta praevalent testibus. X. An scriptura ex archino desinitae, vel literae inuestiturae praeualeant? XI. Praevalent in causis antiquis. XII. Examen sententiae Treutleri de testium praerogativa in probando. XIII. Usus testium in probanda instrumenti falsitate, XIV. XV. in impugnando tenore instrumenti. Quot testes desiderentur. XVI. XVII. De fide testium instrumentariorum contra instrumentum.*

## §. I.

**M**axima est instrumentorum fides, sed non minor testimonium, omni exceptione maiorum. Quando igitur Generatio de collisione instrumentorum et testium inter se. oritur collisio inter testes et instrumenta utrinque producta, gravis solet esse disceptatio, an testes, an vero instrumenta praevalere debeant. Occurrunt enim variae regulae iuris, quae non leuem difficultatem operari videntur. Quandoque aequalis vis ac robur et testibus et instrumentis tribuitur *l. 15. C. de fide instrum.* Sed praeterea tamen nota est sententia *PAULI lib. 5. sentent. tit. 15. asserentis, testes aduersus scripturam interrogari non posse*, quorum etiam collineare videntur *l. 31. C. de Donat. et l. 10. ff. de Probat.* ubi euidenter publica instrumenta testibus praeferruntur. Quid quod in aetate probanda instrumenta testibus praeferruntur *l. 3. C. Si min. mai. se dix.* Quid vero est, quod Hadrianus Iunio Rufino rescribat in *l. 3. §. 3. ff. de testibus*, se testibus non testimoniiis crediturum? Quid est, quod testes contra instrumenta admittantur in *l. cum precibus 18. C. de probat.* Quid denique est, quod in *Nov. 73. c. 3.* asseratur, ea quae viva voce dicuntur et cum iureiurando, haec digniora fide quam scripturam ipsam secundum se subsistere.

*Quales testes,  
qualia instru-  
menta hic in-  
telligantur.*

§. II. Vt vero nos legitime ex his dubiis extricemus, præmonendum est, instrumenta esse vel publica vel priuata. *Publica*, autoritate publica munita sunt, et ita etiam publicam fidem pro se habent. Quorsum referunt 1) acta siue gesta iudiciaria, et protocolla, de quibus vid. STRYK. *de iure protocoll.* 2) tabulas censuales, seu Catastra, de quibus RHE- TIVS *de iure Catastr.* 3) libros ecclesiasticos, 4) acta publica ciuitatis, 5) documenta antiqua ex archiuis desumpta, 6) instrumenta trium integræ fidei testium subscriptione munita, *l. 11. C. qui pot. in pignor.* 7) instrumenta a Notario confecta, *Const. Maxim. de anno 1512.* Ad *priuata* instrumenta refero scripturas in fidem gestorum factas, sed absque publica autoritate, quæ, si debite recognoscantur, etiam contra scribentem plene probant *l. 26. §. f. ff. depositi l. 25. §. f. ff. de prob. l. f. de constit. pecun.* et sic etiam huc pertinent, quatenus de collisione cum testibus quaestio est. Testes vero non alii hic supponuntur, quam qui legitime probant, h. e. si debito numero consent et omni exceptione maiores sint. Quod si enim testibus valide quid obici potest, facile constat, testes in collisione non adeo fidem contra instrumentum facere posse.

*Quo sensu te-  
stium et in-  
strumentorum  
fide æquatur  
in iure.*

§. III. Deinde videndum, quis sit sensus *l. 25. C. de fide instrum.* Imperator rescribit: *in exercendis litibus eandem vim obtinent, tam fides instrumentorum quam depositiones testium.* Agit hic Imperator in genere de *modis probandi*, non primario de collisione probationum inter se, et simplex adeo huius textus sensus est, quod ordinarie in litibus probandis admittantur tam testes quam instrumenta, atque adeo quod vim decisivam perinde esse videatur, siue quis testes produxerit, siue instrumenta pro intentione sua fundata, *conf. c. c. X.*

c. X. de probat. Sic exceptio spolii non minus testibus quam instrumentis probari potest, CARPZ. P. I. C. 6. def. 3. vtut enim exceptio spolii intra XV. dies probari debeat, et sic magis per instrumenta quam testes spoliū probari debere videatur, cum testes non ita in continenti probent, sed eorum productio tractum temporis desideret, quia tamen testes etiam intra hoc tempus produci possunt, et testimonium ferre, non vtique repudiandi sunt, vid. IOSEPH. MASCARD. de probat. concl. 1329. n. 1. præsertim cum hodie sufficiat, intra terminum quindecim dierum articulos saltim cum nominibus testium iudici offerre, licet probatio intra illud tempus plane non absoluator, CARPZ. cit. l. de f. 2. Huc etiam collineat Pontifex in c. 10. X. de fid. instrum. vers. satis est, aiens: tanta fides adhibeatur instrumento confecto, quanta foret duobus testibus idoneis adhibenda. vel vt CICERO Orat. I. in Verrem ait, omnis spectatio ludicum aut in tabulis aut in testibus est.

§. IV. Quæ quamquam regulariter ita se habeant, tamen negari nequit, pro diuersa negotiorum natura quandoque facilius testes quandoque vero instrumenta magis desiderari. Sic (1) huc refero *facta antiqua* obscura, quæ quidem etiam testibus possunt probari, etiamsi tamen sint de auditu, dummodo deponant etiam de fama, quod a parentibus suis nunquam aliter audiuerint, c. 13. de probat. PACIAN. de probat. lib. 1. c. 49. n. 51. FARINACIVS de testibus qu. 69. n. 125. seqq. maxime si facta memoriam hominum excedunt, quorum in primis pertinet immemorialis præscriptionis probatio, l. 2. §. idem Labeo. ff. de probat. Facilius tamen facta antiqua per instrumenta probari posse conspicuum est, ita vt magis hic instrumentis et documentis antiquis credatur quam testibus

(1) *Facta antiqua magis probantur instrumentis quam testibus.*



subus KNICHEN *de iure superiorit. c. 3. n. 12. seqq.* ROLAND & VALLE *Vol. 1. conf. 2. n. 59.* MASCARD. *de probat. qu. 6. vol. 1. n. 15. 16.* Nam instrumenta rem magis determinant, et certum quid constituunt, imo prout negotium reuera gestum est, & vincunt, cum testes in antiquis non aliter quam de auditu probationem adferre possint, quæ non tam concludens est, vti quidem ipsorum diplomatum et instrumentorum tenor. Quin idem dicendum arbitrantur de priuata scriptura, vtpote cui antiquitas temporis plenam fidem conciliauit. GYLMAN. *Tom. 1. Symphor. P. 3. c. 23. n. 86.* SCHRADER *I. Conf. 5.*

(II) Si ad negotii essentiam scriptura desideratur, hac testibus præfertur.

§. V. Porro (II) quædam *negotia* communiter non aliter quam *per instrumenta* expediuntur, adeo vt ad eorum essentiam quasi scriptura pertinere videatur: & hæc ipsa rursus magis per scripturam quam per testes probantur. Huc igitur pertinent priuilegia, quæ licet ad suam essentiam præcisè scripturam non requirant, GONZALEZ. TELLEZ. *ad c. porro 7. X. de priuil. n. 1.* tamen rarissime vel nunquam absque scriptura seu diplomate concedi solent, et inde in probandis priuilegiis ipsa diplomata vnice fere litem dissolunt. Atque huc refero Pontificis assertum in *C. ad audientiam 13. X. de præscript.* vbi ait: *magis auctoritatem priuilegii quam depositiones testium attendentes.* Cum enim ordinarie priuilegia per diplomata conferantur, ordinarius ea probandi modus magis fideri debet per instrumenta quam testes. Proinde quoque in dubiis casibus ad inspectionem priuilegiorum prouocatur *C. porro 7. X. de priuil.* et qui in exemptione se fundant, priuilegium suum exhibere debere dicuntur *c. 7. eod. in 6.* Interim tamen etiam super admissione diplomatis testes admitti posse non dubitatur, *c. 12. X. de priuil.* Sed hoc magis videtur ex accidente fieri, et extra ordinem, cum ordinarius

et



et solennis modus, priuilegia probandi, magis expediatur per diplomata, seu literas patentes, quibus varia iura et priuilegia ab Imperantibus indulgentur; vnde etiam hodie studium rei diplomaticæ tam sollicitè excolitur, cum maxima vis probandi exinde deriuetur. Vid. EISENHARDT *de iure diplomatum* et HERTIVS *Diff. de iure diplom.* et quæ MABILLONIUS, PAPEBROCHIVS, GERMON, LEIBNITIVS alique de re diplomatica commentati sunt. Ceterum ad essentiam negotii quandoque scriptura quoque refertur, vt in causa emtionis venditionis in scriptis contractæ secundum *l. 17. C. de fide instrum.* quod negotium ex sua natura potius per instrumentum quam testes probari debet. MASCARD. *de probat. Vol. I. qu. 6. n. 20.* Interim tamen extra ordinem in casu amissi instrumenti testes admittendos esse constat *l. 1. 5. 7. 8. C. eod.* HUBER. *ad tit. de fid. instrum. §. 29.* Loquor enim tantum *comparatiue* et de modo ordinario probandi. Sic ad essentiam testamenti non quidem in genere, sed scripti scriptura ipsa pertinet, atque ideo controuersia, quæ originem ex testamento scripto trahunt, *magis ipsa scriptura* quam testibus probari debere expeditum est, vtut in casu testamenti amissi, vel si aliud dubium circa scripturam oriatur, testes quoque audiendi sint, qui de tenore testamenti, eiusque validitate testimonium ferant, de quo infra.

§. VI. Vltcrius (III) ex *natura processus* quandoque (III) *Ex natura processus quandoque instrumenta tamen admittuntur.* vnice instrumenta, non testes admittuntur, quorum pertinet *executiuus*, quo tantum agi potest, quando quis liquida et guarentigiata instrumenta pro se habet, CARPZ. *in proc. tit. 22. art. I. n. 25. sqq.* qui enim debitum per testes probare intendit, ad processum ordinarium confugere debet. Quamvis vero etiam hic exceptiones contra tale instrumentum au-

diantur, tamen non aliter admittuntur, quam si in continenti probabiles sint, CARPZ. *cit. l. art. 4. n. 1. sqq.* et quidem precise instrumentis hæ quoque probari debent, adeo ut exceptiones, quas per testes reus vult probare, in reconventionem reiiciantur MATTH. COLER. *de processu executiuo P. 4. r. 2. n. 23.* ZANGER *de except. p. 3. c. 26. n. 115.* Cum enim in processu executiuo actor non audiatur, si debitum per testes probare velit, DAN. MOLLER. *lib. 3. semestr. 39. n. 1.* CARPZ. *cit. l. n. 32.* non quoque audiendus est reus, si testes pro sua intentione producere vellet. Vt ut itaque §. 3. dictum sit, spolium æque testibus quam instrumentis probari, tamen hoc ex præsentī obseruatione limitandum est, si forsan in processu executiuo exceptio spoliū obijciatur, quæ tunc per instrumenta probari debet, CARPZ. *P. 1. c. 6. Def. 5.* Ceterum quamuis hæc ordinarie se ita habeant, tamen quandoque etiam exceptiones per testes probari posse non negat CARPZ. *in Process. cit. l. n. 26. seqq.* si *iusta causa* adsit, et quidem hoc modo, si excipiens statim testes coram Notario et testibus super exceptione examinari curauerit, et intra terminum executioni præfixum instrumentum Notarii produxerit. Sed hic casus rursus ad extraordinarium modum probandi referri debet. Similiter hic referunt casum, quando quis sententiam ad iuramentum necessariam latam rescindere intendit, propter instrumenta nouiter reperta, nam hoc casu itidem tantum instrumenta admitti aiunt, ad rescindendam rem iudicatam, non etiam testes propter verba *l. 31. ff. de iureiur. si quis noua instrumenta se inuenisse dicat, quibus solus usurus sit.* Præsertim cum in testibus non levis subordinationis suspicio latitet, quæ falsitas in instrumentis non tam facile committi potest. BERLICH. *P. 1. concl. 35. n. 9.* MÜLLER *ad Stru. ex. 17. th. ult.* Verum de hac sententia merito dubi-

dubito cum MEVIO *P. 7. decis. 95. n. 5.* et CARPZ. *P. 1. C. 15. def. 4. n. 5.* cum expeditum sit, sub vocabulo *instrumentorum* in materia probationis etiam testes comprehendi, eo quod instrumenta omne comprehendant, quod instruit causam, nec idonea ratio diuersitatis in contrarium adduci potest. Simili ratione iuramentum in litem est etiam legale, et sic quoque post iuramentum præstitum admittit probationem, si probationes nouæ repertæ fuerint, quæ tamen ad instrumenta haud restringuntur in *l. 4. §. 3. ff. de in lit. iur.* Ad dubia respondetur in Diss. STRYKII *de probat. contra præst. iuram. legale c. 3. §. 7.*

§. VII. Denique (IV) alias quoque ex aliis circumstan- (17) *Natura*  
tiis, *natura negotii* ita postulante, probatio per instrumenta, *negotii quan-*  
exclusis testibus, requiritur, præsertim in rebus, quarum *doque facilio-*  
*fluxa* solet esse *recordatio*, et quæ vix aliter, quam per scri- *rem probatio-*  
pturam conseruari possunt. Huc refero, quando rerum a- *nam admittit*  
clarum *exacte* designanda sunt tempora, vti in *probanda æ-*  
*rate.* Equidem non nego, etiam ætatem per testes probari *per instrumen-*  
posse, *l. 2. C. de his qui veniam,* sed tamen comparatiue lo- *ta quam tes-*  
quendo, certior et solidior imo distinctior probatio ætatis *tes.*  
est per instrumenta quam per testes, quoniam memoria ho- *veluti in æta-*  
minum labilis est, et facile dies et hora natiuitatis alicui ex- *te probanda,*  
cidere potest, vt in tempore erret: at littera scripta manet. Vbi itaque exacta et præcisa claraque requiritur ætatis probatio, magis instrumenta quam testes produci debent. Et in hunc sensum accipio *l. 3. C. si minor se maior. dix.* Vbi casus occurrit de minore, qui in instrumento per sacramenti religionem se maiorem esse asseuerauerat, cui exclusum quidem dicitur esse beneficium restitutionis in integrum, sed hac adiecta limitatione: *nisi palam et euidenter ex instrumen-*

torum probatione, non per testium depositiones, te fuisse minorem ostenderis. Valde solliciti sunt interpretes, ut inuestigent solidam rationem, quare in hoc casu tantum instrumenta et non testes admittantur? GONZALEZIUS in c. 1. X. de testibus, num. 7. in f. arbitratur: hoc ideo fieri, quia minor cum iuramento se maiorem asseruerat, testes autem absque iuramento contrarium ostendere volebant, quibus non crederetur, l. 9. C. de testibus. Sed haec resolutio est diuinatoria, neque in textu hoc supponitur, quod testes iniurati tantum sint reiciendi, sed potius quod in genere depositiones testium admitti nequeant. Itaque simplicior responsio haec est, agi hic de probatione contra proprium iuramentum et instrumentum, contra quod non aliam quam solidam, certam et euentissimam voluerunt admittere probationem; ut itaque alias testes aequalem fidem habent cum instrumentis, tamen in aetate probanda certiore et solidiore ex antea dictis probationem instrumenta faciunt quam testes.

*Contra propriam confessionem instrumentum factam probatio per testes non admittitur.*

§. VIII. Ex eodem fundamento dependere videtur, quod contra propriam confessionem in instrumento expressam non alia probatio in contrarium admittatur, quam per contrarium instrumentum secundum l. 13. C. de non num. pec. l. 25. §. f. ff. de probat. In utroque textu supponitur casus, ubi quis propriam confessionem debiti vult impugnare, et causam debendi in instrumento expressam euertere, et indebite promissionem factam ostendere, quod non aliter quam liquidissimis argumentis in scriptis habitis fieri posse dicitur. Ratio haec additur in cit. l. 13. in f. Nimis enim indignum esse iudicamus, quod sua quisque voce dilucide protestatus est, id in eundem casum infirmare testimonioque proprio resistere. Testes autem vel ideo hic excluduntur, quia metus erat, ne  
ita

ita debitores falsos subordinarent testes, qui causam debendi erroneam vel falsam esse deponerent, quo ipso maleuoli debitores a solutione debiti facile se possent liberare, quæ ratio facile colligi potest ex *l. 18. C. de testibus*, ubi proinde Imperator ad præcauendas subordinationes V. testes requirit, et sic ordinarium probandi modum per duos testes excludit. Cum vero dilucide confessus erat debitor, se reuera ex hac vel illa causâ debere, et confessionem suam impugnando *in dolo* esse videbatur, ad metum *subornationis* excludendum non alia probatio, quæ esset euidentissima admitti potuit, quam per instrumenta alia, veluti si proferatur instrumentum, in quo creditor confiteatur, Chirographum per simulationem tantum esse conscriptum, et causam debendi veram non esse. Sollicite ergo cauendum est, ne ex hisce textibus cum nonnullis interpretibus incaute inferamus, quasi *contra instrumenta* non alia probatio in genere admittatur, quam per *contraria documenta*, cum tamen hoc tantum restringendum sit ad casum, si quis *propriam suam confessionem* impugnare velit. Neque pro generali sententia aliquid facit *l. 1. C. de testibus*, quippe quæ non est authentica, sed e Basilicis a Cuiacio restituta, nec ita vim decidendi habet.

§. IX. Quod si itaque in his casibus præmissis collisio inter testes et instrumenta oriatur, facile apparet, magis instrumento, quod alias nullo vitio laborat, standum esse. Atque ita 1) in *antiquis* magis standum erit documentis et diplomatibus quam *testibus*, ex ratione in §. 4. addita. Et ita planus est intellectus *l. 10. ff. de probat.* ubi Marcellus ait: *Census et monumenta publica, potiora testibus esse Senatus censuit.* Videndum ergo quid per censum seu libros censuales probe-

*Conclusio ex  
hactenus di-  
xit.  
Vbi in anti-  
quis collisio est  
inter testes et  
instrumenta,  
preferuntur  
instrumenta.  
Quid probetur  
per censum.*

tur. Scilicet olim  $\alpha$ ) probabatur ætas l. 3. pr. l. 4 §. 5. ff. de censib. quam apud censum confitebantur. Sic Marcus Antoninus Philosophus iussit quoque apud Præfectos ærarii vnumquemque ciuium natos liberos profiteri intra tricesimum diem, vt refert CAPITOLINVS in *M. Antonino*;  $\beta$ ) probabatur ius ciuitatis, vt ex Oratione CICERON. pro *Archia Poeta* constat. Hoc intuitu Gracchus accusatur *Archia*, qui eum ciuem esse negabat, requirebat tabulas publicas. Ait enim Cicero: *Hic tu tabulas desideras Heracliensium publicas, quas Italico bello, incenso tabulario* (h. e. loco, vbi tabulæ publicæ asseruabantur) *interiisse scimus omnes*. Producebat ergo eo nomine Cicero testes, quas tamen respuebat Gracchus: quasi tabulæ desiderarentur publicæ, in quo tamen recte eum reprehendebat Cicero, licet enim monumenta publica in his negotiis testibus potiora sunt, tamen non plane excluduntur testes, quando ex accidenti tabulæ haberi nequeunt, sed tantum in collisione præferri debent.  $\gamma$ ) probabatur modus tributi soluendi l. 22. §. f. de ann. legat.  $\delta$ ) alia facta antiqua l. 7. et 11. C. de fide instrum. Cum itaque census et monumenta publica potissimum facta antiqua demonstrent, et talia solide euincant, quæ non semper per testes probari possint, recte dicit Marcellus, potiora illa esse testibus in collisione, maxime in illis negotiis, cuius rei gratia conscribuntur. Interim tamen requiritur, vt libri censuales publica autoritate conscripti fuerint, et quidem debito modo, quod non statim asserendum de libris censualibus nobilium, vt probat CARPZ. lib. 1. Resp. 61.

An scriptura  
desumpta ex  
Archio præfe-  
ratur testibus

§. X. Ex hoc nunc porro ad dictum §. inferunt, scripturam sumtam ex Archio præualere probationi per testes, ROMANVS CONF. 319. TRENTACINQV. lib. 2. var. resol. 8. n. 10.

GON-

GONZALEZ TELLEZ *ad cap. 13. X. de præscript. n. 6.* quod tamen non ad quaslibet chartas in Archiuo repertas extendendum puto, sed ad diplomata et priuilegia authentica, quippe quæ ita comparata sunt, vt ordinarie in scriptura conficiantur, et ita ordinarius ea probandi modus sit scriptura, atque adeo merito hisce standum *c. 13. de præsc.* Sic etiam in quæstionibus feudalibus controuersis potissimum ad *instrumenta inuestituræ* respici debet, quæ plene probant, ROSEN-  
 THAL *de feud. cap. 6. concl. 67. n. 2.* et sic in probatione merito prærogatiuam præ testibus habere debent, nisi tales circumstantiæ adducantur, ex quibus manifesto error probari possit. Olim quidem solis Paribus curiæ in his litibus credebatur, quippe qui inuestituræ interesse debebant, id quod cum hodie haud necessarium sit, et inuestituræ ordinarie per instrumenta expediantur, aliud quoque hodie dicendum est.

*An instru-  
mento inuesti-  
tura magis  
credatur  
quam testi-  
bus?*

§. XI. Sic quoque secundum §. 6. 7. et 8. vbi ne quidem testes audiuntur, sed præcise ex natura negotii vel ratione speciali instrumenta requiruntur, facile constat, instrumentis præ testibus standum esse, licet vel maxime testes producti et examinati sint, qui contrarium probent, veluti contra propriam confessionem in chirographo factam, vel si ætas exactissime ex documentis probanda sit. Cum enim ita testes in tali negotio plane reprobentur, non possunt quoque contra tenorem instrumenti aliquid euincere.

*vbi ex negotii  
natura præci-  
se scriptura  
requiritur hac  
testibus præfer-  
tur.*

§. XII. Ex his nunc apparet, non esse admittendam TREVTLERI sententiam, quod scilicet probatio per testes longe sit dignior, quam per instrumenta, quam affert *vol. 2. Disp. 5. tb. 6. lit. a.* ex illa ratione, quod testes deponant cum iuramento. Eandem sententiam etiam antiquiores Icti secuti sunt

*Treutlerus re-  
spondet, exi-  
stimans, testi-  
bus in collisio-  
ne magis cre-  
dendum esse.*



sunt vt BALDVS in *Rubr. X. de testibus*. Abbas in *c. tertio loco X. de prob. n. 5.* vbi ait: probationem per instrumenta esse quodammodo prodigiosam vt *animalis mortui corio credatur cunctis tacentibus*: sed vero hæc ratio irrisione digna est. Nam vt recte respondet BACHOVIVS in *not. ad Treutl. cit. l.* itidem grauis pro instrumentis facit præsumtio, tum quod in his etiam testes adhiberi soleant, tum quod in instrumentis auctoritas personæ, cuius fides publice est approbata, tantoque minus suspicioni obnoxia, interueniat. Accedit quoque hæc ratio, quod ex peculiaribus rationibus potius instrumentis standum sit, vti hactenus euictum est. Equidem pro Treutlero adduci posset *Nov. 73. c. 3.* vbi imperator disponit, *quod si testes aliter quam in instrumento scriptum est, deponant, maior testium fides esse debeat*, sed vero hoc assertum haud generale esse, sed ad casum illum, quando testes quoque ipsi instrumento conficiendo firmandoque adhibiti sunt, restringendum esse, ex mox dicendis apparebit. Interim tamen volunt interpretes iuris, esse quædam, quæ non possunt probari per instrumenta, sed tantum per testes, vid. *LVDOV. ROMAN. conf. 349. OLDRAD. Consil. 199.* quorsum potissimum *crimina* referunt, vtpote quæ regulariter et sufficienter per solas literas et instrumenta absque alio adminiculo probari non posse volunt *IULIVS CLARVS lib. 5. sentent. §. fin. qn. 54. n. 1.* Verum vtut hoc certum sit de nonnullis delictis, vt homicidio, furto, adulterio, quæ magis per testes quam instrumenta probantur primario, tamen alia delicta æque possunt instrumentis probari, veluti proditio, Magia, vluraria prauitas *GAIL. lib. 1. de pac. publ. c. 15. n. 13.* Sic etiam mandatum de delicto committendo probatur literis, quemadmodum etiam omnia delicta, quæ quam iudiciali cognitione excusata sunt, ex actis satis probatur. Daniel CLASEN. *ad Constit. Crim. Carol. art. 62.* §. XIII.



§. XIII. Progrediendum ergo est ad eiusmodi ca-  
 sus, vbi tales circumstantiæ, de quibus hætenus egimus, <sup>Quatenus in-</sup>  
 instrumenta non comitantur, sed tamen testes <sup>strumenta co-</sup> *contra instru-*  
*menta* deponunt, vbi varie Dd. distinguere solere, animad-  
 verto. Res huc redire videtur. Scilicet videndum est, an  
 testes, qui instrumento *adsuerunt*, illudque *subscripserunt*,  
 illud impugnent? an vero *extranei*, seu qui illud haud scri-  
 pserunt. Posteriori casu instrumentum duplici modo impu-  
 gnari potest, vel quod in *totum* falsum sit, vel quod negoti-  
 um non *ita fuerit gestum*, prout scriptum est. Si instrumen-  
 tum reprobatur tanquam *falsum*, hoc vtique fieri posse per  
 testes constat. Est quidem pro omni instrumento summa  
 præsumptio, tum quod solennitas debita adhibita fuerit, tum  
 quod veritati conforme sit, §. 11. I. de inutil. *Stipul.* §. f. I.  
*de fideit.* BARBOSA in *thesaur.* lib. 9. c. 72. ax. 3. sed tamen  
 hæc præsumptio per fortiolem elidi potest probationem,  
 si scilicet reus *manifestissimis probationibus*, vel per  
*scripturam vel per testes idoneos approbauerit*, toto eo  
*die, quo conficiebatur instrumentum, sese vel aduersarium su-*  
*um in aliis locis fuisse*, prout ait Imper. in *cit.* §. 11, ex quo  
 euidens est, posse per testes reprobari in totum documen-  
 tum, sufficienter enim probato, quod reus eo tempore, quo  
 confectum esse dicitur instrumentum, alibi fuerit, manife-  
 stissime probatum est, instrumentum falsum et supposititium  
 esse, MASCARDVS de *probat.* Vol. 1. qu. 6. n. 60. Equidem in  
 §. 8. dictum est, quod contra propriam confessionem in scri-  
 ptis factam testes non admittantur: sed cogitandum est, hic  
 non agi de probatione contra propriam confessionem, de  
 quo ad alterum casum agendum, sed quando instrumentum  
 tanquam falsum in totum reprobatur. Vt autem probatio  
 manifestissima sit, testes debent omni exceptione esse maio-

*quando ex-*  
*tranei testes*  
*possint impu-*  
*gnare instru-*  
*mentum?*  
 (1) si tan-  
*quam falsum*  
*reprobatur.*

res. TRENTACINQ. *lib. 2. var. resol. 6. num. 9.* MASCARD. cit. *l. n. 68.* Quodsi tamen vnus testis causam instrumenti adiu-  
vet, hic duos in contrarium non sufficere constituit MENO-  
CHIVS *de A. Q. lib. 2. cas. 105. n. 43.* quia sic ille vnus testis  
præsumtionem pro instrumento firmat, quod tamen ex cir-  
cumstantiis iudicandum erit.

(2) *Quando  
tenor instru-  
menti per te-  
stes impugna-  
tur.*

§. XIV. Quando autem instrumentum totum non re-  
probatur tanquam falsum, sed *tenor* tantum quodammodo  
in dubium vocatur, tunc grauior dispectio est, an et qua-  
tenus testes admitti debeant. Et quidem si instrumentum  
propriam confessionem rei contineat, quid dicendum sit, fa-  
cile constat ex his, quæ *in §. 8.* dicta sunt, scilicet testes non  
esse recipiendos contra propriam confessionem, modo instru-  
mento ex alio fundamento nihil valide opponi possit, quod  
forsan instrumentum v. c. donationis a Notario confectum  
sit nomine donantis, nec tamen legitime eidem prælectum  
fuerit cum debita explicatione eorum, quæ nomine donan-  
tis scripta sunt, quæ tamen donans absque explicatione No-  
tarii intelligere haud potuit; licet enim vel maxime donans  
hoc subscripserit, si tamen contra voluntatem donantis quæ-  
dam eidem inserta deprehendantur, ob defectum prælectio-  
nis debitæ, quæ Notariis tam sollicitè iniuncta est *in Ord. Not.*  
*Maxim. de anno 1512. §. 14. seqq.* contra confessionem talem  
probatio per testes vel iuramentum admitti debet. Sic cum  
sartor quidam feminæ cuidam certam pecuniæ summam do-  
nauerat *mortis causa*; notarius vero instrumento inseruerat,  
quasi donatio esset facta *inter viuos*, et hoc ipsum absque præ-  
lectione præuia donans subscripserat, heredes vero feminæ  
postea rem donatam petebant, responsum fuit ab hac illustri  
Facultate Iuridica: donantem, si iurare posset, se ita haud  
donasse,

donasse; nec sibi instrumentum legitimo modo prælectum esse, absoluendum esse. Atque huc quoque collineat aperte l. cum precibus 18. C. de probat. vbi itidem, ignorante donante, instrumento donationis quid insertum erat, et ita rescripserunt Imperatores, si hoc ipsum probari posset, instrumentum in hac parte reprobari debere.

§. XV. Quando vero alia instrumenta, quam quæ confessionem propriam continent, veluti testamenta, protocolla, Notarii instrumenta impugnantur, dubium est, an magis sit standum instrumento, an testibus? Equidem PAVLVS lib. 5. sent. tit. 15. generaliter pronunciat, *Testes, cum de fide tabularum nihil dicitur, aduersus scripturam interrogari non possunt.* Quibus verbis satis aperte de hoc casu loqui videtur, nam verba: *cum de fide tabularum nihil dicitur*, hunc sanum admittunt sensum, cum instrumentum ipsum falsi non arguitur, sed forsan contra tenorem aliquod obicitur, ut proinde HVBERO ad tit. de fide instrum. y. 13. hoc minus recte cauillatorium esse videatur. Vniuersaliter hanc sententiam admitti haud facile patet, sed potius de eiusmodi casibus accipienda erit, de quibus in antecedentibus plenius dictum est. Sunt ita comparata sententia et regula Ictorum antiquorum, ut scilicet ad certam quandam materiam restringi debeant, prout e. R. II. corpori Iuris Ciuilis et Canonici adiectis constat. Concedunt itaque Dd. tale instrumentum per testes impugnari posse, ut fides magis testibus quam instrumentis operari debeat, GILCKEN. ad l. 15. C. de fid. instrum. n. 30. TRENTACINQ. cit. l. n. 8. sed de numero testium variant. Quidam requirunt tres ad minimum vel quatuor testes gloss. ad l. 15. cit. verb. in exercendis. COVARRV. lib. 2. var. resol. cap. 13. sed plerique duos testes suffice-

Quot testes re-  
quiritur.

re existimant, quos refert GILCKENIUS *cit. l.* Nam etsi Iu-  
stin. in *l. 18. C. de testibus.* contra instrumentum quinque te-  
stes requirat, per quos debiti solutio probari debeat,  
tamen sciendum est, illa specie non impugnari instrumenti  
contenta; sed testes ad probandam exceptionem solutionis  
requiri, et quidem quinque, quia maxime improbable est,  
soluere aliquem debitum, ut tamen 1) instrumentum penes  
creditorem relinquat, et 2) apocham nullam a Creditore re-  
quirat. Sed cum etiam in hac specie hodie duo testes suffi-  
ciant, teste SANDIO *lib. 1. tit. 10. def. 1. FAB. in C. lib. 4. tit.*  
*de testam. def. 23. n. 13.* eo minus exinde dubium moueri pot-  
est. Omissis itaque aliorum sententiis, approbanda vide-  
tur sententia MENOCHII *de Arb. l. Q. cas. 105. n. 42.* hoc iu-  
dicii arbitrio esse relinquendum, ut ponderet, an maior sit  
fides pro instrumento, an pro testibus, quem in finem illa  
regulae quoque adhibenda sunt, quae supra *C. 1. circa finem*  
exibui, et imprimis ex circumstantiis iudicandum, quae ve-  
rosimiliora sint. Unde nec de hoc constet, standum erit  
instrumento ob summam probationem, quae pro illo mili-  
tat *l. 14. in f. C. de Contr. et comm. stipul.* quod exemplo  
probat HUBER. *ad tit. de fide instrum. §. 11.* Diversum qui-  
dem deciditur in *c. 5. X. de testibus.* ubi testibus fides pro in-  
strumento habetur, sed ibi suspitio erat, sigillum furtim es-  
se appositum, conf. *c. 33. X. de testibus.* simile exemplum est  
in *c. 10. X. de fide instrum.* sed ibi testibus fides habebatur ex  
singularibus circumstantiis, quae ibi occurrunt.

Quid si testes  
instrumentarii  
in instrumen-  
tum impug-  
nent

§. XVI. Progredior ad alterum casum, quando  
testes instrumentarii, qui instrumento vel interfuerunt, vel  
subscripserunt, contra instrumentum deponunt. Si subscri-  
pserunt instrumento, v. c. testamento, tunc recognoscere  
manum.

manum et sigillum utique tenentur, et hactenus tantum quaestio est de casu, si tenor testamenti in dubium vocetur, vel quidam testes deponant, testatorem iam in agone fuisse constitutum, ubi testamentum conderetur, ut pleno haud frueretur intellectu, et ita non dubium est, quin illis fides haberi debeat, si certam suae scientiae rationem reddere possint, et ita liquido ostendant, aliter fuisse scriptum quam a testatore dispositum, vel actum inter partes. Et huc videtur respexisse Imperator in *Nov. 73. c. 3.* ubi praefert testium depositiones iuramento corroboratas, contentis ipsius instrumenti, quod etiam constare videtur *ex lib. 18. C. de probat. conf. MENOCH. cit. l. n. 32. TRENTACINQ. lib. 2. var. resol. ref. 6. n. 2.* Interim hoc certum est, testes concludentem suae assertionis rationem reddere debere, scilicet aliud fuisse actum, quam instrumento adscriptum sit, idque testes recte intellexisse, *GILCKEN. ad lib. 15. C. de fide instrum. n. 18.* et quidem hanc rationem reddere debent, etiamsi ne quidem de illa essent interrogati. Id *ibid. MENOCH. de A. I. Q. Cas. 105. n. 9.* Quando enim dubitantes respondent, se non credere ita actum fuisse, sane ista dubitatio non potest conuellere fidem instrumenti. *MASCARD. de probat. Vol. 1. p. 6. n. 41. seq.* Sane constat, saepissime hodie contractus usurarios sub praetextu emtionis sub pacto de retrouendendo in scriptis concipi, quibus etiam testes adhibentur, qui tamen, si testantur magis de simplici mutuo actum, et emtionem talem simulatam fuisse, utique illi contra instrumentum probabunt, praesertim cum plerumque sub eiusmodi venditionibus contractus usurarii latere soleant, quo ipso depositio testium redditur admodum probabilis et pondus pro fide instrumentorum recipitur. E contrario si plures testes instrumento essent adhibiti, quidam pro veritate instrumenti pugnarent,



quidam eius tenorem impugnarent, hic grauior esset probabilitas pro instrumento, ita eidem standum, quod per se iam fidem summam habet, et præterea testium quorundam fide adiuuatur, GILCKEN. *ad cit. lib. 15. n. 19.* MASCARD. *de probat. Vol. 1. qu. 6. n. 39.*

*Quid si unus  
ex solennibus  
testibus testa-  
mentum im-  
pugnet?*

§. XVII. Equidem diuersam constituunt decisionem in casu, si vnus ex solennibus et necessariis testibus instrumentum, veluti testamentum impugnet. vid. allegati apud GILCKENIVM *cit. l. n. 23.* sed duplici ratione ab vno alteroue teste testamentum impugnari potest, 1) quod neget se subscripsisse, et ita manum suam recognoscere nolit, sic enim ex *lib. 1. §. f. ff. testam. quemadm. aper.* testamentum fit suspectum, nisi forsân ex reliquorum testium depositione appareat, contradicentem et interfuisse et subscripsisse, nam tunc recognitio hæc per testes alios commode fieri potest, cum facile vnus alterue testis ab eo, cuius interest testamentum irritari, corrumpi possit, vt subscriptionem propriam neget. 2) Quando manum quidem recognoscit, sed contenta eius impugnat, siquidem alii ipsi contradicunt, itidem standum est testamento: si autem aliis testibus contenta ignota fuerunt, et ita vnus tantum contenta impugnat, ex causa desuper statuendum erit. Quid enim si Notarius publicus testamentum condidisset? quid si testator illud subscripsisset sua manu; illudque legisset, certe vnus testis depositio non potest facile labefactare fidem instrumenti. Concludo itaque, posse fidem instrumentorum per duos testes labefactari, si negotio interfuerunt, et omni exceptione maiores sint, et certam suæ sententiæ rationem reddere possint, ita vt iudici inde maior fides fieri possit, quam ex instrumentorum tenore.

CAPVT.

## CAPVT. III.

DE

COLLISIONE DOCUMENTORVM  
INTER SE.

## A R G V M E N T V M.

I. Collisio instrumentorum duplex, vel ab eodem vel a diuersis productorum. II. III. Instrumenta vere contradictoria, ab eodem producta, irrita omnino; IV. modo ab eodem sint producta, V. nec a tali, qui restitutione iuuatur, VI. et contradictio in diuersis instrumentis interueniat. In una scriptura interueniens, interpretationis auxilio indiget. VII. Publicum instrumentum præualeat priuato. VIII. An protestatio in iisdem producendis interposita profit? IX. Cura in discernenda vera contradictione et apparente. X. In conflictu instrumentorum a diuersis productorum quatenus vel ad notarii fidem, XI. vel ad qualitatem instrumenti publici vel priuati, XII. vel ad causam fauorabilem sit respiciendum? XIII. Maior fides instrumenti, quod verosimiliora continet. XIV. In dubio aduersus eum indicandum, qui probare debuit.

## §. I.

**S**upereft tertium collisionis membrum, quando inter instrumenta ad probandum producta conflictus animaduertitur, in quo fere eadem attendi debent præcepta, quæ in collisione testium inter se Cap. I. tradita sunt. *Connexio.* tut vero collisio potissimum tunc oriatur, quando documenta

menta sibi inuicem e diametro *aduersantia* a *diuersis* personis producuntur, breuiter tamen præmittendum esse censui, quid iuris sit, si *ab eodem* talia instrumenta, inter quæ conflictus cernitur, producantur.

*Colliso inter  
documenta ab  
eodem produ-  
cta iis omnem  
fidem adimit.*

*Illustratur  
Decisio.*

*Causa.*

§. II. Quodsi itaque ab eodem documenta sibi inuicem aduersantia producuntur, tunc fides singulorum perit, prout disponunt Imperatores in *l. 14. C. de fid. instrum.* *Scripturæ diuersæ sibi inuicem fidem derogantes ab una eademque parte prolatae nihil firmitatis habere poterunt.* In Cod. Theod. eadem lex repetitur in *lib. 2. de fid. instrum.* sed loco verborum *ab una eademque parte prolatae*, hæc habentur, *ab altera parte prolatae*, quæ ipsa verba nonnullos deceperunt, ut crederent, eandem quoque decisionem obtinere, si a diuersis personis scripturæ contrariæ productæ fuerint, quo tamen nihil falsius dici potest, cum uti recte Iacobus Gothofredus ad *cit. l. 2.* animaduertit verba *ab altera parte* idem denotent, ac *ab alterutra parte* i.e. siue ab actore, siue a reo diuersæ, et contradicentes scripturæ proferantur. Eandem decisionem repetit Pontifex in *cap. 13. X. de fide instrum.* ubi simul rationem addit his verbis: *imputari ei potest qui contrarias inter se scripturas iudicio protulit, fidem sibi ad inuicem derogantes, cum in ipsius fuerit potestate quam voluerit non proferre.* Usus est hoc ipso argumento Iulius I. Episcopus Romanus in epistola ad Eusebianos scripta apud ATHANASIVM *apol. 2. pag. 580.* ubi iis obicit, quod litteras aduersus Athanasium inter se dissidentes scripserint, et inde concludit, quod *litteris eiusmodi contradictoriis nulla fides haberi debeat.* Casum hanc legem illustrantem huiusmodi asserti IACOBVS GOTHOFREDVS ad *cit. l. 2. C. Theod.* Actor petit a Reo fundum, quasi a rei patre ipsi esset donatus, eumque in finem instrumentum donationis produ-



producit. Reus obiicit defectum insinuationis, et hoc modo repulso actore aliud producit documentum, quo venditum sibi fundum esse probare conatur, quo ipso huic posteriori scripturæ fides detrahatur, nam, pergit, *non potest ea scriptura fidem facere, quæ cum altera iam antea a me probata colliditur.*

§. III. Atque hæ ipsæ decisiones naturali ratione fundatæ sunt, cum vel ex Logicis constet, contradictoria non posse simul esse vera: eo ipso itaque, cum quis contradictoria affert, et ita sibi ipsi *contradicit*, nihil probat, cum non constet, cui fides habenda sit, sed alterum necessario falsum esse debeat. Et inter eruditos hæc sæpe vrgetur, quoties aliquid publicæ luci exponunt, cum non raro sibi inuicem contradicunt, maxime hi, qui nil proferre possunt, quam quod in locos suos communes congesserunt, quæ, cum non cohæreant, sed hinc inde excerpta sint, a contradictionibus libera esse nequeunt. Dicuntur enim contradictoria, quæ inter se haud cohærent, sed potius euidenter pugnant, ita ut veritas vnius non possit stare cum veritate alterius. Neutiquam ergo contradictiones *apparentes* huc referimus, quæ ita comparatæ sunt, ut sanam interpretationem admittant. Dico *sanam*, nam sophisticas interpretationes merito excludimus, quæ sæpe adducuntur, ut pugnantia euitentur, quod potissimum contigit, si leges inter se dissidentes conciliare conantur, quæ aperte sibi inuicem contradicunt; non possint aliter, quam sophistica interpretatione conciliari.

§. IV. Debet itaque I) repugnantium instrumentorum productio ab uno eodemque fieri. Et sic fides eis derogatur non tam per se, quam ex accidenti, quod scilicet imprudenter

*Ratio decisio-  
nis.*

*Ab uno eodemque in-  
strumenta col-  
lidencia pro-  
ducenda.*

ter actor vel reus vtrumque pro se produxerit, cum in eius potestate fuisset, alterum non producere, quo non facto, fides instrumenti producti salua hactenus mansisset, *cap. 13, X. de fid. instrum.* ibique GONZALEZ. n. 4. quam amittit per productionem contrarii. Neque *post productionem* facile datur reuocatio instrumenti repugnantis, cum semel alteri exinde ius quæsitum lit, BOERIVS *decis. 252. n. 3.* nisi pars aduersa ipsam productionem impugnasset, vel reuocatio fieret re adhuc integra *L. 3. C. de fide instrum.* Quodsi itaque ab vno productio non fuit facta sponte, sed aduersarius per mandata compulsoria editionem alterius, quod contrarium est, impetrauit, tunc hic casus huc non pertinet, sed ad alterum membrum, quando ab vtraque parte contraria instrumenta producuntur.

*Quid si instru-  
menta colli-  
gentia ab eo  
proferantur,  
cui iuris igno-  
rantia non  
nocet.*

6. V. Præterea II) productio debet a tali fieri, cui iura nullo modo succurrunt: Non enim dubium est, *minori*, per temerariam productionem instrumentorum sibi inuicem repugnantium læso, per *restitutionem* esse succurrendum, cum etiam aduersus temerariam confessionem restituatur, vtut hoc casu aduersarius editionem eius vrgere et ipse producere possit. De *mulieribus et rusticis* quæstio est, an his quoque succurratur? quod quidam aiunt, si peritiores consilere non potuerint, quoniam illis error iuris non nocet, *l. 25. §. 1. ff. de cond. indeb.* CYNVS in *l. 14. C. de fide instrum.* præsertim quod alias quoque rusticitati in iure parcendum esse dicatur, *l. 2. ff. si quis in ius vocat.* Sed ab hac sententia recesserunt IOANN. SICHARDVS n. 4. ad. d. *l. 14.* et SALYCETVS *ibid. n. 6.* 1) quod repugnantia simplicitatis excusationem non habeant, cum in tali causa magis malitia quam simplicitas adesse videatur, 2) quod non possit expediri, cui instru-  
mento

mento magis standum sit. De qua quaestione sic statuendum *Decisio.*  
 esse videtur. Aut enim de malitia rustici vel feminae appa-  
 ret ex circumstantiis, aut non: *priori casu* eis neutiquam  
 succurrendum, cum iura non succurrant decipientibus sed  
 deceptis. *Posteriori* vero tota res remittenda ad arbitrium  
 iudicis, qui sua prudentia iudicare debet qualitatem perso-  
 nae producentis et scripturarum, cum sane rustici saepe impe-  
 riti literarum sint, et in rusticanis iudiciis saepe varias scri-  
 pturas proferant, non intelligentes, an sibi praefuturae sint  
 nec ne, quin quod contrarietatem non semper diiudicare  
 queant, *MENOCH. de arbitr. iud. quest. conf. 104. n. 60. 61.*  
 Id quod etiam de mulieribus simplicibus dicendum esset, hoc  
 scilicet effectu, ut reuocationem vnius scripturae vrgere pos-  
 sent, quamvis aduersarius audiendus merito sit, si eius edi-  
 tionem vrgat, ut illud postea producere possit ad suam in-  
 entionem probandam, quo casu quae sint partes iudicis, in  
 altero huius capituli membro videndum erit.

§. VI. Vtlerius III) collisionem requirunt in *diuersis* *An idem dis-*  
*instrumentis:* Quando enim in vna scriptura illa contingit, *cendum sit si*  
*in vno eodem-*  
*que instru-*  
*mento repu-*  
*gnantia depre-*  
*hendantur?*  
*hendantur?*  
 ultimam dispositionem attendendam esse existimant, per quam  
 priori recessum esse videtur. Alii ultimam potius *per er-*  
*rem* factam fuisse, aiunt *TRENTAC. var. resol. lib. 2. resol.*  
*n. 4.* Equidem si ex probabilibus coniecturis de errore  
 constat, omnino sani hominis dispositio ita interpretanda, ne  
 contradictio appareat, cum non credendum sit, hominem  
 mentis in vna dispositione contraria voluisse, ut adeo-  
 e magis error quam contrarietas praesumi debeat. Et hac  
 ratione Imperator stipulationem praeposteram, quae reuera  
 contradictionem continet, valere et ita interpretandam esse  
 ponit, ne *contradictio* appareat, quae ex errore irrepsisse  
 videtur,

videtur, §. 13. *l. de inutil. stipul.* Si autem aperte pugnantia inter se adsunt, dicendum cum ICto in *l. 158. pr. ff. de R. I. ubi pugnantia inter se in testamento haberentur*, neutrum ratum est, quin potius tota dispositio tanquam talia reiicitur *l. 13. §. 3. de reb. dub. l. 16. de condit. instit.* imo merito talis dispositio contra eum interpretanda est, qui clarius loqui et ita ambiguitatem ex contradictione ortam euitare potuisset, qualis autem illa sit, qui clarius loqui debuisset, explicuit Præles Dissert. de interpret. facienda contra eum qui clarius loqui deb. conf. GILCKEN. ad *l. 14. C. de fid. instrum. n. 9.*

*Quid si instrumentum publicum et priuatum, qua inter se collidunt, ab eodem profervantur.*

§. VII. Præterea IV) requirunt, ut collisio oriatur ex instrumentis *eiusdem generis*, hoc est, ut utrumque vel sit priuatum, vel publicum. Si enim publicum et priuatum, simul producit, inter quæ collisio manifesta adest, *publico* standum esse volunt, quod scilicet fides publica priuata scripturæ contrarietatem elidat ACCVRSIVS in *l. 14. C. de fide instrum. verb. scripturæ*, BALDVS ad *l. cit. n. 12.* Verum recte PETRVS GILCKENIVS ad *cit. l. 14. n. 15.* ab hac sententia recedit, quamvis enim alias priuati documenti fides per publicum instrumentum contrarium supprimatur, si a diuersis personis utrumque proferatur, tamen non idem iuris esse debet, si ab una eademque proferantur, cum priuatum documentum contra producentem æque probet, ac publicum, conf. MENOCH. *lib. 1. præf. 45. n. 1. BOERIUS Decis. 252. n. 3.*

*Quid si producens protestatus sit, se tantum in passibus utili-*

§. VIII. Alii quoque V) requirunt, ut producens *simpliciter et absque protestatione* illa produxerit. Neque enim producentem sibi præiudicare arbitrantur, si protestatus fuerit, quod documenta tantum in passibus utilibus, seu in quan-

quantum sibi profutura esse possint, produxerit, SICHARD. *bus instru-*  
*ad Cod. cit. l. 14. n. 1.* MENOCH. *lib. 2. præf. 45. n. 21.* CARPZ. *mentum pro-*  
*P. I. C. 17. def. 7. et de Process. tit. 14. art. 5. n. 26. seqq.* At- *duxisse.*  
 que hanc protestationem hoc operari ait CARPZOVIVS, vt in  
 fauorem partis aduersæ instrumentum productum fidem haud  
 faciat. Sed in *Def. seq. 8.* hanc sententiam statim limitat, si  
 altera parte *absente*, eiusmodi instrumentum cum protesta-  
 tione productum fuerit, id quod sine dubio de casu contu-  
 maciæ accipiendum est, et inde concludit, quod altero præ-  
 sente nihil operetur, et sic secundum eius mentem ordinarie  
 nullius erit efficacix, cum ordinarie instrumenta parti aduer-  
 sæ communicari debeant. Proinde plures hanc negatiuam  
 tuerentur, GOSWIN AB ESBACH ad CARPZ. *cit. l. n. 4.* CRAVET-  
 TA *conf. 201. n. 6.* BERLICH. *P. I. concl. 34. n. 21.* ex hac ratio-  
 ne, quod instrumenta sint indiuidua, et qui illud in vno ap-  
 probat in aliis reprobare nequeat. Distinctione hanc litem  
 tollere satagit TRENTACINQ. *Vol. 2. resol. 3. n. 3.* et priorem  
 veram esse existimat in causis plane separatis et instrumento  
 alieno, si aduersarius protestationi non contradicat, postero-  
 rem vero in cæteris casibus, quam etiam approbare videtur  
 PETRVS GILCKEN. *cit. l. n. 11.* Et hæc sane non caret ratione.  
 Qui enim propria documenta produxerit, non potest ea pro  
 parte improbare aut approbare, nisi forsan pro illa parte, qua  
 illa reprobatur, manifestum errorem allegare possit, quo ipso  
 hac protestatione illud consequitur, ne contraria protulisse  
 videatur, vtut si aduersarius iisdem vti velit, postea ex do-  
 ctrinâ mox proponenda iudicandum sit, vtrum fides ei ha-  
 benda sit nec ne. Verum si quis instrumenta ab aduersario  
 producta in certis passibus acceptet, hoc saluo iure suo fa-  
 cere potest, nec statim cetera, quæ sibi aduersantur, pro-  
 basse

basse videtur, cum potius κατ' ἀντίθετον ita ex concessis contra aduersarium disputet.

Quid si instrumenta sint derogatoria, ut apparet ex contradi-  
ctoria.

§. IX. Hoc quoque VI) attendendum, an documenta reuera sibi ipsis contradicant, an vero alterum alteri deroget, id quod ex circumstantiis iudicandum TRENTACINQ. cit. l. ref. 5. n. 9. quod si enim appareat, in posteriori documento recessum esse a contrahentibus a priori voluntate, vel pro parte mutationem susceptam esse, non tam hæc documenta sunt contradictoria quam derogatoria, et sic vltimum. demum valet. Sic etiam præterea ex causarum circumstantiis iudicandum, an vera adsit contradictio, an vero apparens, quia dispositiones ita intelligi debent, ne contradicant, cap. inter dilect. 6. X. de fide instrum. GILCKEN. cit. l. n. 18. GONZALEZ TELLEZ ad cap. 13. n. 2. X. de fide instrum.

Alterum membrum si collisio sit inter instrumenta a diuersis producta.

An hic ad dignitatem Notarii respiciendum sit.

§. X. Sed pergo ad alterum collisionis membrum, si scilicet instrumenta inter se collidentia ab utraque parte proferantur, tunc fere elsdem regulis utimur, quæ adductæ sunt in Cap. 1. de collisione testium inter se. Sed tamen varias solent adducere coniecturas, ex quibus alterum alteri præferri debeat. Sic I) volunt, instrumentum a digniori Notario conditum præferendum esse, ALEX. conf. 190. n. 17. sed quis sit dignior Notarius, non constat. Si hoc ipsum ex diuitiis et ex aliis honoribus, quos possidet, æstimandum sit, tunc illa recurrunt dubia, quæ capite I. circa testes nota sunt. Si autem quæstio de Notario sit, qui maiore fide præ altero pollet, ideo quod hic satis de falso suspectus sit ex moribus perditis, possum concedere, hoc aliquid operari ad infringendam fidem instrumenti ab eo conscripti, ut vel alia adhuc adminicula accedere debeant.

§. XI.

§. XI. Hoc vero II) facilius concedimus, si instrumen- <sup>Quod si alie-</sup>  
 sint inæqualis roboris, præferendum esse, ceteris paribus, <sup>rum sit publi-</sup>  
 id quod *maiori fide* pollet. Atque hac ratione publicis <sup>cum, alterum</sup>  
 documentis qui nititur, contra eum probabit, qui privatis <sup>privatum.</sup>  
 ultim ad suam intentionem fundandam utitur scripturis,  
 TRENTACINQ. lib. 2. var. resolut. resol. 5. n. 11. Possunt ta-  
 en aliunde privata scriptura adminicula maxima accedere;  
 æqualem vim cum instrumento publico habeat, nec hoc  
 absolute eisdem præferatur, veluti si testes adiunctos ha-  
 beat; qui interfuerunt instrumento privato et actui, sic e-  
 um idem valebit ac instrumentum publicum, quin quod  
 pe hoc casu per testes instrumentum publicum falsitatis  
 onuinci possit, iuxta dicta in *capite anteced.* id quod si fie-  
 non possit, æqualis utrique instrumento vis adscribenda,  
 tunc iudicandum secundum illa, quæ §. seq. dicentur.

§. XII. Quando vero instrumenta sunt æqualis roboris, <sup>Respicendum</sup>  
 pro III) respiciendum ad ipsam causam. Quemadmodum <sup>ad causam fa-</sup>  
 nim *cap. 1.* diximus, pro causa fauorabili esse pronuncian- <sup>vorabiliorem.</sup>  
 am in casibus dubiis, idem quoque hic maxime applican-  
 um erit, ut pro illo instrumento iudicetur, quod causæ fa-  
 vorabili fauet, veluti pæ causæ etc. TRENTACINQ. cit. l. n. 6.  
 c cum iura magis faueant liberationibus quam obligationi-  
 is l. *Arrianus 47. ff. de Obl. et A.* magis quoque in huius-  
 odi conflictu pro illo instrumento pronuncian-  
 uet liberationi SOCIN. vol. 2. conf. 277. n. 21. ALEX. vol. 6.  
 nsf. 190. n. 14.

§. XIII. Si hæc circumstantia deficit, IV) fides haben- <sup>Præterea ad</sup>  
 est illi documento, quod *verosimiliora* continet, quem- <sup>verosimilia</sup>  
 modum idem arbitrium iudicis requisivimus in collisione <sup>attendendum.</sup>  
 testium



testium inter se, quorsum spectat *l. optimam 14. C. de contrab. et committ. stipul.* et ita in subsidium assumenda illa circumstantia, de quibus *C. 1. in f.* dictum, sed plus hic valet iudicis prudentis iudicium limatum, quam multa regula iudici, iudicio carenti, praescripta. Possumus hic in exemplum adsumere *l. Sempronius 47. ff. de leg. 2.* ubi casus est talis: Binae tabulae eodem tempore scriptae erant, sed inter se repugnantes, in alteris centum in alteris quinquaginta Titio legati sunt. Legatarius petebat centum ex vniis tabulis, heres tantum se quinquaginta soluere obligatum esse dicebat, et hunc in finem alteras producebat tabulas. Erat ergo collisio inter ambas tabulas, et inde quaestio exsurgebat, quibus tabulis potius insistendum? respondet Ictus magis heredi parcendum esse, ut tantum quinquaginta legatarius petere possit, cum in dubio praesumatur defunctus voluisse heredem minus gravare; qua praesumptione cum adiuventur tabulae ab herede productae, illis standum. Semper enim illud documentum, quod maioribus adminiculis iuuatur, praefertur. ALEX. vol. 6. conf. 190. n. 22. BALDVS in *l. 14. C. de fide instr. n. 12.* Huc etiam pertinet, quando alterum ex variis adductis coniecturis suspectum factum est, quae aliquando ad fidem tollendam proficiunt. IAC. BORN. de instr. P. 2. cap. 6.

*Tandem contra eum qui probare debet in dubio pronunciandum.*

§. XIV. Denique quando V) nec apparet, quale instrumentum vero proximiora contineat, merito contra eum iudicandum, qui *probare debuit*. Neque enim probare dici potest, qui aequaliter cum aduersario probauit, cum ipsum in probando vincere debeat, ceu in *cap. 1. in f.* dictum. Atque adeo si actor probare debuit, reus absolendus, si vero huic probatio incumbit, pro actore merito pronunciandum. Vtut enim alias regula sit, in dubio absolendum esse reum,



um, tamen hoc suo modo etiam ad actorem recte applica-  
 r, quando reus excipiendo fit actor, *l. 1. ff. de except. ve-*  
*ti si compensationem opponat, et debitum fateatur, sic e-*  
*n dum hanc exceptionem probare debet, quasi actoris vi-*  
*m subit, contra cuius probationem actor replicando se de-*  
*dit, et dum pro eo pronunciat, liberatur ab opposita*  
*retentione aduersarii PAUL. DE CASTRO in l. 14. C. de fid. in-*  
*um. in f. TRENTACINQ. cit. l. n. 8. et 10. BOER. Decis. 52. n. 9.*

§. XV. Superesset, quibusdam exemplis regulas tradi- *Conclusio.*  
 illustrare: sed cum id quidem per temporis angustias a-  
 sque occupationes non liceat, sufficiet, præcepta hic tra-  
 lisse. Iudicio ubique opus, quo deficiente sæpe in appli-  
 catione errabitur. Neque hi, qui accurato iudicio omnia  
 terant, exemplis indigent, sicuti parum illis profecerint,  
 i eo destituuntur.

---

## EXERCITATIO LXVI.

AD LIB. XXII. PAND. TIT. II.

DE

# COLLISIONE PRAESUM- TIONVM

CAP. I.

DE

## SENSV RVBRICAE GENVINO.

ARGVMENTVM.

I. *Argumenti ratio.* II. *Collisio quid?* III. *Præsumtionis*  
*ratio.* IV. *Formulae, quibus in iure indicatur.* V. VI.  
 Tom. IV. Hh Præ-

testium inter se, quorsum spectat *l. optimam 14. C. de contrah. et committ. stipul.* et ita in subsidium assumenda illa circumstantia, de quibus *C. 1. in f.* dictum, sed plus hic valet iudicis prudentis iudicium limatum, quam multa regula iudici, iudicio carenti, praescripta. Possumus hic in exemplum adsumere *l. Sempronius 47. ff. de leg. 2.* ubi casus est talis: Binae tabulae eodem tempore scriptae erant, sed inter se repugnantes, in alteris centum in alteris quinquaginta Titio legati sunt. Legatarius petebat centum ex vniis tabulis, heres tantum se quinquaginta soluere obligatum esse dicebat, et hunc in finem alteras producebat tabulas. Erat ergo collisio inter ambas tabulas, et inde quaestio exsurgebat, quibus tabulis potius insistendum? respondet Ictus magis heredi parcendum esse, ut tantum quinquaginta legatarius petere possit, cum in dubio praesumatur defunctus voluisse heredem minus gravare; qua praesumptione cum adiuuentur tabulae ab herede productae, illis standum. Semper enim illud documentum, quod maioribus adminiculis iuuatur, praefertur. ALEX. vol. 6. conf. 190. n. 22. BALDVS in *l. 14. C. de fide instr. n. 12.* Huc etiam pertinet, quando alterum ex variis adductis coniecturis suspectum factum est, quae aliquando ad fidem tollendam proficiunt. IAC. BORN. de *instr. P. 2. cap. 6.*

*Tandem contra eum qui probare debet in dubio pronunciandum.*

§. XIV. Denique quando V) nec apparet, quale instrumentum vero proximiora contineat, merito contra eum iudicandum, qui *probare debuit*. Neque enim probare dici potest, qui aequaliter cum aduersario probauit, cum ipsum in probando vincere debeat, ceu in *cap. 1. in f.* dictum. Atque adeo si actor probare debuit, reus absoluendus, si vero huic probatio incumbit, pro actore merito pronunciandum. Vtut enim alias regula sit, in dubio absoluendum esse reum,

reum, tamen hoc suo modo etiam ad actorem recte applicatur, quando reus excipiendo fit actor, *l. 1. ff. de except.* veluti si compensationem opponat, et debitum fateatur, sic enim dum hanc exceptionem probare debet, quasi actoris vicem subit, contra cuius probationem actor replicando se defendit, et dum pro eo pronuntiatur, liberatur ab opposita prætensione aduersarii PAVL. DE CASTRO in *l. 14. C. de fid. instrum. in f. TRENTACINO. cit. l. n. 8. et 10. BOER. Decis. 52. n. 9.*

§. XV. Superesset, quibusdam exemplis regulas traditas illustrare: sed cum id quidem per temporis angustias aliasque occupationes non liceat, sufficiet, præcepta hic tradidisse. Iudicio ubique opus, quo deficiente sæpe in applicatione errabitur. Neque hi, qui accurato iudicio omnia poterant, exemplis indigent, sicuti parum illis profecerint, qui eo destituuntur. *Conclusio.*

---

## EXERCITATIO LXVI.

AD LIB. XXII. PAND. TIT. II.

DE

# COLLISIONE PRAESUMPTIONVM

CAP. I.

DE

## SENSV RVBRICAE GENVINO.

ARGVMENTVM.

I. Argumenti ratio. II. Collisio quid? III. Præsumptionis ratio. IV. Formulæ, quibus in iure indicatur. V. VI. Tom. IV. Hh Præ-

*Præsumptio iuris et de iure male hic refertur. VII. Præsumptio violenta quid? VIII. Requisita præsumptionis iuris. IX. An sola approbatione legis imitatur? X. Distinctio inter præsumptionem iuris simplicem et qualificatam. XI-XVIII. Differentiæ inter præsumptionem iuris et interpretationem. XIX. XX. Collisio præsumtionum quid? XXI. Eius effectus.*

## §. I.

*Multum utilitatis latet in accurata probatione.*

**Q**uemadmodum nulla lis vel controuersia, quæ in iudiciis instituitur, sententiæ iudiciali statim subiicitur, sed obseruato prius iuris ordine ibidem est procedendum, *l. prolatam 4. C. de Edendo*; ita quilibet sole clarius animaduertet, magnam esse utilitatem, sedulo et probe excutere methodum probandi. Quam enim necesse sit, ut fundamentum intentionis sufficienter probetur, multi grauissimo damno experti sunt, quibus non ius, ut aiunt, sapius tamen probatio defuit, *l. 30. ff. de Testam. tur.* Hinc eo maiori cura, qui aliquando felicem progressum in praxi facere desiderat, quæ ad probationum materiam spectant, sedulo euoluere et manibus terrere, ut loquuntur, debet. Huius autem Doctores communiter duas præcipuas constituerunt species; diuidentes eam in *Inartificialem*, quæ per simplices ac naturales modos perficitur, per testes ex. gr. instrumenta, confessionem etc. et hinc *directa*, vera et propria dicitur; et *artificialem*, quæ tota in artificiosa inuentione et deductione consistit, sitque in rebus dubiis, per probabilia signa ac argumenta ad instar alicuius syllogismi, ubi ex medio termino aliquid legitime infertur. DONELL. *de probat. c. 5. STRVV. Exerc. 28. tb. 3.* et huius etiam loci esse præsumptionis materiam, vñanimitè Dd. statuunt, quippe quæ ali-

*Præsumptionis materia ad Probationem spectat.*

aliquando vel probationis instar est, vel adminicula probatione inferuentia suggerit, vnde et in ff. sub eodem titulo coniunguntur materia *probationis* et *præsumtionis*. Quamvis vero si ius nostrum inspiciamus, varios præsumtionum gradus ibi deprehendamus, non tamen diuisionem aliquam *κατὰ τὸ ἐνθὲν* ibi occurrere certum est; interim quoad rem ipsam diuisionem in legibus latere, sedulo indagatori iurum patebit. Vnde DD. varie illam dispescunt; aliam nomenant *iuris* et *de iure*, cuius potissimum *περί τινος* in eo consistere volunt, vt probationem contrariam non admittat, aliam vero *iuris*, quam lex pro veritate habet, donec contrarium probetur: aliam denique *hominis*, siue iudicis, quæ factum antecedens, ex quo iudex præsumtionem capere possit, requirit et probabiliter inde aliquid infert. Sicuti vero ex multis præsumtionibus coniunctis, vel vera siue plena, vel præsumptiua siue semiplena inducitur probatio, et vero contingere sæpe possit, vt plures præsumptiones concurrant, siue circa idem factum, siue circa personas litigantes, adeoque vna præsumptio semper validior et fortior esse possit altera; ita in earum concursu, quæ reliquis palmam auferant, diligenter despiciendum est, vt adeo crediderim, non inutile fore de *collisione præsumtionum* disquisitionem. Idem Thema quidem iam ante pertractarunt viri alias in iure celeberrimi, vt MENOCHIVS de *præsumtionibus*, ALCIATVS de *Præsumt.* PACIANVS de *Probationibus*, MASCARDVS et alii, qui tamen, si verum fateri licet, admodum confuse et perfunctorie hanc materiam tradiderunt, magisque inuoluerunt, quam explicuerunt; Hinc nemo nobis vitio vertet, si non in omnibus eorum regulis inhæremus, sed pro argumenti ratione ab ipsorum castris discedimus, et quid in horum regulis falsi vel veri lateat, fideliter indicamus.

Dd. *vulgata*  
*Diuisio Præ-*  
*sumtionum.*

*Transitus ad*  
*propositum*  
*thema.*

*Explicatio vi-  
cis collisionis.*

§. II. E re autem omnino erit, vt circa enodationem vocabulorum, in Rubro dissertationis positorum quadante- nus finus solliciti, vt statum controuersia eo rectius forme- mus, ne Andabatarum more pugnare videamur. Offert ve- ro se primo loco vocabulum *Collisio*, quod ab effectu in iu- re etiam pro fracto et incuruato sumitur; nam ita VLPIAN. in l. 2. §. 3. ff. de Auro, argent. mundo leg. dicit: Cui aurum et argentum factum legatum est, si fractum et collisum sit, non continetur, quo in sensu etiam occurrit in l. labeo 14. §. 1. ff. de verb. sign. ibi: *veluti scyphi collisi*. Proprie itaque deno- tat duorum corporum solidiorum adeo grauem concursum, vt necessario vnum alteri locum relinquere debeat. Nos quamuis praesumptiones et iudicia ad corporales res nolimus transferre, metaphorica tamen hoc loquendi formula merito vtimur, praesertim cum etiam in vita communi hac phrasi v- tantur de iis, quorum animi odiis et discordiis mutuis agun- tur. Tunc enim dicere solent: *Sie haben sich sehr colli- diret*. Neque hanc loquendi rationem a Stylo iuridico esse alienam vel inde patet, quod adeo celebres Doctores hac in re praeruerint; instar omnium iam sit Dn. IO. NIC. HER- TIVS, famigeratissimus Gieslensis Antecessor, qui edisseruit de *Collisione Legum*. Alii idem thema aliis loquendi verbis excusserunt, vt PAVLVS VOETIVS, de concursu Statutorum, CHRISTIANVS RODENBURG, de *Iure, quod oritur ex statutorum vel consuetudinum discrepantium conflictu*. Quo etiam referri meretur THOMASII dissertatio, quam *Morum cum iure Scri- pto contentionem* inscribit, et quamuis tantum de com- paratione inter leges scriptas et mores fuerit sollici- tus, exemplis tamen ostendit, leges moribus cessisse. §. 53. et 55.

§. III.

§. III. Verum de collisione horum iurium iam parum sumus solliciti: Rubrica enim docet, nos vnice agere de collisione et conflictu *praesumptionum discrepantium*. Hinc cum vox hæc satis ambigua sit, ipsam rem ex genuinis principiis euoluere lubet. Videndum itaque ante omnia; quid vox *praesumptionis* proprie denotet: Videlicet aliquid dicitur *praesumi*, quando varii ac dubii casus vel sententiae concurrunt, et ex istis magis probabilem praerimus, ad fidem faciendam. Eatenus enim praesumptionem hic consideramus, quatenus iudici exinde fides de re dubia fieri debet. Quamvis enim praesumptiones coniecturis probabilibus nitantur; adeoque inde fides deduci non posse videatur, ostendit tamen THOMASIVS *disp. de Fide iuridica* omnem fere fidem iuridicam ultimo se resolvere in probabilitatem, gradibus discrepantem. Ita communiter, ut iam dictum, praesumptionem considerant, ut si legibus confirmetur, specialiter *iuris*, si vero a iudice absque adminiculo legis id peragatur, *hominis* eam appellent. Et hæc verisimilitudo oritur ex factis hominum, prout communiter inter homines fieri solet, quamvis aliquando sed rarius, fallat, vid. STRYK *in not. ad Lauterbach. Compend. lib. 22. tit. 3. voc. ex variis circumstantiis*. Vnde etiam praesumptio minuitur vel crescit, quatenus

*Praesumptio  
quid?*

*Vnde praesumptio  
oriatur*

fit, quod sint feudalia, quia pleraque territoria talia sunt; Idem iudicium esto de aliis exemplis. Ceterum et alia huius vocis significationes sunt, quas sedulo excussit BRISSONIVS de V. sign. sub voce *præsumere*.

*Vnde in iure  
cognoscatur  
præsumtio.*

§. IV. Hanc præsumtionem ex eius appellatione posse cognosci, nullum est dubium, verbo tamen illi ita præcise non inhærendum est, cum etiam præsumptiones ex variis aliis significationibus cognosci possint in legibus Romanis. Sic vocabulum *videtur*, si substrata materia id permittat, præsumtionem iuris denotat vid. l. 7. ff. de Administ. Tut. quin etiam vox *intelligitur* l. 40. de Hered. instit. l. 3. Cod. eod. quorsum et refero verbum *creditur* l. 8. ff. de iure Codicill. et quando *existimo* et *æstimo* ponitur l. 7. d. in integr. restit. præsumtionis etiam indicium est; sic etiam quando voce *coniecturam facimus*, legimus l. vn. ff. si tab. test. nullæ extab. et quando legislator *arbitratur* præsumsisse intelligitur. l. 7. ff. depositi. et quando aliquid dicitur *verisimile*, pro illo præsumi debere docet l. 7. de Administ. Tut. esse credendas: dicitur in l. 14. Cod. de Contrab. stip.

*Quid præsum-  
tio iuris et de  
iure.*

§. V. Hæc vero est communis DD. cantilena, omnium præsumtionem fortissimam esse *iuris et de iure*, cui adeo omnes in collisione cedere debeant, ut nec in contrarium vlla probatio admittatur vid. MENOCHIVS lib. 1. de Præf. qu. 3. n. 17. PACIANVS de Probat. l. 1. c. 11. num. 2. LAVTERBACH. in Compend. iuris tit. de Probat. et præf. ut sententiam suam confirmet, allegari exempli loco consueverunt l. 34. Cod. ad L. Iul. de Adulter. quæ de illis, qui prius accusati de Adulterio, propter sanguinis proximitatem autem accusationem intentam depulerunt, postea vero matrimonium contrahant, ad-

co



eo praesumit adulterium antea ab illis esse commissum, vt veluti in conuictos facinus confessosque procedendum sit, et per consequens probatio in contrarium excludatur. Huc etiam referunt casum ex *cap. 30. X. de sponsal.* vbi agitur de sponsalibus de futuro, copula carnali subsecuta, confirmatis, vnde oriri ait Pontifex, praesumptum matrimonium, contra praesumptionem tamen huiusmodi non admittendam esse probationem in contrarium. Idem inculcatur in *cap. 6. X. de condit. appof.* vbi et illa ratio additur, quod, qui illam, quam sub conditione sibi desponsauerat, carnaliter agnoscit, videatur, seu praesumatur a conditione illa recessisse, vt nec probatio in contrarium amittatur. Aliud exemplum deducunt ex *l. 23. Cod. ad SCtum Vellei.* de muliere intercedente pro alio, et in Instrumento publice confecto, et a tribus testibus consignato, profitente sese aliquid accepisse, et sic ad intercessionem venisse, vbi volunt legem non solum praesumi, quod in utilitatem propriam intercesserit, sed etiam disponere, ipsam non amplius posse vti SCto Velleian. Sic etiam huc referunt, *l. Tutor qui repertorium 7. ff. de Administr. Tut.* et inprimis *c. afferte mihi X. de praesunt.* vbi refertur iudicium Salomonis Regis inter duas feminas litigantes inter se, cuiusnam esset filius viuus?

§. VI. Hæc sunt quæ communiter a DD. pro stabilien-  
 da hac sententia in medium producantur: verum quam gra-  
 vem errorem hi errauerint, egregie nuper ostendit HENR. <sup>Reiicitur praesumptio iuris et de iure.</sup>  
 COCCEIUS differt. de probatione directa negativa, vbi §. 17.  
 dicit: disputant DD. sed non conuenit inter eos, quid nomine  
 praesumptionis iuris et de iure veniat; est enim illud a DD.  
 confictum, veluti barbarum, certam significationem non habet.  
 REINH. BACHOV. AB ECHT. v. 2. AC HIER. TREVTLER. p. 2. disp.  
 4. tb.

4. th. 10. lit. c.; et vulgo, nomine non satis congruo, *præsumptio iuris et de iure* appellari solet. Verum utique est, hanc speciem *præsumptionem* proprie non esse, cum hæc circa rem dubiam versari, factumque nondum certum quodammodo in lucem ponere, et ex circumstantiis verisimilitudinem colligere debeat. *Præsumptio iuris et de iure* autem, quam vocant, ex signis plerumque certis et necessariis oritur, adeo ut lex de eiusmodi causâ regulariter firmam sanciat decisionem; COCCÆIUS *dict. disp. §. 14.* Neque vero difficile est, ostendere, unde ille error communis ortus sit; vel enim DD. verbis legum inhæserunt, et, ubi vox *præsumptionis* occurrit, statim illud de vera interpretati sunt *præsumptione*: vel potius *præsumptionem violentam*, quæ tamen *iuris* est, et probationem in contrarium admittit, cum aliis casibus, ubi lex statim condemnat reum, confuderunt. Ad priorem classem refero, c. 30. X. de sponsal. c. 6. de Condit. appof. ad posteriorem l. 7. de Administr. Tut: quin, quod DD. unanimiter asserunt, sæpe adhuc admitti probationem in contrarium in hac *præsumptione*, unde ea *præsumptio iuris* est, et non nova species.

§. VII. Quamvis vero in *præsumptione iuris et de iure* magis vera legis dispositio contineatur, præsertim cum non admittat probationem in contrarium, quam ne vera quidem probatio excludit: COCCÆIUS sæpius dicta *differt. cap. III. §. 5. et 13.* interim tamen nullo modo negamus, dari *violentam iuris præsumptionem*, non distinguendam a *præsumptione iuris*. Hæc enim quamvis proxime accedat veritati, veritatem tamen nondum facit, sed admittit probationem in contrarium, hoc tamen pro manifesto *veritatis* in iure habens, quod probationes contra eandem debeant esse manifestissimæ . et

Quid sit violenta præsumptio iuris

et ponderosa. Cuiusmodi exemplum est in *l. 7. pr. ff. de Administr. Tutor.* ubi Tutoris dolus in commissione inuentarii praesumitur, nisi necessaria et iustissima causa v. gr. morbus fonticus, allegari possit; item in *l. 14. C. d. Contrah. Stipul.* in qua disponitur, pro omni instrumento esse praesumptionem violentam, et veritatis, et solennitatis, ut non alia quam manifestissimae admitti possint probationes in contrarium; quo refero *l. si quod chirographum 24 ff. de Probat. l. non est verisimile, 23. pr. quod metus causa* ibi: sed huiusmodi praesumptioni debet apertissimas probationes violentiae opponere, conf. *l. 28. §. 3. ff. de liberat. legat.* ibi: praesumptio propter naturalem affectum facit, omnia patri videri concessa, nisi aliud fecisse testatorem ab heredibus eius approbetur. Huc facit quoque lex *57. in fin. de Iure dot.* ibi: praesumptionem ad filii debitum spectare verisimile est, nisi euidentissime contrarium approbetur. ut et *l. 6. ff. de Condict. caus. data caus. non secuta* ibi: nisi forte euidentissimis probationibus mulier ostenderit, conf. *l. 15. ff. de Probat.*

§. VIII. Quibus ita suppositis, iam facilius genuinum sensum distinctionis inter praesumptionem iuris et hominis cognoscere possumus. Primo videlicet asserimus, casus illos, ubi lex aliquid absolute in poenam alterius definit et determinat, non posse referri ad materiam praesumptionum, quia respectu iudicis in poenam alterius hoc pro vero et certo supponendum est: deinde casus illos, ubi lex grauius aliquid praesumit, esse veram et proprie dictam praesumptionem, quamuis violentam; et eo maiorem probationem in contrarium desiderare. Et ex hoc praesumptionem iuris cognosci arbitror; Videlicet tria puto hic requiri 1) ut lex aliquid praesumat ex certis coniecturis, 2) ut illud quod ex con-

Indagatur verus sensus distinctionis Praesumptionum.

Quanam requirantur ad praesumptionem iuris.

iecturis illis infert, pro vero interim habeat, et quasi supponat, quemadmodum Philosophi sua *postulata* habent. Unde et *præsumtio* dicitur a voce *præ*, id est, *ante et sumtio* quasi *ante sumtio*, quia ante legitimas probationes interim aliquid assumitur pro vero, *MENOCIVS de Præsumt. Lib. 1. quæst. 6. n. 4.* et eatenus ille, qui pro se habet *præsumtionem iuris*, dicitur habere fundatam intentionem vid. B. HEROLDVS, venerand. meus Parens *Obferu. forens. 18. n. 29.* 3) Vt tamen lex, quæ onus probandi contrarium in aduersarium reiicit, simul disponat, hic admitti debere probationem in contrarium, quæ quatenus ipsa *præsumtio legis*, vel *gravis* est vel *levis*, requirit vel *maiores* vel *leuiorem* Probationem in contrarium. Abbas Panormit. in c. 4. de *Præf. non. 2. vers. quandoque tamen.*

Ex sola legis  
approbatione  
non oritur  
statim præ-  
sumtio iuris.

§. IX. Grauitur itaque meo iudicio falluntur, qui statim omnem *præsumtionem iuris esse volunt*, quando lex illam approbat; illam vero *præsumtionem hominis* dicunt, quæ a lege non est specialiter confirmata, quod tamen ubique fere facit Menochius. Omnis certe *præsumtio* debet esse legibus conformis, alioquin *temeraria* merito dicenda, vid. l. 5. Cod. de Probat. Non itaque maior auctoritas *præsumptioni* accedit ex eo, quod lex illam ex factis probabilibus deducat, et ita saltem iudicem instruat, qua ratione aliquid ex legitimis coniecturis inferre debeat. Nam si vel maxime hoc non esset legibus expressum, tamen coniecturæ tales nihilominus efficerent probationem aliquam. Imo cum is, qui iurisdictioni præest, ad similia procedere debeat, l. 12. de legibus, omnis *præsumtio*, ex qua aliquid legitime infertur, esset dicenda iuris, quia licet vel maxime non disertis verbis in legibus contineretur, sufficere tamen posset,

posset, quod legibus praeiunctis ita ad similes casus fieret extensio. Id ipsum bene explicuit IO. FRANCISCVS ANDREOLI *controv. forens. 104. in fin.* inquiens: *Distinguitur: aut lex habet huiusmodi praesumptionem pro vera, adeo ut faciat plenam probationem, tunc semper transfudit onus probandi in eum, contra quem stat praesumptio; aut lex tantum eam habet pro adiuuante veritatem, non pro fundante, tunc non sufficit ad transferendum onus probandi contrarium, sed solum confirmat probationem probantis minus plene.* Exemplis res fiet clarior; sic mendax in vno, in omnibus praesumitur mendax, communiter haec praesumptio pro iuris praesumptione tantum affertur; sed male: leges etiam hanc praesumptionem ideo afferunt, ut tanquam adminiculum inferuiat, si quis falsitatem probare velit. Sic et praesumptio, quae ex vita ante acta inducitur, itidem tantum adiuuat probationem, non vero transfert onus probandi in aduersarium. Sic communiter ex *l. 31. §. 21. ff. de Aedil. edict.* praesumptionem aliquam iuris efformant, hanc scilicet; malum praesumi, qui oriundus est ex tali natione, quae magis infamis est. Ita Ictus *cit. l. philosophatur: praesumptum est, quosdam seruos bonos esse, quia natione non sunt infamata, quosdam malos videri, quia ex natione sunt, quae magis infamis.* Verum meo iudicio absurde inde fieret conclusio, si quis contra aliquem, qui ex natione tali quodammodo infami est, ita interret: Tu es ex natione infami v. c. tu es Cretensis, ergo mendax praesumeris, ergo debes probare contrarium, te esse bonum virum. Imo neque lex hic agit de probatione, sed quid circa emtionem seruorum seruandum sit ostendit; Ergo haec praesumptio contra aliquem adduci potest tanquam adminiculum probationis, sed non ut praesumptio iuris.

*Diuisio pra-  
sumptionis in  
qualificatam  
et simplicem.*

*Differentia  
inter utram-  
que speciem.*

§. X. Posset itaque meo iudicio praesumptio omnis ita diuidi ut vel *simplex sit* vel *qualificata et determinata*. Hæc est, quando lex non tantum quid praesumit, sed determinat etiam, illud interim pro vero habendum esse, donec probetur contrarium; quod iudex *in dubio* sequitur tanquam normam a lege praescriptam, sicuti alias probationes admittere debet a iure approbatas. *Illa* vero est quando aliquid ex legitimis coniecturis vel a lege vel ab homine infertur, sed absque tali determinatione, ut tantum adiumentum ei sit, qui probare debet. Vnde liquida datur inter hæc differentia: *Illa* liberat aliquem approbando: *hæc* vero eum qui probare debet, adiuvat: *illam* iudex sequitur in dubio: non vero *hanc*, nisi alia accesserint coniecturae, ex una enim aliqua coniectura, licet in legibus probata nemo potest statim, se probationi satisfecisse, asserere. *Illa* hactenus probationis instar est, non vero *hæc*; Qui *illam* pro se habet, nunquam vel raro ad iuramentum praestandum compelli potest, quia lex interim illam pro vero habet: Sed hæc facit aliquando locum iuramento purgatorio. *Illa* magis specialis est, *hæc* vero generalis. Fundamentum quoque utriusque diuersum videtur; in eo conueniunt, quod utraque in verisimilitudine fundetur: verum in praesumptione *iuris* vel *qualificata* adest fortior verisimilitudo; quam in *simplici*, quippe quæ plures admittit exceptiones. Ut rem contraham, non aliter praesumptio iuris haberi potest, quam ex legis declaratione, quæ vult onus probandi deuoluendum esse in aduersarium. Ergo ubi hæc declaratio legis probari et ostendi, siue directo siue per indirectum nequit, praesumptio tantum erit *simplex*.

§. XI.

§. XI. Sufficere hæc poterunt pro declaratione sensus tituli huius disputationis. Verum ne sic quidem omnes scopuli esse remoti videntur, cum perlustrando Dd. genuinum conceptum præsumptionis ita turbant, vt regulas interpretandi, ipsamque interpretationem etiam huc retulerint. Sed antequam ad genuina collisionis fundamenta perueniamus, omnino hic error e medio remouendus, ne in sequentibus nobis fraudi esse possit, quemadmodum Menochius vbique circa hanc materiam lapsus est. Origo forsân huius confusionis exinde deriuanda est, quod genuinus conceptus interpretationis adeo inuoluatur a Dd. vt sæpe interpretes per regulas suas rem non explicant, sed peruertant. vid. Dn. Præles de interpret. aduersus eum, qui clarius loqui deb. Sed iam quidem manum de Tabula. Confero me potius ad MENOCHIVM, qui quidem lib. 1. qu. 27. de Presf. examen instituire vult, an præsumtio debeat dici interpretatio? Cum autem conuenientias tantum considerauerit, de disconuenientiis autem nullam curam impenderit, ingreditur eandem erroneam viam, in qua præcessit ipsi Baldus, Camillus, Gallinus et ceteri ab ipso dict. qu. laudati. Non quidem negari potest, in nonnullis conuenire interpretationem cum præsumptione iuris v. c. 1) quod quemadmodum interpretatio de casu dubio fit, sic præsumtio in non deciso locum habeat, 2) quod vtraque ex probabilitate deduci debeat et ostendendum, quid aliquis senserit aut fecerit, 3) multum faciat vtraque ad rem probandam. Verum ex aliquot conuenientiis non statim *identitas rei* deduci potest, in quo tamen DD. sæpius impingunt.

*Male confunditur interpretatio cum præsumptione.*

*Quatenus interpretatio conueniat cum præsumptione.*

§. XII. ALCIATVS quidem in commentario ad l. 30. ff. de Verb. Oblig. non inique sentit, esse aliquam differentiam

*Differentia  
prima.*

interpretationis a præsumptione statuendam. Cum vero ibi litem propterea mouere non voluit, differentias quoque, quæ inter vtramque intercedunt, non notauit. Nostrium itaque erit ad vitandos omnes scopulos, eas breuibus suppeditare. Quilibet vero qui modo leui oculo vtramque et interpretationem et præsumptionem *qualificatam seu iuris* aspexerit, diiudicabit, in eo præcipuum latere discrimen, quod præsumptiones ex diuersa disciplinæ regulis debeant peti. Legislatoris enim est, præsumptiones *determinare* eo, quem dixi, modo, quod interpreti minime competit. Hic vtitur regulis logicis, et mentem legislatoris hisce subsidiis eruere satagit. Vnde quamuis Logica satis subministret, qua ratione animus legislatoris bene sit inuestigandus, non potest tamen de præsumptionibus illis, quas lex facit, et determinat, aliter statuere: licet vel maxime ex coniecturis aliis æque probabilibus quid inferre velit. Statur enim tamdiu præsumptioni iuris, præsertim *violente* ex legislatoris voluntate, donec contrarium liquidissime fuerit probatum. Inde circa has solius Icti officium versatur, qui leges præsumentes applicat, et pro norma sequitur: cum regulis interpretandi non solus Ictus, sed alius quilibet in quauis disciplina vtatur, v. c. Theologus, Medicus, Philosophus. Hi certe præsumptiones *iuris* male in disciplinis suis applicant, quia non eum in finem a legislatore sunt determinatæ, vt instar regularum vniuersalium essent, sed tantum, vt *instar legis* decisionibus causarum et controuersiarum in vita ciuili occurrentium inseruirent. Hinc nihil foret absurdius, quam si Theologus vel Philosophus vellet applicare illam regulam. *Quilibet præsumitur bonus*; cum illi contra ex indole corruptæ naturæ contrarium concludere debeant, eodem modo Medicus male ageret, si Diætam alicui præscripturus, vellet applicare

*Differentia  
secunda.*



plicare illam regulam: *Naturalia inesse praesumuntur*, et sic etiam *sanitas*, adeoque omnis generis cibos et potus ipsi permittere; cum contra praesumere debeat, sanitatem non semper inesse, adeoque securius agat, si dehortetur cibos multos. Sic ubi *de vita partus* quaeritur, Icti quidem est praesumere, partum fuisse viuum, sed non Medici, qui ex naturalibus causis de vita iudicare debet.

§. XIII. Solent quidem nonnumquam regulae bonae in-<sup>Differentia</sup> *interpretationis* legislatorem mouere ad hanc vel illam *praesum-*<sup>tionem</sup> ita determinandam: Sic v. gr. praesumptionem, *nemo praesumitur committere absurdum*, facile eruere licet ex canone Logico, qui praecipit: *In interpretatione semper eo respiciendum, ne inducatur absurdum, vel contrarietas*. Sed hoc non est perpetuum; cum enim ius nostrum non sit sollicitum de casibus rarioribus, sed id potius respiciat, quod plerumque fit, *L. 3. §q. ff. de LL.* hinc certum est, plures posse dari praesumptiones, quae vnice ex legislatoris voluntate, remotis longe regulis interpretationis, in ius transferunt. Sic lex quemlibet praesumit bonum, ex qua regula interpretandi vero haec praesumptio deduci potest? Porro lex non praesumit quae facti sunt, non praesumit mutationem, et plura alia, quae non ex regulis interpretandi, sed ex interna arte iuris deduci debent. Habent quidem omnes praesumptiones suas rationes, ex quibus probabilitatem aliquam deducunt; Sed illae rationes sunt iuris, et rationes interpretationis non ubique hic sufficiunt; Vnde facile concedo legislatorem posse aliquid praesumere, ubi interpretes debet profiteri, suum officium hic quiescere. Sic patre filio pubere simul mortuo, lex praesumit, vel potius statuit, patrem prius decessisse *l. 9. §. 4. ff. de reb. dub.* Idem quoque dicendum de casu, si quis

quis institutus heres et fidei commissio grauatus sub conditione si sine liberis decesserit, et vero contingat, heredem vna cum filio naufragio perire, indistincte prælumitur, ante patrem filium fuisse mortuum, vt fideicommissum habeat effectum l. 7. §. 7. ff. ad SCrum Trebell. Hic vero merito interpreti legi hanc determinationem relinquit.

*Differentia  
quarta.*

§. XIV. Hoc tamen negari non potest, prælumtiones iuris egregia esse *adminicula*, quibus si interpreti vitur, probe in applicatione versatur, cum casus non dentur rari, qui ex supposita iuris prælumtione interpretationem accipiunt, veluti si scriptum sit, actum quasi aliquid esse, illud interpretandum, peractum esse omnibus solennitatibus adhibitis, l. 14. C. de Contrab. et commit. stip. quia nemo contra leges agere prælumitur vid. §. fm. Inst. de Fideiuss. l. 30. ff. de Verb. Oblig. l. 34. §. pen. eod. l. 1. Cod. de Contrab. stipul. Interim si rem accuratius pensitemus, non tam interpretatur, quin potius, quod Icti est, ius ad factum applicat, ergo prælumtiones firman et corroborant interpretationem iam autem factam, vt iudex illam eo magis sequi teneatur.

*Differentia  
quinta.*

§. XV. Porro non est prættermittendum, quod hic notabilem constituat differentiam prælumtionis effectus: nam legis prælumtio adeo necessitat et adstringit iudicem, vt ab ista recedere non sit integrum, si euidentiores non fuerint allata probationes in contrarium. Interpretatio contra prætter probabilitatem aliquam, quod scil. legislator ita voluisse videatur, nihil operatur; Adeoque illam sequi in re dubia non tenetur iudex, cum et ex aduerso alia interpretatio æque probabilis adferri possit, adeoque cum determinatio hic deficiat, plurimum hic committi solet iudicis circumspecti arbitrio,

arbitrio, et prudentiæ: quod arbitrium tamen cessat, in præsumptionibus a lege iam ante determinatis. Ex quo intelligitur, quod in re nimis obscura vel nimis clara interpretatio doctrinalis cesset, et Principis interpretationi locus relinquendus sit, quæ tunc ipsam legem facit, et probationem in contrarium non admittit. Ast præsumptio *qualificata* seu *iuris*, quamvis hactenus legem constituat, ne quidem talis interpretatio *authentica* dici commode potest, cum probationem in contrarium admittat, et in re dubia, (quia si verba sint clara præsumptio cessat, venerand. Dn. Parens B. HEROLDVS *Observ. forens. §. n. 34.*) interim aliquid pro vero supponat.

§. XVI. His demum non immerito addendum esse arbitror, quod præsumptio *iuris* sit dispositio legis et lex uti-<sup>Sexta diff-</sup>  
que nominari possit. Cum autem huius negotium in eo ma-<sup>rentia.</sup>  
xime versetur, ut dirigat actiones hominum et ita primario  
circa agenda occupata sit, et deinde quoque Iudicem aut  
ICTum instruat, quomodo prudenter leges seu ius latum ad  
casus in vita obuenientes applicare possit, illas tanquam le-  
ges in applicando sequitur, non longe disputans, utrum hæc  
præsumptio satis congrua sit nec ne? Iudex enim qua talis,  
dum ius applicat, de iustitia eius non disputat, de hoc quip-  
pe non consultus: Ast regulas interpretandi recte in examen  
reuocat, nec sibi hic legem præscribi patitur, quoniam ex re-  
gulis rationis dependent. Neque enim legis est interpreta-  
tionis regulas præscribere, quippe quæ ad intellectus opera-  
tionem spectant, easdem tamen aliquando ita determinare  
potest, ut inde fiant præsumptiones *iuris*, sed sic non amplius  
sunt regulæ interpretandi, sed potius lex et obiectum ICTi,  
non cuius interpreti proprium. Inde porro et illud fuit, le-

gis esse præsumere; sed interpretatio *doctrinalis* vim legalem non habet, partim, quia nihil certe ponit, sed in probabilitate mera subsistit, partim quia ab hominibus *priuatis*, ad quos decisiua potestas non spectat, fuit. Breuiter: *lex præsumit: homines priuati interpretantur in qualibet doctrina.*

*Præsumtio  
simplex magis  
conuenit cum  
interpretatio-  
ne.*

§. XVII. Ex quo iam illud fuit, præsumtionem *simplicem*, seu non determinatam magis conuenire cum interpretatione, vel potius præsumtionem tanquam effectum bonæ interpretationis considerari posse. Quodsi enim voluntatem alienam dubiam ex coniecturis probabilibus hoc vel illo modo interpreteris, præsumtio inde nascitur, alterum id etiam voluisse. Et hoc in legibus optime obseruatum esse reperio. Sic imperatores in *l. 14. C. de testam.* ita dispositionem vltimam defuncti interpretantur, vbi exheredationis et institutionis facta est mentio, vt non codicillus, sed testamentum factum sit. Regula enim interpretandi docet, pro substrata materia esse interpretationem faciendam: Iam autem testamento vnice proprium est, instituere et exheredare, non autem codicillis conuenit. Et ex hac interpretatione iam præsumtio nascitur, testatorem etiam non Codicillos, sed testamentum facere voluisse. Sed fallit certe *MENOCH. de Arbitr. Iudic. quæst. cas. 472. et de Præf. lib. 1. qu. 29. num. 4.* dum ex hac lege statim præsumtionem *iuris* seu *qualificatam* efformat, adeoque regulam generalem inde deducit, quod *illa præsumtio sit fortior, quæ a substantia prouenit, illa, quæ a solennitate descendit.* Neque enim legislatorum intentio fuit, hic præsumtionem determinare, sed tantum interpretari, et ad casum prolatum respondere decidendo. Exemplum aliud occurrit in *l. si seruus plur. 50. §. vlt. de leg. 1.* vbi quæritur de casu, si numerus *nummorum* legatus sit, nec appa-

appareat, quales sint legati, tunc Ictus respondet, voluntatem hanc dubiam interpretandam esse ex probabilibus coniecturis. *Ante omnia, inquit, ipsius patris famil. consuetudo, deinde regionis, in qua versatus est, exquirenda est, sed et mens patrisfamilias, et legatarii dignitas vel Charitas vel necessitudo, item earum quæ præcedunt vel quæ sequuntur, summarum scripta sunt spectanda.* Inapte itaque MENOCHIVS de *pres. lib. 1. quæst. 28.* inde conficit præsumptiones iuris, cum tantum Ictus suppeditet adminicula interpretandi voluntatem defuncti dubiam. Sic et de multis aliis exemplis, in materia legatorum occurrentibus idem formandum iudicium.

§. XVIII. Hæc itaque omnia in eum finem adduci fufius debuerunt, ne in eisdem scopulos incidereimus, quos euitare Menochius non potuit, dum omnia hæc confusione improbata magis obscurauerit, quam explicauerit. Vt enim *cap. ult.* ostendemus, Regulæ in collisione præsumtionum ab ipso allatæ, pleræque ita sunt comparatæ, vt in hæc hætenus declarata principia impingant, dum quamlibet legis interpretationem vel præsumptionem statim pro præsumptione *qualificata* adsumit, quod tamen sedulo cauendum ei, qui ius ad factum rite applicare satagit.

§. XIX. Hisce itaque præmissis iam facile patet, quid sit Collisio Præsumtionum. Videlicet est *concurfus præsumtionum plurium discrepantium, in vnam eandemque causam ita comparatus, vt omnes ad factum oblatum applicari nequeant, sed reliquæ fortiori cedere debeant adeoque illud efficiens, vt iudex inquirere debeat, cui onus probandi et aliquando iuramentum suppletorium, vel purgatorium deferre et denique pronunciare in dubio debeat.*

*Explicatur  
definitio.*

§. XX. Dixi esse *concursum* præsumptionum. Vnde vero hic concursus oriatur, *cap. sequente*. explicabo. Addidi *plures præsumptiones*, et indistincte locutus sum; Primario quidem præsumptiones *qualificatae* huc spectant, et proinde de illis *cap. seq.* primo loco agendum erit. Sed etiam aliae præsumptiones *simplices* saepe concurrere possunt, praesertim si lex harum mentionem faciat, adeoque etiam de illis regulas quasdam suppeditabo. Dixi porro *in unum eundemque casum*; Concurrunt enim plures præsumptiones vel circa vnam *personam*, v. c. quod Titius non præsумatur delictum commisisse, et tamen præsумatur, quia est talis persona zu der man sich dergleichen Mißethat versehen mag, vel circa actorem et Reum, v. c. quod pro Reo præsумatur, quia possidet; pro actore vero, quia praedium eiusdem liberum esse præsумitur.

*Utilitas tri-  
plex huius do-  
ctrinae.*

§. XXI. Simul vero in definitione adieci *effectum* collisionis, ex quo de utilitate ingenti huius doctrinae constare potest. Prima utilitas eius in eo consistit, ut iudex scire possit, *cui onus probandi sit deferendum*. Si enim pro utroque est præsumptio, incommodum foret utrique onus probandi deferre, hinc cum semper in concursu fortius vincere debeat, vid. Venerand. Dn. Parens, B. HEROLDVS *in Obseru. pract. p. 124* ita quoque, pro quo fortior est præsumptio, liberatur ab onere probandi, is vero, pro quo debilior, ad hoc onus adstringendus est. *Altera* utilitas in eo consistit, pro quo iudex *in dubio*, h. e. si alter non probauerit contrarium, pronunciare debeat? Nam si pro utroque est præsumptio *qualificata*, absurdum foret pro utroque pronunciare: Ergo magis pro eo, qui fortiori nititur præsumptione, pronunciare debet. Et denique si præsumptiones *simplices* con-

current.

currant, *tertia* utilitas huius doctrinae in eo consistit, ut iudex inde arbitrari possit, cui iuramentum suppletorium potius, quam purgatorium deferre debeat. Et denique in iudiciis *mixtis*, ubi uterque probare potest, scire expedit, pro quo potius pronunciare debeat: ut iam alias utilitates breuitatis studio non attingam.

CAPVT II.  
DE  
GENVINIS FVNDAMENTIS IN COLLI-  
SIONE PRAESUMTIONVM OB-  
SERVANDIS.

A R G V M E N T V M.

- I. Origo collisionis praesumptionum ex generali legi dispositione, multis exceptionibus obnoxia, II. ex diuersis praesumptionum gradibus, III. ex circumstantiarum varietate. IV, V. Imbecillior praesumptio cedere debet fortiori. VI. Vnde fortior sit aestimanda? VII. Generalis cedere debet speciali. VIII. Generales praesumptiones, quod facta non praesumantur, IX. quod quilibet praesumatur bonus, X. quod naturalia inesse praesumantur, XI. quod mutatio non praesumatur, XII. quod semel malus semper praesumatur talis in eodem delicti genere. XIII. Quando generalis praesumptio speciali non cedat? XIV. In conflictu specialium praesumptionum inter se violenta praevalet. XV. XVI. Violenta aestimatur ex maiori probabilitate et ex legis determinatione. XVII. De legis*

*legis dispositione in rebus dubiis XVIII. De collisione præsumptionum hominis inter se.*

§. I.

*Colliso omnis  
oritur (1) ex  
generalitate.*

*Declaratur  
exemplis.*

**H**aud raro collisionem Præsumptionum oriri, dictum est *Cap. anteced.* unde vero originem ducat, de eo iam erit inquirendum. Obseruandum vero, quod nulla in omnibus disciplinis detur absoluta perfectio; et hinc quoque impossibile sit, ut leges de omnibus omnino casibus possint dari; *l. 3. 4. 8. ff. de LL.* sed contentus debeat esse earum indagator, si modo de iis, quæ ut plurimum fiunt, iustam inueniat decisionem; *l. 5. ff. eod.* Ex quo porro sequitur, ut; Regula nihilominus firma manente, sæpius admitti debeant exceptiones, propter generalitatem Legum, quas penitus considerare, prudentissimum a iuris autoribus factum dicitur in *l. 3. ff. si pars hered. pet.* Procedo autem ab hoc simili ad scopum propositum, monstraturus, quemadmodum leges suas habent exceptiones et limitationes, ita ex iisdem rationibus et *præsumptiones generales* admittere præsumptiones contrarias in casibus *specialioribus*, qui sub generali præsumptione comprehendi non potuerunt. Prioris exemplum exhibet lex illa generalis, quæ in omnibus ultimis Voluntatibus quinque ad minimum testes requirit; quod tamen speciali illo casu aliter dispositum inuenimus, ut quando testator fidei heredis sui committit, ut vel hereditatem vel aliud quid ex illa restituat, id valere debeat, etiam si neque ex scriptura, neque ex numero quinque testimonium id possit manifestari, *§. fin. Inst. de Fideic. hered. l. ult. C. eod.* Posterioris exemplum erit in præsumptione illa generali, quæ errorem prius quam donationem præsumit; quam tamen admittit in speciali causa *l. Procula 26. ff. de Probationibus*, ubi fideicommissaria non petiit fideicommissum a fratre,



tre, cum tamen ex aliis causis et rationibus ipsi soluisset, ubi præsумitur remissio fideicommissi, quod ad alios quoque collaterales extendit BARBOSA *ad l. 34. n. 44. ff. solut. matrim. RIMINALD. l. 5. Conf. 493. n. 47. Conf. HARPRECHT P. 2. tract. eadem. 9. de tacito pacto fideic. remis. ex diuis. bonor. præf. sonto.* Similes casus recenset BRUNNEMANN *ad dictam l. 26.* ubi nempe Pater mutuo dederat filiae, et longum tempus intercesserat, filiaque postea patri mutuo dederat aliam summam, pater vero in posterioris obligationis instrumento nihil de debito dixerat, se autem recte obligauerat ad restitutionem. Sic etiam in dubio generaliter mutatio non præsумitur *l. 22. ff. de Probat. l. 32. pr. ff. de Donat. inter Vir. et Vx.* ex variis tamen circumstantiis contrarium eliditur: si enim testamentum rescissum vel cancellatum reperiatur, mutatio præsумitur, STRVV. *in Iurisprudencia Lib. 3. tit. 20. §. 4.* Plures casus legantur apud ALCIATVM *de præsumt. part. 3. Reg. 2. præf. 16.* HARPRECHT. *de tacito pacto fideic. ex diuis. bon. præf. §. 7. n. 4.*

§. II. Quemadmodum vero qui ICtum agere gestit, non scire tantum verba legis tenetur, sed rationem quoque illarum indagare *l. 17. de LL.* ita quoque in indagandis rationibus præsumptionum deprehendet, diuersos esse præsumptionum gradus, imbecilliores aliam, aliam validiorem, ob rationum, quibus innixa sunt, diuersa momenta. Ex quibus necessario euenit collisio; quia varii dantur rationum gradus et varia pondera earundem. Sic quaedam leges respiciunt interesse publicum, quaedam priuatum; illud vero huic semper esse præferendum, vel hoc exemplo potest probari; quod filius Patrem proditorem patriæ impune occidere possit; ut hoc casu quasi suspendatur respectus et honor, qui

*Collisio (1) •  
ritur ex ratio-  
num diuersis  
gradibus.*

*Exemplis de-  
claratur.*

qui Parentibus debetur, v. l. 30. ff. de Religios. et sumt. funer. Sic alia lex est: Nemo est lædendus; cum vero Reipublicæ inter sit, ut abbrevientur lites, nonnunquam connivendum est, quando alter alterum in contrahendo circumvenit l. 16. ff. de Minor. ibique BRUNNEM. L. 2. Cod. de Rescind. E. et V. Idem indicium esto de præsumtionibus, quæ iisdem nituntur fundamentis, et omnes ex probabilitate aliqua rationes cruuntur. Cum autem probabilitatis varii dentur gradus, una veritatem magis attingit, altera ab illa est remotior et hinc est quod collidant inter se. Videlicet probabilitatis potissimum tres possunt constitui gradus, quædam enim præsumptiones rarissime fallunt, et vix unam aut alteram exceptionem admittunt; qualis est præsumptio pro Testamento, quod non mutatum creditur, excepto casu, si cancellatum penes testatorem reperiatur. Quædam eiusdem sunt naturæ, ut raro quidem fallant, exceptiones tamen non paucas naturaliter contingentes admittant, qualis est præsumptio bonitatis. Quædam demum adeo sæpe fallunt et multas habent exceptiones, ita ut casus exceptionum prope accedant ad casus regulæ, ab his tamen aliquo modo superentur, cuiusmodi sunt, quas Iudex ex circumstantiis variis plerumque facit, de quibus omnibus, quantam possint facere fidem, videatur THOMASIVS *disp. de Fide iurid. cap. 1. §. 535. 545.* ubi hos tres gradus egregie pro more suo per varia illustrat exempla.

Varii sunt  
gradus Pro-  
babilitatis.

Collisio oritur  
ex circum-  
stantiarum  
varietate.

§. III. Deinde collisionem quoque operatur *circumstantiarum* consideratio, quæ cum dentur infinitæ, non minores quoque præsumptionum modi sunt, utpote quæ ob circumstantiam minimam totam causam possunt variare. Hinc potest evenire, ut cum bona pro me militet præsumptio, contra cum de quadam forte circumstantia mihi non bene prospexerim, pessima

peffima in me detorqueatur. Sic nunquam præfuitur quis occifor Caii, quia omnis præfuitio eft delicti exclusiva: fi vero cum gladio in loco delicti fuerit vifus, fi conftet de minis, item fi in fugam fe coniecerit, fi fit perfona fufpecta, de qua tale delictum præfumi poteft, tunc omnino gravatur præfuitione contraria, et bona, quam prius pro fe habuit, opinio euaneſcit, vid. *art. 25. 26. 33. Conſtit. Crim. Carol.* Huiusque farina eft præfuitio bonitatis, quæ regulariter adulterium inter cognatos non credit: fi tamen poſtea matrimonium contrahant, ex hoc facto aliam deciſionem inducit. Fluit quidem hæc Concluſio ex priori caſu in §. *anteded.* illuſtrata: illa tamen magis reſpicit præfuitiones *qualificatas*, hæc vero ſpecialiores ſimplices.

§. IV. Genuinis cauſis, ex quibus collifio poſſit oriri, perluftratis, ad Regulas progredimur, quæ inſtruant, quænam fit illa, cui in conflictu iſto palma fit relinquenda. Menochius, ea de re ſollicitus, innumeras fere conglomerat, quæ tamen, vti Vigelius dicit, obſcuritatis plus quam veritatis habent; hinc paucioribus contenti exemplis, quæ eo faciunt, rem demonſtrare annitemur. Si itaque Collifio contingit ratione *legum* et vtrinque legi ſatisfieri nequeat, ſequens obtinere ſolet Regula: *Imbecillior lex cedere debet fortiori.* Ad inueſtigandas huius rei rationes admodum ſolliciti eſſe non adeo debemus; alioquin innumeras in iure contradictiones ſtatuerе deberemus et antinomiarum aceruos; quod, quantum fieri poteſt, non admittendum. Accedit, quod plurimæ exceptiones in iure dentur, quæ cum nihil ſint aliud, quam ratio fortior, adeoque in Regula non contineantur, hæc omnes a Regula ſunt ſeparandæ; imo illud quoque inde eueniret, quod multæ res ſe nobis exhiberent,

*Regula generalis in conflictu præſumptionum obſervanda.*

quæ euentu plane destituerentur, nisi collisionis ratio esset habenda. Sic propter tutelam corporis sui nemini facienda esset iniuria *l. 2. §. 27. de Vi et Vi armat.* non posset salua subsistere mutua inter homines cognatio *l. 3. de I. et I.* Si collisionem non admitteremus, non constaret, qua ratione minor posset vti suo priuilegio et femina SCto Vellei. si femina pro minore intercessisset, quod quatenus procedat, STRYK *disp. de Iure Priuileg. contra Priuilegiat.* abunde declarauit.

*Applicatio Regulae Generalis ad praesentem materiam.*

§. V. Quæ regula, cum, vt dixi, in concursu legum et Priuilegiorum procedat: eadem omnino in præsumptionibus adhibenda est: cum quæ in legibus militat ratio, etiam in hac materia sit admittenda. Quam si reiiceremus, magna inde contradictio oriretur; imo nullæ essent exceptiones admittendæ, quas quotidie tamen admitti constat. Præterea si vbique vniuersale fundamentum vellemus ponere, incertitudinis caligo se nobis offerret. Neque vero exempla, quod validior præsumptio debiliorem vincat, admodum sunt rariora, sed passim in iure occurrunt. Liceat saltim hic speciminis loco afferre exemplum de seruitute itineris, si enim sæpius quis per alterius fundum iure seruitutis transferit, idque alter per aliquod temporis spatium passus fuerit, tandem vero Domino contradixerit eunti, re ad litem deducta, ex quasi possessione oritur pro illo præsumptio quædam. Unde accidit, vt duplex hic concurrat præsumptio, altera pro possessore, altera pro libertate, dum autem hæc fortior, nobilior et præstantior est, hinc maiorem facit fidem, quam quæ in mutatione prioris status fundamentum quærit, ceu pluribus infra ostendendum.

§. VI.

§. VI. Cauendum tamen hic omnino, ne incertis vagetur iurium fundamentis more Menochiano; qui absque sufficienti ratione sæpe ingeminat illud: *hec præsumtio fortior est, ergo illi standum.* Inde enim factum, ut sæpius debilem pro fortiori, fortiorem pro debili habuerit. Videndum itaque, unde possit cognosci, quæ sit fortior, quæ debilior. Huius rei ~~requirer~~ meo quidem iudicio in eo ponendum est, ut respiciamus ipsas causas, unde oriatur collisio, *ex quibus enim oritur Collisio, ex iisdem etiam facile cognoscitur, quæ sit fortior.* Causæ rerum ostendunt diuersos effectus, et cum omnia determinanda sint a fine, ob quem fiunt *arg. l. 16. §. 2. ff. de Pœnis.* ideo validum ex hoc ducitur argumentum. Itaque ex vera cuiuscunque rei origine rationes indagantur, ad res dubias discutiendas idoneæ.

§. VII. Primaria causa ex eo sumenda; quod leges loquantur de iis, quæ ut plurimum fiant, ideoque ut plurimum generales sint. Cum vero ita necessario dentur quoque exceptiones, quæ tantum de singularibus casibus disponunt, leges quoque plures speciales subnatæ sunt, ex quibus lex generalis limitanda, et illis omnino cedere debet. Quibus suppositis firma potest duci Regula: GENERALIS PRAESVMTIO IVRIS CEDERE DEBET SPECIALIORI IVRIS. Ratio eius ex dictis apparet, quia specialior cum sit exceptio et limitatio, merito quoque illi in concursu præ generali standum. Inter præsumptiones Iuris generales sequentes referuntur. 1) Quæ facti sunt, non præsumi *l. 12. ff. de Postlim. reuers. l. 19. Cod. de Testam. MASCARD. concl. 732. et MENOCH. lib. 6. pag. 14.* 2) Quemlibet præsumi bonum, quod deducunt ex cap. ult. de Præsumt. l. 51. ff. pro Socio, l. quoties 18. §. 1. ff. de prob. et præf. MASCARD. Conclus. 222.

ALCIAT. *reg. 3. præf. 2.* MENOCH. *l. 5. præf. 1.* FARINAC. *de Indiciis et tortura lib. 1. tit. 5. quest. 49.* Idem 3) Naturalia inesse præsumi, SICHARD. *in l. siue possidetis 16. num. 12. et seqq. Cod. de Probat.* 4) Mutationes non præsumi, MENOCH. *Lib. 6. præf. 25. n. 3.* 5) Malum semel, semper præsumi talem, ALCIAT. *reg. 2. præf. 7.* MENOCH. *lib. 5. præf. 32.* HORN. *Speciali Diff. de semel malo.*

*Prima præsumptio generalis, qua facti sunt non præsumuntur.*

§. VIII. Has regulas singulatim iam perlustrare operæ pretium esse reor. Prima fuit: *Quæ facti sunt, non præsumuntur*, cum ergo donatio in facto consistat, merito non præsumitur. Hoc ita ut plurimum obtinet: aliquando enim in speciali calu contrarium præsumendum. Sic pater ex paterno affectu, vel mater et avia ex pietate naturali, liberis aliquid subministrando, id donasse præsumitur. *l. Neseñnius Apollinaris 34. ff. et l. si paterno affectu 15. C. de Negat. gest. GABRIEL. lib. 1. de præsumt. conclus. 1. n. 33.* quo etiam pertinet, si quis sciens soluerit indebitum, id enim donasse præsumitur *l. 35. de R. I. l. 1. §. 1. l. 24. l. 26. §. 3. l. 62. de condit. in deb. l. 9. C. eod.* MENOCH. *lib. 3. p. 31. in pr. num. 6.* Solutio itidem facti est, hinc non præsumitur regulariter: præsumitur tamen si chirographum fuit redditum *l. 14. et 15. Cod. de solut.* Eodem modo quando creditor distulit multos annos petere creditum, solutio præsumenda, qui enim tempore liberatur, similis est ei, qui satisfecit *l. si pupillus 45. ff. de Administr. tut.* Inde porro sequitur, debitum, quia facti est, non præsumi: varias tamen iterum admittit contrarias præsumptiones; nam aliter præsumendum erit, si quis longo tempore usuras annales præstitisset *l. 6. §. 2. de usur. l. rogasti §. 1. ff. de Rebus Cred. l. soluere 7. Cod. de Nouat. 2083. ad tit. de usur. n. 36. MEY. p. 2. dec. 241. et dec. 318. dec. 362.*

362. idem p. 3. dec. 229. n. 22. Et sufficit aliquando Quinquennium *arg. l. 1. §. 13. ff. de separat.* aliquando verbo brevius spacium sufficere potest, pro ratione materiae et aliarum circumstantiarum, qualis species reperitur in *l. 1. Cod. de Fideicom.* ubi per triennium facta solutio et praestatio alimentorum inducit praesumptionem pro obligatione. Hinc porro inferitur, si renunciatio SCti Vellei. est facti, uti est, non praesumitur; si vero Mulier perfectae aetatis post biennale tempus pro eadem causa fecerit cautionem, praesumitur renunciatio, et sic sibi debet imputare, quod illud commiserit, quod saepius poterat cogitare *l. 22. Cod. ad SCtum Vell.* et MEV. *part. 6. dec. 299. n. 3.* Et quamvis factum non praesumatur, ideoque nec recognitio Instrumentorum, in contumaciam tamen si pars in termino non compareat etc. recognitio instrumentorum facta praesumitur vid. WILDOGEL. *Disp. de Document. recognitione cap. 5. §. 3.* Denique aditionem hereditatis non posse praesumi ex eodem fundamento, statuit MENOCH. *lib. 4. praes. 99. n. 2. 3.* Illum tamen omnino pro haerede esse habendum, qui defuncti boni insistit, demonstrat idem MENOCH. *lib. 4. praes. 100. 101.* vid. GABRIEL. *l. 1. de praes. concl. n. 43.* adeoque hic aditio aliquando praesumitur.

§. IX. Quod ad alteram praesumptionem attinet, quod *quilibet praesumatur bonus*, illa admodum generalis est, ex ea-  
que multas solent deriuare Dd. conclusiones. vid. STRYK. *Disp. de Praes. pro Magistr. c. 1. §. 10.* Si tamen considera-  
mus priorem, quae nulla facta praesumit, carere forte hac possemus, cum excludat delicta, quae tanquam facta nunquam sunt praesumunda. Quoniam vero satis generalis est, nostrum erit, inquirere in illam, quatenus aliis specialioribus locum faciat. Oritur ex illa haec conclusio: Pro magi-



ALCIAT. *reg. 3. præf. 2.* MENOCH. *l. 5. præf. 1.* FARINAC. *de Indiciis et tortura lib. 1. tit. 5. quest. 49.* Idem 3) Naturalia inesse præsumi, SICHARD. *in l. siue possidetis 16. num. 12. et seqq. Cod. de Probat.* 4) Mutationes non præsumi, MENOCH. *Lib. 6. præf. 25. n. 3.* 5) Malum semel, semper præsumi talem, ALCIAT. *reg. 2. præf. 7.* MENOCH. *lib. 5. præf. 32.* HORN. *Speciali Diss. de semel malo.*

*Prima præsumtio generalis, qua facti sunt non præsumuntur.*

§. VIII. Has regulas singulatim iam perlustrare operæ pretium esse reor. Prima fuit: *Que facti sunt, non præsumuntur*, cum ergo donatio in facto consistat, merito non præsumitur. Hoc ita ut plurimum obtinet: aliquando enim in speciali calu contrarium præsumendum. Sic pater ex paterno affectu, vel mater et avia ex pietate naturali, liberis aliquid subministrando, id donasse præsumitur. *l. Nescennius Apollinaris 34. ff. et l. si paterno affectu 15. C. de Negot. gest. GABRIEL. lib. 1. de præsumt. conclus. 1. n. 33.* quo etiam pertinet, si quis sciens soluerit indebitum, id enim donasse præsumitur *l. 35. de R. I. l. 1. §. 1. l. 24. l. 26. §. 3. l. 62. de condit. in deb. l. 9. C. eod.* MENOCH. *lib. 3. p. 31. in pr. num. 6.* Solutio itidem facti est, hinc non præsumitur regulariter: præsumitur tamen si chirographum fuit redditum *l. 14. et 15. Cod. de solut.* Eodem modo quando creditor distulit multos annos petere creditum, solutio præsumenda, qui enim tempore liberatur, similis est ei, qui satisfecit *l. si pupillus 45. ff. de Administr. tut.* Inde porro sequitur, debitum, quia facti est, non præsumi: varias tamen iterum admittit contrarias præsumtiones; nam aliter præsumendum erit, si quis longo tempore vsuras annales præstitisset *l. 6. §. 2. de vsur. l. rogasti §. 1. ff. de Rebus Cred. l. soluere 7. Cod. de Nouat. ZOERS. ad tit. de vsur. n. 36. MEY. p. 2. dec. 241. et dec. 318. dec.*

362.



362. idem p. 3. dec. 229. n. 22. Et sufficit aliquando Quinquennium arg. l. 1. §. 13. ff. de separat. aliquando verbo brevius spacium iussicere potest, pro ratione materiæ et aliarum circumstantiarum, qualis species reperitur in l. 1. Cod. de Fideicom. vbi per triennium facta solutio et præstatio alimentorum inducit præsumtionem pro obligatione. Hinc porro infertur, si renunciatio SCti Vellei. est facti, vti est, non præsumitur; si vero Mulier perfectæ ætatis post biennale tempus pro eadem causa fecerit cautionem, præsumitur renunciatio, et sic sibi debet imputare, quod illud commiserit, quod sapius poterat cogitare l. 22. Cod. ad SCtum Vell. et MEV. part. 6. dec. 299. n. 3. Et quamvis factum non præsumatur, ideoque nec recognitio Instrumentorum, in contumaciam tamen si pars in termino non compareat etc. recognitio instrumentorum facta præsumitur vid. WILDVOGEL. Disp. de Document. recognitione cap. 5. §. 3. Denique aditionem hereditatis non posse præsumi ex eodem fundamento, statuit MENOCH. lib. 4. præf. 99. n. 2. 3. Illum tamen omnino pro hærede esse habendum, qui defuncti boni insistit, demonstrat idem MENOCH. lib. 4. præf. 100. 101. vid. GABRIEL. l. 1. de præf. concl. n. 43. adeoque hic aditio aliquando præsumitur.

§. IX. Quod ad alteram præsumtionem attinet, quod *quilibet præsumatur bonus*, illa admodum generalis est, ex ea-  
que multas solent deriuare Dd. conclusiones. vid. STRYK. *bes præsumi-  
sur bonum.* Disp. de Præf. pro Magistr. c. 1. §. 10. Si tamen considera-  
mus priorem, quæ nulla facta præsumit, carere forte hac  
possemus, cum excludat delicta, quæ tanquam facta nun-  
quam sunt præsumunda. Quoniam vero satis generalis est,  
nostrum erit, inquirere in illam, quatenus aliis specialiori-  
bus locum faciat. Oritur ex illa hæc conclusio: Pro magi-

stratu, quia vir bonus est, et iureiurando se adstrinxit, optime debet præsumi. Nihilominus in *l. 46. ff. de Contrab. emt. l. 2. Cod. de Contract. Iudic.* notabilis contraria prauitatis et concussionis præsumptio occurrit, quæ priorem generalem adeo elidit, ut Præses Prouinciæ eo tempore, quo Magistratum gerit, nullam emtionem mobilium aut immobilium possit celebrare, nec matrimonium contrahere, de quo fufus legi meretur THOMASII *Disp. de præf. bonit.* Sic nec hodie extra acta iudici creditur, imo nec præsimitur pro Magistratu, si sequestrationem velit suscipere. vid. STRYK. *dict. disp. de Præf. pro magistr. cap. 3. §. 10.* vel si semel grauauerit, tunc enim semper in eadem causa grauans intelligitur *eod. §. loc. 12.* Sic etiam male audiunt in iure nostro auiæ et matres, ad secunda vota transeuntes, adeo ut propter præsumptiones contra eas lex ipsis adimat tutelam *auth. Matri et Auiæ C. quando mul. tut. off.* et educationem ipsis ægre amplius committi patiatur, quia non solum res filiorum sed et vitam vitricis addicere mulieres præsumentur *l. C. ubi pup. educari deb.* Quid? certum est, quod nemo præsimitur in agone constitutus mendacium dicere, quia nemo præsimitur salutis suæ immemor: et tamen matri asserenti in agone filium suum esse ex coitu damnato progenitum, non creditur in præiudicium filii *l. 29. §. 1. ff. de Probat.* Summa enim præsumptio pro legitimitate, quæ fundatur in *l. 6. ff. de his qui sui vel alieni iur. sunt*, elidit præsumptionem priorem. Unde etiam Dd. asserere solent *non omnem præsumi mori Iohannem Euangelistam.* MENOCH. *de offic. iud. lib. 2. cap. 89.*

*Tertia generalis præsumptio: Naturalis inesse præsumentur.*

§. X. Confero itaque me ad tertiam, quæ sub generalibus præsumptionibus comprehenditur. Videlicet: *Naturalis inesse præsumentur*: quæ non minus est conclusio ex præ-

præsumptione generali prima, quia contrarium in facto consistit, adeoque non potest præsumi. Naturalium nomine illa veniunt, quæ tam natura in naturalibus, quam lex in actibus hominum desiderare solet, adeoque ordinarie rei inesse solent. Prioris exemplum occurrit in innata pietate parentum erga liberos, quæ adeo est naturalis, ut exinde fortis præsumtio fluat, patrem optimum capere consilium pro sobole *l. 22. §. 4. ff. ad L. Iul. de Adult.* sed tamen et hæc præsumtio quandoque eliditur; nam si agatur de exheredatione et exclusione liberorum a successione, aut pater ad secundas nuptias transeat, præsumtio pro Patre hic pedem figit, imo potius præsumitur, *maligne circa sanguinem suum inferre iudicium, nouercalibusque delinimentis instigationibusque corrumpi l. 4. ff. de Inoff. Test.* Inde originem duxisse arbitror, quod pro filii obseruantia et obedientia hoc casu præsumatur, adeoque heres causam exheredationis adiectam probare teneatur, eam scilicet esse veram *Nou. 115.* Sic quælibet præsumitur virgo; si vero existat casus, quo nudus cum nuda deprehendatur, eliditur illa naturalis præsumtio. *cap. literis X. de præsumt.* In contractibus omnia præmeditato et deliberato animo sunt peragenda, ideoque omnis excluditur præsumtio erroris: *l. 25. ff. de Probat.* ideoque in allegatione solutionis indebiti a muliere vel rustico facta error præsumitur. *MENOC. l. 2. pr. 19. n. 12.* Quod de errore disposuit *l. all. 25.* idem quoque de metu iuris esse debere, nec eum vnquam præsumi vult *l. 2. et l. 9. C. quod metus causa* quia contra libertatem consensus est, imo etiam in facto consistit. Sed quando contrahere vult Medicus cum ægroto, ex metu consensisse præsumitur ægrotus, dum forsitan iuste veretur, ne, si non consentiat Medicus, debitam operam non impendat. *l. 9. Cod. de Medic. et Profess.*  
vid.

vid. STRYK. in not. ad Lauterb. de pactis, verb. pro salute.

Quarta generalis praesumptio, quod mutatio non praesumitur.

§. XI. Praesumptio quarta generalis est QVOD MUTATIO NON PRAESUMATUR: huiusque proprium fundamentum quaerunt Dd. in l. 22. ff. de Probat. l. 32. pr. de Donat. inter Vir. et Vxor. l. 5. §. 1. ff. qui satisfacere cog. l. 16. Cod. de Probat. Sed et haec est conclusio ex prima generali praesumptione, quia omnis mutatio factum aliquod supponit, quod non praesumitur. Interim ex hac, tanquam generali Regula, plures eruuntur conclusiones. Notabilis earum est, quod *semper praesumatur domicilium semel constitutum perpetuum*; quae tamen opinio plures patitur limitationes. Eius mutationem praesumunt iura, si quis diu et assidue habitauerit in loco alio, ibique versatus fuerit. l. 2. Cod. ubi Senat. vid. MENOCH. de arbit. iudic. quest. l. 2. cent. 1. c. 86. n. 11. etc. Porro mutatio domicilii praesumitur, si quis maiorem partem bonorum habeat in illo loco, ubi per aliquod tempus vixit. l. 2. Cod. ubi Pet. Tutor. et Cur. ibi certe concurrunt generalis et specialis praesumptio, sed haec tanquam fortior, vincit. Ex eodem fundamento fluit, quod si inter conductorem et locatorem convenit, ne sub poena certa conductor ex fundo pelleretur, ubi mutatio huius pacti non praesumitur: Sin vero conductor praedii biennii continui pensionem non soluerit, praesumit Paulus in l. quero 54. §. 1. ff. Locat. quod verosimile sit, convenisse partes, de expellendo altero absque omni metu, si non paruerit stipulationi. Huc etiam vulgo refertur a Dd. alius casus, ubi praesumptio pro immutabilitate denuo eliditur in l. 8. Cod. de Reuoc. donat. Videlicet si Patronus filios non habens bona omnia vel partem aliquam facultatum fuerit donatione largitus, postea ve-

ro

ro susceperit liberos, leges praelumunt, *ob superuenientiam liberorum* ita ab initio donantis voluntatem esse restrictam, ut quicquid donatum est, reuocari possit. vid. TIRAQ. *de reuoc. donat.* Sed si verum dissimulare nolo, hic non talis praesumptio, qualem hic supponimus, adest, sed ipsa legis dispositio. Simili modo pro Testamento firmissima est praesumptio, illud immutatum haud esse; sin autem apud testatorem ipsum post eiusdem mortem absque sigillis reperiatur, aut inscissum, consulto ultimam voluntatem mutasse testator praesumitur. vid. STRVV. *Iurisprud. for. lib. 2. tit. 20. §. 4.*

§. XII. Ex praedicta Regula iam noua producitur, quae iure Pontificio approbata est, QVI SEMEL EST MALVS SEMPER PRAESVMITVR TALIS IN EODEM GENERE DELICTI, *cap. 8. de reg. iur. in 6.* Nam sicuti quilibet actus continuatus vbique praesumitur, ita et qui in malitia semel deprehensus fuit, animum mutasse non videtur. Hoc tamen de hoc axioma singulariter est notandum, quod non procedat, nisi *de eadem specie mala*, seu *de pari delicto* quaestio sit. Ita qui rixosus fuit et consuevit rixas excitare, contra hunc praesumptio est, eum autorem rixae in homicidio commissio fuisse, siue ipse occisus sit, siue alium interfecerit, *MASCARDVS de Prob. vol. 1. conclus. 72. n. 14. et conclus. 118. n. 25. seqq.* Solent alias idem argumentum applicare, si *de simili delicto* quaeratur, aut *maiori*, aut *minori*, de quibus argumentis euolue notas MÜLLERI ad STRVV. *lib. 22. tit. 3. §. 18.* et in specie ex hoc argumento DD. inferunt, Magiae facinus execrandum, scelera nefanda quauis, ceu umbram corpus subsequi, adeo ut Magia indicium homicidii, adulterii, proditionis, Sodomiae, Concubitus cum Diabolo prae se ferre credatur. *SPEIDEL. Notab. Iur. verb. Heren. CRVSIVS de*

*Noua praesumptio generalis, qui semel malus semper praesumitur talis.*

*indiciis part. 2. c. 32. num. 70.* Huiusmodi vero mala præsumtio quando collidatur cum contraria, vnica fere linea nos generaliter docet *Constit. Crim. Caroli V.* dicens: Daß der Inquisit müsse eine solche Person seyn, zu der man sich könne die Missethat versehen hoc enim casu præsumitur malus. Quid autem si quis e. gr. Magistratu nunquam functus, vel alio officio publico, antea vero forte aliquid abstulerit, an in hunc quæso cadit suspicio, quod in *l. Iul. repetund.* peccauerit? Certe quoniam hic postea in tanta dignitate constitutus, et ita persona eius a Principe approbata, in contrarium certe bona præsumtio pro ipso capienda. Sic qui semel hostis fuit, semper præsumitur talis, nisi reconciliatio interuenerit; tunc enim remissa hostilitas censetur. §. 11. *l. de excus. Tut.* quamuis alias regula prudentiæ sit, cauendum esse ab inimico reconciliato. IO. SAM. STRYK in not. ad cit. §. verb. *nec reconciliatio.* Sed tempora quoque distinguenda esse, si procedere debeat hæc præsumtio monet *Menochius*, et inde recte infert *Alciatus*; quod si Notarius damnatus sit propter instrumentum falso confectum, præterita eius instrumenta falsa non præsumi debeant. *de Præsumt. reg. 3. præf. 33.*

*Præsumtio iuris generalis non cedit præsumptioni simplicis.*

§. XIII. Regulæ iam traditæ ultra qualificatam iuris præsumtionem non debent extendi, nam procedunt tantum, vt hætenus per exempla declaratum, in *probabilitate summa*, quæ scilicet proxime accedit veritati. Quod si vero de *simplici* quæstio formetur, cum gradu a priori differat, alia hic ponenda erit regula, et inuerso ordine dicendum: PRÆSUMPTIO IURIS GENERALIS NON SEMPER CEDIT SPECIALI SIMPLICI. Nam hoc generale est: *Regulæ generali tamdiu standum esse, donec probetur contrarium*: at cum præsumptiones simplices non probent, sed tantum suspicionem quan-

quandam inducant, non posset vinci praesumptio qualificata generalis a simplici specialiori. Sed res vltiori explicatione indigere videtur. Haecenus dictum est: *facta non praesumi, donec alter aliud probauerit*. Licet itaque quis per quasdam praesumptiones ostenderit, Caium debere centum, non autem eiusdem liquidas attulerit probationes, ex eo non potest alter condemnari ad debitum soluendum, multominus ideo onus probandi contrarium ei imponi, quippe qui effectus praesumptioni iuris vnice tributus est, *vt c. 1. ostensum*. Hoc tamen certum, si praesumptiones *simplices* in contrarium tanti roboris sunt, vt semiplena inde emergat probatio, eandem per iuramentum *suppletorium* suppleri, vt perfecta inde probatio oriatur, prout iudicarunt ICTi Rostoch. anno 1700. M. Aug. in causa Vener. PARENTIS B. HEROLDI contra Dn. a SCH. Imo si praesumptiones non sufficiunt ad semiplenam probationem inducendam, reum vero nimis grauant; aliquando ex facti circumstantiis arbitrabitur iudex, annon reo imponi possit iuramentum *purgatorium*. Idem dicendum erit de illa generali praesumptione, *quod naturalia inesse praesumantur*. Quid vero si quis per praesumptiones *simplices* ostendere conetur, euictionem esse remissam per pactum, sed non probauerit; merito alter absoluendus a probationis necessitate: semper enim militat praesumptio pro eo, quod euictio non sit remissa. Hic tamen idem obseruandum, quod antea de iuramento purgatorio et suppletorio dictum vid. SCHRADERVS in *l. admonendi ff. de iureiurando n. 259.* et MENOCH. *l. 1. qu. 82. n. 1. et seqq.* Multo magis hoc dicendum erit, quod per plenam probationem praesumptio generalis elidatur, haec enim veritati cedere debet; idemque iudicium formandum de reliquis regulis antea excussis. Addamus adhuc vnicam: quod *mutatio non praesumatur*. Si



quid ergo ad perpetuum rei vsum est destinatum, et ad rem principalem ita relatam, vt *pertinens* dici possit, tam diu tale præsimitur, daß es ein *pertinenz-Stück* sey, donec aliud probatum fuerit: non vero sufficiunt contrariæ præsuntiones simplices, nisi semiplenam possint operari probationem.

De concursu  
specialium  
præsuntio-  
num.

§. XIV. Maior vero oritur difficultas circa concursum *specialium* præsuntionum. Vt caute procedamus in examine, quænam sit fortior inter plures concurrentes *speciales*, inprimis arbitror respiciendum esse ad *rationem earundem*, cur nimirum leges eandem ita determinauerint, et sic gradus probabilitatis sese statim ostendent. Vbi enim graduum differentias deprehendimus, facile cognoscemus, quænam earum sit fortior. Sunt autem, vt supra dictum, quædam, quæ magis accedunt veritati et paucas admittunt exceptiones, et harum genus est fortissimum. Quæ autem in remissiori gradu probabilitatem habent, adeo vt fere æqualia admittant exceptionum exempla, illis tanta virtus adscribi nequit. Ex quibus tale nectō axioma: *Omnis præsuntio violenta præponderat cæteris, et sic illi omnes aliæ cedere debent.* Exemplum elegans occurrit in *l. 24. ff. de Probat.* in qua lege specialium præsuntionum fit concursus: 1) enim certum est, quod non præsumat solutio, nec 2) mutatio, multo minus 3) remissio debiti, quippe quæ donationem arguit; et tamen 4) præsuntio *violenta* est, debitorem esse liberatum, vbi chirographum est cancellatum. Nam summa est præsuntio pro liberatione, quia summus eius fauor *l. Arrianus 47. ff. de Verb. obl.* adeo, vt nisi creditor manifestis probationibus ostenderit, sibi adhuc deberi, pro liberatione pronuncian- dum sit *l. cit. l. 24.* Ex eodem summo favore liberationis porro fluit, quod si redditum est chirographum, solutio præsuma-

Violenta præ-  
suntio præ-  
ponderat cæte-  
ris.



sumatur *l. 4. in fin. l. 15. Cod. de solut.* Et quamvis obstare videatur, quod non praesumatur donatio, ob hunc tamen fauorem omnino aliud dicendum. Eiusmodi *violenta* praesumptio quoque continetur in *l. 45. de Probat.* indebitam non esse solutam pecuniam, *qui enim soluit*, inquit Ictus, *nunquam ita re supinus est, ut facile suas pecunias iacet, et indebitas effundat et maxime si ipse, qui indebitas dedisse dicit, sit homo diligens et studiosus paterfamilias, cuius personam incredibile est in aliquo errasse.* Sed tamen in §. 1. haec praesumptio eliditur per fortiores contrariam, si v. g. soluens sit *minor vel mulier, miles, rusticus, forensium rerum expers, vel alias simplicitate gaudens, et desidia deditus.* Adducam huc etiam praesumptionem *pro libertate*, quae cum sit violenta iuris, huic omnes cedere debent. Sic pro seruis adeo magna libertatis praesumptio est, ut testator voluisse manumittere seruum credatur, si dixerit in testamento, *ne eum alienes, ne eum vendas l. 24. ff. et l. 10. de Fideic. libert.* Ideo quoque semper debet ille seruitutem *realem* probare, qui illam praetendit, *l. 9. et 10. Cod. de seruit. FAB. in C. L. 3. tit. 24. def. 8. MARTIN. in processu Sax. tit. 20. §. 1. n. 257. seqq.* licet vel maxime in quasi possessione seruitutis sit constitutus, pro qua alias praesumitur *CARPZ. l. 1. Resp. 67. RICHT. decis. 18. n. 63. STRYK. in not. ad Lauterbach. tit. ff. si seruis. verb. possident.* quamvis de libertate, et libertinitate forsitan aliud dicendum per *l. 7. de liber. caus. l. 14. ff. de probat.* Sic praesumptio pro pietate paterna est fortissima *l. 28. §. 3. ff. de libert. leg. l. 72. l. 102. de Condit. et demonstr.* adeo ut omnem fraudis praesumptionem excludat *l. 67. §. d. Ritu nupt.* hinc si pater filio, quem praedilexit, sub conditione praelegauit, dicendum in dubio, illam esse impletam ex eius voluntate, licet alias in dubio conditio non praesumatur extitisse, et alias

fit præsumptio pro æqualitate liberorum fauorabilis. Eodem modo non leuis militat præsumptio ex *fauore partus* desumpta pro eo, qui ex constante matrimonio progenitus (quippe pater tantum præsumitur, nam mater certa est semper) quod sit legitimus *l. 6. de his qui sui vel alieni iuris sunt*, quæ et matrem in agone contrarium dicentem mentiri potius præsumit aut morbo caput debilitante laborare vid. STRYK de *Effatis Agonizantium*. Præsumptio porro omnem *donationem* excludit, quia non est mos hominum, res proicere *l. 2. C. de Prob. et l. 16. Cod. cod. ALCIAT. part. 1. præf. 10.* et tamen aliquando hanc præsumptionem elidi per contrariam supra iam ostensum est.

*Qua sit violenta ultro  
declatur.*

§. XV. Violentæ præsumptiones vero ex probabilioribus, quæ interueniunt, facti rationibus dignoscuntur. Ex iis omnino, quæ supra prælibata sunt de *probabilitatis gradibus*, hanc REGVLAM deducimus: *Quæcunque rationes fere summum probabilitatis gradum efficiunt, ille sunt violentæ.* Huiusmodi violenta præsumptio, quæ apertissimas probationes requirit, continetur in *l. fin. ff. quod metus causâ*. Ipse Ictus ibi fatetur, ob grauitatem rationis, quæ contra illum, qui claram dignitatem se habere dicebat, erat, *grauem* hanc præsumptionem esse fundatam; quorsum et refero *l. 25. ff. de Probat.* ex qua liquidissime constat, gradum probabilitatis summum ibi esse obseruatum. Et tandem ad *legis determinationem* me verto, quando nimirum propter singularem fauorem, quem huic vel illi specialiter adiecit, aliquid grauius præsumit; qui ordinarie ex causâ impulsua diiudicatur, veluti si *pro libertate* præsumitur, pro *pietate paterna*, pro *fideicommissio*; etc. cuiusmodi præsumptionum exempla plura reperiuntur in iam laudando tract. STRYKII.

§. XVI.

§. XVI. Idem quoque iudicium ferendum erit de omnibus reliquis præsumtionibus, *in quacunque præsumptione maior est ratio, illa præ-* que quo propius accedunt probabilitati, eo maior illis in collisione virtus attribuenda est. Quemadmodum enim in legum tum civilium, tum naturalium conflictu ad gravitatem rationis respiciendum est: ita et hic maior ratio verisimilitudinis, illam quæ infirmiore gaudet ratione, deprimit, testante BALD. in l. siue possidetis inf. ff. ut in possess. legat. BRVNN. tract. de Indic. et Tor. Iur. part. II. qu. ult. n. 2. ut hic circumspexit iudicium iudex omnino afferre debeat. Ponamus mulierem aut militem vel eum, qui alias rerum forensium expertus est, se errorem commisisse fateri. l. 25. §. 1. ff. de Probat. tunc ipsis non obiiciendum, quod nemo præsumatur errare, cum hæ personæ partim non possint intelligere iura, partim tali non præditæ sint industria, ut non possint errare, uti supra iam monitum; magis itaque probabilitati conueniens est, ab illis errorem committi, quam omnes adhiberi præcautiones. Metu nemo præsumitur percussus aliquid egisse, si autem enormis læsio ex contractu cum tali, cui reuerentia debetur, proveniat; aliter pronunciandum esse, vult MENOCH. l. 3. p. 127. num. 14. *ibique alleg* Omnia ex rei veritate esse peracta, nec vnquam simulationes præsumuntur. l. si maritus 14. §. fin. ff. qui et a quibus manumiss. Contrariam autem præsumtionem requirit casus sequens, quando scilicet peracta est cessio, de eius vero titulo nihil constet MENOCH. l. 3. pr. 129. n. 29. hic enim præsumitur simulatio interuenisse l. 22. Cod. Mandati cum non valeat cessio, nisi saltem ex titulo donationis l. all. 22.

§. XVII. Sed etiam considerandi sunt alii casus, ubi *Quid dicendum de casibus ubi plane non potest haberi veritas.* veritas absoluta haberi nequit, sed tamen in dubio aliquid præsumendum, in quibus casibus hæc regula locum habet: *Vbi veri veritas.*

*Vbi lex quid simpliciter determinat præsuntione in casu plane dubio, tunc præsuntioni huic determinatæ statuitur, non attentis aliis præsuntionibus in contrarium. Huc imprimis pertinet, præsuntus ordo mortalitatis, quem STRYK. in tract. de Success. ab intest. diff. 10. egregie explicat, et hunc a naturali ordine in eo distinctum esse observat, quod hic citra iuris dispositionem secundum naturam ipsam præsumat, ille vero, si naturaliter constare nequeat, quis prædecefferit, certa ratione partim naturali partim civili, ac dispositione legis aliquid præsumat. Si itaque pater cum filio impubere simul perierit, filius non obstantibus aliis naturalibus præsuntionibus creditur prædefunctus, l. 9. in fin. de reb. dubiis, tum quia filius non tanti roboris est, quantum in patre præsuntitur, nam hæc ætas magis morti succumbit arg. l. 26. in fin. ff. de Pact. dotal. tum quia ob timorem et perturbationem animi sibi mortem facilius conciliant impuberes. Aliud est dicendum, si filius iam in pubertate fuit constitutus, vbi ex legis dispositione filius patrem supervixisse creditur l. 9. §. 4. de rebus dubiis. Quod iam de patre, cum filio miserabili quodam casu simul moriente, dictum, ad matrem quoque applicant, sub eadem distinctione l. 22. ff. de reb. dub. l. 23. ff. eod. Porro si in bello impubes cum patre perierit, filius supervixisse creditur, quippe qui prælium non sequitur, nec aggressori hosti resistere valet. Si vero pubes cum patre aciem ingreditur, cum pro utroque militet naturalis præsuntio, neuter neutrum supervixisse creditur, et ad solam decisionem l. 9. §. 4. de reb. dub. recurrendum, quæ supervixisse filium patri vult. Ita etiam in casu, vbi patri cum filia infortunium contingat, est naturalis præsuntio pro sexus excellentia, ob supervenientem tamen fauorem iuris, ordo mortalitatis hic retinetur l. 15. ff. de inoffic. test. et infinitum*

nitum foret, omnes casus huc spectantes referre, quos tamen multa industria et soli litate vberius excussit STRYK. *laudato tract.* qui si examinentur, apparebit, aliquando ex solo favore factam esse praesumptionem, licet forsitan aliae praesumptiones in contrarium adduci possint.

§. XVIII. Hactenus de concursu *praesumptionum iuris* De concursu praesumptionum simplicium harumque collisionis. inter se et cum simplicibus actum fuit: restat de collisione plurium simplicium in vno eodemque iudicio se offerentium dicere. Has in iudiciis arbitrio positas esse iudico, qui tanquam vir bonus ex circumstantiis prospiciet, an tales sint, ut exinde sententia sua litem decidere possit. In mixtis praecipue iudiciis, ut *finium regund. Famil. Erciscund. et communi diuid.* ut et in interdicto *vri possidetis* maximam utilitatem asferunt. In his uterque litigans vel rem possidet, vel saltem possessionem praetendit, et sic utriusque fauor aequalis est, ut alter alterum excludere nequeat, uterque potest esse et actor et reus, uterque praesumptionibus certare; DECIAN. *lib. 3. c. 17. n. 6.* Hic itaque arbitrabitur iudex, pro quo fortior militet praesumptio. Si itaque eueniat, iudicium finium regundorum esse institutum, tunc in dubio v.g. intermedietas, inter duo singula finalia extrema praesumitur eius, cuius signa sunt. ALEXAND. *l. 139. n. 6.* Ita a Facultate illustri Rinteleni responsum fuit 2. Aprilis anno 1690. So halten wir davor, daß, so ferne die von N. nicht ein anders, und zwar nicht durch eine bloße angemassete Possession, sondern durch eine solche de cuius iustitia constat, beybringen werden, es billig bey solchen alten limitibus zu lassen sey, praetertim cum in probatione consinium et terminorum antiquorum *probationes minus perfecta et probabiles coniecturae* recipiendae sint. Ita etiam, si quis separatim inceperit negotiari, modo id fiat tempestiue, non tenetur probare, ipsum amplius non

Tom. IV.

N n

stetisse

stetisse in communione MENOCH. *lib. 3. præf. 60. n. II.* Plura eiusmodi exempla in foro satis iudicum iudicia exercent, quæ hic breuitatis studio, B. L. vltiori meditationi relinquo, cum secundum hæcenus dicta examinari facile possint.

## CAPVT III.

DE

FALSIS ET INADÆQVATIS FVNDA-  
MENTIS COLLISIONIS PRÆ-  
SVMTIONVM.

## A R G V M E N T V M.

- I. *Examinantur regulæ Menochii quod præsumtio sit fortior, vi cuius actus subsistit, II. quod præualeat, quæ ex substantia negotii quam quæ ex eius sollemnitate ducitur, III. vel quæ benignior est, IV. quod fortior sit, quæ iure communi quam quæ iure speciali immititur V. quod specialis generali, et magis specialior præferenda speciali VI. nec non naturalis accidentali, VII. vel verisimilior, quodque fortior sit pro actore, quam pro reo, VIII. quod fortior sit pro quasi possessione seruitutis quam pro libertate prædii, IX. quod negatina præsumtio vincat affirmatiuam, X. nec non a naturali ratione repetita, alteram a ciuili ratione desumptam XI. vel a facto desumpta alteram a non facto deductam, XII. quodque præualeat, quæ animæ et salutis æternæ fauet.*

§. I.

## §. I.

**E**xpositis genuinis collisionis præsumptionum fundamen-  
 tis, de inadæquatis etiam fundamentis breuiter agendum  
 est. Menochius dum nullum genus controuersiarum, *Prima regula*  
 quod præsumptiones tangit, relinquere intactum voluit, speciali *Menochii.*  
 quæstione etiam inquiri, quatenus altera ex pluribus diuer-  
 sis vel contrariis præsumptionibus et coniecturis eodem in actu  
 vel causa concurrentibus, aliis validior ac potentior sit *de*  
*Præsumt. l. 1. qu. 29.* Eandem quidem quæstionem se iam  
 olim attigisse fatetur, *in tr. de arbitr. iudicum quæst. Lib. 2.*  
*casu 472.* hoc autem loco, quæ adhuc deesse videbantur,  
 addere voluit: quamquam non omnes regulæ, quas tradidit  
*dicto loc.* pro adæquatis sint habendæ. Est ergo primo loco  
 excutienda illa, quam *num. 3. de Præsumt.* exhibet: *illa præ-*  
*sumptio creditur esse fortior et potentior, quæ actum consistere*  
*facit, l. 12. et 21. de Rebus dub.* Sed enim vero hic magnam  
 latere fallaciam ex ipsius textus inspectione apparet. Lex  
 enim ista non tam præsumptionem, sed potius interpretatio-  
 nem continet. Et quamquam pro actus validitate sit conie-  
 ctura capienda; ceu *cap. 1.* ostendi; hæc tamen in collisione  
 non adeo habebit efficaciam, prout *cap. 2.* præsuppositum;  
 meri igitur res arbitrii est; de quo iudex secundum pruden-  
 tiam cognoscere debet; vtrum vincere debeat nec ne: Ac-  
 cedit, quod hæc coniectura admodum sit particularis, et  
 multis instantiis adeo obnoxia, vt in plurimis exemplis effe-  
 ctu careat. Hinc si mulier soluerit indebite, iura irritant  
 potius actum, quam confirmant, dum præsumunt errorem.

§. II. Altera regula est: *Præsumptio, quæ ex substantia* *Relicitur se-*  
*prouenit, dicitur potentior illa, quæ descendit a solennitate:* *cunda Meno-*  
*Menochii regula.*

Huius fundamentum quaerit in *l. non codicillum 14. C. de Testament.* ubi ab imperatore deciditur, an testamentum vel codicillus dici debeat, si de institutione et exheredatione in ultima voluntate constet. Quia vero cum praecedente iisdem laborat ambiguitatibus, eandem decisionem etiam meretur, ideoque hic excurrere nolo, sed ad ea prouoco, quae *cap. 1. §. 17. dicta*, ubi de comparatione inter praesumptionem et interpretationem simul differui.

Declaratur et  
examinatur  
Tertia.

§. III. Tertia est Menochii regula: *Illā praesumptio iudicatur potentior, quae est benignior.* Hæc quidem satis adæquata videtur: sed in eo ambigui quid remanet, quod non bene fauorabile et odiosum distinxit, cum tamen quod uni fauorabile, alteri odiosum sit, ut adeo plerumque hic Dd. incertis vagentur fundamentis, de quo pluribus vid. THOMASIVS in *Appendice lib. II. Iurisprud. diuinæ*. Latet utique in eo egregia praesumptio, et certe non vulgaris, sed *violenta*, sed non alius admittendus est fauor, quam quem *lex* determinauerit ad hunc effectum, ut liquidissimas probationes in contrarium exigat, hinc insisto regulæ fusiꝯ a me *cap. 2. de hac praesumptione traditæ ac explicatæ*.

Reiicitur  
Quarta.

§. IV. Regula quarta est talis: *Illā praesumptio iudicatur firmior et potentior, quae iuri communi inhaeret, et illa debilior, quae iuri speciali.* Hanc inuertendam potius esse existimo, nec absque ratione: ius commune enim restrictionem a speciali iure accipere magis constat, cum nec leges generales tollant ea, quae specialiter certo in casu sunt introducta *l. 26. et 28. ff. de LL.* In eo vero simul ambiguitas latitat, quod non constet, quid sibi velit Menochius cum iure *speciali*, seu quam praesumptionem ex speciali iure oriri putet.

Si



Si enim ius particulare intelligit, regula hæc nullo modo procedit, quia non nisi *in subsidium* aliis particularibus remediis non existentibus ad ius *commune* confugiendum esse verior ICtorum est sententia. Si vero *privilegium* intelligit, uti intellexisse videtur, regula itidem est adæquata, quoniam, cum privilegium aliquid de iure communi remittat, meo iudicio dicendum potius videtur, quemlibet magis sequi voluisse illud, quod facilius est; nec potest in contrarium obijci *l. 7. ff. de iniust. rupt. et irrit.* quæ testamentum iure speciali conditum iure communi valere disponit; in hac enim lege ratio decidendi in eo est sita, quod *post annum missionis* testator decesserit, ubi amplius testamentum ut militare valere non poterat, sed necessario hic cessare debebat privilegium militare: nunquam enim miles beneficio suo renunciasse videtur, ob id quod illo semel non usus fuerit, uti apparet ex *l. 3. ff. de Milit. Testament.* de quo ulterius vid. STRYK. *dissert. de Testam. privilegiatis cap. 1. §. X.*

§. V. *Specialem præsumptionem elidere generalem*, probatum est *cap. antec.* Ideoque quoad quintam regulam a Menochio non dissentio, de qua copiose egi *cap. 2.* Ad sextam progredior, in qua Menochius exponit, *præsumptioni magis specialiori cedere debere specialem*: de qua nullum erit dubium, si modo ostendisset Menochius, ex quibusnam signis cognosci posset, quænam præsumptio sit *specialis*, et quænam *magis specialis*. Quod enim illa sit specialior, quæ certum respectum ad singularem personam habet, admodum obscure dictum est. Hanc autem magis *specialem* putamus nominari melius posse, quæ, uti iam supra declarauimus, ex declaratione legis est *violenta* et simul potentio-  
Quinta ad-  
mittitur.  
Sexta decla-  
ratur.  
cialio-

cialiorem habet rationem et probabilitati seu veritati ita magis accedit, vt *cap. 1. et 2.* pluribus ostensum.

*Septima regula insufficientia postulat.*

§. VI. Missa hac septimam aggredior, cuius fundamentum in *l. 3. C. Episc. et cleric.* situm esse vult. Proponitur ibi casus, vbi fornicatio incestus aut aliud crimen cum confanguineis committi non præsumitur, quia *nihil seui criminis existimari fas est naturale permittit*; ex quibus regulam sequentem eruit: *illa præsumtio, quæ est naturalis, potentior est illa, quæ accidentalis.* Sed minus recte hæc conclusio exinde infertur, cum *dicta l.* nihil speciale contineat; sed ex generali ac communi præsumptione casum hunc decidat; quod nunquam delicta præsumantur. Præterea et hoc considerandum puto, quod hac regula non indigeamus, si concedamus, quod præsumtio *iuris* præponderet præsumptioni *simpli- ci*, utpote quæ tantum ex accidentalibus circumstantiis eruitur.

*Octava supersua.*

*Regula nona excutitur.*

§. VII. Verum quidem octauo est: *illam præsumptionem esse validiorem, quæ verisimilitudini magis conuenit.* Sed et hac carere possemus, cum quæ in regula sexta fuerunt proposita, hic tantum repetantur, et idem bis dicatur variatis saltem formulis. Nona regula est, *quod præsumtio pro reo sit fortior, quam illa quæ pro actore est.* Noua hæc quamvis non possit dici regula, cum ex regulis generalibus *cap. 2.* suppeditatis per se fluat, singulari tamen effectu gaudet, scil. quod ex hac præsumptione pro possessore possit pronounciari, et cum magis probabile sit reum possidentem esse verum dominum ac iustum habere titulum, ad actorem deuoluitur omnis probatio. Cum vero aliquando quoque pro Actore mili-

militent præsumptiones, quæ onus probandi Reo iniungunt, sequitur vt non vniuersalis hæc regula dici possit.

§. VIII. Decimam, quam porro adducit regulam: *Con-* Decimam fal-  
*iecturam, quæ descendit a quasi possessione, potentiorẽ esse il-* lam esse deco-  
*la, quæ est, quod quælibet res præsumatur libera, plane re-* sur.  
*iicio, cum veritati et legibus directo contrarietur, ceu iam*  
*cap. 2. §. 14. ostensum.*

§. IX. Quæ vndecimo loco assertur, *quod negatiua for-* Vndecima in-  
*rior sit affirmatiua,* noua præsumtio non est, sed fundamen- adæquata est.  
 tum eius situm est in ordine probationis; vbi regulariter as-  
 ferenti probatio incumbit, ille vero, qui in negatiua inten-  
 tionem fundat, actore non probante, absolvitur. Diuer-  
 sum ergo est, an aliquis, qui probationibus non grauatur, sit  
 absolueudus; an vero cum pro aliquo pugnet præsumtio, al-  
 ter ad maiores probationes compellendus. Imo cum et den-  
 tur casus, vbi negatiua probanda, vti ostendit COCCÆVS, *de*  
*probat. directæ negatiua,* hæc regula tunc nullius momenti  
 amplius est.

§. X. Duodecimam, quam tradidit regulam, iam exa- Duodecima  
 minandam suscipio. Comparatio ibidem instituitur inter ra- refellitur.  
 tionem naturalem et ciuilem, et tandem hæc conclusio for-  
 matur: *Præsumtio, quæ a ratione naturali desumitur, forti-*  
*or est illa, quæ a ratione ciuili petitur.* Quod autem eam  
 ad præsumptiones retulerit, in eo maxime hanc materiam ob-  
 scuriorem reddidit. Neque enim ostendit, qua ratione na-  
 turalis et ciuilis ratio inter se differant, et in quo prærogati-  
 ua naturalis rationis fundata sit. Deinde, et in hac re-  
 gula desideratur vniuersalitas; nam rationem naturalem a ci-  
 vili

vili sæpius vinci vel ex hoc exemplo apparet. Naturalis quidem præsumptio est, matres habere *sepius* erga prolem; sed huic ciuili ratio opponitur, e. gr. secundas nuptias in iure esse odiosas, quæ vtique vincit naturalem. Et quamuis Menochio concederem, esse hanc aliquo modo præsumptionem: non tamen inde struenda specialis regula; sed potius hic provocandum ad gradus probabilitatis, et legis determinationem; vnde septima et octaua ab hac non diuersa videtur.

*Decima tertia  
examinatur.*

*Decima quarta  
non est v-  
niuersalis.*

§. XI. Quam locò decimo tertio protulit regulam, huc non quadrare certum est, cum vt *absurda et inæqualia* euitentur, Logici magis sit et interpretis, quam legis præsumentis: adeoque hæc longiorem excussionem non meretur, sed quæ iam de interpretationis confusione *capite 1.* dicta sunt, et quæ ad *Reg. 1. et 2. §. III. et IV.* iam iam annotaui, hic quodque sunt applicanda. Quoad decimam quartam regulam, ipsi concedo in aliquibus exemplis præualere *præsumptionem a facto illi, quæ a non facto sumta est*: sed in eo falsitas latitat, quod petatur ratio *a facto et a non facto*. Nam si præsumptio sumi debet *a facto*, fateor falsam videri illam Regulam *facta non præsumi*. Quin potius si sic inuerteretur, verior esset: quod illa *præsumptio, quæ in non facto consistit, sit potentior illa, quæ in facto*. Notum est quod solutio sit facti, adeoque non præsumatur: qui itaque se in hac fundat, hoc debet probare. Si ergo aliqua adesset præsumptio pro solutione, ratio certe huius deberet esse validior, alias non vince-ret præsumptionem contrariam quæ est, quod solutio non præsumatur. Alia adhuc exempli loco possent adduci, sed vel hoc solum sufficit, ad docendum quod ratio non consistat in facto et non facto, sed potius in ratione non fortiori præsumtionis.

§. XII.

§. XII. Ultima est illa; quod *presumptio, que fa-* ultima est im-  
*vet anima, et saluti eterne, sit omnibus potentior:* Et ratione pertinens.  
 utique non caret, cum vero hic tantummodo versetur in  
 ciuilibus, et de aliis præsumptionibus solliciti non si-  
 mus, hæc nostro instituto inseruit, præsertim cum etiam  
 contrariis exemplis eius vniuersalitas satis deduci queat; sic  
 enim matri in agone mortis constitutæ et confitenti se adul-  
 terium commisisse, ex eoquæ infantem esse natum, potius  
 credendum esset, cum faueat animæ, quod tamen iuri ciuili  
 contrariatur. Nec huc facit exemplum, quod dedit de ex-  
 communicato; qui cum semel talis, porro idem præsumi-  
 tur; huius enim fundamentum ex eo non est petendum, quod  
 consulatur animæ; hoc enim modo committeretur fallacia  
 non causæ vt causæ; sed potius quia absolutio est facti, et  
 hinc non facile præsumatur.

CLARISSIMO ATQVE DOCTISSIMO  
 DN. RESPONDENTI,

S. D.

P R A E S E S.

**I**uris peritiam absque prudenti applicatione esse informe et  
 rude Sceleton, iam dudum peritiores animaduernerunt;  
 sed etiam applicationem absque prudentia nil nisi turbas et  
 sophisticas confusiones parere æque indubium est. Neque  
 enim meo quidem iudicio illi ICtorum numero accensendi  
 sunt, qui solidiori doctrina destituti allegationibus infinitis  
 delectantur et communibus inhærent opmionibus; non di-  
 iudicantes accurate illa, quæ ab aliis sunt dicta: sed potius  
 hos, qui ad applicationem iuris adferunt iudicium politum

Tom. IV.

O o

et

et limatum solidiori iuris prudentia instructum, ICTos veros esse iudico. Quæ vbi mente mea reputo, insigni afficior lætitia, quod videam Te, Clarissime HEROLDE, hanc differentiam exacte observasse imo præsentī Tuā disputatione publice ostendisse, Te solidioribus innutritum esse doctrinis. Aggressus certe es tale thema, quod parum vel saltem minus accurate adhuc est elaboratum et in quo Menochius, qui alias cum Malcardo et Mantica *Pater Practicantium* vulgo dici solet, omnia miserranda confusione ita inuoluit, ut parum vel nihil solatii ex illo haurire potueris. Hinc omnes bonos in eo consentientes habeo, Te rem Tuam in elaborando hoc themate ita egisse, ut, quantum aliquando de Tua solidiori doctrina expectare possit Respubl. facili coniectura assequi possimus. Neque vero id mirum cuiquam videri poterit, cum industria Tua omnibus satis sit cognita, ut meo testimonio non indigeat. Optime itaque fecisti quod vestigiis præclarissimis Patris Tui Optimi, Excellentissimi D. Consiliarii Regiminis, et ICTi famigeratissimi, Patroni mei venerandi insistere admodum allabores, quippe cuius eruditio in iure singularis satis prædicata est, et de qua eruditissima eius scripta vberimum testimonium perhibent, quem præeuntem si ulterius sequi perseveraueris, aliquando cum fructu insigni deprehendes, Te non frustra laborasse. Gratulor itaque Tibi de hoc primo Eruditionis Tux specimine, quippe quod indicium præbet, mox graviora secutura esse. Gratulor Excellentissimo Parenti Tuo de filio tam erudito, et qui eius vestigia tam laudabili studio legit. Gratulor Genti Tux splendidissimæ de tantæ spei prosapia: Et denique gratulor etiam mihi, quod iam re ipsa deprehenderim euentum intentioni meæ exactissime respondisse. Deus porro secundet Tua studia et dirigat illa ad eum scopum, quo tendere

re

re debent omnia nostra negotia, vt aliquando et Reipubl. et Genti Tux florentissimæ adferre possis incrementum, magnumque Decus. Vale Dab. d. XI. Octobr. MDCCII.



## EXERCITATIO LXVII.

AD LIB. XXII. PAND. TIT. IV.

DE

### IVRE ET AVCTORITATE SIGILLI AVTHENTICI.

CAP. I.

DE

### NATVRA ET HISTORIA SIGILLI AVTHENTICI.

#### ARGVMENTVM.

*I. Instituti ratio. II. Sigilla quid? III. Eorum vsus inter Romanos. IV. Discrimen illorum ab hodiernis. V. Sigillum authenticum quid? VI. Eius species, maiestaticum, Secretum. VII. Bullæ. VIII. Sigilla cerea eorumque colores. IX. Sigilli autentici forma, X. Characteres, XI. Modus illud adnectendi. XII. Illius affinia, Monogrammata et Cruces. XIII. Cautiones in sigillis conseruandis et renouandis.*

## §. I.

*Origo signorum in scriptis magistratum, et ratio insistenti.*

**M**agnum in republica bene ordinata fides publica momentum habet, quia iure naturæ et positivo cautum est, ut fides data seruetur, et ea rata sint, quæ magistratu auctore fiunt, et in ciuium negotiis *auctoritate publica* roborantur. DEVS quidem omnes homines ab initio æquales creauit, et ante respublicas introductas defuit talis modus, publica auctoritate muniendi actus hominum; his vero tandem introductis, et paulatim in melius reformatis, necesse fuit, pro maiori pondere negotiorum quotidianorum, eiusmodi introducere *modos*, qui plenam, publicam, et falli nesciam auctoritatem iis imponerent, et magistratui, auctoritate imperantis vicaria agenti, vel etiam collegiis, publica auctoritate approbatis, concrederentur. Pacis internæ interfuit, hos modos ad auerruncandas lites introducere, et quod publica imperantis vicaria potestate actum est, contra quascunque fallacias temerariorum propugnare et validum declarare. Primis igitur temporibus excogitata sunt pauca quædam sed leuiora schemata, quibus superiores subditos ad se recurrentes seculos reddebant; sed ubi hominum malitia crescere, et fides ubique lubrica errare cœpit, omnino e re fuit, ea, quæ ad *publicam fidem* pertinent, paulo plenius, accuratius et distinctius determinare, h. e. tum regentium mandata et gesta signis a priuatorum inter se susceptis negotiis distinguere: tum eorum ministris publicam fidem tribuere. Apud cultiores gentes modi, quibus principum edicta, priuilegia, diplomata aliaque gesta publicam fidem accipiebant, varia signa, significationem publicæ fidei et approbationis habentia, excogitata pedetentim sunt, inter Germanos etiam olim usitata, in quorum numero sunt imprimis *cruces, monogrammata, sigilla cerea*, quæ



quæ summa cum industria viri in arte diplomatica celeberrimi collegerunt. Vix academiam Lipsiensem intraui, quo mihi obtigit, clariss. DN. D. BAUDISIVM præceptorem nancilci, qui primus, ex singulari in diplomatum illustrationem ardore, me ad excolendam hanc disciplinam traxit atque deduxit. Cum vero præterea DN. PRAESES calcar in hoc meorum studiorum cursu mihi adderet, meque in itinere, quod ingressus eram, firmaret, conueniens meo scopo elegi argumentum, et quod in re diplomatica insignem præstat usum, *de sigilli authentici iure et auctoritate* prælens studiorum meorum specimen adornare constitui. In hac materia vix aliquem præter HOEPINCKIVM habeo præeuntem. Et cum dictus auctor *de sigillorum iure* tractatum, more maiorum, ex sententiis iuris Romani consarcinauerit, nec iuribus Germanorum in omnibus satisfecerit, me rem satis arduam adgredi animaduerto, optima tamen fretus fiducia spero, fore ut has primitias B. L. æqui bonique consulere velit.

§. II. *Sigillum* secundum formationis naturam derivatur a *signo*, tanquam eius diminutivum. Signa quidem generatim denotant omne id, per quod res agnoscuntur, et a se inuicem distinguuntur, atque ita *notiones* producant, seu rerum *in mente representationes*, vnde et signa *notæ* vocantur, quibus res *significantur* et *denotantur*, h. e. in mente concipiuntur. Speciali in sensu SIGILLA seu signa vocantur *parvæ quædam imagines, statuæ, vel simulacra deorum aliorumque hominum et rerum, quæ imaginem rei referunt, non rem ipsam, licet signum rei ipsius esse videantur*. Hoc sensu Romanis fuere *ædificiorum sigilla*, h. e. parvæ imagines in ædificiis positæ et ædificiorum quasi honestamina. In iure nostro civili Rom. multa de sigillis ædificiorum, et iis, quæ

*Etymologia sigilli.*

ornamenti ergo in scyphis, vasis, candelabris aliisque in rebus calatorum artificio posita, inueniuntur. (1) Præcipue etiam sigilli appellatio annulis signatoriis, quæ continebant signa et imagines, tribuitur, tantæque autoritatis fuerunt, ut, quæ his clausa sunt, aperire fas non esset. Sigillum enim in hoc sensu cum ad res referuandas, notandas, et occludendas faciat, caractere vel imagine omnino opus habet, quæ rebus occludendis imprimitur, et sic *signa* ac *sigilla* sunt et olim fuerunt cerea ectypa, quæ annulus in cera expresse-  
rat. Usus sigillorum horum apud plurimas gentes (2) fuit; sed cum de hoc argumento plurimi egerint auctores, Romanæ gentis præ cæteris intuebimur mores. Huius quidem imperatores magistratusque certis ut plurimum usi sunt sigillis. (3) Neque tamen ciues signa stabilia tenuere. His al-  
liud

(1) ARNOBIUS eleganter lib. VI. *adu. gent.* p. 197. scribit: *Abstinetis a risu, cum pro diis immortalibus sigilliolis hominum et formis lapidibus supplicatis humanis.* De his sigillis mentio etiam fit in l. 12. §. 23. D. de instr. vel instrum. leg. l. 13. §. 7. D. de usufr. l. 17. §. 9. D. de act. emt. vend. l. 41. §. 13. D. de leg. 1. De candelabro sigillo exornato vid. l. 23. §. 2. D. de R. V. et de vasis sigillatis locus extat in l. 32. pr. de aur. et arg. leg.

(2) De Græcorum sigillis qui legere cupit, adeat GORIÆVM, LICETVM, GRONOVIVM, BEGERVM,

et HEINECCIUM, qui simul in *syn- tag. hist. de sigillis* P. I. cap. 3. sigilla Hebræorum, Aegyptiorum, Persarum, Cyrenensium, Græcorum, Romanorum, Byzantinorum, Francorum et Germanicæ antiquæ refert.

(3) Sic AVGVSTVS in libellis et epistolis signandis *Sphinge* primæ usus, mox ad evitandum conviti- um imaginei Alexandri M. adhi- buit, SVETONIO in *Aug. c. L.* teste. Obseruat tamen SALMASIVS de *subscrib. et signand. testam. c. XVII. p. 177. seqq.* duces et magi- stratus populi Romani, literas pu- blicas.

aliud signum fuit, quod pater familias doliis, instrumentis, pecudibus, esculentis, aliisque ad œconomiam pertinentibus imprimebat: aliud vero, quod idem epistolis et priuatis in negotiis adhibebat. (4) Sed de signis et sigillis hæc suffi-

blicas scribentes, vno semper eodemque annulo vti debuisse, quo illæ obsignarentur, quamvis singulis forsan integrum fuerit, quo signo in introitu officii sui vti voluerint. Nec ergo cognita fuerunt sigilla perpetuo coherentia officio, sed id tantum præcauebatur, ne sigillum immutaretur, quod quis sub auspiciis initi magistratus elegerat. Si princeps, qui perpetuum gerebat imperium, signum mutabat, inde, contracto priori, nullum præiudicium metuendum. Quocirca, LIVIO lib. XXVII. c. 30. teste, CRISPINVS consul cum audiret, annulo Marcelli ducis cum corpore Annibalem potitum fuisse, eius signi errore ne qui dolus neglectetur a Pæno metuens, circa ciuitates proximas misit nuncios: occisum collegam esse, annuloque eius hostem potitum, ne quibus litteris crederent nomine Marcelli compositis, vtpote manu aliena regulariter scriptis, seu ab eis, qui ab epistolis ducum erant,

(4) Hoc probat locus ille P L I N I I in *hist. nat.* vbi de peruerso hominum statu lib. XXXIII. c. 1. scribit: *Que fuit illa priscorum vita, qualis innocentia, in qua nihil signabatur? At nunc tibi quoque et potus annulo vindicantur a rapina.* Vocabatur plerumque *signaculum*, et, vt ORIGENES in *epist. ad Rom. I. 4.* vult, hic significatus illis est proprius. Verba eius sunt: *Fortassis idem videtur aliquibus signum, quod signaculum; sed mihi uterque sermo multam inter se videtur habere differentiam: signum namque dicitur, cum per hoc, quod videtur, aliud aliquid indicatur; signaculum dicitur, cum alicui rei seruanda pro tempore custodia imponitur, quod nemo alius, nisi ille, qui impressit, resignare debeat.* De hoc signandi more res occludendas plenius agit etiam SALMASIVS de *subscribend. et signandis testam. c. X. sqq.* docetque p. 104. Romanos annulo signa omnia, quæ domi clausa volebant vindicare a domesticorum

ornamenti ergo in scyphis, vasis, candelabris aliisque in rebus calatorum artificio posita, inueniuntur. (1) Præcipue etiam sigilli appellatio annulis signatoriis, quæ continebant signa et imagines, tribuitur, tantæque autoritatis fuerunt, ut, quæ his clausa sunt, aperire fas non esset. Sigillum enim in hoc sensu cum ad res referuandas, notandas, et occludendas faciat, caractere vel imagine omnino opus habet, quæ rebus occludendis imprimitur, et sic *signa* ac *sigilla* sunt et olim fuerunt cerea ectypa, quæ annulus in cera expresse-  
rat. Vñus sigillorum horum apud plurimas gentes (2) fuit; sed cum de hoc argumento plurimi egerint auctores, Romanæ gentis præ cæteris intuebimur mores. Huius quidem imperatores magistratusque certis ut plurimum vsi sunt sigillis. (3) Neque tamen ciues signa stabilia tenuere. His aliud

(1) ARNOBIUS eleganter lib. VI. *adu. gent. p. 197.* scribit: *Abstinetis a risu, cum pro diis immortalibus sigillolis hominum et formis lapidibus supplicatis humanis.* De his sigillis mentio etiam fit in l. 12. §. 23. D. de instr. vel instrum. leg. l. 13. §. 7. D. de usufr. l. 17. §. 9. D. de act. emt. vend. l. 41. §. 13. D. de leg. 1. De candelabro sigillo exornato vid. l. 23. §. 2. D. de R. V. et de vasis sigillatis locus extat in l. 32. pr. de aur. et arg. leg.

(2) De Græcorum sigillis qui legere cupit, adeat GORLÆVUM, LICETVUM, GRONOVIVM, BEGERVUM,

et HEINECCIUM, qui simul in *syn- tag. hist. de sigillis P. I. cap. 3.* sigilla Hebræorum, Aegyptiorum, Persarum, Cyrenensium, Græcorum, Romanorum, Byzantinorum, Francorum et Germaniæ antiquæ refert.

(3) Sic AVGVSTVS in libellis et epistolis signandis *Sphinge* prima vsus, mox ad evitandum conuictum imaginem Alexandri M. adhibuit, SVETONIO in *Aug. c. L.* teste. Obseruat tamen SALMASIVS de *subscrib. et signand. testam. c. XVII. p. 177. seqq.* duces et magistratus populi Romani, literas publicas.

aliud signum fuit, quod pater familias doliis, instrumentis, pecudibus, esculentis, aliisque ad œconomiam pertinentibus imprimebat: aliud vero, quod idem epistolis et priuatis in negotiis adhibebat. (4) Sed de signis et sigillis hæc suffi-

blicas scribentes, vno semper eodemque annulo vti debuisse, quo illæ obsignarentur, quamvis singulis forsan integrum fuerit, quo signo in introitu officii sui vti voluerint. Nec ergo cognita fuerunt sigilla perpetuo coherrentia officio, sed id tantum præcauebatur, ne sigillum immutaretur, quod quis sub auspiciis initi magistratus elegerat. Si princeps, qui perpetuum gerebat imperium, signum mutabat, inde, contracto priori, nullum præiudicium metuendum. Quocirca, LIVIO lib. XXVII. c. 30. teste, CRISPINVS consul cum audiret, annulo Marcelli ducis cum corpore Annibalem potitum fuisse, eius signi errore ne qui dolus negligeretur a Pæno metuens, circa ciuitates proximas misit nuncios: occisum collegam esse, annuloque eius hostem potitum, ne quibus litteris crederent nomine Marcelli compositis, vtpotè manu aliena regulariter scriptis, seu ab eis, qui ab epistolis ducum erant,

(4) Hoc probat locus ille PLINII in *hist. nat.* vbi de peruerso hominum statu lib. XXXIII. c. 1. scribit: *Quæ fuit illa priscorum vita, qualis innocentia, in qua nihil signabatur? At nunc tibi quoque et potus annulo vindicantur a rapina.* Vocabatur plerumque *signaculum*, et, vt ORIGENES in *epist. ad Rom.* I. 4. vult, hic significatus illis est proprius. Verba eius sunt: *Fortassis idem videtur aliquibus signum, quod signaculum; sed mihi uterque sermo multam inter se videtur habere differentiam: signum namque dicitur, cum per hoc, quod videtur, aliud aliquid indicatur; signaculum dicitur, cum alicui rei seruanda pro tempore custodia imponitur, quod nemo alius, nisi ille, qui impressit, resignare debeat.* De hoc signandi more res occludendas plenius agit etiam SALMASIVS de *subscribend. et signandis testam.* c. X. sqq. docetque p. 104. Romanos annulo signa omnia, quæ domi clausa volebant vindicare a domesticorum

sufficiant, cum plures de iis scripserint. (5) Addo tantum, quod sapius ipse typus siue instrumentum, cui insculptus est character siue imago, voce *sigilli* in legibus, ut plurimum vero ipsum signum rebus impressum, veniat. (6) Hæc autem

rum et seruorum rapinis, capsas, arcas, armaria, penum, cellas, amphoras, lagenas, et reliqua utensilia, quæ aliquid furto et rapina obnoxium continerent, siue res cibi esset, siue potus, siue quacunque alia species, signasse. Addit, eorundem annulorum usum fuisse ad signandas omnis generis tabulas privatorum publicorumque contractuum, syngraphas, chirographa, testamenta, codicillos et epistolas ad familiares mittendas, quibus ligandis filum, linum, vel funiculum adhibebant, sigillo vel annulo signatorio signandum et claudendum. Non ergo primario, ut hodie, olim modus consensus dandi in negotium aliquod, aut fidem ei conciliandi erat, sed ut plurimum medium claudendi id, quod signatum erat, ceu §. *sq.* declarabitur, adeo ut, si linum incisum fuerit, tabulæ non signatæ viderentur, utut signa testium apparerent integra, uti obseruat Ictus in l. 1. §. 10. de bon. possess. secund. tabb.

Hoc sensu dicebantur tabulæ *obsignari* seu sigillis claudi, cuius moris etiam fit mentio *Apocal. V, 1. et l. 22. D. qui testam. fac. poss.* Ita omnia, quæ præcludenda erant, signabantur, atque hoc more uti poterat locator ædium, non solutis pensionibus a conductore. Præcludebantur enim fores, et signum locatoris apponebatur. l. pen. in quib. caus. pign. vel hypoth. tac. contrab. l. 20. de iniur. MERILL. lib. III. obs. c. 25.

(5) Ad eos inprimis referendus cit. 10. MICHAEL HEINECCIUS, qui sigilla medii æui quam diligentissime illustrauit.

(6) Vid. exemplum apud LIMNAEVM ad capit. Ferdin. III. art. 46. in vocab. *gehencet werden*. Alias vocatur per abusum *signetum*, vid. HEINECCII cit. tr. p. I. c. II. §. 7. *impresso*, vid. B. Cancell. de LVDEWIG reliq. p. IV. p. 246. Germanice *Sigel*, *Insigel*, *Pittschafft*, *Petttschafft*, *Petschab*, *Ingeß*.



tem significatio materiam illustrandam aliter non tangit, quam quatenus ad vsum signandi demonstrandum necessarium est. Agam igitur de figura, quæ ex impressione typi in ceram vel aliam materiam facta adparet.

§. III. Erant vero apud Romanos æque vt apud Græcos *usus sigilla-*  
(7) sigilla, ad signandas literas aliasque scripturas adhibita, *tum apud*  
vel publica vel priuata. Illa ducibus, magistratibus populi Ro- *Romanos.*  
mani, ciuitatibus, aliisque, qui officio cuidam publico præ-  
erant, propria erant, propria auctoritate, vt probabile est,  
electa, sed stabilia et non varianda, quo de fide eorum ex hoc  
immutabili signo constaret. Cum enim hi in scribendis lite-  
ris

Ingeß. Mitto alias denominationes plures ex nominatis deriuatas.

(7) Antiquissimum huius distinctionis vsum inter annulos publicos priuatosque tradidisse videtur scriptura S. in historia IOSEPHI, quod rex PHARAO annulum suum de manu sua detractum ei dedisse legatur *Genes. XLI, 42.* Sed id sine dubio factum est in signum potestatis supremæ ei creditæ, sicuti AHASVERVS MARDOCHÆO annulum suum tradidit honoris & potestatis gratia. *Esth. VIII, 2.* Tales annulos autem fuisse signatorios etiam, admodum est probabile, quod

publica mandata et literæ hoc modo obsignandæ essent, sicuti postea Persarum reges annulo regio obsignarunt literas, edicta et mandata regia, vt rursus constat exemplo AHASVERI apud *Esth. VIII, 9.* Sed etiam priuati patresfamilias annulos, in quibus sigilla erant, iam antiquissimis temporibus habebant, ceu docet historia Thamaræ, cui post concubitum loco pignoris dedit Iuda *sigillum suum* cum fascia et scipione. *Genes. XXXVIII, 18.* Reuera enim voce *Hebraica*, ibidem occurrente, designari *sigillum*, præter alios docuit *CLERICVS in pentat. ad cit. l.*

ris aliisque monumentis exarandis opera aliena eorum, qui ab epistolis erant, vterentur, opus fuit, alio argumento constare de veritate scripturæ, quod ab eo magistratu missa et exarata esset, cuius sigillum præ se ferebat. (8) Dicit hæc sigilla publica possunt, non quod publica auctoritate concessa, sed quod argumento essent, literas hoc sigillo obsignatas a publica persona intuitu officii missas fuisse, et hoc intuitu mutari non debuerunt. Priuata vero signo arbitrario constabant, pro lubitu electa; quamuis enim plurimi imaginem imperatorum in suis sigillis exprimere solerent, infinita tamen sigilla et gemmæ, hodie ab antiquitatis studiosis collecta, (9) ostendunt, ea in infinitum variasse, et a celebri rei memoria, statu temporis, religione vel aliis causis electa, et in gemmis

(8) Talia sigilla constantia admisit etiam SALMASIVS de subscrib. et sign. testam. cap. XVII. pag. 178. quæ recte publica dixeris, quod fidei de literis publica auctoritate scriptis facerent, ceu docet exemplum annuli signatorii MARCELLI, ab ANNIBALE intercepti, cuius mentio facta in b. c. §. II. not. 3. Addit IDEM, habuisse et ciuitates Græciæ liberas ὀφειδᾶς, qua literas publicas obsignarent, et fœdera cum vicinis ciuitatibus aut regibus facienda. Denique Trapezitas quoque publicis semper signaculis utebantur, ut hoc symbolo fidem negotiorum eo magis firma-

rent. Vnde palam est, sigilla licet olim potissimum adhibita ad claudendas literas et testamenta, eadem tamen quandoque, sed non eodem modo, ut hodie, usurpata fuisse a personis publica auctoritate pollentibus ad publicam fidem scripturæ conciliandam, seu ut constaret, literas obsignatas nomine publico missas fuisse.

(9) Inprimis ab ABRAHAMO GORLAEO in dactyliotheca, in qua insignem apparatus horum sigillorum gemmis insculptorum vel annulorum sigillariorum duabus partibus exhibet, eorumque imagines vel simulacra paucis refert.



gemmis expressa fuisse, sæpiusque immutata; (10) quod etiam luxuriæ et ornamentis inseruient.

§. IV. Sicuti vero olim *annulo signatorio* omnia signabant Romani, qui scilicet digito gestari poterat, et ita sigilla illa parua (11) illis tantum cognita erant; ita illis incognita fuerunt *sigilla grandiora*, funiculis instrumentis appendi solita, quæ posterior ætas in oriente et occidente introduxit. Hæ *bulle* vocatæ sunt, (12) et ad firmandam fidem eorum, quæ literis expressa sunt, faciunt, atque idem quod *subscriptio* præstant atque efficiunt, ut *authentica* sint documenta. (13) Atque inde notabilis differentia

*Differentia sigillorum, quæ Romani gestabant, et notorum.*

(10) Annulis insculpi solebant variarum rerum effigies, secundum cuiusvis beneplacitum, modo deorum dearumque, modo hominum, brutorum, aliarumque rerum gestarum, ut GORLÆVS in *prolog. p. 9.* paucis innuit; quod et ipsa sigilla ab ipso exhibita docent.

(11) Ut docet GORLÆVS in *daçtyliotheca* sua infinitis horum sigillorum exemplis.

(12) Notante FESTO *p. m. 56.* *Bulla aurea erat insigne puerorum prætextorum, quæ dependebat eis a pectore, ut significaretur, eam ætatem ulterius regendam consilio.* Originem huius moris derivat PLINIVS *lib. XXXIII. c. 1.* a PRISCO

TARQUINIO, et etymologiam vocis plenius illustrat GERHARDVS IO. VOSSIVS in *etymologia*, hac voce. Similis his fuerunt sigilla, quæ chartis et diplomatibus appendebant, quandoque etiam *aurea* vel *argentea*, denique etiam *plumbea*, quibus curia Romana utitur, a quibus sigillis ipsa diplomata *bulle* vocantur.

(13) Hoc rursus clausula finalis diplomatum antiquissimorum Carolingicorum, et quæ post Carolingicam stirpem extinctam edita sunt, monstrant, ut LVDOVICI XII de anno DCCCXXVIII. apud SCHANNAT. in *hisor. Wormat. eiusque cod. probat. n. IV.* Hoc vero præceptum ut

tia inter sigilla antiqua Romanorum et recentiora inualuit tum ratione *finis*, tum *formæ* ipsius, et denique *effectus*. *Finis* antiquorum sigillorum fuit primarius, ut hoc signo clauderentur tabulæ, tam publicæ, quam priuatæ, ne quorumvis obtutibus expositæ essent, aperiendæ demum post sigillorum integritatem agnitam (14) lino inciso, ubi necessitas id postulabat,

pleniorem, in Dei nomine, obtineat vigorem, & a fidelibus nostris verius credatur & diligentius conservetur, de annulo nostro subter iussimus sigillari. Ut plurimum etiam subscriptionis mentio cum sigillo facta, v. c. in diplomate eiusdem imperatoris de a. DCCCXXII. apud SCHATENIVM in historia Paderborn. ad cit. ann. Et ut hæc autoritas per futura tempora melius conservetur, manu propria subter firmavimus, & annuli nostri impressione signari iussimus. Hæc duo ut plurimum in diplomatibus coniunguntur, ut certum sit, sigilla hæc authentica idem cum subscriptionibus præstitisse, quæ quandoque dicta sunt: *maiestatis nostræ sigilla*, ut in diplomatibus HENRICI VI. de anno MCXCH. apud SCHATENIVM ad cit. ann. et SCHANNATVM cit. l. n. 159. vel etiam: *bullæ aureæ typario nostræ maiestatis impressa*, ut FRIDERICI II. de anno MCC-

XXXV. apud SCHATEN. cit. tr. ad cit. ann.

(14) Hoc modo etiam sæpe acta publica sigillis clausa sunt lino inuoluta, ut colligo ex collat. Carthag. II. cum Donatistis, recitata a DVPINIO in OFFATI Milevitani opere de schismate Donatist. p. 293. in qua hæc habentur: "Marcellinus, vir clarissimus et notarius, dixit: susceptæ tabulæ ab ecclesiasticis notariis recitentur. "Cumque intra Sabannum (linteum) volumen schedæ membranaceum pro parte descriptum, et codices tabularum pariter obsignati iudicariis offerrentur aspectibus, "Marcellinus, vir clarissimus, tribunus et notarius, dixit: custodes edicant, utrum signa cognouerint. Leo, episcopus ecclesiæ catholicæ, dixit: agnosco sigillum meum. Marinianus episcopus dixit: agnosco sigillum meum. Marcellinus, vir clarissimus.

stulabat. Hodiernorum vero sigillorum, quæ vel appendi solent documentis, vel subscriptionibus adiungi, finis huc vergit, ut *fides* eo maior documentis tribuatur, et ut sint *symbola voluntatis nostræ fideique datæ*. Sed etiam ratione *formæ* est aliqua differentia, dum quædam *grandiora*, quædam *minora* sunt, ad instar Romanorum, ut paulo ante dictum. Denique ratione *effectus* quædam publica auctoritate concessa vel assumpta, (15) quæ vocantur *authentica*: quædam verò *privata*, singulis privatis propria; quamvis *hereditaria* ut plurimum et *gentilitia*, non æquali tamen effectu cum authenticis pollentia, nec pro lubitu assumenda.

§. V. De *authenticis sigillis* nunc primario quidem locus est agendi, utpote quæ iura peculiariter habent, et a privatis magnopere distant. Hæc itaque *signa* denotant, quæ auctoritate publica assumpta vel indulta sunt his, qui vel iurisdictionem habent, vel publicam personam representant, et ea negotiis coram se gestis, suamque privatam rem non concernentibus, fidem publicam faciendam imprimant vel annectant. Vocabulum *authenticum* græcæ derivationis est, ab αὐθεντικός, *authos*, desumptum; unde est αὐθεντία, *auctoritas*, et hinc *authenticum* dicitur, quod auctoritate pollet, et sic fidem habet. (16) Usus huius vocabuli iam ab antiquis temporibus etiam magnis

*Definitio sigilli authenticici eiusque a privato differens.*

“rissimus, tribunus et notarius dixit: quoniam ab utraque parte impressionem signorum agnitam constat ea, quæ præcepi, a notariis relegantur.”

(15) Quod in *sq. §. §.* plenius explicandum erit.

(16) *Vossius in etymol. voce authentica* ita censuit; unde scripta authentica *ICtis* vocantur, quæ

*ori-*

gnis signaculis proprius fuit, (17) et eandem vim habet, ac in *nouellis, decreto autentico* attributum. Differt hocce sigillum a priuato: (I) quod signans id non in suis sed alienis et coram se gestis primario adhibeat negotiis: (II) quod ab eo imprimatur, qui vel iurisdictionem vel publicam fidem habet, et (III) denique quod alios plane præ illo producat effectus.

*Diuisio-  
nes si-  
gilli auten-  
tici.*

§. VI. Sub *authenticis sigillis* omnia comprehendo sigilla publica, quæ *fidei publicæ* ergo annectuntur. Pro ratione negotiorum, quibus imprimuntur, et signantis dignitate, varia recensentur, quæ breuitatis ergo sequentibus includo clas-

*originalia* sunt, exemplis inde desumptis opposita, & in genere *authenticum* est, quod ab *auctoritate* conspicuis, vel ea valentibus confectum est.

(17) Vtitur hoc vocabulo pontifex c. 2. in pr. de offic. ordin. in 6. ibi: in *instrumento publico vel patentibus literis sigillorum suorum aut alterius AUTHENTICI* (h. e. auctoritate publica pollentis) *munimine roboratis*. Notanter vero ALEXANDER in c. 2. X. de fid. instrum. ait: "Scripta vero autentica, si testes inscripti decesserint, nisi forte per manum publicam facta fuerint, ita quod publica appareant, aut SIGILLUM AUTHENTICUM habuerint, perque

"possint roborari, non videntur nobis alicuius firmitatis robur habere., Sicuti vero instrumentum absolute positum publicum designat, ita sæpe sigillum indefinite positum, pro *authentico* accipitur, ut in c. 48. X. de appell. Pariter in c. 14. X. de excess. prel. asseritur, quod clerici ecclesiæ Iotrensis, Meldensis diocesis, non consueverint proprium habere sigillum, nec sint unum corpus, ita quod capitulum appelletur, nihilominus sigillum habere contendant, h. e. sigillum *authenticum*, quo tantum vtuntur publicæ personæ vel collegia publica ad fidem publice faciendam. conf. MATTHÆVS PARIS. in *histor. Anglic. ad a. 1237.*

classibus. Hi, qui supremo imperio vel iure territoriali gaudent, sigillum adhibent *maiestaticum*, & distinctum in rebus *gratie*, et rebus magni momenti, praterea in causis iurisdictionalibus, feudalibus, cameralibus et in genere, ubi autoritas praestanda, singularia habere solent sigilla. Hoc sigillum alias vocatur *magnum*, *maximum*, ab impresso, *nostrae imaginis*. (18) Secunda species est *secretum*, quod maioris circumferentiae est annulo, minoris grandiori sigillo, quodque in chartaceis edictis et epistolis secretioribus plerumque adhibetur. Addo: *plerumque*; nam uti HEINECCIUS ostendit: *Interiecto tempore et secretiorum usus in diplomata transit, et secreta plerumque tergo sigilli authenticici impressa sunt*. (19) Tertia denique species est quodvis sigillum aliud

(18) Carolingorum tempore annulo omnia signabantur, in quibusdam autem negotiis ob rationem singularem adhibebatur *bullae* vid. HEINECCIUS P. I. cap. IX. p. 77. Hoc docent diplomata apud SCHANNATVM in *hist. Wormat.* et quidem in *cod. probat. n. 1.* ubi existat CAROLI M. diploma de ann. DCCXCVIII. ibi: *Et de annulo nostro sigillari iussimus*. Pariter LUDOVICVS PIVS in diplom. de an. DCCCXIV. sub. n. II. *Et annuli nostri impressum signari iussimus*, quales formulae etiam occurrunt sub n. III. IV. V. VII. VIII. IX. XII. XIII. XIV. XV. Parker sub iun-

peratoribus, qui post stirpem Carolingicam imperium tenuerunt, similis tenoris formulas deprehendi ibid. sub n. XIX. XX. XXI. XXII. *sqq.*

(19) De contrafigillorum origine nil certi constat. HEINECCIUS c. I. P. I. c. IX. p. 77. primum adducit *secretum* ex charta HENRICI IV. anno MLIX. ecclesiae Niuelensi datum. Ab aliis vero hoc sigillum semet distinguit in inscriptione, quae plerumque usum illius et nexum cum primario expresse ostendit, ut SECRETVM EST, SECRETVM SERVA, TESTIMONIUM VERVM, SIGILLVM VERITATIS, SECRETVM

aliud publicum, quod a magistratibus, iisque, qui publicam fidem habent, instrumentis imp. initur.

*De bullis.*

§. VII. Sigilla hodie imprimuntur vel metallis, vel ceræ; alia vero materiæ Germanis vix notæ sunt. Illa, quæ ex metallis finguntur, nomine *bullarum* veniunt, (20) et originem, secundum plurimorum sententiam, habent ab imperatoribus Byzantinis. Hi sigilla non auro solum, sed gemmis sæpius exornarunt, eaque plus ad diuitias exteris ostentandas, quam fidei ergo scriptis adposuerunt. (21) Hodie conceduntur *aureæ bulle* in rebus tantum maximi momenti, velut in concessione iurium ecclesiis et ciuitatibus facta, in sæderum et pactorum confirmatione, in erectionibus ducatum, privilegiorum et nobilitatis donationibus, si supplicantes id pe-

CRETVM MEVM, CLAVIS SIGILLI, aliaque symbola pia, vbi contrafigilli sit mentio, de quibus plura adducit VREDIVS *in sigillis comit. Flandrie*, vel vbi decurtatum contrafigilli conspicitur vocabulum, vel denique litteræ C. S. solum conspiciuntur. Bullæ quod plerumque in tergo fuit incusum, *auersum* dicitur, & iuxta LEYSERVM *in comment. de contrafig. med. aui* p. 7. a contrafigillo etiam distinctum est, quoniam huiusmodi bullæ nunquam in aversa parte contrafigilli, secreti aut aliud contra figillis proprium nomen vel signum habeant, quo

contrafigilla denotantur. Vbi vero sigilla filis appendere in usum venit, *contrafigillum* maioris fidei ergo, cereis denique a tergo impressum fuit.

(20) Derivationem vocis *bullæ* tradidi supra not. (12) p. 299.

(21) De his plura inueniuntur apud PANCIROLLVM *rerum deperd.* p. 15. CAROLVS quidem DV FRESNE et THVLEMARIUS bullarum aurearum auctores faciunt Francos, sed HEINECCIUS *d. tr. P. I. can. IV. §. 4. p. 37.* ostendit, quod iam ante illos bullæ vocatæ fuerint *Byzantina*.



petant, et pretium bullae, quod quadraginta communiter ducatos facit, soluant. A Carolingorum temporibus ad interregnum vsque, et ab hoc ad nouissima tempora haud paucæ inueniuntur *bullæ aureæ*, quæ summa cum industria collegerunt MABILLONIVS, HEINECCIUS, THVLEMARIUS alique, Ipsa hæc ciuitas auream FRIDERICI II. *bullam* possidet, quæ an. 1232. *privilegia principum S. R. I.* firmat, quodque cimelium *B. Cancell. de LVDEWIG* non minoris pretii facit, ac AVREAM *BULLAM FRANCOFVRTANAM.* (22) *Typaria argentea* Germanis rariora fuere, licet probabile sit, eos etiam in hoc imitatos fuisse Byzantinos. Quædam occurrit in *FRESNÆ glossario*, qui testatur, in gazophylacio cœnobitarum S. Gënouefa Parisiensium custodiri *bullam argenteam LVDOVICI VII imp.* Alia præter hanc etiam inuenitur argentea HENRICI II. quæ olim aurea ab auctore *vite S. Meinweri* Paderbornensis habita fuit; postquam vero P. SCHATENIVS eam accuratius examinavit, inaurata fuit inventa. Bullas præterea adhibent pontifices, patriarcharum Constantinopolitanorum quondam æmuli, qui omnibus mandatis, *breuibus* exceptis, *bullas* annectunt, et nunc (vtrum ex humilitate, an vero aliis ex rationibus ducti? alii iudicent) *plumbeas* sibi vindicant. Vñs vero *bullarum* imperatoribus, regibus et pontifici proprius non remansit, principio siquidem seculi iamiam IX. MABILLONIVS (23)

ex-

(22) In reliq. Manuscriptorum, habiti sequentia adducuntur: *Presbyter ad alium locum migrans, literas etiam habebit, quibus sint nomina episcopi & ciuitatis PLVM-*

(23) Vid. *supplem. ad rem diplom. cap. XI.* quo in loco ex actis concilii Cabilonensis II. anno 813. *80 impressa.*

exemplum adducit; vbi episcopus *bullæ* usus est *plumbea*. Ab episcopis transit *bullæ* ad *concilia*, cum ante seculum XV, vix *bullæ* conciliorum cognita, (24) et conclusa ab imperatoribus et episcopis presentibus obsignata fuerint. Præter *aurum*, *argentum* et *plumbum* nulla, ut dixi, nota est Germanis materia, et ex ultima paucæ reperiuntur. (25)

De sigillis ceræ  
et coloribus.

§. VIII. Cereæ sigilla signantes in coloribus distinxere. Sic cere alba vel potius *flavescentes* (26) Carolingicis, Saxonis, Salicis, Suevicis et ex sequiori seculo aliquibus imperatoribus grata fuit. Postea episcopi, principes, capitula cathedralia, monasteria, et omnes fere in dignitate constituti, hunc colorem communem habuere. Nec ideo vilescere coepit; imperatores enim usum *albi sigilli* per privilegium aliis concesserunt. (27) Successu temporis etiam balneari-

bus

(24) HEINECCIUS d. tr. P. I. cap. V. §. 17. p. 47. 48. vbi Pifano concilio originem sigilli conciliorum tribuit.

(25) Refert quædam THULEMARIUS in tract. de bulla aurea cap. IV. §. 9. & 10. Præcipue vero notatu digna videtur bulla illa OTTONIS III. ex GOLDAST. const. imperial. vbi dictus imperator Sylvestro II. anno 998. octo comitatus obtulit, eamque donationem bulla plumbea munivit, in cuius una parte ODDO IMPERATOR ROMANORVM; in altera vero caput hominis cum pilis crispis, spa-

tulis et inscriptione: *AVREA ROMA*, adparebat.

(26) Lis est, an candida fuerint Carolingorum sigilla, an potius *flava*, quam vero dirimere, sordes, quibus ea obduxit antiquitas, prohibent. *Flava* procul dubio fuere, ex naturali ceræ colore, cum vix credendum, ea iamiam tempore artem candefaciendi ceram cognitam fuisse.

(27) Sic in 10. BAPT. PIGNAEBIST. principum Estens. p. 544. legitur, FRIDERICVM V. Maximilian patrem nouiter a se creato Modenæ et Reggii duci dedisse facultat.



bus donavit WENCESLAVS. Post imperatorem vero modo dictum signavit et SIGISMUNDVS (28) cera alba. (29) Sigilla *rubra* cum FRIDERICO I. (30) procul dubio frequentiori in usu esse coeperunt, et ius sigilli rubri post interregnum semper magni habitum fuit, (31) ut nemo nunc *privatorum* eo sigillare possit, nisi ex *concessione superioris*, quod cæsares et principes in signum maiestatis et superioritatis eo utantur. (32) *Viridia* in medio auro vix reperiuntur, et quæ extant,

cultatem *cera alba* sigillandi. Conf. THYLEMARIUS in tract. de *bullæ* cap. V. p. 23.

(28) Vid. GOLDAST, *const. imp. T. II. p. 82.* quodque privilegium ipse imperator cera alba obsignavit.

(29) Vid. MARQ. FREHERVS in not. ad *bullam auream Sigismundi, imp. de success. comit. palat. ad verb. sigilli testimonio.*

(30) HEINECCIUS in cit. *tr.* memorat, semet vidisse diploma ciuibus Spirensibus a FRIDERICO I. datum, *rubraque* signatum. MABILLONIVS vero in *re dipl. lib. II. cap. XVI. n. 1. p. 135.* Carolingos post Francos iam iam adhibuisse *ceram rubricatam*, testatur.

(31) Quod inde elucet, quia ab eo tempore plures in dignitate

constituti privilegium, hoc sigillandi colore, ab imperatoribus acceperunt. Sic CYR. SPANGENBERGIVS in *chron. Mansfeldensi* cap. 348. p. 404. refert: daß Kaiser Maximilian an. 1512. Graff Hoyer zu Mansfeld die Gnade gethan, daß alle Graffen zu Mansfeld hinfort sich Wohlgebohrne schreiben, und mit rothem Wachs siglen möchten und solten, dann sie bis auf diese Zeit nur grünes gebraucht hätten &c. Præter imperatores adhibent deinde etiam pontifices sigillum rubrum in brevibus. vid. HEINECCIUS *d. tr. P. I. cap. VII. §. 6. p. 52.* et STRYK de *cera rubra c. II.*

(32) Vid. modo cit. B. STRYK. de *cera rubra c. I. n. 47. seqq.* HOEPFING de *iura sigill. c. III. §. 4. n. 74.*

Qq 2

extant, alio tincta sunt colore. Hodie hoc vtuntur ciuitates aliaque collegia minora, nisi vsum *cere rubrae* docere queant. (33) Alii praterea colores rarissime occurrunt. (34)

*De sigilli authenticici forma.*

§. IX. Inprimis vero distinguuntur sigilla *authentica* a priuatis ratione *figure*. Carolingici imperatores ad Carolum vsque Crassum *oualem* hautque spatiosam amarunt. (35) Modo dictus vero *Cæsar figuram* delegit rotundam, quam nostri imperatores ad nouissimum demum tempus retinere, licet circumferentiæ eorum creuerint. Reliqui ordines imperii et constituti in dignitate oualibus, rotundis, parabolicis, oblongis, triangularibus, quadratis, et aliis cuiusque ingenio conformibus, signarunt figuris. (36) Differant modis quibuscunque, hæc tamen regula semper obseruata, quod priuatis sigillum spatiosioris circumferentiæ permissum non sit. (37)

*De sigilli authenticici characteribus.*

§. X. De internis *sigilli authenticici characteribus* acturus, potiores classium loco ponam, ad quos omnes deinceps obuenientes referri facile possunt. Metam transiliam, si omnes

(33) STRYK. c. l. n. 39.

(34) Inueniuntur quidem & per priuilegium concessa, sed vix vni alteriue. Talis concessio est illa CAROLI V. qui Doctori Stockhamero Norimbergensi anno 1524. facultatem dedit signandi *cera cœrulea* conf. HEINECC. d. tr. P. I. c. VI. Tempore luctus publici denique *nigram* adhiberi, notum est.

(35) HEINECC. d. tr. P. I. cap.

VIII. §. 2. p. 56.

(36) IDEM d. tr. §. 1.

(37) Vtpote qui sigillis vel literis tantum obsignant, vel testamentis signandis adhibiti, pro more subscriptioni suæ adiungunt, vel instrumentis, in quibus eorum consensus declarandus est, ea cum subscriptione subiiciunt.

mnēs quoquo tempore locoque obuenientes sigillorū charactēres describere auderem; ad Germaniam potius me convertens, sigilla authentica, Carolingorū tempore obuenientia, describam, et cum hodiernis moribus finiam. In temporibus dictis luere *imagines, diui tutelares, castra, et signa alia*. Carolingorū sigilla licet simplicissima, more tamen Romanorū *caput* signantis lauro tectum, scite sculptum ostendunt. (38) CAROLVS ex his CRASSVS adiecit protomen imperatoris cum clypeo oblongo et vexillo. (39) Post creuerunt quasi imagines in sigillis. CONRADVS I. superiorem corporis partem exhibet, quod seruatum vsque ad HEINRICVM II. vbi maiestas imperatoria ad summum quasi in sigillis venit. Hic throno insidens, sceptrum regale dextra, sinistra vero globum tenet. Est igitur dictus imperator primus sigilli maiestatici auctor, ex sententia B. HEINECCII, (40) cum antecessores throno haut insideant. In sigillis etiam suorum imagines insculpsērunt archiepiscopi, episcopi, abbates, abbatissæ. Principes vero et comites equitantes, stantesque in sigillis conspiciuntur. Inscriptiones in imperatorum sigillis ceu reliqui characteres initio simplicissimæ fuerunt, et cum a Romana ecclesia fuerint ad fidem Christianam conuersi, latina lingua conceptæ. Post *tituli* fere innumeri iis adiecti sunt.

(38) MABILL. *de re dipl. lib. II. c. IX. §. 27. p. 89.*  
*cap. XVII. n. 2. p. 143.*

(40) Vid. *c. tr. P. I. cap. IX.*

(39) Reuocata nimirum fuit orbicularis figura a temporibus Franci sunt ABBAS GOTTVIC. KOEHLERORUM, vid. HEINECC, *d. tr. P. I.* RVS alique plures.

sunt. In aversa parte sigilli Cæsatum conspectum se dedit castellum cum inscriptione: ROMA. CAPVT. MVNDI. REGIT. ORBIS. FRENA. ROTVNDI. In capitulorum, monasteriorum & cleri sigillis adparent *diui tutelares*. Neque minus eos in sigillis habere, religionis fuit ciuitatibus, ea tamen præ prioribus sub distinctione, vt eos *arcibus* imposuerint orantes plerumque. Eiusmodi *castella* multis ciuitatibus etiam post expeditionem vltamarinam remanserunt. Ab hoc vero tempore in genere, secundum plurimorum sententias, *constantia* sigilla facta sunt. Imperatores principesque loco imaginum *arma gentilitia* introduxerunt, nec illi, quibus ex armis nulla venit gloria, post hanc facile sigilla mutarunt, sed semper constanter ea retinuerunt. (41) Denique quibus auctoritate publica *sigilla authentica* concessa sunt, iis quoque vt plurimum præscriptum, quo *charactere* vti voluerint, quandoque vero libero id eorum arbitrio relictum, prout hodie notariis, *autoritate imperiali* creatis, electio characteris vel symboli relinqui solet.

De modis sigilla annexendi, eorumque numero.

§. XI. Expositis *sigilli authentici* externis et internis qualitatibus, procedimus ad *modos ea scriptis annexendi*. Instauratores imperii Germanici singulari cura diplomatibus ea imponebant. Hæc eo magis necessaria fuisse videtur tum propter falsarios, quorum nullo tempore defuit copia, in Italia præsertim, imo in ipsis monasteriis Germaniæ: tum propter temporum iniuriam, ob quam curam singularem imperatores adhibuerunt, ne diuturnitate æui eiusque successu de-

(41) Vid. FRÆSIDIS diss. III. de innou. iur. per expedit. sacr. C. §. V. p. 46.

deciderent. In pede igitur membranæ primo incisa fuit figura crucis, post obducebant hanc ex utroque latere cera, et imprimebant sigillum, quod Cancellarii vel Referendarii signo, ex variis lincolarum et ductuum tricis consistente, cinctum erat. (42) Vbi sunt hoc imprimendi modo ad tempora usque imperatorum ex Suevica familia. (43) HEINECCIUS ostendit, quod iam a Merovingicis et Carolingicis sigilla diplomatibus adiecta fuerint, sed quod seculo XII. demum imprimis in usum venerit, ea filisnectere. (44) Sunt vero fila modo *serica*, modo *cannabina*, modo etiam *membranacea* vel *coriacea*. In prima et secunda ætate Germaniæ nunquam certius in filiservatus fuit color; (45) noviori vero tempore plerumque colores, signis gentilitiis proprii, usitati sunt. Pontifex *cannabina* amat fila in *rescriptis iustitiæ*, bullæ *gratiæ* vero habent ex serico pendentes. (46) Hodie pro diversa qualitate monumentorum, quæ sigillo authentico munienda, sigilla vel appenduntur, vel absque incisura calci scriptorum imprimuntur, quæ incisura calci superfusa et diplomati in hærenti sigillum imponitur. (47) Fit impressio ab officiali, veluti Cancellario vel Referendario, vel eius vicario, qui sua etiam manu subscribit cum ad-

(42) HERTIVS *diff. de diplom. imp. et reg. sect. I. n. 8. p. 12.*  
 BENIAM LEVB. *Stab. Magdeb. n. 1572.*

(43) Vid. *d. tr. P. I. cap. XVI. §. 11. p. 169/170.*

(44) HEINECCIUS *c. l. § VI.*

(45) MABILL. *de R. D. lib. II.*

*cap. XIX. n. VI. p. 151.*

(46) MABILL. *c. l. conf. c. 6. X. de crim. falsi ENGEL. in collég. iur. canon. lit. de rescript. n. 17.*

(47) Hic modus sigilla imprimendi sec. demum XVI. in usum venit. vid. HEINECC. *de tr. P. I.*

*cap. XVI. §. X. p. 173.*

adiecta causa, in qua diploma confectum, et suo nomine. In numero sigillorum veteres variarunt, et, cum eo maioris fidei scriptis inesse crediderint, quo plura haberent authentica signa, factum, ut quandoque plures, qui ad idem negotium *fide sua* concurrerunt, sigilla sua appenderint, et scripta inueniantur, in quibus plus spatii sigillis, quam literis relinquitur. (48) Hodie vnicum ut plurimum sufficit personæ principalis nec, ideo *scriptum authenticum* creditur, quod plura habet sigilla, nisi forsan plurimum autoritate conficiendum sit.

## §. XII.

(48) Inprimis ubi contractus et pacta interueniunt. Sigillant ibi imperii status, Landsassii, quandoque etiam alii id attestantes. Sed non in his solum casibus, in aliis quoque scriptis hic olim inualuit mos. HOEP. *de I. S. cap. IX. p. 197.* Sic nobiles sero demum sigilla adhibuerunt, sed chartas suas quibus ecclesiis et monasteriis nonnihil donauerant, ab episcopis, principibus, comitibus vel dynastis sigillo confirmari curauerunt. KOPP. *differ. inter S. R. I. comites & nobiles immed. p. 271.* Præsertim vero huc referendæ *bulle indulgentiarum*, a pluribus olim episcopis, vel cardinalibus coniunctim impetratæ, et sigillis eorum iunctæ, quo tot sigillantium liberalitate numerus

dierum maior de pœnitentiis iniunctis remitteretur. Singuli enim episcopi tantum XL. dies de illis remittere possunt per *c. 14. X. de poenit. et remiss. c. 3. cod. in 6.* cardinales vero centum. Diploma notatu digna exhibita sunt ex authenticis bullis, in sacrario ecclesiæ D. Vdalrico sacratæ asservatis, a PRAESIDE *tom. V. iur. eccles. prot. lib. de poenit. et remiss. §. 23. seqq.* inter quæ notabilis est bulla X. cardinalium sigillis munita, cum confirmatione diocesani ERNESTI, §. 28. adducta, ita ut pœnitentes ex hac unica bullæ liberalitate remissionem pœnitentiarum ad MXL. dies impetraverint, si opera pietatis ibidem præscripta impleuerint.



§. XII. Sunt alia præter sigillum, quæ *signi* nomine veniunt, quæque itidem veritatem scripturæ probant. Ad hæc refero potissimum *monogrammata* et *cruces*. *Monogramma* enim nomen titulumque signantis vario literarum nexu refert. (49) *Cruce* est figura, duobus ex lineolis semet secantibus, quoad extrema vero æqualiter distantibus consistens. (50) *Sigillum* vero ab his differt, quod ceræ imprimatur, et simulacra, arma, quandoque etiam crucees et monogrammata contineat. (51)

*De affinis  
sigilli anthem,  
sici.*

§. XIII. Varii denique morbi sunt, quibus sigilla corrumuntur. Tempus rerum edax, et hominum inlicitia metalla ac ceram destruit. Hinc opus fuit, ut (I) inveni-  
rentur characteres per artis peritos: (II) sculptura bene ex-  
cauata: (III) aliqua latente distinctionis notula prædita fue-  
rit: (IV) ut ad materiam sigilli tale quid deligeretur, quod  
nec

*Sigilla ne de-  
cidant, et si  
corrupta vel  
deperdita fue-  
rint, quid fa-  
ciendum?*

(49) Celebratissimi hætenus vi-  
ri in illustratione monogramma-  
tum laborarunt, ex quibus inprimis  
laud. D. BAVDISIVS in præpa-  
rat. ad analysin monogrammatum  
imp. et regum Germ. forma et or-  
dine plane accurato et noua ea ex-  
plicare docuit.

p. 102. Ad omnem progressionem at-  
que promotum, ad omnem aditum  
et exitum, ad vestitum et calcatum,  
ad lauacra, ad mensas, ad lu-  
mina, ad cubilia, ad sedilia, qui-  
cunque nos conuersatio exercet,  
frontem crucis signaculo terimus.  
Quid? quod IUSTINIANVS notariis  
iniunxerit, ut venerabile signum  
crucis instrumentis suis affigerent.  
l. f. §. 2. C. de iur. delib.

(50) Christianis proprium esse  
putabant veteres, quodcunque si-  
gno venerabili crucis signare. Hinc  
TERTULLI. de coron. milit. c. III.

(51) Vid. HEINECC. de tr. P. I.  
cap. IX. p. 103.



nec iniuria temporis facile destrui, nec alios ad rapiendum inducere posset: (52) (V) vt sigillum ceræ papyro superfusa imprimatur, aut loro ex eadem membrana nato et pendenti annecterentur. Quemadmodum autem nil contra has præcautiones satis firmum est, remedia etiam ab antiquo inventa sunt, in casu, si instrumentum propter vetustatem renouari necesse est, vel si sigillum amissum sit. Instrumentum itaque non satis legibile renouatur a iudice ordinario vel eius delegato, (53) et si *principale diploma* sit, mittitur ad eum, a cuius antecessoribus datum: (54) sigillum si sit deperditum, publice hoc indicandum, singulique monendi sunt, ne chartis, sigillo hoc deperdito, per fucum munitis fidem habeant. (55)

## CAP. II.

(52) Huic fini maxime inferviunt bullæ ex plumbo confectæ, in curia Rom. vsitatæ, durabiles, et a furum rapacitate immunes.

(53) *Cap. 16. X. de fid. instrum.* Modum exempla talia legitime perficiendi, tradit *PRAESES tom. I. iur. eccles. protest tit. de fide instrum. §. 5. sqq.*

(54) *cap. 4. X. de confirm. util. vel inutili.*

(55) Qua de causa pontifex in *cap. 6. X. de crim. fals.* hoc monito instruit episcopum Antinarensem: *propter quod sic literas apostolicas studeas intueri tam in bulla, filo et charta, quam in stylo, quod veras pro falsis, et falsas pro veris literis modo aliquo non admittas.*

## CAP. II.

DE

HIS, QVI AVTHENTICO  
GAVDENT SIGILLO.

## A R G V M E N T V M.

I. *Quinam ius sigilli authenticæ concedant?* II. *Quinam illud inter seculares et ecclesiasticos exerceant?* Quibus non competat? IV. *Observanda in definiendo caractere sigilli authenticæ,* V. *in sigillo imprimendo,* VI. *eodemque custodiendo.*

## §. I.

**S**igillorum authenticorum vsus Carolingorum tempore imperatoribus solum fere proprius fuit; (56) quod iure maiestatico supremo omnia regerent priuatiue. Hi eorum fidem sancte

*Authentici sigilli quemadmodum a Carolingicis temporibus ad nostram usque ætatem conseruata fuerit.*

(56) HEINECC. d. tr. P. I. cap. X. §. XV. p. 121. Ceterum videtur memoratu dignum, quod in tabulis MABILLONII et abbatis GOTTWIC. GODEFRIDI, nulla conspicienda sit distinctio ductuum in monogrammatibus Cæsarum, et cancellarii subscriptione, ex quo colligi potest, monogrammata per cancellarium picta esse, et sigillum proprie scripto fidem fecisse, id quod Cancell. de LVDEWIG

tom. I. comment. ad aur. bull. p. 200. sequentibus explicat: So wohl die Dinte als Züge geben es, das die Kaiser in ihren Unterschriften selten mit Hand angeleget, sondern selbige entweder von den Cancellisten oder dem Erz-Cangler hinzu setzen lassen. Dahero der meiste Grund, ob auch damals ein diploma recht oder unrecht gewesen, blosserding auf das Siegel ankommen ist.

Rr 2

sancte coluerunt, variisque symbolis et imaginibus exornarunt, aliisque eorum vñum concesserunt. Quocirca temporis successu nemini, nisi qui *iure imperii* et *publica auctoritate* gaudebat, concessa sunt, vel ab illis assumpta propria auctoritate, qui post extinctam stirpem Carolingicam in territoriis suis *iure imperii* vñi sunt. Sicuti enim vñus *sigillorum authenticorum* dependet ab ipso *iure imperii*, quo quis gaudet, et hoc modo auctoritatem publicam, quæ ab imperio supremo dependet, negotiis tribuit; ita, prout imperiū diversa ratio fuit, vel *propria auctoritate* assumpta, vel ab imperante aliis, qui *officio publico* subalterna potestate prae fuerunt, concessa sunt, ut eis in exercitio muneris sui publici gauderent. Priuilegia quidem, noua insignia conferendi, post tempora belli S. (57) relata sunt ad *reseruata imperatoris*, qui ad nouissimam vsque ætatem ea concedit, vel conferenda comitibus palatinis facultatem dedit: hæc tamen licet *gentilitia* sint, sigillis etiam impressa, minime tamen confundi debent cum *sigillis authenticis*, in exercitio muneris publici tantum adhibendis, quæ ad hunc vñum *speciali concessione* et *definitione* indigent, quoad eos, qui subalterno imperio gaudent, vel iure proprio eliguntur ab his, qui *iure imperii supremi* omnia expediunt. Non negandum, principibus Austriacis (58) et cuique domino territorii (59) iura con-

(57) Vid. *FRAESIDIS cit. diff. de varia iurium in nou. per expedit. cruce sign. cap. III. §. V. p. 49. 50.*

(58) Archiducibus Austriae a CAROLO V. concessum est: Daß

sie und ihre Erben und Nachkommen in allen ihren landen und Gebieten, als eben gemeldt ist, Grafen, Freyherrn, Ritter, Knecht, auch dazugeme und verdiente Personen, von neuen Edel machen, den-

conferendi insignia competere; ast inde non nascitur vsus promiscuus *sigillorum authenticorum*, fidem publicam negotiis peragendis imprimendum, sed ipsa sigilla hodie adhuc sunt vel *priuata*, ad vsum mere priuatum, vel claudendi literas, vel consentum suum in negotium dandi destinata; vel *publica* seu *authentica*, quibus fides publica negotio cuidam conciliatur. Atque hæc demum illis propria sunt, qui publicis negotiis peragendis, iudicialibus et extraiudicialibus præsent, a suprema potestate vel assumpta vel indulta. Tale sigillum authenticum etiam accipiunt NOTARII, a comitibus palatinis auctoritate Cæsarea, quamuis, vt eo gaudere possint in territorio principum, vt plurimum confirmatione principis indigeant.

§. II. In monarchia ecclesiastica indulget sigillum authenticum pontifex maximus, tanquam caput supremum, vel *immediate* vel *mediate* per legatos a latere missos in provincias cum imperio sacro, cardinalibus, archiepiscopis, episcopis, abbatibus, abbatissis, prælatis, capitulis, conuentibus pariter ex concessione vel generali (60) vel speciali.

*Ex clero et secularibus, quibus ius sigilli authentic. competit.*

denselben Wappen und Kleinodien mit Schild und allerley Zierheit, Farben und Plafmerungen geben und leihen etc. Vid. LIMNAEVS de I. P. lib. V. cap. II. verb. Auch daß sie 1c.

(59) Exemplo hoc probatur sereniss. March. Brandenburg. qui insignia vrbibus in territorio suo

fitis donarunt, apud LIMNAEVM de I. P. lib. V. cap. 7. in addit. 1. n. 76. p. 824. et n. 109. p. 831. et n. 120. p. 833.

(60) Exemplum illustre generalis eiusmodi concessionis adfert MATTHAEVS PARIS. in histor. Anglic. ad annum MCCXXXVII. p. 384. Etenim cardinalis legatus

Rr 3

OTTO

sancte coluerunt, variisque symbolis et imaginibus exornarunt, aliisque eorum vsum concesserunt. Quocirca temporis successu nemini, nisi qui *iure imperii et publica auctoritate* gaudebat, concessa sunt, vel ab illis assumpta propria auctoritate, qui post extinctam stirpem Carolingicam in territoriis suis *iure imperii* vti sunt. Sicuti enim vsum *sigillorum authenticorum* dependet ab ipso *iure imperii*, quo quis gaudet, et hoc modo auctoritatem publicam, quæ ab imperio supremo dependet, negotiis tribuit; ita, prout imperii diversa ratio fuit, vel *propria auctoritate* assumpta, vel ab imperante aliis, qui *officio publico* subalterna potestate prae fuerunt, concessa sunt, ut eis in exercitio muneris sui publici gauderent. Priuilegia quidem, noua insignia conferendi, post tempora belli S. (57) relata sunt ad *reservata imperatoris*, qui ad nouissimam usque ætatem ea concedit, vel conferenda comitibus palatinis facultatem dedit: hæc tamen licet *gentilitia* sint, sigillis etiam impressa, minime tamen confundi debent cum *sigillis authenticis*, in exercitio muneris publici tantum adhibendis, quæ ad hunc vsum *speciali concessione et definitione* indigent, quoad eos, qui subalterno imperio gaudent, vel iure proprio eliguntur ab his, qui *iure imperii supremi* omnia expediunt. Non negandum, principibus Austriacis (58) et cuique domino territorii (59) iura con-

(57) Vid. *PRAESIDIS cit. diff. de varia iurium immou. per expedit. cruce sign. cap. III. §. V. p. 49. 50.*

(58) Archiducibus Austriæ a CAROLO V. concessum est: Daß

sie und ihre Erben und Nachkommen in allen ihren landen und Gebieten, als eben gemeldt ist, Grafen, Freyherrn, Ritter, Knecht, auch dingsame und verdiente Personen, von neuen Edel machen, den.

conferendi insignia competere; ast inde non nascitur vsus promiscuus *sigillorum authenticorum*, fidem publicam negotiis peragendis imprimentium, sed ipsa sigilla hodie adhuc sunt vel *priuata*, ad vsum mere priuatum, vel claudendi literas, vel consentum suum in negotium dandi destinata; vel *publica* seu *authentica*, quibus fides publica negotio cuidam conciliatur. Atque hæc demum illis propria sunt, qui publicis negotiis peragendis, iudicialibus et extraiudicialibus præfunt, a suprema potestate vel assumpta vel indulta. Tale sigillum authenticum etiam accipiunt NOTARII, a comitibus palatinis auctoritate Cæsarea, quamuis, vt eo gaudere possint in territorio principum, vt plurimum confirmatione principis indigeant.

§. II. In monarchia ecclesiastica indulget sigillum authenticum pontifex maximus, tanquam caput supremum, vel *immediate* vel *mediate* per legatos a latere missos in provincias cum imperio sacro, cardinalibus, archiepiscopis, episcopis, abbatibus, abbatissis, prælatis, capitulis, conventibus pariter ex concessione vel generali (60) vel speciali.

*Ex clero et secularibus, quibus ius sigilli authentic. competit.*

denselben Wappen und Kleinoblen mit Schild und allerley Zierheit, Farben und Plasmierungen geben und leihen etc. Vid. LIMNAEVS de I. P. lib. V. cap. II. verb. Auch daß sie ic.

(59) Exemplo hoc probatur sereniss. March. Brandenburg. qui insignia vrbibus in territorio suo

litis donarunt, apud LIMNAEVM de I. P. lib. V. cap. 7. in addit. 1. n. 76. p. 824. et n. 109. p. 831. et n. 120. p. 833.

(60) Exemplum illustre generalis eiusmodi concessionis adfert MATTHAEVS PARIS. in *hisor. Anglic. ad annum MCCXXXVII. p. 384.* Etenim cardinalis legatus

ciali. (61) Ex secu'aribus authenticè signant imperator, rex  
Rom.

OTTO auctoritate pontificali generale concilium Londini in ecclesia S. Pauli dicto tempore celebravit, et inter alia huius concilii capita de introductione sigillorum authenticorum, in negotiis ecclesiasticis adhibendorum, hæc constituit: Quoniam tabellionum usus in regno Angliæ non habetur, propter quod magis ad sigilla authentica credi est necesse, ut eorum copia facilius habeatur, statuimus, ut sigillum habeant non solum archiepiscopi & episcopi, sed & eorum officiales, decani rurales nec non ecclesiarum cathedralium capitula, & cetera quoque collegia & conventus cum suis rectoribus aut diuissim, iuxta eorum consuetudinem vel statutum, pro varietate quoque cuiuslibet prædictorum habeat unusquisque sigillum nomen, puta dignitatis, officii, collegii, & etiam illorum proprium nomen, qui dignitatis vel officii perpetui gaudent honore, insculptum notis & characteribus manifestis, sicque sigillum authenticum habeant. Denique illi, qui temporale officium susceperint, puta decani rurales et officiales, sigillum suum, quod tantum nomen habeat insculptum;

finito officio ei, a quo habeant officium, continue & sine nota resignent. Sane de custodia sigillorum curam haberi præcipimus diligentem; scilicet unusquisque per se illud custodiat, vel uni soli, de cuius fide confidat, custodiendum committat, qui etiam iuret, quod fideliter illud custodiat alicui, nec etiam ipse aliquid inde sigillet, ex quo possit alicui præiudicium generari, nisi quod dominus eius prius legerit et viderit diligenter, et sic præceperit sigillari. In facienda vero sigilli copia, fidelis et prouida sit cautela: fidelis, ut indigentibus de facili præbeatur: prouida, ut falsis et fraudulentis penitus denegetur. In principio quoque vel in fine cuiuslibet scripturæ authenticæ sufficientem datam inseri statuimus diei, temporis et loci. Pari- ter iam olim Carolus M. episcopis, abbatibus & comitibus imperauerat, ut singuli haberent suum notarium, h. e. cancellarium, qui sigillo autentico utebatur. Vid. capitulare primum Caroli M. de anno DCCC.V. c. 3. apud BALVZ. tom. I. cap. I. p. 421.

(61) Quod his concedi solet, qui



Rom. imperii vicarii, augusta, (62) electores, duces, principes, comites, imperii liberarum ciuitates, et immediata nobilitas. Porro gaudent hoc iure academiae, iudicia imperialia, Principes Landsassii, ciuitates, officiales principis, notarii, cancellariae et collegia a superiore constituta et approbata.

§. III. Ab hoc iure et eius exercitio exclusi sunt, (I) <sup>Exclusorum  
classes.</sup> qui ob rationem vel admodum firmam, vel non satis excusantur. Ad primam classem refero pupillos, fu-  
rio-

qui *collegium* aliquod *publicum*, auctoritate quadam publica et imperio munitum, constituunt: non item, qui iure huius collegii destituuntur. Hac de causa negavit pontifex usum sigilli authentici presbyteris & clericis Iotrensis ecclesiae, Meldensis diocesis, quo tantum gaudebant abbatissa et conventus monasterii Iotrensis, in cuius praedictum tali sigillo uti conabantur praedicti clerici, absque concessione speciali, quod improbat HONORIUS III. in c. 14. de excess. pralat.

(62) Inter alia iura augustae eminentiora, habet illa etiam cancellarium suum abbatem Fuldensem, cui ius *authentice* sigillandi concessum. Huius officium ad minimum, cum MALLINKROTO,

ad Ottoniana tempora referendum. Dicta enim aetate ecclesia Fulden- sis caput inprimis extulit. Titulus quidem serius reperitur in scriptis, nihilominus tamen sententia adducta robore suo nititur, quod simplicitas cui nunquam fere splendidos produxerit titulos. Augustae de cetero competit ius primarum precum, de cuius exercitio hactenus paucae supersunt epistolae, quas collegerunt viri celeberrimi, ex quibus inprimis PFEFFINGERVS in *Vitriario illustr.* tom. III. p. 97. sq. plures adducit. Exercet id auctoritate imperatoris, quem in modum et hodie reginae Borussiae in capitulis femininis idem ius competit, ceu docuit PRAESES tom. II. iur. eccl. protest. §. 105.

riosos, mente captosque; ad secundam vero minores, prodigos aliosque curæ subiectos. Horum loco tutor seu curator, qui eorum rebus negotiisque præst, authenticum sigillum rebus gestis imprimit, (63) si forsan iurisdictione patrimoniali, vel alia qualitate hereditaria gaudent, ob quam *sigillo authentico* fruuntur. (II.) Prohibitum est sigillum authenticum iis, qui fide vel *nulla*, vel *non publica* gaudent. Omni fide destituuntur, qui sigilla vel *adulterina* vel *furtiva* (64) adhibuerunt, ut mereantur *sigilli authentici* iure privari, (65) vel qui sua malitiose iurato negarunt: (66) qui contra principem et rempublicam aduersa moliti sunt, et denique collegia reprobata inierunt. Fidem vero publicam non

(63) IO. AD. KOPP. *de insigni differentia inter S. R. I. comites & nobiles immediatos obs.* III. p. 270. Liber Ludov. de Ysenburg et Helwigis collateralis fundation *des Closters Marienborn* exemplum adducit, ubi nomine filii LUDOVICI, qui nondum annum compleverat XXI. aui sigillum adhibuerunt. Ad thesin hanc roborandam vide præterea *gloss.* DUFRESNE tom. III. p. 853. voc. *sigillum*.

(64) Quale exemplum adductum est in c. 5. X. *de probat.*

(65) Ex generali doctrina, quod qui privilegio, sibi concessio, abutitur, eo privandus sit. c. 3. *de privil. & excess. privileg.* Ivo in genere hæc referri debent, qui

officio publico, cuius intuitu *sigillo authentico* utuntur, privantur, qua occasione merito hoc ab iis auocandum, ne in fraudem aliorum eo abuti queant. Hoc intuitu quia pontificalis potestas morte quiescit, statim sigilla defuncti pontificis, solenni ritu, confringuntur, ne amplius in abusum trahi queant.

(66) Hoc inprimis observatum tempore *torneamentorum*, ubi ab ordine equestri, et ex consequenti ab usu sigillandi authenticæ in sigillum peccantes excludebantur, v. LIMNAEVS *de I. P. l. VI. cap. V. n. 98. p. 151.* KIRCHNER *de offic. et dignit. cancell. lib. IV. c. 2. n. 72. et 73.*

non habent ciues, subditi, et priuati in genere, qui licet *iure sigillandi* priuato gaudeant, et quauis negotia in argumentum dati consensus vel testimonii priuati, signo suo corroborare queant, *authentico* tamen non gaudent, vtpote quod tantum ab iis exercetur, qui publica autoritate pollent. Interim eorum instrumenta subsignante notario vel iudice authentica fiunt. (67)

§. IV. Officia sigillantis potiora reduci possunt ad sequentia capita: (I) quid obseruandum in sigillo inueniundo? (II) quid in imprimendo? et (III) qua sollicita cura custodienda sint? Quocirca 1) necesse est, vt hi, qui *authentice* sigillandi iure gaudent, talia assumant signa, vel aliis concedant, quæ aliorum in præiudicium vergere nequeunt, (68) de quibus ipse superior concedens disponit, et characteres vel

(67) Vid. cap. 2. X. de *fid. instr.* M. WESEMBEC. *cons.* 14. n. 61.

(68) Qui se alterius *signo authentico* læsum putat, in cuius solitaria possessione vel quasi fuit, per *remedia possessoria* se defendere, vel de præiudicio et iniuria sibi facta conqueri potest. HOEPING. *de iur. sigill. c. V. §. 2. n. 94. 95.* Quid? quod qui in alterius præiudicium *sigillo* quouis *authentico* utitur, conueniri ab eo, in cuius

præiudicium hoc vergit, potest actione *negatoria utili*, qua negatur, aduersarium sigillo autentico uti posse, exemplo abbatissæ Iotrensis monasterii, quæ conquirebatur apud pontificem, quod presbyteri et clerici ecclesiæ Iotrensis, Meldensis diocesis, *sigillo authentico* vterentur, cum tamen ipsamet eorum caput et patrona esset, et hoc intuitu tantum *sigillo authentico* uti posset c. 14. X. de *excess. pralat.*

vel determinat in proprio sigillo, vel aliis concedit. Neque tamen in alterius praeiudicium signum certae provinciae vel terrae assumptum dici potest, quoties ei controuersiam facit, vel litem mouet, licet alter iam in eius possessione fuerit. Pro tuendis enim suis praetensionibus moris hodie est, plenissimos titulos *prouinciarum litigiosarum* cum sigillis sibi attribuire. Habent enim hodie ab antiquissimis temporibus provinciae et territoria *signa authentica*, quibus qui utitur, ostendit, se vel in eorum possessione esse, vel ad minimum sibi ius in illa competere, et possessori litem de illis mouere. (69) Sint 2) characteres legibiles: (70) 3) nulla involuant æquiuoca, et 4) dignitati signantis conformes. Quia facile, his neglectis, oriuntur praesumptiones, veritati et publicae fidei contrariae et derogantes.

*Officio in imprimenda.*

§. V. In sigillorum authenticorum impressione cauendum, (I) ne impressio aliis in rebus fiat, quam quae ad officium signantis pertinent; in aliis enim sigillum, licet authenticum, non probat. (71) (II) Fiat sigillatio publico iussu

(69) Quocirca in *torneamentis* pedetentim incubuit armorum examinatoribus, ut signa reprobarent, quae ipsi nobiles sibi imperatore inscio assumerant: LIMN. de I. P. lib. VI. cap. V. n. 15. p. 190. quamuis his, qui in *expeditionibus sacris* occupati fuerant, fas esset, signa ea sibi suaeque genti in perpetuum tribuere, quibus

eo tempore usi fuerant, unde etiam *signa authentica prouinciarum et territoriorum* pleraque usum traxerunt: plura etiam ab imperatoribus determinata et concessa sunt.

(70) Sigillum enim, quod non satis se ostendit, non satis probat. HOEPING de rr. cap. VIII. §. 2. p. 181.

(71) Secundum *reformat. pol. SIGISMUNDI* apud GOLDASTVM P. 1.

iussu et autoritate eius, cuius fidei sigillum authenticum concessum est, (72) quod in iudicialibus inprimis observandum. Sic etiam principes per cancellarium et libellorum magistrum signant, iudicia vero autoritate praesidis, vel huius vicem gerentis. (III) Sigillum sit negotio, cui imprimitur, conforme. (73) Sic *causis iustitiae* sigillum iustitiae, in *gratiae* negotiis illud, quod his destinatum, in aliis negotiis aliud adiicitur, quia sigillum in hoc tantum probat, ad quod est destinatum publica autoritate. (74) Quandoque tamen imperatores a sigillo autentico, cuius forsitan copiam non habuerunt, abstinuerunt, idque in subscriptione professi sunt. (75) (IV) Cautè quoque authenticum sigil-

P. I. const. imp. cap. 15. p. 193. RV-  
LAND. de commiss. P. II. lib. V.  
cap. 30. n. 12.

(72) Cap. 2. X. de fid. instr.  
Conf. HOEPING. de I. S. cap. V.  
n. 8. p. 93.

(73) Const. SIGISMUNDI lib. 2.  
c. 16. rub. Die Weltliche reforma-  
zion prouisum: Eine jede Reichs-  
stadt soll zwey Insiegel haben, das  
eine soll besonders das Reich an-  
gehören, und das heist sigillum  
secretum, darum daß man diß  
mit versiegelt, das heimlich in dem  
Reich gehöret zu thun, als ein  
Reichsstatt der andern schreiben  
würde in des Reichsachen; das

andere Insiegel soll der Stadt Zel-  
chen haben, und damit siegelt man  
der Statt Sachen und des Reichs  
Sachen. GOLDAST. const. imp.  
P. I. p. 193.

(74) DECIVS in cap. post. cef.  
7. X. de probat. FELIN. ad idem  
cap. n. 4.

(75) Scriptum extat in WEN-  
CKERI tr. de cancell. p. 377. a CA-  
ROLO IV. ad magistratum Argent.  
directum, in quo formula legitur:  
Geben zu Nürnberg under unsers  
heimlichen Bingerlins Zeichen,  
wann wir unser Insiegel setzen  
bei uns nicht enhaben.

sigillum chartis publicis apponatur, cum debita causæ cognitione et prævia matura deliberatione, ne alias fides publica venalis fiat et vilescat. (76) (V) Respondeat sigillatio moribus loci, in quo fit: (77) (VI) sit affinibus probationis conformis.

## §. VI.

(76) Locum addam ex religio-  
si illius imperatoris SIGISMUNDI  
*reform. polit. apud GOLDAST. consl.  
imp. P. II. cap. 15.* Von In-  
siegeln p. 193. Um der Wahrheit  
nehme man nun Geld anzuhenden,  
das ist offner wucher, dann man  
soll kein wahrheit (denn die Brief  
und Insiigel sind dielautere wahr-  
heit der Sachen) verkauffen:  
wenn ein sach gericht und geschlicht  
wird, so soll es mit dem Siegel  
bestätiget werden. Die Bischöffe  
verkauffen und versehen jetzt ihr  
Insiigel, als allezeit mehr, und  
gehet es recht um die Insiigel,  
als um die Zöll, wer es besetzt,  
ist offner wucher, darumb ihr Bi-  
schöff, Reichsstätt und Herrn, wse  
sie genandt, besehend, daß ihr  
kein Geld von Insiigeln nehmet  
bey Veraubung des Insiigels Frey-  
heit. Nehmet um rechte Wahr-  
heit nicht, das ist Gott lieb, und

ist recht, Jesus Christus ist die  
Wahrheit, der hat geoffnet den  
rechten glauben mit der Geschrieffe  
seiner manigfaltigen wörden, und  
versiegelt mit dem manigfaltigen  
Lob alles umsonst: also wir stift-  
ten und bauen sollen die wahrheit  
auch umsonst. Imprimis nota-  
rii curam habere debent, ne si-  
gillo suo abutantur in causis legi-  
bus prohibitis, vel negotiis a fide  
et veritate aberrantibus, solius  
quæstus captandi gratia.

(77) Adducit calvin HOEPING  
*de tr. p. 321.* ex camera imp. vbi  
contra principis consuetudinem  
sigillum scripto impressum fue-  
rat in causa Herrn Christoph Her-  
zogen zu Württemberg contra Kay-  
serlichen Fiscal in causa exemptio-  
nis, die Graffschafft Löwenstein be-  
treffend, quando documenta ele-  
ctoris Palat. sigillo munita reco-  
gnoscentia proponebantur,



§. VI. Sigillum in se spectatum est res inanimata et muta, fidem ab imprimente habens. (78) Ad conseruandam hanc omnino e re fuit, vt non negligenter, sed summa eum cura custodiretur. Hinc ab antiquo viri iis prapositi sunt existimatione et dignitate eminentiores. (79) In principum aulis cancellarius vt plurimum, aliiue præsides collegiorum publicorum, rerumque, quibus fides publica concilianda est; in ciuitatibus imperii consules vel duumviri; (80) in quauis denique vniuersitate publica vel collegio caput vel vice eius publica persona in dignitate constituta penes se illud depositum seruat. Ea vero de causa hoc ab antiquo factum fuisse censemus, quod ex malis custodis moribus non possit non *falsi* suspicio nasci, et fides publica titubare. Crescit eadem suspicio ex ignorantia, si scilicet sigillum negotio vel imprimenti non conueniens adicitur. Ex negligentia denique, sigillis deperditis inque aliorum manus cadentibus, damna irreparabilia emergunt, vt adeo custodia eorum arctior et sanctior omnibus commendata esse debeat. (81) CAP.

(78) WESEMB. ad §. 5. I. de testam. BRN. COTHMAN resp. 23. n. 11. vol. 4.

(79) EGINHARD in vita Caroli M. refert, imperatorem ipsum custodiuisse sigillum, quod gladii capulo fuerit inclusum, CARZOV. decis. illustr. 28. n. 19. Hodie in coronatione imperatoris Germanis consuetudo est, vt archicancellarius super baculo argenteo sigilla et typaria imperialia deferat, prandens vero collo appendat, de quo in A. B. cap. 25. Nec

regnum facile inuenitur, vbi non viris fama eminentioribus sigilla principis fuerint demandata, HOEPING d. tr. cap. VI. §. 1. In Gallia notus est *supremus sigilli custos*, der Grossiegel Bewahrer. In Anglia cancellarius regni sigillum maius sub sua custodia habet.

(80) ERNEST. COTHMAN. resp. I. n. 60. vol. 4.

(81) Quodsi sigillum olim amissum esset, iudicem supremum adiebant,



## CAP. III.

## DE

AVCTORITATE SIGILLI  
AVTHENTICI, ET POENIS  
FALSARIORVM.

## A R G V M E N T V M.

- I. *Auētoritas sigilli authenticī. Vſus Maieſtatici et Publici.* II. *Vtriusque fides præſertim ratione probationis.* III. *Viſ ſigilli, chartæ vacuæ impreſſi.* IV. *Priuatī principum inſtrumentis ſigillum authenticum non ſubii- citur.* V. *In iis negotiis adhibendum, ad quæ eſt publi- ce deſtinatum.* VI. *Recognitione non indiget. Quæ ob- ſeruanda in eiſdem examine?* VII. *Ex uſu ſigilli au- thentici quinam pendeant effectus?* VIII. *Exempla falſi circa illud commiſſi.* IX. *Variī modi falſorum circa Si- gilla.* X. *Horum poenæ.*

## §. I.

*Auētoritas ſi-  
gilli authenticī  
qualis olim  
fuerit, et in  
quosdam di-  
uidatur claſ-  
ſes.*

**I**ura nunc explicanda ſunt, quæ ex uſu ſigilli authenticī de-  
riuantur. Olim apud gentes, quibus ſigilla nota fuerunt,  
nemini licuit ſuum ſigillum, *publicæ fidei* cauſa, negotio im-  
primere, niſi illi, qui vel *imperio* gaudebat, vel a principe  
illud obtinuerat. Hinc nullum, mihi quidem, in hitoriis  
notum eſt exemplum, ubi ius authenticæ ſigillandi alicui con-  
ceſſum fuerit, cui non princeps ſimul imperium, vel præfe-  
cturam,

bant, proteſtando, ne chartis poſtea conſectis fides adhiberetur.

cturam, vel ius *collegii publici*, et bene ordinati dederit. Carolingorum tempore, præter cælarem, nemo utebatur sigillo maiestatico. Hinc eius auctoritas tanti fuit, ut modo osculis, modo alia veneratione, eaque humili satis, id exciperetur. (82) Mansit sigilli *auctoritas et veneratio* ad nostra usque tempora, ceu, ut superius ostendi, aurea bulla exemplo illustri de sigillo, imperatori in coronationis solennibus præferendo, declarat. (83) Leges præterea eius auctoritatem

(82) Exempla adducit HEINECCIUS in *d. tr. P. I. cap. I. §. 4.* ex RATPERTO *de casibus monasterii S. Galli p. 5.* ubi: *imperator piissimus (LUDOVICVS) cum sigillum sui patris (in charta sibi oblata) recognoscendo intuitus esset, VENERANDO DEOSCVLATVS EST, circumque adstantibus SIMILITER HONORIS CAUSA DEOSCVLANDVM CONTRADIDIT.* Aliud desumptum est ex PETR. DIACONI *chronico Cassin. lib. 16.* scribente: *Cum autem suscepisset imperatoris sacram, OSCVLATVS EST SIGNACVLVM, quod habebat pectusculum imperatoris.*

(83) Ipsa, argumenti loco, tradam A. B. verba: „Ingresso vero „imperatore vel rege ad mensam, „principes electores ecclesiastici, „videlicet archiepiscopi, stantes

„ ante mensam cum ceteris pre-  
„ latis, benedicent eandem, se-  
„ cundum ordinem, qui circa hec  
„ eis in superioribus est pre-  
„ scriptus, et benedictione com-  
„ pleta, iidem archiepiscopi o-  
„ mnes, si adsunt, alioquin duo vel  
„ vnus, SIGILLA et TYPARIA in-  
„ perialia siue regalia a cancella-  
„ rio curie recipient, eoque, in  
„ cuius archicancellariatu curiam  
„ ipsam celebrari contingeret, in  
„ medio procedente, et aliis duo-  
„ bus ex alterutro latere sibi iun-  
„ ctis, SIGILLA et TYPARIA ipsa,  
„ omnes quidem baculum, in quo  
„ suspensa fuerint, manibus con-  
„ tingentes, ea portabunt, et an-  
„ te imperatorem vel regem re-  
„ verenter ponant in mensa. Im-  
„ perator vero, siue rex, eadem  
„ ipsis statim restituet, et in cuius  
„ archi-

et oritatem satis inculcant, (84) poenaeque adulterantibus

„archicancellariatu hoc fuerit, vt  
 „prefertur, is MAIUS SIGILLUM  
 „collo appensum vsque ad finem  
 „mense gestabit, et deinceps do-  
 „neq ad hospiciu suu perme-  
 „niet ab imperiali, siue regali  
 „curia equitando. Baculus vero,  
 „de quo premititur, esse debe-  
 „bit argenteus, duodecim mar-  
 „cas argenti habens in pondere:  
 „cuius tam argenti quam precii  
 „partem terciam vnusquisque ar-  
 „chiepiscoporum ipsorum persol-  
 „vet. Et baculus ipse protinus  
 „vna cum SIGILLIS et TYPARIIS  
 „debet cancellario imperialis cu-  
 „rie assignari in vsus suos bene-  
 „placitos conuertendos. Postquam  
 „autem is, quem ordo tetigerit,  
 „portando SIGILLUM MAIUS ab im-  
 „periali cura ad hospiciu suu re-  
 „dierit, vt prefertur, statim SIGIL-  
 „LUM ipsum, per aliquem de suis fa-  
 „miliaribus, predicto imperialis  
 „curie cancellario remittet super e-  
 „quo, quem iuxta proprie digni-  
 „tatis decenciam et amorem,  
 „quem ad cancellarium curie ges-  
 „serit, ipsi cancellario tenebitur e-  
 „largiri.

(84) Ex iure ciuili sigilla talia  
 haud inueniuntur, nisi quod in  
 l. 21. C. de testam. hanc habeantur:  
*Finem autem testamenti subscri-  
 tiones & signacula testium esse de-  
 cernimus: non subscriptum autem  
 a testibus ac non signatum testa-  
 mentum pro infecto haberi conue-  
 nit.* Inde glossa in clement. 1. de  
 iurciur. et Icti hanc legem di-  
 plomatibus etiam, sed admodum  
 incongrue, adplicauerunt. Hinc  
 vulgatum illis est: *litterae non di-  
 cuntur expeditae, nisi sint PLUM-  
 BATAE.* HOEPINGK. d. I. sigill. c.  
 VII. p. 158. 159. In iure vero ca-  
 nonico vnica fere autoritas sigilli  
 authentici adstruitur, cuius cano-  
 nes, hanc spectantes, passim al-  
 legauimus. Germanis a SIGIS-  
 MVNDO iniunctum in *reform. po-  
 lit. lib. II. c. 15.* Man soll wissen,  
 daß in Geistlichen und weltlichen  
 Stände alle Dinge bestättiget und  
 befestiget sind mit dem Insiegel,  
 und es bezeichnet auch alle Wahr-  
 heit, wenn ein Sach verbrieft ist,  
 so soll es bestättiget werden mit  
 dem Zeichen der Wahrheit, das  
 ist das Insiegel. Brief und  
 Siegel

tibus quovis tempore dicta sunt grauissima. Verum eo ex tempore, vbi Germania in plures diuita fuit respublicas, et vbi personis in dignitate constitutis sigillum concessum fuit authenticum, sigillis etiam publicis varii et inter se haud æquales tributi sunt effectus, quos tamen, ne distinguendo ordinem egrediar, duobus includam classibus, et authenticum diuidam in *maiestaticum*, et *publicum*. *Maiestaticum* sigillum imprimiter mandatis et rescriptis plurima ex parte, quæ princeps vel respublica subditis tradit, et vindicem præsentem, vel imaginibus, vel signis gentilitiis ostendit. Sigillo autem *publico* vtitur secundus a principe, vel alius quilibet in dignitate et officio publico constitutus, publicam fidem aliorum, suis non item negotiis, roborandi causa, et signum includit vel superioris, vel ab imprimente, veluti notario, electum.

§. II. Cum princeps subditis suis cum *autoritate* et *imperio* præsit in territorio suo, fidem quoque habet *primariam*, eiusque sigillum, partibus et scripturæ respondens, (85) I.) plene probat, et promptam II.) operatur executionem. Iudex desuper esse potest etiam sua in causa, vbi tamen attendendum, ne res in alterius graue vergat præiudicium et tertii enormem læsionem. (86) Posthæc exami-

*De effectibus  
sigilli maiestati-  
ci et publici.*

Siegel sind bey Eiden erkennt, dar-  
rum sie auch bestehen sollen; aliis-  
que in locis reformationis eiusdem,  
quibus addat MAXIMILIAN I. *ord.  
notar. ab ann. 1512. §. 2. ibi: Und  
julezt das Signet ic.*

Tom. IV.

(85) Sola enim vis in eo posita  
creditur, vt sigillum verum sit.  
HOEPINGK *de tr. cap. XI. p. 254.*

(86) Dicitur quidem princeps  
loqui per os Dei, a quo delegatus  
est

T t

minandum, vtrum negotium, cui sigillum impressum inuenitur, subditum, an non subditum, seu æqualem concernat. Posteriori casu præsumtio, quæ pro principe ex imperio prouenit, in persona non subditi cessare videtur, cum in æqualem vel in exterum non habeat imperium. Cessante enim imperii iure, quod in contrahendo cum æquali omnino cessat, consideratur princeps necessario tanquam persona æqualis vel priuata, nec eius sigillum eam habet auctoritatem, qualem ei tribuunt subditi. (87) Nihilominus tamen quiuus imperantium comiter maiestatem alterius obseruat et agnoscit, atque sigillis publicis omnem fidem ex communi consensu tribuit, vt negotia eo munita plenam fidem habeant, et in negotiis publicis desiderentur. Quæritur vero: an princeps, dum hereditatem post mortem per testamentum scriptum alicui confert, in ordinanda vltima sua voluntate, opus habeat solennibus, et sigilli impressione? Videtur quidem princeps legibus esse solutus, adeoque etiam solennibus; verum in imperio nostro tutius princeps ius sequitur Romanum in adhibendis solennibus, cum alias testamentum aliorum contradictionibus admodum obnoxium sit. Sigillum publicum posterioris generis ratione *probationis* eum non parit effectum, potest enim, si instrumentis appositum est, per duos vel tres testes eius autoritas infirmari. (88)

§. III.

est iudex in terris, quemadmodum autem Deus est ipsa veritas, ita etiam veritate moueri præsumitur princeps, non mendacio. MENOCH. *lib. II. præsumt. X. n. 3. 4. 5.* Nihilominus tamen princeps, quid re vel non satis est informatus, vel

indignum principe quid committit, iustam causam habere non præsumitur. IDEM *d. præsumt. n. 24. 25.*

(87) IDEM *d. præsumt. X. n. 26.*

(88) In sigillis publicis, quæ con-

§. III. Sigilla authentica absque instrumento vix probant, neque tamen per se ad eius substantiam pertinent, <sup>Sigillum aut  
absque literis  
probat</sup> quamvis ea addere scriptis propter fidem publicam necessarium habeatur, et legibus semper probatum fuerit. Hinc etiam scriptura sigillo confirmata et manu publica confecta, *authentica* dicitur. (89) In principum mandatis maioris momenti inprimis *maiestaticum* requiritur, nec res momentosa absque eo perficitur. Facilius itaque literæ, absque *extensione*, quam sine subscriptione et sigillo executionem operantur, quippe quæ communi sub nomine *chartarum blancarum* veniunt. Videlicet nonnunquam dat princeps chartas vacuas legatis et commissariis, licet rarius, cum *fraus* facile earum ope possit committi. (90) Tunc vero *char-*

*confirmationis* gratia adiiciuntur, recognitione non opus est, per se enim plenam faciunt fidem. *cap. 1. et 2. X. de fid. instrum.* ubi ALEXANDER III. in instrumento manum requirit publicam et *authenticum sigillum*, ex quo possit colligi, scripturam esse publicam. Aliter vero sentiendum, si de alterius graui præiudicio agitur, v. gr. excommunicatione, in qua INNOCENTIVS III. in *cap. 7. X. de probationibus*, eo usque standum literis iudicis ordinarii, censet, usque dum probetur *contrarium*.

(89) per *cit. cap. 1. et 2. X. de fid. instrum.* unde fit, ut sæpius scriptura et subsignatio sibi æquiparentur, et pro æquipollentibus veniant. *arg. cap. 2. X. de solut.* ubi GREGORIUS IX. *Firmiter* inhibemus, ne quis *presumat ecclesiam sibi commissam pro alienis gravare debitis, aut LITERAS alicui seu SIGILLA concedere, quibus possent ecclesie obligari etc.*

(90) Exempla sub WENCESLAO occurrunt; nam officiales indulgentia principis adeo abutebantur, ut imperatori tandem ea etiam ex causa imperium fuerit adem-



chartæ vacuæ (die Blaufet) officere. si indicuntur, si (I) fides, quam princeps mandatario habuit, est nota: (II) si concessa in re, quæ facta, infecta fieri potest. Alias sunt chartæ blancæ in negotiis grauissimis admodum periculose, licet enim culpa male actorum sit mandatario adscribenda, pariunt tamen incommoda, in concedentem redundantia. (91)

## §. IV.

tum, quod in concedendis chartis blancis nimis facilis et negligens fuerit. De facilitate imperatoris referam verba auctoris anonymi, quæ retulit vir consultiss. D. DAVIDIVS in elegantissima dissertatione I. de monogrammatibus §. XXVIII. n. 39. Darzu gap der Künig dem Bischoff und den andern Herrn wohl hundert Karten das worent birmennte Briefe se do nicht angeschrieben stunt und doch versiegelt worent mit des Künigs Manestete Insiegel daran der Bischoff und die andern Herrn mothen thun schriben und manen mit grossen Venen wie sie wolten, als sie auch botent, also wurden viel brife hie in diesem Bistum geschriben mit worten und mit daten als ob sie zu Prage geben worent. De adempta principi imperatoria potestate GOLDAST. tom. I.

const. imperial. ad ann. 1400. p. 379. HOTTOM. de feud. cap. 41. Præterea membranas nudas per plures rarasque, suæ tamen maiestatis sigillo munitas, amicis pecunia vendidit, in quibus cum illis tum aliis, in quorum manus istiusmodi membranae venerunt sub regio sigillo, quæ scribere vellent, licuit. Quæ ex re, ob sacri Romani imperii iurium & emolumentorum damnosam imminutionem & dissipationem, graues querele suborta sunt.

(91) Præsumitur enim dominus ea, quæ chartæ inscripta sunt, scivisse, hinc ei ignorantia eorum, quæ inscripta sunt, probanda venit. MENOCH. de arbitr. iudic. lib. II. cent. 2. cas. 113. n. 5. MAGER. de aduoc. arm. c. 9. n. 86. MASCARD de probat. concl. 1341, n. 17. seqq.



§. IV. Regulariter ergo chartæ principum in negotiis, <sup>Instrumentum</sup> publicam auctoritatem desiderantibus, absque sigillo non ple- <sup>privati, quod</sup> ne probant, valent tamen, si vsus loci et negotii natura non <sup>principi non of-</sup> obest. Exempli loco ponam testamentum principis, libe- <sup>ferunt, authen-</sup> rorum causa scriptum, quod etiam inter priuatos sine solen- <sup>tico opus habet.</sup> nibus conficitur, adeoque ei securitatis causa, non ex legis obligatione, sigillum apponitur. Si vero sigillum instru- mento huiusmodi imprimitur, adhibetur plerumque *sigillum minus*, (das Cachet) quia illud non *publicæ fidei* gratia, sed vnice intuitu liberorum suorum confectum est. In testa- menti priuati solennibus non legibus solum, sed imperato- rum germanicorum etiam constitutionibus impressio septem sigillorum priuatorum, non authentici, inculcatur, (92) li- cet constitutiones prouinciarum hac in re maxime differant, quæ quandoque desiderant, vt per publicam personam testa- toris voluntas excipiat, et sigillo autentico roboretur.

## §. V.

(92) Necessaria vero non est si- gilli authentici impressio in te- stamento, principi oblato, ibi enim solennitas omnis cessat, l. 19. C. de testament. quippe quod etiam per procuratorem potest offerri. vid. STRYK. de caut. testament. c. 8. illustr. DN. PRÆSIDIS introd. in ius digest. lib. XXVIII. tit. I. §. 14. p. 165. Ex imperialibus constitutionibus imprimis notabi-

le est in *reform. SIGISMUNDI im- per. cap. 1. agens* Von Insiegeln. Was verbrieft, und versiegelt wird, das soll wahr seyn; aber man siehet viel und dick, daß man größlich wider versiegelte Brieff redt und thut. Es ist aber von angehend nicht also angesehen, sie sollen stät und fest seyn; Brieff und Sigel seind bey Eyd erkandt, darum sie auch bestehen sollen.

*Sigillum sit iis  
impressum ne-  
gociis, ad qua  
est destina-  
tum.*

§. V. Vt sigillum plene probet, necesse præterea est, ut causa adiiciatur, ad quam fuit ordinatum. Hinc scriptura, quæ alias secundum stylum et consuetudinem loci *sigillo publico maiori*, et subscriptione cancellarii esset munienda, si *sigillo paruo* roborata inuenitur, executionem non promouet, sed suspendit, quoniam auctoritas sigilli est restricta ad causam et officium, ad quod fuit destinatum. Similem dederunt casum veteres Icti, quærentes: an scilicet custos arcis iis arcem tradere teneatur, qui cum sigillo principis venerunt? Videtur quidem principi liberum esse, quoquo modo vel signo voluntatem suis ciuibus declarare, adeoque sigillum mentis legitimum constituere interpretem. Nihilominus tamen MENOCHIVS hoc negat, et ea quidem ex ratione, quod sigillum non sit ordinatum ad actum illum confirmandum. (93)

*Quando au-  
thenticum re-  
cognitioni sub-  
sit, et qua in ea  
observanda.*

§. VI. Sigillum authenticum regulariter *recognitionem* non desiderat; si vero confirmationis causa adiectum tantum est alienæ scripturæ, inspicitur tantum, vtrum forma externa integra et incorrupta inueniatur, (94) contentorum autem agnitione non indiget. Multo minus recognitione opus est in *sigillo maiestatico*, nisi id ab exteris, ex loco scilicet remotiore, veniat, vel antiquius sit. Hisce in casibus solum indagatur, an verum et integrum extet, ad quod eruendum dexteritas et diligentia requiritur. Regulas, quæ hic obseruandæ, rei diplomaticæ gnari complures dederunt, quas annotare supersedeo, quoniam sunt innumeræ fere, et in examine sigilli vetustioris circumstantiæ in infinitum variare

(93) *Lib. II. præsunt. 57. n. 18.*

(94) vid. HOEFING. *cit. tr. c.*  
13. n. 174.

re possunt. Generalia tantum hæc tradam, observans, quod sigillum authenticum I) quoad formam externam debeat esse illæsum, et legibile: (96) II) loco consueto appositum, qui plerumque est in fine scripti: (97) III) affinibus respondens: (98) IV) negotio, cui imprimitur, proprium: (99) V) imprimen-

(96) Nascitur inde suspicio, quoniam hoc in casu non intelligi potest, cuius sigillo sigillatum. MENOCH. de arbitr. iud. lib. 2. cent. 2. cas. 113. et lib. 2. præsunt. 57. in fin. HOEPINGK. d. tr. cap. 14. n. 117. et sqq. et cap. 11. n. 285. et 59.

(97) HOEPING. d. t. cap. 8. n. 68. sqq. excipit cameram imperialem, cancellariam et iudicium Moguntinum, ubi sigillum in parte superiore transversa processibus addi solet: forte quod olim fuerint in modum epistolarum expediti, quæ sigillum in tergo habent.

(98) Scil. contrafigillo, subscriptioni etc.

(99) Si negotio, cui, exempli gratia, inaus imprimendum fuisset, minus apponitur, quædam inde emergit suspicio. In pacis transactionibus si omittitur sigillum consuetum, actus suspensio inde emergit, quod anno MDCCVII. foederatum Belgium observavit, ut refert BAUDIVS in induciis belli Bel-

gici lib. I. p. 30: Multa fuerunt, ob quæ callidi rerum et publicæ dignitatis observantes iudicabant, hanc rationem minime ratam haberi oportere, nec approbationem ullo modo approbandam videri. Culpabatur prætermisio defectusque solennitatum, nequaquam negligendarum in tam graui negotio: quod in papyro, non in membrana, conscriptum instrumentum esset, quasi sumptus aut operæ pæniteret, quodque rex nomen suum subscribere non esset dignatus, uti assolet, quum ad principes scribit iuri suo non subiectos, sed superbum illum titulum subscripsisset: IO EL RE, Ego Rex, quasi retinens antiqui iuris, et exprobrans liberis ciuibus crimen perduellionis. Nec abiit in obsoletum, quod per factum et contemptum MINVSCVLO non MAIORE SIGILLO tanta rei monumentum obsignatum esset, quo iaci debebant fundamenta spernenda in æternum pacis, inter populos, qui pene per annos

*Sigillum fit iis  
impressum ne-  
gotiis, ad qua  
est destina-  
tum.*

§. V. Vt sigillum plene probet, necesse præterea est, ut causa adiiciatur, ad quam fuit ordinatum. Hinc scriptura, quæ alias secundum stylum et consuetudinem loci *sigillo publico maiori*, et subscriptione cancellarii esset munienda, si *sigillo paruo* roborata inuenitur, executionem non promovet, sed suspendit, quoniam auctoritas sigilli est restricta ad causam et officium, ad quod fuit destinatum. Similem dederunt casum veteres Icti, quærentes: an scilicet custos arcis iis arcem tradere teneatur, qui cum sigillo principis venerunt? Videtur quidem principi liberum esse, quoquo modo vel signo voluntatem suis civibus declarare, adeoque sigillum mentis legitimum constituere interpretem. Nihilominus tamen MENOCHIVS hoc negat, et ea quidem ex ratione, quod sigillum non sit ordinatum ad actum illum confirmandum. (93)

*Quando au-  
thenticum re-  
cognitioni sub-  
fit, et qua in ea  
observanda.*

§. VI. Sigillum authenticum regulariter *recognitionem* non desiderat; si vero confirmationis causa adiectum tantum est alienæ scripturæ, inspicitur tantum, vtrum forma externa integra et incorrupta inueniatur, (94) contentorum autem agnitione non indiget. Multo minus recognitione opus est in *sigillo maiestatico*, nisi id ab exteris, ex loco scilicet remotiore, veniat, vel antiquius sit. Hisce in casibus solum indagatur, an verum et integrum extet, ad quod eruendum dexteritas et diligentia requiritur. Regulas, quæ hic observandæ, rei diplomaticæ gnari complures dederunt, quas annotare supersedeo, quoniam sunt innumeræ fere, et in examine sigilli vetustioris circumstantiæ in infinitum varia-  
re

(93) *Lib. II. presumt. 57. n. 18.*

(94) vid. HOEPFING. *cit. tit. c.*  
13. n. 174.

re possunt. Generalia tantum hæc tradam, observans, quod sigillum authenticum I) quoad formam externam debeat esse illæsum, et legibile: (96) II) loco consueto appositum, qui plerumque est in fine scripti: (97) III) affinibus respondens: (98) IV) negotio, cui imprimitur, proprium: (99) V) imprimen-

(96) Nascitur inde suspicio, quoniam hoc in casu non intelligi potest, cuius sigillo sigillatum. *MENNOCH. de arbitr. iud. lib. 2. cent. 2. cas. 113. et lib. 2. præsumt. 57. in fin. HOEPINGK. d. tr. cap. 14. n. 117. et sqq. et cap. 11. n. 285. et 59.*

(97) *HOEPING. d. t. cap. 8. n. 68. sqq.* excipit cameram imperialem, cancellariam et iudicium Moguntinum, ubi sigillum in parte superiore transversa processibus addi solet: forte quod olim fuerint in modum epistolarum expediti, quæ sigillum in tergo habent.

(98) Scil. contrafigillo, subscriptioni etc.

(99) Si negotio, cui, exempli gratia, manus imprimendum fuisset, minus apponitur, quædam inde emergit suspicio. In pacis transactionibus si omittitur sigillum consuetum, actus suspensio inde emergit, quod anno MDCCVII. federatum Belgium observavit, ut refert *BAVDIVS* in induciis belli Bel-

*gici lib. I. p. 30: Multa fuerunt, ob quæ callidi rerum et publica dignitatis observantes iudicabant, hanc rationem minime ratam haberi oportere, nec approbationem ullo modo approbandam videri. Culpabatur prætermisio defectusque solennitatum, nequaquam negligendarum in tam gravi negotio: quod in papyro, non in membrana, conscriptum instrumentum esset, quasi sumptus aut opera pæniteret, quodque rex nomen suum subscribere non esset dignatus, uti assolet, quum ad principes scribit iuri suo non subiectos, sed superbum illum titulum subscripsisset: IO EL RE, Ego Rex, quasi retinens antiqui iuris, et exprobrans liberis civibus crimen perduellionis. Nec abiit in obsoletum, quod per factum et contemptum MINVSCVLO non MAIORE SIGILLO tantæ rei monumentum obsignatum esset, quo iaci debebant fundamenta spernenda in æternum pacis, inter populos, qui pene per annos*

primenti conueniens: (100) VI) an et quomodo sit vel non sit alligatum, et qualis color in filis: VII) num secundum mores loci, a quo venit, sit impressum. Plura dedit HOEPINGK, (101) MENOCHIVS, (102) RVLAND (103) alii- que. §. VII.

annos quadraginta bellum pro libertate, ac legitima sui defensione tolerauerant. Audientiarius regis Ver reyken ingeniose quidem culpam reicere conatus est in incogitantiam scribae, quem paulo post litterae sequebantur archiducum Austriae, postridie kal. CIOIDCVII. ordinum confessui exhibita, in quibus principes isti non nodum in scirpo querendum esse dicebant. Verum ex consilii sententia tandem decretum fuit, actum ratihabitionis imperfectum, multisque necessariis partibus laborantem videri. Ut tamen incommodis obueneretur, illustrissimi ordines tradiderunt audientiario formulas concipiende ratihabitionis, triplici sermone conscriptas, Latino, Gallico, Belgicoque, vnius eiusdemque sententiae, quas cupiebant esse velut legitimum sacramentum, in cuius verba rex fidem suam obligaret. CONF. IOHANNIS MEYRSII rer. Belgic. lib. V. p. 269. ubi haec profert: Deliberatum hic aliquamdiu, responsumque: omnibus modis fraudem in literis

factam videri, peccatum in earum forma, qualitate et substantia, ommissa etiam aliquot verba, neque Gallice scriptas esse, nec SIGILLO MAGNO obsignatas, nec vniuersalem denique totius negotii approbationem complecti, neglectamque libertatis mentionem, quam archiduces fecissent: ideoque statui abs se nihil posse ante diem Kal. Septembris.

(100) Redderetur sigillum suspectum, si e. g. notarius patibulum vel carnificem cum gladio et virgis in sigillo haberet, HOEPINGK. de iur. sigill. cap. 8. n. 5. et seqq. quoniam in sigillis iudiciorum criminalium insculptum hoc inprimis inspicitur. vid. LIMNAEVS de I. P. lib. 6. cap. 6. n. 64.

(101) Cap. XII. d. tr. §. 11. p. 318.

(102) De arbitr. iud. quest. 1. c. IDEM de presumt. lib. II. praesumpt. 57.

(103) De commiss. part. II. lib. 5. cap. 30.



§. VII. Ex usu sigilli authentici præsumitur, I) sigil- *Præsumptiones  
ex usu sigilli.*  
lantem vel iurisdictionem habere, vel in dignitate constitu-  
tum esse: (104) II) sigillum suum alteri in instrumento præ-  
ponentem, eidem etiam dignitate antecedere: (105) III)  
sigillum alicuius authenticum, scriptis impressum, ipso vo-  
lente, vel a sigilli custode adpositum fuisse: (106) IV) in-  
strumenta si sigillo confirmata deprehenduntur, rata esse:  
(107) V) per sigillum malitiose corruptum, imprimentem  
vio-

(104) HOEFINGK. *cit. sr. c. 2. n. 73. et sqq. n. 10. et sqq.*

(105) IDEM *d. l.*

(106) MENOCH. *lib. II. præf. 57. n. 7.* hoc de eo casu intelligit, si sigillum magistratus proprium est adiectum. Nam si alterius, tunc requiritur propria attestatio, a quo et quare fuerit adhibitum.

(107) vid. COVARRVV. *præf. quest. c. XXII. n. fin.* Vsu quoque communi receptum, ut respiciatur, an instrumenta sint subsignata, ob der Tractat unterzeichnet sey. Requiritur autem ex moribus locorum, non nominis solum subscriptio, sed ad inchoatam fidem perfecte dandam, sigilli impressio plerumque necessaria est. Exemplum adducit WERH. von Stöcken *in tract.*

*iurid. de sigillis §. XXI. p. 15.* quod dignum, ut apponam, censeo: Cum aliquando principes Italie, contra fidem non modo Francisci G. R. ore confirmatam, sed in tabulis quoque relatum, et regis manu subscriptam capitulos se teneri quererentur, responsum illis est, fidem regiam, quamvis inchoatam atque a rege subscriptam, perfecte tamen datam intelligi non posse, nisi REGIO SIGILLO obsegnata, atque a libellorum magistris subscripta fuerit. Hunc esse in omnibus privilegiis et publicis monumentis vetustissimum cuiusvis aula morem, ut si quid ab ore principis, siue curis, siue negotiis occupati, siue parum de re edocti, forte cecidisset, corrigi queat.



violari. (108) Vbi vero v. g. in contractibus vel testamentis, abscissum, nec ex coniecturis aliud adparet, præsumtio est, VI) corruptionem per eos factam fuisse, quibus ad hoc potestas competiit. (109) VII) In pecunia deposita et authenticò sigillo munita usuræ quiescere creduntur. (110) VIII) Ex sigilli ablatione munus eo designatum censetur auferri. (111) IX) Si cum principe sepultum, olim denotabat, quod absque prole decesserit. (112)

*Ope sigilli authenticici dolus et malus, et bonus potest committi.*

§. VIII. Tantos vero effectus, quum malitiosi sigillum authenticum in republica producere vidissent, non destiterunt omnem intendere operam, sigillum ut æquare, vel adulterare possent. Hinc in sacris iamiam literis legimus, Iesabilem, postquam intellexit, Nabothum nolle suam vineam, cuius emendæ desiderio rex tenebatur, vendere, literas nomine Achabi regis ad seniores populi dedisse, easque annulo regis obsignasse, quibus, inficio marito, innocentis Nabothi eadem mandavit. (113) Ex Romanorum historiis

(108) Quatenus parem cum principum insigniis cultum habent. HOEPINGK. d. tr. cap. 10. n. 91.

(109) Secundum l. i. D. de bon. poss. secund. Tbb. vbi ULPIANVS statuit, tabulas videri non signatas, si testator linum inciderit, quod et in l. 1. D. de his, quæ in testament. delent. confirmatur.

(110) l. 1. §. ult. l. 7. l. 41. §. 1. D. de usur. l. 6. l. 19. C. cod. l. 9. C. de solut.

(111) c. 56. X. de appellat.

(112) Exemplum adducit HEINECCIUS ex Iob. Wolffii lect. memorab. tom. II. p. 647. vbi Churfürst Mauriz ist zu Frenberg mit gewöhnlichem Gepränge begraben, neben seinem Vater und Sohn Sel. Gedächtniß, ist auch sein Pitschir-Ring alten Gebrauch nach, dieweil er keinen Leibes-Erben verlassen, bey dem Grab zerschlagen worden. vid. tract. de sigillis part. I. cap. I. §. 7. pag. 15.

(113) I. Reg. cap. XXI. vers. 8.

riis obuenit dolus iste PLANCI, Syriae praesidis, qui in maioris momenti literis nomen adscripsit Antonii, et annulo eius signatorio usus, hacque occasione eadem Sex. Pompeii mandauit. (114) In Germania praecipui fuerunt falsarii aO. DCCCLIII. sub CAROLO CALVO diaconus Rhemensis ecclesiae, Rhangefridus, (115) et Domicella, quae accurate satis principum sigilla fabricare sciuit. (116) Porro sub FRIDERICO II. imperatore, monachus vagus sigillum adulterabat. (117) Verum quemadmodum in reipublica aliorumque damnum adhibuerunt homines malitiosi sigillum, sic quandoque reipublicae iuuandae causa dolum commiserunt bonum per sigilla. Multa in promptu essent exempla, nisi me cancellis strictis inclusum scirem. Tantum igitur illud CONSTANTINI M. adducam, qui, cum Byzantium a Romanis habitari voluerit, annulos quorundam equitum occulte sumsit, et hoc modo eos, ut Byzantii uiuerent, induxit. (118)

## §. IX.

(114) APPIANVS lib. V. bell. civ. pag. DCCCLIII.

(115) BALVZ. in not. ad capitul. R. Franc. tom. II. p. 52.

(116) MABILLONIVS de R. D. cap. 6. n. 6. p. 25.

(117) HEINECCIUS de sigillis part. I. cap. 1. §. V. p. 12. ubi ex PETRO DE VINEIS lib. 5. epist. 22. p. 577. verba imperatoris adducit: Nuper in regno nostro quidam circunua-  
gus inuentus est monachus, qui FALSAS SIGILLI NOSTRI FORMAS

ADULTERANS, non absque honoris nostri iniuria et tua honestatis infamia discurrebat. Ut igitur de SIGILLO ipso ulterius flagitiosa figmenta non procedant, ipsum tibi sub annuli nostri clausura transmittimus, et falsarium monachum carceris nostri compedibus mandauimus detineri.

(118) LOCHM ex IO. KIRCHMAN-  
NI lib. de annis addam, cum CO-  
DINI liber de originibus Constanti-

*De variis modis  
figilla placandi,  
et falsum committendi.*

§. IX. Variis modis figilla possunt adulterari; hominum enim ingenium, ad innumeros aptum dolos, effecit, ut infaustum hocce artificium ad summum demum venerit.

IN-

*mopolitanis non ad manus sit. Dignum notatu videtur, quod cap. XIV. p. 122. refert: "Magnus autem Constantinus cum vellet suam ciuitatem Byzantium maxime a Romanis habitari, annulos cuiusvis viri occulte accepit, et misit ipsos contra Persarum regem, qui vocabatur Sabor, quatuor inagistros, Adum, Protasium, Scolymbrum, Philoxenum, et octo patricios, Probum, Dominum, Darium, Maurum, Rhodanum, Saltionem, Modestum Praefectum, Eubulum, cum magna exercitu in Persiam misit, ubi sedecim menses commorabantur. Magnus vero Constantinus, legatis Romanam missis, uxores ipsorum, liberos et familias vocauit. Constituit etiam opifices, ut domos ipsorum et loca singula, ubi et quomodo sitae essent, in ora ne maritima vel continente, ut formam structurae, et quales gradus essent tortuosi, obseruarent. Alsumtis ergo secum familiis vocatorum, Byzantium redierunt, ibi*

*que singula simili modo condiderunt, in iisque familias ipsorum habitare iusserunt. Cum itaque ex Persia potiti victoria rediissent, et trecenta sexaginta quinque centenaria allata receperunt, imperator eos conuiuio excepit, illisque dixit: Vultis abire Romam? probans eos. Illi autem dixerunt, se ante duos menses non reuersuros. Imperator vero dixit: Vesperi dabo vobis aedes vestras. Iusserat enim Ephrati accubitori suo, qui et Magnus Constantinum effecerat, ut unicuique aedes suas restitueret. Ut igitur viderunt portas, atria, gradus, mensuram et formam, altitudinem, et prospectum fenestrarum Romanis similes, putabant se per somnium esse Romae. cum vero et familias suas inuenirent, obstupescabant. Et cum interrogarent suas familias, et penitus intelligerent, crediderunt, non esse phantasmam, sed prudentiam imperatoris, quod invitos et nolentes degere hic iusserit.*

INNOCENTIUS III. nouem ostendit modos, quibus bullæ possunt adulterari, quos etiam fundamenti loco ponam, cum plurium recensio mensuram libelli academici transiret. *Prima species est, inquit, ut falsa bulla falsis literis apponatur. Secunda, ut filum de vera bulla extrahatur ex toto, et per aliud filum immissum falsis literis inseratur. Tertia, ut filum ab ea parte, in qua charta plicatur incisum, cum vera bulla falsis literis immittatur, sub eadem plicatura cum filo similis canabis restauratum. Quarta, cum a superiori parte bullæ, altera pars fili sub plumbo rescinditur, et per idem filum literis falsis, inserta recluditur intra plumbum. Quinta, cum literis bullatis et redditis in eis, aliquid per rasuram tenuem immutatur. Sexta, cum scriptura literarum, quibus fuerat apposta vera bulla, cum aqua vel vino, vniuersaliter abolita seu deleta, eadem charta cum calce et aliis iuxta consuetum artificium dealbata de nouo rescribitur. Septima, cum chartæ, cui fuerat apposta vera bulla, totaliter abolitæ vel abraasæ, alia subtilissima charta eiusdem quantitatis scripta cum tenacissimo glutino coniungitur. Eos etiam a crimine falsitatis non reputamus immunes, qui contra constitutionem nostram scienter literas non de nostra vel bullatoris manu recipiunt. Illos quoque, qui accedentes ad bullam falsas literas caute prosciunt, ut de vera bulla cum aliis sigillentur. (119) Crimen vero falsi alias etiam committit, qui suo sigillo falsi quid confirmat, vnde alteri iniuria, damnum vel præiudicium possit emergere. (120) Præterea etiam Germanis turpe fuit.*

(119) cap. 5. X. de crimine falsi.

(120) DAMHOVD in præf. rer. crimin. cap. 122. n. II. MENOCH. de arbitr.

fuit et indignum nobili, sigillum suum abnegare, hinc in legibus torneamentorum constitutum: welcher von Adel geboren, der siegelbrüchig, meinandig, ehrlöß erkannt, gescholten und dafür gehalten wird, daß derselbe in keinen Thurnier zugelassen werden soll, käme aber einer über solches dar ein geritten, mit dem soll um sein Pferd gethurmiert, und er in offenen Thurnier, auf die Schranken gesetzt werden. Ceterum qui sigillo defuncti sigillat: (121) maiestatis qui literas publicas hosti aperuit: (122) hi et omnes, qui in damnum, dedecus aut iniuriam sigillo alterius abutuntur, lego Cornelia de falsis tenentur,

*Qua falsariis  
imponantur  
pena.*

§. X. Cum publica fides, quæ in sigillorum depravatione omnino periclitatur, ad reipublicæ bonum haud infimum pertineat, illaque nil princeps habere debeat sanctius; omnino consequens est, quibusvis poenis suppliciisque in eos animadvertere. Principio imperii Germanici sub Carolingis inveniuntur exempla, ubi falsi crimine accusati summis suppliciis affecti fuerunt. (123) In iure canonico literarum papalium falsarii, qui per se vel alios vitium falsitatis exercent, cum fautoribus et defensoribus suis anathematis vinculo puniuntur, et clerici, qui falsarii fuerunt deprehensi, omnibus officiis et beneficiis ecclesiasticis perpetuo sunt privati: ita, quod qui per se falsitatis crimen exercuerint, post-

*arbitr. iud. lib. 2. cent. 4. cas. 306. n. 78.*

*n. 16. et sqq.*

(121) LIMN. iur. publ. lib. 6. c.

5. n. 14. et n. 22.

(122) HOEPING. cit. tr. c. 14.

(123) Adducit exempla MABIL-

LONIVS de R. D. lib. I. cap. 6.

n. 6. p. 25. HEINECCIUS de sigillis

P. I. cap. I. §. V. p. 12. 13.

postquam per ecclesiasticum iudicem fuerint degradati, seculari potestati tradantur, secundum constitutiones legitimas puniendi: per quam et laici, qui fuerint de falsitate conuicti, legitime puniantur etc. (124) Principis vero sigillum si adulterat clericus, degradatur is a suis ordinibus, in signum maleficii imprimitur character, quo inter alios cognoscatur: et prouinciam ipsam abiurare compellitur. (125) Iuxta leges criminales vero respicitur ad personam, cuius sigillum est adulteratum, (126) et modo fustigatione, modo relegatione, (127) modo etiam alio supplicio delinquentes puniuntur.

(124) cap. 7. X. de crimine falsi. cent. 4. cas. 306. et cent. 6. cas. 538. n. 18. 19. 20.

(125) cap. 3. X. eod.

(127) v. CAROLI Peinl. Hals-

(126) MENOCH. de arbitr. iud. gericht's Ordnung art. 112.

## EXERCITATIO LXVIII.

AD LIB. XXII. PAND. TIT. IV.

DE

## SCRIPTVRIS NON LEGIBILIBVS

CAP. I.

DE

CAVSIS SCRIPTVRAM NON  
LEGIBILEM REDDENTIBVS.

## ARGVMENTVM.

*DE imperitia Græcæ linguae in studio iuris. §. I. De usu eius in iurisprudentia. §. II. De imperitia Glossatorum et Accursiano dicto: Hæc græca sunt, quæ legi non possunt. §. III. De studii critici utilitate in genere. §. IV. Probatum et declaratur exemplis. §. V. Quatenus criticum studium in iurisprudentia locum inueniat? §. VI. Iudicium de studio critico subiungitur. §. VII. Progressus fit ad propositum thema et quid per scripturam non legibilem intelligatur, exponitur. §. VIII. Quatenus scripturam non legibilem hic consideremus. §. IX. Methodus dicendorum. §. X. Prima causa scripturam non legibilem reddens adducitur. §. XI. Secunda: per notas incognitas scriptura redditur non legibilis. §. XII. De veteri more scribendi per notas et sigla. §. XIII. Tertia: ex descriptione male efformata. §. XIV. Quarta: Omissio interpunctionum. §. XV. Quinta: ex modo*



do scribendi obsoleto. §. XVI. Plures combinantur cause §. XVII. Steganographia quoque scripturam non legibilem reddit. §. XVIII. Adduntur vitia extrinseca ex quibus scriptura fieri potest non legibilis §. XIX.

## §. I.

Qui inter ICtos græcæ linguæ ignorantiam excusationis quodam genere obtegere intendunt, hos non raro refugium quærere animaduertimus in vulgato illo dicto, quod Accursio adscribere solent: *Hæc græca sunt, quæ nec legi nec intelligi possunt.* An satis prudenter, et erudite, imo ex rei veritate, aliis iudicandum relinquo. Est hoc quidem huius linguæ imperitis concedendum, quod ad causarum decisionem græco textu in corpore iuris occurrente non indigeamus, ex decantata ratione, quod textus in praxi sit receptus, quatenus *latino idiomate* et quidem *vulg.* ~, (non ex versione Haloandrina, quæ alias nitidior ratione styli iudicatur: sed non æque fidelis quoad sensum, STRYK. ad Lauterb. ad præfat. verbo: *versio latina* et ea ratione adhuc merito in pretio habenda, præsertim collatis iis, quæ neglecta emendarunt et suppleuerunt Scringerus et Henricus Agylæus in *supplem. Nouell.*) inibi expressus deprehenditur, tam quoad Novellas, quæ pleræque græce fuerunt compositæ, exceptis paucissimis vt *Nov. 9. 11. 23. 62. 143. 150.* MULLER. ad Struv. *Ex 1. tb. 68. lit. T.* quam quoad Leges Institutionum et Pandectarum, ARTHVR DVCK de *Vf. et Autor. iur. Ciu. lib. 1. c. 4. n. 16.* licet vel maxime versio vulgaris cum Græca non respondeat, quod aliquoties factum esse,

res

res ipsa quidem loquitur. Barbaries enim temporum, ubi ius Civile Romanum in scholis Germaniæ legi cœptum est, non permittit, ut ultra vulgatam saperent et Cathedra et foro addicti, adeoque spontaneo motu ab allegatione græci textus in decisione causarum abstinere, quam vix legere multo minus intelligere poterant. Prostant huius imperitiæ reprehendendæ exempla etiam ad nostras scholas deriuata. Quid ineptius est quam allegare legem ex pandectis per ff. et tamen a veteribus id ita ad nos traditionis quodam iure deriuatum est. Scilicet ab imperitis linguæ huius pro græco π. substitutum est ff. sed hoc quidem leuius est. vid. CORNEL. VAN ECK Icti vltraiectini *Princip. iur. Civ. de Origin. J. §. 21.* Alia lubens prætereo.

§. II. Veruntamen qui ultra plebem sapere student, animaduertunt et huius linguæ aliquem usum non pœnitendum in iure esse, præsertim in illustrandis iuribus, ubi latinus textus vel plane intelligi nequit, vel ob variantes lectiones Doctoribus crucem figit, quo casu eruditi non raro refugium quarunt in libris Βασιλικῶν, quorum leges in foro quidem ad decisionem allegari non possunt, vtique tamen ad genuinam legum Romanarum intellectum non raro plurimum conferunt, et hinc Struvius alique Iuris interpretes ad illos prouocant. Imo et ipsæ Nouellæ passim ex græco textu lucem accipiunt, uti constat ex controuersia decantata, an filiusfamilias de aduentitio peculio irregulari testari possit? ubi maxime torquetur indoles vocis διοικεῖν LYNCKER in *comment. ad ff. de Orig. iur. §. 10.* Vnde et lingua græca merito a peritioribus commendatur. Expressius hoc ipsum pluribus in locis declarauit PAGENSTECHER in suis *scilicet* *Add. RITTERSHVSIVS in fin. proem. Nov.* §. III.

§. III. Et vt demum quædam de flosculo illo vulgato addamus, sane falsum omnino est, Accursium linguæ græcæ fuisse imperitum, adeo vt CUIAC. III. *obs. num. 30.* hunc Græcis et Latinis omnibus anteferre non dubitauerit. Illud quidem fatendum, Glossam pluribus in locis ignorantiam vtriusque linguæ prodere, aut alio modo ineptire, vt proinde non debuerit Idolum iuris haberi, vti quidem habita est GAIL. I. *obs. 53.* BERLICH. I. *Dec. 127. n. 13.* Ast Glossam non vnice Accursio adscribendam esse simul constat, cum et Azo Græcæ linguæ imperitissimus, Rogerius, Martinus, Iohannes, Bulgarus, Placentinus alique manum huic rei admouerint. Quicquid ergo ex ignorantia linguarum inibi insertum deprehenditur, aliis adscribi meretur. Quid tamen tandem fiet de Accursiano illo asserto? Videlicet exemplar male conscriptum ipsi sine dubio oblatum fuit, vt ita recte dixerit, hæc quidem græca esse, a se tamen ob male efformatas literas legi nec intelligi potuisse. Occurrit hæc glossa *ad §. I. de Emt. V. verb. verbis* vbi addit ACCURSIVS: *Scilicet græcis, quæ legi non possunt; vbi additio male et imperite subiungit: ab aliquo huius artis ignaro.* Ita enim glossa Accursiana foret absurdissima. Rectius hoc exemplum ad scripturas non legibiles referri debet.

§. IV. Quantum sæpius momentum situm sit in lectione scripturæ accurata, hoc longiori non indigere videtur deductione. Torfit hoc ipsum negotium vehementer ingenia eorum, qui Criticæ arti se totos addixere, et immensis voluminibus certarunt de voculis quibusdam. Omnis generis scientiarumque monumenta plena et referta sunt eiusmodi certaminibus. Certant Philo-

logi enucleationi puritatis linguæ dediti, variasque lectiones in Autoribus Classicis annotant, quo referri merentur insignes labores Cellarii, qui instar omnium esse potest tum in Fabro suo, tum in editione Autorum variorum, vbi lectiones maxime probatas selegit. Certant plures in hoc humaniorum studiorum genere, inter quos notæ sunt MURETI *Lectiones variae*, HIERONYMI MAGII *Miscellanea Critica*, SAMUELIS PETITI *variae lectiones*, RVTGERSII *variae lectiones*, CASPARIS SCIOPPII *observationes nouæ latini Sermonis*. Eiusd. *lectiones suspectæ*. PETRI VICTORII *lectiones variae Criticæ*. CASPARIS BARTHII *libri aduersariorum etc.* Multum sine dubio quoque huc faceret Lexicon illud vniuersale, quod speratur, et cuius ideam seu proiectum, vt ita loquar, vidimus in Lipsiensibus nundinis nuperrimis. Quin et in re sacra studium Criticum magnæ et multæ sapius esse vtilitatis ostendunt scripta infinita hanc in rem vbiuis obuia, quo referri merentur Ioannis Clerici labores, et illorum Theologorum, qui per plures tomos rem hanc pertractarunt.

§. V. Nec diffiteor, sapius concertationes non esse de lana caprina, sed magnum in decisione afferre momentum, præsertim quando scriptura aliqua ad probandum ex scriniis vel Archiuis profertur. Nam eruditiores, qui arti huic operam dederunt, exinde de veritate et fallitatis suspicionem iudicare solent. Quis tam rudis et ignarus rerum, qui non artes Pontificiorum, quibus pro stabilienda Heri sui autoritate aliquoties vsi sunt, ex rerum monumentis nouerit. Sapius spuria et adulterina diplomata in medium prolata, sed ab eruditoribus examinata et vt falsa reiecta. Quo in genere excellit IO. MABILLONIVS, Benedictinus in *Re diplomat*

*plomatica*, vbi quicquid ad veterem instrumentorum antiquitatem, materiam, scripturam et stylum etc. pertinet illustratur et explicatur, qui liber ob antiquitatis insignia specimina applausum inter eruditos meritus est, mihiq̃ue hæcce meditati ex Bibliotheca Consult. Dn. I. E. Witte Consiliarii Electoralis meritissimi, ex singulari qua in studia fertur, beneuolentia suppeditatus est a consultissimo Viro Dn. Krullio Consiliario Brandenburgico, Patrono meo venerando, cuius celebratissimæ Bibliothecæ etiam hoc in labore me multum debere et fateor et grata agnosco mente. Consulendi quoque in hac materia sunt Danielis Papebrochii Iesuitæ labores critici, in quibus de vera ratione diplomata falsa et supposititia a veris et genuinis discernendi rationes suppeditat, vt iam non attingam eos, qui in specie ad certa diplomata animaduersiones edidere, vt Freherus, Conringius etc. In re sacra itidem non minoris momenti quæstiones occurrunt, sese vltimo resoluentes in variam lectionem loci alicuius scripturæ sacræ. Sufficiat vel vnicum adduxisse exemplum. Occurrit *Levit. VIII. 11.* notus ille textus de coniugio compriuatorum vbi communis et vulgata ita habet: *Non deteges turpitudinem filiae vxoris patris tui genitæ patri tuo ei: ita sororis tuæ.* Sed postea inuenti, qui hanc versionem improbarunt ob vitiosam lectionem textus Hebraici, vt ANTONIVS MATTHAEI, SAMVEL BOHLIVS, ELIAS SCHNEEGAS. In lingua enim sancta extare dicunt Moledeth non Muledeth, istud esse participium activæ significationis, hoc passivæ, vt hoc intuitu versio ita foret efformanda: *postquam nouerca peperit patri tuo.* Et sic diuersa decisio esset facienda, cum quidem communiter tales nuptiæ inter compriuos, etiam si communis adsit frater, non sint prohibita

hibitæ vid. §. I. de Nupt. sed tamen Bohlii sententiam omnino præferendam esse, merito existimo. vid. STRYK. in not. ad Brunnem. *ius Eccles. lib. 2. cap. 16. §. 23. p. 638. et in not. ad I. §. 8. de Nupt.* THOMAS. in *Iurisprud. div. lib. 3. c. 3. §. 150. seqq.*

§. VI. Sed propius accedamus ad nostram Iurisprudentiam, quæ et ipsa mirifice gemit sub certaminibus Criticorum. Alii enim infinitas lectiones adducunt, et has præferre student: alii alia eligunt. Adhuc alii vim textui inferunt vel corrigendo vel delendo, contra quos classicum canunt alii, qui putant verbis non rebus esse leges scriptas, et sic de turbis horum castratorum querelas ubiuis conglomerant. Sudarunt in hoc studii genere infiniti, inter quos plurimum contulere, qui coniecturas scripserunt, ut ANTONIVS FABER, NOODTIVS etc. item qui variantes lectiones coaceruarunt, quos inter excellit PANCIOLOTTI Thesaurus variarum Lectionum; et qui emendationes conquisiuere uti ANTONIVS AVGVSTINVS, ELBERTVS, LEONIVS HERALDVSETC. Sed de his vberiore differendi occasionem suppeditabit caput sequens.

§. VII. Equidem in omni studiorum genere a Criticis hic peccari aliquando, nemo inficias ibit, qui saltem monumenta eorum intuetur. Est lectionis accuratæ sua utilitas. Sed tamen duo extrema hic euitanda præprimis iis in scriptis, ex quorum lectione non multum interesse propendet. Peccant utique, qui omnem in arte Critica industriam improbant: sed et sine dubio peccant, qui omnem se in hoc studio sapientiæ thesaurum inuenisse putant, inprimis in re  
sa-

sacra, vbi dum circa, voculas et literas hæremus, partem optimam negligimus. Et hoc intuitu sæpius huc applicari posset dictum: *litera occidit*. Ex hoc malo fit, vt fiant captatores verborum, imo ex termino vnico tot clamores citant, vt crederes, veneni noxii plenissimum eum esse. Imo magis fidem in cortice, quam nucleo quærant, h. e. in terminis magis, quam vera cordis ad Deum inclinatione. Hisce litigiis Christiana religio a primis fere temporibus infecta fuit et proh dolor! adhuc infecta est. Hinc eo maiori opus est cautione. Summatim quosdam defectus in arte Critica occurrentes exhibet et perstringit celeberrimus POIRET in *de Eruditione solida superficiali et falsa* libris, lib. 2. §. 39. In specie autem lib. 3. §. 73. de Theologia *literali et critica* graue adducit iudicium, dum ipsam vocat *arrogantissimam fallacissimam et exitiosissimam*, sine dubio respiciens ad hosce defectus in hoc §. notatos. Digna forent verba, quæ hic adiicerentur, sed ne irriter eos, qui hanc adorant Dianam, sufficit me ablegasse lectorem sinceriori corde instructum ad hæc ipsa loca, monitum illud sacrum adiungens: *probate omnia etc.* Eo maiori autem fiducia hæc loca commendare volui, quia vidi eadem iam ab THOMASIO in *dissertatione* libro laudato subiecta p. 43. n. 8. esse laudata et commendata.

§. VIII. Sed audio, quempiam hic in limine disputationis obiiicere, quod hæc a scopo meo alieniora sint, cum Rubrica indicet, me duntaxat acturum de *scripturis non legibilibus*. Aliud autem esse *incertam lectionem*, aliud vero, *scripturam non legibilem*. Sed facili negotio hoc leue dubium discuti potest distinctione inter scripturam plane non legibi-



legibilem, quæ nullo modo legi, nec etiam per *extrinseca media* suppleri potest, et inter talem; quæ, quamvis primo intuitu non legibilis appareat, extrinsecus tamen intelligi, et ita suppleri per coniecturas quamvis incertas et fluctuantes potest. Ex hac ultima acceptatione oriuntur incertæ illæ et variantes lectiones, quæ Criticorum ingenia sæpius torquent. Sed instas, ita tamen scriptura est adhuc legibilis. Imo non est. Cognovit id ipsum suo tempore V L P. in l. 1. *pr. de his quæ in testam. del.* ubi illa quæ extrinsecus quodammodo intelliguntur, non videntur legi posse. Conf. disp. *Præf. de Contr. non præl. c. 1. §. 3.* Dum enim adhuc incertum est, quanam lectio præferenda et verior sit, vere scriptura habenda pro non legibili. Hinc et utrumque casum sub Rubrica nostræ disputationis comprehendimus. Sed pergis, ita etiam scriptura quæ intelligi nequit, euadet tuo iudicio non legibilis. Equidem plerumque intellectus scripturæ ex eius lectione dependet, et contra lectio sensum scripturæ eruere et insinuare alterius conceptui debet. Ast scriptura non intelligibilis per se quoad ductus literarum quidem sæpius legi potest, sed potest tamen fieri multoties non legibilis, vel saltem dubiæ lectionis, dum quod intelligi ob omisas vel deprauatas vocolas nequit, variis lectionibus ansam præbet, et ita ex postfacto non legibile redditur. Quatenus ergo scriptura hoc quoque modo non legibilis reddi potest, in hac disputatione non prætermittendum erit.

§. IX. Id autem non necessarium esse duco pluribus adducere, quod de scriptura non legibili hic solum agatur, quatenus in effectu iuris interesse singulare inde erui possit. Nam uti alias otiosas quæstiones merito prudentes declinare iisque

iisque relinquere solent, qui putant, ingentem sapientiæ thesaurum et iuris peritiam etiam in minimis quæstiunculis v. c. de quonam casu egerit caput secundum legis Aquil. cur Imp. dubitauerit, an suæ gregibus annumerari debeant etc. latere; ita et hic ita versabimur, vt semper præ oculo habeamus regulam: de veritate anxie inquirere, quæ nullam omnimodo vtilitatem habet, esse otiosum. Abundet quilibet suo ingenio.

§. X. Cæterum sicuti Medicus ægrotantibus prouidere remediis nequit, nec eorum corpus pristinæ integritati restituere, nisi ante omnia in causas morbi inquisuerit, operæ pretium esse duxi, hoc capite præmittere causas scripturam non legibilem reddentes, vt in *subseqq.* eo rectius iudicare possimus, qua ratione scriptura non legibilis possit in effectu iuris quid operari, vel etiam saluari. Vtar autem per totam disputationem non nisi ponderibus rationum, et iurium decisionibus certissimis, quibus si fultus fuerim, parum curabo, an Doctorum communi sententiæ assertiones meæ conformes sint; cum nouerim plausta autoritatum et testimoniorum sæpius indagationi veritatis obesse: inprimis si flosculos veterum et Glossæ absque iudicio sequamur, quos aliquoties pro merito perstrinxit SCHILT. in *pr. iur. Rom. Conf. in specie Exercit. 21. th. 23.* vbi reprobandum flosculum Berlichii, quem ille ex ICTis antiquis collegerat, reiicit.

§. XI. Variis autem ex causis scriptura non legibilis reddi potest. Primaria oritur ex vitio eius, qui literas pinxit, qua demum ratione id fiat. Potest scilicet hic varie peccari; inde potiora capita recensenda sunt. (1) Quando

ab eo, qui animi sensa literis mandare instituit, male literæ efformantur, quod adeo eruditis familiare esse solet, ut inde ortum sit *πολυτέτυλλον* illud: *Docti mali scribunt*. An autem et quatenus hoc excusationem præbeat, inferius excutiemus. Quin et Medicis in præscribendis remediis occupatis sæpius eundem defectum imputari posse experientia docet, ex quo tamen fieri potest, ut inde sæpius ægroti in vitæ discrimen adducantur, quæ de re suppeditat elegantem casum THOMAS. in *disp. de iur. circa somn. et somn. c. 5. §. 4. sqq.* inferius suo loco excutiendum. Laboravit hoc vitio quoque Ioannes Præfectus Prætorio, Imperatoris Iustiniani officialis, de quo PROCOR. de *bell. Persic. lib. 1. p. m. 147. edit. Basil.* ita loquitur: *nihil e scholis nisi tantum literas ab initio malas et has male didicit.*

§. XII. (II) Quando variis et non cognoscibilibus in scribendo signis utuntur. Solent enim nonnulli certa sibi eligere signa et abbreviaturas, ut loquuntur, quæ ad celerem scribendi rationem seu *tacheographiam* faciunt. In hac arte maxime excelluisse Libertum Ciceronis, Tyronem Tullium antiquitatis studio deditis notum est vid. RITTERSHVS. ad *Nov. pag. 6. c. 2. n. 6.* IO. MABILLONIVS de *re diplomat. L. 1. c. 11. §. 6.* Harum notarum indicem habet GRUTERVS in fine Volum. *Inscription.* et exstare adhuc apud Gallos Psalterium eiusmodi notis conscriptum refert MABILL. *cit. l. huius primis vero hoc studium veteres excoluisse, ostendit BALBIN. c. 4. Verisimil. pag. 53.*

§. XIII. Qui per huiusmodi notas scribebant, appellabantur *Notarii* Græce, *γράφοντες εἰς τάχος διὰ σημείων.* vid. CY-

CYPRIANI Profess. Helmst. ad disp. *de Siglis* c. 1. §. 12. Altius tamen origo horum Notariorum est repetenda quam ut primitiua Ecclesiae scriptoribus hos adscribere velimus, uti quidem facit CYPRIAN. cit. l. Inducti scilicet primum dicuntur a Cicerone, ut Catonis orationem, quam habebat in Senatu aduersus Catilinam, describerent, vocisque cursum celeritate manus aquarent. ANDR. ALCIAT. Lib. 8. *Parerg.* c. 19. conf. l. Lucius 40. ff. de milit. testam. BVD. in l. inter eos 33. §. 1. ff. ex quib. caus. mai. Existimat tamen BERNH. WALTHER in miscell. Lib. 2. c. 12. has notas literas non fuisse, ceu disertè dici videtur in l. 6. §. 2. ff. de B. P. quocum facit etiam HENRIC. SALMOVTH in Comment. ad Guidon. Panceroll. memorabil. Lib. 2. tit. 14. p. m. 264. existimans, compendia quaedam dictionum fuisse, dicta tempore Iustiniani *sigla*. Sed ex l. 49. cit. liquido apparet, ICTos literas et notas ita distinxisse, ut singulares literas pro *notis*, seriem autem literarum pro *literis* habuerint, quod etiam BERNH. WALTHER c. l. agnoscere videtur. Vnde *sigla* dici videntur quasi *singula*, quale exemplum communiter suppeditant ex *proem. I. in f.* Interim non negamus potuisse etiam adhiberi alia signa integras dictiones repraesentantia, ceu de Cicerone asserere videtur Salmuth. cit. l. p. 265. Vnde et distinguit quodammodo abbreviaturas a notis PANCIROLL. in memorab. l. 2. tit. 14. De Octauio Augusto refert SVETON. in octav. n. 58. quod adhuc diuerso notarum genere usus fuerit, qui scil. *b.* pro *a*, *c* pro *b* et deinceps eadem ratione sequentes transposuit literas, pro *z* autem *aa* vid. MABILLON. de re diplom. L. 1. c. 11. §. 18. Salmuth. c. l. Nostreis quoque temporibus hoc studium mirifice excultum est, ceu patet ex tractatu CAROL. ALOIS. RAMSAY de *Tacheographia seu arte celeriter et compendiose quaelibet in-*

ter perorandum verba, ut ne unum quidem excidat, describendi, latine, et gallice. Quo minus vero abbreviaturæ vulgares et notæ sunt, eo magis scriptura difficultate legendi laborat, ut hinc optimum monitum STRYK. in *Caut. Contr. S. I. c. 6. §. 7.* ne scilicet illæ in instrumentis adhibeantur, omnino observari mereatur. Cæterum notis et siglis ius quoque nostrum repletum fuisse constat. Bene rem exponit SALMUTH. ad Guid. Pancirol. memorabil. l. 2. tit. 14. p. 264. his verbis: *Eo minus etiam mirandum est, scribas et librarios in describendis olim veterum IC. libris notarum compendio usos fuisse. Quarum intelligentia cum oppressis assidua bellorum rabie literarum et Iurisprudentiæ studiis paulatim obsoleuisset; nec eas minus difficultatis et negotii legentibus exhiberent, quam res ipsæ notis descriptæ; et multi præterea subtili et varia horum interpretatione in fraudem inducerentur, magnæque insuper iudicantibus et discantibus tenebræ inde offunderentur, diserte prohibuit Iustinianus (scilicet in l. 1. §. 13. C. de V. I. Enucl. ubi sigla et notas vocat compendiosa ænigmata) eiusmodi posthac notis et signis in describendis Iurisprudentiæ libris uti: ne qua malignis interpretibus imperitisue, verborum auertendorum ansa præbeatur.* Hactenus Salmuth, ubi addit, prudenter hoc a Iustiniano constitutum esse, cum si eiusmodi notis efformatos Iuris Ciuilis libros ad nos transmisisset, eorum laqueis paucissimi se expedire potuissent, cum Tribonianus in earum interpretatione frequenter hæsisse deprehendatur, ceu cap. seq. docebimus. Imo ipse Imperator cit. l. 1. fatetur, quod tales notæ per se et per suum vitium induxerint antinomias. Cæterum ipsum exemplar Florentinum ab hisce notis non alienum esse dicitur, ex quo concludere solent, illud tempore Iustiniani non esse conscriptum. Inprimis ve-

ro formulæ antiquæ hisce siglis efferebantur, quarum frequentius fiebat mentio v. c. H. E. R. E. I. Q. M. E. A. i. e. Hanc Ego Rem Ex Iure Quiritium Meam Esse Aio. item: A. E. E. C. V. i. e: At Ego Eam Certe Vindico. Prostat et alia formula diffusior hæc: S. Q. E. D. R. A. P. P. V. L. O. E. COSS. PRR. TR. PL. Q. N. S. Q. E. V. A. P. P. V. F. quod ita legunt: Si Quid Ea De Re Ad Populum Plebemue Lati Opus Est, Consules Prætores Tribuni Plebis, Qui Nunc Sunt,\* Quod Eis Videbitur Ad Populum Plebemue Ferant. Sic et illa formula huc referenda: Q. E. R. E. T. P. I. R. D. F. Q. D. D. D. P. F. quod ita explicant: Quanti Ea Res Erit, Tantæ Pecuniæ Iudicium Recuperatorium Dabo Testibusque Duntaxat Decem Denunciandi Potestatem Faciam. vid. RICCIUS *de libror. Iur. Rom. quant. et qual. aph. 17.* Qui falsa crimina intendebat, *Kalumniari* dicebatur, et ex Lege Remmia pœna irrogabatur *l. 1. §. 1. et 2. ff. ad SCr. Turpill.* ita scil. vt fronte inureretur litera K. qua *Kalumnia* designabatur GOTHOFR. *in not. lit. O.* LAVTERBACH. *ad cit. 1.* Populus R. quoque in Comitiiis suffragia laturus utebatur hisce siglis: V. R. vti Rogas, vel A, Antiqua. HOPP. *in not. ad §. 4. I. de I. N. G. et C.* Pertinet huc etiam BARTHOLOMAEI SOCINI, Senensis libellus Lugduni MCCCCXII. excusus, in quo Regulas iuris Siglorum ope tradidisse dicitur vid. DISP. CYPRIAN. *de Sigl. c. 4. §. 1.* quamquam dubitari possit, an eiusmodi siglis vltus fuerit, vti quidem Romani. Hactenus enim hanc editionem videre non contigit. Prostant adhuc huius generis varia monumenta, numismatibus vel lapidibus insculpta, in quorum lectione hactenus eruditi insignem impenderunt operam, quæ nec ICTIS incognita esse debent, quippe antiquitatis Romanæ stu-



dium iis omnino commendandum esse suo exemplo docuit IACOBVS GOTHOFREDVS, de quo elegans legi meretur iudicium THOMAS. in *dissert. de Novis Iurispr. Obs.* 5. §. 3. Loquor autem de his, qui non vulgarem eruditionem sequuntur, sed qui iuris Romani placita ex intimis penetralibus Historiæ deducere student. Nam hoc certum est, ad magnam ~~exemplum~~ etiam Iurisprudentiam nostram ceu et alia studia, peruenisse, vbi ex fontibus genuinis illa illustrari coepit. Explicuit summam vsum antiquitatis studii in Iurisprudentia BRENEYSSEN in programme, *de Utilitate Historiæ in Iurisprud.* Conferunt denique plurimum ad legendas et intelligendas eiusmodi notas et abbreviaturas veterum labores IANIGRUTERI in *face Critica*, HVBERTI GOLZII in *Thesaurus rei antiquar.* PRETTENII Vt et SERTORII VRSATI, PATAVINI, *de notis et siglis antiquorum* et quæ BRISSONIVS de *Formulis et Verb. signif.* alibique summa collegit industria.

§. XIV. Cum ergo hæ abbreviaturæ et notæ non omnibus sint cognitæ, et deinde male efformandi scripturam ratio hos, qui describendis libris præsumunt, sæpissime fallat, hinc (III.) ex *Descriptione* quoque incertæ, dubiæ et variantes lectiones oriuntur. Et quin ortæ exinde sint, dubium esse non potest ei, qui solum editiones varias, Glossatam Haloandrinam imo et ipsam Florentinam Corporis Iuris intuetur. Ipsi enim librarii h. e. qui codicibus describendis operam dabant, vbi imperiti erant, misere sæpe corruerunt vel mutilarunt textum; imo vbi de alicuius vocabuli ambigua lectione dubitabant, duo vocabula pro vno supposuerunt, lectionem genuinam lectoris diuinationi permittentes, quale est *de notis, devotis* et alia, vbi alterum



trum legendum erat. Atque vt ne lectorem fallerent incautum, sapius particulam *vel* interponebant, qua innuerent, alterutrum esse legendum. MABILLON. *de re diplom. L. 2. c. 1. §. 9. p. 58.* Hinc Carolus M adhuc suo tempore in capitulari de Anno 805. rem animaduersione dignam existimauit statuitque de scribis, vt vitiose non scriberent et vt vnusquisque Episcopus et Abbas et singuli comites suum Notarium haberent MABILL. *c. 1. §. 6.* Hinc adhuc hodie tot ac tantæ curæ eruditorum in castigandis et corrigendis MSCtis, quem in censum inter primos referendus FRID. SYLBVRGIUS, qui, quæ edidit, ex ipsis MSCtis et maxime antiquis codicibus accurate emendauit. Quid quod in *de veteri Scriptura* libro plenissime abbreviaturas veterum legendi modos ostendat, et horum ignorantie vestigia apud plures detegat. Sic et Basileæ multi non spernendi libris ex Manuscriptis editi dicuntur, qui tamen ob abbreviaturas pluribus in locis legi non potuerunt, quod vel ex ipso Iosepho apparet, qui ibi prodiit. Conqueritur grauitè hac de re MABILLON. *cit. l.* adducens verba Bonauenturæ Wlcanii satis rem exprimentia. Nec ipsæ S. literæ ab hisce mendis aliena deprehenduntur. Declarationis gratia vnicum solummodo locum adducere liceat, vbi ipse LVTHERVS in Glossa subiecta fatetur, textum a scribente esse corruptum. Locus est II. Reg. XXIII. 8. vbi LVTHERVS ita inquit: da achten wir, der text sey durch einen Schreiber verderbet, etwa aus einem Buch unkentl. Schrift und von bösen Buchstaben. Und sey also adino für orer und Hæznib für Ethainto gemacht. Denn die Ebræi wol wissen wie man in böser Handschrift kan Da-leth für Resch, Vau für Nun He für Thau und wiederum Lesen. &c.

§. XV. Ad Vitia scribentium quoque pertinet (IV.) *Omissio signorum Distinctionum*, quæ alias per commata aut puncta rem eiusque sensum discernere solent. Fit quidem eo ipso Scriptura non plane non legibilis, sed tamen lectio ipsa anceps dubia incerta, et hinc facilis via ad alterum vitium, ut plane ex postfacto reddatur non legibilis. In ipsis legibus non raro textus inde vim patiuntur, cum constet, Pandectas Florentinas nulla signa distinctionis nullaque intervalla habuisse ceu tanquam oculatus testis observat ANGELVS POLITIANVS in  *suis Miscellan. c. 41.*  Imo et in ipsa Typographia cum varia excudendi dentur genera, et nonnulla certis ex rationibus sæpenumero iacentibus exprimantur literis, inde etiam varia anceps et dubia lectio sua sponte fluit. Infiniti sunt labores eruditorum in explananda difficili  *l. 69. ff. pro soc.*  Imo textus adeo misere a plerisque discerptus est, ut vix sibi similis videatur. Sed iam noua expositio a LYNCK. producta vitium huius rei collocat in mala excudendi ratione, de qua post.

§. XVI. Sicuti autem quæ cognita et vulgaria sunt, adhuc facilius legi possunt, licet verba quodammodo sint truncata, ita (V) eo difficilior et impeditior lectio oritur, ubi occurrunt tum  *verba obsoleta,*  tum  *modus scribendi obsoletus.*  Obseruauit iam MABILLON.  *sepe laud. tr. L. 2. c. 1. §. 1. seqq.*  plures vetera diplomata ob Styli barbariem lectu indigna iudicasse, imo ipsa fide. Quam tamen sententiam omnino refellit, origines huius barbariei deducendo in seqq. Impedit studium iurisprudentiæ multum, quod LL. XII. Tabb. ob-

obscuritate insigni laborarent, cum talia ibidem occurrerent, quæ iam tempore A. GELLII vix legi aut intelligi poterant, ceu testatur in *noct. Attic. Lib. 16. c. 10. vbi de verbis L. XII. Tabb. ASSIDVO VINDEK, ASSIDVVS ESTO PROLETARIA QVOI QVIS VOLET VINDEK ESTO*, ita iudicat: *Ego vero dicere atque interpretari hoc deberem, sius Faunorum atque Aboriginum didicissem.* Conf. *Id. lib. 20. c. 1. vbi obscuritates non culpæ scribentium semper adscribendas tradit, sed inscitiz non assequentium.* Suppeditauit plures emendationes I. GOTHOFRED ad has obscuras leges in *font. iur. Ciu.* Conf. quoque CONRADI RITTERSHVSII *Dodecadeltos.* Occurrit adhuc notissima lex de pactis quæ ita communiter profertur: *Rem vbi pacunto ratanto.* Sed hic difficillimi nodi ceu ipse fatetur SCHILTER in *Pr. Iuris Rom. tit. de pact. §. 1. vnde et aliam substituit lectionem: Rem vbi pagunt seruato.* Addere plura ex iure Romano supersedeo, cum id passim plerique confiteantur. Ita enim *Fortunatian. lib. 3.* ait: *Antiqua verba quæ affectabo? quæ non sunt adeo abolita, vt sunt in XII. Tabulis et Saliari carmine.* Et SYMMACHVS *lib. 3. ep. 44. si tibi Vetustatis tantus est amor, pari studio in verba prisca redeamus, quibus Salii canunt, et Augures ciuem consulant, et Decemuii Tabulas condiderunt.* Iam dudum his renunciatum est et successio temporum placita priora mutauit. Ex iure Allemannico plura peti possunt huc pertinentia tum ratione absoletorum verborum, tum obsoletæ rationis scribendi. Quantam industriam in hisce enucleandis et rite conscribendis posuerit antiquitatis patriæ peritissimus, IO. SCHILTER tam in *Prax. Iur. Rom.* quam in *Codice Iuris Feud. Allemann.* alibique, meo non indiget testimonio. Inferuire quoque huic studio potest Carolus du Fresne in suo *Glossario* qui

verba barbara, præsertim in iure feudali occurrentia summo studio collegit et explicuit. Optandum foret, vt, postquam ita ex tenebris iura Allemannica quasi ad lucem producuntur, et ita infinitæ iuris Romani subsidiarii subtilitates non receptæ euentissime ostenduntur, tandem plenissima iuris patrii vbique accederet cognitio, et illud, quod Regulæ vicem subire deberet, non negligetur. Quoad *modum scribendi obsoletum* varia quoque impedimenta adhuc superesse, antiquitatis studio deditis non ignotum est. Præstitit tamen hoc in antiquitatis studio multum supra laudatus MABILLONIVS de *re Diplomatica*, vbi libro quinto p. 343. admiranda diligentia congeffit plura veterum scripturarum specimina, et ex ipsis Pandectis Florentinis pag. 357. quædam etiam adiecit. Subiunxit deinde passim ipsum alphabetum ex scriptura antiqua constructum, vt ita faciliiori via ad lectionem, alias valde obstructam et difficilem, quis peruenire possit. vid. p. 347. Sed tamen et nonnulla documenta, vti Dagoberti Regis p. 374. adiecit, quæ multis lacunis laborant et vix amplius legibilia sunt, quo et Clodovei p. 376. merito referendum. In specie de Longobardorum scriptura asserit, quod non ita fuerit legibilis aut purgata l. i. c. ii. §. 8. Superesse fertur quidam codex Corbeientis qui literis plane barbaricis mediocrisque magnitudinis scriptus est ita inter se connexis et per quædam notarum compendia pluribus expressis, fere vt lectori sit diuinandum. Id. c. l. §. 9. vbi etiam de caractere Merouingico difficilis lectionis quædam addit.

§. XVII. Nocet porro integritati lectionis (VI) *Chartæ et atramenti vitium*, illius quidem, si adeo tenuis sit vt  
cor-

corruptioni facile sit obnoxia, præsertim in ligaturis: huius, si adeo pallidum sit, vt iustum colorem atramenti amittat. (VII) Accedens *Rasura* vid. *Ordin. Maximil. I. von Notarien*, §. Die Notarien sollen. (VIII) *Inductio* vel *deletio l. i. pr. ff. de his que in test. del. et induc.* ita scil. facta, vt auferat lectori facultatem legendi. Sed de his suis locis pluribus. Proxime huic accedit (IX) *Interlinearis scriptura*, quæ quandoque ob deficiens iustum spatium suspectam incertam et difficilem lectionem inducit, quæ omnia saltem tetigisse hic sufficiat, infra suis locis plenius excutienda.

§. XVIII. Difficilem quoque et plane desperatam lectionem efficiunt *Steganographice artes*, quæ hodie sunt frequentissimæ et arduis in negotiis adhiberi sæpenumero solent. Sed ei non raro ad delicta pessima perpetranda viam parant, et tunc eatenus considerationem Iuridicam non effugiunt, vti suis docebitur locis. Conf. HILLERVS in *Mysterio artis Steganographice*, et quæ KIRCHERVS et SCHOTTVS in *schola Steganograph.* et inprimis Serenissimus Autor sub nomine GVSTAVI SELENI in *Cryptographia*, vbi *Steganographia* a IO. TRITHEMIO conscriptæ enodationem construxit, hac de re suppeditant. Imo cum hodie contra hæc mysteria non desint subsidia, vi quorum tandem hæc mysteria legi possunt, quale me legisse memini in ERASMI FRANCISCI Iustiger *Schaubühne*, alia inuenta sunt scribendi genera per *Zifras*, coloribus suis variantes, quæ etiam hodie ad Principum arcana occultanda plurimum faciunt Conf. GVID. PANCIOLO. *L. thes. var. lect. lib. 1. c. 30.* et SALMVTH. *ad cit. Aut. memorabil. lib. 2. tit. 14. p. m. 265.*

§. XIX. Et hæ quidem principales causæ ex ipsius Autoris vitio vel destinatione scripturam reddunt non legibilem, vel saltem talem, cuius lectio est anceps et incerta. Sed vero etiam *extrinsece* variis casibus scriptura non legibilis reddi potest, prout brevibus declarabimus. Occurrit hic primo loco *vetustas*, quæ sicuti omnia corrumpit, ita etiam instrumentis vel scripturis nociua esse potest. Qui Archiviis seriniisque Principum præiunt, hac de re testimonia suppeditare possunt. Imo inde esse puto, quod tam plura diplomata in lucem edantur, in quibus lacunæ non unæ conspiciuntur, ceu nec id infrequens esse solet in Autoribus antiquis, ex Manuscriptis Codicibus recenter editis, uti vel ex ALEMANNI editione *Ἀνecdōτων* PROCOPII constat. Inprimis huc pertinent (1) arrosiones murum, ubi conf. STRUV. *dissert. de Muribus*. (2) quando Scripturæ in humidi loco asseruantur, ex quo non possunt non corrumpi, (3) quando per diuturnum usum lace-rantur, in quo rustici suam prodere solent inertiam, (4) incendio corruptæ Scripturæ, quo malo multa egregia periere scripta, sicuti et idem de nostro Triboniano prædicant, quod veterum ICtorum libros, ex quibus Digesta concinna-verat, omnes ad unum flammis destinaverit, gloriam sine dubio inde vanam captaturus, vel ut dicam quod sentiam, videtur, si verum narrant, eo ipso voluisse præcauere, ne ex collatione ipsorum ICtorum cum centonibus in Digesta relatis insignes animaduernerent nexos huius Exquæstoris venerandi, quod Tribonianis solatium ingens præbere potest.

CAP.



CAPVT II.  
DE  
LEGIBVS NON LEGIBILIBVS.

## ARGVMENTVM.

*REbus non verbis leges esse positas. §. I. Obiectiones Criticorum recensentur. §. II. Magis respiciendum esse in legibus ad mentem quam ad verba. §. III. Explicatur l. 6. d. V. S. §. IV. Num ad antinomias conciliandas Criticorum labores quid conferant? §. V. Quatenus Criticorum labores utilitatem in iure præbeant? §. VI. Num leges desperatæ lucem accipiant per manus Criticorum §. VII. Exemplo res illustratur §. VIII. Criticorum studium incertam sæpe reddit iurium decisionem. §. IX. Subsidia vulgata ad variantes lectiones enucleandas recensentur. §. X. Num pro euoluenda veriori lectione legis alicuius recurrendum sit ad Florentinam editionem? §. XI. Næuus Iurisprudentiæ nostræ ex tot variis et difficilibus lectionibus §. XII. In lege plane non legibili cessat interpretatio doctrinalis §. XIII. In legibus difficulter legibilibus quænam adhiberi possint subsidia §. XIV. Emendatio verborum in legibus admittenda, ubi absque corruptione sensus fieri potest §. XV. Si de ratione legis constat, frustra laboramus de verbis. §. XVI. Num in praxi recurrendum ad veriore lectionem, an vero vulgatæ erroneæ insistendum §. XVII. Leges ita scribendæ, ut quilibet eas legere possit §. XVIII. An obseruantia iudicialis hic interpretationem facere possit? §. XIX. Respondetur Con-*



*traditioni apparenti §. XX. An IC. debeat legere et intelligere priscam linguam §. XXI.*

§. I.

**N**on verbis sed rebus tantummodo legem poni dicitur in *l. ut nullo 28. C. de Vfur.* Sic ergo Criticorum labores circa verba aut lectiones legum versantes nihil ad integritatem iuris conferunt? Quidni conferrent, cum de verbis adeo saepe litigent Critici, ut integra volumina ad integritatem iuris conservandum hac de re ediderint, et ne iota quidem debere deperire ex corpore nostro iuris existimauerint. Bonum factum! modo expeditum foret, voluminum plaustra ingentia sua non destitui utilitate. Integritati iuris sine dubio melius consulerent, si rebus non verbis positas esse leges plurimi attenderent, et non tot tantosque fluctus ne dicam superos et Acheronta saepe in re minima mouerent, provocantes ad suam scholam, quasi damnum ingens Iurisprudentiae inferretur, et res magis inuolueretur, quando quis non praecise cum schola i. e. secundum vulgatum Dd. loquendi morem et flosculos Glossatorum loqui amaret, et ita pedantissimum vulgatum sequi. Sed felicitas seculi libertatem in re literaria restituentis fecit, ut huiusmodi improbationes parum attendantur. Loquantur glossatorum admiratores cum glossa et schola; Sed et alios, qui non eodem gustu hosce flosculos admirationi habent, ad verba non praecise aligent. De gustibus enim non est disputandum.

§. II. Videamus tamen quibus me obiectionibus obruant Critici. Num tu, inquiunt, tot tantorumque virorum labores despectui habes, qui id maxime egerunt, ut legem  
lectu

lectu difficilem suo pristino nitori restituerent, et sic vt intelligi optime possit, effecerunt. Accurata enim et vera lectio aduersus Antinomistarum tela clypeum forte præbet, eosque funditus percellit, quale exemplum occurrit in *l. iusiurandum. 34. §. 4. ff. de iurei.* vbi pro *neque* omnino legendum *æque*, vt contradictio euitetur. Imo cum leges interpretamur, non tantum ad mentem, sed etiam ad verba respicere debemus. Verbum enim *ex legibus* sic accipiendum est tam ex legum sententia quam ex verbis *l. nominis 6. §. 1. ff. d. V.* Si cum verba sunt inuenta, vt mentem exprimant, mentique et sententiæ loquentis inseruiant *l. scire oportet. 13. §. 2. ff. de excusat. tutor. l. 7. ff. de supell. legat.*

§. III. Si Brocardicis certandum foret, plura hic re gerere possem. Respondeat pro me vnice ORLSVS in *l. 1. ff. de LL.* Leges scire, non est verba earum tenere, sed vim ac potestatem. Sic ergo nec scire leges est, varias et ancipites tenere vel anxie inquirere lectiones, sed vim ac potestatem; hoc est mentem et applicandi peritiam. An mentem ex verbis colligitur? Sunt vtique verba character animi. Sed si mens legis iam satis haberi potest, si euidentia rei ostendit adhibitis veræ interpretationis Regulis, quem per se ferat sensum lex, cur in verbis hæremus. Si vero sensus corrumpitur ex lectionum diuersitate, et tot impedimenta occurrunt, quæ saluis interpretationis legibus remoueri nequeunt, cur operam et oleum perdimus in re explicatu impossibili. Qui eiusmodi lectiones ancipites ad enodandos textus corruptos obtrudere volunt, reuera peccare videntur in iura Principis, cui soli interpretatio authentica in iis, quæ obscuritate inexplicabili laborant, relicta esse debet. *l. f. C. de LL.*

§. IV.

§. IV. Valde autem impertinenter hic adducitur *l. 6. §. 1. d. V. Si cuius sensus eo tendit*, non præcisè in interpretatione verbis inhærendum esse, sed etiam illud ex legibus dici, quod per interpretationem legitimam præter verba inde deduci potest, quo etiam faciunt *l. 10. 11. 12. 13. ff. de Legibus conf. disput. Præf. de Testament. non prælect. §. 24. seqq.* ubi id ipsum fufius declaratum. Anima legis est eius ratio: de hac si constat, Ictus hanc tuto sequitur, et lectionibus variantibus et inæstis tempus non dieat. Abeant ergo Leguleii, qui semper verba Legum crepant, et verbis inesse singularem emphasin et virtutem ubique putant, nam hi glæbz verborum adscripti reuera seruili ingenio præditi videntur, cum vera prudentia iuris destituantur.

§. V. Speciosior est obiectio de Antinomiarum remotione, ad quam omni studio et subtilitate procliues esse debemus secundum monitum Imperatoris in *l. 1. §. 8. et l. 2. §. contrarium. 15. C. de V. I. emul.* Sed alii recte hic obseruant: *Leges corrigere non esse leges conciliare.* Et deinde qui omnes neruos ingenii in conciliandis Antinomiarum scopulis intendunt, quid quælo aliud efficiunt, quam iurisprudentiam miseram, laceratam, fluctuantem, dubiam, et Sophisticis interpretationibus repletam, ceu iam ab aliis obseruatum fuit. Certe hic optime applicare posses vulgatum assertum: *Incidit in Scyllam, qui vult vitare Charybdim.* conf. THOMAS. *Neui Iurispr. in præfat. §. 9. n. 8.* Vnico solum rem liceat declarare exemplo. In *l. veteribus 39. ff. de pact.* dicitur: Obscuram et ambiguam pactionem venditori nocere, quod idem quoque aliis in legibus inculcatur vid. *l. 21. et l. 33. ff. de contrab. Empt. V.* Sed valde obstare videtur *l. si in em-  
sione*

*zione 34. pr. cod. vbi pro venditor in dubio pronunciandum dicitur. Vt hanc antinomiali conciliet CUIAC. 1. Obs. 10. putat legendum esse, quem emptor intellexerit; quam emendationem rursus reprehendit FORNERIVS 2. select. 18. Et ita si hisce interpretandi modis insistendum foret, quænam demum superforet certitudo. Hi sunt fructus ex nimio pruritu Antinomias conciliandi orti, cum tamen si solum ad rationem Ictorum hisce in legibus animadvertere vellemus, facilis ratio esset, has obstantias apparentes remouendi. Sed de hac materia, qua ratione interpretatio facienda sit contra eum qui clarius loqui debuisset, propediem speciali disputatione edisseram.*

§. VI. Nec me deterret hic tantorum virorum mihi obiectorum auctoritas, quippe quæ sine sufficienti ratione non sufficit. Neque etiam omnem eorum labori detraho utilitatem, cum certum sit in horum scriptis Criticis plura occurrere ad antiquitatem historicam spectantia, qualia sæpius ingens lumen ad intelligendos textus conferunt, cæu vel ex PANCIOLE. *Tbes. var. lect.* constat. Et deinde non raro coniecturas hæud improbables afferunt, ex quibus succurri potest difficultati legum. Sed coniecturæ sunt, dubiæ incertæ et sic, cum priuati hominis sunt, omni autoritate quoad vim legalem destitutæ, adeoque incertitudinem Iurisprudentiæ non tollunt. Theoreticis meditationibus inservire possunt: an autem iudex hic in biuio positus pro lubitu lectionem hanc vel illam in decidendis controuersis eligere possit, infra videbimus.

§. VII.

Tom. IV.

Aaa

§. VII. Sed tamen aliud mihi obstaculum hic remouendum superest. Nihil accommodatius esse dicunt explanationi legum, quæ plane desperatæ sunt, nec legibiles aut intelligibiles, quam Criticum artificium. Posse quidem admitti in legibus per se intelligibilibus, superuacaneam sæpe esse operam criticorum, et nullum inuoluere interesse, num ita an ita legatur: ast cum dentur leges damnatæ sec. versiculum:

*Damnetur Mater damnetur lectaque Frater.*

*Damnetur Gallus damnetur Filius eius.*

et adhuc plures hic non recensitæ, quæ absque opera Criticorum intelligi nequeant, hic sine dubio aliud dicendum. Leges enim ab omnibus debere intelligi *sec. l. 9. C. de LL.* Ergo omnia admittenda, quæ ad illas intelligendas faciunt.

§. VIII. Vtique deberent intelligi ab omnibus. Modo possent. Leges idiomate latino scriptæ sine dubio Romanis cognitæ esse poterant. Sed quomodo Germanis, qui diuerso vtuntur idiomate? Sed dicis per ICtos *sec. l. 9. §. 3. ff. de I. et I. Ign.* Ast difficilis est ratio, in iis quæ cognitu necessaria sunt, semper interpretem adhibere. Sed hæc quidem nunc vltcrius non tangam. Dictum de abusu huius legis in disp. *Præf. de Contr. nor. præf. c. 2. §. 8.* Videbo solummodo an artificium criticum medium sufficiens sit ad enodandas et explanandas leges desperatas. In medium quidem iam proferam *l. cum societas 69. ff. pro soc. de qua Cuiac. l. 4. Obs. c. 17.* ingenue fatetur, eum, a quo tempore iuri Ciuili operam dare coeperit, nullam legem diutius torfisse, quam hanc, nec se plane nunc audere dicere, a se eam esse intellectam. Idem et alii facti sunt. Ad intellectum ergo huius legis plurimi manum criticam afferunt et infinitis modis variantes lectiones

nes obtrudunt. Alii pro *epulas*, *empalas* legendum putant. adhuc alii pro *mundinas*, *quatríduanas*. Alii pro particulis *id est*, *idem*. Cuiacius autem pro vocibus: *eosque a negotio dimitteret* substituit: *ad negotium dimitteret*: vel vti Haloander: *eosque ad negotium admitteret*. Alii ad transpositionem verborum finalium confugiunt. Alii denique re-tenta lectione vulgata refugium quærunt in verbis illis: *si eas eis non soluerit*, putantes hæc pariter ab editoribus *cursi-vis literis* exarari debuisse, vt partem formulæ emtionis contineant, vti nouissime LYNCKER in peculiari tract. ad *b. l.* Hic vere dicere quis posset: *quo me vertam*, *nescio*: Tot enim sunt Criticorum fluctus hac in re, et ita misere lacerata est et castrata hæc lex per manum Criticam, vt merito ad leges non legibiles nec intelligibiles reduci mereatur, quamuis LYNCKERI suppetiæ non adeo improbables videantur, subtili ingenio excogitatæ; Certe si illa lex haberet Autorem Paulum, possemus hic vti verbis RAPHAELIS FVLGOSII ad *l. 17. ff. de inoff. Testam.* ita scribentis: *si bene non intellexistis textum, eum legetis ter et quater et sonabit vobis, sic enim est mos Pauli et si haberem eum in manibus, eum per capillos interrogarem, et paucis interiectis: Iste maledictus Paulus ita obscure loquitur vt vix possit intelligi.* Sed cum VLPIANVS huius legis Autor referatur, hic vero alias obscuritati non soleat nimis indulgere, coniectura ducor, hunc textum omnino per manus describentium corruptum et inde intellectum quoque deprauatum esse. Nam et Codices manuscripti lectiones variantes hic habent. Et quid facilius tunc quidem contingere potuit?



§. IX. Idem iudicium formari debet de alijs. Inprimis huc spectant, qui particulam *NON* sæpe adducunt textui vel eam delent, et inde repugnantem sensum inducunt. Collegit plures textus huc spectantes ANTON. AVGVSTIN. in *tr. de Emend. lib. 1. cap. 2.* ex quo fit, vt tot controuerfiarum fluctus Doctores cieant. Et tamen quamdiu de lectione vera et accurata non constat, omne boni interpretis officium cessat. Certe ex tam corrupta lectione sæpe Glossatores mirificas deduxere conclusiones. Ridiculum fere est, quod quidam Canonistæ, omnia poemata esse hæretica, demonstrare voluerint ex *c. 3. D. 25. vers. item venerabilis viri.* Sed textus olim erat corruptus et pro *Heroicis* scriptum erat. *Hæreticis* vid. LINCKIVS ad *Decret. in Proleg. c. 1. §. II.* •

§. X. Qui ergo certum aliquod fundamentum in tam variantibus lectionibus ponere volunt, recurrunt ad ipsas Pandectarum editiones. Videlicet tres celebriores exstant editiones. (1.) Vulgata seu Accursiana (2.) Norica, quam GREGOR. HALOANDER Anno 1529. ex Bolognini libris confecit (3.) Florentina seu Pisana vid. ADAM RICCIUS tract. *de libr. iur. Rom. quant. et qual. apb. 36.* Quod vulgatam attinet, constat, eam in omnium manibus esse et dudum in Germania fuisse receptam, ac quidem Florentina publicaretur, quæ demum Anno 1553. a LAELIO TAVRELLO edita est. Viguit ergo semper in scholis et foro Vulgata, quæ tamen non semper eadem sed multiplex fuit quoad lectionem. Nimirum vt scriptum aliquod exemplar vetustum aliter legebat, et Doctor quidam insignis lectionem variandam esse putabat, ita exemplaria conficiebantur et quælibet manus sua adiciebat vitia. RICCIUS *cir. l.* Hinc ad restitutionem iuris plures manum attulerunt,



tulerunt, inprimis Haloander. Sed cum nec huius Editio suis destituatur mendis, tandem opera Lælii Taurelli editio Florentina lucem aspexit, et hanc quidem adeo magnificiunt, vt putent codicem hunc tempore Iustiniani esse conscriptum, a qua sententia non videtur abhorrire MABILLON. *de Re Diplom. p. 356. seqq.* ita tamen, vt rem in dubio relinquat; subiungit enim dissentientis ANTONII AVGVSTINI *in libr. de Emendat. iudicium. Conf. RICCIUS cit. l. §. 39.* Interim hanc editionem aliis præferendam existimant.

§. XI. Quando ergo lis de difficili lectione textus alicuius oritur, putant ad hanc esse confugiendum, et inde vnicè textum esse explicandum. Substituit hoc fundamenti loco ANTON. AVGVSTIN. *c. l. ex ea maxime ratione, quod vnicum illud exemplum sit, ad quod omnes omnino, qui hodie extant, Digestorum libri conscripti sunt, prouocans hunc in finem ad communem quandam traditionem et ad sententiam a veteribus Præceptoribus per manus ad nos traditam.* Sed quemadmodum traditionibus talibus non multum tribuendum est, quippe mero auctoritatis præiudicio suffultis; supponit hæc assertio, quasi non alia exemplaria tunc quidem reliqua superfuerint, ex quibus vulgatæ desumi potuissent. Quid quod si ex Florentina omnes fuissent desumptæ, non tam infinita inde orta fuisset varietas lectionum. Deinde nec hoc ipsum exemplar Florentinum suis mendis caret: Quin et illi qui Florentinum adorant, sæpe ab ea recedere coguntur, ceu patet ex exemplo *supra §. 2. adducto ex l. 34. §. 4. de iurei.* vbi ipsa Florentina editio legit *neque*, non *æque* vt Antinomiarum conciliatores substituant. Conf. ANTON. FABRI *Coniectur. l. 1. c. 14.* vbi fatetur

in Florentinis multa grauissimis erroribus corrupta a doctissimis Ictis obseruata esse, et indices plura obseruari, vti etiam exemplo *l. post emancipationem 40. §. ult. de Legat. 3.* ostendit. Adnotarunt etiam iam eruditiores, multas lacunas ibi reperiri aliunde supplendas. vid. RICCIUS *cit. l. §. 41.* Et denique quamuis veritati Theoreticæ hac in parte quid tribuere possemus, quæstio tamen superesset, quamnam lectionem in praxi et foro sequi deberemus, cum Vulgata demum in Germania fuerit recepta. Iam autem, si sequi vellem, quod exinde colligere solent, et ex concessis argumentari, concluderem inde, non alio modo ius Romanum nos obligare, quam quatenus receptum est. Eatenus autem in foris Germaniæ receptum esse dicunt, quatenus Glossata Editio ius Romanum nobis exhibuit: Vt adeoque secundum hanc sententiam illa lectio quantum fieri potest. retinenda sit. Conf. FRANC. DE AMAIA *Obseru. iur. lib. 1. c. 8. n. 9.* De iure Canonico idem asserendum videtur. Nam et ibi multa dubiæ lectionis occurrunt, quæ tamen non raro ex praxi suam recipere decisionem videntur. Quæstio haud minimi momenti est, an remedium ex *c. redintegrandæ 3. C. 3. Q. 1.* detur contra quemuis possessorem? Affirmativa sententiâ in praxi recepta dicitur, quamuis sine dubio orta ex corrupta lectione ipsius textus, cum pro *violentia maiorum* legendum sit: *Violentia maiore*, ceu erudite exposuit ZIEGL. in speciali commentario *ad text. cit.* inserto *Prælect. publ. in decretal. tit. X. de caus. possess. et propriet.* Sed an ita obseruantia fori orta ex errore interpretationem hic facere possit, infra §. 20. videbimus.

§. XII. Qua posita sententia communi, non tollitur difficultatum series, quia notum est, pessime sæpe se habere lectionem vulgatam. Non necesse esse puto id exemplis declarare, cum passim talia occurrant et plerumque etiam a Dionys. Gothofredo in notis sint notata. Videmus ergo ex tot variantibus lectionibus insignem iuris Romani incertitudinem natam esse et ad nzuos iurisprudentiæ merito referendas eas esse. Habent constructiones lectionum variantium eadem fere fata, quæ conciliatio Antinomiarum, quæ sicuti non raro vititur distinctionibus nihil significantibus, et cauillatorias substituit interpretationes: ita anxietas in enucleandis accuratis lectionibus iura peruertit et quod erat Maiestatis officium, sibi attribuit.

§. XIII. Ne tamen nimis videar offendisse eos, qui nil nisi aurum in qualibet litera latere opinantur, subiiciam paucis quædam subsidia, ad quæ recurri potest, vbi de lectione legis alicuius ambigitur. Suppono autem duplici ratione legem esse non legibilem, vel quod habeant variantem et dubiam lectionem, vel talem, ex qua sensus sanus nullus elici possit. Posteriori modo κατ' ἐξοχήν talis est, et cum doctrinalis interpretatio cessat in iis casibus, qui obscuritate inemendabili laborant vid. THOMAS. *Iurispr. div. lib. 2. c. 12. §. 178.* tota causa ad eum, qui τὸ κύριον habet, et sua interpretatione authentica legem supplere potest, hac in parte quoque deferenda. Sed tales non reperiri in iure Romano casus Encomiastæ Iuris illius putant, quippe quibus omnia clara et perspicua sunt, et secus sentientibus ignorantiam crassam imputant. Ego vero non deterreor hoc simplicis consilii argumento; quin possum hos ablegare ad  
legem

*legem* superius §. 8. traditam 69. ff. *pro soc.* et vt commentatores ad illam simul in auxilium vocent, rogare, vbi facile asserti mei veritas apparebit. An vero eodem iure huc referri possit *l. lecta 4. ff. de reb. cred.* quam inter septem desperatas referunt, et de qua WISSENB. in *P. 1. disp. ad Dig. XXVI. tb. 16.* prædicat, quod *sepius sit lecta sed non satis intellecta*, non præfracte tuebor, partim, quod eius lectio adhuc videatur sincera esse, licet intellectus mira difficultate laboret, partim, quod non putem necessum esse, vt in enucleatione huius textus me detineam, tanquam nunquam in foro recepti. Sed quid de *l. frater a fratre 38. de condic. indeb.* fiet? Ibi Hottomannus iurat, Cuiacius probitatem oppignorat, et vterque lectores inuitat, vt calculum quisque suum apponat et credat se legis ænigma dissoluisse. In hunc cænum hodie merito referendæ forent Leges XII. Tabb. quæ pluribus in capitibus non legibiles factæ, ceu *capite 1.* exemplum adductum est. Restituit tamen, quantum fieri potuit, eas summus Ictus Iacobus Gothofredus, atque fragmenta eorum mira cum industria subiunctis historia et Glossis ex variis antiquitatibus collegit vid. THOMAS. *disser. de Nev. Iurispr. in f.* Sed tamen in tabulis illis multæ adhuc lacunæ prostant, legesque plures laceratæ ibi reperiuntur, vti est in *Tab. 7. Qui pecuendo alieno impescit* --- Quin et in iure Allemannico vtroque et communi et feudali nonnulla suppeditari possent, si Codices iam passim editos inspiciendi facultatem concessisset tempus, in quorum tamen emendatione ingenti studio desudauit Iuris Germanici Consultissimus IO. SCHILTER tum in *Praxi Iuris German.* tum in *Codice Iuris Allemannici Feudal.* vbi etiam

iam in *præfat. ad ius Allemannicum* §. 14. exhibet alphabetum ad veteres leges Allemannicas legendas aptissimum.

§. XIV. Priori casu, vbi lectionis varietas ingenia Dd. torquet, sensus tamen, quamquam dissonans, haberi potest, latam segetem harum legum producere possemus, ni ab aliis id iam præstitum foret, ab illis scil. qui *cap. 1.* iam sunt notati et plenissime ab ANTON. FABRO in *Coniect.* et passim a Cuiacio plures difficultates excussæ, vbi tamen deprehendi, plurium legum lectiones variantes summo studio esse excussas, de quibus tamen merito primum inquirendum erat: num vnquam essent receptæ. Quamdiu enim de receptione dubitamus, frustra de veriori lectione sollicitus est Ictus, quippe cui non tantum interpretatio sed inprimis quoque applicatio cordi esse debet. Solent autem hisce in casibus sequentia suppeditari subsidia. Constat veteres nullas habuisse interpunctiones aut apparentes verborum distinctiones, vsque ad Carolum M. qui procurante Alcuino punctorum distinctiones restituit, de quo vberius consulatur MABILLON. *de re diplom. lib. 1. c. 11. §. 15.* hinc et Florentina Editio absque interpunctionibus scripta est. ANGEL. POLITIANVS in *suis Miscell. cap. 41.* Riccius *cit. tract. §. 40.* Quando ergo textus difficultate quadam laborat, signa a describentibus adiecta expungi et transponi possunt, vt sanus inde constituatur sensus. Imo nonnunquam vnitas rescindere licet v. c. pro *etsi* legi potest *et, si.* Sic memini in *Fabri coniecturis* me legisse, vbi pro *Vsumfructum* legit apte *usum, fructum*, sensumque satis concinnum inde deducit. Sic CUIAC. *l. 2. §. 23. et 24. ff. de VI. bonor. rapt.* mire sed non inepte interpungit, dum illos duos combinat §§. et post verbum *habeo* comma substituit, loco

Tom. IV.

Bbb

com-

commatis autem post verbum *accepi*, punctum. Ita porro Idem *l. Obs. cap. 14. l. 5. ff. quod fals. tut. aut Gest.* ita interpungit: *Interdum, tamen etsi* etc. Eod. loc. aliter quoque interpungit *l. communi 24. ff. de bon. libert. et l. si finita. §. si publicus ff. de damn. inf. it. l. 59. §. ff. mandat.* quam interpunctionem etiam recepit Gothofr. in sua Edit. licet Cuiac existimet, in omnibus libris impressis aliter legi.

§. XV. Sicuti vero emendationes textuum nimia probanda haud sunt, praesertim, vbi diuersum arguunt sensum, cum eo ipso lex ipsa subuertatur, ita etiam vbi commode et absque peruersione sensus emendatio leuis fieri potest, illa non negligenda. Exemplum suppeditatur ex *l. 16. ff. de re iudic.* vbi vulgata legit: *socium autem omnium bonorum accipiendum est.* Ast quis crederet, verba haec elegantiae Romani styli conuenire, nisi velimus hic manum Tribonianeam agnoscere vid. *l. 53. pro soc.* vnde elegantius Haloandrina sine dubio legit: *Socius autem omnium bonorum accipiendus est.* Simile exemplum est in *l. Imperatores. 7. pr. ff. de publican.* vbi CUIAC. *l. obs. 5. pro exemplo* concinne legit *ex empto*, quod et ipsa rei euidentia ostendit. Imo miratus sum, quod GOTHOFR. in sua editione in *l. 3. §. 5. ff. de acquir. vel amitt. poss.* retinuerit lectionem absurdam, videl. *Contra naturam COEPPE est*, cum tamen ita vulgata legat: *contra naturam QUIPPE est*, quae demum sensum admittit, secus ac prior.

§. XVI. Inprimis vero puto respiciendum esse ad ipsam rationem illius legis, quae si haberi ex ipso textu corrupto vel ex principiis iuris vniuersalis suppleri potest, accommodari ei verba, et iusta interpretandi ratione emendari possunt.

Imo



Imo tunc sufficit constare de ratione, quæ anima legis est. De verbis interim eorumque sinceritate non temere anxium esse oportet. Imo non raro quoque argumentum pro elicienda veriori lectione desumere solent a Rubrica, cum illa pro meliori habeatur, quæ magis conueniat Rubricæ, modo rubricæ sint authenticæ. vid. RICCIUS *cit. tr. §. 31.* Vbique multum facit naturalis prudentia et singularis diiudicandi facultas. vid. THOMAS. *Jurisp. div. lib. 2. c. 12. §. 30.*

§. XVII. Cum vero constet, veteres Ictos per notas seu sigla plura conscripsisse et Tribonianum eiusque affectas plurimis in locis in iis enodandis hallucinatos fuisse, ceu iam *cap. 1. §. II.* hac de re mentionem fecimus: aliquando enim notas male reddidit, aliamque illis quam præ se ferunt sententiam attribuit, aliquando notas pro non-notis, nonnunquam etiam non-notas pro notis accepit: SALMOVTH *ad Guid. Panceroll. memorabil. lib. 2. tit. 14. p. m. 264.* quæstio oritur, an in praxi recurrendum ad veriore lectionem, an vero ad eam, quam Tribonianus quamvis ex errore, nobis obtrusit? Videamus prius de exemplis. Miram in iis eruendis adhibuit diligentiam CUIAC. Vnde et quædam ex illo huc afferamus. Sic in *Lib. 9. Obs. cap. 17. n. 15.* refert exemplum: vbi notas: E. H. Q. I. I. A. P. P. D. ita Tribonianus expressit. *Exceptis his quæ in iure alieno personis positæ deferuntur.* quæ verba reperiuntur in *l. Tutelas 7. ff. de cap. minut.* cum tamen in hunc modum debuissent exprimi: *Exceptis his, quæ in iure agnationis proximis potissimum deferuntur.* conf. RICCIUS *cit. tract. §. 17.* Vtcrius in *l. 8. ff. de V. Obl.* alium errorem *l. Obs. 22.* obseruat, et putat ibi notas pro non notis accepisse et verba illa: AD conditionem scripta fuisse ita A. D. *conditio*  
Bbb 2
quæ



quæ porro ita explicat: *Et licet ante Diem conditio committi videatur*. Reprehensus tamen eo ipso a Mercatore est *in not.* ad *Animaduers.* Cuiac. lib. 3. c. 28. cui tamen satis acerbe respondit Cuiac. Porro lib. 4. *Obs.* cap. 31. refert se indicasse alium errorem ad *tit. I. qui et ex quib. caus.* vbi ex his notis S. C. perperam utique legitur *Senatus Consultum*, cum tamen ita legi debuisset *sententiam constitutionis*. Eodem capite insignem detexit lapsum Triboniani, quem commisit in *l. cum is 8. ff. qui et a quib. manum.* vbi ex notis F. C. extruxit imprudenter satis *Fideicommissi causa* cum tamen omnino ita lectio formari debuisset: *Fraudandorum Creditorum causa*. Ad hanc enim causam pertinet Lex Ælia Sentia, ad quam *cit. l. 8.* prouocat, quod et suadent alii textus vid. *l. 16. §. 2. eod. l. 55. de hered. instit. l. 3. l. 10. ff. quæ in fraud. credit.* quod etiam textus Βασιλικῶν confirmat adductus a Gothofredo in notis ad *cit. l. 8.* Alium adhuc errorem obseruauit idem *9. obs. cap. 16.* Annotauit etiam quædam BERNH. WALTHER. in *suis Miscell. l. 2. c. 6.* vbi ex notis A. A. A. F. F. in *l. 2. §. 30. ff. de O. R. Tribun.* substituit *Æris Argenti Auri flatores*, cum tamen notum sit has notas ita ubique explicari: *Æris Argenti Auri Flandi Feriendi*. Similiter error ex notis commissus est in *Nov. 131. c. 15.* vbi ex notis S. M. male et nimis imperite latina versio substituit. *Sanctæ Mariæ Sanso*, cum tamen legendum sit Sacræ memoriæ Sanso, ceu vel ex *Nov. 59.* constat, quod obseruauit NICOL. ALBM. in *not. ad Procop. Anecd. p. 9.* et ex eo IO. MABILLON. *de re diplom. lib. 3. c. 6. §. 7.* Ex his fundamentis quoque emendat NOODT in *Probab. Iur. lib. 2. c. 5. §. 2. l. pen. ff. de condict. caus. dat. caus. non secut.* vbi loco *Præfecto Vigilum* legit *Præfecto Vrbi*, quod veteres id ipsum exprimere solebant per P. V. De hisce et similibus erroribus Tribu-

bonianeis idem iudicium ferendum esse existimo, quod alias de Emblematis eius iudicare solent. Scilicet cum omnia Imperator sua fecerit, volunt non tam respiciendum esse, an Ictis Tribonianus aliquid detraxerit vel addiderit: cum potius valeant leges propter Iustinianum, non propter autores. Sed sicuti hoc non negandum est, Tribonianum non peccasse, potestatem hanc sibi arrogando; ita alia quaestio est: an prudenter hoc fecerit, dum eo ipso omnes bonae interpretationis regulas obstruxit, et necessario inde Antinomiarum cumulum auxit, miseramque et ieiunam Harmoniam et coherentiam induxit vid. THOMAS. in *Neu. Iurispr. praefat. §. 6.* Si ergo Imperator sua omnia fecit; etiam errores illos Tribonianos suos utrobique fecisse videtur, ut ita tales criticorum labores magis Theoriae quam praxi et Foro consulant. Semper tamen hic supponenda, quae paulo ante subsidia dedimus.

§. XVIII. Optimi ergo et prudentis Principis est, leges ita scribere, ut ab omnibus et legi et intelligi possint. Vtrumque requiritur, cum lex demum obliget, postquam in notitiam subditorum peruenerit, quod etiam mediante lectione fieri potest, ubi scilicet publice affiguntur. Culpatur Caligula Caesar, qui de vectigalibus quibusdam, referente Suetonio, legem proposuit minutissimis literis et angustissimo loco uti ne cui describere liceret, multo minus legere. Alias legum vulgaris formula esse solet: unde de plano recte legi possit, quae etiam reperitur in l. ii. ff. de Instit. act. et testatur Cuiac. Lib. 7. Obs. c. 20. esse in Regis Francorum opulenta et incomparabili bibliotheca antiquae legis in æs incisæ fragmentum vetus, ex quo hæc verba re-

B b b 3

fert:

§. XX. Videor equidem in partes dissentientium abiisse in §. II. seq. vbi ipse ad obseruantiam fori prouocauit. Ego id quidem non deprehendo. Noui me argumentum ex communi opinione formasse *hypothetice*, sed nunquam me *simpliciter* assertionibus illis vulgaribus subscripsisse, simul noui. Loquatur pro me §. 12. vbi satis mentem meam declarauit. Ius Romanum utique nos obligat ex recepto, sed non ita ut obseruantia iudicialis huic interpretationem dare debeat. Decidat controuerfiam pro me Ictus in l. 39. ff. de LL. quod non ratione seu rationabili interpretatione Doctorum introductum, sed errore tam ratione intellectus quam ipsius lectionis deprauata *primum, deinde consuetudine*, seu continuata obseruantia iudiciali *obtentum est*, nullum ius facit, et in aliis similibus non obtinet, sed impune ab illa communi opinione et obseruantia recedi potest. THOMAS. cit. l. Ostendit sane ZIEGLERVS in §. II. citatus suo exemplo, communem sententiam non prohibere, quo minus sanior eligi et defendi possit, quamuis c. 4. §. 12. difficile esse putet a veterum Doctorum placitis in iudicando recedere. Rationem addit hanc: *Sic enim persuasum est in foro versantibus a Baldo in l. ult. C. de Edi&. D. Hadr. toll. n. 56. antiquos Doctores magna veneratione esse præstantiores modernis, pondere numero et mensura.* Sed sicuti huiusmodi Baldi persuasiones leues sunt et supponunt sine dubio hypothefin, peccare eum contra quartum præceptum, qui a veteribus Doctoribus dissentit, ita pace Domini Baldi liceat inuertere argumentum et dicere: *Sic hodie sanioribus plerisque persuasum est, hodiernos Doctores, vberioribus quippe subsidiis instructos, magna veneratione, non tamen seruili, esse præstantiores antiquis pondere numero et mensura, si non physice, saltem moraliter.*

§. XXI.

§. XXI. Tandem non incongrue hic quæri posset cum THOMAS. in denen Grundlehren P. I. c. 7. §. 20. Annon ICTus etiam legere et intelligere debeat linguam priscam Allemannicam et Latinam, et annon vitio ipsi verti possit, si asserat, se hæc nec legere multo minus intelligere posse. Mouit hanc quæstionem etiam GELL. N. Att. Lib. 16. c. 10. occasione vocis alicuius *Proletarii* et refert quæsitum fuisse ex ICTo, quid per hanc vocem intelligeretur? illum autem respondisse, *se iuris non rei Grammaticæ peritum esse, sed op-* poluit GELLIVS: *Eo maxime te dicere hæc oportet, quando ut prædicas, peritus iuris es, Nam Q. Ennius verbum hoc ex Duodecim tabulis vestris accepit etc.* Refert porro idem, Iulium Paulum forte fortuna prætereuntem accersitum fuisse, qui hoc ænigma egregie dissoluit, quod prior non poterat. Quid ergo dicemus? Illud scil. quod alio in loco, nimirum in *Nævis Iurisprudentiæ Anteiust. lib. 1. c. 3. Næv. 6.* Vir summus supra citatus asserit: *Ornamenta ICTi sunt ista, quibus si quis careat, pro sordido tamen haberi nequit. Quia vero ibi tantum quæstio erat formata de priscis LL. XII. tabb. verbis, hinc forsân maior ratio dubitandi erit, de priscâ lingua Teutonica, in qua tamen plures leges Allemannicæ sunt conscriptæ. Equidem Leguleii nostri faciles erunt in respondendo, quod videlicet Legibus Romanis vivamus, non Teutonicis, hinc notitia harum non adeo sit expetenda et necessaria. At ego non credulus illis. Iam dudum euictum est, ius Romanum in subsidium tantum esse receptum et ius Germanicum nunquam abrogatum. Prævaluit quidem antea opinio, quasi Lotharius quascunque leges alias antiquarit et solas Romanas, in scholis et foro deinceps observandas deduxerit. Ast postquam CONRING.*  
de

*de Orig. Iur. Germ. c. 21. seqq.* capitalem hunc errorem refutauit, hodie quidem a sanioribus hæ fabulæ iridentur. Prosecutus etiam est hoc argumentum concinne satis CONRADVS SINCERVS *in dissert. de Germ. an Leg. vet. ac Roman. Iur. in Rep. nostr. orig. p. 17. seqq.* Quia ergo plurimæ adhuc Consuetudines Germanicæ latent in illis libris prisca lingua scriptis, ICto vero omnino incumbit in consuetudines illas prisceas inquirere, nescio an officio suo satisfaciat, si ignorantiam suam in legendis eiusmodi legibus profiteatur. In Saxonia præsertim et aliis locis, vbi Geradæ et Hergewettæ vltius frequens, sæpius recurrendum erit ad prisca illa verba, quæ proinde cognita esse debent ICto. Alioquin recte de tali diceretur, quod CAIVS asserit in *l. 2. §. 43. ff. de O. I. Turpe est ICto ius ignorare in quo versatur.* Accedit, quod multa in iure publico adhuc valde obstrusa ex antiquitate Germanica lucem accipiant, sicuti et in iure feudali, vti egregie passim exemplis illustribus declarauit sæpe laudatus SCHILTER. In tantum ergo lectio antiqua ICto omnino necessaria videtur, in quantum facit ad Leges Germanorum intelligendas et applicandas, in hisce enim duobus ICti officium versatur.

## CAP. III.

DE

## TESTAMENTO NON LEGIBILI.

## ARGVMENTVM.

*Iurisprudencia integritati testamentorum studet. §. I. Testamentum integris scribendum literis et legibilibus. §. II.*

*Non omnes notæ sunt prohibitæ in Testamentis, sed tantum*

Tom. IV.

Ccc

tum

tum non legibiles. §. III. Quatenus testamentum militis valeat notis conscriptum §. IV. Subiicitur testamentum militis notis conscriptum §. V. An in testamento parentum inter liberos notas adhibere liceat §. VI. Limitationes Dd. hic examinantur §. VII. Num hæredis institutio per sigla facta sit valida? §. VIII. Quid si ita facta sit in testamento parentum inter liberos? §. IX. An subscriptiones testium possint fieri per sigla §. X. De testamento non legibili propter deletionem; §. XI. Fundamenta decisionum demonstrantur §. XII. Quid in dubio præsumatur, num deletio ante an post testamentum consummatum facta? §. XIII. Rasura facit testamentum non legibile §. XIV. Quid iuris, si testamentum non sit legibile ob literas male excaratas §. XV. adducuntur textus ex Ordin. Notar. §. XVI. Decisio subiungitur §. XVII. Quid si mures vel glires testamentum corruerint §. XVIII. Quid si vetustate corruptum sit §. XIX. An ex testamento non legibili possit decerni inmissio ex l. f. C. de Edict. D. Hadr. toll. §. XX.

## §. I.

**Q**uo maiorem obseruantiam erga Testamenta defunctorum requirit Iurisprudencia nostra, eo magis etiam integritati eorum studet, vt et intelligi l. 2. ff. de his quæ pro non scriptis hab. et simul legi possint l. 1. ff. de his quæ in Test. delent. Alterum si deficiat, exitum voluntas vltima optatum inuenire nequit, non quod hæc ad solennia pertineant, sed quod defectus in voluntate, quæ totum sustinet testamentum eiusque declaratione deficiat. Conqueritur de hac ob-



obscuritate scribendi Imperator in *Nou. 107. pref.* dicens, homines sæpe adeo obscuritati indulgere, vt diuinantibus magis quam interpretantibus hæc egeat.

§. II. Et cum *cap. 1. et 2.* iam deductum sit, notas veteres lectioni multum obfuisse, hinc quoad concinnandam scripturam illud quoque in iure nostro requiritur, vt *integris literis*, non *signis* aut *notis* conscribatur Testamentum *Nou. 107. c. 1. auth. quod sine. C. de Testam.* adeo vt nequidem ex tabulis notis conscriptis de iure Prætorio Bonorum possessio data fuerit *l. 6. §. ult. ff. de B. P.* Repetiit idem Maximil. I. in *ordin. von Unterricht der Notarien*, §. item die Notarien sollen 31. ibi: oder auch durch Zieffer: Zeichen oder Notas etc.

§. III. Cæterum cum ideo tantum notæ et signa sint prohibita, quod testamentum eo ipso legi non possit, evidens est, hoc tantum intelligi de non legibilibus et incognitis signis *arg. l. quoties 9. ff. de hered. instit.* quo et facit *cit. constit. Maximil. I.* dum prohibet notas adhiberi in Instrumentis sonderlich die nicht gemeiniglich allen bekant sind. Si ergo abbreviaturæ et notæ in testamento quædam occurrant, quæ sunt usitatæ et intelligibiles, tunc testamentum solenne in scriptis non vitiant, quia sufficit de mente testatoris ac sensu scripturæ constare. Conf. PANCIROLL. *Thes. var. lection. lib. 1. c. 30.* Nam et Prætor solummodo denegabat Bonorum possessionem ex testamento Notis inusitatis, non vero vulgaribus conscripto. GOTHOFR. in *Not. ad c. l. 6. §. ult. lit. Q.* Affert hac de re responsum CARPZOV. *p. 3. C. 3. D. 4.* quod operæ pretium esse duxi hic annexere: Ob nun



gleich etliche legata nicht gar von Worten zu Worten ausgesprochen, sondern im Testament mit Ziffern gesetzt sind. Da aber dennoch solche Worte und Ziffern deutlich und zu erkennen, und nicht etwa dermassen verzogen wären, daß sie uns kenntlich und daraus die Zahl nicht eigentlich abzunehmen, So wäre obangezogenes Testament seiner solennität halber und obangezogenem Fürwendens ungeachtet zu Recht kräftig und beständig. Putarem tamen inter Ziffras et abbreviaturas vulgatas omnino esse distinguendum: hæ cum sint legibiles, non vitiant testamentum. At in istis diuersa ratio ob rationem §. 6. inf. ad ductam. Ziffræ regulariter sunt legibiles, sed suspectæ tamen, et hinc merito fugiendæ. IVL. CLAR. §. Testamentum lib. 3. qu. 14. n. 3.

§. IV. Sicuti vero testamentum militis quomodocunque valere potest, et sola voluntate perficitur l. 35. de milit. Testam. hinc volunt testamentum eius notis conscriptum valere, id quod quidem euidentissime per l. Lucius Titius 40. pr. ff. de milit. testam. expeditum est. Imo et ex l. milites 15. C. eod. subinde indulgetur eis; vt non tantum notis pro literis vti possint, sed et vagina, clypeo, humo loco chartæ, sanguine pro atramento, ensie pro calamo vel penna. Sed tamen sicuti in cit. l. 46. subiungitur, legitimis probationibus ostendendum esse, militem Notario suo testamentum notis scribendum dictasse, vbi ANTON. FAB. l. 15. coniect. c. 19. interpolationem Tribonianeam agnoscit; ita etiam puto hoc intelligendum esse sub ea limitatione, modo notæ vel signa legi possint: alioquin enim effectum nec militis voluntas sortiri potest. VASQV. de Success. lib. 2. §. 15. n. 49. vt ita priuilegium quoad hunc articulum nullum adsit, ceu vul-

vulgo hactenus creditum est. Illud vero singulare est in illa l. 40. quod illud testamentum dicatur valere, quod tamen nequidem consummatum erat, vel vti loqui solemus, daß noch nicht ins Reine gebracht und vollenzogen, und also nur bloß concipiret war. Nam volebat Lucius Titius hoc suum testamentum postea literis integris perscribere, nisi mors consilium præuenisset. Ratio decidendi in eo ponitur, quod sufficiat constare de militis voluntate etiam ex prima in chartam coniectione. Certe in testamento non militari id secus esse nemo negabit. Quid et si hodie eiusmodi scriptura eius concept inueniatur, quæ a milite in conflictu ipso est exarata, sine dubio effectum habebit, modo recte legi possit, vbi tamen sæpissime hoc aliter sese habet, cum prima illa testamenti lineamenta der Auffsatz male plerumque scribatur.

§. V. Placet hic subiicere Testamentum alicuius militis *Sempronii Tucidani* notis conscriptum, quod refert ex libro quodam, quod inscribitur: *Epigrammata antiquæ urbis* WALTHER in *Miscellan. lib. 2. c. 12.* his verbis:

D. O. M. L. Mallio et Q. Torquato Cos. Sempronius Tucidanus iur. mil. quod ipse facio. L. L. abesto. ob pœnum Italia pulsum. Fund. baleares Senatui P. Q. R. D. D. Aurelius Tucidanus tacitam pecu. Si via lat. offic. meis re. monumentum suo sunt. ædificauerit habeto. Hermeti lib. aug. vind. M. ur. ex d. da. sunt Lyciæ agresli uxo. beneme. mundum mulieb. quæve E. ca. pa. do. L. Caius Tucidanus, quod pupillum cuius iussu meo cu. ge contra decretum ampliss. ord. d. ex Testa. dodrant. L. Celso Testamen. quod Esapho scripseram adi. Pamphilo vicario  
Ccc3 . pocu.

pocu. tit. instrum. rusti. quod Epiro parauer. liberue hered. da. sunt filijs si nepotes mihi non fuerint. Marcus Tucidanus ex dam. sunt cohib. heredi quæ lego. o. esto.

Subiunxit quidem cit. WALTHER. aliquam expositionem, quæ tamen nec sufficiens est, nec omnia explicat, hinc in plurimis ad testamenta non legibilia referri potest. Prodesset tamen multum, si antiquas legendi formulas hic in subsidium vocaremus, ex quibus forsitan lumen ei afferri posset. Sed hoc negotium quidem alijs relinquo.

§. VI. In specie vero circa testamentum inter liberos constituit Imperator in Nov. 107. c. 1. ne adhiberentur notæ, sed ut omnia integris exprimerentur dictionibus. Vnde mirari licet, contrarium tenuisse nonnullos, de quibus testatur VASQ. de success. lib. 2. §. 15. n. 48. cum tamen expresse dicatur in cit. Nou. 107. uncias non signis numerorum significandas sed per totas literas declarandas, ut undique clare et indubitatae consistant. Conf. CARPZ. p. 3. C. 4. def. 17. ubi responso hoc corroborat, ex quo sequentia excerpere placet: Ob er nun wohl hierzu ganz keine Zeugen gebraucht und adhibiret, da er aber dennoch seinen letzten Willen deutlich und mit ausdrücklichen Buchstaben geschrieben etc. Et cum hoc maxime in fauorem liberorum introductum sit, ne scilicet ullus locus dubitationi supersit, puto abstinendum esse in testamentis huiusmodi ab omnibus Zifris et notis maxime suspectis *auth. quod sine C. de Testam.* quæ in genere respicit signa, et literas integras requirit conf. STRVV. Ex. 32. th. 18. RITTERSHVS. ad Nou. Part. 6. c. 2. §. 5. seqq.  
HARP.

HARP. in not. ad Clar. §. Testamentum qu. 14. n. 11. Dissensus hac de re adhuc superest inter ICtos, vti patet ex RITERSH. cit. l. et MANZ. de Testam. Val. et Inual. lib. 4. quest. 1. §. 35. seqq. Tutius certe et consultius omnino est, vt summæ integræ et non per *Zifras aut signa* scribantur. Quam facile enim hic error committi et summæ aliquid addi vel detrahi potest; vnica enim *nulla o* ommissa vel addita summam magnam in paruum vel vice versa mutare potest RITERSH. c. 3. n. 8. Reliqua referuo ad §. 9.

§. VII. Addere hic solent Dd. plures limitationes v. c. Notas esse permissas in testamentis nuncupatiuis inscripturam redactis, item quod factum in carcere Tyranni, quasi in illa necessitate constituto subueniendum sit, si voluit per compendium suum scribere testamentum, cum per tempus et iustum timorem non liceret sibi longiorem facere scripturam it. in testamento condito *tempore pestis*, tempore belli et in genere vbicunque tam vrgens necessitas imminet, vt fas non sit, scripturam longiorem facere, it. ad pias causas. VASQVIVS cit. l. n. 49. seqq. Verum quid opus tot ambagibus? Scilicet talis est mos veterum, vt omnia corradant absque prauo examine, modo limitationes in campum deducere possint. Notæ abbreviaturæ et signa non ideo iniure prohibentur, quasi ad *formam testamenti* spectet, integras adhibere literas, alioquin enim ne quidem legibiles et intelligibiles admittendæ forent, sed vt omni dubitationi, quæ circa lectionem moueri posset, via præscinderetur. Vnde breuib. totam rem ita declarare licet. Aut illæ notæ seu abbreviaturæ nullo modo percipi, aut legi possunt et tunc testamentum non valet etiam in milite et aliis personis pri-  
vi-

vilegiatis, aut sunt consuetæ, legibiles et facile intelligibiles et tunc regulariter valet testamentum etiam in persona non priuilegiata. *vasq. c. l.* De Zifris forsân, vti iam dictum diuersa adest ratio. Faceßant ergo omnes limitationes, quas prolixitati assueti veteres hic conglomerare solent.

§. VIII. Vnde facile solui potest quæstio: quid iuris, si quis ita heredem scriberet: *C. M. Fabius heres esto?* An illa heredis institutio valida haberi possit. Aut enim certo constat de persona heredis, videl. quod vnus tantum Fabius sit qui Cneus Marcus vocetur, et tunc notæ illæ C. M. non vitiant heredis institutionem; Nam et si quis nomén heredis non dixerit, sed indubitabili signo eum demonstrauerit, quod pene nihil a nomine distat, valet institutio *l. quoties 9. §. 8. de hered. instit. l. ut scriptus. 12. ff. de B. P. sec. tab.* Nihil enim interesse dicitur in *l. certam 6. de reb. cred.* an res aliqua proprio nomine designetur, an alia nota, quæ nominis vice fungatur *conf. l. si nominatim 34. ff. de condit. et demonstr.* aut vero oritur dubium ex eo, quod duo sint Fabii, quorum alter Caius Marcellus Fabius alter Cneius Marcus Fabius vocetur, tunc institutio non valet, non ex eo fonte, quia notæ adhibitæ, sed quia his positis circumstantiis non sunt legibiles et incertæ. Quoties autem non apparet, quis heres institutus sit, institutio non valet *l. in tempus 62. §. 1. ff. de hered. instit.* nemo enim ex coniecturâ proprie scriptus heres videtur. *l. un. ff. si tabb. test. extab.* additur tamen in *cit. l. 62.* limitatio: *nisi ex aliis apertissimis probationibus fuerit reuelatum pro qua persona testator senserit,* tunc enim heredis institutio non amplius dici potest non legibilis. Addatur MA-

BILLON.

BILLON. *de re diplom. lib. 2. c. 1. §. 12.* vbi fatetur in antiquis scriptis etiam aliquando abbreviata fuisse nomina propria, prima duntaxat expressa litera, quæ male aliquando a librariis reddita magnam in rebus confusionem reddere soleant.

§. IX. Sed dubium subnasci posset circa testamenta parentum inter liberos, an huiusmodi institutio valida sit, quando nomina liberorum tantum literis initialibus, licet legibilibus et intelligibilibus, sint adornata v. c. si parens tantum filium et filiam habens scripserit: filium meum M. S. et filiam C. A. heredes scribo. Hic sane existimarem, expressionem nominum per integras literas esse de forma ipsius testamenti inter liberos, adeoque tale testamentum esse ipso iure nullum. Iniungitur enim id disertis verbis in *auth. quod sine C. de Testam.* vt liberorum nomina non signis sed literis integris declarentur. Licet ergo abbreviaturas et signa legibilia in aliis capitibus non substantialibus admittere possim vid. §. 6. tamen in heredis institutione id pro forma merito hic reputandum. Requiris rationem, iure meo a te postulo, vt prius explices rationem, cur in testamento parentum inter liberos specialiter et pro forma requiratur expressio temporis, non vero præcisè in reliquis. Imo si liberalius tecum agere velim, ratio in promptu est, et ex ipsa *Nov. 107. pref.* suppeditatur. Constituerat Constantinus in *l. inter omnes 26. C. famil. herc.* parentum inter liberos dispositiones, quocunque modo scriptæ inueniantur, quibuscunque verbis, vel *indiciis* (i. e. *notis* : notas enim græci *σημεία* appellant GOTHOFR. in *not. ad cit. l. lit. A.*) custodiendas esse. Ad hanc constitutionem vero prouocat Imper. in *pref. c. Nou.* dicitque legem a Constantino esse latam per *antiquæ coniecturæ*  
Tom. IV. Ddd sim-



*simplicitatem*, eam tamen emendatione indigere. Porro addit Theodosium idem parentibus et matribus et ascendentibus reliquis permisisse scil. in *l. 1. C. Theod. fam. berc. et l. 21. §. 1. C. de Testam.* Ex hac licentia autem ansam fuisse datam ad varia obsecratorum genera, ut magis in talibus testamentis diuinatione opus fuerit quam interpretatione. Hinc licentiam illam coarctauit et ita cit. *l. 26.* euidenter correxit. Quamvis vero cit. *Nov. 107.* tantum videatur loqui de non exprimendis vnciis per signa, tamen et ratio ipsius Nouellæ amplior est, et ipsa *authentica* inde desumpta dilerte etiam heredum designationem integris literis faciendam complectitur.

§. X. Quid vero dicemus de *subscriptionibus testatoris et testium*? Communis enim fere mos inualuit, ut non integrum nomen, in literis præsertim, conscribatur, sed per ductus literarum tantum v. c. C. V. R. Num ergo tales subscriptiones admitti possunt? an vero testamentum inde impugnari? Sane experientia docet, multos, qui in primo ætatis flore literas pingere non didicerint, postea nomen suum literis initialibus scribere didicisse. - At vero vix est ut hos pro subscribentibus habere possimus. Scribere enim non notas pingere significat sed per literarum consequentiam *Auth. quod sine C. de Testam.* Sensus sua quisque scribentium exprimere debet, quo legi possit, quod scribens indicare voluerit. Sine dubio hoc casu deceptionibus infinitis ansa daretur, nec machinationes astutæ in hac seculi peruersitate euitari possent, cum circa vnius atque alterius literarum imitationem illæ faciles sint. STRYK. *disp. de iure Αναλφάβητ. c. 4. n. 16.* ubi tamen hoc limitat, nisi subscriptio in duorum vel trium testium præsentia apposita probetur. Quoad testium subscriptiones



ptiones eadem ratio videtur, cum ex solis literarum ductibus saepe de nomine constare non possit, quis scilicet subscripserit. Et tamen in *l. 30 ff. qui testam. fac. poss.* discrete exigitur, vt proprio chirographo singuli testes annotent, quis et cuius testamentum signauerint. Quando ergo ex solo ductu literarum legi non possit, quis signauerit, ex hac certe lege videtur dicendum subscriptionem omnino esse vitiosam. Accedit, quod subscripsisse proprie dici non possit, cuius nomen nec legi nec intelligi potest. Verum cum postea in publicatione testes suas subscriptiones recognoscere teneantur, et sic ex alis testibus, qui nomina sua integra adscripserunt, cognosci possit, quinam ita subscripserint, adeoque et illi ad recognoscendum citari, vel si iam mortui sint, ab aliis testibus doceri, quod subscripserint, non arbitraretur ex hoc puncto testamentum impugnari posse, nisi forsitan alia iudicia, quae suspectam subscriptionem reddant, accedant.

§. XI. Inprimis vero testamentum non legibile reddi potest per *deletionem*. De hac sicuti et de cancellatione et inductione certum est, si in testamento a testatore *consulto* facta sit, testamentum vitari vel in totum vel pro parte, quatenus scilicet deletio facta vid. *l. 2. ff. de his quae in testam. delent.* Si vero deletio *inconsulto* facta, siquidem legi adhuc scriptura possit, aliud dicendum videtur, si non possit, tunc obtinet decisio PAVLI in *l. vn. ff. si tab. testam. exstab.* vbi ait: *Heredi cuius nomen inconsulto ita deletum sit, vt penitus legi non possit, dari bonorum possessio minime potest, quia ex coniectura non proprie scriptus videretur, nisi demum post prolata tabulas testamentum sit deletum.* Tunc enim iam de herede constat, licet amplius legi nomen eius non possit. Mani-

festius id exprimit Vlp. in l. 1. pr. ff. de his quæ in test. del. in-  
 quiens: quæ in testamento legi possunt, ea inconsulto deleta et  
 inducta nihilominus valent, consulto non valent. Quid vero di-  
 citur legi posse? Addit idem Ictus in cit. l. legi autem sic ac-  
 cipiendum, non intelligi, sed oculis perspicui, quæ sunt scripta.  
 Ceterum si extrinsecus intelliguntur, non videbuntur legi posse,  
 sufficit autem si legibilia sint; et paucis interiectis §. 1. quod igitur  
 incaute factum pro non facto est, si legi potuit. et §. 2. si le-  
 gi non possunt, quæ inconsulto deleta sunt, dicendum est non de-  
 beri. scil. in effectu: ipso iure enim valet: ius non deficit sed  
 probatio l. duo sunt Titii 30. ff. de Testam. tut. Sed quo ten-  
 dit addita limitatio? Sed hoc ita demum si ante consummatio-  
 nem testamenti factum sit. Scilicet respiciendum esse monet  
 Ictus, an deletio facta, antequam solennitates accesserint.  
**Eher das Testament vor den 7. Zeugen vollzogen.** Nam si  
 postea a tertio fraudulenter aliquid inductum est, et proba-  
 tiones supersint, quibus doceri possit, quid ibi scriptum fue-  
 rit, res salua est. Nam hoc videtur Ictus exprimere voluisse  
 in §. 3. vbi inquit: Sed consulto quidem deleta exceptione pe-  
 tentes repelluntur: inconsulto vero, non repelluntur siue legi pos-  
 sunt siue non possunt. At si legi non possunt, nihil debetur?  
 Declarat suam sententiam Ictus in seqq. quoniam si totum te-  
 stamentum non extat, constat valere omnia, quæ in eo scripta  
 sunt; et paulo post: Si alius inuito testatore conciderit testa-  
 mentum, non denegabuntur actiones, si scil. aliunde de conten-  
 tis ipsius testamenti eiusque validitate constet. Quo tamen ca-  
 su non sufficit probasse contenta testamenti, sed etiam inte-  
 gritas eius vel solennia probanda sunt.

§. XII. Fundamentum harum decisionum petendum ex *l. si vnus 12. C. de Testam.* vbi Impp. eleganter aiunt: *De his, quæ interleta siue superscripta dicis, non ad iuris solennitatem sed ad fidei pertinent questionem, vt appareat, vtrum testatoris voluntate emendationem meruerint, vel ab altero inconsulto deleta sint, an ab aliquo falso hæc fuerint commissa.* Vnde ergo hoc apparebit? Hoc certum est ex *l. 3. inf. ff. de his quæ in testam. del.* quod fauore libertatis in dubio inconsulto deletio præsumatur facta. Ergo cum hoc specialiter introductum, apparet, in dubio regulariter consulto deletionem factam fuisse. FRANC. MANTIC. *de coniect. ult. volunt. L. 12. tit. n. 29. 32.* Adeoque qui contrarium dicit, probare debet, id quod deletum est, incaute vel casu factum esse. RICHTER. *ad l. 12. de Testament. n. 20.* nisi circumstantiæ aliud suadeant, cœu patet ex *l. f. ff. de his quæ in testam. del.*

§. XIII. Cum vero multum intersit, vtrum deletio ante an post testamentum consummatum facta fuerit, vti ex §. II. constat, quæritur, quid hic in dubio præsumatur? Ex circumstantiis hoc diiudicandum erit. Si enim testamentum fuerit clausum et sigilla adhuc integra appareant, ita vt resignatio præsumi non possit, ante eius consummationem facta deletio præsumitur NICOL. DE PASSERIB. *de priuata scriptura l. 1. qu. princ. 6. dubit. 2. n. 19.* Aliud forsitan dicendum, si non fuerit clausum, cum plerumque testatores non soleant admittere deletiones vel rasuras ob disputationes, quæ inde oriri solent V. BARTHOL. BERTAZZOL. *lib. 3. cons. 411.* Optimum sane consilium est, vt ipse testator deletiones faciendo adiiciat clausulam: *litteras, inductiones, deletiones,*

*superinductiones ipse feci, quæ tamen et ipsa non referuntur ad ea, quæ inconlulto contigere l. 1. §. 1. ff. de his quæ in rest. del.*

§. XIV. Impedit quoque lectionem *rasura*: quæ tunc inprimis suspectum testamentum facit, quoties facta circa substantialia contenta eius, veluti in Legatis, in nominibus heredum c. 5. et §. X. de crimin. fals. sed de hac commodior agendi locus in cap. seq. ubi dicenda huc etiam applicari poterunt, sicuti et quæ de *interlineari scriptura* aliisque ibi occurrent.

§. XV. Pergo iam ad illos casus, ubi testamentum non est legibile ob literas vel male exaratas vel ita obsoletas, ut amplius vix legi possint. Antiquarum scripturarum specimina plurima occurrere in MABILLONII *re diplomatica* superius iam dictum. Reperi etiam aliquod documentum, quod fragmentum Testamenti C. Iulii Cæsaris exhibere fertur, quamvis MABILLON. lib. 5. tab. 1. p. 344. ubi illud exhibet, putet, inscriptionem a nebulone quodam maleferiato esse factam et scripturam ipsam aliunde pertinere. Quicquid sit, si ipsa scriptura inspiciatur, apparent inibi eiusmodi ductus obsoleti et vix legibiles, quos tamen quodammodo his expressit verbis Mabillonius: Inscriptio erat: *C. Iulii Cæs. Testamentum L. Pisone socero recitatum in domo idibus septembris. Ipsum autem fragmentum sequens est: Tunc non solum ut periurii reatus incurram secundum leges, verum etiam daturum me promitto, heredesque meos tibi iste Germanæ heredibusque tuis pœnæ --- ante litis ingressum auri solidos triginta et sex suppositis omnibus rebus meis ypoticæ titulo, quas habeo*

*habeo abiturus sum manente. et dictum in qua pro ignorantia feci ex auctoritateque roborata. Actum Rau. Id. et P. X. isti ind. ista duodecima. Imo refert cit. MABILLON. lib. 1. c. 11. §. 9. p. 49. Monachum quendam Anonimum, qui chronicon sancti Michaelis agri Viridunensis scripsit seculo XI. Wlfoaldi Comitis, qui sub postremis Merouingicis Regibus vixit, testamenta ita iam vetustate confecta fuisse, vt vix nisi rescriptorum adminiculo legi potuerint.*

§. XVI. Ad male exaratas literas testamenti referri possunt duo textus *ex Ordin. Not. Maxim. I. §. item es gehöret vbi Imperator ita disponit: Es gehöret zu einem jeden Testament, das der oder die, so ein Testament machen mit verständlichen Worten reden, oder aber schreiben können 2c. et §. Die Notarien sollen 48. Die Notarien sollen sich auch hüten vor allen denen so weder verständlich reden noch schreiben können 2c. quo et referri posset §. item die Notarien 31. vbi notariis iniungitur, vt instrumenta scribant mit ganzen gemeinen NB. leslichen und erkanten Buchstaben.*

§. XVII. Facile autem apparet, quid de huiusmodi testamentis non legilibus statuendum. Idem scil. quod de deletionem dictum, si scil. in principali parte totius testamenti de lectione dubitetur, veluti quod de heredis persona inde non constet, vbi vtitur verbis PAUL. in *l. vn. ff. si tab. testam. exst.* Heres ex coniectura non proprie scriptus videtur. Cæterum sicuti deletio, quæ lectionem impedit, aliquando tantum pro parte vitiat testamentum, quatenus scil.

scil. illud non legibile facit, ita et scriptura vitio tali iam indigitato laborans. Perinde enim esse iudico, siue quid ita sit deletum, vt legi non possit, siue ita male exaratum, vt lectio desperetur, siue denique obsoletus scribendi modus lectioni obsit.

§. XVIII. Sed et *mures* vel *glires* chartis insidiantur et saepe illas non legibiles reddunt. Prouida sane hac in re fuit glossa in §. 13. *I. de Test.* vbi docet, quam necessarium aliquando sit, vnum testamentum pluribus exemplis describi, cum ab ipsis muribus periculum sit metuendum. Conf. MANZ. de *Test. Val. et inval. tit. 4. qu. 1. §. 27.* Annotauit etiam hunc casum VLP. in *l. 1. §. ult. de B. P. sec. tabb.* vbi ait: *si rosæ sunt a muribus tabulæ vel linum aliter ruptum, vel vetustate putrefactum, vel situ vel casu et sic videntur tabulæ signatæ.* Quid dicemus ergo de lectione, si ei arrosio murum vel alius casus infelicitas noceat? Certe si parte seu loco non substantiali arrosio talis facta, nihil testamento nocebit: si vero in parte essentiali, scilicet loco tali, vbi disponit de bonis suis, nec aliunde sciri possit, quænam fuerit defuncti voluntas, intercidit, nec effectum sortiri potest; quod in primis tunc locum habet, si testamentum plane a muribus deuoratum sit. Quæ enim ex postfacto testamento accidunt per casum fortuitum, illa ei obsunt, quatenus voluntatis scientia deficit vid. *l. 30. C. de Testam.* Certe si mortis tempore tabulæ saluæ et integræ fuerint, licet postea interierint vel casu fortuito corrumpantur, vt legi non possint, casus non oberit ipsis heredibus, quin etiam competit bonorum possessio *l. vn. ff. si tabul. test. exstab. l. 1. §. 2. et 3. ff. de B. P. sec. tabul.* modo legitime probari aliunde possint testamenti contenta.

§. XIX.



§. XIX. Cum itaque tempus edax rerum, tum et alii casus testamenta non raro corrumpere soleant, vt scriptura tandem lacerata et non legibilis euadat, omnino consultum est, vt ex originali vetustate fere consumto alia exemplaria legitimo modo (quem cap. seq. V. D. §. 6. declarabimus) literis legibilibus transumantur, quæ vulgo *vidimus* appellantur, vt posteritati recte de hoc constare possit, cum testamenta plurima dentur per plura secula effectum suum extendentia. Refert huiusmodi exemplum MABILLON. sæpe laud. opere *de re diplom. l. 1. cap. 7. §. 2.* de testamento Abbonis Patricii, quod iam ex parte valde dirutum et laceratum erat, oblato Carolo M. ad recognoscendum, quod etiam subinde Diplomate nouo confirmauit, quod *cit. l.* refert.

§. XX. Tandem iam facile potest ex hactenus dictis decidi quaestio: *an ex testamento non legibili possit immissio decerni ex l. f. C. de Edict. D. Hadr. tollend.* In hoc vnico enim tota decisio se fundat, num lectio testamenti desperata vitium visibile contineat? Equidem principaliter vitia visibilia reduci solent ad defectus solemnitatum, qui statim vnicuius in sensus incurrunt. Sed vero cum in *l. 3. C. de Edict. D. Hadrian. toll.* simul ad vitia alia ex cancellatione aut abolitione respiciatur, et vero vitium, scil. quod testamentum non sit legibile, huc quoque pertineat, catenus scilicet, quatenus vitium hoc totum testamentum euertit, ceu §. 17. dictum, non videtur immissio ex tali testamento decerni posse, praesertim cum et hoc vitium sit visibile. Sicuti enim rasura vel cancellatio ad impediendam istam immissionem debet esse facta circa heredis institutionem vel testium subscriptionem, vel alia verba, quibus de substan-



tia et vi testamenti agitur: RICHTER *add. l. f. n. 174. seqq.* ita idem applicandum ad præsens vitium. Potest hoc iam illustrari exemplis §. II. datis. Nam si deletio facta, ita ut non amplius heredis nomen legi possit, frustra inmissio petitur. Quid vero si adhuc legi possit, dubitetur autem, an consulto deletio, an vero inconsulto facta, an ille interim heres, qui deletus est, possit petere inmissionem, reiecta quaestione, an scilicet deletio sit facta consulto an inconsulto testatore, ad processum ordinarium? Quod non puto asserendum, cum et deletio sufficiat, quæ per se vitium visibile inuoluit. Nam et in cancellato testamento idem dici posset, cum tamen expresse in *cit. l. f.* requiratur testamentum non cancellatum, nec abolitum.

## CAPVT IIII.

## DE

INSTRUMENTIS ET ALIIS SCRIPTVRIS  
NON LEGIBILIBVS.

## A R G V M E N T V M.

*Notarii debent instrumenta scribere literis legibilibus §. I. Illustratur et explicatur hoc ulterius §. II. An excusentur eruditi, quod male scribant, ubi etiam exemplum de Medico §. III. Notarii in charta pura non rasa aut lacera scribere debent §. IV. Protocolum quoque Notarii ita debent conficere, ne impedimentum lectioni creetur §. V. De exemplificandis instrumentis vetustate corruptis §. VI. Quid operetur instrumentum vetustate*

state ita corruptum, vt legi non possit §. VII.  
 Quid si a muribus corruptum sit §. VIII. Quid si ra-  
 sura lectioni impedimento sit §. IX. Conclusio §. X.

## §. I.

**Q**uo maiorem publica instrumenta vim et efficaciam a iu-  
 re acceperunt; eo magis quoque integritas eorum tam  
 quoad solennia, quam quoad scripturam conseruanda. Vbi  
 enim in illa aliquis deprehenditur defectus, facile est, vt  
 interuerti et efficacia eis denegari possit. Vtrumque præca-  
 vere voluit MAXIMILIANVS I. in *Ordinat. Notar. de Anno*  
*1512.* præscribendo Regulas certas tam in solennibus Instru-  
 menti, quam in scriptura ipsa obseruandas. De his quidem  
 tantum in præsentiarum erimus solliciti. Ita autem ille in  
 §. 37. Item die Notarien sollen sich auch hüten, denn ihnen wird  
 mit dieser Ordnung verboten, ihr Instrumenten mit so viel  
 gekürbeten, dunckeln und zweiffelhaften Worten, die  
 dann ein Instrument zu Unnuß machen, oder auch durch Zief-  
 fer-Zeichen oder notas, sonderlich die nicht gemeiniglich  
 allen bekant sind, dieweil dieselben gar leichtlich geändert  
 und gefälschet werden mögen, sondern mit ganzen gemei-  
 nen leslichen und erkanten Buchstaben in Pergamen und  
 nicht Papier in Lateinischer oder Teutscher Sprache schrei-  
 ben.

§. II. Tria maxime in hoc textu quoad integritatem  
 scripturæ eiusque lectionis deprehendo obseruanda (1) Ne  
 adhibeantur verba obscura dubia et concisa vel potius ab-  
 breuiaturæ. Supra iam declaravi, quâ ratione etiam verba

*obsoleta et dubia* ut et *obscura* scripturam non legibilem facere possint, quod itidem Instrumentis applicari potest. Præprimis quæ de Zifris *cap. antec.* dicta sunt, huc quoque repetenda, unde fere in morem abiit, ut summa debita primo numeris deinde integris literis scribatur. STRYK. *de Caut. Contr. S. 1. c. 6. §. 7.* Inprimis vero in literis cambialibus hic fraudes admitti posse, facile cuilibet patet, et memini, a quodam in praxi celebratissimo Icto relatum esse, hodie propter tales Zifras in literis cambialibus positas et suspectas ingentes controuersias agitari. (2) Iniungitur Notariis ut legibilibus in scribendo utantur literis. Ex eo fit, quod tam multa vetusta diplomata hodie sint minus legibilia, unde et in iis transcribendis tam sapissime peccari fatetur ipse MABILLON *de re diplomat. l. 2. c. 1. §. 9. p. 57.* imo se ipsum sæpe peccasse simul addit, cum tamen singulari peritia in legendis illis scriptis erat præditus. Meretur locus *citat.* ut integer legatur, quia et alia singularia ibi occurrunt, quæ hic quidem tangere nequeo. Sed redeo ad Notarios, quibus hoc intuitu non applicari debet vulgatum: *docti male scribunt.* Nam et inter Notarios quidem eruditos plurimos reperiri non negandum; ast dum simul Notarii sunt, debent quoque Notariorum qualitates adimplere. Idem quoque Aduocati obseruare debent in libellis iudicialibusque productis exhibendis, ut de plano legi possint. HIL-TROP. *in process. iud. p. 1. tit. 26. n. 11.* ZAVNSCHLIFFER. *in tr. de Offic. iud. supplet. p. 2. concl. 17. §. 1.* Ordin. Cancell. Hannover. de Anno 1663. *tit. 3. vers. und die Schrift gleichlautend.* Ut et die verneuerte Reichs-Hof-Raths-Ordnung Ferdin. III. *de Anno 1654. lit. 3. §.* Welches vornemlich, verli. daß sie ihre producta deutlich und leserlich geschrieben eingeben

ben R. I. de Anno 1654. §. 34. vers. jedoch deutlich und distincte, adeo vt plerumque talia scripta male exarata soleant reijci. vid. IO. SAM. STRYK. *disp. de reiect. ab. act. c. 3. n. 89.*

§. III. Num ergo alii eruditiores hoc ipso accusantur? Cum enim communis eruditorum natus sit, male scribere, fere ad culpam non videtur referendum. Pertinet huc casus quem tangit THOMAS. in *disp. de iure circ. somn. et somnia c. 5. §. 4.* de Medico qui malis et non legibilibus literis in *Recepto*, vt vocant, præscripserat ægrotanti *Apium*; Pharmacopæus vero pro *Apio* legerat *Opium*, quod ipsum ægrotanti mortem attulit. Medicus excusandus videbatur ex communi illo defectu. Pharmacopæus vero, forsitan ex eo, quod ipsi imputari non possit, quod literam male exaratam ipse dignoscere non potuerit, hinc casus hic magis pro fatali quam culposo videtur habendus. Cæterum si satis distincte legi potuisset, ex negligentia autem opium pro apio fuisset datum, alia decisio fuisset formanda.

§. IV. Vltimo denique iniungitur Notariis, vt Pergamentum tantum adhibeant non chartam, quo scil. instrumenta eo diuturniorem possint præbere probationem. Instrumenta enim chartacea quam multis sint obnoxia casibus, iam deductum est *cap. 1.* In praxi tamen hoc non esse præcisæ necessitatis testantur ipsi Camerales vid. GAIL. 1. *Obs. 119. num. 3.* MYNSING. *Cent. 1. Obs. 88. in addit.* GYLMAN. *lib. 2. rer. iudic. Cam. Imp. p. 470.* modo alias sit charta pura et integra, non maculata rasa aut lacera, quod in specie Notariorum iuramento inferi solet, daß sie nicht auff Zettul, abgeschabt

oder zerrissen Papier Contractus verzeichnen wollen STRYK. *de Caut. Contr. S. 1. c. 6. §. 2.* ne aliquid sit, quod lectionem eius impediat.

§. V. Cæterum cum Protocollum Notarii, tanquam matrix ipsius Instrumenti, der erste Entwurf, magnam quoque fidem mereatur, et saepius ad illud recurrentum sit, adeo, ut si diuersitas aliqua inter Protocollum et instrumentum reperiatur, plus credatur Protocollo tanquam Originali quam instrumento tanquam transumpto STRYK. *de iure protocol. c. 4. n. 22.* ALEK. *Vol. 2. conf. 105.* NICOL. EVERH. *de fid. Instrum. c. 3. n. 35.* hinc MAXIMIL. I. *cit. ordin. de integritate eorum sollicitus fuit in §. 23.* hisce verbis: Und in gemein zu reden so sollen die Notarien höchsten Fleiß anfehren, daß sie in Einsetzung und Aufschreibung ihrer Protollen und Abbreviaturen nicht eilen oder geschwind handeln, sondern mit gutem Fleiß und Aufmerksamkeit alle und jede clausula protocoliren. Imo quia in extensione protocolli facilius fraudes occurrunt, hinc in §. 19. disponit, ut ipsi per se hoc faciant, non per alios, licet contrahentes id vel maxime desiderent, simulque promittant, quod illi, qui protocollum fecit, rursus ad reuidentum instrumentum extensum offerre velint, quo iudicare possit, an omnia sint secundum protocollum in Instrumentum coniecta. Additur in §. 20. hac ratio: Wie dann leichtlich zu Zeiten mit einem Worte, und Sylben ja zu Zeiten mit Buchstaben geschehen mag, und so unachtbarlich und flügllich, daß der Notarius noch die andern mit contrahenten solches kaum und nicht ganz merken mögen, ex quibus patet, quam periculosum sit, si protocollum per alios extendatur. Quid tamen, si Notarius, qui protocol-

collum

collum fecit, non amplius sit in viuis? Tunc quidem extensio eius per alium fieri potest, sed iuxta §. 29. *cit. ordin.* non aliter quam publica autoritate durch richterliche Gewalt, quod idem quoque dispositum reperimus in *c. 15. X. de fid. instrum.* Ratio huius rei additur in *cit. §. 29.* dieweil solche extension und was unter dem Wörtlein und Zeichen *ic. oder andern gebrechhafften und bekirchten Worten*, vielleicht darinne stehend begriffen und verstanden werde, zu des Richters und nicht seiner (des Notarii) Achtung stehet. Ceterum quod in specie clausulam illam *Etceterationis*, vt loquuntur, et de qua in textu mentio fit, attinet, plenius de illa consuli potest STRYK. *de Etcetera vol. 3. disp. 5. c. 5. n. 11. seqq.*

§. VI. Quodsi per vetustatem instrumentum aliquod non legibile fieri incipiat, recurrere solent ad exemplificationem. Disponit de hac plenius *c. f. x. de fide instrum.* vbi in specie *vetustatis*, ob quam lectio deficere incipit, fit mentio GONZALEZ TELLEZ *ad cit. c. 2.* Vt vero hac exemplificatio effectum suum habeat, diserte requiritur in *cit. c. fin.* vt exemplanda instrumenta iudici presententur, vt ille cognoscere possit, *an in nulla sua parte vitata fuerint.* Si enim ipsum Originale vitio aliquo laborat, forsitan quod iam amplius per suam vetustatem non sit legibile, tunc ipsa exemplificatio erit nulla. FORSTERVS de exemplis *c. 3.* Imo et illud requirunt, vt notæ originalis, quod nonnullas cassaturas et interlineaturas habet, cum eodem exemplentur, vt saluæ vbique maneant exceptiones MULLER. *ad Struv. Ex. 27. 1b. 31.*

§. VII. Solent equidem non raro instrumento inferere hanc clausulam: Solte gegenwärtiges Instrument an Papier



pier Schrift und Siegel naß feucht löchericht oder sonst schadhafft und wandelbahr werden, soll solches dem Creditori ganz unschädlich seyn. Verum hæc cautela, iudice STRYK. in *Can. Cont. S. 1. c. 6. §. 5.* vix quicquam operabitur, si vel instrumentum ita corruptum ut legi amplius non possit, vel alia annullati instrumenti indicia adsint. Quamvis enim substantia crediti non quidem ex ipso instrumento dependeat, sed id solum vicem probationis obtineat: tamen cum ita deficiat plerumque probatio, etiam ius deficere necessum sit *l. 30. ff. de testam. tut.* Occurrit exemplum in *c. inter dilectos. 6. x. de fide instrum.* de instrumento quodam, quod ad probandum producebatur, habens tamen sigillum, cuius literæ non amplius erant legibiles, scripturæ deletæ vel aliter corruptæ. Hinc INNOCENTIVS III. tale instrumentum ad probandum non admittebat: nam, inquit, in ipso sigillo nullæ aliæ literæ apparebant nisi quæ nomen proprium cum hac adiectione: Dei gratia, designabant. Sed cum proprium nomen ipsius Episcopi fuerit Luitbardus, et in nomine proprio, quod exprimebat sigillum, deletæ fuerunt duæ literæ, secunda, quæ erat inter l et t et sexta quæ fuerat in R et V ita quod si secunda o et sexta fuisset i procul dubio non Luitbardus sed Lotharius legeretur; Quod etiam inde conuinci poterat, quod secundum dispositionem aliarum literarum inter l et t non erat spatium, nisi quod potuisset vnâ literam continere, cum secundum integritatem huius nominis Luitbardus inter l et t duæ literæ sunt diuersæ, præterea inter R et V tam modicum erat spatium, ut in eo nec hæc litera d quæ maius occupat spatium, sed hæc litera l quæ minimum occupat videretur formata esse.



§. VIII. Equidem *cap. antec. §. 18.* iam prælibauimus quædam de casu alio, quo testamentum a muribus vel gliribus corrosum est. Quid vero dicendum de instrumento quodam, quod hoc defectu laborat, an adhuc probandi vim obtinebit? Non vna responsione rem absolui posse facile patet. Distinguendum ergo, an instrumentum prorsus sit corrosum, an vero pro parte. Hoc casu si quidem tantum corrosio in *accidentali parte* chirographi vel instrumenti facta, fides sine dubio adhuc habenda, cum integritas ipsius Instrumenti per hanc non vitietur: Si vero in *essentialibus*, certe dubium redditur et suspectum, imo si plane amplius legi nequeat, frustra ad probandum producit, nisi ex præcedentibus, et consequentibus colligi possit instrumenti aut privilegii tenor, tunc enim lectio deficiens suppletur per coniecturas sufficientes *Conf. STRUV. Disp. de Muribus c. 4.* ubi plenius de hisce casibus differit. Illo vero casu, non valere instrumentum, per se patet, cum nullo modo ita sit legibile. Certe tamen ipsum creditum propterea non perit, si aliunde rei veritas haberi possit, veluti si adsint testes, ubi tamen requiritur, ut sint idonei literati et facile potuerint instrumentorum vitia cognoscere, quia declarare debent, non modo se vidisse ac legisse instrumentum, quod dicitur a muribus corrosum, sed scire, quid in eo contineatur, atque in nulla parte esse vitiosum *STUV. cit. l. §. 12.* Eadem scilicet hic obseruanda sunt, quæ alias in probatione, quando instrumentum est amissum, de quo casu plenius consuli potest *H A H N. ad Wesf. tit. de fid. instrum. n. 6. verb. quod sibi ipsi contrarium.*

§. IX. De *rasura* quidem et *interlineari scriptura* hic plura addere constitueram, quia et ex hoc defectu sæpe lectioni potest obstaculum creari. Verum cum illa, quæ hic quidem vberius disserere poteram, plenius iam sint et sufficienter excussa in speciali disp. STRYK. *de Rasura*, sufficit B. L. ad hanc solummodo ablegasse, ex qua, quæ huc afferri poterant, facile diiudicabit. Interim quoad instrumenta inprimis huc referri meretur *Ordin. Notar. Maximil. I. de Anno 1512. §. Die Notarien sollen auch, 30.* De lituris etiam plura habet sæpe laudatus Mabillonius *de Re diplom. lib. 2. c. 1. §. 10. et 12.* quæ omnia hic excutere, tempus iam quidem non patitur. Illustre exemplum huc optime quadrans præbet Historia belli Schmalckaldici, vbi postquam Augustanæ confessioni addicti principes fere apud Imperatorem Carolum V. reconciliationis iure redierant in pristinam gratiam, solus Landgravius Philippus supererat, qui adhuc non eadem fruebatur securitate et pace. Flectebatur tamen tandem Imperator, inprimis precibus Ducis Mauritiæ et Electoris Brandenburgici, ita vt illum certis sub conditionibus reciperet, vbi inprimis in pactis dicitur inserta Clausula *ohne eingingige Gefängniß*. Hac spe fretus Philippus Halam se conferebat supplex ad Imperatorem, sed nihilominus in captiuitatem detrudebatur et ita captivus Cæsarem sequi tenebatur. Referunt autem Clausulam illam *ohn eingingige Gefängniß* per subtilem rasuram ab Imperatoris ministro mutata fuisse in hæc verba: *Ohn ewige Gefängniß*: Inde versus:

*Captus erat Princeps non Marte, sed arte  
Philippus*

Quæ si vera sunt, vti vulgo ita referuntur (vid. HORTLEDER. *lib. 3. c. 84.* aliique citati apud DN. ARNOLDI in *der Kirchen- und*

und Reher: Historie p. 2. lib. 16. c. 4. §. 24.) argumentum præbent, quam facile brevis et levis rasura lectionem immutare deprauare et dubiam reddere possit.

§. X. Superesset, vt adhuc quædam adderem de illis suspectis scripturis, ex quibus alteri creari præiudicium potest, et quatenus artes Steganographicæ indicium ad torturam sæpe præbere possint, vt et alia, quia hæc materia diffusissima est. Sed hæc secundis curis reseruare constitui, cum quidem iam hisce meditationibus vltcrius inhærere ob alia negotia impediar. Deo interim sint grates immortales.

---

EXERCITATIO LXIX.

AD LIB. XXIII. PAND. TIT. I.

DE  
DIVERSO SPONSALIVM ET  
MATRIMONII IVRE.

PROLEGOMENA

DE  
PRAEIVDICIIS QVIBVSDAM CIRCA  
MATRIMONII ET SPONSALIVM  
CONVENIENTIAM.

ARGVMENTVM.

§. I. Error quorundam sponsalia et matrimonium eodem  
censu habentium. Eius causa 1. ex male intellecta re-  
gula

gula: consensum facere nuptias. §. II. III. Discrimina consensus sponsaliti et matrimonialis. §. IV. Causa II. ex promiscua desponsatorum et coniugum appellatione in iure diuino et civili. §. V. Quo sensu id fiat? §. VI. Causa III. ex dogmate de sponsalibus de presenti. §. VII. Indoles sponsalium de futuro, §. VIII. et sponsalium de presenti §. IX. De his Protestantium sententia. X. Argumenti ratio.

## §. I.

Error quorundam sponsalia et matrimonium confundentium

Fundamentum erroris primum quod nuptias consensus faciat.

Non adeo mirandum est, non tantum olim repertos, qui nullam in effectu inter sponsalia et nuptias differentiam statuerunt, sed adhuc hodie etiam hanc sententiam a celeberrimis quibusdam viris defendi, cum grauissimis omnino dubiis scopulisque tota hæc doctrina referta sit. Agite, aperiamus huius sententiæ fontes riuulosque, camque paulo plenius examinemus. Primum eius fundamentum tanquam palmarium deprehendo in l. 30. D. de R. I. quæ docet consensum facere nuptias, non contubitum, quod etiam confirmat l. 66. de donat. inter vir. et uxor. Inde collegerunt CARPZOV. Pr. crim. quæst. 56. n. 22. STRVV. exerc. 29. th. 20. HAHN. in not. ad Wesenbec. tit. D. de sponsal. n. 3. et magna pars protestantium Theologorum et Ictorum, ad nuptias contrahendas solum consensum quibuscunque verbis, quibus matrimonium quomodocunque promittitur, consistentem sufficere, modo verba pure sint concepta, nec promissio conditione aliqua vel tempore dilata sit, atque inde effectus iuris, qui de coniugibus concepti sunt, etiam ad eiusmodi desponsatos trahi debere.

## §. II.

§. II. Sed hoc exinde minime probari videtur. Re- <sup>Eius destru-</sup>  
ctio.  
 regula VLPIANVM agnoscit auctorem, et idcirco casus ab eo-  
 dem VLPIANO in l. 15. D. de condit. et demonstrat. adductus  
 repetendus. Legatum erat virgini sub conditione: si nupse-  
 rit; quærebatur, quando illa esset impleta? respondet,  
 conditionem illam, si nupserit, statim ac ducta est vxor,  
 impletam dici, quamvis non venerit in cubiculum mariti.  
 Pro ratione decidendi regulam subiicit: nuptias enim non con-  
 cubitus sed consensus facit. His verbis non consensum qualem-  
 cunque seu promissionem illam, quæ intercedit in sponsalibus,  
 quibus promittuntur futura nuptiæ iuxta l. 1. de sponsal. in-  
 telligit Ictus, sed cum ipsa ductione coniunctam seu matrimo-  
 nialem, quo maritus fidem conjugalem pollicetur, et consen-  
 tit nuptiis præsentibus, accipitque vxorem in domum tradu-  
 ctam, vid. RITTERSHVSIVS ad rubr. tit. I. de nupt. FRANC.  
 HOTTOMANN. lib. 4. obseru. c. 26. CYPRAEVS de sponsal. c. 5. §. 4.  
 n. 8. GODOFRED. in not. ad l. 15. D. de condit. et demonstrat.  
 EVIACIVS in prælect. ad h. l. 30. de R. I. quem demum concu-  
 bitus sequitur. Et licet deductio in domum ordinarium erat  
 consensus matrimonialis indicium, poterat tamen hic consen-  
 sus etiam aliter declarari, vt matrimonium esset ante solen-  
 nem ductionem, si in præsens coniugium consentirent, qualis est  
 sensus cit. l. 66. quæ consensum matrimonialem vtique supponit,  
 non tamen cum sponsalicio confundit. Accedit, quod VLPIA-  
 NO non infrequens sit, pro: non tantum, sed, etiam ponere  
 non sed, vt ex l. 32. §. 13. D. de donat. inter vir. et vxor. patet,  
 vbi secundum propositam facti speciem dicere debuisset, non  
 enim tantum coitus (seu corporalis cohabitatio coniugum)  
 sed etiam sola maritalis affectio sine coitu matrimonium durare  
 facit, et tamen ita pronunciat, non enim coitus matrimonium

Fff 3

facit;

*Differentia  
inter consen-  
sum matrimo-  
nialem et  
sponsalium.*

*facit; sed maritalis affectio; item ex l. 5. D. de seruit. urban. pred.* ubi Ictus dicit: *inuitum autem in seruitutibus accipere debemus, non eum, qui contradicit, sed eum, qui non consentit, h. e. non tantum qui contradicit, sed etiam qui non consentit.* conf. GOTHOFRED. *ad cit. l.* Denique licet nuptiæ et sponsalia conueniant in eo, quod consensu perficiantur, quorsum etiam collineat IULIANVS in *l. 11. D. de sponsal.* aiens: *SPONSALIA sicut NVPTIAE consensu contrahentium fiunt, et ideo sicut NVPTIIS ita SPONSALIBVS filium familias consentire oportet.* Inde tamen non vnum idemque negotium efficiendum est, alioquin ipsa emptio venditio, quæ eodem solo consensu perficitur, quoque matrimonium produceret. Imo quemadmodum in vniuersum consensus de *faciendo* seu de *facto futuro* non est confundendus cum *facto presenti*, v. g. pactum de emendo, vendendo, de inuestiundo, cum emtione, venditione, cum inuestitura; ita omnino ille consensus, qui in *sponsalibus* cernitur, non idem est cum eo, qui *nuptiis* et dum vxor ducitur, interuenit. Ille *sponsalia*, hic demum *nuptias* efficit: vterque respicit matrimonium, ille *futurum*, hic *presens*; ille *matrimoniam* præcedit, eoque solis verbis, sine intentione cohabitandi, futuræ nuptiæ repromittuntur. Hic vero illum postea ex interuallo sequitur, eoque ita consentiunt, vt statim coniuges sint, et *coniugalis societas* inter ipsos constituatur, alter alteri ius sui corporis det, et vicissim ab altero accipiat, idque sobolis procreandæ gratia, cum promissione omnium officiorum, quæ DEUS mutuo a coniugibus requirit, ZBPPER. *de LL. mosaic. lib. 4. c. 20.* Ille vinculum quidem continet, sed non *indissolubile*, a quo facilius recedere, et cum alio matrimonium inire licet *l. 1. C. de sponsal.* Nihil vero nos mouet GLOSSATORIS *ad leg. Longob. 1. lib. 2. tit. de spon-*



*sponsal.* ratio in contrarium. Nam, ait, referente SCHILTERO exerc. 36. ad D. §. 3. *si contractus fiat sub conditione et sic in futurum, ea existente perficitur absque alio consensu*, scilicet sponsalitio, qui antea sub conditione fuit interpositus, et hactenus suspensus. Sed inde minime fluit, quod nuptiis non accedat alius et *fortior* consensus, non de futuro amplius coniugio contrahendo, sed eo, quo ipsum contrahitur, occupatus. Sunt omnia sponsalia de *futuris nuptiis*, non tamen eodem modo constituuntur, sed quædam sub *conditione*, quædam ex *die*, quædam *absolute* et *simpliciter* futuras nuptias intra tempus legibus definitum contrahendas pro scopo habent.

§. III. Deinde nuptiæ non dicuntur ex eo, quod contrahentes *pure* et sine vlla *dilatione*, ad ineundum inuicem matrimonium, se obligauerint; talis consensus tantum sponsalia facit, ac contrahentes obligat ad implendum promissum, scilicet ut alter alteri cohabitaret. *l. 1. D. de sponsal. STRVV. exerc. 29. tb. 11.* Sed ad hoc, ut contractæ dicantur nuptiæ, requiritur, ut contrahentes inter se coeant *pr. et §. 12. l. de nupt. i. e.* non tantum *animis* et *votis*, sed etiam ut præsentem intendant cohabitationem coniugalem, quem in finem etiam debita ætas vel aptitudo supponitur. Vnde si cum contractibus consensualibus matrimonium comparandum est; hoc eaute et ea sub ratione faciendum, ut quidem *consensu matrimoniali* perfici matrimonium dicatur, non vero *sponsalitio*. Ille enim demum præsentem dat facultatem cohabitandi, non hic. Ille *coniuges* facit, hic *desponsatos*. Ille ius in corpus tribuit; non hic. Ille præsens implementum matrimonii pro scopo habet; hic vero futurum, ubi ex post fa-

Quomodo essentialiter nuptia constituuntur.



Et nouus consensus coniugalis accesserit. Hic enim pręparat negotium, ille perficit, constituitque.

*Fundamen-  
tum secun-  
dum erroris,  
quod nuptia  
et sponsalia  
in quibusdam  
conueniant  
cum iure di-  
ni.*

§. IV. Pręiudicium secundum in hac materia ortum traxit ex conuenientia quadam sponsalium et matrimonii, non solum quoad *appellationem*, sed etiam quoad insignes quosdam *effectus* tam iure diuino quam ciuili proditos. Mos est S. Scripturę, appellare vxores *sponsas*, et vice versa, vt *Gen. 29. v. 21.* vbi IACOB loquens de RACHELE sibi tum desponsata, *trade mihi*, inquit, *uxorem meam*, et *Deut. 22. v. 24.* *Si quis sponsam alterius in agro oppresserit, morte morietur, quia uxorem alterius violauerit.* conf. *Matth. 1. v. 20. Luc. 2. v. 7.* vbi angelus Domini ad IOSEPHVM dixit: *Noli timere Mariam uxorem tuam* (quę v. 18. erat Iosepho tantum desponsata) *ad te assumere.* Vnde PHILO IYDAEVS in lib. *de special. leg. p. 1066.* ad locum *Deut.* sic commentatur: *Sponsalia tantumdem valent, quantum nuptię*, sicuti *Hos. 4. v. 13.* Sponsa alteri copiam sui faciens *adultera* vocatur. Hęc et alia argumenta olim a pluribus assumpta sunt patribus, quorum testimonia collegit GRATIANVS in *c. 1. seqq. C. 27. q. 2.* et illustrauit ex eo DARTIS *ad cit. l.* Pari ratione etiam iure ciuili sponsalia cum *nuptiis* conueniunt, vt in *l. 17. §. 1. D. de reb. anth. iud. poss.* ac appellatione vxoris *sponsa* quoque venit, quemadmodum sponsus *mariti* nomine *l. 37. §. 13. D. de donat. inter vir. et vxor. l. 30. D. de R. I.* Hinc nonnunquam socer et socrus gener et nurus statim a sponsalibus appellatur, *l. 6. et l. 8. D. de grad. et aff. l. 4. ad l. Pompei. de parricid.* itaque in vno loquentia locum quoque habere videntur in altero *l. 58. D. de iure dot. l. 4. de fund. dot. l. 12. §. 1. C. qui pot. in pign.* quod disponitur de *nuptiis*, id locum etiam

*Tum iure ci-  
uili.*

etiam habere videtur in *sponsalibus*, ut est textus in *l. 15. §. 1. l. 7. §. 1. D. de sponsal. l. 15. de condit. et demonstr.* et sic prohibitiones nuptiarum ad sponsalia quoque pertinent *l. 5. et 16. D. de sponsal.* Sicuti res a marito quaesita vxor non acquirit, patri, ita nec sponsa quaesita a sponso *l. 2. D. de dot. proleg. et l. 5. C. de bon. que lib.* Sponsus etiam ob iniuriam sponsæ illatam, quippe quæ ad contumeliam eius spectat, tanquam maritus iniuriarum agere potest. *l. 15. §. 24. D. de iniur. iuncta l. 1. §. ult. eod.* Vti vxor de dote data actionem habet, *l. vn. C. de rei vxor. act.* sic etiam sponsa dare potest dotem, et de dote habet actionem. *l. 7. C. de R. N. l. 74. de l. D.* Similiter quemadmodum vxor habet ius prælationis in bonis mariti *l. ult. §. 1. C. qui pot. in pign.* sic etiam sponsæ idem tribuere solent in bonis sponsi. *l. 17. §. 1. de reb. auth. iud. possid.* Actio rerum amotarum aequè aduersus sponsam res sponsi amouentem atque aduersus vxorem conceditur. *arg. l. 15. D. reb. amot.* Donationes inter sponsum et sponsam, æque ac inter maritum et vxorem videntur prohibitz. *l. penult. D. de donat. int. vir. et vxor.* Cum *L. Iulia* cauetur, ne inuito denunciatur testimonium dicere aduersus socerum vel generum *l. 4. D. de test. generi nomine sponsum quoque filiz contineri placet, item soceri sponsæ patrem, l. 9. D. eod.* Vti legitimus est filius, qui ex viro et vxore eius nascitur, *l. 6. D. de his, qui sui vel al. iur.* ita etiam, si sponsus cum sponsa concumbat, decedatque nondum secutis nuptiis; natus legitimus habetur per rationem *l. 30. de R. I.* Sponsa, uti vxor, adulterium committit, alteri copiam sui faciens, *l. 13. §. 3. et 8. ad l. iul. de adult.* et de eo, iure viri agere potest sponsus, *l. 17. eod.* obque id dissolutionem sponsalium petere, vel sponsæ condonare et eam recipere potest. *Nou. 134. c. 10. v. adulteram, authent. Sed hodie Cod. ad L. Iul. de adult.* Vti non licet

duas simul habere vxores, §. 6. *l. de nupt. l. 18. C. ad L. Iul. de adult. l. 6. C. de incest. et inu. nupt.* sic nec duas sponſas habere licet, binaque ſponſalia aeque ac binæ nuptiae eodem tempore contractæ, infamiae poenam merentur. *l. 1. de his, qui not. inf.* Sponſa quoque deſerta pro conſequendis alimentis in ſponſi bona immittitur, vt vxor. *l. 20. C. de iur. dot.*

*Examinantur  
argumenta ex  
ſacro codice.*

§. V. Sed ſicuti quæ inter ſe in quibusdam conueniunt, non ſtatim ſunt eadem; ita mirifice errare mihi videntur, qui ex quibusdam conuenientiis nuptiarum et ſponſaliorum conſuſionem omnimodam rerum diuerſarum inducunt, et a particulari ad vniuerſale argumentantur. Nam vt argumenta ſacri Codicis paucis tangam, palam eſt, ſponſam in ſacro Codice non propterea vocari *vxorem*, quod inter ipſas nulla ſit differentia, ſed quia *ſponſa eſt vxor ſperata, pacta, promiſſa, futura*. Inſolens quippe non eſt in ſacris, denominationem rei ab *euentu futuro* peti, et quæ futura ſunt, tanquam præſentia repræſentari. Nec omne diſcrimen inter *ſponſalia* et *matrimonium* ignorarunt aut reiecerunt veteres Hebræi, quod ſolide docet SELDENVS *de vxor. Hebr. lib. 2. c. 1. ſeqq.* Quid quod nec patres ſuſtulerint diſcrimen, vt loca a GRATIANO *C. 27. q. 2.* collecta docent, qui et ipſemet poſt. 39. hæc addit: *ſponſæ appellantur coniuges conſuetudine ſcripturæ ſpe futurorum non effectu præſentium.* Vnde Ambroſius cum dixiſſet (cum initiatur coniugium) non addidit tunc res vel effectus. Sed tunc nomen coniugii adſciſcitur, oſtendens tales coniugii nomen habere non rem vel effectum. Et poſt pauca: Hinc Auguſtinus ait (noli timere accipere Mariam coniugem tuam) coniugem nominauit, quia futura erat vxor. Similiter BEDA ſuper *c. 1. Leuit.* quando, inquit, ſponſam Moſes dicit vxorem, non quæ tunc erat, ſed quæ futura erat vxor. Sic  
*Ex iure civili.* nec ſtringunt argumenta ex iure civili petita, cum notum ſit ea,

ea, quæ in vno vel altero conueniunt inter se, non statim in omnibus conuenire. Proinde sponsalia, licet in aliquo cum nuptiis conueniant, nihilominus tamen ab his adhuc manent distincta, vt nuptiis contractis demum dicantur antea desponsata *vir et vxor*. Sponsalibus vero celebratis *sponsus et sponsa* l. 13. §. 2. et 3. D. ad L. Iul. de adult. Aliud vtique in plerisque iuris articulis *maritus* est, aliud *sponsus*; l. 1. §. 2. D. pro dote, aliud quoque *vxor*, aliud *sponsa*, l. 24. C. de nupt. nec in sponsa verum est matrimonium l. 8. D. de condic. caus. dat. Est enim sponsus duntaxat maritus *futurus*, et sponsa vxor *futura* l. 1. cum seqq. D. de sponsal. Imo appellatione *vxoris* non indistincte et vbique continetur sponsa, sed ex quadam interpretatione in iis causis, in quibus *sponsæ* et *vxoris* eadem prorsus ratio esse videtur. l. 16. D. de sponsal. ibi: *vt suppleatur quod orationi deest*. Et quamuis sponsus aliquando pro marito haberi videatur, hoc tamen magis fit *abusue* et *improprie* §. 9. l. de nupt. l. 12. §. 1. et 2. D. de rit. nupt. e. g. in iis casibus, vbi propter nuptiarum affinitatem paritas rationis id suadet, eodem modo, quo, terminis habilibus positis, cingendus aliquando haberi solet pro cincto. Quod tamen in vniuersum haud procedit, vt plenius ostendit TIRAQVELL. de retr. conuent. §. 5. ad fin. tit. gl. 2. n. 42. seqq. Quidam etiam addunt, sponsum sponsamue in *fauorabilibus* iure coniugum vti, non autem in *poenalibus* seu *odiosis*. Sed nec hoc vniuersum, nec semper verum est. Iure enim diuino et Romano *adulterii* tenetur stuprata sponsa, ac si contingat, sponsum ante ad tumulum quam ad thalamum genitalem deduci, non consequitur sponsa ea iura, quæ superstiti ex matrimonio inferri solent, non succedit sponsa sponso iure Romano, ex edicto *unde vir et vx.* non habetur hodie inter sponsum et sponsam inducta

bonorum communio, nec percipit superstes sponsus seu sponsa quicquā ex iis, quā pactis dotalibus superstiti coniugi promissa sunt *arg. l. 24. C. de nupt.* de quibus et multis aliis prolixius in ipsa tractatione agemus.

§. VI. Tertium erroris communis fundamentum natum est ex distinctione iuris canonici inter sponsalia de futuro et presenti, quā tamen ex iuris Romani doctrina non descendit: quamvis hoc asserant VLRICVS HVBERVS *lib. 2. digress. c. 7. seqq.* et L. B. de LYNCKER in *annal. ad D. tit. de sponsal. n. 10.* quos erudite ac solide satis refutavit PRAESES in *disser. de incongrua praxi doctrinae de sponsalibus de futuro et presenti c. 1. §. 3. et 5.* In hac simul dilucide demonstravit, eam potius excogitatam esse a canonistis siue scholasticis, ad discordantes opiniones veterum patrum in concordiam reducendas. Horum multi ex quibusdam locis S. scripturae supra recensitis et *c. 12. C. 27. q. 2. repetitis*, sponsalia ipsum coniugium inuoluere, proptereaue indissolubilia esse; plurimi autem ea minime esse nuptias, quia simplicibus contraherentur verbis de futuro (scilicet matrimonio) statuerunt. Hos in concordiam reducere tentavit GRATIANVS, distinguendo inter coniugium *initiatum* et *ratum*, ita ut inter desponsatos *initiatum*, inter copulatos sit *ratum*. Scholastici autem rectius huic doctrinae consuli posse crediderunt, si duas sponsaliorum species assererent, et sponsalia in ea, quā sunt de futuro et de presenti, dividerent, firmiter sibi persuadentes, ea distinctione totum facile componi dissidium, et negantes sponsalia esse matrimonium, intelligi posse de *sponsalibus de futuro*; eorum vero, qui sponsalia verum esse voluerunt ma-  
tri-

*Tertium erro-  
ris fundamen-  
tum ex doctri-  
na iuris cano-  
nici de spon-  
salibus de  
presenti po-  
tendum.*

trimonium, sententiam restringi ad casum, si per verba consensum de *præsenti coniugio* declarantia inita fuerunt.

§. VII. Sunt igitur iure canonico duplicia sponsalia scilicet de *futuro* et *præsenti*. De futuro (h. e. matrimonio) eo iure dicuntur, quæ per verba *futuri temporis* contracta, qualia sunt: *ego te ducam vel accipiam in meam, et ego te in meum*, ubi doctores per *meam* communiter intelligunt *uxorem*, per *meum* vero *maritum*. In his fides saltem de matrimonio in futurum contrahendo pure vel sub conditione datur c. 2. c. 5. c. 22. X. de sponsal. Et hæc vnius poenitentia, modo aliqua rationabilis causa sublit, *dissolui* possunt, c. ex literis 10. c. requisivit. 17. X. de sponsal. dum nudam tantum continet pactionem, et quandam quasi de nuptiis præparationem c. 2. 17. et penult. X. de sponsal. Hac de causa in eo conveniunt fere omnes; neminem ex sponsalibus de futuro ad contrahendum matrimonium coactione præcisa compelli posse. Hæc sponsalia in sensu iuris canonici cum sponsalibus iuris Romani exacte conveniunt, tam quoad definitionem, ceu liquet ex c. 3. C. 30. q. 5. ubi NICOLAUS pontifex inquit: *sponsalia esse promissa futurarum nuptiarum*, et ut INNOCENTIUS III. in c. 2. X. de spons. ait: *quando desponsati de matrimonio contrahendo sibi fidem dederunt: quam quoad diuisionem*. Sunt enim eodem modo uti in iure civili vel *pura* vel *conditionata*, obseruante CORVINO tit. de sponsal. n. 3. et tam puberum quam impuberum tot. tit. X. de sponsal. impub. nullamque uti de iure Romano solennitatem desiderant, sed solo consensu, imo nutu, perfici possunt. c. 2. 3. 15. X. de sponsal. Atque hæc sponsalia præcedunt, nuptiæ postmodum sequuntur, ac per necessariam

Natura sponsalium de futuro.



consequentiam non vnum idemque constituunt negotium tam iure canonico quam Romano, vt patet ex c. 39. C. 27. q. 2. ibi: *ita institutum est, vt iam pactæ sponsæ non statim tradantur, ne vilem habeat maritus datam, quam non suspirauit sponsus dilatare.*

*Natura sponsaliorum de præsenti*

§. VIII. Sponsalia de præsenti sunt, quæ per verba de præsenti, vt dicitur in c. 22. et 32. X. de spons. c. 14. X. de conuers. coniug. sine vlla conditione contrahuntur c. penult. X. de sponsal. Verba autem de præsenti i. e. coniugio dicuntur, quibus declararunt consensum matrimonialem, veluti si sponsus promisit, quod mulierem aliquam ab eo tempore pro coniuge habere, et ei sicut vxori fidem suam seruare velit; mulier vero se illum pro marito habituram, fidemque ei tanquam viro proprio seruaturam promittit. c. 9. tit. eod. Hoc modo in fide coniugali data hic consensus consistit, et si non stringat manum, corde tamen et ore consentit ducere, mutuoque se concedunt vnus alii et se inuicem recipiunt c. 1. X. de sponsa duor. Alia occurrit formula in c. 31. X. de sponsal. et c. 3. de sponsa duor. *Ego te in meam (vxorem) accipio, et ego te accipio in meum (maritum)*, qua magis consensum matrimonialem quam sponsalium declaratum esse voluerunt, quod verba præsentem animi declarationem continerent. Licet vero talis promissio vim inferat matrimonii intuitu indissolubilis vinculi, adhuc tamen sponsaliorum superesse figuram putarunt, quod cohabitatio deficeret, aliaque inter coniuges recepta iura locum inuenire non possent, CANISIVS ad tit. de sponsal. n. 9. adeoque sponsalium nomen adhuc retinendum fuerit. Interim illæ formulæ, quibus pontifices hæc distinguunt



guunt sponsalia, minime latinæ linguæ sapiunt elegantiam, quin potius eas CYPRAEVS ex barbarie Gothica in Romanorum suspicatur irrepsisse sermonem. Neutiquam dixere Romani *accipere aliquem in virum*, sed *aliquem accipere maritum*, patrem, amicum, tutorem etc. Porro *accipere uxorem* veteribus ICTIS ducere significavit. Ait notanter SCAEVOLA in l. penult. §. 1. D. de donat. inter vir. et vxor. *Virgini in hortos deductæ ante diem tertium, quam ibi nuptiæ ferent, cum inseparata dicta ab eo esset die nuptiarum, priusquam adeam transiret, et priusquam aqua et igni acciperetur i. e. nuptiæ celebrarentur, obtulit decem aureos dono.* Similiter VLPIANVS in l. 6. de R. N. refert, eum qui *absentem accepit uxorem i. e. per amicos domum duxit et rediens a cæna iuxta Tiberim perisset, ab uxore lugendum esse.* Nec tamen credendum est Pontifices solis his inhæsisse formulis; rem ipsam diuersam commode iis distingui posse crediderunt; animaduenterunt, diuersa esse, edere *consensum sponsalitium*, quo in futurum matrimonium consentiunt, siue parentes sponsalia celebrent, siue ipsæ personæ principales; et *declarare consensum matrimonialem*, quo præsens coniugium constituitur. Prius fieri credidere, si verba in *futurum* concipiantur: *accipiam*; posterius si in *præsenti*: *accipio*: vel vt in c. 9. X. de sponsal. dicitur, si sponsus promittit sponsæ, *quod eam ab eo tempore pro coniuge tenere, et ei sicut uxori fidem seruare velit*, sponsa vero quod *illum pro marito habitura sit*, vel aliis similibus declarationibus, quibus contrahentium intentio liquida et manifesta fieri possit. Id vnice constituerunt, non omnem consensum facere nuptias, sed eum demum, qui *præsens matrimonium* pro scopo haberet, et quo fidem coniugalem simul declararent, licet præsentem cohabitandi facultatem

tatem adiunctam haud haberet, in quo a iure Romano reuera discessere, quod absque tali facultate *consensum matrimoniale*, non concipit. Sed hæc distinctio inter sponsalia de *presenti* et *futuro*, postquam per concilium Tridentinum nuptiæ pro nullis declarata, quæ sine *testibus* et *parrocho* contractæ, plerisque in locis, ubi decretum illud inter pontificios publicatum, vsum omnem amisisse videtur. ZOESIVS ad tit. X. de sponsal. n. 22. ESPEN in iur. eccles. P. II. tit. 12. c. 5. n. 29. 30. BARBOSA ad c. 30. X. de sponsal. n. 11. Aut enim hæc declaratio priuatim et clandestine in ipsa desponsatione fit, aut coram parrocho adhibitis testibus, prout concilium Tridentinum requirit: illo casu sponsalia eiusmodi hodie vix amplius *nuptiæ* dici inter catholicos queunt, nec ita amplius *sponsalia* constituunt de *presenti*, quæ idcirco a sponsalibus de *futuro* distinxere, quod olim nuptias inducerent. ZOESIVS ad tit. de clandest. despons. n. 2. Hoc vero nomen *sponsalium* non amplius habent, sed *nuptiæ* solum dicuntur, et vt breuibus complectar, hodie inter ipsos pontificios vti de iure Romano fere tantum dantur sponsalia vnius generis de *futuro* scilicet, quæ proprie dicta sunt *sponsalia*, vt recte CORVINVS in aphor. iur. canon. tit. de sponsal. §. 4. obseruat.

Protestantium  
Icerum v-  
rians sen-  
tia de hac di-  
uisione.

§. IX. Vtinam protestantes quoque tandem relicto hoc scholasticorum puluere, ad saniora principia rediissent! sed quis crederet? Terminos iuris canonici, omnesque fere conclusiones, non vero rem ipsam et definitiones retinuerunt, ac a mente iuris canonici plane diuersam constituerunt interpretationem, ex quo non potuere non tot sensus, quod capita, oriri. Multi prædicatum de *futuro* ad sponsalia quæ non pure sed sub *conditione honesta* et *possibili* con-  
tra-

trahuntur, *de presenti* vero ad *pura* sine vlla conditione contracta applicuerunt. Hoc ipso nouas prorsus excogitarunt definitiones, cum iuxta *c. 2. X. de sponsal.* sponsalia de futuro tam pura quam conditionata esse queant, nec verba de presenti promissionem *puram*, sed potius *presentis matrimonii declarationem*, licet *privatam minusque solennem*, nec a parocho confirmatam denotent: de futuro vero non *præcise conditionalem*, sed in genere *mutuam futurarum nuptiarum promissionem*. Præterea ne quidem solida quædam diuersitas inde constitui potest. Optime COCCEIUS *diff. de matrim. moment. sect. 3. §. 6. conditio*, ait, *speciem negotii et conuentionis non mutat, uti omnis conventio fieri potest vel pure vel in diem, vel sub conditione. §. 2. I. de V. O.* Alii ad *tractatus* sponsalia de futuro referunt. Sed hoc a iure canonico etiam valde alienum esse demonstrant *c. 2. X. de sponsal. c. 5. X. qui cleric. vel vouent.* in quibus textibus non nudum de sponsalibus futuris latere pactum THOMASIVS *dissert. de pact. futur. sponsal. §. 10. lit. m. n.* obseruauit. Accedit, quod nudi tractatus non constituent sponsalia, nec obligationem aut actionem ad id, quod interest, inducant. COCCEI. *cit. l. §. 14.* Imo sponsalia de futuro iure canonico impedimentum honestatis publicæ inducunt *c. 8. X. eod. c. vn. de sponsal. n. 6.* et obligationem *c. 22. de sponsal.* ut ea frangentibus poenitentia imponatur ecclesiastica *c. 3. X. eod.* quod tractatibus *preparatoriis* nullo modo applicari potest. B. STRYKIVS in *Tract. de dissensu sponsalit.* contendit, in consistoriis nostris *pacta de futuris sponsalibus* dici sponsalia de futuro, promissionem vero futurarum nuptiarum perfectam sponsalia de presenti, quo ipso, ut *pactum de despondendo* et *ipsa sponsalia*, inter se differunt. Addit, ad sponsalia de fu-

turo etiam sponsalia conditionata referenda esse, cui sententia etiam THOMASIVS in *diff. de pact. futur. sponsal.* §. 5. adstipulatur, asserens, quod quamvis hæc pacta non nisi improprie *sponsaliorum* nomine insigniri possint; si tamen ea sponsalia nominare placeat, pro sponsalibus *de futuro* saltem sint habenda, et hactenus admitti posse illorum sententiam, qui tractatus de sponsalibus ineundis sponsalia de futuro nominare soleant, quæ pacta tamen nil nisi tractatus continent, nec vim obligandi producunt. Denique COCCEL. cit. l. §. 11. seqq. paulo aliter hoc efformat discrimen et §. 13. ita de hac distinctione iudicat: "In sponsalibus vertitur factum patris se filiam locaturum nuptui spondentis: in nuptiis autem ipsum coniugium, vinculum et factum sponsæ, quo ipsa obligatur ad eius conjugii consummationem, quæ proinde eadem differentia est sponsaliorum de futuro et de præsentis: hæc enim sunt nuptiæ ipsæ.,, Equidem id non nego, olim patrem nomine filiz sponsalia iniisse, et quidem intuitu *virginalis pudoris*; sed solum factum patris haud interueniebat. Ait ICTUS in l. 11. de *sponsal.* *Sponsalia sicut nuptiæ CONSENSV CONTRAHENTIVM* h. e. sponsi et sponsæ *sunt*; hoc vnicum subirat discrimen, quod filius familias *expresse* consentire deberet, filia consensus *tacitus* sufficeret. *Quæ enim patris voluntati non repugnabat, consentire intelligebatur.* l. 12. pr. eod. Concurrerat ergo filia quoque consensus, adeo ut quandoque a patre dissentire posset l. 12. §. 1. eod. et tamen non *nuptiæ*, sed *sponsalia* in ita dicebantur. Et quid si statim *expresse* consentiret, in ipso patris actu filiam despondentis? Utique erant *sponsalia*, non *nuptiæ*, quæ post demum perficiebantur. Præterea si vel maxime tale discrimen de iure Romano esset admittere id

dum? id tamen ius canonicum non admittit, quod inuitam seu non consentientem filiam despondere parentibus haud permittit, sed eius consensum statim ad ipsam sponsaliorum substantiam desiderat, qui rursus non matrimonium producere potest, quod nondum intendunt desponsati, sed mera sponsalia. Vnde ad minimum illud inde euidens est, hodie talem diuersitatem sponsaliorum statui non posse. Quæ cum ita sint, vix est, vt in nostris foris in sensu iuris canonici sponsalia *de presenti* concipi possint, cum vix fingi possit casus, vt STRYKIVS d. tr. de diss. sponsal. Sect. 1. §. 22. asserit, *vbi inter sponsalia et inter matrimonium non intercedat vna alteraue dies*. Hunc vnicum excipio casum, qui in foris nostris contingere potest. Si scilicet sponsalia concubitu confirmata fuerint, qui aperte *consensum matrimonialem* inducit, et operatur, vt talia sponsalia, quæ de futuro contracta sunt, degenerent in ea, quæ dicuntur *de presenti* seu *ipsum matrimonium*. Cautè ergo hic incedendum et præcauendum, ne illa, quæ in iure canonico de sponsalibus de præsentì prædicantur, hodie ad nostra sponsalia applicemus, quæ alia non sunt, quam quæ ius canonicum dicit *de futuro*.

§. X. Exsiccat is sic fontibus errorum, cum gratioso Numinis propitii indultu, solennibus ac consuetis exantlatis examini-  
bus, amplissimus in hac alma Fridericiana ICtorum ordo facultatem publice disputandi pro obtinendis summis in vtroque iure honoribus ac priuilegiis doctoralibus mihi concessit, hac inaugurali dissertatione differentias *sponsalium* ac *matrimonii* ob summam in iudiciis vitæque quotidiana vtilitatem ostendere est animus, æquum beneuolumque le-

*Progressus ad  
thema propo-  
situm.*

ctorem obnixè rogans, vt si alicubi error commissus, aut quid minus rectè dictum fuerit, id ignoscere, et imbecillitati humanæ adscribere velit, quia *omnium habere memoriam, et in nullo penitus peccare, diuinitatis magis quam mortalitatis est*, dicente ipso Imperatore IVSTINIANO in, *confirmat. D. §. 12.* Quia vero ordo in omni re omnino est necessarius, et equum cauda frenatur, qui sine ordine procedit, existimaui sic constitui commodè ordinem disputationis posse, vt tribus capitibus absoluator, et in primo iuris Romani, in secundo iuris canonici, et denique in tertio iuris Germanici differentiæ sponsalium et matrimonii excutiantur.

## CAP. I.

## DE

DIVERSO SPONSALIVM ET MATRIMONII IVRE IN IVRE ROMANO.

## ARGVMENTVM.

§. I. Discrimina sponsalium et matrimonii ratione diuersæ appellationis, §. II. et definitionis §. III. ratione diuersæ vtriusque originis, §. IV. diuersi finis, §. V. et causæ efficientis, §. VI. ratione ætatis, §. VII. modi ea in absentia contrahendi, §. VIII. ratione prohibitionis, magistratibus prouincialibus factæ, §. IX. anni luctus, §. X. valoris, §. XI. affinitatis ex matrimonio tantum contractæ, §. XII. potestatis maritalis,



lis, §. XIII. ratione obligationis ad operas §. XIV. ad copulam carnalem, §. XV. et ad domicilium mariti agnoscendum, §. XVI. ratione iniuriam uxoris circa statum et dignitatem mariti, §. XVII. ratione luctus, §. XVIII. dotis et bonorum uxoris, §. XIX. alimentorum, §. XX. donationis sponsalitice §. XXI. successionis, §. XXII. iuris prælationis in pignore, §. XXIII. ratione obligationis, §. XXIV. et modi ea vel sub conditione vel sine ea in eundi, §. XXV. ratione solennitatum, §. XXVI. pænæ binorum sponsalium et matrimonii duplicis. §. XXVII. secundarum nuptiarum, §. XXVIII. vindictæ in adulterum exercendæ, §. XXIX. adulterii, §. XXX. donationis inter coniuges §. XXXI. et tutelæ.

## §. I.

Cum res diuersæ diuersis denotentur nominibus, sponsalia quoque a nuptiis siue matrimonio ratione nominis siue appellationis distingui debuere. Sponsalium deriuatio, quod a verbo *spondere*, h. e. promittere, quærenda sit, nemini pene adfert ullam dubitationem, præsertim cum ipse Ictus l. 2. D. de de sponsal. hoc his affirmet verbis: *Sponsalia autem dicta sunt a spondendo, nam moris fuit veteribus stipulari et spondere sibi uxores futuras, conf. c. nostrates 3. C. 30. q. 5. ROSIN. lib. 5. antiq. rom. c. 37. BRISSON. de rit. nupt. in princ. HARPRECHT. ad rubr. tit. inst. de nupt. n. 3. WESSENB. parat. ff. sponsal. n. 2. COLLEG. IVRIS ARGENT. eod. tit. ib. 2. MYNSING ad §. 9. l. eod. n. 4. SCHVRF. p. 3. consil. 9. n. 7. CONAN. lib. 8. Comment. iur. ciu. c. 2. n. 1. Euidētius A. GELLIVS lib. 4. c. 4. ex S. Sulpitio veterum sponsaliorum morem et indolem adducit, et, qui uxorem, inquit, ducturus*

*Differentia i.  
a denomina-  
tione petita.*

Hhh 3

erat,



erat, ab eo unde ducenda erat, stipulabatur, eam in matrimonium ductum iri, qui daturus erat, itidem spondebat, is contractus stipulationum sponsionumque dicebatur sponsalia, tunc quæ promissa erat, sponsa appellabatur, qui sponderat ducturum, sponsus. VARRO l. 5. de ling. lat. p. 59. itidem id confirmat, quæ desponsata erat sponsa, cui desponsa sponsus, quo die sponsum erat sponsalia, qui sponderat filiam despondisse dicebatur, quod de sponte eius i. e. voluntate exierat. Similiter apud PLAUTUM in Pænulo.

A. Audi tu patruæ, dico, ne dictum neges,  
Tuam mihi maiorem filiam despondeas.

P. Pactam rem habeto.

A. Spondesne igitur? P. Spondeo.

A. Mi patruæ, salve, nam nunc es plane meus.  
item in Trinummo.

Lys. Sponden ergo

Tuam agnatam uxorem mihi?

Char. Spondeo, et mille auri Philippum dotis.

Lys. Ist hac lege filiam tuam sponderi mihi uxorem dari?

Char. Spondeo.

Lys. Et ego spondeo idem hoc.

CONF. SELDENVS de vxore Hebræa lib. 2. c. 20. vbi hunc veterum morem plenius erudite exornat. Bene tamen observat. FRANC. HOTTOMANNVS, sponsalia non semper per solennem stipulationem fuisse olim celebrata, sed interdum sola pactione et consensu nudo fieri solita. Sic enim VLP. in l. 4. D. de spons. sufficit nudus consensus ad constituenda sponsalia, denique constat absentem absenti despondere posse et quotidie fieri, vt in hoc cap. infra plenius demonstrabo. Nec obstat, quod PAVLVS in sponsalibus stipulationem et sponsionem

nem supponat, facit enim hoc aut referendo mores veteres, aut quia xuo suo antiqua illa Romanorum contrahendi sponsalia ratio non prorsus defierat. ALBERIC. GENTIL. *disp. de nupt. lib. 2. c. 1. et 2.* Matrimonium GELLIVS l. 18. c. 6. derivat a *matris* nomine, non quod iam mater sit noua nupta, sed ob spem & bonum omen, quod mox futura sit, vt ait RITTERSHVSIVS *ad rubr. tit. I. de nupt.* propter præsentem cohabitandi facultatem, qualis appellandi ratio in sponsa cessat, in qua hæc *potentia* adhuc remotior, in vxore vero proxima adest. Huc etiam alludit Pontifex in c. 2. X. de *convers. infid.* aitque: “ex hoc legitimam coniunctionem maris et foeminae magis matrimonium quam patrimonium nuncupari, quod filius ante partum onerosus, dolorosus in partu, post partum laboriosus matri fuisse noscatur.” Quemadmodum ergo quæ nominibus distinguuntur in iure et diversis prorsus titulis pertractantur, non possunt dici eadem, ita id quoque de *sponsalibus* et *matrimonio* dici debet. Hæc de causa quoque sponsus et sponsa appellatione *viri* et *vxoris* non continentur. l. 9. 10. §. 1. de *his, qui not. infam.* §. 9. 10. I. de *nupt.* l. 12. C. de *rit. nupt.* l. 12. §. 1. D. eod. Nomen ipsum vxoris si respiciatur, sponsæ haud convenire patet, cum vxor dicatur quasi *unxor*: antequam enim ad limina mariti veniret, postes aedium oleo inungebantur. BARN. BRISSON. de *rit. nupt.* add. ROSIN. *antiquit. Rom.* l. 5. c. 37. Hoc discrimen euidenter attenditur in l. 27. de *don. inter vir. et vxor.* et l. 6. C. de *donat. ante nupt.* in qua dubitatur, an donatio ipsa nuptiarum die facta a sponso sponsæ pro tali habenda sit, quæ fit a viro vxori? aliis *vxor* dicitur (sed magis per allusionem) quasi *usus viri*? mulier ergo cum nondum fuerit in *usu viri*, vxor dici non potest. Mariti quoque nomen regulariter sponso

so haud tribui constat ex *l. 1. §. 1. D. pro dote l. 9. §. 1. de his qui notantur infam.* et cum vxor et maritus relata dicantur, non potest sponso competere nomen *mariti*, antequam sponsa tribuatur *vxoris* nomen. Sponsus porro et sponsa non vocantur *coniuges*, sed saltem *desponsati*, et *coniugum* et *coniugii* vocabula consummatum præsupponunt matrimonium, nec proprie appellatione *matrimonii* venit *initiatum* seu *spes matrimonii*, sed *perfectum* per deductionem, et antequam deducatur sponsa, non dicitur *coniux*, quasi sine *iugali* aut *iugo* et sine marito. Conf. SAMVEL PETISCVS in *leg. antiq. Rom. voc. vxor.* Imo sunt futurarum nuptiarum promissiones *L. 1. D. de sponsal.* vt demonstramus §. seq. quod autem *futurum* est, aut pendet, quasi sit, dici nequit *l. 169, §. 1. de R. I.* Hac de causa quoque in statutis sponsus et sponsa *mariti* et *vxoris* nomine indistincte non veniunt, SALYCET. in *l. 6. n. 4. C. de donat. ante nupt. n. 45. et seqq.* NICOLAUS MOZZ. *tract. de contract. lit. de matrim. n. 42. rub. d. nat. l. mat. et seqq.* IOACH. MYNS. *cent. 6. obseru. 78. n. 3. et per tot.* BALD. in *auth. dos data C. de donat. ante nupt. n. 4. 5. et in l. 5. C. de bon. quæ lib. n. 1. et seqq.* IO. SCHNEIDEWIN. *ad §. 19. instit. de act. n. 108.* Pro qua sententia hæc potissimum militat ratio quod omnis lex, omneque statutum duabus constet partibus, *verbis* sc. et *sententia* *l. 12. D. qui § a quib. manum.* et sic quoque hæc in statuto perpendi, et ante omnia de verborum significatione laborari debeat. Verba utique sunt signa, quæ mentem legislatoris, quoad fieri potest, declarant, *arg. l. 17. de LL.* et vbi de *verborum significatione* agitur, intelligenda ea esse in propria significatione, regulæ interpretandi docent. Quæ autem propria sit significatio, dependet ex populari vñu, teste GROTI. *de I. B. et. P. l. 2. c. 16. §. 2.* a quo legislator recedere

cedere noluisse praesumitur, *l. 19. §. 4. de aedil. edict.* adeoque merito in statutis aut legibus is attenditur, *l. 52. de legat. 3. GAIL. 2. observ. 80. n. 2.* Quodsi, itaque vulgaris et communis in hac materia respiciendus est usus, *uxor* nomine *sponsae* venire non solet, neque sponsa amittit nomen sponsae, nisi sit ducta.

§. II. Inprimis vero inter sponsalia et nuptias magnam adeste differentiam dilucide satis apparet ex ipsa definitione *sponsaliorum et nuptiarum*. Definiuntur ea a FLORENTINO in *l. 1. D. de sponsal.* quod sint *mentio et repromissio futurarum nuptiarum*, cum qua descriptione re ipsa etiam convenit definitio NICOLAI Papae in responso ad consulta Bulgarorum in *c. 3. C. 30. q. 5. aientis*, *sponsalia esse futurarum nuptiarum promissa*. Quo vero colore CYPRAEVS doceat, Florentini definitionem sponsalia de *praesenti* continere, et sic per consequentiam opponi iis de *futuro*, nobis latet, praesertim cum et ipse fateatur, nullum in toto iure civili reperiri vestigium discriminis sponsaliorum de praesenti et futuro. Merito ergo id a sua definitione remouendum esse censuit ICTUS, de quo nulla in iure Romano fuit disceptatio. Certe ex iuris civilis sententia non recte dicuntur quaedam sponsalia de *praesenti*, et quaedam de *futuro*, cum omnia sint de *futuro* matrimonio et tantum inter se distinguantur ratione *modi*, et ordinis contrahendi diuersi. Quando spes sponsaliorum ineundorum concepta erat, aderant nondum sponsalia, virgo tamen ob *spem* dicebatur *sperata*: si de futuris nuptiis eorumque conditionibus conuentum erat, iam *pacta* erat; sed cum ex pacto vis obligandi haud nascebatur, *sponsio solennis* accedebat, vnde firmum obligandi vinculum nascebatur. Verum ratione finis tam virgo *pa-*

*Differentia  
II a diuersa  
petita defini-  
tionibus.*

Tom. IV.

III

ta,

*Et*a, quam *desponsata* non erat *uxor*, nec *actus promissionis* vel *sponsionis* *matrimonium*, sed *spes matrimonii* et *nuptiarum*, ut *sponsalia* vocantur in *l. 6. de sponsal. l. 13. §. 3. D. ad leg. Iul. de adult.* *Spes* autem illud ipsum, quod intendit, haud continet aut sistit, sed in *futurum* magis tendit, adeoque *sponsalia* quævis de iure civili sunt de *futuro*, ut *spes futurum casum* habet. Inde satis notanter *ICTus* in *l. 134. pr. in f. de V. obl.* distinguit *matrimonia futura* et iam *contracta*, et illa in *sponsalibus* tantum latitare docet. De *præsenti* vel ideo corruunt, quod penitus evanescant ex eo tempore, quo coeunt in *matrimonium coniuges*, quod ea de causa *sponsaliorum complementum* recte dicitur. Error vero clarissimi *ICTi CYPRAEI* ex eo fonte fluxit, quod *sponsalia* de *præsenti* dixerit, quæ *præsentis temporis* verbis concipiuntur, etiam si *futuras* respiciant *nuptias*, uti *despondeo, promitto*, quasi de *futuro* essent ea, quæ per *futurum* enunciantur *tempus*, uti *despondebo, promittam*. Sed si hæc posteriora recte perpendantur verba, manifestum erit, ea genuino suo significato non *sponsalia*, sed *sponsaliorum* designare tractatus. Porro non tam ex solo verborum sono, quo proferuntur, *sponsalia* de *præsenti* et *futuro* distinguenda erant, sed potius, si discrimen fieri deberet, ex *obiecto*, quod vel *præsens* vel *futurum* respicerent *matrimonium*, diuersa a tradita definitione arcessenda natura. Definiuntur enim in *§. 1. l. de patr. pot.* quod sit *viri & mulieris coniunctio*, *indivium vite consuetudinem continens*. add. cap. illud *8. de præsunt.* Huic etiam *MODESTINI* definitio *l. 1. D. de rit. nupt.* concordat, ubi *nuptiæ* dicuntur *coniunctio maris & foeminae & consortium omnis vite, diuini & humani iuris communicatio*. Liqueat ex his definitionibus, in *matrimo-*

trimoniò requiri *coniunctionem viri et mulieris*, seu consensum talem, quo præsens coniugium constituitur. Vir enim non est, nisi, quem iustæ nuptiæ demonstrant, §. 10. I. de nupt. imò diuini et humani iuris communicatio non transfertur per *sponsalia*, sed demum per ipsum matrimonium.

§. III. Sponsalia in *le iure gentium* videntur esse introducta, et ad *mores gentium* plerarumque pertinere, vt eo cautius et magis ordinate matrimonium ineatur, adeoque magis ad *bene esse* spectant. Equidem olim cum adhuc per *stipulationem* et *sponsionem* solennem fierent, ratione *modi* non iuris gentium, sed *iuris ciuilis* ciuiumque Romanorum propria dicenda erant, cum et stipulatio iuris esset ciuilis; veruntamen forma hac sponsalium sublata, sponsalia in se considerata recte *iuris gentium* dicuntur. Nec obstat, quod vbiuis fere locorum solennitates quædam sponsalibus adhiberi soleant, vnde forsàn *iuris ciuilis* dici possent *arg. l. 6. D. de iust. & iur.* Istæ enim solennitates minime sunt sponsalibus *essentiales*, sed duntaxat *accidentales*, et iuri gentium superadditæ. Præterea quoque *usus* et *necessitas* tanquam fundamentum iuris gentium in sponsalibus occurrunt, quæ de causâ etiam apud populum iudaicum non solum in more positæ iam olim fuerunt desponsationes, vt exemplum *Iosephi et Mariæ* probat, et *Deut. 20. v. 7.* in verb. “quis est homo, qui despondet vxorem et non accipit eam, vadat et reuertatur in domum suam, ne forte moriatur in bello et alius homo accipiat eam;,” sed et apud plerasque sanioris mentis gentes in more vniuersali illas fuisse positas, historiæ passim testantur. vid BEYST. de *matrim. p. 2. in præfat.* KIZEL in *Synops. matrim. lib. 5. theor. 1.* SELDENVS de *vxore hebræa*

*Differentia*  
III. a diuersa  
origine petita.



*lib. 2. c. 1. seqq.* Nec adeo a me dissentiunt, qui arbitrantur, sponsalia necessario nuptias præcedere haud debere per *l. 9. D. de sponsal. et Nou. 74. c. 5.* adducentes insuper ex *CYRTII l. 8. c. 4.* exemplum ALEXANDRI M., qui, omisis sponsalibus, Roxanem sibi copulauit. Licet enim ipsa thesis, ut mox dicam, admitti possit, argumenta tamen parum stringunt. Notum est tempore IVSTINIANI benedictionem sacerdotalem haud obtinuisse, concubinatum autem admissum fuisse. Poterat ergo contingere, ut quis mulierem in domum concumbendi gratia reciperet, et ei iurato promitteret, se eam legitimam uxorem habiturum esse, contra quod promissum tamen postea eam domo expellere, quod merito in *tit. Nou. 74.* præcauendum fuit. In hoc casu nihil occurrit, quod contrariæ sententiæ fauere possit, quin potius diserte *promissio de futuro matrimonio* supponitur. Denique in *cit. l. 9.* non id, quod probandum erat, sed illa quaestio, an nulliter contractæ nuptiæ iure sponsaliorum inter eas personas, quæ matrimonium nondum contrahere possunt, valeant? deciditur. Quicquid vero huius rei sit, non statuimus, sponsalia *de absoluta esse necessitate*, quasi ex *diuina institutione* præcipue descenderent; id tantum intendimus, ea esse de quadam *necessitate hypothetica*, quia ob communem matrimonii vtilitatem ac honestatem introducta, ut ab illis ad nuptias congressus fieret, ac duobus hisce actibus vel gradibus consummatio matrimonii absolueretur. Dum enim matrimonium ad humani generis conseruationem institutum est, et tam coniugum quam eorum, quorum in potestate sunt, coniugis consensum requirit, necesse fuit, aliquem actum seu contractum præmittere, quo ante *coniunctionem præsen-*



*sentem* voluntas tam parentum, quam coniugum in hoc negotio tam arduo et seriam magnamque deliberationem postulante, eo sincerius, plenius et liberius ederetur, et promissio ipsa disertis verbis exprimeretur. Huic peculiare etiam *nomen* propter grauitatem rei tribuere placuit vetustati, cum in reliquis contractibus consensus eiusmodi haud praecedat, sed mox ipsum negotium perficiat constituatque, in quibus tanti prauiudicii causa haud deprehenditur. Maiorem utique necessitatem et *diuinior* originem habet matrimonium, quod *iure diuino* est introductum. Nam DEus hanc legem statim his verbis ei in paradiso dedit, *non bonum est, hominem esse solum, faciamus ei adiutorium simile sibi coram ipso Gen. 2. v. 18.* Quin et ipse CHRISTVS ad hoc primordium reuocat matrimonium, inquit: "Legistisne, quod ille, qui hominem fecit, ab initio masculum et foeminam fecerit etc.,"

§. IV. Differentia quoque inprimis in diuerso *sine* occurrit: finis sponsaliorum est, vt futuro tempore nuptia sequantur, exploratis prius contrahentium animis. *Differentia IV. a diuerso sine petita.* VOLRATH *in oper. iur. Rom. analyt. h. t.* ECKOLT. *ad D. de spons. §. 5. in fin.* MEIER *in colleg. arg. th. 15. h. t.* WESENBEC. *h. t. n. 7.* Contrahentes enim sponsalia, siue *pure* siue sub conditione, siue parentes nomine filiae interuenerint, siue his non existentibus ipsa filia consensum suum edat, et principaliter contrahat, nihil prorsus aliud intendunt, quam vt coniuges post tractum temporis arbitrarium fiant, dum omnia sunt de futuro matrimonio, vt vel ipsa definitio FLORENTINI *in l. 1. de sponsal.* clare docet, quae non alia quam vnus generis sponsalia h. e. de futuro matrimonio contracta agnoscit. Ma-

trimonii vero finis est *cohabitatio præsens* ad prolis generationem a DEo sapienter instituta, quod non solum ex ipsis sacris apparet literis (vid. *Gen. 1. v. 18.* ubi primos homines DEus ita alloquitur: *Crescite, fructum ferte, & multiplicamini, & replete terram*) sed ex variis etiam *iuris civilis* textibus apparet, ut *pr. Inst. de excus. tut. & curat. l. 1. D. de solut. matr. l. 2. C. de indict. vid. toll. l. 220. §. ult. de V. S. Nou. 12.* Præterea tendit matrimonium ad mutuum adiutorium descendens ex indiuidua illa vitæ consuetudine, cuius mentionem *in §. 1. de patr. pot.* Imperator facit, sacra Scriptura consentiente *Gen. 2. v. 18.* Hic geminus finis nec debet, nec potest a sponsa obtineri, cum desponsatis in vna domo prohibitum sit cohabitare, adeo, ut poena extraordinaria, si statim post peracta sponsalia se carnaliter cognouerint, afficiantur, de quo infra.

*Differentia  
V. a causa  
efficiente pe-  
sita.*

§. V. Si causam efficientem *matrimonii* et *sponsalium* inspiciamus, scilicet *consensum*, pariter differentia luculenter apparebit. Licet enim tam *nuptiæ* quam *sponsalia* nudo et solo consensu constitui *in l. 4. l. 11. D. de sponsal. l. 30. de R. I.* dicantur, quoad ipsum tamen consensum est discrepantia *in intentione, tempore ac modo* GIPHAN. *disp. de patr. pot. n. 351.* PAUL. CYPRAEVS *de sponsal. c. 5. §. 1. n. 5.* Alius utique desideratur in sponsalibus, qui conuenienter appositeque vocatur a Ictis *sponsalitiis*, ideo quod non statim *præsens coniugium*, sed potius *nuda tantum desponsatio* intendatur: alius requiritur in matrimonio, qui dicitur *nuptialis* siue *matrimonialis*, quod per eum intendatur *præsens coniugium*, facultatem cohabitandi annexam habens, Interest

terest porro reipublicæ, vt publice de legitime contracto matrimonio constet, et hoc a promiscuo et vago concubitu fecernatur; inde in plerisque optime constitutis rebuspublicis cautum est, vt *sponsalitiis* quidem *simpliciter*, matrimonialis vero *solemniter* et *publica declaratione* edatur, quamvis arbitrarius sit modus edendi publice consensum, quem proinde lex ciuili determinat. De iure ciuili ille vt plurimum declarabatur *deductione in domum*, quæ magna fiebat cum solennitate *l. 5. cum seqq. D. de rit. nupt. l. 6. C. de donat. ante nupt. l. 15. D. de condit. & demonstr.* Confirmat hanc distinctionem, de qua prolixius iam egimus in *Prolegom.* PAVLVS in *l. 7. §. 1. D. de sponsal.* dicens: *In sponsalibus etiam consensus eorum exigendus est, quorum in nuptiis desideratur, unde dilucide satis discernit consensum sponsalitiu a matrimoniali*, et idem est, ac si dixisset: vti matrimonium sine eorum, quorum interest, consensu *nuptiali* contrahi nequit, ita nec sponsalia sine istorum consensu *sponsalitiis* valida esse possunt. Vid. BACHOV. in *paratit. Wesenb. de sponsal. n. 4.*

§. VI. Differunt quoque matrimonium et sponsalia ratione *personarum*. Illæ personæ, quæ sponsalia celebrare possunt, non semper etiam ad matrimonium ineundum aptæ sunt, vt liquet ex *impuberibus*, qui sponsalia contrahere, minime autem nuptias perficere possunt. In sponsalibus sufficit, si tam mas quam foemina sint ætatis septem annorum, *l. 14. D. de sponsal. c. 1. C. 30. q. 2. c. literas 4. et seqq. X. de sponsal. impub.* adeo, vt nonnulli *diem vltimum septennii* pro completo habendum esse censeant fauore matrimonii. Interim contrarium verius esse videtur, præsertim cum sponsalia non semper contrahentibus sint *fauorabilia*, sed partim *onero-*

*Differentia*  
VI. ab ætate  
petita.

*onerosa*, partim etiam res *magnæ deliberationis*. Equidem nonnulli vrgent, quod hoc in casu malitia aetatem supplere queat, perinde vt in matrimonio, quam sententiam post COVARRVV. et SANCHEZ. tuentur GONZAL. ad c. 5. b. r. n. 4. et VALLENS. b. r. n. f. id tamen recte haud admittunt FACHIN. l. 3. *controu.* 26. et LVDWEL. *exerc.* 2. *th.* 3. *lit.* b. vbi insimul differentia rationem proponunt, quod infantes id, quod agunt, non intelligant, nec id, quod malitia supplere potest, scilicet *copula carnalis*, in sponsalibus concurrat. In nuptiis maturior ætas desideratur, quæ ad *præsentem cohabitationem* est idonea, h. e. vt mas sit pubes seu ætatis quatuordecim annorum, fœmina autem viripotens seu duodecim annorum *pr. l. de nupt. pr. l. quib. mod. tut. fin. l. 4. D. de rit. nupt. l. 68. D. de iur. dot. Nou. Leonis 109. ALTHVS dicoeolog. l. 1. c. 79. n. 6. PETR. GREG. THOLOS. in syntagm. iur. civil. lib. 8. c. 5. n. 2. et seqq. VALLENS. ad tit. X. de sponsal. impub. n. 1.* Ratio diuersitatis est, quod in sponsalibus spectetur sola voluntas, sufficiatque, ipsos contrahentes intelligere, quid agant. *l. 14. D. de sponsal. c. accesserit 5. X. de sponsal. impub.* Cedit autem suo modo voluntas etiam in impuberes, qui septem annorum ætatem compleuerint, *l. 5. l. 18. §. fin. C. de iure liber.* quamuis cum perfecte consentire haud possint, sponsalia nondum plene obligent, præsertim cum olim impuberum sponsalia parentes plerumque constituerent inirentque *l. 434. pr. de V. O.* non excluso tamen consensu liberorum. Si nudum parentum factum ad sponsalia etiam impuberum sufficisset, minus recte leges certam in desponsandis aetatem supposuissent, sed quouis tempore eorum etiam in cunis adhuc iacentium sponsalia contrahere potuissent. Id vero non admittit Ictus in *l. 14. D. de sponsal.* sed desiderat, vt ob  
VTRA-

**VTRAQUE PERSONA** *sponsalia fieri intelligatur*, quod qualemunque eorum consensum includit. In matrimonio generandi spectatur facultas, unde, si euenit, impuberes ea facultate destitutos, per *solemnem traditionem* alicui coniugii foedere iungi, illud quoad vinculum coniugale, potestatem in corpus alterius presentem, reliquosque effectus iuris pro *imperfecto* habetur *coniugio*, et tantum in *desponsationis* terminis inter impuberes licitis subsistit, non obstante facta traditione, quod hæc traditio respectu inde orientis obligationis in se irrita et nulla, nisi quatenus post adimpletam pubertatem, tacitam accessisse approbationem, et ratihabitionem probari possit, *l. 9. de sponsal.* Quoad effectus vero ciuiles eatenus obligationem producit, vt post *pubertatem* de nouo non sit repetenda traditio siue sollemnis collocatio, sed solus *continuatus* ad perfectionem coniugii sufficiat consensus, exemplo traditionis per breuem manum.

§. VII. Inter absentes et ignotos, modo se inuicem, *Differentia* si non de facie, tamen de fama vel alio modo nouerint, non *VII. quod* minus quam presentes contrahi possunt sponsalia, *sponsalia inter* *l. fin. D. absentes, non* *de sponsal.* veluti (1) per nuntium, simpliciter notam facientem *matrimonium* voluntatem mittentis, hac forsan, vti eam LUCIANVS in *phalaride* exhibet, formula, vbi ita legati: *Ceterum hæc vobis exponenda mandauit Phalaris; ego, inquit, o Delphi, talem mei existimationem esse* Sc. Simili modo in sponsalibus misit me Titius ad te, et hoc mihi negotium exponendum iniunxit, ego, inquit Titius, me te ducturum spondeo: (2) per internuncios vtrinque missos, et quæ tractantur, modo huic, modo illi nuntiantes: (3) per *proxenetam*, insuper blandis verbis et persuasionibus paciscentes instigantem, ac contractus conciliato-

rem agentem, vti recte ab HARMENOPVLO definitur, dicente, *proxeneta est, qui nuptiis conciliandis sese interpretem, et veluti sequestrum interponit*: (4) per *procuratorem*, qui speciale habet mandatum, *l. 34. D. de rit. nupt.* vnde et alium sibi substituere nequit, nisi hoc specialiter ei commissum fuerit. *c. fin. de procur. in 6. PEREZ. in cod. de sponsal. §. 2. n. 5.* Hic officium præbet, non nudum ministerium, agitque quidem mandato domini *l. 1. D. de procurat.* vti nuncius, internuncius, proxeneta, attamen insuper agit, et negotium instar domini perficit. Sunt quidam, qui autumant, *VLPIANVM in all. l. fin. D. de sponsal.* per *alium* accipere quemcunque hominem, etiam eum, qui alterius voluntatem forte fortuna a se auditam sine mandato defert; sed illud falsum esse, apparet ex eo, quod negotiorum gestorem sponsalia non admittant. Deinde quod falsus sit procurator, qui actum speciale mandatum requirentem, sine mandato gerit; in contrahente autem sponsalia alterius nomine, speciale, se ad certam designatam personam referens, mandatum requiritur. *arg. c. fin. X. de procur. in 6. nec sufficit generale. l. 34. D. de rit. nupt.* (5) per *interpretem*, qui inter duos diuersæ linguæ homines, qui se inuicem non intelligunt, et absentibus, etiam si fuerint præsentibus, annumerantur, *l. 1. §. fin. D. de verb. oblig.* solo linguæ defungitur ministerio. Imo (6) ineuntur etiam sponsalia inter absentes per *epistolam l. fin. D. de sponsal.* nihil enim interest literis vel verbis voluntatem nostram contrahenti declarare, cum æque valeat, quod literarum figura, quam vocibus lingua figuratis significatur *l. 38. de V. O.* Voces sunt animorum inter præsentibus signa, literæ inter absentes; idem præstat epistola absentibus, quod sermo præsentibus. *CY-*

PRAEVS



PRAEVS *de sponsal. c. 9. §. 20. n. 1. et 2.* Vnde si absens absenti scribat, plenam facit matrimonii fidem, contraque scribentem probat. CORAS. *l. 3. miscel. c. 4. n. 4. et seqq.* CYPR. *l. 9. §. 23.* E contrario matrimonium siue nuptiae per procuratorem indistincte etc. contrahi non possunt, ob rationem, quod ad minimum eius, quae ducenda est, praesentia desideretur, cum alia duci non possit in domum mariti, quam ipsa mulier, nec conueniens videatur, ut mulier per alium quam semet ipsum negotium peragat. Alia ratio erat mariti, qui etiam *per alium deductionem in domum*, qua praecipue consensus matrimonialis declarabatur, et sic nuptias perficere poterat, ut docet *l. 5. et l. 6. D. de rit. nupt.* Illud recte AZO obseruat *in brocardicis iuris*, aitque virum posse per nuncium uxorem ducere, mulierem nubere absenti marito per nuncium non posse, ut scilicet deductione in domum ducatur solenni, mulier enim in mariti domum, ut matrimonii domicilium, duci debet. *l. 5. l. 6. D. de rit. nupt.*

§. VIII. Prouinciae Rectores siue praesides, praefecti cohortis vel equitum tribuni, omnesque quoddam officium aliqua in prouincia administrantes, imo omnes ad eam pertinentes, scilicet filii, nepotes, domestici, aut propinqui, inde oriundam, vel ibi domicilium fouentem uxorem ducere, durante munere non possunt, sponsalia autem contrahere non prohibentur. *l. 38. l. 57. l. 63. D. de rit. nupt. l. 6. C. de nupt. l. unic. C. si rect. prouinc. vel ad eum pertin.* Contra interdictum contractae nuptiae irritae sunt, *l. 63. D. de rit. nupt. l. 3. §. 1. D. de donat. int. vir. et vxor.* quin quod GRATIANVS, VALENT. et THEODOS. Imperatores in *l. unic. C. si rector prouinciae vel ad eum pertin.* mulieribus prouincialibus etiam

*Differentia  
VIII. ratione  
prouinciae re-  
ctorum.*

Kkk 2

cum



cum arrharum lucro recedere atque a societate coniugali abire permittant; cum si tantum sponsalia in prouincia contracta sint, nec velit sponsa nuptias post depositum officium contrahere, hoc ei quidem liceat, arrhis tamen redditis, quas accepit. *l. 38. D. de rit. nupt.* Vera iuris ratio est, ne per concussionem, sua abutens potestate prouinciarum Rector, eoque ipso *terribilis*, inuitis parentibus, tutoribus aut propinquis, formosas et diuites virgines extorqueat, ac ad sponsalia constituenda adigat, trahatque magis quam ducat, id quod *potentatum* eleganter PAPINIANVS appellat in *l. 63. D. de rit. nupt.* Multi adhuc addunt plures huius prohibitionis rationes, nempe (1) ne blanditiis vxoris seductus pellectusque nimio cum damno Principis suis gratificetur affinibus, vel etiam amore eius in odium conuersio, calumniosus nimis apud vxoris suae consanguineos videatur: (2) ne contractis affinitatibus, earumque vinculis nimia Rectorum in prouincia firmata potestas Reipublicae metuenda existat, si nouum forsan sibi parare vellent dominatum, vnde etiam Romani annua, fiduciaria, imo momentanea prouinciarum voluerunt esse munera. (3) Ne prouinciarum Rectorem vxoris causa peculatus arguendi daretur occasio, vt apud TACITVM Seuerus Cinna ait, *quoties repetundarum aliqui accusati fuere, plura vxoribus obiecta sunt*, quare VLPIANVS in *l. 4. §. 2. D. de officio procons. et legat. de vxore secum in prouinciam ducenda* hunc in modum scribit: *proficisci autem proconsulem melius quidem est sine vxore, sed et cum vxore potest. Dummodo sciat, senatum Cotta et Messala consulibus censuisse futurum, vt si quid vxores eorum, quae ad officia proficiscuntur, deliquerint, ab ipsis ratio et vindicta exigatur.* Sed haec licet politicae sint, non tamen ab Imperatoribus, vt prima illa vnica, quam praemissimus,

mus, præteguntur. Vnde etiam quis veterem sponsam in prouincia, quam administrat, vxorem ducere potest, dosque data non fit caduca, *l. 38. §. 1. D. de rit. nupt.* quia scilicet sponsalia ante susceptum munus constituta, potestatis metu extorta dici nequeunt. Sic etiam in prouincia officium aliquod administrans, filias suas in matrimonium collocare ea in prouincia, ac dotem constituere non prohibetur, *l. 38. D. eod.* quia vir vt inuitus ducat, quam animo aspernatur; metu potestatis non tam facile, quam foemina, induci potest. Hæ sane æque prohiberi debuissent, si interdicti rationes tres illæ superius recensitæ essent adæquatæ. LEO philosophus tamen hoc interdictum ad filias etiam postea extendit, nullam putans esse rationem, quare non idem in filiabus præsidum probandum sit, quod in filiis ius ciuile constituerat. *Nou. Leon. 23.*

§. IX. Nec viduis permittitur intra annum luctus secundas celebrare nuptias, cum tamen semper eis sponsalia contrahere sit liberum, *l. 10. D. de his, qui not. infam* neque infamiae poena locum inuenit in ea, quæ intra tempus sponsalia tantum contrahit, *l. 10. §. 1. & l. seqq. §. 1. de his, qui not. infam.* SCHRADER *ad tit. inst. de nupt. p. 1. n. 14.* CYPRAEVS *de iure connub. p. 1. c. 5. §. 2.* Hanc vtique incurrit, quæ viro intra annum luctus nubit *l. 1. D. de his, qui not. infam l. 2. C. de sec. nupt.* quia turbatio sanguinis in nuptiis non vero in sponsalibus metuenda. *d. l. 10. §. 1. D. eod.*

*Differentia IX. ab annolutus petita.*

§. X. Sic ergo inutiles et irritæ poterant esse nuptiæ, vt tamen sponsalia valerent, vt ex hæcenus dictis liquet, *Differentia X. quod sponsalia possent esse vtilia, cum in-*

K k k 3

*et tilia, cum in-*

*utiles essent  
nuptiae.*

et ita sine dubio toto differebant coelo *sponsalia* et matrimo-  
nium de iure Romano. Interim si sponsalia valida praece-  
debant, illa quandoque durare credebantur, nuptiis ex aliqua  
causa irritis existentibus: si nulla praecedebant, ne quidem  
nuptiae irritae valebant iure sponsaliorum *l. 9. de sponsal. l. 32.  
§. 27. et 28. de donat. inter vir. et vxor.* Species facti, quae  
hoc illustrat, haec refertur, Titius Caiam minorem duode-  
cim annis adeoque immaturam in domum suam quasi mariti  
deduxit, et nuptiae fuerunt collatae (vel potius *conflatae* seu  
contractae, ut dicimus *conflare bellum, conflare amicitiam*  
seu *contrahere*) atque donationes inter eos factae. Quaeri-  
tur an illae valeant tanquam in sponsalibus factae? cardo con-  
trouersiae huc redit, an adhuc sponsalia sint, an matrimo-  
nium? Distinguunt Icti, ut, si quidem praecesserint spon-  
salia, durent, quamuis iam vxorem esse putet, qui duxit,  
quia sponsa quidem esse potest, non vero fieri vxor ante  
legitimam aetatem, et ita *consensus matrimonialis* frustra an-  
te legitimam aetatem interponitur, quod sine effectu fuerit.  
Si vero sponsalia non praecesserint, nequidem haec deductio  
in domum inutilis iure *sponsaliorum* valet. Conf. SCHILTER  
ex 36. §. 5. et 6.

*Differentia  
XI. ratione  
affinitatis.*

§. XI. Insignes et multae porro ratione effectuum differ-  
rentiae inter *sponsalia* et *matrimonium* sese produnt. Per ma-  
trimonium contrahitur affinitas: *l. 4. §. 3. de grad. consang.*  
ex sponsalibus, qua talibus, nulla nascitur affinitas, sed pu-  
blicae solum honestatis impedimentum §. 9. *instit. de nupt.* HA-  
VEMANN. *gamolog. synopt. lib. 1. tit. 1. p. 4. 5.* § 6. BRÜCKNER *de-*  
*cif. matrim. c. 1. per tot.* KITZEL. *Synops. matrim. c. 7. per*  
*tot.* STRVV. *exerc. 29. tb. 59.* WESENBECK. *de spons. n. 7.* HAHN.

in

*in obs. ibid. SCHNEIDEWIN. ad inst. de grad. affin. n. 7.* Unde sponsa patris mei mea nouerca nondum est, nec sponsa mea patri meo recte nurus dicitur. *l. 12. §. 1. 2. D. de rit. nupt.* Reuera ergo affinitas, quam quidem ex nudis oriri sponsalibus statuunt, ficta est, et nihil illud quam *spes affinitatis*. Perfecta seu legitima affinitas non nascitur, nisi cum per coalitionem viri et mulieris, i. e. per matrimonium duarum cognationes, quae diuersae inter se sunt, copulantur, et altera ad alterius finem accedit; *l. 4. §. 3. D. de grad. affin.* imo nec *naturalis* oritur *affinitas*, nisi quis rem cum puella habuerit, duorum denique in vnā carnem coalitio ex promissis *speratur* sponsalibus, non *oritur*. Imo vt nudae promissioni nuptiarum praematura corporum accedat commixtio, illicitum est. Nec obstat, quod *l. 6. §. 1. l. 8. ff. de grad. et affin.* dicatur socrus et soceri item generi et nurus appellationem ex sponsalibus acquiri, et quod iis ius diuinum consentiens, sponsos filiarum Lothi generos vocet. *Gen. 19. v. 14. vt in prolegom. iam dixi.* Idem enim *VLPIANVS l. 6. et l. 8.* auctor docet, non proprie sponsam patris nouercam, vel sponsam filii nurum dici *in l. 12. §. 1. 2. de sponsal.* Improperie hisce nominibus appellantur aliquando sponsus et sponsa, quoties ratio iuris eadem *coniugibus et desponsatis* applicari potest. Saepissime etiam id, quod futurum est, propter certam, quam concepimus, futurae existentiae spem eo nomine insignitur, quo insigniretur, si iam esset. Hac de causa *affinitatem sperari*, cum sperarentur nuptiae, dixit *PAVLVS*, eique *affinitati renunciare*, ad finiendam sponsalia nuntium mittere, significat *in l. 38. §. 1. D. de usur. et fruct.* Nec nobis aduersatur, quod *in l. 8. D. condict. caus. dat. causa non secut. dicatur*, donec inter sponsum

sum et sponsam maneat affinitas, dotis repetitionem non dari; id enim intelligendum est, donec *nuptiarum* maneat *instantia*, donec *nuptiæ propinquæ* sint et sperentur *futuræ*. Sic CONSTANTINVS Imperator, cum de donationibus, quæ futuri matrimonii gratia fiunt in l. 15. C. de donat. dixit, *sive affinitatis coeundæ causa quid largiatur*, quo sermonis genere THEODOSIVS et VALENT. in l. vn. C. de imponend. lucrat. *descript.* vtuntur; alias enim sequeretur, virum et vxores affines esse, quod inuita diceretur iuris scientia. Denique nihil mouet, quod Imperator in §. 9. instit. l. 12. §. 1. & 2. D. de nupt. vetet, patris vel filii sponsam ducere; id enim prohibetur non propter *affinitatem*, sed propter *honestatem* et *naturalem pudorem* §. 9. instit. arg. l. 14. §. 2. D. de nupt. Quæ ratio facilius admittit dispensationem, quam vbi vera iam est contracta affinitas.

*Differentia*  
XII. ratione  
potestatis maritalis.

§. XII. Sic quoque non ex *sponsalibus*, sed ex *coniugio* siue matrimonio perfecto acquiritur marito in vxorem *potestas* non solum iure diuino, sed et ciuili et canonico. Ius diuinum hanc potestatem firmat in c. 3. v. 16. Gen. Eph. 5. v. 22. ad Coloss. 3. v. 18. ad Tit. 2. v. 4. & 5. 1. Petr. 3. vnde et canones virum *caput mulieris*, hanc illi vt *membrum capiti* subditam esse volunt. c. 15. c. 17. c. 13. C. 33. q. 5. c. 7. C. 30. q. 5. Quod ad ius Romanum attinet, non omnes mariti eandem habuerunt potestatem in vxores. Contrahebantur enim nuptiæ tribus modis, (1) *farre*, (2) *coëmtione*, (3) *usu*; quos modos egregie explicat THOMASIVS *Dissert. ad tit. I. de nupt.* Coëmtione vxor in filia locum, maritus in patris veniebat. De *farre* dicit VLPIANVS tit. 9. apud SCHVLTING. in iurispr. anteiust. p. 591. *Farre conuenitur in manum certis*

*tis verbis et testibus decem presentibus & solenni sacrificio*  
*facto, in quo panis quoque farreus adhibetur. Hoc modo*  
*contractæ nuptiæ dicebantur sociatæ, de quibus talis erat lex*  
*Romuli: mulierem nuptam, quæ ex sacratis legibus in ma-*  
*num mariti convenisset, cum eo omnium & bonorum & sacro-*  
*rum participem esse. Quod igitur mulieres cum viris sacra-*  
*tissimi et primi cibi fierent participes, et valde bona fortu-*  
*na convenirent, ea res appellata fuit farris communicatio.*  
*Hæc lex, ut nihil de vigore vinculi coniugalis et successio-*  
*ne dicam, coëgit mulieres nuptas, utpote quæ nullum aliud*  
*refugium haberent, ad unius sui mariti mores vitam con-*  
*formare, et si qua in re deliquissent, ipsum maritum, qui*  
*iniurias passus, iudicem habebant, qui poenæ magnitudi-*  
*nis erat arbiter. Vsu autem dicebatur haberi vxor, quæ si-*  
*ne confarreatione, coëmptioneque habebatur solenni,*  
*eaque vxor nec patris sui potestate liberabatur,*  
*nec in manu seu potestate erat viri, nec ma-*  
*terfamilias, verum sui iuris, vel in potestate patris*  
*sui: per usucapionem tamen ex LL. XII. tab. fiebat mater-*  
*familias, si integro anno liberorum quærendorum gratia apud*  
*maritum moraretur, nisi usucapionem interromperet, tri-*  
*noctio perfecto a viro adnotando. Iure igitur veteri nu-*  
*ptiæ solennes et patri potestatem ademerunt et viro similem*  
*quandam in uxorem dederunt: secundum leges vero poste-*  
*rioris aui iusque Iustinianæum nihil certius, quam patri sal-*  
*vam et illibatam manere potestatem etiam in nuptam, nec*  
*eandem absorberi potestate maritali, nec foeminam desine-*  
*re sui iuris esse, si antea talis fuit, cum nupta est, l. 2. §.*  
*ult. l. 18. §. 2. de iniur. l. 12. C. de Collat. Unde nuptiæ iustæ*  
*dicuntur quidem modus acquirendi patriam potestatem in*



liberos, at non in vxorem, nec referuntur inter modos, quibus patria soluitur potestas. *tit. instit. quib. mod. patr. pot. solu. l. 1. §. 5. l. 1. C. de bon. quæ lib. l. 4. C. solut. matr. l. 5. C. de repud. l. 29. D. solut. matr. l. 20. D. ad l. Iul. de adult.* Nullum tamen est dubium, quin maritus iure etiam nouo aliquod habeat ius et potestatem in vxorem, cui iuri maritali patria potestas cedit. *l. 2. D. de lib. exhib. l. 1. C. eod. l. 5. C. de repud.* Ita non sponsa sed vxor marito ad obsequium et reuerentiam, qualemcunque subiectionem, obligatur, et maritus quandam domesticam disciplinam in vxorem, nullam in sponsam habet, et in genere quæ iura permittunt in vxorem, denegant sponso in sponsam. Ipsos autem limites maritalis potestatis hic illustrare non vacat, id quod a meo instituto alienum.

*Differentia  
XIII. ratione  
obligationis ad  
operas,*

§. XIII. Ex eodem fundamento non sponsa, sed vxor operas marito, quatenus mariti id exigit status, præstare tenetur in commodum mariti, B. STRYCK *diff. de oper. vxor.*, adeoque omnia bona in domo reperta mariti esse præsumuntur, nisi vxor quædam sua esse probauerit *l. 51. de donat. int. vir. et vxor. l. 6. C. eod. MEVIVS P. 5. dec. 360. n. 12. BRVNEM. ad l. 51. D. de don. inter vir. & vx.* Operæ vero vel præstantur nudo personali officio marito exhibendo, eisdemque obsequendo, vel alia *industria artificiali*, indeque operæ dicuntur vel *officiales* vel *artificiales*. Illæ a ZASIO *lib. 1. singul. resp. c. 3. n. 14.* definiuntur, quod rem mariti eius personam, victum, curationem, otium, quietem, voluptatemque directo respiciant, hæ vero, quæ absolute in se nullo habita respectu, ad personam mariti fiunt, et a quocunque, cuicunque, quolibet etiam tempore fieri possunt.

Ad



Ad illas marito obligatur vxor, non ad has. Posterius patet ex *l. 31. D. de donat. inter vir. et vxor.* vbi asseritur: "Sed si vir lana sua vestimentum mulieri confecerit, quamvis id vxori confectum fuerit (h. e. in vsum vxoris) et vxoris cura, tamen viri esse, neque impedire, quo in ea re vxor tanquam lanipendia fuerit, et viri negotium procurarit., Et in §. 1. d. l. dicitur: "quod si viri nomine ex lana sua vestimenta confecerit virilia, hæ viri esse debeant, vt is tantum lanæ pretium vxori præstet., Idem confirmat *l. 48. D. de oper. libert.* Vbi Ictus: "sicuti patronus, ita etiam patroni filius et nepos et pronepos, qui libertæ nuptiis consensit, in officio mariti debet esse, h. e. marito officiales debet operas., Quod autem in adducto textu per officium operæ intelligantur officiales, atque adeo officia et operæ non distinguantur, vt GOTHOFRED. in not. lit. d. putat, patet ex *l. 2. C. de obseq. patron. præstand.* ibi enim dicitur, quod libertæ officium patronis præstare non cogantur, si eius voluntate essent nuptæ, vt et Imperator in *l. 11. §. 16. de oper. libert.* officium vocat operas. BERLICH. part. 2. dec. 224. n. 40. q. 20. n. 94. seqq. COLER. de proc. exec. p. 1. c. 2. n. 167. CARPZOV. de iur. singul. foem. dec. 1. pos. 3. n. 15. et p. 2. c. 25. def. 15. p. 3. c. 25. def. 8. SCHÖFFER in Synops. iur. priu. de rit. nupt. n. 58. Rationes, quæ huic nostræ opponi possunt sententiæ resolutæ sunt a STRYKIO in *V. M. tit. de nupt. §. 64.*

§. XIV. Sponsa non tenetur sponsi concubitum pati <sup>Differentia</sup> sponsusque, qui inuitam ad concubitum cogit sponsam, vt <sup>XIV. ratione</sup> stuprator violentus, et qui reluctantem rapit vi, vt raptor <sup>obligationis</sup> iure ciuili punitur *l. vn. C. de rapt. virgin.* In vxore vero <sup>ad copulam</sup> carnalem. omni-

omnino adest obligatio ad copulam carnalem, in qua eo ipso consensit, quo consensit in matrimonium. Proinde maritus vxori, et vxor marito debitum coniugale sine peccato denegare nequit, nisi iustæ causæ adsint, quæ ab interpretibus passim excutiuntur hic prætereundæ. Si præfractæ vxor marito cohabitationem recusat, vt desertrix habetur, et matrimonium dissolui potest: minime vero ob hanc denegationem sponsalia dissoluuntur, quippe quæ iusta est, et vitio caret.

*Differentia  
XV. quod vxor sequi tenetur mari-  
sum. non  
sponsa.*

§. XV. Nec sponsa sponsum vagantem sequi tenetur, quia non censetur ante nuptias elegisse mariti domicilium, vel suum mutasse *l. 32. D. ad municip. ibi: ea, quæ desponsata est, ante contractas nuptias suum non mutat domicilium.* Vxor autem maritum mutantem domicilium sequi tenetur, imo et relegatum, cum relegatio non soluat matrimonium, *l. 1. C. de repud. l. 24. C. de donat. inter vir. et vx. nouell. 22. c. 15.* ac vxor debeat casus fortuiti viri particeps esse, vt dicitur in *l. 22. §. 7. D. solut. matrim.* Sane Romanarum matronarum ea erat fides in maritos, vt non protinus e lecto proscriberent, quos magistratus exules decreuerat. Sulpitia a Matre Iulii diligentissime custodita, virum tamen Lentulum in Siciliam secuta est, *VALER. MAX. lib. 6. c. 7.* Romani Inpp. vxores illas, quæ maritos in militiam comitabantur, priuilegiis exornarunt. *l. 1. §. 2. C. de vxor. mil.* Ius canonicum ex AVGVSTINO dicit: *Vnaquæque mulier sequatur virum suum, siue in vita, siue in morte. c. 3. C. 13. q. 2. add. c. 9. de coniug. leprof. c. 4. C. 34. q. 1. §. 2.* Conclamatum utique est, quod coniuges teneantur sibimet inuicem ad mutuum obsequium; hoc certe præstare sibi nequeunt, nisi simul cohabitent, et cum vir sit mulieris caput, *Eph.*

*Eph. V. & 1. ad Cor. XI.* consequens est, uxorem in hac cohabitatione subditam esse viro *l. 4. D. de op. lib. ibi; nam hæc cuius matrimonio consensit in officio mariti esse debet, quod adeo verum esse dicit gloss. inc. 1. de coniug. leprof. verb. de consuetud.* vt contraria consuetudo tanquam iuri diuinò aduersa censenda sit. Inde hodie Doctores disquirunt, an sequi vxor virum ex necessitate absentem teneatur, nisi velit ipsa desertrix malitiosa haberi et causam diuortio præbere? quidam id tunc demum admittunt, si ex iusta causa mutauerit domicilium maritus; alii adstringi uxorem præcepto comitandi virum *qualitercunque* censent, modo non ex causa *turpi* vel *inhonesta* velit transferre domicilium. Alias enim, aiunt, nulla foret differentia inter virum et uxorem, quod absurdissimum esse videtur, cum quando causa necessaria subest, ex parte *uxoris* teneatur vir ipsam sequi, et quia vir est caput, ipsius sit gubernare, eligere domicilium, non autem vxoris, quæ gubernationi viri subest. Alii, si propter proprium scelus maritus exilii poenas luat, mulierem laudandam quidem esse credunt, quam ne quidem flagitium ad meliorem frugem conversi viri a consortio dirimit coniugali, non autem esse cogendam detrectantem virum sequi; illam puniri non debere ob delictum coniugis, poenam autem exilium esse maximeque luctuosum deserere penates, et sine certa sede vagari: sat poenæ in mulierem ex coniugii coniunctione redundare, quod illa ob mariti flagitium eius consortio præter suum carere cogatur maritum, viduamque marito superstiti exordiri vitam durissima matrimonii obliuione, vt TERTULLIANVS de viduis Africanæ Cereris loquitur, BROWER. *de iur. connub. lib. 2. c. 32.* Plurimi vero, quo-

rum sententia merito præferenda, - sine discrimine vxorem virum sequi obligatam esse aiunt, quod illa debeat sequi viri infortunium, *l. 22. D. §. 8. solut. matrim.* nec hoc sit puniri vxorem innocentem ob viri delictum, sed poena imponatur viro, et quia vxor iure diuino tenetur, eum sequi ex causa necessaria, et incuitabili alio migrantem, per accidens et infortunium patiatur vxor, veluti seruus mariti idem exilii infortunium pateretur dominum comitans, non per modum poenæ, quia innocens est, sed quia iure seruitutis tenetur dominum sequi. In eo vero conueniunt omnes, sponsam sponsum, si ille delicti alicuius siue (1) ante sponsalia, siue (2) durantibus illis perpetrati inculpatus, vt alio migrare et domicilium peregrinum quærere necesse habeat, sequi minime teneri. Non enim quoad primum casum indulgendum esse dolo interuenienti, si nempe sponsus culpam, quæ in contrahendis sponsalibus sibi impedimento esse credebatur, celauerit, quia is semper et vbique exceptus intelligitur, dum consensum impedit. *l. 7. in pr. D. de dolo cap. cum contingat. 28. X. de iureiur.* SCHNEIDEWIN. *in pr. instit. de action. n. 25.* Imo quoad vtrumque casum emigratio ac peregrino in loco perpetua commoratio difficillima est conditio, cuius si sponsa notitiam habuisset, nunquam forte in desponsationem consensisset, ac, quia talis accidit casus, qui si tempore sponsaliorum affuisset, sponsa procul dubio matrimonio renuisset.

*Differentia  
XVI. quod  
uxor transeat  
in ius mariti,  
non sponsa.*

§. XVI. Similiter non ex sponsalibus, sed legitime et bona fide contracto matrimonio ius coniugale vxori proprium oritur, quod hæc sequatur maritum quoad nomen. *l. 125. §. fin. D. de V. S. conditionem, statum et dignitatem. l. 8. l. 12. D. de senat. l. 13. C. de dignitat.* BRUNN. *ad l. 10. C. de nupt.* Hinc vxor ignobilis a marito nobilitatur, vel potius

tius, quamdiu in tali matrimonio seu viduitate viuit, pro nobili habetur, et a Doctore ducta eiusdem dignitatis particeps fit, vt etiam liberi ex patre Principe seu comite, matre vero vilioris conditionis vere Principes et Comites nascantur, qui in successione Regiminis et feudi etiam electoralis non differunt ab iis, qui ex vtroque parente Principe seu Comite nati sunt; REINKING. *de regim. secul. lib. 1. class. 5. c. 11. n. 23.* quamuis a quibusdam beneficiis ecclesiasticis in ecclesiis seu ordinibus equestribus, vel etiam in torneamentis excludantur ii, qui genus suum a parentibus vtrunque ad certos gradus semper nobilibus probare nequeunt, *welche nicht für Stift und Rittermäsig zu halten seyn.* E contrario foemina siue a natalibus, siue a coniugio mariti nobilis fit, marito minus nobili nubens priorem nobilitatis gradum *regulariter* amittit, et conditionem mariti sequitur. BRVNN. *ad tit. C. de dignit. n. 4.* TIRAQVELL. *de nobilitate q. 18.* Similiter vxor, liberi, famulique eodem iure præcedentiæ respectu aliarum vxorum, liberorum et famulorum vtuntur, quo maritus et dominus vtitur. MEVIVS *p. 9. d. 79. n. 8.* Vxor ibidem, vbi maritus, suum habere domicilium forumque sortiri censetur, *l. 65. D. de iud. l. 19. D. de iurisd. omn. iud. l. ult. §. 3. D. ad municip. l. 5. D. de rit. nupt. l. 1. §. 2. D. de lib. agn. l. ult. C. de incol. l. vn. C. de mulieribus in quo loco &c.* modo traducta sit in domum mariti, qua solennitate demum de iure communi matrimonium dicitur consummatum. *arg. l. 5. ff. de rit. nupt. l. 1. de donat. inter vir. et vx. l. 31. ff. de R. l. l. 24. C. de nupt. l. 9. D. de sponsal. l. 13. §. 8. D. ad L. Iul. de adult. l. 68. 69. §. 3. D. de iur. dot.* Vnde mulier nupta muneribus patris non amplius obstricta est, exceptis *realibus*, propter bona, quæ adhuc ibi possidet, nisi ius ciuitatis

tis sibi referuauit citra præiudicium mariti, vel si in loco habitat, qui communitatem seu vnionem cum loco originis habet. *l. 6. l. 32. l. 37. §. 2. D. ad municip.* Hoc forum etiam retinet post mortem mariti, *l. 22. D. ad municip.* imo hodie etiam si thorum vidualem stupro violet, *CARPZ. P. 2. dec. 15. LAMTERB. differt. de domicil. tb. 21.* Hinc si quæstio de dote, de bonis tempore matrimonii quæsitis, aliisue matrimonii effectibus mouetur, iuxta leges et consuetudines loci, ubi maritus habitauit, in iure agendum est. *l. 65. D. de iudic.* Desponsata siue sponsa ante nuptias contractas, h. e. ante translationem in domum mariti, non mutat domicilium, nec forum vel iurisdictionem. *l. 32. D. ad municip. l. 19. 29. D. de iurisd. CYPRAEVS de iure connub. p. 1. c. 5. §. 15.*

*Differentia  
XVII. ratio-  
ne luctus.*

§. XVII. Vxor maritum elugere tenetur, ac integrum annum expectare debet vidua, priusquam ad secundas conuolet nuptias. Quantumuis enim veteres Romani decem duntaxat menses luctus constituerint vxori, vel, ut inquit *PLUTARCHVS in Num.* mulieres a morte maritorum decem menses permanerent viduæ, adeo ut si quæ intra decimum mensem nupsisset, eam leges *NUMAE* vaccam prægnantes immolare iuberent, cuius interualli præfiniti ratio erat, seu quod tantum impendi voluere veteres in elugendo marito, quantum natura flagitat ad partum hominis (ut scilicet mariti mors et filii partus matri et vxori æquo tempore videatur lugubris) seu quod decimo post obitum mariti mense parere possit honesta foemina. *l. 9. D. de liber. et posth. VALENTINIANVS* tamen ac *THEODOSIVS* Imperatores duos adhuc adiecerunt menses, sicque integrum annum luctui a foemina tribui voluerunt. *l. 2. C. de nupt.* Quod imperatores vnice fere ex

bo-



*honestatis regulis* introducendum esse credidere. Annus hic integer et continuus ignorantiam etiam mortem mariti currit ab ipso die mortis. *l. 2. C. de sec. nupt.* et ideo si post legitimum tempus cognovit mulier mortem mariti, *Labeo* ait, *ipsa die et sumere eam lugubria et deponere*, teste *ULPIANO l. 8. de his, qui not. infam.* Quod si talis maritus sit, quem more maiorum lugere non oportet, quod forte publico aliquo crimine teneatur, *l. 11. §. 3. D. de his, qui not. infam.* quod perduellis fiat, vel se suspenderit, aut alio modo violentas sibi intulerit manus, non potest tamen eius vidua, si vterum gerat, ante editum partum intra legitimum tempus nuptum collocari, *quia præter se ad id tempus retulit, quo vir eligeretur, qui solet eligeri propter turbationem sanguinis d. l. 11. §. 1. et 2. de his, qui not. infam.* Si vero intra legitimum tempus i. e. intra anni spatium (*l. 2. C. de sec. nupt.*) partum ediderit nubere vel alterius vxor fieri non prohibetur, *d. l. 11. §. 2. de his, qui not. infam.* quia hic edicti ratio cessat, nec ob reverentiam eius, qui, antequam ea pareret, decessit, vetebantur ei nuptiæ, sed propter seminis confusionem potissimum. Imo et si honesti ac bonæ famæ viri vidua enixa fuerit, tempus tamen legitimum observare debet, quia hic non solum ob *sanguinis turbationem*, verum et *defuncti honorem et reverentiam*, quam per annum adhuc ius civile saluam esse voluit, nuptiæ prohibentur; cum et vxor relicta virgo, lugere virum debeat, *l. 6. D. de rit. nupt.* quamvis hoc casu a Principe facile impetrari soleat, ut intra legitimum tempus mulieri nubere liceat. *l. 10. D. de his, qui not. infam.* Viris tamen nullum præscriptum est tempus, nullaque lege ii vxores lugere compelluntur; quare confessim post obitum

vxoris



vxoris nouas contrahere nuptias permissum. Ratio diuersi iuris quærenda est in *pietate et reuerentia*, quam marito debet mulier, non vir vxori, et propter quam vxores maritos elugere debent, mariti vero vxores lugere non compelluntur, sed secundum pietatis rationem et animi sui patientiam, prout voluerint, lugent. *l. 9. iunct. l. 23. D. de his, qui not. infam.* Sed licet viduæ expressa aliqua lege diuina vel ciuili forte non obligentur ad luctum; attamen durante spatio semestri post prioris coniugis obitum, eos a nouo abstinere matrimonio, æquum omnino est. — IOH. GERHARD. in loc. de coniug. §. 200. PAVL. CYPRAEVS de sponsal. c. 13. §. 96. Quamquam enim turbatio sanguinis, seminisque confusio in viris cesset, alia tamen prohibitionis ratio, publica scilicet *honestas*, obstat, et licet poenam infamiae non incurrat, leuitatis tamen et incontinentiae notam incurrunt. CYPRAE. de sponsal. c. 13. §. 69. Poena vero quintuplex statuta est in. *l. 1. C. de sec. nupt.* intra tempus luctus ad alia vota properanti. Nam (1) ipso iure fit infamis *l. 1. 2. C. de sec. nupt. l. 1. D. de his qui not. infam.* quæ infamia etiam extenditur ad patrem, qui filiamfamilias in matrimonium collocauit, eumque, qui sui iuris sciens eam duxit; *l. 1. D. de his, qui not. infam.* non autem qui iussu patris sui, in cuius lacris est, in ducendo obsecutus fuit, sed pater eius, qui passus fuit: nam qui obtemperauit, venia dignus est, et qui passus est ducere, notari ignominia, non iniquum est. *l. 11. §. fin. D. eod.* (2) Plus tertia parte bonorum titulo dotis, vel per testamentum, vel inter viuos, in secundum transferre matrimonium nequit. *d. l. 1. C. de sec. nupt.* (3) Omnium hereditatum, legatorum, fideicommissorum, *suprema voluntate*

voluntate relictorum, mortis causa donationum sit expers (h. e. horum nihil extraneus mulieri illi recte relinquit) namque omnia ab heredibus vel cohæredibus aut ab intestato succedentibus vindicari iubentur, ne in his, aiunt Imperatores, in quibus correctionem morum induximus, fisci videatur habere rationem. (4) Amittit ea, quæ titulo hæreditatis, legati aut fideicommissi a priori marito accepit d. l. 1. quæ decem personis *edictio prætoris enumeratis* i. e. *ascendentibus* (patri, matri, auo, auia) et *descendentibus* (filio, filia, nepoti, nepti) *ex latere autem usque ad secundum gradum* fratri et sorori addicuntur, quibus deficientibus sit locus fisco d. l. 1. (5) *Eandem mulierem infamem redditam, hereditates ab intestato vel honorarias non ultra tertium gradum suum vindicare*, ut aiunt Imperatores d. l. 1. Hæc vero omnia recensita, scilicet prohibitio nuptiarum intra legitimum tempus luctus, pœnæ festinatis nuptiis secundis impositæ, sponsam, cuius nullus est luctus l. 10. §. 1. *de his, qui not. infam.* non constringunt ob cessantes prohibitionis rationes supra adductas, l. 9. §. 1. *D. de his, qui not. infam.* l. 1. §. 2. *C. de sec. nupt. iunct. l. 5. §. 6. 7. 8. D. de rit. nupt.* ex quibus magnum inter *sponsalia* & *matrimonium* discrimen elucet, quod nemo in dubium vocabit.

§. XVIII. Sponsus dotalium bonorum sponsæ dominium regulariter, aut usufructum non habet, quia dos re-

*Differentia  
XVIII. in  
tu dotis et bo-  
norum uxoris.*

spectum habet ad onera matrimonii, l. 20. *C. de iur. dot. l. 76. inf. de iur. dot.* licet vel maxime sponso ante nuptias dos data fuerit; quia res data non tam dos, quam dori est destinata l. 7. *in f. iur. dot.* quamvis repetitio eius denegetur: "quod enim ex ea causa nondum coito ma-

“trimonio datur, sic datur, tanquam in dotem peruenturum, “adeoque quamdiu peruenire potest, repetitio eius non “est,” vti ait Ictus in l. 8. *de condict. causa data, causa non sec.* Videndum tamen, qua mente res datae fuerint, vtrum, vt statim eius fierent, an vero tunc, vt secutis demum nuptiis? In dubio credendum est, id agi, vt statim res eius fiant, et sic quoque vlucapio procedere potest, quz priori casu procedere non poterat. l. 1. §. 2. *D. pro dote.* Mariti est diuersa ratio, qui non tantum dotis dominus fit, l. 75. *D. de iur. dot. l. 20. C. de iur. dot.*, sed secundum plurium locorum statuta, etiam reliquorum omnium vxoris bonorum paraphernalium vsumfructum habet. l. fin. *C. de pact. conuent.* *Sachsen Land-Recht lib. 1. artic. 31.* Add. *CARPZ. in iurispr. for. p. 3. constit. 16. def. 12.* et *MEVIVS ad ius Lubec. lib. 2. artic. 12. n. 154. § seqq.* Vnde etiam maritus dotis simpliciter promissae vsuras demum a die nuptiarum exigere potest l. 7. §. fin. *de condict. caus. dat. caus. non secur.* *CARPZ. in iurispr. for. p. 3. constit. 23. def. 4.*

*Differentia  
XIX. ratione  
alimentorum.*

§. XIX. Sponsus alimenta sponsa praestare, aut pecuniam lustricam, si sponsa matrinalis fiat, aut donum nuptiale, si ad conuiuium nuptiale inuitetur, suppeditare, sponsae aegrotantis curam gerere, mortuae funus componere, iure cogi non potest; quod tamen si fecerit, fructus dotis promissae interim lucratur. *COLER. de aliment. lib. c. 2. n. 19.* Maritus vero omnia matrimonii onera subire obligatur, l. 75. *D. de iur. dot. l. 20. D. de iur. dot. vxorem pro statu suo alere, vestire, famulas quoque in seruitium aut in adiutorium vxoris c. 11. dist. 3.* ac totam familiam ex suis bonis sustentare, *CARPZOV. p. 3. c. 20. dec. 18. n. 6.* *MEVIVS p. 2. dec. 121. n. 2.* vtque pro aegrotante, vel

vel furiosa vxore expensas in curam erogare debet, *l. 22. §. 8. D. solut. matr. l. 13. C. de negot. gest.* quæ omnia plenius et vberius excutiuntur a COLERO *cit. tr. lib. 1. c. 10.*

§. XX. Largitas siue sponsalitia donatio celebratis sponsalibus intuitu futuri matrimonii, tam a sponso eiusque parentibus sponso eiusque parentibus, quam a sponsa eiusque parentibus sponso eiusque parentibus data, (*l. 1. 2. 3. 4. 6. 15. 16. 14. 13. 18. C. de donat.*) matrimonio subsecuto ac consummato, eius, cui data, manet, nulla admissa distinctione, quo modo et cuius interueniente culpa matrimonium postea sit dissolutum. Conditio enim nuptiarum, quam sponsalitia largitas expresse vel tacite continebat, omnimodo adimpleta est, nisi forte conuentum fuerit, vt matrimonio distracto, data apud dantem eiusque hæredes remanerent; tum enim ea iure postulari posse, rescripserunt Imperatores in *l. 7. C. de donat. ante nupt. l. 12. C. eod.* Omnino diuersum obtinet in sponsalibus; iis enim dissolutis, nuptiisque non secutis, si vnus desponsatorum temere fecit dissidiũ, data amittit, accepta restituit, ac promissa transferre debet. *l. 15. C. de donat. ante nupt.* Sin iuste ac legitime repudiauerit sponsam culpæ ream, et vice versa, sponsus aut sponsa donata repetit, accepta retinet, promissa iure postulat. *d. l. 15.* Sin non culpa alterutrius dissolutio eueniat, data repeti possunt condictione causa data, causa non secuta, quia *ad finitatis coeundæ causa*, vt dicitur in *cit. l. 15. h. e. sub conditione futurarum nuptiarum*, facta est donatio inter desponsatos, quæ reuocari non posset, si sponsalia etiam inter ipsos desponsatos perfecta, nec a solis parentibus contracta ipsum iam constituissent matrimonium, quod tamen adhuc in *conditione* hoc casu positum e-

*Differencia  
XX. ratione  
donationis in-  
ter desponsa-  
tos factas.*

rat, et ita minime constitutum. Ergo cessante fine, cessat quoque donatio. *l. 8. C. de condict. ob causam dat.* Quod si mutuo dissensu bona gratia non animi rancore et offensa a sponsalibus discesserint, *l. 32. §. 10. D. de donat. inter vir. et uxor.* itidem donata restituuntur, dum adimpleta nuptiarum nonprehenditur conditio, prout antea dictum. Si vero morte matrimonii impediatur consummatio, i. e. si sponsus vel sponsa ante subsecutas decedat nuptias, omnia ea, quæ intuitu matrimonii, non ex mera liberalitate, donata fuere, ad sponsæ sponse hæredes reuertuntur *l. 1. §. 1. D. donat. l. 2. de donat. ante nupt.* nisi osculum interuenisset. *l. 16. C. de don. ante nupt.* Delibatam scilicet quadantenus et pro parte dimidia sponsæ pudicitiam, osculo interueniente, inter Romanos creditum fuisse obseruat IACOB. GOTHOFRED. *ad l. 5. C. Theod. de sponsal.* adeo ut, cum sponsus osculum præbuit, plus quam sponsa censeretur debuerit, et conditio pro parte secuta fuisse videatur. De SCIPIONE Africano refert FLORVS *lib. 2.* quod puellas summæ pulchritudinis bello captas, ne in suum quidem conspectum adduci passus fuerit, ne vel oculis quid de virginitate delibaret. Ex quibus patet, quod si tentatam virginum pudicitiam Romani castiores crediderunt, cum ad illas oculis fruendas itum est, quanto magis osculis tribui debuerint. Oscula ex seuera Romanorum gravitate ad licentiam coniugalem pertinebant, ut tum temporis quodam modo illud QUINTILIANI *declam. 276.* usurpare liceret, *uxorem aut maritum tantum osculo putari.* Vnde CONSTANTINVS quasi osculum quid virginitati decerperet, nec in totum amplius illibata puella, sed pro parte quasi dimidia delibata eius pudicitia, imo iam arctius cum sponso suo coniuncta esset, constituit, sponsam osculo exceptam dimidiam eorum,

eorum, quæ in spem matrimonii a defuncto accepisset sponso, lucrari partem *l. 16. C. donat. ante nupt.* Quare vero non idem in sponso etiam obtineat, ad id Doctores communiter respondent, osculo sponsæ pudicitiam non sponsi delibatam credidisse veteres; ideoque illam solum per osculum ætiori nexu sponso sociatam esse, imo quoad sponsam tantummodo quoddam nuptiarum accessisse implementum, vtpote quæ osculo edidisse videretur consensus coniugalis argumentum; et quodammodo conditionem adimpleuisse, dum concubitus solus non facit nuptias; *l. 30. D. de R. I.* quoad sponsum non item, cuius osculum, quia inane habebatur, nec pudicitie ipsius inferebat iacturam, nequaquam in vim consensus coniugalis accipi poterat.

§, XXI. Coniuges de iure civili in casu *nouelle 117. c. Differentia* *g.* et hinc desumpta *authent. præterea C. unde vir. et vxor.* ut *XXI. ratione* et iure prætorio succedunt. *t. t. D. et C. unde vir,* Olim quidem deficiente omni parentum, liberorum et propinquorum legitima successione erat fisco locus, qui bona ut *vacantia* occupabat, ut colligere est ex *l. fin. C. Theod. de legit. succ.* vbi dicitur: *fisco nostra matrimonii iura præponimus.* Postea tamen iure prætorio inducta est bonorum possessio, *unde vir et vxor*, quo, nullis agnatis aut cognatis extantibus, maritus et vxor sibi inuicem succedunt, quod communiter restringere solent, nisi cognati ultra decimum gradum adsint; hos enim haud succedere, sed iis superstitem coniugem præferendam esse volunt, KOHL. *de success. coniug. P. 1. n. 8. seqq.* GAILL. 2. *obs. 150.* CARPZOV. *P. 3. c. 18. def. 31.* MEVIUS *ad ius Lubec. lib. 2. tit. 2. art. 1. n. 84.* RICHTER *de success. ab intest. membr. 4. sect. 3. n. 20.* Sed hanc sententiam nullo subnixam



nixam esse iuris fundamento dicit STRYK. in *Tract. de success. diff. 3. c. 1. §. 29.* Non enim asseri potest, coniugum successionem esse alias inanem, cum consequentia hæc sit falsa, quia licet rarius deficient cognati, probatio tamen cognationis sæpe deficere possit, ideoque tali casu successio coniugum locum habere debeat. Requiritur autem in hoc edicto, (1) *ut iustum legitimumque inter eos fuerit matrimonium*, quamvis copula carnali non confirmatum. *l. vn. pr. D. unde vir. et vx.* (2) *Vt matrimonium adhuc tempore mortis duret*, cum diuortio facto hæc successio exspiret, *d. l. vn. §. 1. d. tit.* Non vero desponsati sibi inuicem succedunt, vtut WESENB. ad *tit. D. de sponsal. n. 5. GAIL. 2. obs. 80. KITZEL. in Synops. matrim. c. 5. theorem. 7. lit. d.* contrarium sentiant, qui *viri et uxoris* appellatione nondum veniunt, nec mortis tempore in matrimonio viuunt, quod tamen, vt supra diximus, requiritur *conf. l. 5. C. de bon. quæ lib. ibi: significatione nominis maritus et uxor post contractum matrimonium intelligitur.* Porro successio ob *matrimonium* conceditur, in desponsatis vero non est *matrimonium*, sed fieri speratur. Deinde copula et benedictio sacerdotalis deficit, qua matrimonia confirmari debeant, asserente LEONE *Novell. 29.* vt et consensus coniugalıs, qui coram sacerdote declarandus erat, inter eos nondum interuenit. Immo etsi concubitus inter desponsatos *matrimonium naturale et indissolubile* faciat, *c. 30. et 31. de sponsal. et c. 3. X. de sponsa duor.* adeoque liberi ex istis concepti sponsalibus suis succedant parentibus; *l. 9. C. de nupt.* quia tamen eiusmodi *matrimonium* contra canones est contractum, *c. 1. et 3. C. 30. q. 5. c. ult. X. de cland. desponsat.* hinc in casu, quo sponsus vel sponsa ante benedictionem decedit sacerdotalem, alter alteri ab intestato non succedit; quod si autem copula et benedictio



ctio sacerdotalis accedat sponsalibus, ex eo desponsati statim fiunt coniuges, atque omnes effectus contracti matrimonii de iure eam sequuntur communi, nuptias enim legitimas non concubitus inter desponsatos facit, sed hodie magis solus coram facie ecclesiæ declaratus consensus coniugalis.

§. XXII. Hypotheca et priuilegium inter hypothecarios, quod datum est pro dote nuptis *in l. ult. C. qui pot. in pign. ad sponsas, quæ dotes prorogauerint, non pertinet.* LAVTERBACH. *de tacit. pign. th. 14.* Quamuis enim contrarium colligatur ex *arg. l. 5. C. de bon. quæ lib. vbi, quod de fundo dotali in nuptiarum gratiam statuitur, ad sponsas extenditur, laudato sententiæ auctore IULIANO, quam et CAIVS tradit l. 4. de fund. dot. plerique tamen sponsæ pro dote prorogata priuilegium inter personales duntaxat adscribunt. l. 74. de iur. dot. l. 17. de reb. auct. indic. possit* IUSTINIANVS sane hanc hypothecam et priuilegium ad cohabitationem conjugalem retulisse videtur his *d. l. ult. §. 1. C. qui potior in pign. verbis: quis enim earum non misereatur propter obsequia, quæ maritis præstant, propter partus periculum, et ipsam liberorum procreationem? quæ omnia sponsæ non conueniunt, aut certe conuenire non debent. Quamuis vero ulterius regeri posset, iure veteri uxorem et sponsam ratione dotis esse exæquatas, adeoque merito quoque iure nouo in cit. l. 12. exæquatas censeri, id tamen non esse admittendum, recte censet LAVTERBACH. c. l. tum quod priuilegia non sint extendenda, tum quod rationes cit. l. 12. non possint applicari sponsæ, adeoque credibile sit, Imperatorem de sola uxore non etiam de sponsa disposuisse.*

*Differentia  
XXII. ratio-  
ne iuris pra-  
lationis.*

§. XXIII.

Tom. IV.

Nnn

*Differentia  
XXIII. ratio-  
ne obligatio-  
nis.*

§. XXIII. Ex sponsalibus oritur obligatio ex consensu mutuo; definiuntur enim ab ICTO, quod *sint mentio et repromissio futurarum nuptiarum* ad consummandum matrimonium. Hæc obligatio iure veteri Romano vim civilem habuit, ad compellendum, ut promissioni satisfaceret; cum enim per solennes sponsiones, seu *stipulationes*, sponsalia contraherentur, a quibus etiam, teste ULPIANO in *l. 1. D. de sponsal.* nomen acceperunt, dabatur actio ex stipulatu ad implendam promissi fidem, dum omne factum honestum in stipulationem deductum, actionem ex stipulatu parit *l. 2. pr. D. de V. O. l. 14. 73. et 81. D. eod.* a qua actione non diuersa erat illa, quam de *sponsu* vocant, cuius ex NERATIO *lib. 2. de nupt.* meminit CUIACIUS ad *tit. C. de sponsal. p. 251.* quam sponso datam fuisse dicit. Ex sponsu enim agere veteribus idem fuit, quam ex stipulatu, *l. 19. D. de aedilit. edict.* quo etiam omnino pertinet fragmentum, quod A. GELLIUS *lib. 4. noct. attic. c. 1.* ex Seruii Sulpitii libro de dotibus nobis asseruauit: *si post eas stipulationes vxor non dabatur aut ducebatur, qui stipulabatur, ex sponsu agebat, iudices cognoscebant, iudex, quam ob rem data acceptaque non esset vxor, querebat. Si nihil iustæ causæ videbatur, litem pecunia, Abtrag vocamus, aestimabat, quantique interfuerat, eam vxorem accipi aut dari. eum, qui sponderat, aut qui stipulatus erat, condemnabat.* At iure sequiori Romano necessitas adhibendi stipulationem in sponsalibus remissa, ceu ipse ICTUS *l. 2. ff. de sponsal.* stipulationem illam et sponsionem ad mores veterum refert. Idem affirmat GELLIUS, dum pergit, *hoc ius sponsaliorum obseruatum dicit Seruius ad id tempus, quo ciuitas vniuerso Latio lege Iulia data est ac permissum, ut simplici contrahantur consensu.* Vnde etiam ICTUS *l. fin. ff. de sponsal.* as-

se-

ferit, in sponsalibus constituendis parū referre, per se et coram, an per internuncium vel per epistolam, an per alium hoc factum sit, quod non procederet, si *stipulatione* opus esset, quæ non nisi conceptis verbis inter præsentes expediebatur, *l. 1. D. §. 1. de V. O.* adeoque etiam tanta sponsaliorum non permanfit obligatio, vis et potestas, ut aduersus eum, qui sponndit, firma competeret actio, cum vix *nudi pacti* seu *conventionis* terminos excederent, adeo ut nequidem poenali stipulatione constringi potuerint sponsalia. *l. 134. pr. D. de V. O. l. 71. §. 1. de condit. et demonstr.* Conuentio vero illa simplex præter exceptionem, iure prætorio concessam, nullum producebat ius. Vnde CUIACIUS ad *tit. C. de sponsal. p. 253.* asserit, pactiones de futuris nuptiis obligationem non producere, quod et innuere videtur Ictus, quando *spem nuptiarum* ex sponsalibus nasci dicit, *l. 6. D. de sponsal.* quorsum et collineat *l. pen. C. de sponsal.* ubi *sperate nuptiæ* dicuntur sponsalia, ex quibus apparet, nondum perfectum obligationis adesse vinculum, simili ratione, qua de promissione conditionali dicitur *spem esse debitum viri.* Vnde liberum fuit alterutri, sponsalibus renunciare, et cum alio quouis matrimonium contrahere, *l. 1. C. de sponsal. l. 2. de repud.* et tantum ad arrhas quadruplicatas reddendas refractarius, a sponsalibus resiliens, damnandus erat, exceptis paucis casibus, uti constat ex *l. 6. Cod. Theod. de sponsal.* et iis quæ a GODOFREDO ibidem annotata. Hæc tamen poena ex constitutione LEONIS et ANTHEMII sublata fuit, iussusque tantum mulctari resiliens amissione arrharum, quas dederat, et restitutione duplicatarum, quas acceperat. Arctius vinculum nascitur ex ipso matrimonio, et inde etiam ex iis varias actiones largiuntur, cum vxori contra maritum, tum mari-

to contra uxorem ad alimenta, cohabitationem et operarum coniugalium exhibitionem; alii etiam interdicta *recuperatoria* et *exhibitoria* concedunt, alii denique *actiones præiudiciales*. Hoc certum est, contra ipsam uxorem, quæ se uxorem esse negat, actionem præiudicialem instituere posse maritum arg. l. 3. §. 4. de agnosc. et alend. lib. et contra seductores uxoris *utilem serui corrupti*, ad interesse, arg. l. 11. de seru. corrupt. imo uxorem profugam ubique locorum et a quouis, etiam a socero, in cuius potestate filia iure Romano adhuc existeret, et patre suo detinente vindicare et ad exhibendum agere posse. l. 2. D. de lib. exhib. Sunt etiam alix actiones, quæ ante et post diuortium locum habere poterant, vt de agnoscendis liberis etc. quæ ad desponsatos *ordinarie* applicari nequeunt.

*Differentia*  
XXIV. *ratione*  
*conditionis*

§. XXIV. Sponsalia contrahi possunt pure, in diem et sub conditione. Si *pure*, obligatio simul et actio confestim existit §. 2. I. de verb. oblig. vt cedat et veniat dies, quod eo tempore, quo stipulatio interueniebat, et sic efficax actio aderat, insignem habebat utilitatem. *In diem* certum vero; quando quidem obligatio repente nascitur, at actio in præsens non datur; sed die demum adueniente, in quem collata erant nuptiæ l. 46. D. de verb. oblig. l. 44. §. 1. D. de oblig. et action. Denique *sub conditione*, si ipsam obligationem sponsalitiæ adiecta conditio incerta, an extitura sit? suspensam tenet l. 64. D. de verb. oblig. §. 4. eod. Instit. Imo et sub modis honestis et possibilibus, vti omnia alia negotia, ita et sponsalia contrahi possunt. Nuptiæ autem conditionem respuunt, partim ob rationem l. 77. D. de diuers. reg. iur. partim quod quamdiu pendet conditio, deficiat consensus coniuga-

iugalis, qui præsentem cohabitandi facultatem desiderat, quam conditio talis adimit, et sic magis adhuc durant sponsalia, quam nuptiæ constituuntur, si vel maxime domum sponsa ducta fuerit, arg. l. 9. de sponsal. Matrimonium ipsum, ait ZIEGLERVS diff. de condit. ib. 17. siue nuptiæ omnem prorsus respuunt conditionem. Quia enim illæ per coniunctionem maris et feminae de præsentem definiuntur, et talem, quæ indiuiduam vitæ consuetudinem continet, §. 1. l. de patr. pot. earum natura pati nequit, ut coniunctionem talem factam et nihilominus in futurum et incertum euentum suspensam dicamus. CYPRAEVS de sponsal. l. 8. §. 13. n. 1. et apud DEDEKENNVM volum. 3. lib. 2. sect. 5. n. 1. KITZEL. in synops. matrim. c. 5. theor. 8. sub lit. f. BECHSTADT. de condit. sponsal. part. 1. l. c. 2. n. 2. CARPZOV. in iurispr. consist. lib. 2. tit. II. def. 205. NICOLAI de diuort. part. 2. c. 4. n. 1. seq.

§. XXV. Sponsalia, quæ sunt pactiones et promissiones de futuro matrimonio, solennitatem non requirunt Iure Romano, ut matrimonium. Quamvis enim olim fierent per solennem stipulationem, i. e. interrogationem et responsionem, quarum illa competebat sponso, hæc sponsæ; postea tamen sublata illa solennitate, nudo consensu de ineundo matrimonio, quomodocunque declarato, constituta sunt sponsalia, nullamque præterea solennitatem requirunt; quod disertis pronunciat verbis ULPIAN. in l. 1. D. de sponsal. dicens: *sufficit nudus consensus ad constituenda sponsalia*. Hoc de nuptiis vero minime dici potest; illæ enim præter consensum alias etiam desiderant solennitates, quorum præcipua est deductio in domum, quæ magna cum solennitate et festiuitate peracta fuit. *Vespera enim*, ut refert BOCKELMANN. in Commentario ad D.

*Differentia  
XXV. vario-  
ne solennita-  
tum.*

lib. 23. Tit. 2. §. 18. nuptialis diei tres pueri prætextati, patrimi et matrimi, nouam nuptam ducebant, ita ut duo eandem tenerent, tertius faces præferret, quinque ex spina alba confectas in honorem, ut putatur, Cereris caput nuptæ flammeo velabatur: et ipsa cingulo ex lana confecto (quod cestum appellabant) præcingebatur. Id berculeo nodo vinctum fausti ominis causa vir soluebat, ut felix esset in generando instar Herculis, quem quinquaginta virgines una nocte gravidas reddidisse ferebatur. Mulier aedes intrans, Iuillo vel lupino adipe postes lana ungebat, ne quid mali medicamenti inferretur: tum fores lana coronabat. In ipsa domo aqua et igni accipiebatur, colum secum ferens. Tandem in pelle lanata confidebat. Hac igitur solenni deductione in domum sponsi nuptiæ celebrabantur, et contrahentes non amplius desponsati sed coniugēs erant l. 15. D. de condit. et demonstr. vbi Ulpianus ait, cui fuerit sub hac conditione legatum, si in familia nupsisset, videtur impleta conditio, statim atque ducta est uxor, quamuis nondum in cubiculum mariti venerit. His verbis ULPIANVS non negat conditionem esse impletam, si sponsa in cubiculum mariti venerit, sed id tantum intendit, hoc non præcisè esse necessarium, si modo solennis in domum deductio, prout moris erat, accesserit. Alias etiam concubitus cum fœmina, quam quis secum domi suæ matrimonii habebat causâ, etiamsi circa ullam ducta esset solennitatem, verum constituebat matrimonium, liberique inde nati erant legitimi l. 9. l. 22. C. de nupt. Id ergo asserit, satis esse, si modo ducta et hoc modo in mariti transuerit potestatem, ut cum ea concumbere posset, etiamsi in eius nondum venerit cubile et carnaliter cognita sit. Porro POMPONIVS in l. 5. D. de rit. nupt. hoc confirmat, ubi ita scribit: "mulierem absenti per literas eius vel per nuntium



„tium posse nubere placet, si modo in domum eius deduce-  
 „retur, eam vero, quæ abesset ex literis vel nuntio duci a  
 „marito non posse. Deductione enim opus esse in mariti  
 „non vxoris domum, quasi in domicilium mariti.” Et VL-  
 „PIANVS in l. 6. D. eod. “Denique Cinna scribit; eam qui ab-  
 „sentem (potius absens) accipit vxorem: deinde rediens  
 „a coena iuxta Tiberim periisset, ab vxore lugendum respon-  
 „sum est,” quoniam scil. per transitionem in domum mari-  
 „ti, vtut absentis, et a marito carnaliter non cognita, vero  
 tamen eius fuerit vxor, consequenter maritum lugere tene-  
 tur. l. 1. et l. 9. D. de his qui not. infam. Inde PAVLVS in l.  
 7. D. eod. concludit, *potest fieri, vt in hoc casu, qui ab VLPIA-*  
*NO modo relatus est, aliqua virgo et dotem et de dote habeat*  
*actionem.* Idem SCAEVOLA in l. pen. pr. D. de donat. int. vir.  
 et vxor. confirmat, et Seia, ait, *Sempronio, cum certa die*  
*nuptura esset, antequam domum deduceretur, tabuleque dotis*  
*signarentur (ideoque cum sponsa adhuc esset) donauit tot au-*  
*reos, quero an ea donatio rata sit?* In textu statim hæc verba:  
*non attinuisse,* sequuntur, quæ tamen haud cohærere, qui-  
 libet facile videt, adeoque hunc textum esse corruptum, ob-  
 seruat GOTHOFRED. in not. ad cit. l. Inde alii haud impro-  
 babiliter asserunt, pro *non* forsan positum fuisse *Ron*, h. e. *re-*  
*spondi*, quod præterea antecedens verbum, *quero* addi de-  
 buit, cuius loco tamen per abbreviaturam *Ron* in textu au-  
 thentico sine dubio scriptum, et descriptorum incuria loco  
 eius verbum *non* substitutum fuit. Hoc modo sanus est tex-  
 tus: *respondi attinuisse tempus, an antequam Seia domum de-*  
*duceretur, donatio facta esset, aut tabularum consignatarum,*  
*quæ (scilicet tabulæ) plerumque et post matrimonium contra-*  
*ctum fierent, in querendo exprimi.* Multum enim interest,  
 quo



quo tempore, an ante vel post deductionem in domum sponsi donatio sit facta. Itaque nisi ante contractum matrimonium quod consensu (coniugali scilicet per transitionem sponsæ in domum sponsi declarato) intelligitur contractum, donatio facta esset, non valere. Et hoc idem SCAEVOLA in simili casu, quo sponsus sponsæ donavit in eadem lege §. 1. respondet, a-  
 iens: virgini (desponsatæ) in hortos deductæ ante diem tertium, quam ibi nuptiæ fierent (i. e. festiuitas nuptialis celebraretur) cum in separata diæta ab eo (sponso) esset, die nuptiarum quidem, sed priusquam ad eum (sponsum) transfret, et priusquam aqua et igni, acciperetur, i. e. nuptiæ celebrarentur, (ex quo loco aperte constat, quod ICTI Romani per nuptias proprie intelligant deductionem sponsæ in domum mariti, eiusque acceptionem aqua et igni) obtulit decem aureos dono, quæsitum est post nuptias contractas, diuortio factæ, an summa donata repeti possit? tanquam donatio inter virum et uxorem facta, adeoque inualida? Respondet SCAEVOLA, id, quod ante nuptias i. e. antequam sponsa ad sponsum transfret, et aqua et igni acciperetur, donatum proponeretur, non posse de dote, uxori diuortio facto reddenda, deduci, adeoque uxorem donum illud retinere, et nihilominus integram dotem repetere posse. Similiter Imperator AVRELIANVS consulenti de validitate donationis in die nuptiarum, adeoque tempore deductionis in domum in sponsam a sponso collatæ, ita in l. 6. C. de donat. ante nupt. rescribit, cum in te (sponsam) simplicem donationem dicis factam esse die nuptiarum, et in ambiguum posset venire, utrum a sponso, an a marito donatum sit? sic distinguendum est: ut si in tua (sponsæ) domo donum acceptum est, ante nuptias facta videatur esse donatio (adeoque valeat) quod si penes se (in sua domo) dedit sponsus, re-  
 trahi

trahi possit; vxor enim post deductionem sponsæ in domum sponsi fuisti, adeoque donatio illa non valet. *t. t. D. et C. de donat. inter vir. et vxor.*

§. XXVI. Bina sponsalia eodem tempore contrahens infamiam incurrit, *l. 1. in fin. l. 13. §. 1. seq. D. de his qui not. infam. l. 13. D. ad L. Iul. de adult. l. 18. C. eod. gloss. in l. 2. C. de incert. nupt.* cui iudex arbitrariam pœnam annectere potest. *d. l. 18. C. ad L. Iul. de adult. Nouell. 117. c. 11. verb. si autem præter hanc auth. hodie C. de repud. iunct. l. 50. D. de R. I. et olim quadruplum, hodie duplum arrhæ restituere tenetur. HARTM. PISTOR. p. 4. q. 206. n. 15.* Imo sponsa ad interesse quoque agere potest, quia in stipulationibus facti, post moram ad interesse agitur. *CORAS. lib. 2. miscell. c. 5. Dyn. in reg. mor. de R. I. in 6.* Sponsalia vero facti continent stipulationem *d. l. 2.* ergo ex ipsis agi ad interesse poterit. Si sponsus secundam carnaliter cognouit, non solum iure civili infamiæ notatur macula, sed etiam stupri pœna afficitur, quæ in honestis personis confiscatio dimidiæ partis bonorum, in aliis vero vilioris conditionis castigatio corporis cum relegatione. *§. 4. I. de publ. iudic. l. 18. C. ad L. Iul. de adul. MANSER. ad §. 11. I. de nupt. vers. sexto ratione matrimonii p. 372. WESENBECK, parat. D. ad L. Iul. de adult. n. 21. GOEDD. ad l. 101. princ. D. de V. S. n. 5.* Binæ vero nuptias contrahens iure civili, si sit mulier, ut adultera punitur *arg. l. 7. C. de repud. vbi mulier, quæ, absente militiæ causa viro, per quadriennium nupsit alii, capite non punienda dicitur, supponens ita, capitalem pœnam, quæ hodie est adulterii, nocentibus aliter infligi.* Conf. *auth. hodie C. eod. vbi et casus in præcedente lege exceptus non excipitur et Nouell. 117. c. 11. l. 6. §. 1. l. 34.*

Tom. IV.

Ooo

ad

*Differensia  
XII. VI. rati-  
ne pœna bino-  
rum sponsa-  
lium et matri-  
monii dupli-  
cis.*

*ad L. iul. de adult.* Puniebat autem lex Iulia initio adulterium non capitali sed mitiori plerumque relegationis pœna. Illa CONSTANTINI M. tempore inualuit, prout THOMASIVS *in dissert. Lipsf. 7. de crim. bigam. §. 64. 65. 66.* ostendit, ubi et explicat CONSTANTII VEL CONSTANTIS verba notabilia, quibus *patri similique ratione sacrilegos nuptiarum tanquam manifestos parricidas insuere culeo viuos vel exurere iubent.* IVSTINIANVS hanc capitalem adulterii pœnam circa mares haud immutauit, leniorem tamen gladio fœminis imposuit, *Novell. 134. c. 10.* scilicet vt virgis cæsa in monasterium detruderetur, et si maritus intra biennium illam ad se non reuocauerit, ibi toto vitæ suæ tempore tanquam in carcere manere et pœnitentiam agere cogeretur. Si vero esset vir bigamus, stupri pœna locum sibi vindicabat, *l. 18. C. ad L. iul. de adult.* quæ determinata est in *§. 4. I. de publ. indic. l. 6. D. ad L. iul. de adult.* nec successu temporum in capitalem mutata. Audiamus tamen PAVLVM qui in *l. 1. §. ult. D. de extr. crim.* ait: *non solum eum, qui puero, qui mulieri stuprum intulerit, perfecto flagitio, capite punitum esse.* Sunt, qui existimant, PAVLVM, de stupro violento locutum fuisse, cui tamen verba reclaimant. Alii obseruant pro *stupratoribus* legendum *prædicatoribus*; sed fides exemplarium repugnat, leniorque flagitio pœna foret. Porro ALCIATVS *lib. 5. paradox. c. 1.* arbitratur, pœnam capitalem tantum fuisse irrogatam, si *extra ordinem* reus accusatus fuit, i. e. si tales affuerunt circumstantiæ, quæ insignem arguerent improbitatem, cuius exempla ANTON. MATTHAEI *in comment. ad lib. 47. et 48. de crim. lib. 48. §. 15. et 18. p. m. 397. et 98.* adfert. Sed probabilior est sententia, textum loqui non de *stupratore*, sed de *seductoribus mulierum*, et iis, qui supra concilia-

ciliabant, von den Ruplern, quod indicant verba: "aut mulierem puellamue interpellauerit, quidue impudicitia gratia fecerit, donum præbuerit; pretiumue, quo is persuadeat, dederit." Huiusmodi corruptores puellarum eo grauius puniendi erant, quo turpius peccabant in conciliandis stupris. Huc vero minime referenda est bigamia virilis, vt putant THEOPHILVS ad §. *affinitatis et seqq. l. de nupt.* et LVD. ROMANVS *singul. 537.* dum fundamento destituuntur, quia in constitutione VALERIANI, ad quam prouocant, nihil ea de re exstat, obseruante THOMASIO in *diff. 7. Lips. de crim. bigam. §. 70.*

§. XXVII. Nuptiæ secundæ *per se non odium*, sed potius *fauorem*, intuitu reipublicæ, cuius interest, ciuibus ex iustis nuptiis natis, quam maxime augeri, eumque in finem nuptias repeti, merentur, Vnde et apud Romanos olim pœna fuit statuta in cælibes, eosque, qui non tantum *primis* sed et *secundis* abstinerent nuptiis, vt prole effloresceret ciuitas. Hac enim ratione lege Iulia Miscella cautum fuit, vt liberum esset mulieri nubere, et legatum, sub conditione, *ne nuberet*, relictum, consequi, si iuraret, intra annum se *liberorum quærendorum causa* nuptias contracturam, aut post annum cautionem Mutianam præstaret, sed ad novas nuptias non conuolaturam. vid. GRAVINA in *orig. iur. ciuil. lib. 3. §. 56.* Interim postea fauore liberorum prioris matrimonii cautum est, vt (1) binubus vel binuba amitteret proprietatem omnium rerum, quas quocunque titulo a coniuge defuncto accepit, reseruato tantum usufructu, dum viuit. *l. 3. §. 9. §. 1. C. de sec. nupt. Nouell. 22. c. 23. §. 30.* (2) Vt quod donatum relictumue est liberis prioris matrimonii,

*Differentia  
XXVII. ratio-  
ne secunda-  
rum nuptia-  
rum.*

monii, integrum penes illos maneret, et quidem penes omnes in solidum ex æquo, exclusis liberis posterioris matrimonii. *Nouell. 2. c. 1. Nouell. 22. c. 25.* (3) Mater binuba succederet quidem liberis suis et *ex testamento et ab intestato*, siue ante, siue post mortem filii ad secundas nuptias venerit, sed ab intestato eorum tantum ususfructum acciperet, quæ ex paterna substantia ad filium peruenere; “quantum vero ad antenuptialem donationem pertinet, ad secundum veniens consortium (sunt verba *Nou. 2. c. 3. in f.*) “neque secundum quantum hæres existit, filii fruatur; sed “hoc filiorum sit solum lucrum eis a lege datum, et non videatur esse pars hæreditatis filii; sed adhuc ante nuptialis donationis non abiiciens naturam; *conf. auth. ex testam. C. de sec. nupt.* (4) Mater donans aliquid filio de suo, si ad secundas venerit nuptias, non poterit per occasionem ingratitudinis reuocare quod datum est, nisi tamen aperte filius aut circa vitam ipsam infidiatur matri, aut manus inferens impias, aut circa substantiæ totius ablationem agens aduersus, eam aliquid declaretur. *Nou. 22. c. 35.* (5) Si ex priori matrimonio procreatis liberis, pater materue ad secunda vota migraverit, non sit ei licitum noueræ vel vitrico testamento vel sine scriptura seu codicillis hæreditatis iure siue legati, siue fideicommissi titulo plus relinquere, nec dotis aut ante nuptias donationis nomine, seu mortis causa habita donatione conferre, nec inter viuos conscribendis donationibus quam filio vel filia, si vnus vel vna extiterit, quatenus ille filius non sit iure exhæredatus, aut minus legitima portione habeat *l. 6. C. de secund. nupt. Nou. 22. c. 27.* Quod ultra datum, pro non dato habetur, liberisque prioris matrimonii defertur, nihil iuris in id secundi matrimonii

nii liberis, vitrico vel nouerca vindicare valentibus *Nouell. 22. c. 27.* (6) Addunt quidam, viduam ad secunda vota transeuntem dignitatem et priuilegia prioris mariti amittere, *l. 8. l. ult. D. de Senat.* quod non poena, sed matrimonii consequens necessarium est. (7) Denique nonnulli contendunt, ad secunda vota transuolantem amittere legitimam, ut si vel maxime filius ei minus reliquerit testamento, supplementum petere nequeat, quod tamen nulla constitutione cautum reperitur. Sicuti vero in *nuptiis* contractis hæc adducta sibi locum vindicant, ita cessant, si sola contracta fuerunt sponsalia, cum in legibus, gratificationem inter coniuges prohibentibus, sponsus et sponsa *mariti* aut *uxoris* appellatione non veniant. Nec per sponsalia tam grande liberis primi matrimonii, quam per re ipsa contractum secundum matrimonium et factam vitrici vel nouercæ superinductionem, generatur præiudicium, de quo Imperator CONSTANTINVS iudicat, quod immoderate atque intemperantes mulieres nouis maritis non solum res filiorum sed et vitam addicere præsumantur. *l. 22. C. de administr. tutel.* Imo CAIVS Ictus persuasissimum habet, parentes plerumque maligne circa sanguinem suum inferre iudicium, nouercalibus delinimentis instigationibusque corruptos *l. 4. D. de inof. test.* quæ res prouerbio de *nouercali odio* etiam locum dedit, Iustinianoque illa expressit verba: „offendere Deum, de-  
„functi animam contristare, et charitatem amittere circa  
„prioris matrimonii liberos reiterantem vota.,, *Nouell. 22. C. 43. et 48.*



*Diferencia  
XXVIII. ra-  
tione priuata  
vindicta in  
adulteram  
exgreunda.*

§. XXVIII. Vxorem adulteram in ipsa turpitudine de-  
prehensam occidere marito olim integrum fuit, eamque  
quam ipse non ita deprehenderat, conuictam confessamue  
priuato potuit arbitrio punire, imo etiam necare eam, quæ  
vinum delibasset, quia proximus ad impudicitiam gradus  
temulentia est; postea tamen vti potestas adulteria priuatim  
puniendi marito adempta fuit, ac hoc crimen rigidius publi-  
ce lege Iulia vindicari cœpit; ita quoque mariti ius variis  
modis et quidem potissimum ad hunc est restricta casum, si  
eum, quem adulterii cum vxore suspectum habebat, præ-  
missa trina denunciatione testato facta, vt abstineret a mu-  
lieris consortio, domi suæ vel alibi cum vxore sua versan-  
tem inueniebat, *auth. si quis C. ad l. Iul. de adult.* vel adul-  
terum vilem domi suæ, non item in domo sui soceri aut a-  
libi deprehendebat. *l. 24. princ. D. eod.* Vxorem ipsam adul-  
teram nullo casu, siue domi suæ, siue alibi deprehensam  
occidendi potestatem maritus habebat; si vero iusto dolore  
tactus tanto in flagitio deprehensam nihilominus occiderit,  
pœna homicidii mitigabatur, *l. 38. §. 8. D. d. t.* nec ordi-  
nariam legis Corneliæ pœnam patiebatur. *l. 3. §. 3. D. ad  
Scutum Silan. § Claudian.* Patri quoque in filiam familias  
adulteram statuere concessum erat, vt constat ex *l. 20. D.  
ad L. Iul. de adult. l. 23. princip. §. 1. eod. l. 22. §. 2. l. 23.  
§. 2. d. t.* Diuersum iura disponunt de sponso, qui spon-  
sam suam cum alia persona concumbentem, impune vel vt  
a pœna ordinaria legis Cornel. excipiatur, occidere nequit,  
licet cum vili persona in propria domo ipsoque in reatu eam  
deprehendat, et in continenti illud perficiat. *l. 24. princ.  
ad L. Iul. de adul. arg. l. 43. §. 3. l. 7. D. l. 22. l. 23. §. 1. d.  
t.* WOLFGANG ADAM LAVTERBACH *in disp. de ira eiusdemque*

*in*



*in iure effectibus thes. 62. § 63.* Etenim (1) in hoc loco uxoris appellatio exemplo verbi *patris* (quod tam stricte accipitur, ut neque avus neque alii ulteriores ascendentes hoc gaudeant iure, siue neptem solum, siue cum nepte patrem eius intermedium in potestate habeant) stricte est intelligenda, ut sponsam excludat. Præterea (2) prædictæ leges saltem de *adulterio* loquuntur. In sponsa vero non *adulterium* proprie dictum, sed magis stuprum committitur.

§. XXIX. Inde nova differentia nascitur paulo plenius enucleanda, de qua ex professo agit CARPZOV. *pr. crim. qu. 56.* Videlicet admodum probabile est, de iure civili tantum in nuptam, non vero etiam in sponsam adulterium proprie dictum admissum fuisse. “Nondum enim hæc materfamilias, ut recte philosophatur IOANNES VOETIVS ad tit. D. ad L. Iul. de adult. nondum cum hac matrimonium, adeoque nec dum thori alieni seu matrimonii intelligi potest violatio, imo nec spes matrimonii ipsum est matrimonium, nec id quod adhuc in pendente est, perinde, ac si iam esset, habendum, præsertim cum adeo fuerit debile iure civili sponsaliorum vinculum, ut facillime ac prope impune vnius voluntate dissolui potuerit invito altero., Iniquissimum sane foret in poenalibus extensionem adulterii, in matremfamilias committendi, sine speciali lege ad sponsam porrigere, quæ non est materfamilias. Inde quæstio fuit mota in l. 11. §. 7. D. ad L. Iul. de adult., *an iure mariti vir accusare possit eam foeminam, quæ cum ei desponsata fuerit, alii in matrimonium a patre fuisset tradita?* Respondet ICTUS: *nouam rem instituere huiusmodi accusatorem existimo, qui adulterii crimen obiicere desiderat propter hoc tantum,*

*Differentia  
XXIX. ratio  
ne adulterii.*

tum, quod prior sibi desponsata puella a patre alii in matrimonio fuerit tradita. Si uxoris loco sponsa fuisset, non potuisset non esse adulterium cum ea, si alteri nuberet, uti adulterium committitur, si vera uxor alterum priori superinducat virum. Nec admitto effugium, quod sponsalia priora fuerint parentis auctoritate dissoluta secundum ius patri ex lege Romana competens; nam licet hoc patri permilsum fuerit manente in potestate filia *l. 2. §. ult. de diuort. et repud. l. 10. D. de sponsal.* tale tamen quid dicta in lege interuenisse nulla legis patet parte. Porro sponsum, matrimonii violentem spem, non iure viri a suo sponso quasi marito, sed quasi sponsum accusari posse, constat ex *l. 13. §. 8. D. ad L. Iul. de adult.* Nec aduersatur, quod in ea lege casus definiatur singularis, quo puella ante duodecimum ducta annum, ante iustam ab alio corrupta erat aetatem, quodque non pateat, eam fuisse desponsatam; nam eam fuisse desponsatam nec in annis 12. minore aliud quam in maiore obtinuisse, ex eo apparet, quod casus ille ad SEVERI, iubentis generaliter etiam hoc crimen in sponsa vindicandum esse, rescriptum pertinere dicatur *in d. l. 13. §. 3.* et quamuis in *cit. l. 13.* adulterii a sponsa commissi fiat mentio, constat tamen lege Iulia stuprum et adulterium promiscue acceptum fuisse. *l. 6. §. 1. ad L. Iul. de adult.* Nec in contrarium, rursus facit *l. 7. C. d. t.* illic enim non asseritur adulterium commissum cum sponsa fuisse, neque de accusatione ex L. Iulia in uniuersum sermo est, sed potius cum violata per vim esset sponsa (quod in *d. l. 7.* praesupponitur, dum dicitur: *ipsam mulierem suam prosequi iniuriam*, quae inuit tantum non volenti fit *l. 1. D. de iniur.*) maritus dicitur hoc crimen exercere iure mariti, non quod suae sponsae violatorem adulterii accuset, cum illum iure viri id facere posse *d. l. 13.*

*l. 13. §. 8. D. ad L. Iul. de adult.* aperte negatur, sed magis, quod *iniuriarum* cum eo experiatur actione (vbi ipsa quoque suas iniurias prosequi aduersus talem dicebatur) et quidem *iure mariti*, dum quantum ad iniuriarum attinet actionem, *mariti* et *uxoris* iure *sponsus* ac *sponsa* censentur. *l. 18. §. pen. §. ult. D. de iniur. l. 15. §. 24. eod.* Denique minime obstat, quod hoc crimen in sponsa capite vindicandum; licet enim non negandum sit, ob concurrentem fidei per sponsalia interpositæ et spei matrimonii violationem stuprum in sponsam admissum eius simplicis modum egredi, et ita poenam stupri exasperandam esse, non tamen inde gladii poena est statuenda, quod *l. 30. §. 1. C. ad L. Iul. de adult. et §. 4. l. de publ. iudic.* innuere videntur, cum in eiusmodi textibus nuptiarum seu matrimonii potius quam sponsaliorum fiat mentio. *Petr. Heig. qu. 28. n. 40.*

§. XXX. Ius ciuile donationem inter coniuges reprobabat, nec inter eos vult ratam esse *t. t. D. et C. de donat. int. vir. et vx.* Rationes prohibitionis potissimæ sunt auctore *VLPIANO in l. 1. D. eod.* dicente: *moribus apud nos (Romanos) receptum est, ne inter virum donationes valerent. Hoc autem receptum (1) ne mutuo amore inuicem spoliarentur donationibus non temperantes, sed profusa erga se facilitate, (2) nec esset (vt pergit PAUL. in l. 2. eod.) eis studium liberos educandi. SEXTVS CAECILIVS et illam (3) causam adicebat, quia sæpe futurum esset, vt discuterentur matrimonia, si non donaret is qui posset, atque ea ratione euenturum, (4) vt venalitia essent matrimonia.* Hinc et Imp. *ANTONIUS AVGVSTVS* ait: “maiores nostri inter virum et uxorem donationes prohibuerunt, amore honestum solis animis æstimantes, famæ etiam coniunctio-

*Differentia  
XXX. ratio-  
ne donationis.*

“iunctorum consulentes, ne concordia pretio conciliari videretur, neue melior in paupertatem incideret, deterior diti-  
 “tior foret l. 3. D. d. t.” His effectum rationibus, ut donatio inter coniuges nec directe, nec indirecte fieri posset, utque adeo inter ipsos non tantum coniuges, sed etiam inter socerum et generum, inter socrum et nurum consocerosque inuicem, qui coniuges in potestate habent, inter fratrem aliumue in eiusdem patris potestate constitutum et uxorem prohibita sit. l. 3. §. 1. seqq. l. 26. 32. §. 16. D. d. t. l. 3. 4. 5. C. cod. inter sponsores sponsoque vero donationes subsistunt l. 1. C. de don. ant. nupt. licet minor annis 12. cum sponsalia praecessissent, coeperit in domo mariti nuptiarum loco esse ante aetatem, cum eo casu sponsalia adhuc durent. l. 32. §. pen. D. de don. int. vir. et vx. iunct. l. 9. de sponsal.

Ultima differentia ratio-  
 ne tutela.

§. XXXI. Denique nec haec praetermittenda differentia, quod mater tutrix per matrimonium postea contractum tutelam amittat, *auth. mariti et auiae C. qu. mul. tut. offic. fungi poss.* HAHN. de tut. mat. rh. 63. adeo ut ne quidem recuperet amissam, si mox rursus fuerit facta vidua. Solis sponsalibus hic effectus tribui nequit, quippe quibus haud contractum est matrimonium, quod leges desiderant. Equidem distinguunt hic rursus inter sponsalia de praesenti et de futuro. Illa sufficere ad amissionem tutelae aiunt; vid. BERLICH. p. 3. decis. 373. n. 10. MONTAN. de tut. h. t. c. 15. n. 78. non aequae haec, quod ab his recedere facilius possit sponsa, non ab illis. MENOCH. de A. I. Q. lib. 2. art. 2. cas. 151. n. 7. Sed haec quidem distinctio, prout supra monui, ad ius civile non pertinet, quo omnia sponsalia tantum sunt de futuro, adeoque simpliciter haec differentia est admittenda. Vnde quoque hypotheca tacita,

cita, quæ liberis prioris matrimonii in bona vitrici data est in *l. 6. C. in quib. caus. pign. vel hyp. tac. contrab.* trahi nequit ad bona eius, qui cum matre liberorum tutrice sola contraxit sponsalia, in quo nouum deprehenditur discrimen, quod per se satis manifestum est.

## CAP. II.

DE

DIVERSO IVRE SPONSALIORVM AC  
MATRIMONII CANONICO.

## ARGVMENTVM.

§. I. Principia iuris Canonici in doctrina sponsalium et matrimonii. §. II. Vtriusque discrimina ratione constitutionis, §. III. transactionis, §. IV. delationis iuramenti, §. V. consensus paterni, §. VI. probandi impedimenti sponsalium et matrimonii, §. VII. ratione vinculi, §. VIII. et modi ea dissoluendi mutuo dissensu, §. IX. vel etiam unius dissensu §. X. §. XI. ratione causarum repudii et diuortii. §. XII. Sponsalia in gradu prohibito contracta facilius dissoluntur, quam matrimonium, §. XIII. nec non ob causas superuenientes, §. XIV. vel ob mutatam religionem, §. XV. vel ob ingressum in monasterium. §. XVI. Maior vis posterioris matrimonii in soluendis prioribus sponsalibus quam posteriorum sponsalium. §. XVII. Sola sponsalia soluntur deficiente conditione., §. XVIII. vel ob absentiam sponsi, §. XIX. vel ob ingens infortunium §. XX. vel propter

desponsatorum crimina, §. XXI. ob superuenientem affinitatem, §. XXII. ob stuprum violentum sponsæ illatum, §. XXIII. ob inimicitias capitales, §. XXIV. ob morbum contagiosum §. XXV. ob superuenientem impotentiam §. XXVI. ob superuenientem furorem, §. XXVII. ob notabilem deformitatem §. XXVIII. Per nuptias amittitur beneficium non per sponsalia. §. XXIX. An sponsalia et matrimonium per vim iniustam fiant nulla? §. XXX. Discrimen sponsalium de præsentī a matrimonio.

## §. I.

Conuenientia  
iuris ciuili et  
canonici in  
hac materia.

Postquam præcedente capite diuersa sponsaliorum ac matrimonii iura ex iure ciuili Romano depromta et explicata, nunc quantum inter se iure canonico differant, exponamus. Hoc easdem fere differentias, quas ius ciuile tradit, in sponsalibus de futuro, quæ tantum ius ciuile agnoscit, et vera duntaxat sunt sponsalia, obseruat, vt (1) consensus sit vel sponsalitus vel matrimonialis; c. 2. § 14. c. 38. C. 27. q. 2. § c. 30. c. 17. C. 27. q. 5. (2) vt impuberibus, c. 1. C. 30. q. 2. c. 4. § seqq. X. de sponsal. impub. absentibus, c. vn. de desponsat. impub. in 6. in fin. viduis intra annum luctus c. pen. § f. de sec. nupt. sponsalia permittantur; (3) vt sponsa ante consummationem matrimonii pleno iure mariti non gaudeat; c. 39. C. 27. q. 2. (4) maritus habeat potestatem in vxorem; c. 10. C. 33. q. 2. (5) vxor teneatur concubitus pati, non vero sponsa; c. 2. § 6. C. 32. q. 2. c. 1. § 3. C. 30. q. 5. c. 30. C. 3. q. 1. c. ult. X. de clandest. despons. (6) maritum sequi adstringatur; c. 3. C. 13. q. 2. c. 1. X. de coniug. leprosq. (7) Vt alia sit actio, quæ ex sponsalibus, alia,



lia, quæ ex nuptiis; c. 3. C. 30. q. 1. c. 13. X. de restit. spo-  
 liat. c. 24. X. de iureiur. c. 1. X. de sponsal. c. 6. X. de adult.  
 (8) vt sponsalibus conditiones et modi adiici possint; tor-  
 rit. X. de condit. apposit. c. 50. X. de R. I. nuptiæ vero o-  
 mnem respuant modum, conditionem; (9) diuersæ sint pœ-  
 næ binorum sponsaliorum c. 2. X. de spons. duor. c. 4. eod. c.  
 4. X. qui filii sint legitimi, et nuptiarum c. 4. X. de bigam.  
 non ordinand. c. 4. X. de excessib. prælat. c. 6. X. de adult.  
 (10) vt donationes inter virum et uxorem non subsistant c.  
 8. X. de donat. int. vir. et vxor. etc. Specialia præterea ad-  
 dit ius canonicum, tum quia ad ius diuinum simul respicit,  
 tum quia præsupponit, in matrimonio esse sacramentum,  
 dum denique, quia nouum sponsalium genus excogitauit,  
 de presenti, quod ipsum matrimonium esse asserit. Negari  
 tamen nequit in his tribus nouis obseruationibus peccatum  
 fuisse. Ius diuinum sæpe peruerse allegatum, et inde ius ci-  
 vile male correctum esse, patet ex doctrina de matrimo-  
 nio intra annum luctus licite contrahendo de iure canonico.  
 Audiamus philosophiam INNOCENTII III. in cap. ult. X. de  
 secund. nupt. aientis: „cum secundum Apostolum mulier  
 „mortuo viro suo ab eius lege sit soluta, et nubendi, cui  
 „vult tantum in Domino liberam habeat facultatem, non  
 „debet legalis infamiae sustinere iacturam, quæ licet post  
 „viri obitum intra tempus luctus (scilicet vnus anni spa-  
 „tium) nubat, concessa sibi tamen ab Apostolo vtitur po-  
 „testate, cum in his præsertim seculares leges non dedi-  
 „gnetur sacros canones imitari.” Eodem fere modo ratio-  
 cinatur VRBANVS III. in cap. 4. X. eod. quod cum Apostolus  
 dicat: “mulier viro suo mortuo soluta est a lege viri sui,  
 „in domino nubat, cui voluerit, per licentiam et auctori-



„tatem Apostoli; eius infamia aboletur”. Sed ex iure divino, in quo se fundat ius canonicum, nullum paratum ei est subsidium. Sinistre verba Apostoli *1. Cor. 7. v. 39.* adducuntur, demonstrante GERHARDO *in loco de coniug. §. 199.* cum Apostolus haud asserat: *nubat, quando velit*, sed potius: *nubat, cui velit in domino*, adeoque velit, ut nouum licite in vero Dei timore contrahatur matrimonium, neque quicquam contra gratam DEO honestatem et hominibus probatam suscipiatur, nuptias vero intra annum luctus a vidua contractas leuitatem, procacitatem, ac libidinis intemperiem arguentes, multum aduersari honestati, vltiori non indiget probatione. Vid. latius hac de re GERHARD. *l. c.* Alterum quod de *sacramento* in matrimonio latitante adfertur, itidem erroneum esse, satis est euictum a *nostratibus*, quorum rationes non conglomero. Denique quid de nouo sponsalium de *presenti* generahabendum, quantasque confusiones inter protestantes quoque peperit, iam supra in prolegomenis ostensum declaratumque est.

*Differentia  
prima ratione  
constitutionis.*

§. II. Videamus ergo specialius discrimina iuris canonici. Sponsalia differunt a matrimonio ipso iure canonico ratione *constitutionis*; sponsalia enim in consensu sponsalizio seu pactione et promissione de futuro coniugio subsistunt, prout constat ex *c. 3. C. 30. q. 5.* vbi NICOLAVS ad sponsalia prorsus nihil, *nisi nuda futurarum nuptiarum promissa*, consensu contrahentium, parentum, ac pro re nata propinquorum inita, desiderat, quod etiam ex *c. 2. X. de sponsal.* liquet. Nuptiz vero ad sui perfectionem requirunt consensum matrimonialem, et præterea quædam solennia, ut banna siue trinundinas nuptiarum promulgationes et benedictionem sacerdotalem,

lem. Postquam enim solennis illa deductio sponsæ in domum sponsi tanquam mos ethnicus sub christianis imperatoribus non adeo frequentari et nuptiæ citra eiusmodi solennitatem ratæ haberi cœperunt, modo consensus et consortium coniugale inter personas cohabitantes fuisse, amicorum fide probari poterat, uti rescribunt Imperatores HONORIUS et THEODOSIUS in *L. 22. C. de nupt.* exinde vero multa inordinata contra rationem ecclesiæ christianæ, quæ omnia ordine et decenter fieri debere postulat, contingerent, veteres patres ecclesiæ, antequam matrimonium inter sacramenta fœderis noui a pontificibus collocatum, hos ritus contrahendarum nuptiarum paulatim in ecclesia introduxerunt. Euaristus quidem pontifex huius benedicendi nuptiis ritus iam meminit in *c. 1. C. 30. q. 5.* scribens Episcopis Africæ: „non aliter legitimum sit „coniugium, nisi suo tempore sacerdotaliter, ut mos est, „cum precibus et oblationibus a sacerdote vxor benedicatur. „Item, ita peracta legitima scitote esse connubia, aliter vero „præsumpta, non coniugia sed adulteria vel contubernia vel „stupra aut fornicationes, potius quam legitima coniugia esse „se non dubitato.” Verum ex quisquiliis Isidori hæc esse hausta, eruditus notum est. Proclamationis usus utique vetustior ipsa benedictione, teste TERTULLIANO, quam demum lege certa in oriente præscripsit LEO philosophus. In occidente tandem itidem inualuit, maxime ex more Romanæ ecclesiæ. Hac de causa INNOCENTIUS III. in *c. 4. in princ. de cland. desp.* requirit ac præcipit, ut matrimonia, priusquam contracta fuerint, in ecclesia per presbyteros publice proponantur, et Arelatense concilium (uti refert GRATIANUS in *c. 6. C. 30. q. 5.*) omnibus iniungit, quod sine publicis nuptiis nemo nubere aut vxorem ducere præsumat. *conf. BORN. de tribus bann.*

*bann. eod. HILDEBRAND. de nupt. vet. christ.* Quamvis ergo sponsalia de presenti quoque ipsum matrimonium esse velit, vel ex adductis tamen liquet, adhuc discrimen inter ea et matrimonium plene contractum esse, et tantum vium matrimonii illis tribui, quoad *vinculi indissolubilitatem*, et quæ inde sequuntur, in reliquis autem adhuc plurimas superesse differentias. Addo et hoc, ius canonicum ad hunc effectum, ut matrimonium habeat plenum significatum sacramenti, adhuc requirere copulam carnalem *c. 16. 17. 18. 36. c. 27. q. 2. C. 30. X. de despons. c. 8. X. de despons. impub. aut saltem transitionem sponsæ in domum sponsi et præbitionem corporis sui, et si actu ipso cum eo non incumbat c. 3. C. 5. c. 6. c. 9. c. 11. c. 14. c. 15. c. 31. c. 35. C. 27. q. 2. et c. 11. C. 32. q. 2. c. ult. X. de coniug. leprosf. ubi dicitur, quod ante translationem mulieris matrimonium non sit consummatum (i. e. perfectum), quamdiu itaque promissioni matrimonii, utut verbis de presenti factæ, neque carnalis copula, neque deductio sponsæ, neque copula sacerdotalis accessit, tamdiu matrimonium quoad omnes suos effectus adhuc desicit, et sponsalia, uti dicuntur, ita adhuc sunt et manent. Perfectio enim prima matrimonii, a qua denominatur, non consistit in qualicunque verbali promissione de matrimonio ineundo, utut pure et sine vlla conditione facta, sed in consensu, facto ipso coniunctionis corporum ordinariè declarato, ut si desponsata transit in domum sponsi, vel si desponsati in persona coram sacerdote comparent, et coniuges se fore coram ecclesiæ facie solenniter declarant.*

(1) *ratione  
transactionis.*

§. III. Multum quoque sponsalia et nuptiæ differunt ratione vinculi. Sic iure canonico non valet transactio  
contra

contra matrimonium, seu quæ ad eius dissolutionem tendit. *c. fin. X. de transact.* Ratio est matrimonii indissolubilitas, quæ non est privati arbitrii, vade et pro conseruatione matrimonii valida est. *c. 2. X. de cland. despo.* GAIL. *lib. 2. obs. 94. n. 114.* MEVIVS *p. 25. dec. 210. n. 4.* HEIG. *lib. 2. q. 16. n. 1. seqq.* Contra sponsalia de futuro tamen transactio locum habet indistincte, dum transactio contra matrimonium facta non dici potest, in quo matrimonii vinculum nondum adest indissolubile. *arg. l. fin. C. de transact.* HEIG. *l. c. n. 8. seqq.* Diuersam causam constituunt canonistæ in *sponsalibus de præsentī*, quippe quæ quoad indissolubilitatem vinculi cum matrimonio conueniunt, adeoque non admittunt transactionem contra illa. Quod quidem et nostrates quoque imprudenter amplectuntur, non sufficienter examinantes, vtrum etiam eiusmodi sponsalia de præsentī, quæ pontificii fingunt, habeamus. Sunt nobis sponsalia de præsentī, sed in diuerso plane a doctrina pontificiorum significato, vti Dn. PRÆSES in *iure eccles. protest. lib. 2. tit. 24. de iureiur. §. 60. et 62.* demonstrat, adeo vt nostra sponsalia de præsentī sint illa ipsa, quæ pontificii vocant de futuro, prout in prolegom. iam dixi.

§. IV. Super sponsalibus etiam pure contractis de futuro, (quæ nobis *de præsentī* vulgo dicuntur) dubiis conseruandis, consummandis et dissoluendis, vt et super exceptionibus scilicet dolosæ persuasionis metus etc. obiectis (nisi tertio inde præiudicium possit enasci, si scilicet pro sponsalibus sit) imo quando de imprægnatione et promissione simul agitur, reo et rex, vt et quibusdam in casibus parentibus iuramentum deferri potest. Non vero super matrimonio, de cuius vinculo constat, dissoluendo, licet pro

(III) ratione  
dilationis in-  
iuramenti.

Tóm. IV.

Q q q

con-

conseruando admittatur, vt Dn. PRAESES in *iur. eccles. protest. lib. 2. tit. 24. §. 59. 60. 61. 62. 63. 64. 65. 66. 67.* vberius erudite ac dilucide satis pertractat.

(IV.) *ratione  
consensus pa-  
terni.*

§. V. Sponsalia de futuro sine consensu parentum contracta, sunt inualida et nulla, imo etsi iuramento confirmata, per textum expressum in *c. 19. C. 22. q. 4.* Hoc enim iuramentum est contra bonos mores, et ideo minime est obligatorium *c. 58. de R. I.* nec iuramentum vinculum iniquitatis esse debet. *c. 22. C. 22. q. 4. c. 18. X. de iureiur. c. 1. §. quia vero eod. in 6.* imo notum est, iuramentum tres habere comites, scilicet *veritatem, iudicium et iustitiam c. 26. X. de iureiur.* adeoque altero praedictorum comitum deficiente, iuramentum non obligat iurantem. *c. 7. C. 22. q. 1.* Sed in hoc iuramento deest comes iustitiae, dum, quod iurauit filius vel filia, non est iustum nec licitum, cum sponsalia sine parentum consensu consistere non possunt. *τ. 1. C. 30. q. 5. c. 13. C. 32. q. 2. c. 3. C. 30. q. 5.* Non obstat *c. pen. X. de raptor.* Hic enim non quaeritur, an sponsalia reclamantibus parentibus contracta rata et firma sint, sed an raptor is dici possit, qui eam volentem quidem abduxerit, cum qua tamen antea inuitis parentibus non tantum sponsalia contraxerat, sed etiam concubuerat, de quo pontifex consultus respondet, eum neque raptorem dici, cum volentem abduxisset, nec matrimonium, utpote per copulam consummatum, ob solum dissensum parentum dirimi posse, vt infra sumus ostensuri. Vnde tamen ad sponsalia non licet argumentari. conf. MOLLER. *libr. I. semestr. c. 47. n. 15.* Neque aduersantur *c. 2. C. 27. q. 2. c. 14. c. 23. X. de sponsal.* loquuntur enim illi textus de casu, vbi sponsalia sine consensu parentum iuxta sunt copula carnali consum-

summata, ibi iure canonico in honorem et fauorem matrimo-  
nii atque ad excludendum fornicationis delictum consensus  
parentum a lege interuenisse fingitur ac suppletur. ECKOLD.  
*ad D. tit. de nupt. §. 4. HABERK. dec. 128.* Matrimonio ve-  
ro sine consensu parentum contracto et benedictione sacer-  
dotali consummato, dissensus parentum dissolutionem non  
operatur propter expressam dispositionem concilii Tri-  
dentini, quod eos anathematis fulmine ferit, qui affirmant,  
irrita esse filiorum, filiarumue matrimonia sine consensu pa-  
rentum, et parentes ea irrita facere posse *Seff. 24. de re-  
form. matr. c. 1. de clandest. matrim. add. PALLAVICINVS in  
hisor. concil. Trid. lib. 22. c. 4.* Non obstat *c. 1. C. 30. q. 5.*  
vbi fornicatio esse dicitur. Respondetur (1) hoc vult tex-  
tus, talia matrimonia non quidem simpliciter esse inualida,  
sed tamen habere contra se vehementem præsumptionem iu-  
ris, quæ tamen probationem in contrarium admittit; (2) di-  
ci possunt illicita matrimonia per accidens ob scandala et oc-  
casiones peccandi; (3) textus de contubernio posset accipi,  
quoniam concubina quidem dicebatur vxor valide, sed ta-  
men illicite et clandestine ducta *c. 4. c. 5. dist. 34. conf. LYN-  
CKER in annal. ad Dessel. erotem. iur. can. ad lib. 4. tit. 3. q. 2.*

§. VI. Ad sponsalia dissoluenda impedimentumque ma-  
trimonium sufficit vnus testis assertum; impedimentum e-  
nim, ne matrimonium contrahatur, plene probatur vnico te-  
ste, *c. 22. X. de testibus et attestat. c. 12. X. de sponsal. et matr.*  
modo (1) testis deponat; si enim solum denunciat, non im-  
pedit matrimonium, nisi de fama etiam probat; *c. 27. X. de  
despons. impub.* (2) iuret, dum parum creditur non iuranti  
*c. 8. X. de cohabit. c. 1. X. de consang. et affn.* (3) cum iura-  
mento asserat, se certo scire impedimentum; de solo testi-

(v) ratione  
probationis  
impedimenti  
sponsaliorum  
et matrimo-  
nii.



ficans auditu, non semper impedit, quamuis alter testis cum eo simul absque iuramento de certa deponeret scientia; unde maiorem fidem fama vel vnicus testis iurans facit, quam duo testes, quorum vnus de auditu cum iuramento deponit, alter vero de certa scientia absque iuramento, cum hi duo matrimonium non impedian, quod tamen vnicus testis vel fama impedit, cum ille testis de certa iurat scientia. *Abb. ad c. 1. X. de consang. n. 2. et 3.* Sufficit autem testis de auditu deponens ad probandam consanguinitatem, si testificetur iuxta formam *c. 47. X. de testib. et attest.* (4) non sit vilis persona *c. 27. X. de sponsal. et matrim.* nisi factum ita sit clandestinum, vt, nisi per vilem probari personam nequeat, quia, vbi deest facultas probandi, admittitur probatio alias non integra, *c. 32. X. de electione et electi potest c. 27. X. de sponsal. et matrim.* Illud tamen non precise requiritur; (1) vt testis fuerit citatus; sufficit, si per producentem iudici oblatus: *c. 30. 45. 46. X. de testib. et attestat.* secus est, vbi se ipsum ingerit, qui vt suspectus est repellendus, *arg. l. vxor. §. 1. D. de fal. c. 27. X. de sponsal. et matrim.* (2) vt parte citata et publice deponat *c. 2. X. de testib. et attest.* Sed clam et absque nominis publicatione eum testari satis est, quod hæc causa conscientiam tangat, in qua negliguntur apices iuris. *c. 12. X. de sponsal. et matr.* (3) valet, licet testis sit denunciator vel accusator, propriamque suam allegaret turpitudinem. *c. 4. et 12. X. de sponsal. et matrim. c. 6. X. de prob. c. 1. X. de consang.* Qua vero circumspectione et integritate testis hic deponere debeat, relinquatur arbitrio iudicis *c. super eo, de consang.* ibiq; *ALEX. de NEVO n. 9.* asserens impedire sponsalia iurata testem integrum et bonæ famæ, si iudex attentis circumstantiis sibi persuadeat, verum deponere; quin etiam non solum vnus testis assertum, sed etiam ad dissoluenda sponsalia sufficit, si vterque desponsatorum fateatur impedimentum, quamvis



vis iuramento firmata, quia mutuo consensu facile dissolui possunt, vt infra ostendam; dum vero vterque impedimentum fatetur, satis mutuam refiliendi voluntatem explicat. MENOCH. *de arbitr. I. Q. l. 2. centur. 2. cas. 103. n. 2.* MASCARD. *de probat. concl. 1035. n. 17. 18.* Præterea quod magis est, fama quandoque impedimenti plene illud probat ad effectum dissoluendi sponsalia de futuro, impediendique, ne matrimonium contrahatur per *c. 2. X. de consang.* Quod etiam admittunt, si vel maxime iuramento sponsalia confirmata sint, quod in *d. c. 2. casus præsupponatur*, quo sponsalia contracta erant *interposita fide*, h. e. iuxta sententiam *glossæ verb. fide iuramento*, quæ sententia tamen non satis fundata est, cum *fide interposita desponsare* nihil aliud sit, quam certum declarare consensum de futuro matrimonio, vt docet *c. 2. X. de sponsal.* Diuersa omnino est ratio matrimonii ob vinculi indissolubilitatem; ad matrimonium enim legitime contractum dissoluendum, duo testes *circumspècti et omni exceptione maiores* desiderantur, quia causa est grauissima, inque ea de magno agitur præiudicio, *c. 1. x. de consang.* quauis si agatur de dissolueno matrimonio ob consanguinitatem, etiam parentes et consanguinei legitimi sint testes, *c. 3. X. qui matrim. accusar. poss.* quod hi præstantius ceteris parentelam nosse præsumantur. Non ergo sufficit fama impedimenti, *c. 4. X. c. 35. q. 6.* quia oportet impedimentum *plene* probari; fama vero vix semiplenam probationem in tali *ardua causa* constituit. Neque satis est confessio impedimenti dirimentis ab vtroque coniuge petente dissolutionem facta; ideo enim in causa matrimonii non statur litigantium confessioni *c. 5. qui cogn. consang.* quia alias in eorum potestate foret matrimonium pro lubitu dissoluendi, *c. 5. qui cognou. conf.* adeoque ne quidem eius ratio habetur, licet etiam fama impedimenti cum illa concurrat, *c. 5. qui cogn. conf.* ne alias hac

ratione diuortiis via pandatur, et coniugibus colludentibus indulgeatur libertas pro lubitu recedendi a coniugio. GONZALEZ *ad cit. c. 5.*

(VI.) *ratione  
vinculi.*

§. VII. Matrimonio de iure canonico inest *vinculum* prorsus *indissolubile*, non item sponsalibus, et minus difficilis est horum dissolutio quam illius, ita vt leuioribus ex causis quam istud dissoluatur, quod ius canonicum ex *iure diuino*, vel potius ex conceptu de *sacramento*, hausisse contendit. Equidem ius diuinum in N. T. circa grauissimam causam matrimonii *vinculum indissolubile* esse sanxit, et quia hoc est singulare, non extendendum ad sponsalia, quæ a matrimonio sunt distincta. Verba enim, quæ habentur *Matth. XIX. 5. seqq. et Marc. X. v. 7.* per se indicant, de iis esse sermonem, qui patrem et matrem deseruerunt, qui conglutinati sunt, qui duo facti in vna carne, quæ conglutinatio et iunctio in vnum iugum, non congruunt sponsalibus, sed arctiorem respiciunt consociationem, ideo ad eius præambula h. e. sponsalia, sine expressa Dei voluntate minime non solum extendenda sunt, sed etiam ipsa præcepta de consummato coniugio ibi arguunt, extra consummationem secus se habere. Si ius ciuile intueor, liquet, sponsalibus non adeo obligandi inesse vim, *l. 1. C. de sponsal.* sed vnicuique contrahentium pro arbitrio dissentire atque renunciare licuisse. *l. 2. C. de repud. l. 2. §. 3. D. eod. rit. prout cap. antec.* iam obseruauimus. Ipsum matrimonium quidem *indiuinduatam vitæ consuetudinem* continere dicitur, *vinculum matrimonii* tamen Iure Romano non censebatur *indissolubile*, vtpote quod communi coniugum consensu solui poterat, *l. 9. C. de repud.* et quamuis postea restricta fuerit libertas diuortiorum, plures tamen admissæ causæ sunt, ex quibus et gentilium et Christianorum Imperatorum temporibus vna pars ab altera inuita per diuortium separari

parari poterat *l. 8. C. eod. Nov. 22. c. 15. et Nou. 117. c. 8. 9. et 10.* Ius canon. um vero tantum permittit, vt a sponsalibus de futuro ob plures causas discedere integrum esset; *c. 13. X. de præsumt. c. 2. 10. 15. X. de sponsal. c. 2. X. de spons. duor. c. ult. X. de clandest. despons. c. 25. X. de iureiur.* non item a matrimonio, quod prorsus indissolubile censetur: *c. ult. X. de transact. c. 8. X. de diuort.* Generalem regulam hic constituunt: *quoties iusta aliqua ratio suadet, e re ipsorum contrahentium non fore coniunctionem, veluti quia periculum est forte, ne perpetuum inter eos odium atque dissidium sit, index magis ad dissoluenda sponsalia, quam ad eos matrimonio iungendos propensior esse debet.* Huc videtur collineasse **LVCII III.** pontificis responsum in *c. 17. X. de spons.* quod cum libera debeant esse matrimonia, monenda sponsa sit potius quam cogenda, cum coactiones difficiles soleant exitus frequenter habere; matrimonium autem prorsus indissolubile esse statuit *C. ult. X. de transact. c. 8. X. de diuort.*

§. VIII. Inde hoc quoque discrimen deductum videtur, (VII) quod quod matrimonium mutuo dissensu dissolui nullo modo possit, bene tamen sponsalia per expressum textum in *c. 2. X. de sponsal.* vbi hæc in verba pontifex scribit: "præterea hi, qui de matrimonio contrahendo pure et sine omni conditione, ne fidem dederunt, commonendi sunt, et modis omnibus inducendi, vt præstitam fidem obseruent; si autem se ad invicem admittere noluerint, ne forte deterius inde contingat, vt talem scilicet ducat, quam odio habet, videtur, quod ad instar eorum, qui societatem interpositione fidei contrahunt, et postea eandem sibi remittunt, hoc possit in patientia tolerari." Nihil enim tam naturale, quam vnumquodque eo modo dissolui, quo colligatum et contractum est,

*(VII) quod sponsalia mutuo dissolui possint consensu, non matrimonio.*

est, l. 35. D. de R. I. et omnis res per quascunque causas nascitur, per easdem dissolvitur, C. 1. de R. I. sponsalia autem utriusque consensu et quidem solo consensu contrahuntur, ergo et rursus nudo consensu dissolui queunt. Equidem in d. c. 2. X. de sponsal. dicitur, quod ex patientia tolerari debeat, ut a sponsalibus perfectis discedatur mutua utriusque voluntate; ex quo colligendum videtur, quod iure id fieri non possit, quin etiam sunt, qui dicunt, quod non simpliciter sed comparatiue dissentendi facultatem permittat INNOCENT. III. hoc cap. quo maius malum euitetur ob expressa textus verba, ne forte deterius inde contingat, et sic permissionem sed minus plenam tantum indigitet, ut hinc mero iure reluctantes ad matrimonii consummationem etiam compellendi videantur. Verum alii rectius pontificem non tantum talem dissolutionem tolerare permittendo, sed etiam approbando statuunt, quorum in numero GUTIERREZ tract. de matrim. c. 24. n. 1. SANCHEZ. de matrim. lib. 1. disp. 51. 2. alique ab his recensiti. EMAN. GONZALEZ TELLEZ ad c. 2. X. de sponsal. n. 7. verba illa: ne deterius inde contingat, ita temperat, quod non debeant accipi comparatiue ad malum, quod sequi posset, si non daretur discedendi licentia, sed comparatiue potius ad bonum, quod daretur ex celebratione et perfectione matrimonii, quasi dicat pontifex: monendi sunt sponsi, ut promissum adimpleant, quod bonum est: si autem noluerint, tolerandi sunt, ne maius malum sequatur, quam est bonum, quod ex nuptiis sequeretur. Sed non necesse est hac ratione comparisonem inquisuisse, satis est desponsatos discedere salva iustitia a nexu sponsalicio posse, quod vel ratio a contractu societatis deducta satis indicat. Vnde etiam dicitur monendos esse contrahentes sponsalia, ne illa dissoluant, non tamen compellendos, cum eorum consensus sufficiens sit ad ea dissoluenda, nec ad-

monitio

monitio coniunctam habeat coactionem vel compulsionem; sed potius *consilium* sit. Hoc etiam obtinet in sponsalibus iuramento vallatis, c. 17. X. de sponsal. ubi quaeritur, *qua ten- sura mulier compelli debeat, quae iurisiurandi religione negle- xa nubere renuit, cui se nuptiarum interposito iuramento fir- mauit?* Respondet pontifex LVCIVS III. *quod cum libera de- beant esse matrimonia monendam esse potius quam cogendam;* ex quo procul dubio sequitur, quodsi ille cui se nupturam iurauit, iuramentum sponsae remittat, liberam discedendi facultatem ei esse. Vnde ob dictum c. 17. canonistae com- muniter concludunt, sponsalia puberum dissolui posse mu- tuo ipsorum consensu, et alterum alteri obligationem ex desponsatione natam remittere posse, modo libera fiat vo- luntate, etiamsi iuramento confirmata sint sponsalia SANCHEZ de sponsal. lib. 1. disp. 52. n. 1. seqq. BONACINA Tom. 1. cit. de sacram. matrim. q. 1. punct. 10. n. 1. GVTIERREZ Tr. de matrim. cap. 24. CYPR. de iur. connub. p. 1. c. 13. §. 12. KIT- ZEL. *synops. matrim. c. 8. th. ult. lit. k.* BEVST. de sponsal. §. 10. Omne enim iuramentum censetur sub conditione fa- ctum, si ille in cuius praestitum fauorem, acceptare velit ac- dirigitur in Deum tanquam in testem promissionis homini factae. SANCHEZ de matrim. disp. 52. n. 6. Iam vero spon- salia iuramento firmata principaliter fiunt in fauorem partis alterius, ergo ab illa remitti potuerunt, et is iuri suo cede- re potest.

§. IX. Vnius etiam dissensu i. e. si vna tantum pars (VIII) *vnius* dissentiat, altera vero matrimonium semel promissum vrgeat *dissensu spon-* contrahendum, sponsalia, non vero matrimonia, dissolui *salia, non* possunt, si dissentiens sui dissensus iustam causam habet, *matrimonia* *dissoluantur.* c. 10. X. de sponsal. etiamsi iurisiurandi religione confirma-

ta. c. 17. X. de sponsal. vbi illam pontifex subiicit rationem, cum libera debeant esse matrimonia, monenda potius est sponsa quam cogenda, cum coactiones difficiles exitus frequenter soleant habere. Si vero quis absque rationabili sufficientique causa ex mera malitia a promissione matrimonii et pactis sponsalibus discedere velit, censura ecclesiastica adigi poterit ad fidem seruandam, vt tamen absoluta compulsio desit, c. 10. X. de sponsal. de quo plenius Dn. Præf. diss. de matrim. coact. c. II. egit. In matrimonio vtique seruando absolutam compulsionem adhiberi posse omnes latentur.

(IX) ad sponsalia dissol-  
uenda admi-  
tuntur causa  
precedentes et  
superuenien-  
tes;

§. X. Non tantum vero causæ *precedentes* probabili-  
ter ab altera parte ignoratz admittuntur ad dissoluenda spon-  
salia; sed etiam *superuenientes*, de quibus statim dicturi,  
quia (1) paria sunt in iure, aliquid superuenire et precede-  
re ignoranter; res enim dicitur fieri, quando primum in-  
notescit: c. 4. X. de except. (2) quia paria sunt in iure non  
esse et non apparere l. 30. D. de testament. tutel. l. 11. D. de  
contrab. emt. ergo a contrario sensu paria sunt, esse et ap-  
parere, cum ergo post sponsalia vitium appareat, tunc di-  
citur denuo esse: (3) quia in l. ult. C. de spons. dicitur re-  
siliientem a sponsalibus ex causa *precedenti* ignorata non a-  
mittere arrhas, quod secus esset, si resiliendo culpam ad-  
mitteret. Tandem (4) quia rebus notabiliter mutatis pro-  
missio non obligat. C. 25. X. de iurei. sed respectu huius  
sunt res notabiliter mutatz, cum denuo inueniat  
vitium notabile prorsus ignoratum. Nec aduersa-  
tur d. c. 25. X. de iurei. quo asseritur propter causas *præce-*  
*cedentes* non dissolui sponsalia, intelligendum enim est, si ex  
ignoratz non sint, vt obseruat Glossa ad d. c. 25. verbo *præ-*  
*cedentem*. Sic ob stuprum sponsæ *precedens*, i. e. si ante  
spon-

Veluti ob stu-  
prum sponsæ  
antecedens.



sponsalia contracta fornicata fuerit sponsa, cui tamen virginitatis amore et opinione sponsus promiserit matrimonium, sponsalia dissolui possunt, *c. 33. C. 27. q. 2. CORVINI IUS CANON. lib. 2. tit. 12. p. 152. n. 6.* non vero, aiunt quidam, si iureiurando corroborata *c. 25. X. de iureiur.* cum iurisiurandi eam voluit esse vim ius canonicum, ut pacta iurata, quoties sine dispendio salutis æternæ servari possunt, servari debeant: sed eodem fere loco INNOCENTIVS III. ait, *repudiare posse sponsum sponsam, etiamsi interposito iureiurando nuptias sponderit.* Si post sponsionem illa contra regulam desponsationis veniens, furtim zonam sibi solui ab illo fuerit passa *d. c. 25. nemo in dubium vocauerit*, eam contra legem fidei et pudoris peccare, quæ deuirginata castitatem præ se ferens integram, volentem sponsum errare patitur. Præterea pontifex dicit in iureiurando, quo quis se adstringit non deserturum uxorem, hanc esse conditionem, *si illa in legem coniugii non peccat*, in sponsione vero matrimonii tacita hæc semper inest conditio, *si virgo sit*: igitur vitiata repudiari potest, etiamsi iureiurando ei nuptiæ promissæ. Itaque periurus non est, qui non præstat, quod verbis promissit, cum ei non præstatur, quod stipulatus fuit, nec violator est fidei, qui erroneam non servat fidem. Recte Paulus in *l. fin. D. qui satisfacere coguntur l. ult. D. ad municipal.* ait: *qui iuratus promissit iudicio sisti, non videtur peierasse; si ex concessa causa deseruit*, ille vero probatam habet causam renunciandi sponsioni, qui nolit stupratam ab alio ducere, cum lenocinii accusetur et factus iniustus dicatur, qui adulteram in domo retinet uxorem, *l. 2. §. 2. l. 29. D. ad L. Iul. de adult. c. 1. D. 32. q. 1.* et turpius eiicitur, quam non admittitur hospes. Matrimonium vero ob præcedens ante sponsalia vel nuptias stuprum non rumpi iure



canonico, i. e. marito a se dimittere non licere uxorem ante nuptias vitiatam et pro virgine ac intemerata ductam, multi sibi persuaferunt; cum pontifex INNOCENTIUS III. cum GRATIANO c. 1. C. 29. q. 1. in fin. verbis expressis concludat, sponsam vitiatam pro virgine ductam esse retinendam, qui ducit, inquit, in uxorem meretricem vel corruptam, quam putat esse castam vel virginem, non potest eam dimittere et aliam ducere. Sed id non quidem est sanctio canonica, sed assertio GRATIANI. Imo etiamsi in iure canon. fundatum foret, quod tamen adhuc dubium, merito tamen repudiandum, præsertim cum vnice et ex supposito principio erroneo de sacramento fluat.

an ob stuprum  
& vitam li-  
bidinosam  
sponsi

§. XI. Sponsa errans circa castitatem sponsi a sponsalibus etiam recedere potest, si sponsum ante sponsalia stuprum commississe percepit, probatque. STRYK ad Brumm. ius eccles. lib. 2. c. 17, §. 25. Equidem nonnulli negant, erranti sponsæ hac in re succurrendum esse, id tantum concedentes, si mores eius reperiantur admodum vitiosi et ille libidinosus sæpius lupanaria frequentauerit, vel meretriciam cum quadam muliere duxerit vitam. Plurimi vero simpliciter hoc negant, libidini hic vela pandentes, ea ducti ratione, quod non requiratur æqualis castitas in masculis ac puellis, nec puellæ quicquam decedat per coneubitum masculi. Verum in iure canonico æquum esse dicitur, ut qui intactam sponsam quærit, ipse quoque intactus sit, et qui puram expetit, ipse quoque purus sit. Diserte in c. 2. C. 32. q. 6. AUGUSTINUS ait: „si ducturi estis uxores, seruate vos uxores vestras, quales vultis eas inuenire, tales et ipse inueniant vos, quis iuuenis est, qui non castam ducere velit uxorem? et si accepturus sis virginem, quis non „in-

„intactam desideret? intactam quæris? intactus esto:  
 „puram quæreris? noli esse impurus; non enim illa po-  
 test, tu non potes”. Et ipse VLP IANVS Ictus ethni-  
 cus periniquum esse censuit, vt pudicitiam ab vxore exigat,  
 quam ipse non exhibet; quapropter LEO et ANTHEMIVS sta-  
 tuerunt, sine arrharum dispendio propter impudicam spon-  
 si conuersationem nuncium a sponsa remitti posse, l. 5. C. de  
*Sponsal.* Verum vt a matrimonio iam contracto vxori hac de  
 causa recedere integrum sit, nemo forsan dixerit.

§. XII. Sponsalia, siue scienter, siue per errorem (X) *faciliter*  
 iuris aut facti in gradibus iure humano prohibitis contracta *sponsalia dis-*  
 dissoluuntur; c. 1. 2. 5. et 6. X. de consang. et affin. non ve- *soluuntur in*  
 ro matrimonium contractum ac per benedictionem sacerdo- *gradibus pro-*  
 talem insecutamque commixtionem consummatum ab igna- *hibitis conra-*  
 ris consanguinitatis, quam postea primum rescuerunt, si *cta quam*  
 cohabitare velint. Clem. vii. in verbo *scienter de consang.*  
 FELIN. in c. examinata X. de iudic. et c. 4. X. de consang. et *matrimonis.*  
 affin. quia multa ab initio facilius impediuntur, quam si fa-  
 cta fuerint, rescinduntur, c. 25. X. de iureiur. et scanda-  
 lum insigne, ob quod matrimonium non rumpitur in spon-  
 salibus plane deficit, deficiente vero ratione alicuius iuris,  
 ipsum ius deficit. c. 60. X. de appellat. Facile quoque de  
 matrimonio contrahendo quidem potest dispensari, non au-  
 tem de matrimonio iam contracto iterum dissoluendo, dum  
 nemo regulariter potest dissoluere matrimonium copula con-  
 summatum, c. 7. X. de conuers. coniug. maxime de iure ca-  
 nonico, quo per cohabitationem mysterium sacramenti est  
 perfectum, quod facit matrimonium indissolubile.

§. XIII.

(XI) *facilius  
sponsalia dis-  
solvuntur ob  
causas super-  
venientes  
quam matri-  
monium.*

§. XIII. Sponsalia dissolvuntur ob causas superuenientes, i. e. quoties post ea contracta aliquod notabile aut eiusmodi incommodum vel nova causa superuenit, quæ a principio existens ea contrahi impediret, et ante prævisa alterum a sponsalibus deterruisset, toties locus est dissolutioni, quia promissio non obligat ultra promittentis intentionem; intentio autem promittentium fuit, se non obligare in hoc casu indissolubiliter. 2) quia rebus notabiliter mutatis promissio non obligare videtur. c. 25. X. de iureiur. Sponsalia vtiq; maiorem requirunt libertatem, quam ceteræ promissiones, cum ad mutuum ordinentur amorem et ad vinculum matrimonii consummati omnino indissolubile contrahendum, quod in voto ceterisque contractibus minime contingit; imo hoc adeo verum est, ut etiam eo usque extendatur, quamvis sponsalia iuramento stabilita sint, quia iuramentum includit omnes conditiones contractus, cui adiicitur, l. fin. C. de non num. pecun. et semper iuramentum intelligitur, rebus sic stantibus c. 25. X. de iureiur. quamvis nova causa superueniens vel aliæ ad dissoluenda sponsalia sufficienter contingat, postquam sponsus in mora, ea implendi, fuit, ubi tamen damnum, quod ex ea mora in sponsam redundavit, resarcire tenetur P. MOLIN. tom. 2. de inst. tr. 2. disp. 272. §. sunt vero nonnulla. Matrimonium vero non indistincte dissolvitur ob subsequentes causas, adeo ut ne quidem adulterium de iure canonico matrimonium quoad vinculum tollat, sed tantum operetur separationem quoad thorum et mensam.

(XI) *sponsalia  
dissolvuntur  
ob mutatio-  
nem religionis.*

§. XIV. Sic sponsalia dissolvuntur, si sponsus sponsa-ve post ea contracta a Christiana ad Iudaicam, Turcicam aut ethnicam religionem aut ad hæresin deficiat l. 16. C. de episc. aud.

aud. l. 5. C. de sponsal. arg. c. 6. et 8. C. 28. q. 1. unde non immerito publica lege prohibuerunt Imperatores VALENTINIANVS, THEODOSIVS et ARCADIVS, sancientes, ne Christianam mulierem in matrimonium Iudæus accipiat, neque Iudææ Christianus coniugium sortiatur; nam si quis aliquid huiusmodi admisit, *adulterii* vicem commissi huiusmodi crimen obtinebit, libertate in accusandum publicis quoque vocibus relaxata. l. 6. C. de iud. et cælib. Si enim ob periculum mali exitus, quod verisimiliter prævideri potest; dissoluenda sunt sponsalia, c. 17. X. de sponsal. id certe magis hoc casu obtinet, ubi maximum subest periculum tam partibus, ne scilicet fidelis ab infideli seducatur, quam liberis ex hoc matrimonio nascendis animæ imminet periculum, ex quo perpetuis conscientiarum scrupulis postea angeretur sponsus. Vbi dispar fides, ubi diuersus Dei cultus coniugibus est, ibi solet matrimonium ut plurimum rixis et iurgiis scatere, maledictionis spinas producere, viamque ad perpetuam sternere mortem. Nec vlllo colore ruptam fidem amorisque inconstantiam obicere repudianti alteri potest parti, ipsa enim in culpa est, quod res non in eodem manserit statu, quo erat tempore factæ sponfionis; fideli nubere voluit, non infideli. Nec aduersatur Paulus apostolus, cum docet, fideli manendum esse apud infidelem, donec ab eo deseratur. 1. Cor. VII. 13. 14. loquitur enim ille de *contracto matrimonio*, non de contrahendo. Matrimonii autem vinculum minime per hæresin superuenientem, i. e. si post initum et consummatum matrimonium alterutra pars a fide vera deficit, soluitur nec conceditur ob religionis diuersitatem diuortium c. 2. c. 7. X. de diuort. c. 19. C. 27. q. 2. et Trident. concil. Sess. 24. de matrim. c. 5. Deus enim nunquam præcepit, ut dissoluerentur matrimonia fidelium cum infidelibus,

nis, non ita  
matrimoni-  
um,

bus, nedum cum diuersa religionis coniuge contracta. Ipse  
 PAVLVS apostolus in *1. ad Corinth. c. 7. v. 12. 13. 14.* mo-  
 net, vt fidelis ab infideli, quamdiu hic cohabi-  
 tare velit, non discedat aut deserat, dicens: „si quis frater  
 „ vxorem habet infidelem, et hæc consentit habitare cum il-  
 „ lo, ne dimittat illam, et si qua mulier habet virum infi-  
 „ delem, et hic consentit habitare cum illa, non dimittat  
 „ virum, sanctificatus enim est maritus incredulus per vxo-  
 „ rem, et sanctificata est vxor incredula per maritum, alio-  
 „ quin filii vestri immundi essent, nunc autem sanctificati”.  
 Imo licet ab initio, re adhuc integra, i. e. durantibus ad-  
 huc sponsalibus, non facile nec simpliciter permitti debeat  
 matrimonium fidelis cum infideli, et ob diuersam superue-  
 nientem religionem altera pars inuita ad consummationem  
 sponsaliorum cogi non debeat, nec possit, attamen iam con-  
 tractum et consummatum matrimonium minime dissoluen-  
 dum, quia, vt multoties iam diximus, sæpe quæ fieri non  
 debent, si tamen facta fuerint, non rescinduntur *l. 1. §. 1. D. de  
 quando appellandum sit et intra quæ tempora l. 7. §. 24. D. de interd. et releg. l. 1. §. 1. D. de fer. l. 13. §. 7. D. de his  
 qui not. infam. l. 9. §. 11. D. de poen. l. 85. §. 1. D. de R. l.*  
 et plura impediunt matrimonium contrahendum, quæ iam  
 contractum non dissoluunt. *l. 8. ibique glossa in verb. retine-  
 re D. de his qui sui vel al. iur. sunt.* Argumenta quorundam  
 canonistarum, quibus probare satagunt, dissoluendum esse  
 matrimonium ob superuenientem defectionem a fide, no-  
 stram minime infringunt sententiam; neque enim obstat (1)  
 quod in V. T. lege Mosaica cultus disparitas atque infideli-  
 tas matrimonium non solum ab initio, quo minus iniretur,  
 impedierit, sed etiam contractum irritum fecerit. Lex enim  
 ista Mosaica de coniugio cum infidelibus Cananæis non in-  
 cundo

*Dissoluntur  
 dubia.*

eundo, hodie nos Christianos sub N. T. non ligat, quia nec in politia Mosaica coniugia cum quibusvis infidelibus irrita fuerunt; sed saltem cum Canaanis, Ammonitis ac Moabitis ceterisque populis quos Deus de facie terræ delere constituerat; immo lex illa Mosaica non fuit mere naturalis et moralis, sed *ciuilis* potius et *forensis* cum non ad omnes et quosvis spectauerit populos, quod tamen legis naturalis et moralis proprium est, ut vniuersas gentes omnesque obliget populos, tum etiam rationem non habuit naturalem et moralem, scilicet seductionis fidelis per infidelem, sed forensē quoque et ceremonialem dum Deus non tantum vitandæ seductionis, sed distinguendi etiam populi dilecti gratia commixtionem omnem cum infidelibus incircumcisis a Iudæis vitari voluit, quam rationem posteriorem, quæ tamen præcipua et principalis videtur, in Christianis hodie deficere nullum est dubium. Nec (2) infringit, quod Esdra matrimonia Iudæorum cum Aegyptiis dissoluerit; *Esdra c. IX. v. 10.* nam hi habitabant in terra Canaan, adeoque e numero fuerunt Cananæorum, cum quibus interdictum erat Iudæis coniugium. Nec aduersatur (3) quod matrimonium ut *sacramentum* non possit tribui illis personis, quæ sacramenta suscipere non valent; nam si vel maxime ex iure canonico hoc supponi debeat, minime tamen inde euincitur facultas discedendi a matrimonio, cum tale matrimonium adhuc dicatur *legitimum*, licet non sit *ratum*. Nec mouet (4) quod inter eos legitimum non consistat matrimonium, inter quos non est indiuidua vitæ consuetudo, consortium omnis vitæ, diuini et humani iuris communicatio, iuxta definitionem matrimonii. *l. 1. D. de rit. nupt. et c. 3. C. 27. q. 2.* In allegatis enim nuptiarum definitionibus indiuidua vitæ consuetudo minime *paritatem cul-*



*tus* inducit, neque in ea, sed in interiori coniunctu, inque  
 mutua officiorum coniugalium praestatione consistit. MODE-  
 STINVS autem, vt auctor huius legis, per *diuini iuris com-*  
*municationem* intendit, olim de iure Romano vxorem sacro-  
 rum maritalium factam fuisse participem, adeoque quia sa-  
 era plebeiorum et patriciorum erant diuersa, inter eos non  
 permittebatur matrimonium, quod perturbatio sacrorum in-  
 de esset metuenda, teste LIVIO *lib. IV. c. 1.* quae ratio pecu-  
 liaris fuit Romanis, nec ad Christianorum coniugia applicari  
 potest, quam ob rationem fortassis IVSTINIANVS sua in defi-  
 nitione *pr. instit. de patr. pot.* verba *l. 1. D. de rit. nupt.* nem-  
 pe *diuini iuris communicationem* omisit. Nec infringit (5)  
 quod coniuges non possint sub velo sacerdotali benedictio-  
 nem accipere; nam in casu, quem hic suppono, benedictio  
 sacerdotalis matrimonio iam accessit, quia agitur hic de su-  
 perueniente mutatione religionis; ne dicam benedictionem  
 sacerdotalem ad matrimonii non requiri substantiam; quia  
 alias ante eam introductum matrimonium in ecclesia non fuis-  
 set, et extra eam non esset inter gentes; coniunctas autem  
 ad Deum preces fundere, si quidem coniugum officium, non  
 vero quatenus sunt coniuges, sed quatenus Christiani. Nec  
 obstat (6) quod si adulterium *proprie dictum* coniugium di-  
 vellit, multo magis *spirituale*, nempe infidelitas. Diuersa  
 quippe vtriusque est ratio, adulterium enim ideo coniugium  
 dirimit, quia *fidem coniugalem* violat, tollit, dirimit, et e  
 diametro matrimonii repugnat substantiae; infidelitas autem  
 istam dictam vitae consuetudinem, in qua matrimonii confi-  
 sit substantia, minime dissoluit. Multo minus (7) impe-  
 dit, quod Apostolus 2. *Cor. VI. v. 24.* diserte prohibeat, *ne*  
*iugum cum infidelibus trahamus*; loquitur enim Apostolus de  
*coniunctione animorum cum infidelibus spirituali*, quae per fi-  
 dem



dem fit, ne scilicet fidelis eodem impietatis iugo cum fidelibus copuletur, et societatem peccatorum cum iis contrahatur

§. XV. Ingressus in monasterium, quem *conuersionem* (XII) sponsalia dissoluit, non matrimonium c. 4. X. qui cler. vel. vouent. SANCHEZ de matrimonii Sacramento lib. I. Disp. 42. sicut vota simplicia et iuramentum castitatis, religionisque sponsalia dirimunt, non vero matrimonium c. 4. et c. 6. qui cler. vel. vouent. c. vn. de voto in 6. c. ult. et c. 4. C. 27. 9. 1. SANCHEZ lib. 7. Disp. XI. Diserte ait pontifex in c. 2. X. de conuers. coniug. post consensum legitimum de presenti licitum est alteri, altero etiam repugnante, eligere monasterium, sicuti sancti quidam de nuptiis vocati fuerunt; dummodo carnalis commixtio non interuenerit inter eos; et alteri remanenti (si communitus continentiam seruare noluerit) licitum est ad secunda vota transire: qui cum non fuissent una caro effecti, satis potest unus ad Deum transire et alter in seculo remanere. Putant enim, vota monastica esse perfectiora obligatione sponsalitia, adeoque hanc eis cedere debere.

§. XVI. Generalis et trita illa regula: qui prior tempore, potior iure, locum etiam sibi vindicat in sponsalibus, ut contendentibus duobus illi addici debeat sponsa, cui priori desponsata fuit, etiamsi ad posteriora iuramentum accesserit. c. 31. X. de spons. c. 15. et 30. X. eod. c. 1. c. 3. c. ult. X. de spons. duor. Licet enim omne iuramentum, quod absque dispensatione salutis seruari potest, seruandum sit; c. 28. X. de iureiur. iuramentum tamen minime debet esse vinculum iniquitatis, nec in tertii valet praeiudicium. c. cum contingat. c. non est obligatorium de R. I. in 6. Imo quamuis matrimonia debeant esse libera, c. 14. c. 29. X. de sponsal. l. 134. D. de V. O. l. 2.

*C. de inutil. stipul.* id quod fieri non videtur, si ad priorem redire adigitur, id tamen amplius sibi locum vindicare non quit, quando tertio ius perfectum est quæsitum, et potissimum hæc regula obtinet, antequam contrahantur; at libertas in necessitatem observandi promissa transit, postquam contracta exemplo aliorum contractuum, *l. 7. §. 3. D. commodati*, quamvis etiam, ut supra monitum, ab *absoluta compulsionē* abstinendum sit. Posteriora tamen sponsalia benedictione seu copula sacerdotali consummata, si cum priori puella ultra verba nihil actum fuerit, præferuntur, dum hæc perfidiam duntaxat, non ereptam sibi pudicitiam queri possit, et iure canonico matrimonium perfectum præferatur futuro, nuptiæ sponsalibus. *c. 15. X. de sponsal. et matrim. c. 1. X. de sponsa duor.* Porro duo vincula iure nostro dicuntur fortius ligare quam vnum, *auth. itaque C. commun. success.* is vero, qui matrimonium contraxit, duobus sese vinculis vxori suæ adstrinxit, (1) per nuptiarum promissionem, (2) per earundem celebrationem, prout ex canonistarum philosophia in hac materia supponendum: quid enim in ecclesiis protestantium obtineat, cap. seq. indicabo. Addunt canonistæ, maiorem obligationem minorem tollere, *l. 50. D. de fideiuss.* ac minus vinculum adueniente fortiori, rumpi; GLÖSSA in *c. 1. X. de spons. duor.* fortius autem vinculum matrimonium quam sponsalia esse, neminem in dubium vocare posse, maxime quod iure canonico matrimonio sacramentum inesse credatur. Si autem verbis *de presenti*, ut ita loquar, priora concepta sint sponsalia, aut licet verbis futuri temporis et tamen promissi matrimonii spe deflorata esset prior sponsa ante contractas cum posteriori puella nuptias, iure canonico soluendum est matrimonium cum posteriori sponsa, etiamsi in facie ecclesiæ contractum, et benedictio sacerdotalis aut copula carnalis accesserit.

accefferit, compellendumque ecclesiastica diffractione adulterum, relicta secunda priori adherere uxori, quia priora sponsalia tam per verba *de presenti*, quam per *concubitus* in verum matrimonium transire dicuntur: prius autem matrimonium tanquam indissolubile praefertur posteriori, quod hoc iure nullum censetur. *c. 31. X. de sponsal. et matrim. c. 1. 2. 3. et ult. X. de spons. duor.* Breuiter: matrimonium indistincte praefertur nudis sponalibus, quamuis puniatur et ad satisfactionem laeso teneatur, qui fidem datam hoc modo rupit.

§. XVII. Sponsalia sub conditione non improbata ini- (XIV) *sponsa-*  
ta, si illa impleri nequeant, haud obligant, *c. 3. X. de con-* *lia cessant de-*  
*dit. appof. c. 5. eod. c. vn. X. de sponsal. vid. SANCHEZ de ma-* *ficente condi-*  
*trim. part. 1. Disp. 53. n. 4. GVTIEREZ. de matrim. c. 2. n. 6. item matri-*  
*KITZEL. in synops. matrim. c. 8. theor. 14. sub tit. 6. NICOLAI* *monium.*  
*de diuort. c. 2. n. 158. et n. 160.* matrimonium vero consum-  
matum minime ob defectum conditionis dissoluendum, dum  
is, qui pendente conditione ad consummationem matrimo-  
nii procedit, conditioni tacite renunciaffe censetur *c. 6. X.*  
*de condit. appof.* et ibi BARBOSA, COVAR. *de sponsal. Part. I.*  
*c. 4. n. 18.* adeo vt sufficiat, si vel maxime tantum sponsali-  
bus concubitus accefferit, qui sponsalia transire facit in ma-  
trimonium. *c. 30. X. de spons.* Neque enim matrimonium  
sub conditione contrahi potest, *c. 3. X. de condit. appof.* sed  
per concubitus a conditione appofita recessisse videntur. *c.*  
*6. X. eod.*

§. XVIII. Si sponsus, in eadem degens prouincia, (XV) *sponsa-*  
intra biennium nuptias non contraxerit, sponsalia dissoluun- *lia extinguun-*  
tur de iure ciuili *l. 2. C. de sponsal.* vt Imperator CONSTAN- *tur ob disces-*  
TINVS et CONSTANS ad Pacationem prax. rescripserunt, *sum sponsi,*  
*non matrimo-*  
*nium.*

Sss 3

qui

qui puellam suis nuptiis pactus est, intra biennium exequi nuptias, in eadem prouincia degens supersederit, eiusque spatii fine decurso, in alterius postea coniunctionem puella peruenerit, nihil fraudis ei sit, quæ nuptias maturando vota sua diutius eludi non passa est. Si autem sponsus peregrinetur extra prouinciam, post triennium l. 2. C. de repud. et si necessarias habeat absentia causas, v. g. graue aliquod negotium alibi expediendum, valetudinem aduersam, similesue, post quadriennium l. 17. D. de sponsal. ob easdem rationes, nequidem distractis repudio sponsalibus, citra infamiae notam alia potest inire sponsalia. Idem quoque iure canonico permissum est, quamuis eo tempora præcise non sint determinata, sed arbitrio iudicis relinquatur, per quod tempus sponsa sponsum expectare teneatur. Hoc multo magis obtinet, si clam et ignorante sponsa discedit potius, quam peregrinatur sponsus, quo casu liberum est sponsæ, modo non a verbis ad facta sit processum, ad alia se transferre vota c. 5. X. de spons. Nuptiæ vero minime disrumpi possunt ob diuturnam mariti absentiam, imo licet ultra sexennium præstolata est virum mulier, expresse tamen prohibetur, ne prius ad aliud ista conuolet matrimonium, antequam certum de morte viri acceperit nuncium c. 19. X. de sponsal.

(XVI) dissol-  
vuntur spon-  
salia ob mala  
fortuna, non  
matrimonium

§. XIX. Propter *fortune malum* post contracta eueniens sponsalia, i. e. si facultatibus et foro cedat sponsus, ea dissolui possunt: foro enim cedentis nomen *infamia facti* ut plurimum notatur, quamuis non semper *iuris*, et bonis spoliatus, quæ se allaturum in matrimonium vel expresse vel tacite promisit, subsidia vitæ necessaria amisit, nec præstare potest amplius alimenta vxori futuræ, ad quæ tamen ipsi tenetur. Imo vix a dolo excusari potest, dum defectum suum

rum

rum facultatum haud ignarus, se vt virginem caperet, for-  
 san locupletem simulauit. Necessitas quidem aliquando fo-  
 ro cedendi mercatoribus obrepere solet; at raro cuiquam ita  
 cito obuenit, quin a sagaci facile prospici possit viro. Cef-  
 sio vltius fidem aufert, famamque eius apud graues aggra-  
 vat viros, vt iniquum videatur, sponsam, re integra, adi-  
 gere, vt se sponte in ærumnam præsentem, quam præuidere  
 non potuit, coniiciat. Ceterum damnum particulare, quod  
 totas non euertit opes, neque omnes conturbat rationes fa-  
 mamque saluam esse finit, iustam non præbet repudio causam  
 secundum quorundam opinionem, aientium, non tam stri-  
 cte et indiscrete insistendum regulæ, *quod promissio omnis in-  
 telligatur: rebus in eodem statu permanentibus; c. 25. X. de  
 iureiur.* sed potius pro regula ponentiam, quod affectu non  
 dotibus contrahenda matrimonia, et omni lucro maritalis  
 concordia præferenda sit. *l. 11. C. de diuort. l. 3. D. de don. in-  
 ter vir. et vxor.* Hoc admitto, si habeat adhuc idonea sub-  
 sidia, vnde futuram vxorem alere et familiam sustentare pos-  
 sit, imo etiam tunc, si de certis bonis adferendis haud fue-  
 rit actum. Secus enim est, si certam summam nummorum  
 sponsus in subsidium matrimonii se collaturum promiserit,  
 quia quasi *sub conditione* contractis sponsalibus eam præstare  
 tenetur, et ne quidem in foro conscientie sponsa obligata est  
 ei nubere, *c. 3. X. de condit. appof.* Idem etiam obtinet in spon-  
 sa facultatibus lapsa, siue dotem promiserit, siue non, quia  
 quoad primum promissio dotis est veluti *conditio*, vt iam di-  
 ximus, sub qua sponsalia celebrantur; deficiente ergo con-  
 ditione, etiam citra puellæ culpam, non obligant sponsalia.  
 Quoad secundum vero, notabilis inde nascitur mutatio,  
 quæ a principio existens sponsalia contrahi impediret, ergo  
 superueniens ea etiam iuxta vulgares regulas dissoluit. *arg.*

c. 25. *X. de iureiur.* Matrimonium vero non dissolvitur, si post id contractum obaeratus et pauper reperitur maritus, vel vxor aut dos promissa ab vxoris non soluitur parentibus, dum animis non opibus nititur coniugium et sine dote consistit, neque vnitatem carnis scindit paupertas et coniux omnium infortuniorum et calamitatum alterutri coniugum convenientium particeps redditur, per l. 72. §. 7. *Solut. matrim.* ubi dicitur: *quid enim tam humanum est, quam fortuitis casibus mulieris maritum vel uxorem fieri participem.* Hoc iure canonico eo magis dicendum, quo maius et arctius vinculum matrimonio inest, quam de iure civili. c. 18. C. 32. q. 5.

(XVII.) *sponsalia matrimonium per crimina tolluntur.*

§. XX. Similiter propter *crimina* sponsalia dissolui possunt, non autem matrimonium. Ceterum loquimur non de iis, quæ vitæ priuationem secum trahunt, dum pœna mortis irrogata non modo sponsalia, sed etiam matrimonium per benedictionem sacerdotalem et copulam carnalem consummatum per se dissolvitur, non tam propter commissum *delictum*, quam ob *supplicium mortis*, quæ vti omnia, ita etiam coniugium soluit. *Nov. 22. c. 20.* Sed de iis nobis sermo est, quæ pœnam corporis afflictivam, fustigationem aut relegationem, aliamue infamiae operantur; sponsa enim sibi integræ famæ sponsum despondit, ergo infami nubere non est cogenda et vice versa, cum bonum nomen vitæ comparandum, et ciuilis vita aestimandum sit, quod viro honesto magis in pretio habetur, quam ipsa, quam vivimus, vita. Porro sponsalia ex rationabilibus causis dissolui possunt, c. 10. *X. de sponsal.* inter quas talia crimina non immerito referri possunt. GERHARD. *loc. theol. de coniug. tom. 7. n. 166. p. 249.* CYPRAEVS *de connub. iure c. 13. §. 78.* Deinde sponsalia semper



per ita sunt interpretanda, ne laedant honestatem, aut macula innocentem contaminent, vt quoque in obligatione generali de contrahendo matrimonio subintelligitur, nisi quicquam turpe superuenerit. c. 25. X. de iureiur. conf. CORVIN. in aphor. iur. canon. lib. 2. tit. 13. §. 105. seqq. Matrimonium vero ob tale, vt descripsimus, crimen, disrumpi non potest. c. 2. X. de diuort. vbi pontifex ALEXANDER III. ait: *nos ita taliter respondemus, quod mulier pro furto vel alio crimine viri sui ab eo separari non debet.* Huc etiam respexit ALEXANDER Imperator in l. 1. C. de repud. dum ait: *matrimonium quidem deportatione vel aquae et ignis interdictione non soluitur, vt et Imperator CONSTANTINVS in l. 24. C. de don. inter vir. et vxor. sin aqua et igni interdictum, vel deportatio illata, non tamen mors ex poena subsecuta, matrimonium non dissoluitur.* Similiter IUSTINIANVS in Nou. 22. c. 13. ait: *deportatio tamen, in quam migravit, et antiqua aquae et ignis interdictio, quam aqua et igni interdictionem vocant nostrae leges, non soluit matrimonium.*

§. XXI. Sponsalia ob superuenientem affinitatem illicitam, i. e. si quis cognouerit consanguineam sponsae suae de futuro, dissoluantur, c. 2. X. de consang. et affin. c. 2. X. de eo qui cogn. consang. vxor. suae, modo concubitus fuerit naturalis et consummatus, c. 11. C. 35. q. 2. et 3. et quidem de iure decretal. ad quartum gradum, ex decreto vero concilii Trident. Sess. 24. de reform. matrim. c. 4. vsque ad secundum gradum. Ratio vero, cur per hunc concubitum illicitum sponsalia de futuro dissoluantur, haec est, quia tantum sunt futurarum nuptiarum promissio; ob affinitatem autem superuenientem ista non potest adimpleri promissio, dum inter affines matrimonium consistere nequit, c. 8. X. de consang.

(XIIIX) sponsalia ob superuenientem affinitatem, non matrimonium soluntur.



et affin. adeo ut iuxta *c. 2. de eo qui cognou. consang. vx. suae* sponsus per concubitum cum matre sponsae etiam inhabilis ad aliud matrimonium reddatur, quod quoque in *c. 1. d. 1. asseritur* de eo, qui priuignam, i. e. filiam vxoris suae, quae filiastra vocatur, *d. c. 1. et c. 6. C. 35. q. 1.* cognouit, dum poena incestorum est, ut, quod superest vitae, sine vlla spe coniugii transigant in perpetuo luctu et squalore *c. 8. d. 1. et c. 8. C. 35. q. 3.* Excipitur tamen, si quis post sponsalia de futuro cognoscat sponsam, et postea etiam sponsae matrem, quia iam est matrimonium per concubitum contractum cum sponsa, *c. 30. X. de sponsal.* quod dissolui per affinitatem illicitam superuenientem nequit. *c. fin. de eo qui cognou. consang. vxor. suae.* Nec hic excipienda est sponsa se commiscens cum consanguineis sponsi; utut enim omnes textus tituli *de eo qui cognou. consang. vxor. suae* de viro cognoscente vxoris consanguineam loquantur, et dispositio adducta extendi non debere ad sponsam videatur, apertum tamen est, eandem hic prorsus adesse rationem et vtrumque frequentissimum. Imo *c. 20. C. 32. q. 7. et c. 5. C. 35. q. 2. et 3.* expresse etiam loquantur de foemina. Matrimonium vero non rescinditur propter affinitatem ex fornicatione superuenientem, *c. 2. 1a. et 11. X. qui cogn. consang. vxor. suae* imo ne quidem quoad thorum, quia alterius coniugis iniquitas alteri innocenti dannosa esse non debet *c. 4. et 10. eod.* Id tamen constitutum est in poenam illicitae huius coniunctionis, ut non possit reus debitum conjugale petere, quamuis vxori exigenti debitum conjugale reddere debeat, *c. 4. et penult. de eo qui cogn. consang. vxor. suae*; neque vnquam vxore mortua aliud contrahere matrimonium possit propter iniuriam, quam matrimonio intulit, *d. c. 1.* quae omnes poenae tantum locum sibi vindicant in sciente, non vero ignorante. *arg. c. 1. b. 1.*

*b. 1.* Exemplum adducitur in *c. 6. C. 30. q. 1.* de eo, qui nesciens dormiuit cum vxoris sorore, sed ignorantia haec iuramento probanda est.

§. XXII. Sponsalia ob *stuprum* plane *violentum*, si spon- (XIX) spon-  
sus ad retinendam sponsam nullo modo persuaderi possit, a *salia dissol-*  
iudice dissoluuntur. *c. 25. ibique glossa verb. oculos X. de iu-*  
*re iur.* *c. 33. et seq. C. 27. q. 2.* GERHARD. *loc. de coniug. §. 112.* *violen-*  
et DEDEKENNVS *vol. 3. lib. 2. Sect. 13. n. 37.* HAVEMANN *in ga-* *crimen.*  
*molog. lib. 1. tit. 5. posit. 7. §. 10.* NICOLAI *de diuortiis Part. I.*  
*c. 2. n. 52.* Licet enim per vim stuprum passa nihil commi-  
serit, quo vel existimationis fama *l. 20. D. de adult.* vel cor-  
poris amittitur sanctitas, *c. 4. C. 32. q. 5.* (quia vis illata nul-  
lum consensum, nec crimen habet, imo mentem impudi-  
cam non casus facit, nec potest corpus corrumpi, nisi prius  
corruptus fuit animus, et si munda a contagione anima, ca-  
ro non peccat. *c. 8. C. 23. q. 5.* neque reuera potest caro cor-  
rumpi, nisi mens fuit ante corrupta *c. 2. C. 32. q. 5.* imo non  
potest eripi a virginitatis latrone pudicitia, virtus, quae a-  
nimus pro domicilio habet, *c. 6. C. 32. q. 5.* proptereaque  
talis merito ab omni absoluitur poena;) attamen in corpus  
vitiatae aliquid commissum est, a quo sponsus (qui sponsa-  
lia contrahens, non animi tantum sed et corporis puritatem,  
virginitatemque respexit, abhorret, cumque sponso pro-  
missa praestari nequeat virginitas, nulla est ratio, cur ei ini-  
qua conditio facto alterius citra suam culpam inferri possit.  
Neque de sponsoris fluxa fide puella queri potest, cum o-  
mnibus conuentionibus haec insit conditio; *Si res in eodem*  
*statu permaneat, quo fuit tempore contractus. l. 38. D. solut.*  
*matr. c. 25. X. de iure iur. ill. Dn. coccei de claus. rebus sic*  
*stantib.* Eleganter Seneca inquit: "desituere, leuitas non

„erit, si aliquid interuenit noui; quid miraris, cum condi-  
 „tio promittentis mutata sit, mutatum esse consilium? ea-  
 „dem mihi omnia praesta, et idem sum. Vadimonium pro-  
 „mittimus, tamen deferitur, non in omnes datur actio, de-  
 „ferentem vis maior excusat, omnia debent esse eadem, cum  
 „promitterem, vt promittentis fidem teneas.” Matrimoni-  
 um vero consummatum ob vxorem vi subactam, minime  
 dirumpitur, quia in eo dispar est ratio et contractis nuptiis  
 vna caro, vnus homo coniuges sunt facti, ideoque quod-  
 cunque incommodum vni infertur, alteri quoque infligitur,  
*l. 1. §. ult. D. de iniur.* atque aequaliter ferendum est, *l. 22. §. 7. D. solut. matrim.* maxime de iure canonico, quo nul-  
 lus casus dirimit matrimonium.

(xx) ob ini-  
 micitias capi-  
 tales dissolu-  
 untur sponsa-  
 lia, non ma-  
 trimonium.

§. XXIII. Ob inimicitias capitales forte ex odio ob dif-  
 famationem, aut morum diuersitatem exorto dissolui possunt  
 sponsalia, praecipue si *saevitia sponsi* accesserit, i. e. si spon-  
 sam iam verberibus exceperit, vel in eam grauioribus, quae  
 constantem terrent mulierem, minis saeuierit, vel intolerabi-  
 bili immerentem affecerit iniuria, item ob notabilem morum  
 mutationem; veluti si ex sobrio ebriofus vinarius, ex ho-  
 mine rem familiarem recte curante prodigus, aleator, aliis-  
 que vitiis deditus appareat factus sponsus, si desperata sit e-  
 mendatio, et verosimile, inter eos nunquam coalituram con-  
 cordiam, ac nuptias illas materiam exdibus et adulteriis da-  
 turas, vel certamina excitaturas inter vtriusque consanguini-  
 eos et propinquos. *c. 2. c. 17. X. de sponsal.* ABBAS in *c. 5. qui*  
*cleric. vel vouent. l. 5. C. de sponsal.* Si enim Deus in V. T.  
 propter ~~ordines~~ iudaicam, ob odium, in ratis et con-  
 summatis matrimoniis etiam diuortia permisit, vt indicant  
 verba *Deut. 24. v. 1. 2. 3.* Si acceperit homo uxorem et ba-  
 buerit

buerit eam, et non inuenerit gratiam ante oculos eius propter aliquam foeditatem, scribet libellum repudii, et dabit in manum illius, et dimittet eam de domo sua. cont. Sirac. c. XXV. v. 34. quare non in N. T. sponsaliorum dissolutio seu repudium propter *graues inimicitias* superuenientes, magistratus auctoritate, interdum fieri posset? Porro si sponsalia dissoluntur, ne forte deterius inde contingat; c. 2. X. de sponsal. certe id in asperitate morum et saeuitia sponsi superueniente locum sibi vindicat. Quod enim saeuitia genus sub regimine mariti non metuendum futurae vxori est? quam ipsis sponsaliorum i. e. festiuitatis ac hilaritatis diebus vsque ad verbera dirasque minas excandescens excepit male feriatu spon- sus, quod vberius deducunt B. STRYK. de dissent. sponsal. sect. 2. KITZEL. in synops. matrim. c. 8. theor. 13. sub lit. d. Consil. Tubing. 80. n. 53. 54. part. 2. et consil. 244. n. 11. seqq. part. 5. KÖPPEN. dec. 1. enucl. CARPZ. in iurispr. consist. lib. 2. tit. 10. def. 176. et tit. 12. def. 212. RICHTER. part. 1. dec. 22. HAVE- MANN. in gamolog. lib. 1. tit. 13. pos. 7. Matrimonii vero vin- eulum ob inimicitias non dirumpitur, et si illae in saeuitiam degenerant, tantummodo *thori et mensae separatio* concedi- tur vxori, instituta actione, quam ea de causa vocant *die Saewitien-Klage*. vid. NICOLAI de repud.

§. XXIII. Sponsalia dissoluntur *superueniente morbo* (XXI) sponsa-  
*contagioso et incurabili*, scilicet lepra, paralyti, scabie gal-  
 lica, epilepsia, phthisi. c. fin. X. de coniug. lepros. vbi ponti-  
 fex ad propositam quaestionem: "vtrum si post sponsalia de-  
 futuro inter legitimas personas contracta, antequam a viro  
 mulier traducatur, alter eorum leprae morbum incurrat, a-  
 lius ad consummandam copulam maritalem compelli de-  
 beat? respondet, quod ad eam accipiendam cogi non de-

T t t 3

„bet,

„bet, cum nondum inter eos matrimonium fuerit consum-  
 „matum.” Etsi autem hoc in textu solummodo sermo sit  
 de lepra, non immerito tamen hoc ad alios morbos con-  
 tagiosos grauiore et insanabiles extendendum esse puta-  
 mus, (1) ob identitatem rationis, cum idem periculum, quod  
 ex lepra imminet, ut scilicet in liberos deriuetur, ex illis  
 morbis contagiosis etiam metuendum sit. Vnde (2) mor-  
 borum illorum etiam ea est turpitudine et vehementia, ut non  
 solum alter alterius congressum, sed etiam conspectum con-  
 sortiumque amici refugiat et exhorrescat, sufficiatque, quod  
*notabilis mutatio* superuenerit, quam si quis antea praeuide-  
 re potuisset, nunquam sponsalia iniisset. c. 25. X. de iur. iur.  
 Nec aliud dicendum esse autumo, licet talium malorum ve-  
 hemens modo sit suspicio, cum scrupulosa hic non requira-  
 tur probatio, imo etiam si sponsus a tali conualuisse dicatur  
 peste, quia iustus semper superest metus, ne aliquod subti-  
 le venenum corpori adhuc, insciis medicis, inhaereat, no-  
 citurum postea sanae proles generationi, vel ne ita ex mor-  
 bo praesertim gallico euaserit, ut integer non sit vir, cum  
 talia vagae libidinis praemia hae lues venerea nepotibus re-  
 linquere soleat, de quo memorabile exemplum refert B.  
 STRYK. de *diffens. sponsal. sect. 2. §. 41.* Aliud tamen dicen-  
 dum, si morbi non sint contagiosi, nec incurabiles, sed  
 temporarii: tunc enim sponsae, donec conualescat sponsus,  
 expectandum est, quantum autem expectationis et morae  
 tempus esse debeat, pro ratione morbi et laborantis perso-  
 nae, hoc arbitrio et prudentiae iudicis committitur, dum alii  
 morbi aliis longiores et tenaciores sint, ut non solum annum  
 vel biennium aut triennium sed ulterius sponsalia trahere  
 possint. l. 17. D. de sponsal. COTHMAN. volum. I. resp. 10. n.



84. seqq. KITZEL, in *synops. matrim.* c. 8. *theorem.* 13. BRÜCKNER in *decis. matrim.* STRYK. de *dissens. sponsal. sect.* 2. Matrimonium vero contractum ob morbos superuenientes contagiosos et ineurabiles non dissoluitur, licet id eo in casu multi existimauerint, si ægrotanti satis prospectum esset de habitatione, victu, aliisque rebus, et ipse ægrotans in diuortium consensisset. Verum in contrarium satis clari reperiuntur textus, docentes, propter eos morbos diuortium fieri non posse, vt in *c. 1. et 2. X. de coniug. lepros.* adeo vt infirmus a sano debitum exigere possit coniugale. *c. 2. X. de coniug. lepros. c. 18. C. 32. q. 7.* Vnde et desertio coniugis propter calamitatem, in qua nulla est culpa, iniusta et scelerrata habetur, cum vir et vxor vna sint caro, et vxor sit pars corporis mariti, *c. 8. C. 33. q. 2.* virque non habeat potestatem corporis sui, sed vxor, nec vxor habeat potestatem corporis sui, sed maritus.

§. XXV. Superueniens impotentia vel inhabilitas coeundi sponsalia dissoluit, non vero matrimonii vinculum legitime contractum et consummatum dirimit, sed initum rite foedus inuiolabile conseruat *c. 25. C. 32. q. 7. c. 18. C. 32. q. 5. c. 4. X. de frigid. c. 29. C. 27. q. 2.* vbi pontifex his verbis rescribit: *impossibilitas coeundi, si post carnalem copulam inuenta fuerit in aliquo, non soluit coniugium, si vero ante carnalem copulam deprebensa fuerit, liberum facit mulieri alium virum accipere.* Nec obstat, quod non minus requiratur ad conseruationem rei quam ad eius essentiam; matrimonii vero essentia consistere nequeat, si a principio adsit perpetua coeundi impotentia, ergo nec si illo inito superueniat, conseruari poterit. Multa enim ad rei *essentiam* necessaria, (XXII) impotentia superueniens sponsalia soluit, non matrimonium.  
quæ

quae minime ad *conseruationem* desiderantur. Et quamuis alias obligatio ad reddendum debitum, tanquam matrimonii consequens, illud semper comitatur, et ideo, hac cessante ob impotentiam superuenientem obligatione, matrimonii destruat essentia; obligatio tamen reddendi debiti non semper et in perpetuum sed potissimum initio matrimonium comitari debet, ut vel inde constat, si postea uterque coniux communi continentiam voueat consensu. Neque denique aduersatur, quod ALEXANDER III. in c. 3. X. de frigid. et malefic. potestatem cuidam, cuius vxor ante consummationem inepta reddita fuit copulae, dat alterius ineundi matrimonii. Ille enim textus loquitur de casu, quo impotentia matrimonium praecesserat, ut vel ex verbis, si *mulier illa vitium illud a natura contraxit*, constat. Excipitur tamen casus, quando maritus aut mulier intempestiue perpetuae continentiae studio ductus, arg. c. 1. C. 33. q. 5. voluntaria vel potione vel incisione venarum, ex sectione sibi infirmitatem conciliauerit; tunc enim pro malitioso desertore et vice versa habendus est, c. 7. C. 32. q. 2. quia inimicum naturae animus capeffit, detrahitque, quae debet coniugi, quod tamen ea inuita peragere prohibetur. cit. c. 1. c. 2. c. 6. C. 33. q. 5.

(XXIII) spon- §. XXVI. Similiter sponsalia ob *superuenientem* furorem  
salia dirimun- dissoluuntur. l. 1. C. de sponsal. c. 26. C. 32. q. 7. c. 24. X. de  
tur ob furorem sponsal. Utut enim in l. 8. D. de sponsal. et l. 16. §. 2. de rit.  
superuenien- nupt. asseratur, furorem postea interuenientem sponsalia non  
tem non ma- infirmare, tamen ommissis aliorum explicationibus, nobis  
trimonium. CARPZOVII lib. 2. def. 182. in iurispr. consist. sententia magis  
arrides, statuentis, dictas LL. esse intelligendas de eo furo-  
re,



re, qui mitior est et interualla habet, vel tolerabilis, ac spes aliqua eluceat sanitatis, vt et bene limitant HENNING ARNIS. *de iur. conub. c. 6. sect. 9. n. 6. et 7.* IO. GERHARD. *in loco de coniug. §. 167.* PAUL. CYPRAEVS *de sponsal. c. 13. §. 59.* Matrimonium vero non soluitur ob furorem superuenientem, siue sit perpetuus siue non *c. 25. et c. 26. C. 32. q. 7. c. 24. X. de sponsal.* Equidem non nego, olim in oriente per *Nou. LEONIS III. et IIII.* admissum fuisse diuortium ob furorem, imo et antiquum ius ecclesiasticum ab hac sententia non adeo abhorruisse videtur; *c. 18. C. 32. q. 7.* nam hic tantum quaestio est de *iure canonico* et quidem *recentiori*, quo plura patrum antiquorum scita sunt immutata, postquam dogma AVGVSTINI de sacramento matrimonii altos generaliter egit radices.

§. XXVII. Porro non matrimonium sed sponsalia tantummodo dissoluuntur ob *notabilem superuenientem deformitatem*, i. e. si alter sponsum membro quodam mutilatus, *(XXIV) notabilis deformitas superueniens soluit sponsalia, non matrimonium.* utpote si claudus factus fuerit, alteramue manum vel pedem amittat, vel nisi abscissionem vel labiorum truncationem, si miliaque passus fuerit mala, ob quae merito eius aspectum fugiant ceteri. In *c. 25. X. de iur. iur.* INNOCENT. III. pontifex apprime ita rescribit: "quodsi post huiusmodi iuramentum fieret mulier non solum leprosa, sed etiam paralytica, vel oculos vel nasum amitteret, vel quicquam ei turpius eueniret: numquid vir teneretur eam ducere uxorem? profecto ductam non posset dimittere. Sed numquid non ductam admittere teneretur? quamuis interdum contractum non dirimat, quod impedit contrahendum. Ex his dilucide patet, dissolutionem sponsaliorum his casibus adeo esse licitam, vt nec eam *iuramentum*, super desponsatione

tione præstitum, impedire valeat. Multo magis itaque hoc de sponsalibus non iuratis asserendum est. Nec desunt rationes pro hac decisione pontificia: mutuus amor ac effectus causa contrahendi matrimonii impellens est, atque mediis, quibus conseruatur amor, ablatis, amor ipse deliquium patitur, ac mutuis potius odiis quam coniugali amori ista patebit via. GVTIERREZ *de matrim. cap. 32. n. 3.* CARPZ. *lib. 2. def. 181.* STRYK. *de iur. sens. p. 118. n. 5. usque ad 11. inclus.* Imo hoc adeo verum esse puto, etiam si alteri tantummodo amittatur oculus, dum textus vis non posita est in vtriusque oculi aut nasi amissione, quae tantum exempli gratia proponuntur, sed in *notabili deformitate magnaue mutatione*, quae si a principio adesset, obstaret, ne contraherentur sponsalia. Satis vero notabilis est mutatio et deformitas fieri coclytem, quod colligitur ex ratione in textu subiuncta, quae est, *promissionem intelligi: rebus in eodem statu manentibus.* Si vero aliqualis tantum deformitas superueniat ex variolis deturpata facie, tunc inter sexum distinguendum esse censemus; magna dos enim est in puellis formæ et iuventutis commendatio, in masculis animi prudentia et compositi ad virtutum mores, et ideo quoad vltimum haud videtur iusta repudii causa; quoad primum vero dissolui possunt sponsalia, si forma virgini pro dote fuerit, et ad hanc potissimum respexerit sponsus. STRYK. *de dissens. sponsal. sect. 2.* BROWER. *de iur. connub. p. 250. et 251. §. 36. 37.* Prædicta autem hæc omnia intelliguntur tantum ex parte illius, qui læsus est; eo enim volente, soluuntur sponsalia, secus nolente, quia hoc quod in fauorem illius introductum in odium vel præiudicium detorqueri non debet.

§. XXVIII. Ceterum non solum ratione *vinculi sponsalia* et matrimonium differunt, sed etiam ratione plurium effectuum, quos *c. antec.* iam excussi. Sic si clericus in minoribus contrahat matrimonium ordinibus, perdit beneficium, non autem, si sola contrahat sponsalia. *c. 1. X. de cler. coniug.* PANORMITAN. *consil. 62. in contr. in 4. dub. in fin. lib. 2.* Loquuntur omnes textus, qui de hac materia disponunt, de ipso matrimonio iam contracto, quo interueniente ipso iure amittitur beneficium, GONZALEZ *ad cit. text. tit. 6.* qualis poena haud est extendenda, cum priuatio odiosis accenseatur. Accedit, quod quamdiu sola sponsalia inita sunt, clerici adhuc in *coelibatu* viuunt, qui ipsis impositus est, adeoque poenam sentire non debeant, iis impositam, qui coelibatum actu ipso deseruere, contracto demum matrimonio.

§. XXIX. Quidam etiam, vt SANCHEZ *de sacram. ma-* (XXVI.) *An*  
*trim. lib. 4. disp. 19.* addunt hoc discrimen, quod matrimo- *sponsalia con-*  
 nium, vi iniusta extortum, sit ipso iure nullum, non vero *tracta sine null,*  
 sponsalia, quamuis contra hæc admittatur restitutio in inte- *ut matrimo-*  
 grum: supponit enim, quævis negotia metu inita stricto iure valida esse, et vnicum contra ea superesse restitutionis in integrum beneficium: ab his tamen excipiendum fuisse matrimonium, quod indissolubile est, nullamque admittit restitutionem, adeoque potius ob metum et coactionem illicitam nullum dicendum fuit. Hæc ratio vero cessat in sponsalibus, quæ dissolutionem etiam de *iure canonico* admittunt, adeoque quoad hæc in regula subsistendum videtur. Verum illud nullibi restitutionem in integrum contra sponsalia metu inita desiderat, sed potius illa prorsus esse nulla pronunciat, vt liquet ex *c. 11. X. de sponsal.* Inde non possunt operari talia sponsalia impedimentum *honestatis publicæ*, quod

producerent, si stricto iure valida essent; proinde hoc discrimen quoque reiecit *Dn. Praeses dissert. de matrim. coactio* c. I. v. 10.

*Etiam sponsalia de presenti adhuc a matrimonio de iure canonico differunt,*

§. XXX. Atque hæc, quæ adducta sunt discrimina, vnicè fere diuersa sponsilium *de futuro* iura a matrimonio ostendunt: sponsalia de presenti propius ei accedunt, ipsumque dicuntur matrimonium, et proinde vix diuersa iura ab illo habere videntur. Sed *videntur*; reuera enim adhuc habent, quod colligi potest ex iis, quæ supra de conceptu horum dicta sunt sponsaliorum. Si matrimonium prorsus absolutum forent, incongrue sane retinerent nomen sponsaliorum; quia vero adhuc sunt sponsalia, et *secundum quid* matrimonium dicuntur, h. e. intuitu vinculi indissolubilis, superesse adhuc omnino debent differentiz. Videlicet talia sponsalia nondum matrimonium sunt quoad effectus omnes civiles, quos ius canonicum passim quoque repetit: neque etiam huiusmodi sponsa transit in domum, forum, sacra, iura et potestatem mariti, cum nondum ei tradita sit sollemniter, sed adhuc ad plenum matrimonii effectum sollemnia consuetudo accedere debeant, ex quo tempore *legitima* vxor dicitur; *sponsæque* nomen amittit, et iura mariti plene consequitur. Docet id historia desponsationis FRIDERICI III. Romanorum imperatoris cum Leonora contracta descripta a NICOLAO LANCKMANNO de FALCKENSTEIN apud FREHERVM tom. II. *rerum germ. p. 59. edit. Seruu.* Auctor actum sollemnem his describit verbis: „Sic serenissimus Rex Portugalliae Dominus Alphonso etc. et quam plures generosi ad hæc vocati audierant legationem serenissimi Domini Romanorum Regis per dictos suos oratores, quæ erat ad concludendum et contrahendum matrimonium per verba de presentibus, ti

„ti cum præclarissima virgine et domina Leonora.” Atque  
in hac *audientia vespertina*, quæ ibi refertur, fuerunt con-  
tracta sponsalia *de presenti*; solennia matrimonii postea ac-  
cessere. ” Altera autem die, pergit, fuit matrimonium, de  
„quo supra in præsentia serenissimi Regis ac Reginae Portu-  
„galliæ sororum, principum, comitum, baronum, gene-  
„rosorum et utriusque sexus nobilium per verba de præsen-  
„ti cum arenga certa: adorna thalamum etc. more solito per  
„oris osculum et annuli immisionem eandem clarissimam  
„Virginem infantissam dominam Leonoram serenissimo Do-  
„mino Domino Friderico Romanorum Regi per libatos su-  
„os oratores subarrando desponsato matrimonio contractum.  
„Et iste actus solennis solenniter fuit finitus, et quasi ex ea-  
„dem hora inclytissima virgo Domina Leonora iam nunc ab  
„omnibus Romanorum Regina vocata et proclamata cum  
„magna solennitate ad aliud palatium magnum specialiter ad  
„hoc deputatum et ornatum ducta fuit.” Vterius hoc de-  
clarat ipsa oratio in actu solennis desponsationis ab oratore  
imperatorio habita, qua formulæ sponsalium de presenti ad-  
hibita sunt, relatæ *ibidem p. 33.* quæ, quia doctrinam supra  
in *prolegom.* expositam illustrent, huc addenda sunt. Postu-  
lat orator ab ELEONORA, ut sic dicat: ” Ego infantula domi-  
„na Eleonora recipio Fridericum regem Romanorum in  
„meum maritum bonum et legitimum, sicut mandat sancta  
„ecclesia Romana, in persona tui magistri Iacobi Motz, sui  
„sufficientis procuratoris ad hunc actum. Et ego præno-  
„minatus M. Iacob Motz, nomine præfati Friderici Regis  
„Romanorum, tanquam procurator eius ad hunc actum le-  
„gitime constitutus, recipio te infantissam Dominam Leono-  
„ram in suam legitimam uxorem, sicut mandat sacra eccle-  
„sia Romana; atque te hoc annulo subarrabo ad laudem et glo-

„riam omnipotentis Dei et ad felicem vtriusque partis statum et optimam consolationem etc.” Aliud discrimen tangit INNOCENTIUS III. in c. 5. X. de bigam. non ordin. ostendens, tunc demum perfectum sacramentum, quod matrimonio inesse fingitur, adesse, si commixtione corporum illud est consummatum, quod demum fit matrimonio vere contracto, non vero si tantum consensus in præsens matrimonium adest, qui in sponsalibus de præsenti de iure canonico cernitur. Vnde hanc notabilem differentiam deducunt, quod non possit dici bigamus, et sic inhabilis ad sacerdotium, qui cum secunda per verba de præsenti inlit sponsalia, per commixtionem corporum haud consummata.

## CAPVT III.

## DE

DIVERSO IVRE SPONSALIVM  
ET MATRIMONII GERMANICO ET  
HODIERNO PROTESTANTIVM

## A R G V M E N T V M.

- I. Distincta et hodiernum sponsalia et matrimonium. II. Licita sponsalia impuberum, III. et inter absentes, non nuptiae. IV. Vtraque tamen permissa magistratui provinciali. V. Viduae intra annum luctus tantum indulgentur sponsalia. VI. Vtriusque discrimina intuitu ratione transactionis, iuramenti, VII. neglecti consensus paterni, VIII. et probationis. IX. et X. Quatenus multo vel vnius consensu, XI. ob stuprum antecedens, XII.



ob nimiam propinquitatem, XIII. ob mutatam religionem, XIV. vel ob votum castitatis solvantur? XV. ius præcipuum priorum sponsalium. XVI. Conditiones adici possunt sponsalibus, non matrimonio. XVII. Diversæ causæ utraque dissoluendi. XVIII. Iura utriusque diversa in soluenda patria potestate, XIX. in acquisitione coniugali, XX. et ratione concubitus. XXI. Vxor sequi tenetur maritum, non sponsa. XXII. Maritis sunt fructus dotis, non sponsi. XXIII. An donationes inter desponsatos reuocentur alterutro mortuo. XXIV. Successio est tantum coniugum, XXV. et uxoris tantum ius hypothecæ tacitæ. XXVI. Clerici inter protestantes per nuptias non amittunt beneficia. XXVII. De diuersis actionibus ex sponsalibus et matrimonio. XXVIII. XXIX. De diuerso modo utraque ineundi. XXX. De diuersis poenis binorum sponsalium et nuptiarum, XXXI. nec non secundarum nuptiarum. XXXII. Vfus hodiernus vindictæ priuatæ mariti. XXXIII. Donationes inter coniuges invalidæ, non inter desponsatos. XXXIV. Consensio thalami pertinet ad consummandum matrimonium. XXXV. Huius vis in communione bonorum, XXXVI. et tutela maritali, XXXVII. In iure circa dispositionem de bonis uxore, XXXVIII. in ære alieno soluendo, XXXIX. in usufructu mariti, XL. in acquisitione morgengabæ, XLI. in successione statutaria. XLII. Lucrum dotis est tantum coniugum. XLIII. Status liberorum ex sponsa natorum.



## §. I.

*Conuenientia  
eorum, qua di-  
cta sunt, cum  
moribus nostris  
promittitur.*

**A**b omnibus fere duobus præcedentibus capitibus recensitis *sponsalium* et *matrimonii* differentiis mores nostri hodierni ac constitutiones ecclesiasticæ in foris protestantium parum aut nihil declinant. Quod enim ad diuersum attinet finem, in *c. 1. §. 4.* recensitum, eum etiam moribus nostris in *sponsalibus* ac *matrimonio* occurrere diuersum, nemo vnquam in dubium vocare audebit, quemadmodum *consensus* adhuc hodie alius est *sponsaliti*, alius *matrimonialis*, coram facie ecclesiæ et sacerdote declaratus et inuicem datus ad modum a superiore præscriptum. Obstare quidem videtur, quod secundum quorundam Theologorum inter nostrates sententiam in foro interno et coram DEO statim pro coniugibus habeantur, qui per sponsalia (vt vocant) *de præsent*, h. e. *per se* ad contrahendum obligarunt matrimonium, licet nondum coram sacerdote consensum suum professi fuerint, quod sæpe in conscientia adsit obligatio, quæ in foro externo non datur, et professio consensus coram sacerdote et secuta benedictio sacerdotalis saltem de iure exigatur humano; de iure autem naturali ac diuino statim, quando consensus vtrique præstatur matrimonialis, nasci videatur matrimonium. Quia vero imperans constituit, vt hi duo actus sponsalia et matrimonium ipsum distinguantur, illa præcedant, hoc sequatur, atque non prius adesse censeatur matrimonialis consensus, quam professio debito modo et publice facta fuerit, quilibet vero subditus in licitis magistratui obedire teneatur, et magistratus etiam subditorum actus, qui alias in se obligarent, contra prohibitionem susceptos pro nullis declarare valet, ideo consensus, quem inuicem ratione matrimonii futuri ante professionem coram sacerdote

inter-

interpositam subditi praestant, non est *matrimonialis*, sed saltem *sponsalitiis*, id quod natura rei, et diuersa contrahentium intentio quoque suadent.

§. II. Sponsalia similiter hodie etiam *impuberes* possunt contrahere. Ad nuptias vero requiritur *pubertas*, et differunt solummodo in eo mores nostri a traditis iuribus, quod *pubertas* hodie quoad matrimonium, non tam ex illa certa annorum determinatione, ut *quatuordecim* in masculis, *duodecim* in feminis (licet in materia tutelae, curae et in aliis negotiis civilibus praecise et stricte illa temporis iuris Romani determinatio sit obseruanda, nisi, ubi circa haec aliae leges vel consuetudines obtineant, ut in Saxonia minorennitatem 21. aetatis anno absolui constat) quam ex *prudencia regendi famuliam*, maxime in masculis, qui capita familiae constituunt, aestimetur, in quo iam olim TACITVS de moribus germ. Germanos a Romanis differre testatus est, dicendo: *sera apud eos uenit*, cum apud Romanos matrimonia saepe statim post pubertatem contraherentur. Proinde iusta inde nascitur patri dissentienti causa, si hodie filius sub praetextu *pubertatis* mox matrimonium contrahere vellet, qui tamen idoneus nondum est, et instructus subsidiis necessariis, alendi uxorem et familiam, dum pater imprudentia matrimonia praecauere omnino debeat, in quo forsitan haec obseruatio vsum habere posset.

§. III. Sponsalia inter *absentes* per epistolam, internuntiumque hodiernis quoque moribus recte contrahi posse, minime dubitandum, cum praxis et experientia fere quotidiana hoc satis abunde testetur. Nec obstat, quod negotium personarum praesentiam aliamque solennitatem requirens, inter absentes alias valide non agatur, praesertim cum per totam fel-

X x x

re

Tom. IV.

re Germaniam in *ordinationibus ecclesiasticis* cautum sit, ne sponsalia sine praesentia ac consensu *testium* vel *propinquorum*, vel etiam pro re nata *curatorum* rite celebrentur, ex quo fluere videtur, sponsalia quoque inter absentes non valere. Verum istiusmodi ordinationes huc minime referendae sunt, sed potius ad sponsalia tantum inter *praesentes* celebrata, in quibus demum commode *testes* interuenire possunt, restringendae, cum sint correctoriae iuris communis, quae semper ita stricte sunt interpretandae, ut in reliquis diserte non correctis ius commune sequantur, ne plus corrigant, quam quoad dispositio ipsa patitur, ut NICOLAI de Repud. et diuort. c. 1. n. 37. seqq. pluribus defendit rationibus, et discrepantia hac de re praedicta etiam in ipsa Saxonia adfert. Nuptiae vero per procuratorem inter *privatos* contrahi non possunt. Futuri enim coniuges praesentes se ministris ecclesiae, vel in quibusdam locis magistratui sistere debent, nec hac in re internuncio, nisi summa id postulante necessitate et dispensatione interueniente superioris, defungi possunt, ne in re tam ardua aliquis dolus committatur, tum ut omnibus sit apertum ac constare possit, sponsum sponsamque liberrima coniunctioni consentire voluntate, nec ullam adfuisse in sponsalibus coactionem, quae alias coram altari reclamando, facile profiteri posset, c. 28. de spons. c. 4. X. qui matrim. accus. poss. id quod tamen non esset ei integrum, si per *procuratorem* matrimonium contrahi posset; tum quoque ut solennes sponsiones matrimonique praeccepta, quae praesentibus testibus vel ecclesia a neogamis stipulatur minister ecclesiae, altius eorum inhaereant cordibus; tum denique ut aduertant coniuges, se praesentibus multis ecclesiae membris per Deum, cuius vicem sustinet minister verbi vel magistratus, matrimonio copulari. Equidem inter illustres, qui superiorem non recognoscunt, saepe matrimonia a parte

a parte sponsi per procuratorem ineuntur; sed id ipsum ad exceptionem pertinet, nec ad sponsam applicari potest, quæ præsens esse debet.

§. IV. Equidem iure Romano præfidi provinciarum vel quacunque alia potestate prædito sponsalia contrahere cum ea, quæ eius iurisdictioni erat supposita, non vero matrimonium inire permittebatur; sed hoc hodie non amplius usu obtinet, cum nemini cuiuscunque etiam fuerit potestatis, interdictum sit, uxorem suæ potestati suppositam ducere, præsertim cum nostris temporibus magistratus regulariter non sint annui, sed imperia continuentur. RITTERSHVSIVS *de differentiis iur. ciu. et canon. lib. 1. c. 20. n. 2.* WISSENBACH. *in Cod. si Rector provinc. PEREZ. in tit. 7. lib. 5. Cod. ut et GRÖNWEGEN d. 1.* Nec contrarium statuit BRVNEMANN. *ad d. 1. C. n. 4.* dum textum codicis adhuc hodie obtinere contendit, si per vim consensum extorquere conetur præses, ut patet ex verbis: *nam licet non sit punibile hodiè matrimonium inter Præfidem et provincialem puellam, punibilis tamen est vis et violentia terrore potestatis illata provinciali.* Et porro: *licet præfidi in sua provincia, maxime si patria eius sit, hodie liceat contrahere nuptias, ut ex aliis tradit Grönwegen, non tamen vis inferenda nec concussio.* Hoc et recta dicitur ratio, dum ab omni matrimonio concussio abesse neque tantum in his, qui aliqua funguntur potestate, utut ii facilius terrorem incutere valent; sed in aliis quibuscunque hodie obtinere debet.

§. V. Non sponsa sponsum, sed vidua per integrum annum maritum elugere debet: unde et licet sponsalia intra annum luctus contrahi posse continua doceat praxis; a nuptiis tamen abstinere secundis intra id tempus obstringuntur iure Saxonico et moribus plerorumque locorum, ubi leges et

*Hodie qui in aliqua provincia magistratus gerunt, licet matrimonium contrahunt.*

*Vidua hodie quoque intra annum luctus ineunt sponsalia, sed non impune matrimonio.*



constitutiones ecclesiasticæ prohibitivæ id prohibent, imo et viduis, quod peculiare ius habet hodiernum, nulla datur intra tempus luctus semestris aliam ducendi vxorem facultas *ordin. elect. Saxon. de ann. 1624. punct. 5. §. ult. ibi.* daß hinführo ein Wittwer zum wenigsten ein halbes Jahr, eine Wittwe aber ein ganz Jahr ihre Trauer-Zeit halten und vor Ausgang desselben sich wieder zu verehlichen oder Hochzeit anzustellen nicht Macht haben soll, nisi speciali dispensatione impetrata, *vid. ordin. matrim. §. ult. ibi.* Es geschehe denn mit unser sonderbahren dispensation und eigener gnädigsten Bewilligung. In ducatu Magdeburgico *ordin. eccles. c. 10. §. 9.* ita hac de re cauetur: und sollen die Witt-Frauen, als denen sich wieder zu verehlichen unverbotten, vor Ausgang dreier viertel Jahre sich nicht wieder verloben, viel weniger durch priesterliche copulation verheyrathen, die Wittwer aber, so kleine Kinder haben, oder deren Haus-Wesen sonst weitläufftig ist, mögen nach Ablauf eines halben Jahres sich verloben, und zur andern Ehe schreiten. In electoratu Palatino post nouem aut decem menses viduis, maritis post sex; in ducatu Wurtembergico post semestre spatium nuptiarum demum permittuntur, nisi vidua ex defuncto grauida reperiat. LAYTERBACH. *in colleg. pract. de rit nupt. §. 40. 41.* CARPZ. *in Iurispr. eccl. lib. 2. def. 160. 161.* Ceterum huiusmodi constitutiones, quod ne quidem viduus statim ad secunda possit procedere vota, sed ad minimum per dimidium anni spatium nuptias differre debeat, iuris noui sunt, cum nec ius civile nec canonicum id exigat. Alibi vxores pariter viros et contra maritus vxores elugere, vestem que lugubrem aliaque insignia per annum vel ultra gestare, debent, *vt PAUL. CYPRAEVS de sponsal. §. 69. testatur.* Poenæ vero iuris ciuilibis, quas transgressores viduarum durante anno luctus ad secundas nuptias properantes, incurrunt, in plerisque locis

locis cessant, ac in earum successit locum coercitio arbitraría, CARPZOV. *in pract. crim. part. 2. quest. 65. n. 81.* adeo ut nec vidua intra annum luctus luxuriose vivens bona hereditatis, legati, vel donationis titulo sibi delata perdat. Landr. artic. 5. lib. 1. Ein Weib mag mit Unkeuschheit ihres Leibes, ihre weibliche Ehre fränken, ihr Recht verlieret sie damit nicht, noch ihr Erbe. Ex quibus haud difficile colligendum, viduam intra annum luctus nubentem, ne melioris conditionis sit luxuriose vivens, quam alteri nubens, bonis hereditariis haud esse priuandam. CHRISTOPH. ZOBEL. *in addit. ad gloss. lat. Landr. lib. 3. art. 45.* MATTH. COLER. *part. 1. decis. 64.*

§. VI. Transactio etiam hodie pro dissoluendis sponsalibus valida, modo non *privatim et extraiudicialiter*, sed iudicialiter seu coram magistratu ecclesiastico vel consistorio fiat, ut CARPZ. *in iurispr. eccles. lib. 3. def. 39. 40.* multis consistoriorum demonstrat pronunciatis, conf. STRYK. *in V. M. lib. 2. tit. 15. §. 21.* Imo iuramentum purgatorium hodie etiam a iudice contra ea reo iniungi potest. vid. *constit. elect. 22. part. 1.* in verb. *obwohl das iuramentum purgationis fürnehmlich in peinlichen und in Ehe-Sachen kan auferlegt werden.* HENNING. GÖDEN. *consil. 92. n. 12.* CARPZOV. *lib. 3. iurispr. consist. def. 45. et in iurispr. forens. p. 1. c. 22. def. 3.* ubi multa consistoriorum pronunciata refert. Imo neganti sponsalia iuramentum iudiciale hodie etiam a parte deferri potest quod quidem a multis ex erroneo principio, (*quod sponsalia pura sint ipsum matrimonium*, nec contra hoc admittatur delatio iuramenti) in dubium vocatur, sed merito haud attendendum est, ut plenius evicit Dn. PRAESES *in iur. eccl. protest. lib. 1. tit. 24. §. 66.* ubi responsum almae facultatis iuridicae

*Differentia  
ratione trans-  
actionis et iu-  
ramenti.*

dicac in Regia Fridericeiana eo etiam in casu, in quo non solum de promissione matrimonii, sed et impraegnatione simul actum fuerat, refert. CONF. B. 10. SAM. STRYK. *de delat. iuram. in matrim.* et B. SAM. STRYK. *in V. M. lib. 12. tit. 2. §. 30.* ubi etiam responsum, quod postea a facultate iuridica Rostochiensis approbatum, adducit. Super matrimonio autem iam contracto, et consummato, de cuius vinculo non amplius dubitatur, neque transigi neque iura mentum deferri posse, hodie conclamatum est, continua et inueterata consistorium fere omnium praxi attestante. HEIGIVS *lib. 2. qu. 16.*

*Differentiara  
sione neglecti  
consensus pa-  
rentum.*

§. VII. Sponsalia liberorum clandestina, neglecto parentum consensu contracta, pro nullis et inualidis hodie quoque apud protestantes declarantur, et liberi arbitrarie poenis pecuniariis, carceris, suspensionis temporariae ab honore fideiussionis baptismalis, nuptialibus conuiuiis et choreis, et deprecatione parentibus facienda propter illam temeritatem hinc inde puniuntur. *vid. ordin. elect. Saxon. eccles. de ann. 1580. tit. von Ehe-Sachen §. von Ehe-Gelöbnissen, et ordin. matrim. de ann. 1624. punct. 1. von Ehe-Gelöbnissen.* Plura eiusmodi statuta apud COTHMANNVM *vol. 1. resp. 1. n. 191. et 197. et GISBERTVM persc. 2. statut. art. 38. n. 13. et CARPZ. in iurispr. consist. lib. 2. tit. 3. def. 40. et 50. MEVIVM ad ius Lub. lib. 1. tit. 4. artic. 2. n. 4. RENNEM. in iurispr. rom. germ. membr. 1. disp. 41. et 43. COCCIVM tom. 6. consil. theol. 8. deprehenduntur.* Imo etiamsi iuramento liberorum confirmata fuerint, haud tamen subsistunt. *CARPZ. in iurispr. consist. lib. 2. tit. 3. def. 58. IOACH. A BEVST. in tract. de iur. connub. part. 2. c. 48. IOH. HARPRECHT. in princ. instit. de nupt. 134. seqq. BOGER. class. 1. disp. 9. th. 15.* Si enim per id sponsalia clandestina valida et indissolubilia fieri possent, liberi consequerentur per indi-  
rectum,



*rectum*, quod *directo* obtinere nequeunt, iuramentum robur haberet in præiudicium tertii, ius parentibus competens absque eorum auferretur facto, ac iniquissima eiusmodi iniquitatis vinculo parentibus per liberos inferretur conditio contra *L. 11. 74. D. de R. I.* liberi denique ex suo delicto meliorem suam conditionem facerent contra *L. 134. §. 1. D. de R. I.* An vero per copulæ interuentionem sponsalia inuito patre facta, corroborentur? magis in consistoriis protestantium disputari, animaduerto. Equidem de iure stricto id negandum est, cum non sit malitiis indulgendum, nec toleranda nequitia liberorum, qui ut parentum consensum vel extorqueant, vel reluctantes parentes dolose circumueniant, carnaliter cognoscunt adamas. Publice utique interest, fraudes has amputare, eiusmodi cassare desponsationes, occasionesque delinquendi omnibus modis liberis præripere. Imo si ob defectum paterni consensu liberorum sponsalia censentur irrita, ut iisdem reuerentia ac debita obedientia nullatenus infringatur, ne inuitis agnoscatur hæres, multo magis adhuc intercedente copula, quæ delictum constituit, et id quod per se illicitum est, validare nequit, obtinet. Et quamuis res non amplius sit integra, et virgo per concubitum deflorata et imprægnata sit, adeoque illius intuitu a rigore hoc recedendum esse videatur, quod contendit *STRVV. lib. 1. in iurispr. for. tit. 6. §. 4.* potior tamen habenda ratio est innocentium parentum, quam imprægnatæ, quæ ius transgressa, quæ volens decepta, quæ sibi imputare debet, quod sui copiam ei fecit, cuius parentum sciuit dissensum: potior utique est habenda ratio iuris, quod patriam induxit potestatem, quam detestandæ copulationis, et peruersæ liberorum cupiditatis. Huic nostræ sententiæ adstipulantur plures tam Theologi quam Icti. *ALBERIC. GENTIL. lib. 4. de nupt. c. 7. DONELL. lib. 3. Comment,*

ment. iur. Ciu. c. 20. p. 205. BEZA in tr. de repud. et diuort. HENNING. RENNEM. in iurispr. iustin. disp. 8. th. 15. H V N N I V S disp. 2. th. 21. COTHMANN. resp. 1. n. 204. seqq. In Saxonia tamen contrarium per peculiare rescriptum serenissimi Saxoniae Electoris de an. 1648. obseruatum, adiectis tamen quibusdam exceptionibus et limitationibus, relatis testatur CARPZ. in iurispr. consist. lib. 2. tit. 3. def. 61. Denique sponsalia neglecto parentum consensu inita adeo sunt nulla, vt liberi consistorium implorare non possint, vt patrem adigat ad allegandas legitimas dissentiendi causas, cum sufficientem dissentiendi causam parentibus solus paterni consensus contentus praebeat vid. CARPZ. lib. 2. iurispr. consist. d. f. 57. MEVIUS ad ius Lubec. lib. 1. tit. 4. art. 2. n. 7. STRYK. in V. M. lib. 23. tit. vbi prolixum satis hac de re refert responsum. In quibusdam etiam locis sponsalia, sine consensu curatorum contracta, pro inualidis habentur, vti de Marchia et Hamburgo refert B. STRYK. in V. M. lib. 23. tit. 1. §. 11. Matrimonium vero neglecto parentum consensu contractum et benedictione sacerdotali consummatum in plerisque locis non dissoluitur, si nihil aliud concurrat, quod matrimonio obstet, DEDEKENN. vol. 3. lib. 4. sect. 1. u. 2. et 19. BEVST. de matrim. c. 47. THOMASIVS in. diss. de valid. coniug. inuitis parent. contract. §. 19. MÜLLER. de hierol. sect. 6. th. 4. vbi calum refert, in quo, cum filius nondum 14. annorum a quadam femina non ita integre famæ, quae se imprægnatam ab ipso dixerat, seductus suasu imprægnatae et minis cognatorum, ignorantibus id parentibus, alibi extra patris domicilium per pastorem quendam copulatus fuerat, ac postquam illud factum intellexerat parens, statim illuc profectus, non solum constanter contradixerat facto, sed etiam cum imprægnata ita transegerat, vt pro certa summa pecuniae renunciasset matrimo-

nio

nio, imo pastorem, qui copulauerat, eo induxerat, vt ille benedictionem a se factam reuocasset; illis tamen omnibus non attentis, pronunciatum fuit, matrimonium non posse rescindi. Ita quoque responderunt Theologi Lipsienses ann. 1622. apud DEDEKENNVM *consil. theol. sect. 3. num. 41. p. m. 31.* ibi: Wolte man weiter fragen: ob ein Evangelisches Consistorium, wenn es der Vater gebührlich suchte, solch consummatum matrimonium rescindiren würde und könnte? ist hier auf zu wissen: Daß, obwol in vtramque partem speciosa argumenta zu finden, so achten wir doch dafür, in negantem partem tutius man condescendiren könne. Denn ob wohl nichts taugliches in toto casu zu finden, wann wir die actiones hominum ratione subiectorum betrachten, so ist doch ausser allen Zweifel, und bey allen Evangelischen Kirchen beständiglich obseruiert worden, daß die benedictio sacerdotalis vere consummatum matrimonium mache, und demnach certissima illius confirmatio sey, auch dasjenige, was vorher nicht allerdinges zu probiren, per preces deprecando tegirt, und das matrimonium geheiliget werde, und sey demnach rathsamer, daß dieses Jünglings unbedachtsame Ehe unzerrissen bleibe, ob es gleich mit seinem Schaden geschicht, als daß man diese heilige Action ludibrio exponire, und Aergerniß bey vielen gebe, welche dannenhero verursacht werden, von der benedictione wenig zu halten, welche ob sie nicht wol simpliciter ad esse iedoch ad bene esse matrimonii et eius confirmationem hoch vonnöthen ist: halten auch dafür, dafern bey dieser copulation rechte Vermahnung zur Besserung vorhergegangen, und, wo solche erfolgt, Gott sey ausgesöhnet worden, und dem Ehestand gesegnet habe; ist auch dem verstrickten Gewissen des

Y y y

Jüng

Jünglinges sicher zu rathen und zu helfen, wann der Vater in honorem consummati matrimonii de iure remitteret und die cohabitatio zuläßt etc. Liberis interim eiusmodi protervis triplex imminet poena, quarum prima est *exhereditatio totalis*, qua potissimum auctoritas et reuerentia parentum lesa vindicatur. Haec tamen poena (dummodo filia si de ea quaeretur, sit maior. 25. annis siquidem minor. 25. annis nubens sine parentum consensu facilius exhaereditari potest. *Nou. 115. c. 3. §. 10.*) de iure ciuili vix obtinet, nisi se turpi et indigno marito dederit *l. 3. §. 5. D. de bon. poss. contra tab. cum in. Nou. 115. c. 3.* inter causas exheredationis non diserte referatur. Hodie vt plurimum haec sententia certior, dum passum constitutum, liberos tam masculos quam feminas, sine parentum tam *matris* quam *patris* consensu nuptias contrahentes, exhereditari posse. Pertinet huc recessus imperii de *ann. 1548. tit. vom Sacrament der Ehe §. vlt.* vbi ita: ob aber die Eltern in diesem Fall Macht haben sollen, den Ungehorsam ihrer Kinder mit Vorthaltung der Erbschaft, oder zum wenigsten mit Verringering des Heyraths-Guts, und dann andere wege zu straffen, mag hierin die ordentliche Obrigkeit, so viel sich gebührt, Masse und Ordnung geben. In *ordin. eccles. Saxon. tit. von Ehesachen rubr. von Ehegelöbmissen §.* und da sie hierüber, expressius hoc confirmatum: solche ungehorsame Kinder bis auf den halben Theil ihrer gebührenden legitimae und nach Gelegenheit der Ursachen ihres verweigerten Consens gänzlich zu enterben. Secunda poena est *carcer*, quo inobedientia et malitia liberorum coercetur. Vid. *constit. Elect. Sax. 27. part. 4. pr. ibi* und darüber mit zeitlicher Gefängniß gestrafft werden. Tercio denique aliquando etiam poena *emigrationis* dictatur, ne scandalum per eos praebeatur, et alii ab eiusmodi crimine deterreantur. Haec



Haec dictata est *in ord. eccl. sax.* §. würden auch solche Personen etc. ubi: und sollen sonst mit zeitlichen Gefängniß gestraft, auch in unsern Landen sich wesentlich zu halten nicht gebuldet werden. Eadem sanctionis verba repetuntur *in ordin. matrim. d.* §. würden auch solche Personen ibique und sollen sonst. Plurima tamen adhuc sunt loca, vbi ius civile hoc passu iterum in vltum reuocatum, i. e. vbi ob neglectum parentum consensum matrimonia etiam dissoluuntur consummata, vti in Marchia Brandenburgica speciali edicto electorali de ann. 1694. quod inscribitur: *renouirte Constitution von Verlöbniß und Ehe-Sachen* §. 7. vt et in ducatu Guelpherbyitano, de quibus videri potest STRYK. *de diff. sponsal. sect. 5.* §. 42. quod rationem habet, cum rationes ex hierologia petita sint admodum lubricae.

§. VIII. Probatio maior etiam iure hodierno requiritur ad dissoluendum matrimonium, quam ad sponsalia: quamuis enim non stricte inhæreamus traditis canonistarum, *cap. antec.* §. VI. relatis, qui famam, imo etiam testimonium eius, qui propriam allegat turpitudinem aliaque paradoxa admittunt, pro euitando, vt putant, incestu, et tranquillanda conscientia, quin potius hic regulas probationis ordinarias admittamus: gradus tamen probationis non vbique idem desideratur, cum matrimonium ad causas *arduas*, quae grauiorem desiderant probationem, maxime vbi ad *dissolutionem* agitur, sponsalia autem tantae molis non sint, vt tam grauis probatio, et quae luce meridiana clarior est, exigatur.

§. IX. Porro sponsalia facilius soluuntur quam matrimonium, et ita sponsalia nostra *pura* seu, vt a quibusdam vocantur, de *praesenti*, mutuo consensu hodie dissolui possunt, quod etiam admisit INNOCENTIVS III. in c. 2. de sponsal. vbi expres-

*Differentia  
ratione proba-  
tionis.*

*Differentia  
ratione dissol-  
utionis.*

te de illis, qui fidem sibi dederunt *sine vlla conditione de matrimonio contrahendo*, loquitur; et quamuis nostrates asserere soleant, pontificem loqui de sponsalibus de futuro, facile tamen regeri potest, eum loqui de *puris, sine vlla conditione contractis*, quae iure canonico de futuro, a protestantibus autem de *praesenti* plerumque vocantur. Ad minimum idem casus, qui hic vertitur, in *cit. c.* occurrit, quocunque demum nomine indigitetur. Argumenta, quibus dissentientes euincere nituntur, quod non possint hodie inter protestantes mutuo consensu sponsalia dissolui apud B. Dn. STRYK. in *Tr. de dissens. spons. sect. 3. §. 9. 10. 11. 12. usque ad §. 15.* et simul refutata *§. 27. usque ad §. 35.* et rationes pro hac nostra militantes sententia *§. 16. usque ad §. 26.* et *§. 37. usque ad fin.* videri possunt, ubi etiam *§. 36.* addit limitationem, ut *priuata auctoritate* a se inuicem mutuo consensu desponsati discedere non possint, sed causa cognita a magistratu ecclesiastico, seu consistorio, repudium impetrandum sit, omnis scandali, quod inde subnasci potuerit, euitandi causa, adiecto simul procedendi modo. SCHILTER. *exerc. 36. th. 14.* BROUWER. *de iur. connub. l. 1. c. 25. n. 56.* CYPRAEVS. *de iur. connub. c. 13. §. 11. n. 3.* NICOLAI. *de repud. et diuort. c. 1. n. 8.* STRYK. in *V. M. lib. 23. tit. 1. §. 23.* ubi et responsum almae facultatis iuridicae in Regia Fridericiana adducit.

An hodie vni-  
us dissensu dis-  
soluantur  
sponsalia.

§. X. Imo *vnus* etiam *dissensu* nonnunquam sponsalia dissolui possunt, modo non priuato arbitrio, sed *auctoritate consistorii*, non ex mera malitia, sed ex *rationabili et sufficienti fiat causa*; alias enim multa, carcere imo relegatione ciuili, vel missione in possessionem bonorum, interdictione noui matrimonii in quibusdam casibus pro ratione circum-

stan-

stantiarum ad seruandum promissum adigi potest. c. 10. X. de sponsal. Si vero his recensitis poenis induci nequeat, vt fidem alteri datam seruet, inuitus per ecclesiae ministrum coniungi non potest, nisi copula carnalis interuenerit, quod notabili exemplo illustrat Dn. PRAES. diff. de matrim. coact. c. 2. §. 7. ostenditque eos, qui *absolutae compulsioni* indulgent, decipi communi et inueterato errore: sponsalia pure contracta esse ipsum matrimonium, quo nihil falsius fingi potest. Ceterum et prudentiae regulae adhibendae sunt in *coactione refractariae licita*, et sane optandum foret, vt illa, dum quidem causa leuis adfertur, infaustum tamen coniugium metuumendum est, non ita promiscue adhiberetur, cum, matrimonio semel inito, poenitentiae locus amplius non sit, et saepe illi qui propter contracta sponsalia vrgent aduersam partem ad matrimonium consummandum, voti sui compotes facti, postea suam deplorant sortem, factum infectum optantes. Saepe deficit mutuus amor coniugum, discordia lauciat mentes, totamque turbat domesticam consuetudinem, et cum voluntates distractae sunt, interdum sequuntur discessio viri, relicta vxore, adulteria, verbera, insidiae vitae, veneficia, caedes, scandala publica eademque perpetua, poenae tragicae et tristissimae calamitates, quod exemplis B. Dn. STRYK, in tr. de *diffensu spons.* sect. 2. §. 4. et 8. declarat.

§. XI. Sicuti vero, prout cap. antec. dictum, de iure canonico, ob causas praecedentes probabiliter ignoratas non matrimonium sed sponsalia dissolui possunt; ita etiam hodie ob *suprum praecedens ignoratum* sponsae suam obligationem amittunt, praxi consistoriorum probante, CARPZ. l. b. 2. iurispr. consist. def. 180. etiamsi fuerint iurata, et concubitus sit secutus. Licet enim sponsus culpandus, quod an-

ob *suprum*  
ante *commis-*  
sum *sed igno-*  
ratum *hodie*  
quoque *sol-*  
nuntur *spon-*  
salia.



quandoque  
matrimoni-  
um.

te nuptiarum festiuitatem ad intempestiuum conuolauerit coitum, et persuadendus, si fieri possit, vt hanc sponsae remittat culpam, eamque sibi reconciliari patiatur; attamen comperto stupro, si deceptus nolit sponsalia consummare, dissolui possunt. Non enim queri potest puella, rem post coitum non esse integram, seque impraegnatam repudiari, dum sibi imputare debet, quod decipere intenderit sponsum, et pro illibata et intacta se gesserit, quae tamen ab alio iam concepit, vel clam partum edidit. Sponsus quidem concubuit cum sponsa, et ita matrimonium impleuit, sed cum virgine consensit in coitum, qua intacta, vt eo ipso error purgatus, dici nequeat, cum errans et ignorans haud consentiat, *l. 15. de iurisdic.* Impudicae virgines hoc modo facile viam inuenirent, qua lucrum ex dolo suo capere possent, alliciendo scilicet sponsum ad concubitum. Et quid de ipso matrimonio iam contracto dicemus, cuius vim alias subsequens concubitus habet? De iure canonico interpretes hac in quaestione cespitare, *cap. antec.* obseruavi; ast moribus nostris praxis certior est, secundum quam matrimonium ob stuprum praeceps etiam dissolui potest, i. e. maritus potest recedere ob stuprum ab vxore quondam commissum, ita vt non solum quoad thorum, sed etiam quod vinculum sic dissoluatur, et matrimonium nullum declaretur, vt aliam ducere liceat, quod et iuri diuino videtur consentaneum, quo lapidibus obruitur compressa ab alio, quae postea unquam virgo nupsit alteri, si vir petat diuortium. *Deut. XXII.* Rationes ac fundamenta, quibus praxis consistoriorum suffulta, videri possunt apud *CARPZ. in Iurispr. consist. lib. 2. def. 187. et 193.* cui subnexa sunt tribus diuersis in casibus responsa consistoriorum et prolixius in *praxi trim. part. 2. q. 63. n. 54. seqq.* [vt et *Iurispr. for. p. 4. const. 20. def. 12.* vbi et responsum eadem in causa

causa adducit. Nec robur habent argumenta a dissentientibus adducta, (1) quod cum sponsa ex hac causa, amissi pudoris, sponsum repudiare non possit; idem in vxore iuris admittere debeat maritus, quod in se putabat *aequum tot. tit. quod quid iuris*. Nimis enim lata, quae hoc inter vtrumque adest differentia, infra ostendenda; (2) quod non minores sint labe animi vitiiati quam corporis, maritus autem si mala frugis coniugem, haereticam, infidelem, atheam, perditę prodigam, aliove animi morbo, quem ignorabat, laborantem comperiat, repudiare idcirco non possit: nam vitium istud corporis hac in re longe grauius imo tacite exceptum habetur, cum qui cum ea, quae se pro virgine et intacta gerit, matrimonium contrahit, illud semper intelligatur factum sub conditione subintellecta: *si virgo fuerit*: (3) quod quisque debeat esse gnarus eius conditionis, cum quo contrahit; *l. 19. de R. I.* quia hoc fallit, vbi difficillime illa conditio sciri potest, nec superest facultas inquirendi a femina, an adhuc intacta sit, id quod regulae honestatis non permittunt: (4) quod per copulam omnes conditiones coniugiorum purificentur; *c. super eo. de eo qui cogn. vxor.* hoc enim generaliter sumatum falsissimum est, dum alias error quoque personae et dolus secuta copula tollerentur, et tantum intelligendum de conditionibus expresse adiectis. (5) Nec mouet vulgata illa regula: quod contractus, qui solo contrahuntur consensu, qualis etiam coniugium esse creditur, si semel fuerint perfecti, subsistant, nec amplius quacunque ex causa rescindi possint, dum regula illa vulgata adducta dolum excipit, quippe qui consensum excludit, nec vllam perfectionem contractus, in quo bona desideratur fides, continet. *l. 8. C. de iudic. admitt.* Denique (6) non nocet, vxorem vitiatam aequę aptam esse ad mutuum adiutorium, ad liberos procreandos, atque

que mulier illaesa pudicitiae; adultera enim eadem haec praestare potest, et tamen in N. T. diuortium conceditur marito. Sententia vero hactenus a nobis defensa cum limitationibus quibusdam semper est intelligenda, scilicet ut solummodo indissolubile alias matrimonii vinculum resolui possit si probationes luce meridiana clariores defloratam pro virgine traditam esse testentur, quod et satis probant tria adducta responsa consistoriorum a CARPZOVIO in *Iurisprud. consist. lib. 2. def. 193.* Diuersa praeterea est ratio in vxore, quae ob stuprum a marito quondam perpetratum, quod demum in vxoris notitiam contracto matrimonio peruenit, recedere nequit. CARPZ. *part. 4. constit. 20. def. 13. in iurispr. for. part. 4. const. 20. def. 13.* vbi et affert responsum idoneum. HILLIGER. *ad Donell. lib. 13. c. 22. lit. a. STRVVE ex xrc. 29. tb. 25.* Nec in sacris vllum vestigium reperitur, ex hoc capite diuortium permissum fuisse vxori, nec in legibus humanis haec facultas vxori conceditur: quod enim ius diuinum iubeat lapidibus obrui ab alio compressam, quae postea tanquam virgo nupsit alteri, si vir petat diuortium, *Deut. XXII.* id ad maritum extendi nequit, de quo nihil reperitur dispositum. Quamuis autem lex Mosaica iudicialis ad nos haud pertineat, exemplum tamen legis istius mouet conscientias, ut loquitur IOH. SCHNEIDEWIN *ad tit. I. de nupt. p. 4. n. 62.* Denique quia flos virginitatis foeminarum non virorum dos est, ideoque in virgine omnis formae, quantumuis amabilis, gratia perit, in qua vel semel tantum perit pudor; non ita in viro, cuius nulla corporis gratia commisso perit stupro, et in femina partus suppositio, adeoque sobolis incertitudo, magnae iniuriae toti familiae nedum marito per insitionem stirpis adulterinae, illatae, augent foeditatem, ob quas solum, sponsa ab alio stuprata, matrimonium dissoluendum, quae in fornicatio-

ne mariti ante initum matrimonium perpetrata plane cessant.

§. XII. Sponsalia in gradibus iure diuino aut iure provinciali posituo prohibitis contracta, etiam hodie non subsistunt, non vero matrimonium de facto contractum et consummatum indistincte dissoluitur, etiam ex sententia Theologorum. vid. IOACH. a BEVST *de sponsal. et matrim. c. 25.* et BIDENTBACH. *in tract. de matrim. c. 3. q. 5. §. 45.* Hos in pronunciando etiam secuti sunt scabini electoral. Lips. in casu, quo quis cum defunctae coniugis sororis filia nuptias celebrauerat *menſe Iul. ann. 1664.* et rursus, vbi qui auunculi viduam in vxorem duxerat, *menſe Auguſt. 1664.* quorum responsorum tenorem verbotenus CARPZOV. *in jurispr. forens. ad constit. elect. 23. p. 4. def. 11.* retulit. In eandem sententiam etiam transiit consistorium Dresdense *die 16. April. ann. 1585. et die 27. Martii 1618. et Menſe Maio ann. 1614. et die 27. Auguſt. ann. 1630.* CARPZOV. *iurispr. consist. lib. 2. def. 100.* vbi pronunciatum consistorii Dresdensis refert, STRYK. *in V. M. lib. 23. tit. 2. §. 4.* vbi itidem responsum adfert. Licet enim Moses matrimonium interdicit in gradu prohibito, de facto tamen contractum consummatumque non dirumpit, sed solummodo poenam adiicit: *portabunt, inquit, ambo iniquitatem eorum, et sine liberis morientur. Leuit. XX.* Hoc tamen non extendendum est ad *ascendentes et descendentes* in linea recta, dum inter hasce personas coitus contra omnem pudorem et in tantum abominabilis, vt etiam irrationabilia quaedam animalia eum fugiant et auersentur, attestante Imperatore IUSTINIANO *in Nou. 12. c. 1.* cuius rei multa ANDR. TYRAQVELLVS *in l. 7. connub. n. 47.* PAVLVSCYPRAEVS *de iur.*

*Sponsalia in gradibus prohibitis contracta nec hodie subsistunt, facilius matrimonium.*

Z z z

*connub.*

Tom. IV.

connub. p. 2. c. 6. §. 1. n. 3. seqq. ex probatis auctoribus referunt exempla. IVSTINIANVS d. nou. eas illicitas, contrarias naturae, incestas, nefandas et damnatas vocat, vnumque verbum, inquit CYPRAEVS d. §. 1. n. 2. horrendas eiusmodi voluptates extinguit, cum id nefarium esse dicitur, Deo iniusum, omnium flagitiorum flagitiosissimum, quasi dicat, ipsius naturae vocem et sensum detestari eiusmodi coniunctionem. In rationes huius prohibitionis inquirens, hanc porro adfert, quod ratio doceat, cognationum gradus discrimen esse oportere, quae nulla esse possunt, si liberi cum parentibus commiscerentur. d. l. n. 6. Verissimam vero mandati rationem ipsemet legislator Deus addit *Leuit. XII. v. 7. et 10. quia turpitudine tua est*, ergo eiusmodi connubium dirimi debeat, praeunte PAVLO, excommunicantem Corinthium, qui nouercam suam attigerat.

*Sponsalia etiam hodie dissoluantur ob mutam religionem, non matrimonium.*

§. XIII. Præterea sponsalia hodie etiam dissoluantur ob superuenientes causas, veluti ob superuenientem diuersam religionem, ethnicam, turcicam, iudaicam, et haeresin a christiana orthodoxa religione deflectentem et deuiantem. Quod si post sponsalia inter personas rite contracta sponsus vel sponsa ad aliam religionem, in imperio tamen approbatam, transeat, grauius dubium circa dissolutionem sponsaliorum emergit, propter pacem religiosam de ann. 1555. et Osnabrugensem ac Monasteriensem de ann. 1648. secundum quas tribus hisce in imperio receptis religionibus æqua libertas pariaque tributa sunt priuilegia. Hac de causa CARPZOV. in iurispr. consist. lib. 2. tit. 1. def. 7. et 8. arbitratur, talia sponsalia minime esse dirimenda. Contrarium vero probat BECHSTADT de conditionibus sponsaliorum part. 1. c. 10. p. 155. BRUNNE-MANN. ad l. 16. C. de episc. n. 2. et seqq. NICOLAI de repud. part.



*part. i. §. 2. n. 71. seqq.* vbi etiam obiectioni ex pacificatione religiosa desumpta respondet, dicens: eam quidem locum habere, si vtraque pars diuersa iam religionis sponsalia contraxerit, non autem si talis mutatio post contracta acciderit sponsalia, quod admitto, cum notabilis mutatio, antea non praevisa, interuenerit. Matrimonium vero non dissoluitur ob diversitatem religionis, nisi malitiosa accesserit desertio, vt in consistorio Dresdensi pronunciatum fuisse, *CARPZOV. iniurispr. consist. lib. 2. tit. 12. def. 206. refert.*

§. XIV. Ceterum quod iis canonicum de *ingressu in* *monasterium* tradit, eique vim dissoluendi sponsalia, non vero matrimonium, tribuit, id videtur a moribus protestantium abhorrere, cum eiusmodi monasteria virginum non habeamus, in quibus votum castitatis edatur. Quid vero si nihilominus puella *votum castitatis* privatum edat? quid si in conventum virginum protestantium se recipiat? an a sponso inde repeti potest? an vero sponsalia hoc modo, prout de iure canonico obtinet, impune dissoluuntur? posterius nego, prius vero affirmandum censeo. Maiorem perfectionem quaerunt pontificii in *conuersione et votis*, quae iuxta eorum sententiam minime impediri debet; imo maius vinculum in *vo-*  
*tis* quam *sponsalibus* collocant, quod minus vinculum tollit. Hae rationes a protestantibus haud admittuntur. Nouimus, votum non valere in praedudicium tertii, sed huius quoque consensum desiderari. Nullam in hoc quaerimus perfectionem, adeoque sponso ius quaesitum saluum manet, qui ad sponsalia consummanda agere potest. Quod si sponsus post contracta sponsalia ordini Teutonico sese adiunxisset, et *votum castitatis*, id quod fieri necesse est, fecisset, maior dubitandi ratio subnascitur. Viuunt adhuc protestantes in hoc

*Ob votum  
castitatis ho-  
die non dissol-  
vuntur spon-  
salia.*

ordine legibus canonicis, adeoque vix est, ut sponsalia amplius subsistere possint. Quia tamen sponsa hoc modo laeditur, ad interesse ipsi superest actio, quae iure canonico deficit.

*Hodie quoque  
priora sponsa-  
lia praefereun-  
tur.*

§. XV. Priora sponsalia nec hodie solvuntur per posteriora. *vid. ord. eccl. Sax. tit. von Ehe-Sachen sub puncto von Ehe-Gelöbniß* §. wann sich jemand mehr als eins verbündlich verloben würde, soll er schuldig seyn, die erste Person, damit er sich verbündlich verlobet, zu ehelichen, und so wohl auch die Person, so sich mit derselben anderweit verlobet, wosern sie vom ersten Verlöbniß Wissenschaft gehabt, anruechtig seyn, und darüber mit Gefängniß oder sonst willkürlich gestrafft werden, quae verba etiam in *ordin. matrim. d. ann. 1624. punct. 1. §. wann sich jemand*, repetuntur. Hoc etiam obtinet hodie, licet iuramentum vel copula carnalis accesserit. Nec aduersatur, (1) sponsalia per copulam consummata carnalem longe fortiora esse de iure diuino solo consensu contractis, dum per copulam duo efficiuntur in carne vna. *Gen. II. v. 24. Matth. XIX. v. 1. 1 Cor. VII.* quae potissima est ratio, ob quam indiuiduum redditur matrimonium; *c. 10. de conuers. coniug.* posteriora enim sponsalia ob carnalem copulam ultra consensum intercedentem non maioris sunt firmitatis et roboris, quam priora, cum consensus non concubitus faciat nuptias, et regula, quod per concubitum sponsalia in matrimonium transeant, de *validis* intelligi debeat; in allegatis vero sacri codicis textibus supponendum, nulla priora praecessisse sponsalia. Hoc tamen intelligendum, si prior sponsa cum sponso, qui fidem rupit, in gratiam redire velit; hoc enim manifestum est, eam recte a sponsalibus resilire posse ob fidem sponsalitiā fractam, quorsum collineat

*Saxon.*



*Saxon. ordin. eccles. tit. von Ehe-Sachen. punct. von Ehe-*  
*Gelöbniß §. würde sich aber die Person, so sich mehr denn eins*  
*verbündlich verlobet, mit der letztern Person fleischlich einlas-*  
*sen, so soll der ersten Verlobten unschuldigen Person nichts*  
*destoweniger frey stehen, ob sie sich mit dem Verbrecher ver-*  
*sühnen will &c. quae sanctio repetita legitur in ordin. matrim.*  
*de ann. 1624. punct. 1. §. würde sich aber iunct. §. Es soll*  
*aber. Quodsi posteriora sponsalia per benedictionem sacer-*  
*dotaletm consummata, vt plurimum ex principiis iuris cano-*  
*nici asserunt, priora sponsalia esse extincta per superueniens*  
*matrimonium, ob textus iur. canon. cap. praec. allegatos, quos*  
*BERLICH. part. 4. concl. 28. n. 67. adeo claros esse dicit, vt sa-*  
*crilegii instar videatur, contra illos disputare, et me-*  
*rito secundum eos in consistoriis debeat pronunciari. Verum*  
*nimis superstitiose inhaerent dissentientes principiis iuris ca-*  
*nonici, quod ideo posteriora sponsalia de praesenti, vel co-*  
*pula sacerdotali firmata, praefert, quia iam sacramentum ma-*  
*trimonii huic posteriori coniunctioni inesse fingitur, quod de-*  
*ficit in solis sponsalibus. At vero nostrates hoc principium*  
*repudiant, reprobant, reiiciunt. Cur ergo in conclusione*  
*sustinerent? Hierologia non facit matrimonium, sed con-*  
*sensus legitime interpositus, qui hic interponi a sponso ne-*  
*quit, ob ius priori sponsae quaesitum, conf. STRYK. de dissens.*  
*spons. sect. 4. §. 6. et 7. Praeterea non agnoscimus legiti-*  
*imum matrimonium, nisi quod nuptialis consensus legitime*  
*et sine praeiudicio tertii interpositus in facie ecclesiae firma-*  
*verit, quod trinae praecesserint denunciationes, et cui bene-*  
*dictio accesserit sacerdotalis. Clanculariae autem copulati-*  
*ones sacerdotales huc non pertinent. Ceterum si trina pra-*  
*ecessit proclamatio, et tamen prior sponsa haud compareat,*  
*eam, contracto matrimonio cum posteriori, praecusam esse,*  
*omnino asserendum est. Praeterea haud attenden-*

dum, quod ius canonicum de praeferentia sponsaliorum de praesenti, etiam posteriorum, in *c. 31. X. de sponsal.* tradit. Omnia enim nostra sponsalia, quibuscunque verbis concepta de *contrahendo* accipienda coniugio, nulla de praesenti matrimonio in sensu iuris canonici. Ergo si ius canonicum sequendum, id, quod de sponsalibus *de futuro* asserit, nostris applicandum est sponsalibus.

*Sponsalia quae hodie sub conditione fiunt non matrimonium.*

§. XVI. Sponsalia hodie etiam sub conditione honesta iniri possunt, veluti sub conditione bona respiciente: qua deficiente, dissoluuntur. *CARPZ. iurispr. consist. lib. 2. def. 20. et 22. vbi pronunciata consistorii Dresdenensis refert. STRYK. in V. M. lib. 23. tit. 1. §. 20. vbi et responsum cum rationibus dubitandi et decidendi addit. Recte vero STRYK. cit. l. §. 21. contra CARPZOVIVM defendit, sponsalia sub conditione turpi vel impossibili contracta etiam hodie, vt iure Romano, plane esse invalida, quae a nonnullis propter c. ult. X. de condit. appof. pro non adiectis habentur, id quod rationem non habet, vt plenius docet LYDOVICI diff. de condit. sponsal. Sane matrimonio contracto et consummato, nulla amplius vis est conditionis, sub qua nec inter protestantes matrimonium iniri potest, maxime si esset conditio resolutiua, quae tantum admittitur in negotiis priuati arbitrii, non iis, quae indissolubilia sunt.*

*Etiā ob alias causas supervenientes sponsalia hodie dissolventur, quae non solvunt matrimonium.*

§. XVII. Sponsalia etiam hodie solui ob insignem bonorum iacturam, quam infamia comitatur, veluti ob cessionem fori et simpliciter bonorum, vel si dos promissa non amplius extat, minus dubii habet, cum iuris canonici rationes in sana ratione fundatae sint, quas merito sequimur. Si-

mi-

militer etiam inter nos sponsalia dissoluuntur ob crimina non capitalia, minime vero matrimonium, vt CARPZOV. in *Iurispr. consisl. lib. 2. tit. 11. def. 203.* pronunciatum in consistorio Lipsiensi et Dresdensi refert. Vltcrius sponsalia etiam inter nos dissoluuntur, si quis cognovit consanguineam sponsae, ob affinitatem contractam, nisi (1) innocens nocenti gratiam facere et (2) princeps dispensare velit, prout in casu, quo sponsus post concubitum cum sponsa sua, impraegnaverat duas sponsae sorores et dubitabatur, an dispensatione principis sponsam ducere possit? responsum esse ab illustr. Facult. iurid. huius loci mihi Dn. PRAESES retulit. Ceterum si superuenerit contracto matrimonio affinitas per illicitum concubitum, distinguendum est: vtrum coniux innocens petat diuortium, nec ne? priori casu omnino dissolendum est matrimonium ob adulterium, quod cohaeret incestui, quod diuortium totale non quidem pontificii, bene tamen nostrates, agnoscunt et recte decernunt. Posteriori vero matrimonium manet integrum saluumque, nec, quod pontificii de non petendo debito coniugali addunt, attendimus, scientes, durante matrimonio ius petendi hoc debitum vtrique saluum esse. Porro sponsalia hodie ob stuprum etiam, plane violentum, ob inimicitias capitales, morbos contagiosos et incurabiles superuenientes vt et impotentiam, furorem, deformitatem superuenientem dissoluuntur, vt pronunciatum in consistorio Dresdensi, teste CARPZOV. in *iurispr. consisl. lib. 2. tit. 10. def. 175. 176. 180. 181. 182.* neutiquam vero matrimonium, teste EODEM cit. l. *def. 200. et 202. et in iurispr. for. part. 4. const. 20. def. 11.* vbi et conueniens adducit responsum.

*Hodie quoque  
sponsalia a  
matrimonio  
differunt quo-  
ad effectus  
diversos:*

*maxime quod  
hodie non  
sponsalia sed  
matrimo-  
nium soluat  
patriam pote-  
statem.*

§. XVIII. Quod ad diuersos attinet effectus, moribus nostris etiam non ex *sponsalibus* sed ex *matrimonio* perfecti marito acquiritur potestas in uxorem, vt de iure Romano. Ius tamen Germanicum a iure Romano nouo in eo differt, quod hoc quidem marito tribuatur potestas in uxorem, non tamen tanta, vt patriam tollat potestatem: l. 2. §. 1. in fin. solut. matrim. l. 20. D. ad L. Iul. de adult. l. 20. D. solut. matr. l. 15. D. de collat. tot. l. 18. pr. C. de nupt. illo vero ita filia in maritalem per nuptias transeat potestatem, vt a patria liberetur, quod ex speculo colligi potest Saxon. l. 1. art. 45. vbi dicit: und obwohl ein Mann seinem Weibe nicht ebenbürtig, ist er doch ihr Vormund, und sie ist seine Genosin, und tritt sie in sein Recht, wenn sie in sein Bette tritt. Et moribus non tantum Germanorum sed et Belgarum, Hispanorum, Gallorum, Lusitanorum id receptum esse multis Doctores probant testimoniis, IO. SANDE l. 2. decis. Fris. tit. 7. def. 5. BERLICH. p. 2. concl. 11. n. 33. seqq. MEVIVS ad ius Lubec. lib. 1. tit. 3. n. 25. CARPZOV. p. 2. const. 10. def. 2. HERRING. de fideiuss. c. 7. n. 62. seqq. Eodem autem rigore, quo olim apud Germanos, hodie potestas maritalis in uxores exerceri amplius non potest, adeo vt mores Germanorum cum iure Romano nouiori quam optime conueniant, vti colligitur ex dicto CATONIS: *Mulierem verberare sacrilegii instar est, et maiore laude dignus est, qui se bonum maritum uxori exhibet, ac in Deorum templa i. e. uxorem et liberos manus non infert, quam si senatorio ordine magnus habeatur.* PLUTARCH. in vita Caton. maior.

*Differentia ab  
acquisitione  
per uxorem  
facta.*

§. XIX. Vtiterius sponsa suis sponso non acquirit operis, sed potius sibi operatur, sibi laborat, sibi tantum agit, nec ad sponsi oeconomiam instruendam tenetur. Vxor vero mari-



et moribus quoque nostris, imprimis iure Saxonico et Lü-  
becensi, eodem modo, vt in *capite I. de iure Romano cui-*  
*ctum*, obligatur ad operas, testante B. Dn. STRYK. in *V. M.*  
*sic. de rit. nupt. §. 65. 81.* vnde et iure Saxonico lucra con-  
stante matrimonio vtriusque coniugis industria quaesita inter  
eosdem non communicantur, vt quidem perperam existima-  
runt, ex eo quod in *artic. 31. lib. 1. iuris prouinc.* coniuges  
dicantur bona possidere *indiuisa*, et practici asserant: *Mann*  
*und Weib haben fein gemeinet Gut*, sed soli relinquuntur vi-  
ro, nec vxoris haeredibus aliquid exinde cedit. Suadet id  
haec iuris ratio, quod maritus solus matrimonii supportet  
onera, vt *caput*, vt *princeps familiae*, praecipuam pro re do-  
mestica impendat operam, vxor saltem, vt sacra loquitur scri-  
ptura, *fit auxiliatrix*, mariti cura sollicitaque industria alenda,  
vestienda, defendenda, ergo merito etiam praerogatiua circa  
acquisita frui debeat. HEIG. p. 1. q. 30. n. 13. *seqq.* Porro  
multa incommoda ex acquisite communicatione marito  
totique familiae imminere asserunt, quod, ea admissa, inter  
coniuges separatio, ex vna duplex familia, mariti ad ratio-  
nes vxori aut eius heredibus reddendas obligatio et infinita  
litigiorum seges enascantur. Denique durissimum esse vi-  
detur, vxoris heredes ex mariti laetari iudore, illumque a  
sui laboris arcere fructu. Latissime hanc sententiam propu-  
gnat HEIGIVS *part. 1. q. 21. n. 7.* et quod supra *de indiuisis con-*  
*iugum habetur bonis in d. art. 31. lib. 1. Pandrecht*, dunta-  
xat quoad communem possessionem, administrationem, vsum,  
vsumfructum et sustentationem, non vero etiam quoad nego-  
tiationis emolumentum ac quaesum inter coniuges diuiden-  
dum intelligit, conf. MATTH. COLER. p. 1. dec. 61. n. 11.  
CARPZ. in *iurispr for. p. 3. const. 25. def. 9. 10. 11.* P. HEIGIVS

A a a a

p. 1.

*p. 1. q. 29. n. 31.* Ita plerique practici Saxonicum ius intelligere solent, qui, an verum eius tangant sensum, vel inde dubium est, quod iure Germanico bonorum vera communio inter coniuges fuerit, cuius varia vestigia et rudera hinc inde in iure provinciali conspiciuntur. Quicquid sit, constat, multis in locis saluam adhuc esse bonorum communionem, qua supposita, haec observatio evanescit. Imo sunt plura quoque statuta locorum, quae aperte ius Romanum tollunt et acquæstum conjugalem diuidendum esse inter coniuges statuunt, de quibus vid. L. B. de LYNCKER. *dissert. de acquæst. coniugali.* HEESER. *de commun. bonor. p. 1. loc. 8.*

*Sponsa illicita  
concumbit  
cum sponso,  
non maritus  
eum uxore.*

§. XX. Sed pergo ad alias differentias, quae itidem moribus nostris inter protestantes ex iure canonico et Romano supersunt. Sponsa enim non obligatur ad concubitum, uti quidem vxor, imo plerumque ordinationes nostrae ecclesiasticae concubitum inter pure sine vlla conditione aut dilatione desponsatos ante copulam et benedictionem sacerdotalem sub poena *poenitentiae ecclesiasticae*, mulctae pecuniariae, carceris ad aliquot dies, imo alia poena mitiori, quam stupri, arbitrio iudicis relinquenda, prohibent, vid. *ordin. eccl. Sax. tit. von Ehe-Gelöbniss rubr. von Straff der Unzucht und des Ehebruchs* in pr. iuncto §. da aber eine ledige Manns Person vid. CARPZOV. *in iurispr. Consist. lib. 2. def. 132. ubi et pronunciatum consistorii Dresdenensis refert CARPZOV. in iurispr. for. p. 4. consist. 27. def. 11.* Excell. D. I. BODIN. *de anticip. connub.* Ideo autem speciem poenitentiae ecclesiasticae his, qui anticipant concubitum, imponunt, quia stuprum aequiparant, id quod tamen satis durum dictum est.

§. XXI.

§. XXI. Quae supra ex iure civili et canonico adducta sunt de obligatione vxoris sequendi maritum, etiam relegatum, de dignitate, foro et domicilio mariti vxori communicatis, vix hodie discrepantem praxin inter protestantes habent, et sic quoque adhuc moribus in his iuribus sponsam ab vxore distinguimus. Nam 1) nec hodie sequitur sponsa forum sponsi, sed demum nuptiis contractis, LAVTERBACH. *ad tit. de rit. nupt. §. 88.* proinde si sponsa sub iurisdictione oppidana degens, post contracta sponsalia cum ministro ecclesiae, conueniatur, coram magistratu oppidano conueniri debet, adeo vt in hoc foro lis coepta continuanda sit, etiam postquam per matrimonium in forum mariti transit, ob litis pendentiam, quae citatione rite insinuata fundata est, *clém. vn. vt lit. contest.* 2) Etiam hodie pactum sponsi cum sponsa initum valet, ne sponsus ad aliud forum post contractum matrimonium se transferat. IDEM *cit. l. §. 89.* Vxor quoque 3) tenetur maritum relegatum sequi ex rationibus et limitationibus supra adductis. RICHTER *decis. 9. CARPZ. pr. crim. qu. 130. n. 44. seqq.* LAVTERBACH *cit. l. §. 90.* Vagum vero 4) sequi non tenetur, si maritus hoc vitae genus demum contractis nuptiis elegerit: secus si ante matrimonium initum iam talis fuerit, et sponsa scienter cum eo celebrauerit sponsalia. LAVTERBACH *cit. l. in fin.* Denique etiam hodie 5) sponsa non sequitur dignitatem sponsi, bene tamen vxor mariti, nisi 1) inter illustres matrimonium ad *morganaticam* initum fuerit, quod impedit, ne vxor inferioris dignitatis mariti radiis corruſcet, vid. LINCK. *de matrim. sub lege sal. contract.* 2) Inter illustres filia maioris dignitatis nubat inferiori, quo ipso non amittit dignitatem natiuam, nec sequitur statum mariti. Sic filia principis, quae nubit comiti titulum *principis* cum praedicato *serenissimae* retinet. LAVTERBACH *cit. l. §. 87. in fin.*



*Uxor hodie  
transfert fru-  
ctus dotis in  
maritum, non  
sponsa in  
sponsum.*

§. XXII. Moribus quoque nostris sponsus dotalium bonorum sponsae dominium ac usufructum regulariter non habet, secus ac maritus. Vnde etiam is tantum onera tributorum subire tenetur. FRANCISC. VIVIVS *dec. 535. n. 5.* HARTM. PISTOR. *obs. 5.* FAB. DE ANNA *consil. 3. n. 30.* et usurae dotis non solutae ab ipso demum nuptiarum die debentur, si pater sponso dotem promiserit, dum is dotem promittens ex ipso nuptiarum die moram facere intelligitur, et ideo ad usurarum se obligat praestationem, licet non sint in stipulatum deductae; necesse enim est, ibi dotem aut saltem dotis esse fructum, ubi matrimonii sunt onera, nec prioris dotis marito debentur fructus. CARPZ. *in iurispr. for. p. c. 3. 23. def. 4.* ubi conueniens adducitur sententia. Si autem extraneus doti, soluendae breuiorem non dixerit diem, usurae quasi ex mora, priusquam biennium praeterierit, non debentur iure Saxon. per *const. elect. 42. def. 4.* Imo ideo maritus hodie quoque uxori, non vero sponsus sponsae, alimenta praestare tenetur: *Sandrecht, art. 45.* Ampliationes et limitationes videri possunt apud COLER. *de alim. l. 1. c. X. et P. SVRIVM de alim. tit. 7. qu. 17.*

*An hodie do-  
nationes inter  
desponsatos  
factae reuo-  
centur altern-  
itro mortuo.*

§. XXIII. Porro differentia ex donatione intuitu futuri matrimonii facta, non secutis forte nuptiis *c. 1.* adducta, non indistincte hodie attenditur. Differentia quippe est inter *arrhas sponsalicias*, quae dantur in ipso desponsationis actu, et *sponsaliciam largitatem*, quae postea inter desponsatos interuenire solet. Illas sibi vindicant hodie plerumque confistoria, si lite super sponsalibus orta, tandem iudiciali sententia dissoluuntur. Si morte alterutrius matrimonium sequi non potest, existimarem, etiam hodie tam *arrhas* quam *sponsaliciam largitatem* repeti posse, quippe quae ex natura sua sunt

sunt sub conditione tacita: si matrimonium interuenerit, quibus non secutis, quod datum est, iure repetitur. Ceterum distinctionem iuris Romani ab interueniente osculo desumptam, mores nostri haud agnoscunt, qui tantum oculis pretium haud constituerunt, nec philosophiam, maxime in oriente olim usitatam, vnquam recipi passi sunt; dum non amplius osculo pro parte delibata ac diminuta sponsae pudicitiam esse, neque sic consentiri quodammodo declarasse coniugalem credamus, eaque propter nec nuptiae censeantur consecutae aut perfectae. Nec enim ex concubitus indicia aut coniugii futuri praesagia, nec semper lasciuiantis animi signa aut praenuntia flagitii habentur, sed tanquam pacis et concordiae ligamina dari et accipi absque animo luxurioso creduntur. Legis ergo ratione cessante, cessauit quoque dispositio, et id, quod propter spem futuri matrimonii sed non secuti datum, sponsa minime lueratur, licet osculo sit excepta, ut testantur plerique interpretes, GRÖNEWEGEN ad l. 16. C. de donat. ante nupt. LAVTERBACH. disp. de donat. propter nupt. MENCKEN tract. D. synopt. de sponsal. p. 340. HUBER. praelect. ad D. de iur. dot. n. 20. GRUBEN. Comment. ad d. l. STRYK. in tract. de diff. spons. sect. 1. §. 28.

§. XXIV. Coniuges quoque hodie, cognatis omnibus deficientibus, in vniuersa bona, beneficio bonorum possessionis unde vir et uxor, ( dum omnia statuta, quae de successione coniugum per totam fere reperiuntur Germaniam, de particulari tantum disponunt successione, ) hodie etiam sibi succedunt, STRYK. de success. ab intest. diff. 4. c. 1. §. 4. KOHL. de success. coniug. p. 1. n. 5. nisi constitutione prouinciali aliud cautum, ut in const. March. tit. Erb-Fall zwischen Ehe-Leuten, reperitur. So aber kein angesippter Freund da wäre,

Aaaa 3

dann

dann nimmt das halbe Theil der Herrschaft. Sponsus vero et sponsa illo in casu hodie etiam sibi inuicem non succedunt, cum nondum dici possunt *vir* et *uxor*, quod ius praetorium desiderat. LAVTERBACH. in colleg. pract. part. 2. p. 1331. §. 44. et ad tit. de sponsal. §. 35. KOHL. de success. coniug. p. 1. n. 17. Sponsam impraegnatam itidem excludunt, ne meliori conditione habeatur, quae contra ecclesiae decreta peccat, quam quae iis paret, BERLICH. p. 3. concl. 25. n. 37. nec iustum et legitimum matrimonium, quod in illa requiritur successione, commixtione carnali, ante copulationem ecclesiasticam siue sacerdotalem et diem nuptiis solennibus destinatum; sed eadem accedente fit, quamvis copula carnali haud firmatum sit, et quamvis consensio thalami non accesserit, quae demum ad effectum successionis statutariae necessaria, et non ad hanc *uniuersalem* extendenda. Licet enim de iure canonico talia sponsalia concubitu firmata pro matrimonio accipiantur, id tamen non in *uniuersum*, sed maxime intuitu *vinculi* accipiendum, cum adhuc desiderentur *publicae solennitates*, ut tale matrimonium *iustum* dicatur.

De hypotheca  
tacita in dote.

§. XXV. Sponsae, si dotem forsan ante contractum numerauerit matrimonium, hodie, etiam iure Saxonico, nequaquam ius tacitae hypothecae in sponsi bonis competit, HARTM. PISTOR. obseru. 110. n. 7. quamvis priuilegium, ut *personalibus* saltem praeferatur creditoribus, ei non sit denegandum, HARTM. PISTOR. obs. 120. n. 8. CARPZOV. in iurispr. for. p. 2. c. 24. def. 5. ubi et responsum affert hac de materia. Vnde et iure Saxonico a die nuptiarum, ubi nempe matrimonium per copulam seu benedictionem sacerdotalem consummatum, subsequuta licet non statim thalami consensione, incipit priuilegium *tacitae hypothecae* (quae mulieri

eti in bonis mariti ratione dotis illatae competit) ac ius praelationis, ratione dotis per *constit. elect. Saxon. 24. p. 2. verb. von der vollzogenen Ehe, und also wenn der Kirch-Gang geschehen tit. 43. verb. welch der Weiber CARPZ. in Iurispr. for. part. 2. const. 24. def. 1. et p. 3. const. 29. def. 10. et in Iurispr. consist. lib. 3. tit. 5. def. 57. CHRISTOPH. ZOBEL. part. 2. diff. 49. n. 8. seqq. IAC. THOMING. dec. 36. HARTM. PISTOR. obs. 110. n. 4. et licet dos antea promissa, non in ipsa nuptiarum die, sed longe post contractum demum numeretur matrimonium, imo eti mulier simpliciter ac sine dotis promissione nupserit, eaque longe post constituta fuerit, nihilominus a praedicto tempore priuilegium dotis incipit. BOER, dec. 331. n. 3. BERLICH. part. 2. concl. 30. n. 4. CARPZOV. part. 2. c. 24. def. 1. vbi praeiudicium habet, et def. 2. docet, quod in DOTALITIO quoque ius tacitae hypothecae et praelationis incipiat a tempore copulationis per sacerdotem factae. Idem quoque in aliis locis obtinere, quotidiana rerum obseruantia testatur, et quamuis, prout c. 1. §. 22. p. 48. seq. obseruavi, dissentientes in puncto iuris non desint, his tamen ibidem satisfactum.*

§. XXVI. Beneficium non perdere clericum contrahentem sponsalia, secus vero nuptias, *capite antecedente dictum est.* Hoc vero discrimen inter protestantes prorsus cessat, quippe qui matrimonia clericorum optimo iure admittunt et defendunt. Vsum tamen hoc discrimen haberet in illis beneficiis, quae alicui sub *conditione coelibatus* data, et in cuius susceptione promittere debuit, se, electo matrimonio, resignaturum esse. Tale enim pactum etiam inter protestantes valere, pluribus euicit Dn. PRAESES in *iur. eccles. prax. lib. 3. tit. 3. §. 26.* Hoc posito, euident est, talem praebendatum

Clericus contrahens matrimonium inter protestantes non amittit beneficium.

tum non amittere beneficium per sponsalia, sed demum per matrimonium contractum.

*Differentia  
ratione actio-  
nis.*

§. XXVII. Sponsalia a matrimonio moribus nostris etiam differunt ratione *actionis*; diuersissima enim est iure Germanico actio, quae ex *sponsalibus* oritur ab ea, quae ex *consummato matrimonio*. Nam nostro iure, quia maior *paſtorum* moribus Germanorum quam Romanorum fides, uti ex omni pacto honesto ac deliberato nascitur obligatio et actio, ita pariter ex pacto *sponsalitio* validissima, et si non ex *sponſu*, tamen oritur actio siue *imploratio* consistorii pro matrimonio consummando, quae *ſummario processu* expeditur iuxta indolem processus consistorialis in causis ecclesiasticis, vel quae pro talibus habentur; imo si pars retractans latitat, inmiſſionem in bona sponsi impetrat sponsa; ſin. praesens et concubitus aut impraegnatio acceſſerit, inuitus quoque copulatione ecclesiastica ad consummationem compellitur matrimonii; si vero et hanc detrectauerit rationem, multa, carcere, relegatione punitur, et sponsa nihilominus tandem in bona relegati immittitur et vice versa. Vid. Dn. PRAES. *dissert. de matrim. coact. c. 2. in fin.* Ex nuptiis vero oritur imploratio ad praestandum debitum coniugale, et deinde, si tanta sit malitia, ut auſugiat penitus, vel maneat quidem, sed tamen praefracte praesens denegat debitum coniugale, nec ministerii ſeueris admonitionibus, nec magistratus minis ciuilibusque poenis emendari possit, alterique coniugi nulla imputari possit culpa, ob quam denegatio debiti facta, actio et processus desertionis inde pro ueniens diuortii gratia institui potest, imo diuortium etiam conceditur, etiamsi femina praetextu diuersae religionis amplexus maritales auersari incipiat. Responſa quaedam vid. apud STRYK. *in tract. de diss. spons. sect. 6. §. 21. 22.* ubi et totum processum instruit in hac materia.

§. XXVIII.



§. XXVIII. Porro ratione *accidentium* sponsalia et matrimonium, uti in iure Romano, hodie quoque differunt; sponsalia enim moribus nostris etiam pure et conditionaliter contrahi possunt. Dissentiunt quidam, putantes, sponsalia nostra duntaxat in diem vel *certum* vel *incertum* contrahi posse, non vero pure vel sub conditione. Non pure, dum statim pure promissum peti potest. Sponsa autem, nisi post aliquot tempus, iure diuino et moribus nostris (quibus promissarum nuptiarum festiuitas fieri nequit, nisi post aliquot septimanarum a die sponsonis moram) peti non possit; non sub *conditione*, quia promissio conditionalis suspendit obligationem ac incertum relinquit, utrum res debeatur nec ne, quoniam in incerto casus euentum obligatio collata est. *l. 6. 4. D. d. V. O. §. 4. I. eod.* Sponsalia vero iure diuino obligationem pariunt, ut sine adulterii crimine sponsus alteram ducere et sponsa alteri nubere non possit. Verum quod ad primum attinet, cum dicitur, sponsalia pure contrahi posse, id non intelligendum, ut quoties id fit, statim ipsa nuptiarum celebratio, cum coniunctione corporum peti possit, sed potius ut rata sit obligatio et actio ad expedienda ea, quae praecedere nuptias solent, ut sunt denunciationes ad celebrandas nuptias ac constituto legibus tempore perficiendas, idque ex ipsa mente sponsonum, qui secundum leges matrimonio coire cogitarunt. Inest etiam sponsalibus puris ex natura rei praestatio *futura*, dum in futurum promittitur matrimonium, adeoque ex natura sua dilationem et tempus quoddam incertum habet. Sic pure facta stipulatio dici potest: *Carthagini dare spondes?* quamvis re ipsa habeat tempus adiectum, quo promissor utatur ad pecuniam Carthagini dandam; §. 5. *I. de V. O.* id enim non rei substantiam, sed solam executionem respicit, et si quis confestim agere potest, ut ea fiant,

*Differentia  
ratione acci-  
dentium.*

Tom. IV.

Bbbb

fiant,

fiant, per quae peruenitur ad id, quod petitur, et sine quibus consequi nequit, is certe pure obligatum habere sponsorem dici potest. Similiter et conditio non resistit naturae sponsaliorum, quae iure diuino non prohibente dependent ex voluntate paciscentium.

*Diuerfa hodie  
est sollemnitas  
in sponsalibus  
et nuptiis.*

§. XXIX. Sponsalia etiam hodie nudo consensu quibusdam in locis perficiuntur: in plerisque tamen ordinationes ecclesiasticae sollemnitatem, sed tamen plane diuersam a sollemnitate matrimonii, requirunt. Nam secundum plerorumque locorum ordinationes consistoriales ad sponsaliorum validitatem testes requiruntur, adeo ut neglectis illis neutiquam ea subsistant, sed ipso iure sint nulla. MEY. ad ius Lubec. lib. 1. CARPZ. iurispr. consist. lib. 2. def. 32. 33. in iurispr. for. p. 4. c. 20. def. 7. In ordin. elect. Saxon. tit. von Ehe-Sachen rubr. von Ehe-Gelöbnissen ita sancitum reperitur: two auch zwey Personen, so beyderseits keine Eltern haben, sich ohne jemandes Beyseyn mit einander in Ehe-Gelöbniß eingelassen, so soll dasselbe vor ein heimlich Gelöbniß gehalten, und ob sie sich beyderseits gleich dazu bekennen, vor unbündig erkandt werden. Similiter in renouata constitutione von Verlöbniß und Ehe-Sachen. §. 11. ibi: anlangend diejenigen Personen, so beyderseits keine Eltern haben, jedoch aber sui iuris et maiores seyn, soll deren Verlöbniß, wenn selbiges ohne jemandes Beyseyn getroffen, auch vor ein heimliches Verlöbniß gehalten, und vor unbündig erkandt werden. In ordin. Mag. deb. c. 37. von Ehe-Gelöbniß §. wann zwei Personen, welche ihrer Eltern durch den Tod beraubet worden, auch nicht mehr unter der Vormundschaft seyn, sich ohne jemandes Beyseyn oder auch nur in Gegenwart eines Zeugens mit einander in Ehe-Gelöbniß einzulassen sich unterfangen würden, so soll



soll dasselbe für ein heimliches ungültiges Verbiündniß ferner gehalten, und, wann sie sich schon beyderseits dazu bekennen, dennoch sofern unkräftig seyn, daß beyde Personen solch ihr Fürhaben durch öffentlich Verlöbniß vor zweyen ehrlichen Mannes-Personen freywillig erweitern und bekräftigen. In renovata ordin. de ann. 1693. Ducum Brunsvicens. wann sie keine Eltern oder Vormünder haben, sollen sie zum wenigsten in Gegenwart einiger ihrer nächsten Anverwandten, und auch dreyer oder zweyer ehrbaren Männer und Zeugen, die Leute aber auf dem Lande mit Zuziehung ihres Pastoris und Seelsorgers in einige Verlöbniß sich einlassen, da aber etwa aus erheblichen und unabwendlichen Ursachen mit der Verlobung geeilet, und der Anverwandten Vormünder oder des Priesters praesentia und Anwesenheit nicht erwartet werden mögen, so soll dennoch, so bald als möglich, und zum längsten innerhalb 14. Tagen denenselben, wie auch der Obrigkeit des Orts in Gegenwart und mit Benennung der Zeugen davon eröffnet und Nachricht gegeben, und deren und der Obrigkeit Einwilligung eingeholet werden. Vnde sedulo quoque hodie cavendum ne tractatus praecedentes cum ipsis sponsalibus rite celebratis confundamus. Illi quippe nondum perfectam obligationem inducunt, cum sponsalia rite celebranda iuxta praescriptum legum ecclesiasticarum adhuc supersint, quod discrimen pluribus explicuit THOMASIVS *diff. de pact. futur. spons.* Matrimonium vero in tota Germania ex perpetua ecclesiae traditione et constanti moris huius in hodiernum diem observatione et retentione non aliter legitimum, firmum, ratum et consummatum habetur, nisi, loco solennis apud Romanos in domum deductionis, accesserint solennes denunciationes et proclamationes ex suggestu publico in ecclesia factae. vid. *Ursf. Sächs. Kirchen-Ordnung artic. gen. 13.* Es sollen. Item *Ehe-Ordnung*

p. 5. §. so dann die neue. His sane, si solo consensu sponsalicio vel aliis quibusdam solennitatibus verum et perfectum iam contractum esset matrimonium, minime opus foret, omnique proclamatio destitueretur effectu; frustra enim auditores admonerentur, ut si quis legitimas contradicendi haberet causas ad impediendum matrimonium, illas tempestive, ante diem scilicet nuptialem, allegaret; cum res adhuc integra sit, sub poena perpetui silentii, ut indicat formula proclamationis consueta. So nun jemand zu finden, der in das getroffene Ehe-Gelöbniß etwas recht beständiges einzuwenden, der melde sich bey Zeiten; oder enthalte sich darnach alles Einspruchs. Vnde contingere potest, ut tertius interueniat, nec solum impedimenta alleget, verum etiam in progressu causae, adhibitis legitimis probationibus, id praestet, ut dissolutis prioribus sponsa ipsi adiudicetur, vid. *ordin. elect. Sax. eccles. tit. von Ehe-Sachen §. von Ehe-Gelöbnissen. verb. wenn sich jemand etc. et ordin. matrim. p. 1. §. Wann sich jemand*, LVTH. *von Ehe-Sachen art. 3. Tom. 5. Altenb. p. 381. et apud DEDEKENNUM vol. 3. l. 2. sect. 8. n. 4. BERLICH. p. 4. concl. 28. n. 63. CARPZ. in iurispr. consist. lib. 2. tit. 4. def. 63. CHRISTIN. de iur. matrim. diff. 1. p. 26.* Si nullus contradictor post tria banna compareat, accedit benedictio seu copula sacerdotalis, utpote quae de iure et consuetudine omitti non potest ac debet, vel saltem ex iussu ecclesiae sub poena arbitraria. Patet quoque ex interrogatione sacerdotis ad neogamos, quando coram ecclesia aut in praesentia testium ecclesiam repraesentantium per benedictionem copulantur sacerdotalem, sponsum et sponsam hodie nondum esse coniuges, dum non, an coniuges facti sint? sed an coniuges inuicem fieri velint? ob eins das andere zum ehelichen Gemahl haben wolle, nicht, ob sie einander schon zum Ehe-Gemahl genommen

men haben, interrogantur, qua responsione interueniente, de-  
mum solenniter et publice declaratur consensus coniugalis,  
matrimonium ipsum constituens.

§. XXX. Poenae *binorum sponsaliorum* et *binarum nupri-*  
*arum* hodie etiam diuersae sunt. Moribus enim nostris bina  
sponsalia contrahens tenetur ad poenam fisco exsoluendam, imo  
actione iniuriarum a persona, cui fides non seruiatur, instituen-  
da, et ad sumtus tam in sponsalibus contrahendis nuptiarum  
praeparatoriis, quam in lite prosequenda factos restituendos.  
BEVST. *de sponsal. c. 15.* COTHMANN. *vol. 1. respons. 10. n. 253. seqq.*  
CARPZOV. *in iurispr. pract. consult. lib. 2. tit. 4. def. 64. n. 6.* Iure  
Saxo nico elect. aliisque iuribus infamia, aliisque poenis arbitra-  
riis punitur; nempe interdum suspensione temporali a fideiussi-  
one sacra in baptismo et conuiuio nuptialibus, item poena pe-  
cuniaria et carceris, imo si contra expressam magistratus prohi-  
bitionem sponsalia consummata, aut impraegnatio facta sit, in-  
nocensque fidem fractam condonare nocenti nolit, numellae  
vel relegatio temporalis, aut perpetua pro diuersitate ordinatio-  
num prouincialium et circumstantiarum statuta est. vid. *ordin.*  
*elect. Saxon. eccles. tit. von Ehe-Sachen sub puncto von Ehe-*  
*Gelöbnissen* §. wann sich jemand mehr dann eins verbündlich  
verlobt zu ehelichen, und sowohl auch die Personen, so sich mit  
derselben anderwärts verlobet, wosern sie vom ersten Verlob-  
niß Wissenschaft gehabt, anruchig seyn, und drüber mit Ges-  
fängniß oder sonst willkührlich gestrafft werden. PISTORIS  
*vol. 2. consil. 42. n. 27. seqq.* BERLICH *P. 4. concl. 28. n. 53.*  
*seqq.* CARPZOV. *in pract. rer. crim. p. 2. q. 67. n. 11. seqq.*  
RICHTER. *vol. 2. cons. 425.* CARPZOV. *in pract. rer. crim. p. 2.*  
*q. 77. et in iurispr. consist. lib. 2. tit. 4. def. 63.* Cypr. *cap. 10.*  
§. 25. num. 12. Sunt quidam, qui poenam bigamiae etiam

*Diuerstas  
poenae in  
binis sponsali-  
bus et biga-  
mia.*

Bb bb 3

ad

ad hoc crimen binorum sponsaliorum extendendam esse putant quia sponsa vxoris appellatione, sponsus mariti nomine saepissime veniunt. Sed cum hoc erroneum et praeterea totius fere Germaniae consuetudine introductum, vt sponsalia non nisi post nuptias et benedictionem vel copulam sacerdotalem pro vero habeantur matrimonio, ideo nec poena bigamiae ad binorum sponsaliorum crimen extendendam esse, latissime demonstrat CARPZ. *pract. crim. p. 2. q. 97.* Binas itaque nuptias contrahens ex constitutione Carolina *artic. 121.* poena adulterii, imo fere grauiori punitur. verb. So ein Ehemann ein ander Weib, oder ein Ehe-Weib einen andern Mann in Gestalt der heiligen Ehe bey Lebendes ersten Ehe-Gefellen nimmt, welche Ubelthat dann auch ein Ehebruch, und grösser denn dasselbige Laster ist. So wollen wir doch, welche solches Laster betrüglicher Weise mit Wissen und Willen Ursache geben und vollbringen, daß die nicht weniger denn die Ehebrüchigen peinlich gestrafft werden sollen. Moribus nostris etiam poena gladii obtinet, neque distinguitur, vt recte statuit B. Dn. STRYK. in *V. M. tit. ad L. Iul. de adult. coerc. contra WESENB. in parat. D. d. t. n. 8.* an quis duxerit solutam siue ligatam, quia constitutio criminalis generaliter loquitur. Hoc vero admodum durum esse videtur, quod ne quidem haec poena mitiganda sit ob *intercessionem* coniugis, quae tamen decernitur in casu adulterii. Qui id asserunt, vix absunt a pontificiorum doctrina, asserentium, bigamiam ideo esse grauius adulterio crimen, quod *profanatio sacramenti* in ea concurrat, id quod tamen Protestantes attendere haud deberent, conf. B. Dn. STRYK. in *V. M. d. t. ad L. Iul. §. 37.* CARPZ. in *iurispr. for. p. 4. const. 20. def. 3. et 5.* Iure Saxonico per expressam non in electoratu tantum, sed et in principatibus Saxonice vsu receptam constitutionem bigamus poena

poena gladii punitur. *const. elect. Saxon. 20. p. 4. et ad eam*  
*DAY. MOLLER. BERLICH. p. 4. concl. 28. n. 12. seqq. CARPZOV.*  
*in pract. rer. crim. p. 2. q. 66. n. 34. seqq.*

§. XXXI. Poenae secundarum nuptiarum in sponsali-  
 bus non obtinentes, in Saxonia fere abrogatae vel potius non *De poenis se-*  
 receptae, uti testatur CARPZ. *lib. 2. Iurispr. consist. def. 162. cundarum nup-*  
*n. 4. et in Iurispr. for. p. 2. c. 43. def. 17. in pluribus vero ptiarum.*  
 locis extra Saxoniam observari probat ESBACH. in CARPZ. *cit.*  
*l. n. 3.* Insuper vero plurimorum locorum, praesertim ubi  
 communio bonorum inter coniuges obtinet, imo ubi etiam  
 haec non obtinet, ut in ducatu Magdeburgico, legibus intro-  
 ductum, ut parentes ex priori matrimonio habentes liberos  
 ad secunda conuolare nequeant vota, nisi prius cum prioris ma-  
 trimonii liberis non segretatis seu consortibus innuptis siue  
 nuptis (nisi hi forte ea sub conditione dotem aliaque acceperint  
 bona, quod a parentibus, quamdiu sunt in viuis, nihil ampli-  
 us petere debeant) imo deficientibus iam liberis primi gra-  
 dus, cum nepotibus omnium bonorum tam paternorum quam  
 maternorum, quae superstes tempore secundarum nuptiarum  
 tenet, diuisionem aequis regulariter partibus susceperint.  
 Hunc in finem etiam inuentarium omnium superstitis coniu-  
 gis facultatum faciendum est, quod vel solenniter confici de-  
 bet, aut si quaedam facta bonorum designatio a superstite  
 scripta vel subscripta, iuramento confirmari. CARPZ. *p. 3. c.*  
*20. def. 9. et 45. MEVIVS ad ius Lubec. tit. 2. artic. 21. §. 10.*  
*et seqq.* ubi argumenta contraria refutata videri possunt.  
 Hac de causa quoque tamdiu denunciatio ecclesiastica et be-  
 nedictio sacerdotalis interdicitur, donec legitima suscepta sit  
 haec diuisio B. DN. STRYK. in *diff. de collat. iur. statut. Rigens.*  
 cum



cum iure comm. c. 3. n. 55. seqq. Hoc nouissime cautum est in ducatu Magdeburg. per rescriptum regium de ann. 1714. 10 Iul. Daß sie hinführo keinen Wittwer oder Wittwe, so sich anderwertes zu verheyrathen gesonnen, öffentlich von der Canzel aufbiethen, vielweniger copuliren sollen, ehe und bevor sie einen gerichtlichen Schein producirt, daß sie ihre Kinder wegen des Vaters oder Mutter Guth abgefunden. Hoc quoque receptum est Lubecae, teste MEVIO d. L. d. a. Para. 2. et tit. 2. artic. 2. Luneburgi, teste HARTW. & DASEL ad Statut. Luneb. art. 1. in Austria, ibid. §. 5. n. 14. Thuringia, MODEST. Pistor. p. 4. quaest. ill. 164. in princ. Rigae. vid. statut. lib. 5. art. 3. et 4. Hamburg. B. Dn. STRYK. in V. M. tit. de rit. nupt. §. 34. In patria mea statutum, quod hac de re refert MODESTIN. Pistor. consil. 2. in pr. vol. 5. idem confirmat, ubi stat. 7. ita cauetur. Will se ock einen Mann nehmen, so mag se ock mit dem Dele des Erves und des Guedes, de öhr thodren mag, von öhren Kindern einen Mann nehmen. Clarius stat. 22. So wor eine Bedtene were, de der Kinder hedde, und einen Mann nehmen wolde, de en schall nicht byschlapyen, se en hebbe tho vorn gedeelet mit öhren Kindern, und der Kinder Vormünder tho der Kinder hand by föstig punden. Talia statuta irrationabilia esse asserit COLERVS, cuius argumenta recenset MEV. ad ius Lubec. p. 2. tit. 2. artic. n. 8. 9. 10. 11. 12. 13. refutat n. 32. seqq. et rationes pro talibus pugnantes statutis n. 15. 16. 17. seqq. adfert; quomodo autem talis instituenda sit diuision n. 78. et 79. seqq. et effectus illius diuisionis n. 111. et seqq. vt et exceptiones quasdam, quibus in casibus pater a necessitate diuisionis eximatur n. 182. et seqq. recenset MEVIVS cit. loc.

Vfus de vindicta priuata.

§. XXXII. Ceterum quod supra de vindicta priuata erga adulteram et inde deducta differentia inter matrimonium et sponsalia

Sponsalia adlatum est, hodie vix applicari potest, cum nec priuata vindicta, quam ius canonicum reprobauit, marito amplius permixta sit impune, vti de iure Romano, prout testantur GVDELIN. *de iur. nquiss.* l. 5. c. 18. PEREZ. *ad C. b. t.* n. 23. GRONEWEGEN *de LL. abrog.* l. 4. C. *ad L. Iul. de adult. coecend.* quamuis non negauerim, maritum extraordinaria tantum poena coercendum esse ob iustum dolorem, quem difficile est retinere. Hoc tamen discrimen admittere potest, quod inter coniuges poena parricidii quidem obtineat iuxta l. *vn. C. de his qui par. et lib. occid.* art. 139. c. *crim. constit. elect. Sax.* 3. p. 7. illa tamen non possit applicari ad desponsatos, inter quos tanta haud deprehenditur coniunctio, quod nouum discrimen inter matrimonium et sponsalia constituit.

§. XXXIII. Inter desponsatos *donationes*, vti olim iure Romano permissae, ita et hodie moribus nostris subsistunt, nec matrimonio subsecuto reuocantur SCHEIDEW. §. 2. n. 62. *De differentia a donatione inter coniuges facta petita.* *Inst. de donat.* Neque vllius est ponderis aut momenti limitatio illorum, qui asserunt, has donationes quidem subsistere inter desponsatos de futuro, minime vero inter desponsatos *de praesenti*, cum in foris protestantium sponsalia *de praesenti*, quae *vinculum inducunt coniugale*, incognita plane, imo ea, quae nobis *de praesenti* dicuntur, vera et proprie dicta, prout in iure Romano definiuntur, esse sponsalia, superius iam satis, vt autumo, euictum est. Denique praxis contrarium docet, qua inter desponsatos, qui *pure* sponsalia contraxerunt, tales quotidie sunt donationes. Donationes autem inter coniuges hodie etiam aequae prohibitae sunt, vt iure Romano, licet non ex eadem ratione iis in locis, vbi communio inter coniuges deficit, quod de pleraque Germaniae parte asserendum esse CARPZOV. p. 2. *const.* 13. *def.* 14. imo in dubio secundum

Tom. IV. Cccc dispo-



dispositionem iuris Romani pronunciandum esse asserit STRYK. in *V. M. de don. int. vir. et vx. §. 3.* excepta extensione, qua per alias personas donare etiam iure Romano non licebat, quod recipi moribus nostris non potuit, postquam patria potestas per nuptias in filiabus tollitur, et filii familias per separatam oeconomiam e patria exeunt potestate STRYK. *d. r. §. 2.* Excipiuntur quoque ex vniversalī fere totius Germaniae consuetudine donationes, tempore *natiuitatis Christi* et alii diebus *solennioribus*, quibus munera offerre inter coniuges consuetum est, modo in agnatorum, quibus ius perfectum quaesitum est, non fiat praeiudicium. CARPZ. *p. 2. const. 13. def. 20.* HARTMANN. PISTOR. *d. q. 44. n. 12.* STRYK. in *V. M. d. r. §. 6.* vbi et responsum celeberrimae facultatis Hallensis refert. Valent quoque huiusmodi donationes hodie iuramento a donante confirmatae contra ius Romanum. M Y N S I N G. *cent. 2. obs. 53.* BERLICH. *p. 2. concl. 15. n. 14.* GAIL. *lib. 21. obseru. 40.* STRYK. in *V. M. d. r. §. 8.* In nonnullis autem foris a iure Romano plurimis adhuc recessum casibus, vt in Porussia, vbi donationes, nullis extantibus liberis, iudicialiter inter coniuges factae, pro validis habentur. Iure Lubecensi consentientibus subsistunt liberis; iure Marchico donatio quartae nullis extantibus liberis, iudicialiter inter coniuges facta valet. Similiter iure Saxonico donatio inter maritum et uxorem valet, si mulier peculiarem ad hunc actum sibi elegerit curatorem, cuius auctoritate marito donet, accedente tamen iudiciali insinuatione. CARPZ. *p. 2. const. 13. def. 16.* BERLICH. *p. 2. concl. 15. n. 25. seqq.* Imo etiam de bonis valet immobilibus, si modo praeterea quoque insinuatio in foro rei sitae superaddatur, COLER. *p. 1. dec. 12. n. 43.* de quibus omnibus statutis videri potest STRYK. in *V. M. d. r. §. 3. 4. et 7.* Specialis est ratio Geradae, cuius donatio (nisi in

in pactis dotalibus ante nuptias facta) iure Saxonico non valet, adeo, vt nequidem iuramento aut morte confirmetur, nisi sit remuneratoria, CARPZ. p. 2. *const.* 13. *def.* 1. et 5. BERLICH. p. 2. *concl.* 15. n. 31. STRYK. in V. M. tit. de donationibus §. 14. vt et nec maritus vxori res expeditorias vulgo das Heer-Geträtthe donare valeat, nisi sit reciproca et aequiualens, et iudicialiter coram notario et testibus hasce res praesentes vxori tradat. CARPZ. p. 2. *const.* 13. *def.* 13.

§. XXXIV. Praeter recensitos effectus peculiare matrimonii prae sponsalibus mores hodierni ac iura prouincialia vel statutoria singularia quoque ei prae illis tribuunt. Sic antiqui mores Germanici ad matrimonium, quoad quosdam coniugii effectus singulariter thalami requirunt consensionem, das gehaltene Beylager und Heimführung, quo et adhuc collineat vetus iuris Saxonici dispositio lib. 3. tit. 45. verb. das Weib ist auch ihres Mannes Genosin aller der Ehren und Würdigkeit, die der Mann hat zur Hand, als sie in sein Bett tritt. Idem quoque asseritur lib. 1. art. 45. und obwohl ein Mann seinem Weibe eben nicht bürdig wäre, ist er doch ihr Vormund, und sie ist seine Genosin, und tritt in sein Recht, wann sie in sein Bett tritt. Similiter lib. 1. artic. 76. verb. hat aber die Frau einen andern Mann. Inde adhuc remanisse B. DN. STRYK. in V. M. de rit. nupt. §. 31. existimat, quod imaginaria et simulata quaedam thalami consensio in illustrium matrimoniis, quae per legatos contrahuntur, accedere soleat, vt consummato nihil decesse videatur matrimonio. Imo adhuc hodie in Saxonia thalami requiritur consensio, quod vocant die Decke beschlagen, vti liquet ex p. 3. *const.* 19. ibique CARPZOV. *def.* 2. *seqq.* BESOLD. in thesau. pract. lit. B. BERLICH. p. 3. *concl.* 25. n. 28. *seqq.* item iure Würtem-

Mores plurim.  
in locis de-  
siderant tha-  
lami con-  
sensionem in  
matrimonio

bergico p. 4. tit. 2. in pr. *Consil. Tubing.* 237. n. 37. P. V. et iure *Lubecensi* p. 2. tit. 2. art. 12. ibique MEVIUS n. 271. Nescio, an fallam, si dixerim, maiores nostros in hanc transiisse sententiam ex cleri Romani doctrina, iam ab AVGVSTINI temporibus approbata, qua matrimonio inesse sacramentum dixerunt. Illud autem demum perfici docuerunt per ipsam corporum commixtionem, c. 5. de big. non ordin. et consequenter hac quoque demum matrimonium fieri ratum et perfectum.

Inde nascitur  
communio  
bonorum.

§. XXXV. Ex matrimonio ita consummato longo usu comprobata bonorum oritur communio, quam ius Romanum non agnouit, uti recte statuit HEIGIUS p. 1. qu. 30. n. 34. COVARRVV. de matr. c. 7. §. 1. n. 5. PECK. de test. coniug. l. 2. c. 1. MEVIUS ad ius *Lubec.* lib. 1. art. 5. tit. 5. ubi etiam de eius utilitate egregie differit n. 9. 10. 11. 12. 13. Rationes veram bonorum inter coniuges communionem iure Romano iam adfuisse fingentium recenset B. STRYK. in V. M. ad tit. de rit. nupt. §. 91. et §. 93. egregie refutat, imo hanc neque ex iure canonico deducendam, demonstrant MEVIUS ad ius *Lubec.* lib. 1. artic. 5. tit. 5. STRYK. in V. M. refutatis contrariorum argumentis §. 94. Ceterum dictam hanc communionem bonorum receptam esse in Dania, testatur CYPRAEVS de matr. c. 8. n. 7. Eadem in Gallia viget MOLIN. consuet. Paris. §. 40. in pr. CHASSAN. in consuet. Burgund. rubr. 4. §. 2. ut et in Hispania COVARRVV. de matrim. p. 2. c. 7. n. 6. 7. lib. 3. variar. resolut. 19. n. 22. item olim in Saxonia. So bald das Ehe-Bette beschritten. l. 1. Landr. art. 31. et 45. ZOBEL. differ. 26. p. 2. n. 1. et 9. in Marchia Brandenb. SCHEPLIZ. p. 3. tit. 2. §. 1. Lubecae, COTHMANN, consil. 51. n. 135, vol. 2. cons. 72. num. 39. seqq. cons. 24. num. 7. vol. 4. MEVIUS ad ius *Lubec.* lib.

lib. 1. tit. 5. art. 5. Statuto Bremensi tit. 5. ordel. 86. cauetur  
 So wor thwee thosamende samet, an echtschub, wat de hebbet,  
 dat is ôhrer beyde nach Stades Rechte: Imo vniuersalibus  
 fere Germaniae inualuisse moribus Iuri practici obseruauerunt:  
 GAILL. -2. obs. 90. n. 1. KIRCHHOF. consil. 38. n. 3. vol. 4. Id ta-  
 men negari nequit, ius Romanum paulatim plurima in praxi  
 immutasse, vt plurimis in foris tantum *vestigia* quaedam pri-  
 stinae communionis super sint. Quae cum ita sint, notabiles, Et magna di-  
uersitas a  
sponsalibus.  
 singulares et plane diuersi effectus ex sponsalibus, benedicti-  
 one sacerdotali, consensione thalami conjugalis et copula  
 carnali in foro Saxonico et plurimis aliis prouinciis resultant.  
 Post benedictionem enim sacerdotalem incipit priuilegium  
 tacitae hypothecae ac ius praelationis mulieri competens  
 ratione dotis illatae, vt supra monstrauimus. Defuncto spon-  
 so post copulam sacerdotalem ante thalami ingressum sponsa  
 lectum vel virginitatis coronam portare, alioque virgi-  
 nali incedere non prohibetur habitu. MOLL. l. 3. semestr. 23. n.  
 5. Corona enim est, vt ait CARPZ. p. 3. const. 19. def. 11. signum  
 virginitatis, qua non amissa cur peplo ad instar violatae ac nu-  
 ptiae caput tegere cogere? secus autem si post thalami de-  
 cedat consensionem, licet carnalem neget commixtionem.

§. XXXVI. Matrimonio perfecto et per consensionem Post consensi-  
onem thala-  
mi incipit en-  
ravela mar-  
italis.  
 thalami consummato, plerisque in locis praesertim Saxoni-  
 eis, vxor in mariti sui curam et tutelam transit per textum  
 iur. Sax. lib. 1. art. 31. ibi: wann ein Mann ein Weib nimmt,  
 so nimmt er sie in sein Gewehr, und alles ihr Gut zu recht der  
 Vormundschaft vbi ZOBEL. in addit. lit. g. hanc subiicit ex-  
 plicationem, hoc fit, postquam thorum nuptialem est ingressus.  
 Rectius hoc videtur probari posse ex art. 45. lib. 3. quo dici-  
 tur, quod mulier lectum mariti ingrediens omne eius ius eo  
 Cccc 3 ipso

*ipso in se deriuat; videtur enim ex tunc facta eius vxor.* Ad-  
datur artic. 45. d. lib. 1. ibi: und obwohl ein Mann seinem  
Weib nicht eben bürdig war, ist er doch ihr Vormund und  
sie seine Genosin, und tritt in sein Recht, wenn sie in sein  
Bette tritt, conf. B. DN. STRYK. in V. M. de fund. dot. §. 2.  
RICHTER. dec. 76. n. 37. licet fori Saxonici vlu praesertim in  
iudicialibus maritus curatorio ad sui legitimationem opus ha-  
beat, vel cautionem rati praestare teneatur, per text. ord.  
process. iudic. tit. 8. §. Da sie aber in verb. final. und die Ehe-  
Männer ohne sonderbahre curatoria oder zum wenigsten cau-  
tione rati nicht zugelassen werden. Nihilominus tamen tute-  
la mariti ipso fundata est iure actu primo, perinde ac alia  
legitima tutela hodie ipso competit iure vtut a magistratu con-  
firmanda sit. Lib. Bar. de LYNCKER. analect. D. l. 16. tit. 3. Imo  
maritus vxorem sub tutela et curatela habet, etiamsi ea statu et  
nobilitate maior et dignior. d. art. 45. lib. 1. ibi: und obwohl  
ein Mann seinem Weib nicht bürdig war. Vnde etiam fluit,  
quod vxor per ingressum in mariti thorum a patria liberetur  
potestate, vsque adeo, vt nec matrimonio per mortem disso-  
luto filia vidua in patriam recidat potestatem, sed sui mane-  
at iuris. MOLLER. ad constit. 10. p. 2. n. 7. CARPZ. ibid. def. 2.  
L. B. de LYNCKER. analect. inst. l. 1. tit. 9. SANDE lib. 2. tit. 7.  
def. 5. in f. imo etiamsi in conuictu patris maneat, vt lucu-  
lenter probat ius Sax. lib. 1. artic. 31. in verb. sie sondere sich  
mit der Kost oder nicht, dum ratio, ob quam patria ex matri-  
monio contracto dissoluitur potestas, non in bonorum et men-  
sae ponitur separatione, quae alias per se peculiaris emanci-  
pationis existit modus, CARPZ. p. 2. const. 10. def. 1. sed potius  
in eo, quod nupta filia in mariti transeat tutelam et curam,  
quae ratio non minus locum sibi vindicat, si elocata cum pa-  
tre habibet filia, quam si separatim viuat, wann sie sich vom  
Vater mit Anstellung ihrer eigenen Haushaltung und Nah-  
rung scheiden. §. XXXVII.

*Vxor sit sui  
iuris.*



§. XXXVII. Vnde vxor, matrimonio perfecto et consummato, in praeiudicium mariti bona sua mobilia sine eius consensu alienare nequit. Iure Sucu. c. 46. leg. alem. Ein Weib mag ihres Guts nicht hingeben ohne des Mannes Willen, noch ein Mann ohne seines Weibes Willen, quod quoque c. 110. ad immobilia extenditur, ein Weib mag ohne ihres Mannes Erlaub, ihres Manns Guts nicht hingeben weder eigen noch Leibgeding, noch Zins-Lehn, Zins-Gut, noch sein fahrendes Gut, das ist davon, daß er ihr Vogt ist. Iure Saxonico lib. 1. artic. 31. ita cautum: kein Weib mag auch ihres Guts ichts vergeben, ohn ihres Mannes Willen, daß er zu recht leiden dürffe: wann er ein Weib nimt, so nimt er in sein Gewer alles ihr Gut zu recht der Vormundschaft, et artic. 45. ein Weib mag auch ihres Mannes Gut nicht vergeben, noch eigen verkauffen, noch Leibgeding ufflassen, um daß er mit ihr in der Gewere sitzet. Inconstit. elect. 7. p. 3. verb. dem Weibe nicht nachgelassen wird, dasjenige, was dem überlebenden Ehemann aus ihren Gütern zustehet, durch ein Testament oder andern letzten Willen zu vermindern. Imo non solum per testamentum aliamue ultimam voluntatem, vt in praecedenti constitutione electorali 7. p. 3. dicitur, sed etiam per alium actum inter viuos mobilia marito auferre nequit, COLER. part. 1. decis. 61. ne scilicet quod vna via est prohibitum, alia censetur permissum, et quia, viuentem etiam ea, ipsius mobilia mariti subiecta sunt dominio. ZOBEL. in addit. gloss. ad text. latin. lib. 1. iur. Sax. art. 31. In const. 15. p. 2. in fin. wie denn auch den Wittwen und Jungfrauen. liberrima viduis et virginibus bonorum mobilium permittitur distractio, adeoque eo ipso vxoribus ea adempta censetur. MOLLER. ad const. elect. 23. n. 11. part. 3. Denique vxor non solum mobilia, sed etiam immobilia ( licet ea defuncta non marito, sed eius

Nec vxor ab-  
que mariti  
consensu de  
bonis suis dis-  
ponit.

eius cedant haeredibus. Landr. lib. 1. art. 31.) sine mariti consensu valide per actum inter viuos alienare nequit, tum quia alienatio absque tutoris facta consensu haud subsistit; maritus autem vxoris suae est tutor: tum quia vltusfructus a proprietario haud potest interuerti, marito vero in omnibus bonis vxoris immobilibus vltusfructus competit, art. 31. Landr. lib. 1. id quod ad rudera antiquae communionis referendum. Proinde iure Bremensi tit. 4. Stat. 13. ita cautum: hefft ein Frau ein Man, und werd se seeck, se mag geven dree Stücke von ohren besten Kleideren wor dat se will mit allen Dingen also, alse sese dragen heft, sunder bratsen, wente man de afschamern mag, were dat ock also dat ohre Oldern edder ohre Fründe ohr noch Kledere geven schöllen, de mag se geven lieker wieser, also se se dragen hedde, dese gift möget tügen geistliche Püeden, Man und Wyf COLER. lib. 1. p. 2. dec. 253. 286. n. 184. RAVCHB. p. 2. q. 3. n. 45. CARPZOV. p. 2. q. 15.

Coniugis  
quandoque ad  
aes alierum  
soluendum te-  
mentur.

§. XXXVIII. Ex hac communione quoque fluit, quod post thalami consensionem, praecedente benedictione sacerdotali, alteruter coniugum pro altero teneatur aes soluere alienum, quod plerumque ad aes in societate coniugali contractum restringitur, MOLIN. de I. et I. tom. 2. disp. 422. n. 3. SAND. decis. Fris. lib. 2. tit. 5. def. 1. in fin. LAMBERT. GORIS in aduers. iur. tract. 1. c. 2. n. 1. Iure Bremensi id expresse cautum tit. 5. ordet. 86. So wor twee thosamende kamet, an echtschup, wat de hebbet, daß ist ohrer beyde nah Stades Rechte. Storve ohrer ein, de andere schall sine Schulde gelden, des he bekennt, oder men vullen kamen mag mit anderen Handvestingen, edder mit tügen. Iure Romano nec maritus pro vxore, neque vxor pro marito obligatur, t. t. C. ne vxor pro marito, vel maritus pro vxore, vtut propterea statuta,



statuta, quod vxor pro marito teneatur, improbari non debeant. MYNSING. 1. obs. 29. Colleg. iur. Arg. tit. ad SCt. Vellei. GAIL. lib. 2. obseru. 90. n. 1. HILLIG. lib. 15. c. ult. lit. B. COLER. decis. 31. Talia statuta Norimbergae, Gothae, Coloniae, teste HILLIG. et COLER. d. ll. Luneburgi, Hamburgi obtinent. vid. decis. Lynkerian. p. 1. dec. 447. p. 3. dec. 1101. add. ius prouinc. Würtemb. p. 4. tit. 4. quippe quae diuersum a iure ciuili fundamentum habent. Hoc tamen ad sponsalia applicari nequit, licet eis copula carnalis accesserit, vid. LAV-TERB. de aere alieno in soc. coniug. contr. c. 2. §. 11. n. 5. seqq.

§. XXXIX. Marito post consummatum matrimonium ex antiqua, quae olim inter coniuges iure obtinuit Germanico, communione, competit vsusfructus omnium vxoris illatorum bonorum, quod iure Saxon. clarum est per text. iur. Sax. lib. 3. art. 76. lib. 1. artic. 31. verb. wann er ein Weib nimt, so nimt er sein Gewer an all ihr Gut, non tantum quae in loco inueniuntur domicilii, sed omnia alia peregrinis quoque in prouinciis, vbi ius Saxonicum in viridi non est obseruantia, existentia, dum text. Landr. libr. 1. art. 31. generaliter loquitur, SCHNEID. inst. de hered. quae ab intestato deferuntur sub rubr. de success. int. vir. et vxor. n. 19. Hoc rursus ad nuda sponsalia applicari nequit, quae communionem bonorum nullam inducunt, adeoque hunc effectum habere non possunt.

§. XL. Donatio morganatica, quae hodie vt plurimum a viro illustri ipsis dotalibus promittitur pactis, post thalami denum datur ac peti potest consensionem. Est enim munus matutinum, quod maritus nobilis coniugi suae nouiter nuptae in catena aurea, iocalibus, aliaue re pretiosa, adiecta pecuniae summa, mane altero solenni nuptiarum die post primum dat concubitum. MYLER. ab EHRENBACH. gamolog. person.

Inde quoque  
vsusfructus  
marito tribu-  
tur.

Et donatio  
morganatica  
post consen-  
sionem thala-  
mi debetur.

eius cedant haeredibus. Pandr. lib. I. art. 31.) sine mariti consensu valide per actum inter viuos alienare nequit, tum quia alienatio absque tutoris facta consensu haud subsistit; maritus autem vxoris suae est tutor: tum quia vlufructus a proprietario haud potest interuerti, marito vero in omnibus bonis vxoris immobilibus vlufructus competit, art. 31. Pandr. lib. I. id quod ad rudera antiquae communionis referendum. Proinde iure Bremensi tit. 4. Stat. 13. ita cautum: *hefft ein Frau ein Man, und werd se seect, se mag geven dree Stücke von ohren besten Kleideren wor dat se will mit allen Dingen also, alse sese dragen heft, sunder bratsen, wente man de asf schamern mag, were dat ock also dat ohre Oldern edder ohre Gründe ohr noch Kledere geven schöllen, de mag se geven liezer wiese, also se se dragen hebde, dese gift möget tügen geistliche Eueden, Man und Wyf* COLER. lib. I. p. 2. dec. 253. 286. n. 184. RAVCHB. p. 2. q. 3. n. 45. CARPZOV. p. 2. q. 15.

*Coniuges  
quandoque ad  
aes alienum  
soluendum te-  
mentur.*

§. XXXVIII. Ex hac communione quoque fluit, quod post thalami consensionem, praecedente benedictione sacerdotali, alteruter coniugum pro altero teneatur aes solvere alienum, quod plerumque ad aes in societate coniugali contractum restringitur, MOLIN. de I. et I. tom. 2. disp. 422. n. 3. SAND. decis. Fris. lib. 2. tit. 5. def. 1. in fin. LAMBERT. GORIS in aduers. iur. tract. 1. c. 2. n. 1. Iure Bremensi id expresse cautum tit. 5. ordet. 86. So wor twee thosamende kamet, an echtschuy, wat de hebbet, dat ist ohrer beyde nah Stades Rechte. Storne ohrer ein, de andere schall sine Schulde gelden, des he bekennt, oder men vullen kamen mag mit anderen Handvestingen, edder mit tügen. Iure Romano nec maritus pro vxore, neque vxor pro marito obligatur, t. t. C. ne vxor pro marito, vel maritus pro vxore, vtut propterea statuta,

statuta, quod vxor pro marito teneatur, improbari non debeant. MYNSING. 1. obs. 29. Colleg. iur. Arg. tit. ad SCt. Vellei. GAIL. lib. 2. obseru. 90. n. 1. HILLIG. lib. 15. c. ult. lit. B. COLER. decis. 31. Talia statuta Norimbergae, Gothae, Coloniae, teste HILLIG. et COLER. d. ll. Luneburgi, Hamburgi obtinent. vid. decis. Lynkerian. p. 1. dec. 447. p. 3. dec. 1101. add. ius prouinc. Würtemb. p. 4. tit. 4. quippe quae diuersum a iure ciuili fundamentum habent. Hoc tamen ad sponsalia applicari nequit, licet eis copula carnalis accesserit, vid. LAV-TERB. de aere alieno in soc. coniug. contr. c. 2. §. 11. n. 5. seqq.

§. XXXIX. Marito post consummatum matrimonium ex antiqua, quae olim inter coniuges iure obtinuit Germanico, communione, competit vsusfructus omnium vxoris illatorum bonorum, quod iure Saxon. clarum est per text. iur. Sax. lib. 3. art. 76. lib. 1. artic. 31. verb. wann er ein Weib nimt, so nimt er sein Gever an all ihr Gut, non tantum quae in loco inueniuntur domicilii, sed omnia alia peregrinis quoque in prouinciis, vbi ius Saxonicum in viridi non est obseruantia, existentia, dum text. Pandr. libr. 1. art. 31. generaliter loquitur, SCHNEID. inst. de hered. quae ab intestato deferuntur sub ruhr. de success. int. vir. et vxor. n. 19. Hoc rursus ad nuda sponsalia applicari nequit, quae communionem bonorum nullam inducunt, adeoque hunc effectum habere non possunt.

§. XL. Donatio morganatica, quae hodie vt plurimum a viro illustri ipsis dotalibus promittitur pactis, post thalamidenum datur ac peti potest consensionem. Est enim munus matutinum, quod maritus nobilis coniugi suae nouiter nuptae in catena aurea, iocalibus, aliaue re pretiosa, adiecta pecuniae summa, mane altero solenni nuptiarum die post primum dat concubitum. MYLER. ab EHRENBACH. gamolog. person.

*son. illustr. c. 15. §. 6. et c. 15. §. 2. vbi ex speculo Sueuico lib. 1. art. 272. haec refert: nun mercket und vernehmet, was ein jeglicher Mann, der von ritterlicher Art ist, seinem Weibe zur Morgengab geben mag, ohne seiner Erben Urlaub des Morgens an ihren Bette, oder so er zu Tisch geht, oder ob den Tisch. Quod vero vidua illustris maritum ducens adolescentem, ei etiam munus morganaticum dare teneatur, prout defendit MYLER. d. l. c. 16. §. 4. rationem non habet.*

*Successio fa-  
miliaris obri-  
net inter con-  
iugis non de-  
spensatos.*

§. XLI. Singularis vero et principalis differentia iuris Germanici quaerenda est in successione, quam statutariam vocant, quae coniugibus, non desponsatis, debetur. Sic iure Saxonico maritus cuiuscunque etiam conditionis, uxori defunctae succedit in omnibus bonis mobilibus ab eo relictis per text. *lib. 1. art. 31. der Mann ist fähig aller fahrenden Haabe, so das Weib hinder sich lässt, wann sie stirbet et art. 76. lib. 3. vers. und stirbt das Weib, der Mann behält alle fahrende Haabe.* Id propter generalitatem textus *lib. 1. art. 31. et lib. 3. art. 76.* etiam ad ea, quae extra Saxoniam iis in locis, vbi illud ius non viget, sita, extendunt, quia vulgo dicitur, mobilia non circumscribi loco, sed affixa quasi intelligi oñibus et personis in loco, vbi domicilium habent. conf. dissert. statim *alleganda* Icti Consult. Dn. DIDERICI MEYERI §. 22. Eodem modo et dotem lucratur, quia plerumque in pecunia et rebus consistit mobilibus, nec non immobili, si ea aestimato in dotem data. Non tamen hoc extendendum ad mulieris perpetuos annuos redditus, qui *immobilium* censentur iure. *GAIL. lib. 2. obseru. cap. 10. const. elect. Sax. 24. p. 3.* Neque ad utensilia seu res ad geradam spectantes, quae ad proximam vxoris cognatam deferuntur, vid. *Ius Sax. lib. 1. art. 31. lib. 3. art. 76. BERLICH. p. 3. concl. 29. n. 10. seqq. RICHTER. tract. ab intest.*

*test. sect. 4. n. 26. seqq.* nisi quod ex illis lectus ornatus ac stratus genialis, sicuti viuentē fuerat vxore, marito adhuc debeatur. *lib. 3. art. 35. in fin.* Denique quod maritus sit heres mobiliaris, cum hoc accipiendum est temperamento, vt si liberi ex aliis bonis maternis suam consequi nequeant legitimam, ea per maritum ex ipsis suppleatur mobilibus WESENBERG. *consil. 24. n. 5. vol. 1. COLER. de process. execut. p. 1. c. 3. n. 233.* qui ita in locis, vbi ius Saxonicum in viridi obseruantia est, obseruari testantur. Si vxor nulla bona relinquat mobilia, quarta pars bonorum obuenit marito BERLICH. *p. 3. concl. 29. n. 20. seqq.* STRVV. *iurispr. for. lib. 2. tit. 30. aph. 27. BEVST. de matr. c. 67. seqq.* RICHTER *tract. ab intest. sect. 4. n. 2.* Similiter etiam vxori, defuncto marito, certa defertur portio statutaria, ita tamen, vt aliter succedant viduae nobiles in Saxonia, aliter plebeiae. BERLICH. *p. 3. concl. 27. seq.* Vidua ignobilis, existentibus, pactis dotalibus, eorum vigore ad successionem admittitur ac portione in iisdem sibi assignata contenta esse debet. *const. 20. p. 3. in pr. verb.* Wenn zwischen Ehe-Leuten Ehestiftung besprochen und aufgerichtet, daß demselben nachgelebet, und die Wittib aus ihres verstorbenen Mannes Güthern vermöge der Ehestiftung gebührlig abgefunden werden solle. CARPZ. *ad dict. const. 2. p. 3. def. 1. 2. et 3.* Existentibus statutis peculiaribus superstiti vxori portionem deferentibus, regulariter vxor vel coniux conferre sua bona debet, quod quidem negat, nisi id expressis statuti dispositum verbis, CARPZ. *d. l. def. 7. et 8.* sed experientia fere vniuersali Germaniae refutatur. Nata quippe est haec statutaria successio ex antiqua communione bonorum coniugali, adeoque bona adhuc hodie ante omnia in commune conferenda, si quis portionem suam inde auferre velit. Eo casu tamen liberum relinquitur viduae, vtrum dotem ac bona illata vna cum gerada repetere, an vero por-



tionem statuto locali sibi delatam eligere malit. *CARPZ. c. 1. def. 12.* Deficientibus autem pactis dotalibus et statuto locali, in electoratu Saxonico, si defunctus vnum vel plures ex primo vel secundo matrimonio susceptos relinquat liberos, vidua indistincte quadrantem seu quartam bonorum accipit partem; *Constit. elect. Saxon. 20. p. 3.* marito vero nullis liberis relictis decedente, vidua eius trientem seu tertiam lucratur partem. *d. c. 20. p. 3. CARPZ. ad d. C. 20. p. 3. def. 17. 18. 19. 20. 21. 22. et 23.* Nobili autem viduae plura singularia circa successionem non tantum in Saxonia, sed etiam in Marchia et Holsatia alibique concessa sunt, vti patet ex verbis *constit. elect. 34. p. 3.* (und die Witt-Frau so von Ritter = Art ist) Non vero sufficit eam esse nobilem, sed requiritur, vt maritus defunctus sit nobilis, maxime de consuetudine Saxonica, hat nicht Ritter Recht, sein Vater und Elter = Vater seyn dann solche Leute gewesen. *Lehur. c. 2. gloss. in art. 27. lib. 1. Pandr. quod alibi dicit glossa* Er soll von seinen vier Ahnen von Ritters- Leuten gebohren seyn, licet vxor a ciue aliove plebeio sit progenita, dum mulier ignobilis nobili nubens viro per nuptias nobilitatem omniaque iura et priuilegia, quibus mulieres natura nobiles gaudent, adipiscitur. Tali nobili viduae quae debeantur, plenius tradit B. STRYK. *diff. de vid. nobil. March. et de vidua nobili Saxon.* Per statuta quoque particularia Bremensia non sponsus sponsae vel vice versa succedit, vt ex *statuti 7. Ordel. 86. tit. 5. de success. ab intest.* colligitur verbis. *Wor twee Lüden thosamen samet, Mann und Frauwe an echte schup.* Hoc minime de sponsalibus, ad quae solus sufficit consensus legitime declaratus, sed de matrimonio per consensionem thalami durch die eheliche Beywohnung consummato, intelligendum esse, dilucide satis apparet, vnde et moribus patriae maioris declarationis

tionis gratia, pactis dotalibus haec inseritur clausula, und wann  
 sie mit einander ins eheliche Bette gekommen, so soll der  
 eine den andern nach Stadt Recht beerben. Sic itaque  
 maritus succedit uxori, et vice versa, de qua materia ex  
 professo agit Dn. DIEDERICVS MEYER diss. de  
*successi. conjug. stat. Bremensi.* Ipsa successio fundatur in d.  
*stat. 7. Ordel 86. tit. 5. de success. ab intest. verbis.* Wo  
 twee Lude thosamen kumet Mann und Fraue an echteschup,  
 und Kinder winnet, so welcket ehr sterbe, den beerbet de an-  
 dere. Ita vt si vidua maneat, non solum vltimofructum sed  
 et administrationem omnium habeat bonorum. Sterfft de  
 Mann aller erst, und holt sich die Fraue woll und ehrlichen  
 nah ohres Mannes Dode, de Fraue schall mit ohren Kindern  
 freylichen sitten an Erbe und in allem Guede. Hoc tamen  
 limitatur, nisi filius maiorennis aut filia autem maiorennis  
 filius anno aetatis XVIII et filia anno XV completo fieri incipit;  
*stat. 17. tit. de tutel. et curatel. verb.* Dese Vormu-  
 de de Korne mit dem bornen schullen. Vormunde bliesen den  
 Junckfrauen, wente se tho systein Jahren kommen, und den  
 Knechten tho achtein Jahren) suam petat legitimam seu par-  
 tem ex defuncti patris hereditate sibi competentem d. *stat. 7.*  
 Hest de Fraue einen Sohn, de tho sinen Jahren kamen ist,  
 und schede den sinen deel des Guedes und des Erbes, beha-  
 get idt sinem Grunden und Magen, he schall nehmen sinen deel,  
 und men schall de anderen Kinderen an ohren deel ohres Er-  
 bes und ohres Guedes nicht hindern offte nicht anverbegen.  
 Hest de Fraue eine Tochter, de also ferne kamen ist, dat se  
 einen Mann nehmen mag, der schall man nah ohrer Fründe  
 rahde geven ohren Deel, uppe dat men se desto ehrlicher be-  
 rahden möge. De patre bona sua dissipante ita disponitur in  
*stat. 8. d. tit. verb.* Sterfft eines Borgers Wyf, de man schall



Frylicken mit seinen Kindern sunder jenige Herschuy besittent  
 sin Erbe und sin Guth. Men levede de man unredelicker,  
 dat he sin Erbe und sin Gued und siner Kinder unmutterlicker  
 thobringen wolde, de Rathmannen unser Stadt, und der Kin-  
 den Freunde schölen öhn mahnen, dat he des vorthge. Und  
 endeit he des nicht, so schölen de Rathmannen mit sinen Freun-  
 den und mit der Kinder Freunden öhme geven sine Deeldes Er-  
 ves und des Guedes: dat andere schölen se den Kindern truwe-  
 licken holden. *Portio vero, quae superstiti coniugi debetur,*  
*semper aequalis est portioni liberorum existentium singulo-*  
*rum, ita vt omnia communibus includantur bonis, aequali-*  
*querelinquantur diuisioni per statutum 8. verb.* De Frauwe  
 schall nehmen liecken Deel, in Erbe und an Guede, daran sy  
 ein ander onderscheid an macet, dat men de bewisen moge mit  
 handvestingen edder tügen möge mit schwornen. *Praecipuo*  
*tamen aliquo gaudet maritus, vt patet ex statuto 23. d. tit.*  
*verb.* Wor ein Vader von dem Söhne Deelen will, de schall  
 thovoren hebben, alle sine egedome, dat sind grapen, Ketele,  
 Risten, Bodeme, Kuvene und alle wat thom brouwertouwe hö-  
 ret, ahne pannen, de tho hüre gahet. Vort mehr alle Kledern,  
 Linnen und Bullen, Unterwand, alle Schmeye golden und sul-  
 vern, allet Fleesch dat tho schneiden is, und alle Flicken, den de  
 hove de upgeschneiden syn, und dat meel, ein voder roggen, offte  
 dat dar sy, ein Voder Moltes, dat beste dat dar sy, und ein  
 Voder Havernes Moldes, off idt dar sy, also vele Hoppen al-  
 so hiertho höret, vortmehr also velte solt es, alse he behöret tho  
 deser Kost, twölff Voder Holtes, offt idt dar sy, ein Ammer  
 Bottern offt idt dar sy, und eine halve Marck wehrt Keese offt  
 idt dar sy, similiter vxor praecipuum habet, vt constat ex *stat.*  
*7. d. tit. verb.* de Frauwe de schall Deel nehmen alle des Erves  
 und des Guedes; daran baven alle öhre Kleider, Linnen und  
 Bullen,

Bullen, Koften und Kisten, Bedde und Laken, also se dat hadde  
 by öhres Mannes tyden, im Lybe und im Dode, dar schall se  
 öhre Kindere affhandeln also also öhre Ehre wieset. Excipiuntur  
 quoque ab ista diuisione aequali paraphernalia ac alia bona, quae  
 postvnius mortem ex aliis successionebus delata, adeo vt in eam  
 solummodo. veniant bona, quae marito et uxori communia  
 fuerunt; eoque recte *hereditaria* appellari possunt, vt et ea,  
 quae vidua suo ac liberorum periculo tempore mariti mor-  
 tis acquisiuit; quod *statuti* 7. verba satis ostendunt, dum di-  
 stinguitur inter Erbe und Gued. Will se och einen Mann  
 nehmen, so mag se och mit dem Deel des Erbes und des Guedes,  
 de öhr thohören mag von öhren Kindern einen Mann nehmen.  
 Sed in hoc casu tam a *mariti*, quam ab *uxoris* parte, vt suc-  
 cessio vel ex *statuto* vel ex *pactis* dotalibus locum habeat, nec  
*sponsalia*, nec *benedictio* sufficit sacerdotalis, sed *thalami* re-  
 quiritur *consecensio*, quam et *communio* bonorum coniugalis  
 desiderat, secundum ius Saxonicum nach Beschreibung des  
 Braut-Bettes *Pandr. lib. 1. art. 45. lib. 3. art. 45. const. elect.*  
*Sax. p. 3. c. 19. ibique CARPZ. def. 1. 2. 3. et iniurispr. consist. lib.*  
*3. tit. 5. def. 37. n. 16. et lib. 5. tit. 10. resp. 108. n. 11. et 16. L. B.*  
*de LYNCKER. in analect. D. L. 23. tit. 2. tb. 26. RICHTER. p. 2.*  
*dec. 94.* Secundum ius Württembergicum: Wenn die neue  
 Ehe-Leute die Decke beschlagen. *Württenb. Pandr. p. 4. tit.*  
*2. et 4. et PLEBST. ad I. P. W. disp. 1. tb. 16.* Ipsi si in lectum  
 alterius coniugis ductus ductaque fuerit: nach dem Bett-  
 Sprung wird der superstes zur successione admitirt. Hoc a-  
 deo stricte requiritur, vt licet matrimonium per sacerdotalem  
 copulam consummatum sit, ac in procinctu fuerint coniuges  
 ingrediendi thorum, successio tamen locum non habeat. *CARPZ*  
*ad const. elect. Sax. 19. part. 1. def. 3. BERLICH. p. 3. concl. 25.*  
n. 31.

n. 31. *seqq.* quod praeciudicio confirmat RICHTER. p. 2. dec. 94. n. 6. Quod etiam exemplis illustrat DN. MEYER. cit. l. §. 8. Ius succedendi autem fundatum est, licet vel maxime post thori concensionem matrimonium momento saltem durauerit. BERLICH. d. l. n. 30. Neque quoad praxin requiritur, vt copula actualis accesserit carnalis, corporumque commixtio, quamuis id forsitan maiores ex principiis cleri Romani intenderint, IDEM c. l. n. 33. *seqq.* CARPZ. p. 3. c. 19. def. 4. siue mutuo consensu siue morbo et impotentia siue magicis artibus omissa aut impedita fuerit; CARPZ. d. l. def. 4. et lib. tit. I. resp. 108. n. 18. MEVIVS. ad ius Lybec. l. 1. art. 14. n. 14. Sed sola sufficit thalami consensio et ficta corporum commixtio; quae non nunquam magis ad solennia nuptiarum spectare videtur. Unde inter nobiles et illustres personas pro cautela hodie quotidiana observari solet in praxi, praesertim in Saxonia, vt post benedictionem sacerdotalem perfectam plerumque ante epulas, vel praemissis his chorearum tempore sponsus et sponsa in thalamum vocati nuptialem praesentibus propinquis et conuiuiis lecto geniali breuiusculo imponantur tempore, mox ad mensam vel choreas reuersuri. BEYST. de iur. connub. p. 2. c. 5. RENNEM. iurispr. R. G. m. 1. D. 41. §. lit. C. Lepida quaedam de rusticis Altenburgensibus M. FRID. FRISIVS in der Historischen Nachricht von denen merckwürdigen Ceremonien der Altenburgischen Bauern Sect. 5. aliarum gentium mores tangens refert his verbis: Der Bräutigam begiebet sich zuerst zu Bette, hernach führet der Braut-Diener nebst etlichen Verwandten die Braut in die Schlaf-Cammer; nachdem der Braut-Diener nebst etlichen Anverwandten und Gästen die Braut zu Bette geführt, zieht er ihr in der Cammer den Stiefel oder Schuh aus, pfleget auch die Zöpfe auszuslechten, endlich wirfft er die Braut annoch angekleidet in das

das Braut-Bette. Die Braut Mutter, oder welche solche Stelle vertritt, legt einen dinnen Kuchen auf das Bette, welchen die Umstehende mit den Händen zerschlagen und sagen: so viel Stüctgen, so viel Püpgen. Endlich machen die Spiel-Leute nebst etlichen Gästen vor der Cammer-Thür eine Music, und wenn sie können hinein kommen, so tanzen sie um das Braut-Bette. *Hac factio thori conjugalis operatur, ut per eum actum coniuges, se iam in coniugii venisse possessionem, alterumque ius matrimonii reale in alterius acquisivisse corpus, declarent, cum ante istum personale tantum ius ex sponsalibus habuerint. Requiritur tamen iusta ac legitima, praecedente scilicet copula sacerdotali, thalami consecratio, quia matrimonium per commixtionem carnalem ante copulationem ecclesiasticam diemque nuptiis solennibus destinatum, consummatum dici nequit; ut haud obscure ex const. elect. Sax. 19. p. 3. §. und ob wohl etliche apparet, ibique CARPZ. def. 6. Quid vero iuris, si post iniustam thalami consecrationem copula subsequatur sacerdotalis, nullusque dehinc factus thori iugalis ingressus, videri potest in decis. LYNCKERI, ubi p. 1. dec. 405. elegantem hac de quaestione refert casum.*

§. XLII. Statutum de lucranda dote et similia non habet locum, si sponsa de praesenti decedat; finis enim (1) dotationis, ut notum, in eo consistit, l. 20. C. de iur. dot. l. 21. §. 1. C. de donat. int. vir. et vxor. ut habeat maritus, unde matrimonii onera sustineat. l. 75. in f. de iur. dot. Ob ea subsequenda partem dotis lucratur maritus, vxorque in compensationem dotis solutae partem etiam ex bonis mariti defuncti percipit. Cessat vero hic in sponsalibus, cum ante consummationem nulla onera marito incumbant, eaque nunquam nisi matrimonio consummato, adesse dicantur, SALYC. d. l. 6. n. 4. et 5. BALD. auth. dos datan. §. CYNRAD. MAVSER. d. 1.

*Lucrum dotis non acquiritur sponsalibus.*

Tom. IV.

Eccc

SCHNEI-

SCHNEIDEW. n. 108. Igitur nec ante consummationem fructus dotis multo minus dotem ipsam ad eum pertinere dici potest GAIL. 2. c. 80. n. 1. tit. et lib. 2. obs. 85. n. 3. (2) Promissio censetur facta sub conditione, si scilicet virgo vel sponsa ducatur in domum, et sequatur copula, prout fieri solitum arg. l. 21. l. 37. l. 41. pr. D. de iur. dot. Vnde cum non impleta fuerit conditio, sub qua dotis promissio videtur facta, ut in sponsa, lucrum et acquisitio ipsius quoque dotis cessat, quod et Imp. in l. 24. C. de nupt. confirmat. (3) Statutum dotem marito ceu lucrum attribuens est correctorium iuris communis, quod vel ad patrem vel alium dotem sibi reddi stipulantem, vel ad haeredes vxoris reuerti vult, ideoque merito, ut in aliis correctoriis fieri solet, strictissima interpretatio, quo minus laedatur ius commune, amplectenda est, ROLAND. a VALL. de lucr. dot. q. 2. ibique allegati, ut quam minime abeat a iure communi. l. vn. C. de inoffic. dot. Vnde cum status in statuto non specialiter expressus, manere censetur sub dispositione iuris communis, GAIL. lib. 2. obs. 33. n. 2. et obs. 140. n. 12. RICHTER decis. 3. n. 6. CARPZOV. p. 1. dec. 3. n. 11. et 12. lucrum vero dotis iure communi nullum conceditur sponsis, ergo multo minus vi statuti, non specialiter huius casus mentionem facientis, petere quicquam valet sponsus; (4) maior est fauor defunctæ sponsæ sponsue consanguineorum, qui de damno vitando, quam sponsæ sponsue superstitis, qui de lucro captando certant. (5) Statutum pactumue de lucro dotis post mortem coniugis sub conditione ut plurimum illud loqui censetur, si scilicet sine liberis præmoriatur altera pars: Sed sine liberis præmori vix de sponsa sponsue prædicari poterit; lege enim prohibente eiusmodi celebraretur concubitus, itaque tales intelliguntur coniuges, qui sunt in eo statu, eamque habent

po-



potentiam non tantum *naturalem*, sed et *legalem*, vt liberos quoque habere *moraliter* possint. Sine liberis mori infert priuationem, quæ præsupponit habitum, in desponsatis *legaliter* haud sperandum. Cum ergo hæc conditio in his locum non inueniat, nec lucrum dotis inuenit, quod et iure Sax. elect. *const. 19. part. 3.* confirmatum.

§. XLIII. Præcedente benedictione sacerdotali post thalami consensionem filius nascitur legitimus, adeo vt in ultimo quoque vitæ articulo filium non ex marito esse natum asserenti, minime sit credendum. vid. MASCARD. *de probat. concl. 786. et 452.* GAIL. 2. *obs. 97.* Qui præsumtionem hanc adeo extendunt, vt asserunt, filium ex vxore, cum qua et maritus et adulter consuetudinem habuit, natum habendum, ac si mariti esset, add. MENOCH. 6. *præs. 3.* quod tamen STRVV. *in exerc. D. th. 43. in fin.* minime simpliciter verum esse autumat. Imo et ii, qui protinus post celebratas nuptias tempore constituti thalami nascuntur, die *Frühling's Kinder*, pro *legitimis* iam habentur. HAHN. *ad WESENBECK. tit. de his qui sui vel alien. iur. n. 3.* Naturales autem ex soluta honestaque alias persona per superuenientem benedictionem sacerdotalem thalamumque ita legitimantur, vt a legitimis nihil fere differant, STRVV. *exerc. D. 3. th. 2.* ac nomine *der voll und wohlbürtigen* veniant MEY. 1. 8. *dec. 87.* iisque natalitia non possint denegari testimonia die *Geburts-Briefe*, quod legitimo ex thoro honestisque nati sint parentibus, daß sie aus einen reinen keuschen und unbefleckten Ehe-Bette erzielet und gebohren. RICHTER p. 2. *dec. 80. n. 15.* vel daß sie von ehrlichen frommen Ehe-Leuten, aus einen recht ehelichen ohnbefleckten, ohngetadlichen Ehe-Bette hergekommen, gezeuget und gebohren. CARPZ. p. 2. c. 6. d. 15. it. daß sie echt und recht aus einem Ehe-Bette gebohren. HAHN. *ad Wesenbeck.*

Eccc 2

bec.

*De liberorum  
statu ex nu.  
priis legitimis.*

*bec. d. l.* Proinde etiam in opificum recipiendi sunt collegium, veluti ex legitimo nati thoro *CARPZ. libr. 2. iurispr. consist. tit. 14. def. 236.* nisi speciatim ac nominatim expressis exclusi sunt verbis, *die Mantel-Kinder*, qualia statuta vt iniusta et irrationabilia non esse admittenda, dicit *CARPZ. d. def. 236. n. 15.* Sed rectius *LAVTERB. colleg. D. lib. 1. tit. 6. §. 25.* vt et *RENNEM. iurispr. R. G. M. I. D. 43. th. 16. lit. C.* laudant ac probant.

§. XLIV. Plura adhuc obseruanda supererant discrimina, quia latissimus est conclusionum campus in hac doctrina valde practica vsuque frequentissima, sed modus sit rebus; claudendi hic tandem riui: sat prata biberunt. Arbitror enim, me satis superque ostendisse, erroneum esse dogma a plurimis assumtum, *sponsalia pura esse ipsum matrimonium*, quem finem tota hæc præsens meditatio sibi propositum habuit, et vt puto, obtinuit feliciter.

CLARISSIMO  
DN. CANDIDATO  
HENRICO BENDELEBEN

S. P. D.  
P R A E S E S.

Obtulisti mihi dissertationem a Te magna cura elaboratam, et quamuis eam censuræ meæ examini-que subieceris, ita tamen illam elaboratam, exornatamque variis rerum argumentis deprehendi, vt non potuerim non Tibi auctor fieri, quo hoc Tux industriæ documentum publico examini subiiceret, et defensionem Tui laboris susci-  
peres,



peres, id quod nunc quidem præstare cogitas studesque. Verrimam messem Te fecisse observaui, quod indicium præbet, Te quoque bene seuisse. Matrimonii et sponsaliorum iura diuersa explicas, et si dum distinguis, quæ alii confundunt, bene doces, prudenter agis, et optime sapis. Est enim prohi dolor! hic morbus inueteratus, ut, quæ in quibusdam conueniunt, similesque in nonnullis habent effectus, mox pro iisdem habeantur, et temerarium ab vno ad alterum ducatur argumentum, id quod non potest non rerum veram faciem corrumpere, indolemque adeo immutare, ut tandem pro Iunone nubem accipiant. Quid praxin consistiorum magis infecit, quam persuasio hæc vulgata, sponsalia esse ipsum matrimonium? ecquid rei nostræ magis obfuit, nocuitque, quam auctoritas eorum, qui ima summis miscuerunt? Refert ergo magnopere, ut quæ errore vel casu confusa et involuta sunt, euoluantur, et suum cuique tribuatur, quod iuris præceptum fundamentale est. Qui attento studio meditationes Tuas, quas præsentis dissertatione inaugurali publico exhibes, intuetur, facile deprehendit, Tibi nihil magis curæ cordique fuisse, quam ut hoc, quod laudaui, præceptum, in vsum traheres, et id, quod sponsalibus tantum debetur, tribueres, illud vero, quod inique eis est tributum, quod vnice matrimonio debetur, eis subtraheres, et ita addendo, subtrahendo, multiplicando et diuidendo veras inires rationes. Calculus, quem subduxisti, optimus est, Tibi salutaris, familiæ Tuæ splendidae honorificus, et publico utilis. Hac de causa mihi deesse nolui, quin Tibi tum de exantlatis feliciter laboribus academicis, tum etiam de præsentis eruditionis Tuæ documento eiusque præmio, Tibi mox a facultate nostra impertiendo, ex animo gratularer, meque,

quem

quem inter alios quoque Tuorum studiorum ducem elegisti,  
Tuz amicitiz et fauori commendarem. Vale. Dab. d. 23.  
Maj. 1718.

## EXERCITATIO LX.

AD LIB. XXIII. PAND. TIT. II.

DE

COMMVNIONE AERIS  
ALIENI

INTER

## CONIVGES HAMBVRGENSES.

OCCASIONE INPRIMIS STAT. HAMB. P. II.  
TIT. V. ART. X. ET XI.

## ARGVMENTVM.

- I. Statuta de aere alieno pro coniuge soluendo improbata  
Doct̃oribus. II. Communio bonorum inter coniuges ad-  
versa statui connubiorum apud Romanos, III. sed con-  
grua connubiis Germanorum. IV. V. Eius probationes  
et reliquæ iniuribus particularibus Germanicæ. VI. Eius  
rationes ex moribus Germ. repetitæ, VII. aduersæ mo-  
ribus Romanorum, nec ideo ex his explicandæ. VIII. Sen-  
tentia DD. de interpretatione statutorum ex iure Rom.  
IX.*

IX. Principia doctrinae de communione bonorum commu-  
 biali. X. Argumenti ratio. XI. Communio bonorum in-  
 ter coniuges vel absoluta vel secundum quid talis. XII. Haec  
 subinde ad acquæstum conjugalem adstricta. XIII. Sta-  
 tuta eo pertinentia. XIV. XV. Notatur Lauterba-  
 chius eandem ex principiis societatis quæstuarie expli-  
 cans. Ius plicatae manus. XVI. XVII. Speciales Lau-  
 terbachii rationes excussæ. XVIII. Communio omni-  
 moda ex rationibus iuris Hamb. evicta. XIX. Ex ea  
 descendens communicio aeris alieni inter coniuges Hamibur-  
 genses. XX. Differentia inter communionem absolu-  
 tam et restrictam ratione aeris alieni agnoscendi. XXI.  
 XXII. Ius Hamburgense antiquum et novius in hoc ar-  
 gumento. XXIII. XXIV. Divisione facta an maritus  
 ex ære alieno uxoris in solidum teneatur? XXIV. An  
 uxor ex debito mariti? XXV. Quid secundum ius Ham-  
 burgense statuendum? XXVI. An Coniugi omne æs a-  
 lienum solvendi regressus competat aduersus eos, cum  
 quibus bona communia diuisa sunt? XXVII. de com-  
 munione aeris alieni, moto concursu. XXVIII. XXXII.  
 Explicatur ius Hamburgense. XXXIII. Consummato de-  
 mum matrimonio per thalami consensionem oritur com-  
 muniono aeris alieni. XXXIV. Variæ inde deductæ con-  
 clusiones. XXXV. Aes alienum stante matrimonio  
 contractum supponitur: quorsum et multa pertinet.  
 XXXVI. Diversa ratio confiscationis bonorum.  
 XXXVII. Quænam sint debita matrimonialia?  
 XXXVIII. Ad ea non pertinent debita quorum dies vel  
 conditio existit secutis nuptiis. XXXIX. An discrimen  
 faciendum inter debitum sociale et non sociale? XL. Mo-  
 to concursu ob debita ante matrimonium contracta, uxor  
 illata

petit. *XLI. Ius coniugum pactis dotatibus a communi-  
one recedendi.*

## §. I.

*Quidam sta-  
tuta dam-  
nant, quae ob-  
ligant con-  
iuges ad as-  
alienum pro  
coninge sol-  
uendum.*

**A**utor est MEVIVS *Part. III. Decif. 123.* in dubium vo-  
catum fuisse, vtrum statutum, quod vxorem *ad as*  
*alienum mariti soluendum* obligat, vires habeat, vt secun-  
dum illud vxor. condemnari queat, si veb maxime omnibus  
bonis eo ipso exuatur? Vxor enim in prima instantia condem-  
nata ob debita prioris mariti, iustum se habere grauamen  
inde existimabat, quod statutum eiusmodi *impium, iuri di-*  
*vino et humano contrarium*, et ideo *inualidum* censi debet-  
ret, atque haud obseruandum. *conf. HARPRECHT in consult.*  
*conf. 97. n. 26. sqq.* Qui in hanc inciderunt haresin,  
iuris Romani sententia adeo inescati sunt, vt quicquid ei re-  
pugnat, *impium*, et quod eius principiis non respondet, in-  
validum atque non ferendum esse existimauerint. Animad-  
verterunt, Romanos admodum fauisse dotibus vxoris, atque  
constituuisse, *Reipublicae interesse, mulieres saluas dotes habe-*  
*re, propter quas nubere possunt, L. 2. D. de iure dot.* indeque  
dotium causam semper et vbique praecipuam esse, quod, vt  
ait POMPONIVS in *L. 1. D. soluto matrimo. publice intersit,*  
*dotes mulieribus conseruari, quum dotatas esse feminas ad so-*  
*bolem procreandam, replendamque liberis ciuitatem, maxime*  
*sit necessarium.* Quoniam vero vxor dote omnibusque cete-  
ris bonis exuitur, si mariti *re alieno prae-grauata*, illud ex  
suo patrimonio soluere cogitur, tale subire videtur infortu-  
nium, quod in vniversam Remp. redundat, salutique Reip.  
admodum aduersatur, quo iure nihil iniquius excogitari pos-  
se iudicatur. Quocirca olim ne quidem pacta valebant, quae  
cau-

causam dotis deteriore reddebant, *L. 2, L. 6. D. de pactis dotalibus*, *L. 14. L. 17. eod.* cuius consequens esse videtur, vt nec consuetudo nec statutum, dotibus tam infensum, valere possit, quod *statutum* et *pactum* pari passu ambulare dicantur. RAVCHBAR. *P. 1. qu. 36. n. 1.* Et quia ad minimum ex his adductis rationibus quaestio dubia est, aiunt dissidentes, in dubio et ambiguis pro dotibus esse respondendum, *L. 70. D. de iure dot. L. 85. de reg. iur.* vt hæc salua subsistat. Accedunt alia ratiunculae, quæ iuris naturæ et diuini præceptum præ se ferre videntur, videlicet neminem ex alieno contractu obligari nec alterius facto prægrauari: nihil iniquius esse, quam eum exspoliare bonis, qui consensum suum æri alieno non dedit: ideo cautum esse, vxorem pro marito non obligari, nec vice versa, *L. 1. Cod. ne vxor pro marito*; adeo vt si coniuges se in eodem instrumento *principales debitores* constituerint, magis tamen maritus tantum contraxisse credatur, vxor vero ob beneficium S<sup>C</sup>ti Velleiani immunis sit, vtpote quæ magis intercessisse, quam principaliter contraxisse dicitur. *Auth. si qua cod. ad S<sup>C</sup>rum Velleian.* quod plenius illustrat HÆSER *de commun. bonor. P. II. loc. 23. n. 48. sqq.*

§. II. Notiora hæc sunt, quam vt vberiori explicatione indigeant, quæ sola iis placent, quibus iura patriæ nauseant, et nil eruditum et iustum esse videtur, nisi quod Romanam antiquitatem referat, vt ZIEGLERVS *de præd. censit. rural. §. 20.* eiusmodi obiectiones in genere redarguit. Habuerunt matrimonia apud quascunque gentes peculiares rationes; adeoque fieri non potuit, vt eorum iura ubique essent eadem. Alius fuit connubiorum status apud Romanos: alius et longe diuersus apud Germanos: quid, quod

*Status connubiorum Romanorum tale ius non admittit.*

sub republ. *regia et populari* Romanorum coniugia longe diuersam conditionem ab illa habuerint, quæ postea sub Imperatoribus iis data est. Ab vrbs conditz primordiis coniugii inseparabilis vinculo coniuges ligabantur: vxor erat in manu viri, vt filia in potestate patris: diuortia prorsus incognita; demum anno V. C. 523. inusitato quodam exemplo introducta teste GELLIO *lib. XVII. cap. XXI.* quicquid inferebat vxor et acquirebat constante matrimonio, mariti erat, et ita *per indirectum* eueniebat, vt etiam vxor ad æs alienum defuncti mariti soluendum teneretur, vti filia patris debitis prægrauabatur, quia vtraque erat *sum et necessaria heres*, teste VLPIANO *tit. XXII. fragm. §. 17.* Ast sub imperatoribus fere desierunt vxores in manu viri esse, nouo contrahendi connubia introducto modo, et antiquo rarius in vsum deducto, quo ipso contingebat, vt noua iura circa dotem aliaque bona vxorum constituta fuerint, præsertim quod nexus coniugalis admodum iam laxatus, et per abusum diuertendi licentia nimium extensa fuisset. In tali *statu connubiorum nouo* consulendum erat feminis, vt dotes saluas haberent, nec obruerentur ære alieno mariti. Neque enim bona in domum mariti illata patrimonium vxoris esse desinebant, quæ adeo non communicabantur marito, vt etiam dos vxoris esse diceretur, *L. 75. D. de iure dot. et vxori quoque possessio adhuc salua relinqueretur. L. 15. §. 3. D. qui satisd. cog.* Censuit quidem PLUTARCHVS *tom. II. quæst. Roman. p. 265. viri et vxoris omnia debere esse communia* et MODESTINVS in *L. 1. de R. N.* adscripsit nuptiis consortium omnis vite ac diuini et humani iuris communicationem, quæ ipsam bonorum communionem designare videtur, æque vt GORDIANVS in *L. 4. cod. de crim. expil. hered. vxorem sociam rei humane atque diuine domus appellat.* Ast sicuti hæ locutiones



tiones matrimoniis iuxta *leges antiquas* contractis propriæ erant, et a Ictis atque Imperatoribus repetitæ, quod eorum usus non prorsus defuisset, et simul status eorum connubiis magis convenire crederetur; ita palam est, matrimoniis, *solo consensu* initis, quibus status vxorum non mutabatur, *veram bonorum communionem* defuisse, adeoque inde fluxisse conclusionem, vxorem æri alieno mariti haud obnoxiam esse.

§. III. Longe diuersam naturam habuerunt Germanorum connubia ab vltima eorum notitia, adeo vt sicuti coniuges vna caro sunt, vnumque quasi corpus constituunt, ita Germanis nihil æquius, nihilque conuenientius visum fuerit, quam vnum et indiuisum assignare coniugibus patrimonium, vt vtrique æquale ius in solidum in collatis et acquisitis bonis competeret, et ita etiam vtriusque æs alienum confunderetur. Atque eiusmodi matrimoniorum statum longe præferendum esse lubrico atque admodum fragili Romanorum connubio, secundum leges recentiores effigiato, facile agnoscunt, qui sedulo perpendunt, eiusmodi bonorum communione *promoueri amorem et industriam coniugalem*, dum communia communi studio curant ex spe communis lucri: multa præpediri iurgia, quæ ex discrimine mei et tui inter coniuges assidua, periculosa tamen et indecora: tandem et mercimoniis plurimum proficere, quæ facilius ex communibus coluntur, discretionem autem bonorum inter lites et interuentiones domesticas magis impediuntur, imo et exteras alliciunt, ubi tutiorem mercaturam ex communi industria, periculo et commodo coniugum non frustra sperant, nec interuentiones muliebres ratione bonorum suorum metuere coguntur, vt cum MEVIO ad ius Lubec. P. I. tit. 5. art. 5. n. 11. sqq. rationes subducit FISTER-

*Diferfus status connubiorum Germania.*



in quibus ob  
communio-  
nem bonorum  
coniugum de-  
bita confun-  
duntur.

WALDER in obseru. pract. lib. IV. obs. 6. n. 42. seqq. in compendio totam causam complectitur IUSTVS VERACIVS in consuet. Bambergens. P. 2. qu. 1. 2. seq. cuius verba, illustrationi huius materiae admodum inferuentia, adduxit DALLVDEWIG diff. de success. coniugum et diffort. lib. diff. 2. lit. II. quæque ex eo in rem meam huc trahere e re erit: Communio bonorum inter coniuges longe aliter hic accipitur, quam apud Romanos eorumque in societate et de communi diuidenda et herciscundæ familiæ iudiciis. Hic enim reuera diuisa est res, et nemo possidet eam in solidum; sed coniux Germanus quivis totius patrimonii utrobique confusi est dominus, et quæ uxoris fuerunt, iam et mariti sunt, atque contra, etc. Inde post pauca pergit: Ceterum superstes tenetur saluare matrem et æs alienum, quod coniux alter contraxit quocunque nomine et causa, quamuis superet alteram partem. Vnius enim dominium fuerat idem, quam alterius et cuiusque in solidum.

Communio-  
nis  
antiqua va-  
ria supersunt  
documenta.

§. IV. Loquuntur adhuc leges antiquæ populorum Germaniæ, diplomata, chartæ, et alia varia antiquitatis documenta, vnum inter coniuges indiuisumque fuisse patrimonium sine vlla distinctione bonorum, quam ius Romanum in foro suo obseruauit. Testes sunt tot statuta locorum, leges prouinciales Germaniæ, et mores vbique adhuc obuii, nec hodie communionem bonorum inter coniuges vbique sepultam et per iuris Romani usum deletam et extinctam esse, ex qua adhuc plura rudera etiam iis in locis supersunt, in quibus ius Romanum principatum tenere videtur. In iure Saxon. Prouinc. lib. 1. art. 31. hæc generalis iuris antiquissimi regula traditur: Mann und Weib haben nicht gezwungen Guth zu ihrem Leibe, quæ quid aliud innuit, quam coniuges vnum

ut ius Saxon.  
nic.

et

et indiuisum communi iure possidere patrimonium, quamdiu viuunt? Vno eorum extincto diuisio instat, vnde certa pars ex bonis communibus superstiti debetur; imo liberis deficientibus, vniuersa substantia bonorum ei debetur, quod *antiquae communioni bonorum* admodum conforme est, adeo vt Saxo potissimum de iure *Saxonico*, quo certa partitio iam erat recepta, loquatur in verbis zu ihrem Leibe. Huc etiam collineant sequentia: *ex cit. art. Kein Weib mag auch ihres Guths nichts vergeben ohne ihres Mannes Willen, daß es durch Recht leiden darff.* Idem in iure *Sueuico* c. 10. iuxta *edit. SCHANNATTI* et c. 271. iuxta *Bergerian. edit.* repetitum est, adiecta hac notabili in codice Bergeriano appendice: *Noch ein Mann ohne seines Weibes Willen, i. e. bona alienare potest.* Id enim postulat ratio *communis et indiuisi patrimonii*, vt neuter absque assensu alterius inde quid donare vel erogare possit, ne ius alterius in re communi laedatur. In Saxonia id attribuunt *usufructui*, quem marito in bonis vxoris largiuntur, indeque inferunt, in eius prauiudicium nihil fieri posse; haud cogitantes, non soli vxori facultatem alienandi ademtam, sed etiam eandem marito interdictam; praeterea marito ius percipiendi redditus deberi non iure *ususfructus*, sed ex *bonorum communione*, adeoque *usufructum* hic concipi non posse in sensu iuris Romani, qui aequae in re tali communi ac in propria exulat. Aequae incommode *usufructum maternum statutarium* fingunt, de quo *speciali tract.* egit B. HARP RECHT, qui itidem proprie dictus *usufructus* non est, sed ius, quod matri, defuncto marito, in *bonis communibus*, quibus cum liberis suis incumbit, competit, postquam cum liberis indiuisum patrimonium continuat, de quo infra agendum est. Hæc qualitas vnice alienationi obstat: hanc antiqua diplomata in ipsis rerum argu-

ex tali quali-  
tate bonorum  
singulis inter-

*dicta aliena-  
tio.*

mentis agnouerunt, quibus *traditiones* donationesque in ecclesiis aliaque pia loca facta sunt. Etenim vel *communi* utriusque coniugis nomine et sub formula *coniuncta manu, communibus manibus*, donationes conceptæ sunt; vel si principaliter maritus eas fecit, clausula: *cum consensu uxoris meæ*, sunt corroborata, uti quam plurimis *traditionum antiquarum* formulis probatum dedit Dn. PRAESES *dissert. de statu antiq. et hod. donat. inter vir. et uxorem circa finem.*

*usus iuris antiqui adhuc amplissimus est.*

§. V. Neque vero credendum est, hæc, quæ allata sunt, tantum imaginem veteris Germaniæ repræsentare: aliis hodie legibus eam informatam esse, solisque Romanis viuendum esse legibus. Etenim ut de iure Hamburgensi nihil iam dicam, de quo mox speciatim agendum; conclamatum est, affinia loca pariter adhuc communionem hanc colere sanctissime, eamque in ciuitatibus *Lubecensi, Luneburgensi, Hildesienfi, Bilefeldensi, Mündensi*, aliisque Westphaliæ locis in viridi esse obseruantia. In ducatu *Württembergico* pariter eadem obtinet, teste iure eiusdem *prouinciali*, imo ferre per vniuersam *Sueuiam* atque in omnibus ciuitatibus imperii, ut iura *Norica, Francofurtana, Mulbusana*, cetera, testantur. vid. B. de LYNCKER *de acquæst. coniug.* Inprimis euidentissima et sincera iuris antiqui rudera deprehendi in *statut. Mulbusanis lib. IV. art. 20. §. 1. et 2.* kommen zwei Personen ohne Kinder zusammen in rechter Ehe, und erzeugen in derselben Ehe Kinder mit einander, stirbt alsdann derselben Ehe-Leute eines, so behält das überbleibende die väter- und mütterliche Gewalt (quæ iure Romano non datur) über die mit einander erzeugte Kinder, und bleibt ein Herr aller Güther, welche sie beyde nach der Einsegnung oder priesterlichen Trauung und beschrifttenen Ehe-

Seite

Bette mit einander zusammen gebracht, erworben, erworben und besessen haben. Und haben die Kinder keine wirkliche Anfordrung an solchen Güthern, so lange der überlebende Vater oder Mutter am Leben und im Wittwen-Stande bleibt &c. Quodsi diuisio facienda, iuris huius ratio postulat, vt debita ex communibus bonis soluantur, quod §. 16. prouisum: Vor allen Dingen aber, ehe dann solche Theilungen vorgenommen werden oder geschehen, sollen beyderseits Ehe-Leute Schulden aus denen gesammten Güthern gezahlet werden. Conf. *Lib. IV. art. 21. §. 1.* speciatim vero *lib. III. art. 6. §. 1.* de hac communione hæc lex generatim scripta est: Wann zwei Personen sich mit einander verehlichen, was sie alsdann beyderseits in die Ehe an Heyraths-Guthe oder sonsten bringen, was ihnen auch in stehender Ehe aufstirbt, oder sie mit einander erwerben, solches alles ist, so lange die Ehe währet, beyden Eheleuten auf gewisse Weise gemein. Ex quo principio in *art. seq.* plura speciatim constituta de eo argumento, quod secundum ius Hamburgense explicare constitui, de quo infra. Iure statutorio *Coloniensi* adeo communio bonorum retenta est, vt *P. II. statut.* qua continetur der Stadt Cölln alte Rechte *art. 37. p. 61.* de aris alieni communione ita cautum sit: Welche Schuld ein Mann besonder macht, oder der Mann mit dem Weibe sämtlich machen oder gemacht hätten, dieweil sie bey einander als Ehe-Leute sitzen, geraht und geruhet, unterscheiden und ungetheilet, die Schulden sollen sie von ihren Güthern zusammen bezahlen. In *ducatu Slesuicensi et Daniae* regno uxorem rerum omnium sociam esse obseruat CYPRAEVS de iure connub. *C. 5. §. 14. n. 4.* Pariter HENELIVS de commun. bonor. *p. 493.* ex Wenceslai episcopi Wratislauiensis *Ord. eccles. art. 3.* communionem in *Silesia* obseruat atque expli-

explicat. In *Marchia, Saxonia*, ducatu *Magdeburgico* plurimæ itidem occurrunt reliquæ ex veteri *communione*, quæ licet per varias iuris Romani doctrinas infectæ sint pedetentim, evidens tamen est, sanum de iis iudicium ferri non posse, nisi iuris antiqui principiis assumtis. De variis aliorum populorum scitis, communionem bonorum in societate coniugali confirmantibus, agit LAMBERTVS GORIS *tr. i. aduers. iur. subcis. C. i. n. 13. seqq.* speciatiq. docet, coniuges *Bruxellenses, Mechlinenses, Leodieneses, Louanienses, Namurcenses, Geldrienses* et alias in *communione bonorum* vivere, quod etiam speciati. illustrant ABRAHAMVS A WESEL *de connub. bonor. societ. tr. i. n. 6. sqq.* et LAVTERBACH *diff. de societ. bonor. coniug.* Et infinitum foret, omnium locorum prisce iuris vestigia referre, quæ inprimis in hodierna successione coniugum sese produnt, ubique fere ex bonis coniugum communibus facienda.

Fundamen-  
tum huius  
communio-  
nis ex Tacito il-  
lustratur,

et moribus v-  
xorū Ger-  
maniae diuer-  
sis a moribus  
Romanis.

§. VI. Fundamentum huius iuris tot populis commu-  
nis evidentissime suo tempore tradidit commemoravitque  
TACITVS *de mor. Germ. aiens: ipsis incipientis matrimonii  
auspiciis admonetur mulier, venire se laborum periculorumque  
sociam, idem in pace, idem in prælio passuram ausuramque,  
hoc iuncti boues, hoc paratus equus, hoc data arma denunci-  
ant.* More diverso Romanorum vxores vivebant: sociæ pe-  
riculorum laborumque non erant: onera domestica atque  
matrimonii soli marito incumbabant, vt fere vxor procrean-  
dorum liberorum causa duntaxat haberetur, non laborum  
communium, a quibus abhorrebant. Nullo itaque iure pete-  
re poterat partem ex *acquæstū coniugali*, marito proprio, quod  
is eum suis laboribus acquisivisse præsumeretur, et vxores  
ab operis marito præstandis alienissimæ essent. *L. 46. de oper. libert.*



libert. Discrimen hoc etiam obseruat FICHARDVS tom. II. consil. 138. n. 4. et illustrat B. de LYNCKER de acquis. coniug. §. 12. in fin. his verbis : *hodie propter communia lucra sunt prorsus aliter uxores in domo mariti constitutæ, ex consuetudine patriæ, ex ordinationibus et statutis: non propter solam prolem, siue generationem liberorum, sed mutuum quoque auxilium in acquisitione coniugali. Romani solam restituebant dotem ad onera sustinendi matrimonii concessam: Germani præter dotem ex matrimonio questum uxori tribuunt propter communia onera et commoda. Quocirca quicquid hoc rerum statu reperitur in domo defuncti mariti, commune censetur, communi labore acquisitum, nec si quid forsitan vxor seorsim possidet, vllam suspicionem mali acquiritus habet, quem tanquam sociam domesticarum curarum et laborum acquisiuisse præsumitur. Aliter Romanorum res domesticæ se habebant. Uxores ad augendum patrimonium parum conferebant, nisi vel ex hereditatibus vel ex donis, vel alia prospera fortuna quid eis obueneret. Difficultas ergo sæpe obue niebat: vnde aliquid ad vxorem peruenisset, quod nihil vel parum suis laboribus acquireret? Censuit Q. MVTIVS verius et honestius esse, quod non demonstratur, vnde habeat, ex æstimari a viro, aut qui in potestate eius esset, ad eam peruenisse, quod declinandæ et auertendæ suspicionis causa, ne ex turpi questu id acquisiisset, probatum est iuxta L. 51. D. de donat. int. vir. et vxor. Nunquam forte de titulo hoc solliciti fuissent Romani, nec tam sinistram concepissent suspicionem contra uxores, si rebus domesticis augendis æqualem cum maritis impendissent operam, vti quidem Germanorum sociæ thori et laborum. Commune aut vulgatum erat Romanis, quod*

*Romanorum uxores, quicquid habebant, a marito accepisse videbantur.*

quæ habet parta, ei haud commodi est, quin viro aut subtrahat, aut stupro inuenerit: hoc viro censeo esse omne, quicquid tuum est.

Nec amplius  
secundum mo-  
res antiquos  
integriores vi-  
uebant.

quos Columel-  
la depingit.

Equidem COLUMELLA, qui tempore CLAUDII floruit, lib. XII. de re rustica longe æquius de moribus Romanarum mulierum ferre videtur iudicium, diuersumque plane testimonium aiens: apud Græcos et mox apud Romanos usque in patrum nostrorum memoriam fere domesticus labor matronalis fuit tanquam ad requiem forensium exercitationum, omni cura deposita patribus familias, intra domesticos parietes se recipientibus: erat enim summa reuerentia cum concordia et diligentia mixta, flagrabatque mulier pulcherrima diligentie emulatione, studens negotia viri cura sua maiora atque meliora reddere: nihil conspiciebatur indiuiduum, nihil quod aut maritus aut femina proprium esse sui iuris diceret; sed in commune conspirabatur ab utroque, ut cum forensibus negotiis matronalis sedulitas seruaret industrie rationem. Ni me omnia fallunt, refert COLUMELLA atque repræsentat vxores antiquo more viuentes, vel potius de præterito tempore non de suo loquitur. Quamdiu vxores erant in manu viri, omni exclusâ diuortiorum licentia, seseque temperabant ab omni luxuria, ut ne quidem sub periculo capitis iis vinum bibere fas esset, nihil conspiciebatur indiuiduum, et in communi conspirabatur ab utroque, ut COLUMELLÆ verbis utar. Ast his defierant moribus dudum viuere eo tempore, quo CLAUDIUS vixit, quod IUVENALIS aliique coxui scriptores, mores vxorios grauitè notantes, passim testantur. Quæ causa est, quod de operis vxoris tam rara in iure nostro appareant femina, licet interpretes commentaria sua hac doctrina impleant, aliena iis interniscentes, et quæ domi geruntur, ad ius Romanum trahentes.



§. VII. Non ergo mirandum est, hos diuerfos Romanorum a Germanis mores diuersa plane produxisse iura, quæ adeo ab omni communione abhorrent, vt etiam *acquæstus coniugalis* plane iis incognitus sit, nec de diuidendo lucro *communi*, prout alias societatis et communionis iura postulant, aut de ære alieno ex bonis his soluendo quicquam cavere potuerint. His principiis tantum hodie innutritis plane incongruum atque iniquum visum fuit, vxoris bona pro mariti debitis hasta subicere, eamque ob hoc æs alienum excutere, adeoque vel iura, hanc *æris alieni communicationem* inducentia, damnant, vel irregularia, particularia, exorbitantia atque ita comparata esse censent, vt ad regulam in foris Germania trahi nequeant. Ob oculos sibi ponunt illud CASSIODORI *lib. IV. ep. 10.* *His multo acerbiora iungen-tes alienis debitis ad solutionem alias trahi, solamque causam probabilem videri, si aliqua debitori potuit in ciuitate coniungi.* O iniquum persuasionis errorem! Diuiduntur causæ germanis. Filius obligationi paternæ, si non sit heres, exuitur. Vxor maritalibus debitis, nisi per successionis vincula, non tenetur. Et audacia ad solutionem trahit extraneos, cum absoluant iura coniunctos. Quocirca statuto particulari tale quid adscribunt, quo nomine ius mere particulare locorum paucissimorum designant, quod a regula, a iure communi deuiet. Ita enim §. 1. concepta est quæstio proposita, *utrum tale statutum, quod vxorem æri alieno subicit pro marito, valeat?* Enimuero nimius erga ius Romanum amor, atque inueterata opinio, quod id vnice regulam in Germania constituat, effecerunt, vt quæ ex genuinis antiqui iuris principiis passim per totam Germaniam adhuc supersunt, ad *statutaria et localia* iura, h. e. ad *exceptionem* referantur, et sub hac incommoda appellatione eorum autoritas atque obseruantia hoc

Ergo Romano-  
rum uxores  
acquæstum  
coniugalem si-  
bi asserere non  
potuerunt.

adeoque hodie  
Ici statutus  
particulari-  
bus talia iura  
attribuunt.

quod repro-  
bandum est.

modo supprimatur. Commune fere effatum ICtorum est: *ne uxor pro marito, nisi statuto recepta fuerit bonorum communio*. Accuratius, me iudice, et conuenientius rationes subducerent, qui in Germania iura tradentes regulam inuenterent asserentes: *regulariter uxor pro marito, nisi conslet, ius Romanum certo in loco communionis bonorum principia deleuisse*. Sunt enim *leges prouinciales* atque *statuta singulorum* fere Germaniz locorum nihil aliud, quam iurium antiquorum Germaniz conseruatio, non nouiter assumpta vel introducta, sed contra iuris Romani inualescentis usum vindicata et asserta. Atque hæc in nulla alia re magis conspirant, quam in *communione bonorum coniugali*, quod arguit, omnia ex communi similiue fonte eadem manasse. Quodsi ergo a *potiori* facienda esset regula, et ex usu frequentiori per Germaniam de quaestione §. 1. allata iudicium ferendum, dicendum foret, regulariter in Germania uxorem teneri ad res alienum mariti soluendum, et *in dubio* secundum eam regulam pronunciandum esse, nisi constaret, ius Romanum in certo loco communionem bonorum funditus sustulisse. Id suadet præsumptio pro *iuris domestici* obseruantia, id confirmat tot locorum et prouinciarum conspiratio et iuris eiusdem conformitas. Sed quia hoc per diuturnum temporis tractum in academiis neglectum, et *ius Romanum* vnice traditum est: inde ex eo *pro regula* assumptum est: *ne uxor pro marito*; contrarius autem usus mira metamorphosi statutis particularibus adscriptus.

Inde ius statutarium stricte accipiendum esse deducunt.

§. VIII. Produxit videlicet hæc hypothesis nouam iurium sed inconcinnam interpretationem, ut, quia quæ *iuris Germanici antiqui* principia genuina continent, statutis particulariter receptis adscripta sunt, constituerent, hæc *stricte* et

et ita explicanda esse, ne nimium ab usu *iuris Romani* recedant: ius Romanum, utpote *regulam* ubique præferendum, adeo, ut in quibus talia *statuta* ab eo deuiant, quantum fieri potest, ex eo *suppleantur, explicentur, restringantur*. Ita et ex iure Romano explicandum. quando ex communione bonorum retenta, vxor pro marito defuncto soluere tenetur, id intelligendum esse aiunt, salua *electione* vxoris, ut ei integrum sit, successioni statutariz renunciare, receptis illatis, seque hoc modo liberare à solutione æris alieni pro marito. Hanc *electionem et facultatem* renuncian- di iuri Romano congruam esse censent, quo permissum est, solu- to matrimonio repetere dotem et reliqua illata, et *successioni delatæ* renuntiare, si hæc magis oneri quam commodo fore videatur. Sic in *constit. Marchica von Erb-Fällen zwischen Ehe-Leuten*, quæ ex intima iuris Germanici prudentia tracta est, assignatur coniugi superstiti *dimidia communium bonorum* cum hac appendice: *Geboch soll erstlich Dienst, Lehn und Schuld aus gemeinen Guth bezahlet werden*, unde liquet, *communione* in Marchia ab antiquo obtinuisse, cuius con- sequens est tum *solutio æris alieni*, tum *dimidiæ partis vindicatio*. Quid ergo si præmoriens relinquat grande æs alienum, an superstiti licet sua repetere et dimidiam repudiare? Id *communioni* e diametro repugnat, quæ non demum incipit tempore *mortis*, ut quidam fingunt, sed durante matrimo- nio obtinuit (quomodo enim communio incipere potest, cuius fundamentum morte sublatum?) adeoque obstringit con- iugem simpliciter ære alieno contracto, adimitque faculta- tem repetendi illata, quæ semel *communis* facta, et in vnum cum defuncti bonis patrimonium conflata et redacta sunt. Nihilominus SCHEPLITZ *ad consuet. March. P. III. tit. 4. qu. 3.* et KOHL *ad constit. March. qu. 5. n. 1.* repetitionem illa- torum vxori concedunt in fraudem creditorum, quod *hic*

*quod illustratur exemplo.*

casus in constitutione omissus decidendus sit ex iure communi, quod optionem ei, cui hereditas defertur, concedit, pro libitu eam adeundi vel repudiandi, vt KOHLII verbis ipsissimis vtar. Addit in sequentibus varia alia scita iuris Romani de iure dotium, quæ tamen vbi communio bonorum viget, plane incongrua sunt. Ita ineptissime ius, cum iure Romano prorsus repugnans, ex iure Romano explicatur, et propriis principiis neglectis, aliena assumuntur. Concedo etiam iure Germanico integrum esse repudiare *hereditatem*, et ita a solutione æris alieni se liberare. Enimuero 1) vxor dimidiam vindicans proprie non succedit, sed iure *diuisionis* ex antiqua durante matrimonio exercita communione eam capit: 2) si hanc dimidiam repudiat, nihil repetit, quia illata communibus bonis insunt, et postquam cum mariti bonis semel ipso iure *communicata* atque *confusa* sunt, propria vxoris esse desierunt, quia contradictionem inuoluit, aliquid *proprium* et simul *commune* esse: 3) iure *communione* adstringitur vxor ære alieno mariti, nec se salua iuris ratione ab eo liberare potest, si vel maxime *dimidiæ* renunciat in fraudem creditorum, et sua (vel quæ quondam *sua* fuerunt, non vero amplius sunt) repetit, id quod iuris Germanici fundamenta non permittunt. Quia vero hæc plane neglecta, et in materia, iuri Germanico vnice propria, aliena principia assumpta sunt, non potuere non plures erroneæ conclusiones inde sequi, quæ *usus forensis* autoritate contra *L. 39. de leg.* firmantur, quod errores vt plurimum magis quam veritatis fundamenta foueantur. Qua de causa etiam a plurimis Marchicis ICTis negatum fuit, *communione* inter coniuges constante matrimonio locum esse, vti liquet ex traditis KOHLII *cit. loc. qu. 2. n. 3.* B. STRYKII *de success. diff. IV. cap. 3. §. 36.* aliorumque, quibus tamen aperte reclamatione prædicta, eiusque dispo-

dispositio von gemeinem Guthe, qua conclusiones ex ipsa *communione* intima ratione deductæ continentur; quibus positis probatis aut assumtis, non potest absque cauillatione negari *communio*. Quomodo enim de *bonis communibus* et eorum diuisione quid disponi potuisset, nisi legislator supposuisset, in Marchia æque vt in variis Germaniæ prouinciis inter coniuges bona esse communia? Effectus testatur de causa, et ἀπορον est, illum admittere atque hunc negare. In hanc scyllam nunquam incidissent interpretes, si doctrinam iuris Germanici ex suis propriis explicassent principiis, alienis repudiatis, nec supposuissent, in hac doctrina *regulam et ius commune* esse iuris Romani scitum: *ne uxor pro marito*; ius *particulare* vero et *exceptionem* in contrario iure ex legibus Germanorum deducto contineri. Hoc posito sequentes flosculi in promptu fuerunt: *Quoniam statutum ius commune supponit, indeque deficiente statuto ad ius commune recurrendum est, tanquam ad thesaurum, in quo omnia decisa reperiuntur, siue positiuo siue vniuersali iure, quæ statuto aliter expressa non sunt; ideo quam minimum a communi iure censetur recessum esse: imo et statutum recipit interpretationem a iure communi, et debet statutum cum iure communi reduci in consonantiam, quantum fieri potest, et vt minus illud corrigat, quamvis verba in hunc finem impropriari oporteat.* Tracta hæc sunt ex tract. B. LYNCKERI de *statutis ciuitat. prouincial. §. 35. n. 1. sqq.* quæ ita comparata, vt virtute illorum peregrina domesticis misceri et iuris patrii scita ex iure illi contradicente obscurari, turbari et corrumpi debeant. Vnde enim tanta diuersorum principiorum mixtura et tam læta *foresum contradictionum* leges ortum traxit, quam ex præiudicio hætenus notato, repudiato atque destructo? Desino vero, plura addere, vt eo citius scopum attingam.

*Communis  
sententia in-  
terpretum de  
interpretatio-  
ne iuris sta-  
tutarii.*



Ex hactenus  
dictis princi-  
pia adequata  
promittuntur.

§. IX. Concludo ergo ex eis, quæ dicta sunt, 1) communione bonorum inter coniuges fuisse olim *ius commune* per Germaniam, Galliam, aliasque prouincias: 2) eandem tamen prorsus cum iure Romano eiusque principiis pugnare: 3) huius iuris usurpatione non obstante in plerisque locis, ciuitatibus, prouinciis, agris *ius antiquum commune* de *communione coniugali* retentum et propagatum fuisse: 4) dubia et quæstiones circa hanc doctrinam obuinentes ex *iure proprio* explicanda esse: abstinendum vero 5) *ab alienis et repugnantibus principiis*, adeoque 6) falsum et erroneum, si lex ex hac communis iuris Germanici doctrina desumpta non adeo clara et absoluta est, eam omnem suam interpretationem ex iure Romano, tanquam *thesauro uniuersali*, petere debere, imo (quod magis est) etiam in quo deficit, supplendam esse: 7) cauendum esse, ne quæ vulgo *iuris statuarii* esse dicuntur, ita iuri Romano in quibuscunque materiis opponantur, ut *ius particulare* iuri communi opponi solet, quum ut plurimum sub hac appellatione *iura Germaniæ antiqua genuina et communia* comprehendantur ac intelligantur. Quid enim vulgatius est, quam coniugibus attribuire *portionem statuariam*, et tamen hæc ipsa fundamentum suum in generali principio et *communi* inter coniuges *patrimonio* habet, licet pedetentim quantitas eius determinata fuerit. Denique 8) primario *ad naturam ipsius rei* esse respiciendum, et inde emergentes quæstiones decidendas. Natura *communione* huius in eo consistit, quod utrique coniugi tam dominium quam possessio in bonis communibus competat, et ipso iure acquiratur, adeoque etiam *res alienum commune* sit, prout natura *communione* id postulare videtur. Hoc posito, altero defuncto, superstes non tam *succedit*, quam suam portionem *iure communione* capit. Equidem defuncti portio *iure heredi-*

*hereditario* deuoluitur ad liberos, et *superstes* cum iis diuisionem instituit; sed sicuti portio defuncto debebatur *iure proprio*, ita eodem iure *superstiti* debetur, quod optime obseruat LAUTERBACH *de societ. bonor. coniug. cap. 1. §. 4.* Breuiter: *communio*, constante matrimonio, sese plene exserit et exercetur: diuisio communis patrimonii, soluto morte coniugio, suscipitur.

§. X. His praemissis *ad communionem aeris alieni inter coniuges Hamburgenses* propero. Quia enim ciuitas Hamburgensis optima atque fidelis legum Germanicarum cultrix fuit, atque in plerisque doctrinis, quae a Romano iure diuortium faciunt, principia antiqui iuris conseruauit, palam est, me dum eius statuta explico, simul ea, quae fere in *uiversa* olim *Germania* obtinuerunt, tradere atque illustrare. Quorum cognitio tamen adhuc hodie *utilissima* est, postquam iam obseruauimus, in plurimis Germaniae locis quaedam saltem huius *iuris antiqui rudera* superesse, ex proprio fonte explicanda. Ipsam autem bonorum communionem inter coniuges Hamburgenses adhuc obtinere, statuta aperte produnt, adeoque non potuere non quoque coniuges in *communione aeris alieni* vocare.

*Thema hoc  
speciatim tan-  
git iura Ham-  
burgensia, ge-  
neratim simul  
ius commune  
Germaniae.*

§. XI. Ante omnia autem praemittendum est, *communio-  
nem bonorum inter coniuges esse vel absolutam vel secun-  
dum quid* talem. Illa comprehendit quaecumque bona, etiam *he-  
reditaria*, praesentia et futura, ante vel post matrimonium *Contractum* *acquisita*, indistincte etiam diuidenda, ut *unum  
et indiuisum* coniugum patrimonium sit. Haec vero constan-  
te coniugio *suo modo omnimoda* quoque est, sed, eo soluto,  
ita temperata, ut non omnia coniugum bona, quae constan-

*Communio  
coniugum vel  
absoluta vel  
secundum  
quid.*



te matrimonio communia fuerunt, *in diuisionem* veniant, sed tantum, quæ vel constante matrimonio vel ante illud nouiter acquisita, quatenus utrique coniugi acquiri possunt: ut cetera ad minimum non indistincte et liberis exstantibus in *diuisionem* veniant. Quum enim olim vxor ut *socia laborum*, teste TACITO, a marito recepta est, inprimis æquum Germanis visum fuit, illa communicare, quæ durante connubio acquisita et *collaborata* erant, ut passim in antiquis legibus dicitur, etiamsi liberi adfuerint. His deficientibus facilius omnia communicari, atque in vnum patrimonium consolidari potuere. In *tradit. Fuldensibus* a SCHANNATTO editis sub N. 20. in charta de anno 765. fit mentio duplicis patrimonii inter coniuges: quantum nobis genitores nostri diuiserunt, et nos ipsi *conlaborati* sumus. Item N. 100. quod mihi pater meus ex iure proprietatis suæ in hereditatem reliquerat, et omne quod POSTEA ibidem exquisitum et elaboratum habemus. Formula posterior distinguit duplex patrimonium 1) quod iure hereditario singuli a parentibus acceperant: 2) quod postea etiam constante connubio vel communi labore vel aliunde acquisuerant. Sub N. 101. mentio fit speciatim eius, quicquid simul elaboratum habemus. In formulis MARCVLFI lib. 2. c. 7. facultates coniugum memorantur, vndecunque iam de hereditate parentum quam de comparato et quod pariter laborauimus. Prima classis comprehendit hereditaria: posterior vndequaue nouiter acquisita, siue ante nuptias, siue iis contractis acquisita essent. Sicuti vero illorum alienatio non indistincte permessa, sed tunc demum, ubi heredibus consentientibus suscipiebatur; ita communio quidem ad omnia extensa, sed soluto matrimonio diuisio non ubique ad hæc bona porrecta, sed tantum ad acquisita nonnunquam restricta, vnde dicta fuit *coniugalis acquestus* h. e. das wohlgeuon-

geronnene Guth. In multis tamen locis latidorem ambitum accepit communio, vt paulo post tradam.

§. XII. Sed nec quæuis *acquisita* vbique in diuisionem <sup>Quandoque tantum acqui-</sup> *veniunt*, sed certis casibus et locis tantum illa, quæ *constante matrimonio* <sup>sita veniunt in communio-</sup> *acquisita* sunt, iis opposita, quæ ante illud ma- <sup>nem.</sup> xime ex hereditatibus obuenerunt. Docent enim pleraque statuta, liberis exstantibus inprimis tantum hæc in *diuisionem* venire, quod liberorum intuitu placuit, ceu plurimorum locorum vsu probatum dedit, atque illustrauit GORIS *cit. l. tr. 1. n. 13. sqq.* Idem tamen *n. 32.* obseruat, in superiori te- trarchia Ruremundensi et in tractu Nouiomagensi sitis bonis hanc obseruari regulam: *res soli auitas contractu matrimo- nii non communicari quoad proprietatem, sed ad stipitem vnde originem trahunt, separata societate coniugali reuerti*, cete- ra vero omnia in diuisionem venire. Pariter WESELIVS *de conubiali bonorum societ. tr. 1. n. 83.* a communione bono- rum coniugalium excludit *bona genearchica, quæ alias gen- tilitia seu familiaria, patrimonialia, truncalia, paterna, et antiqua hereditaria*, Stamm-Güther nuncupantur. Hæc enim dum lineæ inheruerunt, vnde profecta, alteri coniugi communicari non æquum visum fuit. Pariter LAVTERBA- CHIVS *de societ. bonor. coniug. cap. IV. §. 21.* a communio- ne coniugali remouet *hereditates* cuilibet coniugum de- latas, quæ nobis *vt debite* seu ab intestato obueniunt, vt *iure Württembergico P. 4. tit. 4. §.* Da nun prouisum. Ex- traneorum hereditates, quas tantum *testamenti* coniuges lu- crantur, merito communibus annumerantur bonis, quia no- viter durante conubio *acquisita* sunt, ceu IACOB SCHVI- TES *Qu. pract. 14. n. 19. 27. sq.* recte statuit, vtut LAVTER- BACH *cit. l. §. 22.* in alia omnia iuerit, *iuri ciuili* totus im- mergitur, et rationes *iuris Germanici* admodum negligens.

Hæc utriusque iuris mixtura, qua per interpretes, iuris Romani principiis innutritos, iuris Germanici prudentia corrupta est, varia pedetentim peperit *statuta scripta*, nec mirandum adeo est, ex tot ingeniorum varietate statutorum varietatem prouenisse, et noua quotidie inde produci dubia.

*Illustratio dictorum ex iure Francofur-  
tano.*

§. XIII. Pauca quædam ex his diuersis delibabo statutis ad dicendorum illustrationem. In *reform. Francof. Part. V. tit. 5. art. 2.* communia hæc bona censentur: daß nemlich diejenige Güther, so zwen Eheleute in stehender Ehe bey einander, es sey durch eines oder sie beyde mit ihrem mühsamen Fleiß, guter treuer Haushaltung und fürsichtiger Geschicklichkeit über dasjenige, so sie beyderseits zusammen gebracht, durch den Segen Gottes erobern, und an sich bringen, vor erzeugte Güther verstanden und gehalten werden sollen. Sunt vero hæc tantum *diuisioni* obnoxia liberis existentibus: his deficientibus superstiti omnia bona, liegende und fahrende Güther, obueniunt, iuxta *art. 9. et 10. cit. reform.* Inde colligo, (α) omnia bona *hoc iure* esse communia: (β) et sic, liberis deficientibus, in solidum apud superstitem remanere: (γ) his vero exstantibus, solummodo constante matrimonio acquisita *diuidi*, quod in liberorum fauorem introductum, qualiacunque fuerint, exceptis (δ) *hereditariis*, so einem oder dem andern Ehegemächt in währendem Ehestande von seinen Eltern oder andern gesippen Freunden durch Testament oder ohne dasselbe aufsterben, oder insonderheit gesetzet, oder sonst geschendet werden, vt *art. 3. et 4. cit. l.* additur. In *statuto Mülbhusano* mens iuris antiqui passim euidentius exprimitur. Etenim *lib. III. art. 6. §. 1.* (1) bona quæuis inter coniuges, so lange die Ehe währet, dicuntur esse communia. Additur: (2) morte secuta communionem

nionem hanc per *diuisionem* cessare, de qua *lib. IV. art. 23. §. 1.* agitur; quocirca secundum eam liberis non exstantibus superstes illata et quæ iure hereditario, constante matrimonio, ei obuenerunt, præcipua habet, et dimidium præterea aller Zeit während der Ehe errungenen Güther capit. Defuncti illata et iure hereditario acquisita pro certa parte etiam superstiti cedunt; unde liquet, re vera hæc quoque communia *sua modo* fuisse, ut dicitur *lib. III. art. 6. §. 1. in fin. auf gewisse masse.* Liberis exstantibus euidentiora *communione omnimodæ* adsunt vestigia, ut *lib. IV. art. 20. §. 7.* declaratur, quia eo calu omnia bona *in diuisionem* veniunt, nihilque præcipui patri vel matri assignatur. Unde concludo, *communione omnimodæ* inter coniuges locum esse posse, vtut *in diuisione* quædam alicui præcipua sint. Diuersa diuidendi ratio introducta est iure *prouinciali Badensi P. VI. tit. 5.* vbi patre mortuo liberi existentes duas pater, mater tertiam von den errungenen und gewonnenen Güthern in stehender Ehe capit. Matre mortua liberi tertiam et pater duas capit partes de *acquæstu coniugali.* Inde tamen minime colligendum, communionem inter coniuges Badenses duntaxat respectu huius *acquæstus* adesse, nam liberis nullis exstantibus, iuxta *tit. 11. P. VI.* superstiti melior conditio assignata, et secundum *tit. 12.* solutio æris alieni ad hæc accommodanda est. Videlicet alia est ratio *communione*: alia *diuisionis* suo tempore faciendæ. Illa *omnimoda* ad vitam suo modo potest esse, ut tamen hæc non æqualiter, nec eadem forma et modo in omnibus euenientibus casibus locum habeat. Etiam in *communione* per consensum ita leges *diuisioni* dari possunt, ut licet omnia durante societate communia sint, *diuisio* tamen secundum pacta conuenta instituat, et quædam huic vel illi præcipua sint, quod LAUTERBACH in *diff. de societ.*

*Leodiensi.**quo ius ma-  
nus plicata  
obtinet.*

*bonor. coniug.* non accurate observauit, et ita plura aliena per errorem huic doctrinae admiscuit. *Iure Leodiensi*, non quidem scripto, sed non scripto, ut CAROLVS DE MEAN tom. I. *obseru.* 51. n. 1. docet, ius antiquum Germaniae sancte colitur, ut, non exstantibus liberis, soluto matrimonio, solidum omnium bonorum dominium marito superstiti vel hoc defuncto uxori cedat, non iure quodam *hereditario*, sed *communione*, quod rerum constante matrimonio a coniugibus possessorum dominium indiuisum penes coniuges iure connubii adfuerit, quod mortuo alterutro solitarie superstes continuat, ut recte IDEM *obs.* 110. docet. Vocant hoc *ius manus plicatae*, quod illud per *matrimonium*, dextris datis et ligatis, ipso iure citra ullam conuentionem inducatur, unde vulgatum illud: *Qui epouse femme, epouse ses dettes*, vid. CAROL. DE MEAN *obs.* 57. Originem quidem IDEM *obs.* 55. n. 3. ab illa connubii specie deriuat, quae antiquitus per *coemtionem* fiebat; sine solido tamen fundamento, quod Germanis hoc ius proprium fuerit atque usitatum, antequam vllum cum Romanis commercium habuerint, aut eius scita assumerint, quid quod, his assumtis, nihil amplius ex veteris Latii fabulis, iam dudum sepultis et fere veteranis interpretibus ignoratis, mutuare et in rem suam vertere potuerint. Denique quid opus est origines rerum petere a Romanis, Graecis aliisque populis, si fontes earum liquidissimi et genuini in ipso natali solo apparent, licet quaedam etsi leuidentis conuenientia adesse videatur? Sed plerumque domestica nausent, extraneis tantum pretium datur. Ceterum quomodo diuisio bonorum, liberis exstantibus instituenda iure Leodiensi, non addam, quae licet a communione declinare videatur, re vera tamen eam praesupponit, et inde etiam fluit, licet infa-

*vorem*



vorem liberorum optimo adhibito moderamine temperata fuerit, vt tradit MEAN *obs.* 57. n. 7.

§. XIV. Quæ qui paulo curatius considerat, suffragio suo in meam ibit sententiam, non satis caute in hac doctrina LAUTERBACHIVM, societatem bonorum coniugalem depingentem, versatum fuisse. Id totius dissertationis tenor ostendit, cum naturam *communione bonorum coniugali* v-  
vnicæ fere ex regulis *societatis quæstuarie* vel *negotiatorie* æstimasse, indeque argumenta deduxisse. In hoc vero latitare *πρότοι ψεύδος*, observauit iam IVSTVS VERACIVS, quem supra §. III. laudauit, aitque: *Communio bonorum inter coniuges longe aliter hic accipitur, quam apud Romanos, eorumque in societate, et de communi diuidendo et herciscundæ familiæ iudiciis.* Hic enim re vera diuisa res, et nemo possidet eam in solidum. Sed coniux Germanus cuius totius patrimonii utrobique confusi est dominus, et quæ uxoris fuerint, iam et mariti sunt, atque contra. Inconcinnum forte illud auribus est latinis, vnius rei plures esse dominos in solidum. Effectus diuersitatem rerum produnt. Iam observatum est ex aliquot statutis, superstitem, liberis nullis existentibus, iure domini quæuis bona retinere. Quis vero assereret, iure Romano socium soluta societate omnium rerum manere arbitrum, heredibus defuncti socii exclusis? socium haud possidere in re communi partem pro indiuiso? communioni vero coniugali recte hæc attribui, notissimum est. Id ius *placitæ manus* dictum fuisse, supra iam docui, cuius rationem CAROLVS AMEAN *obs.* 55. quidem quodammodo tetigit, sed non satis exhaustit. Ait n. 4. *Ius Leodiensium vi connubij omnia uxoris bona marito indistincte transcribit -- nouo acquirendi rerum domini titulo.* Pergit: *Iure connubij Leodiensium*

*Lauterbachii  
sententia de  
natura huius  
communione  
examinatur.*

*Sententia Ca-  
roli a Meam.*

*ensum deletur dominium uxoris, quod marito ita mores a tempore matrimonii addicunt, ut nulla mulieri restet actio ad repetitionem bonorum, quorum proprietas deleta est respectu uxoris, et cum mariti bonis confusa.* Videtur ergo soli marito dominium omnium rerum attribueri, æque ut iure Romano marito acquirebatur per uxorem, quæ in manus marito conuenerat. Reuera autem longe aliter hoc iure statum vxorum considerandum esse, passim ipse fatetur. Ait IDEM n. 11. *ius connubii Leodiense solidum omnium bonorum dominium, soluto sine liberis matrimonio, marito vel uxori addicere, quod iudicium præbet, etiam uxori simile ius competuisse, viuentem marito, quamuis potiores mariti partes esse videantur in administratione domestica.* Nam mortuo sine liberis marito, itidem omnium rerum dominium, quod æque penes uxorem constante matrimonio fuit, continuat, prout §. *antec. ex obs.*

*Vera communio-  
nis huius  
ratio.*

110. CAROLIA MEAN obseruauit. Illud ipsum itaque ius, quod *manus plicate* vocant Leodienses, quodque *solidum* singulis coniugibus attribuit omnium rerum dominium, marito quidem *actu*, uxori vero *habitu*, ut ait MEAN cit. *obs. 110.* designat veram rationem communionis inter coniuges, et cum eo conceptu, quem VERACIVS tradidit, conspirat amice; sed non æque cum eo conceptu, quem ius Romanum in communione omnium rerum *per contractum* inita cuique socio attribuit, cui tantum in re communi *pro parte* proprietatem assignat, ut singuli in rebus communibus partes *pro indiuiso* teneant.

*Synopsis eo-  
rum qua Lau-  
terbachius  
tradit.*

§. XV. Longe aliter LAUTERBACHIVS cit. *diff. c. 1.*  
§. 3. rationes subducit, aitque, *hanc coniugalem bonorum communionem veram esse societatem, ab ea, quæ expressis pactis inter alios initur, et de qua in iure nostra civili agitur,*  
nihil



nihil admodum discrepantem ; iura , quæ de societate loquuntur , in hac etiam coniugali bonorum communione locum sibi vindicare , nisi contraria loci consuetudo vel statutum diuersum suaserit , quod etiam reguſtat , ſuumque facit HARPRECHT conſil. 43. n. 43. cum aliis ab eo laudatis. Addit §. 4. LAVTERBACH , vxori tam dominium quam poſſeſſionem in rebus communibus iure ipſo pro parte acquiri , vtut neque dominium neque poſſeſſio ſemet exlèrat , niſi ſoluto prius matrimonio : ſocietatem hanc coniugalem æque vt iure Romano eſſe vel vniuerſalem vel particularem : in hac tantum communicari , quæ ex quæſtu vel opera ſociorum acquiruntur , talemque ſocietatem coniugalem paſſum iuxta §. 6. obtinere : eam ſocietatem iuxta tradita in c. 2. §. 1. tacito conſenſu coniugum contrahi , et ex inito matrimonio elici : nihilominus errare eos , qui ipſi matrimonio bonorum communionem ineſſe cenſent , aut a diſpoſitione legis immediatam eius cauſam arceſſunt ac deriuant etc. In c. IV. §. 4. vbi de obiecto huius communionis agitur , rurius loco fundamenti ponit , inhærendum eſſe iuri ciuili , vbi iure ſtatutario diuerſum non eſt diſpoſitum ; illationem firmam eſſe a ſocietate expreſſa ad hanc conſuetudinariam , vt quicquid in illam venerit , illud in hanc quoque noſtram bonorum communionem venire oporteat : proinde vbi , exſtantibus liberis , tantum conſtante matrimonio acquiſita in diuiſionem veniunt , ſocietatem ex quæſtu contractam intelligi , adeoque iuxta §. 7. tantum res ex quæſtu venientes communicari : quæſtibus annumerari officia , quæ vendi poſſunt et ſolent : non feuda , quæ durante matrimonio marito aperiuntur : meliorationes quidem ipſis rebus accedere , earum tamen æſtimationem , ſi conſtante matrimonio factæ , in diuiſionem quæſtus venire : e contrario ad quæſtum non pertinere hereditates extraneorum teſtamento vni

coniugum delatas, nec *legata*, nec *donationes* vni factas, nec *thesaurum* beneficio fortunæ alteri quæsitum: excipi tamen donata a conuictoribus et hospitibus discessuris in matrem familias profecta, cum marito æque communicanda etc.

Speciale ex-  
amen sententia  
Lauterbachii-  
ana.

ostenditurque  
i) quod con-  
sensu hac com-  
munio non in-  
atur.

sed legis dispo-  
sitione,

§. XVI. Ita paucis cohæret LAUTERBACHII doctrina, qua communionem bonorum inter coniuges illustrare studuit. Plura supponit erronee, quæ a *communione coniugali* inter Germanos Gallosque vñtata aliena sunt, cum *negotioria* seu *questuaria* haud comparanda. Videlicet (α) falsum est, eius fundamentum in *tacito consensu* quarendum esse, et sic *contractum societatis* inter coniuges initum fuisse. Ipsi connubio hunc assignarunt et attribuerunt maiores effectum, vt ex eo inter coniuges communicatio bonorum *ipso iure* nasceretur, nullo concurrente consensu vel *expresso* vel *tacito*, et sic hoc intuitu *fauorabilis* censetur, quod *germana*, *domestica*, et matrimonio admodum conformis sit. vid. HARPRECHT *conf. §. n. 24*. In nuptias quidem consensus interponitur, et sic *generaliter* in omne id, quod matrimonio inest, consentire videntur; ast hic similesque effectus coniugio primario adsunt, non *ex voluntate partium*, sed *ex legum dispositione*, qua deficiente, ex *consensu connubiali* non nascuntur. Romani alios iuris effectus, non hos eosdem, matrimonio *æuo recentiori* dederunt, quamuis hi æque vt Germani in nuptias coniugum consensum desiderauerint. Olim nuptiis *confarreatione* vel *coemtione* initis plures alii singulares effectus *ex lege* adscripti fuerunt, quos Germani alii-ve populi ignorarunt. Vnde conficitur, vt mutato domicilio, pacta quidem dotalia haud mutantur; omnino tamen *conditio matrimonii*, quia mobilia, iura, nomina, cautionesque debitorum, traductis alio domesticis laribus, tradu-  
ci

ei quoque in legem noui domicilii, eaque lege in posterum  
 censi par est, vt recte censuit CHOPPINVS *de morib. Pa-*  
*ris. lib. II. tit. 1. p. 136.* quod tamen LAVTERBACHIVS ex  
 erroneo principio suo non admittit. Pariter societas *consen-* *erga mutatio-*  
*su* inita non mutatur, nec mutari potest in praiudicium cre- *ne loci muta-*  
 ditorum mutatione loci. Communione iura autem, inter *tur.*  
 coniuges *ex lege* obtinentia, translatis alibi sedibus, muta-  
 ri necesse est, cum alio iure iam in posterum coniuges vi-  
 vere debeant. Turbant omnia, qui *societatem consensualem*  
 ex iure Romano hic in scenam producant, et sic cum LAV-  
 TERBACHIO *cit. l. C. 2. §. 14.* rursus inde inferunt, com-  
 munionem etiam extendi ad bona extra territorium sita, vbi  
 tamen inter coniuges deficit communio. Admitti posset  
 hæc conclusio, si ea *consensu per contractum* inita foret, quod  
 tamen inter coniuges non fit, et legis virtus extra territori-  
 um se non extendit, quin potius bona iudicantur secundum  
 cuiusque loci, vbi sita sunt, iura propria. Similiter. (β) <sup>2) quod a di-</sup>  
 erroneum quoque est, deficere inter coniuges *communione* <sup>uisione ad-</sup>  
*omnimodam*, si forsitan ex statuti determinatione liberis ex- <sup>communione</sup>  
 stantibus, superstes non participat de omnibus bonis. Alia <sup>non fit argu-</sup>  
 est ratio *communione* durante connubio obtinentis, alia <sup>mentandum.</sup>  
*diuisionis*, quæ lege restringi potest. Nam iure veteri, his  
 deficientibus, superstes omnium rerum dominium conti-  
 nuabat, quod *in solidum* penes vtrumque fuit; eis vero ex-  
 stantibus, maioribus placuit, rerum inter coniuges olim  
 communium hoc modo fieri diuisionem, vt vel de *omnibus*  
 quandoque bonis vel de *certis* duntaxat susciperetur. Sic  
 adhuc hodie Cassellis Hassorum, Hildesie, Vlmæ Sue-  
 vorum, aliisque locis coniux superstes omnia bona reti-  
 net, soluto improli connubio: diuidit vero suo tempore  
 eadem liberis exstantibus, quamuis rursus bonis omnibus

incumbat tamdiu, donec diuifio ex *lege* fieri debeat. Idem ius quoque in multis locis ducatus Württembergici olim obtinuisse, antequam *ius provinciale* introduceretur, obseruat BESOLDVS in *disp. ad P. IV. iur. prou. Würtemb. tit. 5. p. 145. n. 6.* nec dubium est, quin idem vbique obtinuerit, antequam pedetentim per statuta modus commune et indiuisum patrimonium *diuidendi* determinatus, et *soluta communion*e ad certa etiam bona restrictus fuerit.

§. XVII. Nec minus (γ) erroneum est, coniuges, vt in societate, *contractu* inita, possidere bona quidem in comuni, sed *pro rata* duntaxat singulis ius attribui. In *communione* omnium bonorum *consensuali* hic effectus omnino obtinet, nec vno mortuo, vnquam socio integrum obuenit patrimonium, sed *pro parte* tantum; diuersa est ratio huius *communione* *legalis*, quæ integrum patrimonium ex lege superstiti addixit, et quidem *in perpetuum*, liberis deficientibus; eis exstantibus *ad tempus*, donec cum iis ex lege *diuifio* suscipienda est. Vocant hunc effectum *usumfructum maternum statutarium*, vt iam inui, non sine inconcinnoloquendi vsu, cum potius mater vidua ex *lege* antiqua matrimonii vt *domina* bonis incumbat, dominiumque continuet, vt dicitur in *Stat. Mülb. lib. IV. art. 31. §. 2.* Denique (δ) simili errore inductum atque assumtum est, ibi tantum adesse *societatem ex questu*, (qualem Romani formarunt in *contractu societatis*,) vbi, soluto matrimonio, vel *simpliciter*, vel certo casu duntaxat ea, quæ constante matrimonio *acquisita* sunt, in diuisionem veniunt. Videlicet etiam in his locis mater vidua continuat *dominium* post mortem mariti, donec vel ad secunda vota transeat, vel cum liberis diuidat. Effectus testatur de causa, docetque, etiam durante

3) quod singuli non pro parte acquirant et obligentur.

4) quod a societate quaestuaris ad communionem male inferatur.

rante coniugio *unum idemque* coniugum fuisse *patrimonium*, illudque continuari vsque ad terminum *diuisionis*, vnde in tam infinitis statutis *ususfructus* ille *maternus* improprie dictus natus est, quæ magna in copia laudat HARPRECHT *de usufr. matern. statut. p. 12. sqq.* Hoc supposito *acquæstus coniugalis* non ita restringendus ex legum Romanarum sententia, vt non alia in diuisionem veniant, quam quæ in *societate negotiatoria* ad *quæstum* pertinere videbantur, quorsum tantum *titulo oneroso* quæsitæ spectant. Ratio enim huius *communjonis coniugalis* latiore ambitum postulat, vt quocunque modo *acquisita* in diuisionem venire debeant, etiam legata et donata, perinde ac ære communi parta, vt ex moribus Parisiorum obseruat CHOPPINVS *cit. l. p. 143. n. 12.* nisi statuto expresso aliud cautum. Tantum quid in *dubia interpretatione statuti* secundum *rationem iuris Germanici antiqui* dicendum sit, refero, indeque infero, quod et supra iam monui, etiam *hereditatem* testamento ab *extraneo* acquisitam merito communicandam. Denique hæc communio, quæ *acquisitorum* diuisione continetur, adeo a *societate conuentionali* quæstus causa inita recedit, vt morte alterutrius, prout in *hac* iuris est, non finiatur, sed in *liberos* propagetur, et post mortem acquisita quoque complectatur inspecto statu bonorum non tempore *mortis*, sed faciendæ *diuisionis*. Ius *Lubecense P. 2. tit. 2. art. 16.* id egregie declarat, docetque etiam *hereditates*, *legata*, *donataque*, quæ superstiti post mortem coniugis obueniunt, communibus accensenda bonis, quod contractui *societatis*, quæstum vnice intendentis, admodum repugnat. Inde tamen minime colligendum, inter coniuges *Lubecenses* esse *societatem acquisitorum coniugalium* tantum, cum potius ante *diuisionem* omnia communia censenda sint. Optime id obseruat ME-

Origo ususfructus materni.

quænam proprie ad acquisita coniugalium spectent

etiam post mortem acquisita.



VIVS ad ius Lubec. P. 2. tit. 2. art. 28. n. II. docetque, ne quidem solui hanc communionem per transitum ad secunda vota, sed quamdiu secundum matrimonium consistit, omnia tam liberorum, quam parentum bona confusa esse, atque communia, ut non admodum attendatur, cuius sint, et a quo profecta; qua de causa bona hæc ungeschichtet, ungetheilet, gemein, zusammen, ungeschieden vocantur; pergit vero: sed mortuo alterutro, cum ad diuisionem peruenitur, reuiscit quodammodo discrimen bonorum etc. Huic consequens est id quod dicitur in art. 28. Ist auch dar Schuld vorhanden, die soll man von dem gemeinen Guth zuvor bezahlen, quod et in art. 26. traditum erat.

Indicia communionis omnimoda inter coniuges Hamburgenses,

ex diuisione cum liberis

§. XVIII. Quibus obseruatis, ad iura Hamburgensia reuertor, ostensurus, qua ratione sese habeat inter CONIUGES HAMBURGENSES communio. Eam suo modo omnimodam esse, multa suadent. Nam 1) alterutro mortuo, existentibus liberis, alle Erb und Güther fallen auf den längst lebenden und sämtliche Kinder, secundum P. III. tit. 3. art. 1. vnde liquet, omnium rerum, qualescunque fuerint, communionem inter coniuges viuentes fuisse, eamque, mortuo alterutro, cum liberis suo modo continuari, donec diuisio suscepta fuerit. Quocirca 2) vxore mortua, relictisque liberis, stante viduitate ne quidem pater cogi potest, ut cum liberis communem substantiam diuidat, sed ad id tantum obligatur, ut liberos alat, et matrimonium contrahentes debitis subsidiis, Aussteuer, instruat per art. 3. cit. 1. Quodsi 3) ad alia vota transire paratus est, liberis primi thori bona, quæ mater intulit, vel iure hereditario acquisiuit, restituere (wieder zurück führen) potest, reseruata illis cum liberis secundi thori successione futura in paterna bona: vel, quod

quod *communione* magis conueniens est, soll er vermittelst eines leiblichen Eydes ein beständig Inuentarium aller seiner Güther übergeben, und seinen Kindern erster Ehe den halben Theil, oder da nur ein Kind vorhanden, demselben den dritten Theil aller Güther zu gänzlicher Abtheilung väterlicher und mütterlicher Güther versprechen und geben, saluo tamen usufructu, vsque dum decimum octauum annum excesserint, id quod ex iure Casareo superadditum esse docet *art. 7. P. III. tit. VI.* Conspirat cum hac sanctione *ius Lubecense P. II. tit. II. art. 2.* Porro 4) patre mortuo, nec mater *vidua* cum liberis diuidere, bene tamen eos alere et nuptias ineuntes necessaria, an billigen *Heyrath-Guth* und *Aussteuer*, suppeditare tenetur, adeoque bonis omnibus cum marito defuncto possessis more plerorumque aliorum locorum incumbit. Secundas autem nuptias meditantem cum liberis diuidere oportet, soll sie vor dem Beylager mit ihren Kindern alle Güther (deductis illis, quæ ei *præcipui* loco assignata sunt) theilen, ita vt pluribus existentibus liberis mater *tertiam*, vna prole existente, *dimidiam* capiat. Rursus hæc diuisio *communione* arguit *omnimodam*; quamuis enim in *diuisione* quædam *præcipua* vxori assignata fuerint, ea tamen illi haud resistunt eamque impediunt, quod vel inde liquet, quia *statum viduitatis* haud mutanti omnium bonorum libera suo modo administratio, vt *domine*, concessa est, et quæ matri *præcipui* loco assignata sunt, in ius eius proprium demum, *diuisione* facta, recidunt. Nouum 5) argumentum *omnimodæ communione* est, existente casu, si alter vter *sine liberis* decesserit. Etenim (a) de ære alieno ita cautum in *art. 8. P. III. tit. III.* sollen anfänglich alle Schulden gerechnet, und von dem zusammenenden Guthe abgezogen werden, et paulo post: von dem vollen gemeinen Guthe,  
item



item in antiquo MScho iuris patrii, *rit. van Vertrouwing und Erffschichting art. 11. von dem gemeinden Gude.* (b) Reliqua bona omnia ita diuiduntur, vt vxore mortua marito duæ partes, consanguineis vxoris tertia; marito mortuo, vxori dimidia, et altera consanguineis eius cedat, atque obveniat. In hoc statutum nostrum a reliquis Germaniæ finitimorumque populorum scitis recedit, quod diuisionem cum consanguineis defuncti induxerit, cum ex moribus antiquis superstiti vniuersa substantia relinqui debuisset, quod in Marchia quoque olim obtinuisse persuasum habeo, vt vel statuta quorundam Marchiæ locorum, vt *Solquellense* docent, quæ antiquum ius sancte retinuerunt. Nec a vero me recesurum arbitror, si dixerim, idem ius Hamburgi olim obtinuisse, paulo post tamen immutatum et ad iuris Romani principia flexum, quod fauet in successione sanguini defuncti, parum autem coniugi superstiti prospicit. (c) Ex eodem fundamento quoque superstiti hoc casu ex bonis per annum luctus debentur vestes lugubres, alimenta, et omnia, quæ ad familiæ sustentationem sunt necessaria, iuxta *art. 10. ibid.* quia communibus bonis adhuc incumbit, et sic ex illis quoque sustentanda est. Etiam de iure communi viduæ ius retentionis in bonis mariti indultum, donec ipsi de dote aliisque lucris latisfactum. Ast ius retentionis hunc effectum non habet, vt interim is, qui eo iure vititur, ex bonis alatur. Nec aliquod præsidium idoneum in hoc iure occurrit, ex quo vidua virtute retentionis alimenta interim petere queat. Ineptum est argumentum, quod trahunt ex *L. 5. §. 3. de Carbon. edict.* vbi ventri alimenta ex bonis, in quæ missa est vidua, præstantur propter eum, qui potest non nasci i. e. intuitu eius, qui in ventre est, quamuis incertum sit, vtrum vivum an defunctum editura sit mulier. Privilegium hoc

et alimentis  
tempore luctus  
percipiendis,

posterius per  
retam Germa-  
niam adhuc  
obtinere.

quod ex iure  
Romano dedu-  
ci nequit.

posthumum

*posthume* debetur, et propter hunc vidua pragnans et bonis incumbit et inde alitur. Id rursus liquet ex *L. 1. §. 19. D. de ventre in possess. mitt.* iuxta quam mulier in possessionem missa, ea sola, sine quibus foetus sustineri et ad partum usque produci non possit, sumere ex bonis debet. Et tamen rursus inde argumentum petunt pro alimentis viduae non-pragnantis praestandis, quamdiu iure retentionis utitur, quo nihil absurdius excogitari potuit. Quicquid pragnanti debetur propter foetum, id viduae non-pragnantes sibi vindicare non possunt. Interim haud diffiteor, viduae hodie in Germania per id tempus, quo iure retentionis bonis incumbit, alimenta deberi, quod ex usu Germaniae plenius ostendunt OTHOFR. NICOL. ITTIGIUS, de vidua usque dum ipsi satisfiat, ex mariti bonis sustentanda, HEESER de commun. bonor. P. II. loc. XIV. n. 105. sqq. MEYIUS ad ius. Lubec. P. I. tit. V. art. 13. n. 46. sqq. Ast fundamentum huius iuris non ex iure Romano, verum ex antiquis Germaniae legibus, communionem inter coniuges stabilientibus peti debet, vigore cuius vxor tamdiu ex bonis communibus sustentanda est, donec diuisio facta fuerit. Et quamuis ius Romanum in quibusdam locis communionem antiquam iustulerit, atque iura dotium cum similibus substituerit, non omnes tamen conclusiones ex illa antiquitus deductas abolere prorsus potuit, quas deinceps Icti ex iure Romano, misere contorto, propugnare voluerunt, postquam usum eius vniuersalem in dubium vocare haud potuerunt. Etiam in iure Weichbild. art. 57. id cautum esse videtur: sie besizet in dem Erbe für ihr eingebracht Guth, und die Kinder sollen ihr Nothdurfft geben, dieweil sie ohne Mann bleiben will. Conf. COLER de process. execut. P. I. c. 2. n. 193. sqq. Sed etiam 6) priuati potest vxor iure in bonis communibus quæsito, perpetrato

adulterio iuxta *art. 11. ibid.* salvis tamen alimentis, quod novum communionis indicium est.

*Inde fluit cōm-  
munio aris a-  
lieni inter con-  
iuges Hambur-  
genses.*

§. XIX. Ex hac communione bonorum petenda quoque est *communio aris alieni inter coniuges Hamburgenses*, quippe quæ *naturalis* illius sequela. Æquum quippe visum fuit, ut licet coniuges communibus bonis, communi iure fruuntur, ita etiam onera eorum ferant, præsertim quum *unum idemque patrimonium* possideant. In iure *hereditaria* qui præsidium quærunt, oppido errant, quod sæpius iam observauerim, *statutariam* ex bonis communibus *successionem*, quam vocant, proprie *successionem hereditariam* non esse, quemadmodum in iure Rom. socius, qui partem ex bonis communibus capit, non dicitur alterius socii *heres* aut *successor*, sed ius, quod in bonis communibus antea *pro indiviso* habuit, diuisione facta, quilibet separatim et seorsim continuat. Recte ait *Glossa vetus ad statut. antiq. MSctum Hamburgense, tit. van Bertrouwing und Erffschichtinge art. 11.* indem dat sammt Gud is, unde men nicht mag bescheden de Schuld men tho ein parthe, also thom andern, so winnen und verlesen se samt, (h. e. simul lucrantur et amittunt) und delen dat Gud. Ad *art. 16. GLOSSATOR* rursus fundamentum ex *communione bonorum*, quæ durante coniugio iam adfuit, petit: so de Fruwe dat ganze Gudt mede delet tho Winne und tho Verluste, so moht man erst de Schuld vom ganzen betalen. Codicem hunc MSctum, insigni iuris antiqui Germanici, a iure Romano adhuc minus infecti, monumentum a glossatore antiquo illustratum, Dn. de LUDWIG possidet, adiunctis vario antiquorum Recessuum apparatu et chronico Hamburgensi, cuius singulari favori eiusdem communicationem debeo; ut, quæ in rem meam

facere



facere potuerint, inde hauserim, id quod, prout decet, grato animo publice agnosco.

§. XX. Sicuti vero *communio ipsa inter coniuges est vel absoluta vel temperata et restricta*, ita eius effectus potissimum in *re alieni* communione cernitur. Vbi *absoluta omnium bonorum communio* obtinet, coniux quoque alterius coniugis *re alieno obstringitur*. Liceat id ipsum illustrare verbis LAMBERTI GORII tract. 1. aduers. iur. subcis. C. IV. n. 14. p. 46. prosequendo porro materiam nostram, constat ex supra dictis, communicari inter coniuges debita, non solum quae durante matrimonio uterque, sed etiam, quae alteruter eorum longe ante contraxerit. Hinc soluto coniugio superstes ex communibus bonis de singulis debitis satisfacere tenebitur creditoribus, non habita ratione temporis, quo contracta fuerint, ita ut tum idem superstes, tum defuncti heredes dimidiam quisque ferant. Atque ita cessabit moribus nostris omnis illa argumentatio, quod cum superstite neque contractum neque quasi contractum sit, et consequenter ex debito matrimonium praecedente actio ad agendum efficax aduersus eundem non competat; item quod tempore contracti *re alieni* nulla fuerit coniugi potestas obligandi coniugem futurum. Oportet enim hoc casu identidem recurrere ad uniuersalem illam omnium tum commodorum tum incommodorum communionem, consuetudine patrie introductam, quae tantae efficaciae habetur, ut retro utrumque obliget coniugem, ac soluto matrimonio et in lucro et in damno duas aequales faciat partes, nisi pactis antenuptialibus contrarium conuenierit. Ius Leodiense pariter id confirmat, in quo ita cautum: *comme aussi il est tenu (de marito loquitur) aux dettes de sa femme et de son precedent mari, d'ou vient le commun prouerbe: Qui epouse femme, epouse ses dettes.*

dettes. Et sont les biens de l'un et de l'autre sujets à l'exécution des sentences rendues au profit des créanciers. Hanc legem plenius illustrat CAROLVS de MEAN tom. I. obseru. ad fuis Leod. 57, docetque, quousque maritus solute teneatur debita prioris mariti vxoris, si ex eo thoro liberi supersunt. In altera specie communionis bonorum, quæ temperata et restricta est, vt constante coniugio acquisita demum subiiciantur diuisioni alterutro mortuo, vel indistincte vel tantum in casu existentium liberorum; multum refert, quo tempore debita contracta, vtrum ante, an post matrimonium initum? Illa enim ad onus alterius coniugis, qui tantum ex acquæstu coniugali partem capit, non pertinent, sed tantum hæc, et cum iure Hamburgensi hæc distinctio, moto concursu, vsum quendam habeat, extra illum vero eius nulla habeatur ratio, ad vtramque speciem in hac dissertatione suo modo respiciendum, et primo loco videndum, quid communio æris alieni inter coniuges Hamburgenses operetur extra concursum creditorum, bonis ad satisfaciendum illis sufficientibus.

In temperata  
tantum æs a-  
lienum tem-  
pore coniugii  
contractum  
agnoscere te-  
netur.

Extra concur-  
sum simplici-  
ter coniux  
Hamburgensis  
ex ære alieno  
alterius obli-  
gatur.

quod ex iure  
veteri illustra-  
tur.

§. XXI. Adduxi §. XVIII. varia argumenta, quibus declaravi atque demonstraui, suo modo inter coniuges Hamburgenses locum adhuc hodie habere communionem omnimodam. Iuri antiquo id adhuc debetur, quo circa solutionem æris alieni non distinguitur. Nam in tit. van Vertrouwing und Erffschichting art. II. statut. MS&F. cautum fuisse lego: so wor ein Mann und Frouwe thosamen fahmen, und tweyer Hande Kinder hebben, und ehr Gude thosamende is ungedeelet, stôrve ôhr ehn, de Schuld schall men van dem gemeneit Gude gelden, Marck, Marck gelief. Non ergo distinguebatur, vtrum ante an post initas nuptias debita fuerint contracta,

tracta, cum etiam prioris mariti debita ex *bonis communibus* soluenda erant, vt iure *Leodiensi* quoque fuisse cautum ante obseruauit. Quodsi vxor bonis prorsus abstinebat, et nihil inde lucrabatur, a solutione æris alieni libera erat, vt ex hac ratione GLOSSATOR ad art. 16. cit. tit. docet. De nen Gudt entfenget, de darff ock nicht betalen. Sed audiamus ipsum textum in art. 16. huius tenoris: Hefft eine Frouwe einern Mann gehat, und de Gründe des tho rade werden, dat se de Frowen ander wer up beraden willen (quod bona communia non sufficiant creditoribus) ma se dat tügen, dat se van ehrem Manne Gudt beholden hebbe up de Tidt (sine dubio hoc *negatiue* intelligendum, vt in textu mendum sit, quod tum glossa adducta, tum verba sequentia indicant) mer da se beraden were van der Gründe Gudt, de Frouwe und Mann schölen nene Noht hebben um des ersten Mannes Schuld. So schall idt ock wesen umme Knapen und Magden, de dat thügen mögen, dat ehne van öhren Eldern neen Gudt geervet ist. Sicuti ergo liberi hereditate parentum abstinentes a creditoribus paternis ob æs alienum conueniri non poterant, ita pariter vxor *bonis communibus* abstinens, licet denuo a consanguineis in secundo matrimonio fuerit dotata. In art. 17. cit. tit. denuo id confirmatur in casu, si vxor ex prædefuncto marito liberos habens ad secunda vota bonis haud diuisis transeat, et ex iis liberos quoque procreet, utroque coniuge mortuo liberi vtriusque thori bona indiuisa hoc modo diuidunt, vt liberis secundi thori bona paterna obuenant, matris vero hi aqualiter partiantur, hac adiecta conditione: Mar de Schuld schall men thovoren gelden van dem gemenen Gudt. Vnde idem quoque dicendum fuisset, si alteruter coniugum adhuc viueret, non distinguendo, a quo æs alienum factum fuerit, quippe quod afficit

bona communia et indiuisa. In art. 17. cit. tit. disponitur de casu, si maritus ex priori coniugio liberos habens ad secunda vota properat, non diuidens cum liberis prioris thori. Eo enim mortuo vidua cum liberis et priuignis hoc modo diuidit: so schölen de ersten Kinder de Helffte alles Guds des upnehmen, und de Frouwe mit den latern Kindern de ander Helffte. Idem quoque dicendum de vidua ex primo et secundo thoro liberos habens, marito ex posteriori tantum, hac tamen clausula adiecta: und men schall de Schulde van dem gemeenen gantzen Gude gelden. Hæc clausula ad vtrumque casum trahitur, atque eo ipso ostenditur, etiam æs alienum vndequaque contractum ex omnibus bonis communibus esse soluendum. Denique in art. 19. continetur casus, quo alter coniugum ex matrimonio improli decedit, quo casu ita cautum: Steruet de Frouwe ehr de Mann, so schall man de Schuld gelden van dem gantzen gemeenen Gude. Und stervet de Mann ehr de Frouwe sunder Kinder, so schall de Frouwe de Helffte nemen alle des Gudes, und des Mannes Gründe de ander Helffte, und de Schuld schall men van dem gantzen gemeenen Gude gelden.

Ut et ex iure,  
quo hodie  
Hamburgen-  
ses videntur.

§. XXII. Hæc loca ex iure antiquo statutariorum Hamburgenfi adducere lubuit, vt inde constaret, æs alienum vndequaque contractum ex bonis communibus soluendum esse, nec viduam ab eo aliter liberari, quam si bonis communibus prorsus abstinuerit. Neque enim alix leges iure antiquo occurrunt, vnde constaret, aliquam distinctionem æris alieni factam fuisse. Iure nouiori in eo casu quidem, quo bona æri alieno soluendo sufficiunt, antiqua scita conseruata sunt. Nam iuxta P. III. tit. III. art. 1. altero mortuo, extantibus liberis, bona quidem vniuersa alle Erb und Guther deuol-



deuoluuntur ad superstitem et liberos: diuerso tamen iure, ad illum quidem iure *communione*, ad hos vero iure *hereditario*; interim ante omnia ex *bonis communibus* *as* alienum deducendum, quum bona non intelligantur nisi deducto *as* alieno. Diuisione cum liberis facta, *communio* quoque *aeris alieni* cessat, et quamuis pater parte liberis assignata interim vtatur fruatur, eosque alere et vestitu decente ornare et instruere debeat; eorum tamen debita, se inscio facta, soluere non tenetur. Quid enim si liberi diuisi mutuam acceperint pecuniam inscio patre? quid si fides illis de pretio habita fuerit citra voluntatem patris? quid si matre viuente et sciente hoc factum, et hac mortua et bonis tunc diuisis pater ex debitis filii conueniatur? Putarem, patrem absolvendum esse. Etenim 1) ad alimenta liberis praestanda onus soluendi *as* alienum liberorum non spectat: 2) quamuis pater bonis fruatur, et hac non intelligi dicantur nisi deducto *as* alieno; creditoribus tamen non succurrendum, qui inscio patre liberis mutuam dant pecuniam, vel aliter cum iis contrahunt, quum scire debuissent, eos nondum sui iuris esse: 3) liberi per *as* alienum contractum patri haud praeiudicare possunt in usufructu a lege ipsi tributo: 4) quamuis matre sciente hoc debitum factum, non tamen debitum eius esse intelligitur, quod ea sciente a liberis contractum est, quin si vel maxime speciatim fidem suam interposuisset, non tamen inde obligari posset iuxta *art. 2. P. II. tit. VI. Et ita d. 8. Iun. 1714.* in iudiciis Hamburgensibus iudicatum esse inemini, adeo vt *d. 11. Iul.* dicti anni petita restitutione in integrum, denuo sententia prior fuerit confirmata. Ceterum si vxor moritur sine liberis, procedendum secundum *art. 8. P. III. tit. III.* sollen anfänglich alle Schulden gerechnet und von dem sammtenden Guthe abgezogen werden; quod reliquum

*Ob debita liberorum tamen pater non tenetur, licet sciente matre facta.*

iniquum est, demum diuiditur. Eodem modo mortuo marito proceditur, die Schulden werden gleichergestalt von dem vollen gemeinen Guthe bezahlet, und was denn mehr in der Erbschaft vorhanden, davon empfähet die Frau den halben (iure communionis) und die Freunde ihres verstorbenen Ehemanns den andern halben Theil (iure successionis). Neque vero hic distinguitur, vtrum ante an post initum matrimonium debita contracta, et ex qua causa originem traxerint.

Si diuisione  
facta debitum  
emergit, quid  
iuris?

an maritus  
adhuc in soli-  
dum conueni-  
ri possit.

quod affirma-  
tur.

§. XXIII. Quid vero si deductio aris alieni vel in totum vel pro parte neglecta? quid si bona fide erratum creditumque fuerit, debitum, quod diuisione facta emergit, iam dudum extinctum atque sublatum esse? quid si de eius nexu dubitatur tempore factae diuisionis? Equidem si iuste dubitatur, vtrum debitum quoddam soluendum fuerit nec ne? maritus sibi consulere potest *cautione* idonea ab heredibus vxoris praestanda, et interim cum eis diuidere; quod forsan maritus contraxerit, et sic iuste metuat, ne a creditoribus conueniatur exemplo cautionis a legatariis heredi praestandae, si iuste dubitari possit, vtrum lex falcidia locum habitura sit nec ne? *L. 1. pr. si cui plus quam per leg. falc. lic. leg. esse dic.* Sed forsan praedudicialis quaestio est, vtrum creditores, diuisione facta, maritum adhuc *in solidum* conuenire queant? an vero exceptione vel *diuisionis* vel *plus petitionis* repellendi sint? Equidem distingui debet ante omnia inter *uxorem* et *maritum*. Hic in solidum a creditoribus conuentus, facta diuisione, exceptionibus praedictis haud subleuatur, quod ipse debita vel ante matrimonium, vel *constante eo* contraxerit, adeoque non æquum esse videatur, vt in plures aduersarios distringantur, qui cum vno contraxerunt, vt dicitur in *L. 2. de exerc. act.* Maritus enim *suo nomine* conuenitur, credi-

creditoresque ab eius persona discedere non tenentur, utpote cuius fidem secuti sunt, quod in contrahendo primario intuentum est iuxta *L. 13. C. si cert. petat.* Et sicuti debitorum pactionibus creditorum petitio nec tolli nec mutari potest; *L. 25. C. de pact.* ita pactum diuisionis cum heredibus vxoris initum non potest obligationem a se contractam scindere, multo minus factum debitoris, nuptias contrahentis, obligationem diuidere. Nec aliud dicendum est, si vel maxime cum marito *constante matrimonio* contractum, cum nihilominus creditores eius fidem secuti sint, non habita ratione vxoris, qua duntaxat *per consequentiam* obligatur ex qualitate bonorum, de quo casu plenius infra agendum. Conf. GORIS *tr. 1. aduers. c. IV. n. 5.* Hoc itaque praesupposito, euident est, marito ad diuisionem procedenti omnino prospiciendum esse in casu dubio *idonea satisfactione*, ut solutione facta indemnem se seruare queat. Interim si haec omissa, adhuc tamen regressum contra vxoris heredes habet ob pactum diuisionis, quod eos obligat ad soluendum *pro rata* debitum commune, in quo quia etiam hoc as alienum ante omnia detrahi debuisset, *plus et sic indebitum* secundum quid solutum videtur. Interim non dubitatur, quin creditores, si velint, possint maritum *pro parte*, et vxoris heredes *pro altera parte* conuenire, quia ut heredes simul ad debita vxoris defunctae soluenda tenentur.

*Saluo regressu  
contra here-  
des vxoris pro  
rata.*

§. XXIV. Ad vxorem quod attinet, quae mortuo marito cum heredibus eius bona communia iam diuisit, si deinceps praeter opinionem debitum emergat, et creditor eandem *in solidum* conuenierit, quaeritur, an haec ad minimum exceptione diuisionis iuuanda sit? Equidem si vxor maritusque simul debitum contraxerunt *in solidum*,

*An vxor di-  
uisione facta  
in solidum ad-  
huc obligata  
sit.*



vxor autem ex mariti ferua assertione existimauerit, illud  
 iam solutum esse, vt eius rationem in diuisione haud habue-  
 rit, non dubium est, vxorem in solidum conueniri posse, nec  
 inuari SCto Velleiano, quod in communione tali exulat, vt  
 recte censet LAVRENACHI de ere alieno in societ. coniug.  
 contr. soluendo cap. IV. n. 36. Sed idem etiam dicendum ar-  
 bitror, si vel maxime obligatio in solidum deficiat; imo si  
 solus contraxit maritus, saluo tamen regressu contra heredes  
 mariti. Equidem hoc casu cessat illa ratio, quae in casu ma-  
 riti adducta est; sed illa non deficit ex natura communionis  
 omnimode, quam inter coniuges Hamburgerenses hoc casu, de  
 quo nunc ago, vindicaui. Plenius hoc de argumento egit  
 ABRAHAM WESEL in comment. ad nouell. constit. Ultraied.  
 art. 6. docuitque in tantum vxorem mariti debitis alligatam  
 esse, vt vel directo matrimonio eorum solutioni sit adscri-  
 pta, non dimidiatim, sed in solidum, iusque et a mariti here-  
 dibus dimidiari reperendi iure. Nec eo minus, ait IDEM in tr.  
 de connub. bonor. societ. tri II. C. III. n. 4. si creditores pre-  
 termissa vidua possunt in solidum agere contra heredes mariti,  
 cum quo contraxerunt. Possetius vel ideo asserendum, quod  
 heredes mariti succedant in obligationem defuncti, qui in  
 solidum ex suo contractu obligatus fuit. Prius autem vel in-  
 de liquet, quod vxor, facta et suscepta diuisione cum here-  
 dibus mariti, non possit statum obligationis, qua iure com-  
 munionis quilibet in solidum obstrictus erat, mutare aut alte-  
 rare. Recte ait VERACIVS in consuet. Bamberg. P. II. qu.  
 1. seqq. superstes tenentur soluere eo alienum, quod coniux al-  
 ter contraxit quocunque nomine et causa, quamuis superet al-  
 teram partem, vbius enim dominium fuerat idem quam alter-  
 rius et cuiusque in solidum. Neque adeo ab hac sententia re-  
 cedere videntur, qui omnia ex iuris Romani principiis assti-  
 mantes

*Si solus mari-  
tus contraxit*

quod affirmat  
ur.

mantentes supponunt vel fingunt, maritum esse instar *præfecti*, vel societati coniugali *præpositi*; adeo ut quicquid cum eo contractum, cum singulis *in solidum* contractum videatur iuxta *L. 13. viri et L. 14. pr. de instit. act.* adeoque quolibet sociorum obligari *in solidum*, ut penitus euincit I. A. V. TERBACH *diff. de obligat. soc. que oritur ex conuent. cum extran. inita C. III. §. 19.* Ego hoc argumento, ab hac doctrina alieno, non vtor, nec fictam hanc *propositionem* agnosco, persuasumque habeo, maritum quidem *principaliter* gerere negotia, contrahere, agere, cetera, id tamen ei ut *capiti familie et domus datum esse ex lege*, quamuis in *ere alieno* ante matrimonium contracto ne quidem ratio iuris Romani locum aliquem inueniat. Sicut enim boni constante matrimonio indiuisim possidentur, ut vnum patrimonium, singulique dominium *in solidum* iure Germanico habere videantur; ita pariter singuli *ere alieno* contracto *in solidum* obstringuntur, et quod negotium cum marito initum est, etiam cum uxore initum censetur, quæ obligatione intuitu creditorum non libetatur vxor, facta diuisione cum heredibus mariti. Ita sese rectissime habet ius Leodiensium: *qui epouse femme, epouse ses dettes*, quæ regula etiam inuerti omnino debet.

§. XXV. Equidem si statuto res decisa, huic merito standum, quod diuisione facta minuere potest obligationem superstitis, eumque duntaxat *pro parte* obligare. Tale quid autem iure Hamburgensi factum fuisse non reperi, adeoque quæ sententia mihi probabilior videatur, ex natura *communione* huius Germanicæ et legalis hætenus ostendi. Nec deerunt tamen ibi eruditorum hac de re dissensus, præsertim cum obseruauerim, MEYIUM P. III. *decif. 166. in* Nec iure Ham-  
burgensi aliud  
constitutum.



alia omnia iuisse. Ait n. 3. Postquam vidua cum heredibus bona diuisit, aut diu circa diuisionem versantur, superuenientes creditores illam in solidum amplius conuenire iniquum fore. Tantum illa teneatur pro parte, quam in communione, quae causa et regula obligationis existit, habuit. Haud tamen illa, quam ex bonis mariti per conventionem accepit, sed pro qua parte fuit conxor. seu in communione. Nihil ipsi proficit, quod accepta certa pecunia bona mariti heredibus eius reliquit. Quia creditores hinc non absoluitur ab ea obligatione, quam communis honorum introduxit. Pacta heredum, cuius vicem hic uxor habet, non nocent creditoribus. Dubitanter magis idem ad ius Lubec. P. r. tit. V. art. 7. n. 7. rationes subducit, his usus verbis: Ille casus extra dubium est, quando uxor cum liberis communis adhuc tenet bona. Sed quando diuisione cum liberis facta dimidiam saltem portionem retinuit, ceteris bonis in liberos eorumque tutores translatis, maxima dubitatio suboritur. Conueniri iusto, quae obligatur, ratio dicitur, sed quatenus? id controuersum est. Sunt qui in solidum eam obligari putant, quia duo quasi rei debendi sunt ex statuto, qui in solidum obligantur. Aliis contra visum, pro dimidia parte eam teneri et conueniendam tum per text. in art. 7. tit. V. h. lib. verb. *Wunderschits Guth* et verb. *muß sie mit bezahlen helfen*: tum quia per huiusmodi statuta coniuges habentur, ut duo correi debendi, qui socii sunt, et ut vice mutua fideiussisse intelligantur, qui in solidum non tenentur, imo beneficio diuisionis gaudent. Quid ubique praxis obseruet, integrum relinquo. Addit deinde suam sententiam: Si autem fundamentum seu causam huius iuris intuemur, facile in eam quis descendet sententiam, quod pro dimidia parte solum teneatur, aut ad minimum correorum beneficio frui debeat, qui hodie diuisionis exceptione se defendunt. Auth. hoc ita C. de duob.

duob. reis. Nou. 99. c. 1. Accedit quod statutum personam non tam obligat, quam bona communia. Ideo hæc sequitur actio creditorum. Quæ quum non apud uxorem sola sint, nec sola solutioni est obnoxia. Rationi quoque iuris communis hoc est conuenientius. In eandem sententiam videtur inclinare 10. Et Io. Sande. SANDE lib. II. tit. V. def. 8. ubi docet, creditorem in eum, cum quo contraxit, habere in solidum actionem; ex semisse vero in alterum, cum quo non contraxit. Non simpliciter hanc sententiam improbo, nec eam ab æquitate recedere existimo. Id tamen desidero, in decisione hac a Ictis assumi plura a societate negotiatoria contractu inita, quæ tamen a legali in plurimis diuersa est. Differentiam ipsemet agnoscit SANDE cit. l. docetque, hanc, quæ quæstus negotiatorii gratia initur, esse societatem rerum, bonorum magis quam personarum rationem habens, quia vnice communis quæstus intenditur: propter hunc solummodo suscipitur, nec vltius sese contrahentes obstringunt. Sicuti ergo pro rata acquirunt, ita pro rata se obligare intendunt. Ast societas coniugalis est vitæ omnis societas, personarum præcipue intuitu inita, ut ait SANDE cit. l. h. c. consensus primario interponitur de perpetuo vitæ consortio, et indiuidua vitæ consuetudine, quam coniugalis amor et intima animorum vnio omnis dissolutionis expers desiderat; secundum quam in vnâ carnem transeunt, et pro vna persona habentur. Huic coniugali societati leges Germanorum talem communionem rerum omnium, ipso iure attribuerunt, ut sicuti coniugum vnus idemque animus vnaque voluntas esse debeat, ita inseparabili ac vno eodemque patrimonio instructi videantur, ut quod vnus antea separatim, nunc sit alterius quoque, et sic in solidum acquirant et in solidum obligentur constante matrimonio. Hoc posito obligatio in ma-

Contrarium  
in natura  
communione  
legalis ostenditur.



examinatis  
Menis ratio-  
nibus.

trimonio *in solidum* contracta non potest alterari per susce-  
ptam rerum diuisionem, ne factum debitoris noceat per in-  
directum creditoribus, quia de causa statuta edixere, *ut an-  
te diuisionem omne res alienum de bonis communibus deducatur*,  
quod ratio huius obligationis *in solidum* desiderauit. In so-  
cietate *quæstus negotiatorii* gratia inita diuiditur *pro rata* et-  
iam *res alienum communis consensu* contractum, nec hoc in  
iniuriam creditorum tendit, quia sicuti *pro rata* ex intentio-  
ne sua contrahunt, ita *pro rata* bonorum semel obligant, et  
finita societate obligati manent, nisi aliud vel *expresse* vel *ta-  
cite* actum sit. Inde ab hac societate plane alienæ rationes  
MEVIANÆ videntur. Concedit IETVS præstantissimus  
cit. decis. 166. durante communione, seu ante diuisionem,  
superstitem coniugem actione *in solidum* teneri. Ergo 1)  
non iniquum est; diuisione facta, eum quoque adhuc *in so-  
lidum* obligari, quia hæc obligatio ex ipso coniugio nata, ne  
quidem morte vnus tollitur, ante diuisionem, ut ipsemet  
concedit. Ne quidem loci, per contractum tales facti, ob-  
ligationis statum mutant, diuisione facta, si singuli sese *in  
solidum* obligauerunt, ne factum debitorum in iniuriam credi-  
torum cedat. 2) Communio est quidem causa huius obliga-  
tionis; ast cogitandum est, durante coniugio vnum idemque  
coniugum esse patrimonium, nullasque partes in eo illo  
tempore intelligi, quod *unitate carnis* vnus persona vice  
fungantur, ut paulo ante dictum. Socii ex contractu *pro ra-  
ta* et acquirunt et se obligant, ut constante societate, singu-  
li *pro rata* conueniri queant, nisi vnus societati præpositus  
fuerit, quod ab hac communione alienum est. 3) Errat  
MEVIVS, existimando, coniugem *pro parte* tantum fuisse  
confortem, quem tamen *in solidum* constante coniugio, ob-  
ligari dicit. 4) Coniuges *correos* debendi constituit, qui-  
bus

bus tamen beneficium *diuisionis* denegatur, si socii sunt, et *in solidum* obligati iuxta ea, quæ tradit fufius LAVTERBACH *de obligat. socior. quæ oritur ex contr. cum extran. inita* §. 23. quod multo magis dicendum de tali *communione legali*, quæ singulorum obligationem *in solidum* format, ipso latente MER- VIO; ne dicam, beneficium diuisionis iuris Romani fœtum, ius Germanicum vero ex propriis principiis decidendum esse. Pariter 5) aliena ab hac doctrina est ratio, quod vice mutua fideiussisse intelligi debeant, cum tamen non *sua voluntate*, sed *ex ipsa lege* *in solidum* sint obstricti. Denique 6) erroneum est, quod statutum *personam* non tam obliget, quam bona, tum quod *obligatio* tantum in *personam* non proprie in *bona* cadat: tum etiam quod, vt SANDE satis probe in verbis adductis obieruat, *personarum præcipue intuitu hæc societas ineatur*. Ducuntur vxores non ob *commercium*, sed liberorum et mutui adiutorii causa. Hæc arctissima personarum vnio, qua in vnâ carnem coalescunt, de iure Germanico *per consequentiam* peperit vnitatem et identitatem patrimonii.

§. XXVI. Dixi vero, coniugi vel heredibus eius *regressum* competere contra liberos aliosque cum quibus diuisionem olim facta. Ponamus: maritum, relictis decessisse liberis, viduum vero secunda vota eligentem cum illis diuisisse, et tandem relictis ex secundo quoque thoro liberis decessisse: creditorem autem quendam hos, vt matris heredes, conuenire ex debito tempore primi thori contracto. Non dubium est, quin liberi secundi matrimonii creditori satisfacere teneantur *in solidum*. Quodsi vero hi liberis primi thori vel *litem denunciant*, vel *regressum* contra eos suscipiunt, id aliter fieri non potest, quam si demonstrauerint liberi secundi coniu-

*Regressus ex-  
men non com-  
petit, nisi do-  
ceatur, omis-  
sum in diui-  
sione fuisse de-  
bitum.*



coniugii, debitum hoc tempore *diuisionis* in computationem totius patrimonii haud venisse, illudque ex inuentario edito omissum esse. Quum enim antequam diuisio suscipiatur, debita quouis deducenda sint von dem gemeinen gangen Guth, praesumptio vrgens pro *liberis primi thori* militat, deductionem hanc fuisse factam, et debitum eo tempore simul in inuentarium fuisse relatum; contrario vero probato, regressus non denegandus. Decisio hac quodammodo illustrari potest

Quod ex sta-  
tuto Hambur-  
gensis illustra-  
tur.

ex statuto nostro P. II. tit. XI. §. 16. in f. vbi praemittitur, viduam liberari a re alieno, omnia bona cedendo creditoribus, nec rursus conueniri posse, si vel maxime ex liberalitate cognatorum dotata alii nuplerit. Additur vero hac notabilis clausula: Da aber die Wittwe und ihr Ehemann sich des ersten Ehemanns Güther, es sey viel oder wenig, beweislich angemasset hätten, so seyn sie auch auf den Fall, zu den nachstehenden Schulden des ersten verstorbenen Ehemanns creditoren zu antworten verbunden. Hæc verba illustrant ea, quæ antea plenius de obligatione *in solidum* dixi. Etenim 1) die Annassung des ersten Ehemanns Güther aliter vix concipi potest, quam si vel cum *liberis* vel cum *consanguineis* eius diuisit; quia hoc modo partem de bonis, es sey viel oder wenig, acceperunt? 2) vidua cum nouo marito, cum quo rursus coniugii iure in vnitatem patrimonii transit, tenetur creditoribus prioris mariti non *pro parte*, sed *in solidum*; alioquin enim statutum cauere debuisset, viduam cum consanguineis vel liberis primi matrimonii eo nomine teneri, et quidem singulos *pro rata*. Interim tamen 3) æquum quoque est, vt regressus viduæ saluus sit, si debitum hoc per errorem, diuisione facta, a communibus bonis deductum haud fuerit, modo error fuerit legitime probatus.

§. XXVII. Ad alterum casum progredior, quo vel durante vel finito morte matrimonio, aeris alieni onus immensum, concursus creditorum excitat sollicitatque. Non reperi, in *statutis antiquis* *MSCris* de hoc casu aliquid cautum fuisse, vnde auguror, vniuersum olim patrimonium coniugum ad massam concursus tractum fuisse pro quocunque debito, siue *ante* siue *post* initum matrimonium fuerit contractum, cum hæc distinctio extra *concursum* nec hodie vltimam quendam habeat, vt §. *antec. ex art. 16. cit.* demonstraui. Videntur vero maiores pedetentim aliquid laxasse ex *antiquo iure*, et in gratiam vxorum, vt ex hoc naufragio aliquid quandoque seruare queant, distinctionem inter debita *ante et post matrimonium* contracta induxisse, vt nunc ostendendum erit. Referam ante omnia leges, quibus hodie Hamburgi vtimur. Primus textus est *P. II. tit. V. art. 10.* *Wie wohl nach gemeinen beschriebenen Kaiserlichen Rechten die Ehefrau, ihres eingebrachten Braut-Schatzes wegen, und daherrührenden stillschweigenden Verpfändung, in ihres Mannes Güthern vor allen andern Creditorn, ob die gleich ältere stillschweigende Verpfändungen hätten, vorgezogen werden: So wollen wir doch, zu Handhabung gemeines Nutzens, Trauens und Glaubens, und zu Beförderung der Handthierung, auch weil es hiebevorn in dieser Stadt üblich also gehalten worden, hiemit geordnet haben, daß die Frauen ihres eingebrachten Braut-Schatzes halben, in ihres Mannes Schulden, so in stehender Ehe gemacht, nicht allein keinen Vorzug haben, sondern daß auch derselbe Braut-Schatz, wie dann ingleichen alle andere, ihre in stehender Ehe angeerbte Güthere, vor ihres Mannes Schulde gänzlich haften und gehalten seyn sollen. Was ihr aber nach ihres Mannes Tode, oder auch, nachdem derselbe entwichen, anstirbet, des*

*De are alieno  
communi, con.  
cursu moto,*

*iure veteri*

*nunc*

*verba statuti.*



fen hat sie billig samt ihren Kindern zu genießen, und haben ihres Mannes Creditorn keine Forderung oder Zuspruch daran, es sey dann, daß sie sich anders verschrieben. Alter textus est P. II. tit. XI. art. 13. Werden nach des Ehemanns Absterben die nachgelassene Güther mit Schulden-Last beschweret befunden: so bleibet der nachgelassenen Wittwen eingebrachter Braut-Schatz vor die Schulden, die in stehender Ehe gemacht seyn, verbunden. Vterque textus euidenter differentiam constituit inter ius commune Romanum, et inter nostrum Hamburgense, quæ ex diuerso matrimoniorum Romanorum et Germanorum statu nascitur. Dotium Romanorum iura diuersitatem patrimonii vtriusque coniugis arguunt, quam ius patrium ignorat. Quicquid acquiritur vxori, marito quoque acquisitum censetur, et vice versa, et ita pro debitis mariti vniuersum patrimonium, vnde soluenda debita, tenetur. Distinctio autem inter debita matrimonialia et non matrimonialia stricto iure ne quidem hoc casu locum habere deberet, quemadmodum in antiquissimo statuto Mægo eius nulla iniicitur mentio; per temperamentum tamen quoddam tandem maioribus hoc casu placuit.

Origo distinctionis inter debita matrimonialia et non matrimonialia.

§. XXVIII. Ansam huic distinctioni dedisse videtur Recessus antiquus Hamburgensis anno 1528. initus, in cuius artic. 32. hæc habentur: Dar iemand binnen unser Stadt ene Wedwe edder Jungkfrowen na düssen Dage trouwede, und desülbe siß siner Güdern im Löffte höher berömede, als de werth sin, und darna befunden wurde, dat he in sodanen Schulden where, dat sin Bruderschadt baven de Schulde nicht fonde frey ingebracht werden, so schölen der Wedewen edder Jungkfrowen Güder vor de Schulde, so vorhen gemacht, se sin beervet, effte unbeervet, nicht gehalten syn, de oct

odt siuer Hufsfrowen houetstol ane der Frinde Willen tho bes-  
 schwerende nicht mechtig sin. Obseruo ex hoc articulo 1) <sup>ex statuto an-</sup>  
 nouum temperamentum iuris antiqui in hoc *recessu* factum, <sup>riquo.</sup>  
 idque indigitatum fuisse per verba: na diessen Dage: ad  
 matrimonia ante hunc *Recessum* contracta hanc nouam di-  
 spositionem trahendam non esse, sed illa aestimanda iure an-  
 tiquo censuerunt maiores, quod leges generatim *futuris* non  
*præteritis* scribantur negotiis. l. 8. C. de LL. Quocirca v-  
 xores, quæ ante hunc *recessum* iam iniuerant matrimonium,  
 a maritis deceptæ, simpliciter ex *ære alieno* mariti teneban-  
 tur, vt nihil ex hoc incendio rei familiaris seruarent sibi,  
 quod ante hunc *recessum* nihil de eo cautum fuerit. 2) Præ-  
 supponitur hic casus deceptæ per maritum vxoris, per fal-  
 laciam dissimulantem debita sua, totum eius patrimonium  
 ita absorbentia, vt quam indicauerat patrimonii quantitatem  
 inferendam, ab *ære alieno* immunem in matrimonium infer-  
 re non possit. 3) Hoc casu deceptæ vxori ita succurritur, <sup>eiuis verba</sup>  
 vt bona eius non teneantur vor de Schulden, so vorhen ge- <sup>dubia distin-</sup>  
 macket. Id vix aliter intelligi potest, quam de debitis tem- <sup>tionis ansam</sup>  
 pore *in*iti *matrimonii* dissimulatis vel ante illud contractis. <sup>dederunt.</sup>  
 Coniecturas tantum refero in hac probabilitate fundatas,  
 quod ante hunc *recessum* inaudita, moto concursu, fuerit  
 distinctio inter debita *matrimonialia* et *non matrimonialia*,  
 sed vxor simpliciter idem fatum, quod maritum premebat,  
 subire cogeretur. Noui quidem, hunc articulum statuto,  
 quo hodie vtimur, P. II. tit. V. art. XI. insertum fuisse, et  
 in hunc sensum verba: so vorhen gemacket, concurrentibus  
 articulis antea allatis, vix amplius accipi posse; sed illud  
 non impedit, quo minus anno 1528. quo primum tempera-  
 mentum hoc introductum est, in eum sensum hanc legem  
 maiores nostri capere potuerint, quamuis *nouo iure* eadem



verba, quæ ex hoc recessu retenta sunt, ad alium sensum paulisper flexa fuerint, ut cum ceteris huius statuti legibus conspirent. Hac coniectura inducor, ut credam per hunc recessum demum inter debita *ante et post matrimonium* initum contracta discrimen factum fuisse, quod et indicare videntur verba; Unde darna ( paulo post emergente concursu ) befunden wurde, dat he in so danen Schulden were re. Totus ergo articulus de graui ære alieno loquitur, tempore initii matrimonii quidem dissimulato, sed ita comparato, ut totum absorbeat patrimonium. Inde subsequencia verba: *vor de Schulden, so vorhen gemachet*, ad præcedentia, ad quæ se referunt, trahenda, ut bona vxoris de dissimulatis et ante nuptias contractis debitis haud teneantur. Quia vero emergente concursu ut plurimum vxores ad hoc *beneficium* prouocarunt, allegantes, se non ligari debitis ante nuptias a marito contractis, quæ ut plurimum a sponso dissimulari et silentio premi solent, admodum familiaris hæc distinctio in forensi tritura facta, ut consultius visum fuerit, generatim eam recipere, et moto concursu vxorum bona a nexu debitorum, ante matrimonium a marito contractorum, prorsus eximere.

Duo casus distinguendi  
1) si bona fide contractum matrimonium.

quo casu vxor non tene-

§. XXIX. Quæ quum ita sint, duo casus iuxta ius, quo hodie utimur, distinguendi sunt. Videndum scilicet, utrum *bona fide* matrimonium initum, et *durante matrimonio* moles æris alieni ita creuerit, ut bonis prorsus labatur maritus; an vero dissimulato ære alieno se diuitem dixerit sponsus, vel certam quantitatem ab omni ære alieno liberam *dolo malo* professus sit, quæ tamen deficit. Priori casu, uti dictum, vxoris illata et quæ constante matrimonio ei adhuc obuenerunt, pro debitis a marito *durante coniugio*



*iugio contractis simpliciter tenentur, non vero pro debitis* tur pro deli-  
*precedentibus,* quo ante nuptias maritus iam tenebatur. Fac, tis ante ma-  
 tempore initi connubii mariti patrimonium 20000. thalero- rimonium  
 rum valorem meruisse, eumque Titio aliisque octo mille de- contractis  
 buisse; matrimonio durante autem in tantum vires bonorum  
 decreuisse, vt de nouo *viginti mille* thalerorum æs alienum  
 contraxerit; ad horum solutionem vxor quoque ex bonis  
 suis concurrit; sed contra Titium ceterosque exceptione  
*debiti ante matrimonium* contracti tuta est. Posteriori casu,  
 quid obseruandum sit, traditur in *P. II. tit. V. art. XI.* qui 2) si vxor a  
 hodie vt plurimum *pomum Eridos* esse solet. Desumptus hic marito obara-  
 articulus est ex *recessu* de anno 1528. *art. 32.* vt modo §. *prec.* to est decepta.  
 obseruauit, cuius verba primum tradam, vt liqueat, an et  
 quatenus cum *textu antiquo* conueniant nec ne? Verba sunt  
 hæc: da auch jemand binnen dieser Stadt ihm eine Wittwe Verba statuti  
 oder Jungfraw vertrauen liesse, und bey der Verlöbniß sich ex antiquo  
 seiner Güther höher, als dieselben werth seyn, berühmete, recessu tracta.  
 oder aber auch keinen Brautschaz namkundig gemacht hätte,  
 und er darnach dergestalt in Schulden vertieffet be-  
 funden würde, daß er nach Ablegung derselbigen nichts eige-  
 nes gehabt, oder auch seinen berühmten Brautschaz nicht  
 frey einbringen könnte; so sollen der Jungfrawen oder Witt-  
 wen Güther, vor die Schuld, so vorhin gemacht, sie haben  
 in wärender Ehe Kinder erzeuget oder nicht, keinesweges ge-  
 halten oder verpflichtet seyn, und soll derselbig seiner Haus-  
 frauen Hauptstul, ohne der Freunde Willen zu beschweren  
 nicht mächtig seyn. Omissa in *textu* sunt verba: na düssen  
 Dage, quæ *superflua* visa sunt, postquam nihil noui iuris  
 constitutum, sed lex iam ante rogata repetita est. E con- quodammodo  
 trario addita hæc: oder aber auch keinen Brautschaz nam- nouiter de-  
 kundig gemacht hätte, quæ *maioris declarationis* gratia, et clarata.

ne quis verba legis captaret, adiecta sunt, cum sufficiat, quod se in genere diuitem per fallaciam dixerit finxeritque, et sponsam ad ineundum coniugium induxerit. Rursus etiam hæc maioris declarationis causa adiecta sunt: (quod forsitan olim in foro creditores inde exceptionem contra vxorem formauerint) daß er nach Ablegung derselbigen nichts eigenes gehabt, oder auch x. siue enim de certa bonorum quantitate gloriatus fuerit, siue generatim se diuitem per machinationes varias simulauerit, parum refert, quamuis quidam verba antiqui recessus ad primum casum restringere voluisse videantur.

Verba maxima  
ambigua; so  
vor die  
Schuld so  
vorhin ge-  
macht.

§. XXX. Retenta vero sunt verba: vor die Schuld, so vorhin gemacht, nunc quidem admodum ambigua, ut ænigma sapere videantur. Si in sensu illo, quem §. XXVIII. eis dedi, hoc in loco accipienda sunt, frustranea et sine effectu esse videntur, cum in genere vxor mariti debita ante nuptias inita soluere haud teneatur, si vel maxime maritus tempore contracti matrimonii satis idoneus et soluendo fuerit, ac omni fraude caruerit. Singulariter tamen hic aliquid cautum fuisse, tum connexio cum præced. §. 10. tum verba: da auch jemand x. docent indignantque, in casu hoc singulari ius singulare et exceptionem a regula, in §. præc. tradita, factam fuisse. Non ergo hic videndum, quo sensu forsitan maiores anno 1528. ea acceperint, sed quo hodie stante art. X. cit. et ne sine effectu sint, accipi debeant. Est enim particula vorhin indefinita et præcedens aliquod tempus designat, quamuis eius terminos a quo et ad quem non indicet. Vel enim intelligi possunt de ære alieno ante matrimonium initum contracto: vel de eo, quod antequam fraus callida mariti detecta atque manifestata fuerit, factum, et prio-

ri moli aris alieni *antematrimonialis* additum est, cum calidi debitores, alios qui deceperunt, sæpe diuturno tempore in abdito latitent, vt post aliquot annos demum fraus appareat. Priorem significatum amplecti non potuerunt maiores, quem iam *artic. præced. X.* tradiderunt generaliter; necesse ergo est, vt *posteriorem* sensum in mente habuerint, et ea intentione hunc articulum subiecerint priori, vt in adducto casu aliquid, quod a *præcedenti articulo* deuiaret, constituerent, ostenderentque, ne quidem ob debita *matrimonialia* vxoris bona teneri, postquam fraus mariti detecta est. Huic interpretationi fauent etiam *verba art. XI. ultima*, quæ in futurum a tempore detectæ fraudis vxori cauent: und soll derselbige seiner Frauen Hauptstuhl ohne der Freunde Willen zu beschweren nicht mächtig seyn.

§. XXXI. His itaque positis atque constitutis, ex hoc *textu* statuti nostri obseruo, (1) *duos casus fallacie* emergere posse, quorum primus est, wenn iemand bey der Verlöbniß seinen Braut-Schatz nahmktündig gemacht, und er darnach dergestalt in Schulden vertieffet befunden würde, daß er nach Ablegung derselben nichts eigenes gehabt; *es alienum* enim esse notanter dicitur, *quod nos aliis debemus*, vt nostrum amplius patrimonium esse non videatur, licet adhuc in dispositione nostra sit. *l. 213. §. 1. de V.S.* Ergo hic præsupponitur casus, si absque *pactis dotalibus* nuptiæ initæ fuerint, sponsus tamen contra bonam fidem diuitem sese simulauit, cum tamen deducto ære alieno nihil ipsi superesset, id quod *absque fraude* vix concipi potest, quam etiam maiores supposuisse videntur. Hæc suspicio si euidentibus argumentis declinari potest, cessat etiam dispositio, cum sæpe homines de bonis suis plus sperent, quam in illis est.

Alter

*Duo casus  
fallacie tra-  
duntur.*



Alter casus est, wenn er einen Braut-Schatz nahmständig gemacht, und sich seiner Güther höher, als dieselbe werth sind, berühmet, und darnach dergestalt in Schulden vertieffet befunden würde, daß er seinen berühmten Braut-Schatz nicht frey einbringen könne. Hoc casu quidem *pacta nuptialia* concipiuntur, in quibus determinatum est, quid in societatem coniugalem vtrunque illatum, de *diuisione* autem nihil cautum, sed *ius statutarium* simpliciter reseruatam fuerit, ut communio ita durare queat. Ab antiquo enim *usitatum* fuit, ut, iure Romano introducto, *pacta dotalia* quidem condita, sed liberis deficientibus vel aliter *communio* reseruata sit, ut in Hassia etiam moris est, ubi hæc formula *usitata*: im übrigen sehen die iungen Eheleute Hut bey Schleyer und Schleyer bey Hut. Ex his verbis communiter *pactum successorium* conficiunt, cum tamen nihil aliud euincant, quam *communione bonorum* pacto reseruata et confirmata. Sic itaque etiam iure Hamburgensi a marito in *communione* illata more Germanis *usitato* vocantur *der Braut-Schatz, dos mariti*, quæ appellatio in antiquis diplomatis et monumentis *usitatissima* est, ut docet Dn. de LVDEWIG *diff. de dote mariti*, quamuis pontifex in c. 6. X. de *donat. inter vir. et ux.* eam haud intellexerit. Sic in charta de anno 1267. apud Dn. de LVDEWIG *tom. IV. reliqu. MS&. p. 97.* occurrit *venditio* cum voluntate et consensu vxoris facta adiecta hæc clausula: *cui prædictam sortis meæ diu ante IN DOTE assignaueram.* conf. etiam SCHILTER. *ad tit. de iure dot. §. 75. et 86.* (II) Licet in adductis verbis *sponsalium* mentio fiat, non tamen illa de statu eorum durante intelligi possunt, sed potius ubi contracto iam matrimonio ex postfacto fraus apparet. Inter *desponsatos* quæ tales nulla adest *bonorum communio*, adeoque *sponsalibus* adhuc durantibus seu re integra hæc

de matrimo-  
nio, non de  
sponsalibus hic  
questio est,

hæc quæstio moueri nequit. (III) Quocirca hæc declaratio quoque subiicitur: sie haben in wärender Ehe Kinder erzeugt oder nicht, quæ indigitat, de casu, vbi *contracto iam matrimonio* fraus detecta est, in dicto articulo agi, et quamvis aliis liberis exstantibus, ante omnia *es alienum* ex communibus bonis deducendum sit, id tamen ad hunc casum noluerunt extendere maiores in præiudicium vxoris quoad illata. Denique (IV) detecta fraude maritali securitati vxoris ita prospicitur, daß der Mann seiner Frauen Haupt-Stuhl ohne der Freunde willen zu beschweren nicht mächtig seyn solle. Quocirca (a) ne quidem vxoris consensus hoc casu sufficit, sed *consanguineorum approbatio* desideratur, quod maritus facile ad consentiendum vxorem inducere queat. (b) Deficiente *consensu consanguineorum* ne quidem, moto concursu, bona vxorum, quæ generatim der Haupt-Stuhl vocantur, pro debitis maritalibus tenentur, sed ea libera sunt a subhastatione et extra concursum separanda, si adhuc exstant. Vt enim in genere quicquid in societatem confertur, *sors* vocari solet; ita pariter in verbis tactis appellatio hæc accipienda, vt quicquid vxor intulerit, ea denominatione veniat. (V) Detecta fraude maritali vxor vigilare et hoc indicare debito modo tenetur, vt alii deterreantur, ne vltius marito pecuniam credant; quia si tacet, si fraudem mariti tegere studet, sibi que non vigilat, et inde contingit, vt plures alii adhuc cum marito contrahant, tacite suo iuri renunciasse videtur. Quocirca ante aliquot annos, cum in concursu moto contra Pamphilum acriter disceptaretur, vtrum etiam bona vxoris, quæ præsidium in hoc articulo XI. ponebat, simulque alia dubia mouebat, hæc declaratio prioribus sententiis adiecta: jedoch mit dieser Erklärung, daß mit

*non distinguitur, utrum matrimonium sit implete nec ne?*

*de futura securitate vxori quoque prospectum.*

*Interim bona vxoris hasta subiicienda non sunt, donec hoc exceptio excussa fuerit.*

Tom. IV.

N n n

sub-



subhaftation und alienirung der impetrantinnen Pamphila eigener Habfeeligkeit, so viel deren an beweg- und unbeweglichen vorhanden, noch zur Zeit und biß selbige mit ihren wider die creditores habenden exceptionibus gehöret, gestalten Sachen nach innen zu halten. Ratio decidendi hæc erat, daß bey obhandener subhaftation und distraction ihrer Güther derselben ein grosses præiudiz zuwachsen, und unwiederbringlicher Schade zugefüget werden könnte, im Fall von derselbigen ihre Befugniß dagegen in progressu litis deducirt werden möchte, folglich biß dahin der subhaftation billig Anstand zu geben ꝛ. Vbi hoc per rem iudicatam impetratum, et ab vxore ad beneficium huius articuli XI. acriter prouocatum, probatio eidem imposita est per sententiam sequentis tenoris: Würde sie (Pamphili Ehefrau) daß ihr Ehemann zur Zeit der mit ihr getroffenen Verlöbniß dergestalt in Schulden vertieffet, daß er nach Ablegung derselben nichts eigenes gehabt, wogegen procuratori concursus reprobationem auszuführen, oder auch, daß sie den schlechten Zustand ihres Mannes eher gewußt, als die wirkliche und bona fide contrahirte matrimonial Schulden gemacht worden, zu erweisen unbenommen ist, rechtsgültig darthun, so ergeth ratione des Brautschazes und der Aussteuer ferner, was hiesigen Stadt Rechten gemäß ist, quæ sententia, appellatione a procuratore concursus interposita non obstante, confirmata est.

Si bona fide  
inita nuptia,  
moto concur-  
su, vxoris bo-  
na quacun-  
que subha-  
statur pro  
mariti debitis.

§. XXXII. Sed ad regulam reuertor, quæ eo casu obtinet, quando bona fide contractum est matrimonium, sed eo durante, maritus soluendo esse desinit, quo casu quid obtineat, §. XXVII. ex statuto nostro traditum est. Videlicet hoc in casu bona vxoris tantum hasta simul subiiciuntur wegen ihres Mannes Schulden, so in stehender Ehe gemacht. Defi-



Desideratur ergo (1) *ut bona vxoris vel in dotem data seu in matrimonium illata, vel alias constante matrimonio acquisita fuerint, der Braut-Schatz ingleichen alle andere ihr in stehender Ehe angeerbte Güther.* Hæc verba euidenter ostendunt a) *acquisitionis coniugalis* conceptum iure nostro longe aliter formandum esse, quam a LAUTERBACHIO supra relato factum est. Noui in nonnullis statutis *acquisita* hæc *coniugalia* admodum restringi, et inprimis ex eo æstimari, quicquid *communi labore et opera* acquisitum est vel pro tali habetur; sed simul ostendi, id potissimum ex iuris Romani principiis tractum, et *societatem negotiatoriam* cum *acquisitione coniugali* adeo collatam fuisse, ut omnes fere conclusiones postea exinde petita fuerint. Ius patrium ab his principiis abhorret, præsertim cum *communione* limites latius in eo extensi fuerint, et distinctio bonorum tantum, *eueni-ente concursu* creditorum, in solatium vxorum et liberorum obæcati patris, introducta fuerit. Non distinguitur itaque, *sine distinctio- ne, quo titulo* quo titulo bona hæc ab vxore acquisita fuerint, quum nec *acquisita fue- rint: cedendo* *hereditaria* excludantur. Inde vero fluunt sequentes conclu- *omnia bona* *creditoribus li- beratur.* siones. Prima est: *Vxorem omnia bona, qualiacunque fue- rint, creditoribus cedentem liberari, nec ulterius teneri.* Quum enim bona *dotalia* et constante matrimonio acquisita ob æs alienum mariti teneantur *iure communione*, palam est, vxorem hoc modo liberari, non item maritum; si forsan casu fortuito ad incitas redactus, bonis cedere cogatur, quod beneficium *cessionis bonorum* quidem executionem differat, sed debitorem principaliter contrahentem non liberet. Id clare decisum est in *statuto nostro P. II. tit. XI. art. 15.* Wür- de die Witwe nach Absterben ihres Ehemannes, wegen der auf dem Sterb-Haus befindlichen beschwerlichen Schulde des Sterb-Hauses und der nachgelassenen Güther sich nicht



subhaftation und alienirung der impetrantinnen Pamphilæ eigener Habseeligkeit, so viel deren an beweg- und unbeweglichen vorhanden, noch zur Zeit und biß selbige mit ihren wider die creditores habenden exceptionibus gehöret, gestalten Sachen nach innen zu halten. Ratio decidendi hæc erat, daß bey obhandener subhaftation und distraction ihrer Güther derselben ein grosses präiudiz zuwachsen, und unwiederbringlicher Schade zugefüget werden könnte, im Fall von derselbigen ihre Befugniß dagegen in progressu litis deducirt werden möchte, folglich biß dahin der subhaftation billig Anstand zu geben etc. Vbi hoc per rem iudicatam impetratum, et ab vxore ad beneficium huius *articuli XI.* acriter prouocatum, probatio eidem imposita est per sententiam sequentis tenoris: Würde sie (Pamphili Ehefrau) daß ihr Ehemann zur Zeit der mit ihr getroffenen Verlöbniß dergestalt in Schulden vertieffet, daß er nach Ablegung derselben nichts eigenes gehabt, wogegen procuratori concursus reprobationem auszuführen, oder auch, daß sie den schlechten Zustand ihres Mannes eher gewußt, als die wirkliche und *bona fide contrahirte matrimonial* Schulden gemacht worden, zu erweisen unbenommen ist, rechtsgültig darthun, so ergeheth ratione des Brautschazes und der Aussteuer ferner, was hiesigen Stadts Rechten gemäß ist, quæ sententia, appellatione a procuratore concursus interposita non obstante, confirmata est.

*Si bona fide  
inita nuptia,  
moxo concurr-  
su, vxoris bo-  
na quacun-  
que subha-  
stantur pro  
mariti debitis.*

§. XXXII. Sed ad regulam reuertor, quæ eo casu obtinet, quando *bona fide* contractum est matrimonium, sed eo durante, maritus soluendo esse desinit, quo casu quid obtineat, §. XXVII. ex statuto nostro traditum est. Videlicet hoc in casu bona vxoris tantum hæstæ simul subiiciuntur wegen ihres Mannes Schulden, so in stehender Ehe gemacht.

Dehi-



Desideratur ergo (1) *ut bona uxoris vel in dotem data seu in matrimonium illata, vel alias constante matrimonio acquisita fuerint, der Braut-Schatz ingeleichen alle andere ihr in stehender Ehe angeerbte Güther.* Hæc verba euidenter ostendunt a) *acquisitionis coniugalis* conceptum iure nostro longe aliter formandum esse, quam a LAUTERBACHIO supra relato factum est. Noui in nonnullis statutis *acquisita* hæc *coniugalia* admodum restringi, et inprimis ex eo æstimari, quicquid *communi labore et opera* acquisitum est vel pro tali habetur; sed simul ostendi, id potissimum ex iuris Romani principiis tractum, et *societatem negotiatoriam* cum *acquisitione coniugali* adeo collatam fuisse, ut omnes fere conclusiones postea exinde petita fuerint. Ius patrum ab his principiis abhorret, præsertim cum *communione* limites latius in eo extensi fuerint, et distinctio bonorum tantum, *euidente concursu* creditorum, in solatium vxorum et liberorum obzati patris, introducta fuerit. Non distinguitur itaque, *sine distinctione, quo titulo* bona hæc ab vxore acquisita fuerint, quum nec *hereditaria* excludantur. Inde vero fluunt sequentes conclusiones. Prima est: *Vxorem omnia bona, qualiacunque fuerint, creditoribus cedentem liberari, nec ulterius teneri.* Quum enim bona *dotalia* et constante matrimonio acquisita ob æs alienum mariti teneantur *iure communione*, palam est, vxorem hoc modo liberari, non item maritum; si forsan casu fortuito ad incitas redactus, bonis cedere cogatur, quod beneficium *cessionis bonorum* quidem executionem differat, sed debitorem principaliter contrahentem non liberet. Id clare decisum est in *statuto nostro P. II. tit. XI. art. 15.* Würde die Witwe nach Absterben ihres Ehemannes, wegen der auf dem Sterb-Haus befindlichen beschwerlichen Schulde des Sterb-Hauses und der nachgelassenen Güther sich nicht



anmassen, sondern den Creditorn des verstorbenen Ehemannes die nachgelassene und am Sterb-Tage vorhandene Güther wirklich und aufrichtig abtreten und auftragen: so kan dieselbe Wittwe durch solche beständige cession von ihres verstorbenen Ehemanns Creditorn sich loswürcken und entfreyen. *Secunda conclusio est: quicquid vxor post mortem mariti vel postquam mole æris alieni grauatus discessit, iure hereditario acquirit, ad concursum trahi nequit, vt P. II. tit. V. art. 10. in f. cauetur: Was ihr aber nach ihres Mannes Tode, oder auch nachdem derselbe entwichen, anstirbt, dessen hat sie billig samt ihren Kindern zu geniessen, und haben ihres Mannes Creditorn keine Forderung oder Zuspruch daran, es sey dann, daß sie sich anders verschrieben, quia enim bona communia cedendo creditoribus sese liberare potest ab onere æris alieni a marito contracti, inde conficitur, vt postea acquisita ab hoc onere immunia esse debeant. Denuo id firmatur P. II. tit. XI. art. 14. Woferne aber die Wittwe, wenn sie die Güther ihres verstorbenen Ehemanns Creditorn abgetreten, von ihren Eltern oder nechstverwandten Freunden, nach des Mannes Todt oder falliment etwas ererben würde, dessen hat sie und ihre Kinder, vor ihres verstorbenen Ehemanns Creditorn Ans und Zuspruch frey und ungehindert billig zu geniessen. Equidem si maritus aufugit, coniugium moto concursu, non finitur, sed in suo statu perdurat: eius tamen patrimonium ita turbatur atque incendio præsentissimo exponitur, vt quicquid coniugum antea fuerat, creditorum esse incipiat, et sic quasi hoc patrimonium obaratum per concursum excitatum moritur atque exstinguitur, vt quicquid deinceps vxori obuenerit, in idem naufragium non sit trahendum, prout rigorem iuris antiqui maiores nostri optimo temperamento emolliuerunt. Tertia conclusio est:*

*Quicquid vxor post mortem mariti acquirit, ad concursum non trahitur.*

*quod etiam dicendum, si maritus ob alienum discessit.*

*vel si a consanguineis*

*Idem*



Idem quoque dicendum, si cessis bonis communibus a propinquis rursus dotata secundo nubendo dotata denuo fuerit, vt cauetur P. II. tit. XI. fuerit

§. 16. Bürden der Wittwen, (welche nach ihres Ehemannes tödtlichen Abgange, alle am Sterb-Tage im Sterb-Hause und sonst verhandene, und ihrem verstorbenen Ehemanne, und ihr zugehörige beschwerte Güther ihren Creditorn hat abgetreten) Eltern oder verwandte Freunde dieselbe aus ihren eigenen Güthern wiederum aussteuern: so können des verstorbenen Ehemanns Creditorn so wenig die Wittwe, als auch ihren andern Ehemann ferner nicht besprechen. *Quarta conclusio est: Vxor bonis mariti sese immiscens ob es alienum primi mariti cum secundo marito tenetur per cit. text. in art. 16. in fin.* *Aliud est, si secundo mariti bonis mariti primi bonis se immiscuit.*

Da aber die Wittwe und ihr ander Ehemann, sich des ersten Ehemanns Güther, es sey viel oder wenig, beweislich angemasset hätten; so seyn sie auch auf den Fall zu den nachstehenden Schulden des ersten verstorbenen Ehemannes Creditorn zu antworten verbunden. Hoc tamen sine dubio intelligendum, 1) si cum secundo marito aequae in communionem bonorum transiit, quo non facto, hic ex antecessoris sui debitis conueniri nequit: 2) vt moto concursu ob debita mariti prioris tantum teneatur vxor ob res alienum constante coniugio primo contractum. *Quinta conclusio est: Vxor moto concursu illata repetendi, seseque hoc ipso ab onere aeris alieni mariti liberandi, quod ex art. 10. P. II. tit. V. euidenter liquet.* *Vxor moto concursu illata repetere non quirit.* Supra iam errorem hunc, quem KOHLIVS in primis ad constit. Marchic. fovet, notavi, atque ostendi, ex conceptu plane peruerso de partitione statutaria coniugum hinc inde contrarium vel receptum vel constitutum esse. Ius patrum in hoc genuina et limpidissima retinuit principia, et sicuti communio bonorum uxorem in communionem aeris alieni vocat, ita ab hoc sese



aliter liberare nequit, quam *cessione omnium bonorum*, ut nihil ex *illatis* et *acquisitis* seruare queat.

Matrimonium  
debet esse  
consummatum.

consensione  
thalami

secundum in-  
ter canonicum  
principium

§. XXXIII. Alterum requisitum est, ut *matrimonium consummatum fuerit*, quo ipso demum *communio* inter coniuges et ita quoque *eris alieni communio* inducitur. Quamvis vero *iepoxyia* constituere dicatur coniugium, quia *consensus coniugalis* declaratur; ius Germanicum antiquum tamen praeterea ad effectum plenum iurium connubialium desideravit *consensionem thalami*, ut *uxor iam thori socia ipso facto facta* fuerit, quod in *spec. Saxon. lib. I. art. 45.* indicatur his verbis: *sie ist seine Genosin und tritt in sein Recht, wenn sie in sein Bett tritt.* et *lib. III. art. 45.* Das Weib ist auch ihres Mannes Genosin aller der Ehren und Würdigkeit, die der Mann hat zur Hand, als sie in sein Bett tritt, quod ex *FRIDERICI III. historia* illustrat *GVNDLING. de emt. uxor. C. 3. §. 14.* Vtrum vero hoc principium in solo Germanico ex *causis domesticis* natum, an vero aliunde assumptum sit, ante omnia eruendum est. Posterius vel inde probabile redditur, tum quod nullae *rationes domesticae* adferri queant, quae ex *Germanorum rebus et institutis* hoc principium fluere ostendant; tum quod in *iure canonico* commune principium reperiatur, unde plura in *iure Germanico* pedetentim assumpta sunt, ut *speculatores* ostendunt, et gentium, sed *papali subiectarum*, seita demonstrant. Conclamatum autem est, matrimonia iure hoc potissimum aestimari ex *sacramento*, quod demum *ratum* facere coniugium creditur, *c. 7. X. de diuort.* cui omnem eius vigorem attribuunt, *c. 6. X. qui fil. sunt legit.* Proinde non mirandum est, ex hac ecclesiae Romanae doctrina, pro *articulo fidei* obtrusa, et per *iudicia ecclesiastica* propagata, assumptum dogma



dogma fuisse, tunc demum in communionem bonorum transire coniuges, quando una caro fieri vel facti creduntur, quia hoc ipso demum sacramentum coniugii perfectum est iuxta c. 6. X. de digam. non ordin. ubi pontifex ita: coniugium illud, quod non est commixtione corporum consummatum, non pertinet ad illud coniugium designandum, quod inter CHRISTVM et ecclesiam per incarnationis mysterium est contractum. Assumptum hoc principium est ex sententia LEONIS, tradita in c. 17. C. 27. qu. 2. adeoque non demum cum INNOCENTIO III. nata, sed ab eo duntaxat regustata. Idem observat CAROLVS AMEAN in iure ciu. Leod. P. I. obs. 51. n. 7. et præmissa generali doctrina, quod communio demum ex tempore consensionis thalami arcessenda sit, hæc subiicit: Huius opinionis ratio in eo consistit, quod etsi nuptias consensus non concubitus faciat, et perfectum sit ante copulam, quoad vinculum, matrimonium; est tamen imperfectum quoad significationem: non enim omnia illa significat, quæ significaret carnali copula consummatum. Non ergo hic prouocari potest ad principia iuris Romani, vnde hodie causæ matrimoniales non æstimantur, quamuis rursus in hanc inclinauerit sententiam LAUTERBACHIVS de ære alieno in societ. coniug. contr. solu. §. 12. n. 7. aiens: ubicunque vero nihil tale statuto reperitur constitutum, vel consuetudine receptum, ibi coniugalem bonorum societatem moribus receptam vel statuto introductam, statim ex tempore contracti matrimonii initium sumere existimamus; ita ut quam primum coram sacerdote personæ desponsatæ coniugali consensu ius corporum ad usum matrimonii sibi inuicem communicauerint, atque a ministro verbi mulier viro rite copulata et tradita fuerit, simul etiam tacite in bonorum communionem et societatem consensisse videantur; quæ ipse tacitus illorum consensus sufficit ad societatem tanquam

ut faceret Carolus a Meana

male vero philosophatur Lauterbachius.



quam contractum consensualem contrahendam et perficiendam. Vel verba vltima produnt erroneum de communione bonorum coniugali conceptum, quem supra iam notaui, atque ostendi, Germanos ab eo alienissimos, nec peregrina iuris Romani principia hic assumenda esse, quin potius statuendum, ubi de hac re nihil statuto cautum, secundum mores scutonicos matrimonii effectum demum a consensione thalami repetendum esse. Neque enim quod iuris Germanici vniuersalis fuit, statuto determinare necesse fuit, adeoque etiam iure *Hamburgensi* idem obtinere asserendum est. Conf. *SANDE lib. II. tit. V. def. I. WESEL de connub. bonor. societ. tr. I. n. 30. sqq.*

Æs alienum  
tempore desponsationis  
contractum  
huc non pertinet.

consensio thalami  
debet esse legitima.

Ante consensum thalami  
contractum hic aliter  
num est.

Quid si matrimonium

§. XXXIV. Vnde variaz neci possunt conclusiones. Nam  
1) æs alienum tempore desponsationis contractum, pro eo habendum, quod ante matrimonium contractum est, quomodo-  
cunque verba sponsalium concepta fuerint, quoniam adhuc  
deest communio. *WESEL cit. l. CARPZOV. P. III. C. XIX. def. 6.* 2) Non sufficit quilibet ingressus thalami sed  
legitimus et secundum legem susceptus desideratur, qui demum  
post iecologice fieri potest. Proinde si vel maxime sponsus  
cum sponsa concubuit, eo ante copulam sacerdotalem mor-  
tuo, nulla adest bonorum communio, nec æris alieni commu-  
nicatio. *CARPZOV. cit. l.* 3) Si vel maxime post iecologice  
ante ingressum thalami contractum est æs alienum, adhuc ta-  
men pro eo habendum, quod ante matrimonium contractum  
est, vt recte censet *LAVTERBACH cit. l. §. 13. n. 3.* 4)  
Consensio thalami duntaxat desideratur, ex qua colligitur  
corporum commixtio, vtut ius canonicum primæ noctis absti-  
nentiæ commendauerit vel imperauerit. *c. ult. D. 23. c. 5. C. 30. qu. 5.* Quocirca si vel maxime ob impotentiam viri cor-  
porum



porum commixtio haud sequatur, effectus communionis ta- <sup>nullum ex im-</sup>  
 men non deficit, si in eo coniugio permanserint coniuges. <sup>potentia?</sup>  
 CARPZOV. cit. l. def. 5. Vxore vero ad nullitatem matrimo-  
 nii agente, et a marito disiuncta, omnis communionis effe-  
 ctus perit, atque vxor, quæ intulit, repetit, quæ repetere  
 haud posset, si iuxta LAVTERBACHII doctrinam ex con-  
 sensu tacito vel contractu, tacito consensu inito, hæc arces-  
 senda foret. Matrimonium, quod validum est, hanc de-  
 mum inducit, adeoque eo ob nullitatem deficiente, omnis eius  
 effectus, quem commixtio corporum desiderat, perit. 5) A- <sup>quid de puta-</sup>  
 liud dicendum de matrimonio putativo, nulliter quidem sed <sup>tino?</sup>  
 bona fide contracto, quippe quod ob hanc omnes veri ma-  
 trimonii effectus habet, licet ex post facto dissoluatur. Id  
 euidenter declarat pontifex in c. 2. X. de donat. inter vir. et  
 vxor. vbi calus adfertur de matrimonio nulliter, sed bona fi-  
 de contracto, quod diuortio dicitur dissolutum fuisse; quam-  
 cunque enim dissolutionem etiam ex capite nullitatis hoc  
 nomine venire quis ignorat? Maritus vero non tantum do-  
 tem illicite detinebat, sed et possessiones, quæ ipsis, dum si-  
 mul viuerent, cuiuscunque contractus titulo communiter obue-  
 nerunt, ea prorsus exclusa, sibi nitebatur vindicare. Respon-  
 dit VRBANVS III. maritum ad restitutionem dotis et diuisio-  
 nem eorum, quæ olim communiter habuerunt, distractione ec-  
 clesiastica compellendum esse. Conf. SANDE cit. l. def. 2. HER-  
 TIVS de matrim. putat. §. 25.

§. XXXV. Tertium requisitum est, vt æs alienum con- <sup>Æs alienum</sup>  
 stante tali matrimonio contractum fuerit, Schulden, so in <sup>debet esse con-</sup>  
 stehender Ehe gemacht per art. 10. P. II. tit. V. Neque <sup>stano matri-</sup>  
 vero distinguitur, vnde debitum ortum traxerit, sed simpli- <sup>monio contra-</sup>  
 citer asseritur, daß ihre Güther vor des Manns Schulden <sup>ctum.</sup>  
 Tom. IV. Oooo gänß-



an etiam mul-  
tal

gänzlich haſſten und gehalten ſeyn ſollen. Vnde eſt 1) quod etiam pœnam pecuniariam ſeu mulctam magiſtratui adhuc debitam ſoluere teneatur. Quamvis enim ſtatutum Hamburgense de debitis ex negotiis licitis diſponere videatur, creditorum vbique mentionem faciendo in art. 14. 15. et 16. P. II. tit. XI. quo nomine vtplurimum et principaliter, quibus ex contractu aliquid debetur, veniunt; non tamen alienum eſt a iuris noſtri doctrina, ſub creditorum appellatione etiam eos, quibus ex delicto debetur, aliquando contineri, l. 12. D. de V. S. quum horum nomine veniant in genere omnes, quibus ex QUALIBET CAUSA debetur, l. 10. et 11. eod. ſicuti vice verſa debitor non tantum iſ eſt, qui ex contractu ſed etiam qui ex delicto debet l. 14. de hered. petit. Id non tantum generalis iuris Hamburgensis diſpoſitio, quæ nulla debita, conſtante matrimonio facta, excipit, ſed ipſa etiam communio- nis ratio et natura, quæ omnia coniugum bona confundit et in vnum idemque patrimonium tempore coniugii coadunat, deſiderat, vt ſupra iam monui. Qualitas hæc patrimonii connubialis efficit, vt ex eo mulctæ et pœnæ pecuniariæ ſolui debeant, quæ ob delictum marito viuenti impoſita ſunt; ſicuti indiſtincte de eo extra concurſum tenetur, ſi vel maxime ante nuptias debitor ex delicto factus fuerit, vt recte obſeruat CAROL. 3 MEAN in iure ciu. Leodiens. obſ. 57. n. 1. In alia omnia iuit ABRAHAMVS 3 WESEL de connub. bon. ſociet. tr. 2. c. 3. n. 16. ſqq. rationibus hiſ ductus, quod maritus quidem caput magiſterque ſocietatis in contrahendis negotiis, non autem in ſlagitiis et pœnis dicendus: quod maritus eo nomine proprie non ſit debitor nec ſiſcus creditor, atque ille ex delicto proprie obligatus eſſe dicatur, qui illud commiſit, nec alieni criminis ſucceſſor conſtituatur: l. 26. de pœn. quod ex alieno crimine nemo puniri debeat: l.



22. C. eod. quod nulla delicti societas inter coniuges contracta sit, sed noxa caput sequatur etc. E contrario GORIS in *aduers. iur. subeif. tr. l. c. 4. n. 7.* distinguit inter *gravius* et *levius* delictum, ut ob hoc poena ex *bonis communibus*, ob illud ex delinquentis loculis soluenda sit. Sicuti vero hac distinctio nullum fundamentum habet, ut optime observat WESEL *cit. l. n. 57.* ita huius quoque decisionem agnoscere non possum, ex rationibus iam adductis. Non adeo enim insolitum et infrequens in iure est, ex poena *delinquenti soli* imposita per *consequentiam* simul incommodo et damno quodam affici innocentem, ut pluribus exemplis illustrat Dn PRAESES *diff. de poena sine crimine*, quo ipso tamen minime efficitur, ut *proprie loquendo et directo* innocens puniatur. *Qualitas patrimonii* efficit, ut quia ex hoc multa luenda sunt, simul innocens vxor, quae separatum a marito non habet patrimonium, per *indirectum* laedatur, quod damnum instar *casus fortuiti* a quo animo deuorare debet, sicuti alia infortunia, quibus *patrimonium connubiale* minuitur, simul sustinet. Quid ergo dicendum, si vxor constante matrimonio deliquerit, et in multam pecuniariam condemnata fuerit? In hoc casu WESEL *cit. l. n. 65.* obligari maritum credit, ut eam pro vxore soluat, soluto matrimonio eandem retributura. Quod ergo in *vxore delinquente* iuris est, idem quoque in marito punito admittendum; de *retributione* autem soluto matrimonio iure nostro vel ideo dubito, quia quod matrimonio finito ex bonis communibus soluendum est, ex eo *ip genere* ante omnia deducendum, vel vxor bonis cedere debet, ut ab aere alieno maritali liberetur, nulla *reservatione* facta, quae ipsi nullibi indulta est.

maritus etiam  
pro vxore  
multam sol-  
uit.



Confiscationis  
est diuersa ra-  
tio.

§. XXXVI. De confiscatione bonorum, quam maritus ex suo delicto subire cogitur, secus dicendum arbitror. Equidem in casu *moti concursus*, ubi bona communia ne quidem creditoribus sufficiunt, hæc quaestio otiosa est, quia nihil superest, quod fiscus eripere queat. Præsupponi hic ergo debet eiusmodi species, qua *bona sufficientia* adsunt, et sic hæc obseruatio ad primum casum, qui in *ere alieno*, extra concursum soluendo, occupatus fuit, pertinet, quem nunc supplebo hac meditatione, licet iam supra eius discussionem absoluerim. Videlicet cum hoc casu fiscus in locum mariti succedat, hic vero pro mortuo ciuiler habendus sit, l. 65. §. 12. pro soc. §. 7. I. de societ. et ita fiscus heredis loco esse videatur, l. 2. C. ad L. Iul. de vi publ. l. 11. §. fin. de fideiuss. in eum res reducitur statum, ut vxor ad diuisionem cum fisco prouocare et ita ex hoc naufragio partem sibi debitam seruare queat. Proinde liberis existentibus vxor innocens tertiam capit, reliquas duas partes fiscus, quas pater liberis detulisset successione, qua per indirectum priuantur: vno vero filio vel filia existente, dimidiam vxor sibi vindicat per art. 6. P. III. tit. III. quam etiam capit; si matrimonium improle fuerit per art. 8. cit. l. Quamuis enim in cit. art. 8. dicatur: daß anfänglich i. e. ante diuisionem, alle Schulden gerechnet und von dem sammenden Guth et paulo post von dem vollen gemeinen Guth abgezogen werden sollen; id tamen ad casum confiscationis applicari nequit, multo minus ita intelligi, ut fisco ante omnia satisfaciendum sit. Quin potius hic marito delinquenti succedit, et eius portionem ex bonis his conubialibus occupat. Conf. CARPZOV P. III. C. XX. def. 23. CHRISTINAEVS ad LL. Mechlin. tit. 9. art. 2. n. 22. MEYIVS lib. 1. tit. V. art. 7. n. 40. sqq.

§. XXXVII.



§. XXXVII. Sed reuertor ad res alienum *constante con-* *Debita matri-*  
*jugio factum, quo simul vxoris bona illigantur moto concursu.* *monialia.*  
 Quorum non tantum refero, quæ demum nouiter *constante*  
*connubio facta, sed etiam illa, quæ ante matrimonium qui-*  
*dem contracta, post initas vero nuptias nouata, vel soluta* *etiam nouata*  
 sunt ex nouo ære alieno tempore connubii contracto. So-  
 let tamen ut plurimum hæc exceptio ab vxoribus, moto  
 concursu, moueri, ut ex *rationibus decidendi* sequentibus in  
 causa debitoris Pamphili et vxoris eius, de quo supra iam  
 mentio facta est, suppeditatis, liquet: Ob es wohl scheinen  
 möchte, so viel die impetrantin betrifft, daß selbige aus dem  
 Concurs billig zu lassen, und sie das ihrige iure separationis  
 vorher wegzunehmen, inmassen Befl. ihr Ehemann theils  
 schon ehe er selbige geheyrathet, in solchen Schulden gestes-  
 set, theils auch *constante matrimonio* solche nur nouirt, und  
 mit denen neuen die alten debita bezahlet, mithin es eben so  
 viel sey, als ob solche bereits ante matrimonium contractum  
 von ihm gemachet worden, folglich dasjenige, was dieserhalb  
 aus denen Statutis wieder sie angeführet werden wollen, bey  
 diesen Umständen gar nicht hieher zu appliciren; nechst dem  
 derselben nicht weniger zu statten komme, daß ihres Mannes  
 eigene Mutter sich selbst vor ihm zu einer Selbst-Schuld-  
 nerin eingefeket, folglich auch dieselbe allensals zuerst excu-  
 tiret werden müste, überdem dergleichen statuta, so wieder  
 das allgemeine Recht abgefasset, striete zu interpretiren, dan-  
 nenhero auch nur auf der Frauen dotem, als wovon solche  
 eigentlich handelten, zu restringiren, danebenst aber auch von  
 Seiten der Creditorum und Curatoris bonorum angeführet  
 werden will, daß sothanes ius statutarium hierunter keinen  
 Unterscheid mache, sondern von der Frauen Güther in gene-  
 re disponire, mithin dieserhalb keine Ausflucht dawieder zu  
 suchen,



suchen; diesemnach auch nicht abzusehen, aus was Ursachen mit der distraction und subhastation der impetrantin Vermögen länger anzustehen. Dieweil aber dennoch anfangs, denen dasigen Statuten nach, der Frauen Habe und eingebrachtes für die Schulden, so ein Ehemann währenden Ehestandes contrahirt, denen Creditoribus nach denen in den actis allegirten und von impetranten an sich nicht geläugneten Stellen und befindlichen extracten ohnstreitig hafften, und dieses ohne Zweifel mit dem Grund, der fast in ganz Teutschland obtinirenden communione bonorum inter coniuges überein kömmt;

WESEL *de communione bonorum conubialium C. 3.*

Mithin auch dieserhalb ein Theil für den andern zu bezahlen sich keinesweges entbrechen mag, zugeschweigen, daß sich impetrantin für ihren Ehemann in verschiedenen Posten verbürget, welches iure Hamburgensi P. II. tit. VI. §. 2. mit Bestand geschehen mag; hiernächst aber daß der impetrantin Ehemann sothane Schulden noch ehe sie denselben geheyrathet, contrahiret, oder solche in währenden Ehestande nur nouirt, und erneuert, solches annoch unerwiesen, und res altioris indaginis ist, in der That auch impetranten wenig zu statten kommen würde; allenfals aber derselbigen bey dem concurs ihre Nothdurfft so wohl gegen die sämtlichen Creditores als ihres Mannes Mutter und constituirte Selbstschuldnerin gehörig auszuführen umbenommen &c. Palam est, vxoris exceptiones magis improbatas quam probatas fuisse, licet vltiori discussioni adhuc relictæ fuerint. Quamvis enim origo debiti inspicere debeat, certum tamen est, per nouationem tolli prius debitum, et nouum in eius surrogari locum, adeoque merito debitum pro eo habendum, quod *constante matrimonio factum est, si nouatio hoc tempore facta.*

facta. Solent enim creditores intuitu matrimonii, cum bene peculata contracti, eo magis fidem debitori suo habere, et ita cum eo contrahere, qui eiusmodi friuolis allegationibus decipi non debent, nisi forsan casus probari potest, qui ex art. XI. P. II. tit. V. supra explicatus est. Multo minus vel ex nouo credito as alienum antiquum solutum. vxor declinare potest illud as alienum, quod nouiter constante matrimonio contractum, licet ex eo antiqua debita soluta fuerint, cum nullo modo dici possit, hoc in eius locum surrogatum fuisse, nisi forsan nouus creditor immediate antiquo soluerit, et iura cessa ab eo acceperit, quo hoc modo prior obligatio in suo statu permaneat, et in alterum tantum per cessionem transferatur.

§. XXXVIII. Aliud dicendum videtur de debitis ante coniugium contractis in diem vel sub conditione, quorum dies demum durante coniugio venit, vel conditio existit. Dies enim obligationem non suspendit, sed statim cedit, et tempus soluendi tantum differtur, adeoque debitum tempore coniugii iam natum erat; §. 2. I. de verb. oblig. conditio vero existens retrahitur ad tempus promissionis, l. II. §. 2. qui pot. in pign. hab. l. 16. de solut. l. 78. de V. O. ac ea propter credendum est, ab initio iam debitum existisse et reuera pure contractum fuisse. Solet tamen excipi talis conditio, quae a libero debitoris arbitrio dependet, vt si maritus pretium ante matrimonium promiserit, si intra tres menses eidem placuerit res emta, et interim, contracto coniugio, emtio approbata fuerit, quia tunc demum reuera sese obligare voluit, quo approbat praecedentem contractum, quem pro lubitu improbare poterat.

§. XXXIX. Denique non distinguit statutum Hambur- Non distin-  
gense debita contracta, sed generatim pro illis omnia bona guntur, vtrum  
illi-



debitum sit so-  
ciale an non  
sociale.

illigat. LAUTERBACHIVS in *diff. de ære alieno in societ. con-  
jug. contr. soluendo c. III.* secundum ius *Württemberg.* et alio-  
rum locorum, quibus *acquæstus coniugalis* tantum commu-  
nis est, distinguit inter *æ alienum sociale et non sociale*, et  
illud inde æstimandum esse iudicat, quod huius *societatis*  
*gratia* contractum sit; illud vero esse dicat, quod principa-  
liter non in societatis utilitatem nec ob aliquod societatis o-  
nus est contractum, ut §. 40. plenius declarat, et variis ex-  
emplis illustrat. Meum iam non est, omnes has conclusio-  
nes sub incudem reuocare, quæ ut plurimum tractæ et de-  
ductæ sunt ex eo fonte, quod crediderit, societatem coniu-  
galem non differre ab ea societate, quæ *negotiationis causa*  
per contractum initur, ut iam aliquoties innui, unde etiam  
in *proximo* asserit, se hanc materiam *secundum vera legum*  
*Romanarum fundamenta* (sine quibus posteriora et noua *vie*  
*recte percipiuntur*;) et nouiter constituta (sine quibus illa *hic*  
*parum proficiunt*) *examinare velle*. Hoc vero ipso quid aliud  
indigitat, quam se utrumque ius et *Romanum et statutarium*  
in vnum chaos coniecturum, et ex utroque decisiones for-  
maturum, cum tamen statuta proprie ex suo fonte proprio  
explicanda fuissent. In eo tamen excusandus quodammodo  
LAUTERBACHIVS, quod cum talia statuta explicauerit,  
quæ iam iuris Romani principiis infecta erant, non potuerit  
in totum hæc euitare, modo in his non adeo nimius fuisset,  
et, quantum fieri potuisset, rem ad pristinam integritatem  
reduxisset. Enim vero his dubiis, quæ ex ea distinctione  
emergunt, supersedere possumus in iure *Hamburgensi*, quod  
debita cuiuscunque generis constante connubio contracta, ex  
omnibus bonis soluenda esse iubet, unde hanc distinctionem  
hic merito repudiamus. De *debitis funebribus* forsitan dubi-  
tari posset, an hæc referri debeant? Salaria quidem medico-  
rum

de *debitis fune-*  
*nebris*

rum ante mortem iam debita sunt; ast funeris impensæ cum accessoriis plus ambiguitatis habent, vt docet WESL *cit. l. tr. II. c. III. n. 80. sqq.* Qui cum eo ex iure ciuili philosophantur, statuunt, hæc debita societati non esse imputanda, sed ab heredibus soluenda. *l. 27. de relig. et sumt. fun.* Enimvero talem societatem, qualem *ius ciuile* intelligit, in conubio non agnoscit *Statutum Hamburgense*, sed quæuis debita ex bonis soluenda esse decernit. Illud vnice ergo in quæstione est, vtrum tale debitum pro eo adhuc haberi debeat, quod *constante matrimonio* factum? quod asserendum credo, quia intuitu defuncti, qui ex *bonis communibus* sepe- liendus, non tantum factum, sed etiam vxor hic *principa- liter* contraxit, adeoque magis ex *suo*, quam *mariti* debito obligatur.

§. XL. Denique si contingat, pleraque debita, quibus *ob debita an- te nuptias contracta v- xor moto con- cursu non te- netur sed exstantia vindicat.* concursus excitatus est, adhuc *ante nuptias* facta fuisse, qui- bus soluendis vxoris bona non illigantur, adeoque hæc ad separationem *illatorum* prouocat, hoc modo procedendum esse arbitror iuxta *statuti* nostri dispositionem. Primo bona, quæ adhuc exstant recte sibi vindicat, et ex hoc incendio ser- uat (quamuis etiam ex his debita mariti *matrimonialia* soluere cogatur). Secundo, quod *consumta* concernit, vtpote si potior *illatorum* pars in *pecunia* constiterit, distinguo, vtrum doti quædam destinauerit, nec ne? Priori casu cetera bona, quæ *extra dotem* acquisiuit, *paraphernalium* iure censentur, quæ tamen *prioritatem* nullam habent, *CARPZOV P. I. c. 18. def. 86.* adeoque *creditors hypothecarii*, ante matrimoni- um tales iam facti, merito eidem præferuntur. Quoad *do- talia* vix est, vt vxori præ his creditoribus prærogatiua ali- qua concedi queat. Quodsi ex *l. 12. C. qui pot. in pign. ha- bent.*

Tom. IV.

P p p p

bent.

*bent.* causa hæc decidenda foret, vxor omnibus his creditoribus anteposenda esset, quia *cit. l. §. 1.* generationum vxoribus potiora iura, *contra omnes mariti creditores, licet anteriores sint temporis privilegio vallati,* concessa sunt, nec distinguitur inter hypothecas *expressas et tacitas,* vt his anterioribus denum præferatur, non illis, quo iure indistincte etiam in Marchia vtuntur teste BRUNNEMANNO *ad cit. l. 12. n. 19.* Alia interpretatio paulo strictior placuit ICTIS Saxonici, obseruante CARPZOVIO *P. I. C. 28. def. 65.* opinantibus, vxorem ratione *dotis* tantum anterioribus creditoribus, *tacita hypotheca* gaudentibus, præferendam, anteriorem expressam habentibus postponendam esse. Hanc interpretationem receperunt maiores nostri, sensum *iuris Romani* his verbis exprimentes: *Wiewohl nach gemeinen beschriebenen Känserl. Rechten, die Ehefrau ihres eingebrachten Brautshazes wegen und daher rührenden stillschweigenden Verpfändung in ihres Mannes Güthern vor allen andern Creditoren, ob die gleich ältere stillschweigende Verpfändung hätten, vorgezogen werden.* Hæc posita et authentice approbata interpretatione, vxor in dote consumpta non potest præferri creditoribus, qui ante matrimonium iam *hypothecam expressam* in bonis mariti impetrarunt.

*Pactis dotalibus communio tolli potest.*

§. XLI. Atque hæc ita obtinent, si in *communione bonorum* coniuges substituerunt. Permissum enim illis est, per *pacta dotalia* ab illa recedere, quod tum factum censetur, si de illatis restituendis cum *donatione propter nuptias,* secundum iuris Romani tramitem prospectum est vxori, quo facto iuxta ius commune in *communione æris alieni* haud venit, sed moto concursu suum ex naufragio seruat, quantum fieri potest. Extra concursum vero, decedente marito, secundum



eundem pacta dotalia proceditur, nec ad statutariam diuisionem amplius prouocare illi integrum est, vt dicitur P. II. tit. XI. art. XI. und ist damit der Wittwe die Wahl zu dem Stadt-Rechte oder zu den Eheärtern sich zu ziehen hiemit benommen, sondern muß dieselbe die Eheärter folgen. Sic-uti itaque hæc pacta ex iure Romano interpretanda sunt; ita statuti nostri scita vnice ex iure Germanico explicanda. Qui contra scholastice disputat, ait COTHMANNVS Vol. 2. conf. 78. n. 176. illi ignoscendum et condolendum, quod, quæ quotidiana sunt, non didicerit, et ius, in quo versamur, ignoret.

## EXERCITATIO LXXI.

AD PAND. LIB. XXIII. TIT. IV.

DE

## SUCCESSIONE HEREDITARIA CONIUGVM EX PACTIS DOTALIBVS.

CAP. I.

## DE DIVERSA IVRIS ROMANI ET GER- MANICI SENTENTIA CIRCA SUCCESSIONEM CONIUGVM EX PACTIS DOTALIBVS.

### ARGVMENTVM.

I. II. Argumenti ratio. III. Discrimen pactorum dota-  
lium secundum ius Rom. et Germ. IV. Pacta successio-  
ria iure Rom. nulla et inualida, V. non minus ac pa-  
cta coniugum successoria. VI. Sententia iuris Germ.

Pppp 2

de



de vi pactorum successoriorum, VII. imprimis inter  
coniuget. VIII. Recensus legum Germanicarum. IX.  
X. Sententiae Ictorum de eorum efficacia hodierna. XI.  
Dissentientium confutatio. XII. Exempla pactorum  
successoriorum illustrium. XIII. Exemplum a succes-  
sione feudali pactitia, XIV. et a simultanea inuestitura  
petitum.

## §. I.

inreatus.

Quaelibet instituta humana ex originibus suis optime di-  
gnosci posse, vt, euoluto prius fonte, ex quo pro-  
manarint, natura eorundem eo facilius cognita ha-  
beri, limatumque de iuribus, naturæ rei convenientibus,  
iudicium postea ferri queat, nemo erit, qui in dubium vn-  
quam vocauerit; contra eandem vero in applicatione nihilo-  
minus quam sæpissime impingi, demonstratione nulla indi-  
get, et quotidiana docet experientia, quod plerique vel in-  
stitutorum singulis gentibus priorum rationes peculiares  
insuper habuerint; vel ea ex fontibus alienis cruerint; vel  
denique contradictoria principia combinare ex præconce-  
pta quadam opinione studuerint. Vnde mirandum non  
est, illos, qui neglectis his regulis, de rationibus peculia-  
ribus, cuique negotio attribuendis, ex fontibus ei haud con-  
venientibus iudicarunt, in crassos sæpius prolapsos fuisse er-  
rores, in quos nunquam forsan incidissent, si monitum hoc-  
ce sedulo et penitus obseruassent, et, natura rei propria  
perspecta, iura eidem vnice convenientia prudentissime ap-  
plicassent.

Progressus ad  
præsentis argu-  
mentum.

§. II. Assertionem hanc optime illustrat doctrina com-  
munis interpretum in argumento pactorum dotalium de futu-  
ra

*ra coniugum successionem vniuersali* disponentium, quæ, licet originetenus ex *iure Germanico* vnice sint deriuanda, eiusdemque purum putumque sint institutum, interpretes tamen ex *iure Romano*, et sic ex fonte plane peregrino et hisce prorsus inimico, interpretati sunt, rationesque *iuris Romani* ad eadem obtorto collo et inuita *iuris patrii* prudentia traxerunt, existimantes, iura Romana vnicam quorumcunque negotiorum priuatorum esse normam et regulam, vt omnia, quæ non lege quadam scripta vel saltem ratione *iuris Romani* munita sint, pro inualidis ipsoque iure nullis et minus recte demonstratis haberi debeant. Quam vero inconcinnum sit, *instituta iuris Germanici ex iuribus Romanis*, huic prorsus aduersantibus, interpretari, eademque rationibus *iurisprudentiæ Romanæ* vallare, cuiuslibet in oculos incurrit, perpendiculari, iura, diuersa principia sibi e diametro contraria fouentia, probe separanda, nec argumenta ab vno ad alterum esse subducenda, nisi quis magis auctoritates *ICtorum* sine iudicio sequi, quam veritatem, de qua per argumenta sufficientia recte rationi conformia conuictus est, suam facere amauerit. Quia vero interpretes plerique in explicandis hisce *pactis successoris* rationes *iuris Romani* vnice adducunt, cum tamen ob adductam rationem ex *iuris Germanici*, cui debentur, principiis, iurum eorundem vnice eruenda sint, ansam hoc præbuit, vt thema hocce elaborandum eligerem, veritatemque asserti idoneis argumentis adstruerem. Hoc autem rectius fieri non posse autumo, quam si 1) sententiam *iurium Romanorum de pactis dotalibus successoris*: 2) *Germanicorum* prioribus e diametro contrariam, hoc capite adducam, nec non efficaciam, naturam et peculiare rationes pactorum dotalium vel coniugalium successoriorum ex *iure Germanico* adstruam, simulque hoc negotium, qua-

*Methodus tra-*  
*bandi.*

tenuis inter Germanos vsitatum fuerit, a pactis inter Romanos *de dote* iniri solitis distinguam: modum ipsum, quomodo valere debeant, capite inlequente ostensurus. Faxit Deus feliciter!

*Pactorum dotalium status de iure Romano*

*a iure Germanico distinctus*

§. III. Antequam sententiam iurium Romanorum de hisce pactis referam, ante omnia definitio eorundem erit præmittenda, vt, natura *horum pactorum* in vtroque foro vsitatorum prius perspecta, de iuribus naturæ rei conuenientibus eo facilius postea iudicari queat. De *IURE ROMANO* pactis dotalibus *dos*, quæ marito adferebatur, pro oneribus matrimonii ferendis, l. 76. de iur. dot., determinabatur, cum *donatione propter nuptias* in securitatem dotis data, vt constat ex tit. de pact. dotal. et de donat. propter nupt. cui quandoque *pactum de lucrando* in casibus iure permissis adiciebatur. Hoc facto si maritus *dotem* vel vxor superstes *donationem propter nuptias* lucrabatur, ex titulo *singulari* et quidem *inter viuos* illam acquirebat, non vero alter alteri *hereditario iure* succedebat, quod ex *pactis dotalibus* fieri non poterat, sed demum ex *testamento* vel *lege* dependebat. Atque ita generatim comparata erant *pacta dotalia Romana*. Germani coniuges ab antiquo quoque inter se vel *ab initio* vel *ex postfacto* de *conditionibus futuri matrimonii* pacta inire solebant, præsertim in hunc casum, si *matrimonium improle* erat, quod pactum olim *donatio inter coniuges* apud MARCVLFVM lib. II. form. 7. *libellus dotis*, appellatione ex moribus Romanis tracta, in append. Marculfi form. 37. apud BALVZ. tom. II. capitul. p. 455. rectius vero *pactum matrimoniale*, *Chezärter*, *Che-Pacta*, vocarunt, quod in iis potissimum tum *future successionis*, tum *dotalitii*, et *communis acquisitionis* ratio haberetur, eaque omnia in quemcunque casum sedulo

sedulo determinarentur. Sequiori ætate et recepto iure Romano hæc pacta inter coniuges, siue super dote siue super aliis conditionibus, veluti super futura successione concipiuntur, more Romano dicta sunt *dotalia*, quo recepto vsu loquendi etiam in disputatione præsentis vsus sum. Quamvis vero varia possint esse pacta inter coniuges, pro diversitate obiecti et casuum contingentium; hic tamen vnice sollicitus ero de illis inter coniuges pactis, quæ, de futura successione hereditaria in eorum deficientium liberorum, in quem vtplurimum concipiuntur, concepta sunt. Sunt vero hæc ipsa nihil aliud, quam conventiones de futura successione hereditaria inter coniuges inite, ut, in casu liberorum ex matrimonio non extantium, (in quem vtplurimum concipi solent) superstes prædefuncto vel in omnibus vel certa saltem bonorum quota vel parte hereditario iure succedat. Liquet ex data definitione, conventiones hæc nihil aliud esse, quam pacta successoria vtplurimum conditionata; liberis itaque ex matrimonio prognatis et conditione adiecta hoc modo deficiente, eadem corruiere debere, ex natura conditionum sua sponte sequitur, ut ostendit B. STRYK. in tr. de success. ab intest. diff. §. cap. 5. §. 42. Ceterum singula definitionis membra speciatim percurrere et explicare frustraneum duco, dum requisita pactorum siue conventionum communia, hisce pactis æque applicanda, vbique occurrant, quæ hic suppono; cetera, quæ ad specialem formam eorum desiderantur, et ex iure Romano huc vulgo trahuntur, cap. seq. expositorus; et quemadmodum horum pactorum requisita tanquam pactis in genere communia præsupposui, ita non minus, quid circa personas paciscentes eorumque habilitatem iuris sit, iam latius adductum est a B. STRYK. cit. loc. §. 12. et 14. et sic ex eodem huc transcribere supersedeo. Id duntaxat binis verbis

Definitio pactorum inter coniuges de futura successione.

Latissimus latum pactorum ambiguit.

bis obseruo, quamuis hæc *pacta successoria* inter coniuges plerumque ad casum *improliis matrimonii* restringi soleant: nihil tamen impedire, quo minus etiam, *extantibus liberis*, quandoque fieri possint, sicuti quandoque non extantibus liberis otiosa sunt. Posterius contingit, si in defectu liberorum coniux superstes *ex statuto*, quo ius patrium Germaniz adhuc conseruatum, omnium bonorum heres est, vel potius ex *omnimoda communione* eadem retinet; quod enim ius iam aliunde ex *iure patrio* superstiti competit, id per *pactum*, si confirmatur, id vnice tantum repetitur, quod per se iam *ex statuto* iuris est, de qua successione agit Dn. de LVDÉWIG in *opusc. miscell. tom. II. lib. IV. opusc. V. p. 1301. sqq.* Enimuero si ex statuto tantum *pars bonorum* superstiti debetur, vt in Marchia *dimidia communium bonorum*, pactis successoriis, in casu *improliis matrimonii* ei prospiciendum, vt vniuersorum bonorum heres fiat; quod etiam dicendum de iis locis, in quibus coniugibus successio nulla, nisi ex *iure Romano*, competit, quo casu rursus superstiti prospici potest utroque casu, tam *existentium*, quam *non existentium liberorum*, veluti vt cum liberis æqualiter in bona defuncti succedat. Atque ita in casu *existentium liberorum* pacti successorii inter coniuges potest esse utilitas. His præmissis ad ipsam rem propero.

*Sententia iuris Romani de nullitate pactorum successorum.*

§. IV. Pacta *successoria* iure Romano fuisse prohibita, ipsoque iure nulla, tam ex iure *Pandeectarum*, quam nouiori *Codici* apparet, vt docent præter multas alias *l. 19. l. fin. Cod. de pact. l. 3. §. 2. D. pro soc.* vt, licet non de *tota* vel *quota hereditatis* ineantur, sed certæ solummodo res et bona particularia in stipulationem hoc modo, vt in iis *iure hereditario* succedatur, deducantur, hæc pacta nihilominus inualida



inualida et nulla sint ex mente IO. TORRE *de pact. fut. success. lib. I. cap. 6. num. 1. sqq.* CHRISTINAEI *lib. 3. dec. 135. n. 4.* Quamvis vero pacta quædam *successoria* admiserint Romani, præsertim inter *militēs*, inter quos solius voluntatis ratio habenda erat *l. 19. C. de pactis*; hæc tamen non ad *regulam*, sed *exceptiones*, a regula deviantes, sunt referenda cogitandumque, nullam regulam tam firmam esse, quæ non admittat *exceptionem*, regulam in casu non excepto firmantem, unde postea interpretes varias pactorum *successoriorum* diuisiones formarunt, adductas a B. STRYK *in rr. de S. A. I. diff. 8. cap. 1. §. fin.* in eo per errorem subsistentes principio, etiam *hodie regulariter* hæc pacta esse prohibita; permessa autem in casibus exceptis, ad certos casus tantum restringenda, non extendenda, amplianda et multiplicanda, prout natura *exceptionis* postulat. Id quod si de *foro Romano* in *republica antiqua Romana* intellexeris, satis expeditum et fundatum est; si de *foris Germanicis* in *republica nostra* idem dixeris, nihil falsius nihilque iuri patrio indecentius fingi statuique potest, ut infra dicam. Sed iam quidem mihi ita agendum est, ac si in *republica Romuli* constituto inter veteres Quirites ius dicendum esset, quibus hæc pacta inuida et maxime odiosa erant. Rationes vero, cur iura Romana hæc pacta improbarent, potissimæ erant sequentes: 1) quod essent contra *bonos mores* et *ius gentium* *Rationes eius. Varro.* seu *rationem gentium*, a quibus *successiones* per *legem* determinabantur, et transferebantur, quam Romani in mores suos non sine ratione transtulerunt: *l. 29. §. f. D. de donat.* 2) quod votum captandæ mortis continerent, si *ius hereditarium* certum et irrevocabile per pacta transferrent in alterum: *l. ult. C. de pact.* 3) quod liberam testamentorum factionem impedirent, quatenus hæc simul in *republica Romana* inualuerant

Tom. IV.

Qqqq

luerant



*Præsertim  
quod lege pu-  
blica defera-  
tur successio,  
non nisi publi-  
ca auctoritate  
immutanda.*

luerant, adeo libera, ut hoc modo constringi non possent: l. 52. §. 9. D. pro soc. et l. 15. C. de pact. 4) quod duo, bona post mortem suam in alium iure hereditario transferendi, modi in iure tantummodo deprehendantur, testamentum scilicet et lex arg. l. 130. D. de V. S. et l. 5. C. de pact. conu. tam super dor. 5) Denique quod successio esset iuris publici ex lege publica adornata, quam pactis priuatorum immutare eisque hanc subiicere non permissum censeretur. l. 38. ff. de pact. Notum enim est ex antiquitatibus Romanis, testamenta (exceptis iis, quæ in procinctu fiebant) ab initio in comitiis per modum legis seu decreti comitalis ex auctoritate reipublicæ condita, adeoque successionem per hoc testamen- tum tanquam legem comitalem populi R. alicui delatam fuisse, et ita hanc nouam succedendi constitutionem non a libero testatoris arbitrio, sed a consensu et approbatione populi R. dependisse, ut, si suam auctoritatem voluntati testatoris accommodabat, dispositio hæc valeret; sin minus, nihil actum censeretur. Vti enim populus solenni formula roga- batur: *velitis, iubeatis Quirites etc.* ita in suffragia quoque super hac dispositione, qua a successione lege data recedeba- tur, eundum erat, quæ libera et nulli necessitati consentien- di subiecta, ut præclare docet B. THOMAS. de primis init. success. testam. apud Rom. §. 9. sqq. Hoc posito dicendum, etiam hanc successionem, iussu populi R. constitutam, fuisse suo modo legitimam, et testamenta inde dicta iuris publici, ut calculo suo firmat BYNCKERSHOEK lib. II. obs. 2. cum HEINECCIO in antiq. Rom. lib. 2. tit. 10. §. 2. Ratio enim iuris postulabat, ne ius succedendi, lege publica deter- minatum et constitutum, priuatorum libero arbitrio subiice- retur, quia tantum ius civile heredes faciebat, et ne quidem prætoribus id permissum esse credebatur. pr. l. de B. possess. Quam-

Quamuis vero ciuibus Rom. postea occasione LL. XII. Tabb. et earum interpretationis forensis vltra modum extensa, teste POMPONIO in l. 120. de V. S. latissima disponendi vltima voluntate facultas fuisse attributa videatur; regula tamen antiqua et iuris ratio prisca: *successionem legitimam non nisi alia noua lege publica mutari posse*, adhuc superesset, ad analogiam iuris huius seruandam a Ictis, (a quibus plura contra rationem iuris per indirectum innouata,) alius excogitatus est color, ac testamenta per *as et libram* singulari fuco inuenta, §. 2. l. de testam. ord. quibus fingeant, bona vniuersa seu familiam non tam per vltimam voluntatem, quam per actum inter viuos, h. e. venditionem et mancipationem in emtorem transferri, quod *propitio iure* fieri poterat. l. 37. §. 3. de leg. 3. Inde vero prono alueo fluebat: *Pactis priuatorum directo hereditatem post mortem dari et ius successionis nouum constitui non posse*, vtpote cui ius succedendi a lege vnice dependens non subesset. Quamuis enim venditione *imagitaria* id agi videretur, vt per hunc contractum ius succedendi constitueretur: id tamen vel ideo negabant interpretes antiqui, partim quod negotium per mancipationem, adhibitis quinque testibus, libripende et familie emtore, perageretur, et inter viuos dominium familie in alterum transferri videretur, (qualis alienatio iure permilla erat) non vero externa rerum facie de iure hereditario seu successionem constituenda post mortem ageretur, sed vnice virtute mancipationis actus subsisteret; partim vero quod familie emtor nihil iuris ex hoc negotio acquireret, quod *imaginarium*, et ipse emtor ab herede adhuc diuersus esset, tertio vero ius quoddam acquiri non posset. Sub vmbra ergo huius negotii solennis heres quidem futurus occulte designabatur; ast cum eo minime contrahebatur de futura successionem, nec negotium

Non pactis,  
quod no qui-  
dem fiebat in  
testamento per  
as et libram.

gotium gerebatur, adeo ut inter quinque testes etiam esse potuerit, §. 10. I. de testam. adeoque ne hoc quidem modo pacto vel contractu deferebatur hereditas. Plures adhuc rationes adduxit iamque adductas latius explicauit ex professo de hac materia agens IO. TORRE de pact. fut. success. lib. 1. cap. 1. num. 18. sqq. et cap. 3. n. 1. sqq. quæ tamen parum adæquata videntur.

Idem consi-  
derandum de pa-  
ctis coniugum  
successoriis.

§. V. Hæ rationes iuris Romani de pactis successoriis in genere vel ideo adducendæ fuerunt, ut de iuribus pactorum dotalium successeriorum ex principiis iuris Romani, omnem successionem pactitiam improbantibus, eo facilius iudicari queat. Cum itaque §. preced. ostensum fuerit, pactis hereditatem de iure Romano non dari, et ne quidem fucum, quem in testamentis per æs et libram occultabant, huc pertinere, aut inde inferri posse, per contractum hereditatem translatam fuisse; dubium non est, easdem rationes, quæ pactis hisce in genere successionis immutationem non subiiciunt, pactis quoque dotalibus successoriis obstare, hæcque æque ac priora, cuius sunt species quædam, iure Romano frustratoria et nulla fuisse. Incongruum enim videbatur, per pactum successionem nouam introducere, cum ne quidem pacta nuda valerent, et, si stipulatione vallata essent, ideo repudiarentur, quod successionis futuræ ratio contractibus proprie dictis haud subiicienda, sed more recepto constituenda esset. Equidem permissum erat, etiam partem facultatum suarum maximam, vel uniuersa etiam bona post mortem suam per stipulationem alicui promittere vel inter viuos donare; l. 37. §. 3. de leg. 3. §. 12. I. de inutil. stipul. non tamen ea stipulatione donatarius heres fiebat, sed titulo singulari nihilominus bona possidebat, et ab heredibus ab intestato conueniri poterat, cit. l. 37. imò nec hoc ipso permissum erat, bere-

*hereditatem suam, et vniuersum ius succedendi post mortem suam, per stipulationem alteri promittere, vt ne quidem coniuges inter se hoc modo contrahere possent. Præterea cauendum erat, ne ex tali pacto dotali, in quo de futura coniugum successionem actum erat, spes lucri, ex morte coniugis prædefuncti sperati, insidiis vitæ alterius struendis, occasio præberetur. Inde imperatores speciatim his pactis successoriis, instrumentis dotalibus insertis, omnem effectum et vim obligandi denegarunt in l. 15. C. de pact. et l. 5. C. de pact. conuen. tam. sup. dot. quam donat. In citato enim l. 5. talis casus imperatoribus DIOCLET. et MAXIM. proponebatur, vbi maritus ex pactis dotalibus contra heredes ab intestato uxoris post mortem eiusdem agebat, atque successionem in bona pactis dotalibus sibi assignata petebat, imperatores vero a limine iudicii eundem repellendum censuerunt sequentem in modum respondendo: *Hereditas extraneis (qui non sunt in numero legitimorum heredum) testamento datur. Cum igitur affirmes, dotali instrumento pactum interpositum esse vice testamenti, vt post mortem mulieris bona eius ad te pertinerent, quæ dotis titulo tibi non sunt obligata: intelligis, nulla te actione posse conuenire heredes seu successores eius, vt tibi restituantur, quæ nullo modo debentur. Ex his, vt puto, satis luculenter apparet, pacta dotalia successoria, æque vt alia de successionem inter extraneos inita, de iure Romano fuisse prohibita et nulla, vt ex iisdem agentis remedia iuris denegata fuerint, ceu plenius docet IO. TORRE de pact. fut. success. cit. loc. cap. 7. n. 49. et cap. 13. n. 23. Notanter vero præmiserunt imperatores, extraneis hereditatem tantum testamento dari, vt indigitarent, causam successionis non fuisse apud Romanos tale negotium, quod subiectum esset priuatorum conuentionibus, sed eam publica sollemnitate et ritu fo-**

*Quod declaratur ex l. 5. C. de pact. conuenis.*

*rensi consueto immutandam, quod hoc modo publica auctori-*  
*tas huic immutatæ successioni tributa esset. Vnde quoque*  
*et l. 15. C. de pact. imperatores ita constituerunt: Pactum,*  
*quod dotali instrumento comprehensum est, ut, si pater vita*  
*fungeretur, ex æqua portione ea, quæ nubebat, cum fratre*  
*heres patris sui esset, neque ullam obligationem contrahere, ne-*  
*que libertatem testamenti faciendi mulieris patri potuit aufer-*  
*re. Pariter nec valebat pactum dotali instrumento insertum,*  
*quo filia a paternis bonis post mortem excluderetur, quod*  
*sicuti pactis non daretur, ita nec adimi posset hereditas. l. 3.*  
*l. 3. C. de collat. l. f. D. de suis et legit. Addit PAPINIANVS in*  
*cit. l. f. hanc rationem: priuatorum enim cautionem (conuen-*  
*tionem) legum autoritate non censeri, hoc est, non annu-*  
*merari: autoritate legum tantum heredes constitui, et suc-*  
*cessores a bonis repelli: in harum censum autem non venire*  
*pacta, nec iis subiiciendam viam succedendi, sola auctori-*  
*te legum et quod eius vicem tenet, regendam.*

*Germani ta-*  
*lia pacta ad-*  
*misserunt.*

§. VI. Exhibitis hucusque iurium Romanorum scitis  
 tam de pactis successoriis in genere, quam in specie de pactis  
 dotalibus successoriis, ad iura Germanica transeo, et in sqq.  
 hoc ordine utar, ut non solum ex ipsis legibus Germanicis,  
 sed et præterea probatorum Ictorum sententiis efficaciam  
 horum pactorum contra iuris Romani peculiare rationes de-  
 fendam, denique ostendam, efficaciam, hisce pactis ex le-  
 gibus Germanicis assertam, per receptionem iuris Romani in  
 Germania, ademptam non fuisse. Initium itaque fiat a sen-  
 tentia iurium Germanicorum in hac materia, quæ principia  
 iuri Romano e diametro contraria continent, fouent, tuen-  
 tur. In genere TACITVS de moribus Germ. cap. 20. testa-  
 tur, usum testamentorum illis ignotum fuisse: heredes ta-  
 men

*sancto seruata*  
*esse Tacito*



*men successoresque sui cuique liberi: et nullum testamentum,*  
 quo ipso ostendit, successionem *legitimam* illis vnice in vfu,  
 neque de hac immutanda adeo cogitatum fuisse, quod curta  
 plerisque esset domi supellex, et luxuria rei Romanæ illis  
 ignota. Si quid beneficii in alium transferre vellent, id per  
*donationem* efficiebant et mutuo consensu firmabant, *sanctis-*  
*sima fide* talia promissa seruantes. Sicuti enim *nulli mortali-* <sup>ex singulari</sup>  
*um ARMIS aut FIDE ante Germanos* fuerunt, vt est apud <sup>fide Germanis</sup>  
 TACITVM *lib. 13. annal. c. 54.* ita adeo sanctissime *fidem da-* <sup>culsa.</sup>  
*tam* seruauerunt, vt victi in alea, cui libertatis et corporis sa-  
 lus *extremo et nouissimo iactu* exposita esset, voluntariam ser-  
 vitudinem adierint ex data FIDE, teste TACITO *de mor. Germ.*  
*cap. 24.* Non ergo mirandum, si postea, vbi ad ampliorem  
 fortunam peruenerunt, bonisque abundare cœperunt, etiam  
 eis pactis omnem autoritatem et efficaciam attribuerent, quæ  
*fiuturam successionem* tangebant, quod famæ prædefuncti ali-  
 quid detractum crederetur, si *fides* ab eo data conuelleretur,  
 sanctissime colenda. Conf. B. STRYK. in *V. M. ff. ad tit. de*  
*pact. §. 18. ibique cit.* et SCHILTER in *exercit. ad D. 8. §. 40.*  
 Ratio tamen tum *bonorum*, tum *gentis* et inprimis *liberorum* <sup>Rationes di-</sup>  
 habebatur, cum non pro lubitu bona gentilitia sine heredum <sup>versa Germa-</sup>  
 consensu in alios transferre, nec *gentilitia iura* mutare po- <sup>norum in pa-</sup>  
 tuerint; nihilominus, accedente eorum consensu, quorum <sup>his successoris</sup>  
 intererat, valebant conuentiones, vi quarum etiam extra- <sup>seruandis.</sup>  
 neus, amicus, coniux futurus successor designari poterat,  
 et quidem vel *in totum* vel *pro parte*. Ignoræ iis erant ratio-  
 nes ciuiles Romanæ reipublicæ propriæ: id vnice tantum il-  
 lis agendum, ne his conuentionibus alicui præiudicium fie-  
 ret, sed eius consensus postularetur: hoc impetrato, nihil  
 impedire poterat, quo minus ratum gratumque esset, quod  
 conuentum erat, quod nihil *simplicius* esset, quam successio-  
 nem



nem futuram conuentione mutua determinare, quam *simpli-*  
*citatem* Germani potissimum in *fide data* et sanctissime, imo  
sub metu *infamiae* colenda, vbique obseruarunt, et ita ea,  
quæ illis ex iure Romano obstiterunt, repudiarunt, nec in  
*Rationes iuris* tora sua a leguleiis transferri passi sunt. Manifesta enim æ-  
*Romani imi-*  
*qua.* quitate destituta esse iuris Romani placita, et ab omni *simpli-*  
*citate* recedere, adeo notum conclamatumque est, vt ne  
quidem in vsu forensi Romanorum ad minimum in *oriente*  
*teste Leone in* subsistere diu potuerint. Testis est LEO imperator in *Nou.*  
*Nov. 15.* 19. sententiam l. 19. C. de pact. *communi hominum voluntate* seu  
*opinione* pro obsoleta dudumque abrogata habitam, a se ve-  
ro per nouum prorsus decretum sublatam esse, adeo vt pa-  
ter contra tale pactum, quod in §. 5. in fin. adductum est,  
nihil disponere potuerit, sed id pro irreuocabili habendum  
esset, quod lex antiqua codicis ab omni æquitate alienissima  
iudicata. Duo vero inde obseruo: α) ex adducta ratione  
LEONEM imperatorem pactorum determinationi in genere  
subieciisse *successionem*: β) pacta talia retinuisse suam indo-  
lem efficaciamque, nec creditum fuisse, hoc ipso pacta in  
*ultimas voluntates reuocabiles* transmutari, prout hodie vt-  
*plurimum* per errorem censent. Ceterum Germani talia pa-  
*Denominatio* cta *traditiones*, *dationes*, *donationes* etc. vocarunt, per quas  
*horum pacto-*  
*rum antiqua.* non semper realis et actualis traditio bonorum fiebat, sed  
quandoque *simplices* erant *conuentiones*, de bonis suis in alte-  
rum post mortem transferendis, obseruante B. STRYK in tr.  
de S. A. I. diff. 8. cap. 1. §. 4. n. 1. in fin. quod illustrent ex-  
empla eiusmodi pactorum, in legibus Germanicis et diplo-  
matibus occurrentium, quæ semper *traditionum*, *donatio-*  
*num*, *dationum*, *delegationum* etc. vocabulis insigniuntur.  
vid. capit. Reg. Franc. lib. 4. cap. 19. et lib. 6. cap. 207. MAR-  
CVLFVS form. 152. 155. Notandum vero, *prædicata* et voca-  
bula,

bula, quæ in iure Romano ultimis voluntatibus tribuuntur, in legibus Germanicis ex stylo clericali etiam in materia conventionum frequentissime usurpari. Nam testamenti appellationem instrumentis donationis, emtionis vel aliorum contractuum assignari: vocabulo *hereditatis* generaliter bonæ venire: vocem denique *traditionis* conventiones in genere denotare, ex ipsis legibus Germanicis probatum dedit B. STRYK *loc. cit. §. 4. n. 4.* quod etiam integer *traditionum Fuldensium* codex testatur.

§. VII. Prout itaque Germani ab omni suo pactis quibusvis seriis et deliberatis et sic quoque his, in quibus *succes-* Validitas pactis successoriis inter coniuges speciatim asseritur.  
*sionis future* ratio habita, vim obligandi inesse, contra iuris Romani principia statuerunt; ita inprimis eandem patris, inter coniuges initis de conditionibus futuris matrimonialibus, ab antiquo tribuerunt, ut exempla eiusmodi pactorum dotalium successoriorum, in legibus antiquis, a LINDENBROGIO, HERALDO, SALVZIOQUE collectis, ad oculus demonstrant. Quod autem hæc pacta successoria coniugum *dotalia* vocauerint, in causa est, quod plerumque pactis nuptialibus, *benen Ehe-Pacten*, inserantur, quæ pacta stylo Romano hodie *dotalia* appellari solent, quæ tamen Licet dotalia dici soleant.  
 accuratius loquendo *pacta successoria inter coniuges* vocanda forent. Cum enim denominatio *dotis* et *pactorum dotalium* ex iure Romano demum sit depromta, pacta autem hæc successoria inter coniuges inita ei contrarientur, ut patet ex illis, quæ supra §. V. adduxi; incongrua appellatio facile induxit interpretes, ut horum pactorum rationes ex iure Romano desumendas et illustrandas esse, sibi persuaserint, et in infinitos errores inciderint. Sunt utique pacta talia hodie in plerisque locis a pactis dotalibus Romanorum admodum di-

*diversitatem  
a patris dota-  
tibus Romano-  
rum.*

versa. Hæc separata et propria singulis coniugibus assignant bona: de iis *dos* marito et uxori *donatio propter nuptias* constituitur. E contrario in Germania communio bonorum ab antiquo inter coniuges viguit, et in multis adhuc hodie locis vel in totum vel pro parte viget, ut solidissime probatum dedit D. N. PRAESES in *diff. de eris alien. inter coniug. Hamb. commun.*, inde apparet, ab hac denominatione conceptum iuris Romani inuolvente tutius abstrahendum, eandem vero ex iure Germanico, cui hæc pacta vnice debentur, potius petendam esse. Et licet vocabula *dotis*, *libelli dotis* etiam in ipsis legibus antiquis Germanicis occurrant, id tamen ut plurimum collectori, cui usus linguæ latinæ cum iuris Romani terminis familiaris erat, est tribuendum, ut ostendit B. STREYK in *discursu præliminari ad V. M. ff. §. 4.* Ne autem a stylo vulgari argumentum contra nostram dissertationem desumatur, hæc præmonere necesse fuit, quamvis nihil impediat, quo minus etiam denominatione vulgari uti liceat, parum de nominibus sollicitis, modo de re ipsa conueniatur.

*Pacta successoria probantur legibus Ripuariis.*

§. VIII. Rudera pactorum nostrorum successoriorum inter coniuges ex ipsis legibus Germanicis, tanquam fontibus suis, nunc eruenda sunt. In *legibus Ripuariis tit. 28.* hæc dispositio occurrit: *Si quis procreationem filiorum vel filiarum non habuerit, omnem facultatem suam in præsentia regis siue vir mulieri vel mulier viro seu cuicunque libet de proximis vel extraneis adoptare in hereditatem, vel in adfatim* (h. e. donationem, teste LINDENBROGIO in *glossario, collect. legum antiquarum* adiecto, f. 1348., a voce deductum *anfaten*, *anfassen*, *accipere*, quæ speciatim *accipere in heredem* designat, ut *adfatimus* sit in heredem acceptio, obseruan-



te ECCARDO in not. ad cit. l.) per scripturarum seriem seu per traditionem secundum legem Ripuariam licentiam habeat. In his verbis luculenter innuitur, in casu liberorum non extantium bona sua vel in scriptis vel simplici traditione (h. e. conuentione, vid. §. VI.) in aliquem post mortem transferre licuisse. Eadem dispositio habetur in legibus Anglionum et Werinorum, tit. 13. libero homini liceat hereditatem suam, cui voluerit, (et sic quoque uxori suæ) tradere. Solam vero conuentionem de bonis post mortem in aliquem transferendis per traditionem intelligi, §. VI. supra iam demonstratum est. In legibus Baiuuariorum tit. 14. cap. 9. n. 3. ita constitutum legitur: Si vero maritus, qui nec filios, nec filias, nec nepotes, nec ullum de propinquis habet, sed in uxorem aut testamento (quæ appellatio etiam conuentiones denotabat) aut donatione siue partem, siue omnes contulerit facultates etc. omnia, quæ ei a marito sunt donata, possideat, et ea, in quem voluerit, pro suo iure transfundat. Id ipsum quoque confirmant formu-  
Anglionum et Werinorum.  
Baiuuariorum.  
in formulâ forensibus.

læ publicorum et priuatorum negotiorum solennes a MAR-  
 CVLFO monacho collectæ, adiectæ codici legum antiquarum  
 LINDENBROGII. Etenim in formula 48. exemplum hu-  
 iusmodi pacti sistitur: Si coniuges aliquid pro amore dilectio-  
 nis inter se inuicem donare decreuerint, hoc nostra Serenitas  
 in ipsis non renuit confirmare. Igitur venientes ille et illa in  
 palatium nostrum pro eo, quod filiorum procreationem inter se  
 minime habere videntur, omnes res eorum inter se per manum  
 nostram visi sunt condonasse, quæ ipsæ res in sequentibus e-  
 narrantur. Aliud exemplum talis conuentionis præbet form.  
 50. huius tenoris: Quisquis de coniugibus pari suo in hoc se-  
 culo superstes fuerit, omnes res, quas dedit et quas accepit,  
 in suo iure et denominatione recipere debeat, habeatque tenen-  
 di, dandi, vendendi, commutandi, heredibusque suis ad pos-  
 sidendum

*fidendum relinquendi, liberam in omnibus facultatem et potestatem. Ex quibus, ut puto, satis liquet probaturque, per conventiones et pacta, nomine traditionum, donationum, dationum etc. in adductis legibus occurrentia, de successione coniugum dispositum, hasque conventiones validissimas et inconuulsas superstiti post mortem alterius eiusdem bona acquirendi vel retinendi ius tribuisse. Plures eiusmodi conventionum formulas exhibet form. 75. 76. 77. et 78.*

*Consensus interpretum:*

*Gallii.*

§. IX. Probata efficacia pactorum dotalium successoriorum ex ipsis legibus, sententiam probatorum quorundam Ictorum de hisce pactis subiungam, ut illi, qui autoritatibus Doctorum magis quam ipsis legibus confidunt, de veritate huius doctrinae ex consensu grauissimorum Ictorum convincantur. Primo loco sententiam GALLII lib. II. obseru. 126. n. 2. et obs. 117. n. 6. adducere liceat, sequenti modo rationes adducentis: *Licet pactis hereditas dari non possit; l. ult. C. de pact. conu. fallit id tamen in pacto mutuo et vicissitudinario, puta, si inter duos conventum, quod, alterutro sine liberis mortuo, ad superstitem bona perueniant, tale enim pactum valet. Ratio, quia mutuum et reciprocum est. Illustrat hoc in sequentibus: Hinc est, quod donationes et pacta reciproca de succedendo inter coniuges valeant, puta, quod, alterutro coniugum mortuo, superstes, liberis non extantibus, defuncto coniugi succedat, sicut quotidie in pactis dotalibus huiusmodi conventiones fieri consueuerunt, quae de iure validae et firmae sunt per l. 7. §. 1. D. de donat. inter vir. et vx. quod in speciem donationis inter viros cadant. Quamuis vero laudatus autor in eo labatur, quod validitatem horum pactorum ex iure Romano, more illis temporibus, quibus vixit, consuetudo, adstruat, et a mutua donatione ad pacta inter coniuges*

ges successoria minus recte argumentetur, ob ea, quæ supra §. IV. et V. adducta sunt; validitatem tamen et efficaciam eorundem, licet ex lubrico admodum fundamento, recte adstruxit. Pari modo communem vsum horum pactorum agnoscit CAROL. de MEAN in iure cin. *Leodiensi tom. 1. obs. Caroli de Mean.* 69. n. 2. aiens: *Contraria et vniuersalis gentium consuetudo* hoc ius (Romanorum) abrogauit, et pacta huiusmodi de hereditate viuentis, præsertim intuitu matrimonii, et dum illud initur, concepta probauit. Hæc consuetudo vniuersalis, ad quam prouocat CAROL. de MEAN, est ipsum ius antiquum Germaniæ, quod non tam abrogauit ius Romanorum, sed impedimento fuit, quo minus vnquam in vsum deduci potuerit. HVLDERICVS ab EYBEN in *obs. præct. ad Perez. Huldrici ab Eyben,* p. 506. consuetudinem hanc Germaniæ inter conditionis inferioris homines etiam laudat, cum ratio a voto captandæ mortis petita in Germanos propter fidem eorum et candorem cessare intelligatur. Id etiam agnoscit DN. LEYSER in *medit. Leyseri,* ad D. specim. 43. n. 5. ex duobus argumentis hanc sententiam illustrans: *Præcipuum est, ait, defectus rationis, quæ Romanos, ut pacta successoria interdicerent, impulit.* Alterum constans Germanorum ante et post receptionem iuris Romani consuetudo de hereditatibus paciscendi. Posterius membrum in confesso est. Prius vero respicit insidias heredipetarum, quibus abundabat respublica Romana, a quibus vnice prohibitionem horum pactorum petit c. l. n. 1. et 2. Forsan tamen hæc ratio *secundaria* tantum dicenda, cum supra *primarium* argumentum aliunde deriuatum sit. Aequè testamenta captationibus mortis exposita fuere, quæ tamen plenum vigorem habuerunt.



Fontanella.

§. X. Eodem modo validitatem horum pactorum, licet ex aliis fundamentis, defendit FONTANELLA de pactis nupt. cl. 11. gl. vn. n. 42. et 43. ubi sequentia adducit: Dubitatur, an valeat pactum, ut superstes coniux omnia defuncti bona teneat, de iisque faciat suas omnimodas voluntates, cum pactum de succedendo, licet reciprocum, de iure reprobaturum sit, valet tamen in duobus casibus eiusmodi conuentio: 1) quando adest legitima consuetudo vel statutum: 2) quando reseruetur aliquid ad testandum prae-mortuanti, ne dici possit, per pactum sublatam esse liberam testamenti factionem. In duobus ergo casibus adductis valida esse haec pacta, dictus autor indicat; licet autem de priori, quod antiqua iura respicit, nullum supersit dubium; posteriori tamen casu, ex fundamento ab autore adducto, validitas horum pactorum minime gentium deriuari potest, ob ea, quae §. V. iam supra praefruxi ostendique, pacta successoria, quae talia, inter coniuges absolute, non vero ex ratione sola prohibitionis ab autore adducta, prohibita ipsoque iure nulla esse, et licet etiam concederem, hanc inter rationes prohibita successionis pactitiae deprehendi, non tamen fuisse eandem vnicam, aliae §. IV. et V. adductae satis comprobant, quae, cessante quoque ratione prohibitionis a libertate testandi desumpta, horum pactorum validitatem nihilominus ex principiis iuris Romani satis destruunt. Rectius ergo ex iuribus propriis et domesticis efficaciam horum pactorum adstruxit B. STRUCK in V. M. D. ad tit. de pact. dot. §. 3. et 10. in fin. SCHILTER in exercit. ad D. ex. 36. §. 93. in fin. ut per ea tam mobilia, quam immobilia, tam particularia, quam omnia bona, quae mulier vel maritus in patrimonio et sub libera sua dispositione habet, in superstitem valide transferantur, quod non solum exempla §. VIII. adducta docent, sed et probatum dederunt

Strykin  
Schilsteri,

derunt B. STRYK in tr. de S. A. I. diff. 8. cap. 5. §. 15. ibique citati. Conf. STRVV. in syntagm. iur. ciu. exerc. 30. §. 19. Strumii, LAVTERBACH. ad tit. de pact. dot. §. 10. et citati apud ES-  
BACH. in CARPZOV. part. 2. const. 43. defuit. 2. Lauterbachii,  
Esbachii.

§. XI. Non desunt tamen dissentientes, qui hæcce ut plurimum ex communi præiudicio obicere solent: si vel maxime iam adducta olim ex dispositione iurium Germanicorum obtinuerunt; ea tamen dispositio per receptionem iuris Romani in Germania iamdudum abrogata et antiquata est, ut, posthabitis principiis iuris Germanici, in decisione causarum controuersarum ad ius Romanum in foro recurri, atque eiusdem dispositio nunc vnice pro fundamento decisionis assumi, adeoque quælibet huic iuri contraria pro inualidis ac ipso iure nullis haberi oporteat; cum itaque pacta successoria iuri Romano aduersentur, eadem quoque inualida ipsoque iure nulla censenda esse videntur. Quemadmodum vero ius Romanum, in genere, ceu ius quoddam peregrinum, nulla expressa confirmatione in Germania munitum, et sic Germanos ultra receptionem obligare non potest, hæc autem receptio, saluis iuribus domesticis ac patriis, facta fuit; sequitur, ut omnem vim obligandi a receptione et obseruantia huius iuris voluntaria et limitata in Germania deducere debeamus, ceu solidissime probatum dederunt SCHILTER in ex. ad D. 1. §. 12. et additam. ad b. §. pag. 26. THOMAS. in diff. de usu exiguo iuris Rom. in foris Germ. B. STRYK in diff. prælim. V. M. D. de usu et autorit. iur. Rom. in foris Germ. Quocirca speciatim quoad materiam successionis pactitiæ in Germania idem nunquam receptum, quin potius pacta successoria, æque ut olim in Germania, adhuc hodie validissima esse, in sequentibus ostendere conabor per exempla quædam

Dissentienti-  
bus responde-  
nt.

ex usu iuris  
Romani subst-  
diario.



dam pactorum huiusmodi successoriorum, quæ adhuc hodie vinculo iuris non destituuntur, sed secundum principia *iuris Germanici* antiquissima, §. VI. adducta, æque ac testamentum et lex in iure Romano, *ius hereditarium et successionem universalem* tribuunt atque in viridissima vigent observantia. Quare vero Germani pactitiam successionem non æque ac quidem Romani improbarint, et, recepto etiam iure Romano, iuribus domesticis antiquis ad hodiernum vsque diem tenaciter insisterint, perpendenti rationes prohibitionis subtiles apud Romanos, facile in oculos incurrit. Etenim omnes hæ rationes, §. IV. supra adductæ, ex statu reipublicæ Romanæ depromptæ, et ita comparatæ sunt, ut doctrina *iuris Romani de pactis successoriis* ob status Germanici Romanique diuersitatem, imo ob matrimoniorum diuersam prorsus æconomiam in Germania nunquam recipi potuerit; sunt enim rationes mere ciuiles et iuris Quiritium a principiis iuris Germanici admodum alienæ, quæ, quia statui Romano sunt propriæ, Germanico valde incongrue applicantur. Singulas euoluit, iisque speciatim satisfecit SCHILTER in exerc. ad D. 8. §. 37. 38. et 39. B. STRYK in tr. de S. A. I. diff. 8. cap. 12. quibus exempla quædam extantiora horum pactorum adiungere lubet.

Exempla pactorum illustrantur.

§. XII. Notabile admodum pactum successorium super successione in terras Palatinas refertur a LVNIGIO P. *spet. des Reichs-Archivs*, p. 1. in quo IOANNES II. Simmerensis cum agnato suo RUPERTO Veldentino, suo et WOLFGANGI Bipontini pupilli sui nomine, in monasterio Disibodenbergensi ao. 1541. d. 21. Febr. pacti sunt, ut, quia elector et reliqui ex linea electorali essent improles, ipsi coniunctim successionem, linea electorali extincta, adirent, terrasque

rasque Palatinas in binas portiones æquales diuiderent, quarum vna electoratum cum terris adnexis, altera terras hereditarias comprehenderet, habita æqualitatis ratione, vt tamen seniori, hanc vel illam portionem eligendi, optio relicta fuerit. Tenor pacti ita se habet: Zum andern haben wir uns entschlossen und vereinigt, so es Gott geschickt, daß der Fall der Chur fürstünde, daß wir und unser beyder Fürstliche Stamm jederzeit treulich zusammen sezen, einander mit Hülff und Rath nach allem und ganzem unserm Vermögen beyständig seyn sollen, solche Chur und Erb-Lande auch mit gleichen Kosten zu unsern gemeinen Händen zu bringen, und so die also erlanget und zu Händen gebracht würde, so sollen daraus zween gleiche Theil gemacht, deren jedem Stamm eins zustehen, nemlich die Chur mit ihrem Zubehör auf eine Sent, und die übrigen Erblande auf die andere Sent getheilt, desgleichen ob die Erblande am Werth minder ertragen würden, dann die Chur mit ihrem Zugehörte, derselbige Mangel von dem, der die Chur behielt, von denselbigen Zubehörrigen oder andern seinen Erblanden erstattet und verglichen werden, und dießem allem nach der lezt älteste Fürst unter unser beyder Stammen die Wahl haben, die Chur anzunehmen oder nicht. Welchem auch die Chur dergestalt wird, bey demselben und seinem Stamm soll sie für und für bleiben, so lang es währet, und die übrigen Erblande dem andern Stamm zustehen, alles mit dem Unterscheid, welcher Theil unter uns in Erlangung gerührter Chur und Erblande mehr Kostens erlitten hätte, dann der andere, daß ihm daselbe in dieser Theilung verglichen und erstattet werden soll. Wäre es aber, daß der Churfürstliche Stamm dennoch über kurz oder lang verfiel, also daß kein Manns-Erben aus demselben mehr vorhanden, der ehlich gebohren wäre, so soll mehr



genandte Thur alsdenn und in demselben Fall auf den ältesten Fürsten in dem andern Stamm fallen und bey demselben und solchem seinem Stamm verbleiben. Hoc pactum successorium vel ideo notari meretur, quod in ea non solum de hereditate *tertiis* certi adhuc *viuentis*, qualia pacta Romanis erant odiosissima, conuentum, sed et præterea inter paciscentes, viuis adhuc iis, de quorum successione paciscebantur, partes hereditariae æquales iam constitutæ, et sic futura successio specialissime determinata fuerit. Alia eiusmodi pactorum exempla adduxit LÜNIG *cit. loc. pag. 583. n. 224. pag. 662. n. 258. et part. 2. pag. 239. n. 75.* Exempla quoque præbent principum confraternitates, quæ nihil aliud sunt, quam pacta successoria, quibus diuerse familiæ illustres in casum, si altera ex his fuerit extincta, ius succedendi sibi inuicem promittunt: pacta gaherbinatum et vnionis prolium, quæ singula latius explicauit B. STRYK in *tr. de S. A. I. diff. 8. cap. 6. 7. et 8.* Denique huc etiam pacta familiæ de bonis post tractum temporis restituendis pertinent, de quibus ex professo egit DN. FRAESES in *diff. de fundam. pact. fam. ad fideic. inclinant.*

*Vniuersa successio feudalis pactitia.*

§. XIII. Successionis pactitiæ quoque nobilissimum frequentissimumque suppeditat exemplum *integra successio feudalis*; est enim hæc mere *pactitia*, ex pacto, seu *contractu feudali* vasalli cum domino directo inito, vnice dependens. Succeditur enim longe aliter in feudis ac quidem in *allodiis*, cum successor feudum ab ultimo vasallo iure quodam hereditario non accipiat, (quo iure successio in *allodiis* defertur heredi, supponitque, hereditatem ex iure et beneficio defuncti acquiri,) sed successor feudalis ex prima inuestitura et contractu feudali ius quæsitum in feudum habet,

bet, quod in eius præiudicium immutari et in fauorem alterius de feudo a possessore disponi non potest, quod optimo iure fieret, si ex iure et beneficio vltimi feudi possessoris in successorem deuolueretur feudum. Quia itaque successio in feudum non *iure hereditario*, sed *ex pacto et contractu primi acquirentis* desertur successoribus feudalibus, sua sponte quoque exinde consequitur, neminem spe successionis in feudum gaudere, qui in primo pacto siue contractu feudali comprehensus non deprehenditur. Cum ergo primus acquirens feudum acquisiuerit: vor sich und seine ehliche Leibes-*Lehns-Erben*; facile liquet, parentibus et fratribus eiusdem, sub hac denominatione non venientibus et sic contractui feudali non inclusis, ius succedendi in feudo *nouo* denegari, eosque a feudo excludi, quæ conclusiones forent falsissimæ, si in feudis non *ex pacto*, sed *ex iure hereditario*, vt in allodiis, æstimanda esset successio.

§. XIV. Eodem modo, vbi *simultanea* adhuc obtinet *inuestitura*, ex hac vnice successio in feudum dependet, cum tamen itidem sit nihil aliud, quam pactum de *futura in feudum successione*, cum domino feudi, vasallo et agnatis a simultanee inuestitis initum, vt, extincta vasalli prolapia, simultanee inuestitis successio in feudo pateat. Denique *expectatiua* feudalisi quoque merum est pactum atque conuentio expectatiuarii conditionalis, cum domino feudi inita de feudo, si domino apertum fuerit, expectuario concedendo, in quo iterum de *successione* adhuc *viuentium* disponi, nemini non appareat, et licet expectatiuæ a quibusdam iniquitatis fuerint acculatæ, iustitiam eorundem tamen recte defendit B. STRYK in *diff. de expectantiis*, STRVV. in *syntagm. iur. feud. cap. 7. aph. 5.* et HILLIGER in *diff. de necessit. consens.*

S S S S 2

vasall.

*Quod etiam  
de simultanea  
inuestitura  
dicendum.*



*Conclusio ex  
hactenus di-  
ctis formatur.*

*Successoria pa-  
cta regulari-  
ter esse vali-  
da, non tan-  
tum quasdam  
eius species.*

*vasall. §. 10.* Ex adductis itaque exemplis, ut puto, satis superque apparet, Germanos in materia *successionis pactitiae* ius Romanum nunquam adoptasse, sed, contra iuris Romani scita, pacta quoque *successoria de hereditate certi viventis* ne quidem consentientis, quæ iure Romano erant propudiosissima, admisisse validaque pronuntiasse. Quæ cum ita sint, in propatulo est, pacta *successoria*, siue inter coniuges, siue inter alios quoscunque inita, merito approbanda, recipienda et defendenda, nec ea tantum ad quasdam *species* per modum *exceptionis* restringenda, quod etiam optime observat Dn. LEYSER *cit. Specim. 43. n. 5.* Qui aliter incedunt, supponunt ex iuris Romani principiis, pacta *successoria* esse *secundum regulam* prohibita, et in quibusdam duntaxat casibus per *modum exceptionis* probata et assumpta, ultra quos progredi non liceret. Hæc vero quam sint *arbitraria* et erroneæ, facile ex antecedentibus patebit, quæ docent, ius Romanum in hoc argumento pro principio *assumi* non posse. Quocirca ita rationes subducendas esse arbitror, ne a tramite iuris aberremus: *iure Romano pacta successoria regulariter fuisse prohibita, et, si valuerunt, per modum exceptionis valuisse et assumpta fuisse.* Ast iure Germanico, quod hodie adhuc utimur, hæc stet sententia: *iure patrio semper et ubique pacta successoria vim suam habuerunt, et ad regulam et ius commune referenda sunt.* Cauendum ergo, ne hæc pacta ex iuris Romani fontibus explicemus, sed ex iis, unde vigorem adhuc suum habent, ut in sequentibus demonstrabo; alioquin nil nisi chaos aliquod infrunitum ex contradictoriis principiis fingitur, et iurisprudentiæ Germanicæ facies admodum deprauatur.

CAP. II.

DE

PACTORVM SVCCES-  
SORIVM INTER CONIVGES  
INDOLE ET EFFICACIA.

ARGVMENTVM.

I. *Distinctio inter pacta dotalia mixta et simplicia a Docto-  
ribus efformata. II. III. IV. Vtriusque discrimina ex  
mente Doctorum. V. Pacta dotalia successoria non ex  
iure Rom. sed Germ. explicanda. VI. Reuocari nequeunt  
nec ex doctrina m. c. donationum sunt aestimanda. VII.  
Consensus Doctorum VIII. et legum Germanicarum.  
IX. X. Exempla.*

§. I.

**A** dstructa pactorum successoriorum inter coniuges effica- *Methodus hu-*  
cia, iuxta ordinem Cap. I. §. II. electum, ad ipsum *ius capitis.*  
modum, seu quomodo hæc pacta valeant, progre-  
diendum est, hac obseruanda methodo, vt, præmissa com-  
muni interpretum de natura pactorum dotalium successoriorum  
sententia, genuina eorundem indoles ex verioribus prin-  
cipiis erui, eaque cognita de efficacia ipsa eo rectius iudica-  
ri possit. Qui vtrumque ius, Romanum et Germanicum, in *Præmittitur*  
contradictoriis principiis fundatum, combinare inani cona- *distinctio in*  
tu studuerunt, distinctionem formarunt inter pacta dotalia *pacta dotalia*  
*simplicia et*  
*mixta.*  
simplicia et mixta; quorum illa per modum contractus, seu

S s s s 3

negotii

negotii inter viuos et sic irrenuocabiliter contrahuntur, quod ea mente incantur, vt ex his pactis vterque statim ius perfectum acquirat reuocari nescium; l. 1. D. de donat. hæc vero in vim vltimæ voluntatis contrahi dicantur, hoc sensu, vt naturam vltimarum voluntatum, quæ ad extremum vitæ habitum liberæ mutationi obnoxia sunt, sortiantur, et ad instar testamenti haberi debeant, eiusque solennia suo modo desiderent. B. STRYK in V. M. ad tit. de pact. dot. §. 3. STRVV. in syntagm. iur. ciu. exerc. 39. §. 19. LAVTERBACH in colleg. theor. pract. ad tit. de pactis dot. §. 14. In principio autem ipso cognoscendi genuino, quænam sint simplicia, quæue mixta? rursus cespitant interpretes, vt, quot commentarii, tot fere de notis vtriusque speciei characteristicis commentatorum deprehendantur diuersæ sententiæ, et difficile sit, perpensis singulorum rationibus, eam constituere, cui dici possit: tu mihi sola placees. Equidem B. STRYK. in caut. contr. sect. 3. cap. 8. §. 21. ex verbis ipsis pactorum dotalium id diiudicandum esse docet, vt ex verbis: HABEN, BEHALTEN etc. a paciscentibus adhibitis, pacta dotalia simplicia per modum contractus inita eruenda; pro mixtis vero seu in vim vltimæ voluntatis conceptis; habenda sint, si formula: ERBEN, SVCCEDIREN, SVCCEDERE etc. pacta incuntes vti fuerint. Formulam vero: ERB, ICH BEHALTEN non præcise mixta pacta inuoluere, sed plerumque effectum transactionis denotare, contractibusque hoc sensu adiici solere, vt non solum contrahens, sed et heredes ipsius bona retinere debeant, censet IDEM cit. loc. §. 22. Similiter in tr. de S. A. I. hæc simplicia esse statuit, vbi promissio eorum, quæ pactis dotalibus conuenta, quidem fundatur in persona paciscentis, eiusque præsens obligatio est; effectus vero obligationis seu exactio ipsa post mortem

Principium  
cognoscendi  
vtramque spe-  
ciem anceps.

Discrimen as-  
signatum a  
Strykio,

mortem promittentis confertur, vt ab herede et contra heredem promittentis exactio incipiat; *mixta* e contrario ea, si conuentio magis *bona*, quam *personam* respiciat, vel expresse *hereditatis* et *successionis* facta fuerit mentio. Eodem *Carpzovio*. fere modo rem definit CARPZOV. *part. 2. const. 43. def. 5. et 6. n. 1. 2.* et ex solis verbis, tum pacta dotalia *simplicia*, tum *mixta* diiudicanda esse, censet, *arg. l. 20. de V. S.* Addit vero: si de *hereditate* vel *successione* expresse dictum fuerit, ambigendum non esse, quin pacta hæc per modum *contractus*, seu *inter vivos* inita dici nequeant, cum de *futura* potius *successione hereditaria* cogitatum fuerit, quod verba *ius succedendi* post mortem in vniuersitatem bonorum satis clare innuant. Idem obtinere asserit HARTMAN. PISTOR *Pistoro. part. 4. quest. 3. n. 4.* si non quidem de vniuersa *hereditate* conuentum, sed saltem *certa hereditatis portio* in *casum mortis* coniugi superstiti data et assignata fuerit, vt, licet de *re* saltem *particulari* actum fuerit, si tamen expresse de *iure succedendi* dictum vel ex mente contrahentium constet, aut ex aliis circumstantiis appareat, quod paciscentes de *successione* agere voluerint, licet *successionis* expressa non esset facta mentio, hæc pacta nihilominus *mixta* censenda sint. IDEM *cit. loc. n. 5.* Non ergo exinde, quod vel bona *vniuersa*, vel *pars* saltem *bonorum* coniugi superstiti in pactis dotalibus assignata fuerit, diiudicari posse, an hæc pacta in vim *contractus*, an vero in vim *ultimæ voluntatis* valeant? statuunt CARPZOV. *cit. loc.* et SANDE in *decis. Frisic. lib. 2. tit. 2. def. 4. et addit.*

6. II. Paulo aliter criteria horum pactorum constituit *Lauterbachio*. LAUTERBACH. in *C. T. P. ad tit. D. de pact. dot. §. 3.* Etenim pro *simplicibus* habet ea, in quibus tantum agitur de *dote*



dote vel donatione propter nuptias, vel etiam de aliis bonis, per verba tamen *contractum*, vt negotium quidem statim perficiatur, executio vero ad tempus mortis differatur; *mixta* autem et in vim *ultimæ voluntatis* concepta appellat illa, in quibus agitur de *futura coniugum successione* vel *uniuersali*, vel *pro parte* per verba *ultimæ voluntatis*, vt totum negotium eiusque perfectio et executio differatur in futurum

**Willenbergio**, mortis casum. l. 32. et 42. §. f. D. de donat. Alio plane modo signa horum pactorum diuersa distinguit WILLENBERG in *diff. de pact. ante nupt.* §. 21. statuitque, pacta antenuptialia regulariter per modum *contractus* ac *inter viuos* fieri, vtpote quem modum natura negotii requirat, et sic quoque in dubio ita facta intelligi, verba vero hunc modum indicantia esse, ait, si v. g. conuentum foret, vt superstes in casum mortis omnia vel aliqua defuncti bona *habeat*, vel *retineat*, daß die Güter auf den Lebtlebenden erblich fallen, er nichts herausgeben solle. Posse tamen hæc pacta quoque in vim *ultimæ voluntatis* concipi, fatetur, si ex *intentione contrahentium* id appareat, vel verba adhibita istam voluntatem indigent: v. gr. si conuentum: daß auf erfolgten Todesfall der Überlebende alle Güter erben, und in solche

**Harprecht**, *succediren* solle. Vel si modus succedendi determinatus sit, wie ein Ehegatte dem andern so wohl auf den Fall, wann sie Kinder erzeugt, als auch wann ihrer eins ohne Kinder abstirbet, beerben solle, quo criterio vtitur HARPPRECHT

**Heeser**, *vol. nou. conf. 42. n. 295.* Alii recurrunt ad obsoletas formulas *ultimarum voluntatum*, et ab iis differentiam petunt, asserentes, mixta esse, si per *verba testamenti*, h. e. in testamentis vtitata et recepta; simplicia vero, si per *verba contractus*, vel *donationis*, vel de certis quibusdam bonis concepta. HEESER de *comm. bon. diuis. part. 2. loc. 11. n. 127.* Ab

**Erbachio**, omni-

omnibus his dissentit et nouam plane sententiam producit in hac materia ESBACH in CARPZ. P. 2. *const. 43. ad def. 5. et 6.* sequentem in modum ratiocinia subducens: non iudicandum esse ex verbis solis, quando pacta dotalia sint simplicia, quando vero mixta; quin potius dicendum esse, quod iudex in hac materia ex *animi sui sententia* æstimare debeat, quid aut credat aut parum probatum sibi opinetur iuxta l. 3. §. 2. D. de test. motum animi vero æstimare debeat ex testimoniis ipsæ rei aptioribus, et vero proximioribus, vt loquitur Ictus in l. 21. §. fin. D. de test. Diuersæ hæc de pactorum dotalium *simplicium* et *mixtorum* notis characteristicis sententiæ vel ideo fuerunt adducendæ, vt appareat, quam incertis interpretes in hac doctrina vagentur procellis; omnia enim indicia, ex quibus alterutra species colligenda, mera eorundem sunt inuenta; nullis rationibus idoneis corroborata, et ob fluctuantem commentatorum in definiendis hisce criteriis sententiam ita comparata, vt semper ansam liti- bus præbere possint, præsertim cum pacta dotalia a notariis vel aliis concipiantur, qui libero vt plurimum stylo vtuntur, nec formularum adeo rationem habent. Quocirca, qui ex *verbis* subtilibusque *formulis* differentiam vnice colligunt, iurisprudentiam nostram formulariam reddere intendunt, nec tamen de verbis ipsis, hanc vel illam speciem indicantibus, inter se conuenire potuerunt, quinimo eo ipso statuunt, ultra intentionem paciscentium verba quid operari posse, cum tamen in quibusvis conuentionibus primam bonæ interpreta- tionis negotii regulam, intentio contrahentium præsumta constituere debeat, qui si forsitan interrogati fuissent de ratio- ne differentię, (quam interpretes constituunt maximam, vt ex sequentibus apparebit,) inter verba hæc vel illa pactis dotalibus inserta, differentię rationem nullam idoneam dare

*Epistola de  
his criteriis  
generalis.*



possunt, sed potius credibile est, pacilcentes coniuges semper eo duci consilio, eaque mente inter se pacisci, ut *irrevocabili nexu* sese constringere velint, quibuscunque verbis formulisque hæc fuere concepta. Non minus lubrico decisionem causæ subiiciunt fundamento illi, qui *iudicis arbitrio* quoad hunc passum definitionem relinquunt; hoc modo enim iudici idonea offertur occasio, pro animi sui passionibus vel utilitate priuata quadam, partium studium arripiendi, alterutrique litigantium gratificandi ob incertissimas in hoc argumento Ictorum sententias, colore iuris nunquam destitutas.

*Simplicia censent irrevocabilia;*

*mixta vero reuocabilia.*

§. III. Ante omnia vero disquirendum, in quem finem interpretes has diuerſas verborum figuras tam sollicitè distinguant, et inter se digladiantur de illis. Videlicet omnes in ea subsistunt diuersitate horum pactorum, qui ea tam accurate determinare volunt, ut simplicia in vim contractuum inita censeri debeant *irrevocabilia*, ex natura pactorum contractuumque communi, quæ hæc est, ut, quæ ab initio in iis sint voluntatis, ex postfacto fiant necessitatis, l. 5. C. de obl. et act. adeoque, non nisi vtriusque contrahentium consensu dissolui corrigiue queant. De *mixtis* vero in vim *ultimæ voluntatis* contractis plane aliter rationes subducunt, pluraque in iis solennia desiderant, ac iura singularia ex iure Romano, i. e. contradictorio, adducunt. Quemadmodum enim hæc de *ultimarum voluntatum natura* participare dicuntur, ad extremum vsque vitæ halitum pro lubitu ac quocunque temporis momento reuocabilium; l. 4. D. de adim. legat. l. 32. §. 3. D. de donat. int. V. et V. l. 30. C. de pact. ita quoque doctrinam ultimarum voluntatum hisce pactis mixtis, de *successione futura* quippe disponentibus, et sic *ultimam* quandam

dam voluntatem (quam in sensu iuris Romani præcise concipiunt,) constituentibus, applicarunt, docentes, hæc pacta æque ac quamlibet ultimam voluntatem aliam, altero paciscentium inuito aut iam mortuo, per testamentum aliamue contrariam voluntatem optimo iure reuocari, et sic vnus contrahentium dissensu pro lubitu a conuentione recedi posse, adeo vt, ne quidem per pactum contrarium; hæc libera voluntas restringi queat, quod nemo sibi valide dicat legem, a qua recedere eidem non liceat, l. 22. D. de legat. 3. rationes ita subducentibus LAVTERB. in C. T. P. ad tit. de pact. dot. §. 14. B. STRYK in tr. de C. C. sect. 3. cap. 8. §. 18. KOHL de pact. dot. part. 2. n. 59. CARPZ. P. 2. C. 43. def. 11. et citati apud B. STRYK in tr. de S. A. I. diff. 8. cap. 5. §. 41. HEESERO cit. loc. Quia itaque in classem ultimarum voluntatum hæc pacta mixta reiecerunt, vltius quoque progressi sunt, et ratione forme quinque ad minimum testium præsentiam in his ineundis requisierunt, arg. l. ult. §. 3. C. de codicill. quod in qualibet vltima voluntate, quæ formale testamentum haud constituat, secundum l. adductam, (et sic quoque in his pactis) quinque testes ad minimum præsentibus esse debeant, ita argumentantibus LAVTERB. cit. loc. §. 4. B. STRYK in V. M. D. ad tit. de pact. dot. §. 3. in simplicibus autem nulli plane testes ratione solennitatis, sed vnice probationis gratia desiderantur, et sic duo sufficiant, arg. l. 12. D. de test. ex mente RICHTERI decis. 26. n. 45. CARPZOVII part. 2. C. 43. def. 1. n. 4. Denique ex pactis dotalibus mixtis tantum bona deferri superstiti ex titulo singulari, adeoque heredi ab intestato merito ex illis quartam ex L. Falcid. esse assignandam, quod pactis heres vniuersalis, instar testamentarii, constitui nequeat.

inde in his  
quinque testes  
desiderant.

eaque L. Falcid.  
subiciuntur.

Quod mixta  
ex iure Roma-  
no sint aspi-  
cenda.

iuxta natu-  
ram m. c. do-  
nationis.

inde conclu-  
siones erronee  
tracta.

§. IV. Quod vero insignem hanc inter utramque pa-  
ctorum dotalium speciem, §. I. adductam, constituerint dif-  
ferentiam, in causa est praeiudicium illud vulgatum, quod  
pacta mixta ad tramitem iuris Romani reducenda, ex iis ex-  
plicanda, et ita accipienda, ut cum eo, tanquam unico o-  
mnium iurium fonte, conueniant, iuxta principium vulga-  
tum: consuetudinem et statuta ex iure Romano supplenda,  
interpretanda, et restringenda, ne nimis ab eo recedant. Et  
cum ex quotidiana Germaniae observarent praxi, in pactis  
dotalibus de successione coniugum quam saepissime disponi, nul-  
lum vero fundamentum pro sustinenda hac dispositione in iu-  
re Romano deprehenderent, quippe quo quolibet pacta do-  
talia erant simplicia, et non nisi de date, donatione propter  
nuptias aliisque conueniri, minime vero successio futura de-  
terminari poterat, ut cap. I. §. I. latius demonstraui; aliud  
fundamentum, pro defendenda horum pactorum successorio-  
rum validitate, ex iure Romano inuestigarunt, comparantes  
ea cum m. c. donatione, cui videbantur esse simillima, adeo-  
que iura in m. c. donatione obtinentia ad haec pacta ex iure  
Romano optime trahi posse, ut, quae in m. c. donatione iu-  
ris, in hisce quoque iuris esse debeant. Quo principio se-  
mel assumpto, prono alueo ex eodem sequentes fluxere con-  
clusiones: Quemadmodum m. c. donatio ultimis voluntatibus  
accedit, et sic quinque ad minimum testes praesentes requi-  
rit; l. f. C. de m. c. donat. l. f. §. 3. C. de iure codicill. ita quo-  
que pacta dotalia mixta, in vim ultimae voluntatis contracta,  
eosdem supponere, arg. ex dict. text. ducto. Quemadmo-  
dum porro quaelibet ultima voluntas quocunque tempore ad  
extremum usque vitae spiritum est reuocabilis et mutabilis;  
eodem modo haec pacta reuocabilia esse concluderunt, arg.  
l. 4. D. de adim. vel transf. legat. l. 32. §. 32. D. de donat. in-  
ter

ter V. et V. Vltcrius, vt m. c. donatio, licet 500. solidos excedat, necessitati inſinuationis non ſubiacer; ita hæcæ pacta dotalia ſine illa valere, docuerunt. Denique vt m. c. donatarius ex titulo ſuccedit ſingulari, hic vero *ius ſuccedendi vniuerſale et hereditarium* non conſtituit, et ſic alius adhuc heres vel *ab inteſtato*, vel *ex teſtamento* ſupponendus eſt, cui ad minimum quartam ex L. Falcidia etiam a m. c. donatione detrudere iura permittunt; l. 5. l. 12. C. ad L. Falcid. l. 2. C. de m. c. donat. eodem modo coniugem ſuperſtitem ex hiſcæ pactis ſuccedentem non *heredem*, ſed *ſucceſſorem* eſſe *ſingularem*, tradunt, vt heredibus ab inteſtato Falcidiam ab iis, quæ pactis dotalibus ſuperſtiti relicta ſunt, deducere ſit integrum. arg. l. 35. §. 3. de legat. 3. HAHN ad Weſenbec. tit. ad L. Falcid. n. 6. ANTON. FABER. in cod. lib. 6. tit. 26. def. 1. verb. ſed quoad Falcid. Liqueſt ergo ex adductis, interpretes in explicatione pactorum dotalium (vt vocant) mixtorum, vnice ad iura Romana reſpexiſſe, et ex comparatione horum cum mortis cauſa donationibus conſuſiones has traxiſſe, ab vnoque ad alterum argumenta bona fide duxiſſe. HARPPECHT cit. l.

§. V. Quam vero incongrue horum pactorum validitas ex iure Romano deriuetur, quam inconcinne principia iuris Romani plane hiſ pactis contraria in explicanda horum pactorum natura aſſumantur, vel ex iis apparet, quæ cap. I. §. IV. et V. adducta ſunt; oſenſum enim fuit loco citato, iura Romana pacta ſucceſſoria regulariter in genere improbaſſe, nec minus quoque pacta coniugum dotalia ſucceſſionem determinantia in ſpecie annullaſſe; minus ergo recte aſſeritur, principia iuris Romani, quibus hæcæ pacta plane contrariantur, hiſ quoque commodè applicari poſſe. In

*Principia iuris Rom. in hiſ admiſſi nequeunt.*



nec a m. c. do-  
natione argu-  
mentum sta-  
bi.

vnice ex iure  
Germ. expli-  
canda.

inde conclu-

confesso sane est, si *pacta successoria* inter coniuges cum do-  
natione m. c. conferri, et inde explicari possent, Roma-  
nos Ictos nunquam in hanc prolapsos fuisse sententiam, vt  
censuerint, pacta hæc esse prorsus inania, nullius efficaciz,  
et frustratoria; sed potius æque vt dissentientes illa ex hoc  
fonte explicuissent, et validitatem eorum agnouissent; quod  
tamen minime factum est. Qua ratione ergo diuersa dubi-  
am traxit sententia mentem, vt Ictis Romanis dicam scribe-  
re, et tamen ex horum doctrina argumenta depromere in-  
tenderint? sane hoc nihil inconcinnius dici fingique potuit.  
Facile vero liquet, iurium patriorum neglectam culturam in  
causa fuisse, vt ad fontes alienas prouerent; et contradi-  
ctoria conciliare studerent. Enimuero hæc pacta sunt me-  
rum iuris *Germanici patriique* institutum, adeoque etiam ex  
hoc tanquam fonte suo legitimo iura eorundem vnice hauri-  
enda sunt et deducenda. Nec enim sana ratio permittit, vt  
*ius Romanum* cum *Germanico*, contradictoria hoc casu fo-  
vente principia, inuicem coniungi, et ab vno ad aliud ar-  
gumenta trahi debeat. Sunt itaque omnes conclusiones, quot-  
quot ex iure Romano ad hæc pacta trahuntur, meri erro-  
res, instituto quippe Germanico inapplicabiles. Docet na-  
tura rei et recta ratio, *instituta Romana ex iuribus Romanis*,  
tanquam hisce propriis; *Germanica vero ex patriis vnice*  
eruenta esse *legibus* et iuribus, cum præterea *cap. præced.*  
iam obseruatum demonstratumque fuerit, iura Romana in  
Germania demum *in subsidium*, in defectu *iurium domestico-*  
*rum*, post receptionem eorundem applicanda, quoad hanc  
materiam vero nunquam adoptata esse, sed iuribus patriis ab  
omni xuo Germanos hoc in passu instituisse. Liquet porro,  
validitatem horum pactorum, a *m. c. donatione* argumento  
tracto, frustra adstrui. Sunt enim mera *pacta et conuentio-*  
*nes,*

nes, successionem futuram inter coniuges determinantes; ex principiis cap. præced. traditis defendendæ et explicandæ, et sic sua sponte conclusiones erroneæ, ex eo deriuatæ principio, quod pacta dotalia mixta sint *m. c. donationibus æquiparanda*, corruunt, doctrina pariter de *quinque testibus* in pactis hisce ineundis necessariis euanciscit, quam solennitatem nec pacta, nec iura Germanica in hisce pactis vnquam desiderarunt. Falsum porro est, superstitem ex pactis dotalibus succedentem non fieri *heredem vniuersalem*, sed *successorem singularem* ad instar *m. c. donatarii* habendum, quin potius *veros heredes* esse successores ab intestato, adeoque et his iura et commodata, *heredibus* in iure tributa, non esse dene-ganda, sed optimo iure adiudicanda. Corruit dogma commune: pacta hæc ad instar *m. c. donationis* quolibet momento mutari, alteroque contrahentium etiam inuito et dissente, ab vno reuocari corrigique posse.

§. VI. Destructa itaque hactenus doctrina interpretum communi: quod hæc pacta ex *m. c. donatione* sint interpretanda, et sic vltimis voluntatibus in sensu iuris Romani assumtis accedant, earumque naturam assumant, loco eius substituo principium simplicius, quo vnice ducti sunt Germani: eadem ex *natura et fide conuentionum communi*, vt vera pacta, vnice esse æstimanda, et sic quoque *immutabilia et irreuocabilia* esse debere, quod ex sequentibus colligo fundamentis: α) quia sunt *conuentiones et vera pacta*, et sic quoque natura et iure pactorum communi, a Germanis nulli in diuersos tracto effectus, gaudere debent, quorum natura hæc est, vt, quæ in iisdem ab initio sunt voluntatis, ex postfacto fiant necessitatis, *l. 5. C. de O. et A.* adeoque sua natura sint *irreuocabilia*, et non nisi vtriusque contrahenti-

*fieri ex iure Romano deducit erronea sunt.*

*Principium principale, ex natura pactorum communi deductum, quod sine ir-reuocabilia.*

*quia sunt vera pacta.*



*Nec a m. c. do-  
natione argu-  
mentum sta-  
bi.*

confesso sane est, si *pacta successoria* inter coniuges cum do-  
natione m. c. conferri, et inde explicari possent, Roma-  
nos ICTos nunquam in hanc prolapsos fuisse sententiam, vt  
censuerint, pacta hæc esse prorsus inania, nullius efficacia,  
et frustratoria; sed potius æque vt dissidentes illa ex hoc  
fonte explicuissent, et validitatem eorum agnouissent; quod  
tamen minime factum est. Qua ratione ergo diuersa dubi-  
am traxit sententia mentem, vt ICTis Romanis dicam scribe-  
re, et tamen ex horum doctrina argumenta depromere in-  
tenderint? sane hoc nihil inconcinnius dici fingique potuit.  
Facile vero liquet, iurium patriorum neglectam culturam in  
causa fuisse, vt ad fontes alienas prouerent, et contradi-  
ctoria conciliare studerent. Enimvero hæc pacta sunt me-  
rum iuris *Germanici patriique* institutum, adeoque etiam ex  
hoc tanquam fonte suo legitimo iura eorundem vnice hauri-  
enda sunt et deducenda. Nec enim sana ratio permittit, vt  
*ius Romanum* cum *Germanico*, contradictoria hoc casu fo-  
vente principia, inuicem coniungi, et ab vno ad aliud ar-  
gumenta trahi debeat. Sunt itaque omnes conclusiones, quot-  
quot ex iure Romano ad hæc pacta trahuntur, meri erro-  
res, instituto quippe Germanico inapplicabiles. Docet na-  
tura rei et recta ratio, *instituta Romana ex iuribus Romanis*,  
tanquam hisce propriis; *Germanica vero ex patriis vnice*  
eruenda esse *legibus* et iuribus, cum præterea *cap. præced.*  
iam obseruatum demonstratumque fuerit, iura Romana in  
Germania demum *in subsidium*, in defectu *iurium domestico-*  
*rum*, post receptionem eorundem applicanda, quoad hanc  
materiam vero nunquam adoptata esse, sed iuribus patriis ab  
omni xuo Germanos hoc in passu instituisse. Liquet porro,  
validitatem horum pactorum, a m. c. donatione argumento  
tracto, frustra adstrui. Sunt enim mera *pacta et conuentio-*  
*nes,*

*Inde conclu-*

*nes,*

nes, (successionem futuram inter coniuges determinantes, ex principiis *cap. preced.* traditis defendendæ et explicandæ, et sic sua sponte conclusiones erroneæ, ex eo deriuatæ principio, quod pacta dotalia mixta sint *m. c. donationibus* æquiparanda, corruunt, doctrina pariter de *quinque testibus* in pactis hisce ineundis necessariis euanciscit, quam solennitatem nec pacta, nec iura Germanica in hisce pactis vnquam desiderarunt. Fallum porro est, superstitem ex pactis dotalibus succedentem non fieri *heredem vniuersalem*, sed *successorem singularem* ad instar *m. c. donatarii* habendum, quin potius *veros heredes* esse successores ab intestato, adeoque et his iura et commodata, *heredibus* in iure tributa, non esse dene-ganda, sed optimo iure adiudicanda. Corruit dogma commune: pacta hæc ad instar *m. c. donationis* quolibet momento mutari, alteroque contrahentium etiam inuito et dissente, ab vno reuocari corrigique posse.

*fontes ex iure Romano deducta erronea sunt.*

§. VI. Destructa itaque hæcenus doctrina interpretum communi: quod hæc pacta ex *m. c. donatione* sint interpretanda, et sic vltimis voluntatibus in sensu iuris Romani assumtis accedant, earumque naturam assumant, loco eius substituo principium simplicius, quo vnice ducti sunt Germani: eadem ex *natura et fide conuentionum communi*, vt vera pacta, vnice esse æstimanda, et sic quoque *immutabilia et irreuocabilia* esse debere, quod ex sequentibus colligo fundamentis: α) quia sunt *conuentiones et vera pacta*, et sic quoque natura et iure pactorum communi, a Germanis nulli in diuersos tracto effectus, gaudere debent, quorum natura hæc est, vt, quæ in iisdem ab initio sunt voluntatis, ex postfacto fiant necessitatis, *l. 5. C. de O. et A.* adeoque sua natura sint *irreuocabilia*, et non nisi vtriusque contrahenti-

*Principium principale, ex natura pactorum communi deductum, quod sint irreuocabilia.*

*quia sunt vera pacta.*

um consensu dissolui denuo queant, in quo principio Germani ex *fide data* vnice substituerunt, nec reuocabilitatem pactorum promiscuam agnouerunt. Præterea β) donationes m. c. quidem etiam *mutuo consensu*, olim etiam per *stipulationem*, incuntur; palam tamen est, harum institutum proprium fuisse Romanis, nec in iis de *uniuersali successione* actum, Germanis vero adeo ante receptionem iuris Romani ignoratum, ut pacta hæc successoria inierint contraxerintque, antequam iurium Romanorum noua et Germanis incognita instituta inualescerent. Ex quo fluit, a Germanis hæc *pacta successoria* semper sancte culta et irreuocabilia habita fuisse, eosque, recepto iure Romano, haud admisisse, ut ex hoc principia plane contraria sumerentur iuxta doctrinam legistarum. Iam dudum pronunciauerat TACITVS de *mor. German. testamentum apud Germanos nullum fuisse*, quod de *ultimæ voluntatis dispositione* quauis intelligendum, solis Romanis propria, Germanis ignorata. Nihil his *fide* sanctius: illis testamentis nihil prius nec potius, in quibus *leges bonis suis dabant domesticas*, voluntati cuiuscunque *legislatoris domestici* subiectas, iuebant, vetabant, *formulisque legum* in disponendo utebantur; imò in donatione m. c. peculiari talique formula utebantur, qua se ab omni vinculo in vita sua immunes fore, declarabant, atque inde demum morte confirmabatur. Inde vero euidentissimum est, falsissimum et erroneum esse: hæc pacta successoria esse *donationes m. c.*, quam thesin § §. *præced.* iam satis superque destruxi. γ) Id ipsum iam dudum ICTI plurimi obseruarunt, quorum consensu hoc Germaniæ dogma assertum confirmatumque. Et enim HARPPRECHT in *tr. acad. de success. tract. 4. th. 17. n. 6.* fatetur: *Pacta eiusmodi successoria irreuocabilia effici posse, quod in huiusmodi pactationibus talia, haud raro, verba,*  
non

donationes m.  
c. merum sunt  
institutum Ro-  
manum, Ger-  
manis igno-  
ritum.

Hanc senten-  
tiam ICTI o-  
prima nota  
calculo suo  
confirmant:  
Harpprecht,

non tam ex imperitia Notariorum, istas tabulas scribentium, quam ex seria et enixa paciscentium voluntate, inserta occurrant, quæ, tametsi de futura hereditaria atque vniuersali successione sint concepta talem paciscentium voluntatem quod hæc ipsa conuentio de successione nulli reuocationi obnoxia esse debeat, haud obscure ad oculos iudicantium ponat. IDEM n. 7. sqq. quoque plura allegat locorum statuta, irrenocabilitatem eiusmodi pactorum ex retento iure prisco patrio approbantia et confirman-  
 tia. Agnoscunt quoque veritatem asserti ANTON. FABER Faber, in cod. lib. 5. tit. 9. def. 7. et 8. GAIL. obs. 126. n. 3. 4. et 5. Gailius, ex eo: quod eiusmodi pacta sint contractus, in eiusque vim valeant, in quibus reuocationi altero inuito locus non sit. Hoc ipso destruunt distinctionem vulgatam inter simplicia et mixta, adseruntque, omnia hæc pacta vnius eiusdemque naturæ fuisse, quibuscunque conceptis verbis formulisque, parumque quoad hunc effectum interesse, siue de re particulari, siue de vniuersali successione fuissent composita. Iam Imperator in l. 15. C. de testam. quoad institutionem heredum iustulerat verba antiqua solennia, et qualiacunque prædicata admiserat, quæ proinde, obseruante STRYKIO in V. M. tit. de hered. instit. §. 1. vocantur communia, quod et institutioni heredum et legatis atque fideicommissis communia sint, siue dixeris: haben, behalten, siue vero: erben, erblich besitzen. Nec amplius in legatis aliqua superest verborum figura, sed hæc sunt exæquata fideicommissis, et prorsus libera. Quocirca in testamentis id modo refert, vtrum prædicatum tribuatur vniuersitati rerum et iurium, v. c. soll alle meine Güter haben; vel: die Halbschied aller meiner Güter haben; an vero bonis particularibus: soll mein Land-Guth N. haben, vt illo casu institutionem designet heredis, hoc vero legatum. Quid ergo ineptius est, quam ex prædicato



in pactis hisce discrimen aliquod exstruere velle, quod iam Romani in omni vltima voluntate, etiam in *legatis*, fustulerunt? Ad *obiectum* potius etiam in hisce pactis respiciendum vnice, vt, si assignata superstiti *uniuersitas rerum et iurium*: si de *successione uniuersali* siue in omnia bona, siue in *quotam* eorum actum, coniux superstes ex hoc pacto *heres verus* et *successor uniuersalis* constitutus sit *irreuocabiliter* mutuo consensu. Id iura Romana non permittebant, nec talem *successionem* ex pactis agnoscebant, multo minus ergo ea iure donationis m. c. subsistere credebant; id quod, qui hodiernis pactis attribuunt, apertissime iuri Romano dicam scribunt. Laudant præterea et æquitati conuenientissimam pronunciant sententiam eorum, qui pacta hæc *irreuocabilia* esse statuunt, HAHN de *conclus. rer. concl.* 72. n. 12. et MVSCL. de *success. conuent. membr.* 1. n. 34. 35. et 36. ex hisce rationibus: quod fraudibus hoc modo optime occurratur, ne vnus coniugum vana promissione alterum decipere, ac promissa pro lubitu reuocatione sine ullo eius merito deludere possit. Et licet rationem vltimæ voluntatis quoad effectum deferendæ hereditatis sortiantur, esse tamen eadem pacta, et modum ex his succedendi conuentionalem, et sic ex natura conuentionum *irreuocabilem*.

Hahnus,  
Musculus,

Sander,

§. VII. Ex sola honestatis et æquitatis ratione fundamentum irreuocabilitatis deducit SANDER in *comment. ad consuetud. Geldr. feud. tit. 2. cap. 3. n. 15.* aiens: Moribus nostris admodum fauorabiles sunt non modo legitimæ successiones, quæ legibus publicis deferuntur, sed et LL. antenuptiales, præsentibus propinquis amicisque confectæ, vt vix æquum et honestati publicæ conueniens videatur, eas priuata dispositione vel pactione rescindi aut immutari. Licet vero ea, quæ æquitati et honestati sunt contraria, non statim eo ipso ligent iure perfe-

perfecto, et sic fundamento lubrico auctoris sententia fulciri videatur; in thesi tamen, ex rationibus in antecedentibus adductis, assertio eiusdem verissima, et magis ad mores Germaniz priscos quam legum peregrinarum principia composita est. Alio incedit ratiocinio FONTANELLA de pact. nupt. *Fontanella.* cl. 4. gl. 9. part. 1. n. 34. sequentia adducens: Donationes, in pactis nuptialibus factæ, pars et portio censentur esse contractus matrimonii, in quo fiunt, et prius inter partes, ut ita fierent, tractata, quæ proinde ut ipsum matrimonium sunt irrevocabiles. Aliam cl. 5. gloss. 8. part. 12. num. 56. et 57. addit rationem: quod verosimiliter alias matrimonium non fuisset secutum, et præterea tabula nuptiales præsentibus propinquis et amicis conficiantur, qui ideo conuocari soleant, ut pactis dotalibus præsentibus sint, et affinitati legem dicant, omniaque prudentia sua et auctoritate moderentur. Quod ergo in tam celebri cætu vno omnium propinquorum consensu placuit, decet perpetuum esse, nec aliquo pacto infringi posse. Ad minimum ex his rationibus liquet, α) contrahentes regulariter ignorare hoc pactorum discrimen; quin potius β) ea fuisse mente, ut sancte id, quod promissum, coleretur, et servaretur, quod etiam clausulæ, quæ passim in iis occurrunt, designant. Sanioribus et solidioribus ex principiis suo calculo adducta confirmat I. S. STRYK in diss. de testam. coniug. *Strykii.* recip. §. 86. aitque: Capitula dotalia, quoad omnes partes in totum nullo alio modo regulariter, quam utriusque coniugis accedente consensu, infirmari possunt atque rescindi. Istud enim, quod de successione hoc modo constitui queat, totum ex FONTIBVS IURIVM GERMANICORVM derivatum est, atque ex iisdem quoque per consequens diiudicandum. Sed pactorum eam semper fuisse naturam et indolem apud Germanos, ut servarentur, non ignotum est. Licet vero laudati autores



possunt, sed potius credibile est, pacilcentes coniuges semper eo duci consilio, eaque mente inter se pacisci, ut *irrevocabili nexu* sese constringere velint, quibuscunque verbis formulisque hæc fuere concepta. Non minus lubrico decisionem causæ subiiciunt fundamento illi, qui *iudicis arbitrio* quoad hunc passum definitionem relinquunt; hoc modo animi iudici idonea offertur occasio, pro animi sui passionibus vel utilitate priuata quadam, partium studium arripiendi, alterutriusque litigantium gratificandi ob incertissimas in hoc argumento Ictorum sententias, colore iuris nunquam destitutas.

*Simplicia censent irrevocabilia;*

*mixta vero revocabilia.*

§. III. Ante omnia vero disquirendum, in quem finem interpretes has diuersas verborum figuras tam sollicitè distinguant, et inter se digladiantur de illis. Videlicet omnes in ea subsistunt diuersitate horum pactorum, qui ea tam accurate determinare volunt, ut simplicia in vim contractuum inita censi debeant *irrevocabilia*, ex natura pactorum contractuumque communi, quæ hæc est, ut, quæ ab initio in iis sint voluntatis, ex postfacto fiant necessitatis, l. 5. C. de obl. et act. adeoque, non nisi vtriusque contrahentium consensu dissolui corrigiue queant. De *mixtis* vero in vim *ultimæ voluntatis* contractis plane aliter rationes subducunt, pluraque in iis solennia desiderant, ac iura singularia ex iure Romano, i. e. contradictorio, adducunt. Quemadmodum enim hæc de *ultimarum voluntatum natura* participare dicuntur, ad extremum vsque vitæ halitum pro lubitu ac quocunque temporis momento reuocabilium; l. 4. D. de adim. legat. l. 32. §. 3. D. de donat. int. V. et V. l. 30. C. de pact. ita quoque doctrinam ultimarum voluntatum hisce pactis mixtis, de *successione futura* quippe disponentibus, et sic *ultimam* quandam

dam *voluntatem* (quam in sensu *iuris* Romani præcise concipiunt,) constituentibus, applicarunt, docentes, hæcce pacta æque ac quamlibet ultimam voluntatem aliam, altero paciscentium inuito aut iam mortuo, per testamentum aliamve contrariam voluntatem optimo iure reuocari, et sic vnus contrahentium dissensu pro lubitu a conuentione recedi posse, adeo vt, ne quidem per *pactum contrarium*; hæc libera voluntas restringi queat, quod nemo sibi valide dicat legem, a qua recedere eidem non liceat, l. 22. D. de legat. 3. rationes ita subducentibus LAVTERB. in C. T. P. ad tit. de pact. dot. §. 14. B. STRYK in tr. de C. C. sect. 3. cap. 8. §. 18. KOHL de pact. dot. part. 2. n. 59. CARPZ. P. 2. C. 43. def. 11. et citati apud B. STRYK in tr. de S. A. I. diff. 8. cap. 5. §. 41. HEEERO cit. loc. Quia itaque in classem *ultimarum voluntatum* inde in his hæcce pacta *mixta* reiecerunt, vterius quoque progressi *quinque testes* sunt, et ratione *formæ* quinque ad minimum testium præsentiam in his ineundis requisierunt, arg. l. ult. §. 3. C. de codicill. quod in qualibet ultima voluntate, quæ formale testamentum haud constituat, secundum l. adductam, (et sic quoque in his pactis) *quinque testes* ad minimum præsentibus esse debeant, ita argumentantibus LAVTERB. cit. loc. §. 4. B. STRYK in V. M. D. ad tit. de pact. dot. §. 3. in simplicibus autem nulli plane testes ratione solennitatis, sed vnice probationis gratia desiderantur, et sic duo sufficiant, arg. l. 12. D. de test. ex mente RICHTERI decis. 26. n. 45. CARPZO-VII part. 2. C. 43. def. 1. n. 4. Denique ex pactis dotalibus *mixtis* tantum bona deferri superstiti ex titulo *singulari*, adeoque heredi ab intestato merito ex illis quartam ex L. Falcid. esse assignandam, quod pactis *heres vniuersalis*, instar testamentarii, constitui nequeat. *enque L. Falcidia subiungunt.*

*Quod mixta  
ex iure Roma-  
no sunt asse-  
manila.*

§. IV. Quod vero insignem hanc inter vtramque pactorum dotalium speciem, §. I. adductam, constituerint differentiam, in causa est præiudicium illud vulgatum, quod pacta *mixta* ad tramitem *iuris Romani* reducenda, ex iis explicanda, et ita accipienda, ut cum eo, tanquam unico omnium iurium fonte, conueniant, iuxta principium vulgatum: consuetudinem et statuta ex iure Romano supplenda, interpretanda, et restringenda, ne nimis ab eo recedant. Et cum ex quotidiana Germaniæ obseruarent praxi, in pactis dotalibus *de successione coniugum* quam sæpissime disponi, nullum vero fundamentum pro sustinenda hac dispositione in iure Romano deprehenderent, quippe quo quælibet pacta dotalia erant simplicia, et non nisi *de date, donatione propter nuptias* aliisque conueniri, minime vero successio futura determinari poterat, ut *cap. I. §. I.* latius demonstraui; aliud fundamentum, pro defendenda horum pactorum successio-  
rum validitate, ex iure Romano inuestigarunt, comparantes ea cum *m. c. donatione*, cui videbantur esse simillima, adeoque iura in *m. c. donatione* obtinentia ad hæc pacta ex iure Romano optime trahi posse, ut, quæ in *m. c. donatione* iuris, in hac quoque iuris esse debeant. Quo principio semel assumpto, prono alueo ex eodem sequentes fluxere conclusiones: Quemadmodum *m. c. donatio ultimis voluntatibus* accedit, et sic quinque ad minimum testes præsentis requirit; *l. f. C. de m. c. donat. l. f. §. 3. C. de iure codicill.* ita quoque pacta dotalia mixta, in vim ultimæ voluntatis contracta, eosdem supponere, *arg. ex dict. text. ducto.* Quemadmodum porro quælibet ultima voluntas quocunque tempore ad extremum vsque vitæ spiritum est reuocabilis et mutabilis; eodem modo hæc pacta reuocabilia esse concluderunt, *arg. l. 4. D. de adim. vel transf. legat. l. 32. §. 32. D. de donat. in-*

*iuxta natu-  
ram m. c. do-  
nationis.*

*inde conclu-  
siones erroneæ  
tractæ.*

ter

ter V. et V. Vltcrius, vt m. c. donatio, licet 500. solidos excedat, necessitati insinuationis non subiacet; ita hæcce pacta dotalia sine illa valere; docuerunt. Denique vt m. c. donatarius ex titulo succedit singulari, hic vero *ius succedendi vniuersale* et *hereditarium* non constituit, et sic alius adhuc heres vel *ab intestato*, vel *ex testamento* supponendus est, cui ad minimum quartam ex L. Falcidia etiam a m. c. donatione detrahere iura permittunt; l. 5. l. 12. C. ad L. Falcid. l. 2. C. de m. c. donat. eodem modo coniugem superstitem ex hisce pactis succedentem non *heredem*, sed *successorem* esse *singularem*, tradunt, vt heredibus ab intestato Falcidiam ab his, quæ pactis dotalibus superstiti relicta sunt, deducere sit integrum. arg. l. 35. §. 3. de legat. 3. HAHN ad Wesenbec. tit. ad L. Falcid. n. 6. ANTON. FABER. in cod. lib. 6. tit. 26. def. 1. verb. *sed quoad Falcid.* Liqueet ergo ex adductis, interpretes in explicatione pactorum dotalium (vt vocant) mixtorum, vnice ad *iura Romana* respexisse, et ex comparatione horum cum mortis causa donationibus conclusiones has traxisse, ab vnoque ad alterum argumenta bona fide duxisse. HAKPPRECHT cit. l.

§. V. Quam vero incongrue horum pactorum validitas ex *iure Romano* deriuetur, quam inconcinne principia iuris Romani plane his pactis contraria in explicanda horum pactorum natura assumantur, vel ex iis apparet, quæ cap. I. §. IV. et V. adducta sunt; ostensum enim fuit loco citato, iura Romana *pacta successoria* regulariter in genere improbasse, nec minus quoque pacta coniugum dotalia successionem determinantis in specie annullasse; minus ergo recte asseritur, principia *iuris Romani*, quibus hæcœ pacta plane contrariantur, his quoque commodè applicari posse. In

*Principia iuris Rom. in his admitti nequeunt.*



nec a m. c. do-  
natione argu-  
mentum sta-  
bi.

vnice ex iure  
Germ. expli-  
canda.

Inde conclu-

confesso sane est, si *pacta successoria* inter coniuges cum do-  
natione m. c. conferri, et inde explicari possent, Roma-  
nos ICTos nunquam in hanc prolapsos fuisse sententiam, vt  
censuerint, pacta hæc esse prorsus inania, nullius efficaciz,  
et frustratoria; sed potius æque vt dissentientes illa ex hoc  
fonte explicuissent, et validitatem eorum agnouissent, quod  
tamen minime factum est. Qua ratione ergo diuersa dubi-  
am traxit sententia mentem, vt ICTis Romanis dicam scribe-  
re, et tamen ex horum doctrina argumenta depromere in-  
tenderint? sane hoc nihil inconcinnius dici fingique potuit.  
Facile vero liquet, iurium patriorum neglectam culturam in  
causa fuisse, vt ad fontes alienas prouerent, et contradi-  
ctoria conciliare studerent. Enimuero hæc pacta sunt me-  
rum iuris *Germanici patriique* institutum, adeoque etiam ex  
hoc tanquam fonte suo legitimo iura eorundem vnice hauri-  
enda sunt et deducenda. Nec enim sana ratio permittit, vt  
*ius Romanum* cum *Germanico*, contradictoria hoc casu so-  
vente principia, inuicem coniungi, et ab vno ad aliud ar-  
gumenta trahi debeat. Sunt itaque omnes conclusiones, quot-  
quot ex iure Romano ad hæc pacta trahuntur, meri erro-  
res, instituto quippe Germanico inapplicabiles. Docet na-  
tura rei et recta ratio, *instituta Romana ex iuribus Romanis*,  
tanquam hisce propriis; *Germanica vero ex patriis vnice*  
eruenda esse *legibus* et iuribus, cum præterea *cap. præced.*  
iam obseruatum demonstratumque fuerit, iura Romana in  
Germania demum *in subsidium*, in defectu *iurium domestico-*  
*rum*, post receptionem eorundem applicanda, quoad hanc  
materiam vero nunquam adoptata esse, sed iuribus patriis ab  
omni xuo Germanos hoc in passu instituisse. Liquet porro,  
validitatem horum pactorum, a m. c. donatione argumento  
tracto, frustra adstrui. Sunt enim mera *pacta et conuentio-*  
*nes,*

nes, (successionem) futuram inter coniuges determinantes, ex *fonas ex iure*  
 principiis *cap. præced.* traditis defendendæ et explicandæ, et *Romano de-*  
 sic sua sponte conclusiones erroneæ, ex eo derivatæ princi- *dulla erroneæ*  
 pio, quod pacta dotalia mixta sint *m. c. donationibus* æquipa-  
 randa, corruunt, doctrina pariter de *quinque testibus* in pa-  
 ctis hisce ineundis necessariis euanelcit, quam solennitatem  
 nec pacta, nec iura Germanica in hisce pactis vnquam desi-  
 derarunt. Falsum porro est, superstitem ex pactis dotalibus  
 succedentem non fieri *heredem* vniuersalem, sed *successorem*  
*singularem* ad instar *m. c. donatarii* habendum, quin potius  
*veros heredes* esse successores ab intestato, adeoque et his  
 iura et commodâ, *heredibus* in iure tributa, non esse dene-  
 ganda, sed optimo iure adiudicanda. Corruit dogma com-  
 mune: pacta hæc ad instar *m. c. donationis* quolibet momen-  
 to mutari, alteroque contrahentium etiam inuito et dissen-  
 tiente, ab vno reuocari corrigique posse.

§. VI. Destructa itaque hætenus doctrina interpretum *Principium*  
 communi: quod hæc pacta ex *m. c. donatione* sint inter- *principale, ex*  
 pretanda, et sic vltimis voluntatibus in sensu iuris Romani *natura pactu-*  
 assumtis accedant, earumque naturam assumant, loco eius *rum commu-*  
 substituo principium simplicius, quo vnice ducti sunt Ger- *ni deductum,*  
 mani: eadem ex *natura* et *fide conuentionum communi*, vt *quod sine ir-*  
 vera pacta, vnice esse æstimanda, et sic quoque *reuerabilia.*  
*et irreuerabilia* esse debere, quod ex sequentibus colligo  
 fundamentis: α) quia sunt *conuentiones* et *vera pacta*, et sic *quia sunt ve-*  
 quoque natura et iure pactorum communi, a Germanis nul- *ra pacta.*  
 libi in diuersos tracto effectus, gaudere debent, quorum  
 natura hæc est, vt, quæ in iisdem ab initio sunt voluntatis,  
 ex postfacto fiant necessitatis, *l. 5. C. de O. et A.* adeoque sua  
 natura sint *irreuerabilia*, et non nisi vtriusque contrahenti-



donationes m.  
c. merum sunt  
institutum Ro-  
manum, Ger-  
manis igno-  
rum.

Hanc senten-  
tiam Icti o-  
prima nota  
calculo suo  
confirmant:  
Harppecht,

um consensu dissolui denuo queant, in quo principio Ger-  
mani ex *fide data* vnice substituerunt, nec reuocabilitatem  
pactorum promiscuam agnouerunt. Præterea β) donationes  
m. c. quidem etiam *mutuo consensu*, olim etiam per *stipula-  
tionem*, ineuntur; palam tamen est, harum institutum pro-  
prium fuisse Romanis, nec in iis de *uniuersali successione* a-  
ctum, Germanis vero adeo ante receptionem iuris Romani  
ignoratum, ut pacta hæc successoria inierint contraxerint-  
que, antequam iurium Romanorum noua et Germanis inco-  
gnita instituta inualescerent. Ex quo fuit, a Germanis hæc  
*pacta successoria* semper sancte culta et irreuocabilia habita  
fuisse, eosque, recepto iure Romano, haud admississe, ut  
ex hoc principia plane contraria sumerentur iuxta doctrinam  
legistarum. Iam dudum pronunciauerat TACITVS de *mor.  
German. testamentum apud Germanos nullum fuisse*, quod de  
*ultimæ voluntatis dispositione* quauis intelligendum, solis Ro-  
manis propria, Germanis ignorata. Nihil his *fide* sanctius:  
illis testamentis nihil prius nec potius, in quibus *leges* bonis  
suis dabant *domesticas*, voluntati cuiuscunque *legislatoris do-  
mestici* subiectas, iubebant, vetabant, *formulisque legum*  
in disponendo utebantur; imo in donatione m. c. peculiari  
talique formula utebantur, qua se ab omni vinculo in vita  
sua immunes fore, declarabant, atque inde demum morte  
confirmabatur. Inde vero euidentissimum est, falsissimum  
et erroneum esse: hæc pacta successoria esse *donationes m. c.*,  
quam thesin § §. *preced* iam satis superque destruxi. γ) Id  
ipsum iam dudum Icti plurimi obseruarunt, quorum con-  
sensu hoc Germanix dogma assertum confirmatumque. Et  
enim HARPPRECHT in *tr. acad. de success. tract. 4. tit. 17.  
n. 6.* tatetur: *Pacta eiusmodi successoria irreuocabilia effici  
posse, quod in huiusmodi pactationibus talia, haud raro, verba,*  
non

non tam ex imperitia Notariorum, istas tabulas scribentium, quam ex seria et enixa paciscentium voluntate, inserta occurrant, quæ, tametsi de futura hereditaria atque vniuersali successione sint concepta talem paciscentium voluntatem quod hæc ipsa conuentio de successione nulli reuocationi obnoxia esse debeat, haud obscure ad oculos iudicantium ponat. IDEM n. 7. sqq. quoque plura allegat locorum statuta, irrenocabilitatem eiusmodi pactorum ex retento iure prisco patrio approbantia et confirmantia. Agnoscunt quoque veritatem asserti ANTON. FABER *Faber;* in cod. lib. 5. tit. 9. def. 7. et 8. GAIL. obs. 126. n. 3. 4. et 5. *Gailius;* ex eo: quod eiusmodi pacta sint contractus, in eiusque vim valeant, in quibus reuocationi altero inuito locus non sit. Hoc ipso destruunt distinctionem vulgatam inter simplicia et mixta, adseruntque, omnia hæc pacta vnius eiusdemque naturæ fuisse, quibuscunque conceptis verbis formulisque, parumque quoad hunc effectum interesse, siue de re particulari, siue de vniuersali successione fuissent composita. Iam Imperator in l. 15. C. de testam. quoad institutionem heredum iustulerat verba antiqua solennia, et qualiacunque prædicata admiserat, quæ proinde, obseruante STRYKIO in V. M. tit. de hered. instit. §. 1. vocantur communia, quod et institutioni heredum et legatis atque fideicommissis communia sint, siue dixeris: haben, behalten, siue vero: erben, erblich besitzen. Nec amplius in legatis aliqua superest verborum figura, sed hæc sunt exæquata fideicommissis, et prorsus libera. Quocirca in testamentis id modo refert, vtrum prædicatum tribuatur vniuersitati rerum et iurium, v. c. soll alle meine Güter haben; vel: die Halbschied aller meiner Güter haben; an vero bonis particularibus: soll mein Land-Guth N. haben, vt illo calu institutionem designet heredis, hoc vero legatum. Quid ergo ineptius est, quam ex prædicato

in pactis hisce discrimen aliquod exstruere velle, quod iam Romani in omni vltima voluntate, etiam in *legatis*, fustulerunt? Ad obiectum potius etiam in hisce pactis respiciendum vnice, vt, si assignata superstiti *vniversitas rerum et iurium*: si de *successione vniversali* siue in omnia bona, siue in *quotam* eorum actum, coniux superstes ex hoc pacto *heres verus* et *successor vniversalis* constitutus sit *irreuocabiliter* mutuo consensu. Id iura Romana non permittebant, nec talem *successionem* ex pactis agnoscebant, multo minus ergo ea iure donationis m. c. subsistere credebant; id quod, qui hodiernis pactis attribuunt, apertissime iuri Romano dicam scribunt. Laudant præterea et æquitati conuenientissimam pronunciant sententiam eorum, qui pacta hæc *irreuocabilia* esse statuunt, HAHN *de conclus. rer. concl.* 72. n. 12. et M V S C V L. *de success. conuent. membr.* 1. n. 34. 35. et 36. ex hisce rationibus: quod *fraudibus* hoc modo optime occurratur, ne vnus coniugum vana promissione alterum decipere, ac promissa pro lubitu reuocatione sine vllò eius merito deludere possit. Et licet rationem vltimæ voluntatis quoad effectum deferendæ hereditatis sortiantur, esse tamen eadem pacta, et modum ex his succedendi conuentionalem, et sic ex natura conuentionum *irreuocabilem*.

Hahnus,  
Muscusius,

Sander,

§. VII. Ex sola *honestatis* et *æquitatis* ratione fundamentum irreuocabilitatis deducit SANDE *in comment. ad consuetud. Geldr. feud. tit.* 2. cap. 3. n. 15. aiens: *Moribus nostris admodum fauorabiles sunt non modo legitimæ successiones, quæ legibus publicis deferuntur, sed et LL. antenuptiales, præsentibus propinquis amicisque confectæ, vt vix æquum et honestati publicæ comeniens videatur, eas priuata dispositione vel pactione rescindi aut immutari.* Licet vero ea, quæ *æquitati* et *honestati* sunt contraria, non statim eo ipso ligent iure *perfe-*

perfecto, et sic fundamento lubrico auctoris sententia fulciri videatur; in thesi tamen, ex rationibus in antecedentibus adductis, assertio eiusdem verissima, et magis ad mores Germaniae priscos quam legum peregrinarum principia composita est. Alio incedit ratiocinio FONTANELLA de pact. nupt. *Fontanella.* cl. 4. gl. 9. part. 1. n. 34. sequentia adducens: Donationes, in pactis nuptialibus factae, pars et portio censentur esse contractus matrimonii, in quo fiunt, et prius inter partes, ut ita fierent, tractata, quae proinde ut ipsum matrimonium fiunt irrevocabiles. Aliam cl. 5. gloss. 8. part. 12. num. 56. et 57. addit rationem: quod verosimiliter alias matrimonium non fuisset secutum, et praeterea tabulae nuptiales praesentibus propinquis et amicis conficiantur, qui ideo conuocari soleant, ut pactis dotalibus praesentes sint, et affinitati legem dicant, omniaque prudentia sua et auctoritate moderentur. Quod ergo in tam celebri cœtu vno omnium propinquorum consensu placuit, decet perpetuum esse, nec aliquo pacto infringi posse. Ad minimum ex his rationibus liquet, α) contrahentes regulariter ignorare hoc pactorum discrimen; quin potius β) ea fuisse mente, ut sancte id, quod promissum, coleretur, et servaretur, quod etiam clausulae, quae passim in iis occurrunt, designant. Sanioribus et solidioribus ex principiis suo calculo adducta confirmat I. S. STRYK in diss. de testam. coniug. *Stryk.* recip. §. 86. aitque: Capitula dotalia, quoad omnes partes in totum nullo alio modo regulariter, quam utriusque coniugis accedente consensu, infirmari possunt atque rescindi. Istud enim, quod de successione hoc modo constitui queat, totum ex FONTIBVS IURIS GERMANICORVM derivatum est, atque ex iisdem quoque per consequens diiudicandum. Sed pactorum eam semper fuisse naturam et indolem apud Germanos, ut servarentur, non ignotum est. Licet vero laudati autores

Carol. de  
Mean,  
Lambert. Go-  
ris.

in rationibus, pro sua sententia adductis, varient; in eo ta-  
men omnes conueniunt, quod *irreuocabilitatem* hisce pactis  
omnes vno ore concedant et adstruant. Idem quoque ad-  
struit CAROL. de MEAN in iure ciuili Leod. obs. 520. n. 2. in  
f. et inprimis LAMBERTVS GORIS aduers. iuris tr. III.  
p. 2. c. 2. hanc doctrinam ex iure patrio adstruit, et contra-  
riis respondet, adserendo: (a) non sequi, testamentorum  
vñ recepto, liberum esse parentibus aliisque vltimo suo  
elogio reuocare, quod volentes scientesque tabulis antenu-  
ptialibus promiserunt; quod scilicet, *salua fide pactorum*,  
ex iure prisco repetenda, hæc receptio facta: (b) non ob-  
stare vulgatum illud, quod hac ratione auferatur libera te-  
standi facultas; id enim pacta, quæ prævalent adhuc iure  
hodierno, omnino permittere, recte censet. Sic patet, ait,  
*multum inter se differre iuris communis et patriæ consuetudi-  
nis principia, illis prolixè fauentibus vltimis testantium vo-  
luntatibus; his contra conuentionibus inter viuos de futura  
successione, non sine verosimili odio contra vñum testamentorum.  
Addit post pauca optime: Accedit etiam non contemnenda ra-  
tio, quod, concessa hac libertate reuocandi in testamentis, ne-  
mo fere certus esse possit de iis, quæ conciliando matrimonio  
promissa fuerunt; aperta ita via se inuicem decipiendi specio-  
sis illeæamentis.*

Illustratur  
hac sententia  
ex LL. Ripua-  
riis,

Formulæ  
Marculf.

§. VIII. Id ipsum quoque d) ipsæ Germaniæ leges an-  
tiquæ euincunt probantque. Etenim in LL. Ripuar. cap. 37.  
hæcce occurrit constitutio: *Si quis mulierem desponsauerit,  
quicquid ei per tabularum seu chartarum instrumenta conscri-  
pserit, perpetualiter inconvulsus maneat.* Eandem MAR-  
CVLFVS form. 48. circa finem adduxit dispositionem: *Pro-  
pterea per præsens præceptum decernimus ac iubemus, ut dum  
tali-*

taliter supra scriptis illis decrevit voluntas, et per manum nostram inuicem condonatum esse dignoscitur, per hoc preceptum robustissimum, iure suffultum atque firmatum, quicquid superius continetur auxiliante Domino et nostra gratia debeat persudare, ita vt nulla refragatione nec de parte fisci nostri, nec a parentibus, eorum propinquis, nec a quocunque possit conuelli, nisi omni tempore maneat inconuulsum. Idem confirmat form. 49. in fine, hisce verbis: Si qui vero, quod futurum esse non credimus, de hereditibus nostris, vel quicunque contra hanc donationem, unde inter nos uno tempore conscriptos firmauimus, venire aut infringere voluerit, nullatenus valeat euindicare, sed inferat partibus vestris cum cogente fisco auri lib. tant. argent. tantum. Presens vero epistola in nullo possit conuelli, sed firma et inlibata permaneat. conf. form. 67. 68. et 69. in fin. similesque, ex quibus clausulae, irreuocabilitatem pactorum eiusmodi arguentes, colligi queunt. *et legibus hodiernis.*

Leges etiam Germanicæ hodiernæ passim ab antiquis illis temporibus) principium hocce retinuerunt et stabiliuerunt. In-  
 nuit hoc satis clare die Fürstliche Delnische Landes-Ordnung de anno 1610. die Privilegien und Gerechtsame des Ritter-Standes betreffend, art. 3. part. III. sequentem in modum constituens: Jedoch sollen Heuraths-Berebungen, pacta dotalia und andere Abreden, so da Kraft eines letzten Willens mit sich bringen, unverbrüchlich gehalten werden. Idem in Statut. Hamburg. p. II. tit. II. §. 12. dispositum est: Obschon nach denen aufgerichteten und vollzogenen Ehegärtern, ein der Eheleute hernacher ein Testament oder disposition seines letzten Willens, wie es mit seinen nachgelassenen Gütern zu halten, verfaßten lassen würde; so mag doch solch Testament den vollzogenen Ehegärtern in den Punkten, die demselben wirklich seyn einverleibet, nicht



präiudiciren. In ducatu Württembergico talia pacta itidem irrevocabilia censentur, ut constat ex iur. prouinc. P. III. tit. 8. und wenn dergleichen; quod illustrat RESOLDVS in disput. ad cit. l. iur. Württenb. p. 125. eorumque firmitatem ex hac formula: sollen dieselbe steiff gehalten werden, deducit, etiamsi de futura successione disponant: so wol ihrer Kinder, oder anderer, als der Eheleuthe selbst Succession halber &c. conf. LVNIG in collect. nou. priuileg. et prerogat. der mittelbahren Ritterschaft in Teutschland part. I. pag. 266. in fin. Hæc tam late excutere necesse non fuisset, nisi iura Romana, a plerisque cæco assumptâ impetu, et ad quolibet instituta, etiam Germanica, ob status Romani Germanicæque diuersitatem sæpissime admodum incongrue applicata, iura domestica deprauassent, maximasque in hac materia produxissent confusiones.

Renuocatio horum pactorum fieri nequit, vel inter vivos, vel ultima voluntate.

§. IX. Posito ergo et stabilito principio: quod pacta hæc coniugum successoria nil aliud sint, quam vera pacta et conventiones iuris gentium, nec in vim ultimarum voluntatum, in sensu iuris Romani, argumento a m. c. donatione ad hæc pacta frustra tracto, valeant, sed ex propriis suis, cap. I. §. V. seq. exhibitis, explicanda et deriuanda sint fontibus; otiosa et frustranea est distinctio a quibusdam tradita inter reuocationem, quæ fit actu inter vivos, et quæ interueniente quadam sit ultima voluntate. Natura enim et indoles conventionum iuris gentium communis (quorsum et hæc referenda sunt pacta) ita comparata est, ut nec actu inter vivos, nec ultima voluntate, altero paciscentium inuito et dissentiente, reuocari et immutari queant, sed indistincte sint irrevocabilia. Reiecit iam hæc distinctionem VORTIUS in commentar. ad D. tit. de pact. dot. n. 59. ita edisserens: Sciendum

endum est, actu inter vivos nullam conventionum antenuptialium fieri posse mutationem, siue priuatim coniuges suam circa mutanda declarauerint voluntatem, siue sollemniter apud acta vel adhibito cum testibus tabellione. Pergit itaque n. 62. cit. loc. Multo minus in præiudicium superstitis contra hæc pacta disponi potest testamento aut alia qualibet ultima voluntate, cum certissimi iuris sit, ius illud, quod ex pacto duorum uni semel quesitum est, eidem dissentienti et inuito, ab altero paciscentium per pœnitentiam auferri et reuocari non posse. conf. RINGLER de pact. illustr. success. pag. 42. ANNAEVS ROBERTVS lib. 1. rer. iudic. c. 15. p. m. 290. sq. asserens, etiam in Galliz regno sine vlla reuocationis spe talia valere pacta. Corruit quoque ex eodem principio vulgaris interpretum doctrina: *quinque ad minimum testibus* <sup>Nec quinque testes sunt necessarii.</sup> presentibus hæc pacta, ad instar m. c. donationis habita, esse ineunda; debetur enim hæc erronea conclusio falso supposito, §. V. supra refutato: ex donationibus m. c. pacta nostra esse explicanda; quo reiecto, veriorique ibidem substituto, conclusio quoque mutanda erit. Agnoscit id ipsum ANTON. FABER in cod. lib. 5. tit. 9. def. 7. Ait enim: Si in contractu matrimonii adiicitur talis pactio, (de futura scilicet inter coniuges successione) eadem non tam ultime voluntatis iure censi debet, quam PACTI et donationis ob causam, videlicet ut sequatur matrimonium, quod fortassis et verisimiliter alioquin non sequeretur. Ideoque nec septem testium numerum requirit, nec alias testamentorum sollemnitates. Ad fundamentum vero ab autore adductum, ex donatione modali petitem, prouolare necesse non præcile videtur, cum ex communi pactorum indole et natura, in antecedentibus tradita, sua sponte hæc conclusio de iure Germanico fluat.

präjudiciren. In ducatu Württembergico talia pacta itidem irrevocabilia censentur, ut constat ex iur. prouinc. P. III. tit. 8. und wenn dergleichen; quod illustrat BESOLDVS in disput. ad cit. l. iur. Wurtenb. p. 125. eorumque firmitatem ex hac formula: sollen dieselbe steiff gehalten werden, deducit, etiam si de futura successione disponant: so wol ihrer Kinder, oder anderer, als der Eheleute selbst Succession halber &c. conf. LVNIG in collect. nou. privileg. et prerog. der mittelbahren Ritterschaft in Teutschland part. I. pag. 266. in fin. Hæc tam late excutere necesse non fuisset, nisi iura Romana, a plerisque cæco assumpta impetu, et ad quilibet instituta, etiam Germanica, ob status Romani Germanicæque diuersitatem sæpissime admodum incongrue applicata, iura domestica deprauassent, maximasque in hac materia produxissent confusiones.

Reuocatio ho-  
rum pactorum  
fieri nequit,  
vel inter vi-  
uos, vel ulti-  
ma voluntate.

§. IX. Posito ergo et stabilito principio: quod pacta hæc coniugum successoria nil aliud sint, quam vera pacta et conventiones iuris gentium, nec in vim ultimarum voluntatum, in sensu iuris Romani, argumento a m. c. donatione ad hæc pacta frustra tracto, valeant, sed ex propriis suis, cap. I. §. V. seq. exhibitis, explicanda et deriuanda sint fontibus; otiosa et frustranea est distinctio a quibusdam tradita inter reuocationem, quæ fit actu inter viuos, et quæ interueniente quadam fit ultima voluntate. Natura enim et indoles conventionum iuris gentium communis (quorum et hæc referenda sunt pacta) ita comparata est, ut nec actu inter viuos, nec ultima voluntate, altero paciscentium inuito et dissentiente, reuocari et immutari queant, sed indistincte sint irrevocabilia. Reiecit iam hæc distinctionem VORTIVS in commentar. ad D. tit. de pact. dot. n. 59. ita edisserens: Sciendum

endum est; actu inter viuos nullam conuentionum antenuptialium fieri posse mutationem, siue priuatim coniuges suam circa mutanda declarauerint voluntatem, siue sollemniter apud a-  
cta vel adhibito cum testibus tabellione. Pergit itaque n. 62. cit. loc. Multo minus in præiudicium superstitis contra hæc-  
ce pacta disponi potest testamento aut alia qualibet vltima vo-  
luntate, cum certissimi iuris sit, ius illud, quod ex pacto duo-  
rum vni semel quæsitum est, eidem dissentienti et inuito, ab  
altero paciscentium per pœnitentiam auferri et reuocari non  
posse. conf. RINGLER de pact. illustr. success. pag. 42. AN-  
NAEVS ROBERTVS lib. 1. rer. iudic. c. 15. p. m. 290. sq. as-  
serens; etiam in Galliz regno sine vlla reuocationis spe ta-  
lia valere pacta. Corruit quoque ex eodem principio vul-  
garis interpretum doctrina: *quinque ad minimum testibus* <sup>nec quinque  
testes sunt ne-  
cessarii.</sup> præsentibus hæc pacta, ad instar m. c. donationis habita,  
esse ineunda; debetur enim hæc erronea conclusio falso sup-  
posito, §. V. supra refutato: ex donationibus m. c. pacta no-  
stra esse explicanda; quo reiecto, veriorique ibidem substi-  
tuto, conclusio quoque mutanda erit. Agnoscit id ipsum  
ANTON. FABER in cod. lib. 5. tit. 9. def. 7. Ait enim: Si  
in contractu matrimonii adiicitur talis pactio, (de futura sci-  
licet inter coniuges successionem) eadem non tam vltimæ vo-  
luntatis iure censeri debet, quam PACTI et donationis ob cau-  
sam, videlicet ut sequatur matrimonium, quod fortassis et ve-  
risimiliter alioquin non sequeretur. Ideoque nec septem testi-  
um numerum requirit, nec alias testamentorum sollemnitates.  
Ad fundamentum vero ab autore adductum, ex donatione  
modali petitem, prouolare necesse non præcise videtur, cum  
ex communi pactorum indole et natura, in antecedentibus  
tradita, sua sponte hæc conclusio de iure Germanico fluat.

Quod mixta  
ex iure Roma-  
no sint asse-  
mansa.

§. IV. Quod vero insignem hanc inter utramque pactorum dotalium speciem, §. I. adductam, constituerint differentiam, in causa est praedictum illud vulgatum, quod pacta mixta ad tramitem iuris Romani reducenda, ex iis explicanda, et ita accipienda, ut cum eo, tanquam unico omnium iurium fonte, conveniant, iuxta principium vulgatum: consuetudinem et statuta ex iure Romano supplenda, interpretanda, et restringenda, ne nimis ab eo recedant. Et cum ex quotidiana Germaniae observarent praxi, in pactis dotalibus de successione coniugum quam saepissime disponi, nullum vero fundamentum pro sustinenda hac dispositione in iure Romano deprehenderent, quippe quo quilibet pacta dotalia erant simplicia, et non nisi de dote, donatione propter nuptias aliisque conveniri, minime vero successio futura determinari poterat, ut cap. I. §. I. latius demonstraui; aliud fundamentum, pro defendenda horum pactorum successoriorum validitate, ex iure Romano inuestigarunt, comparantes ea cum m. c. donatione, cui videbantur esse simillima, adeoque iura in m. c. donatione obtinentia ad haec pacta ex iure Romano optime trahi posse, ut, quae in m. c. donatione iuris, in hac quoque iuris esse debeant. Quo principio semel assumpto, prout alio ex eodem sequentes fluxere conclusiones: Quemadmodum m. c. donatio ultimae voluntatis accedit, et sic quinque ad minimum testes praesentes requirit; l. f. C. de m. c. donat. l. f. §. 3. C. de iure codicill. ita quoque pacta dotalia mixta, in vim ultimae voluntatis contracta, eosdem supponere, arg. ex dict. text. ducto. Quemadmodum porro quilibet ultima voluntas quocunque tempore ad extremum usque vitae spiritum est revocabilis et mutabilis; eodem modo haec pacta revocabilia esse concluderunt, arg. l. 4. D. de adim. vel transf. legat. l. 32. §. 32. D. de donat. in-

iuxta Barn-  
vam m. c. do-  
nationis.

inde conclu-  
siones erroneae  
tracta.

ter V. et V. Vltcrius, vt m. c. donatio, licet 500. solidos excedat, necessitati infinuatiōis non subiācet; ita hæcce pacta dotalia sine illa valere, docuerunt. Denique vt m. c. donatarius ex titulo succedit singulari, hic vero *ius succedendi vniuersale et hereditarium* non constituit, et sic alius adhuc heres vel *ab intestato*, vel *ex testamento* supponendus est, cui ad minimum quartam ex L. Falcidia etiam a m. c. donatione detrahare iura permittunt; l. 5. l. 12. C. ad L. Falcid. l. 2. C. de m. c. donat. eodem modo coniugem superstitem ex hisce pactis succedentem non *heredem*, sed *successorem* esse *singularem*, tradunt, vt heredibus ab intestato Falcidiam ab iis, quæ pactis dotalibus superstiti relicta sunt, deducere sit integrum. arg. l. 35. §. 3. de legat. 3. HAHN ad Wesenbec. tit. ad L. Falcid. n. 6. ANTON. FABER. in cod. lib. 6. tit. 26. def. 1. verb. *sed quoad Falcid.* Liqueat ergo ex adductis, interpretes in explicatione pactorum dotalium (vt vocant) mixtorum, vnice ad *iura Romana* respexisse, et ex comparatione horum cum mortis causa donationibus conclusiones has traxisse, ab vnoque ad alterum argumenta bona fide duxisse. HAKPPRECHT cit. l.

§. V. Quam vero incongrue horum pactorum validitas ex *iure Romano* deriuetur, quam inconcinne principia iuris Romani plane his pactis contraria in explicanda horum pactorum natura assumantur, vel ex iis apparet, quæ cap. I. §. IV. et V. adducta sunt; ostensum enim fuit loco citato, iura Romana *pacta successoria* regulariter in genere improbasse, nec minus quoque pacta coniugum dotalia successionem determinantia in specie annullasse; minus ergo recte asseritur, principia *iuris Romani*, quibus hæcce pacta plane contrariantur, his quoque commode applicari posse. In

*Principia iuris Rom. in his admitti nequeunt.*



nec a m. c. do-  
natione argu-  
mentum tra-  
hi.

confesso sane est, si *pacta successoria* inter coniuges cum do-  
natione m. c. conferri, et inde explicari possent, Roma-  
nos Ictos nunquam in hanc prolapsos fuisse sententiam, vt  
censuerint, pacta hæc esse prorsus inania, nullius efficacia,  
et frustratoria; sed potius æque vt dissentientes illa ex hoc  
fonte explicuissent, et validitatem eorum agnouissent; quod  
tamen minime factum est. Qua ratione ergo diuersa dubi-  
am traxit sententia mentem, vt Ictis Romanis dicam scribe-  
re, et tamen ex horum doctrina argumenta depromere in-  
tenderint? sane hoc nihil inconcinnius dici fingique potuit.  
Facile vero liquet, iurium patriorum neglectam culturam in  
causa fuisse, vt ad fontes alienas prouerent, et contradi-  
ctoria conciliare studerent. Enimuero hæc pacta sunt me-  
rum iuris *Germanici patriique* institutum, adeoque etiam ex  
hoc tanquam fonte suo legitimo iura eorundem vnice hauri-  
enda sunt et deducenda. Nec enim sana ratio permittit, vt  
*ius Romanum* cum *Germanico*, contradictoria hoc casu fo-  
vente principia, inuicem coniungi, et ab vno ad aliud ar-  
gumenta trahi debeat. Sunt itaque omnes conclusiones, quot-  
quot ex iure Romano ad hæc pacta trahuntur, meri erro-  
res, instituto quippe Germanico inapplicabiles. Docet na-  
tura rei et recta ratio, *instituta Romana ex iuribus Romanis*,  
tanquam hisce propriis; *Germanica vero ex patriis vnice*  
erucenda esse *legibus et iuribus*, cum præterea *cap. preced.*  
iam obseruatum demonstratumque fuerit, iura Romana in  
Germania demum *in subsidium*, in defectu *iurium domestico-*  
*rum*, post receptionem eorundem applicanda, quoad hanc  
materiam vero nunquam adoptata esse, sed iuribus patriis ab  
omni æuo Germanos hoc in passu instituisse. Liquet porro,  
validitatem horum pactorum, a m. c. donatione argumento  
tracto, frustra adstrui. Sunt enim mera pacta et conuentio-  
nes,

unde conclu-

nes, successionem futuram inter coniuges determinantes, ex principiis cap. *preced.* traditis defendendæ et explicandæ, et sic sua sponte conclusiones erronæ, ex eo deriuatæ principio, quod pacta dotalia mixta sint *m. c. donationibus* æquiparanda, corruunt, doctrina pariter de *quinque testibus* in pactis hisce ineundis necessariis euanelcit, quam solennitatem nec pacta, nec iura Germanica in hisce pactis vnquam desiderarunt. Fallum porro est, superstitem ex pactis dotalibus succedentem non fieri *heredem* vniuersalem, sed *successorem singularem* ad instar *m. c. donatarii* habendum, quin potius *veros heredes* esse successores ab intestato, adeoque et his iura et commoda, *heredibus* in iure tributa, non esse deneganda, sed optimo iure adiudicanda. Corruit dogma commune: pacta hæc ad instar *m. c. donationis* quolibet momento mutari, alteroque contrahentium etiam inuito et dissentiente, ab vno reuocari corrigique posse.

§. VI. Destructa itaque hætenus doctrina interpretum communi: quod hæc pacta ex *m. c. donatione* sint interpretanda, et sic vltimis voluntatibus in sensu iuris Romani assumtis accedant, earumque naturam assumant, loco eius substituo principium simplicius, quo vnice ducti sunt Germani: eadem ex *natura et fide conuentionum communi*, vt vera pacta, vnice esse æstimanda, et sic quoque *immutabilia et irreuocabilia* esse debere, quod ex sequentibus colligo fundamentis: α) quia sunt *conuentiones et vera pacta*, et sic quoque natura et iure pactorum communi, a Germanis nullo in diuersos tracto effectus, gaudere debent, quorum natura hæc est, vt, quæ in iisdem ab initio sunt voluntatis, ex postfacto fiant necessitatis, *l. 5. C. de O. et A.* adeoque sua natura sint *irreuocabilia*, et non nisi vtriusque contrahenti-

*fiones ex iure Romano deductæ erroneæ sunt.*

*Principium principale, ex natura pactorum communi deductum, quod sint irreuocabilia.*

*quia sunt vera pacta.*



nec a m. c. do-  
natione argu-  
mentum tra-  
hi.

confesso sane est, si *pacta successoria* inter coniuges cum do-  
natione m. c. conferri, et inde explicari possent, Roma-  
nos Ictos nunquam in hanc prolapsos fuisse sententiam, vt  
censuerint, pacta hæc esse prorsus inania, nullius efficacia,  
et frustratoria; sed potius æque vt dissentientes illa ex hoc  
fonte explicuissent, et validitatem eorum agnouissent, quod  
tamen minime factum est. Qua ratione ergo diuersa dubi-  
am traxit sententia mentem, vt Ictis Romanis dicam scribe-  
re, et tamen ex horum doctrina argumenta depromere in-  
tenderint? sane hoc nihil inconcinnius dici fingique potuit.  
Facile vero liquet, iurium patriorum neglectam culturam in  
causa fuisse, vt ad fontes alienas proruerent, et contradi-  
ctoria conciliare studerent. Enimuero hæc pacta sunt me-  
rum iuris *Germanici patriique* institutum, adeoque etiam ex  
hoc tanquam fonte suo legitimo iura eorundem vnice hauri-  
enda sunt et deducenda. Nec enim sana ratio permittit, vt  
*ius Romanum* cum *Germanico*, contradictoria hoc casu fo-  
vente principia, inuicem coniungi, et ab vno ad aliud ar-  
gumenta trahi debeat. Sunt itaque omnes conclusiones, quot-  
quot ex iure Romano ad hæc pacta trahuntur, meri erro-  
res, instituto quippe Germanico inapplicabiles. Docet na-  
tura rei et recta ratio, *instituta Romana ex iuribus Romanis*,  
tanquam hisce propriis; *Germanica vero ex patriis* vnice  
eruenda esse *legibus* et iuribus, cum præterea *cap. præced.*  
iam obseruatum demonstratumque fuerit, iura Romana in  
Germania demum *in subsidium*, in defectu *iurium domestico-*  
*rum*, post receptionem eorundem applicanda, quoad hanc  
materiam vero nunquam adoptata esse, sed iuribus patriis ab  
omni æuo Germanos hoc in passu instituisse. Liquet porro,  
validitatem horum pactorum, a m. c. donatione argumento  
tracto, frustra adstrui. Sunt enim mera *pacta et conuentio-*

unde conclu-

nes,

nes, successionem futuram inter coniuges determinantes; ex principiis cap. præced. traditis defendendæ et explicandæ, et sic sua sponte conclusiones erroneæ, ex eo deriuatæ principio, quod pacta dotalia mixta sint *m. c. donationibus* æquiparanda, corruunt, doctrina pariter de *quinque testibus* in pactis hisce ineundis necessariis euanelcit, quam solennitatem nec pacta, nec iura Germanica in hisce pactis vnquam desiderarunt. Falsum porro est, superstitem ex pactis dotalibus succedentem non fieri *heredem* vniuersalem, sed *succesorem singularem* ad instar *m. c. donatarii* habendum, quin potius *veros heredes* esse successores ab intestato, adeoque et his iura et commodata, *heredibus* in iure tributa, non esse dene-ganda, sed optimo iure adiudicanda. Corruit dogma commune: pacta hæc ad instar *m. c. donationis* quolibet momento mutari, alteroque contrahentium etiam inuito et dissentiente, ab vno reuocari corrigique posse.

*fiunt ex iure Romano deducit erroneæ sunt.*

§. VI. Destructa itaque hætenus doctrina interpretum communi: quod hæc pacta ex *m. c. donatione* sint interpretanda, et sic vltimis voluntatibus in sensu iuris Romani assumtis accedant, earumque naturam assumant, loco eius substituo principium simplicius, quo vnice ducti sunt Germani: eadem ex *natura et fide conuentionum communi*, vt vera pacta, vnice esse æstimanda, et sic quoque *immutabilia et irreuocabilia* esse debere, quod ex sequentibus colligo fundamentis: a) quia sunt *conuentiones et vera pacta*, et sic quoque natura et iure pactorum communi, a Germanis nulli in diuersos tracto effectus, gaudere debent, quorum natura hæc est, vt, quæ in iisdem ab initio sunt voluntatis, ex postfacto fiant necessitatis, *l. 5. C. de O. et A.* adeoque sua natura sint *irreuocabilia*, et non nisi vtriusque contrahenti-

*Principium principale, ex natura pactorum communi deductum, quod sint irreuocabilia.*

*quia sunt vera pacta.*

um consensu dissolui denuo queant, in quo principio Germani ex *fide data* vnice substituerunt, nec reuocabilitatem pactorum promiscuam agnouerunt. Præterea  $\beta$ ) donationes m. c. quidem etiam *mutuo consensu*, olim etiam per *stipulationem*, ineuntur; palam tamen est, harum institutum proprium fuisse Romanis, nec in iis de *uniuersali successione* actum, Germanis vero adeo ante receptionem iuris Romani ignoratum, ut pacta hæc successoria inierint contraxerintque, antequam iurium Romanorum noua et Germanis incognita instituta inualescerent. Ex quo fluit, a Germanis hæc *pacta successoria* semper sancte culta et irreuocabilia habita fuisse, eosque, recepto iure Romano, haud admisisse, ut ex hoc principia plane contraria sumerentur iuxta doctrinam legistarum. Iam dudum pronunciauerat TACITVS de *mor. German. testamentum apud Germanos nullum fuisse*, quod de *ultimæ voluntatis dispositione* quauis intelligendum, solis Romanis propria, Germanis ignorata. Nihil his *fide* sanctius: illis testamentis nihil prius nec potius, in quibus *leges bonis suis dabant domesticas*, voluntati cuiuscunque *legislatoris domesticæ* subiectas, iubeant, vetabant, *formulisque legum* in disponendo utebantur; imo in donatione m. c. peculiari talique formula utebantur, qua se ab omni vinculo in vita sua immunes fore, declarabant, atque inde demum morte confirmabatur. Inde vero euidentissimum est, falsissimum et erroneum esse: hæc pacta successoria esse *donationes m. c.*, quam thesin  $\S \S$ . *preced.* iam satis superque destruxi.  $\gamma$ ) Id ipsum iam dudum ICTI plurimi obseruarunt, quorum consensu hoc Germanix dogma assertum confirmatumque. Et enim HARPPRECHT in *tr. acad. de success. tract. 4. rh. 17. n. 6.* fatetur: *Pacta eiusmodi successoria irrenocabilia effici posse, quod in huiusmodi pactationibus talia, haud raro, verba,*  
non

Hanc sententiam Icti o-  
prima nota  
calculo suo  
confirmant:  
Harpprecht,

non tam ex imperitia Notariorum, istas tabulas scribentium, quam ex seria et enixa paciscentium voluntate, inserta occurrant, quæ, tametsi de futura hereditaria atque vniuersali successione sint concepta talem paciscentium voluntatem quod hæc ipsa conuentio de successione nulli reuocationi obnoxia esse debeat, haud obscure ad oculos iudicantium ponat. IDEM n. 7. sqq. quoque plura allegat locorum statuta, irreuocabilitatem eiusmodi pactorum ex retento iure prisco patrio approbantia et confirman-  
 tia. Agnoscunt quoque veritatem asserti ANTON. FABER *Faber;*  
 in cod. lib. 5. tit. 9. def. 7. et 8. GAIL. obs. 126. n. 3. 4. et 5. *Gailius;*  
 ex eo: quod eiusmodi pacta sint contractus, in eiusque vim valeant, in quibus reuocationi altero inuito locus non sit. Hoc ipso destruunt distinctionem vulgatam inter simplicia et mixta, adseruntque, omnia hæc pacta vnius eiusdemque naturæ fuisse, quibuscunque conceptis verbis formulisque, parumque quoad hunc effectum interesse, siue de re particulari, siue de vniuersali successione fuissent composita. Iam Imperator in l. 15. C. de testam. quoad institutionem heredum iustulerat verba antiqua solennia, et qualiacunque prædicata admiserat, quæ proinde, obseruante STRYKIO in V. M. tit. de hered. instit. §. 1. vocantur communia, quod et institutioni heredum et legatis atque fideicommissis communia sint, siue dixeris: haben, behalten, siue vero: erben, erblich besitzen. Nec amplius in legatis aliqua superest verborum figura, sed hæc sunt exæquata fideicommissis, et prorsus libera. Quocirca in testamentis id modo refert, vtrum prædicatum tribuatur vniuersitati rerum et iurium, v. c. soll alle meine Güter haben; vel: die Halbschied aller meiner Güter haben; an vero bonis particularibus: soll mein Land-Guth N. haben, vt illo calu institutionem designet heredis, hoc vero legatum. Quid ergo ineptius est, quam ex prædicato  
 Tom. IV. V V V V in



in pactis hisce discrimen aliquod exstruere velle, quod iam Romani in omni vltima voluntate, etiam in *legatis*, fustulerunt? Ad *obiectum* potius etiam in hisce pactis respiciendum vnice, vt, si assignata superstiti *uniuersitas rerum et iurium*: si de *successione uniuersali* siue in omnia bona, siue in *quotam* eorum actum, coniux superstes ex hoc pacto *heres verus* et *successor uniuersalis* constitutus sit *irreuocabiliter* mutuo consensu. Id iura Romana non permittebant, nec talem *successionem* ex pactis agnoscebant, multo minus ergo ea iure donationis m. c. subsistere credebant; id quod, qui hodiernis pactis attribuunt, apertissime iuri Romano dicam scribunt. Laudant præterea et æquitati conuenientissimam pronunciant sententiam eorum, qui pacta hæc *irreuocabilia* esse statuunt, HAHN de *conclus. rer. concl.* 72. n. 12. et M V S C V L. de *success. conuent. membr.* 1. n. 34. 35. et 36. ex hisce rationibus: quod fraudibus hoc modo optime occurratur, ne vnus coniugum vana promissione alterum decipere, ac promissa pro lubitu reuocatione sine vllò eius merito deludere possit. Et licet rationem vltimæ voluntatis quoad effectum deferenda *hereditatis* sortiantur, esse tamen eadem pacta, et modum ex his succedendi conuentionalem, et sic ex natura conuentionum *irreuocabilem*.

Hahnus,  
Musculus,

Sander,

§. VII. Ex sola *honestatis* et *æquitatis* ratione fundamentum *irreuocabilitatis* deducit SANDE in *comment. ad consuetud. Geldr. feud. tit. 2. cap. 3. n. 15.* aiens: *Moribus nostris admodum fauorabiles sunt non modo legitimæ successiones, quæ legibus publicis deferuntur, sed et LL. antenuptiales, præsentibus propinquis amicisque confectæ, vt vix æquum et honestati publicæ conueniens videatur, eas priuata dispositione vel pactione rescindi aut immutari.* Licet vero ea, quæ *æquitati* et *honestati* sunt contraria, non statim eo ipso ligent iure *per se-*

perfecto, et sic fundamento lubrico auctoris sententia fulciri videatur; in thesi tamen, ex rationibus in antecedentibus adductis, assertio eiusdem verissima, et magis ad mores Germaniae priscos quam legum peregrinarum principia composita est. Alio incedit ratiocinio FONTANELLA de pact. nupt. *Fontanella.* cl. 4. gl. 9. part. 1. n. 34. sequentia adducens: Donationes, in pactis nuptialibus factae, pars et portio censentur esse contractus matrimonii, in quo fiunt, et prius inter partes, ut ita fierent, tractata, quae proinde ut ipsum matrimonium sunt irrevocabiles. Aliam cl. 5. gloss. 8. part. 12. num. 56. et 57. addit rationem: quod verosimiliter alias matrimonium non fuisset secutum, et praeterea tabulae nuptiales praesentibus propinquis et amicis conscribantur, qui ideo conuocari soleant, ut pactis dotalibus praesentes sint, et affinitati legem dicant, omniaque prudentia sua et auctoritate moderentur. Quod ergo in tam celebri caetu uno omnium propinquorum consensu placuit, decet perpetuum esse, nec aliquo pacto infringi posse. Ad minimum ex his rationibus liquet, α) contrahentes regulariter ignorare hoc pactorum discrimen; quin potius β) ea fuisse mente, ut sancte id, quod promissum, coleretur, et servaretur, quod etiam clausulae, quae passim in iis occurrunt, designant. Sanioribus et solidioribus ex principiis suo calculo adducta confirmat I. S. STRYK in diss. de testam. coniug. *Stryk.* recip. §. 86. aitque: Capitula dotalia, quoad omnes partes in totum nullo alio modo regulariter, quam utriusque coniugis accedente consensu, infirmari possunt atque rescindi. Istud enim, quod de successione hoc modo constitui queat, totum ex FONTINVS IVRIVM GERMANICORVM derivatum est, atque ex iisdem quoque per consequens diiudicandum. Sed pactorum eam semper fuisse naturam et indolem apud Germanos, ut servarentur, non ignotum est. Licet vero laudati auctores

in rationibus, pro sua sententia adductis, varient; in eo tamen omnes conueniunt, quod *irreuocabilitatem* hisce pactis omnes vno ore concedant et adstruant. Idem quoque adstruit CAROL. de MEAN in iure ciuili Leod. obs. 520. n. 2. in f. et inprimis LAMBERTVS GORIS aduers. iuris tr. III. p. 2. c. 2. hanc doctrinam ex iure patrio adstruit, et contrariis respondet, adserendo: (a) non sequi, testamentorum usu recepto, liberum esse parentibus aliisque ultimo suo elogio reuocare, quod volentes scientesque tabulis antenuptialibus promiserunt; quod scilicet, *salua fide pactorum*, ex iure prisco repetenda, hæc receptio facta: (b) non obflare vulgatum illud, quod hac ratione auferatur libera testandi facultas; id enim pacta, quæ prævalent adhuc iure hodierno, omnino permittere, recte censet. Sic patet, ait, multum inter se differre iuris communis et patriæ consuetudinis principia, illis prolixè fauentibus ultimis testantium voluntatibus; his contra conuentionibus inter viuos de futura successionē, non sine verosimili odio contra usum testamentorum. Addit post pauca optime: Accedit etiam non contemnenda ratio, quod, concessa hac libertate reuocandi in testamentis, nemo fere certus esse possit de iis, quæ conciliando matrimonio promissa fuerunt; aperta ita via se inuicem decipiendi speciosis ille~~ctamentis~~.

*Illustratur  
hac sententia  
ex LL. Ripuar.  
viii,*

*Formulis  
Marculf.*

§. VIII. Id ipsum quoque δ) ipsæ Germaniæ leges antiquæ euincunt probantque. Etenim in LL. Ripuar. cap. 37. hæcce occurrit constitutio: Si quis mulierem desponsauerit, quicquid ei per tabularum seu chartarum instrumenta conscripserit, perpetualiter inconvulsū maneat. Eandem MARCULFVS form. 48. circa finem adduxit dispositionem: Propterea per præsens præceptum decernimus ac iubemus, ut dum tali-

saliter supra scriptis illis decrevit voluntas, et per manum nostram inuicem condonatum esse dignoscitur, per hoc preceptum robustissimum, iure suffultum atque firmatum, quicquid superius continetur auxiliante Domino et nostra gratia debeat persudare, ita ut nulla refragatione nec de parte fisci nostri, nec a parentibus, eorum propinquis, nec a quocunque possit conuelli, nisi omni tempore maneat inconuulsum. Idem confirmat form. 49. in fine, hisce verbis: Si qui vero, quod futurum esse non credimus, de heredibus nostris, vel quicunque contra hanc donationem, unde inter nos vno tempore conscriptos firmauimus, venire aut infringere voluerit, nullatenus valeat euindicare, sed inferat partibus vestris cum cogente fisco auri lib. tant. argent. tantum. Præsens vero epistola in nullo possit conuelli, sed firma et inlibata permaneat. conf. form. 67. 68. et 69. in fin. similesque, ex quibus clausulæ, irreuocabilitatem pactorum eiusmodi arguentes, colligi queunt. *Legibus hereditariis.*

ges etiam Germanicæ bodiernæ passim ab antiquis illis temporibus.) principium hocce retinuerunt et stabiliuerunt. Inuit hoc satis clare die Fürstliche Delnische Landes-Ordnung de anno 1610. die Privilegien und Gerechtsame des Ritter-Standes betreffend, art. 3. part. III. sequentem in modum constituens: Jedoch sollen Heuraths-Berebungen, pacta dotalia und andere Abreden, so da Kraft eines letzten Willens mit sich bringen, unverbrüchlich gehalten werden. Idem in Statut. Hamburg. p. II. tit. II. §. 12. dispositum est: Obschon nach denen aufgerichteten und vollenzogenen Eheärtern, ein der Eheleute hernacher ein Testament oder disposition seines letzten Willens, wie es mit seinen nachgelassenen Gütern zu halten, verassen lassen würde; so mag doch solch Testament den vollenzogenen Eheärtern in den Punkten, die demselben wirklich seyn einverleibet, nicht

präjudiciren. In ducatu *Württembergico* talia pacta itidem irrevocabilia censentur, vt constat ex iur. prouinc. P. III. tit. 8. und wenn dergleichen; quod illustrat *BESOLDVS* in disput. ad cit. l. iur. Wurtenb. p. 125. eorumque firmitatem ex hac formula: sollen dieselbe steiff gehalten werden, deducit, etiam si de futura successione disponant: so wol ihrer Kinder, oder anderer, als der Eheleuthe selbst Succession halber re. conf. *LVNIG* in collect. nou. priuileg. et prerogat. der mittelbahren Ritterschaft in Teutschland part. I. pag. 266. in fin. Hæc tam late excutere necesse non fuisset, nisi iura Romana, a plerisque cæco assumpta impetu, et ad quælibet instituta, etiam Germanica, ob status Romani Germanicæque diuersitatem sæpissime admodum incongrue applicata, iura domestica deprauassent, maximasque in hac materia produxissent confusiones.

Renocatio horum pactorum fieri nequit, vel inter viuos, vel ultima voluntate.

§. IX. Posito ergo et stabilito principio: quod pacta hæc coniugum successoria nil aliud sint, quam vera pacta et conuentiones iuris gentium, nec in vim ultimarum voluntatum, in sensu iuris Romani, argumento a m. c. donatione ad hæc pacta frustra tracto, valeant, sed ex propriis suis, cap. I. §. V. seq. exhibitis, explicanda et deriuanda sint fontibus; otiosa et frustranea est distinctio a quibusdam tradita inter reuocationem, quæ fit actu inter viuos, et quæ interueniente quadam fit ultima voluntate. Natura enim et indoles conventionum iuris gentium communis (quorsum et hæc referenda sunt pacta) ita comparata est, vt nec actu inter viuos, nec ultima voluntate, altero paciscentium inuito et dissentiente, reuocari et immutari queant, sed indistincte sint irrevocabilia. Reiecit iam hanc distinctionem *VORTIVS* in commentar. ad D. tit. de pact. dot. n. 39. ita edisserens: Sciendum

endum est; actu inter viuos nullam conuentionum antenuptialium fieri posse mutationem, siue priuatim coniuges suam circa mutanda declarauerint voluntatem, siue solenniter apud a-  
cta vel adhibito cum testibus tabellione. Pergit itaque n. 62. cit. loc. Multo minus in præiudicium superstitis contra hæc-  
ce pacta disponi potest testamento aut alia qualibet vltima vo-  
luntate, cum certissimi iuris sit, ius illud, quod ex pacto duo-  
rum vni semel quæsitum est, eidem dissentienti et inuito, ab  
altero paciscentium per pœnitentiam auferri et reuocari non  
posse. conf. RINGLER de pact. illustr. success. pag. 42. AN-  
NÆVS ROBERTVS lib. 1. rer. iudic. c. 15. p. m. 290. sq. as-  
serens; etiam in Gallix regno sine vlla reuocationis spe ta-  
lia valere pacta. Corruit quoque ex eodem principio vul-  
garis interpretum doctrina: *quinque ad minimum testibus* <sup>Nec quinque  
testes sunt ne-  
cessarii.</sup> præsentibus hæc pacta, ad instar m. c. donationis habita,  
esse ineunda; debetur enim hæc erronea conclusio falso sup-  
posito, §. V. supra refutato: ex donationibus m. c. pacta no-  
stra esse explicanda; quo reiecto, veriorique ibidem substi-  
tuto, conclusio quoque mutanda erit. Agnoscit id ipsum  
ANTON. FABER in cod. lib. 5. tit. 9. def. 7. Ait enim: Si  
in contractu matrimonii adiicitur talis pactio, (de futura sci-  
licet inter coniuges successionem) eadem non tam vltimæ vo-  
luntatis iure censi debet, quam PACTI et donationis ob cau-  
sam, videlicet ut sequatur matrimonium, quod fortassis et ve-  
risimiliter alioquin non sequeretur. Ideoque nec septem testi-  
um numerum requirit, nec alias testamentorum solennitates.  
Ad fundamentum vero ab autore adductum, ex donatione  
modali petitem, prouolare necesse non præcise videtur, cum  
ex communi pactorum indole et natura, in antecedentibus  
tradita, sua sponte hæc conclusio de iure Germanico fluat.



*Successor pactitius non est singularis.*

§. X. Eidem lubrico principio quoque subiectus est error ille communis: superstitem ex pactis dotalibus succedentem *successorem* esse *singularem*, ad instar m. c. donatarii habendum, adeoque *heredes ab intestato* successores nihilominus vniuersales hoc casu manere, illisque detractionem quartæ Falcidiæ ab iis, quæ pactis dotalibus relicta fuerunt, esse concedenda *arg. l. 35. §. 3. D. de leg. 3.* Enimvero *cap. I.* latius fuit demonstratum, Germanos heredes non alios, quam *legitimos et pactitios*, testamentis demum in Germania post receptionem iuris Romani cognitis, agnouisse; pacta vero quælibet successoria, contra iuris Romani scita, approbasse. Probatum quoque fuit ibidem fufius, iura Romana in Germania iura *patria et domestica* nunquam potuisse eradicare quoad materiam *pactitiæ successionis*, quin potius Germanos ab omni æuo iuribus propriis hoc in passu instituisse. Est igitur *successor pactitius*, et sic quoque coniux superstes ex pactis dotalibus succedens, non *successor* quidam *singularis*, sed potius *unicus et verus heres*, nec extra illum alius ab intestato, per pactitium quippe exclusus. Quod etiam agnoscunt plerique interpretes, concedendo heredi pactitio tum *hereditatis petitionem conuentionalem*, tum remedium ex *l. f. C. de edict. D. Hadriani tollendo*, quod fieri non posset, nisi *pactitius heres* æque esset *verus, unicus et vniuersalis* heres, vt testamentarius. Nullo igitur iuris vero fundamento *detractionem quartæ Falcidiæ* heredibus ab intestato hoc casu concedunt CARPZOV. BERLICH. alique, pactitiam tamen successionem in Germania agnoscen-  
tes, quæ simul subsistere nequeunt. Concipi enim nequit, quomodo is, qui heres esse nequit, detractionem Falcidiæ exercere possit contra *heredem verum*, cui tamen soli hancce integram esse docet *pr. inst. ad L. Falcid.* si ex ipsis quoque

*Detractio quartæ Falcidiæ non competit heredi ab intestato.*

que iuribus Romanis rationes subducendæ sunt, a quo tamen hac in materia abstinendum esse, in antecedentibus toties quoties monitum. Addidit CARPZOV. P. 3. C. 12. def.

3. et 4. nouam quæstionem: An non saltim parentibus, pactis dotalibus superstiti vniuersalem tribuentibus successionem, non obstantibus, ad minimum salua esse debeat legitima? ad quam affirmatiue respondet sequenti incedens argumento: *Sicuti statutum generaliter disponens parentum legitimam non excludit; ita nec pacta dotalia verbis indefinitis concepta.* Enimuero 1) iura Romana (quorum inuentum sine dubio est *legitima*) ad scita iuris Germanici hic iterum inconcinne applicantur: 2) a casu *statuti* ad casum *pacti* argumentum trahi non potest; parentes enim, dum vel ipsimet pacta hæc liberis condunt, vel saltim iis subscribunt, (quos casus CARPZOV. expresse *cit. loc.* supponit,) per talia facta contrarium satis innuunt et iuri suo renunciant. Sciunt enim, illud his pactis agi, vt omnia prædefuncti bona, qualiacunque fuerint, sine vlla *reservatione*, ad superstitem perueniant coniugem, in quod cum consentiunt, nihilque ex iis reseruarunt sibi, beneficio iuris Romani frui noluerunt, et sic iis in posterum obstat regula iuris: ad iura renunciata non datur regressus. Denique dum consentiunt parentes in mutuam successionem vniuersalem futurorum coniugum, eo modo consensum ei dedisse videntur, qui iuri patrio conformis est, quo talis *legitima* ignorata fuit. Sine dubio tamen consultius est, vt parentes expresse *legitimæ* renuncient, quo omnis callida interpretatio in posterum excludatur.

*An legitima  
debeat pa-  
rentibus?*

§. XI. Ex omnibus hætenus adductis, et principio §. Distinctio in-  
IX. repetito, facile denique conuellitur *utilitas distinctionis*  
Tom. IV. XXXX præ-

ra non ma-  
gnum habet  
usum.

præcipua pactorum dotalium in *simplicia* per modum *contra-*  
*ctus*, et *mixta* in *vim ultimæ voluntatis*, ut loquuntur, ini-  
ta. Impingit quippe eadem 1) in naturam et indolem *ultri-*  
*marum voluntatum*, quibus successio vniuersalis constituitur,  
quæ vnius tantum assensu et voluntate consistunt; *l. 1. D.*  
*qui test. fac. poss.* e contrario negari nequit, expressa parti-  
um mutua conuentione hæc pacta successoria esse fulcita.  
2) Supponit, pactis hereditatem non transferri, cuius con-  
trarium *cap. I.* euictum est. Denique 3) hæc distinctio me-  
rum glossatorum et caudicorum est inuentum, qui ex ver-  
borum inani captatione magnam, sine solido legum funda-  
mento, iurium effinxerunt differentiam, hunc in finem, ut,  
prout ipsis fuerit visum, pacta hæc facile euertere, et ex  
vno forsan verbo lites inanes excitare queant. Quocirca  
quoque *TITIVS* in *obseru. ad comp. Lauterb. tit. de pact. dot.*  
*obs. 77.* sequentia ad hancce annotauit distinctionem: *Absur-*  
*dum est, inquit, verba captare, ac a vocabulis diuersa suspen-*  
*dere iura, ita incommoda huius cauillationis sunt euidencia;*  
*nam prout incompositus affectus impulerit, actus. b. f. ce-*  
*lebratus, vel a coniugibus, vel ab aliis evertitur, id*  
*quod eo facilius procedit, quo incertiora nonnunquam*  
*sunt indicia, quibus ultimam voluntatem et pactum distingui*  
*volunt.* Hanc tamen utilitatem habebit distinctio, ut, si ex  
*mixtis* superstiti *vniuersalis successio* delata, heredes ab in-  
testato prorsus excludantur, et *heres pactitius* in vniuersum  
ius defuncti succedat; sin *simplicia* inita fuerint de bonis par-  
ticularibus, supersit adhuc *successio ab intestato*, quam etiam  
admitto, si vel maxime de *quota hereditatis* successio dela-  
ta fuerit, v. gr. auf die halbe Erbschaft. Non enim iure pa-  
trio prohibetur quis habere pro parte heredem pactitium et  
here-

verum vi-  
detur.

heredem ab intestato, nec, quod in *testamentis* cautum, ad successionem pactitiam pertinet.

§. XII. Coronidis loco exempla quorundam pactorum luc- Exempla he-  
cessoriorum, inter coniuges illustres initiorum, maioris il- rum pacto-  
lustrationis et confirmationis ergo adiciere lubet. Refert FNB.  
LVNIG in *spicil. secular. des Teutschen Reichs: Archivs,*  
*part. 1. p. 160.* hanc de successionem, pactis dotalibus zwischen  
Graf Wolfgang Dietrichen zu Castell und Fräulein Do-  
rothea Renata, Gräfin von Zinzendorf, insertam disposi-  
tionem: Dafern aber auf unser zeitlich Ableiben unsere funff-  
tige Gemahlin, Fräulein Dorothea Renata, ohne Leibes-Er-  
ben von uns in Wittib-Stand verlassen würde, so sollen Ih-  
re Liebden ebenmäßig nicht allein vorerwehnte ihre Mobilien,  
sondern auch von dem unsrigen weiter folgen und eigenthüm-  
lich zufallen, an aller Fahrniß, an Baarschafft, Silberges-  
schirr, Hausrath, Leinwath, Bettgewandt, Vorrath an  
Wein, Früchten, Zug-Pferden, groß und kleinem Vieh,  
Schiff, Geschirr und andern dergleichen, die Helffte. Ad-  
ditur in fine pactorum subscriptio et confirmatio agnatorum  
his verbis: Solches alles und jedes, so oben geschrieben und  
von Puncten zu Puncten diesem Recess einverleibet ist, ge-  
reden und versprechen wir Wolfgang Dietrich, Graf zu Ca-  
stell, und wir Amalia, verwittibte Gräfin von Zinzendorf  
und Pattendorf, gebohrne Gräfin von Dietrichstein, bey  
unsern wahren Worten, auch Gräflichen Treu und  
Glauben, steet, fest und unverbrüchlich zu halten, ge-  
treulich und ohne Gefehrde. Und wir mit unterschriebene  
Agnaten verbinden uns und unsere Erben hiermit kräftig-  
lichst, das, was vermittelst unsers Herrn Bruders und Vet-  
tern Liebden unter Dero Hand und Siegel, Dero Gemahlin,  
XXXX 2 tam

tam ex pactis dotalibus, quam ex testamento, vel quouis alio titulo iusto, vermacht worden, oder noch geschehen mögte, in kein disputat zu ziehen. Dessen zu wahrer Urfundt haben ic. Sequitur subscriptio paciscentium et agnatorum. Præterea in der Ehestiftung zwischen Graf Friedrich Magno, zu Castell, und der Fräulein Susanna Johanna, Gräfin von Dettingen, inter alia de successione ita disponitur a paciscentibus: Dafern aber auf unser zeitlich Ableben unsere zukünftige Gemahlin, Fräulein Susanna Johanna, ohne Leibes-Erben von uns im Wittib-Stand verlassen würde, so sollen Ihre Liebden ebenmäßig nicht allein vorerwähnte ihre Mobilien, sondern auch von dem unsrigen weiter folgen und eigenthümlich zufallen, an aller Fahrnuß, an Baarschaft, Silber-Geschirr, Hausrath, Weinrath, Bettgewandt, Vorrath an Wein, Früchten, Zug-Pferden, groß und kleinem Vieh, Schiff und Geschirr und andern dergleichen, die Helffte. Additur in fin. subscriptio paciscentium et agnatorum. conf. LVNIG. cit. loc. p. 153.

*Alia exempla.*

§. XIII. Eiusdem fere tenoris dispositio occurrit in der Ehestiftung zwischen Graf Friedrich Eberharden zu Löwenstein-Wertheim, und der Gräflichen Fräulein Susanna Sophia Louisa, zu Hohenlohe, adducta a LVNIG. loc. cit. pag. 503. Weiter zum drenzehenden ic. Darzu sollen Ihre Hoch-Gräfliche Gnaden, es seyen gleich Kinder vorhanden, oder nicht, weiter haben die Helffte aller Fahrnuß, so dem Haus nicht afficiret, und Dero Herr Gemahl nach sich gelassen, doch ausgenommen baar Geld, verbrieftte Schulden, Pfandschaften, Geschoss, Pferde, Harnisch, und was zur Wehr gehörig ic. Ex quibus apparere autumo satis luculenter, iura patria in materia pactitæ successionis hunc vsque

que in diem ab omni tempore in Germania conseruata, nunquam vero per iuris Romani in Germaniam receptionem, antiquata et abrogata fuisse. Peruerse meo iudicio ageret, qui adductorum pactorum successoriorum exempla ex iuris Romani principiis vnice æstimaret, eademque contra Germanam fidem, et inprimis splendorem illustrium contrahentium reuocabilia esse, maximo eorundem dedecore, statueret affirmaretque. Stet potius pactis nostris, ex iuribus domesticis et patriis iisdem asserta validitas et irreuocabilitas: seponantur conclusiones iuris Romani, vt peregrini, ab institutis Germanicis alienæ; sic enim omnes errores et confessiones, seposito hoc monito ineuitabiles, facillime cognoscuntur et emendantur.



## EXERCITATIO LXXII.

AD PAND. LIB. XXIV. TIT. I.

DE

## STATV DONATIONVM

INTER

VIRVM ET VXOREM

ANTIQVO ET HODIERNO.

ARGVMENTVM.

- I. II. Moribus Rom. donationes inter coniuges inuvalidæ.  
 III. An iure Germanico? IV. Status donationum  
 quid? V. Donationis inter coniuges ratio. VI. Iure  
 antiquo inuvalida. VII. Quod moribus seruatum. VIII.

X x x x 3

Ratio



Ratio prohibitionis in statu antiquo connubiorum. IX. Triplex connubii ineundi ratio 1) per conferreationem, X. per quam in manum conveniebat vxor. XI. 2) Per coëntionem. XII. 3) per usum. XIII. Intra annum vxor nondum conuenerat in manum mariti; XIV. post annum vero quasi per usucapionem. XV. Huius interruptio per trinoctium. XVI. Nuptiæ ex solo consensu. XVII. In statu antiqui connubii ratio continetur inualidæ inter coniuges donationis. XVIII. Nouior connubii ratio post permissa diuortia. XIX. XX. In connubiis consensu solo initis cur ius antiquum circa donationes seruatum sit? XXI. Iudicia veterum de iuris nouioris rationibus. XXII-XXIV. Iudicia nouiorum ICtorum. XXV. Rationes accessoriaræ, quibus ius antiquum confirmatum. XXVI. Prohibitio donationum iure nouiori Rom. adstrictior. XXVII. Status donationum inter coniuges hodiernus ex diuerso matrimonii statu. XXVIII. Iure Canonico irritæ habentur, XXIX. nisi iureiurando sint firmatæ. XXX. De usu iuris Rom. in hoc argumento. XXXI. Principia iuris Germ. circa donationes. Communio bonorum inter coniuges. XXXII. Inde Donatio bonorum communium consensu vxoris facta. XXXIII. Distinctio inter bona hereditaria et acquisita. Hereditaria non nisi heredum consensu alienata, XXXIV. nec in communionem connubialem vocata, nisi quoad redditus. XXXV. Acquisita bona inter coniuges communia. XXXVI. De hereditariis non valet donatio inter coniuges nec de Gerada. Acquisita inter coniuges sunt communia. XXXVII. Unde et valida est inter coniuges de acquisitis donatio. XXXVIII. De iure hodierno. Rationes pro

pro iure Rom. XXXIX. Quoad ius Germanicum servatum sit? Vestigium iuris Germ. in Morgengaba. XL. Eius usus in nonnullis iuribus provincialibus et statutariis. XLI. In Saxonia et iure Wurtemberg.

## §. I.

**M**ores populorum gentiumque pro diuersitate *regionis* Intreitus de et *religionis* varis hominum moribus, admodum variant, et sic etiam leges, quæ ut plurimum ad eos sese conformant. Aliis vixerunt moribus Romani: aliis Germani; quid ergo mirandum, quod etiam longe diuersissimas inter se leges habuerint? Ipsa iura, quæ ex *moribus* populorum nata sunt, *mo-* res ea de causa dicta fuerunt, quod pro *iure legitimo* inter eos, qui iis viuunt moribus, habeantur, et sæpius grauius eorumque af- *vinculum* ficiat obligandi operentur, ac quidem leges ab imperantibus nouiter latæ, ut egregie THOMASIVS de *morum et legum* contentione obseruauit, variisque argumentis confirmauit. Nihil magis naturale est, nihilque magis societatem humani generis conseruat, quam *vinculum connubiale*, et ta- imprimis in *men* in hac societate naturalissima tam diuersis viuunt mori- connubiis bus, ut fere nulla gens in *iuribus connubialibus* cum altera conspiret, sed quod huic permissum, alii prohibitum; quod huic præceptum, aliis populis interdictum reperiatur.

§. II. Singularibus sane moribus inter se viuebant Ro- sic moribus mani coniuges, qui iura prorsus singularia produxerunt, ad Rom. dona- *aliarum gentium* tiones inter *connubia* coniuges inu- *haut* lida fuer. *quadrantia*. Præclusi fuerunt ab omni *donationum* usu, quem tamen, seclusis Roma- norum moribus, *norum moribus*, *societas* *coniugum* *arctissima*, et animorum vnio intima desiderare et appetere videtur. Quid enim   
magis

magis amicitiam firmat, animorum et voluntatis consensio-  
nem conciliat, affectumque mutuum prodit, quam benefi-  
ciorum in eos, quos summe diligimus, transfusio atque col-  
latio, adeo ut in Græcorum prouerbio olim fuerit, *amico-  
rum omnia communia esse*, obseruante CICERONE l. 1. offic.  
c. 13. Quid ergo est, quod Romani ab hoc officio connu-  
biis tam proprio excluderint coniuges, cum inter amicos  
ceteros, quos tanta voluntatum conspiratio non coniunxit,  
*Ex rationibus* liberalitatem leges suadeant, foveant, conseruent? Non  
*haud spernen-*  
*di,* absque ratione prægnante id factum fuisse, quilibet mecum  
constituet, qui compertum habet, Romanos et *prudencia*  
singulari inclytos, et studio *sapientie* admodum deditos fuis-  
se, ut necessitas Reipublicæ peculiaris quædam officia, alias  
inter homines sancte colenda, restringere et coangustare de-  
buerit, id quod etiam in hoc officio coniugibus interdicto  
vltu venit.

*Dubitatur* §. III. Quia vero *Germani coniuges* more Romano  
*vero, an iis-* haut viuunt, quin potius connubia hodierna diuersa plane  
*dem moribus* a Romanis instituta habent, iustissima emergit dubitatio, an  
*utantur con-* et quatenus, recepto iure Romano, inter coniuges in *Ger-*  
*ingis Germa-* *mania* restrictus sit donationum vsus, et quo iure hac in re  
*ni?* Germani ab antiquo vsu fuerint? Equidem qui ea ducuntur  
persuasione, creduntque, *ius Romanum* vnicam omnium a-  
gendorum regulam esse debere, nec quicquam spirare eru-  
ditionem, quod ex penu iuris Romani non fuerit haustum,  
de *vsu iuris Romani* nullam litem mouebunt, illis tantum  
obloquentes, qui contra illum fluctus mouerint. Verum  
sicuti quemlibet suo sensu abundare permitto, ita mihi vitio  
verti non poterit, si instar *problematis* illa in medium profe-  
*quod proble-* ram, quæ vsum donationum inter coniuges validarum euin-  
*matica excu-*  
*siendum erit.* cunt,

cunt, ostenduntque, eos non vnice sapere, qui tantum ex iurè Romano sapiunt, cuius vim et potestatem sæpissime non intelligunt, parum præterea curiosi, quid domi geratur, et quibus Germani viuant moribus.

§. IV. Ostendit autem rubrum dissertationis, me actum esse de statu donationum inter virum et uxorem antiquo et hodierno, quo genere loquendi vsus est VLP IANVS in l. 32. pr. de donat. int. vir. et vxor. Est autem status donationum nihil aliud, quam conditio et ratio earum peculiaris, quæ pro diuersis eorum moribus et qualitate, inter quos fit donatio, variare potest, et sic etiam iura eorundem variant. Pari sensu in l. 9. §. 1. de duob. reis de obligatione status et natura prædicatur, hisque appellationibus ipsa conditio eius singularis, quæ duos ab initio reos fecerat, designatur, id quod etiam PAPINIANSVS in l. 124. de v. obl. indigitat his verbis: neque enim stipulationis status, cuius dies certus in exordio fuit, ex postfacto mutatur. Alibi statum conditionem stipulationis appellat VLP IANVS in l. 12. §. 3. de solut. vbi agit de adiecto, vt aut mihi aut Titio soluat debitor. Licet enim creditor prohibeat, debitorem Titio soluere, soluendo tamen liberatur, quia certam conditionem habuit stipulatio, quam mutare non potuit stipulator, h. e. cum singularem qualitatem et rationem ex voluntate stipulatoris ab initio accepit, debitoris in arbitrio positum est, cui ex duobus nominatis soluere malit. Status itaque rerum moralium peculiarem conditionem denotat, ex qua etiam suis peculiaribus constant iuribus, adeo vt si status hic mutetur, etiam iura eorum mutari necesse sit, sicuti cum de statu personarum loquuntur Icti, hac appellatione denotant conditionem personarum, secundum quam diuersis ab aliis, qui in diuerso sta-

Statu dona-  
tionum dono-  
tas peculia-  
rem earum  
conditionem.

tu sunt, fruuntur iuribus, ita ut, statu earum mutato, mutatio iurium quoque emergat, ut ad tit. de stat. hom. interpretes recte observant. Quid? quod metaphorice sub *personarum* voce *qualitates hominum* diuersas denotauerint, sicuti histriones sub illis personis, quas sumebant, et viros et foeminas, et reges, et seruos, et diuites, et pauperes, representabant, ut plenius Dn. de BERGER in tr. de personis seu larvis declarat.

Donationis  
ratio succin-  
cte designa-  
tur.

et quidem in-  
ter legitimos  
coniuges.

durante con-  
iugio.

§. V. Ipsam *donationis* indolem genericam hic non evoluam plenius, sed supponam. Paucis tantum prae-moneo, illam esse actum, quo *liberalitatis exercendae gratia* quid gratis in alterum acceptantem confertur, indeque est, quod nullo iure cogente fieri dicatur in l. 29. de donat. quia liberalitas virtus est, quae obligationem imperfectam habet, antequam ei pactum vel conuentio accessit. Parum autem refert, utrum donatio fiat *explicite*, an *implicite*, ita ut per alium contractum celetur, et inuoluatur; item utrum fiat *directo*, an per *indirectum*, quae omnia plenius euoluit SCIPIO GENTILIS de donat. int. vir. et ux. l. 1. c. 7. et seqq. Personae, inter quas donationem factam supponimus, sunt *vir* et *uxor*, legitimo inter se matrimonio, eoque adhuc durante, coniuncti, quorum status peculiaris apud Romanos peculiarem statum donationum producebat. Proinde, quia *concubinatus* non erat *iustum matrimonium*, donationes in concubinam collatae simpliciter valebant, nec iis applicari poterant, quae de statu donationum inter virum et uxorem in iure prodita erant. l. 31. pr. de donat. Similiter nec huc pertinent donationes inter coniuges post *diuortium totale*, quia in eo statu donant, quo coniuges esse desierunt. l. 11. in fin. l. 12. l. 60. §. 1. de donat. int. vir. et ux. Denique dum statum etiam

bodier-

*hodiernum* donationum harum sub examen reuoco, suppono *statum* harum donationum esse duplicem *antiquum* Romanis olim proprium, et *hodiernum*, ex Germanorum diuersis dependentem moribus, atque ex iis vnice æstimandum, vt liqueat, an *iura Romana* donationibus hodiernis inter virum et uxorem recte et sana ratione, prout prudentem Ictum decet, applicari queant?

§. VI. De quo vt solidum possit ferri iudicium, necesse erit ante omnia *statum donationum inter virum et uxorem antiquum* ex moribus Romanorum euoluere, et deinceps *statum* eorundem *hodiernum* subiungere itidem ex Germanorum moribus tractum. Ad illum quod attinet, palam est, donationes inter virum et uxorem apud Romanos prohibitas fuisse. Atque hæc prohibitio non demum per SEVERVM et ANTONIVM A. V. C. 959. FVLVIO AEMILIANO et NUMMIO ALBINO Coss. facta est, quin potius antiquitus iam inualuerat hæc prohibitio, atque prælaudati imperatores duntaxat senatui auctores fuere, vt *aliquid laxaret ex iuris antiqui rigore*, vt ait VLPIANVS in l. 32. pr. de donat. int. vir. et vx. et illas donationes in statu suo relinqueret, quæ morte donatoris essent confirmatæ, hoc ante donatarium decedente, nec eam reuocante. cit. l. §. 2.

*Iam a primordio condita Roma donationes inter coniuges irrita fuerunt.*

§. VII. Ad antiquiora ergo tempora ascendendum, vt *Lex scripta statum* harum donationum inde eruamus. Recte vero observat SCIPIO GENTILIS cit. tr. l. 1. c. 3. nullam legem populi Romani vel regiam extitisse, qua donationes inter virum et uxorem interdictæ fuerint. Id ipsum quoque indigitat VLPIANVS in l. 1. de donat. inter v. et v. MORIBVS apud nos receptum est, ne inter virum et uxorem donationes vale-

*ex solis moribus antiquis tracta prohibent, bitio.*



*rent*, cum conslet, *moribus receptum* id dici a ICtis vtplurimum, quod *nulla lege scripta* sancitum, sed *tacito usu*, vel per *interpretationem ICtorum forensem* introductum fuit, quemadmodum substitutio pupillaris *moribus introducta* dicitur in *l. 2. pr. de vulg. et pupill. substit.* quia magis iuri scripto, quod testamenta nomine alterius fieri non permittit, repugnat, et callidis ICtorum inuentionibus, usu firmatis forenfi, attribuenda est, vt solide demonstrat FRANCISCUS DVARRENVS *ad cit. tit.* *More maiorum* ita comparatum esse ait VLPIANVS in *l. 5. D. de iurisd.* vt is demum iurisdictionem mandare possit, qui eam suo iure habet, cum in *magistratu* regulariter personæ industria sit electa, quæ *operam* alterius *vicariam* non admittit, quæ tamen in magistratibus maioribus necessario admittenda erat, ex statu Reipublicæ et maiorum magistratuum qualitate singulari, licet *scripta lex* deficeret, inde *more maiorum* transferri iurisdictionem in alium dicitur in *l. 1. §. 1. de offic. eius cui mand. est iurisd.*

*qui maioribus  
ab imperatori-  
bus attribu-  
untur.*

§. VIII. Eundem in sensum accipio verba imperatoris ANTONINI in *l. 3. pr. de donat. int. vir. et vx.* *Maiores nostri inter virum et uxorem donationes prohibuerunt*, non quod *lege scripta* vnquam de hac re cautum, sed quod *ex moribus maiorum* hoc fuerit tractum, vt donationes hæc subsistere non possent. Neque enim in *duodecim tabulis* hac de re aliquid cautum deprehenditur, neque quod in *lege Solonis* de donationibus mortis causa cauetur, huc pertinet, vt GENTILIS apte obseruat. *Ad leges et instituta populi Romani*, quæ ante leges XII. tabul. fuerunt, hoc referendum esse IDEM censet, quod post earum promulgationem multa permanferint ex *ANTIQUIS MORIBVS*, quæ in XII. tabulis

lis haut relata sunt, quo intuitu *ius vetus* dici videtur in l. 32. §. 10. de donat. inter vir. et vx. Ita vero vel ex legibus regis hoc deriuandum, quam tamen defecisse ipse GENTILIS indicat, vel iuri non scripto ex peculiari ratione et statu matrimoniorum antiquorum tracto, hoc tribuendum erit, in quod procliuior sum. Cum enim status connubiorum antiquus per XII. tabulas non immutatus fuerit sed continuatus, quemadmodum *status patrie potestatis*, consequens fuit, nec iura inde deducta aboleri potuisse. Necesse itaque erit, *statum connubiorum antiquum* euoluere, et inde interdictas inter coniuges donationes colligere. Neque enim rationes, quæ in l. 1. 2. et 3. pr. de donat. int. v. et v. occurrunt, originem interdictarum donationum demonstrant, quod alioquin *lex scripta* existere debuerit, sed magis ad statum illius temporis, quibus VLPIANVS et SEVERVS cum ANTONINO vixerunt, referendæ, vt paulo inferius tradam.

§. IX. Tribus videlicet modis matrimonia apud Romanos contracta fuisse notissimum est, quamuis ratio horum trium modorum quibusdam adhuc scopulis obnoxia sit. SERVIUS in l. 1. Georg. Virgil. quatenus a deformatione purgatus est, hos ita describit: Tribus modis apud veteres nuptiæ fiebant, VSV, si verbi gratia mulier anno uno cum viro, licet sine legibus, fuisset: FARRE, cum per pontificem maximum et dialem flaminem per fruges et molem salsam coniungebantur: vnde CONFARREATIO appellatur, ex quibus patrimi et matrimi nascebantur: COEMTIONE vero atque in manus conuentione, cum illa in filie locum, maritus in patris veniebat, vt si quis prior fuisset defunctus, locum hereditatis iustum alteri faceret. Confarreationis ritus mediante quodam sacrificio peragebatur, a NYMA forsan, sacrorum

conditore, excogitatus, adeoque antiquior ipsis XII. tabulis, quibus sacra Romanorum non sunt mutata, et ita *confarreationis* solennia quoque in suo statu relicta sunt. Ipsa sacra harum nuptiarum paulo plenius explicant PETRVS PITHOEVS in *comm. ad tit. 16. collat. Mosaic. et Rom. leg. et* IACOBVS GVTHERIUS de *vet. iure pontificio* l. IV. c. 6. p. 399. quæ hic intacta relinquo. Paucis duntaxat obseruo,

omnibus civi-  
bus communis

I) ritum hunc non solis patriciis proprium nec ceteros cives exclusos ab eo fuisse, quod SERVII verba adducta, quæ *indefinite* loquuntur, etiam indicant, et optime observatum est in *GVNDLINGIAN. tom. XXXVII. obs. 1. §. 14.* quod ideo addo, ut inde liqueat, *usum eius ordinarium* olim fuisse, quod Romani admodum superstitioni essent dediti, et tam arduum negotium non facile sine *sacrorum interuentu* auspicarentur. vid. §. 24. II) Farre uxorem in *manum mariti* conuenisse, h. e. in potestatem eiusdem, ut *filie* loco esset, quod indicat VLPIANVS in *fragm. inst. tit. 9.* *Farre conuenitur in manum certis verbis et testibus solennibus et solenni sacrificio facto, in quo panis quoque farrens adhibetur.*

que uxor in  
manum mariti  
conueniebatur

et capite mi-  
nuiebatur

§. X. Hoc modo vero femina, quæ vel *emancipatione* vel aliter sui iuris facta erat, *capite minuebatur*, quod *alieni iuris* fieret, et se *capite minuere* diceretur teste CICERONE in *top.* Ait rursus VLPIANVS tit. XI. §. 13. *minima capitis deminutio est, per quam et libertate et ciuitate salua, status duntaxat hominis mutatur: quod fit adoptione et in MANVM CONVENTIONE.* Qua de causa uxor quoque rumpebat testamentum antea conditum, in quo præterita erat, quia marito suo agnascabatur *instar filia*, ut IDEM l. 23. §. 3. *testatur.* Etenim inter *suos heredes* uxor quoque reputabatur,

eius effectus  
uarii.

instar filia  
testatur

tur, quæ in manu erat, et *marus*, quæ in manu erat filii, quem in potestate habemus, EODEM teste rit. XXII. §. 14. adeoque vel instituenda, vel exheredanda erat. Denique sicuti filii familias, ob identitatem, *sacrorum priuatorum* participes erant, ita pariter vxor per hanc in *manum conuentionem*, interueniente *confarreatione*, eorundem sacrorum domesticorum scilicet communicationem accipiebat, vnde adhuc sine dubio ortum traxit *definitio nuptiarum* a MODESTINO quidem in l. 1. D. de rit. nupt. tradita, sed ex antiquis iuris regulis ab eo regustata, quod indicat ipsa inscriptio, docens eam depromptam fuisse ex lib. 1. regularum, quo *regulas iuris vetusti* sine dubio congeffit. Ait vero: *nuptie sunt coniunctio maris et feminae et consortium omnis vite*, DIVINI ET HUMANI IURIS COMMUNICATIO. Adhuc GORDIANVS anno 243. in l. 4. C. de crim. expil. hered. formula antiqua vsus asseruit, *uxorem sociam rei humane atque diuine domus suscipi*. Quin quod PAVLVS in l. 1. rer. amor. indicet, *societatem vite eam quodammodo dominam facere*, quo loquendi vsu etiam ICI de filiis familias loquentes uti amant.

§. XI. *Coemptio* præterea idem præstabat, adeo ut SER- 2) *Coemptio*  
VIVS *conuentionem in manum et coemptionem* potissimum con- *ratio*  
iungat, quod ad instar *mancipii coempta* esse videretur, adeoque in *manu mancipioque matrimonii causa* esset, ut ait GELLIVS lib. IV. c. 3. *mancipium enim dominium quiritarium etiam denotabat per nexum acquisitum*. BORTHIVS in top. Cicer. ritum huius *coemptionis* hoc modo depingit: *matres familias dicebantur, quæ dacebantur per coemptionem, quæ vero vsu, minime* (de quo post.) *Coemptio fiebat, cum sese in coemendo inuicem interrogabant: Vir an sibi materfamilias esse*

esse vellet? ubi illa respondebat, velle. Item mulier: an vir  
 qua itidem in sibi paterfamilias esse vellet? ille respondebat, velle. Sicuti  
 potestatem autem vxor hoc modo alieni iuris fiebat, et seruitutem libe-  
 maris deue- ralem quodammodo seruiebat, ita quoque marito suo acqui-  
 rebat, eique rebat, vt liberi et serui. Ait VLP IANVS tit. XIX. §. 18.  
 acquiratur autem nobis etiam per eas personas, quas in pote-  
 state (vt liberos) manu (vt vxorem) mancipio (vt seruum)  
 habemus. Etenim hic erat primarius patrie et dominice po-  
 testatis effectus, vt qui in potestate aliena essent, nihil sibi  
 proprii haberent, peculio duntaxat gaudentes, et quicquid  
 acquirebant, hoc ei acquirerent, in cuius potestate manu,  
 mancipio essent. Idem olim obseruauit CICERO in top.  
 cum mulier viro in manum conuenit, omnia, quae mulieris  
 fuerunt, viri fiunt dotis nomine. Inde vero simul insignem  
 lucem accipiunt ea, quae vulgo iuris periti de operis vxorum,  
 et quatenus per eos marito acquiratur, congerere et obserua-  
 re solent, plenius tradita a B. STRYKIO de operis vxorum.  
 Neque enim a verosimili alienum est, plures conclusiones  
 ex statu matrimoniorum antiquo retentas, et in genere cuius  
 connubio tributas fuisse per compilatores, quae iure vetu-  
 sto matrimoniis, quibus in manum viro conueniebat vxor,  
 propria erant. Denique AVTOR collat. leg. Mosaic. et Rom.  
 ex lib. III. inst. Caii statum vxoris huius hoc modo definit:  
 Vxor quoque, quae in manu eius est, ei sua haeres est, quia  
 filiae loco est, item nurus, quae in filii manu est, nam et haec  
 neptis loco est. Sed ita demum erit sua haeres, si filius, cu-  
 ius in manu erit, dum pater moritur, in potestate eius non sit.

Matrimonii  
 per vsum ra-  
 tio

§. XII. Grauior dispectio est, quis status, quae condi-  
 tio fuerit matrimonii usu contracti? Id euidentius est ex verbis  
 SERVII, tale matrimonium sine legibus ratione originis ini-  
 tum

tum fuisse, si mulier uno anno, haut interrupto usu, fuisset cum viro, nulla confarreatione nec coemtione interueniente. Usus hoc loco in sensu iuridico æque vt in vsucapione et in doctrina interdictorum de seruitutibus, accipiendum esse duo euincunt: α) quod anni vsus præcise desideratus fuerit, æque vt in vsucapione rei mobilis, qua per usum anni acquirebatur dominium, si dominus verus rem mobilem interim non vindicabat: β) quod possessio hæc seu vsus non debuerit esse interruptus, quod rursus vsucapioni accedit. Interruptio hæc quieti vsus vocata fuit usurpatio, vt constat ex tit. de usurp. et vsucap. quæ itidem in annuo vlu mulieris, quæ matrimonio causa apud virum fuit, occurrere, et modum hunc conubii destruere poterat. Vnde GOTHOFREDVS in quatuor <sup>per trinoctium non usurpatum</sup> fontib. tabulæ VI. legum primordialium hanc attribuit legem: mulieris, quæ annum matrimonii ergo apud virum remansit, ni trinoctium ab eo usurpandi ergo absit, vsus esto. Declarat hanc sententiam GELLIVS lib. III. c. 2. referens, Quintum Mucium Ictum dicere solitum, lege non esse usurpatam mulierem, quæ Kalendis Ianuariis apud virum causa matrimonii esse cœpisset, et ante diem quartum Kalendas Ianuarias sequentis usurpatum esset, quia integrum trinoctium non impleuerat. Addit hanc rationem: non enim posse impleri trinoctium, quod abesse a viro usurpandi causa ex XII. tabulis deberet, quoniam tertiæ noctis posteriores sex horæ alterius anni essent, qui inciperet ex Kalendis. Quodsi ergo vxor, quæ sine legibus confarreationis et coemtionis matrimonii causa cum marito fuerat, mariti mores haut probaret, facile usum annum interrumpere poterat, per absentiam integro trinoctio continuatam, quo ipso illi nullum ius in vxorem ex illo annuo usu, vlurpatione subsecuta, acquisitum erat. Forſan pedetentim hic modus magis placuit his, qui inire nuptias desiderarunt,

Tom. IV.

Z z z z

inpri-



inprimis vero vxoribus, ne *confarreatione* vel *coemtione* nimium constringerentur, et discedendi facultatem amitterent, vt recte obseruatum est in *GVNDLING. cit. l. §. 26.* Ante omnia explorandi erant mores mariti, vtrum ita essent comparati, vt eius in *manum* vxor venire, et se suaque bona ei committere posset cum capitis diminutione, vnde non leue praiudicium ei nascebatur.

*Status talium  
uxorum in-  
tra annum,*

§. XIII. *Status* harum vxorum, quæ *usu* acquirebantur, alius erat *intra annum*; alius *post annum* sine vlla *usurpatione* transactum. Intra annum status pristinum haut mutabat, nec in *manum* mariti transibat, quod demum *post annum* fiebat, si *usurpatione legitima* abstinuerat. De hac duplici differentia intelligo *CICERONEM* in *Topic.* vxorum due formæ: una *matrumfamilias* earum, quæ in *manum* conuenerunt: altera earum, quæ tantummodo vxores habentur. Illæ, quod in *familiam* mariti transfuerint, *matresfamilias* dictæ fuerunt notanter, sicuti *filiæfamilias* illa ipsa est, quæ adhuc in sacris paternis est posita; hæ vero *matrone* appellatæ, quæ in *matrimonium* cum viro conuenerant, quod *nuda conuentione* fiebat, sine *confarreatione*, *coemtione* vel *usu*. Necessè quippe erat, vt antea *matrimonii causa* coirent, et cohabitarent, si marito per *usum* annum plus iuris accedere debebat. Interim ergo inter se de *matrimonio* secundum iuris Gentium simplicitatem meram conuenire solebant, vt alter alterius mores perferutari, et vxor constituere posset, an ipsi consultum foret, vt in *manum* mariti post annum transiret? *GELLIVS lib. XVIII. c. 6.* hoc suggerit discrimen, et *matrona*, ait, *dicta est proprie, quæ in matrimonium cum viro conuenisset, quoad in eo matrimonio maneret* (h. e. quamdiu nondum in *manum* mariti conueneret,

*quæ vocaban-  
tur matrone*

ret, statumque eius connubii mutaret, et a marito per integrum trinoctium discederet) *etiamsi liberi nondum nati forent* (quod non semper primo anno nondum finito liberi nascerentur) *dictaque est ita à matris nomine non adepto iam, sed cum spe et omine mox adipiscendi, unde ipsam quoque matrimonium dicitur; mater autem familias, appellata est ea so-* *non materfa-*  
*la, quæ in mariti manu, mancipioe, aut eius, in cuius ma-* *miliæ*  
*ritus manu mancipioe esset, quoniam non in matrimonium tantum sed in familiam quoque mariti et in sui hæredis locum venisset.*

§. XIV. Vsu annuo continuo, sine *trinoctii integri* *v-* *post annum si-*  
*surpatione*, transacto, vxor in manu, mancipioe mariti esse *ne usurpatio-*  
*incipiebat, æque ut alia res mobilis usucapione acquisita.* *ne finitum fe-*  
*Quod mancipatio et in iure cessio præstabat, idem etiam pot-* *bat materfa-*  
*erat efficere annua possessio; qua de causa VLP IANVS tit. i.* *miliæ*

§. 16. ait, cum ex iure Quiritum emtorem serui non esse, *usucapione*  
*quamdiu neque ei mancipatus, neque in iure cessus, neque ab*  
*ipso anno possessus sit.* Videlicet, postquam coemptionis ri- *quædam*  
*tus matrimonii adhibitus fuit, (qui sic perficiebatur, ut li-*  
*bra atque æs adhiberetur, et mulier atque vir inter se quasi*  
*emtionem facerent, qua coemptione facta, mulier in potesta-*  
*tem viri cedebat, atque ita sustinebat conditionem liberæ ser-*  
*vitutis, ut ait SERVIVS in lib. IV. Aeneid.) per interpreta-*  
*tionem forenses inde collegerunt Icti, idem quoque effici*  
*et præstari posse in matrimonio per annum usum non inter-*  
*ruptum, quod mancipationis ritus in coemptione more Ro-*  
*mano præstabat. Itaque eodem modo post usum annum in*  
*manu mancipioe mariti vxor erat, ac si coempta esset, quod*  
*optime observavit PETRVS PITHOEVS in comm. ad collar.*  
*leg. Mosaic. et Roman. tit. 16. Præterea hoc confirmat CI-*  
*CERO orat. pro L. Flacco aiens: In manum conuenerat. Nunc*

Z z z z z

audio.

audio. Sed quero, *utrum usu an coemptione?* Ergo inde liquet, etiam *usu* in manum uxores conuenisse. Addit vero, *usu non potuit*, nihil enim de tutela legitima potuit sine omnium tutorum auctoritate diminui. Videlicet iure antiquo mulieres erant vel in potestate patris, vel hac deficiente in tutela legitima, etiamsi iam puberes essent, teste VLPIANO tit. XI. §. 8. Si in hac, non aliter in manum mariti transferre poterat uxor, quam consensu omnium tutorum, quod de tutela dissoluenda, et sic negotium singulorum ageretur. l. f. C. de autor. prest. Fœminæ enim conueniendo in manum capite minuebantur, minima autem capitis deminutione legitimæ tutelæ finiebantur, teste VLPIANO tit. XI. §. 9. Vnde conueniens erat, ut si in matrimonium cum marito conuenerat mulier simpliciter, non aliter *usus annuus* marito *ius perfectum* cum præiudicio tutorum attribuire posset quam *tutorum omnium consensu* accedente, ut in manu eius viri esset, quod per *usum annum continuumque* sibi quidem et suæ libertati, non vero iuri tutorum præiudicare posset mulier, sicuti pactum inter alios initum aliis non præiudicat. Sicuti pater intra annum filiam reuocare poterat, ita etiam tutores legitimi, nisi in matrimonium consenserant; alioquin *usus* censebatur illegitimus et sine effectu: hoc consensu accedente *annuus usus* non interruptus plus iuris marito tribuebat, quam antea per *simplicem consensum* impetrare non poterat.

interruptus  
batur usus  
per trinocti-  
um

§. XV. Interrupto usu per *trinoctium continuum* statum suum non mutabat mulier: matrimonii tantum statum speratum mutabat. Hoc ex solo consensu perdurabat, adeoque parum distabat a concubinato, obseruantibus PITHOEO et GUTHBERIO cit. II. quod sine legibus esset ducta uxor, et sic non legi-

*legitime*, quod illustrat PETR. PERRENONIVS lib. 1. *animadu. c. 9.* (in *thes. iur. Roman. tom. 1.*) Magis tamen praeferendum erat *matrimonium*, quam *concubinatus*, si mulier illa in consuetudine viri erat, quae per legem duci poterat, quod MODESTINVS in l. 24. de R. N. his indigitat verbis: *in liberae mulieris consuetudine non concubinatus, sed nuptiae intelligendae sunt: si non corpore quaesum fecit; cum meretrice enim legitime contrahi non poterant nuptiae.* Quae cum ita sint, non adeo mirandum est 1) eas vxores, quae solo consensu sine lege ductae erant, vocatas fuisse *iniustas*. Testis est VLPIANVS in l. 13. §. 1. ad legem Iuliam. de adult. accensens, virum accusare posse, siue iusta fuerit vxor, siue iniusta; haec lex enim, pergit, ad omnia matrimonia pertinet, tam quae lege contracta, quam quae solo consensu subsistebant. Alio sensu etiam *iniusta* vxor vocatur, cum qua nuptiae esse nequeunt, quamvis vxoris animo habeatur, quam a priori distinguit VLPIANVS cit. l. §. 1. et 4. qualis coitus effectus iuris destitutus erat per §. pen. inst. de nuptiis, quod secus erat in vxore iniusta in primo significato, ut optime PERRENONIVS cit. l. in fin. obseruat. Alio sensu rursus tale matrimonium, quod solo consensu initum erat sine legibus, *iustum* appellatum fuit, quod effectibus iuris in totum non esset destitutum, licet vxor in manum et familiam mariti non transisset. Notum est, praetorem dare bonorum possessionem vxori ex edicto *unde vir et vxor*, quod accipi non poterat de vxore legibus ducta, quae postquam in *manum* viri venerat, iure ciuili ut *filiafamilias* succedebat, nec auxilio praetorio indigebat. Ea vero vxor, quae solo consensu ducta erat, iure succedendi destituta erat, quam proinde, deficientibus omnibus agnatis et cognatis, praetor vocabat. Et tamen VLPIANVS in l. 1. unde vir et vxor ait: *iustum esse*

Inde solo consensu vxor est.

*matrimonium oportet: ceterum si iniustum fuerit matrimoni-  
um, nequaquam bonorum possessio peti poterit, quod minus  
recte PERRENONIVS cit. l. ad illud matrimonium traxit,  
quod solo consensu contractum erat, nam hoc, licet alio  
sensu iniustum dictum fuerit, auxilium prætoris vnice desi-  
derabat.*

*Inde duplex  
matrimoni-  
um inualuit.*

§. XVI. Inde quoque 2) palam est, duplex matrimonii  
genus Romanis approbatum fuisse, vnum, quod solo con-  
sensu maritali et honore nullo ritu confarreationis et coem-  
tionis; alterum, quod adhibitis solennitatibus et ex legibus  
factum erat, obseruante etiam PERRENONIO cit. l. c. 6.  
Equidem CAIVS l. 1. tit. 4. instit. vtriusque generis meminis-  
se videtur aiens: *legitimæ sunt nuptiæ, si Romanus Romanam  
nuptiis interuenientibus (seu nuptialibus sacris, vel consue-  
tis aliis modis receptis) vel consensu ducat uxorem.* Sed ad-  
huc valde dubium est, vtrum verba: *vel consensu* interpola-  
ta haut fuerint, postquam SELDENVS lib. 2. de vxor. Hebr.  
c. 20. p. 155. fide codicis sui antiquissimi demonstrauit, hæc  
verba expungenda esse; saltem eas nuptias CAIVS vix pote-  
rat appellare *legitimas*, easque cum illis coniungere, quæ  
ex LEGIBVS contractæ erant. Euidentiùs argumentum vtri-  
usque matrimonii generis tradit SCAEVOLA in l. 66. de do-  
nat. int. vir. et vx. vbi disquirat: vtrum donatio a femina  
ipsa nuptiarum die facta subsistat? Duas ibidem species con-  
nubii tradit: prima est, quæ *consensu* inita intelligitur, quo  
facto non valet donatio, licet nondum deducta nec tabulæ  
consignatæ: altera species est, si virgo ex *legibus* ducenda  
erat, solenni ritu; cui vir die nuptiarum, priusquam ad  
eum transiret, et priusquam aqua et igni acciperetur per so-  
lemne sacrificium, (de quo ritu agit PLUTARCHVS in quest.  
Roman.

*quod declara-  
tur ex l. 66.  
de donat. int.  
vir. et vxor.*

Roman. ab init. tom. II. p. m. 263.) decem aureos dono obtulit, quæ donatio valebat, quod adhuc ante nuptias facta esset. Referebat ergo olim, quid actum esset inter desponsatos, vtrum conuentum, vt nuptiæ iure ciuili solenniter inirentur; an vero vt solo consensu iure gentium? Hoc casu matrimonium contractum intelligebatur, simulac de eo constabat, vel palam vel tacite, quod egregie illustrat NOODT ad tit. de rit. nupr. p. 486. illo vero tunc demum, si quæ lex ciuilis desiderabat, accessissent, h. e. confarreatio, coemptio, usus. Hoc casu fiebat materfamilias, et transibat in familiam mariti, non illo, honore tamen et dignitate a concubina distincta, quæ alias in quibusdam talem vxorem consensu solo ductam, imitabatur, quod exponit illustratque MERILLIVS lib. III. obs. obs. 16. Non improbable est, exores eiusmodi vel ideo dictas fuisse *gratuitas* apud GRVTERI in inscript. p. 800. n. 21. quod coempta non esset, nec aqua et igni accepta, ea vero appellatione non intellectas concubinas, quod MERILLIVS lib. III. obs. 15. existimauit.

§. XVII. Quemadmodum Romani veteres sub re publica libera superstitione admodum inhærebant legibus, nec quicquam legitimum aut probatum censebant, nisi quod earum auctoritate factum erat; ita admodum probabile est, antiquitus tres illos iuris ciuilis modos, quos ex SERVIO supra retuli, sollicite obseruatos, nec sine illis nuptias fuisse contractas, adeoque solo et simplici consensu feminam non aliter loco vxoris habitam fuisse, quam intra annum, si per usum sine legibus, ab initio coiissent. Haec tamen coniunctio, anno transacto, mox degenerasse videtur in legitimum matrimonium, quo vxor in manum et potestatem mariti translata est, id quod regulariter factum fuisse probabile est, quod

Olim tres illi  
modi magis in  
usu erant.



Inde donatio-  
nes ex hoc sta-  
tu locum ha-  
bere non possunt,

quod talis vxor *usuraria*, vti vocatur, h. e. *usura* vel *usu* acquisita, aequiparanda esset illi, quae *coemptione* vel *con-*  
*farreatione* esset ducta. His quamdiu moribus vivebatur, donationes inter virum et vxorem fieri non poterant, quem-

admodum irritae erant inter patrem et filiam familias. l. 25. C. de donat. in v. et v. l. 1. §. 1. pro donato. l. 2. in f. pro hered. RAULVS lib. V. sentent. tit. II. §. 3. Nec enim quis sibi-  
met ipsi donare potest, quod tamen in effectu fieri intelligebatur, si pater filio familias vel vir vxori donabat, quod omnia patri vel marito acquirerentur. Nec filius donare poterat patri ex peculio, quod iam patris erat, l. 9. in f. de donat. pariter nec vxor marito, quod teste C I C E R O N E maritus omnia vxoris bona iure *dotis* acquisiverat. Hae ratio quidem cessabat in ea, quae vxoris loco antiquitus intra annum, antequam *usus* accedebat, habebatur, vel quae *usurpata* erat per absentiam *trinoctii*; attamen alia ratio impedi-

no quidem si  
per *usum* con-  
trahebatur  
matrimonium.

bat has donationes. Aut enim *intra* aut *post annum* fiebant: Si *intra annum*, intuitu matrimonii, per *usum speratum* confirmandi, fiebant, et sic sub *modo*, quo non subsecuto, forsitan quod vxor discederet intra annum a marito, vel maritus moreretur, ex irritae erant; eo vero secuto, adhuc irritae in effectu fiebant, quod per anni *usum* vxor in *manum mariti* veniret, et quous vxoris bona, et sic etiam antea donata, mariti fierent. Post *annum* si fiebat donatio, aut *usus* erat interruptus, aut non. Hoc casu non valebat donatio, quod vxor iam in *manu mariti* et *mater familias* facta fuisset; illo vero, si post *trinoctii integri* absentiam manebat in domo patris vel tutorum, nec ad maritum reuertebatur, matrimonium cessabat et donatio itidem irrita erat, quod *modus speratus* non esset secutus; si vero reuertebatur ad maritum, et cum eo ulterius consuetudinem continuabat, eodem modo donationes ea intentione

tentione eumque in finem fieri intelligebantur, vt vinculo adstrictiori *secundum leges* etiam adhuc fieret vxor, quae *iure gentium* tantum talis erat, adeoque adhuc in *matrimonio iniusto* viuere dicebatur, quo cessante fine, in irritum revocanda erat donatio, cum interim tantum *vxoris loco* habitata fuerit; eo vero secuto, vel ideo *in effectu* pro non facta habebatur, quod omnia marito, in cuius manus iam venerat, essent acquisita, omni proprietate matrifamilias adempta. Ita rationes antiquitus, meo iudicio, subducebant Icti, antequam libertas, *sola consensu*, et sic *iure gentium*, contrahendi matrimonium nimium extenderetur, sed vtpurimum, imo per modum *regulae*, *matrimonia legitima*, tribus praedictis modis, contraherentur, vnde etiam solent *regule iuris* confici. His positis principiis, nulla opus erat *scripta lege*, sed *per consequentiam necessariam* ex statu peculiari matrimoniorum fluebat ius, quod *moribus* seu per *fori interpretationem* postea *receptum* dici cepit, ne inter coniuges donationes valerent, adeo vt ne quidem *morte donantis* conualescerent, quod demum, autoribus SEVERO et ANTONINO, correctum est *l. 32. §. 2. de donat. int. vir. et vxor.* Eadem scilicet rationes eo casu obtinebant, quae antea adductae sunt. Si enim *in manum* mariti vxor peruenerat, mortuo eo, vt *filia* succedebat, et sic donatio antea facta in irritum ceciderat, aequae vt in liberos olim a patre collata *l. 2. §. 2. pro herede l. 4. pro donat.* Si non peruenerat, intuitu tamen et sub spe *matrimonii legitimi et iusti subsequuturi* facta fuisse credebatur, et sic heredi integrum erat, id repetere, quod sub hoc modo donatum fuisse, intelligebatur.

§. XVIII. Hic status matrimoniorum durasse videtur per quingentos annos, ex quo etiam ratio petenda, quod

*Inde diuortio-  
rum usus de-  
erat*

Tom. IV.

A a a a a

omnis

omnis diuortiorum usus vsque ad annum V. C. 523. incognitus fuerit, quo anno demum, POMPONIO MATHONE et PAPHRIO MASONE Coss. primum diuortium Romæ Sp. Coruilius Ruga fecisse legitur, testibus GELLIO *lib. XVII. c. 21. et lib. IV. c. 3.* DIONYSIO HALICARNASSEO *lib. II.* Magna vsque ad hæc tempora matrimoniorum erat religio, ac insigne matrimoniorum robur, quod regulariter in manum conuenisset vxor, quod etiam obseruatum est in GYNDLINGIAN. *cit. l. §. 32.* adeoque diuortiorum usus cum his consistere non poterat, quod infra §. XXIV. ex DIONYSIO HALICARNASSEO declaratur atque demonstratur. Hac clade nuptiis semel iniecta, earum vinculum nutare, quin et mores vxorum in peius ruere, et *manum* seu potestatem maritalem declinare atque quouis modo præcauere inceperunt. Etenim PLAVTVS, qui teste GELLIO *lib. 17. c. 21.* paulo post *bellum Punicum* in scena floruit, atque circa V. C. annum 570. decessisse videtur, in *milite glorios. act. III. Sc. I. vers. 92.* adeo corruptos mulierum mores iam fuisse ait, vt plures tardium ducendarum vxorum caperet, vel ad minimum passim iam eas domum eiicerent. Hoc tamen ægre fieri poterat, si in *manum* vxor marito conuenisset, quæ ratio matrimoniorum eo tempore adhuc *ordinaria* erat: facilius, si *sine legibus* in coniugium, iure gentium contrahendum, consentirent, quæ forma inusitatio atque rarior; verum post hæc tempora frequentior esse coepit, cum iam CICERO, prout supra §. XIII. obseruauimus, eius meminerit, imo sub imperatoribus rarior antiquorum modorum praxis fuerit. Hæc noua matrimoniorum forma laxitatem eorum admodum promouit, diuortiorumque libertatem adeo extendit, vt et mulieres contra morem priscum a maritis diuerterent. Tempore PLAVTI hæc ingens metamorphosis non

*diuortia secunda ex matrimonii consensu in iuris.*

non inuaserat matrimonia: corrupti vxorum mores deterrebant quidem maritos ab ineundis connubiis: vbi vero eadem inibant, more antiquo ea *ordinarie* contrahebant, vt vxor *in manum* conueniret. Haec ratio impediēbat eo tempore adhuc vxores, ne diuertere a maritis possent, quod innuit PLAVTVS *in mercat. act. IV. sc. 6. v. 1. sqq.* indigitatque, in genere vxoribus adhuc eo tempore ius diuertendi a maritis denegatum fuisse, certo indicio, vt plurimum adhuc vxores marito in manum conuenisse. Ast postquam noua matrimoniorum forma frequentior esse cepit, vt paulo rarius vxores in manum conuenirent, etiam licentia diuertendi vxoribus communicata, ita vt pedetentim tres illi modi antiqui plane consenuerint, vel ad minimum rarius in vsum deducti fuerint.

§. XIX. Hac vero mutatione in *statu connubiorum* introducta, donationum inter coniuges status quoque mutari debuisset, quod iuris vetusti ratio iam deficere videretur. Enimvero forensis interpretatio, quæ *ius ciuile* dicta, sæpe tales regulas generales generauit; moribusque confirmauit, a quibus mutato statu non facile recedi poterat. Accedebat vero in his matrimoniis, nouo more formatis approbatisque, noua ratio, quæ donationes nec in iis admittebat, quod matrimonia talia admodum lubrica, fragilia, et diffidiis magnopere subiecta essent, vt sæpe ad annum vix durarent, singulisque annis noua fœdera connubialia appeterent vxores, lasciuiæ et luxuriæ admodum indulgentes, teste SENECA *lib. III. de benefic. c. 16.* Hoc rerum statu consultius visum fuit, ius, quod moribus circa *donationes inter virum et uxorem* iam receptum erat, potius conseruare, et quouis modo in *usu forensi* defendere, quam illud impugnare. Et

*In matrimo-  
niis solo con-  
sensu nititur re-  
gula antiqua  
de donationi-  
bus suis re-  
tenta  
ex nouis can-  
sibus*

*imprimis ex  
libertate di-  
versendi*

iam eius vltum fuisse in matrimoniis usu contractis, supra obseruavi: ex his originem traxerant nuptiæ, consensu contractæ, adeoque praxin iuris antiqui facile etiam ad has extendere poterant. Verendum enim erat, ne alter alterum nimis donationibus, blanditiis coniugalibus extortis, spoliaret, postea vero diuerteret, quo facto rei familiaris iacturam grauissimam passus fuisset donans, si illi reuocationem eius, quod donatum erat constante marito, integram non seruassent. Præterea si nouum diuersumque ius circa donationes, ex conditione horum coniugiorum, reciperetur, verendum erat, ne ad diuortia magis aditus ampliaretur, quem præcludendum esse omnibus modis contendebant sapientiores. Appetebant vxores inprimis diuitias mariti, vt haberent, vnde luxuriam suam alere, adulterosque pascere possent. Iam tempore PLAVTI mulieres, licet adhuc in manu viri essent, sollicitabant quotidie eos ad dandum. Hæc erat vox earum quotidiana:

-- da mihi, vir, Calendis, meam quod matrem iuuerit:  
Da, qui faciat: da qui condiat: da, quod dem quinquatribus,

Præcantatrici, coniectrici, bariolæ, atque aruspice:  
Flagitium est, si nihil mittetur, quo supercilio spicit!  
Tum piatricem clementer non potest, quin munerem:  
Iam pridem, quia nihil abstulerit, succenset geraria.  
Tum obstetrix expostulauit mecum, parum missum sibi.  
Quid? nutrici non missurus quicquam, quæ vernas alit?

vid. PLAVT. in milit. glorios. act. III. sc. I. v. 97. seqq. Hæc si audebant mulieres, in manu viri existentes, quid non facturæ sunt hæ, quæ sui iuris manserunt, nec tamen antiquis de moribus fuerunt? quæ omnium rerum libertatem imo licentiam

*siam desiderarunt?* ut PORTIVS CATO pronunciat apud LIVIVM lib. 34. Salte passim perstrinxit mores mulierum IVVENALIS, et inprimis sat. VI. lib. 2. v. 35. aperte indicat, eas etiam exegisse munuscula a viris pro concubitu. Et quis nescit, quam impotentissimus mulierum ardor fuerit in ornamenta muliebria, in quorum comparisonem saepe viri omne suum exhauriebant patrimonium. Testis est SENECA lib. VII. de benefic. *Non satis muliebris insania viros subiecerat, nisi bina aut terna patrimonia in auribus singulis pendissent.* Idem testatur titulus D. de auro argento mundo ornamentis vnguentis veste vel vestimentis vel statutis legatis. Prolixum catalogum de ornamentis his secundum seriem alphabeticam exhibet sistitque TIRAQVELLVS de LL. connub. in L. III. gl. 1. P. 3. n. 27. cui iungendus est PLAVTVS in pænul. act. I. sc. 2. v. 1. sqq. vbi inprimis taxat mulieres sui temporis, *quod nulla eis ornandi satis satietas sit.* Libertate ergo diuertendi a maritis vxoribus data, faciles ad discidium erant, si a donis sese temperabant mariti, quæ anhelabant in varios vsus, eosque plerumque prohibitos. Hoc metu concutiebant viros ad donandum: donis autem maritalibus instructæ quæuis audebant, et maritum tandem bonis exspoliabant quibuscunque. His pessimis moribus obuiam eundum erat per leges antiquas scilicet, 1) *ne inter virum et uxorem donationes valerent*: 2) *ne dotem repetere posset, quæ sine causa probata discederet.* Aut ergo dona in uxorem congerere recusabat vir, aut non. Priori casu diuortium ex hac causa non amplius metuendum facile erat, quod iusta deesset causa, et sic ei dotis dispendium immineret. Posteriori casu, viro se ad mores vxoris sitientis accommodante, rursus diuortii periculum cessabat, quod alioquin sciret, a se quæuis dona per maritum repetitum iri. Sæpe nouum



appetebant thorum mulieres lasciuæ, et sic ad diuortium faciles fuissent, nisi metu hoc a consilio auocata fuissent. Nouerant Romani, donationes inter coniuges haud cessaturas esse: nouerant, viros mulieribus auarjs et quæuis appetentibus facile succumbere; simul tamen nouerant auaritiam muliebrem, et quod nulla re magis a proposito diuertendi deterrire possent, quam metu repetendarum rerum sibi a viro donatarum, quas ægre dimittebant. Ipsæmet rarius donant, sed munera ab alijs lubentes accipiunt. Hæc ratio effecit, vt Romani per SCtum Velleianum mulieribus *intercessionem pro alijs*, non *donationem* interdicerent, quod ad hanc non essent procliuës, vti quidem ad illam. l. 4 §. 1. D. ad SC. Vellei.

*Mores maritales idem ius postulabant.*

§. XX. Sed etiam vxoribus consulendum prouidendumque erat, ne effusis in maritum donationibus ad incitas tandem redigerentur. Quamuis enim mulieres a donis in alios congerendis facile sese temperarent, vt modo dixi, quoad *maritum* tamen plures rationes concurrere poterant, quibus inductæ tandem donarent, quod alioquin haud necessum fuerit, eis donationes hasce interdicare. Si vxor bonis abundabat, iis inhiabat non raro maritus, qui eorum gratia illam vnice duxerat. Blanditijs simulatis tandem eam expugnabat, vt donaret et potiozem diuitiarum partem in eam transfunderet. Obtento fine, causam ad *diuortium* quærebat vir iniquus, vt nouis nuptiis nouas quoque accessiones ad patrimonium faceret, prior vero vxor spoliata rebus suis egere et quæstum corpore facere coacta fuisset, si donationes inter *virum* et *vxorem* robur habuissent. Ne ergo donatio vxori fraudi esset, resrenanda atque coercenda fuit illo maxime tempore, quo vxores donare poterant. Quæ in

*manu*

*manu viri* erat nihil donare poterat: quæ *sui* manebat *iuris*, opum arbitrium retinebat. Eæ iam, donationes inter virum et uxorem robur habuisse, uxori quid aliud imminerebat, quam periculum diuortii vel egestatis? Si hæc marito avaro non donabat, diuortium ipsis minabatur, si donabat, præter diuortium adhuc egestatis periculum incurrebat. Vtrique malo occurrebatur per *ius antiquum* moribus retentum, quod quidem ob aliam diuersamque causam receptum erat, eius tamen vsus, introducta diuortiorum libertate, desinere non poterat, vt tamen de eius rigore aliquid laxandum esset, quod autoritate SEVERI et ANTONINI effectum est. Æquum videlicet videbatur, donationibus morte confirmatis robur addere, quod, extincto donatore, palam fieret, donationem fraudi connubio non fuisse.

§. XXI. Quod ergo moribus vetustis receptum erat *ius circa donationes inter virum et uxorem*, atque *interpretatione forensi* roboratum, id moribus quoque sub imperatoribus conseruatum, statu connubiorum licet admodum mutato. Hic ipse effecit, vt de *rationibus* huius interdicti admodum celsipitarent sapientiores, *ius antiquum* circa has donationes magis ex *præsenti rerum conditione* quam *antiquo more* æstimantes. Hunc si præ oculis habuissent, nullos de *ratione iuris antiqui* fluctus mouissent; quia vero hic ipse cum forma matrimoniorum recentiore, eaque frequentiore, non satis congruebat, admodum fluctuabant, vnde præsens *antiqui iuris* vsus defendi posset? Testis est PLUTARCHVS, qui circa seculi II. primordia iam floruit, et huius litis mentionem facit in *quest. Roman. tom. II. p. 265.* Quærit enim: *cur donationes inter maritum et uxorem prohibite sunt?* Varias suppeditat rationes, quæ sine dubio a *iuris peritis* eo tempore

*Varia antiquorum indicia circa rationes prohibitionis huius*

*a Plutarcho adducta*

pore, non sine fluctuatione adferri solebant. An, ait, quemadmodum Solon donationes mortis causa factas valere voluit, iis tantum rescissis, quæ necessitate extortæ, aut muliere persudante factæ essent: nimirum quod necessitas vim animo faceret; voluptas autem eidem imponeret; an, inquam, eodem modo Romanis suspectæ erant coniugum donationes? Quidam ergo arbitrabantur, donationes inter virum et uxorem a concussione vix immunes esse, quæ facile, diuortiorum libertate concessa, emergere posse, adeoque donationes suspitione concussionis laborare videbantur. Aut potius, pergit, quod signum benevolentiae tutissimum putarent esse donum (dant enim alieni et non amantes) ideo istud demerendi genus e coniugio sustulerunt, ut absque mercede gratis, ac propter se non alias causas coniuges inuicem amarent? Hæc ratio connubiis quibuscunque videbatur communis, sed parum stringens, quod experientia doceret, inter eos, qui animorum coniunctione conglutinati essent, liberalitatem inprimis usum habere. Vnde nec in hac ratione subsistit, sed nouam in scenam producit: an quia capiendis maxime corrumpuntur mulieres, ut alienos admittant viros, grauitatem iis conciliare censuerunt, quod suos nihil dantes diligerent? Quia vero hæc duntaxat maritos a donando auocasset, uxores vero non strinxisset, tandem etiam hanc nouam addit, quæ magis statum antiquum connubiorum sistit: An hæc est verior ratio, quod viri et uxoris omnia debeant esse communia? Hanc ceteris prætulisse videtur, quod indicant verba: an hæc est VERIOR RATIO? Equidem si statum Romanorum connubiorum spectas, vera communio cessasse videtur, quod non ignorauit PLUTARCHVS. Interim prisco more, quo in manu viri erat, quodammodo domina rerum mariti videbatur æque ut filia, et ita quædam umbra communionis inter coniuges esse, vide-

primaria ab  
eo collocata in  
honorum com-  
munionem

videbatur. Ad hanc alludere videtur PLVTARCHVS innuitque, ita matrimonia merito comparata esse debere, vt communio quædam ad imitationem iuris antiqui adesse videatur, quod exinde sit *prima donationis prohibitio* repetenda principaliter atque prunordialiter.

§. XXII. Agnouit roborauitque veritatem huius doctrinæ ex *prisco more* repetitæ et a PLVTARCHO etiam assertæ, HOTTOMANNVS in *disput. iur. ciuil. de donat. omnium gener. c. 5. §. 18. (tom. 1. oper. p. 608.)* atque hoc modo mentem suam prodit: *Nulla probabilior quam illa Plutarchi ratio est, vt coniuges omnia inter se communia ducerent: quemadmodum lex Romuli iubeat: γυναῖκα Κοινῶν ἀπάντων εἶναι ξενμάτων τε καὶ ἰσθῶν: quemadmodum Dionysius lib. 3. testatur: inde illud Ciceronis in Topicis: cum mulier viro in manum conuenit, omnia, quæ mulieris fuerunt, viri sunt dotis nomine. Indeque institutum fuit, vt si quid mulier e viri bonis subripuisset, in eam soluto matrimonio rerum amotarum formula, non autem furti actio, daretur.* Hoc exemplum denuo monstrat, mutato licet plerorumque matrimoniorum statu, plura retenta fuisse ex priscis matrimoniorum formis, partim iuris antiqui veneratione, partim etiam ob retentum et conseruatum quendam priscorum matrimoniorum vltum. Non tamen potuit adduci SCIPIO GENTILIS, <sup>reprobata a</sup> Ictus eruditionis haud vulgaris, <sup>Scipione Gen-</sup> *lib. 1. de donat. int. vir. et* <sup>tili</sup> *vx. c. 6. vt in hanc iret sententiam, quod existimauerit, PLVTARCHVM* <sup>enims rationes</sup> *veram et proprie dictam communionem omnium* <sup>recensentur</sup> *rerum connubiis assignasse, in quo tamen meo iudicio fallit.* Respexit ad veterem eorum statum, quo mulier in manu viri erat, et sic bona omnia vxoris ad eum transibant; e



contrario vxor, in communem bonorum usum adscisciebatur, et quodammodo domina bonorum mariti erat, quo mortuo, magis continuare quam acquirere dominium bonorum, in qua æque ut filia succedebat *ipso iure*, censebatur. §. 3. *I. de hered. que ab intest. defer.* Addit, non concedendum esse, nihil proprii mulieres, postquam nupsissent, habuisse vel retinere potuisse ex bonis: M. Catonem cum aliis de servis aliisque rebus, quæ doti non essent, neque ad virum transirent, scripsisse, easque *receptitias* appellasse, quod eas sibi nominatim recepissent: licet vxor in manum viri convenisset, non tamen mariti et vxoris bona ita confusa et commixta fuisse, ut nulla fuerit inter illa iuris distinctio: id inde apparere, quod antiquissimis etiam temporibus maritus certis casibus dotem lucrari potuerit, veluti propter adulterium vxoris, et repudiata vxor vel quæ diuertisset, dotem suam a marito recuperaverit: filiamfamil. nuptam in potestatem mariti non transisse sed in potestate patria remansisse, neque bona sua ita in maritum transferre potuisse, ut iuri parentum præiudicaret: denique ANTONINVM veteresque ICTOS longe alias rationes attulisse, merito respuendas, si aliam causam eamque veram vel solam habuissent, etc. Eandem sententiam ex SCIPIONE (suppresso quamvis eius nomine) regulavit, et rationes potiores eius suas fecit DOMINICVS AV-  
LISIVS in *comm. ad tit. de donat. c. 4. p. 457.* quin plerique eius vestigia premere solent.

et sub examen  
revocantur

§. XXIII. Non desunt tamen, quæ SCIPIONIS dubia removere et declinare queunt. Ante omnia enim repetenda sunt momenta supra adducta, quæ olim, etiam ante XII. tabulas, donationum usum inter coniuges non admittebant. Hæc moribus vulgo tribuuntur, quod *lex prohibitoria scripta*

pta deficeret, ipsa autem donationum inefficacia ex matrimoni-  
 orum priscorum statu profluxisset, atque a Ictis per *forensem interpretationem* tracta et deriuata fuisset. Atque id  
 ipsum est, quod ait Ictus in *l. 1. D. de donat. int. vir. et vx.*  
*Moribus apud nos receptum* (et postea etiam retentum) est,  
*ne inter virum et uxorem donationes valerent.* Contra hæc  
 momenta nihil faciunt SCIPIONIS argumenta, quæ ad po-  
 steriora tempora quadrant, quo iam dudum idem *moribus*  
*receptum*, et quia *usu forensi* firmatum erat, haud passi sunt  
 Icti, ius antiquum infirmari per novos vxorum mores, et  
 nouam matrimoniorum formam, qua *solo consensu*, sine *coem-*  
*tione et confarreatione*, nec habita *usus* ratione, hinc inde  
 contrahi ceperunt, quæ, *diuortiorum* *usu* inualescente, de-  
 mum in praxin frequentiore deducta fuisse videntur. At-  
 que ad huiusmodi matrimonia SCIPIONIS rationes qua-  
 drant. Quæ ex M. CATONE in medium adfert (EX GELLII  
*lib. XVII. c. 6.* sine dubio hausta) de his matrimoniis sine  
 dubio intelligenda sunt. Suasit hic *legem Voconiam*, teste  
 EODEM *lib. VII. c. 13.* quæ lata est a Q. VOCONIO SAXA,  
 anno V. C. DCCXCIV. quo *libertas diuortiorum* per tria se-  
 cula fere iam obtinuerat, et dux matrimoniorum formæ iam  
 cognitæ erant atque vsitatæ. Adeoque non mirandum est,  
 de *receptitiis*, quæ ex suis bonis retinebat, nec ad virum  
 trans mittebat vxor, locutum fuisse CATONEM, cum in  
 matrimoniis solo consensu initis quæuis mulier sibi *recipere*  
 poterat, adeo vt *magnam sibi pecuniam reciperet*, quam ma-  
 rito sepe mutuo dabat, vt ait CATO, id quod a moribus pri-  
 scis alienum esse censeo.

*ostenditurque  
 ea pertinere  
 ad matrimo-  
 nia solo con-  
 sensu inita*

*in quibus re-  
 ceptitiorum  
 usus*

§. XXIV. Pari ratione, quæ de *repetitione dotis* et eius *item repetitio*  
*priuatione*, diuortio facto addit, rursus ad tempora prisca *dotis eiusque*  
*priuatio obli-*  
 Bbb bb 2 non nebat



non pertinent, sed ad ea demum, ipso fatente SCIPIONE, quibus post quingentos annos Romæ diuortia matrimoniorum antiquam integritatem infecerunt, cum nondum eui-ctum sit, diuortiis *promiscuis* locum fuisse in ea muliere, quæ in *manum viri* conuenisset, vel, si ex probabili causa ea postea in tali vxore admissa sunt, necesse fuit, id in diuortiis recipere, quod in emancipationibus arrogatorum impuberum iuris erat, scilicet, vt maritus sine causa vxorem domo eiiciens, illata redderet, vel maritus ea retineret, si ob mores vxoris discidium factum fuerat; sicuti arrogator, impubere emancipato, bona, quæ ad eum detulerat, restituere cogebatur. Vnde GELLIVS lib. IV. c. 3. *memoria traditum esse, ait, quingentis fere annis post Romam conditam, nullas rei vxoris actiones, neque cautiones in vrbe Roma aut in Latio fuisse, quod nulla diuortia, sed vxores in manu mariti essent.* Autor est DIONYSIVS HALICARNASSEVS lib. 2. vnani in genere connubiis legem datam fuisse, scilicet, *mulierem nuptam, quæ (vel quia) ex sacra-*

quod ex Dionysio illustratur

*tis legibus in manum mariti conuenisset, cum eo omnium et bonorum et sacrorum participem esse. Addit: farris communicatio virum et vxorem necessario coniugii inseparabilis vinculo coniungebat et nihil erat, quod has nuptias posset dissolvere. Hæc lex coëgit mulieres nuptas, vtpote quæ nullum aliud refugium haberent, ad vnus mariti sui mores vitam suam conformare, et ipsos maritos, vt rem necessariam, et A QVA NULLO MODO DIVELLI POSSENT, vxorem retinere. In quo autem hæc communio bonorum posita fuerit, ibidem declarat, quod familie domina æque et vir esset, et in eius defuncti bona, vt filia in patris, heres succederet. Eo enim sine liberis decedente, omnium bonorum heres erat; his vero existentibus, portionem virilem accipiebat. Si ergo post*

post laxissimum diuortiorum vsum, etiam in his connubiis ea admissa sunt, id sero admodum factum fuisse probabile est, quo plura ex antiquis institutis sunt immutata. Ad ea tempora etiam spectat, quod matrimoniis contractis saepe mulieres in *potestate patris* permanserint, quod ad ea pertinet connubia, quae ex post facto *solo consensu* inita fuere, adeoque rursus inde nullum praesidium suae sententiae circumponere potuit aut debuit.

§. XXV. Denique etiam hoc scripio addidit dubium, Icti Romani quod longe diuerfas ab his, quas tradidi, rationes expresse-<sup>novas rationes attulerunt, matrimonia sui temporis conformes</sup> rint Icti et ipse imperator ANTONINVS, ex *more maiorum* prohibitionem harum donationum repetentes, quae *spuriae* <sup>monis sui temporis conformes</sup> dicendae forent, si praeter eas alia verior atque solidior adfuisset ex prisco Romanorum aeuo. Supra vero iam observavi, aliam fuisse rationem huius iuris primitus *introducendi et recipiendi*; aliam vero illud, mutato etiam matrimoniorum statu, *retinendi et conservandi*. De his magis solliciti fuere Icti et imperatores, quae tamen *plene et perspicue* intelligi nequeunt, quam primordiali ratione prohibitionis evoluta. Atque haec, posteriores etiam, a *maioribus* <sup>cur a maioribus deductae</sup> deducuntur, in *l. 1. l. 3. pr. et l. 31. §. 7. de donat. int. vir. et vx.* non adeo incommode et inepte, quod quae ante duo vel tria secula constanter in usu permanserunt, vtut matrimoniorum status innouatus esset, *maiorum moribus et traditionibus* recte adscribi queant. Haec vero rationes, quae a Ictis adse-<sup>ostenditur Icti eorum rationes coniungi posse</sup> runtur, commode coniungi possunt, quod ad vnum eundemque scopum tendant, et altera alteram explicet, quorum sum pertinet VIPIANI ratio in *l. 1. cit. tit. tradita*, et ex LABEONE repetita a POMPONIO in *l. 31. §. 7. eod.* haec est, *ne mutuo amore inuicem spoliarentur donationibus non*

et ad facilita-  
tem diuortio-  
rum respexis-  
se

*temperantes sed profusa erga se facilitate abutentes.* Hæc ratio tangit nouum illum matrimoniorum statum, qui admodum solubilis erat, atque fragilis, vxores tamen manui mariti non subiiciebat. Facile hoc rerum statu alter alterum bonis spoliare potuisset, si donationes, ad quas coniuges ex intimo animorum adfectu procliues sunt, plenum robur accepissent, quibus factis, diuortium interuenire et donantem in egestatem deducere poterat, quod præcauendum erat, vt supra iam dixi; quin etiam, si ei, qui cuperet, non daretur, itidem diuortium imminebat, vt HOTTOMANNVS *cit. l.* addit, quod tamen impediabatur, quia facile præuidebant Romani, donationes inter coniuges haud desituras esse, quarum reuocandarum metus retinebat eum, cui donatum erat, ne diuortio ansam daret. Hæc diuortiorum facilitas ingens circa educationem liberorum quoque producebat impedimentum, quod hoc modo e medio sæpe tollebatur, vt PAVLVVS *in l. 2. cit. tit.* adiungit: *nec esset eis studium liberos potius educendi*, quorum educatio rectissime demum sese habet, si indiuidua animorum coniunctio perseverat inter parentes. Expressius hanc rationem SEXTVS CAECILIVS *in l. 2. cit. tit.* declarat, intentionemque antiquorum Romanorum hanc fuisse dicit: *quia sæpe futurum esset, vt discuterentur matrimonia, si non daret is, qui posset, atque ea ratione euenturum, vt venalia essent matrimonia*; quid enim si vxor ab auaro marito per iurgium simulatum recederet, quam maritus tamen egregie diligebat? non aliter reuertebatur, quam si bonorum, quibus inhiabat, compos facta esset, quo ipso concordium venale fiebat. *l. 27. de pact. dotal.* Id rursus indicat ANTONINVS *in l. 3. pr. de donat. int. vir. et vx.* his verbis: *Maiores nostri inter virum et uxorem donationes prohibuerant, amorem honestum solis animis estimantes,*

tes, fame etiam coniunctorum consules, ne concordia pretio conciliari videretur, neque melior in paupertatem incideret, deterior ditior fieret. Admodum propudiosum videbatur, concordiam donationibus alere, quæ sola animorum vnione corroboranda erat. Si concordia coniugum solo pretio conciliabatur, eueniebat, vt, qui cessabat dare, cum posset, alterum facile ad discedium adduceret: si facilis ditior ad donandum erat, hic, cuius melior antea conditio ob copiam fortunarum erat, in paupertatem incidere, et cuius antea deterior conditio ob defectum bonorum erat, ditior fieri poterat, quod admodum luctuosum postea donanti accidisset, si, diuortio secuto, reuocatio donationum integra non fuisset; hæc vero vbi donanti reseruata est, rursus diuortium magnopere impediuit.

§. XXVI. His ita sese habentibus, necessario aliquid laxandum fuit ex antiqui iuris rigore. Olim donationes quævis, ob statum matrimoniorum antiquum, inter coniuges plane exulabant, nec vlllo modo subsistere poterant. Tam absoluta autem prohibitio cum noua matrimoniorum forma commodè subsistere non poterat, adeoque pedetentim quædam interpretatione forensi et oratione ANTONINI ex antiquo rigore laxata sunt, paucis indicanda. Videlicet regula antiqui iuris ciuilis, etiam ante XII. tabulas vtitata, mansit: interdicta est inter virum et uxorem donatio, vt IPso IURE nihil valeat nulliusque momenti sit. l. 2. §. 10. de donat. int. vir. et vx. Quod ipso iure nullum erat, etiam secundum ius ciuile antiquissimum inefficax erat, quod in antecedentibus fusius explicatum est. Restricta autem est prohibitio vsu forensi, nouis connubiorum formis applicato, α) ad eas donationes, quæ donantis patrimonium minuant, donatarii

Laxatum ali-  
quid fuit ex  
antiqui iuris  
rigore

vt valeret ex  
quibus donans  
non sit paupe-  
rior, donatari-  
us locupletior?

natarii augent alterum si deest, valebat negotium ex sententia orationis ANTONINI. l. 5. §. 8. l. 32. §. 9. eod. Unde mutuae donationes, æqualitate constantes, subsistebant. Antiquis matrimoniis nulla conueniebat donatio, quomodoque facta fuisset. β) Ad eas, quæ ex donantis patrimonio fiunt. Vxore atque marito heredibus institutis, poterat repudiatio ab alterutro fieri in fauorem alterius, donandi etiam animo; l. 5. §. 13. eod. secus ac iure veteri, vbi maritus totam hereditatem lucrabatur, siue vxor heres fieret, siue repudiaret. γ) Ad eas, quæ extra ordinem fiebant: non quæ ex more fieri solebant, ut die natali vel alio tempore, quo solennia munera mittere moris erat, l. 31. §. 8. eod. Ad ius antiquum id vix applicari poterat, quod maritus donando vxori sibi et sic nulliter donaret, quacunque occasione donaret. δ) Ad donationes inter viuos: m. c. donationes inter coniuges receptæ erant; ut dicitur in l. 9. et 10. eod. Olim enim vel ideo a parte vxoris non valebant, quod nihil haberet, unde marito donare m. c. posset. ε) Ad donationes ante mortem non reuocatas. Morte confirmata valere coeperunt ex ANTONINI oratione, ut expresse indicat l. 32. pr. §. 1. et 2. eod. simulque innuit, iure anteriori nec morte confirmari potuisse, prout supra iam obseruauimus. Ratio enim iuris veteris quoque locum habebat in ea donatione, quæ morte non erat reuocata, quod etiam iuris erat inter patrem et filium familias. Ast rationes in nouis conubiorum formis adduci solitæ hic exulabant, ergo æquum fuit, rigori iuris aliquid detrahere. Et tantum de statu donationum inter virum et uxorem antiquo.

Statu harum  
donationum  
hodiernum

§. XXVII. Progredior ad hodiernum earum statum, quem solum ius Romanum non determinat, utpote quo vni-

ce

ce haud viuimus, sed quo potius *in subsidium* vtimur, quatenus ad fori nostri rationes quadrat. Adeo vero ius Romanum regulariter in Germania est *subsidiarium*, vt ei ius *canonicum* indistincte, ius *Germanicum* vero *antiquum* in locis quam plurimis sit præferendum, maxime in *matrimoniiis*, ex statu matrimoniorum diuerso. quæ hodie magis *iure canonico* et *patrio antiquo* reguntur, et diuersam in plurimis indolem a connubiis Romanorum habent. Neque enim conferri possunt cum illis, quæ quinque fere seculis ab V. C. apud Romanos obtinuerunt: neque cum illis, quæ solo consensu, rite licet declarato, inita, sed fragilia admodum, fluxa, et fere precaria fuere, vt quouis momento bona gratia dissolui, vel altero etiam inuito rescindi potuerint. Hi deperditi mores peculiare desiderabant leges vt munimenta quædam necessaria, quibus vinculum connubiale muniendum erat, ne quouis impetu rumpetur, quorum leges donationibus coniugalibus datæ pertinebant. Aliis prorsus moribus hodie viuunt coniuges in qua nobis sunt sancta et indissolubilia Germania, quibus matrimonium debet esse *sanctum*, *indissolubile*, *perpetuum*, omnis vitæ consortium, omniumque calamitatum solamen. Atque cum ius canonicum hanc vitam hos mores in coniugibus postulet, videamus, an diuersum ius circa donationes inter virum et uxorem introduxerit.

§. XXVIII. Hoc iure vero nihil noui esse introductum, ius canonicum enim conspirat cum iure civilis quilibet obseruabit, qui vel GREGORII IX. sententiam in c. 8. X. de donat. int. vir. et vxor. intuebitur, quæ iuris Romani compendium succinctum exhibet. Ait pontifex: *donatio, quæ, constante matrimonio, inter coniuges dicitur esse facta, ex quo alter locupletior, et pauperior alter efficitur, firmitatem non habet, nisi donatio obitu confirmatur: quæ*  
Tom. IV. Ccccc tamen



huius ratio  
traditur.

tamen penitus evanescit, si reuocetur ab eo tacite vel expresse, vel qui donatum accepit, prius natura debitum persolvat. Neque adeo mirandum est, pontificem in iuris Latii substituisse. Hæc imprimis Romæ et in curia Romana perpetuum vigorem quandam conseruarunt, seculo XII. magis corroboratum, auctum, et per totam Italiam dispersum, vt tempore GREGORII IX. vires ante fractas recuperauerit. Seculi illius tenebræ, quibus iuris Romani rationes inuolutæ erant, non permiserunt, vt pontifex sub examen reuocaret, vtrum connubiis, iure canonico nouiter efformatis, et a laxitate iuris antiqui purgatis, hæc de donationibus interdictis scita conuenirent, nec ne? sed lex antiqua, in vsum Latii potissimum antiquitus scripta, sine iudicio repetita et propagata est.

per iuramen-  
tum tamen ir-  
reuocabiles fe-  
cit donationes.

§. XXIX. Aliquid noui tamen ius Canonicum donationibus hisce addidisse, vnde robur irreuocabile acquirere queant, omnes fere vno ore fatentur, vt mirandum sit, GREGORIVM IX. eius in cit. ix. inmemorem fuisse. Iuramentum intelligo, quo firmatæ plenum robur obtinent, et quidem arg. c. 28. X. de iurei. Cautum enim est ab INNOCENTIO III. qui ante GREGORIVM IX. sedem Romanam tenuit, ne possent reuocari alienationes rerum dotalium a marito factæ, proprio vxoris sacramento firmatæ, cum in alterius præiudicium non redundet, nec obseruatum vergat in dispendium salutis eterne. Talis alienatio de iure Romano est ipso iure nulla, licet non absolute prohibita fuerit, cum volente vxore subsistat in perpetuum. Donatio itidem ipso iure nulla est, volente tamen vxore valet; neque enim eam reuocare cogitur. Sicuti ergo alienatio iureiurando vallata robur validissimum acquirit, ita etiam donatio religione iurisiu-

risiurandi munita efficax redditur, omnisque reuocandi ratio excluditur, vt pluribus euincit SERAPHIN de SERAPHINIS *de priuil. iuram. priuil.* 71. n. 3. *sqq.* Plures eam nec iuramento conualidari censuerunt, quos laudat BENCKENDORFF *ad cit. tr. n. 1.* quorum doctrina reprobari nequit, ad *iuris ciuilis* regulas composita: *l. 5. C. de LL. de iure canonico* autem admitti nequit, vt modo declaratum est. Id tantum in questione est, quo iure hodie vtamur, et <sup>quo iure hodie</sup> <sup>vtimur</sup> vtum hoc illi praeualeat in Germania? quod affirmant, quotquot iurisprudentiam Germaniae illustrant, vt plenius ostendit Dn. PRAESES *tom. 1. iur. eccles. tit. de iurei.* Si ergo vel maxime iuris Romani de hisce donationibus principia ad fora Germaniae tracta sunt, (quod de quibusdam prouinciis negari nequit) palam tamen atque manifestum est, de nouo multum de eius obseruantia relaxatum fuisse. Quia enim iuramentum donationum reuocationem impedit, semper in potestate donantis est, ita loci thori donare, ne vquam irrita reddi queat liberalitas. Regulariter enim qui donat, de reuocatione sui beneficii non cogitat, quin potius perpetuum ius in alterum transferre intendit. Facillime ergo induci potest, vt iuramento eam firmet, ad quod eo pronior erit, quo propensior eius voluntas erga donatarium in ipsa donatione apparet.

§. XXX. Accedit vero ex iuris canonici principiis alia ratio, quae vt plurimum huius doctrinae executionem et applicationem impedit. Sicuti enim *diuortiorum facilitas* vel *frequentissimus vsus* faciebat, ne, mutato licet connubiorum statu, iuris vetustissimi dogma circa donationes inter virum et uxorem aboleri posset; ita postquam, ex causis admodum grauissimis, in iure canonico prorsus abolita, imo vsus di-

*Impedit quoque hodie reuocationem diuortiorum exclusio*

vortiorum adeo inter protestantes restrictus sit, ut ex paucissimis causis locum habere queat; quamdiu concordia inter coniuges viget, quæque regulariter in perpetuum subsistere debet, de reuocandis donationibus non cogitant coniuges, et ita, abstrahendo ab aliis etiam causis, nunc ne quidem tangendis, contingit, ut casus rarissime emergant, quibus de his reuocandis donationibus agitur. Equidem allegant, mortuo donatario ante donantem, adhuc hodie huic facultatem reuocandi superesse, quod tamen itidem rarissime contingit, quia vix vlla prouincia deprehenditur, quæ de *successione coniugum*, qua reuocatio ut plurimum impeditur, aliquid non disponat, ut Dn. PRAESES mihi retulerit, sibi nunquam casum de reuocandis his donationibus occurrisse, quantum quidem memoria assequi potuit.

et iuris Germanici propria ratio

qualis est (1) communio bonorum

§. XXXI. Neque enim tantum ex his causis, sed etiam ex iuris Germanici propriis principiis, quæ prorsus aboleri non potuerunt, effectum est, ut huius doctrinæ cultura ut plurimum effectui carere debeat, quod nunc specialius docendum est. Ante omnia quædam principia, iuri Germanico antiquo propria, quibus res coniugum regebantur, præmittenda sunt, ut inde recte iudicare liceat, quatenus inter coniuges donationes fieri potuerint? Primum est, fuisse ex lege inter coniuges Germanorum quandam *bonorum communionem*, quæ altas radices egit, ut ne quidem per iuris Romani receptionem eradicari prorsus potuerit, sed eius vestigia passim adhuc supersint. Multo legum antiquarum et hodiernarum apparatu hoc probatum dedit, atque illustravit Dn. de LVDEWIG *diff. de success. coniug. diff. 2. lit. II. it. diff. de dote et donat. propt. nupt. diff. 7. in not. ut* fere

fere mihi hac in re otium fecerit. E re tamen erit, leges primarias Germaniae hic repetere atque illustrare. In iure Saxon. Prouinc. l. 1. art. 31. hæc generalis regula præmittitur: Mann und Weib haben nicht gezwepet Guth zu ihren Leibe. Hoc iure ergo possident bona *pro indiuiso*, in communione, quamdiu viuunt, quod innuunt verba: zu ihren Leibe; mortuo quippe alterutro, communio per *diuisionem* tollitur, quod vel *statutariae coniugum successiones*, uti vocantur, adhuc innuunt, quæ cum antiquitus ex communi patrimonio magis iure *diuisionis* facta fuit, ita adhuc hodie in dubio ex bonis vtriusque coniugis instituenda est. Quandoque tamen subsistit, si videlicet ex eo matrimonio liberi adsunt, cum quibus *communione* superstes, repudiatis secundis nuptiis, continuat, ut plenius euincit B. HARPRECHT de *usufruct. statutar. materno*. Addit vero Saxo: Kein Weib mag auch ihres Guths nichts vergeben, ohne ihres Mannes willen, daß er es durch Recht leiden darff, quod per alienationem bonorum vxor præiudicaret marito, iure *communio- nis* patrimonio vxoris vtenti, redditusque inde percipienti, quod ius Icti vocare solent *usufructum maritalem*, termino ex iure *Latii* petito, sed non adeo commodo, quod plus sit percipere commoda ex bonis iure *communio- nis*, quam *seruitutis*, in sensu iuris Romani intellectæ. Denuo vero addit Saxo: wenn ein Mann ein Weib nimmt, so nimmt er sie in sein Gewehr, und alles ihr Guth zu rechter Vormundschaft. Est ergo vxoris tutor legitimus, et omnia eius bona simul cum ea possidet, et quidem cum pleno effectu, quia vox Gewehr indigitat *possessionem cum pleno iure*, omnia commoda *ordinaria et extraordinaria* inde percipiendi, sicuti emtori eiusmodi possessio est præstanda, id quod ni fiat, venditor eo nomine *euictionem* præstare tenetur, quod vo-

ut quæ mari-  
tus vxoris bo-  
na pleno iure  
possidet

quod illustra-  
tur ex iure  
Sueuico

et diuersitas  
Romano iure  
ostenditur

enius usus ad  
huc hodie su-  
perest

cant die Gemehr leisten. In *speculo Sueuico* c. 50. iuxta edit. SCHANNATTI p. 196. et c. 271. iuxta edit. Dn. BERGERI p. 56. idem ius traditum est: Mann und Weib mögen nit haben kein gezwaites Guth. Similiter: ein Weib mag ihrs Guths nit geben hin an ihrs Manns Urlaub und an seinen Willn. Additur in *codice Bergeriano*: noch ein Mann an (vel ohn) seines Weibs Willen, quod et uxoris propter communionem interlit, ne bona diminuantur. Equidem olim etiam iure Romano quaedam *communio* inter coniuges vsitata fuit, vt ante declaratum est; verum ab hac, quæ inter Germanos obtinuit, longe diuersa. Iure Romano enim vxor erat in *manu mariti*, et vxoris bona ad maritum deuolvebantur, vt magis iure *proprietas* ea possideret, solo vsu communi relicto vxori, cum spe succedendi, vt plenius supra traditum est. Ast iure Germanico vera magis *communio* inter coniuges locum habuit, ex natura *societatis indiuidue et ætissimæ*, quæ in coniugio deprehenditur, quod Germani magis simplicitatem iuris Gentium secuti videantur, cum Romani suam communionem vel quasi ex alio subtiliori et rigidiori fundamento traxerint. Atque hæc *communio* adhuc hodie retenta et propagata est ex legibus recentioribus Francorum, Thuringorum, Westphalorum, Saxonum, Marchicorum, imo ipsius patriæ mez aliorumque, vt plenius demonstrat docetque Dn. de LVDWIG, cit. l. Imo magis aucta est hæc *communio*, postquam distinctio inter bona *hereditaria* et *acquisita* in plerisque locis est abolita, et sublata tum per *iuris Romani* receptionem, quod hanc differentiam ignorauit: tum per pontificis bullam, quæ in fauorem piarum causarum inprimis huius iuris distinctionem damnauit et abolendam esse censuit.

§. XXXII. Infinita hanc communionem bonorum confirmant corroborantque *monumenta antiqua*. Loquantur diplomata et chartæ, donationes ecclesiis non aliter quam *communi consensu et communi nomine factas fuisse*, adeo, ut si *principaliter* maritus donauerit, simul tamen *uxoris suæ mentionem fecerit*, ut cum ea donare videretur, licet *principaliter* disposuerit. In *tradit. Fuldens.* a SCHANNATTO editis n. XII. occurrit charta de anno 757. hæc fórmula: *Ego Rotbarius et coniux mea, Sana mente sanoque consilio -- donamus etc.* Mox solus Rhotarius loquitur: *si quis vero, quod futurum esse non credo, si Ego ipse aut aliquis de heredibus meis vel proheredibus etc.* Sub N. XX. fórmula de anno 765. hæc occurrit: *nos bini Hobbertus et coniux mea Rhuada portionem nostram tradimus etc.* et paulo post: *quantum nobis genitores nostri dimiserunt, et nos ipsi conlaborati habemus*, quæ verba argumenta communionis et acquæstus conjugalis inferunt. Alia charta de anno 765. sub N. XXV. it. XXXIII. sistitur ibi: *quicquid ad nos noscitur peruenisse.* N. XXXVII. ibi: *totum laborem nostrum.* N. XL. ibi: *post nostrum amborum discessum donamus etc.* quo ipso communicio in vita denotatur. Pariter N. XLI. ibi: *post obitum nostrum hæc omnia tradimus.* N. XLII. ibi: *post nostrum et filiorum nostrorum discessum.* item N. LXIV. LXXXV. Speciatim vero N. LXXXVI. charta occurrit d. anno 788. sub hac fórmula: *Ego Waluramus et coniux mea Waltrat -- hoc est quod donamus: in pago Wormacinsæ in villa quæ dicitur Trushamersheim, quicquid Waltrat ibi videtur habere etc.* quibus verbis maritus simul donat, quod uxoris ante matrimonium fuerat, de qua sola vxor, marito invito, nihil donare poterat. Sub N. LXXXVIII. similis donatio *communi nomine* occurrit sub hac fórmula: *quicquid proprietatis habemus ex iure*

*communicatio hæc ex antiquis chartis illustratur*

*quæ ostendunt maritum ecclesiis non aliter quam cum consensu uxoris donasse.*



iure parentum et alio quocunque modo acquisitum, item N. XCII. XCIII. XCV. XCVII. ibi: quicquid proprietatis habemus. N. XCVIII. et C. ibi: quod mihi Alsfride, pater meus Althurinus ex iure proprietatis sue in hereditatem reliquerat, et omne quod postea ibidem exquisitum et elaboratum habemus. Porro N. CI. ibi: quicquid simul elaboratum habemus: hodie die Errungenschafft. N. CXXII. ibi: quicquid nobis ex parenteli iure hereditauerunt parentes nostri. Conf. N. CXXX. CLVIII. Notanter vero N. CLIX. vxor sola donat, hac tamen conditione: ut per vestram pręstantiam illud maritus meus Odilmar et filius meus Gerwin habeant ad vitam illorum. N. CLXI. ibi: quicquid proprietatis habemus. conf. N. CLXV. CLXXVII. CLXXXII. CXCVIII. CCIX. CCX. CCXII. CCXLI. CCXLII. CCLXXII. CCCIII. CCCXV. Sed et N. CCCLXV. maritus principaliter quidem, nominata tamen simul vxore, donat sub hac formula: Quicquid ibidem de alode parentum et qualibet ex causa ad me noscitur peruenisse. Speciatim vero N. CCCLXXVI. de anno 824. occurrit formula: communibus manibus tradimus, quę etiam repetitur N. CCCLXXIX. CCCCVIII. CCCCL. Pręterea sub N. CCCCLII. de anno 842. occurrit formula: Ego Gunthram cum coniuge mea Othrada trado de rebus meis mihi diuinitus collatis - quicquid moderno tempore iuste et legaliter proprietatis habeo, -- de iure meo in ius et dominationem S. Bonifacii trado, qua formula aperte innuitur, maritum de bonis suis sine consensu vxoris nihil donare potuisse. Confer. pręterea N. CCCCLXII. CCCCLXV. CCCCLXXV. CCCCLXXVIII. CCCXCIV. CCCXCVI. etc. Singularis sub N. DCLIV. occurrit charta de anno 1239. vbi donat Geslarus de Hofelstain sub hac formula: communicato consensu coniugate meę Mechtildis. item N. DCLVI. ibi:

ibi: *coniuncta manu tradimus*, quæ formula etiam repetitur N. DCLVII. Similes formulæ etiam occurrunt apud MICHELBECKIVM in *bistlar. Frising. tom. 1. P. 2. vbi n. 29. donat Onolfus cum coniuge sua manu commune. N. 31. ibi: cum consensu conjugis mee. N. 38. ibi: ego ipse simulque cum illa tradidimus. N. 56. et 57. ibi: Ego Regiinob pariter manu communi filii mei Hertolti nec non et coniuge mee - - rem propriam et Alodem nostram - - tradimus. Item N. 64. 89. 95. 153. ibi: *trado cum consensu mariti mei, nomine Anno, propriam hereditatem meam - - quod ego de propria mea hereditate cambiaui atque acquisivi. N. 175. ibi: hæc trado presente marito meo. Conf. N. 178. 179. Sub N. 188. occurrit donatio Altmanni, qui tradidit, quicquid in suam partem ei evenit hereditatis, quando cum filiis suis partiuit; qualis formula etiam N. 202. occurrit. Mortua enim vxore maritus cum liberis communia bona possidet, donec secundum leges, diuisione facta, a communione recesserit. Confer porro N. 189. 196. 198. 210. 265. ibi: *communis manibus tradiderunt. N. 428. 440. 454. ibi: quicquid proprio hereditatis aut acquisitorum presenti tempore habere visi fuimus. Porro N. 461. ibi: tradiderunt communibus manibus. N. 484. 635. 651. 675. ibi: cum consensu et conuiuentia vxoris mee. N. 676. ibi: presente coniuge sua tradidit.***

§. XXXIII. Secundum principium iuris Germanici con-<sup>(2) Distinctio</sup> cernit differentiam bonorum et quidem *immobilium*, in quibus Germani primum suum constituerunt patrimonium, <sup>inter bona hereditaria et acquisita</sup> utpote in quæ affectio hominum singularis cadere solet. Dq. THOMAS. in *select. feud. §. 6. p. 13. seq.* Diuiserunt vero immobilia in *acquisita et hereditaria*. Illa dixere, quæ a presente possessore nouiter titulo *singulari* acquisita erant;

Tomi. IV.

Ddd dd

quæ

quæ autem per viam *successionis* seu titulo *uniuersali* obue-  
 nerant alicui, *hereditaria* dicta sunt. Vtriusque patrimo-  
 nii; antiquitus distincti, passim fit mentio in antiquis mo-  
 numētis. MARCVLEVS enim lib. II. c. 7. discrimen hoc æ-  
 curate obseruat, aiens: *Dono tibi omni corpore facultatis*  
*meæ ubicunque, vndecunque tam de HEREDITATE parentum,*  
*quam de COMPARATO vel quod PARITER LABORAVI-*  
*MVS. CONF. IDEM lib. I. c. 33. et in appendice Formul. apud*  
*BALVZ. c. 46. p. 461. item c. 47. 49. 52. etc. Apud Dn.*  
*de LVDEWIG in MSCr. reliq. tom. II. p. 365. occurrit for-*  
*mula: possessionis nostræ tam hereditariæ quam acquisitæ. A-*  
*pud MEICHELBECK in histor. Frising. tom. I. p. 2. N. 140.*  
*adeſt formula: tam de proprio quam de acquisito; et N. 194.*  
*ibi: propriam hereditatem atque emticam it. N. 169. ibi: pro-*  
*prie hereditatis vel acquisitionis quicquid habere videtur. In*  
*tradit. Fuldens. a SCHANNATTO editis n. 36. sequens est for-*  
*mula: quem genitor meus et genetrix mea mihi moriens dere-*  
*liquerunt, et ego ipse comparaui, aut de qualibet tracto, aut*  
*de comparato mihi prouenit. Item N. 63. ibi: de allodio pa-*  
*rentum meorum vel de quolibet prædio ad me adtracto. N.*  
*88. ibi: quicquid proprietatis habemus ex iure parentum et*  
*alio quocunque modo acquisitum. N. 140. ibi: tam de pater-*  
*no, quam de materno et aliunde exquisito item N. 145. vbi*  
*expressior formula adeſt: quicquid mihi pater meus et mater*  
*et fratres hereditauerunt, et proprio elaboratu acquisui.*  
 Ratio diuerſa horum bonorum hæc fuit, quod *acquisita* sub  
 libera dominorum dispositione essent; non item *hereditaria*,  
 quæ sine legitimorum heredum consensu alienari non potue-  
 runt, excepto vrgentis necessitatis casu, vt tamen his ius  
 retractus saluum esset. In iure Saxon. prouinc. lib. I. art.  
 54. expresse disponitur? Ohne des Richters Urlaub mag ein  
 Mann

Mann sein eigen wohl vergeben mit der Erben Günst. It.  
*in art. 52.* Ohne der Erben Laub und ohne Gerichte mag  
 kein Mensch sein eigen Guth noch seine Leute vergeben.  
 Equidem in genere Saxo hoc ius assignat dem eigen Guth,  
 quod in sensu vulgari de vtroque accipi potest patrimonio.  
 Verum recte observauit Dn. de LVDEWIG *diff. de dona-*  
*tion. c. VI. §. 5.* vocem eigen in sensu iuridico accipien-  
 dam, vt designet *allodium*, quod Saxo male expressit per ap-  
 pellationem des eigen, loco, cuius potius nomen des Erbs  
 Guths substituere debuisset, quod veteres *allodium* dixeret.  
 Quid? quod ex adductis formulis liqueat, *hereditaria* pri-  
 mario olim propria et *acquisitis* opposita fuisse. Hac de  
 causa in antiquis monumentis, vbi de alienatione *bonorum*  
*hereditariorum* agitur, passim clausula: *cum consensu here-*  
*dum meorum*, adiecta deprehenditur, vt in *tradit. Fuldens.*  
*N. 168.* Ego Bleonsiind talem portionem, que mibi a paren-  
 tibus meis in pago lagesgerue in villa Mechtamulin proprie-  
 tatem HEREDITARIO IVRE contigit, consentientibus fra-  
 tribus ac sororibus meis, nulloque parentum meorum et affini-  
 um contradicente etc. In *MSCt. reliq.* Dn. de LVDEWIG  
*tom. II. p. 237.* diploma de an. 1271. habet hanc formulam:  
*cum consensu et conuiuentia heredum meorum.* Et p. 254. in  
 diplom. de anno 1307. ibi: *consensu omnium meorum here-*  
*dum consanguineorum et nepotum.* Pariter in diplom. p. 364.  
*consensu legitimorum heredum nostrorum* et p. 365. *assensu fi-*  
*liorum meorum*, nec non p. 462. in diplom. de anno 1317.  
 quo quidem donauerat proprietatem, que ad se ex obitu pro-  
 pinquorum iure hereditario fuerat deuoluta, et quidem sub  
 hac clausula: *de consensu predictorum heredum meorum.* Si-  
 milis tenoris formulæ occurrunt *tom. I. reliq. p. 24. 35. 48.*  
*52. 53. 109. 117. 185. etc.* In *annal. Frisingens. MICHEL-*

Inde in alie-  
 natione here-  
 ditariorum  
 consensus he-  
 redum sumen-  
 ito

BECKII tom. I. p. 2. N. 55. adest hæc formula: *assistente cle-  
ro vel plebe nec non et generibus meis atque cognatis consen-  
tientibus.* Item N. 162. *cum consensu fratrum suorum.* Ob-  
servavi tamen sæpissime donata esse ecclesiis *hereditaria* bo-  
na non adiecta prædicta clausula, quales donationes depre-  
hendi in tradit. *Fuldensibus* sub N. 47. 48. 61. 63. 79. 80. 83.  
88. 100. 111. 117. 118. 119. 122. 143. 182. 244. 289. etc. in quibus  
chartis satis euidenter *bona hereditaria* memorantur, nulla  
tamen facta mentione *consensus et consuetudine heredum*, ad-  
eo ut probabile sit, eum adhibitum non fuisse. Ut ergo hi  
ab evictione horum bonorum detererentur, variz *execa-  
tionum* clausulæ adiectæ sunt, aliaque mala heredibus pro-  
posita, quorum metu plerique ius suum derelinquere co-  
acti sunt.

*Inde commu-  
nionis diversi-  
tas demon-  
stratur.*

*Hereditaria  
nequidem ma-  
rito donabat  
uxor sine con-  
sensu heredum*

§. XXXIV. Quæ cum ita essent, facile liquet, bona  
inter coniuges pro diuersa eorum indole fuisse communia,  
acquisita quidem *pleno iure*; hereditaria vero duntaxat quoad  
commoda et emolumenta constante matrimonio. Neque  
enim meo iudicio fas fuit uxori aut marito, per nuptias sub-  
trahere heredibus legitimis bona *hereditaria*, adeo ut hequi-  
dem uxori integrum esset, ea marito *sine consensu heredum*  
donare, ut dicitur *lib. I. iur. prouinc. Sax. art. 31.* Darum  
mag kein Weib ihren Mann eine Gab geben an ihren eigen,  
(de bonis hereditariis) oder an ihrer fahrende Haabe (quam  
*geradam* vocant, in quam proximæ cognatæ ius habent) daß  
sie es ihren rechten Erbe nicht entfremde nach ihren Tode.  
Quale ius vero maritus in hæc bona consequatur addit sta-  
tum Saxo: Denn der Mann mag an seines Weibes Guth  
kein ander Gewehr gewinnen, denn als er zu dem ersten mit  
ihr empfang in Vormundschaft. Accepit videlicet *possessio-  
nem*

nem bonorum horum cum iure percipiendi redditus ex legibus  
*communione*, quatenus eam natura bonorum passa est. Ma-  
 ritus pariter de iure veteri *dotalitium* vxori in bonis *heredi-*  
*tariis* non aliter assignare poterat, quam cum consensu he-  
 redum, vt prouitum est in *Spec. Suevo* c. 68. iuxta edit.  
 SCHANNATTI. Es gibt ein Mann sein eigen seinem  
 Weipp woll zu Leibgedinge mit der Erben Uthlaub. Spe-  
 cialis exceptio erat in *morgengaba* iuxta c. 67. quæ ex his  
 bonis poterat dari, ane seiner Erben Uthlaub. Idem ius quo-  
 que refert Saxo *lib. I. iur. prouinc.* c. 21. Man mag Frauen  
 woll eigen geben zu ihren Leib mit der Erben Laub. Un-  
 de rursus liquet, id ex qualitate horum bonorum peculiari  
 tractum fuisse.

§. XXXV. Tertium iuris Germanici principium con-  
 stituitur in *acquæstu coniugali*, cuius in formulis §. 33. ad-  
 ductis facta est mentio v. c. quod pariter laborauimus, illem,  
 de collaborau nostro, vel quicquid simul laboratum habemus,  
 quæ formula §. 32. adducta est. Atque hæc bona *communis* *proprus inter*  
*coniuces com-*  
*munis* *laboris* *acquisita* potissimum et principaliter inter coniuges  
 erant communia, quod coniuges apud Germanos ab antiquo  
 laborum communium socii fuerint. Testis est Tacitus de  
*moribus German.* c. 18. Ne se mulier extra virtutum cogita-  
 tiones extraque bellorum casus putet, ipsis incipientis matri-  
 monii auspiciis admonetur, venire se *LABORVM* periculorum-  
 que *SOCIAM*, idem in pace, idem in prælio passuram ausu-  
 ramque. Hoc iuncti boues, hoc data arma denunciant. Di-  
 versis plane moribus vivebant vxores Romanæ, in quarum  
 oppositione sine dubio TACITVS hoc adduxit, qua de cau-  
 sa non mirandum, quod diuerso etiam iure vñ fuerint. Vi-  
 delicet sicuti durante coniugio id, quod *communis* opera ac-



quisitum, commune est secundum principia iuris Germanici; ita necesse fuit, ut, soluto matrimonio, quoque superstes partem de *acquæstu coniugali* ferret, non iure *successionis*, sed *societatis*, atque *communione*. Inde vero manifestum redditur, (1) hanc *acquæstum* communionem non ex conventionem quadam, ut censet LAVTERBACHIVS de *societ. bonor. coniug. c. II. §. 1.* sed potius ex *statu ipso coniugii*, secundum mores Germanorum considerati, fluxisse, eique intime adhæsisse, adeoque *statuta*, quæ adhuc idem disponunt, ut speciatim *ius patrum provinciale P. 4. tit. 5. §. und dam*, cum pluribus aliis vicinis, adhuc vestigia iuris prisce Germanici aperte docere, nec temere ex iure Romano, sed ex propriis fontibus explicanda esse. (2) Illud quoque certum est, non demum ante aliquot secula, ut ait IDEM *cit. l. c. II. §. 7.* sed ab omni ævo, quo Germanorum notitia inualuit, hanc *communione* obtinuisse, et statutis demum repetitam esse. (3) Regulariter huc referri debent, quæ constante matrimonio acquisita sunt, modo utriusque convenient: feudum constante matrimonio acquisitum a marito vel ideo quoad *substantiam* non fit commune, quod soli marito eiusque heredibus masculis datum sit; cetera autem ordinarie communia sunt, quod pluribus LAVTERBACH *c. IV. cit. l.* explicat. conf. B. D. de LYNCKER de *acquæst. coniugali*. ABRAHAMVS A WESEL de *connubiali bonorum societate* B. Dn. HARPRECHT de *usufructu statut. materno*, in quo imprimis infinita *communione* *pristinæ* vestigia occurrunt, quæ non statutis novioribus debentur, sed *statui matrimoniorum* peculiari, quo Germani a Romanis magnopere erant distincti.

§. XXXVI. Erant itaque, vt hæc tria capita contraham, <sup>communio in Germanor</sup> apud Germanos olim omnia bona *communio* durante coniu- <sup>ceniges 1000</sup> gio, *hereditariis* duntaxat exceptis, quæ quidem in *commu-* ni habebantur usu, citra tamen præiudicium proximorum consanguineorum, quibus ius succedendi in illa eripi non potuit. Huc collineat Ictus Belgæ 10. CATSIVS p. 2. emblem. 22. aiens: maiorum nostrorum æu tum adhuc exstarent veteris vestigia recti, una erat ac simplex fere matrimoni ineundi ratio, vt iuxta eam nuptiis omnium bonorum societas inter coniuges videretur contracta. Idem quoque obseruat WESELYS de connubiali bonor. societ. tr. 1. n. 17. docetque ex hoc fonte communi adhuc hodie in Belgio superesse bonorum communionem multisque aliis in locis. Quæ cum ita sint, faesse liquet, an et quatenus inter coniuges donationes fieri possuerint? Etenim 1) expeditum est ex antea dictis, donationes rerum hereditariarum fieri non potuisse, non quidem ex rationibus iuris Romani, sed ex propriis causis, quod legitimis heredibus hæc interuerti non potuerint. Ita enim <sup>rerum hereditariarum donatio non habebat locum inter coniuges</sup> perspicue traditur in iure prouinc. Suevic. c. 88. ex edit. SCHANNATTI vel c. 272. p. 57. iuxta edit. Bergerianam. Ein Weib mag ihren Mann sein Erbe geben, daß sie dennoch nicht geerbet hat und daß sie noch wartet zu erben; also mag auch der Mann seinem Weib noch niemand dem andern sein Erbe geben, daß er dennoch nicht geerbet hat. Verba hæc duntaxat videntur excludere bona hereditaria futura, quorum successionem sperat coniux; sed non alia ratio huius dispositionis est, quam quod hereditaria siue presentia siue futura ab omni donatione exempta sint, nec legitimis heredibus interuerti queant, adeoque etiam ad presentia hereditaria hæc verba applicari possunt, quod ex iure Saxon. prou. lib. 1. art. 31. iam antea explicauimus atque illustraui. (2) Pa-

Nisi consensus  
 rindam dona-  
 deputat ma-  
 rito.  
 ri ratione uxori integrum non fuit, de bonis *geradicis* ali-  
 quid marito donare, quæ iure antiquo ad proximas agnatas  
 deuolutæ sunt. Vtrumque coniungit Saxo *cit. l.* Darum  
 mag sein Weib ihren Mann eine Gabe geben an ihren etgen,  
 (de bonis hereditariis) oder an ihrer fahrenden Haab, (quæ  
 mobilia olim possedit mulier, *geradica* erant) daß sie es ih-  
 ren rechten Erben nicht entfremde nach ihren tode. Rursus  
 hæc prohibitio debetur iuri Germanico, quod vel inde li-  
 quet, quia tantum hæc donationes sunt prohibitz, nullius-  
 que valoris, inuitis legitimis heredibus. Ergo consentien-  
 tibus iis permissum est uxori et res *hereditarias* et *utensiles*  
 marito donare, quod a contrario sensu colligitur. Neque  
 enim iure Germanico donatio *absolute* prohibita fuit inter  
 coniuges ex ratione *matrimonii*, vti penes Romanos moris  
 erat, sed ex *qualitate bonorum*, quæ in præiudicium eorum,  
 quibus ex *lege Germanica* debebantur, in alium quemcun-  
 que, et sic nec in maritum, nec ab hoc in uxorem, trans-  
 ferri poterant. (3) Quæ ante matrimonium titulo singulari  
 ab alterutro, vel etiam constante coniugio *communi labore*  
 vel *opera* acquisita erant, communicabantur inter coniuges,  
 et *pro indiuiso* communia erant, vt alter sine alterius consen-  
 su eadem per donationem minuere non potuerit. Volente  
 et consentiente altero valida erat harum rerum donatio in  
 quemcunque, quod ex variis diplomatum formulis iam su-  
 pra illustraui, quia in tali donatione duntaxat præiudicium  
 coniugis aderat, cui integrum fuit, iuri suo renunciare. Ne-  
 cesse tamen erat, α) vt donator sanus esset corpore et ani-  
 mo, vt periculum bonæ valetudinis facere posset, quod plu-  
 ribus egregie edocet Dn. de LVDEWIG de donat. diff. III.  
 c. 6. β) vt in immobilium donatione *auctoritas iudicis* ac-  
 cederet per *ius prouinc. Saxon. lib. I. art. 8. c. 52.* Equidem  
 his

modo sanus es-  
 set dans

et auctoritas  
 iudicis acce-  
 deret

his euidenter contradicere videtur Saxo *lib. I. art. 52.* his verbis: Wer in Krankheit auch sein Haab und Guth versiebt oder versetzt zu der Zeit, als er es nicht thun mag, das Weib und das Imgesind soll niemand darum beschuldigen, sinthemahl sie des Mannes Gab doch nicht widersprechen möchten, sie wäre recht oder unrecht. Sed res salua est; id tantum quaritur, an regressus sit contra vxorem vel familiam mariti iniuste donantis ideo, quod donationem non impediuerint; si forsan res a donatario recuperari non possit? Hoc negat Saxo, adeoque loquitur de donatione *de facto* a marito facta; quam vxor sua contradictione impedire non potuit; non quod marito ius fuerit, etiam *inuita vxore* donandi, sed quod si illam impedire non potuit, conueniri ab his, quorum interest, non possit. Quæ *inter viuos* maritus alienat, ea non sunt periculo vxoris, sed de iis tantum tenetur, quæ *post mortem* supersunt, vt statim additur: das Weib antwortet für sein Guth des Mannes, dann für das, das zu der Zeit ihres Mannes Todt unter ihr erstorben ist.

§. XXXVII. Sicuti ergo de his *acquisitis* aliquid donare potuit aliis, præsuppositis præsupponendis, ita nulla ratio iuris obstat, quo minus de iis etiam coniux coniugi valide donare potuerit. Equidem SCHILTERVS *ex. 36. §. 101.* contra hanc sententiam adducit textum *iur. Sax. prou. lib. I. art. 31.* qui tamen tantum de *auitis* et *geradicis bonis* agit, in quibus ius est cognatis quæsitum, et quorum consensus in alienationem desideratur, quod tamen non potest trahi ad *acquisita*. Id diserte Saxo *cit. l. art. 52.* de *imobilibus* prædicat; Alle fahrende Haab gibt der Mann woll ohne Laub der Erben in allen Städten und an allen Öhrten.

*Valide coniux  
donat coniugi  
de acquisitis*

Tom. IV.

E e e e

Idem

maxime non  
extantibus li-  
beris

Idem dicendum de *acquisitis immobilibus*, in quibus consanguineis nullum ius quæsitum. Si ergo aliis donare hæc potuit, cur non etiam uxori? Sane *status connubialis*, uti apud Romanos his donationibus non obstabat, nec ratio aderat, cur ex metu diuortii donari haud potuerit; neque *communio* impediēbat donationem, cum etiam res *pro indiuiso* communis locio donari queat maxime liberis non extantibus, quo casu frequentes apud Germanos conjuges erant *donationes reciproæ* vniuersorum bonorum, de quibus disponere poterant, ut docent FORMULÆ MARCVLI *lib. I. c. 12.* apud BALVZ. *tom. II. capitul. p. 381. seq.* ubi additur hæc ratio: *pro eo, quod filiorum procreationem inter se minime habere videntur.* In hoc casu, quia testamentorum usus deficiebat, mutue donationes de omnibus bonis fiebant, quibus reuera *successio pactitia* inducebatur. Similes formulæ occurrunt *lib. 2. c. 7. 8.* imo etiam de rebus particularibus ex SIRMONTI collectione apud EVNDEM *cit. l. p. 477. seq.* quæ tamen iam aliquid ex principiis iuris Romani sapiunt ex imperitia concipientis.

Quo iure ho-  
die utamur?

Rationes pro  
Romani usu.

§. XXXVIII. Conuenire ergo *ius Germanicum* cum Romano videtur, si externum colorem tantum intuemur. Reuera autem magnopere differt, ut hactenus indigitatum fuit. Quocirca paucis adhuc inquirendum, quo iure hodie utamur in prouinciis Germaniæ, Romano an veteri patrio? Illi grauissimum pondus conciliauit *ius canonicum*, quod exacte iuris Romani sententiam regustauit, prout §. XXVIII. obseruauimus, vnico tantum modo superaddito, quo donationes hæc corroborari queunt. Quis autem nescit, quam altas *ius pontificium* radices egerit in foris Germaniæ, adeo ut cladem insignem iuri patrio non tantum intulerit, sed etiam ipsum

ipsum ius Romanum simul in praxin deduxerit, adeo vt in quibus iuris articulis vtrumque ius conspirat, concordatque, magnam in foris nostris habere soleat auctoritatem. Non ergo mirandum, quod *SCILPIO GENTILIS lib. I. de donat. Consensus int. vir. et vx. c. I. circa finem* asseruerit, donationes has interdidas, *palam iure ciuili et pontificio, totiusque,* (addens,) *ut existimo, Europæ consuetudine;* quod dogma etiam suum fecit *LAMBERTVS GORIS tr. I. aduers. c. VIII. n. 6. et ex praxi Belgica illustrat VOETIVS ad tit. de donat. int. vir. et vx. §. 17.*

§. XXXIX. Verum enim verò nec Romana nec cano- *Rationes po-*  
nica scita id efficere potuerunt, vt iuris Germanici princi- *tiores pro Ger-*  
pia in totum abolerentur. Hoc inter coniuges, *qua tales,* *manico*  
seu ex eorum statu non prohibuit donationes, vti quidem ius Romanum, sed impedimenta, quæ his donationibus po-  
tuit, magis ex *qualitate bonorum* deriuauit, vt antea obser-  
uauit. Proinde 1.) nec *morgengabas* in iure Germanico fun- *exemplo mor-*  
datas, euertere potuit ius Romanum, quæ nihil nisi dona- *gengaba*  
tio mariti in vxorem post *primum concubitum* sunt. Audia-  
mus Saxonem *lib. I. art. 20.* Nun vernemt, was ein jeglich  
Mann von Ritters Ahrt mög seinen Weib zu Morgengab  
geben, des Morgens, als er mit ihr zu Tische gehet, vor Es-  
sens ohne der Erben Laub. Si hoc donum secundum regu-  
las iuris Romani esset æstimandum, inualidum censendum  
foret, cum ne quidem ipsa nuptiarum die, matrimonio con-  
tracto, donatio valide fieri posset, vti §. XVI. p. 14. ex l.  
66. de donat. inter vir. et vxor. obseruauit. Pariter in *speculo*  
*Sueuico c. 67. ex edit. SCHANNATTI* iuris antea relati de  
*morgengaba* sententia repetitur, cuius iura specialius non  
euoluam, ab aliis iam satis euoluta. Id tantum inde con-

Eee ee 2

cludo,



cludo, *matutinale* hoc *donum*, quod hodie adhuc superest, optimum præbere argumentum, donationes inter coniuges nec hodie absolute esse prohibitas, idque ex sententia iuris Germanici. Neque audiendum esse censeo, qui donum hoc hodie deberi ex *præcedente pacto*, ante nuptias iniri solito, obiecerit; neque enim tale pactum *absolute* necessarium est, sed maioris tantum securitatis gratia de hoc dono sponsa cum sponso pacisci solet. Sed quid si id non fecerit, si maritus uxori nouellæ, altero die nuptiarum, matrimonio per consensionem thalami iam consummato, sponte tale donum obtulerit, beneuolentiæ coniugalis testandæ gratia? an id reuocare postea posset coortis sorte inimicitiiis? De iure Romano id sine dubio ei integrum foret, non de iure hodierno, ut irrisione dignus foret, cum SICHARDO, qui iuris peregrini doctrinam hic applicaret. Audiamus ipsum SICHARDVM ad rubr. C. de donat. ante nupt. n. 12. confessionem satis ingenuam, sed imperitam simul: *quamuis hodie illa donatio habeatur pro valde valida, propter errorem iuris; tamen ego puto, non tenere propter rationem, quæ traditur communiter in tit. de donat. inter virum et uxorem. Certum enim est, quod illa donatio fit iam constante matrimonio post copulam. Ita si solueretur morte uxoris vel diuortio crederem esse inualidum: ita consului, sed fui irrisus.* Merito suo derisus fuit SICHARDVS, quia in ipsa Germania iura docens demonstrauit, se iurium patriorum prorsus imperitum, et peritia iuris peregrini tantum tinctum fuisse, quod Romani quoque in ICTIS improbarunt, turpe esse, asserentes, causas oranti et multo magis professori, ius, in quo versaretur, ignorare. l. 2. §. 43. D. de orig. iur.

§. XL. Caue vero (2) existimes, hoc vnicum forsan <sup>Superfunt pra-</sup> iuris Germanici vestigium ex ruinis patriorum morum <sup>terea plura iu-</sup> peresse, in ceteris vero ius Romanum vnice attendendum; <sup>ris prisci vesti-</sup> nam quamuis negare nequeam, *ius Romanum*, obstetricante <sup>gia</sup> iure canonico, passim ius antiquum patrium conculcasse, *e-* <sup>in nonnullis</sup> <sup>Germania</sup> <sup>provinciis</sup> ius tamen vsu multarum prouinciarum adhuc conseruarunt, vt demonstratum est a Dn. PRAESIDE in *usu modern. Strykiano* ad *tit. de donat. inter vir. et vxor. §. 3. seqq.* et a LVDEWIGIO de *different. iur. in Scto Vellei. p. 61. seqq.* Iure *Bo-* *russico* et *Lubecensi* coniuges, nullis extantibus liberis, sibi inuicem donare posse, in *usu modern. cit. l. euictum* est, quod iuri veteri, vt *formula MARCVLEI* docent, debetur, non Romano; quamuis enim hoc quoque reciprocarum donationes validae iudicentur, id tamen non aliter intelligendum, quam quatenus *aequales* sunt, *l. 7. §. 2. de donat. int. vir. et vxor.* quod tamen iure veteri patrio ex plena donandi libertate non desideratur. Quod vero liberis extantibus talis donatio permessa haud fuerit, id liberorum gratia factum, ne iis bona debita interuerterentur, quia magis iure Germanico debentur liberis quam iure Romano. De *iure Hamburg. p. III. tit. I. art. 14.* de bonis acquisitis vxor donare potest marito *secundum quid*: Die Erben mögen ihr auch nicht we- gern, ziemliche Gaben, doch nicht über den dritten Theil, ihren Mann zu thun von solcher wollgewonnenen Güthern; wolte sie aber ihr ganze Antheil, ihren Manne die Zeit sei- nes Lebens zu gebrauchen geben, soll er gnugsahme Versiche- rung thun, solche Güther nach seinen Tode den rechten Er- ben unverringert wieder zustellen zu lassen. Noui, quae hic <sup>non iure quo-</sup> <sup>dam non de-</sup> <sup>terminat intro-</sup> obicere soleant amatores iuris peregrini: haec et plura alia <sup>esse</sup> iura particularia, quae qualibet ciuitas sibi pro lubitu <sup>as.</sup> constituere potest: inde non euerti et eneruari iuris Roma-

ni vsum: ius Germanicum iam dudum sepultum esse, frustra-  
ncosque esse eorum conatus, qui iura antiquata resuscitare  
amant: in his non viuendum nec operam iis impendendam:  
regulæ potius standum, quam ius Romanum tradit, incul-  
cat, præscribit, et quæ sunt alia obiurgationum vulgarium  
momenta. His vero et similibus obiectionibus non moueor,  
qui persuasissimum habeo, horum iurium, a moribus Ro-  
manis recedentium, *fontem esse vniuersalem*, pedetentim tan-  
tum in quibusdam inmutatum, et ex iure antiquo patrio  
deriuandum, quo ipso ostenditur, falsum esse, ius hoc in  
totum extinctum esse, imo falsum, hoc ius esse recentius  
aliquod quarundam ciuitatum inuentum, pro lubitu contra  
ius Romanum introductum. Vnde enim adhuc hodie com-  
munio vniuersalis in tot prouinciis superest? vnde *acque-  
stuum coniugali* communis acquisitio, quam ius Wurtem-  
bergicum sancte seruauit, deriuanda est, nisi ex antiquo iu-  
re, quod vel ex TACITI temporibus repeti potest?

*vsum Saxonia*

§. XLI. Adhuc hodie quoque in *Saxonia* permixtæ sunt  
donationes inter coniuges, si a parte vxoris, assistente cura-  
tore, quem ad hunc actum sibi constitui fecit, donatio fa-  
cta, auctore quoque iudice. CARPZOV. p. 2. C. 13. def.  
26. Eodem iure et hereditaria bona sine *heredum* consensu  
donari non possunt, quod iure nouo restrictum est ad libe-  
rorum consensum per *Const. Elect. 12. part. II.* Vnde iusta  
dubitandi causa nascitur; vtrum maritus vxori donare possit  
*hereditaria* sine liberorum consensu? Iure veteri sane id non  
licuit per *art. 31. lib. 1. iur. Sax. prouinc.* quamuis pedeten-  
tim ab hoc in quibusdam recesserit ius recentius. Præterea  
vero iure *Austriaco, Tirolensi, Boico, Marchico, Franco-  
nico, Francofurtensi* aliisque valent donationes huiusmodi,  
maxi-

*et aliorum lo-  
corum*

maxime deficientibus liberis, vt distincte ostendit Dn. de LV-  
DEWIG cit. l. quod aliis locorum statutis quoque firmatum  
dedit HENRICVS GISEBERT. in *pericul. secund. statutor.*  
*art. 37. n. 181.* Quod vero extantibus liberis donationes  
sint interdictæ, id rursus non est ex iure Romano, sed rur-  
sus ex ratione propria domestica, vnice fauorem liberorum  
respiciente, quibus spem succedendi plurimi Germaniæ po-  
puli imminuere noluerunt, vt ostendunt *formule Marculfianæ*  
*antiquissimæ.* His addo *iuris Norici* dispositionem, quæ  
*p. II. reformat. tit. 25. leg. 7.* hoc modo donationes permit-  
tit: So ein Ehegenoss dem andern in seinen Leben inzit bes-  
cheidenlich aus freyer Willkühr schenckete, und unbezwun-  
gen würcklich übergebe und einantwortet, alsß dan ist dieselbis-  
ge Gab oder Schenkung fräfftig. Excipiuntur tantum do-  
nationes *immodicæ*; quæ vero tales sint, iudicis arbitrio æ-  
stimandum est: Welche Gab oder Schenkung für bescheiden  
oder unbescheiden zu halten, soll nach Vermögen des Hin-  
gebers zu Erkänntnis des Gerichts stehen. In casu secunda-  
rum nuptiarum restricta est donatio per *leg. 8.* vt in secun-  
dum coniugem plus per donationem conferri nequeat, denn  
als viel einen Kinde aus erster Ehe oder den Enckelin, die  
anstatt ihrer Väter und Mütter für ein Person zurechnen,  
werden mag. De *iure prouinciali Wurtembergico* idem di-  
cendum esse arbitror, postquam animaduerti, illud quoad  
*acquæstum conjugalem* cum vicinis locorum iuribus conspira-  
re, et se ad mores antiquos Germaniæ conformare, inpri-  
mis quoad coniuges. Optime de *statu connubiorum hodierno*  
edisserit, iudicatque B. Dn. de LYNCKER, *diff. de acquæst.*  
*coniug. §. 12. in f.* et, *Hodie*, ait, *propter communia lucra*  
*sunt prorsus aliter uxores in domo mariti constitutæ, ex con-*  
*suetudine patria, ex ordinationibus et statutis: non propter*  
*solam*

De iure Wür-  
tembergensi  
speciatim hoc  
ostenditur

*solam prolem, siue generationem liberorum, sed mutuum quoque auxilium in acquisitione coniugali. Romani solum restituebant dotem, ad onera sustinendi matrimonii concessam. Germani præter dotem ex matrimonio questum uxori tribuunt, propter communia onera et commoda. Imo in hoc quoque sese conformat ius prouinciale Wurtembergense ad antiqui iuris rationes, quod superstes coniux, abiectis secundis nuptiis, cum liberis ex coniugio susceptis bonis communibus fruatur, ut plenius ostendit B. HARPRECHT in tr. de usu-fruct. statut. materno p. 17. quod ius non aliunde quam ex communione, in quam mortuo coniuge cum liberis incidit, repetendum. Donationem vero tunc demum validam esse arbitror, si matrimonium est improle, prout vicina quoque iura disponunt: quod si enim donatione facta, liberi demum nascantur, donatio quævis, etiam in extraneum irritatur, si vel maxime iuri reuocandi eam fuerit renunciatum, quod hæc renunciatio in præiudicium liberorum vergat, quibus illa fraudi esse nequit v. BESOLD. in disp. ad p. 2. iuris prouinc. Wurtemberg. n. 131. Vel hoc ipsum ostendit, id non petendum esse ex l. 8. C. de reuoc. donat. vtpote cui renunciatio derogat, sed ex limpidissimo iuris Germanici fonte, cuius amor, studium, peritiaque non auellendum a iuris Romani scientia, sed in id desudandum, ut utriusque iuris doctores in Germania ex ipsa rei veritate nominari valeamus.*

EXERCITATIO LXXIII.

AD PAND. LIB. XXIV. TIT. III.

DE

PRIVATIONE DOTIS ET  
SVCCESIONIS STATVTA-  
RIAE EX CAPITE  
ADVLTERRI.

CAP. I.

DE POENA DISCIDII SECVNDVM  
IVS ROMANVM.

ARGVMENTVM.

*I. Diuortiorum ratio præcipue apud Romanos. II. Cura pro conseruanda dote mulieris diuertentis. Inde fauor dotium. III. Nuptiæ sine dote non legitima, nec mulier facile priuatione dotis punita. IV. In poenam discidii tamen priuatio dotis statuta. V. Ante Legem Iuliam actio de moribus recepta. VI. Diuortio culpa uxoris facta, dote mulctabatur, VII. non vero integra, sed parte. VIII. Sententia Legis Iuliæ. IX. Vxore diuertente, maritus partem dotis propter liberos retinebat. X. Diuortio propter mores uxoris facta, pars dotis lucro mariti cedebat, XI. veluti ob adulterium, et religionem peregrinam. XII. Vestigia huius iuris in Digestis. XIII. Aduersus hanc poenam nulla restitutio.*

Tom. IV.

Ffiff

tutio



tutio in integrum. Quando cessauerit poena? XIV.  
 Quam iuris diuortio culpa mariti facta? XV. Poena o-  
 minis cessat, diuortio ex utriusque culpa eneniente. XVI.  
 Diuortiorum libertas lege Constantini restricta. XVII.  
 Iustitiani variae de ea sanctiones. XVIII. Iuris Cano-  
 nici dispositiones.

## §. I.

Diuortia olim  
 libera,

inprimis ad-  
 mittenda in  
 casu adulte-  
 rii,

grauiter apud  
 Romanos vin-  
 dicati.

**L**axissimus olim apud plerasque gentes diuortiorum fuit  
 usus, ut vel ob leuiore causas diuertendi licentia in-  
 tegra, et ita vinculi connubialis sanctitas admodum  
 suppressa atque extincta esset, obseruante SELDENO de v-  
 xore Hebraea c. 22. seqq. Nec minor Hebraeorum libertas  
 in disiungendis matrimoniis fuit, si Hillelianæ sectæ senten-  
 tiam, usu populari fundatam, spectas. In tanto abusu ta-  
 men gentes agnouere, iustius non dari diuortium, quam ob  
 læsam per adulterium fidem coniugalem, qua vxor inprimis  
 pudicitiam suam vulgabat. Neque in hac discidii poena, uti  
 in l. 8. D. de captiu. et postlim. reu. I C T V S poenas violati  
 coniugii vocat, subsistere placuit; plures aliæ, quandoque  
 atrociores, pro populi cuiusuis ad vindictam et æmulatio-  
 nem procliuitate adulteris imminebant poenæ. Apud Roma-  
 nos olim ipse maritus legitimus in vxorem adulteram iudex,  
 et criminis huius erat vindex, tradente DIONYSIO HALI-  
 CARNASSEO lib. 2., rariora tamen huius generis iudicia,  
 quo sanctius in prima Romanorum simplicitate, luxu defi-  
 ciente, colerentur hæc foedera. Nam quod mirandum, re-  
 pudium inter vxorem et virum a condita vrbe vsque ad vige-  
 simum et quingentesimum annum nullam intercessisse, refert  
 VALERIUS MAXIMUS lib. 2. c. 1. §. 4. et regustat TER-  
 TULLIANUS de monogam. c. 9. in fin. primusque huius di-  
 uortii

vortii auctor refertur SPURIUS CARVILIUS non ob vxoris *adulterium*, sed *sterilitatem*, a quo tempore cautiones rei vxoriz necessarias fuisse vias scripsit SERVIVS SVLPICIVS in libro, quem composuit *de dotibus*, obseruante GELIO lib. IV. c. 3., vt quid circa *dotem* reddendam statuendum esset, sciretur.

§. II. Paulisper, vt mores hominum quotidie in deterius ruunt, maior diuortiorum inualuit licentia apud Romanos, quæ ad varia noua iura, maxime circa dotem condendam, aniam dedit. Sicuti enim hæc seminarum vnicum fere patrimonium erat, vnde finito matrimonio viuerent et *inde varia iura orta circa dotem.* pelcerentur; ita magnopere operam dabant, ne hæ vxoribus facile interuenterentur, illisque, vbi ad inopiam essent redactæ, occasio præberetur, illicito quæstu victum sibi comparandi: quo intuitu PAVLVS in l. 2. D. de iur. dot. censuit, *reipublicæ interesse, mulieres dotes saluas habere,* et POM- PONTIVS confirmat in l. 1. D. solut. matrim., adeo vt pro conseruandis dotibus plura iura singularia constituta, l. 18. de rebus aut. iudic. poss. l. 12. qui pot. in pign. hab. nec pacta hisce aduersantia admissa fuerint. l. 5. §. 2. l. 6. de pact. dotal. quin in ambiguis pro dotibus esse respondendum crediderint. l. 70. de iur. dot.

§. III. Tantus semper ardor dotium conseruandarum *Nec nuptia sine dote legitime* fuit, sine quibus nubere non poterant; nam sine dote nuptiæ olim turpes habitæ, et ferme pro concubinato, vt PLAV- TIVS in trinumm. act. III. Sc. 2. vers. 64. testis est:

*Me germanam meam sororem in concubinatum tibi  
Sic sine dote dedisse magis, quam in matrimonium.*

et ita, *dotalibus instrumentis compositis*, hæc, quæ antea concubinaria erat, iusta et legitima fiebat vxor. Non facile ergo vxor dote mulcatur, ne quidem indistincte ob crimina maiora, ob quæ alias bonorum publicatio instabat. Ait VLPIANVS in l. 3. d. bonis damnat. Quinque legibus damnatae mulieri dos publicabatur: maiestatis, vis publica, parricidii, veneficii, de sicariis, quod quidem mariti vel patris gratia, ad quem dos quandoque reuertebatur, constitutum est, l. 5. pr. eqd. sed etiam præterea vxoris causa, quæ nequidem per *deportationem* vxor esse desinebat, si mutua coniugum affectio salua esset. cit. l. 5. §. 1. Quæ cum ita sint, palam est, ne quidem ex causa adulterii dotem integram publicatam fuisse: et licet vxor domo mariti eiecta periculum dotis amittendæ incurreret, non tamen integram eam amittebat, nec præterea facultatem nubendi amittebat, ut iactura hæc dotis reipublicæ non noceret.

In penam discidii tamen priuatio dotis obinebat,

§. IV. Non mihi animus est, omnes adulterii poenas nunc persequi, sed tantum circa *priuationem dotis* occupatus ero, quæ poena *discidii* erat, non tantum in casu adulterii, sed si alias culpa sua diuortio causam dederat vxor. l. 8. de capt. et possim. reu. l. 19. de verb. oblig. *Discidium* enim nihil aliud erat quam *diuortium*, quod per illud *discinderetur* coniugium, atque vxor discedere cogeretur a marito hac formula vtente: *res tuas tibi habeto: res tuas tibi agito.* BRISSON. in comm. ad L. Iul. de adult. l. 28. vel etiam maritus ab vxore, si ille in culpa esset. Notissimus est huius vocabuli significatus, ut non *diffidium* in cit. tx. sed *discidium* legendum sit, quod CHARONDAS in sua editione recte obseruauit. *Diuortium* enim ea voce donotatur, vid. SALMASIVS ad Solin. tom. I. p. 43., adeoque CICERO

orat.

orat. pro Cluent. p. 332. edit. Londin. ait : *sepe fieri diuortia atque affinitatum discidia vidimus.* Imo et in genere illa insignem quandam animorum alienationem inuoluit, quæ in diuortio deprehenditur. Ita CIC. de orat. lib. 3. p. 126. in f. *Hinc discidium illud extitit quasi lingue et cordis.* IDEM in orat. pro M. Caelio p. 447. b. *magnum rursus odium video cum crudelissimo discidio extitisse ; et pro Q. Ligari. p. 448. belli discidio distractus a fratribus etc.* Lege Iulia et Papia etiam de huius discidii poena actum fuisse, ostendit variis argumentis IACOBVS GOTHOFREDVS in quatuor fontibus p. 293. quæ simpliciter poena legum vocatur in l. 19. de verb. oblig., cum conclamatum sit, *appellatione legis vel legum ut plurimum intelligi Iuliam et Papiam, ut docet l. 31. de LL. eiusque inscriptio.* Contenta huius legis et quidem cap. XXI. hæc fuisse tradit Gothofredus : *soluta circa culpam uxoris matrimonio vir quicquid ex uxoris eiusque libertorum bonis ad eum peruenit, aut dolo malo eius factum erit, quo minus ad eum perueniret, tam ipse quam heres eius, quanta pecunia erit, tantum pecunie uxori dato.*

fundata in lege Iulia et Papia.

§. V. Ceterum iam ante leges Iulias de *maritandis ordinibus* obtinebant poenæ discidii, ut disquireretur, cuius culpa factum esset diuortium? Si bona gratia et mutuo consensu discedebant, res salua, et poenæ non erat locus. Si alterutrius culpa, aliud dicendum. Hunc in finem accusatio de moribus locum habebat, quæ erat priuatum iudicium, cum tantum de poenâ civili contentio esset, et ita ab accusatione adulterii, ad publicum iudicium referenda, distinguenda, ut optime obseruat BRISSONIVS ad L. Iul. de adul. c. 19. In l. 1. C. Theod. de dotib. eadem causâ vocatur de moribus actio, asseriturque, eam neque heredi (quia ad vindictam tendebat)

Imo ante eam iam recepta,

Hunc in finem obtinebat de moribus accusatio,

bat) neque in heredem (quia poenam persequabatur) dandam esse. *conf. l. 15. §. 1. solut. matrim.* In hoc iudicio de moribus seu de iniuria illata, sub qua etiam adulterium comprehendebatur, agebatur, et ita coercionem morum continebat; *l. 15. §. 1. solut. matrim.*, quæ quidem in *l. 5. pr. de pact. dotal. publica* appellatur, non alio sensu tamen, quam quo publica dicuntur, quæ ob utilitatem publicam constituta fuere, *l. 38. D. de pact.*, quorum etiam pœna discidii pertinebat, vtut priuata esset intuitu eius, cui applicaretur.

pratore cognoscere,

post diuortium,

non vero censore iudicantem,

Cognitio de hoc iudicio ad prætores spectabat, vt aliarum pœnarum ciuiliū persecutiones eorum potestati subiectæ erant, dato tamen iudice pedaneo. — Docet hoc ipsum *PLINIVS lib. XIV. c. 13.* referens, mulierem, quæ vinum bibisset, et a marito eiecta esset, dote mulctatam fuisse a iudice. *Cn. Domitius*, ait, *iudex pronunciauit, mulierem videri plus vini bibisse, quam valetudinis causa viro insciente, ac dote mulctauit*, post diuortium scilicet, vbi de moribus a marito actum erat. Equidem apud censores de moribus actum fuisse, colligendum videtur ex *AUTORIS* ad *Herennium lib. 2.* Si nihil eorum fieri poterit, vtatur extrema defensione, et dicat, non se de moribus eius apud censores sed criminibus aduersariorum apud iudices dicere, quorum etiam alia loca pertinent, sedulo collecta a *IACOBO RAEVARDO lib. IV. variar. c. 13.*, quæ hunc maximi nominis *ICTUM* induxerunt, vt crederet, hoc iudicium de moribus, quod inter coniuges post diuortium locum habebat, coram censoribus peractum fuisse. Verum hunc errorem iam solide et perspicue refutauit *THOMASIVS de iudic. et censura mor. c. I. §. 2. et c. II. §. 12. sqq.* Videlicet accusatio de moribus sumebatur vel in sensu generali, vel in speciali. In illo mores ciuium lasciui et intemperantes in genere denotabantur, et

et horum iudicium censorum erat: in hoc vero *mores deno-* in hoc iudicio  
*tabant culpam vel iniuriam* coniugis, ob quam *diuortium fa-* de culpa et in-  
*ctum erat*, et cuius nomine ad *pœnam discidii* agebatur, inuria coniugi  
 quod iudicium non poterat non ad prætorem pertinere, sicuti facta ageba-  
*actiones rei uxoriae* et ex stipulatu propter dotem, quibus sur.  
 dos repetebatur, cui repetitioni tamen obstabat exceptio:  
*culpa uxoris factum fuisse diuortium.* Sicuti ergo per mo-  
 dum *exceptionis* coram prætore pœna *discidii* opponi pote-  
 rat, ita etiam coram eodem de illa agendum erat, quod  
 per *actionem de moribus* fiebat.

§. VI. Pœna *discidii* culpa uxoris causati *priuatio dotis* si culpa uxo-  
 erat, siue in *adulterio* siue in alio facto illicito quaesita esset. ris diuortium  
 Iam traditum, uxorem iudice Cn. Domitio, dote multatam factum dote  
 fuisse, quod viro insciente et non valetudinis causa vinum multabatur  
 bibisset, quippe quod *lege Romuli* vxoribus prohibitum e-  
 rat sub pœna mortis teste DIONYSIO lib. 2. Adulteris spe- inprimis ob  
 ciatim *iactura dotis* olim imminabat, quæ causa diuortii adulterium.  
 principalis erat. HORATIVVS lib. I. sat. 3. in fin. hoc indi-  
 gitat his versiculis:

- - - - - vel pallida lecto

*Defiliat mulier, miseram se conscia clamet:*

*Cruribus* (alii *connubio*) hæc metuat, dote deprensa, etc.  
 h. e. metuit dote suæ, ne adulterio deprehensa a viro dote  
 priuetur. Alio testimonio idem illustrat VALERIVS MA-  
 XIMVS lib. VIII. c. 3. §. 3: adducens exemplum Caii  
 Titinii Minturnensis, qui Fanniam uxorem impudicam  
 de industria duxerat, ut eo crimine repudiatam dote *spoliare*  
 posset. Consilium in effectum deduxit, sed Fannia acriter  
 contradixit. Proinde C. Marius *sumtus inter eos iudex*, qui  
 in *conspectu habita questione subductum Titinium monuit*, ut  
 ab



ab incepto desisteret, ac mulieri dotem redderet. Quod cum sepius frustra fecisset, coactus ab eo sententiam pronunciare; mulierem impudicitiae ream sestertio nummo, Titinium summa totius dotis damnauit; (seu ut dotem restitueret) praefatus idcirco se hunc iudicandi modum secutum, quod liqueret sibi, Titinium patrimonio Fanniae insidias struentem impudicae coniugium expetisse. Formulam sententiae, more Romano, ex his VALERII verbis composuit hanc AERODIVS lib. IV. rer. iudic. tit. 17. c. 10. cum liqueat, Titinium patrimonio Fanniae inbiantem, impudicae coniugium expetisse, neque erubuisse, commodum dotis pudicitiae domus suae praepone, videri mulierem impudicitiae sestertio nummo, Titinium turpis questus et auaritiae nomine totius dotis restitutione damnari atque iudicari oportere. Marium postea hostem a republica iudicatum, ope, quacunque potuit, adiuuit Fannia, memor quod impudica iudicata esset, suis moribus, quod vero dotem seruasset, illius religioni acceptum fieri debere, ut iudicat VALERIUS cit. l.

Non tamen  
dote integra.

§. VII. Non adeo autem liquet, vtrum post diuortium ex capite impudicitiae integram dotem refinere potuerit maritus zelotypia ductus. Iudicium C. Marii innuere videtur, magis parte dotis, quam integra mulierem mulctatam fuisse, quia Titinium summa TOTIVS dotis (cuius partem ob mores retinere intendebat) damnasse dicitur, quod ius etiam post has leges Iulias seruatum fuit, ut mox dicendum erit. Nam quae dotis retentiones post has leges memorantur, iam tempore Ciceronis notae fuere, ut his legibus Iulii non nouum ius constitutum, sed antiquum repetitum videatur. Ex quinque enim causis retentiones dotis pro parte memorantur ab ULPIANO tit. 6. instit. §. 9. seqq., inter quas

quas etiam occurrunt hæ: *propter liberos scilicet et morum nomine.* De posteriori causa iam paulo ante dictum fuit. Prioris causa meminit CICERO in *top. c. 4.* *Si viri culpa factum est diuortium, etsi mulier nuncium remisit, tamen pro liberis nihil manere oportet, seu propter liberos aliquid ex dote deducere, quod alioquin post vxoris diuortium fieri poterat.* Pergit CICERO, et hunc adfert casum: *Si mulier, cum fuisset nupta cum eo, quicum connubium non esset (veluti cum peregrino) nuncium remisit, quoniam qui nati sunt, patrem non sequuntur (quem demum sequuntur ex iustis nati nuptiis) pro liberis manere nihil oportet, si vel maxime culpa vxoris, sed citra commissum adulterium, diuortium factum.* Qui enim partem ex dote deducat maritus propter liberos, qui in potestate liberos non habet? vt in notis recte subiungit DIONYSIVS GOTHOFREDVS *lit. f.* Vnde admodum probabile est, easdem retentiones pro parte iam ante leges Iulias obtinuisse, quæ postea etiam in iure nostro memorantur.

§. VIII. Veniamus iam ad *pænam discidii* post leges Iulias de *maritandis ordinibus*. Quæ earum sententia probabiliter fuerit, iam supra §. IV. in *f.* indicatum est. Videlicet, soluto per diuortium matrimonio, multum referebat ad dotis repetitionem, bonane gratia, an alterius culpa matrimonium dissolutum esset? quæ quæstio olim in *rei uxoris actione* locum habebat, vt etiam obseruat QVINTILIANVS *lib. VII. instit. c. 4.*, quippe in qua quærebatur: *utrius culpa diuortium factum esset?* Si *bona gratia* dissolutum matrimonium, vnusquisque suum ius seruabat imminutum, et sic dos integra restituenda; *l. 6. in f. de diuort.*, deficiente enim culpa, *pæna discidii* locum habere non poterat. Sin

*Cessabat pæna discidii, si bona gratia diuortium factum.*

Tom. IV,

Gggg

aliter

aliter diuortium factum, multum referebat, vtrum causam per culpam vel delictum dedisset adulterio, vxor nec ne? *vel absque culpa vxoris* Hoc casu integra dos reddenda erat. Ait IULIVS PAVLVS lib. II. *instit. de dotib.* (quod fragmentum exhibet SCHVLTING in *iurisprud. anteiust. ex Boetio p. 536. et BRISSEON. de solenn. populi Rom. verbis p. 445.*) si diuortium est matrimonii, et hoc sine culpa mulieris factum est, dos integra repetetur. Illo casu multum referebat, vtrum facto simplici mulieris tantum, an ob eius mores diuortium fieret? item an culpa mariti duntaxat, an vero vterque in pari haberet luto? Reuera ergo quatuor casus distinguebantur, qui etiam diuerso iure censebantur.

*Maritus vero partem de dote retinebat* §. IX. Primus est, si facto vxoris simplici diuortium factum erat, h. e. si citra culpam mariti remiserit repudium vxor vel pater eius, et ita sine omni ratione. MARANVS *ad tit. solut. matrim. p. 408.* DOMINICVS AVLISIVS *ad cit. tit. p. 447.* Hoc casu, existentibus liberis, in horum fauorem retentio fiebat, quod VLPIANVS *tit. 6. instit. §. 10.* hoc modo explicat, *propter liberos retentio fit, si culpa mulieris aut patris, cuius in potestate est, diuortium factum sit; tunc enim singulorum liberorum nomine sextæ retinentur ex dote; non plures tamen quam tres sextæ in retentione sunt, non in petitione.* Si filia in potestate patris matrimonio contracto manebat, ipse dotem profectitiam repetebat, *l. 31. §. 1. solut. matrim. l. 71. D. de cuius.*, adeoque si eius culpa (h. e. quod absque ratione repudium ab eo procuratum esset) diuortium factum, per modum *exceptionis* hoc eidem opponebat, et marito ius deducendi aliquid ex dote compete-  
*tebat propter liberos, seu eorum educandorum causa, quem finem potissimum intendisse Romanos indigitat* IUSTINIANVS

NVS in *l. un. §. 5. C. de R. V. A.* Non tamen plures quam tres sextæ retineri poterant, et ita ad minimum dimidia dos reuertebatur ad vxorem, vt iterum posset nubere commode, quæ spe matrimonii alias destituta fuisset, si retentio integram dotem absorpsisset. Idem etiam repetit PAVLVVS cit. *l. quod si culpa mulieris factum est diuortium, in singulos liberos sexta pars dotis a marito detinetur vsque ad mediam duntaxat partem dotis.* Hac de causa vsitatum erat, in pactis dotalibus hanc conditionem, quæ ex lege per se intelligebatur, adiicere: Si inter Lucium Titium maritum et Seiam diuortium sine culpa factum esset, dos omnis Seiae vxori vel Gaio Seio auo materno redderetur, restituereturque per *l. 45. D. solut. matrim.* Quodsi ergo vxor marito absque causa repudium mittebat, palam erat, dotem non integram reddendam esse, sed retentionem ex legibus fieri posse propter liberos.

§. X. Sed etiam *morum nomine*, vbi maritus faciebat diuortium ex culpa vxoris, dissoluebatur matrimonium, adeoque paucis indagandum est, quomodo hæc species a priori distincta fuerit. Nam inter *mores grauiores* etiam adulterii reatum fuisse, docet VLPIANVS *tit. 6. instit. §. 12.* vbi vero ex capite adulterii ab vxore commissi discidium factum, culpa vxoris directum matrimonium fuisse, clare euincit ICTUS in *l. 11. §. 3. ad L. Iul. de adult.* vbi casus refertur de socero, qui nurum adulterii accusauerat, postea autem maluerat ab accusatione desistere, et lucrum ex dote magis petere, id quod an permittendum esset quærebatur? Respondit ICTUS: *turpissimo exemplo is, qui nurum suam accusare instituisset, postea desistere maluit, contentus lucrum ex dote retinere,* TANQVAM CULPA MULIERIS DI-

11) Propter  
mores vxoris.

ubi isidem  
culpa uxoris  
diuortium fa-  
bat.

REMO MATRIMONIO, quare non inique repellatur, qui commodum dotis vindictæ domus suæ præponere non erubuit. Si itaque culpa uxoris, quæ adulterium commisit, diremtum dicitur matrimonium, ac ob adulterium *morum* nomine agi potest, et tamen etiam ob culpam uxoris pro liberis retentiones fiunt, diuersi casus videntur constituendi, præsertim cum *lucrum dotis*, quod maritus retinet, utroque casu diuersum sit. Etenim *VLPIANVS* cit. l. diserte ita: *morum* nomine grauiorum quidem (quorum adulterium pertinet) sexta retinetur, leuiorum autem octaua. Videlicet *morum* nomine agebatur, si maritus uxori repudium mittebat, sicuti propter liberos retentio concedebatur, uxore sine causa faciente diuortium. Illo itaque casu mali et pessimi mores uxoris priuatione certæ partis dotis soluto matrimonio coercebantur, quæ lucro mariti cedebat.

Ad quam in-  
primis adu-  
terium specta-  
bat,

et religio pere-  
grina.

§. XI. Mores itaque uxoris hoc casu simpliciter accu-  
sabantur, quod iudicium *actionem male tractationis* vocat  
*QVINTILIANVS* declam. 383. et lib. 7. instit. c. 4. Quæ  
culpa vero quæue mores sufficerent, iudicis arbitrio subie-  
ctum erat. Adulterium potissimum hic in censum veniebat,  
præterea verò alia vxorum facta indecora, inhonesta et illi-  
cita; imo in genere quæ legibus alias probrosa erant, vtut  
laudanda in se et expedienda. Intelligo religionem Chri-  
stianam, quam gentiles primis Christianismi temporibus in-  
ter crimina referebant. Ait *TERTULLIANVS* c. 2. apol.  
in f. Christianus si nullius criminis nomen, est valde ineptum,  
si solius nominis crimen est. Quodsi ergo mulier, eiuratis  
sacris gentilium, Christo nomen dederat, matrimonium cul-  
pa uxoris diremtum dicebatur, quod hæc iusta eiiciendi v-  
xorem causa esset. Pergit *TERTULLIANVS* cit. l. c. 3. v-  
xorem

uxorem iam, (post conuersionem) pudicam moribus, iam non zelotypus, (quia pudicitiam magnopere colebat) eiecit; quorum etiam collineat IDEM lib. I. ad nation. c. 4. Hanc causam per indirectum reducere voluisse videtur IULIANVS Apostata in l. 2. C. Theod. de dotibus, ubi constituit, ut retentiones ex iure venientes in posterum intemeratæ et inuiolatæ seruariantur, quæ inter Christianos per l. 1. C. Theod. de repud. a CONSTANTINO M. ad tollendum diuortiorum licentiam sublata videbantur. Non enim vana est coniectura GOTHOFREDI ad cit. l. 2. hoc eo consilio a IULIANO reductum, quod eo maxime angeretur, quod audiret, uxores passim fidem Christi profiteri. His itaque, pergit GOTHOFREDVS, hunc ob mores Christianos dotis amittendæ metum obicere, voluit, ut ita Christianam fidem eiurarent.

§. XII. Vestigia huius iuris antiqui passim in iure nostro occurrunt, vtut non diserte quora dotis amittendæ exprimitur. In l. 11. §. 3. ad L. Iul. de adult. hæc pœna, quæ lucro mariti cedebat, commodum et lucrum dotis vocatur. In l. 8. de capt. et postlim. reuers. mulier pœnis discidii teneri dicitur, quæ nulla probabili causa interueniente a marito discessit, quæ potissimum in priuatione certæ partis dotis consistebant. Pertinet huc etiam species, quæ traditur in l. 11. §. 4. §. f. ad L. Iul. de adult. Ream adulterii uxorem duxi, eam damnatam mox repudiaui, quero an causam discidii (vel discidii) prestitisse videar? Inde enim quæstio de retentione lucris dotalis dependebat. Respondit: Cum per legem Iuliam huiusmodi uxorem retinere probibearis, non videri causam te discidii prestitisse palam est, quare ita ius tractabitur, quasi CULPA MULIERIS factò diuortio. Quid autem hoc casu iuris fuerit, iam indicatum est. Evidentius autem iuris antiqui

*vestigia iuris antiqui in pandectis, ut in l. 11. §. 3. ad L. Iul. d. adult. l. 8. d. captiu.*

*l. 11. §. f. d. adult.*



*l. 38. solut. matrim.*

tiqui placita occurrunt in *l. 38. solut. matrim.*, vbi hæc species sistitur: *Lucius Titius*, cum esset *filiusfamilias*, voluntate patris uxorem *Meuiam* duxit, et dotem pater accepit. *Meuia Titio* (sine vlla iusta causa) repudium misit: postea pater repudiati, absente filio, sponsalia cum ea de nomine filii sui fecit. (et ita matrimonium redintegrare studuit) *Meuia* deinde repudium sponsalibus misit, atque ita alii nupsit: quero, si *Meuia* ager cum *Lucio Titio* quondam marito, et a patre herede relicto de dote, et probetur *CULPA MULIERIS* matrimonium dissolutum, an possit maritus propter culpam mulieris dotem retinere? non integram, id enim iura prisca non patiebantur, sed quotam dotis. Ratio dubitandi inde desumebatur, quod per sponsalia postea contracta culpa uxoris remissa videretur, ceu docet *ULPIANVS* in *l. 12. §. 9. ad L. Iul. de adult.* aboleuit enim prioris matrimonii delicta, reducendo eam. Deinde filius heres patris factus erat, et sic eius factum præstare cogebatur. Respondit vero *MARCELLVS* in priori specie: *Etiamsi ut heres institutus a patre Titius* conueniretur, tamen, si sponsalibus non consensisset, culpam mulieris mulctandam esse per priuationem partis dotis; filio enim, ut marito, iniuria facta erat ab uxore per temerarium diuortium, quam pater remittere non poterat. Deinde non integra dote mulctatam mulierem, sed tantum parte eius sæpe monui, adeoque verba *ICTI*, paululum ambigua, ita explicanda sunt. Nec in alium sensum accipio rescri-

*l. 24. C. de iur. dot.*

ptum *DIOCLETIANI* et *MAXIMIANI* in *l. 24. C. de iur. dot.* vbi casus de patronis formatur, qui marito libertæ suæ dotem dederant, nec, eam sibi reddi soluto matrimonio, stipulatione sibi prospexerant. Quid igitur si culpa uxoris diuortium factum, vtrum patroni eam repetere possunt? Aiunt Imperatores: hanc (dotem) culpa uxoris dissoluto matrimonio

*trimonio penes maritum remansisse, constitit. Indefinite quidem de dote loquuntur, inde tamen minime concludendum, de integra dote hoc intelligendum esse; neque enim in questione erat, vtrum integra, an pro parte dos esset amissa? sed an dotem, quam maritus retinuerat ex pœna discidii, patroni ab eo petere possent? quæ non integram sed tantum partem dotis marito adiudicabat.*

§. XIII. Tria præterea hic obseruo non negligenda. *Cessabat restitutio contra hanc discidii pœnam,*  
*Primum* est, mulierem, cum culpa diuertisset, contra hanc discidii pœnam non restitutam fuisse in integrum; *est enim,* ait Ictus in l. 9. §. 3. de minor. delictum non modicum, dolo magis quam simplici culpa contractum, in quo minoribus non succurritur. l. 37. §. 1. d. minor. *Alterum* est, pœnam hanc discidii cessasse, marito vxorem adulteram ex L. Iulia accusante, vt euidentissime euincit l. 11. §. 3. D. ad L. Iul. d. adul. *pœna hac cessabat, si maritus criminaliter vxorem accusabat.* Quamuis enim alias, quoties ciuilis et criminalis actio concurrit, vna alteram non perimat, vt plenius traditur in l. vn. C. Theodos. victum ciuil. agere et criminal. posse, causa de moribus tamen expresse excipitur, vt, vbi de moribus actum fuit, amplius criminaliter agi haud posset, et vice versa, quod iudicium de moribus ad vindictam, propter iniuriam thori coniugalis, esset comparatum. *Tertium* est, si de adulterio criminaliter contra vxorem actum, eam etiam partem dotis amisisse, verum non in commodum mariti, quod pœna ciuilis discidii continebat, sed fisci. Hoc modo accipiendum PAVLVM lib. II. sentent. tit. 26. §. 14. arbitror, aientem: *Adulterii conuictas mulieres dimidia parte dotis, et tertia parte bonorum (reliquorum) cum relegatione in insulam placuit coerceri, quæ verba non possunt non publicationem certæ partis dotis innuere; nam maritis adulteris*

*In criminali accusatione vxor partem dotis amittebat in commodum fisci.*

teris itidem, teste PAVLO relegatio in insulam dictabatur cum publicatione dimidia partis bonorum, ex quo etiam illud palam est, ex lege Iulia poenam adulterii capitalem non fuisse. Conf. Clariss. NOODT. in *Dioclet. et Maxim. c. 15. p. 75. sqq.*

III) Si culpa  
mariti diuor-  
cium factum.

§. XIV. Ad tertium casum transitum facio, si culpa ma-  
riti matrimonium diremptum erat. Pro liberis retentionem  
nullam vxori competiisse, si vel maxime marito repudium  
miserat, iam supra §. VII. ex CICERONE probatum dedi,  
quia vxor liberos hoc casu non educabat, quorum educatio  
onus mariti manebat. Morum autem nomine hoc modo  
maritus, teste VLPIANO tit. 6. instit. §. 13. coerceretur:  
*Mariti mores puniuntur, in ea quidem dote, quæ annua, bi-  
ma, trima die reddi debet (vt si pecunia in dotem data) ita:  
propter maiores mores (adulterium) præsentem dotem reddit:  
propter minores senum mensum die. In ea autem quæ præ-  
sens reddi solet, (vt si in fundo consistat) tantum ex fructi-  
bus iubetur reddere, quantum in illa dote quadriennio reddi-  
tur, quod representatio facit.* Verba posteriora satis ob-  
scura esse, et forsitan corrupta SCHULTINGIVS ad cit. ix.  
indicat, id tamen inde liquet, mores mariti in hoc rei vxo-  
riz iudicio lenius fuisse mulctatos. Si coniecturis locus est,  
verba hæc commode ita legi possunt: *quantum in illa dote  
quadriennii reditus, quod representatur, (seu mox ante la-  
psum quadriennii soluitur) facit.*

IV) Si culpa  
vtriusque di-  
uortium fa-  
ctum.

§. XV. Denique si vtrique coniuges sese de moribus  
accusarent, vtriusque culpa probata, pœna discidii penitus  
cessabat, vt testis est PAPINIANVS in l. 39. sol. matrim. Viro at-  
que vxore mores inuicem accusantibus, causam repudii dedisse  
vtrum-

utrumque pronuntiatur est. Id ita accipi debet, ut ea lege, quam ambo contemserunt, neuter vindicetur; paria enim delicta mutua pensatione dissoluntur, et ita integra dos vxori reddenda est. Idem SCARVOLA docet in l. 47. D. eod. aitque: cum mulier viri lenocinio adulterata fuerit, nihil ex dote retinetur, cur enim improbet maritus mores, quos ipse aut ante corrupit, aut postea comprobavit. Omnia circa has leges confundit et turbat PETRVS BARBOSA in comm. ad tit. soluto matrim., cuius commenta nec referam, nec breuitatis causa sub examen reuocabo. Id tantum paucis obseruabo, talem compensationem obtinuisse in iudicio de moribus civili, non item in accusatione criminali de adultério. Si enim publico iudicio maritus vxorem ream faciebat, lenocinii allegatio maritum ab accusatione non repellebat, sed hoc ipsum onerabat, non vxorem excusabat. l. 1. §. 5. ad L. Iul. de adult. Si vterque in pari reatu versabatur, vterque damnabatur, non vero compensatio mutui criminis fiebat, l. 13. §. 5. eod., quod plenius illustrat BRISSONIVS in comm. ad L. Iul. d. adult. c. 19.

§. XVI. Hoc iure vsi sunt Romani vsque ad tempora <sup>Constantinus</sup> CONSTANTINI M., qui sacris Christianorum imbutus le- <sup>restrinxit re-</sup> <sup>putiorum li-</sup> <sup>bertatem.</sup> vitatem repudiorum amputare et ita iudicium de moribus, quod etiam ob mediocres culpas locum habebat, restringere studuit. Etenim iuxta l. 1. C. de repud. tantum ob tres causas vxor marito poterat repudium mittere, si homicidam, vel medicamentarium h. e. veneficum, vel sepulcrorum dissolutionem maritum suum probauerit, quo casu omnem suam dotem recipiebat. Similiter et maritus tantum ob has tres causas diuortium facere poterat, si moecham, vel medicamentariam, vel conciliatricem h. e. interprete SALMASIO

Tom. IV.

Hhh hh

de

de fœnor. trapezit. p. 312. lxxnam repudiabat. De dotis pri-  
 vatione nihil additur, nisi quod per consequentiam forsitan  
 inde trahi potest. Quodsi enim maritus ex causis aliis vxor-  
 em reiiciebat, maritus *omnem* dotem ei restituere nec aliam  
 ducere debebat. Ergo a contrario sensu, qui ex causis pro-  
 batis eam eiiciebat, non *omnem* dotem ei restituebat, sed  
 partem retinebat, illam scilicet, quæ antiquitus probata e-  
 rat. Nec contrarium euincit l. 7. C. de repud., quæ eiusdem  
 CONSTANTINI, et lex annos post priorem lata, ubi *dotis*  
*amissio* cum *capitali pœna* coniungitur, adeoque sub illa pu-  
 blicatio eius intelligitur, non *pœna* ciuilibis *discidii*. Neque  
 adeo in contraria videtur iuisse SALMASIVS cit. loc. in f.  
 (quod quidem GOTHOFREDVS ad cit. l. 1. existimauit) qui  
 satis recte asserit, ob hæc tria crimina sola maritum dotem  
 lucratum fuisse, non autem præcisè determinat, vtrum in-  
 te-gra an parte eius mulctata fuerit, quam quæstionem non  
 fecit suam SALMASIVS.

Julianus ini-  
 antiquum re-  
 duxit.

Nec non Ho-  
 norius,

cum antiqua  
 immutatione,

§. XVII. Sed IULIANVS Apostata ius antiquum anno  
 363. reduxit, et retentiones ex iure antiquo venientes inte-  
 meratas seruari voluit in l. 2. C. Theod. de dotibus, cuius ra-  
 tionem in §. XI. attuli. Hoc extincto, vix vsus huius le-  
 gis in odium Christianorum latæ adfuisse videtur, vt non  
 excusandus sit compiler codicis Theodosiani, quod hanc  
 legem adhuc ei inseruerit. Etenim HONORIUS anno 421.  
 paulo liberalior, atque ad ius antiquum reducendum procli-  
 vior fuit in l. 2. C. Theod. d. repud. Nam 1) retentionem  
 dotis *propter liberos* ex iure veteri reduxit: 2) iniusti repu-  
 dii duas causas constituit, si *solo consensu*, si *tantum ob mo-  
 rum vitia* fit diuortium seu *mediocres culpas*. In priori spe-  
 cie vxor sine causa a marito innocente discedens *dotem* inte-  
 gra

gra priuatur, deportaturque omni spe noui connubii destituta; maritus itidem dotem perdit, atque donationem propter nuptias, quæ lucro *innocentis uxoris*, domo mariti expulsa, cedit. In *posteriori* specie, si ob *mediocres culpas*, seu *morum vitia* repudium fiebat, mulier repudians amittit *integram dotem* et donationem propter nuptias, coniugii secundi expers; maritus vero repudians dotem restituit, donatione recepta. Denique iusti repudii causa erat *graue crimen*, non tantum *adulterii*, sed aliud quodcunque publicum, quod lege publica vindicatur. In hoc repudio vxor a criminolo discedens recipit dotem et lucratur donationem propter nuptias; maritus vero ob labem vxoris, recepta donatione, *dotem eius integram* lucratur. Breuiter: vxor amittebat *integram dotem*, si  $\alpha$ ) sine vlla causa;  $\beta$ ) tantum ob *morum vitia* repudium faciebat;  $\gamma$ ) si grauiori crimine causam repudio dabat. Quomodo vero, his positis circumstantiis, retentio *propter liberos* locum adhuc habere poterat, quæ dotem tantum dimidiam absorbebat, si culpa vxoris diuortium factum; cum tamen *lege Honoriana* culpa vxoris diuortium fiat, si *sine culpa* repudium faciat, et si *ob morum mariti vitia*, mariti quidem culpa est, sed repudium iniustum, vel si ob mores vxoris, eius quidem culpa sit, sed itidem repudium iniustum. Ab hoc dubio vt *dispositionem Honorianam* liberem (quod GOTHOFREDVS non tetigit) dicendum est, in primo casu si vxor *sine vlla causa*, solo dissensu, diuertit, dotem maritus quidem lucratur, salvis tamen retentionibus *propter liberos*, vt, si maritus tres vel plures cum vxore suscepit liberos, dimidiam retinere possit, liberis post mortem suam relinquendam, vt l. 8. C. de repud. clarius explicat. In altera specie, si *ob mores mariti* diuertit, hæc *retentio* locum itidem habere potest, quam-

et priuatione  
integra dotis.



*de fenor. trapezit. p. 312.* lznam repudiabat. De dotis pri-  
 vatione nihil additur, nisi quod per consequentiam forsan  
*retenta pena* inde trahi potest. Quodsi enim maritus ex causis aliis vxor-  
*disidii.* em reiiciebat, maritus *omnem dotem* ei restituere nec aliam  
 ducere debebat. Ergo a contrario sensu, qui ex causis pro-  
 batis eam eiiciebat, non *omnem* dotem ei restituebat, sed  
 partem retinebat, illam scilicet, quæ antiquitus probata e-  
 rat. Nec contrarium euincit *l. 7. C. de repud.*, quæ eiusdem  
 CONSTANTINI, et lex annos post priorem lata, ubi *dotis*  
*amissio* cum *capitali pœna* coniungitur, adeoque sub illa *pu-*  
*blicatio* eius intelligitur, non *pœna* civilis *disidii*. Neque  
 adeo in contraria videtur iuisse SALMASIVS *cit. loc. in f.*  
 (quod quidem GOTHOFREDVS *ad cit. l. 1.* existimauit) qui  
 satis recte asserit, ob hæc tria crimina sola maritum dotem  
 lucratum fuisse, non autem præcisè determinat, vtrum *in-*  
*tegra* an *parte* eius mulctata fuerit, quam quæstionem non  
 fecit suam SALMASIVS.

*Julianus in* §. XVII. Sed IULIANVS Apostata ius antiquum anno  
*antiquum re-* 363. reduxit, et retentiones ex iure antiquo venientes inter-  
*duxit.* meratas seruari voluit in *l. 2. C. Theod. de dotibus*, cuius ra-  
 tionem in §. XI. attuli. Hoc extincto, vix vsus huius le-  
 gis in odium Christianorum latè adfuisse videtur, vt non  
 excusandus sit compiler codicis Theodosiani, quod hanc  
 legem adhuc ei inseruerit. Etenim HONORIUS anno 421.  
*Nec non Ho-* paulo liberalior, atque ad ius antiquum reducendum procli-  
*norius,* uior fuit in *l. 2. C. Theod. d. repud.* Nam 1) retentionem  
*cum antiqua* dotis *propter liberos* ex iure veteri reduxit: 2) iniusti repu-  
*inmutazione,* dii duas causas constituit, si *solo consensu*, si *tantum ob mo-*  
*rum vitia* sit diuortium seu *mediocres culpas*. In priori spe-  
 cie vxor sine causa a marito innocente discedens *dote in-*  
*tegra*

*gra* priuatur, deportaturque omni spe noui connubii destituta; maritus itidem dotem perdit, atque donationem propter nuptias, quæ lucro *innocentis vxoris*, domo mariti expulsa, cedit. In *posteriori* specie, si ob *mediocres culpas*, seu *morum vitia* repudium fiebat, mulier repudiens amittit *integram dotem* et donationem propter nuptias, coniugii secundi expers; maritus vero repudiens dotem restituit, donatione recepta. Denique iusti repudii causa erat *grauē crimen*, non tantum *adulterii*, sed aliud quodcunque publicum, quod lege publica vindicatur. In hoc repudio vxor a criminoso discedens recipit dotem et lucratur donationem propter nuptias; maritus vero ob labem vxoris, recepta donatione, *dotem eius integram* lucratur. Breuiter: vxor amittebat *integram dotem*, si α) sine vlla causa; β) tantum ob *morum vitia* repudium faciebat; γ) si grauiori crimine causam repudio dabat. Quomodo vero, his positis circumstantiis, retentio *propter liberos* locum adhuc habere poterat, quæ dotem tantum dimidiam absorbebat, si culpa vxoris diuortium factum; cum tamen *lege Honoriana* culpa vxoris diuortium fiat, si *sine culpa* repudium faciat, et si *ob morum mariti* vitia, mariti quidem culpa est, sed repudium iniustum, vel si ob mores vxoris, eius quidem culpa sit, sed itidem repudium iniustum. Ab hoc dubio vt *dispositionem Honorianam* liberem (quod GOTHOFREDVS non tetigit) dicendum est, in primo casu si vxor *sine vlla causa*, solo dissensu, diuertit, dotem maritus quidem lucratur, salvis tamen retentionibus *propter liberos*, vt, si maritus tres vel plures cum vxore suscepit liberos, dimidiam retinere possit, liberis post mortem suam relinquendam, vt l. 8. C. de repud. clarius explicat. In altera specie, si *ob mores mariti* diuertit, hæc *retentio* locum itidem habere potest, quam-

et priuatione  
integra dotis.

vis enim vterque in culpa sit, illa quod inique diuertat; hic vero quod ob mores pessimos causam diuortio dederit, vxor tamen dotem itidem perdit, quia hic magis respicitur ad *iniquitatem diuortii*, et causa legibus reprobata pro *culpa* haberi nequit, adeoque etiam hoc casu liberis post mortem patris cedere debet, quod iure veteri propter eos ex dote detrahebatur; reliqua ad mariti dispositionem pertinent.

Theodosius  
rursus inno-  
uauit qua-  
dam,  
prinatione in-  
tegra dotis re-  
sentia,

§. XVIII. Theodosius Iunior anno 449. rursus quædam innouauit, dum certas tantum repudii causas constituit tam ratione mariti quam vxoris, in *l. 8. C. de repud.* Quodsi præter has causas repudium viro miserit vxor, dissoluebatur quidem matrimonium, sed dotem suam cum donatione propter nuptias amittebat: si ex causis probatis, dotem recuperabat, et donationem propter nuptias lucrabatur. Marito vero præter causas probatas diuertente, vxor dotem recuperabat et donationem propter nuptias vindicabat; ex probatis causis vero repudians, dotem retinebat et donationem propter nuptias recipiebat. Liberis denique existentibus, si temere repudium missum erat, *omne, quicquid ex nuptiis lucratum erat*, post mortem accipientis liberis seruandum erat, quod in locum retentionis antiquæ *propter liberos* constitutum, et *Honoriana lex* hoc ipso quodammodo correctâ videtur. Anno 497. reduxit ANASTASIUS diuortium bona gratia, seu communi consensu reductum, quo casu sine dubio dos salua mulieri erat.

ut et Anasta-  
sius.

Nona refor-  
matio Iusti-  
niani accessit,

§. XIX. Tandem ad IUSTINIANIÆZUM progredior, qui multa innouauit, legesque de hac re modo fixit, modo refixit. Nam 1) anno 528. repudium ex causa *sterilitatis* quidem concessit in *l. 10. C. de repud.*, sed sine periculo dotis amit-

amittenda, vt tamen marito donatio propter nuptias reddatur. 2) Eodem anno in *l. ii. C. de repud.* iudicium *de moribus* sustulit. 3) Præterea constituit, vt, si matrimonium indotatum fuit (quod lege hac *legitimum* esse censuit) et maritus eam *sine iusta causa* eiecit, vel ipse talem culpam commisit, ob quam vxor matrimonium iuste dissoluit, *quartam partem substantiæ propriæ*, non tamen ultra centum libras, mulieri persolueret, id quod etiam in *vxore*, inique diuerſente, vel iuste expulsa, obseruandum, vt tamen liberis existentibus hoc lucrum seruetur; si dotatz sunt, dos his casibus perit, vel donatio propter nuptias. 4) Anno 530. in *l. vii. C. de R. V. A.* speciatim denuo sustulit retentiones antiquas *ob mores et ob liberos*, ac in casu repudii *§. 16. cit. l.* obseruanda esse iussit, quæ tum in legibus THEODOSII et ANASTASII, *§. antec. relatis*, sancita erant, tum quæ sua constitutione edixerat, et ita diuortium *bona gratia* adhuc permisit. Idem anno 541. in *nov. 117. c. 8.* hanc eandem materiam reassumit, et de nouo causas iustas diuortii determinauit, ex quibus, si maritus diuortium facit, *dotem vxoris* lucratur, et quidem, exstantibus liberis, tantum quoad vsumfructum, seruato in ea dominio liberis ex eodem matrimonio natis; his vero deficientibus, etiam quoad plenam proprietatem. *cit. nov. c. 8. pr. in f.* Similiter in *c. 9. cit. nov.* determinat causas, ex quibus vxor iuste, et eodem iure, quo maritus dotem, lucratur donationem propter nuptias, et *tertiam partem estimationis, quam antenuptialis donatio facit seu constituit.* Denique *c. 12.* addit tres casus, quibus matrimonium dissoluitur sine vlla *disceidii* pœna, h. e. 1) si causa sterilitatis vel impotentix probata fuerit: 2) si ambo sanctimonialem vitam elegerint; 3) si maritus est captiuus et ultra quinquennium absuerit. *nov. 22. c. 7.* Præterea quoque *c. 13.*

*sublati iudicio de moribus, quarta bonorum priuationem concessis in casu matrimonii indotati,*

*noua constitutio in Nov. 117. c. 8.*

*cit. nou. 117.* poena discidii iis imponitur, qui iniuste repudium fecerint, ita ut vxor dotem amittat, aliisque poenis ibidem definitis adficiatur, maritus vero dotem reddat et donationem propter nuptias cum tertia parte propriæ substantiæ, secundum æstimationem donationis propter nuptias. Denique in casu *adulterii* plane correxit ius antiquum, voluitque *cit. c. 8. §. 2.* ut, si vel maxime vxor criminaliter a marito accusata fuerit, tamen repudio misso, vxor priuanda sit dote, et tertia parte intuitu eius æstimanda ratione dotis, quæ poena olim cessabat, marito vxorem criminaliter accusante. Eodem anno IDEM aliam edidit constitutionem contra vxores adulteras in *nou. 134. c. 10.*, in qua adultero poena gladii dictatur, et vxori eius, si quam habet, donatio propter nuptias, vel si indotatum fuit matrimonium, quarta pars bonorum assignatur: adultera autem in monasterium detrudi iubetur, ibique manere per biennium: hoc elapso si maritus eam non repetit, vel intra illud tempus mortuus fuerit, marito vel eius hæredibus ex dote nihil cedit, sed existentibus descendens et ascendens, diuiditur eius patrimonium inter hos et monasterium secundum portionem ibidem determinatam: his non existentibus, omnis adulteræ substantia monasterio cedit. Idem obseruauit HARMENOPVLVS in *promt. iur. lib. VI. lit. 2. §. 15.* aïens: *magister autem dicebat, vxoris adulteræ virum nequaquam dotem lucrari.* Præterea reliqua, quæ desumpta sunt ex *nou. cit. 134.* additque: *atque hæc omnia tum fieri, cum detrusam in monasterium mulierem, iam exacto biennio, nolisset vir reducere,* quibus verbis demonstrat, marito hoc lucrum dotis quodammodo in poenam auferri, quod vxorem post tempus poenitentiae in domum suam recipere nolit. Idem vero deinceps correxit LEO Imperator in *nou. 32.* et marito innocent

et nou. 134.  
c. 10.

in qua priuatio  
dotis sub-  
lata,

Leo rursus hæc  
correxit.

centi dotem assignauit, ita vt vxori adulteræ nasus abscindatur, et in monasterium detrudatur, quam sententiam etiam repetiit HARMENOPVLVS *cit. l. 14.*

§. XX. Ita vero Iustinianus omnia reformando turbauit, vt nec sibi constituisse, sed Protheum egisse credendum sit, vt non inepte iudicat WESENBECIVS *ad tit. ad L. de adult. n. 19.* Torsit hæc variatio ingenia interpretum et dissidentes eorum peperit sententias, quas examinat BERLICH. *P. 4. concl. 29. n. 4. §qq.* Ipse tandem n. 13. hanc mediam elegit sententiam, censuitque, vtramque nouellam inter se optime conuenire, atque huc redire, vt maritus indistincte, siue criminaliter, siue ciuilitè contra vxorem agat, siue vxor in monasterium detrudatur, ibique maneat, siue non, dotem lucretur, præter illam vero nihil amplius ex reliquis bonis eius percipiat; etenim in *nou. 134. c. 10.* nihil immutatum esse, nisi quod vltra dotem, de *tertia parte*, statutum; dotis vero plane non fieri mentionem, quippe quæ a reliqua vxoris substantia magnopere separari debeat. Enimvero hanc interpretationem admodum dubiam et diuinatoriam esse, iam antea obseruaui. Hoc expeditum est, in *cit. nou. de priuatione dotis* prorsus non fieri mentionem, et quamvis sæpe *dos* reliquæ vxoris substantiæ opponatur, non tamen liquet, substantiæ vxoris omnis mentione facta excludi dotem, præsertim cum in *cit. nou. 134. c. 10.* hæc clausula subiecta fuerit, vt *per omnes causas viro pacta dotalibus illarum instrumentis seruentur.* Hæc indicat, tunc demum priuationi dotis vel alterius substantiæ locum esse debere, si in instrumentis dotalibus de ea aliquid fuerit actum, id quod apud Romanos non adeo inusitatum erat. Tali conuentione deficiente, priuationi dotis vel ideo locus non erat, quod proba-

*Iustiniani hanc  
constantiam no-  
tatur.*



*nova Iustiniani dispositio, iuri Antecedenti contraria.*

probato adulterio non statim diuortium secutum, sed vxor monasterio inclusa, marito tamen integrum fuerit, elapso biennio recipere vxorem, ita vt nullatenus *propter ea, quæ medio tempore facta sunt*, nuptiæ seu matrimonium lædatur, eique fiat præiudicium, adeoque interim etiam priuationi dotis locus relinqui haud potuerit. Si vero, biennio elapso, eam recipere nolit, vel intra biennium maritus decedat, tunc tota substantia vxoris vel monasterio cedit, vel inter illum et descendentes atque ascendentes diuiditur. Ex his duo obseruo, quorum primum est, idem vtroque casu statutum esse, si vel maritus biennio elapso vxorem recipere recusât, vel intra illud decedit. Iam vero, decedente intra biennium marito, heredes ad dotis priuationem agere non poterant, quod et iuri veteri aduersatur, et iure nouo haud diuersum statutum reperitur. Quodsi ergo hoc casu tota substantia inter monasterium liberosque vel ascendentes diuiditur, vel his non existentibus in vniuersum monasterio cedit, nihilque mariti heredibus ex dote vxoris datum est, diuortio nondum facto, sed adhuc suspenso post lapsum biennii; idem quoque obtinere debuit in altero casu, vbi maritus eam accipere post biennium recusabat. Alterum est, hoc quodammodo in odium mariti constitutum fuisse, quod, dum post biennium vxorem ex monasterio repetere nolit, nihil ex dote vxoris lucrari debeat, nisi forsan aliud in pactis dotalibus actum fuerit. Conclamaturn enim est, Iustinianum ex nimia in sexum sequiorem procliuitate multum ex rigore iuris antiqui, imo proprii etiam, sensum remisisse, Theodoræ mulieris imperiosissimæ, dominatu forsan ad hanc animi leuitatem adactus, cum alioquin capitalem vxor pœnam subire debuisset. Hisce ita positis, etiam normulli ex antiquis interpretibus in eam iuere sententiam, per hanc

*non.*

*non. 134. c. 10.* poenam discidium antiquam sublatam fuisse, et si hac lege vnice incedendum esset, hodie priuationem omnem dotis cessare debere.

§. XXI. Ex hac iuris ciuilis traditione et varia praxi <sup>*iuris canonici doctrina.*</sup> antiqua, duo omnino in ius canonicum traducta sunt, quæ hodie vtplurimum fundamenti instar haberi solent. Primum <sup>*1) quod uxor adultera successione coniugali exstatu priuanda sit.*</sup> est, quod vxor adultera, licet a marito non sit separata, successione coniugali, quæ ex statuto ei obuenit, priuanda sit, quod minime ex iure nouo, quod *non. 134. c. 10.* tradit, assumptum est. vid. *c. 2. X. de donat. int. vir. et vxor.* ibique *Gonzalez. n. 1.* In Gallia successio coniugum, quam communio bonorum peperit, æque obtinuit olim vti in Germania. Inde talis consuetudo pontifici proposita fuit in *c. 10. X. de consuetud.* quod si vir ducat vxorem, quæ fide coniugii violata commisit adulterium manifeste, nihilominus medietatem omnium bonorum, quæ fuerit vir adeptus, impudenter exigere soleat, et improbe adprehendere, quæ potius priuanda esset omnibus viri bonis, quam consuetudinem pontifex, tanquam iuri contrariam, reprobatur. Sine dubio ad ius ciuile respexit, quo adultera omni lucro dotali priuanda est. Enimuero vix idoneo argumento ostendi potest, hanc priuationem in iure ciuili fundatam esse. Aut enim ob adulterium maritus dimisit vxorem, aut retinuit. Priori casu vterque successione priuatur, quia tempore mortis non amplius sunt coniuges, adeoque de hoc casu intelligi nequit pontifex: Posteriori aut maritus sciuit adulterium aut ignorauit. Si sciuit, et tamen adulteram in thoro coniugali retinuit, videtur ei iniuriam illatam remisisse; si ignorauit, iterum mors est loco remissionis, vnde nec actio de moribus dabatur olim hæredibus nec in hæredes, quia vindictam

dictam spirabat. *STRYK. de success. ab intest. diff. XII. c. 4. §. 2. 6. et 9.* Ergo hæc consuetudo non tam iuri repugnans fuit, quam contraria noui iuris fundamenta iecit, quia inde collegerunt, coniugem adulteram successione priuandam esse. Alterum est, quod licet iure canonico totale diuortium ne quidem ob adulterium locum habeat, sed tantum leparatio quoad thorum et mensam decernatur, *poenam discidii* tamen adulteræ patiantur, et dotem cum dotalitio suo amittant, vt *CORLESTINVS III. edixit in c. 4. X. de donat. int. vir. et vxor.* si vel diuortium factum, vel fornicationis causa vxor a marito discessit, nec cum ipso postea reconciliata est. Etenim aut mulier repetit dotem viuente aut mortuo marito: priori casu exceptione *adulterii* repellitur, quod poenam priuationis operatur; posteriori vero, vbi adultera a marito discessit, nec iudicio ecclesiæ matrimonium dissolutum, et ita contra consanguineos mariti agit, maior ratio dubitandi erat, quia super *priuatione dotis*, viuente marito, haud iudicatum fuerat, sed vxor siluerat. Licet enim poena priuationis in heredes non transeat, nec quod defuncto licuit, heredibus quoque concedendum fuerit; Pontifex tamen, hac ratione non obstante, dotis et dotalitii petitionem hoc quoque casu exulare debere credidit; neque enim heredes tam ad priuationem dotis agunt, sed maritus, qui dotem retinuit, iam suo iure vltus est, et *poenam discidii*, quæ adulterio imposita est, exercuit, quam exceptionem heredes eius vxori recte opponere possunt. Præter dotem vero etiam amittit *dotalitium* secundum *cit. c. 4.*, quæ appellatio non denotat *paraphernalia*, nec *donationem propter nuptias*, sed illud lucrum, quod pactis dotalibus ex moribus Galliarum et Germaniarum viduarum in solatium viduitatis, vt digne se exhibere queat, constitui solet, quo itidem merito

2) quod ob  
adulterium  
dotis priuatio  
locum habeat  
nullo licet se-  
culo diuortio,

et heredes ex-  
ceptionem ad-  
ulterii mulie-  
ri, dotem re-  
petenti, oppo-  
nere queant.

immo et dotali-  
tio vxor pri-  
uetur.

to priuanda est, quamuis per abulum saepe donatio propter nuptias vocari soleat. c. 15. X. de for. comp.

CAP. II.

DE PRIVATIONE HODIERNA DOTIS ET STATVTARIAE PORTIONIS EX CAPITE ADVLTERIL

ARGVMENTVM.

- I. Ordo dicendorum. II. Poena priuationis hodiernum obtinet. Eius ratio iure Rom. in culposo diuortio, iure Can. in adulterio collocatur. III. Inde iure Rom. heredibus mariti nec actio nec exceptio datur. IV. Sed datur iure Can. V. Et agere possunt de dote non soluta, VI. siue legitimi sint heredes siue extranei. VII. Et maritus inde mortua uxore iure Can. habet actionem et exceptionem. VIII. Priuatio dotis non obtinet ob stuprum viduae intra annum luctus. Num ob stuprum sponsae? IX. Donatio propter nuptias committitur ob adulterium mariti. X. Adulterium vel verum est vel praesumtum. XI. Praesumpti violenta sint indicia. XII. Et in praesumpto locus est priuationi dotis, et in eo, cuius mulier ob contumaciam conuicta decernitur. XIII. Poena priuationis quid comprehendat? XIV. Obtinet a tempore commissi adulterii. XV. Quibus modis cesset? XVI. Iuris Rom. et Germ. diuersa principia circa bona coniugum. XVII. Communione bonorum inter

*coniuges reliquæ, XVIII. præsertim in iure Hamiburgenfi. XIX. Ab ea coniuges recedunt per pacta dotalia. XX. Coniux adultera successione statutaria priuatur. XXI. Eadem poena mariti. XXII. Ponit adulterium viuo coniuge admissum, XXIII. et coniuges invicem haud reconciliatos. XXIV. Sufficit adulterium præsumtum. XXV. Huius poenæ effectus. XXVI. Pactis dotalibus initis; ins commune sequendum est.*

## §. I.

*Imprudencia  
compilatorum  
notatur,*

*in qua secun-  
dum seriem  
temporum o-  
mnia dispo-  
nenda,*

*et receptio iu-  
ris Rom. consi-  
deranda*

**F**ata huius doctrinæ varia apud Romanos explicui capite præcedente, quæ licet diuerſas et ſibi contradicentes leges produxerit, collectores iuris Romani tamen eam ſine discrimine compilarunt, quam fruſtra in concordiam reduxeris, niſi, prout factum eſt, iuxta temporum intervalla recenſeatur; tunc enim demum accurate conſtat, quænam leges ius antiquum, quæ vero ius novum idque *derogatorium* reſpiciant. Ita vero illud hiſtoriæ inſtar cenſeri debet, hoc vero ad *decisiones* cauſarum referendum, quatenus 1) receptum eſt, et 2) moribus Germaniæ applicari poteſt. Duo hic deſidero quorum *primum* concernit iuris Romani *receptionem*, neque enim ius Romanum quoad ſua principia ubique recipi potuiſſe palam eſt, quod etiam in hac doctrina factum eſt. Equidem MÖLLER in *ſemeſtr. lib. III. c. 13. n. 1.* docet, legem Iuliam de adulteriis in multis locis in deſuetudinem abiſſe, cuiusque cauſam cum MOLIN. ad *Alex. conſ. 13. lib. 7.* quaerit in *indicto ſacerdotibus cælibatu, turbæque illarum multiplicatione*, vt loquitur, adeoque ſacerdotes adulteriorum promotores in cauſa eſſe credit, ne hæc lex potuerit recipi; ſed ſicuti de *pœna criminali* id poſitiſſimum intelligit, quæ magnopere etiam per Germaniam variat,

variat, ita ad priuationem dotis ceterorumque lucrorum id applicari nequit, praesertim cum ius canonicum eam approbauerit. Id tamen in confesso est, etiam *ius canonicum* quoddam innouasse, vt *§. ult. cap. praeced.* obseruaui, vnde factum est, vt, quia ius canonicum in praxi principatum obtinuit, in hac doctrina non leues fluctus excitati fuerint, quippe quod diuersis a iure Romano principiis niti videtur. Alterum concernit mores Germaniae peculiares, passim adhuc in viridi obseruantia vigentes, et cum Romanorum placitis pugnantes, qui efficiunt, vt in applicatione doctrinae iuris Romani magna praecautio opus sit. Vnde, vt inoffenso pede progrediar, ad dua capita dicenda sunt reducenda, vt examinem, quid hodie iuris circa hanc materiam in iis locis, in quibus *iure commune* viuunt, et quid obtineat in iis terris, quae *iure antiquo Germanico*, quod matrimoniis antiquitus datum est, reguntur.

*nec non canonici,*

*et iuris Germanici.*

*Ordo dicendum.*

§. II. Ad primum membrum quod attinet, in eo conueniunt interpretes, poenam *priuationis*, inprimis adulterio probato, hodie adhuc obtinere, praesertim cum tam in iure ciuili (si nou. 134. c. 10. seposueris) quam canonico fundata sit. LYNCKER. cent. 4. decis. 328. BERLICH. P. 4. concl. 29. n. 1. 2. FONTANELLA de pactis nupt. tom. III. claus. 7. gl. 3. Part. 12. n. 2. CARPZ. in iurispr. consist. P. 2. def. 199. n. 1. et prax. crim. P. 2. qu. 64. n. 1. sqq. CHRISTINAEVS in comm. ad LL. Mechlin. tit. 2. art. 13. n. 6. sqq. cum multis ibi relatis autoribus, ANDREOLI P. 5. controu. for. 336. n. 1. MENOCH. de arbitr. iudic. quest. lib. 2. cent. 5. p. 571. n. 28. sqq. COLER. decis. 176. n. 40. RVLANDVS de commiss. P. 4. c. 13. p. 181. n. 55. Verum mox animaduerti, interpretes in fundamento priuationis inter se non conuenire, vtrum sci-

*Pena priuationis dotis hodie obtinet,*

*sed de fundamento eius dissentiunt.*



licet vera eius causa primario in *adulterio*, an vero in *diuortio* quaerenda? CVRTIVS Iunior in *rubr. C. de edend. n. 28.* ibique CAMILLVS PLAVTIVS *n. 4.* causam eius in *diuortio* constituit; MENOCHIVS vero de *arb. iud. quest. lib. II. cent. 5. cas. 419. n. 62.* primario in *adulterio*, quo et *diuortium* et simul *priuatio dotis* causatur, collocat, vt *diuortium* non tam sit *causa efficiens* huius priuationis, sed magis *causa sine qua non*, quoniam si maritus vxorem adulteram retinet, iniuriam per adulterium sibi illatam remisisse videatur. Neque vero haec quaestio est inanis et otiosa, sed intuitu *beredum* mariti quaedam inde conclusiones deducuntur, quas infra examinabo. Quocirca, vt paucis mentem meam circa hanc *questionem praedudicalem* declarem, distinguendum esse arbitror inter ius *ciuile* et *canonicum*. Quod illud concernit, euici in *capite antecedente*, priuationem dotis fuisse poenam *discidii culpofi*, vti expresse vocatur in *l. 8. de captiu. et postlim. reu.* Cum enim apud Romanos frequentissima essent *diuortia*, quae ingentes in familiis turbas mouebant, illorum vsum nimium hac poena restringere allaborarunt, vt *diuortio facto de moribus* quaestio institueretur, inquirereturque, cuius culpa esset factum, adeo, vt, *culpa vxoris probata*, dotis priuatio sequeretur. Neque vero culpa in solo *adulterio* quaesita fuit, sed in quibuscunque aliis pessimis moribus vxoris, quibus marito causa ad *diuortium* data fuit, qui tandem sub Caesaribus ad certas causas restricti sunt. Id ergo primario in hac *priuatione* respiciebatur, quod tot turbas fluctusque in familiis excitabat, id quod *diuortium* seu *discidium* culpa vxoris causatum erat, vt culpa praecedens causa quidem remota, *discidium* vero proxima esset. Sed ius canonicum, quod *totale diuortium* haud admittit in casu adulterii, primario hanc poenam *adulterio* ipsi

utrum in di-  
uortio,

an adulterio  
penenda,

de iure ciuili  
in diuortio  
fundata erat  
pena,

sed iure cano-  
nico fundatur  
in adulterio.

ipsi imposuit. Id aperte liquet ex decisione c. 4. X. de do-  
 nat. int. vir. et vxor. vbi pontifex ita: *quod si aliqua mulier*  
*ob causam suæ fornicationis iudicio ecclesie aut propria volun-*  
*tate a viro suo recedit, nec postea reconciliata est eidem, in-*  
*de defuncto ipso, dotem vel dotalitium suum repetere non pot-*  
*est.* Equidem si *separatio* iudicio ecclesiæ facta, hæc instar  
*diuortii* est, vel ad minimum in locum eius substituta dici-  
 tur; interim tamen non est verum diuortium, cum marito  
 ad alias nuptias transire non sit integrum, viuentē adultera,  
 quod cum ea matrimonium durare dicatur ob sacramentum,  
 quod matrimonium indissolubile reddit, adeoque si hoc iu-  
 re principalis causa in *diuortio* querenda esset, priuationi  
 dotis locus relinqui non posset. Deinde eadem priuatio quo-  
 que locum habet, si nequidem talis separatio interuenit, sed  
 tantum mulier ex causa *adulterii* a marito discessit; neque  
 enim iure canonico hic priuatus discessus *diuortium* consti-  
 tuit, id quod aliter, quam iudicio ecclesiæ, fieri et concipi  
 nequit, sicut olim diuortium sine *solennitate ciuili* haud  
 factum dicebatur. Imo nec hodie inter protestantes, qui  
*totale diuortium* admittunt, id aliter concipi potest, quam  
 si per sententiam consistorii decretum fuit, adeoque si vxor  
 a marito discessit, conscientia criminis commissi, quam diu  
 maritus ad diuortium non egit, coniugium haud diremtum  
 censetur, vt nec innocens ad alia vota conuolare queat. Et  
 tamen etiam in hoc casu pontifex admittit priuationem do-  
 tis, cuius vera et primaria causa querenda in *adulterio*, li-  
 cet discessus vxoris, tanquam causa sine qua non, concur-  
 rere debeat. Denique etiam hanc conditionem addit pon-  
 tifex: *si postea non est reconciliata eidem*, quæ iniuriam  
 per adulterium illatam respicit, vtpote quæ per reconcilia-  
 tionem remissa est, qua remissione cessante, manet funda-  
 mentum

mentum priuationis dotis, *adulterium* scilicet, et iniuria per illud marito illata.

An heredes  
possunt ad-  
ultera oppo-  
nere exceptio-  
nem adulterii?

§. III. Quæ cum ita sint, de iure *heredum mariti*, quatenus exceptionem *adulterii commissi* vxori dotem repetenti opponere possint? concertatio non leuis inter iuris interpretes orta est, cui iterum pontifex ansam præbuit, quippe qui in casibus adductis heredibus mariti hanc exceptionem indulgit. Quoad ius ciuile *capite antec.* euictum est, heredes *de moribus* vxoris nec agere nec excipere potuisse, quod hæc actio vindictam spiraret per *l. 15. §. 1. solut. matrim.* et *l. 1. C. Theod. de dotib.* et cum hæc actio per Iustinianum sit sublata in *l. vn. C. d. R. V. A.* nequidem inde solidum argumentum in hac quæstione trahi potest. Multo minus ex iure nouo aliquod idoneum argumentum adferri potest, quod præsidio heredibus sit, si nullo diuortio facto maritus decessit. Etenim *nou. 117. c. 8. §. 2.* in casu adulterii diserte desiderat *diuortium*; imo *nou. 134. c. 10.* (qua *nou. 117. c. 8. §. 2.* denuo correctæ est) ne quidem marito, adultera criminaliter punita, dotis lucrum indulget, si elapso biennio vxorem ex monasterio repetere recusat, vel priusquam recipiat mulierem, mortuus sit, quamuis hoc casu quæstio ne quidem de vxore dotem repetente moueri queat, quippe quæ monasterio includitur, et patrimonium eius inter monasterium, et descendentes vel ascendentes diuiditur, vel, his deficientibus, omnia bona monasterio obueniunt. Enim vero ius canonicum retentionem dotis heredibus certo modo indulget, adeoque ex hac iurium diuersitate de hodierna praxi ingens inter Dd. deprehenditur discidium, quam quidam ex iure canonico, quidam autem ex solis iuris ciuilibus principiis determinare videntur; quidam vero omnia miscent.

vid.

vid. BERLICH. *P. 4. concl. 30.* FARINAC. *in pr. crim. qu. 142. P. 2. tit. 16.* FONTANELLA *de pact. nupt. claus. 7. gl. 3. P. 12. n. 3. sqq.* CARPZ. *pr. crim. qu. 65. n. 1. sqq.* MEVIUS *ad ius Lubec. P. 2. tit. 2. art. 12. n. 414. sq.* PETR. BARBOSA *ad tit. solut. matrim. l. 2. n. 119. sqq.* CHRISTINAEVS *vol. 5. dec. 218. n. 23.* HEESER *de commun. bon. P. 2. loc. 16. n. 337. sqq.* HARPRECHT *conf. 27. n. 37. sqq.* VALASCVS *lib. 2. consult. 169. p. 147. sqq.* Omnia, quæ ab his aliisque de hac materia traduntur, redire videntur ad tres quæstiones: 1) An heredes mariti defuncti, nulla remissione facta, exceptionem adulterii viduæ dotem repetenti opponere? 2) an de dote non soluta agere? 3) an denique etiam extranei eo iure uti possint. Atque hæ tres quæstiones reuera mouentur intuitu *c. 4. X. de donat. int. vir. et vxor.* et ita vnice de iuris canonici sententia quæritur.

§. IV. Prima quæstio euidenter decisa est in *c. cit. 4.* Quod secundum ius canon. affirmatur, quod heredibus exceptionem adulterii concedit, si adultera marito suo haud reconciliata fuerit. Neque refert, vtrum iudicio ecclesiæ separata fuerit a marito nec ne? nam quæ conscientia criminis a marito discessit, dotem ab heredibus repetere nequit, nulla reconciliatione secuta. Proinde 1) nisi maritus iniuriam remiserit, palam est, si maritus, comperto adulterio, tacuit, nec conqueustus est: si eidem postea cohabitauit: si aliter cum eadem in gratiam rediit, iura dotis vxori intacta manent cum ceteris lucris dotalibus, per *cit. c. 4. BERL. P. 4. concl. 29. n. 48. sq.* nec heredes exceptionem adulterii repetenti dotem vxori opponere queunt. PAPONIVS *in corp. iur. Franc. lib. 22. tit. 9. p. 716. n. 8. et 718. n. 10.* PETRVS BARBOSA *ad l. 2. solut. matrim. pr. n. 120.* 2) Idem quoque arbitror, etiam præsumitur, si remissio adulterii præsumitur et in dubio facta intelligi-  
tur,

tur, quod contingit, si maritus ignoravit adulterium vxoris, et in illa ignorantia mortuus fuerit, quia remisisse hanc iniuriam, nec in studio vlciscendi spiritum emisisse, si delictum sciuiſſet, in dubio præſumitur, adeo vt etiam mors innocentis proficiat adulteræ ad mitigationem pœnæ; quamvis enim actio *de moribus* ſublata fuerit, conſtat tamen, priuationem dotis ad vindictam eſſe referendam, quæ morte innocentis ſublata eſt. HARPRECHT. *cit. l. n. 42. ſqq.* BERLICH. *cit. l. n. 13.* Qui cum FARINACIO *cit. l. n. 115.* contrariæ ſententiæ adhærent, autoritati gloſſæ ad *l. 27. C. de fideic.* nituntur, quæ hodie adeo lubrica eſt, vt a vero neminem deſlectere queat, præſertim quod in dubio ad abſolvendum procliuioreſ eſſe, *l. 32. ſ. 4. de donat. int. vir. et vxor.* et benigniora præferre debeamus, *l. 56. de R. V.* E contrario 3) ſi de mariti intentione conſtat, quod iniuriam ſibi illatam remittere noluerit, heredibus hæc exceptio adulterii non deneganda, ſi vel maxime diuortium nullum factum eſt. FONTANELLA *cit. l.* Id docet pontifex in *cit. c. 4.* denegatque mulieri adulteræ repetitionem dotis, quæ conſcientia criminis diſceſſit, nec eidem reconciliata eſt. Vel hæc poſterior circumſtantia ſufficit, ſi vel maxime vxor non diſceſſit. Quid enim, ſi mox maritus, comperto adulterio, ab omni eius conſuetudine abſtineat, et verbis factisque exulceratam mentem oſtendat, nec ante mortem cum ipſa in gratiam redeat? quid ſi vxorem accuſauit, vel iam in procinctu fuerit, vt eam accuſaret, ſed morte præventus, accuſationem vel actionem ad diuortium abſolvere haud potuit? Quid ſi extraiudicialiter conqueſtus fuit, aliquo tamen impedimento ab eius accuſatione deterritus fuerit? Da der Mann bey ſeinem Leben des Weibes Ehebruch gewuſt, das geeiffert, das Weib ausgetrieben, oder ſich beſen

remiſſione reſiſtente heredes velte hanc exceptionem opponunt.

sen beklagt, jedoch mit dem Tode übereilet worden, vt loquitur Elector Saxon. *P. 4. const. 21.* quæ verba *iuris canonici*, non *ciuilis* sententiam aperte referunt, vt inde manifestum sit, illius in hac materia vnice rationem habitam fuisse. Interim legens et perlegens, quæ interpretes, et inprimis PETRVS BARBOSA, hac de doctrina tradunt, admodum doleo vicem iurisprudentiæ nostræ, in qua ima summis a plerisque miscentur, nec iura antiquata a recentioribus institutis separantur, multo minus iuris canonici principia, quæ principatum in praxi obtinent, et tamen non exacte cum iure ciuili conueniunt, seorsim traduntur et excutuntur, vnde Dd., quæ huius iuris sunt tantum, ineptissime ex iure ciuili explicare nituntur.

§. V. Secundam quod concernit quæstionem, præmittendum est, tunc eam demum moueri posse, quando dos tantum promissa ab vxore, nondum vero soluta fuit, id quod variis ex impedimentis fieri potuit. Quodsi ergo maritus adulterium sciuit, de eo conquestus est, ad diuortium et dotis priuationem agere voluit, morte tamen, nulla reconciliatione facta, præuentus est, heredes a petitione dotis plures arcent, vt FARINAC. *cit. l. n. 119.* PETRVS BARBOSA *ad l. 2. solut. matr. in pr. P. 1. n. 124. sq.* CYRIACVS *in contr. for. lib. 1. contr. 104. n. 27. sq.* Huius sententiæ ratio fere vnice inde desumpta videtur, quod in *c. 4. cit. heredibus exceptio adulterii* duntaxat indulta fuerit, non autem actio pro dote petenda, quæ tamen, meo iudicio, parum stringit. Eum enim pontifex tantum casum in *cit. tx.* adduxit, qui vt plurimum contingit, cum vt plurimum dos marito statim tradatur, et ita vxor ab heredibus mariti eam petat soluto matrimonio, quo casu per viam exceptionis vi-

*Quin etiam  
mariti here-  
das datam pe-  
tere possunt  
ob adulteri-  
um commis-  
sum.*



dua repellitur. Enimuero cum huius *exceptionis* ratio vni-  
ce in adulterio commisso constituatur, quod maritus vindi-  
care, non vero iniuriam sibi illatam remittere voluit, et hac  
de causa ius canonicum heredibus dotem vxoris attribuat,  
merito quoque ex eodem fundamento ius agendi ad dotem  
petendam illis indulgere debuit, cum eadem hoc casu ratio  
sit *actionis* et *exceptionis*. Facilius quidem alias datur exce-  
ptio, quam actio, si scilicet *diuersitatis* ratio quædam ex-  
cogitari potest; enim vero hæc in præsentī casu deficit, cum  
idem fundamentum in actione mouenda deprehendatur, ob  
quod exceptio ex iure canonico data est. Quid enim si  
vxor in articulo mortis mariti commisisset adulterium, de  
quo maritus grauitè conquestus est? quid si, reconciliatio-  
ne omni reiecta, decessisset? satis sine dubio apparet, ma-  
ritum vindicandi adulterium, et ad dotis priuationem agen-  
di animum habuisse, morte autem præuentum consilium  
suum in exitum deducere non potuisse. BESOLDVS P. IV.  
*conf.* 179. n. 97. BRUNNEM. *conf.* XXII. n. 10. 10. GOED-  
DAEVS in *conf.* Marp. vol. 3. *conf.* 28. n. 197. *sqq.* Equidem  
de iure ciuili heredes hoc casu agere non possunt, quia vin-  
dictam spirat actio dotis priuatoria, æque vt iniuriarum,  
quæ demum lite contestata in heredes transit; imo nec hoc  
iure *exceptio* heredibus in casibus adductis concedi potuit,  
cum post fata innocentis de moribus vxoris adulteræ quæstio  
moueri amplius nequeat. Non ergo ex hoc iure *ratio du-  
bitandi* peti potest, cum iam obseruauerim, ne quidem se-  
cundum *non.* 134 c. 10., quæ ius nouum constituit, amplius  
actionem ad dotis priuationem superesse marito, multo mi-  
nus heredibus; sed vnicum decidendi fundamentum ex iure  
*canonico* petendum.

§. VI. Idem iudicium formandum de tertia quaestione, *Sine distinctione, utrum sint heredes legitimi an extranei,* quæ rursus vnice occasione *c. 4. cit.* formatur, nec secundum *iuris ciuilibis* tramitem moueri potest. Si constaret, heredes hoc iure ad dotem petendam agere posse, frustra de heredibus *extraneis* institueretur quaestio, quippe qui æque heredes sunt ac quidem legitimi. Quod autem quidam heredes extraneos ab hac *actione* et *exceptione* arceant, eius dubitandi ratio vnice tracta est *ex cit. c. 4.*, in cuius facti specie, pontifici oblata, hæc circumstantia adducta erat, quod mulieres, defunctis maritis, a *consanguineis*, ad quos *hereditates eorum perueniunt*, dotem repetere soleant, quam pontifex in decisione ipsa repetiisse, et ad illam hanc restrictuisse videtur, BERLICH. *P. 4. concl. 30. n. 27.* FARNAC. *cit. l. n. 126.* CARPZOV. *in pr. crim. qu. 65. n. 24.* adeo, vt nonnulli tantum liberos admittant, reliquos autem heredes ab intestato excludant. CARPZ. *cit. l. n. 26.* Sicuti vero hæc posterior sententia omni fundamento iuris destituitur, et nullibi ad liberos tantum restricta est, ne quidem secundum ius Saxonicum, quod *P. 4. Const. 21.* indefinite *der Erben* meminit, (vtut CARPZOV. *cit. l.* contorte verba constitutionis Saxonice in alium sensum trahat) ita nec ad solos *ab intestato* heredes hæc iuris canonici dispositio referenda, quorum tantum *incidenter* facit mentionem, nec *dispositiue* de eis quid decernit. *nec soli heredes ab intestato.* Neque etiam solida diuersitatis ratio dari potest. Consanguinei enim, ad quos hereditas deuoluitur, ideo hoc iure fruuntur, quod dotis *lucrum hereditati* insit, et eius augmentum factum fuerit. De *extraneo* herede idem formandum iudicium, ad quem eodem modo cum omni iure, quod defunctus acquisuit, hereditas deuoluitur.

*Decedente adultera, maritus propter dotem habet actionem et exceptionem*

§. VII. Quodsi mulier adultera diem obiit, viuente adhuc marito, qui tamen cum ea in gratiam redire prorsus recusauit, interim nec diuortium facere potuit, morte eius vel alia iusta causa impeditus, marito quidem contra heredes adulteræ, dotem repetentes, largiuntur *exceptionem*, sed non *actionem*, vt censuit BERLICH. *cit. l. n. 30. sqq.* Prius probant ex *l. 36. C. ad L. Iul. de adult.* vnde liquet, olim vxore, diuortio facto, mortua, *propter dotis questionem, utrum lucro mariti cedere an non heredes mulieris restitui debeat*, licuisse adhuc probationem adulterii suscipere, et ita heredibus dotem repetentibus hanc exceptionem opponere. Iure veteri certe id non licuit, quia id aliter, quam actione *de moribus*, repudio facto, mota, fieri non potuit: IUSTINIANVS vero, hac actione sublata, *questionem adulterii* adhuc post mortem vxoris moueri posse constituit in *cit. l. 36.* quod nec per *nou. 134. c. 10.* immutauit. Etenim hæc de adultera viuente, monasterioque in perpetuum inclusa, disponit, cuius bona diuiduntur inter descendentes vel ascendentes et monasterium; marito vero, vel quod eam post biennium ex monasterio repetere noluit, vel quod intra biennium iam decessit, nihil attribuitur. Talis vero diuisio obtinere nequit, si vxor, repudio facto, nondum de adulterio accusata, mortua fuerit, quem casum IUSTINIANVS in *cit. l. 36.*, quæ anno 532. condita, supposuit. Grauius dubium emergit ex *nou. 117. c. 8. §. 2.* vtpote lege posteriori, anno 541. condita, vbi processus contra vxorem adulteram ita instruitur, vt 1) prius criminaliter de adulterio contra eam agatur: 2) probato adulterio, repudium fiat, et ita 3) dotis lucrum ei obuেনiat, reliqua vero bona 4) quandoque fisco addicentur. Hoc modo itaque repudium amplius non potuit fieri, antequam vxor criminaliter accusata et condemnata

demnata fuerit, quod tamen ex tramite iuris veteris supponit *l. cit. 36.* Atque hunc quoque processum *n. 134. c. 10.* non adeo immutat, sed repudium tantum differt post biennium, si adulteram ex monasterio repetere renuit maritus, quamvis hoc casu dotis lucro abstinere cogatur, ut *§. pen. c. præc.* dictum. Quæ cum ita sint, palam est, ex iure civili parum præsidii pro decidenda hac quæstione superesse, et rursus recurrendum ad *cit. c. 4. X. de donat. int. vir. et vx.* id quod cum heredibus mariti exceptionem contra vxorem largiatur, multo magis quoque marito eam indulgere debet contra heredes vxoris. Neque vero quod *BERLICH. cit. l. n. 32.* intendit, ius agendi marito denegandum pro dote promissa soluenda, prout rationes *§. antecedente* adductæ euincunt. Denique sicuti id tantum procedit, si vxor vel eius heredes dotem repetunt, ita sine dubio applicatio eius deficit ad casum, quo extraneus, qui dotem dedit, soluto matrimonio, eandem sibi reddi stipulatus est, quippe cui vxor suo adulterio præiudicare non potuit, sicuti nemo ex alterius delicto plectendus est. *FONTANELLA de pact. nupt. claus. 8. gl. 3. p. 12. n. 18. BERLICH. P. 4. concl. 29. n. 43. Consil. Argent. 74. vol. 1. n. 58. sqq. BARBOSA ad l. 2. solut. matrim. P. 1. in pr. n. 63.*

extraneus tamen, cui dos reddenda, non præiudicatur.

§. VIII. Ad viduam quoque quidam pœnam priuationis extendunt, maxime quæ intra annum luctus stupro se maculauit, quam quæstionem late examinat *BERLICH. P. 4. concl. 31.* Secundum ius ciuile tantum amittit donationem propter nuptias per *nou. 39. c. 2.* dotis priuationem autem non patitur. Accedit, quod adulterium non committat, nec iniuriam marito, a quo iam liberata est, inferat, ut heredibus ius puniendi viduam concedi debuerit. Nec dispositio

De vidua intra annum luctus stupro se maculante

litio iuris canonici ad hunc trahenda casum, quod ne quidem pœnis secundarum nuptiarum fauet, sed intra annum luctus secundas permittit nuptias. Conf. CHRISTINAEVS in *comm. ad LL. munic. Mechlin. tit. 2. art. 13. n. 168.* BARBOSA *cit. l. n. 65. sq.* MERLIN. *de legitima lib. 4. tit. 2. qu. 6. n. 7. 8.* PAVLVS ARMIL. GALLVS *de except. success. ab intest. tit. 5. exc. 10. n. 60.* VALASCVS in *consult. lib. 2. conf. 169. n. 20.*

*et sponsa stu-  
prata.*

CARPZ. *pr. crim. qu. 65. n. 37.* Pariter de sponsa quærent, vtrum etiam hæc per stuprum dote priuanda sit? Equidem si ante sponsalia stuprata est, vt iam grauida ea inierit, certum est, dotis priuatione illam non esse plectendam, si vel maxime matrimonium consummatum fuerit, quippe quod hoc casu nullum est, non vero per repudium rescinditur. CARPZ. *lib. II. iurispr. consist. def. 199. n. 5. seqq.* Enimuero grauior emergit scrupulus, si sponsalibus puris iam contractis ab alio stuprum patiatur, quod *adulterii* speciem præ se fert, *l. II. §. 9. ad L. Iul. de adult.* præsertim si iam ab alio grauida matrimonium consummat cum sponso, quod per repudium rescinditur, nec *nullum* dici potest. Hac de causa pœnam priuationis etiam ad hunc casum extendit BERLICH. *P. IV. concl. 29. n. 32.* nec sine ratione, quoniam etiam hoc casu insignis, imo eadem infertur iniuria marito, quam patitur, si constante matrimonio vxor se polluit adulterio. Neque distinguendum esse arbitror, vtrum diuortium reuera factum fuerit nec ne? quid enim si vxori mox post puerperium decedenti, maritus ignoscere penitus abnuat? Satis omnino constat, nullam cum vxore reconciliationem fuisse factam, in quo acquiescit ius canonicum. Quocirca non tantum dotem, quam iam accepit, retinere, sed non solutam etiam petere potest. Hoc tamen limitandum esse censeo, si sponsus, comperto adulterio, mox sponsam infidelera

delem repudiat, quia ita matrimonium nondum fuit consummatum, de quo casu intelligo CARPZOVIVM in *pr. crim. qu. 64. n. 45. sqq.*

§. IX. Fundamentum huius priuationis est *adulterium* Mariti adul-  
 primario, de quo hac dissertatione vnice sollicitus sum. terium uxori  
 Quamuis negari non possit, *desertionis malitiose*, qua iti- tribuit dona-  
 dem fides coniugalis frangitur, et *insidiarum vitæ structurarum* tionem pro-  
 causam *iusto repudio* sufficere, et hanc priuationem operari. pter nuptias,  
 NICOLAI de *diuort. P. 2. c. 2. n. 68. sqq.* LYNCKER cent.  
 IV. *decis. 328.* Committit autem adulterium vel *uxor* vel  
*maritus*. De illius adulterio satis hætenus. Hic vero ho-  
 die non tantum adulterium committit, si cum *ligata*, sed  
 etiam si cum *soluta* rem habet. Priori casu ius ciuile mari-  
 to decreuit priuationem donationis propter nuptias, vt c.  
*antec.* ostensum est, cum aliis lucris nuptialibus, quod per  
*nou. 117. et 134.* non est correctum, quin potius corrobora-  
 tum. BERLICH. *P. 4. concl. 29. n. 25.* Enimuero ius ciuile  
 id non aliter admittit, quam, facto repudio, vt proinde  
 merito dubitari possit, vtrum etiam hoc hodie adplicari  
 queat ad casum, quando *uxor* morte mariti præuenta, vel  
 aliter impedita ad diuortium agere non potuit secundum iu-  
 ris canonici principia? Hoc enim in solo acquiescit *adulte-*  
*rio*, et *iniuria* per illud innocenti illata, quatenus nulla fa-  
 cta est reconciliatio, siue diuortium interuenerit, siue non.  
 Quid ergo si maritus, adulterio manifestato, discesserit, vel si vel maxime  
 in fuga decesserit, vt *uxor* diuortium petere fuerit impedi- uxor diuorti-  
 ta? Idem puto hoc casu dicendum esse, quod iura canoni- um facere im-  
 ca constituerunt in *uxore adultera*, cum coniuges pari iure pedita fuit.  
 in adulterio fruuntur. CARPZ. in *pr. crim. qu. 64. n. 40. sqq.*  
 MEV. ad ius *Lubec. P. 2. tit. 2. art. 12. n. 408.* Posteriori  
 Tom. IV. Llllll casu,



casu, si cum ligata sese commiscuit, maritus quidem secundum *ius civile*, se simplici stupro non adulterio polluebat, sed et ob hanc causam vxori integrum erat, repudium marito renunciare, dotemque cum donatione propter nuptias repetere per *nou. 117. c. 9. §. 5.* quod multo magis hodie dicendum, quia iuxta iuris canonici et Carolini principia hoc casu verum perpetratur adulterium.

*Adulterium  
est vel verum  
vel præsump-  
tum.*

§. X. Est autem adulterium duplex vel *verum* vel *præsumtum*. Illud dicitur, quando constat de consummato adulterio, quod quomodo perficiatur, hic non inquiram. Hoc vero appellatur, quando ex argumentis et coniecturis gravissimis præsumtio vrgens de commisso adulterio inducitur, quæ, quando ad diuortium agitur, sufficere dicitur, *c. 12. X. de præsumt. c. 27. X. de testib. c. 4. C. 27. qu. 1.* licet ad effectum *pænæ criminalis* de consummato adulterio per immissionem seminis constare debeat. Sufficere autem *adulterium præsumtum* ad diuortium, docet *c. 12. X. de præf.* ubi refertur casus de consanguineo mariti, quem testes viderant *solum cum sola, nudum cum nuda in eodem lecto iacentem, ea ut credebant intentione, ut eam cognosceret carnaliter*, quemque præterea deprehenderant *in multis locis secretis et latebris ad hoc commodis et horis electis*. Respondit pontifex, quod ex huiusmodi violenta et certa suspicione *sententia diuortii possit promulgari*. Equidem GONZALEZ ad *cit. c. in f.* inde minime colligendum esse credit, ex sola gravissima adulterii suspicione diuortium non esse decretum, sed potius quia constabat, reuera illud commissum esse; accessisse præterea suppositionem partus, propinationem potus venefici, quæ per se ad diuortium suffecerint, præsertim cum confessi fuerint rei, se ante nuptiarum solennia concubuisse

*Atque ex hoc  
etiam diuor-  
tium decerni  
potest.*

buisset. Enimvero 1) ex integra decretali liquet, partus sup-<sup>quod confir-</sup>positionem et potus venefici propinationem non satis proba-<sup>matu</sup>ri potuisse, sed tantum hæc crimina allegata fuisse per verba: *dicitur quæque* etc. Qua de causa 2) nullam inde decidendi petit rationem pontifex, nec vltiorem horum criminum indagationem imperat, sed 3) vnice subsistit in *violenta et certa suspitione adulterii*, ostenditque, talem sufficere ad probandum adulterium intuitu diuortii, quod ipsa decisionis verba indicant. Atque inde dicitur *presuntum*, quod ex solis violentis et grauissimis coniecturis demonstratum fuerit. Nouum vero dubium inde format Dn. de BERGER <sup>etiam inter</sup> *in elect. proc. matrim. §. 30. et in supplem. p. 153.* quod <sup>protestantes.</sup> facilius talis probatio per vrgentes coniecturas, in foris catholicorum, tolerari possit, in quibus *totale diuortium* non decernitur, sed tantum perpetua separatio quoad thorum et mensam, id quod etiam pontifex indigitat in *cit. c. 12.* cum in foris A. C. addictorum ob adulterium *totali diuortio* locus sit, et ex Christi doctrina *actuale adulterium* desideretur per verba *Matth. V. 32. παρεκτός λόγος πορνείας* h. e. *excepto negotio adulterii*, quæ verba notanter coniuncta videntur, vt *consummatio adulterii* indigitetur. Verum enim vero quando 1) *presuntum adulterium* adlegatur, non negatur eiusdem consummatio, sed de *modo probandi* tantum quaestio instituitur, an consummatio ita præcise probanda, vt in pœna criminali; an vero sufficiat eam ex coniecturis violentis et grauissimis inducere? posterius admittit pontifex, non quidem ideo, quod tantum *partiale diuortium* decernatur (quippe quod etiam in adulterio, cuius consummatio manifesta est, duntaxat locum habet) sed quod de adulterio tantum *ciuilitè* hic agatur. 2) Verba saluatoris potius ita vertenda: *excepta ratione adulterii*, vt quicquid

*actuale adulterium* vel *rationem adulterii* continet, diuortio sufficiat. D. IO. MICHAEL LANGZ de *nupt. et diuort. diff. 6. §. II. et 14.* Quid ergo dicendum de tali casu, si lasciuo more nudus cum nuda solus cum sola in eodem lecto reperi et deprehensi fuerint, annon vxor impudica eo ipso peccat in fidem conjugalem, quod adulterii causa in thorum conjugalem receperit masculum, licet non exacte probata fuerit consummatio? hæc interim vrgentissime et violenter adeo præsumitur, vt de eo dubitari non liceat. Sed ponamus etiam, liquere, adulterium ad proximum actum peruenisse, sed consummari non potuisse ob qualecunque impedimentum, annon etiam talis conatus proximus, cui ferre nihil defuit, *rationem adulterii* habet, quæ in *fide coniugali fracta* quærenda, non vero præcise in imprægnatione, quæ etiam deficere potest, si vel maxime consummatio in dubium haud vocatur.

*Mono sint indicia violenta.*

§. XI. Violenta autem et vrgentissima adulterii perpetrati indicia desiderat pōtifex, adeoque remotiora non sufficiunt ad hunc effectum, vt diuortium decerni queat. Neque itaque soli amplexus et oscula sufficiunt ad decernendum diuortium et priuationem dotis, vt recte censent SANCHEZ de *matrim. lib. 10. disp. 4. n. 11. sqq.* PETRVS BARBOSA ad l. 2. *solut. matrim. P. 1. in pr. n. 69. sq.* quippe quæ ne quidem *rationem adulterii externi* habent, quamuis impuris cogitationibus intuitu DEI adulterium ita sæpe committatur, quod DEVS, cordium scrutator, iudicat. Multum hic arbitrio iudicis committendum, qui ex ratione loci, temporis, aliarumque maxime suspectarum circumstantiarum de adulterio præsumto iudicium suum interponere debet, vt idoneo exemplo illustrat STRYK. in

vs. mod. Pand. tit. de diuort. §. 53. Conf. BARBOSA  
cit. l. n. 74.

§. XII. Quodsi ergo ob *presuntum adulterium* locus est diuortio, etiam *dotis priuatio* obtinebit. Ius canonicum enim talem adulterii probationem idoneam esse iudicauit in materia *diuortii*, multo magis ergo etiam ad effectum amittendi dotem, quæ causa longe minor est illa. BARBOSA cit. l. n. 75. BERLICH. P. IV. concl. 29. n. 52. Aliud dicendum esse volunt, si tantum *fide* est adulterium probatum, scilicet per *contumaciam* vxoris de adulterio accusatæ. Quid enim, si vxor suspecta de adulterio discessit: accusata est de adulterio: publice tribus vicibus citata: nunquam vero comparuit; tandem vt confessa et conuicta condemnata, vtrum dotem saluam retinet? Id quidem arbitratur PETR. BARBOSA cit. l. n. 75. arg. l. 55. de euiç. quæ docet, euiçtionis nomine agere non posse, cui per contumaciam fundus est euiçtus. Enimuero ratio consequentiæ claudicat. Quod agere non possit propter rem euiçtam, qui contumacia sua damnatus est, vel hanc habet rationem, quod culpa sua victus fuerit, ergo etiam damnum sentire debet. At vero inde nulla trahi consequentia potest ad casum præsentem, vbi de vxoris regressu non agitur, sed de vxore condemnata ex capite contumaciæ, quæ sententia effectum utique habere debet contra contumacem, quem amitteret, si priuatio dotis eidem deesset. Denique si talis sententia habet effectum *diuortii*, quidni etiam *priuationis* dotis? et si desertrix ex capite contumaciæ condemnata dotem amittit, quare diuersum esset constituendum, si in adulterii accusatam tanquam confessam et conuictam sententia est lata.

Adæque etiam operatur dotis priuationem;

si vel maxime vxor ob contumaciam condemnata.

*Amittit adul-  
tera dotem,*

*tertiam par-  
tem ex reliqua  
substantia,*

*dotalitium,*

*quandoque  
quartam par-  
tem bonorum,*

*non parapher-  
nalia,*

§. XIII. Amittit vero vxor adultera (I) dotem, sicuti maritus donationem propter nuptias, dote restituta, quod iuri codicis quoque conforme est. Olim quoque (II) præter dotem quantitas tertiæ partis dotis ex reliquis bonis præstanda erat innocenti marito per *nou. 117. c. 8. §. 2.* quod tamen per *nou. 134. c. 10.* correctum esse, vltro et recte fateatur BERLICH. *P. 4. concl. 29. n. 11.* qua de causa quoque eius non fit amplius mentio in *c. 4. X. de donat. inter vir. et vxor.* (III) Amittit quoque *dotalitium*, prout aperte tradit *cit. c. 4.* qua appellatione quid denotetur, iam *§. vlt. c. præced.* dictum. Idem sine dubio extendendum ad alia comoda ex pactis dotalibus debita. (IV) Nulla dote constituta olim quarta parte patrimonii mulctabatur adultera, *l. 11. §. 1. C. de repud.* id quod per *nou. 134. c. 10.* sublatum est, prout ex supra dictis manifestum redditur. Quia vero ius canonicum priuationem dotis reduxit restituitve, sine dubio eius intentionis fuisse videtur, vt etiam id restituat, quod in defectu dotis ius codicis marito attribuit. Vel hæc sola ratio ostendit, *paraphernalia* vxori salua relinquenda esse. Etenim in defectu dotis non aliunde quarta pars debetur, quam ex paraphernalibus, qua appellatione præter dotem reliqua vxorum substantia venit. Quantis vero animorum contentionibus circa hanc materiam dissentiant interpretes, docent SANCHEZ *de matrim. L. 10. disp. 8. n. 10.* BERLICH. *P. 4. concl. 29. n. 18. sq.* LAVTERBACH. *ad L. Iul. d. adult. §. 26.* PETRVS BARBOSA *cit. l. n. 54. sq.* BARTHIVS *de diffens. in praxi cent. 1. diff. 41.* Ex iure ciuili sane nulla solida ratio pro affirmatiua depromi potest, siue ius antiquum siue recentissimum inspexeris. Nam per *nou. 134. c. 10.* bona omnia quidem amittit, sed ea diuiduntur inter descendentes vel ascendentes vxoris et monasterium; his vero defi-

deficientibus soli monasterio obueniunt, vnde palam est, ea lucro mariti non cedere, quod vnice in quæstione est. Ante hanc nouellam bona adulteræ, quæ deducta dote supererant, fisco cedebant, vt rursus paraphernalia marito haud obuenerint, nec paria cum dote iura habuerint. Qui marito *paraphernalia* assignarunt bona, (1) quorundam interpretum et canonistarum sententiam suam fecerunt, existimantium, in *c. 4. X. de donat. int. vir. et vx.* sub appellatione *dotalitii* denotari paraphernalia, quem errorem iam reieci supra *c. præc. §. ult.* Conf. BESOLD. *conf. 110. n. 178.* (2) Miscuerunt plerique iuris ciuilis instituta, cum iure Germanico antiquo, quod *communione bonorum* inter coniuges constituit, et ex hac quandam diuersitatem etiam circa hanc doctrinam introduxit, quod quodammodo iam animaduertit BERLICH. *P. IV. concl. 29. n. 18. sq.* vt infra ostendam. (3) Nonnulli etiam huc prolapsi sunt, vt, quia obseruarunt, hodie non amplius adulteræ substantiam fisco vel etiam monasterio deferri; illa marito addicenda crediderint, sine solido tamen fundamento, cum potius, iure fisci vel monasteriorum quiescente, heredibus legitimis illa obvenire debeant. Denique (V) amittit omnia legata, dona- bene vero legata et donata. ta, aliaque a marito vxori relicta, hoc, nulla reconciliatio- ne interueniente, mortuo. Etenim α) hæc vxor etiam amittit, si intra annum luctus ad secunda transit vota *l. 1. C. de secund. nupt.* multo magis ergo, si per adulterium in fidem coniugalem peccauit, quæ iniuria longe grauior est, CARPZ. *in pr. crim. qu. 64. n. 34. et qu. 65. n. 69.* β) Inimicitia capitales inducunt per se præsumtam testatoris voluntatem adimendi legata et fideicommissa, quæ iure ciuili sufficit; *l. 3. in f. de adim. vel transf. leg. l. 9. de his quæ vt indign.* tales vero inimicitias capitales ex adulterio commis-



fo ortas et natas fuisse, palam est, præsertim cum hic supponi debeat, maritum, omni abiecta reconciliatione, decessisse. Conf. L. B. de LYNCKER *resp.* 150. n. 15. CYRIACVS *lib. I. contr. for.* 134. n. 3. HESER *de comm. bonor. P. 2. loc.* 16. n. 323. sq.

Lucra hæc ob-  
veniunt ma-  
rito a tempo-  
re commissi  
adulterii,

per sententi-  
am declarato-  
riam iudicis,

etiam ecclesia-  
stici.

§. XIV. Quemadmodum vero adulterium commissum est fundamentum huius priuationis secundum ius canonicum, quo utimur, non vero præcise *diuortium*; ita inde sequitur, ut lucra hæc innocenti cedant non demum a tempore facti *diuortii*, prout statuit MYNSINGER *resp.* 43. n. 52. et confirmat BESOLD. *conf.* 110. n. 176. sed a tempore *commissi criminis*, cum etiam, nullo facto *diuortio*, pœna priuationis locum inueniat, adeoque fructus ex fundo, donationis propter nuptias ergo vxori constituto, ab hoc tempore ob adulterium mariti debentur. Equidem sententia iudicis desideratur, quæ priuationem horum lucrorum decernat; SANCHEZ. *de sacram. matrim. lib. X. disp.* 8. n. 13. BERLICH. *P. IV. concl.* 31. n. 29. hæc tamen non tam *priuatoria* quam *declaratoria* est, designans, vxorem vel maritum hæc lucra perdidisse secundum iurium tramitem. Ceterum competens iudex in hac causâ tum iudex *secularis* est, tum *ecclesiasticus*. Ille quidem primario et principaliter: si *principaliter* separato processu de priuatione dotis agitur, vel vxori adulteræ, dotem coram iudice seculari petenti, exceptio *adulterii* opponitur, quod nullum habet dubium, cum hæc causâ sua natura *civilis* sit. Iudex ecclesiasticus vero ex accidente tunc iudex competens est, si *incidenter*, actore ad *diuortium* agente, hæc quæstio simul ventilata fuit, de qua *accessorie* tum recte simul pronunciat per c. 3. *X. de donat. inter vir. et vxor.* cum iudex incompetens etiam de

de illis quæstionibus *incidenter* cognoscere queat, quæ in causa principali, in qua competens est, incidunt, *l. 1. C. de ord. iudic.* quo iure etiam protestantes vtuntur. L. B. de LYNCKER *resp.* 30. n. 28. Atque hæc ad priuationem dotis actio ciuilis quinquennio, quod criminali præscriptum est, non finitur, sed perpetua est, NICOLAI *d. diuort.* P. 2. c. 17. n. 62. LYNCKER *resp.* 150. n. 15. *sq.* BRVNER in *dec. matrim.* P. 2. c. 17. n. 52. quod quidam duntaxat de *exceptione adulterii* intelligunt, PETRVS BARBOSA *ad l. 2. sol. matrim.* P. 1. pr. n. 133. CHRISTINAEVS *vol. 5. decis.* 218. n. 12. *sq.* sed sine solido fundamento, cum hæc ad *priuationem dotis* actio mere *ciuilis* sit, nec in *iure canonico* ad quinquennium cum *criminali* restricta.

§. XV. Cessat tamen et quiescit hæc actio vt et exceptio (1) ob *remissionem* coniugis innocentis, vel *expressam* vel *tacitam*. Hæc potissimum colligitur ex *cohabitatione coniugali*, postquam marito adulterium innotuit, CHRISTIN. *vol. 5. decis.* 218. n. 9. quia vix euidentior remissio concipi et excogitari potest. IO. a SANDE *lib. 2. tit. 6. def. 2.* Quid ergo si absque cohabitatione eam in domum suam recepit vel in ea apud se retinuit, sciens vxorem esse adulteram? Etiam inde *remissionem* colligendam esse censuit MENOCH. *vol. IX. conf.* 850. n. 19. *sq.* PAVLVS AEMILIVS GALLVS *de except. success. ab int. tit. 4. exc. 9. n. 28. seq.* quod omnis iniuria diffundatione aboleatur, et ita etiam per adulterium marito illata. CARPZOV. *lib. 2. iurispr. consist. def.* 197. n. 12. Enimvero hoc non simpliciter admittit L. B. de LYNCKER *resp.* 93. n. 51. vbi maritus ab omni cohabitatione abstinet, quod remissio eo fieri debeat modo, quo vt *coniuncta* et *societas thori* agnoscatur, vt ne quidem *expressa* aliter admitti

Cessat hac priuatio 1) ob remissionem.  
cum intentione cohabitandi factam.

Tom. IV. Mmm mm queat,

queat, quam si vna declaret maritus, quod eam in thorum recipere eique cohabitare velit; neque hic argumentum admittit a dissimulatione alterius iniuriæ simplicis, quod hæc facilius induci possit, quippe in qua tanta læsio non occurrat, ac quidem in adulterio, vbi fœdatus et corruptus est thorus coniugalis, et incertitudo partus procurata. Vide licet quamdiu maritus ab omni *cohabitatione coniugali* abstinet, nondum latis constat de intentione eius, licet interim eam secum domi retineat, vel permittat, vt ad domum suam reuertatur, præsertim cum hic talis *remissio specialis* desideretur, qua *coniugii continuatio* indicatur, quæ tamdiu deest, quamdiu eam, vt uxorem suam, haud agnoscit. Conf. IOSEPH VRCEOLVS *de transact. qu. 56. n. 15.* Vnde facile liquet, qualis *reconciliatio* intelligatur, quam pontifex in *c. 4. X. de donat. int. vir. et vxor.* poscit, scilicet qua vxori remittit iniuriam per adulterium illatam, eique cohabitare in posterum promittit. Hac facta, saluum ius circa dotem vxori manet, siue ante siue post sententiam reconciliatio fuerit facta. SANCHEZ *de matrim. lib. X. disp. 8. n. 21.* Fit vero hæc, quatenus expresse fit vel per *pactum remissorium* simplex, vel per *transactionem*, dato aliquo vel retento vel remisso. Nec hæc per *l. 18. C. de transact.* esse improbatam, palam est, cum non de crimine, sed de civili causa hæc ineatur. IOSEPH. VRCEOLVS *cit. l. n. 54.*

(II) ob exceptionem *compensationis*, si maritus in pari luto hæreat, quæ tam ante quam post litem contestatam opponi potest, BESOLD. *vol. 2. conf. 55. n. 12. sqq.* CHRISTINAEVS *vol. 5. decis. 218. n. 38. sqq.* quod iuri civili conforme esse obseruauit *c. præc.* Quod si maritus post sententiam latam et diuortium factum delicto carnis sese maculet, propterea vxor dotem a marito repetere nequit, cum separatione facta

ei

2) Si æque  
maritus adul-  
ter est.

ei nullam amplius iniuriam inferat nec fidem coniugalem, cuius vinculum solutum est, violet. CHRISTINAEVS cit.

*l. n. 59. sqq.* (III) Per *accusationem criminalem* contra vxorem intentatam, quod etiam hodie obtinere censet L. B. de LYNCKER *resp.* 30. n. 29. Enimvero 1) expeditum est, id ad *inquisitionem* ex officio a iudice motam trahi non posse, qua licet finita, marito tamen integrum est, ad diuortium adhuc agere. 2) Præterea in *cap. præc. §. 19.* demonstraui, iam IUSTINIANVM hoc correxisse in *nou. 117. c. 8. §. 2.*, atque voluisse, vt, licet criminalis contra vxorem mota fuerit accusatio, adhuc tamen diuortio et priuationi dotis locus esse possit. Nec 3) ius canonicum contrarium statuit, quin potius 4) hinc inde in constitutionibus prouincialibus post *accusationem* adhuc permessa est *actio* ciuilis ad diuortium. Quid ergo, si maritus, pendente accusatione, decesserit, vtrum heredes vxori, dotem repetenti, recte hanc exceptionem obiciunt? id affirmandum esse arbitror per c. 4. X. de donat. inter vir. et vxor. (IV) Ob factum mariti, quo consensum suum adulterio accommodauit. BERLICH. P. 4. concl. 29. n. 47. (V) Ob iustam vxoris defensionem, veluti, si ignorans, si per vim adulterata fuerit. (VI) Ob priuatam mariti vindictam, si adulteram in adulterio occidit, *l. 10. §. 1. sol. matrim.* quod marito non erat licitum. Vnde infert DVARENVS ad cit. *l.* vbi vetus consuetudo vxorem adulteram interficere permittit, vt in Italia et Germania, ibi dotem adhuc cedere lucro mariti. Equidem hodie in Germania eadem hanc licite fieri posse, nullus dixerit Germanus, adeoque hoc suppositum inane est. Neque enim facile, quod Romani improbarunt, hodie licitum esse asseri potest, et quamuis MEVIUS ad ius Lubec. P. 2. tit. 2. art. 12. n. 434. itidem censeat, maritum lege permittente occi-

3) Si maritus criminaliter agit, quod hodie non attenditur.

4) Si consensus in adulterium.

5) Si vxor bona in fide est.

6) Si maritus vxorem occidit.

Mmm mm 2

dere

dere uxorem potuisse, id tamen minime probat, quin contrarium euincit *l. 38. §. 8. D. ad L. Iul. d. adult.* Mores et leges Italiae forsan hodie facilius admittunt hanc priuatam vindictam, quibus positis, maritus lucro dotis non est privandus. *l. 4. C. ad L. Iul. de adult.* ANDREOL. *contr. for.* 336. n. 13.

*Ius Germanicum a Romano in plurimis diuersum est.*

§. XVI. Progredior ad ea fora, in quibus *iurium Germaniae antiquorum* vigor adhuc sancte colitur, quorum in numero non minus iudicia Hamburgensia habenda sunt. Insignis enim quoad matrimonia diuersitasprehenditur inter ius Romanum et antiquum Germanicum. Secundum illud per coniugium nulla inducitur communio bonorum, sed quilibet rerum suarum retinet proprietatem *l. 1. C. de crim. expil. hered. l. 1. D. rer. amot.* Etenim 1) maritus in rebus in dotem datis quoddam acquirit dominium, *§. 1. I. quib. alien. lic. vel non l. 75. d. iur. dot.* et rei vindicationem habet; *l. 9. C. d. R. V.* ast 2) ceterorum bonorum proprietatem retinet uxor, ut ne quidem maritus usumfructum eorum sibi vindicare queat, nisi ex uxoris concessione expressa vel tacita, *l. 8. l. II. C. de pact. conu. tam. sup. dot.* quae omnia cum communione bonorum pugnant, nec ob diuortiorum facilitatem ea admitti potuit. HEESER *de commun. bonor. P. 2. loc. 7. n. 9. sqq.* Ast Germani coniuges omnimodam ab antiquis temporibus per matrimonium iniere communionem, cuius vestigia passim adhuc supersunt, quamuis iuris Romani receptio insignem ei intulerit cladem, ut in quibusdam locis quidem ea illibata relicta; in quibusdam admodum restricta et cum placitis Romanorum commixta vel potius inde corrupta; denique in aliis plane abolita fuerit, retentis tantum quibusdam ex antiqua communione effectibus. Confusio

*Quod communem bonorum inter coniuges introduxit.*

fusio hæc vnice iuris interpretibus debetur, qui iuris patrii vnde confusio principia vel ignorarunt, vel neglexerunt, soli iuris Roma- utrinque iuris in multis locis orta. ni scientiæ et applicationi incumbentes, et mores antiquos patriæ ex hoc interpretari conantes, quorum tamen diuersissima fuit ratio. Solida in *Marchia* communionis bonorum adhuc supersunt vestigia, quæ, antequam iuris Romani vlla esset veneratio, pura, in confesso, nec illius iuris extranei admixtione turbata erat. Miserrimam postea et laceratam accepit faciem, postquam iuris Romani consultorum interpretatione corrupta et deprauata est, vt vel KOHLITR. de *success. coniug.* docet. Inde male cohærens traditio orta; inter coniuges non esse communionem bonorum, quamdiu viuunt; eam tamen vel reuiuiscere vel resurgere vno coniugum decedente, quo nihil ab omni iuris ratione alienius dici potest. Inde doctrina de *usufructu statuario* materno natales suos accepit, quam HARPRECHTUS peculiari tractatu illustrat, qui non tam usufructus, quam effectus *communione antiquæ bonorum* inter coniuges est, quippe quæ ius percipiendi commoda ex bonis communibus præbet, contra scita Romanorum inter coniuges constituta. Denique statutariz successiones coniugum in genere inde originem traxere, quæ vbique fere supersunt, nec tam *successiones* sunt, quia ex communibus coniugum bonis fiunt, quam *diuisiones* rerum communium, quarum communionem tamen rursus inter coniuges agnoscere nolunt.

§. XVII. In iure Saxonico prou. lib. 1. art. 31. commu- illustratur nionis huius antiquæ fit mentio his verbis: Mann und Weib communio bonorum communialis ex iure Germanico, haben nicht gezwielet Guth zu ihren Leibe. Et paulo post: Kein Weib mag auch ihres Guths nichts vergeben, ohne ihres Mannes Willen, daß er es durch recht leiden dürffte.

Mmm mm 3

Wann



Wann ein Mann ein Weib nimmet, so nimmet er sie in sein Gewehr, und alles ihr Guth zu rechter Vormundschaft. Inde Germanis antiquis diuisio bonorum in *dotalia* et *paraphernalia* incognita; neque dotem, vt ait TACITVS de morib. German. vxor marito offerebat; interim ipsis incipientis matrimonii auspiciis admonebatur, venire se laborum periculisque sociam, idem in pace idem in praelio passuram ausuramque, hoc iuncti boues, hoc paratus equus, hoc data arma denunciabant. His verbis non obscure antiqua communionis vestigia exprimuntur, quæ magis magisque exulta est, postquam bonis abundare cœperunt Germani. Nec hæc vbique per iuris Romani introductionem aboleri potuit, sed imprimis in Belgio vsum sincerum retinuit teste ABRAHAMO A WESEL de connub. bonor. societ. tr. I. n. 6. sqq. De regnis Galliæ, Hispaniæ, Siciliæ, Arragoniæ aliisque iidem testantur scriptores adducti a LAVTERBACHIO de societ. bonor. coniug. c. 2. §. 7. qui etiam præterea c. 1. §. 5. et 6. de variis Germaniæ prouinciis et vrbibus idem obseruat. Et enim non tantum Saxones antiquitus hoc vfi sunt iure, sed etiam Alemanni, teste Suevic. specul. c. 46. ein Weib mag ihres Guths nicht hingeben ohne des Mannes Willen, noch ein Mann ohne seines Weibes Willen, quæ conclusio ex *communione bonorum* deriuata est. Conf. Dn. a LVDEWIG de dot. et donat. propt. nupt. diff. 7. p. 21. Est autem hæc *communio* non vbique eadem, sed in quibusdam locis est *absoluta* et *omnimoda*, in aliis tantum *secundum quid*, qua quidem etiam omnia bona quodammodo in commune conferuntur, sed vere et plene ea tantum communicantur, quæ quæstu artificio vel opera sociorum communi, durch die Er rungenschaft, vt vocatur, acquiruntur, tradentibus LAVTERBACHIO cit. l. c. 1. §. 5. 6. et L. B. de LYNCKER de acqui-

qua in quibus-  
dam locis est  
absoluta alibi  
secundum  
quid.

*acquisit. coniug.* In *statuto Francosurd.* P. 5. tit. 5. art. 2. sub his denotantur diejenige Gütther, so zwey Eheleuthe in stehender Ehe bey einander, es sey durch eines oder sie beyde, mit ihren mühsahmen Fleiß, guter getreulicher Haushaltung und fürsichtiger Geschicklichkeit über dasjenige, so sie Beyderseits zusammen gebracht, durch den Segen Gottes erobern, und an sich bringen. Quid iure *Lubecensi* obtineat, docet *MEVIVS* ad lib. I. tit. 5. art. 5. n. 21. sqq. observatque, eam quodammodo irregularem esse, quod admixtioni quarundam conclusionum ex iure Romano, a quo statuentes non abstinere, attribuendum est.

§. XVIII. Iure *Hamburgensi* communionem bonorum inter coniuges servatam fuisse, multa docent. Etenim (I) uxoris bona quoque pro debitis mariti tenent atque obligata sunt: P. II. stat. tit. 5. art. 10. et tit. 11. art. 13. (II) defuncto vno coniugum extantibus liberis, fallen alle Erb und Gütther auf den längstlebenden und ihre sämtliche Kinder; P. III. tit. 3. art. 1. vbi per vocem alle Erb und Gütther sine dubio *communis* denotantur, cum alias dici debuisset: alle seine Erb und Gütther, quod et communio bonorum, alibi denotata, luadet. (III) Mortua vxore, non tenetur maritus *diuidere* bona cum liberis per art. 3. cit. l. id quod rursus arguit communionem. (IV) Pater ad secunda vota transiens, obligatur zur gebührlichen Abtheilung mit seinen Kindern, quæ separatio rursus per diuisionem rerum communium instituitur. P. III. tit. 3. art. 4. (V) Mortuo marito, relicta vidua cum liberis in bonorum communionem relinquenda, nec ad diuisionem cogi potest, so lange dieselbe bleibt unverehliget, und wohl hauff hält, vt dicitur art. 5. cit. l. liberi enim in ius defuncti patris succedunt, et ita cum

*Communio  
huius ratio  
servandum ius  
Hamburgense.*

cum matre in communionem bonorum incidunt. (VI) Vbi ad secunda vota transit, a communione recedere cogitur divisione instituta iuxta *art. 6. cit. l.* (VII) Defuncta vxore sine liberis, ante omnia deducendum *z*s alienum ex communibus bonis von den sammenden Guthe, vt dicitur *art. 8. cit. l.* de reliqua substantia marito obueniunt duæ tertiz, et vxoris consanguineis vna: marito mortuo, liberis nullis relictis, itidem ante omnia *z*s alienum ex bonis communibus, von den vollen gemeinen Guthe, vt *cit. art.* dicitur, soluendum, dimidia ex reliquo vxori, et altera dimidia mariti cognatis assignata.

*A qua tamen  
receditur per  
pacta dotalia*

*et iuri com-  
muni sese sub-  
mittunt.*

§. XIX. Quamuis vero hæc ita sese habeant, non tamen omnis vsus iuris Romani in patria mea cessat, qui potissimum in *dotis* determinatione per *pacta dotalia* consistit. Postquam enim ius Romanum in fora passim penetrauit, inde factum est, vt etiam in causis matrimonialibus vsus eius toleratus fuerit ex voluntate contrahentium, quod etiam in aliis locis, in quibus bonorum communio inter coniuges ex iure antiquo viget, factum esse liquet. Aut enim matrimonium contrahitur sine vllis pactis, aut his initis. Priori casu, quem vocant *eine unverdingte Ehe*, in iure patrio subsistitur, et secundum *bonorum communionem* iudicatur. In hanc enim ipso iure incidunt, vt iure Germanico olim nullis opus fuerit pactis. Ceterum si *pacta dotalia* iniuerint, constituta dote et *dotalitio* cum donatione propter nuptias, recessere coniuges a iure patriæ, nec in communionem bonorum incidunt, sed secundum tramitem iuris Romani coniugium, quod *eine bedungene Ehe* vocant, inierunt. Hoc disertis verbis cautum in *Stat. Hamb. P. 2. tit. II. art. II.* Wenn Eheärter zwischen Eheleuthen seyn aufgerichtet, und von

von dem, die zur Verpflichtung dazu erfordert, seyn vollenzogen, untergeschrieben und versiegelt, so wird auch billig nach des einen oder andern Absterben, sowohl zweyten den nachgelassenen Ehe-Manne oder seiner Wittwen und den Kindern, die sowohl aus der ersten andern und dritten Ehe geböhren, die Theilung nach dem aufgerichteten Ehezärtern billig gehalten, und seyn sowohl der eine, als der ander darnach sich zu richten schuldig, und ist damit der Wittwen die Wahl zu den Stadt-Rechte oder derer Ehezärtern sich zu ziehen, hiermit benommen, sondern nur dieselbe die Ehezärter folgen. Qua de causa necesse est, vt de vtriusque generis matrimonio hic agamus, atque inquiramus, quid ob-  
tineat in casu commissi adulterii.

§. XX. In primo genere matrimonii, quod *simpliciter* sine vllis pactis contractum, hac de causa maiores nostri ita *Iure Ham- burg. amittit adultera portionem statutam* P. 3. tit. 3. art. 11. edixerunt: Ein Weib, so ihren Mann bey seinen Leben untreu geworden und solcher Unthat gnugsam überzeuget, hat nach Absterben des Mannes aus den Güthern mehr nichts zu fordern, denn was etwa derselbe ihr aus guten Willen gegeben und verordnet. Da sie aber gänglich vorbey gegangen, sollen ihr gleichwohl ziemliche alimentata gereichet werden. Verba huius Statuti generaliter indicant, vxorem adulteram priuandam esse *successione statutaria*, alias ex bonis communibus debita. Qua de causa, cum alias, nullis extantibus liberis, dimidia bonorum omnium potiri potuisset, per adulterium hoc lucro priuatur, exceptis *alimentis*, vel iis quæ maritus in testamento ex libera voluntate assignauit. Iuri canonico hoc quoque esse con- *et iure cano-* forme et in obseruantiam eo magis deductum palam est. Et- *nice,* enim in c. 10. X. de consuet. pontifici quæstio fuit proposita

de consuetudine quadam in Gallia Rupellis obtinente, quod si vir ducat uxorem, quæ fide coniugii violata committat adulterium, nihilominus medietatem omnium bonorum, quæ fuerit vir adeptus, impudenter exigat et improbe apprehendat, quæ potius priuanda esset omnibus viri bonis. Liquet ex his verbis, communionem bonorum secundum quid inter coniuges Rupellis obtinuisse, ut scilicet ex acquæstu coniugali altera dimidia marito, altera uxori obueniret. Conueniens hæc consuetudo fuit antiquis Legibus, quandoquidem in LL. Ripuar. tit. 37. c. 2. ita cautum fuit: si per seriem scripturarum ei nihil contulerit (uxor), si virum superuixit, quinquaginta solidos in dotem recipiat, et tertiam partem de omni re, quam simul conlaborauerint, sibi studeat euindicare etc. In capitular. lib. IV. c. 9. apud BALVZ. tom. I. p. 776. Gallorum consuetudo itidem corroboratur his verbis: volumus, ut uxores defunctorum post obitum maritorum tertiam partem conlaborationis, quam simul in beneficio conlaborauerunt, accipiant. Et de his rebus, quas is, qui illud beneficium habuit, aliunde adduxit vel comparauit, vel ei ab amicis suis conlatum est, has volumus tam ad orphanos defunctorum, quam ad uxores eorum pertinere. Secundum huius capituli verba præter tertiam ex acquæstu coniugali, etiam de aliis bonis mariti partem capit. Quærebatur ergo, quid iuris, an consuetudo talis probanda, vigore cuius etiam adulteræ illam partem sibi vindicant? Negat hoc pontifex respondetque, neminem teneri ad consuetudinem hanc observandam, et consequenter constituit, uxorem eo lucro priuandam esse, quod alias ex communibus bonis ipsi præstandum esset. Eandem consuetudinem, quam improbat pontifex, olim in Germania obtinuisse probabile videtur ex iure Sax. prou. lib. 1. art. 5. ein Weib mag mit Unkeuschheit ihres

ihres Leibes ihre weibliche Ehre fränden, ihr Recht verleast  
 sie aber damit nicht, noch ihr Erbe. Enimuero sicuti in  
 antecedentibus de successione filiorum in geradam, et reli-  
 qua bona hereditaria actum fuit, ita non de adulteris, sed  
 de feminis solutis ibi agitur, obseruante etiam CARPZO-  
 VIO in pr. crim. P. 2. qu. 64. n. 17. quæ licet stupro sese  
 maculauerint, ius succedendi tamen non amittunt. In ad-  
 ulteras seueriores antiqui Germani fuere. *Paucissima, ait* <sup>denique gene-</sup>  
 TACITVS de morib. German. in tam numerosa gente adulte- <sup>raliter secun-</sup>  
 ria, quorum pœna præsens et maritis permissa. *Accisis cri-* <sup>dum ius anti-</sup>  
 nibus nudatam coram propinquis expellit domo maritus, ac <sup>quum Germa-</sup>  
 per omnem vicum verberare agit, publicatæ enim pudicitie nul- <sup>nicum.</sup>  
 la venia. Quæ nudata expellebatur domo mariti, nihil ex  
 rebus eius vel acquæstu coniugali sibi vindicare poterat, vn-  
 de admodum probabile redditur, vxores adulteras nihil ex  
 rebus communibus sibi vindicare potuisse, quod multo ma-  
 gis in foris corroboratum est, ex quo ius canonicum con-  
 trariam consuetudinem damnauerit. Hac de causa interpre-  
 tes generaliter vno ore tradunt, adulteram etiam lucro statu-  
 tario priuandam esse. CARPZ. cit. l. n. 32. BERLICH. P. IV.  
 concl. 29. n. 22. COLERVS P. I. decis. 176. SANDE lib. 2. tit.  
 5. def. 7. HEESER de commun. honor. P. II. loc. 16. n. 321. et  
 355. MEV. ad ius Lub. P. 2. tit. 2. art. 12. n. 408.

§. XXI. Loquitur (1) statutum nostrum de vxore ad- <sup>Idem quoque</sup>  
 ultera per verba initialia: ein Weib, so ihren Manne bey <sup>de marito ad-</sup>  
 seinen Leben untreu geworden ic. Quid ergo de marito ad- <sup>ultero dicen-</sup>  
 ultero dicendum est, an hic quoque portione sua ex statu- <sup>dum.</sup>  
 to debita priuandus est? Equidem constat, 1) antiquitus i-  
 dem ius vxorem in maritum exercere non potuisse, quod  
 huic in illam concessum; nam licet maritus nudatam domo  
 Nnn nn 2 expel-



expellere poterat, non tamen idem vxori concessum erat in maritum adulterum. 2) Ius canonicum quoque in *c. 10. X. de consuet.* tantum de *adultera* loquitur, eamque successione statutoria priuandam esse decernit, de *adultero* autem nihil additur; forsā quod maior castitas in feminis quam masculis desideretur. 3) Agitur hic de *priuatione* iuris magni momenti, quæ odiosa censetur, in qua non facile de vno casu ad alium facienda et permittenda est extensio. HARTM. PISTORIS *obs. 214. n. 4.* His vero non obstantibus, sententiam contrariam præferendam esse arbitror, ut vxor hodie eodem iure erga *maritum adulterum* uti possit, quod huic in *adulteram* datum est, cum quod vni iustum alteri quoque iustum esse debeat. Etenim 1) iam fufius supra demonstratum est, secundum *ius commune* vtrunque pœnam *priuationis* locum habuisse, quæ ex hoc primum ad *ius canonicum*, et ab hoc ad iura patriæ tracta est. 2) Etiam *ius canonicum* tantum de *uxore adultera* loquitur in *c. 4. X. de donat. inter vir. et vxor.* nihilominus tamen etiam eundem textum ad maritum adulterum extendendum, et de eo accipiendum esse, supra euictum est. 3) Fundamentum quoque vtroque idem, *adulterium* scilicet, vnde pœna priuationis nascitur, adeoque vxor et maritus paribus iuribus uti debent, ut recte censet RESOLD. *vol. III. conf. 110. n. 174.* et latius probat GOEDDEVS in *conf. Marpurg. vol. III. conf. 28. n. 184.* Conf. *vol. I. conf. Argentor. 74. n. 51. sq.* 4) In hac *priuationis* pœna proprie non fit extensio de casu ad casum, sed ex *communi iure*, cum quo conspirat, trahitur explicatio, adeoque quamuis 5) tantum statutum de sola *uxore* loquatur, non tamen loqui videtur *exclusiue*, quia *ius commune* reuera tantum repetit, nihil vero noui iuris inducit. Conf. CARPZOV. in *pr. crim. qu. 64. n. 40. sq.*

§. XXII. Requiritur vero (I) *adulterium*, vivente con- Modo adulterium vivente coniuge commissum,  
iuge, commissum. Si, mortuo marito, vidua lese stupro-polluat,  
adultera non est, nec successione hac priuari potest, prout iam  
supra §. 8. *huius capituli* euictum. Vnde diserte in statuto di-  
citur: Die ihren Manne bey seinen Leben untreu worden.  
Maior ratio dubitandi est, vtrum etiam (II) *diuortium* hoc diuortium vero non precise desideratur.  
casu desideretur, cuius nulla in verbis adductis mentio ini-  
citur. Quin enim iure nostro Hamburgensi diuortium hoc  
casu locum habere queat, docet *stat. P. II. tit. 11. art. 8.*  
vbi dux tantum diuortii *proprie dicti* causæ probantur, Tren-  
nung oder Scheidung der Ehe wird nicht zugelassen, es sey  
denn, daß der eine an dem andern ehebrüchig worden, ~~...~~  
oder daß der eine an dem andern treulosß würde, und densel-  
ben verlassen hätte. Præterea etiam *P. IV. tit. 29. art. 29.*  
pœna criminalis hoc euincit, quia vxor adultera, quam ma-  
ritus in thorum suum recipere recusat, fustigata relegatur;  
maritus vero prima vice pœna pecuniaria quidem, sed  
secunda vice relegatione punitur; non tamen dubium  
est, quin prima vice quoque vxor diuortium petere  
possit. Diuortio ergo decreto, nocens ex bonis comuni-  
bus nihil petere potest, quæ innocenti relinquenda, quod  
ratio statuti *P. 3. tit. 3. art. 11.* suadet. Enimuero quia sta-  
tutum non desiderat *diuortium*, quin potius, vt verba indi-  
cant, supponit, diuortium non esse factum, maior difficul-  
tas emergit, qua ratione hæc pœna priuationis concipi queat.  
Omnes vtique circumstantiæ adductæ demonstrant, de casu  
*diuortii non facti* statutum accipiendum esse. Primo enim  
supponit, maritum esse *in matrimonio* mortuum, quoniam  
de eo disquiritur, vtrum vxor adultera post mortem mari-  
ti ex bonis communibus quid petere possit? Deinde id tan-  
tum vxori assignatur, was etwa der Mann ihr aus guten

Willen gegeben und verordnet, id quod de testamento accipiendum est; vix autem probabile est, maritum post repudium vxori aliquid relicturum esse in testamento, adeoque de eo casu verba statuti accipi non possunt. Denique si maritus ei nihil in testamento assignauerit, duntaxat alimenta illi debentur. Quis autem diceret, alimenta deberi vxori post diuortium, postquam matrimonium penitus solutum est.

Nulla tamen  
facta reconcilia-  
tione.

§. XXIII. His rationibus inductus concludo, verba statuti adducta potius de casu intelligenda esse, quo *diuortium* haud factum est, quia tunc nec ob adulterium relegatur. Hoc vero rursus duplici modo intelligi potest tum de casu, quo cum vxore maritus reconciliatus est, tum etiam, quo ab omni cohabitatione abstinuit, quamuis interim domo vxorem haud expulerit, semper tamen exulceratam prae se ferens mentem, apud quam reposita mansit iniuria illata. Posteriori casu sine dubio vxor, marito mortuo, successione statutaria priuatur, nihilque ex bonis communibus capit, quod rationes supra adductae euincunt, quae etiam heredibus largiuntur *exceptionem adulterii commissi*, quin etiam idem ex *cit. c. 10. de consuet.* constat. Maior ratio dubitandi est in casu *reconciliationis* factae, et per *cohabitationem* confirmatae, vtrum etiam tunc lucro hoc statuario priuari queat? Equidem 1) pontifex in *cit. c. 10.* indistincte denegat vxori adulterae medietatem bonorum seu acquæstus coniugalis, nec de *reconciliatione negata* aliquid adiungit; et quamuis 2) in *c. 4. X. de donat. int. vir. et vx.* eius mentionem faciat, id tamen duntaxat restringendum esse videtur ad casum, quo *dote* sua priuanda est coniux, dum in *c. 10. cit.* agitur de lucro, ex bonis mariti seu eius acquæstu acquirendo, quo se indignam reddidit adultera. Nec 3) verba statuti nostri huius

huius circumstantiæ mentionem fecerunt, sed simpliciter vxorem adulteram ab omni successione arcuerunt. Enimvero ratio iuris non patitur, vt in hanc sententiam transitum faciam. Qui adulteræ ignouit, qui iniuriam sibi per adulterium illatam remisit, eique vt vxori suæ rursus cohabitauit, non potest in posterum ullam in eam vindictam exercere, adeoque nec penitus eam a successione excludere, aut tantum aliquid loco alimentorum assignare. Incompatibilia sunt, gratiam facere delicti commissi, et tamen adhuc pœnam, delicto impositam, exercere velle. Qua de causa cum iure communi semper exceptio factæ *reconciliationis* priuationi dotis et dotalitii opponatur, eamque excludat, per *c. 4. X. de donat. int. vir. et vx.* statutum quoque nostrum ex hoc iure explicandum et ita accipiendum, vt, quantum fieri potest, cum eo conspiret. Reconciliatione enim facta vxor et *dotem* retinet, quæ ad patrimonium eius spectat, et *dotalitium* petit, quod lucrum ex bonis mariti continet. Quidni idem dicendum foret in casu, quo ex communibus bonis quid lucratur? His enim insunt et bona vxoris propria, et quicquid per maritum acquisitum est, adeoque loco *illatorum* et *dotalitii* certam partem ex bonis communibus capit. Neque arbitror, pontificem in *c. 10. X. de consuet.* hanc exceptionem excludere voluisse, cum consuetudo improba, barbara, aut irrationabilis dici non possit, qua post *reconciliationem* intercedentem vxor medietatem acquisitionis coniugalis capit; sed ea demum reprobanda et damnanda, qua vxor, nulla reconciliatione facta, eam petit, quia sic demum eam *impudenter* exigit vel *improbe* apprehendit, id quod expresse in *cit. c. 10.* adiicitur. Proinde hic commode omnia applicari possunt, quæ de iure *heredum* in opponenda exceptione *adulterii* dicta fuere.

*Sufficit vero  
etiam probatio  
adulterii præ-  
sumptiva.*

§. XXIV. Id vero (III) euidentius desideratur, ut de adulterio *uxor sufficienter fuerit conuicta*, und solcher Unthat gnugsam überzeuge, ut sonant verba statuti nostri. Annon ergo iure Hamburgensi ad hunc effectum sufficit *adulterium præsumtum*? Cardo controuersie in eo latitat, utrum *sufficienter conuicta* dici possit, quæ violentis et grauissimis indiciis de adulterio commisso grauata est, quæ supra sunt adducta? Quod omnino asserendum esse arbitror. Etenim cum nihil noui statutum nostrum constituat, sed ius commune duntaxat repetat, inde quoque eius interpretationem faciendam esse palam est. Cum vero in materia *diuortii* talis probatio per violenta et grauissima indicia in *c. 12. X. de præsumt.* sufficiens iudicata sit, quis crederet, statuentes eam admittere noluisse, et postulasse, ut consummatio adulterii *legitime et plene* probata fuerit? Semper verba indefinite posita pro substrata materia interpretanda sunt, et ita quoque particula *gnugsam* in sensu ciuili accipienda, ut satis probatio sufficiat, quam ius commune, ubi ciuiliter agitur, pro *sufficiente* habet, id quod supra talis euictum esse credo.

*Effectus huius  
privationis.*

§. XXV. Amittit vero adultera, ut dictum est, portionem ex communibus bonis debitam. Proinde (I) quamvis alias mortuo marito bonis communibus cum liberis incumbat, indeque omnia commoda percipiat, præstitis liberis alimentis ad educationem necessariis, iuxta *P. 3. tit. 3. art. 5.* (in quo communiter *usumfructum maternum statutarium* constituunt, uti peculiari tractatu docuit HARPRECHT, minus commode tamen, cum non tam *ususfructus* in sensu iuris Romani, quam effectus *communione*, cum liberis continuanda, sit) his commodis tamen priuatur, quia nec ius amplius

amplius in bonis communibus retinet, exceptis alimentis, in *art. 11. cit. l. ipsi referuatis*. vid. HARPRECHT *cit. l. p. 173.*

§. 3. Ipsa alimenta vero arbitrio iudicis determinanda sunt, quod indicant verba, *ziemliche* alimenta, quæ cum definita non sint, a iudice pro qualitate bonorum definienda sunt.

(II) Portione sua, ipsi debita ex bonis communibus, priuatur, et ita etiam bonis propriis, quæ in domum mariti intulit, spoliatur, quippe quæ per matrimonium communia facta fuere, vt indicant verba statuti: *hat nach Absterben des Mannes aus den Güthern mehr nicht zu fordern* &c. Quin enim per verba: *aus den Güthern*, communia vtriusque coniugis bona intelligantur, dubium vix habet. Inde vero prout supra iam obseruauimus, a quibusdam interpretibus quæstio de *paraphernalium amissione* mota fuit, cum viderint, secundum mores plurimorum locorum vxorem adulteram priuari quibuscunque bonis propriis, quæ tamen, stante bonorum communione, nec *dotalia* nec *paraphernalia*, sed *communis* sunt, adeoque hæc quæstio ex mixtura diuersi iuris, et ita sine iudicio, enata est. Ipse quidem CARPZOV. in *pr. crim. qu. 64. n. 19.* recte constituit, secundum ius ciuile paraphernalia vxori integra et illibata manere; mox tamen *n. 28.* addit: *Quicquid tamen sit de iure ciuili, in foro Saxonico, maritum vna cum vxoris adulteræ dote, bona etiam eiusdem paraphernalia lucrari intrepide affirmo*, quod eorum vsumfructum maritus habeat. Iam alii animaduenterunt, in Saxonia communionem bonorum, iure Saxon. prouinciali agnitam, retentam, sed ab interpretibus, solis iuris Romani scitis fere imbutis, ita corruptam esse, vt principia peregrina, et a *communione* abhorrentia, ad eam traduxerint, et ita male coherentem iuris prudentiam in praxi efformauerint. Vbi enim sunt *paraphernalia*,



vbi adest communio vel eius effectus? ususfructus, quem vocant, est insignis et præcipuus illius effectus, nec tam ususfructus, quam ius percipiendi commoda ex bonis communibus. Hac stante ergo hypothesi non potuit non vxor priuari hisce bonis, id quod *communione antiquæ* attribuendum est.

*Pactis dotalibus iuris ius commune simpliciter attenditur.*

§. XXVI. Progredior ad alterum membrum, quando; dote et donatione propter nuptias vtrunque constitutis, pacta dotalia inita sunt inter coniuges, quo casu eosdem a communione bonorum recessisse, et dispositioni iuris communis sese subiecisse, iam supra §. XIX. obseruavi, quod etiam plenius euictum est in dissert. *de pactis dotalib. Hamburg.* sub præsidio THOMASII A B. Dn. ANCKELMANNO habita. Hoc posito, in pœna *discidii* vel *adulterii* decernenda in patria mea ad *cit. art. II.* quem in antecedentibus explicui, prouocari nequit, sed vnice in *iuris communis* dispositione supra tradita et illustrata, subsistendum, prout etiam in *cit. disput. sect. 2. circa finem* obseruatum est. Quocirca melior hoc casu adulteræ est conditio, quia paraphernalia sibi conseruat, dote tantum amissa, aliisque lucris, pacto ex bonis mariti debitis. Inde tandem concludo, doctrinam tum *iuris communis*, tum *iuris antiqui Germanici*, pro diuersa matrimoniorum ratione, quoad priuationem lucrorum dotalium aliorumque ex statuto debitorum in foris Hamburgensibus usum habere insignem.

EXER.

## EXERCITATIO LXXIV.

AD LIB. XXVIII. PAND. TIT. I.

DE

## TESTAMENTIS MULIERVM.

## P R O O E M I V M.

**T**estamenta antiquissimis temporibus homines ignorasse, veritati ita consentaneum videtur, ut vix vlla de eo dubitandi ratio supersit. Erant veterum res angustæ domi, neutiquam vero ita comparatæ, ut eis posset aliorum vel invidia valde excitari, vel habendi amor. Cessabat cum opibus avaritia, ac tenue patrimonium (a) parentum tutam liberis successionem præstabat. Hanc illi occupabant non magis iure sanguinis, quo defuncto iuncti erant,

(a) Hunc viuendi usum, paucis contentum, tribuunt postæ aureo seculo, SATVRNO regnante,

*cum frigida paruas  
Fraberet spelunca domus, ignemque  
laremque*

*Et pecus et dominos communi clauderet umbra.*

*Syluestrem montana torum cum stru-  
vat uxor*

*Frondebis et culme vicinarumque  
ferarum*

*Pellibus.*

ecce canit IUVENALIS lib. II. sat. 6.

ab init. additque, vxores nullum ornatum adhibuisse:

*Es sæpe horridior glandem ructante  
marito;*

*Quippe aliter tunc orbo nouo caloque  
recenti*

*Vinebant homines.*

Glande visitasse veteres designat Poeta, quod etiam TIBVLLVS censuit lib. II. eleg. 3.

*Glans alar et prisco more bibantur  
aqua.*

Glans alius veteres qua appellatione fructus qualescunque postea denotati sunt.

erant, quam quia suis ut plurimum operis adiuvierant patrem res hereditarias acquirentem, nec minori illas studio custodierant hactenus. Quare non valde mirandum est, si nulla in antiquissimis libris ultimarum voluntatum vestigia deprehendantur, quas forte omnes olim populi ignorarunt et quarum adinventionem propitium, an iratum numen? (dubium enim est) posterioribus mundi ætatibus reservavit. Namque tam absolum olim fuisset in tanta hominum paupertate, rebus tam exigui pretii, plurimas leges in casum mortis velle dicere, quam improbum, heredes liberos et propinquos hisce defraudare, quæ proprio quodammodo iure iam videbantur eorum esse. Nec auctis hominum opibus testamentorum usus statim apud gentes inualuit, sed acquisita in gente, vel una domo eidem relinquenda esse censuerunt, æque ut olim Germanis in more positum fuit teste TACITO *de mor. Germ. c. 20.* His perpensis, sententia non adeo dubia proferri poterit de libro, quem olim circumtulerunt, et cui titulus dicitur fuisse TESTAMENTUM IACOB; GELASIVS papa (b) eum partum supposititium esse iam olim iudicavit, neque in præsentiarum me valde moratur, cum, quas continuerit nœnias, hodie ignoretur. Interim si patres, grauioribus ducti rationibus, æquali liberos iure nollent succedere, vel id iniquum fore crederent, bona inter heredes suos, dum viuebant adhuc, ipsi diuidebant, ad amputandam discordiarum et litium occasio-

nem

(b) Vid. c. 3. D. XV. Legitur quidem in ipso concilio, unde hic canon desumptus est, ap. HARDVINUM *collect. concil. rom. 11. pag. 941.* non: *Jacob*, uti in vulgatis editionibus corporis iuris canonici, sed: *Iob*; huic ultimo tamen attribuire testamentum,

æque ineptum est, ac priori. Pari fabula testamentum Noacho attribuitur, in quo totum orbem inter liberos diuisisse fertur, SELDENO observante *de success. in bona defunctorum c. XXIV.*

nem post mortem suam. Sic ABRAHAMVM liberis Kedor, coniugis suæ post Saræ obitum, hereditatis loco partem bonorum aliquam dedisse, MOSES refert, *Genes. XXV. 6.* reliquis bonis Isaaco referuatis. (c) Idem quoque IACOBI patriarchæ exemplum euincit, *Genes. XLVIII. 22. Iob. IV. 5.* Iosepho filio aliquam regiunculam donantis, in Canaan sitam, quæ ad istum inter cæteros fratres præcipui iure pertinere debuit. Neminem adeo præiudicio occæcatum fore credo, ut hæc adducta exempla in testamentorum classem conijcere velit, qualia multo serius apud quosdam Græciæ populos in vñ fuisse legimus, et Romanos veteres quoque; posset enim alioquin eadem verisimilitudine adstrui, baculum, quo Balaamus asinam suam castigauit, pedum pastorale fuisse, imo hodiernos episcopos illud inde accepisse. Coluerunt autem Græci testamenta, quod tam ex *LYSIA orat. XXXIII. aduersus Diogitonem p. 535. edit. VANDERHEIDII*, quam plurimis aliis vetustis scriptoribus patet. In primis huc pertinet *ISOCRATIS Aegineticus*, cui scribendo causam testamentum dederat a sorore testatoris defuncti impugnatum, hoc autem libello egregie defensum. (d) Romani Græcos videntur secuti, idque diu ante, quam XII. Tabb. promulgarunt decemviri; quamuis post hæc demum tempora Romæ testamenta (*Attica* vocant) inualuisse, crediderit *DESIDER. HERALDVS Rer. quotid. cap. ult. §. 4. et 9.* merito ob id notatus ab *Ill. HEINECCIO in antiquit. Roman.*

(c) Quod etiam obseruauit *B. THOMASIVS de orig. success. testament. §. 30.* et recte censuit, tantum translationem inter vivos ab Abrahamo perfectam fuisse.

(d) Alia, quibus hoc argumentum illustrari et exornari posset, iam coniecit *THOMAS. cit. l. §. 34. seqq.*

*Roman. lib. II. tit. X. §. 1. pag. 503. edit. Argentor. nouiss.*  
 Longe enim prius, quam vrbs Roma conderetur, Italicum solum *Pelagicae gentes* coluerunt, quibuscum et sacra sua et patrii mores in hasce regiones migrarunt. Græcos etiam Romanis intermixtos fuisse, vel TARQUINIÏ PRISCI exemplo edocemur, qui patrem habuit Demaratum nomine, Corinthium quendam. Hinc verisimile est, innotuisse iura Græca Romæ statim sub initia vrbis, eaque primum per Græcos ibi confluentes adlata fuisse. (e) Testamentis novam formam LL. XII. Tabb. dederunt, quæ tamen neutiquam omnibus indiscriminatim testandi concesserunt facultatem. Mulieres enim olim testari, nefas creditum; quæ de re in ipsa dissertatione mox plura dicam, cum de *testamentifactione mulierum* agere in animum induxerim meum. Equidem forsitan non deerunt, qui, quod in hoc argumento versari constituerim, improbaturi sint; nec diffiteor, e pluribus, quæ in promptu fuerunt, me facile talem materiam conscribendæ dissertationi eligere potuisse, quæ minus infœcunda, magis tamen ad trituram forensis composita fuerit; nihilominus tamen medicorum ~~is~~ qui exemplum malui, qui sæpius etiam viliores vulgaresque herbas colligere ac in artis suæ vñus succum illarum solent conuertere. Neque vero hoc argumentum suo merito et pretio destituitur, cum ipsum ius Romanum obseruationes nobis suppeditet meditatione vltiori dignas, et ius Germanicum æque modos in testamentis mulierum nobis suggerat, qui solutionem merentur sedula meditatione excolendam. Nihil enim in iure

re

(e) Et sic etiam vñum testamento-  
 rum ap. Romanos scimus vel PLV-  
 TARCHO in *Coriolano* teste et as-

serente; eo tempore iam in *prociatim*  
 condita fuisse testamenta.

re ciuili tantis tenebris inuolutum esse arbitror, quod lumine ideo illustrari atque ex antiquitatis ruinis protrahi non possit. Qua de re si euentus non vbique conatibus meis respondet, æquus tamen lector in his prinitis exponendis voluntatem non adspernabitur.

## CAP. I.

DE

TESTAMENTIS MULIERVM  
EX IVRE CIVILI.

## A R G V M E N T V M.

- I. Natales et progressus testamentorum. II. Quibus olim permissum facere testamenta. III. Testamenti factio quid? IV. Mulieri ius testandi olim negatum. V. Quatenus indultum sit. VI. Tutela mulierum. VII. Patroni legitima tutela in libertas. VIII. Fennine sui iuris, in tutela muliebri constitutæ, ius testandi datum. IX. Vtrum in scriptis testari potuerint? X. Ius nouius circa testamenta mulierum. XI. De quarta bonorum coniugi inopi relinquenda. XII. De ea coniux præmoriens testari nequit.

## §. I.

**I**n etymologia vocabuli, *testamentum*, scrutanda tempus hac occasione perdere non iuuat, quamuis alias etiam huiusmodi euolutio in iure singulare commodum nonnunquam habeat. Omnino displicet ea, quam

*De testamen-  
tis ex LL. XII.  
Tabb. et te-  
stamento præ-  
torio.*

SVL-



SULPITIUS in scenam produxit apud A. GELLIVM in *N. A. lib. VI. c. 12.* illud compositum esse adfirmans a *mentis contestatione*. Verum iam a GELLIO irrisus (f) est, quamvis de cetero hic scriptor eum *virī etatis suae doctissimi* encomio mactet. Nihilominus SERVIVS sequaces habuit VLPIANVM *tit. XX. §. 1.* et TRIBONIANVM in *Instit. tit. de testament. pr.* quanquam parum inde roboris opinioni eius accedat, quæ fluxo ingenio magis, quam veritati debetur. Aequè facile enim dici potuisset, vocem hanc inde ortam fuisse, quod testimonio aliorum actus testandi indiguerit, ne defuncti voluntas alias, ob incertitudinem, exitu careret. Modestino interprete in *l. 1. D. de testament. testamentum est voluntatis nostrae iuxta sententia de eo, quod quis post mortem suam fieri velit, vel clarius: quem post mortem heredem fieri velit.* Atque hoc olim *pacis tempore* non aliter Romæ fieri potuit, nisi auctoritate populi interueniente in *comitiis calatis*, in quibus testari cupiens heredem suum nuncupare debuit, quod a legibus ordinem succedendi determinantibus recedere vellet testator, nouamque legem successionis constituere, vt obseruat HEINECCIUS in *lib. II. Antiquit. Roman. ad Instit. tit. X. et seqq. §. 2. (g)* Pleniorē potestatem condendi testamenta XII. Tabb. introduxerunt postea, quibus cautum fuisse legitur: PATER FAMILIAS VTI LEGASSIT SVPER FAMILIAE, PECVNIAE, TVTELAEVE SVAE REI, ITA IVS ESTO, quam legem

(f) Cuius propugnationem suscepit ante aliquot annos Dn. SENCKENBERG *de testamento publ. c. 1. §. 1.*

(g) Vberius id declarat B. THO-

MAS. in *dissert.*, cui titulum dedit: *prima initia success. testam. apud Rom. §. X. seqq.* ostenditque, testamenta non habuisse valorem ex libero testatorum arbitrio, sed ex *auctoritate populi*.

legem recitant et exornant AVCTOR *ad Herenn. I. 13. VLP-  
PIAN. tit. XI. 14. IACOB. GOTHOFREDVS in fragment.  
XII. Tabb. ad Tab. V., et, qui inter primos nominandus  
est, Ill. HEINECCIUS in pererudita dissert. de origine te-  
stamenti factionis §. 10. Hac lege latissimam facultatem te-  
standi ciuibus datam fuisse, indicat POMPONIVS in l. 120.  
ff. de verb. signif. Verbis legis XII. Tabb. his: uti legassit rei  
sue, ita ius esto, latissima potestas tributa videtur et heredis  
instituenti et legata et libertates dandi, tutelae quoque consti-  
tuendi: quibus verbis non quidem origo testamentorum XII.  
Tabulis adscribitur, bene tamen usus eius, ab initio rarior,  
auctior redditus ostenditur. Sed eam paulo post difficilio-  
rem reddidit noua, extra comitia, testamentorum conden-  
dorum forma, quae per *as et libram* vocabantur, et inter-  
pretatione *ICTorum*, qua inter disputationes fori *ius Civile*  
strictè enatum est, introducta sunt, ita dicta, quod V. ci-  
uibus Romanis maribus et libripende, praesentibus, familiae  
emptori aequae praesenti testator, nummo interueniente, bona  
sua omnia vendebat et mancipabat, teste VLPIANO *in frag-  
ment. tit. XX. §. 2. conf. pr. Inst. de testament. ad quam et-  
iam respexit CLEMENS ALEXAND. lib. V. Stromat.* lauda-  
tus ab HEINECCIO *c. l. §. 7.* qui etiam aurium attrecta-  
tionis facit mentionem, in testamentis usitata. (b) Quo  
vero*

(b) Nam praeter v. testes, familiae  
emptorem et libripendem, in testa-  
menti faciendis *antestam* etiam ad-  
hibitus fuerit? quaestio est, quae pri-  
dem exercuit eruditos. Sed neque  
imperator §. 1. *Inst. de testam. or-  
dinand.* neque VLPIANVS *tit. XX.  
§. 2.* eius faciunt mentionem; quod

Tom. IV.

Ppp pp

eo magis mirandum est, quo minus  
isti in iure, suo tempore usitato, igno-  
rantiae possunt accusari. Verum li-  
ceat mihi meo periculo adferere, *ex-  
testatum* in actu testandi non diuer-  
sam a testatore personam fuisse. Ut  
ita credam, persuadet sollemnis for-  
mula, quam *nuncupationem testamen-  
ti*

verò tempore hi ritus testatoribus præscripti fuerint, id æque ignoratur ac illud, quisnam eos primus inuenerit. Fuerunt quidem, qui ex ipsis XII. Tabb. illum modum deriuandum esse putarunt, pluribus autem dubiis inuolutam, imo prorsus falsam esse hanc opinionem luculenter monstratum dedit iam nominatus vir illustris *c. l. §. 6. nota d.* Hoc interim verisimile videtur, ante *primum bellum punicum* istum iam inualuisse, hoc est, eo tempore, quo populus Romanus, æreis numinis contentus adhuc, argentum signatum in commerciis ignorabat. Auctor vero est *PLINIVS hist.*

si dicebant, a testatore pronuncians, cuius vltima verba sunt: *ITAQUE, VOS QVIRITES, TESTIMONIUM PRAEBITO. TE. VLP. IAN. cit. l. §. 9. CVIACIVS* maluit legere *PERHIBETOTE*, non *præbete*, idque ex *APVLEII lib. XI. de Asino aureo* probat. Nos inpræsentiarum non facimus nostram hanc litem; sufficit, quod modo prolata opinioni inde etiam aliqua fiat fides, quod *PAVLVS lib. III. sentent. tit. IV. §. 4.* scripserit: *cæcus testamentum potest facere, quia ACCIRE potest adhibitos testes*; si ergo testatori incubuit testimon rogatio, *antestatus* separatim in actu testandi non magis fuisset necessarius, quam tunc, si quis alterum obtorto collo in ius raperet, quod licitum quidem fuerat olim, dummodo actor aliquem ex præsentibus in testem vocasset, quod faciebant tangendo eius auriculam ac dicendo: *li-cetne antestari?* Alludit ad hunc morem *HORATIVVS lib. I. Satyr. IX. v. 74. seqq.*

*Casu venit obuius illi  
Adversarius. Et, quo tu turpissimæ  
magna  
Exclamat voce: et LICET AN-  
TESTARI? ego vero  
Oppono auriculam. Rapi in ius:  
clamor utrinque:  
Undique concursus.*

Verum talis testium rogatio alias ad antestati spartam pertinebat, cuius hic personam ipse testator sustinebat; et tali ratione *CLEMENS ALEXANDR.* facili negotio cum Ictis nostris poterit conciliari, cuius verba alioquin de *aurium attritione* in testamentorum actu solemnī, sensu omni destituerentur. Ipse *SCHVLTINGIVS* haut abnuere videtur, id quod *antestati* faciebant, per eos ipsos, inter quos res agebatur, potuisse perfici, in *iurispund. antest.* ad *Caii lib. I. tit. VI. §. 3. p. 58.* cuius sententiam ideo sequor, cum aliam viam ex hisce difficultatibus elu-standi vix superesse putem.

*flor. natural. lib. XXXIII. c. 3.* nummos argenteos Romæ primum cufos fuiffe Q. Ogulnio Gallo, C. Fabio Pictore Coss. quorum consulatus incidit in annum vrbis conditæ cccclxxxiv. secundum fastos communes; neque LIVIUS ab hac sententia recedit, qui in *epitom. lib. XV.* post bellum Tarentinum argento vti cœpisse Romanos scripsit, idem tempus ita cum PLINIO innuens; sed tunc testamenta hæc iam in vsu fuiffe, et nomen, et *ærei nummi*, in illis condendis adhibiti adhuc, demonstrant. Interim illi minime a vero aberrare videntur, qui harum solemnitatum auctores *patricios* fuiffe censent; hi enim, quum plebem Romanam legibus non possent opprimere, formulis et ceremoniis, in actibus legitimis et legis actionibus observandis, id perficere studuerunt; quarum cum nemo præter ipsos notitiam haberet, facile omnis iuris arbitros aliquamdiu se fecerunt. *Mancipationis* igitur ritu veteri et V. testium numero ex antiquiore iurisprudentia huc translato atque præscripto testamentis condendis, (i) formulam quoque solemnem effinxerunt, qua testatores vterentur: HAEC VTI IN HIS TABVLIS CERISVE SCRIPTA SVNT, ITA DO, ITA LEGO, ITA TESTOR, ITAQVE VOS, QVIRITES, TESTIMONIVM PRAEBITOTE; quam quidem cantilenam

(i) Iam diu ante XII. Tabb. hunc numerum testium ROMVLVS præscripserat, cum ageretur de partu monstroso exponendo, teste DIONYSIO HALICARNASSEO *antiquit. lib. II. c. 15.* V. cl. ANTON. SCHVLTINGIVS in *iurisprud. anteiustin. not. 23. ad Cais lib. I. tit. VI. §. 3.* coniicit quoque,

istum forsan servatum fuiffe in *mancipatione* quacunqve, quam iure Decemviri antiquiorem putat. Hoc si verum est, in proclivi etiam ratio erit, quare tot minimum testes voluerint adesse, si quis testari cuperet; qui actus sine *mancipationis* ritu tunc nunquam peragi poterat. VLP. *in fragment. tit. XX. §. 9.*

nam *nuncupationem testamenti* vocarunt. *VLPIAN. tit. XX. §. 9.* Cum vero *IDEM cit. loc.* duas res hæc in testamento *per æs et libram* agi debere scripserit: nemo dubitare poterit, quin earum intermissione totus testandi actus nullius in iure momenti fuerit. Verum hoc genus testamentorum, vltus rarioris esse cœpit, ex quo prætores nihil amplius desiderarunt, quam vt tabulæ testamenti non minus septem testium signis essent firmatæ, ex quibus bonorum possessionem peterent. Grata hæc talia edicta fuisse plebi, quibus in testandi actu pluribus difficultatibus liberabantur, facile coniectari potest; simulque inde ratio patet, quare prætorum edictis in tantum fauerint, vt *iuris honorarii* ista venirent nomine, imo pari cum legibus auctoritate gauderent.

Qui testamen-  
ta facere olim  
poterint?

§. II. FACULTATEM testamenta condendi non omnibus ciuibus indistincte datam fuisse, noto notius est. Nam in XII. Tabb. *patresfamilias* nominantur tantum: qui alienæ potestati subiecti erant, ab hoc iure excludebantur. Igitur *filiifamilias* testari olim non poterant, quum propriis bonis destituerentur. Omnia enim, quæ ab extraneis acquirebant, non sibi, sed patri suo acquisiuisse, a nemine ignoratur, etiam qui vix sacris nostris initiatus est. Ex quo autem peculium castrense et quasi castrense, iure plenæ proprietatis, illis habere licuit, ex eo quidem tempore testamenti factio actiua eis data est in illis bonis, quæ occasione *militiæ* vel liberalium artium acquisiuerant, sed habebantur etiam horum intuitu pro *patribusfamilias*, saluo ita tenore XII. Tabb. vid. *VLPIAN. in fragm. tit. XX. §. 10.* et ibi *SCHVLTINGIVS princ. Inst. quib. non est permiss. fac. testam. l. vlt. C. de inoffic. testam.* Quidam quoque, quamvis sui iuris sint, et sub appellatione *patrumfamilias* comprehen-

prehendantur, tamen ob alia impedimenta ad testandum admitti non potuerunt. Sic ob ætatem nimis teneram arcantur impuberes, qui adhuc in aliorum tutela sunt, *l. 5. ff. h. t. et furiosi §. 1. Inst. quib. non est permiff. facere testam.* prodigi, *l. 12. §. 2. ff. de tut. dat.* surdi et muti, nisi in scriptis testari possint vel principis indulgentiam ad id impetrauerint. *l. 10. C. h. t. §. 3. Inst. quib. non est etc. l. 6. §. 1. l. 7. ff. h. t.* Hisce enumeratis personis plures addiderunt imperatores sequiorum seculorum, ut damnatos criminis capitalis, quorum omnia bona fisco augustali addixerunt *in l. 5. pr. C. ad L. Iul. maiest.* De qua re autem valuissent testari, qui, cunctis facultatibus suis priuati, rapiabantur ad supplicium? Quod hodie restringi solet ad ea crimina, ob quæ adhuc confiscatio bonorum *principaliter* dictatur. STRYK. *in V. M. ff. ad L. Iul. maiest. §. 9.* V. cl. BOEHMER *in iurisprud. criminal. Sect. II. cap. V. §. 85.* conf. tamen ZIEGLER *de iure maiest. lib. I. c. 2. §. 62. seqq.* quamuis sæpe consultum sit, ut principes clementiæ suæ hic præbeant exemplum, ne horum liberi, sine culpa sua vel crimine infelices, aliena noxa plectantur, et in desperationem adducti tandem coniurationes suscipiant, quarum iugiter causam egestatem fuisse nouimus, ARISTOT. *politicor. lib. V. c. 6.* idem sentiente. Tandem etiam hæreticos et apostatas intestabilium classi iunxerunt. *l. 4. C. de hæret. l. 3. C. de apostat.* Factum hoc est tunc demum, ex quo mysterium iniquitatis revelari cœpit, vndique prorumpente dominantis cleri ambitione; qui, quos argumentis superare non poterant, imperio et pœnis in suam trahere sententiam maluerunt. Sed leges istæ in Germanico imperio hodie inter tres publice approbatas religiones, quibus *hereseos* macula per approbationem hanc absterfa est, quietescere iussæ sunt penitus et pro-



scriptæ, ita, ut hi, qui alteram ex hisce profitentur, pœnis hæreticis minitatis, subdi non possint amplius, per *Art. V. instrum. pac. Osnabrug. §. 35. et Art. VII. §. 1.* Referunt quoque inter personas intestabiles obsoles: quibus testamenti factio, non ut talibus, sed ut extraneis interdicta erat, ab hoc iure exclusis. Si tamen togæ Romanæ usum eis concesserant imperatores, tam capere eis licuisse ex ultimis voluntatibus civium, quam condere testamenta, docent *l. 31. et 32. ff. de iure fisci*, et secundum hæc intelligenda quoque *l. 11. ff. de testament.* Plures, quibus testandi facultatem denegarunt, data opera prætermitto; cum, prohibitiones istas recentiori ævo factas demum fuisse, nemo ignoret.

*Testamenti  
factio quid et  
quæ duplex?*

§. III. Qui ergo gaudebat iure testamenti faciendi, iste habere dicebatur *testamenti factionem*, quam quidem THEOPHILVS vocat *actiuam*. Ab ea diuersa erat testamenti factio *passiva*, qua permittebatur aliquibus ex ultimis aliorum voluntatibus capere, licet ipsi testari prohiberentur. POMPONIVS in *l. 16. ff. de testam.* quasdam personas refert, quæ ad hanc classem pertinuerunt; quibus ex VLPIANI *tit. XX. §. 8. iuncto tit. XVII. §. 1.* Latinos Iunianos addere possumus: licet enim isti secundum *cit. tit. XX. §. 14.* testamentum facere nequirent, ex aliorum tamen ultimis voluntatibus capere absolute eis non interdictum erat. Igitur secundum ea, quæ diximus, vocabulum *testamenti factio* duplicem ideam inuoluit, scilicet facultatem tam faciendi testamentum, quam ex tali capiendi aliquid. Nemo non videt, dictionem hanc ambiguam esse, ideoque plus quam unam definitionem admittere. Dabimus eas hoc loco, ne alioquin in sequentibus nosmet ipsos ac lectores nostros exponamus obscuritatis periculo. Est autem testamenti factio

**Factio ACTIVA** facultas, iure civili data, de rebus suis post mortem suam disponendi. **PASSIVA** testamenti factio vocatur facultas legibus indulta ex ultima alterius voluntate aliquid capiendi.

§. IV. **FEMINAS** proximis annis post XII. Tabb. publicatas testamenti factionem, quam *actiuam* cum aliis vocauimus, non habuisse, omnes, quos noui, Icti vno ore fatentur. Quo vero tempore et qua occasione primum Romani tolerauerint testamenta feminea, non constat, nec perspicue definitum est. **VLPIANVS** in tit. XX. §. 15. de suo tempore tradit: *Femine post XII. annum etatis testamenta facere possunt, tutore auctore, donec in tutela sint.* Quibus verbis quidem indicat, competere feminis ius testamenta faciendi, quod eo tempore, quo **VLPIANVS** hæc scripsit, a nemine in dubium vocabatur amplius; sed qua lege hoc eis indultum fuerit, quoue auctore, de eo minime sollicitus est. Hoc certum est, iure XII. Tabb. *patribusfamilias* tantum datam hanc facultatem fuisse, sub quorum appellatione non magis *femine* tunc, quam *filiifamilias* comprehendebantur. Sed illis postea feminis ex quadam æquitatis ratione id concessisse videntur *prætores*, quæ libera gaudebant bonorum possessione, nec alterius iuri subiectæ et præterea legitimæ ætatis, hoc est, maiores annis duodecim erant; quarum tabulis, more prætorio conditis, adeo fauebant isti, vt facile *secundum eas* darent heredibus bonorum possessionem, prout moris erat, si aliqua æquitatis ratio pro tabulis, more illo scriptis signatisque, militabat. Differunt namque tales parum aut nihil a patribusfam., si res earum domesticas consideraueris, præsertim postquam novum genus matrimonii accessit, quo status earum non mu-

tatus

*Feminis testamenta facere olim plane negabatur.*

tatus est, sed *sui iuris* manserunt, de quibus mentionem facit CICERO *in topic. mox ab init.* Antiquissimum feminei testamenti exemplum apud LIVIVM occurrit *lib. XXXIX. c. 9.* vbi Hispala Fecenia, libertina genere, meretrix professione, Ebutium, adolescentem quendam, quocum consuetudo ei fuerat, patrono mortuo, heredem instituit. Factum hoc esse constat Sp. Postumio Albino Q. Marcio Philippo Coss. anno conditæ urbis DLXVII. Vtrum autem effectum habuerit, non adiicitur sed simpliciter refertur, Hispalam testamentum condidisse. Nam nequidem adhuc tempore CICERONIS (k) hæc causa omni caruit dubitatione, vtut forsitan eo tempore plura testamenta a feminis condita fuerint. Etenim Cæsennæ cuiusdam testamentum memorat CICERO ipse *orat. pro Cæcinnæ c. 6.* et alia præterea exempla

(k) Adhuc tempore CICERONIS dubium fuit, vtrum ea mulier testamentum facere posset, quæ se capite nunquam diminuit, h. e. quæ in manum mariti non devenit. Nam, quæ capite hoc modo deminuta erat, testamenti factionem habere non poterat, quod alieni iuris facta esset. Non videri ex edicto prætoris bonorum possessionem ex his tabulis dari posse, censuit CICERO *de topic. c. 4.* idque probat ex *adiunctis*, quod alioquin bonorum possessio secundum servorum, exsulum et puerulorum tabulas danda esset, Ictos in diuersas fuisse tractos sententias, rursus CICERO *lib. VII. epist. 21.* docet, TREBATIO affirmatiuum propugnante, sed SERVIO SVLPITIO negatiuum, quod ea, quæ testamentum condidisset, testamenti factionem non habuisset. TREBA-

TIO sententia facile vicisse videtur, quod data bonorum possessione heres interdicto *quorum bonorum* tutus esset, vbi non quærebatur de *iure testamenti*, sed an testamentum *iure prætorio* conditum adesset? vt optime LAMBINVS *in not. ad cit. ep. ostendit.* Forsan hac occasione testamenti factio tandem mulieribus concessa est, quod prætores facile heredibus, ab his institutis, darent bonorum possessionem secundum tabulas, quæ secundum *solemnitatem iuris prætorii* adhibito tutore conditæ essent, quas servare e re prætorum erat. Hoc præsidio freti contradictorum argutias eludere poterant scripti heredes sine villo negotio; cum probabile sit, in multis aliis casibus prætores dedisse bonorum possessionem secundum tabulas, quam qui in iuris nostri collectione notati.

pla adferunt *PLINIVS lib. II. ep. 20. et lib. IV. ep. 10. SERTONIVS in Galba c. 5. VALER. MAXIM. lib. VII. §. 2. et Icti*, quorum fragmenta compilatores pandectarum nobis conseruarunt in *l. 19. ff. de inoffic. testam. l. 37. §. 6. de legat. III. l. 33. de vulg. et pupill. subtit.* Leges Codicis allegare hic superledeo, quia recentiorum sunt temporum, quibus testamenti factionem mulieribus competiisse, ne dupondii quidem ignorant.

§. V. DIXIMVS in §. *præced.* non omnes feminas indiscriminatim facultate testandi gauisâs fuisse, sed eas tantummodo, quæ annos *pubertatis* egressæ, neque in vllius alterius manu erant amplius. Filiafamilias igitur testari ob statum suum non poterant, et, qui fieri potuisset, vt id istis datum fuisset, quod negatum erat simpliciter *filiisfamilias*, licet illis testamenti factionem pater vel maxime indulgere voluisset. *pr. l. quib. non est permiff. fac. testam. l. 6. ff. de testam.* Per LL. XII. Tabb. enim testari nemini, nisi patrifamilias, fuerat concessum; quia vero semper absurdum credebatur, si quis *ius publicum* immutare satageret priuatis factionibus, (1) hinc prono alueo modo dictam prohibitionem in filiosfam. fluxisse, nemo dubitabit forsan. Alia autem erat ratio istarum seminarum, quæ morte parentum *sui iuris* effectæ, aut potestati eorum emancipatione sub-

(1) Nam PAPINIANVS in *l. 3. ff. de testam.* ait: *Testamenti factio non priuati sed publici iuris est; et in cap. II. L. Falcidia* scriptum fuit: *Quicumque ciuis Romanus post hanc legem rogatum testamentum faciet, is quantam cuique ciui Romano pecuniam LV. RE PVBLICO dare, legare uolet etc.*

*l. 1. ff. ad L. Falcid.* Sed idem Papinianus *l. 39. ff. de pact.* *Ius publicum pactis priuatorum mutari non posse*, adfirmat; quo nostræ sententiæ veritas demonstratur, quod videlicet *priuato pacto* nemo impetrari queat *testamenti factionem*, cui *leges publicæ* eam denegarunt.

subtractæ erant. Hæ enim, quum in domo sua pleraque patrum-  
familias seu personarum, quæ *sui iuris* erant, iura poterant ex-  
ercere, admodum inique videbantur arceri a testamenti factio-  
ne actiua; inprimis quum testamenta non amplius fieri debue-  
runt in comitiis calatis, quibus feminas interesse non licuerat,  
sed in cuiusque domo rite et præcipue *prætorio more*, qui his  
tabulis magnam conciliabat auctoritatem, possent perfici. Cen-  
suerunt tamen prætores, in eo temperanda esse mulierum  
iura, ne, quosunque vellent actus, maxime *solemnes*  
(quorum *mancipatio* pertinebat) suo tantum arbitrio pos-  
sent peragere, sed quibusdam *tutoris auctoritatem* accedere  
oportere. Huius vero dispositionis rationem *infirmi-  
tatem sexus sequioris* fuisse, CICERO indicat in *orat. pro Mure-  
na c. 12.* scribens: *Mulieres omnes propter infirmitatem con-  
silio, maiores in tutorum potestate esse voluerunt etc.* Quod  
Romanorum institutum eo magis probandum est, si recte de  
mulieribus opinatus est SENECA de *constant. sap. c. 14.* fe-  
minam esse dicens *impudens animal et, nisi scientia accessit  
ac multa eruditio, ferum, cupiditatum incontinens.* Ter-  
quoque eas in hora mutari, BALDVS nos credere iubet in  
*l. quoties versu: dic quæ mulier C. de suis et leg. hered.* Qui-  
nam hi actus excepti fuerint, in quibus aliena auctoritate  
feminis opus esse voluerunt, declarat, quamvis paulo gene-  
ralioribus verbis, VLPIANVS tit. XI. §. 27. *Tutoris au-  
thoritas necessaria est mulieribus quidem in his rebus, si lege,  
aut legitimo iudicio agant, si se obligent, si civile negotium  
gerant, si libertæ suæ permittant in contubernio alieni serui  
morari, si res mancipi alienent.* Vltima verba testamenta  
comprehendunt, antiqua autem intelligo *per æs et libram*,  
quæ sine *mancipatione* non potuisse rite fieri, iam dictum  
probatumque est §. 1. ad negotia civilia vero reliqua testa-  
menta

menta pertinuisse inter alia, recte censuit V. cl. SCHVLTINGIVS in not. 81. ad b. l. in iurisprud. anteiust. pag. 604. Ceterum Romanos antiquissimis temporibus iam hæc feminis iura præscripsisse, intelligi poterit ex oratione M. CATONIS pro Lege Oppia ap. LIVIVM lib. XXXIV. c. 2. vbi inter alia ait: *Maiores nostri nullam, ne priuatam quidem rem agere feminas sine auctore voluerunt: in manu esse parentum, fratrum, virorum.* Nescio vero, qua ratione permotus SCHVLTINGIVS in not. 75. ad cit. tit. XI. Vlpiani scripserit, oratorie mulierum causam hisce verbis deprimi a CATONE. Quid enim testamentum, nonne res priuata? quid stipulatio? iura de hisce publica fuisse non nego, ipsa autem negotia talia pertinuisse ad classem priuatarum rerum, CICERONE in orat. pro Cæcinnâ patescit: *Quod ut ad priuatas res redeam, testamentum, quæ iudicia aut stipulationes, aut pacti et conuenti formula non infirmari aut conuelli potest, si ad verba rem deflectere velimus?* Hos igitur actus CATONEM indigitasse vocibus: *ne priuatam quidem rem*, verisimile est, quamuis non in omnibus priuatis actibus auctoritatem tutorum necessariam habuisse mulieres constet; quæ in re istâ a pupillis diuersæ conditionis fuerant, quorum fere nulla valida actio erat, nisi quæ tutoris sui roborata esset auctoritate. Hinc CICERO in topic. c. II. *Non quemadmodum quod mulieri debeas, recte ipsi mulieri sine tutore soluas, ita, quod aut pupillæ, aut pupillo debeas, recte possis eodem modo soluere?* et QVINTILIANVS instit. orator. lib. V. c. 10. in eundem sensum scribit: *Non quod mulieri, idem pupillo;* quæ duo loca in nota allegata SCHVLTINGIO debeo, qui ea ibi in vñus suos conuertit.

§. VI. ERAT autem tutela feminarum duplex olim, *Mulierum tutela duplex.*  
altera pupillaris, quæ duodecimo ætatis anno exacto finiebatur,

Qq q q 2



batur, *princ. Instit. quib. modis tutel. finit.* altera, quam *perpetuam* vocat **TRIBONIUS** in *topic. Ciceronis lib. IV.* Vtriusque meminit **ULPIANUS** *tit. XI. §. 25.* et quam a semet inuicem differentiam habuerint, ibidem exponit. Prioro enim non tantum cura educandi pupillum tutori delegabatur, verum etiam rerum pupillarium nanciſcebatur administrationem, neque contrahi poterat cum pupillo valide sine auctoritate illius. Tutor autem adultæ mulieris suam tantum auctoritatem interponere iuebatur in quibusdam actibus; in aliis contra, unde nullum feminis præiudicium vel damnum erat metuendum, pro suo arbitratu agere illis liberum erat. Sic recte mulieri, etiam sine auctoritate tutoris, solui potuisse, e **CICERONIS** patet loco *§. preced. exscripto*, quamuis in alia omnia iuerint leges, si pupilli debitor ei soluisset sine tutore. (m) Quod et hodie adhuc obtinet, ita ut debitor pupillo soluens plene securus non sit, nisi, præcedente magistratus decreto, pupillo cum tutore solutio fiat, **TRIBONIUS** in *diff. de solutione pupillis et minorib. et ab iis tuto facienda Cap. II. §. 11. et 12.* vel in rem versio probari possit. **STRYK.** in *V. M. lib. XII. Tit. I. §. 17. et 18.* Quod tamen de sorte solum, non autem de redditibus et usuris intelligi-

(m) Nostræ quidem sententiæ aduersari videtur *§. 1. instit. quibus al. lic. vel non.* Verum, quum *l. 15. ff. de solut. et liber. et l. 28. ff. de pact.* æque solutionem eiusmodi improbant, valde dubium est, utrum locus *cit. in instit.* sanus et integer sit, nec ne? quid si reponeretur ita: *Ac e contrario omnes res pupillo et pupilla sine tutoris auctoritate recte dari NON possunt* (indistincto scilicet.) *Ideoq. si debitor pupillo soluas, necessaria est*

*debitori tutoris auctoritas, alioquin non liberatur.* Nam nisi ita legas verba: *ideoq. si debitor* etc. male videntur cum antecedentibus coherere, quam tamen priori particula paullo ante **TRIBONIANUS** oportune usus sit, scribens: *ideoq. si mutuum pecuniam* etc. Quibus verbis indicauit, sequi hanc, quam ibi protulit, sententiam ex antecedentibus; quod et hoc loco sine dubio exprimere voluit.

telligendum, nisi excedant summam 100. solidorum per *l. 25. et 27. C. administrat. tut.* Ex quo vero tempore Diuus MARCVS imp. omnes minores sub curatela esse iussit, nulla sexus facta diuersitate, (n) ex eo quoque videntur pedetentim tutores perpetui exoleuisse, vtpote iam minus necessarii. Forsan etiam confusum istorum munus fuit sequiori tempore cum illo curatorum, qua de re vero nihil certi affirmare audeo. Dubito tamen an satis caute adseruerit IAC. RAEVARDVS *lib. II. varior. c. 10. si tutoribus* curatores in lege aliqua Digestorum iungantur, *curatoris* dictionem a Triboniano insertam esse, cuius opinioni post Schultingium etiam contradixit V. cl. EVERH. OTTO in perdocto opusculo *de perpet. femin. tut. §. 15.* Certiora indicia malæ fidei, vel, si mauis, piz fraudis Triboniani deprehenduntur in *l. 60. et 61. ff. de iure dot.* Prior enim e *libro XI. Digestorum* P. Iuuentii Celsi sumtus est, posterior autem e Terentii Clementis *libro III. ad L. Iuliam et Papiam.* Mentio in hisce legibus curatorum fit, qui dotis dandæ, dicendæ promittendæue causâ dabantur feminis. Verum *curatoris* feminei appellatio horum Ictorum xuo inaudita erat adhuc, qui vtique ante Diui MARCI tempora vixerunt, ac præterea tales personæ ab Vlpiano adhuc *tutores* vocantur, non *curatores*

(\*) IVL. CAPITOLIN. in vi. 2a M. Aurel. Antonini c. 10. *De curatoribus vero quum ante non nisi ex lego Latoria, vel propter lasciuiam vel propter demensiam darentur, ita statuit, ut omnes adulti curatores acciperent causis non redditis.* Quæ auctoris verba ab obscuritate vindicauit deum ill. HEINECCIUS in libro

iam sæpius laudato *antiquit. Roman. ad lib. 1. Instit. tit. XXIII. §. 228. seq.* quum ante a plerisque aliter, neque felicius tamen explicata essent, in quorum numero etiam V. cl. GERH. NOODTIVM esse reperi. *vid. eius comment. ad Digest. tit. de curat. et aliis extra minor. dand. in princ. pag. 588.*

ratores in *tit. XI. §. 20.* Igitur nemo facile dubitare poterit amplius, quin textus citati libris Digestorum haud integre ac incorrupte fuerint inserti, de qua re vid. *VERTRANIVS MAVRVS de iur. liber. c. 31.* Addit prioribus *SCHULTINGIVS in not. ad tit. XIX. lib. II. PAVLI sentent. L. 7. ff. de tutor. et curatorib. dat.* neque id sine similitudine veri; Vlpianus enim cuius nomen cit. legi præfixum est, in fragmentis suis more antiquo loquitur, tutores dans mulieribus, non curatores. vid. eius *tit. XI. §. 18. et 20.*

*Liberta in patroni sui legitima tutela erant.*

§. VII. Quæ ex iusta seruitute manumissæ erant libertarumque veniebant nomine, harum legitimam tutelam ad patronos, qui eas manumiserant, pertinuisse, notum est, eorumque liberos, si manumittens satis cessisset forsan. Nihil equidem de hac tutela cautum fuisse legitur in LL. XII. Tabb. per interpretationem tamen inde eam deduxerunt Romani ideo, quia iisdem in bonis defuncti intestato liberti aut libertæ, neque liberos relinquentis, iura successionis indulta fuerant legibus decemviralibus. *Instit. de legit. patron. tutel. VLPIANVS tit. XI. §. 3.* Hinc tutelam istam *legitimam per consequentiam* vocat, h. e. magis ex ratione, quam verbis legum introductam. Licet enim vel maxime libertini parentes haberent, vel alios cognatos, qui in seruitute erant adhuc; horum tamen hic nulla ratio poterat haberi neque in successione, neque in tutela, quia tales ab omni ciuitatis iure penitus excludebantur, imo tunc potius nullum libertus patrem habere putabatur; hinc idem *VLPIANVS tit. X. §. 3.* ait: *seruilem cognationem nullam esse*; quod iuris axioma a Iustiniano postea paullo immutatum fuisse, patet ex *pr. Instit. de seruil. cognat.* Interim idem imperator libertorum patronos *συγγενεις* siue cognatos eorum vocat in consti-

constitutione quadam, quæ reperitur in *BASILICIS lib. XLIX. tit. 1.* ad quam vide *CUIACIUM obseruat. lib. XX. c. 54.* Cunctis, quæ hætenus diximus, clariorem fœneratur lucem adductum superius §. 4. Hispalæ libertinæ testamentum, de quo Liuius cit. ibi loco quædam memoriæ prodidit. Hæc enim testari cupiens, quum post patroni sui mortem in nullius manu esset, (o) prætorem ac tribunos plebis adit, sibi que tutorem dari postulat, quo scilicet in condendo rite testamento opus habebat omnino. (p)

## §. VIII.

(o) Patronus igitur vel plane nullos filios videtur reliquisse, vel impuberes tantum. Ultimo vero casu legitima filiis tutela non eripiebatur, sed alius interim a magistratu dabatur, donec isti ad ætatem fungendæ tutelæ aptam peruenissent. Non autem hic facere possum cum Cuiacio, qui non nisi duobus casibus tantum filio patroni, impuberi et legitimo tutori libertinæ factæ, substituti olim potuisse credidit, nimirum si hereditatem ista adire aut nuptias contrahere voluerit; Vlpianum quidem idem dixisse putat *sir. XI. §. 22.* sed iste cit. loco patroni filios æstimare videtur eodem iure, quo alios tutores, præter patronos, in casu absentis habuit, quibus alius substitui poterat omnino. Finge enim, recte se habere Cuiacii sententiam, quis in aliis casibus ac negotiis libertinæ huiusmodi interponere auctoritatem debuisset, tutore suo legitimo existente impubere ac alio ista destituta? Iustinianus postea omnes, qui XXV. annis minores essent, a legitima tutela exclusit per *l. ult. C. de tutel. legit.* inde tam

Dionys. Gothofredus in not. ad *l. 16. ff. de tutel.* quam Schultingius in not. §8. ad §. 20. *sir. XI.* Vlpiani non sine ratione adstruxerunt *l. 16. ff. de tutel. l. 4. l. 8. ff. de legitim. tut. et l. 1. ff. de fideiusso. et nominatorib. et hered. tutor.* Triboniani correctoriam manum esse expertas, quibus viris addi etiam Cuiacius potest ad *sir. insit. de fiduciari. tutel.* Nam Ictorum temporibus, auctorum harum legum, antiquam obseruantiam viguisse adhuc, vel vnus Vlpiani iam cit. §. 22. *sir. XI.* declarat.

(p) Tutor talis Atilianus vocabatur, quia lege Atilia cautum fuerat, vt, si cui mulieri pupillouæ in vrbe nullus tutor esset, ei aliquis daretur a prætore vrmano et maiore parte tribunorum plebis *pr. Instit. de Atiliano tut. etc. Vlpian. sir. XI. §. 18.* Quo tempore hæc lex facta fuerit, de eo non magis certi sumus, ac quemnam auctorem habuerit? istum tamen annum vrbs cond. DLXVII. præcessisse, id vel Hispalæ memoratæ historia euincit, quod etiam obseruarunt iam do.

Quanam mu-  
lieres testari  
olim potue-  
rint.

§. VIII. Hoc etiam iure per plura postea secula Roma-  
nas vixisse mulieres, de eo neque ICTORUM veterum frag-  
menta neque auctorum passim iam citata loca nos dubitare  
sinunt. Indistincte tamen omnibus testamenti factionem li-  
beram non fuisse, iam superius §. 4. et 5. dictum est. Hinc  
ait VLP IANVS: *Feminae post duodecimum annum etatis testa-  
menta facere possunt tutore auctore, donec in tutela sint.* Iam  
supra laudauimus hunc locum, quem paulo curatius hic ex-  
cutere oportet. ICTUS in eo non omnes feminas posse con-  
dere testamenta adserit, verum hoc ius ad eas restringit, quæ  
*sui iuris* et in tutela adhuc essent. Cum vero neque filiarum  
familias, neque uxores, quæ in manum conuenerunt marito-  
rum, in tutela esse dicerentur, sed in potestate et manci-  
pio, (q) de huiusce termo VLP IANO esse non potuit. Late qui-  
dem omnes in manu dicebantur esse, tam qui in potestate erant  
alterius, quam quorum tutelam alii gerebant; at *proprio* et  
*strictiori* in sensu, hæ quæ in tutela erant, *sui iuris* diceban-  
tur, oppositæ prioribus, quod tutela talem vim non infe-  
rat, uti quidem potestas patria et ius mancipii. Ex quo igi-  
tur mulier nupserat viro alicui, ita ut in manum eius conue-  
nisset simul, ex eo tempore non potuit facere testamentum,  
quia in domo mariti sui iure *filie familias* censebatur. Er-  
rant itaque isti manifeste, qui nulli feminae olim *testamenti*  
*factionem actiuam* volunt concedere, præterquam ei, quæ  
per capitis deminutionem in potestatem viri venisset. CV-  
IACIVS quidem obseru. lib. VII. cap. II. et ALEXANDER  
ad

doctissimi viri SCHVLTINGIVS ad  
Vlpiani cit. locum in iurisprudens. an-  
teinst. pag. 600. et HEINECCI-  
VS antiquit. Roman, libr. I. cit. XIII.  
§. 9.

(q) Vide HEINECCIUM ple-  
ne hic nobiscum sentientem in anti-  
quit. Rom. ad lib. I. instit. tit. XIII.  
§. 19.

ad *Caii Instit. lib. II. tit. 2. §. 1.* in ista sunt opinione, eamque probare nituntur e *CICERONIS* loco in *topic. cap. 4.* ubi ait: *si ea mulier testamentum fecit, quæ se capite nunquam diminuit, non videtur ex edicto Prætoris secundum eas tabulas possessio dari.* Sequaces illi postea habuerunt *HILIGERVM* ad *Donell. lib. VII. c. 2. litt. f.* *VALENTINVM* *FORSTERVM* de *success. lib. VIII. c. 2. n. 13.* et *HOTOMANNVM* in *lex. verbo: vxor.* qui suo arbitratu eas testari potuisse aiunt. Sed res ita neutiquam in vado esse videtur. Nam si verbis adductis hunc sensum inesse dicunt, illas feminas, quæ nunquam in manum mariti venerint, a testamenti factione excludi, sequeretur erronea conclusio, nullam feminam Romæ testari valuisse, nisi maritatam. Verum *Hispalæ* supra adductum exemplum longe nos aliud docet, quæ certe in manum mariti alicuius per matrimonium non venerat. Rectius hunc *CICERONIS* locum vel de eo testamento accipere possumus, quod non *iure prætorio* factum est; quia prætores demum bonorum possessionem ex tabulis iure prætorio confectis dabant, de qua vnice quæstio erat, et quo iure demum valuisse videntur, non *iure civili antiquo*: vel, ut hunc locum *BOETHIVS* interpretatus est, de ea, quæ, quum in nullius mancipio sed *sui iuris* erat, testamentum *sine tutoris auctoritate*, iure tamen prætorio, condiderat, secundum cuius tabulas prætorem dare possessionem posse, negavit *CICERO*. Verba *BOETHII* sunt: *Mulieres vero antiquo iure tutela perpetua continebat; recedebant vero a tutoris potestate, quæ in manum viri conuenissent, itaque fiebat iis status prioris mutatio, et erat capite diminuta, quæ viri conuenisset in manum. Quædam igitur, quæ se nunquam capite diminuisset, id est, quæ in manum viri minime conuenisset, si non tutoris auctoritate testamentum*

Tom. IV.

Rrr rr

fecit,



*fecit, queritur, an secundum eius tabulas ex edicto pratoris dari debeat possessio? imò feminis, in mariti potestate degentibus, testamenti factionem actiuam denegatam penitus fuisse, iam supra §. IV. adfirmatum est, ducibus et ill. HEINECCIO in antiquit. lib. II. ad tit. X. instit. §. 19. et SCHVLTINGIO ad Vlpiani tit. XX. §. 15. p. 632. quibus addere possumus V. cl. EVERHARD. OTTONEM diff. de perpetua feminarum tutela §. 12. cuius opinionis rationem paulo ante dedimus. Idem etiam VLPIANVS cit. loc. adstruit, dum feminas testari posse tamdiu, donec in tutela sint, adserit, exclusitque eas, quæ in virorum suorum domo instar filiarum familias erant, quod hæ in manu eorum, neutiquam in tutela essent, quam etiam sententiam GALVANVS de usufruc. cap. IX. num. ult. vt veriore adoptauit, cum quo facit etiam V. cl. GRYPENIUS in elegantissimo tractatu de vxore Romana cap. III. §. 12. pag. 72. seq. Reperiuntur quidem testamenta ab vxoribus, constante matrimonio ac maritis viuentibus, condita; sed ad recentiora tempora hæc pertinent, ad matronas, non ad matres familias, h. e. ad eas, quæ in manu virorum secundum mores antiquos vel confarreatione vel coemptione vel usu non conuenerant, sed sui iuris manserant; qualia matrimonia iam tempore CICERONIS vsitata erant, alias enim ultimam voluntatem declarare non valuissent. Pertinet huc exemplum a ICTO in l. 17. ff. de inoffic. testam. relatum, vbi dicitur: *filium non impediri, quo minus inofficiosum testamentum matris accusaret, si pater eius legatum ex testamento matris accipiat vel adisset hereditatem*, nec non l. 25. C. eod. tit. Sic etiam Cæsennia, A. Cæcinnæ vxor testata fuisse videtur, maritum ex deinceps et semuncia faciens heredem; quæ si in manu eius fuisset, testari ita minime potuisset. vid. CICER. in orat. pro A. Cæcin.*

*cin. c. 6.* Verum prout dixi, iam eo tempore Roma mos inoleuerat, quo Romanæ feminæ detrectarunt virorum potestati se suæque subiicere, sed vel in parentum suorum manu remanebant a testamenti factione exclusæ, vel in tutela agnatorum et sic sui iuris erant, quæ demum testamentum condere poterant. Hoc nouum matrimonii genus veteribus tantum non inauditum a Syllanis temporibus præcipue putamus innotuisse, de quo egit A. GELLIVS *noct. Artic. lib. XVIII. c. 6.* et CICERO *in orat. pro Flacco c. 34.* Imo subsequenti æuo sub imperatoribus pleraque matrimonia ita contracta fuerunt; quæ caussa est, quare in iure nostro præter *dotem*, bonorum vxoris *paraphernalium receptitiorumque* toties mentio occurrit; quum tamen olim vxores, quæ in manum conuenissent, omnia indiscriminatim maritis attulerint, dotis nomine.

§. IX. NVM *scripta* quoque *testamenta* facere poterint feminæ, otiosa quæstio imo penitus Domitiana esse videtur; neque illam in medium protulissem, nisi eandem movisset humanissimus ICTUS, EMVNDVS MERILLIVS, qui *lib. II. obseruat. c. 1. pag. 41. edit. Neapol. et lib. IV. c. 39. pag. 152.* probare conatus fuit, feminas non nisi *nuncupatiua* potuisse testamenta facere, neutiquam autem *myslica* siue *scripta*. Verum argumenta, quæ profert ad probationem opinionis suæ, tanti non esse videntur, ut eis calculum possum adiicere. Laudat hac in re præcipue PAPINIANI fragmentum in *l. 77. §. mando. 24. ff. de legat. 2.* *Mando filiæ meæ, pro salute sollicitus ipsius, ut quoad liberos tollat, testamentum non faciat: ita enim poterit sine periculo viuere.* Putat patrem noluisse ideo filiam testari, quia eius vltima voluntas secreta manere haud posset, cum ei non liceret

*Num femina  
in scriptis te-  
stari poterint  
quoque*

Rrrrr 2

alium

aliud, quam *nuncupatium* relinquere heredem, qualia testamenta ob *heredipetarum* improbitatem tristissimi ut plurimum euentus esse solerent. Verum illud ipsum est, quod vir doctissimus euidentius probare præ ceteris debuisset, scilicet feminis nunquam *in scriptis*, semper vero *nuncupatiue* tantum, heredem declarare licuisse, cum tamen ex locis adductis constet: feminas *iure prætorio* testamentis, septem testium signaculis firmata, condidisse, quod alioquin bonorum possessionem secundum eas impetrare haud potuissent, de quo vnice quærebatur. Videlicet patrem, filiam testari prohibentem, alia causa quam a MERILLIO allegata ad ita disponendum inducere potuit. Omnia enim feminea testamentis plena periculi videntur fuisse, siue heredem ore nuncupauerint, siue scriptas tabulas reliquerint; quum si mulier hunc modum testandi vel maxime elegisset, raro tamen tanta virtute polleret, ut voluntatis suæ tenorem silentio posset tegere; hunc enim sexum plenum esse rimarum et hac et illac diffuere, ne ipsæ quidem mulieres diffiteri audent. (r) Quem iste produxit e PLAVTO locum *in asinar. act. IV. sc. 1. v. 17. seqq.* is ad hanc controuersiam plane non pertinet. Lena enim ibi locat Diabolo adolescenti puellam. Parasitus legem conductionis scribit:

*Ne epistola quidem vlla sit in ædibus;  
Nec cerata adeo tabula.*

Et

(r) Heredipetarum tunc erant plena omnia. Si femina testamentum condiderat, eorum insidiis exposita erat, quas præcauere non facile poterat, si liberos nondum habebat. His procreantis tuta ab omnibus insidiis erat, quas etiam effugiebat liberis non

procreatis, quamdiu testamentum non condiderat. Qua de causa heredipetarum illecebris suis inducere feminas solebant, ut testamentis conderent, quo earum hereditatem variis artibus captare possent.

Et paulo post v. 22.

*Ne illi sit cera, ubi facere possit litteras.*

Noluit adolescens, ut Philenium (hoc enim nomen erat meretrici) cum quoquam haberet litterarium commercium, metu, ne amore eius, viginti minis argenti conducto per annum, defraudaretur forsan. Verum, quid cuncta hæc ad testamenta mulierum scripta? MERILLIVS porro libro IV. c. 39. putat, in factione testamenti per *æs et libram* heredem semper nominari debuisse, idque probari posse ex VLPIANI tit. XX. §. 9. censet, ubi *nuncupatio testamenti* ad eius essentiam pertinere Ictus ait; unde colligit, integrum testamenti tenorem, vel heredis saltem nomen coram testibus et aliis presentibus recitatum fuisse a testatore. Verum fallitur in eo MERILLIVS; id enim nunquam VLPIANVS cit. loc. dixit. Nuncupationem testamenti iste vocat potius solennem formulam, qua uti debuit testator: *Hæc uti in his tabulis cerisve scripta sunt* etc. sed nullum heredis ibi nomen exprimitur, cuius personam occulte *familiæ emptor* sustinuit, et ideo nominandus fuisset potius, si in vlu fuisset talis appellatio. Demum suo nos periculo iubet credere, omnia feminarum testamenta, quæ per *scripturam* facta fuisse legimus, primum *nuncupatiua* fuisse, postea demum inscripta tabulis. Sed unde hoc nouit MERILLIVS? Nihilominus iste plures, quas citat leges, quæ scripti a feminis testamenti faciunt mentionem, ita interpretandas esse adserit. Verum enim vero quamuis id vel maxime daremus MERILLIO, nuncupationem heredis necessariam fuisse in testamentis per *æs et libram*, tamen hoc dici non poterit de *prætorio testamento*, in quo ceremonias mancipationis et nuncupationis testamenti prætor pridem proscripserat; qui etiam testandi modus, quum semel introductus fuit, magis quam

vetus ille ac satis difficilis a Romanis adhibitus, et præsertim feminis vsitatus fuisse videtur, licet altero, *per æs et libram* scilicet, quidam etiam PAPINIANI et VLPIANI æuo adhuc vsi fuerint. Verum nolumus plura scribendo tempus cum charta perdere. Ill. HEINECCIUM quoque a nostra sententia non alienum esse, ostendunt eius *Antiquit. lib. II. Instit. tit. X. §. 19.* et eiusdem perdoctus commentarius ad *L. Iul. et Pap. II. 11. p. 240. seq.* vt adeo auctoritate aliorum hac in re facile carere possimus.

*Iura nouiora  
circa testa-  
menta femi-  
narum.*

§. X. IVSTINIANI æuo et prius forsân mulieres testamenta facere sine tutoris auctoritate potuisse ob *l. 5. ff. de testament. statuimus.* Num VLPIANVS *in cit. leg.* casu omiserit tutoris facere mentionem, an vero iustulerit hanc ibi dictionem TRIBONIANVS? definiri certe nequit. Quod autem nos maxime mouet, prolatam opinionem amplecti, illud est, quia nec in minorum vltimis voluntatibus desideratum, vt eis curatorum consensus accederet, ceu patet ex *l. 70. ff. de liberat. legat.* a quibus tamen parum aut nihil videntur distulisse tutores feminarum eo tempore, quos quoque iam post Diui MARCI constitutionem eodem nomine appellatos fuisse, supra diximus §. 6. Ceterum eadem in testamentis mulierum obseruanda veniunt, quæ circa vltimas voluntates aliorum iura disposuisse nouimus. Hoc tamen singulare in *matris* testamento obseruandum est, liberos suos prætereuntis, quod ipso iure pro nullo neutiquam habeatur, vti patris, *l. 1. ff. de iniust. rupt. irrit. testam.* sed inofficiosi querela a præteritis accusatum rescindatur demum; *l. 15. C. de inoffic. testam. §. 5. et vlt. Inst. de exhered. liber.* quod remedium matribus quoque, a liberis præteritis in testamento præscriptum fuisse nouimus ex *l. 17. C. b. t.* Rationem, quo

quo permoti legislatores Romani, hanc diuersitatem insignem inter *patris matrisque* testamentum introduxerunt, invenire facili quis potest negotio. Notum est enim, mères intuitu liberorum, *extranearum* instar habitas fuisse; patres vero cum liberis ob vinculum potestatis vnam eandemque sustinuisse personam, hasque in eius familia et gente constitutas, quibus successio iure debebatur, vt vel institui vel nominatim exheredari debuerint. Accedebat, patres olim per liberos acquisiuisse, licet hic potestatis effectus pedetentim angustiores acceperit limites tot adiuuentis peculiarium generibus, quod tamen serius factum est. Res non ferenda videbatur concedere patri testatori, vt silentio suo illos, ceu *extraneos*, et *extra familiam* positos præteriret, quibus tamen de iure debebatur hereditas, atque ita perpetuam eisdem egestatem indiceret, quorum tamen operis, nonnunquam fortuna etiam, haud parum rem familiarem auxerat hæcenus. Iure Decemuirali quidem liberam patri-familias facultatem *legandi super familie, pecunie, reiue sue* datam fuisse, imo etiamsi iniquissimum condidisset testamentum, sanctam tamen atque inuiolabilem stulti hominis voluntatem fuisse creditam, a nemine facile in dubium vocabitur. Hanc vero immensam libertatem testandi postea coangustatam esse vel legum auctoritate vel interpretatione iura constituentium, docet POMPONIUS in l. 120. ff. de verb. signif. quo etiam introductam *inofficiosi querelam* merito referri debere censeo. Sed omnia *matris* respectu longe aliter se habebant. Nam nulla ei in Latio quondam in liberos potestas; imo ne quidem secundum LL. XII. Tabb. ius erat inter matrem et filium filiamue ultro citroque hereditatis capiendæ pr. *Instit. de Scro Tertyll.* Extranearum instar habebantur, quas nulla obligatio ad instituendos liberos stringebat,



bat, donec imperator CLAVDIVS matri in solatium liberorum amissorum legitimam eorum detulit hereditatem. SVE-  
TON. in *Claud.* c. 19. Quod eisdem confirmatum est postea  
per *SCtum Terryllianum* sub HADRIANO conditum. Sed  
inde quoque videbatur ineptum esse, si quis tale matris te-  
stamentum pro nullo habere ideo voluisset, quia, nulla li-  
berorum mentione in eo facta, istos silentio præteriisset;  
quos tamen illius respectu pro *extraneis* fere leges antiquæ  
habuerant. Horum igitur causæ imperatores crediderunt  
sufficienter consuluisse, data eis inofficiosi querela, qua et-  
iam ab auo materno præteriti vterentur. Quia tamen hoc  
ius tantum maternis dictum est testamentis, aliarum autem  
mulierum minime tangit, nolumus in illo explicando esse  
ampliores, ne extra oleas vagari videamur.

*De quarta bo-  
norum inopi  
coniugi relin-  
quenda.*

§. XI. IVRE Romano antiquo etiam nullum vxoribus  
ius hereditarium datum est in illis bonis, quorum olim do-  
minium ad maritos pertinuit, nisi in eorum fuissent manci-  
pio. Neque plus viris concessum fuerat cupientibus in de-  
functarum vxorum bona ab intestato succedere, quæ vel in  
parentum vel sui ipsius tutela permanserant, neque in con-  
iugis sui peruenerant manum. Prætor quidem ex edicto suo  
*unde vir et vxor* coniuges, deficientibus omnibus agnatis  
cognatisque, ad bonorum possessionem vocauit demum,  
quod tamen beneficium eis non multum prodesse potuit,  
quippe nimis sero vocatis; nolo alias difficultates memora-  
re hic, ex conditionibus ortas, quibus iste hoc caput edi-  
cti circumlepit, vel ICTI pctius eidem adposuerunt. Hinc  
IUSTINIANO æquum visum fuit inopi coniugi certam por-  
tionem assignare e bonis defuncti, qua superstes frueretur,  
vt ita a se paupertatis iniurias abigere, aut saltem illas eo  
facilius

facilius tolerare posset. Quod hanc portionem, quam *legitimam* iuris civilis haud male dixerit aliquis, *quartæ partis bonorum* quantitate in certo casu definiuerit, de eo ratio querenda est in antiqua legitimæ quantitate, quam hic imperator imitari voluisse videtur ideo, quia vxor, quæ olim in manum conuenerat, filiarum familias locum et iura obtinuit in maritali domo, atque hanc ob causam ei quoque ex bonis viri legitima salua esse debuit. Hæc vero iura utrique coniugum communia fuisse patet ex *Nouell. LIII. c. 6.* cui non obstat *Nouell. CXVII. c. 5. in fine.* ibi enim imperator loquitur de viro irrationabiliter eiiciente mulierem, cui, licet repudiatæ, hanc *quartam* adiudicat; e contrario autem istum nihil ex substantia mulieris capere debere edicit, cui miserit repudium, quamuis prematur inopia. Igitur hanc *Nouellam* male intellexisse videtur *CVIACIVS*, qui ad *Nouell. cit. LIII.* scripsit, viro per nouissimam dispositionem istam, ius quartæ petendæ, ex bonis vxoris defunctæ, plane denegatum fuisse; quamuis in eo illius vestigia prefferit etiam *BARRY de success. lib. XVIII. tit. II. in fine*, et *GVELIN. de iure nouiss. lib. II. c. 16.* quos tamen omnes merito refutauit *STRYKIVS de success. ab intest. diff. IV. c. 1. §. 47.*

§. XII. Hæc etiam quarta bonorum adeo priuilegiata est, ut coniux moriens eam nullo testamento vel alio modo deminuere valeat, in damnum superstitis cum egestate luctantis. *CONSTANT. CAPRIOL. de success. ab intest. lib. IV. n. 23.* Hinc si maritus legati nomine aliquid reliquerit vxori e bonis suis, quod tanti non est, ut quartam illorum partem contineat, imperator in *cit. Nou. LIII. c. 6.* edixit, tunc a muliere inope agi ad *supplementum* posse portionis

*De quarta bonorum coniux premorients se fieri nequit.*

Tom. IV. SSSSS huius,

huius, lege sibi debitz; quod non fuisset dicturus, si pependisset ex maritorum arbitrio, vellentne eam relinquere vxoribus, an illis adimere, testamenti iure? cui tamen limites hic positos fuisse extra dubitationis aleam est positum. Confer. KOHL *de successione coniug.* §. 83. *seq.* qui hanc opinionem quoque pluribus aliorum ICtorum nominibus corroborat, idem secum sentientium; licet SALICETO contrarium placuerit *ad authent. præterea. C. unde vir et uxor.* Iam autem inde e contrario inferendum est, mulieri testamentum facienti, iure ciuili hanc obligationem incumbere, ne hac quarta bonorum suorum egenum maritum destituat. Quod si aliter fecerit, testamentum eius quoad hanc portionem inualidum est; quum hoc viro solatium leges non magis patiantur ei subtrahi a muliere, quam parentibus concedunt liberos priuare legitima, sine idonea ratione. Sed quaeritur, num simile ius obseruandum sit inter personas, non quidem coniugio iunctas, desponsatas tamen? Quaestio talis, si eam secundum iuris ciuilis dogmata æstimaueris, procul dubio Domitiana foret; quum nunquam *sponsæ* in eo cum vxoribus confundantur, sed perpetuo discrimine separantur ab inuicem. Verum in omnia alia ire placuit GREGORIO M. in *c. 12. C. XXVII. qu. 2.* adserenti, sponsalia iure diuino minime differre a matrimonio; quam opinionem iam ante eum fouisse videntur AVGVSTINVS in *c. 9.* et SYRICIVS papa in *c. 50. ibid.* Ex horum sententia scholastici postea exsculperunt *sponsalia de præsentis*, quæ censuerunt nequaquam differre ab ipso matrimonio. vid. FRANC. HOTOMANNVS *de sponsal. c. 4.* Hac assumpta hypothese facile fieri potest, vt quis etiam altero ex ita desponsatis ante matrimonium mortuo, superstiti inopi hanc quartam bonorum defuncti adiudicet, quod vxoris loco talis sponsa habeatur.

tur. Cum vero sponsa tantum *secundum quid* et intuitu *vinculi* cum vxore æquiparetur, in plurimis autem adhuc ab ea, quæ contracto matrimonio reali talis facta est, differat; præterea vero Protestantes sponsalia de præsentī in sensu iuris canonici omnino ignorent: ideo prolatæ argutiæ nullam in eorum foris applicationem habere possunt? Quid? quod apud ipsos Catholicos Romanæ ecclesiæ hæc quæstio prorsus inanis est, postquam patres in *concilio Tridentino* congregati *sess. XXIV. de reform. c. 1.* sponsalia de præsentī plane sustulerunt e medio, vid. DN. PRAESES in *I. E. Prot. lib. IV. tit. I. §. 23. ibique DD. catholici. alleg.* ergo inane foret huic quæstioni adhuc immorari, cum non entis nullæ sint affectiones.

## CAPVT II.

## DE

TESTAMENTIS MULIERVM  
INSPECTO IVRE GERMANICO.

## A R G V M E N T V M.

- I. Apud Germanos nulla testamenta. II. E Latio migrarunt ad Germanos. III. Et feminis data testamenti factio. IV. Negata iisdem de gerada, V. nec non de portione statutaria; VI. nisi maritus consenserit. VII. An de dotalitio testari possint? VIII. An de feudo femineo? IX. De dote testari nequit mulier, qua in pecuniam priuatur. X. De testamento ruri condito. XI. Ius Hamburgense et Bremense circa testamenta mulierum. XII. Ius Oldenburgicum.

S s s s s 2

§. I.

## §. I.

In Germania  
olim nulla te-  
stamenta.

**E** GIMVS haftenus *de testamentis mulierum* ex principiis iuris ciuilib; nunc ordo, quem nobismet ipsi praescripsimus, nos ad patrios mores reducit, quos eo lubentius euoluendos esse duximus, quo magis eorum pertractationem maiori vtilitate se commendare credimus. Ne dicam, cuicunque cordatiori magis curae cordique esse debere, ut in institutis maiorum suorum diligentius eruendis, quam aliorum populorum verletur; quorum cognitione suam quidem scientiam priuatam augere, reipublicae vero haud aequè plurimum inferuire potest. Germanos veteres plane nulla coluisse testamenta, vel TACITI testimonium probat *de morib. Germ. c. 19. Heredes successoresque sui cuique liberi et NULLVM TESTAMENTVM. Si liberi non sunt, proximus gradus in possessione, fratres, patrui, auunculi.* Mire exercuit locus iste quosdam interpretes, testamentorum patronos. Sunt in eorum numero MARQVARDVS FREHERVS (a) et SAM. STRYKEVS (b); quorum prior putauit, TACITVM negare tantummodo, in Germania testamenti factionem tot solemnitatibus peragi, sicuti in Latio; STRYKEVS vero adfirmare ausus est, non exstantibus liberis aut cognatis Germanis testamenta faciendi facultatem liberam omnino fuisse; imo iniurios istos in hanc nationem contendit, qui sibi aliisque persuadere conantur, eam testamenta penitus ignorasse; cum id extremam barbariem ac stupiditatem insignem populi huius proderet. Verum huic coniecturae nihil tribuendum esse patet ex iis, quae exposita sunt

(a) *De Tutel. Elector. p. 415.*

(b) *De success. ab intestat. diff. VIII. cap. 1. §. 2. seq.*

sunt in usu moderno *Pandectarum ad lib. XXVIII. tit. I. §. I.* recte priorem mutavit sententiam. Neque FREHERI explicatio me valde moratur, qui contra clarissima verba TACITI nodum in scirpo quæsiuisse videtur, ut proluxa refutatione eius sententia haud indigeat, præsertim cum HEINECCIUS in *dissert. de testamenti fæctione iur. Germ. §. IX.* hancce etiam opinionem sub disquisitionem vocatam ut erroneam reiecerit; cuius argumentis noua adhuc addere necesse non est. Stat itaque firmo talo, testamentariam successionem e Germania tempore TACITI exulasse olim, nec aliam eos populos successionem nouisse, præter liberorum cognatorumque; inter vltimos vero hunc ordinem fuisse seruatum, ut, qui propior esset sanguine defuncto, excluderet remotiorem; hinc ille æternus nexus bonorum cuiusvis familiz natus est, quorum possessionem hoc modo ad seram transmiserunt posteritatem. Diximus etiam iam supra in procæmio, paupertatem plerorumque Germanorum vix permisisse, ut solliciti valde essent de transferendo post mortem suam dominio rerum suarum in eum, cui viui præceteris fauerant. Rarius enim, præter parua tuguriola, pelles aliquot ferarum, arma, suppellectilem paruam, nuces et glandes, aliaque generis huius, quæ facili a quouam opera parari possunt, alias diuitias plerique tunc possidebant, ut adeo vere, quid? quod verissime, scripserit PUFENDORFIUS *de iure nat. et gent. lib. IV. c. XI. §. 18.* Neque adparet, quare tantopere testamenta desiderare debuerit gens, thesauros cumulare nescia et paupere suppellectile contenta, cui ex segete, pecore et venatu vix amplius quærebatur, quam quod victui quotidiano eique sumptu sufficeret. Hic autem ordo succedendi tanto magis probandus est, quo magis se et antiquitate et utilitate quadam, ipsi propria, præ-



ceteris commendat. Testamentorum enim causæ sunt ut plurimum liuor, odium, insani amores, nouercales machinationes; et quis omnes nequitæ modos enumerare audeat, quibus circumuenti miseri testatores, perditum ire cupiunt et liberos et cognatos, nonnunquam optime de se meritos? E contrario in successione ab intestato nihil tale occurrit, sed potius, dum ad proximos cognatos hereditas deuoluitur, illam non male *verum sustentaculum familiarum* quis dixerit, quorum ita necessitatibus atauita vel frugalitas vel fortuna potest inseruire. Ipse Deus videtur hunc succedendi modum alteri prætulisse, dum sapientissimis legibus, Israelitico populo præscriptis, nullam istis facultatem testandi concessit, quia potius familiis voluit consulere, ceu patet ex toto fere *cap. XXV. Leuitici*, quarum conseruationem tamen testamenta præ ceteris impedire solent, in quibus sæpius iis relinquunt fortunas maiorum suorum, quos nullo penitus sanguinis vinculo vel cognationis attingunt: interdum heredes istos nominant, cum quibus olim nefaria fuerunt societate coniuncti, uti hoc iam paulo ante indicatum est. Quod si quæris, quomodo factum fuerit, ut *Lerna* ista malorum et innumerarum litium, (c) testamenta scilicet, Græcis primum, deinde Romanis etiam tam mire placuerint, ut ista encomiis ac laudibus usque ad cælum extulerint, teste CICERONE in *Philipp. II. cap. 42. In publicis nihil est lege gratius; in priuatis firmissimum est TESTAMENTUM*, facilis est responsio. Videlicet leuitas animi et fucata probitas horum populorum, si alia indicia deficerent, vel

(c) Ita iam pridem de testamentis iudicauit FRANC. HOTOMANNVS in *antitribon. cap. VI. p. 30. Materiam testamentariam esse*

*fontem et nutriculum maxima litium partis captionumque, qua istis fieri solent, ubi ius civile viget.*

vel ex hoc solo potest patescere. Nam tantum abest, ut iras, quas sani conceperant forsitan, moribundi deposuerint, ut vel hoc ipso tempore potissimum odia sua aduersus propinquos exercuerint maxime, quo scirent, se diutius in hac vita commorari non posse. Nolumus plura hic addere, ne aliorum turbemus circulos, remotos iam a nostro proposito.

§. II. *Quæ §. præcedente de testamentis vniuersim adstruximus, quod scilicet in antiquo iure Germanico tempore TACITI nullum inuenerint locum, id etiam dici debere de feminarum testamentis, facile quilibet intelliget.* Vixit autem his moribus patria nostra per plura secula, donec tandem etiam *iura peregrina* Germaniam inuaserint, eamque ex promiscuo cum his commercio et viuendi usu inundauerint, quod, qua occasione fuerit factum, hoc loco excutere non vacat. Non tamen Germani quæuis in vniuersum Latii iura adoptarunt, sed quædam retinuerunt, quædam ex iure Romano iis addiderunt, ut confusione cum patrio iure facta vtraque colere cœperint. Quantam vero cladem institutis maiorum intulerit hæc commixtio, quotidiana praxis docet, et incerta Ictorum dogmata euincunt. Inde namque arcessenda est origo dotium vxorum, quas olim apud Germanos incognitas fuisse nouimus. Dotes maritales quidem iure Germanico cognitæ, sed a iure Rom. alienæ et cum donationibus propter nuptias Latii postea commixtæ. (d) Pariter hæc peregrina iura testamentorum usum Germanis obtru-

*Sed migrarunt hos mores postea Germani LL. Romanis cum suo iure confusis.*

(d) Ostensum hoc est iam pridem a Dn. PRAESIDE in 1. E. P. tom. 17. lib. 17. tit. XX. §. 45. HEINEC- CIO in elem. iur. Germ. lib. 1. tit. XI.

§. 248. et a Dn. WITZLEBIO in dissert. de vxore Rom. per p. n. donat. de ulim. sec. cap. II. §. 3. et seq. sub ultimi præsidio habita.

obtruserunt, olim incognitorum, ut supra euictum. Interim eos, vocis *testamenti* notionem mire extendisse, fide monumentorum medii æui, a pluribus iam probatum est. Designarunt enim hoc nomine quascunque *chartas*, quibus *contractus* continebantur, aut alia negotia præter ultimas voluntates, quæ in *collectionibus diplomatum* in magno numero obuiz sunt. Idem iam obseruauit HEINECCIUS *elem. iur. Germ. tom. I. lib. II. tit. VII. §. 180. in nota*, ubi insigne testimonium e *canonibus ABONIS Abbatis cap. VII. ex MABILLONII analect. tom. II. p. 266.* adduxit, quod adsertionem hanc præ ceteris optime probat: *Testamentorum*, inquit ABO, *alia sunt dotis nomine, alia hereditatis donatione, alia de rebus ecclesie, quas abalienari est difficile et dicuntur precarie. Exceptis his sunt præcepta regalis, id est imperialis iussionis auctoritate roborata, quibus consentiunt Romani pontificis priuilegia, sub excommunicationis anathemate decreta.* Sic in L. RIPV. tit. LIX. §. 1. et tit. LXVII. §. 1. *testamenti venditionis* fit mentio, et in tit. LX. §. 1. hac voce *instrumentum* vel *scriptura* super *contractu* appellatione *testamenti* indigitatur. Plura eiusmodi instrumenta inuenies apud horum collectores passim, ut GOLDASTVM in *centur. chartar. veter. Alaman. tom. II. n. VII. LXXXVII. TRITHEMIVM in chron. Hirsang. p. 88. edit. vet. in diplomate HENRICI IV. imp. ut et PERARDVM in diplomatar. Burgund. p. 15. de anno 817.* Quamuis vero probabile sit, testamenta primum istis tantum populis innotuisse, qui relicto patrio solo Romanas occuparunt prouincias, tandem tamen illa etiam in Germaniam magnam penetrasse certum est. Puto autem hanc iurium nouationem maximam partem clericis deberi, qui persuaferunt credulis, per legata, ecclesiis et piis corporibus relicta, animæ redemptionem

nem acquiri et salutem æternam facilius obtineri posse; hinc vix quisquam inuentus est, qui non *pro remedio animæ suæ*, vxoris, maiorum, aut omnium piarum animarum aliquid Deo et sanctis eius deputeret ex substantia sua. Cum etiam Saxones, veterum morum studiosissimi, bona auita ab omni dispositione eximerent, et hoc modo testamentis oblationibusque ecclesiis factis, insignem ponerent obicem, ægre id GREGORIUS XI. tulit, ita vt bulla speciali hunc iuris articulum cum aliis damnauerit, quod exercendis bonis operibus admodum obessent, et facultatem disponendi in fauorem piæ caulæ restringerent. Præcipue autem inuauerunt vltimæ voluntates, postquam intempestiue studio *iuris canonici et ciuilis* dare operam cœperunt; licet hoc in aliis prouinciis serius, in aliis vero citius contigerit.

§. III. ADMISSA semel testamenti factione in Ger- <sup>*Etiam femi-*</sup>mania, nec mulieribus denegata est. In LEGE WISIGO- <sup>*nis permissa te-*</sup>THOR. lib. II. tit. V. l. 10. legitur: *Quicumque virorum ac* <sup>*stamenti fa-*</sup>  
FEMINARVM TESTAMENTA, <sup>*ctio est.*</sup> *donationes, dotes vel quas-*  
*cunque scripturas conficit.* etc. Dictionem *testamenta* au-  
tem accipi de *vltimis* debere *voluntatibus*, patet e rubrica  
huius tituli, cui etiam suffragatur lib. IV. tit. V. l. 1.  
et 2. In Germania magna e diuersis sæculis adfunt exem-  
pla testamentorum muliebrium. Apud FALCKENSTEI-  
NIVM in *cod. dipl. antiq. Nortg. p. 52.* exstat testamentum  
Elisabethæ de Trenel conditum MCCCLXIV. Celeberrimus  
quondam academix huius et ducatus Magdeburgici Cancel-  
larius DE LVDEWIG in *reliq. tom. IV. p. 62.* produxit  
membranam, qua Leutoldus de Chuenring in Austria anno  
MCCCII. ratum habet testamentum vxoris suæ. Testamen-  
tum Annæ de Lentersheim de anno MCCCXXXVI. exhibet  
Tom. IV. T t t t modo

modo citatus FALCKENST. p. 173. Superuacuum foret exempla e recentiore ævo petita cumulare hic, quo ne infirmæ quidem sortis hominibus utriusque sexus facultas testandi in dubium vocata fuerit amplius, quamque legibus et usu probatam usque ad nostra tempora propagarunt. (e)

De Gerada  
nequeunt te-  
stari mulieres.

§. IV. QVAMVIS vero masculos in Germania de bonis quibusdam testamenta condere, atque iisdem finibus etiam ultimas feminarum voluntates regi manifestum sit, constat tamen ex antiquis Germaniæ legibus non eandem fuisse bonorum rationem, uti quidem apud Romanos, sed quædam fuisse a libera dispositione, præsertim feminarum, exempta. Et quia hæc iura passim per statuta et leges provinciales conservata sunt, ideo ante omnia hæc inspicienda, ut constet, quonam ætatis anno, ac de quibus bonis testari liceat: in pluribus enim regionibus ex disciplina antiqua Germanorum, a iure civili in eo discessionem factam fuisse, observat cum aliis HEINECCIUS in *elem. iur. Germ. lib. II. tit. VII. §. 194. seq.* docetque ad qualitatem rerum præcipue esse respiciendum. Inprimis utensilia mulierum, quæ Germanico vocabulo *geradam* vocant, ad filias, aut his deficientibus ad cognatam proximam voluerunt pervenire et extraneos ab illis excludere; adeo quidem, ut hæc illis spolia nullo testamenti iure interuerti possint. *gloss. ad Weichb. art. 23. Gloss. ad Lehrecht cap. 57. B. STRYKIVS de success. ab intest. diff. I. c. IV. §. II.* atque in *V. M. pandect. tom. IV. lib. XXXIX. tit. V. §. 13.* nisi expresse ista, quæ hæc bona sperare potest, in testamentum consenserit; cum cuilibet liberum

(e) Hæc exempla seculi XIII. et XIV. eo magis præferenda et attentionem merentur, quod usum iuris

extranei in Germania per hæc tempora evidentissime demonstrant,

berum sit iuri suo renunciare. CARPZOV. *P. II. const. XIV. def. 2.* Cum enim gerada ex legis dispositione obueniat alicui, hanc nefas esse duxerunt Saxones priuatorum vltimis voluntatibus euertere, quibus præ cæteris antiqui mores sancti fuerant. Imo ne in filii quidem præiudicium, si forsan nulla filia aut cognata adsit, tale testamentum fieri posse, responso allegato docuit supra laudatus STRYK. *cit. tr. diff. III. c. 3. §. 2.* Quod et de clerico, siue solo, siue cum sorore in gerada matri succedente adfirmandum est, cum eadem iuris ratio pro eo militet. Olim etiam discrimen erat inter clericum beneficiatum et talem, qui nondum officium ecclesiasticum cum redditibus nactus fuerat, ita quidem, ut si filia in capillis i. e. nondum elocata exstaret, hic quidem cum ea æqualiter succederet matri in rebus geradæ, nequaquam vero *beneficiatus*, qui iam aliunde habebat, unde posset vivere. Hinc in IVR. PROVINC. SAXON. *lib. I. art. 5.* legitur: Die unberathene Tochter theilet nicht ihrer Mutter Gerade mit dem Pfaffen, der eine Pfründe oder Kirche hat; cum quo etiam convenit IVS PROF. ALAMAN. *cap. 253.* Verum hæc dispositio iuris hodie non magis attenditur, ac altera, qua filiarum innuptarum in successione geradæ præferuntur elocatis, siue uti vocantur in *cit. art. 5. denen außgeradeten*, ceu DN. PRAESES in *I. E. P. tom. II. lib. III. tit. XXVII. §. 23.* docet, et plurimum ICtorum consensum adducit. Igitur non dubium est, quin omnes hæ personæ vel coniunctim vel sigillatim facultate gaudeant hodie impugnandi matris testamentum, de gerada, in præiudicium earum testantis temere. Sed alia est quaestio, num mulier geradam donare possit alicui, ac ita spem succedendi in eam proximæ cognatæ interuocare? Hodie quidem otiosum foret in Saxonia de eo velle dubitare amplius, cum



*parte II. constit. electoral. c. 14.* id ei expresse concedatur; antiqua tamen iura rimanti non leue potest dubium oboriri ob verba SPECVLATORIS SAXONIS *in lib. I. art. 32.* Darum mag kein Weib ihrem Mann eine Gabe geben an ihren eigen oder an ihrer fahrenden Haab, da sie es ihren rechten Erben mit entfremde nach ihrem Tode. Icti Saxonici crediderunt, tantum *donationibus* vxoris marito faciendis modum esse positum verbis hisce; atque ex hoc fundamento permessa est quoque donatio gerada, dummodo alii, quam marito fiat *in cit. constit. 14. partis II.* Verior tamen SCHILTERI opinio esse videtur *in exercit. XLIII. §. 14. ad ff. negantis*, mulieri liberum fuisse olim per *donationem inter viuos* geradam, quæ verbis fahrende Haab designatur (f) vel alia bona immobilia antiqua, qualia ius Saxon. eigen vocare solet, in prziudicium heredum ab intestato alienare, nisi isti consenserint in alienationem. Loquitur quidem *art. 32. lib. I.* quem SCHILTERVS ibi in probationem suæ adducit sententiæ, de viro inter viuos alienante; verum in donatione gerada eadem iuris ratio adest, quare etiam hanc fuisse irritam ac inanem dicendum est. Sed cuncta hæc obiter tantum.

*De portione  
sacrataria  
nullum valet  
testamentum.*

§. V. QUAE *precedente §.* diximus de *gerada* et his quæ ei accensentur, iura statuisse, si quis ea aliis relinquere testamento cupiat, quam quibus lege debentur; eadem quo-

(f) Est quidem hæc vox latior, et comprehendit quoque res mobiles quascunque præter geradicas, quod videre licet e verbis SPECVLI SAX. *in iur. prou. lib. I. art. 13.* Sie müssen in die Theilung wieder eins

bringen mit ihrem End alles das Gut, da sie mit abgesundert waren, ob es fahrende Haab ist, sonder Gerade. *in art. 32. cit.* tamen geradam denotari potissimum, ex integris verbis eius constat.

quoque hic repetenda sunt de *statutaria* coniugum *portione*. Icti hoc nomine istam bonorum partem designant, quam secundum leges prouinciales vel statuta cuiuscunque loci coniux pramoriens superstiti ex omni, quam possidet, substantia debet relinquere. Ius ciuile hanc portionem ignorat penitus, nisi quod *quarta bonorum*, coniugi pauperi relinquenda, nomine *legitimæ portionis* pariter appellari possit quodammodo, ceu supra diximus §. II. cap. *præced.* Est vero portio hæc adeo priuilegiata, vt nullis testamenti tabulis vel alio modo a moriente alteri possit eripi, vel minui; quin potius hic vsum habeat regula in *nouell. XXII. c. 33.* dictata: *quod ex legibus datum est lucrum, priuatus auferre modis omnibus non valebit.* Ex iisdem principiis augustissimus legislator Saxonicus, AVGVSTVS elector, in *P. III. const. VII.* maritorum testandi facultatem pariter circumscripsit limitibus, *statutariz* portionis intuitu; et, ne quis putet forsan viris tantum, non æque autem *feminis* hanc legem dictam fuisse, in fine laudatæ constitutionis addit sequentia: *Wie denn auch gleichergestalt hinwiederum dem Weibe nicht nachgelassen wird, dasjenige, was dem überlebenden Ehemann aus ihren Gütern zustehet, durch ein Testament oder andern letzten Willen zu vermindern.* Inde fluit, coniugem pramorientem hanc *statutariam* portionem neutiquam legatis vel fideicommissis *directo* onerare posse, in præiudicium superstitis, cum ei ne diminuere quidem istam per *cit. verba* constitutionis concedatur; diminutio vero haut minima sit, quæ fit per impositionem legati aut fideicommissi IASON vol. II. *consil. 181. n. 3.* MATTH. BERLICH. *part. III. concl. 9. n. 25. et 26.* Iure Saxonico intuitu mariti ad hanc portionem referuntur præcipue *res exoris mobiles*, excepta gerada, quæ mortua vxore marito

pleno iure deferuntur. *I. P. S. lib. I. art. 31. et ibi glossa lat. ad text. germ. lit. d. et lib. III. art. 76. post. princ.* Si igitur inuito marito vxor de hisce rebus testari vellet, in fauorem cuiuscunque alterius personæ, testamentum tale irritum fore, manifestum est. Equidem BERLICHIVS arbitratur, mulieri testandi facultatem tunc non posse denegari, si omnis eius hereditas in *bonis mobilibus* consistat, dummodo hoc casu tertiam partem tanquam legitimam ex istis bonis relinquat viro; verum fauor testamentorum, qui Romæ inualuerat olim, non debuit cum a tramite recti reducere, sed potius rectius fecisset, si ius Germanicum ex principiis propriis et domesticis illustrasset, et peregrinos riuulos dereliquisset; testamentorum enim ignaram penitus fuisse Germaniam antiquam, iam §. 1. *huius cap.* diximus; ideoque tales consuetudines vel leges, cum quibus libera testamenti factio stare nequit, apud nos neque iniustæ vocari merentur, neque absônæ. Ceterum in BERLICHIO confutando tempus non consumam, postquam mihi in hac re iam otium fecit CARPZOVIVS *P. III. c. 7. d. 4.* eius sententiam, vt veriozem, hodie nemo forsân in dubium vocabit. In constitutione Marchica: *von Erbfällen zwischen Eheleuten*, superstiti dimidia pars bonorum defuncti addicitur hisce verbis: *Sehen und ordnen, welches von Eheleuten des andern Tod erlebet, behält nach alter Gewohnheit das halbe Gut an liegenden Gründen und fahrender Haabe.* Igitur hæc bonorum portio ex lege debetur, et priuata alterius voluntate alteri auferri nequit vel testamento, vel aliis modis. vid. KOHLIVS *in declar. constit. huius qu. XI.* qui argumento *authenticæ*: *Præterea*, suam probare sententiam nititur. Mihi verior ratio huius iuris ex antiqua communionem bonorum petenda videtur, cuius olim in plerisque Ger-

maniarum regionibus usus viguit. Negat quidem *qu. 1. КОН-  
ЛИВЪ*, huic hodie locum esse amplius in Marchia; verum  
ea, quae in contrarium adfert, tantum probant, ius civile,  
et figillatim *l. 29. C. de iur. dot.* turbasse mores patrios, ac  
inde communionis bonorum antiquae inter coniuges non om-  
nes effectus hodie exstare amplius. conf. *Dn. PRAESIDIS  
I. E. P. lib. IV. tit. XX. §. 37.*

§. VI. CVM vero nemini invito legis beneficium ob-  
trudatur, quin potius cuilibet liberum sit iuri in sui fauo-  
rem introducto renunciare; inde sequitur, vxoris testamen-  
tum valere etiam de *portione statutaria* conditum in praeiudicium  
mariti, dummodo suum consensum in hoc dederit, sine dolo vel aliis modis illicitis impetratum. Si igitur mul-  
lier hanc facultatem disponendi, de bonis eius generis vel  
omnibus vel quibusdam tantum, reservauerit sibi in pactis  
dotalibus, tabulae de his factae postea impugnari nequeunt,  
cum ius illud primario priuatorum commodis prospexerit,  
reipublicae commodis autem tali dispositione primario non  
officiatur, nec eius intersit, qualemcunque partem maritus  
ex bonis vxoris acceperit. Pacta igitur haec renunciatiua  
bonis moribus hodie minime sunt contraria, qualia olim  
etiam se servaturum praetor edixit in *l. 7. §. 7. D. de pact.*  
quod in Germaniae foris eo magis observandum est, quo ma-  
gis remota sunt iura nostra a Latii subtilitatibus in pacto-  
rum materia excogitatis; atque notissimum est, maiores no-  
stros in paciscendo nullam aliam normam habuisse, quam  
naturalem aequitatem, quam sana ratione magistra didice-  
rant. Idem defendit *CARPZOVIVS* in *P. III. c. 7. d. 13.* al-  
legato praedictio, quo testamentum mulieris sub hisce con-  
ditum circumstantiis pro valido omnino declaratum est.

*Quid si mari-  
tus renuncia-  
verit iuri suo.*

§. VII.

*De dotalitio  
testari femina  
non liberum  
est.*

§. VII. MORIBVS etiam antiquissimis inualuit apud Germanos, vt mariti, vxores ducturi, illis siue ante siue post nuptias, certa assignarent bona, vnde morte dissoluto coniugio viuere ac tueri suam dignitatem possent. Vocabantur ista *dos maritalis*, cuius constitutio ab *ingenuis*, seu, vt hodie appellantur, *nobilibus*, haut videtur facile neglecta fuisse, imo inter infimæ fortunæ homines non inusitata erat penitus, ceu constat e *LEG. BVRGVND. additam. primo tit. XIV. de Wittemon. §. 2.* Huius dotis plenum olim dominium transferebatur in vxorem, cum facultate, illud pro luitu per vltimam voluntatem alienandi quoque. Patet id e *LEGE WISIGOTH. lib. III. tit. I. l. 5.* vbi de ista testari mulieri permittitur, marito eius superstite adhuc, dummodo nullos ex eo relinquat liberos; isto autem defuncto mulieri, si filios ex eo habeat, non nisi de *tertia dotis maritalis parte* poterat mortis causa disponere, cæteris duabus tertiis filiis relictis, quod constitutum legitur in *lib. IV. tit. V. l. 2.* Eandem disponendi facultatem vxoribus competentem probant et egregie illustrant duo medii æui monumenta a B. Cancellario DE LVDEWIG iam in alium finem adducta olim in *dissert. de dote mariti pag. 18. seq.* Primum horum est instrumentum dotale, quod edidit EDMVNDVS MARTENE in *anecdot. tom. I. ad ann. M. XXIII. pag. 142.* Ego Reinaldus, comes Senonensis volo coniungere mihi mulierem, nomine Luuillam; sed præcipiunt leges humanæ sponso, sponsam suam ex propriis dotare. Ideoque ego sponsus ex proprietate mea concedo tibi, sponsæ meæ etc. Villas quasdam et pagos cum aliis rebus hic Reinaldus nominat, quibus sponsam suam dotat; additur porro: *Hæc omnia per hanc donationem dono tibi sponsæ meæ, vt exinde LIBERAM HABEAS POTESTATEM FACIENDI.* Dictio donationis, qua REINALDVS vtitur,

vtitur, neminem mente turbabit, qui nouerit, etiam *dotes* nonnunquam ita dictas fuisse a Ictis plus quam semibarbaris. Deinde MONACHVS BRAVVILLARIENSIS cap. I. §. 7. refert exemplum cuiusdam Ezonis vxorem suam dotantis, sequentibus: *Præterea fertur; quod Ezo ramusculum arboris, eiusdem terræ inuolutum cespite, acceperit, et cum eodem Brauuilrense prædium et alia proprii iuris plura suæ venerabili sponsæ, Elisabethæ, in dotem tradiderit. Illa dotem hanc suam ecclesiæ donauit S. Medardi. Idemque ramusculus in boni testimonium facti longa viro-  
ris gratia iucundus permansit. Quis vero dubitaret, Elisabetham testamento disponere nequiuisset de dote sua maritali? quam tamen per donationem inter viuos contulit ecclesiæ. Apud Saxones tanta libertas vxoribus minime fuit concessa in bonis eius generis, sed iisdem tantum vtendi fruendi facultas, donec vixerint, data, salua viro, liberis, aut proximis cognatis proprietate tit. VIII. LEG. SAXON. Sed aliis hodie moribus viuunt in Saxonia; nam ibi loco *dotis maritalis* vel *dotalitii* (quæ verba idem significant) non res immobiles vxor accipit, sed *quadruplicatas* vluras dotis illatæ et in feudum versæ, si præterea similem et æqualem quantitatem loco donationis propter nuptias maritus vxori promiserit: ita tamen, vt has percipiat demum post obitum viri sui, nec vlllo tempore dotem possit repetere, quæ ita mortua muliere apud heredes feudales manet. Verum enimvero, cum vlurarum perceptio instar vlusfructus sit aliarumque seruitutum personalium, quæ morte illius, cui fuerunt concessæ, finiuntur, §. 3. *Inst. de v-  
susfr. l. 5. pr. ff. l. 14. C. quibus mod. vsusfr. vel v-  
sus. amit.* manifestum est quoque, mulierem tale dota-  
litium legare testamento nequire, quo, quamdiu viuit,*

Tom. IV.

V v v v v

gau-



gaudet tantummodo. CARPZOV. P. II. c. 42. d. 2. STRUVIVS in iurisprud. feud. cap. XX. §. II. Eodem iure æstimandum est ita dictum *ius virginum* in ducatu Megapolitano vsitatum; quod in eo consistit, vt filix nobiles vltimi vassalli, sine prole mascula decedentis, in feudis paternis *vsufructum* habeant ad dies vitæ, qui testamento nequit in alium transferri, sed potius finitur penitus vsufructuariæ morte. Auctor huius iuris fuit ALBERTVS dux, qui illud anno mcccxcv. introduxit in terris hisce. Plura de eo habet TORNQVIVS de feud. Megapolit. p. 211. seq. et MVLLE RVS in dissert. de iure virgin. nobil. Megapol. in feud.

Num femina,  
feudum femi-  
neum possi-  
dens, testari de  
eo possit?

§. VIII. PAUCIS adhuc, antequam progrediamur ad alia, disquirendum est, numne liceat mulieri de feudo *femineo*, quod patria lingua *Rundel: Lehn* vocatur, vel de eo, quod *promiscue successionis* est, per vltimam disponere voluntatem? quod negandum est ideo, quoniam feudum in vna qualitate improprium, b. c. a communi feudorum natura declinans, non statim etiam in alia pro tali habendum est; cuius thescoos veritatem agnouit B. STRUVIVS in iurisprud. feud. cap. XII. §. 16. Verum magis adhuc doctorum feudalium animos distrahit quæstio, *anne inter liberos saltim vassalli (vel vassallæ) valeat de feudo testamentum?* quod affirmant secundum *ius Longobardicum*: non æque *Germanicum*. Liberi enim in feudo antiquo siue ex pacto et prouidentia maiorum ius quæsitum habent *iure Germanico*, quod eis neutiquam paternis maternisue vltimis tabulis eripi potest. STRYKIVS in exam. iur. feud. c. XIV. qu. 5. VVLTEI. c. XIX. n. 78. Deindè etiam ius tale liberis dat inuestituræ formula: *Wir beleihen ihn vor sich und seine (männliche) rechtmäßige Leibes: Lehen: Erben.* Puto igitur tale testamentum æque improbari, ac si quis de *fidei.*

com-

*communisso familie* testari cuperet, quod tamen ad nullas alias personas potest peruenire, quam in quarum illud gratiam constitutum est. *l. ult. §. 2. C. commun. de legat. et fideic. B. STRYK. de caut. testam. c. V. m. 3. §. 7.* Igitur hic simpliciter ad qualitatem feudi respiciendum, an sit *testabile* nec ne? cuius generis plura in Lusatia reperiuntur. Deinde ICTi aiunt, dari vassallo hanc potestatem, si litterarum inuestiturarum verba contineant: mit dem Lehen-Gut zu thun und zu lassen, wie er wolle; vix enim putant dubitandum esse, quin vassallus, qui *inter viuos* feudum suum potest alienare, etiam de eo testamento disponendi facultate gaudeat. *STRYK. de caut. testam. c. VI. m. 2. §. 13.* Verum minus tuta hæc formula est, stricte interpretanda: neque enim ab alienatione inter viuos concessa, semper ad testandi facultatem æque indultam concludendum est. Certius de ista tunc constat, si in dictis litteris ita scriptum fuerit: *Ge- ben ihm auch Macht über diese genannte Lehen-Stücke (mit oder ohne unsern Vorbewußt) durch letzten Willen zu disponiren;* tunc enim nullus dubitandi locus superest. Si igitur femina feudum sub tali possidet conditione, testandi eidem iura negantur frustra; alias autem nequaquam idem ei concedendum, siue in liberorum siue in aliorum præiudicium ista hoc affectet; cum quicquid non iure factum fuerit, merito iniuria dicendum sit, definiente ICTo in *l. 5. §. 1. D. ad L. Aquil.*

§. IX. INVALVERAT etiam Romæ olim, vt mulieres maritos suos repudiarent; vsu continuo prauitati morum patrocicante, adeo vt iam SENECA scripserit *lib. II. de benef. c. 16.* Numquid iam vlla repudio erubescit, postquam illustres quædam ac nobiles feminae non consuetum numero, sed

*Mulier de de-  
re nequit te-  
stari, quam  
per LL. amisit.*

VVVVV 2

mari-

maritorum, annos suos computant; et exeunt matrimonii causa, nubunt repudii. Minime ferenda imperatoribus christianis talis videbatur licentia, ideoque omnem mouerunt lapidem, ut restringerent hanc diuortiorum frequentiam. Ideo THEODOSIVS iun. et VALENTINIANVS III. in l. 8. §. 4. C. de repud. sanxerunt, ut mulier, si contempta lege repudium mittendum esse tentauerit, suam dotem et ante nupt. donationem amitteret, nec intra quinquennium nubendi haberet denuo potestatem. Inde ergo non dubium est, talem mulierem etiam facultatem de dote amissa testamentum faciendi perdidisse penitus. Simile ius et tunc obtinet, si malitiose virum deseruerit, neque reconciliata postea fuerit eidem, siue id fiat ob causam fornicationis, siue quamcunque aliam, legitimam tamen. Statuit enim pontifex in c. 4. X. de donat. inter vir. et vxor. nulli in tali causa repetitioni dotis locum esse, etiam mortuo marito, et ista ab aliis heredibus eius possessa. Adulteras vxores dotis priuatione pariter leges civiles puniuisse, notum est. In iure Germanico, ubi communio bonorum obtinet, amittit suam portionem statutariam, mores confirmante pontifice in c. 10. X. de consuetud. In statutis Hamburgens. P. III. tit. 3. §. 11. nihil eiusmodi feminae reseruatur e bonis viri amplius, quam eo defuncto alimenta necessaria, denegato omni alio iure, quod ei competere potuit in bonis, communibus alias. In aliarum provinciarum praxi in casu adulterii eandem huius portionis amissionem obtinere plures testantur ICTI passim, ut CARPZOV. in praxi crim. P. II. qu. 64. n. 32. SANDE lib. II. tit. V. d. 7. alique, quorum nomina citat Dn. PRAESES in I. E. Prot. lib. IV. tit. XX. §. 38. in quo demum opere Evangelicis genuina praxis iuris canonici in foris suis et causis ecclesiasticis monstrata est, ipsis aduersae partis asseclis id factentibus.

tentibus. Hi igitur casus allegati exceptionem faciunt a regula, supra §. V. firmata, vbi exulare testamenta diximus in portione coniugum statutarfa. Integra enim facultas testandi omnino danda est parti innocenti, si alter criminibus suis eius amissionem meruit; neque enim aliquis effectus legitimi matrimonii superesse potest, si sacrum eius vinculum alter coniugum ruperit sua perfidia.

§. X. RVSTICORVM testamentis ob ignorantiam horum insignem iam olim ius singulare præscripsit IVSTINIANVS in *l. ult. C. de testam.* quinque ibi testibus, ampliori numero deficiente, contentus; neque discrimen statuit inter virorum et mulierum vltimas voluntates; vtrique igitur sexui priuilegium hoc commune fuit. Idem etiam in Germanico imperio sancitum est, per *Recess. imp. de anno 1512. tit. von Testamenten §. und sollen die Notarien*, hisce verbis: und auf dem Gaw, wo die Bauers Leute Testament machen, und mehr Zeugen nicht zu bekommen wären, außwenigste fünf Zeugen &c. In terris Anhaltinis testamentum coram duobus factum testibus valere testatur *CARPZ. P. III. c. 4. d. 41.* citato præiudicio. In prouinciis Saxonice extra electoratum firma sunt testamenta, quæ condunt rustici, dummodo coram parochio et duobus testibus, licet non rogatis, facta fuerint, *COLER. decis. 35. n. 4.* RICHTERVS quatuor testes ait requiri, si parochus loci non adfuerit, *decis. 26. n. 6.* sed sine solido fundamento. conf. etiam *HIERON. SCHVREF. cent. III. consil. 58. n. 9.* Extendunt DD. ius illud ad nobiles, parochos aliosque ruri degentes, qui tamen rustici non sunt, neque inter sexum distinguunt; hæc autem extensio ideo admittenda est, quia non tantum ob ignorantiam testatorum, sed ob raritatem hominum in pa-

*Quid instum  
sit circa rusti-  
corum testa-  
menta.*

gis obuiam, id indultum est, vti et in supra cit. verba *Recess. imp.* hoc docent.

*Iura statuta-  
ria circa te-  
stamenta mu-  
lierum.*

1) *HAMBURGENSE.*

2) *BREMENSIS.*

§. XI. IURE Hamburgensi testamenta faciunt testatores coram duobus senatoribus et secretario, a regente consule rogatis ad hunc actum, vid. *STAT. HAMBURG. P. III. tit. I. art. I.* liberum tamen cuius est secundum ius civile testari, si maluerit. *ibid. art. III.* Præterea a iure Romano declinarunt in eo, quod ante XVIII. annum ætatis nemini, cuiuscunque sexus sit, liceat testari, vid. *art. XIII.* imo amplius curatorem requirunt in testamento mulieris, siue extra matrimonium viuat, siue coniugata sit. *ibid. et art. XIV. et XVII.* Quamuis etiam Romæ de omnibus bonis testandi facultas competeret, quæ non in nexu fideicommissario erant, tamen in hisce statutis insignis facta est differentia inter bona *hereditaria*, *Erb: Gut*, et *acquisita*, *wolgewonene Güter*; ita vt de vltimis tantum testamenta valeant, neutiquam vero de prioris generis, sine proximorum heredum consensu *art. IV. ibid.* ad quam classem non modo bona a parentibus vel aliis ascendentibus accepta referunt, verum etiam ista, quæ testator a cognatis proximis, in quorum bonis spem succedendi habuit, vel hereditatis nomine, vel dotis, aut ad instruendam æconomiam accepit, secundum *art. VII.* Neque in vlllo articulo inter bona mobilia et immobilia distinguitur; vnde patet, secundum statuta hæc non magis permitti testamenti factionem de pecunia ex maiorum vel cognatorum hereditate accepta, quam de rebus immobilibus. Statuta *BREMENSIA* in plurimis conspirant cum Hamburgensibus, in illis, quæ ad testamenta pertinent. Conduntur enim ibi coram duobus senatoribus, idque ex vetustissima consuetudine. *Gloss. Krefflingii ad tit. IV.*

*IV. de testam. STATVT. BREM.* Deinde de nullis aliis bonis, quam *de acquisitis* tantum testari licet, et quidem absque distinctione inter mobilia et immobilia, vid. *statut. X. §. 1. b. t. et ibi glossa.* Quid vero, si mulier extra urbem Bremam vixerit, poteritne testari de bonis hereditariis, quæ in Bremensi districtu possidet, secundum mores regionis, ubi moritur? quod negandum est, quia hoc in fraudem iuris statutarii fieri posset alias, atque ita gentilitia successio facili opera euerti penitus, *arg. citat. stat. X. §. 1. (g)* nec etiam fieri hoc potest, quamuis bona, si in mobilibus consistunt, in aliam prouinciam mutato domicilio secum duxerit, quia per translationem in alium locum bonorum natura minime mutatur, quæ semel genti ex primæua acquisitione acquisita est, atque ita ius perfectum in ea illis est acquisitum, quod illis fraudulenta tali mutatione domicilii interverti nequit. Eodem quoque iure ferme ubique viuatur in Saxonia inferiore, vid. *IVS LVBECC. lib. I. tit. X. art. 6. IVS PROV. DITHMARS. art. XXVII. STATVT. MINDENS. lib. II. tit. I. art. V.* Feminas perpetuæ tutelæ subiiciunt vel cognatorum vel maritorum, quamuis XV. anno ætatis tutela pupillaris finiatur, de *LVDEWIG* in dissert. *de ætate legit. puber. et maior. cap. IV. §. II.* tutores tamen hi neutiquam videntur tanta auctoritate pollere, ut testamenti factionem mulieris impedire possint, si vel maxime vel-

(g) Æquitatem huius sententiæ agnitam fuisse in Comitatu Oldenburgico docet *art. 49.* in den *Stadt- und Buttiabinger Land-Recht* his verbis: Stürbe einer an fremden Orten, und hätte ein Testament nach desselben Orts Recht gemacht, sol dasselbe zwar, so viel die disposition über die zuge-

wonnene Güter betrifft, die seyn be-  
findlich, wo sie wollen, gültig seyn,  
aber in den hiesigen Orts hinterlas-  
senen Erb- und Stamm-Gütern die  
nächste Befreundte den den legatis  
und sonst weiter nicht, dann nach  
diesen Land-Rechte, laut vorherge-  
hender Articul, verbinden.



vellent. HERMAN. HAKIVS in dissert. *de iure femin. Bremensf. c. III. §. 4.* Hæc tamen singularia obseruanda veniunt circa testamenta vxorum, quod nihil eis liceat testamentum alienare, præterquam tria vestimenta, sine gemmis tamen aut vnionibus, quibus olim vestes muliebres dicuntur ornatae fuisse. Sic enim in *statut. XIII. cit. tit.* legitur: hefft ene Frau enen Mann, und würde se seed, se mag gewen dree Stücke von ohren besten Kleibern, wor dat se will, mit allen Dingen, also alse idt getragen hefft, sonder Bratsen, wente man de afftspannen mag. Quod autem non de pluribus possint testari, ratio forte hæc est; quoniam ibi obtinet communio bonorum inter coniuges per *stat. VII. et argum. Ordeel. 86.* quæ nimium turbaretur per talem vltimam voluntatem, intuitu scil. mariti superstitis. Quamuis viris sine liberis morientibus de dimidia acquisite portionis testari permissum sit. *Gloss. ad §. 1. statut. X. arg. Ordeel. 86.* Liberum est quoque parentibus, liberos iam separatos plane præterire testamento, de quo in *stat. XI.* ita legitur: so wohr en Borger is sunder Wyff, edder en Borgersche sunder Mann, de ohre Kinder hebbet van ohne deelet, edder beraden, de mögen wohl mit ohrem Gude, edder mit ohrem Erwe, dat ohme bliff, doen wat se willen.

*Iura testamentaria in comitatu OLDENBURGICO.*

§. XII. CORONIDIS loco addenda adhuc sunt iura quædam testamentaria, quorum vsus in COMITATV OLDENBURGICO viget præcipue. In iure prouinciali, quod *Wurder Land-Recht* vocatur, de anno MDLXXIV. *art. XVIII.* prohibetur alienatio bonorum (Erbe Güder) quocunque ista modo fiat, nisi proximi heredes id sciuerint ac consenserint. Vnde sequitur, non valere testamentum in præiudicium heredum ab intestato facta; cuiuscunque

iuscunque conditionis aut sexus fuerint testatores. In iure provinciali des Stadt und Butjadinger Landes ab ANTHONIO GVNTHERO comite anno MDCXVI. reuisto et confirmato *art. XVI.* et *art. XXXIV.* idem sancitum est, si bona hereditaria immobilia fuerint; ad alia autem hæc restrictio minime extenditur. Quod si vero bona quædam testator ipse acquisiuerit, de illis, quocunque voluerit modo, et inter viuos et mortis causâ disponere non prohibetur dummodo *XXI. annum* ætatis excesserit, quo termino maiorenitas in hisce prouinciis, vti in superiore Saxonia, definita est; neque sexus diuersitas in hoc iure attenditur; vtrique enim commune est, per *art. XVI.* Quænam ibi bona pro hereditariis habeantur, declaratur *art. XVII.* Unter solchen Gütern sind zu verstehen, welche in aufsteigender, niedersteigender und Seit-Linien, so wohl im nächstem als fürterem Grad ihren Anfang und Ursprung haben, und von dem Besitzer selbst nicht zugewonnen sind. Hæc tamen libertas in bonis eius generis relicta est testatoribus, vt vno aut altero proximorum heredum præterito, qui ab intestato fuisset successurus, vni aut pluribus ista legare possint; dummodo hi in partem hereditatis simul cum exclusis venturi fuissent, per *art. XLII.* Obiter tantum hic addo, secundum Bremensia statuta et communionem bonorum, quam ibi inter coniuges vigere dixi *§. præced.* matrem in bonis defuncti mariti permanere ac residere, quamdiu in viduitate permanferit; alias autem retinet eorum administrationem perpetuam, nisi a tramite virtutis deflexerit, aut negligentia sua vel prodigalitate ista dilapidauerit. Etenim in STAT. BREMENS. tit. V. §. 2. ibique stat. VII. hac de re ita cautum est: und holt sich die Fraue woll und ehrlich nach ihres Mannes Dode, so schall sie freyliken sitten mit ihren Rinz  
Tom. IV. X x x x x dern

bern &c. Verum enim vero in *Oldenburgicis terris* omnia hæc ex aduerso se habent; liberi enim soli succedunt in bonis hereditariis parenti; et si vel maxime pacta dotalia existent sub formula: *länger Leib länger Gut*, hæc tamen nihil operatur amplius, quam ut superstes ad dies vitæ usufructu gaudeat in bonis defuncti coniugis, per *art. LXIX. iur. prou. STADENS. et BVTTIADING*. His ergo pactis deficientibus ius commune locum habet tantum. (b) Hæc quidem sunt, quæ hoc capite pertractare placuit; quod si enim quis plurium Germaniæ prouinciarum iura et consuetudines vellet excutere, non dubium est, quin adhuc copiosior messis facere posset, quæ tamen dissertationis modum superaret. Malui igitur paucioribus paginis hic subsistere, quam prolixiora tradendo et plura ex statutis colligendo patientiam lectorum fatigare, quæ singulorum industria facili opera addet.

## EXER-

(b) Plures inter ius Oldenburgicum et statuta Bremensia differentia adfunt adhuc, quamvis in non paucis, ad antiquam iurisprudentiam Germanicam pertinentibus, miram quandam harmoniam in eis obserues. Sic recedunt ab inuicem in iure successionis liberorum; hæc enim Brema, patre iam præmortuo, matri vindicatur per *stat. XIX. §. 11. tit. V. de success. ab intest. et stat. VII. §. 19.* secundum iuris præmiom: Das Erbe fällt der Mutter im Schoß. In I. PROV. STADENSI ET BVTTIADING. autem *art. LVI.* partem capit tantummodo, qui ex parentibus viuit adhuc, ex hereditate filii vel filia defunctæ, secundum normam in

*cit. art.* declaratam sequentibus: Da aber ein Theil bereits verstorben, die von dessen Seiten herrührende und von demselben auf das hinterlassene und nachgehends verstorbene Kind vererbete Stamm-Güter (sollen) zur Helffte den überlebenden, und zur übrigen Helffte den nächsten Verwandten von des verstorbenen Seiten heimfallen; die zugewonnene Güter aber ohne Unterscheid ihnen, den Eltern, sie leben beide oder nur eins davon, jedoch zunebenst des verstorbenen Kindes vollbürtigen Brüdern und Schwestern, als welche sothane Güter mit den Eltern in capita . . . zu theilen haben, heimfallen.

## EXERCITATIO LXXV.

AD LIB. XXVIII. PAND. TIT. I.

DE

TESTAMENTO NON  
PRÆLECTO.

## A R G V M E N T V M.

- I. Cura Romanorum pro seruandis secretis testamenti.  
 II. De Captatoriis institutionibus, et pœna recitantium  
 alienas voluntates. III. Transitus ad materiam de præ-  
 lectione testamenti. IV. Explicatur Rubrica, et quid  
 sit prælectio? V. Quatenus in testamento Cæci sit neces-  
 saria. VI. Ratio plenius excutitur. VII. An testa-  
 mentum cæci sit nuncupatum nec ne? VIII. Corre-  
 lectio Nouell. Leon. 69. improbatur. IX. Prælectio etiam  
 in testamentis Cæcorum priuilegiatis est necessaria, X.  
 Et in testamento imperiti literarum. XI. Dissidentis  
 Cothmanni ratio adducitur. XII. Secunda ratio dissen-  
 tientium XIII. Tertia. XIV. Quarta. XV. Quin-  
 ta. XVI. Sexta. XVII. Septima. XVIII. Octaua.  
 XIX. Nona. XX. Sententia vera et status controuer-  
 siæ proponitur. XXI. Probatur 1) ex iuris naturæ  
 principiis. XXII. Separanda iuris naturæ requisita a  
 solemnibus iuris ciu. XXIII. Applicatio ad quæstionem  
 propositam XXIV. 2) ex principiis iuris ciuilibus et re-  
 gulis bonæ interpretationis XXV. Icti deficientibus le-  
 gum verbis ad legitimam procedunt interpretationem.

XXX XX 2

XXVI.

XXVI. Ratio legis pro lege accipitur. XXVII. Applicatio deducitur 1) a rationis generalitate in l. 8. C. qui test. fac. poss. XXVIII. 2) a rationis identitate. XXIX. Resolvitur prima obiectio a diuersitate rationis desumpta. XXX. Altera, a casibus expressis. XXXI. Sæpe in iure quid exprimitur, in simili casu autem omittitur. XXXII. Leges etiam in aliis argumentum prospiciunt imperitis ne decipiantur. XXXIII. 3) a necessitate causæ finalis. XXXIV. Conclusio ex argumentis formatur. XXXV. Autoritas Dd. adducitur. XXXVI. Respondetur ad rationes dubitandi et quidem ad primam. XXXVII. Ad secundam. XXXVIII. ad tertiam. XXXIX. ad quartam. XL. ad quintam. XLI. ad sextam. XLII. ad septimam. XLIII. ad octauam. XLIV. ad ultimam. XLV. Formatur nova quæstio: an etiam hæc prælectio in testamento iudicialiter ab imperito literarum conditio sit necessaria? XLVI. Respondetur obiectionibus. XLVII. XLVIII. adducuntur quedam responsa hanc rem illustrantia. XLIX. Quatenus prælectio sit necessaria in testamentis eorum, qui linguam, in qua testamentum est conceptum, non intelligunt. L. Conclusio.

## §. I.

**C**onqueruntur hodie haud pauci, rationem condendi ultimas voluntates nimis esse subtilem et intricatam, rectene an secus? vel illi iudicabunt, qui oculos amore iuris Iustiniani non planæ occætos ad ipsam praxin dirigunt, et vno intuitu in infinitos controuersiarum scopulos se incidisse testantur. Ego quidem rationes hic coacervare desisto, ne præiudiciis districtos offendam. Id tamen prater-

prætermittere haud licet, quod LL. Romanæ, quo magis laborarunt de testamenti solennitatibus extrinsecis, (quo ipso non poterat non omnibus innotescere, hunc vel illum testamentum condidisse) eo maiorem simul adhibuerint curam ad præcauendum, ne *diulgarentur secreta* testamenti, sed ut voluntas ultima semper in secreto reposita maneret. Notum est, quod ideo forma in scriptis testandi ab imperatoribus adinuenta et introducta sit, ut nulli constaret, quid in testamento scriptum esset, seu imperatores Theod. et Val. in *L. hac consultissima 21. C. de testam.* fatentur. Sufficit enim scriptam voluntatem offerre testibus præsentibus signandam et subscribendam, non inspiciendam. Hinc arcano modo testamentum condere idem est, ac in scriptis testari secundum *Nou. Leon. 69.* Et testamentum in scriptis Græcis dicitur *μυστικὴ διαθήκη*. vid. Goth. in not. ad cit. *Nou. lit. d.* Eadem ratione testamenta sæpissime dicuntur in LL. iudicia secreta *L. 1. §. 38. ff. de pos. L. si quis testamentum 41. pr. ff. ad leg. aquil.* Secretum voluntatis *L. captatorias 70. ff. de hered. inst.* Et hætenus reipubl. Romanæ facies alias vix admittebat regulas, cum heredipetarum frequentia et astutia ad captandas alienas voluntates semper proclivis aliter coerceri non poterat, quod ipsum fusius tum ex antiquitate Romana tum ipsis legibus probatum dedit THOMASIVS duplici disp. una de *iur. iniust. hered.* altera de *captat. instit.* ad quas duas egregias disputationes B. L. brevitatis studio ablego.

§. II. Illud saltem ad præsentis materiæ elucidationem inde annoto, quanta cura præcauere voluerint legislatores *prælectionem*, sæpissime fraudibus heredipetarum per captatorias institutiones elicitam, qua scilicet ita heredem scribe-



bant eum, cuius hereditatem captarent, ut qua ex parte ille eum heredem scriptum in tabulis suis recitauerit, ex ea parte quoque heres esset. *L. 1. ff. de his qu. pro non scr. L. ille autem. 71. §. 1. ff. de hered. inst.* Ut adeo secundum *L. 70. ff. eod. tit.* captatoria institutio illa demum esset, cuius conditio confertur ad secretum alienae voluntatis, seu ad cognoscendam alterius in testamento secreto expressam voluntatem. Ad euitandas has et similes fraudes testatorem LL. noluerunt adstringere ad praelectionem testamenti coram testibus, sicut omnes captatorias institutiones improbarunt. *LL. cit.* Quid quod peculiares actiones constitutae sunt in eum, qui iudicia secreta eius, qui testatus est, diuulgare tentauerit; veluti qui tabulas testamenti apud se depositas pluribus praesentibus legit, nam et actione in factum et iniuriarum tenetur, siquidem iniuriae faciendae causa secreta iudiciorum publicauit, *L. si quis 41. ff. ad leg. aquil. L. 1. §. si quis tabulas 38. ff. de depos. ut et actione de dolo. l. si quis tabulas 35. ff. de dol. mal.* Imo qui viui hominis testamentum aperuisse conuictus est, legis Corneliae poena tenetur *l. 1. §. 5. ff. de leg. Corn. de fals.*

§. III. Quamquam huiusmodi dispositiones sua consent ratione, non tamen ratio secreto modo testamenta ordinandi ita perpetua est, ut testator certis in casibus non possit adstringi ad indicandam testibus suam ultimam voluntatem, ut videlicet illis innotescat, quid in testamento illo scriptum sit, et ita omnis ratio circumueniendi testatorem eo magis remoueatur. Sane in testamento nuncupatio illud non inter postrema habendum, quod heredis manifestatio palam verbis ore prolatis fieri debeat, ut audiant omnes qui adsunt *l. hac consultissima 21. §. et l. in testamentis 26. C. de*

*de test. ibi: simul omnibus manifestam significantis ad quod substantiam suam peruenire velit.* Ex quo manifestum est, ad naturam testamenti in genere non præcise necessariam esse occultationem coram testibus, sed illam saltem a legibus indultam esse maioris securitatis gratia per modum testandi in scriptis. Sed tamen et hic aliquando necesse est, ut testibus per prælectionem innotescat, quid in testamento scriptum sit, quos casus notasse ac excussisse utile et fructuosum erit. Et cum in hac materia tota nostra disputatio versetur, quæ quo frequentius in praxi ipsa occurrit, eo magis impedita et obstructa esse videtur, operam dabimus, ut eam a dubiis suis hinc inde moueri solitis liberemus. Deus autem summi boni fons et autor sua nobis adsit gratia, ut omnia in sui nominis gloriam ad felicem finem perducantur.

§. IV. Docet rubrica, nos acturos *de testamentis non prælecto*, ubi id quidem euidens est, 1) supponi testamentum in scriptis, quippe de quo prælectio prædicari debet. Quid sit testamentum in scriptis, hic late explicare contra rationem instituti foret, cum id satis abunde ex ipsis legibus cognoscatur. *L. hoc consultissima 21. pr. C. de testam.* 2) Quod ad ipsam *prælectionem* attinet, notum est, quod hæc vox varias in iure ipso admittat significationes. Primo idem denotat ac *editio* legum vel libri. Inde dicitur *codex repetitæ prælectionis*, h. e. secundæ editionis; nam veteres secundas editiones repetitas prælectiones vocabant, teste ipso *Imp. de emend. cod. §. 3.* Deinde aliam induit acceptionem, quæ quidem hodie in academiis et notior et frequentior est. Videlicet prælectiones, ceu ГОТН. *ad c. text. lit. a.* loquitur, sunt lectiones, quibus præceptores aut professor-

fessores viva voce vel scripto discipulis aut auditoribus vias discendi præmonstrant. Inde et prælectionum publicarum sæpe in academiis fit mentio, et idem nomen, non ratio etiam ipsis libris præfigi solet. vid. CASP. ZIEGLER. *publ. prælectiones in ius Can.* VLRICI HVBRI *prælectiones iuris cit. ad instit. et pandect.* etc. sed huiuscemodi acceptiones plane hic alienæ sunt: propria aut est illa genuina, quæ vim vocis accurate exprimit, quæ scilicet idem denotat, ac scripturæ alicuius verba palam legere, ut alteri innotescat, quid in illa scriptura contineatur. Finis prælectionis est, ut alteri ignorantæ (vel quod legere non possit, vel quod non velit) constet de contentis scripturæ. Et eatenus etiam prælectionem hic accipimus, quatenus ad hunc finem obtinendum tendit, ut sensus rubricæ sit, *de testamento non prælecto* h. e. quod quidem iussu testatoris ab alio conscriptum est, sed quod ipse testator legere non potest, nec scire, quid in illo scriptum sit. Potest vero hoc contingere maxime tribus casibus: vel quod testator sit *cæcus*, vel quod sit *ἀναλφάβητος* seu *peritia legendi destitutus*, vel denique quod saltem illam linguam, in qua testamentum conceptum, *haud intelligat*. His casibus prælectio, cæteris paribus, omnino necessaria erit, id quod iam sigillatim exponemus.

§. V. De cæco testatore clara est constitutio in famosa *L. hac consultissima 8. C. qui test. fac. poss.* (quæ repetita est in *ordin. not. de Ann. 1512. Rubr. von Testamenten §. aber zu eines Blinden Testament*) ubi Iustinus eis præscribit, ut per nuncupationem suæ condant moderamina voluntatis, et omnia palam edicant, quæ ultimarum capit dispositionum series lege concessa. Addit tamen, et simul eis licentiam concedit voluntatem suam, cui velint, scribendam, credere,

dere, ita tamen, ut chartulam susceptam recitet tabularius testatori, simul et testibus, ut ibi tenor eorum cunctis innotuerit, elogium ipse suum profiteatur agnoscere, et ex animi sui quæ lecta sunt disposuisse sententia, ex quibus verbis prælectionis necessitas in aprico est. Ceterum illam etiam per octauum testem fieri posse et non præcile per notarium fieri debere, in fine subiungit: sufficit enim sic satis finem, qui per prælectionem seu recitationem intenditur, obtineri posse, quem ipsum addit Imperator in *L. cit.* verb. fin. sic namque, inquit, *fieri confidimus, ut non recipiat se tantum in cæcis testandi licentia: sed ne locum quidem ullum relinquat insidiis tot oculis spectata, tot insinuata sensibus, tot insuper in tuto locata manibus.* Ex quibus verbis illud apparet, prælectionem non tantum fieri debere, ut testes audiant quæ notarius vel octauus testis prælegit, sed simul debeant *inspicere testamentum*, et animaduvertere, quid et an recte prælegat notarius: unde necesse est, daß etliche von den Zeugen zugleich mit auf die Schrift sehen conf. B. BRUNNEMANNVS ad *L. cit.* n. 8. ubi hanc prælectionem *substantiale* requisitum vocat; eamque non tam scriptori quam testi esse demandandam putat, ut omnis fraus euitetur. Quæ cum ita sint, sequitur testamentum omnino vitari, in quo prælectio talis omissa est.

§. VI. Neque expeditiori remedio fraudibus ingruentibus occurri in hoc casu potuit, cum omnem suspicionem sufficienter tollat. Siquidem id ipsum et *recta ratio* exigebat in testamentis cæcorum, qui alioquin a testandi facultate aut prorsus excludendi erant, aut vero eis eiusmodi remediis prospiciendum, ne defectus visus effectus voluntatis redderet inanes, planeque interuerteret. Alioquin enim

in scriptoris arbitrio foret positum, multa imo omnia contra intentionem testatoris testamento inferere, et si ipse id saltim ei priuatus prælegeret, posset aliud iuxta voluntatem eius conceptum in medium producere, aliud autem testibus obsignandum offerre, quales fraudes utique facile metuendæ sunt, quo facilius quis ita decipi potest, et quo maius lucrum ex tali fraude ad eum peruenit.

§. VII. Solet controuerti inter Dd. an tale testamentum sit pro *nuncupatio* habendum nec ne? Illud quidem ex *cit. l. hac consultissima 8. C. qui test. fac. poss.* videtur asserendum, præsertim, cum ipse imp. verbis initialibus sanciat, ut carentes oculis per nuncupationem suæ voluntatis condant moderamina. Inde communiter concludunt, testamenta cæcorum esse nuncupatiua, licet participant de multis requisitis, ex quibus testamentis in scriptis similia esse videntur. BLASIVS MICHALORIVS *tr. de Cæco surd. et mut. c. 5. n. 3.* sed ipse MICHALOR. *c. l. c. 6. n. 6.* sibi ipsi contradicit, dum fatetur, scripturam in testamentis cæcorum esse de substantia, ita ut absque ista scriptura non valeant. Et quid multa? cæcis talis in *d. l.* præscribitur forma testandi, ex qua conspicuum est, formam illam esse *mixtam*. Omnia enim adsunt requisita testamenti *scripti*, notarius vel testis octauus nomine testatoris illud subscribit et subsignat. Idem faciunt reliqui septem testes. *Recitatio* vero seu *prælectio* coram testibus facienda indicat, hoc testamentum simul participare de natura testamenti nuncupatiui. Perinde enim esse arbitror siue testator antea voluntatem suam ipse oretenus coram testibus declaret: siue notarius conceptam in scriptis eius voluntatem ex scriptura, testibus scripturam simul inspicientibus, prælegat, et testator

stator factam prælectionem approbet. Conf. DAVTH. *de testam.* p. 310. n. 403.

§. VIII. Vnde satis mirari non possum, *nouellam* Leonis 69. quæ hanc prudentissimam constitutionem corrigere intendit, constituendo, cæcorum testamenta valere debere, etiam si secreto h. e. absque prælectione confecta fuerint. Rationem correctionis adducit, quod scil. leges hac de re diuersa inter se statuere videantur. Aliam enim, ait, legem, (nempe *l. 8. cit.*) arcanum testandi modum cæcis prohibere; aliam vero (ego quidem intelligo *l. 21. C. de testam.* quanquam Gothofr. *ad cit. Nou. Leon. lit. e.* putet, hic intelligi *nou. 119. c. 9.* quod tamen liquido repugnat verbis textus) latam quandam viam ad arcanum testandi modum illiteratis hominibus aperire, dum eis nullam aliam præscribit obseruationem, quam adhibere testem octauum, qui pro testatore subscribat. Repugnantiam sine dubio inde deduxit, quod in utroque casu adsit eadem ratio, et tamen diuersa dispositio. Sed vero repugnantia hæc cerebrina et inanis est. Videbimus infra, etiam in testamentis ἀναλφάβητων necessario requiri prælectionem, legibus ipsis suffragantibus, sicuti in testamentis cæcorum, licet quoad verba nihil de hac dispositum inueniatur in legibus. Est ergo ratio huius Nouellæ plane contra regulas bonæ interpretationis, multo magis ipsa dispositio contra naturam testamentorum. Quod enim addit, testimonium eius, qui testamentum conscripsit, producendum, aliquando etiam iuratum, securam non reddit vltimam voluntatem. Quid enim si ille ante testatorem moriatur? ubi tunc testimonium? Immo fides in solo Notario valde fluctuat, satente ipso LEONE in *nou. cit.*



§. IX. Ceterum quas hic Dd. passim mouent contro-  
 versias, an scilicet etiam solennitates cæcis præscriptæ sint  
 necessariae in codicillis, it. testamentis priuilegiatis, vt in-  
 ter parentes et liberos, tempore pestis conditis, ad pias cau-  
 sas etc. quas plenius excutit BLAS. MICHALOR. *tr. cit. c. 7.*  
*g. 11. et 12. it. B. BRUNN. ad c. l. 8. libenter intactas relinquo,*  
 id tamen, quantum ad prælectionem, adiungens, hanc et-  
 iam in illis omnibus dispositionibus esse necessariam, cum  
 non ad solennia illa spectet, sed ad voluntatis certitudinem,  
 quæ in omnibus aliis dispositionibus adesse omnino debet.  
 Adducit hanc in rem VLRICVS HVBERS *in præl. ad ff.*  
*tit. qui test. fac. poss. §. 5. casum de cæco inter liberos te-*  
*stante, ubi tamen prælectio legitima totius testamenti coram*  
*testibus deerat, solo testatore affirmante, tabulas sibi fuisse*  
*prælectas. Quod testamentum non valere merito respondit,*  
 et ita quoque a senatu iudicatum esse testatur. Nuncupa-  
 tionem enim *l. 8. requisivit, quia cæcus scire non potest,*  
 an id quod sibi prælegitur, sit illud ipsum, quod in tabulis,  
 quæ testibus exhibitæ sunt, continetur. Priuilegium pater-  
 num, eleganter addit, consistit in minore testium numero,  
 non in cautione cæcitatæ causa adhibenda.

§. X. Maximum periculum et plane idem imminet te-  
 stamentis τῶν ἀναλφάβητων seu eorum qui nec scribere, vel  
 quod sufficit, nec legere ab aliis scripta possunt, conf. *dissert.*  
*STRYK. de iure ἀναλφάβητων c. 1. n. 5. Vnde leges*  
 huic rei providere non minus voluerunt per specialia requi-  
 sita, per octauum testem *l. hac consultissima 21. C. de testam.*  
 et per alia, imo fere per eadem ipsa, quæ cæcis sunt præ-  
 scripta. Siquidem cordatiores ICI et Dd. in praxi celeberrimi  
 inprimis hic quoque prælectionem discrete requirunt,  
 eaque

eaque omiſſa, teſtamentum ſubſiſtere non poſſe ratione voluntatis teſtantur, quos infra allegabimus. Non deſunt tamen, qui hanc ſententiam non modo dubiam reddere, verum etiam requiſitum hoc prælectionis coram teſtibus in teſtamento imperitorum literarum faciendæ proriſus excludere ſatagunt, putantes, teſtamenta ἀναλφαβήτων omnino infirmari omiſſa hac prælectione non poſſe. In quo requiſito cum haud exiguum pondus ſitum eſſe videatur, neque facile illud ſuſque deque habendum, quod ratione ſtringenti nititur, nihil ἀτοπον committere videor, ſi hanc quaſtionem: num ὁ ἀναλφαβήτης in teſtamentiſ condendis ſequi cœcum teneatur quoad prælectionem, plenius quodammodo excutiam, et rationes hinc inde afferri conſuetas ex principiis iuris examinem.

§. XI. Ex hiſ qui negatiuam tuentur ſententiam, familiam ducit ICt. ſummus ERNEST. COTHMAN. *reſp.* 23. *vol.* 4. *n.* 14. id maxime agens, vt rationem condendorum teſtamentorum quoad cœcos in teſtamentiſ ἀναλφαβήτων penitus excludat, adeoque vt teſtibus prælegatur ab impartiali, ſeu qui omnis fraudis ſuſpicionem caret, nec eſſe neceſſarium, nec omiſſo eo teſtamentum vitiari. Potiſſima eius ratio hæc eſt: 1) quod lege non diſponente, nec noſtrum ſit de hoc diſponere *l. ad probationem. C. de probat. Nouell.* 18. *c.* 5. *in pr.* ſeu vt alii dicunt: quod lex non cantat, nec nos cantare debemus. Iam autem litterarum imperitis ſeu qui ſcripta ab aliis legere nequeunt, in iure non eſt impoſita neceſſitas teſtamenta ſua condendi ea ratione, qua cœci, quin potius, aiunt diſſentientes ceteri, præter adhibitionem teſtis octauii *in l. 21. C. de teſtam.* vbi ſedes huius materiæ eſt, nihil noui requiritur. Idem quoque repeti dicunt *in R. I.*

*de An. 1512. de inform. notar. §. die Form eines Testaments in Schriften, vbi simili ratione præter octauum testem nihil aliud desideratur.*

§. XII. 2) Porro aiunt dissentientes alii, non verosimile videri, illud requisitum a legislatoribus prudentissimis fuisse omissum, si id necessarium existimassent, quin potius, sicuti cetera expresse sunt præscripta, et hoc quoque expressis verbis ab eis debuisset adiici: quod cum factum non sit, nos hic acquiescere debere, cum lex sit sequenda, etiamsi fuerit dura *l. prospexit 12. §. 1. ff. qui et a quib. manumiss.*

§. XIII. Adducunt 3) verba *d. l. 21. C. seqq.* quodsi literas testator ignoret, vel subscribere nequeat, octauo subscriptore pro eo adhibito *eadem* sanciri decernimus: vbi putant vocem *eadem* se referre ad præcedentia, nempe ad rationem testandi literarum peritis præscriptam adeoque per hoc verbum omnino excludi alia requisita, quæ in literarum peritorum testamentis non sunt necessaria.

§. XIV. Existimant 4) imperatores τῶν ἀναλφαβήτων testandi rationem non sine causa, sed optimo consilio inscripisse *d. l. 21.* vbi peritis literarum regula testamenti condendi principaliter præscripta est: id vero sufficiens argumentum præbere, expresse noluisse legislatores vt οἱ ἀναλφαβήτοι cæcorum testandi rationem sequerentur; si id enim voluissent, sane literarum imperitos cæcis in *l. hac consultissima 8. cit.* coniunxissent, id quod cum non factum, hos non testari vt cæcos, nisi imperatoribus confusum tractandi ordinem imputare velimus, quod neutiquam asserendum.

§. XV.

§. XV. Pergunt 5) cessare hic plane rationem *l. 8. cit.* quæ est, ne falsum pro vero supponatur testamentum, siquidem literarum imperitus, qui tamen visu gaudet necessario eiusmodi fraudibus non tam facile decipi possit, cum supponere falsum pro vero testamento in oculos incurrat, adeoque et ab imperito literarum euitari queat, secus ac in cæco.

§. XVI. Admittunt quidem 6), quodammodo hic periculum fraudis subesse, propterea tamen non necesse fuisse ducunt, ut ab imperatoribus hoc nouum requisitum prælectionis adiiceretur, ne testamenta, quæ secreta esse debent, secundum ea, quæ in limine huius disput. diximus, omnibus innotescerent: imo ne secreta patrimonii panderentur, id quod maius periculum propter insidias heredipetarum continet, inprimis cum quilibet præsumatur bonus, adeoque fraudis suspicio cesset.

§. XVII. Argumentantur, 7) aut *d. l. 21. et R. I. de An. 1512.* quæ sufficientem Notariorum informationem exhibere debet iuxta Rubricam, est sufficiens informatio, aut non est. Si asserimus posterius, id quod nostræ sententiæ imputant, sequitur hoc absurdum, dispositionem illam potius esse seductionem, quam informationem, id quod de legislatoribus prudentissimis sine crimine asseri nequit. Ergo prius asserendum. Si autem est sufficiens et perfecta informatio, non desiderat alia requisita præter ea, quæ ibi habentur.

§. XVIII. In medium proferunt 8) *auth. et non observato C. de testam. et Nouell. 119. c. 9.* quibus textibus correctæ est *l. 29. C. de testam.* ubi imperitis literarum necessitas imposita erat, non aliter testamenta condendi, nisi præmissa nuncupatione nominis heredis. Cum autem hoc sit sublatum

latum per expressos textus, euidentem esse, inferunt, contrariam legislatorum voluntatem expressam. Conferunt hic consentientem STEPHANI *ad Nouell. 66. c. 6.* qui rationes correctionis has reddit, ( $\alpha$ ) periculum hic nullum subesse, cum testator huiusmodi imperitus nullum alium scriptorem sit adhibiturus, nisi cuius integritatem probe habeat perspectam et cognitam. Nam nemo ignoto aut tali, cuius fidem suspectam esse putat, ea quæ secreto habere cupit, est crediturus, ut adeo quodammodo impossibile videatur, ut a scriptore fraus admittatur, quin si qualicumque scriptore contentus aliquando esse debet, tamen non dubium, quin ex amicis pluribus vnum inuenturus sit, quem testamenti scripturam secreto recitantem audiat. ( $\beta$ ) Quod alioquin testamenti scripta non forent secreta, si testibus contenta testamenta aperirentur, ex quo testatori vel inuidia vel infidiæ metuendæ essent, ( $\gamma$ ) quia alioquin nihil relinqueretur discriminis inter scripta testamenta et nuncupatiua. CUIAC. *ad Nouell. cit. in f.*

§. XIX. Prouocant denique 9) ad rerum retro iudicatarum exempla, et praxin tam veterem quam hodiernam, contra quam Neotericorum quorundam opinio frustra veniat, destituta quippe lege. Si quidem in ambiguitatibus, quæ ex legibus proficiscuntur, consuetudo aut rerum perpetuo similiter iudicatarum autoritas vim legis obtinere debet. *l. 38. ff. d. LL.*

§. XX. Hæc sunt fundamenta sententiæ negatiuæ, quæ tamen tanti roboris esse non videntur, ut tuto illis inharere possimus. Si quidem omnino verior sententia videtur, quæ diserte requirit prælectionem testamenti, ita quidem ut vel  
in

in præsentia omnium testium in ipso testandi actu fiat prælectio, ita ut duo vel tres tabulas simul inspiciant, et ita lecta audiant et videant: vel ut ante actum testandi coram Notario sincero et duobus testibus ab eo in hunc finem requisitis prælectio fiat eodem modo, ut ipsi testes et audiant et videant qui leguntur, ut deinde de contentis testamenti testimonium ferre possint.

§. XXI. Pro qua sententia confirmanda prouocamus ad utrumque ius, tam naturæ quam ciuile, ex vtraque necessitatem requisiti nostri hætenus in dubium vocati petentes. Et quidem ius naturæ de ipsis ordinandis testamentis nihil disponit, sed ordinatio et testamentorum usus potius negative se habet ad ius nat. quippe quod non impedit, quo minus quis possit de rebus suis disponere. Ex hypothese autem quod semel ordinationes testamentorum in certa republ. introductæ sint, non obstat, quo minus iura naturæ et vniuersalia eius præcepta hic quoque applicemus. Hoc siquidem in dubium est, quod dispositio hæc præsupponat dominium, et de eo disponendi facultatem, adeoque finaliter tendat ad alienationem quandam post mortem testatoris in effectum ducendam. Quamquam enim ex sententia *PUFFENDORFFII de I. N. et G. Lib. IV. c. 10. §. 2.* alienatio stricta sic dicta de testamentis prædicari nequeat, si tamen intentionem testatoris et acquirentis acceptionem inspicimus, imo ipsum effectum, alienationis terminus non adeo alienus ab hac materia erit. Quicquid sit, agitur sane in testamento de transferenda hereditate in alium post mortem testatoris, et testamentum ipsum de hoc testimonium perhibet, et suppeditat declarationem voluntatis nostræ circa successores in bona nostra, ut de sententia nostra certo

Tom. IV.

Zzz zz

constet.



constet. Cum enim voluntas intra mentem lateat et quasi intus habitet, per signa idonea externa est declaranda, ut effectum suum habere possit. Quo magis vero hic quoad declarationem errari et fraudibus locus esse potest, eo maiori cautione opus esse natura et ratio dicitur. Neque enim ad nudas presumptiones recurri debet, ubi certa et determinata requiritur voluntas; sunt enim hæ incertæ ad perpetuam controuersiam inter partes dissidentes fouendam aptæ, ut proinde recte concludi possit: testamentum, cum voluntatis nostræ certitudinem continere debeat, non constare posse, si certitudo sufficiens et necessaria non adsit, maxime hic, ubi is, de cuius voluntate quæstio est, non amplius illam declarare et explicare potest. Quocirca etiam in iure ciu. ubi plenissime materia de ordinandis testamentis est excussa, omnino segreganda sunt solennia iuris ciuilibus requisita ab essentialibus et intrinsicis, quæ ex ipsa dispositione iuris naturæ dependent, et quæ salua essentia testamentorum nunquam abesse possunt, quæque in omni testamento etiam maxime priuilegiato adesse debent. Quæcunque ergo in omni testamento etiam maxime priuilegiato concurrere debent, illa pertinent ad communem naturam et essentiam testamentorum. Iam inspicienti naturam eorum facile occurrunt ea, quæ de iure vniuersali ad illa requiruntur. Videl. dictum est testamentum omne comprehendere ultimam voluntatem defuncti, et ipsum testamentum vice declarationis esse. Iam quæcunque necessaria ad declarationem voluntatis eiusque indubiam certitudinem sunt, illa quoque sunt necessaria ad omne testamentum. Declaratur autem illa variis modis, quorum quidam necessarii dici possunt, quidam arbitrarii seu voluntarii maioris cautionis et securitatis gratia adinuenti et superadditi a legislatoribus ciuilibus: ex  
his

his constituuntur solennitates testamentorum ciuiles, ex illis naturales seu requisita communia.

§. XXII. Nam cum nulla res magis fraudibus exposita sit, nulla in re facilius dolus prædominari possit, quam in ordinandis testamentis, cum tamen reipublicæ intersit, de sententia defunctorum certissimam et indubiam habere scientiam, legislatores Romani existimarunt, se non alia ratione potuisse obuiam ire fraudibus, non alia ratione obstruere viam suspicionibus facile ingruentibus, nisi per cumulum requisitorum solennium, per numerum testium consueto ampliorem, quo tot oculis et auribus insinuata voluntas omni careret suspicione fraudis, per subscriptiones per subsignationes aliaque permulta solennia. Vel vt breuibus declarem meam mentem: Facilitas decipiendi testatorem et simul experientia frequens, quæ huius facilitatis plurima argumenta suppeditat, legislatoribus ansam dedit, plurimis solennibus testamenta inuoluendi, insimulque ea declarandi nulla, quæ hisce destituuntur. Nam id solet esse officium legislatorum in condendis legibus, vt ad id, quod vt plurimum accidit, respiciant *l. nam ad ea §. ff. de LL.* et vbi maius periculum imminet, maiorem adhibeant cautionem. Naturales seu necessarii modi sunt illi simplicissimi, qui de iure naturæ sufficiunt ad declarandam voluntatem, quales sunt duo testes, voluntatem vltimam confirmantes vel scriptura de vltima voluntate testatoris indubium testimonium præbens etc. Adeoque quanquam milites testamenta facere possunt quomodo velint et possint *l. 1. pr. ff. de testam. milit.* et huius testamentum sola dicatur perfici voluntate *l. 15. §. 1. l. 34. in f. et 35. et 40. pr. eod.* tamen id ita declaratur in *l. Diuus Traianus 24. ff. eod.* vt hæc voluntas

per testes utique confirmari debeat, si suspicio fraudis sub-  
sit, ne vera iudicia subvertantur. Inde cognoscis, simpli-  
citat enim iuris nat. in ordinandis testamentis consistere in cer-  
titud ine ultimæ voluntatis.

§. XXIII. Si applicamus hoc ad propositam quæstio-  
nem, requisitum prælectionis ipsam certitudinem voluntatis  
respiciens facillimo negotio inde eruemus. Præsupponi-  
mus enim (1) ἀναλφάβητον scire non posse, quid alter, cu-  
ius fidem in testamento scribendo elegit, scripserit, adeo-  
que (2) semper dubitare, num, qui concepit volun-  
tatem testatoris, secundum eius voluntatem omnia fecerit,  
et non heredipetarum instar cum tertio colluserit, eique  
aliquid adscripserit. Neque enim (3) de fide eius, quæ in  
acquisitione bonorum et ubi de meo et tuo quæstio est, in-  
ter homines sat lubrica esse solet, certus ita esse potest, licet  
vel maxime familiariter eo usus sit. Nam amicitia fere  
(quod dolendum) in mundo utilis est, rara illa, quæ hone-  
stum pro scopo habet; leges autem id magis respiciunt,  
quod frequentius occurrere potest. Nihil ergo amplius su-  
perest, quam ut dicamus, etiam ius nat. velle, ut id quod  
ab alio scriptum est, coram testibus tertio testatori prælega-  
tur, quo testes illi de hoc postea testari queant, si in dubi-  
um vocetur et ipse testator indubiam de scriptura, quam le-  
gere nequit, habeat scientiam. Sed dicis: quid hæc ad pro-  
positam quæstionem? testamenta enim ex dispositione iuris  
civilis in vita civili sunt determinanda et iudicanda. Pro-  
bandum ergo, quod ius civile hoc quoque requisitum exi-  
gat, alioquin omnis tua argumentatio erit frustranea, cum  
ius nat. nihil determinet. Verum recurras quæso, amice,  
ad priora, ubi dixi, alia requisita esse petenda ex iure civi-  
li,

li, alia ex iure naturæ. Ad hæc prælectionem in hoc calu refero, cum præceptum commune sit: voluntatem tuam in vita ciuili ita declaro, vt certa de ea haberi possit scientia, nullique controuersia locus superfit. Hinc si vel maxime in iure ciuili nihil de hoc requisito disponderetur (cuius contrarium tamen paulo post ostendemus) supplenda tamen foret dispositio ciuilis ex naturali iure, vel ex ipsa rei natura, vel saltem inde interpretanda et declaranda; cum et ipsi Dd. iuris ciuilis conuicti argumento *l. scire oportet 13. §. si enim quis 7. ff. de excusat.* fateantur, naturalem rationem allegare pro lege sufficere. conf. GOTHOF. in not. ad c. lit. K. SVRD. de Aliment. t. 1. q. 45. n. 58. Illustrabuntur hæc omnia in postea dicendis, hinc ad argumenta ex iure ciuili petenda progredimur, veritatem quæstionis inde liquido demonstraturi.

§. XXIV. Quo vero hanc sententiam ex limpidissimis iurium ciuiliū fontibus deducamus, et principiis certissimis et necessariis circumuallemus, fundamenti loco axioma hoc ponimus: Duplici ratione aliquid in legibus continetur vel κατὰ τὸ ἑνὸν, per verba expressa sensum legislatoris indubie declarantia, vel per interpretationem legitimam. Hoc qui principium in dubium vocare audeat, arbitror fore neminem, ni conuellere iurisprudentiæ fundamenta totamque demonstrandi et concludendi rationem interuertere velit. Si quidem vbi semper per verba expressa legum foret argumentandum, nec interpretationes legitimæ admitterentur, angustissimis in applicatione includeremur cancellis, et simul iurisprudentiæ partem nobilissimam, quæ in interpretando consistit, susque deque haberemus. Inde ANGEL. in consil. 317. in quæst. vertente inter illos principes in 3. col.

Zzzzz 3

ex

ex Arist. apposite loquitur: *quando rationem habemus, non debemus quærere legem vel textum, quia quærere legem vel textum, ubi habemus rationem, non est nisi infirmitas intellectus et mentis.* Inde frequentia sunt argumenta legum, quæ a doctoribus in deducendis iuribus eodem modo adhibentur, quo expressa legum verba, dummodo argumentum ipsum sit necessarium, stringens et indubium. conf. EVERH. A MIDDELBACH. *tr. de locis argum. legalibus.* Hoc etenim certissimi iuris est, leges ita scribi non posse, ut omnes casus, qui quandoque inciderint, comprehendantur. *l. 10. ff. de LL.* nec omnes articulos sigillatim legibus comprehendere posse, sed cum in aliqua causa sententia eorum manifesta est, is qui iurisdictioni præest ad similia procedere, atque ita ius dicere debet, *l. 12. ff. eod.* Nam quotiens lege vnum vel alterum definitum est, cætera, quæ tendunt ad eandem utilitatem, vel interpretatione vel certe iurisdictione facile suppleantur *l. 13. ff. eod.*

§. XXV. Nec abhorruerunt ab hac ratione argumentandi veteres Icti, siquidem in horum monumentis sæpissime vel verba legum expressa vel iustam interpretationem adduxerunt. Liquido hoc patet ex §. 10. *I. de L. Aquil.* ubi imp. ita: *illud non ex verbis legis, sed ex interpretatione placuit.* Et in §. vn. *I. de legit. patron. tut.* dicitur notanter, *quæ tutela et ipsa legitima vocatur, non quia nominatim in ea lege (XII. Tabb.) de hac tutela caueatur, sed quia perinde accepta est per interpretationem, ac si verbis legis introducta esset.* Imo et Icti aliquando non tam verba legum, quam mentem eius sequuntur, ut est textus in *l. 13. §. 2. ff. de excus.* ubi Ictus ait: *Etsi maxime verba legis hunc habeant intellectum, tamen mens legislatoris aliud vult.* Non enim

nim quid dixerit, sed quid intellexerit legislator aduertendum est. *l. 19. ff. de condit. et demonstr. CARPZ. 3. 3. 16. n. 12.* Add. FINCKELTH. *controu. feudal. in præfat. ad lectorem*, ubi ait: *quæ est totius iurisprudentiæ autoritas, nisi ea confirmetur vel certo iuris textu, vel solida iuris ratione?* et paulo post: *Verissimum est quod D. sine legibus, adde et sine ratione iuris, sit tanquam comes sine comitatu, fides absque operibus etc.* Huc denique refer, quæ STRVV. *synt. iur. feud. c. 1. aph. 14.* differit. Non statim, ait, expressis verbis deficientibus dicendum est, casum ex iure feudali non posse decidi, sed tunc demum, quando nullo legitimo interpretandi modo ius feudale ad casum obuenientem applicari potest. *conf. l. 1. §. 2. quod. fals. tut. gest. esse dic.*

§. XXVI. Quo posito et confirmato axiomate, perinde esse arbitramur, an per verba legis expressa sententia quædam probetur, an vero per interpretationem sensus legislatoris legitime declaretur, et ita sententia firmetur; imo cum omnis anima legis consistat in *ratione legis*, de expressis verbis anxie esse sollicitum, ubi de ratione constat, hominis minus accurati esse videtur. Iudicat de hac re egregie EVERH. *in loc. lege cess. n. 3.* dicens: *Lex non consistit in verbis, sed in sensu, non in superficie, sed in medulla, non in sermonum foliis, sed in radice rationis.* Idem quoque in *loco rat. leg. larg.* ait, quod ratio legis sit anima legis, et ex ea mens legislatoris colligatur. Imo lex est ipsa, et ideo dicitur ius supplere *l. 13. §. 2. d. excus. WESEMB. consil. 2. n. 2. conf. GOTHOFER. in not. ad l. cum pater filios 77. §. dulcissimis 20. ff. de legat. 2. lit. d. ubi eleg. ait: Ratio legem ampliat et declarat, tanquam mens et anima dispositionis, verbis perfertur ut anima corpori: casus expressos continet;*



*net ; ut ne omitti intelligantur , continet , inquam , ut genus species continet.*

§. XXVII. His ita suppositis neminem amplius fore arbitramur , qui , licet verba legis expressa hic deficere videantur , non tamen recurrere nobiscum velit ad sensum et rationem legis , et ita quæstionem propositam per legitimam interpretationem decidere. Vt ex antecedentibus liquet , legislatorum cura circa ordinationem testamentorum in eo maxime fuit occupata , ut variis mediis præscriptis omnem amputarent occasionem heredipetis , fraudibusque testatorem circumueniendi. Hunc in finem in cæcorum testamentis aliquid singulare in antecedentibus animaduertimus , scil. prælectionis necessitatem , adducta ratione ex ipso textu , quæ satis necessitatem illam firmat. Et hæc quidem , quæ hætenus de prælectione facienda dicta , κατὰ τὸ ῥητὸν spectant ad testamenta cæcorum ; eadem vero de testamentis τῶν ἀναλφαβήτων dici iure non contradicente , sed approbante et confirmante debere , conuincunt RATIONIS GENERALITAS , IDENTITAS et CAUSÆ FINALIS NECESSITAS , quæ utrobique dominantur. *Generalitas rationis* in eo cernitur , dum ea , quam §. V. attulimus , tam generalis est , ut ad casum testamenti a cæco conditi restringi nullo iure possit. Sicuti iam latior ratio legis octauæ est ipsa dispositione , et attingit etiam testamentum τῷ ἀναλφαβήτῃ , ita etiam dispositio , quæ de cæcis tantum loquitur , extendi debet ad ἀναλφαβήτες. Si enim recte inspiciatur , utrumque casum continet sinu suo , in utroque casu insidiis non relinquit locum , dum tot oculis testium spectata , totque insinuata auribus sit. Quando autem lex loquitur in casu speciali , et ratio illius legis est generalis , tunc debet extendi ad alios casus *l. 9. §. 5. ff. de I. et F. ignor. ibique BARTOL. et GOTHFR.*

THOFR. *lit. l.* Et huiusmodi argumentum a ratione legis generali et larga sumtum est fortissimum frequentissimum et utilissimum, EVERH. *in loc. a rat. leg. larg. n. 1.* et procedit etiamsi causa impulsiva sit stricta, dummodo finalis fuerit larga. *Id. n. 3.*

§. XXVIII. *Identitas rationis*, indeque ductum argumentum hic potissimum prædominatur. Si quidem inter casum hunc et *legis 8. C. qui test. fac. poss.* plenissima est similitudo et paritas rationis, cum eadem facilitate absque prælectione ἀναλόγητος decipi queat, qua cæcus. Nam respectu scripturæ est in effectu cæcus, et scriptor eum simili modo circumvenire potest ut cæcum; ut parum absit, quin iuxta *l. 29. C. de testam.* asseramus talem fere mortuo esse similem, id quod quidem alii explicant de morbi gravitate, sed si recte omnia inspiciantur, et regula: antecedentia declarant consequentia; applicetur, in proclivi erit contrarium asserere. Sicuti enim in antecedentibus distinxerat morbi acerbitatem et imperitiam literarum, ita frustra verba frequentia: *qui neque scribere, neque articulate loqui potest*, quæ tamen se referre debent ad antecedentia, coniunguntur, quin potius, *non posse articulate loqui* ad acerbitatem morbi, et *non posse scribere* ad literarum imperitiam spectat. Imo in tantum in his duobus casibus identitas rationis dominatur, ut extorquere diuersitatem rationis non modo difficile, sed plane impossibile sit. Ut adeoque dissentientes inuitis plane dentibus tandem concedere cogantur, non tantum a generalitate rationis *legis 8.* extensionem fieri debere ad *l. 21. C. de testam.* sed cum omnino accedat rationis identitas, hoc requisitum prælectionis quoad ἀναλόγητον habendum fere esse pro expresso. Nam de *similibus* ad similia regulariter in iure fit extensio ANDR. ALCIAT.

Tom. IV.

Aaa aaa

L. 2.

*l. 2. de V. S. n. 32. conf. l. 34. §. 7. ff. de contrab. emt. verb. idemque porrigendum ad similia.* Imo quando et eadem ratio et penitus omnimoda similitudo subest, tunc non proprie dicitur extensio, sed potius inclusio propter identitatem rationis *Euerb. in loc. rat. leg. larg. n. 55. et Alciat. ad l. 6. ff. de V. S. n. 1. verb. ex legibus.* Nam, ait TERTULL. in *l. 27. ff. de LL. quasi hoc de legibus credi oportet, ut ad eas quoque personas et ad eas res pertineant, quae quandoque similes erunt.* Quos proinde calus nequit paritas æquitatis et identitas rationis, non sunt quoad iuris dispositionem separandi *EVERH. in loco simil. n. 1. et cum in casu l. 8. C. qui testam. fac. poss.* sententia manifesta sit, is qui iurisdictioni præest, ad similia et sic etiam ad casum *l. 21. C. de testam. procedere debet sec. L. 12. ff. de LL.*

§. XXIX. Sed dicis: frustranea, hæc omnia videntur cum planissima diuersitatis ratio in promptu sit. Quis nescit, distare cæcum ab imperito literarum, qui tamen vilu gaudet, ut solem a tenebris? Et hæc diuersitas quidem tanta est, ut eam nec negare possit, qui vel comuni tantum gaudet sensu. Ego vero ad hoc ipsum nihil aliud regero, quam quod concedam totum argumentum. Siquidem hæc quæ afferuntur, sunt ἀπερὸςδύονυσα et ἀδότης, eamque diuersitatem non arguunt, quam hic requirimus. Sicuti enim in hoc nostro argumento similitudo a *paritate rationis* desumitur, ita etiam diuersitas a *disparitate rationis* delumi debuisset. Non enim sunt confundenda *similia* cum his, quæ dicuntur *eadem*, quorum tamen diuersa datur definitio. Nul- lum simile est idem, *EVERH. in loc. a simil. 4. et 5.* sed potius rerum differentium eadem comparatio. *Id. n. 5.* Imo non sufficit allegare aliquam dissimilitudinem *in genere*, sed  
debet

debet esse dissimilitudo in eo, ad quod fit comparatio *Id. n. 6.* Notum quoque est, quod non adeo infrequenter aliis quoque in negotiis cæcus et imperitus coniungantur, sicut factum in *l. alioqui 11. pr. ff. de contr. E. V.* ubi editio Florentina sine dubio corrupta est. Videlicet lege: *si cæcus emtor fuerit, vel si in materia erretur a minus perito discernendarum materiarum*, ubi ita coniunctim Vlp. de iis decisionem format. Hinc et Gothofr. in *not. ad c. lit. b.* ex hoc text. ita infert: *vere non potest videre cæcus, præsumtue vero non videt minus peritus discernendi*, ut paria hic sint *cæcus et minus peritus discernendi*, quia uterque æque facile errare et æque facile falli potest.

§. XXX. Imo vero, pergis, hæc extensio fundamento caret, nam quæ hactenus in medium allata sunt, tum demum locum habent, ubi casus in iure non sunt expressi, et hoc modo intelligendæ sunt leges citatæ *12. 13. de LL.* Iam autem habemus clara verba, clarum textum in *l. 21. C. de testam.* ubi hic casus, quomodo ἀναλφάβητος testari debeat, perspicue deciditur. Ego vero illa clara verba, illum clarum textum non video; in illa lege disponi de testamentis imperitorum litterarum, hoc requisitum autem excludi non video, nec deprehendo quæstionem quam hic tractamus, ibi expressis verbis esse decisam. Cur ergo non fieret extensio? cur non diceretur, hoc requisitum comprehendere sub dispositione *l. 8. cit.* Constat testamenti factio pluribus articulis, et quorundam eorum expressio in iure non statim excludit reliqua, sed potius legitima interpretatio facit, ut non expressi suppleantur. Vnde et *l. 12. ff. de LL.* notanter ait: *non omnes articuli sigillatim legibus comprehendendi possunt*, quod nullo iure obstante etiam ita intelligi potest, quod non omnia re-

quisita sigillatim legibus comprehendi et verbis exprimi possint, præsertim ubi ex ipsa rei natura, ut in nostro casu, dependent, ubi ne quidem necessaria erit expressio. Et subinde casus in iure expressi ita debent esse comparati, ut præcise diuersimode de illis fuerit dispositum; et ratio istius tum est, quod casus prouisus et expressus faciat silere et cessare tacitum EVERH. *in loc. a simil. n. 11.* ubi hanc limitationem dissentientium declarat. Iam autem in nostra questione nihil diuersimode in iure inuenitur dispositum, sed potius casus hic in *l. 12.* est omissus quoad verba. Imo cum GOTHOFREDO ad *cit. l. lit. 2.* dubitare quis posset, an etiam lex *cit. 12.* loqueretur de illis, qui legere nequeunt. Loqui enim lex tantum videtur de his, qui literas ignorant, vel subscribere nequeunt, ut scil. loco eorum octauus testis subscribat. Quid ergo obstat, quo minus dicamus, legem hanc pertinere ad imperitos scribendi, vel qui alio modo subscribere nequeunt, qui tamen periti legendi sunt. His autem prælectionem non iniungunt leges, cum hi ipsi dictis fraudibus non sint obnoxii, sed ipsimet testamentum ab alio scriptum relegere possint. Conf. STRYK. *disp. de iure analphab. cap. 4. n. 20.*

§. XXXI. Neque infrequens in iure est, certo casu aliquod requisitum exprimi, in simili casu autem plane omitti, ut tamen per *interpretationem legitimam* eo reduci omnino debeat. Docet id ipsum §. 15. *I. de L. Aquil.* ad cuius imitationem hic eodem modo dicere possumus: Requisitum hoc prælectionis quidem in *l. 21. C. de testam.* non adiicitur, sed tamen perinde habendum, ac si etiam hæc lege illud adiectum fuisset. Nam legislatores contenti fuerunt, quod in *l. 8, C. qui test. fac. poss.* illius iam fuerit facta mentio. In his

his ergo casibus plura non possunt addi requisita, vbi legislator ea dilerte *determinauit et ad certum numerum restrinxit*, non vbi nihil horum factum est. Siquidem per nudam enumerationem vnus alteriusque requisiti in lege quadam non statim exhauritur tota substantia ipsius actus, sed ex pluribus et diuersis locis sæpe ea colligi, et per interpretationem nonnunquam ex natura ipsius negotii suppleri debet. Ergo non est verisimile, voluisse imperatores in *d. l. 21.* (posito sed non concessio, quod etiam intelligi possit de analphabeto quoad picturam literarum) per adductionem vnus requisiti excludere alia, et imprimis ea, quæ *in ipsa rei natura* fundantur. Iam autem quod alienum est a verosimili, est quædam falsitatis imago, nec facile credendum illud, quod facile fieri non potest. *B V E R H. in loc. a verisf. n. 11. et 12.*

§. XXXII. In aliis quoque, vbi eadem ratione imperitus literarum facile decipi ac falli potest quoad scripturam, videmus legislatores de eo sollicitos fuisse, ne ob imperitiam deciperentur. Hinc in *Novell. 78. c. 8. et seqq.* et inde desumpta *auth. sed nouo iure. C. si cert. per.* præscripta sunt certa requisita eis, qui in scriptis contrahere cum imperitis literarum volunt, vbi requiruntur inter alia quinque testes fide digni, vt eo minus scripturæ aliquid inferi contra eius voluntatem possit, quin potius hi de eo, quod actum, testimonium perhibeant. Neque enim dubium est, quin prælectio contrahentibus et testibus fieri debeat, cum clarus hac de re textus sit in *R. I. de Anno 1512.* Von Unterricht der Notarien. Und am meisten. Verba huc pertinentia sunt seqq. Und am meisten und insonderheit ist solches zu halten in den Contracten und Handeln, darin zu ihrer Substanz Schrift gehöret. Ja alsdenn fodert die Nothdurfft,



daß alle und jede Puncten den Parthenen und Zeugen von Wort zu Wort vorgelesen werden. Quod iam hic in genere de quibuscunque contractibus dicitur, id multo magis in imperitorum contractibus obseruandum. Sed de *contractibus non praelectis* forsan peculiari dissertatione V. D. commodior agendi ratio erit.

§. XXXIII. Tandem *necessitas causae finalis* hoc requisitum praelectionis desiderat, ita vt alia ratione testamentum imperitorum sustineri nequeat. Sicuti vero necessitas in moralibus ius facit, ita itidem hic necessitas requirens praelectionem non tantum ius facit, sed etiam praelectione ommissa suspectam ac dubiam reddit voluntatem. Id quod cum legislatores remouere summo studio voluerunt, certa quoque media adhiberi voluerunt, absque quibus fraudes remoueri non poterant. Argumentor: *Si imperatores serio voluerunt, vt in ordinandis testamentis et praesertim eorum, qui magis fraudibus expositi sunt, (quales sunt cœci et imperiti literarum) omnis ratio fraudes fouens e medio tolleretur, contra vero vltima voluntas testatoris sincera et illibata conseruaretur, certe idem etiam maxime voluerunt, vt talia media adhiberentur, sine quibus ille finis obtineri non posset.* Concesso enim et posito fine, concessa etiam et posita videntur omnia, per quæ ad illam finem deuenitur. EVERH. in l. a concess. conseq. n. 1. Iam autem sine medio praelectionis legitimo modo factæ in praesentia testium in casu, vbi ἀνὸς ὁ δὲ βῆτος, seu qui legendi scripturam peritia destituitur, testatur, non potest finis et intentio legislatorum obtineri, ceu iam in antecedentibus fusius declaratum. Conf. colleg. Argent. lib. 28. tit. 1. n. 19. vbi ait: *nihil facilius est, quam scriptorem testamento aliquid adiicere, quod sit præter voluntatem*

*tatem testatoris et id ipsum tamen in prælegendo præterire, qua ratione vera iudicia facile subuertuntur.* Omnis autem ratio subuertendi vera iudicia est vitanda et damnanda.

§. XXXIV. Nihil iam superest, quam ut hanc ponamus sententiam. Vbi deficit requisitum prælectionis legitimo modo coram testibus factæ in testamento literarum imperiti, ibi non est certa et indubia testatio mentis. Vbi autem non est certa et indubia testatio mentis, ibi nec testamentum. Testamentum enim dicitur quasi *testatio mentis* i. e. voluntatis. *pr. I. de ordin. testam.* vbi HARPR. ad illum §. notat, *mentis* vocabulum *emphasis causa* ad maiorem rei expressionem et declarationem esse adiectam, ac si imperator dixisset: *Testamentum esse maiorem mentis et voluntatis nostræ significationem, quam ullam aliam testationem.* Instas: argumentum hoc videtur inane esse, quippe ab *Etymologia* desumptum. Respondeo, licet eiusmodi argumentum *affirmatiue* non valeat, valet tamen, vbi *negatiue* conceptum, et Etymologia ab *essentiali natura vocabuli*, ut hic sumta est, prout hoc eodem exemplo eleganter declarat EVERH. in loc. ab *Etymol. n. 9.*

§. XXXV. Et in hanc sententiam mecum descendunt plurimi cordationum et praxin obleruantium ICtorum, et inprimis *coll. Arg. lib. 28. lit. 1. n. 19.* vbi dilerte cœcum et ἀναλφαβήτων coniungit, B. BRVNN. ad l. 8. C. qui testam. facere poss. STRYK. *dissert. de iure ἀναλφαβήτων c. 4. n. 24.* vbi simul Cothmanno respondet. CARPZ. *decis. integra 149.* vbi videtur corrigere, quod in *lib. 6. resp. 9. n. 16.* posuerat, ENGELBRECHT *compend. iur. disp. 17. §. 4. in f.* vbi et hanc rationem ponit, quod alioquin soli scriptori ut vnico testi crederetur, id quod tamen recta ratio et iuris non admittit,

mittit, DION. GOTHOFER. in not. ad l. 21. C. de testam. lit. Z. MANZIUS de testam. val. et inual. tit. 5. qu. 8. BESOLD. consil. 230. n. 3. seqq. Subiiciamus denique responsum inclutorum ICtorum, qui testamentum eiusmodi legitima prælectione destitutum nullum declararunt, verba eius sunt sequentia: Daß nöthig sey, wenn der Testator nicht schreiben und lesen kan, daß ein testamentum in scriptis dem Testatori vorgelesen werde, kan nicht allein ex exemplo testatoris cæci, cuius in puncto præsentis eadem ratio; auch nicht allein aus der Inform. Notar. Maximil. I. de A. 1512. tit. von Testamenten §. 5. sondern wird auch erwiesen ab absurdo, denn es ja ein ungereimet Ding ist, daß fides scripti testamenti nur von einer Person nemlich Notario dependiren solle. Nam sic in potestate vnius hominis situm esset, modum et formam testandi multis vigiliis ad præcauendam fraudem excogitatam pro lubitu euertere et sic contenta testamenti in vnius hominis arbitrio consisterent. Besold. conf. 230. n. 5. seqq. Carpz. dec. 149. der zwar de testamento iudiciali redet, aber es ist eadem ratio testamenti scripti priuati. Conf. Cothm. vol. 4. conf. 33. n. 24. derhalben auch in Württemberg. Pand. Recht wohl versehen, daß in testamento eius, qui nec scribere nec scripta legere potest, drey Personen adhibiret werden: nemlich scriptor, subscriptor et prælector, teste BESOLD. d. l. cum etiam consuetudine fieri nequeat, ut vni personæ etiam notario plene credatur Farin. qu. 63. n. 8. etc. Vltimo hic notamus, quod etiam ius Culm. lib. 1. tit. 8. c. 6. necessitatem huius requisiti habeat.

§. XXXVI. Ad contrarias supra allatas rationes iam facilis erit responsio, et quidem quod ad primam in §. XI. attinet, ei iam satisfactum est in supra deductis, cui et STRYK.  
supra

supra c. l. respondit, adeo ut hic saltem simpliciter negemus, hoc requisitum in legibus non contineri. Non possumus tamen non obiter hac occasione quædam annectere hic de abusu Brocardicorum huiusmodi, quæ sæpius sine limatiori iudicio allegantur, et ad quæ prouocari tanquam ad palladium quoddam fortissimum solet. Vbi non vociferationes in foro quotidianæ? *Clara verba sunt, Lege distinguente nec nostrum est distinguere, quod non est mutatum, cur stare prohibeatur? quod lex non cantat, nec nos cantare debemus* etc. Crederes poetam audire, nisi durities Rabulam indicaret. Hæc, inquam, et similia Brocardica propter peruersam applicationem Rabulistica sunt, non iuridica. Destruunt enim et remouent omnem interpretandi rationem, in qua magna pars iurisprudentiæ consistit. Proficuum sane loquetur, talia et similia Brocardica colligere, et peculiari labore abulum eorum ostendere.

§. XXXVII. Ad secundum in §. XII. a verosimili peti-  
tum argumentum respondemus, omne verosimile et inde de-  
ductum argumentum fundari et niti *præsumptione*. Iam au-  
tem ubi duæ præsumptiones concurrunt, minor cedit maiori.  
Ponamus ergo, non concedentes tamen, esse præsumptionem,  
quod legislatores noluerint hoc requisitum admittere eo ipso,  
quod non expresserint, cum tamen in re tam magni præiudi-  
cii id exprimi necessarium fuisset; certe hæc præsumptio, si  
qua talis est, et infirmior et minor est præsumptione altera,  
qua præsumuntur legislatores noluisse excludere ea, quæ in  
*ipsa natura rei* sunt fundata, seu noluisse permittere, ut im-  
periti literarum fraudibus in testamentis condendis expone-  
rentur, et eorum testandi ratio difficilis, dubia, impedita  
et incerta redderetur. Hæc sane maior præsumptio est et fa-  
uorabilior, quippe vltimis voluntatibus maxime fauens.

Tom. IV.

Bbb bbb

Dein-

Deinde non præcise necessarium fuit, ceu aliquoties iam dictum, illud exprimere denuo, cum iam illud iufficienter expressum fuerit in testamentis cæcorum et ipsa *rei natura* id postulet.

§. XXXVIII. Tertia in §. XIII. comprehensa dissentientium ratio speciosa quidem videtur, sed tamen inanis est. In voce *eadem*, quæ habetur in *l. 21. sæpe cit.* præsidium quarunt, putantes hac voce solum testandi rationem quoad peritos literarum includi, excludi autem alia requisita. Sed male a dissentientibus torquetur indoles vocis *idem*. Est enim hæc vox dictio *relatiua* et repetit saltim qualitates in præcedenti dispositione expressas: STRAVCH. in *lexic. part. iur. voc. idem.* non vero est *exclusiua*; vt scil. præterea non admittat alia, quorum in præcedentibus non fuit facta mentio. Iam omnino concedimus, in testamento imperitorum literarum eadem requiri, quæ in testamentis peritorum, ceu in *d. l.* asseritur; sed hæc non solum, sed etiam insuper requisitum prælectionis necessarium esse, supra euicimus. Imo ceu monitum, adhuc dubium est, an ille textus etiam illos, qui peritia legendi non gaudent, comprehendat.

§. XXXIX. Quartum argumentum in §. XIV. videtur quodammodo *ab ordine* petatum, cui tamen respondemus, quod vbi constat sufficienter de intentione legislatoris, tunc non attendamus ad ordinem, indeque frustra petatur coniectura voluntatis legislatoris. Quid quod nec adeo inepte coniunxit Imp. peritos et imperitos literarum, respiciendo ad id, quod a contrariis stent partibus. In prima enim parte agitur de peritis, ergo in altera recte agi potuit de imperitis, nec propterea imperatoribus vitium absurditatis imputandum. Neque vero inde colligi potest, quod Imperatores eo ipso voluerint, vt imperiti literarum non alium sectarentur

rentur modum testandi, quam qui peritis literarum est præscriptus. Probabilitas solum inde erui posset, si non dubium esset, an etiam pertineret illa lex ad eos, qui etiam legere nequeunt. Hæc tamen nulla est, vbi maior probabilitas et præsumptio contra eam pugnat EVERH. *in loc. a verosimil.*

§. XL. Quinta ratio in §. XV. plane nihil præsidii dissentientibus adfert. Primo enim fallum est, quod *adequata ratio l. 8. C. qui testam. fac. poss.* sit hæc: *ne falsum pro vero supponatur testamentum.* Quin potius adæquata et vera ratio in verbis finalibus *l. 8.* continetur, quam supra §. V. dedimus. Et licet concederemus, quod tamen fieri non potest ob expressa legum verba, hanc, quam dissentientes afferunt, esse veram et adæquatam istius legis octauæ rationem, tamen inde nulla diuersitas argui posset. Licet enim factum suppositionis in oculos incurrat, ita tamen est comparatum, vt præsupponat peritiam legendi. Quomodo enim v. c. scire poterit ἀναλφάβητος, illud, quod in ipso actu testandi profertur, quodque ipsi priuatim prælectum quidem, sed absque testibus est, esse verum testamentum et non supposititium? an non aliud supponi clam variis artibus potuit?

§. XLI. Sextum argumentum in §. XVI. ideo prælectionem non asserendam statuit, ne *secreta* testamenti diuulgarentur, imo ne secreta patrimonii panderentur, et deinde, quod fraus regulariter non præsumatur. Continentur hic duo capita, ad quæ distincte respondebimus, et quidem ad prius, quod regulariter verum sit, quod nemo cogatur, vt *secreta testamenti* et patrimonii pandat. At vero vbi *ratio necessitans et vrgens* adest, quæ contrarium præcipit, nec huic regulæ amplius inhærent legislatores. Sic in testamento cæcorum, cum ibi ratio necessitans adsit, omnino hæc non attendunt, sed præcise sub pœna nullitatis volunt, vt testibus te-



stamentum prælegatur, et sic secreta eius pandantur. Simili modo hic quoque illa ratio non amplius attendi debet, cum maior ratio præcipiat prælectionem. Neque etiam eo ipso quod prælectio testamenti vel coram testibus omnibus, vel coram notario nulla suspicione laborante et duobus testibus fieri debeat, statim panduntur secreta testamenti et patrimonii. Dantur media, quibus constringi possunt testes, ad non diuulganda ea, quæ audiuerunt; v. c. *iuramento*, vel *literis reuersalibus*, quibus pollicentur loco iuramenti an *Engl. des statt*, et ubi conditio testium adest, *ben Caualliers parole*, quod nolint diuulgare ea, quæ ex prælectione nota eis sunt facta, ceu in testamento cæci alicuius obseruauit. Quin multo minor metus adest in eo casu, ubi saltem prælectio fit coram notario et testibus duobus, quod fieri posse concedimus. Et quid diceremus, si plane nuncupatiue testaretur? ubi sane ad omnium scientiam vltimæ voluntatis dispositio venit. Et quanquam sic ad futuram rei memoriam a notario in scripturam redigatur, cum tamen substantia testamenti eo ipso non mutetur, prælectio quoque non adeo necessaria esse videtur. Verum hic notariis legem præscribit *R. I. d. A. 1512. von Testamenten §. weiter so ist auch. 47.* verba sunt sequentia: weiter so ist auch einen jeden Testament, ob es gleich nuncupatiuum als ohn Schrift gemacht wäre, nöthig, daß alle Handlungen, so zu solches Testamenti auffrichtung ergangen, und aufgeschrieben wären, vor dem Testirer und Zeugen, ehe den sie von einander scheiden, vorgelesen werden *conf. PEREGR. decis. 80. n. 7. BESOLD. p. 5. consil. 203. n. 13. DAVTH. d. testam. p. 300. n. 404.* Ad posterius membrum respondemus (1) cum *BESOLD. conf. 230. n. 9. licet quilibet præsumatur bonus, si tamen de tertii præiudicio agitur, tunc seposita integritatis coniectura ad legitimam acceditur pro-*

*probationem, quæ probatio vel ad solennitatis vel fidei questionem spectat. Solennitatis probatio in testantium voluntate exprimenda consideratur, fidei nuda probatio in aliis hominum actibus sufficit, in quibus tamen unico testi, etiam in senatoria aut præfidiâ dignitate constituto, non creditur. Vnde nec soli notario absque testibus prælectionem a se factam esse attestanti creditur, ceu patet ex responso hanc in rem supra allato. Imo nec ipsi testatori serio asserenti vel in iudicio vel extra iudicium coram notario et testibus sibi domi testamentum fuisse prælectum, iudex fidem adhibere potest; multa enim dicuntur, quæ vera non sunt, adeoque ad minimum duo testes producendi sunt, qui prælectionem iurato asseuerent. STRYK. diff. de ἀναλφάτ. c. 4. n. ult. Nec enim in dubio præsumitur prælectio, sed probanda est, et quidem non nuda notarii vel alterius prælectoris subscriptione ac assertionem, sed congruo testium numero, ceu ait BESOOLD. consil. 230. n. 9. Nam ita debet esse comparata, ut omnis absit suspicio, cum testamenta ex solius testantis et non alterius arbitrio pendere debeant Id. conf. 302. n. 15. Deinde hoc argumentum si esset vniuersale, cur in testamentis cæcorum aliud esset dispositum? cur in iure tam variaz cautelæ subministrarentur? inutiles enim essent, nisi fraus frequentior timeri deberet, quam leges in causâ tam præiudiciali iuste suspicantur.*

§. XLII. Septimum argumentum huc redit, quod, si nostræ assertioni esset inhærendum, nec *l. 21. C. de testam* nec ipse *R. I. de an. 1512.* foret sufficiens informatio notariorum, quin potius seductio, id quod absurdum. Verum absurdi naturam non intelligit, qui talia profert. Imo inuertamus argumentum, idemque absurdum dissentientibus retorqueamus hoc modo: Aut statuendum prælectionem in

Bbb bbb 3

testa-

testamentis ἀναλφάβητων omnino esse necessariam, aut vero dicendum *LL. alleg.* esse insufficientes, antequam fraudibus dare, et viam ad varia sternere delicta. Posterius asserere per absurdum foret, cum hoc plane et rectæ rationi et menti intentionique legislatorum sagacissimorum repugnaret. Ergo prius omnino asserendum. Consequentiarum necessitas firmiter suum petit ex hactenus declaratis rationibus. E contrario consequentia argumenti a dissentientibus allati sane nulla est. Non enim sequitur: (vt supra euicimus) hoc requisitum expressis verbis in legibus non continetur; ergo omnino in illis non continetur. Proinde est et manet *R. I. de an. 1512.* plena informatio notariorum, licet nec ibi, nec in *cit. l. 29.* mentio expressa huius requisiti fiat, quod ideo factum putamus, quia illa constitutio Maximil. est tantum nuda versio germanica *l. famosissima 21.* adeoque in illa nihil additum, quod expressis verbis non comprehensum fuit in *cit. l. 21.* Neque adeo necessarium fuit, hoc requisitum ibi exprimere, cum sufficiebat, quod paulo post in illa ipsa constitutione forma cæcis præscripta exhiberetur §. *Aber zu eis nes Blinden ic.* cui ε ἀναλφάβητος quoque se conformare debet.

§. XLIII. In argumento octauo plura continentur, ad quæ respondendum est. Quod a) ad *l. 29. C. de testam.* attinet, quam putant correctam esse per *auth.* subiectam et *Novell. 119. c. 9.* mens legis inspicienda erit, vt inde de mente dissentientium rectius constet. Scil. hic est legis scopus, vt si quis propter imperitiam literarum *nomen heredis scribere* nequeat, tum testibus testamenti præsentibus nomen vel nomina heredis vel heredum a testatore nuncupentur, vt omnimodo sciant testes, qui scripti sint heredes, et ita certo heredis nomine successio procedat. Hæc lex quam proxime

me assertioni nostræ accedit, eam tamen putant esse correctam per subiectam *auth.* At vero *Nouella 119. c. 9.* quæ fons est *auth. et non obseruato*, æque inspecta, euidenter apparet, ibi tantum corrigi *cit. L. 29.* quæ de nomine heredis vel manu propria testatoris, vel, si hic scribere nequit, per testes scribendo disponit, eamque correctionem dilerte ad hoc argumentum restringi in verbis: *Aut testator aut manu propria aut per testes nomina heredum scribat in testamento.* Iam autem correctio non est dilatanda sed restringenda, cum sit odiosa per *c. Odia de R. I. in 6.* Itaque per hanc correctionem non hoc voluit legislator, quasi prælectio coram testibus non amplius esset necessaria, sed subtilem solennitatem sustulit, ratione scripturæ seu expressionis nominis heredis. Ceterum a STEPHANO adductæ rationes ponderis exigui sunt. Prima ex superius deductis refelli potest. Licet enim testator contenta testamenti sine testibus priuatim sibi prælegi curauerit, tamen suspicio fraudis non cessat. Collusiones emergere solent variæ et exempla docent, quam rara fides sit, ubi de lucro captando quæritur. Imo repugnat hæc ratio ipsis principiis iuris ciuilis, dum vult vt vnico testi credatur, quod tamen absolum est. Ergo falsum est, impossibile esse, vt fraus a scriptore admittatur. Denique si hæc ratio valida esset, non necessarium fuisset, aliam cæcis præscribere formam testandi quam visu gaudentibus, cum idem et de cæcis possit dici. Conf. CARPZOV. *d. decis. 149. n. 16.* ubi idem huic rationi respondet, et *n. 21.* DAVTHII anxium laborem, quo ex nudis præsumptionibus hoc casu certitudinem aliquam effingere conatur, deridet. Secundæ rationi satisfecit §. 41. Ex tertia denique, quæ est *Cuiacii*, non infringitur hæc nostra assertio, vt nec ex forma testandi cæcis præscripta tollitur discrimen inter scriptum testamentum et nuncupatium.

Sicuti

Sicuti enim casus, quibus cæci vel imperiti literarum testamenta condunt, præ reliquis extraordinario iure vtuntur, quod in iis facilius suspicio fraudis timeri possit, ita etiam necessarium fuit, in iis adhibere *mixtum quoddam genus testandi*.

§. XLIV. Nonum argumentum petit id, quod est in principio: Est enim *γενόμενον*, an praxis tam vetus quam hodierna contrarium habeat? Imo quod hodiernam concernit, omnino falsa est dissentientium opinio, testibus ICtis §. XXXV. excitatis, in praxi satis conspicuis eodemque iure nomen Coryphæorum legum prudentum merentibus, quo Cerbidi-  
us Sczuola et Iulius Paulus et Domitius Ulpianus in *l. scire oportet. 13. §. 2. ff. de excus. tut.* et iam dudum nomine suo immortales facti. Quid quod si de obseruantia fori certandum esset, non deorent hanc in rem adducenda præiudicia. Et licet hæcenus contra prælectionem fuisset iudicatum, quod tamen neutiquam asseri potest, errore et contra rationem fuisse iudicatum dicendum est, ex quo obseruantia nulla est. *l. quod non ratione 39. ff. de LL. §. ult. I. de satisd.* Adeoque et aliquoties animaduerti, in nostro casu, vbi *ἀναλ-φάβητος* testamentum condit, a peritis et cautis notariis hoc requisitum non negligi. Solent enim post testamentum novam attestationem adiicere, qua testes, qui prælectioni adfuerunt, diligenterque tabulas inspexerunt, profitentur, se adfuisse prælectioni. v. c. Dieses Testament ist kurz vor dessen Vollenziehung von uns dreien hernachgesetzten Personen dem Testator N. N. von Wort zu Wort deutlich vorgelesen, also daß wir alle dreien zugleich auff die Schrift gesehen, und wie er bekant, daß alles auf sein Geheiß geschrieben sey, so haben wir dieses kurze documentum factæ prælectionis et approbationis hierunter gesetzt, wie es denn auch

auch so fort darauff von denen darzu erforderthen 8. Zeugen gehörig vollenzogen werden.

Actum N. d. 29. Mart. 1697.

H. S. H. H. VB.

§. XLV. Satis ergo euictum esse hoc requisitum existimamus, et quidem in casu, vbi testamentum *extra iudicium* ab imperito literarum conditur. Cæterum de *iudiciali* grauior emergit quæstio; videl. *an testamentum ab imperito literarum conditum iudicialiter debeat aperiri, et vbi affertur iudici, in iudicio testatori prælegi?* CARPZ. decis. 149. hanc quæstionem ita resoluit, vt omnino prælectionem requirat, alioquin testamentum non subsistere declaret: quam tamen sententiam A. 1679. tractatu exiguo quodammodo impugnauit IEREMIAS ERSCHEL, aduocatus Weissenfeldensis. Proponit in illo tractatu, ceu titulus docet, *drey rare casus*, quorum primus est, ob einen Schreiben und Lesens unerfahrenen sein in Schriften, verfaßter letzter Wille bey *insinuation* von dem Gerichts- Personen wiederumb nothwendig eröffnet und demselben vorgelesen werden müsse? Et hanc sententiam negatiuam per argumenta plurima defendit, vbi infimul non videtur abhorre ab illis, qui prælectionem etiam in testamento extraiudiciali reiiciunt, ceu eius rationes docent. In cuiusnam autem castra hic sit trans-eundum, iudicare difficile non erit. Videlicet cum etiam in iudiciali testamento, in quo prælectio omnis vel saltem legitima deficit, non excludatur suspicio fraudis, sed, licet vel maxime a scriptore absque sufficienti testium numero priuatim domi testatori id sit prælectum, nihilominus tamen ipsum testatorem ambiguum esse oporteat, an tertius, cuius ope in consignando testamento vsus est, bona fide e-

Tom. IV.

Ccc ccc

gerit,



gerit, nec forsan alius ad prælegendum requisitus cum scribente colluserit, et sic ambo testatorem fefellerint, hinc diversitas nulla inter iudiciale et extraiudiciale statui hic potest, quin potius in iudicio testamentum prælegendum testatori. Interim si legitime coram notario et testibus prælectio facta fuerit, antequam iudici insinuatam sit, cum tunc cesset suspicio fraudis, prælectionem in iudicio repetendam non arbitror. Fine enim obtento cessant media.

§. XLVI. Ceterum citatus ERSCHEL plures ibi coarceuat rationes, quæ partim ipsam prælectionem in se, partim prælectionem iudicalem impugnant. Quæ prælectionem in genere impugnant, a nobis supra pleraque iam sunt reiecta. Nimirum id maxime agit, ut ostendat literarum imperito non eandem præscriptam esse formam testandi, quæ est præscripta cæco, hac inprimis ex ratione, quod cæcus semper *nuncupatiue* testari debeat per verba initialia *l. 8. C. qui test. fac. poss.* literarum autem imperitus etiam *in scriptis* ultimam suam ordinare possit voluntatem *l. 21. C. de testam.* Verum sicuti falsum est, quod cæcus tantum testari nuncupatiue possit, cum utique etiam scripturam adhibere debeat secund. *d. l. 8. C. qui test. facere poss.* et sic eius testamentum ex nuncupatio et scripto mixtum esse videatur, ceu superius iam demonstratum §. VII. ita pari ratione falsum quoque est, quod literarum imperitus nude in scriptis absque omni nuncupatione testari possit. Neque etiam inde, quod id testamentum ipsi sit prælegendum præsertim ubi ante ipsum testandi actum coram notario et duobus testibus prælectio fit, redditur testamentum statim nuncupatiuum, sed saltem participat aliquid de eius natura, et cum a potiori fiat denominatio, utique dici posset, imperi-

peritum literarum in scriptis testari, cum prælectio non coram omnibus fiat. Quod vero æquiparationem cæcorum et ἀναλφαβήτων concernit, quam non admittit, nec ex iure deduci posse putat, illa sufficienter ex supra deductis desumi potest, vbi simul COTHMANNO, quem tantopere pro se adducit, satisfactum, eoque ipso multa euertuntur, quæ ibi coaceruat. Quæ de fauore vltimarum voluntatum adducit, quod publice expediat suprema hominum iudicia exitum sortiri, *l. 5. ff. testam. quemad. aper. l. 12. de R. I.* et ne cassa et irrita fiant testantium iudicia *l. 1. C. de SS. eccles. l. vlt. §. f. C. commun. de leg. etc.* aliaque multa, quæ fauorem testamentis conciliare videntur, ibique plenius allegata sunt, hæc omnia sunt intelligenda de casu, vbi voluntas ipsa non in dubium vocatur, sed requisita omnia, quæ voluntatem respiciunt, adlunt; contra vero si de requisitis, quæ nudam spectant solennitatem et subtilitatem iuris ciuilis, quoddam suboritur dubium, tum sane in fauorem testamenti illud potius confirmandum, quam infirmandum. Hinc non recte hæc ad præsentem applicantur casum, vbi non de solennibus, sed de certitudine voluntatis quaestio est, vbi recte applicatur illud PAVLI in *l. Duo sunt Titii 30. ff. de testam. tut.* Tibi non ius deficit, sed probatio. Quæ supersunt ex supra declaratis refelli possunt.

§. XLVII. Quæ autem prælectionem *iudicialem* impugnant, partim ita sunt comparata, vt eam plane tollant, partim autem, vt eam per æquipollens adimpleri posse concedant. Prius negauimus supra, eo scil. casu, vbi de prælectione, sc. legitime facta non constat. Posterius nempe æquipollens admittimus sc. quod immediate ante actum testandi iudicialem testamentum coram notario et testibus duobus

bus prælegi possit, quia tunc cessat fraudis suspicio, et finis, qui per prælectionem iudiciale obtineri deberet, iam plene adsit. Vnde et bene sese habent, quæ in fine ex responsis Ictorum adducit, quæ maioris declarationis gratia annectamus. Sunt autem seqq. *Diuersa est ratio inter testamenta in iudicio incepta et perscripta et approbata, quæ ita initium et complementum a iudiciis accipiunt et de his largimur, ea prælegi debere, per rationem, quod constare debeat de voluntate, et inter ea, quæ extraiudicialiter incepta præscripta, prælecta (adde legitime) et post iudici oblata fuerunt; quæ posteriora perfecta esse possunt perfectione prima, licet præsentis iudicis tenor eorum non sit repetitus. Et quanquam utraque iudicialia sint et æqualem vim habeant, id tamen differentie inter ea est, quod priora prælectionem desiderant, posteriora non æque, cum in posterioribus cesset ratio, quæ erat in prioribus. Hactenus responsum. Sed dicis porro, testamentum iudiciale apud acta conditum absque testibus valet, COTHMAN. vol. 5. R. 8. n. 47. et R. 11. n. 579. RICHT. ad l. 19. C. de test. n. 20. et 21. nec in eo solennitates iuris ciuilis requiruntur MYNSING. cent. 6. obs. 29. n. 5. Respondeo, hoc est intelligendum de requisitis nudam solennitatem respicientibus, immo ipsi iudices supplent defectum testium, quia hi publica pollent fide. Inde vero inferri nequit, prælectionem iudicalem non esse necessariam. Neque in iudicali diuersa ratio statui potest, seu putat Dn. ERSCHL, id quod iam euicimus.*

§. XLVIII. Quam varie autem in casu, in citato tractatu pronunciauerint Icti, ex ipso tract. videri potest, cui annexæ sunt ipsæ sententiæ. Ad maiorem illustrationem eorum, quæ hactenus fusiùs dicta sunt, coronidis loco quamdam

dam ex illis adiiciamus, quam Dn. ERSCHEL, sub lit. G. G. et H. adiecit, ex qua sequentia excerpere placuit: demnach aber und dieweil aus dem anfangs ermelten Testament erhellet, daß die Testirerin weder schreiben noch lesen können, hingegen nirgends zu befinden, daß die von notario zu Papier gebrachte Verordnung eröffnet, von den Rechts-Personen oder in deren Gegenwart vor dem notario absonderlich vorgelesen, und sie darüber, ob solches ihr letzter Wille und Meinung, hernach vernommen worden, welches doch bei wehrter Rechts-Lehrer Meinung nach bey dergleichen Personen, wan anders das Testament gültig und beständig seyn soll, als ein necessarium requisitum erfordert wird, indem man sonst, ob dieses des Testatoris endlicher Wille gewesen, nicht gewiß seyn, ja leichtlich allerhand Betrug mit unterlaufen kan &c. Sub lit. H. verba sententiae huc quadrantia huc sequentia: Vor ein iudicial Testament mag es auch nicht gehalten werden, denn ob wohl die Testatrix dasselbe denen Gerichts-Personen, so sie zu sich erbitten lassen, in einem versiegelten Papier übergeben mit vermelden, daß darin ihr letzter Wille sey, dieweil sie aber schreibens und lesens unfähren, und nicht zu befinden, daß die Gerichte berührtes Testament eröffnet, der Testirerin vorgelesen, und sie darüber vernommen worden, dergleichen Testament vornehmer Rechts-Lehrer Meinung nach vor ungültig zu achten, daher man das gesprochene Urtheil zu confirmiren nicht vorüber gekunt.

§. XLIX. Denique casus superest, vbi testamentum a tertio conficitur eo idiomate, cuius testator peritiam non habet, veluti, si Germanus in Gallia Gallico idiomate conscribi curet ultimam voluntatem. Hic potest effectiue dici cæcus, cum non possit legere vel intelligere, quæ in

eo testamento scripta sunt. Proinde ex iisdem fundamentis requiritur, ut id quidem coram testibus huius linguae peritiam habentibus legatur, testatori vero exinde referantur contenta, ut cognoscere possit, an secundum eius voluntatem conceptum sit nec ne? Et ita etiam in Cancellaria Electorali Hannoverana in casu, quo Germani cuiusdam testamentum eo ipso impugnabatur, quod eo idiomate esset conscriptum cuius peritiam testator non habuisset, fuit iudicatum Anno 1691. Demnach sich befunden, daß der Verstorbene M. L. die Französische Sprache nicht verstanden, so hat Kläger gestalten Sachen nach, daß Besagter M. L. 1) den Inhalt der in Französcher Sprach errichteten disposition selber ausgesprochen, oder ihm deren Inhalt, nachdem sie aufgesetzt gewesen, treulich vorgehalten, und 2) er solche bekräftiget, gehörig zu erweisen und darzuthun etc.

§. L. Quæ de prælectione in testamento necessaria hic deduxi, iam Tuæ B. L. lectioni et censuræ committo, æquum a Te sperans iudicium.



Z.

943

005267251



866

1 6 40



